



221

PETRI
DE AQUILA
MINORITANI,
SCOTELLVS.

Vbi non tantum ad Scoti subtilitates, sed etiam
ad D. Thomæ, reliquorumque Scholastico-
rum doctrinam, facilis via paratur.

*Senescentis huius Aquila Iuuentutem Cl. Steph.
Nonelletius S. Theol. D. reuocauit.*

Additi sunt indices noui duo, quæstionum vnus,
rerum & verborum alter, copiosissimi.



PARISIIS,

Apud Nicolaum Niuellium, via Iacobæ,
ad insigne Columnarum.

M. D. LXXXV.

ALVIA

THE ALVIA

THE ALVIA

THE ALVIA

THE ALVIA

THE ALVIA

THE ALVIA

THE ALVIA

THE ALVIA

THE ALVIA

THE ALVIA

THE ALVIA

THE ALVIA

THE ALVIA

THE ALVIA

THE ALVIA

THE ALVIA

THE ALVIA

THE ALVIA

THE ALVIA

THE ALVIA

THE ALVIA

THE ALVIA

THE ALVIA

THE ALVIA

THE ALVIA

THE ALVIA

THE ALVIA

REVERENDO DOMINO
PHILIPPO PORTÆO TIRONII
Iosaphathique Abbati meritissimo
Cl. Steph. Nouelletius Sacrae Theol.
Doctor, S.

NON parum mirantur plerique
omnes, ecquid hoc sit nouæ rei
quod è castris literaturæ politio-
ris, Poëtice præsertim quæ tibi tantum de-
cûsque noménque parauit, ad Philosophos
& Theologos defecisse videaris, & eos
maximè quorum nomina delicatulis qui-
busdam auribus tam male sonant, vt D.
Thomam, tuas delicias, aspernentur; Sco-
tum, tuas illecebras, fastidiant; Albertos,
Durandos, Ockamos, Bielios, Bricotios,
Holkotios, formidolosi, perhorrescant. De-
sinent mirari, vt incipiant obstupescere, si
norint quantum solidæ eruditionis, exi-
guo tempore, ex istorum lectione tibi pa-
raueris. Ego vero cui alias idem quod ti-
bi, & si non itidem, contigit (non enim tam
feliciter) tantum abest vt mihi, quod tu

doctè facis, insolens videatur, quin potius, tuo plectus exemplo, ab aulicis tumultibus profugus, ad istos, per otium, sedulò reuifendos, iteratis vicibus, confugiam: Illis tamen ad tempus vale dicturus, Musasque suauiores, & fortasse Hymnotheam Poëticem, si tu ita iudicabis, mihi reconciliaturus, si quando Deus ad solitum concionandi munus, pro votis, ita me reuocare dignetur, vt velit antiquo rursus me includere ludo. Nō enim is sum qui intricatis ergotismorum retibus, è suggestu, simplices ouilis Christiani mentes illaqueari feram: neque itē is qui in scholastici certaminis palestra, ubi res est contenta doceri, nescio quam Rhetoricem Grammatisticam affectari probem. Ita-que dum mihi in neutram partem propendere, sed pro virili utrūque studium pari iugo ducere propositum est, tu, pro ingenij tui præstātia, vtriusque exercitij, si voles, Ecclesie Dei præclarum specimen exhi-

bebis, nempe cuius in manu est, si quando
 collibuerit, eum te præbere Ecclesiastem
 quem Oratores laudent, Philosophi suspi-
 ciant, Theologi venerentur, multi emulen-
 tur, per pauci assequantur, vniuersi admi-
 rentur: atque ita obmutescere facias im-
 prudentium hominum ignorantiam, qui
 ad quod, suæ scilicet sibi ignauia conscij,
 peruenire posse desperant, id vero potiori-
 bus denegatum videri volunt. Interim
 dum tu te nobis ita instruis, ac nos tanti
 huius boni expectatione sustentas, dum-
 que Regi optimo sedulam & fidelem ope-
 ram, cum tua summa laude præstas, ego
 hunc Petri Aquilani Scotellum, tui nomi-
 nis fœlicibus auspiciis, typis mandandum
 curavi, vt tu, immensa Scoti lectione ali-
 quando defatigatus, ceu in globulo Cos-
 mographico mundum, in hoc libello Scoti-
 cam vniuersitatem, leui deambulatione
 viâque compendiaria, citra negotium
 perlustrare possis. Apud te non indiget

EPISTOLA DEDICATORIA.

autor iste commendatione : tu illum magno satis applausu excipies , cum videris quantam Scoti tenebris lucem attulerit. Hunc, & eo quid amplius, tuæ in me benevolentiae debebam, quando & ego me tibi, quantulus sum, totum debere volo.

V A L E.

Benerabilis pater F. Ludouicus Benedictus Franciscanæ familiæ Ancenij præpositus, vir & eloquentia clarus & doctrina cōmendandus, mihi semper magnificere solebat Petri Aquilani Scotellum, quē cū vndique perquisitum nusquā reperirē, victus improbitate precū mearū Benedictus, pro nostra veteri amicitia, verustissimū huius authoris exēplar ad me Ancenio misit: quod dū auidē perlego, cœpit mihi subtili facilitate & facili subtilitate supramodum placere. Quapropter vobis gratificaturus persuasi facile Nicolao Niuellio & Ioāni Charronio, viris de typographia benemeritis, vt huius Aquilæ iuuentus, sua ipsorum opera, renouaretur. Quod dum exequi parant, ecce de repente nouum exemplar venetiis allatum illis in manus incidit: cui dum, absente me, elegantiore caræcterum Ichographia decepti, magis quam illi nostro veteri fidunt, factū est vt corrente iam rota, mendis aliquot venetiis huc deportatis, hic noster dum surgit opus, deturpatus fuerit, donec Charronius, prout est acri iudicio, inualefcenti morbo, ne serperet vltèrius, mederi cupiens, nostrum exēplar quamuis vetustate rancidum, vanquā postliminio reuocat, eūque ad istius fidem venetum examinat, videt, si illud vltra imitetur, futurum vt iam præterita in immensum multiplicentur errata

& id in eo potissimum quod codices Veneti, nec suo ordini, nec suis numeris respōderent. Hunc igitur, quem vobis damus, ex illo nostro vetere deinceps repurgat, periodos integras in Veneto sæpe desideratas, reponit; Quæstiones, quæstionūque articulos passim truncatos, refarcit; indicem nouum facit; & tandem pleraque omnia inuersa & peruersa, ex nostro veterano, quoad fieri potest, in ordinē cogit. Ignosci tamē sibi postulat, quod, se inuito, aliquot errata, in librum præcipue primum & secundum, irrepperunt, quorum præcipua ad calcem libri reposit. Oculatus lector reliqua facile supplebit. Valete.

INDEX QVÆSTIONVM

PETRI DE AQVILA.

COGNOMENTO SCOTELLI

ORD. MIN.

In Quatuor Libros Sententiarum.

IN PRIMVM LIBRVM

Quæstiones præambulæ.

Vtrum præter philosophicas disciplinas sit simpliciter necessarium homini aliquam doctrinam supernaturaliter inspirari. 1.
Vtrum Theologia sit de Deo vt de subiecto. 7.

Quot modis dicatur theologia.

Quid est de ratione primi subiecti scientiæ.

Quod deus non est subiectum in theologia sub ratione infiniti sicut ponit Henricus.

Quod deus non est subiectum theologiæ sub ratione attributali vt ponit Varro.

Quod deus non est subiectum in theologia sub ratione qua glorificator, & saluator vt dicit Egidius.

Vtrum theologia sit scientia. 13.

Quod theologia, nostra non est scientia subalter-nata vt ponit Thomas.

Quod theologia nostra non est scientia in lumine me-dio vt ponit Henricus.

Quid est de ratione scientiæ, & quomodo theologia est scientia secundum Scotum.

Vtrum theologia sit scientia practica vel speculatiua. 17.

Quid est praxis.

Quæ est differentia inter habitum practicum & spe-culatiuum.

Quod habitus non est practicus ex fine ut ponit Henricus.

Vnde habitus practicus dicitur practicus secundum Scotum.

Quod theologia non est scientia speculativa ut ponit Henricus.

Quod theologia non est affectiva ut ponit Egidius.

Quod theologia non est scientia practica & speculativa simul, ut ponit Thomas.

Nota per conclusiones quid sit dicendum ad questionem secundum Scotum.

DISTINCTIO PRIMA.

Verum fruitio sit actus voluntatis qui est dilectio, an sit passio recepta in voluntate puta delectatio. 27.

Quod dilectio & delectatio non sunt idem ut ponit Thomas.

Quod fruitio importat delectationem & dilectionem.

Quod fruitio non spectat principaliter ad actum intellectus ut ponit Egidius.

Quod fruitio est actus voluntatis.

Verum aliquid aliud à fine ultimo sit per se obiectum fruitionis. 31.

Quod nihil à fine ultimo est obiectum fruitionis ordinate ut dicit Avicena.

Quid est obiectum fruitionis in communi sumptum.

Verum fine ultimo clare viso necesse sit voluntatem frui eo. 34

DISTINCTIO SECUNDA.

Verum deum esse sit per se notum.

34

DISTINCT.

Quid est de ratione propositionis per se nota

Quod distinctio Thomæ de propositione per se nota est nulla.

Quod deum esse non est per se notum.

Quod est tantum unus deus.

Quod unitas dei est demonstrabilis.

Vtrum cum unitate essentie diuina stet trinitas personarum. 39.

Si in diuinis est aliqua productio intrinseca.

Quot sunt ibi productiones & si sunt eiusdē rationis.

Nota quod ibi rationes Thomæ & Henrici non concludunt.

Quod cum unitate essentie stet trinitas personarum.

DISTINCTIO III.

Vtrū ens in sua communitate acceptum dicatur vniuoce de deo & creatura. 46.

Quod ens habeat propriam conceptum.

Quod ens non est æquiuocum vt ponunt quidam.

Quod ens est vniuocum.

Quod ens non est analogum vt ponit D. Thomas.

Qualis est vniuocatio entis

Quod vniuocatio entis non excludit analogiam.

Vtrum quiditas rei materialis sit primum obiectum intellectus ex natura potentie. 57

Quod primum obiectum intellectus non est quiditas rei materialis vt ponit D. Thomas

Quod primū obiectū non est Deus, vt ponit Hēricus.

Quod primum obiectum intellectus non est ens sub ratione veri vt dicunt quidam.

Quod primum obiectum intellectus est ens inquan-

sum ens, ut ponit Scotus

Virum deus sit à nobis naturaliter cognoscibilis. 63.

Quod non valet distinguere de cognitione affirmatiua & negatiua ut ponunt quidam.

Quod primum cognitum primitate originis cognitione actuali confusa est species specialissima.

Quod primum cognitum primitate originis cognitione actuali distincta est ens.

Quod primo cognita virtualiter sunt communiora.

Quod primum cognitum primitate perfectionis simpliciter est deus.

Quod primum cognitum primitate perfectionis secundum proportionem sunt sensibilia.

Virum in parte intellectiua sit memoria habens speciem intelligibilem. 68.

Quod oportet ponere speciem in intellectu contra Henricum.

Qualiter intellectus conuertit se ad phantasinata ex quo habet speciem.

Virum in mente sit imago trinitatis. 74.

Quid est imago vel vestigium.

Respectu cuius in deo est imago.

In quibus potentiis est imago.

Quod illa potentia sunt idem realiter quod anima,
contra Thomam.

DISTINCTIO IIII.

Virum ista sit vera. Deus genuit alium deum. 78.

DISTINCTIO V.

DISTINCT.

Virum essentia diuina generet vel generetur. 80.

Quod essentia diuina non generet nec generetur
contra. abbatem Ioachim.

Quod vnitas diuinarum personarum non est collecti-
ua contra Ioachim.

Nota ibi de multiplici abstractione.

Virum filius generetur de substantia patris. 84.

Quod filius non est de substantia patris quasi de ma-
teria vt ponit Henricus.

Quod essentia diuina non generatur subiectiue

Quod essentia est formaliter terminus generationis.

DISTINCTIO VI.

Virum deus pater genuerit deum filium voluntate. 89

Si productio filij est naturalis.

Si pater producit filium voluntate.

Si producit filium necessitate, & qua necessitate.

DISTINCTIO VII.

Virum potentia generandi in patre sit aliquod absolutum
vel proprietas personarum. 94.

Nota ibi falsitatem opinionis D. Thomae & Henrici.

Virum generatio diuina sit equiuoca vel vniuoca. 99.

Quod potentia accipitur multipliciter.

DISTINCTIO VIII.

Virum veritas sit principalius in re vel in intellectu.

102.

Nota ibi circa hoc diuersas opiniones.

Virum deus sit immutabilis. 103.

Quod rationes septimi & octavi phisicorum de immutabilitate dei non concludunt.

Virum deus sit simplex per carentiam omnis compositionis. 106.

Quod in deo non sit compositio ex materia & forma.

Quod in deo non est compositio ex subiecto & accidente.

Quod in deo non est compositio ex genere & differentia.

Virum cum simplicitate diuina flet aliqua distinctio perfectionum attributalium ex natura rei. 110.

Nota ibi diuersas opiniones.

DISTINCTIO IX.

Virum generatio filij sit aeterna in diuinis. 117.

Sub qua ratione ponitur generatio in diuinis.

Quod generatio diuina est aeterna.

Quod eadem aeternitas numero est patris & filij.

Si cum aeternitate est aliqua prioritas patris ad filiū

DISTINCTIO X.

Virum spiritus sanctus producat per actū voluntatis. 120.

Quod in deo est voluntas sub ratione principij productiui.

Quomodo voluntas diuina est principium communicandi naturam.

Si in productione spiritus sancti est necessitas & libertas simul.

DISTINCTIO XI.

Virum spiritus sanctus procedat à filio. 125.

Virum si spiritus sanctus non procederet à filio distingueretur realiter à filio. 129.

DISTINCT.
DISTINCTIO XII.

Virum pater & filius spirent spiritum sanctum inquantum unum vel inquantum distincti. 131.

Si pater & filius sunt unum principium spiritus sancti.

Si pater & filius principiant uniformiter spiritum sanctum.

Virum generatio filij pracedat productionem spiritus sancti. 133.

Si in diuinis est aliqua prioritas.

Supposito si pater non generaret an posset producere spiritum sanctum.

DISTINCTIO XIII.

Virum generatio filij distinguatur à productione spiritus sancti. 135.

Nota diuersas opiniones quomodo distinguatur generatio & spiratio.

Virum generare, & spirare in patre sint idem realiter. 139.

DISTINCTIO 14. 15. & 16.

Virum in diuinis sit aliqua processio. 140.

Sub qua ratione ponitur in diuinis processio.

Quare processio appropriatur spiritui sancto.

Si processio passiva est idem realiter cum relatione constitutiva spiritus sancti.

Virum aliqua persona diuina mittat seipsam. 142.

Si missio accipitur multipliciter.

Quod in diuinis sunt aliqua essentialia aliqua rationalia aliqua mixta ex his.

Nota ibi contra magistrum sententiarum.

Virum spiritus sanctus aliquo tempore fuerit visibiliter missus. 145.

INDEX.

Quod spiritus sanctus non debuit mitti visibiliter tempore legis scripta.

Quod spiritus sanctus debuit visibiliter mitti tempore quo ecclesia fuit fundata.

Sub quibus speciebus spiritus sanctus fuit missus visibiliter.

DISTINCTIO 17. & 18.

Virum charitas sit aliquod creatum in anima. 146.

Nota ibi opiniones aliorum, & magistri.

Virum charitas vel quicumque habitus sit principium actuum respectu actus. 150.

Nota ibi quatuor diuersas opiniones.

Virum charitas augeatur. 253.

Qualiter charitas augeatur.

Nota ibi contra Thomam & Gosfredum.

Si charitas potest augeri in infinitum.

Si charitas potest minui.

DISTINCTIO 19.

Virum persone diuine sint aequales secundum magnitudinem. 160.

Quid est fundamentum aequalitatis.

Si aequalitas dicit relationem positiuam.

Si aequalitas plurificatur in diuinis.

Virum vna persona sit in alia per circum incessionem. 163.

DISTINCTIO 20.

Virum tres persone sint aequales in potentia. 167.

Quot modis sumatur potentia.

Si in deo est potentia actiua ad extra.

Virum potentia generandi cadat sub omnipotentia. 171.

Nota ibi contra Egidium de potentia generandi.

DISTINCTIO 21.

Virum

DISTINCT.

Verum ista sit vera, solus pater deus est. 174.

Si relatiuum est de primario conceptu relatiui.

Si dictio exclusiua addita vni relatiuo excludat aliud.

Nota ibi tres regulas de actionibus exclusiuis.

DISTINCTIO 22.

Verum deus sit nominabilis à nobis. 178.

DISTINCTIO 23.

Verum persona sit nomen prima, vel secunda intentionis 180.

Quid est persona & quid est secunda intentio.

Quod persona non dicit nomen secunde intentionis ut dicit Varro.

Verum ens & vnum dicant eandem rem. 182.

Nota ibi opiniones Auicenne & commentatoris.

DISTINCTIO 24. & 25.

Verum in diuinis sit proprie numerus. 186.

Si numerus habeat aliquam entitatem extra animam.

Si numerus habeat aliquam unitatem, & quæ est illa.

Verum persona in diuinis dicat substantiam vel relationem. 179.

Quod persona non dicit relationem originis.

Quod persona non dicit relationem communem.

Quod persona non dicit quiditatem.

DISTINCTIO 26.

Verum persona diuina constituentur in esse personali per relationes originis. 191.

Nota ibi diuersas opiniones.

DISTINCTIO 27.

Verum verbum mentis creata sit actualis intellectio. 196.

Si verbum sensibile principaliter significet conceptum

mentis, vel rem extra.

Quod verbum nostrum non est notitia declarativa
vt dicit Henricus.

Virum verbum diuinum dicat quid essenziale vel no-
tionale. 200.

Distinctio 28. & 29.

Virum ingenitum sit proprietas patris. 202.

Quod ingenitum accipitur multipliciter.

Virum innascibilitas sit proprietas constitutiva patris.
204.

Nota circa hoc diuersas opiniones.

Virum in diuinis sit ratio principij. 208.

Quomodo principium sumitur vt dicitur ad intra
& ad extra.

Distinctio 30.

Virum deus referatur realiter ad creaturas. 209.

*Nota ibi quod rationes Henrici & D. Thome non
concludunt.*

*Virum noua relatio creatura ad deum exigit nouam re-
lationem dei ad creaturam.* 213.

Quod creatura de nouo refertur ad deum.

Quando exigitur noua relatio in deo ad creaturas.

*Quod deus determinat relationem creaturarum ad
ipsum sub ratione absoluta.*

Distinctio 31.

Virum aequalitas in diuinis sit relatio realis. 216.

Si aequalitas est relatio realis in creaturis.

Distinctio 32.

Virum pater sit sapiens sapientia genita. 221.

Virum pater & filius diligant se spiritum sancto. 223.

Nota ibi diuersas opiniones.

Distinctio 33. & 34.

DISTINCT.

*Virum proprietas relatiua in diuinis sit totaliter idem
quod essentia.* 225.

*Quod proprietas nō distinguitur realiter ab essentia
vt dicit Durandus.*

*Quod proprietas non differt precise secundum ratio-
nem ab essentia vt ponit Thomas.*

*Quod proprietas non distinguitur formaliter ab es-
sentia vt ponit Scotus.*

Virum persona sit idem quod essentia. 231.

Distinctio 35.

Virum deus cognoscat aliud à se. 232.

Quod in deo est formaliter intellectus.

*Quod opinio commentatoris de intellectione dei res-
pectu aliorum à se est falsa.*

Distinctio 36.

Virum idea sint ponenda. 237.

Quid est idea, & in quo sunt idea.

*Qualiter sunt posita idea, si in essentia diuina, vel
alibi.*

Virum omnia cognita à deo habeant ideam in eo. 241.

*Quod omnia positiua habeant ideam contra D. Tho-
mam, & Henricum.*

*Virum creatura in quantum cognita à deo habeant ali-
quod esse reale ab aeterno.* 243.

Distinctio 37.

Virum deus sit vbique. 245.

Per quod formaliter deus est vbique.

Si esse vbique est proprium dei.

Quot modis dicitur deus esse vbique.

Distinctio 38.

Virum scientia dei sit causa rerum. 249.

Virum habeat scientiam futurorum contingentium. 251.

INDEX

*Si deus cognoscit contingentia, & qualiter.
Si scientia dei de contingentibus est fallibilis.*

DISTINCTIO 39.

Utrum in vniuerso eueniant aliqua contingententer. 255.

Qua est prima causa contingentia.

Utrum deus habeat scientiam necessariam de contingentibus. 258.

Quomodo voluntas dei potest se determinare ad opposita sine mutatione.

DISTINCTIO 40. & 41.

Utrum predestinatus possit damnari. 260.

Si deus potest aliquem de nouo predestinare.

Utrum sit aliquot meritum predestinationis.

DISTINCTIO 42.

Utrum deus habeat potentiam infinitam, 265.

Utrum deum esse omnipotentem possit probari ratione naturali. 268.

DISTINCTIO 43.

Utrum deus possit facere infinitum in actu. 271.

Utrum inter quasunque species vniuersi deus possit facere speciem mediam. 274.

DISTINCTIO 44.

Utrum deus potuerit facere mundum meliorem. 276.

DISTINCTIO 45.

Utrum deus velit aliud à se. 278.

Quòd in deo est voluntas.

Utrum deus velit malum fieri. 280.

Quod malum tripliciter.

DISTINCTIO 46.

Utrum voluntas diuina sit mutabilis. 281.

Quod voluntas diuina accipitur multipliciter.

Utrum voluntas beneplaciti in deo seper impleatur. 283.

DISTINCT.
DISTINCTIO 47.

Virum aliquid eueniat in vniuerso præter dei voluntatem. 284.

Virum deus possit præcipere malum. 286.

Quod malum accipitur multipliciter.

DISTINCTIO 48.

Virum voluntas creata cõformis volũtati diuina semper sit recta. 287.

TITVLI LIBRI SECVNDI

sententiarum.

DISTINCTIO PRIMA.

Vtrum omnia sint à primo tanquam à causa effectiua. 289.

Quod prima causa est inefficibilis.

Quod prima causa est necesse esse.

Quod est vna tantum.

Quod prima causa habet potentiam infinitam.

Quod potest creare.

Si mandus est à prima causa effectiue ab æterno.

Virum aliquid aliud à deo possit esse sine principio durationis. 299.

Si stante isto mundo deus possit alium mundum producere.

Virum productio creaturarum presupponat productionem personarum. 304.

Primo quantum ad esse reale.

Secundo quantum ad esse intelligibile.

Tertio si per impossibile esset tantum vna persona se posset creare.

Virum relatio creature ad deum sit eadem suo fundamento. 309

INDEX

Si esse relationis sit in anima, vel extra animam.
Si relatio generaliter sumpta sit eadem suo fundamento.

Vtrum creatura possit creare. 316.

Vtrum angelus & anima differant specie. 314.

Si angelus est nobilior quam anima.

Distinctio 2.

Vtrum angeli mensurentur tempore vel aeo. 328.

Quid est tempus.

Quid est aeuum.

Si in aeo est successio.

Si esse angelorum mensuretur tempore vel aeo.

Si operationes angelorum mensurentur tempore vel aeo.

Vtrum angelus sit in loco. 334.

Quid est locus.

Si angelus potest esse in loco indiuisibili.

Si plures angeli possunt esse in eodem loco.

Vtrum vnus angelus possit moueri motu locali. 341.

Quid est motus.

Qualiter se habet motus ad formam acquisitam.

Si angelus mouetur.

Quibus motibus mouetur.

Si indiuisibile potest moueri.

Distinctio 3.

Vtrum in angelo cadat aliqua compositio. 349.

Quid est compositio & quot sunt gradus compositionis.

Si in angelo sit compositio quantitativa ita quod sit corporeus.

Si angelus est compositus ex subiecto & accidente.

Si angelus est compositus ex essentia & esse.

Si angelus est compositus ex materia & forma.

DISTINCT.

- Si angelus est compositus ex genere & differentia.*
Verum substantia materialis sit individua per aliquam
entitatem propriam naturam determinantem ad sin-
gularitatem. 360.
- Si natura est seipsa individua.*
Si natura est individua per negationem.
Si natura est individua per quantitatem.
Si natura est individua per materiam.
Si natura est individua per entitatem propriam qua
dicitur gradus intrinsecus natura.
Verum in una specie sint plures angeli solo numero dif-
ferentes. 372.
- Verum angelus cognoscat se per essentiam suam.* 377.
- Quid est causa intellectiōis.*
Quid est principium causa intellectiōis.
Verum ad hoc quod angelus distincte cognoscat quidi-
tates creatas alias à se habeat distinctas rationes co-
gnosendi eas. 387.
- Verum angelus cognoscat res sensibiles per species inna-*
tas, vel acquisitas. 393.
- Verum in parte intellectuina ponatur sensus propter ab-*
sentiam obiecti, vel propter possibilitatem intelle-
ctus. 400.
- Verum angelus naturali dilectione possit diligere deum*
plus quam se. 403.

Distinctio 4.

- Verum angelus potuit peccare.* 405.
- Si potuit peccare ab instanti suae creationis qua fuit*
causa defectionis.

Distinctio 5.

- Virum angelus prius meruerit suam beatitudinem quam*
acceperat. 410.

INDEX

Virum malus angelus potuerit appetere aequalitatem dei. 413.

Distinctio 6.

Virum peccatum luciferi fuerit superbia formaliter 415.

Nota ibi multiplicem actum voluntatis.

Distinctio 7.

Virum malus angelus necessario mala velit. 418.

Nota ibi multiplicem bonitatem & malitiam. ibid.

Virum angelus possit inducere veras formas. 423.

Distinctio 8.

Virum angelus possit assumere corpus in quo exercet opera vita. 426.

Quid est angelum assumere corpus.

Quale corpus assumit.

Qualia opera ibi exercet.

Per quam potentiam corpus assumptum mouet.

Virum daemones possint ludificare sensus nostros. 431.

Quomodo se habet visus ad potentias sensitivas, & apprehensiuas.

Distinctio 9.

Virum angelus possit loqui alteri angelo. 434.

Nota ibi improbationem opinionis Henrici de cognitione vniuersalis & particularis.

Quid angelus loquens gignat in intellectu audiētis.

Quomodo angelus possit loqui vni & non alteri.

Virum vnus angelus possit alterum illuminare. 439.

Distinctio 10.

Virum omnes angeli mittantur. 443.

Distinctio 11.

Virum angelus custodiens possit aliquid causare in intellectu hominis custoditi. 444.

DISTINCT.

Si quilibet homo habet angelum custodem sui.

Si anticristus habebit angelum custodem sui.

Si angelis est controuersia sicut in hominibus custoditis.

Si dolent de hominibus perditis quos custodiunt.

Distinctio 12.

Vtrum materia dicat entitatem positiuam distinctam à forma realiter. 448.

Vtrum materia virtute diuina possit esse sine forma. 452

Distinctio 13.

Vtrum lux fuerit creata à prima die. 456.

Quid est lux.

Quid est lumen.

Qualiter lumen gignatur à luce.

Qualiter lumen multiplicetur, & sit in medio.

Quomodo lux fuerit creata.

Quid de ista luce factum sit.

Distinctio 14.

Vtrum calum sit compositum ex materia & forma. 459.

Si calum est de natura quatuor elementorum.

Si calum est animatum.

Si materia cali & inferiorum sunt eiusdē rationis.

Si materia habet aliquam extensionem ab extensione quantitatis.

Vtrum calum moneatur ab intelligentia creata. 465.

Si actiones creaturarum totaliter sint à Deo vel à creatura.

Distinctio 15.

Vtrum in mixto maneant elementa in actu secundum suas formas substantiales. 468.

Si omnia elementa veniant ad generationem mixti.

Vtrum anima sensitiua in bruto sit extensa. 472.

Distinctio 16.

Utrum voluntas & intellectus sit idem quod essentia anima. 473.

Distinctio 17.

Utrum paradisus terrestris sit locus cōueniēs homini. 479

Utrum in homine sit alia forma substantialis præter animam intellectuam. 480.

Si anima intellectiua sit forma hominis.

Distinctio 18.

Utrum in materia sit ratio seminalis ad formam naturaliter educendam de ipsa. 485.

Quid sit ratio seminalis.

In quibus ponitur.

Ad quid ponitur.

Utrum sit vnus intellectus numero in omnibus. 490.

Distinctio 19.

Utrum homines in statu innocentie fuissent immortales. 495.

Quid de immortalitate corporis & anima.

Distinctio 20.

Utrum in paradiso terrestri fuisset filiorum propagatio per copulam carnalem. 499.

Qualis sit superfluitas seminis.

Quæ virtus sit in spermate maris, & femina.

In quanto tempore formetur fœtus.

Quæ membra primo formentur.

Vnde causatur tanta diuersitas carnis & ossium.

Quare aliquæ pariunt in maiori, aliquæ in minori tempore.

Quare natus in septimo mense, & in nono vinit, & in octauo non.

Quare aliquando generatur mas aliquando femina.

DISTINCT.

*Quod in statu innocentia fuisset propagatio filiorū,
& quomodo.*

*Quod fuisset equalis multiplicatio virorum, &
mulierum.*

Quod ibi fuerit virginitatis amissio.

*Quod filij generati non habuissent statim perfectum
vsum membrorum.*

Distinctio 21.

Virum peccatū primi hominis potuit esse veniale. 505.

*Virum peccatum primi hominis de facto fuerit grauis-
simum. 507.*

Quale fuit peccatum Adæ.

Quantum fuit graue.

Quis plus peccauit an Adam, vel Eua.

Distinctio 22.

*Virum peccatum primorum parentum fuerit ex igno-
rantia. 509.*

Quod virtutes & vitia sint in potestate nostra.

Quod ignorantia accipitur multipliciter.

Si ignorantia excuset peccatum.

Distinctio 23.

*Virum deus possit facere voluntatem creatam impecca-
bilem per naturam. 511.*

*Virū Adam in statu innocentia viator existens potue-
rit habere per potentiam diuinam notitiam intuiti-
uam de diuina essentia. 514.*

Distinctio 24.

*Virum voluntas neceßitetur respectu vltimi finis vel
sit libera. 516.*

Virum voluntas sit nobilissima potentiarū anima. 519.

Distinctio 25.

Virum in deo sit liberum arbitrium. 524.

INDEX

Utrum aliud à voluntate causet effectiue actum in voluntate. 525.

Distinctio 26.

Utrum gratia sit principalius in essentia animæ, vel in potentia. 528.

Distinctio 27.

Utrum gratia sit virtus. 531.

Quid sit virtus, & quot modis sumatur.

Qualiter gratia vel habitus se habeat ad actum elicitum.

Distinctio 28.

Utrum liberum arbitrium hominis sine gratia possit vitare omne peccatum mortale. 535.

Nota hic multa de gratia gratis data, & de gratia gratum faciente.

Distinctio 29.

Utrum primus homo in statu innocentie habuerit gratiam. 538.

Si habuerit iustitiam originale.

Si habuerit iustitiam ad virtutes mortales.

Quomodo gratia se habeat ad gloriam.

Distinctio 30.

Utrum aliquid de alimento transeat in virtutem humanæ naturæ. 540.

Distinctio 31.

Utrum anima contrahat peccatum originale à carne infecta concupiscibiliter seminata. 541.

Distinctio 32.

Utrum in baptismo remittatur peccatum originale. 542.

Distinctio 33.

DISTINC.

*Virum paruulis cum originali decedentibus debeat
pœna sensus.* 543.

Si peccata parentum transeant in filios.

Si peccatum originale sit vnum vel plura.

Si est aequaliter in omnibus.

Distinctio 34.

Virum peccatum sit à bono vt à causa. 547.

Distinctio 35.

Virum peccatum sit per se corruptio boni. 550.

Distinctio 36.

Virum actio sit in agente. 551.

Nota bonas distinctiones de actione.

Distinctio 37.

Virum peccatum possit esse à Deo. 559.

*Virum euentus fortuiti reducantur ad aliquam causam
per se.* 555.

Nota ibi multa de fortuna si est, & quid sit.

Distinctio 38.

Virum intentio sit actus solius voluntatis. 558.

*Virum voluntas possit se mouere contra iudicium ratio-
nis.* 559.

Distinctio 39.

Virum conscientia sit in intellectu vel in affectu.
560.

Si conscientia sit actus, vel habitus.

*Si conscientia erronea obliget ad faciendum quod
dicat.*

Virum synderesis sit in intellectu, vel in affectu.
562.

Distinctio 40.

Virum omnis actus sit bonus ex fine. 563.

Virum omnis actus exterior bona intentione fa-

INDEX

Etus sit meritorius. 564.

Distinctio 41.

*Virum possit esse aliquis actus humanus indifferens ad
bonitatem & malitiam.* 565.

Distinctio 42.

Virum in cogitatione possit esse peccatum. 567.

*Quod peccatum formaliter & primo est in sola vo-
luntate.*

*Quomodo peccatum sit in cogitatione, locutione, &
operatione.*

Quomodo cogitatio subsit imperio voluntatis.

*Virum actus purus interior, & exterior sint duo pec-
cata.* 571.

Distinctio 43.

Virum voluntas possit peccare in spiritum sanctum.
ibid.

Si peccatum in spiritum sanctum sit gravissimum.

Si est remissibile.

Quot sint peccata in spiritum sanctum.

Distinctio 44.

Virum potentia peccandi sit a deo. 574.

TITVLI TERTII SEN- tentiarum.

DISTINCTIO PRIMA.

D I S T I N C T.

Vtrum incarnatio sit possibilis. 575.
Nota ibi diuersas opiniones declarantes
possibilitatem incarnationis.
Item nota quid addat persona, vel sup-
positum supra naturam.

Virum vna persona possit incarnari sine alia. 581.
Nota ibi quid formalis sit ratio terminandi incar-
nationem.

Virum tres persone possint assumere eandem naturam
numero. 582.
Nota ibi diuersas opiniones & quæ sit probabilior.

Distinctio 2.

Virum si homo non peccasset deus incarnatus fuisset.
587.

Nota ibi contra opinionem D. Thomæ.

Virum deus possit assumere naturam rationalem quæ
non frueretur eo. 589.

Nota ibi contra D. Thomam, & Henricum.

Virum deus possit assumere naturam rationalem. 592.

Distinctio 3.

Virum beata virgo Maria fuerit concepta in originali
peccato. 596.

Virum corpus Christi fuerit subito formatum seu in in-
stanti. 600.

Nota ibi in quanto tempore formetur fetus, & quæ
membra primo formentur.

Distinctio 4.

INDEX

*Vtrum virgo beata fuerit aliquid operata actius in cō-
ceptione filij sui.* 602.

Si virgo beata sit Dei genitrix appellanda.

Vtrum Christus possit dici filius spiritus sancti. 605.

Distinctio 5.

*Vtrum natura diuina assumpserit, vel assumere potuerit
naturam humanam.* 606.

Nota ibi diuersas opiniones.

Vtrum persona assumat vel assumere possit personam.
609.

Distinctio 6.

Vtrum in Christo sint plura esse. 611.

Nota ibi multa contra D. Thomam.

Distinctio 7.

Vtrum ista sit vera Deus est homo. 615.

*Nota ibi diuersitates propositionum per se & per ac-
cidents.*

Vtrum hac sit vera deus est factus homo. 619.

Distinctio 8.

*Vtrum plura accidentia eiusdem speciei possint esse si-
mul.* 620.

Nota ibi contra D. Thomam & Henricum.

Vtrum Christo sint dua filiationes reales. 620.

Nota ibi contra Thomam.

Item nota quid sit filiatio.

Distinctio 9.

*Vtrum Christo debeat latria secundum naturam hu-
manam.* 629.

Nota ibi quid sit latria, dulia & yperdulia.

Nota ibi multa de adorationibus.

Distinctio 10.

Vtrum Christus secundum quod homo sit persona. 631.

Nota

DISTINC.

Nota ibi multa de dictionibus reduplicatiuis.

Virum Christus sit filius dei adoptiuus. 635.

Distinctio 11.

Virum hac sit vera Christus est creatura. 636.

Virum hac sit vera Christus incepit esse. 639.

Distinctio 12.

Virum Christus potuerit peccare. 641.

Virum deus potuerit aliunde assumere hominem quam de genere Ada. 644.

Nota ibi quare deus non debuerit assumere hominem de sexu semineo.

Distinctio 13.

Virum anima Christi fuerit collata gratia summa. 645.

Nota ibi quot modis dicatur summum.

Item si sit possibile dari gratiam summam.

Distinctio 14.

Virum intellectus anima Christi possit videre omnia verbo quæ videt verbum. 649.

Nota ibi contra opinionem D. Thomæ, & contra opinionem Henrici.

Virum anima Christi nouerit omnia in genere proprio. 654.

Nota ibi contra D. Thomam, & Henricum.

Item nota duplicem notitiam scilicet intuitiuam, & abstractiuam, & differentiam inter eas.

Item nota si species quæ ponuntur in intellectu, sint

• species quidnatum an singularium.

Distinctio 15.

Virum in anima Christi fuerit simul dolor, & gaudium. 658.

Nota ibi diuersas opiniones.

Itē quid sit dolor, & quid tristitia, & unde causetur.

an si contraria possint esse in eodem.

Distinctio 16.

Virum Christus habuerit necessitatem moriendi. 663.

Nota ibi si Christus acceperit omnes defectus humana natura.

Virum in potestate animae Christi fuerit non mori ex violentia passionis. 667.

Distinctio 17.

Virum in Christo sint duae voluntates. 669.

Si voluntas creata Christi semper fuerit conformis voluntati divinae.

Virum decuerit Christum orare. 672.

Si in omni sua oratione fuerit exauditus.

Distinctio 18.

Virum Christus meruerit in primo instanti sua conceptionis. 673.

Nota ibi si Christus meruerit, & quando, & si meruerit sibi aliquid.

Distinctio 19. & 20.

Virum Christus meruerit nobis gratiam & gloriā. 679.

Nota quomodo Christus meruerit efficaciter & sufficienter.

Item nota quae sint illa quae Christus nobis meruit.

Virum necessarium fuerit genus humanum reparari per mortem Christi. 682.

Nota ibi conclusiones Anselmi licet videantur dubiae.

Distinctio 21. & 22.

rum corpus Christi fuisset putrefactum, si resurrectio non fuisset accelerata. 685.

Nota ibi quid sit putrefactio.

Item quare corpus Christi non fuisset putrefactum, & si nono miraculo an antiquo.

DISTINCT.

Virum Christus in triduo fuerit homo.

687.

Nota ibi diuersas opinionones.

Item si materia sit de quiditate rei, an forma dicat totam quiditatem.

Distinctio 23.

Quid sit fides.

692.

Virum necesse sit ponere fidem infusam.

693.

Quod oportet ponere fidem infusam & acquisitam.

Si fides infusa & acquisita sint alterius rationis.

Si fidei possit subesse aliquod falsum.

Distinctio 24.

Virum de credibilibus reuelatis possit aliquis simul habere fidem & scientiam.

697.

Virum quilibet habens vsum rationis teneatur scire & credere omnes articulos fidei.

700.

Nota ibi qui & quot sint articuli fidei.

Distinctio 26.

Virum spes sit virtus theologica distincta à fide & charitate.

703.

Si spes sit virtus theologica.

Si spes sit distincta à fide & charitate.

Si spes sit prior charitate.

Distinctio 27.

Virum sit aliqua virtus theologica inclinans ad diligendum deum super omnia.

708.

Nota ibi si diligere deum super omnia sit actus de se rectus.

Si naturaliter possumus diligere deum super omnia.

Qua sit necessitas ponendi charitatem infusam.

Distinctio 28. & 29.

Virum charitas sit maxima virtus.

713.

INDEX

*Virum secundum ordinem charitatis magis diligendi
sint parentes quam filij.* 715.

Distinctio 30.

Virum omnia sint diligenda ex charitate. 716.

Nota ibi quomodo demones & damnati, & viuentia, & non viuentia sint diligenda ex charitate.

Distinctio 31.

Virum charitas remaneat in patria, an euacuetur.

Nota ibi si fides, & spes euacuabitur in patria.

Item nota si actus charitatis in via & actus charitatis in patria sint eiusdem rationis.

Distinctio 32.

Virum deus diligat omnia aequaliter. 722.

Virum Christus magis dilexerit Ioannem quam Petrum 724.

Distinctio 33.

Virum virtutes morales sint subiective in voluntate an in parte rationali. 726.

Nota ibi unde generentur virtutes morales & quae sint.

Distinctio 34. & 35.

Virum dona spiritus sancti differant a virtutibus. 731.

Nota ibi quot sint dona spiritus sancti & quae.

Distinctio 36.

Virum virtutes morales sint connexae inter se. 736.

Item si sit una prudentia tantum respectu omnium virtutum moralium.

Item si virtutes morales sint connexae cum prudentia.

Item si virtutes morales sint connexae theologicis.

Virum omnia praecepta decalogi sint de lege naturae. 742.

Nota ibi quae & quot sint praecepta decalogi.

Qualiter praecepta decalogi sint distincta in tabulis.

D I S T I N C T.

Verum omne mendacium sit peccatum. 745.

Nota ibi quot modis accipiat^r mendaciū & quando sit peccatum mortale & quando non.

Distinctio 39.

Verum periurium sit peccatum mortale. 748.

Nota ibi quot modis accipiat^r iuramentum.

Item quid sit maius peccatum per^rurium an homicidium.

Distinctio 40.

Verum lex noua sit grauior lege veteri. 750.

TITVLI QVAESTIONVM

quarti libri sententiarum.

DISTINCTIO PRIMA.

V*trum illa sit ratio diffinitiva sacramenti quam ponit magister in littera.* 752.
Cuius entis sit diffinitio cuius non.
An sacramenti sit diffinitio.

Dato quod sit, quanam sit illa.

Verum pro tempore cuiuscunque legis data a deo debuerit institui aliquod sacramentum.

Ibidem nota quatuor conclusiones de necessitate sacramenti a deo instituti iuxta diuersos status & leges quoque diuersificati. 757.

Virū noua legis sacramenta gratia sint effectiua. 759.

Ibi nota opinionem D. Thome & rationes eius, deinde opinioⁿem doctoris subtilis cum dissolutione rationum D. Thome.

Verum in circumcissione remittebatur peccatum originale. 763.

Nota ibi tres conclusiones quomodo per circumcissionem quæ ad tempus legis natura non pertinebat remittebatur originale, quæque tempore Iosua magis quam Moyfi fuerit confirmata.

Utrum ex vi circumcissionis conferebatur gratia. 764.

An de potentia Dei absoluta possit remitti culpa originalis sine gratia infusione.

An hoc idem fieri possit de potentia dei ordinata.

An in circumcissione collata fuerit gratia.

Utrum tempore legis natura fuerit aliquod sacramentum correspondens circumcissioni. 764.

Vide tres conclusiones de hoc, scilicet, quæ fuerint sacramenta tempore legis natura, & quemadmodum deserit circumcisio.

Distinctio 2.

Utrum septem sint nouæ legis sacramenta. 771.

Vide tres conclusiones de nobilitate & perfectione septem sacramentorum legis euangelicæ à deo institutorum.

Utrum sacramenta legis nouæ habeant efficaciam à Christi passione. 774.

Vide duas conclusiones quomodo sacramenta habeant efficaciam à solo deo ut à causa principaliter causante, & à Christi passione sicut à causa meritoria.

Utrum baptizatus baptismo Ioannis teneatur necessariò rebaptizari baptismo Christi. 777.

Vide tres conclusiones à quo & ad quid fuerit institutus Ioannis baptismus, & quæ fuerit eius efficacia.

Distinctio 3.

Utrum illa sit ratio diffinitiuæ baptismi quæ ponit magister in littera. s. inunctio corporis exterior. 779.

DISTINCT.

Vide tres conclusiones quomodo baptismi aliqua & qua sit diffinitio.

Virum illa sit forma baptismi. Ego te baptizo in nomine patris & filij & spiritus sancti. 781.

Si aliqua sit forma baptismi.

Qua sint illa verba.

An ista verba possint mutari sine baptizati periculo.

Virum sola naturalis aqua pura conueniens sit baptismi materia. 784.

Nota tres conclusiones quod sola naturalis aqua, & non artificialis sit materia.

Distinctio 4.

Virum paruuli sint baptizandi. 786.

Nota opinionem pelagianorum, deinde veram & catholicam cum dissolutione rationum haeticorum.

Virum paruuli recipiant effectum baptismi. 790.

Vide tres conclusiones de tribus qua recipiant in baptismo paruuli fidem infusam, caracterem, & gratiam gratum facientem.

Virum adulti recipiant effectum baptismi. 792.

Ibi nota quatuor articulos secundum quaternariam adulti diuersitatem & conditionem.

Distinctio 5.

Virum iustificati teneantur baptizari. 795.

An iustificati debeant baptizari.

An omnes baptizati aequaliter recipiant effectum baptismi.

Virum soli sacerdotes possint baptizare. 798.

Nota tres articulos quomodo congruat solum viatorem & sacerdotem baptizare.

In necessitatis verbo siue mortis articulo quolibet.

Virum mali sacerdotes possint baptizare. 800.

Distinctio 6.

Virum in baptismo imprimatur caracter. 803.

Nota tres articulos quid importetur, nomine caracteris.

An in baptismo caracter imprimatur.

An caracter impressus forma sit delebilis vel indelebilis.

Virum caracter forma sit absoluta. 807.

Virum caracter forma sit respectiva. 809.

In quibus sacramentis imprimatur caracter.

An absoluta sit forma caracter.

Virum caracter sit in essentia animae ut in subiecto. 810.

Tres conclusiones secundum triplicitatem opinionum.

Distinctio 7.

Virum confirmationis sacramentum ad salutem sit necessarium. 812.

Tres conclusiones quomodo confirmationis sacramentum homini adulto sit necessarium, baptisma tamen praesupponens.

Virum in sacramento confirmationis conferatur gratia gratum faciens. 814.

Nota ibi tres conclusiones.

Virum sacramentum confirmationis possit iterari. 816.

A quo illud sacramentum conferatur.

Si illud iteratur.

Quae sit poena iterantis istud confirmationis sacramentum.

Distinctio 8.

Virum sacramentum eucharistiae sit sacramentum legis novae. 819.

Vide tres conclusiones. Eucharistia est sacramentum novae legis, Eucharistia est sacramentum excellentius

DISTINCT.

Et est vnum unitate integritatis, non indivisibilitatis.

Nota ibidem quadruplicem differentiã sacramenti Eucharistiæ, & aliorum nouæ legis sacramentorum,

Et nota quomodo corpus Christi capiatur dupliciter pro inclusione partium animatarum tantum, secundo pro inclusione partium qualiuncunque.

Utrum illa sit forma consecrationis corporis Christi, quæ ponitur in canone missæ, hoc est corpus meum. 821.

Distinctio 9.

Utrum sacramentum corporis Christi possit à non ieiunis recipi. 827.

Nota ibi quod illud sacramentum potest quadrupliciter sumi.

Utrum possibile sit corpus Christi sub specie panis & vini realiter contineri. 829.

Nota ibi quomodo corpus Christi de nouo est sine sui mutatione.

Item quomodo corpus Christi magnum possit contineri in hostia parua.

Utrum existens in peccato mortali peccet mortaliter sumendo hoc sacramentum. 834.

Distinctio 10.

Utrum idem corpus per aliquam potentiam possit simul esse in pluribus locis. 835.

Utrum corpus Christi possit esse simul in celo, & in Eucharistia. 842.

Utrum Christus in Eucharistia existens per virtutem naturalem possit transmutare aliud à se. 844.

Nota ibi distinctionem potentiarum animæ.

Utrum intellectus creatus possit naturaliter videre existentiam corporis Christi in Eucharistia. 845.

INDEX

*Virum existentia corporis Christi in Eucharistia possit
videri oculo corporali.*

Distinctio 11.

*Virum in transubstantiatione panis convertatur in cor-
pus Christi.* 851.

*Nota ibi quis est formalis terminus transubstantia-
tionis.*

Virum panis in illa conversione annihilatur. 857.

Qua est conveniens materia huius sacramenti.

*Virum solus panis triticeus cum aqua elementari coagu-
latus sit conveniens materia conversionis in corpus
Christi.* 858.

Distinctio 12.

Virum in Eucharistia sit aliquod accidens sine subiecto.
860.

Nota ibi si inherencia est de esse accidentis.

*Virum in Eucharistia quodcumque accidens sit sine sub-
iecto.* 865.

*Nota ibi si quantitas est perfectior qualitate
converso.*

Distinctio 13.

Virum sola actione divina possit confici corpus Christi.
870.

*Virum quilibet sacerdos possit conficere hoc sacramen-
tum.* 875.

Virum in omni loco sit licitum missam celebrare. 877.

*Nota ibi multa de vestimentis locis & aliis requi-
sitis ad missam.*

Distinctio 14.

*Virum poenitentia necessario requiratur ad deletionem
peccati mortalis.* 880.

Virum actus poenitendi requisitus ad deletionem pec-

cati sit actus alicuius virtutis. 885.

Virum poenitentia virtus sit tantum vnius poenae inflig-
tina. 886.

Nota ibi si per sacramentum poenitentiae remittatur
peccatum.

Distinctio 15.

Virum cuilibet peccato actuali mortali correspondeat
satisfactio propria. 888.

Virum quicumque iniuste abstulit rem alienam teneatur
illam restituere. 891.

Virum damni faciens alium in bonis corporis, vel animae
teneatur illa restituere. 894.

Distinctio 16. & 17.

Virum remissio culpa & infusio gratiae sint una sim-
plex mutatio. 896.

Virum sit necessarium ad salutem alicui confiteri om-
nia peccata sua sacerdoti. 899.

Nota ibi quo praecepto teneatur peccator confiteri &
quid illud praeceptum includat.

Distinctio 18. & 19.

Virum cuilibet sacerdoti in susceptione ordinis sacri
conferatur clavis regni caelestis. 904.

Virum potestas clauum se extendat ad excommunic-
ationem. 907.

Nota ibi quis potest excommunicare & pro quo est
excommunicatio facienda.

Distinctio 20. & 21.

Virum poenitentia in extremis valeat ad salutem. 911.

Virum post hanc vitam possit aliquod peccatum dimitti. 913.

Virum confessor in quocunque casu teneatur celare pec-
catum sibi in confessione detectum. 916.

Nota ibi quia lege censeatur confessor celare peccatum

sibi in confessione detectum.

Distinctio 22. & 23.

Virum peccata per pœnitentiam dimissa redeant eadem numero in recidivante. 918.

Virum extrema unctio sit sacramentũ nouæ legis. 923.

Distinctio 24. & 25.

Virum in ecclesia sint tantum septem ordines. 925.

Nota ibi diuersitatem opinantium si episcopatus est ordo, vel dicitur ordo.

Virum pœna canonica impediatur à susceptione & collatione ordinum. 929.

Nota ibi quid est pœna canonica.

Item quæ & quot sint pœna canonica.

Item qualiter pœna canonica infligantur.

Item qualiter pœna canonica tollantur.

Distinctio 26. & 27.

Virum matrimonium sit coniunctio maris, & fœmina. 933.

Nota ibi quomodo differant matrimonium & contractus matrimonij, & sacramentum matrimonij.

Item nota unde dicatur matrimonium.

Virum sit honestum marem & fœminam matrimonialiter coniungi. 936.

Virum matrimonium sit à deo institutum, & quando & qualiter fuit institutum. 939.

Distinctio 28. & 29.

Virum solus consensus expressis verbis de presenti faciat matrimonium. 941.

Virum consensus coactus sufficiat ad matrimonium contrahendum. 945.

Nota ibi multiplicem consensum requisitum ad matrimonium.

DISTINCT.

Distinctio 30. & 31.

*Virum consensus erroneus sufficiat ad contrahendum
matrimonium.* 948.

*Nota ibi si aliquis dicat verbo non tamen consensiat
nunquid contrahat matrimonium.*

*Vtrum inter Mariam & Ioseph fuerit verum matri-
monium.* 951.

*Nota ibi si aliquis vouens virginitatem potest con-
trahere matrimonium.*

*Vtrum ista tria sint bona matrimonij, scilicet fides, pro-
les & sacramentum.* 951.

Distinctio 32. & 33.

*Vtrum in matrimonio sit simpliciter necessarium redde-
re debitum petenti.* 955.

Nota ibi si actus coniugalis est semper sine peccato.

Vtrum bigamia aliquando fuerit licita. 959.

*Nota quomodo in bigamia potest esse iustitia com-
mutatiua sine aequalitate.*

Item quod bigamia non est contra legem naturae.

*Vtrum bigamus ante baptismum possit ad sacros ordi-
nes promoueri.* 962.

Nota causam irregularitatis in bigamia.

Vtrum virginitas sit virtus. 964.

Nota ibi multa & plura bona de virginitate.

Distinctio 34. & 35.

*Vtrum fuerit in lege Mosayca licitum repellere suae re-
pudiare viro uxorem suam.* 968.

Nota ibi qualis erat forma libelli repudij.

*Item quomodo in libello repudij vir & uxor non
erant pares.*

Vtrum impotentia coeundi impediat matrimonium. 971.

Vtrum adulterium cum aliqua viuente marito post mor-

tem mariti impediatur matrimonium. 974.

Distinctio 36. 37. & 38.

Utrum seruitus impediatur matrimonium. 975.

Nota ibi unde seruitus est introducta & si iuste est introducta.

Utrum ordo sacer impediatur matrimonium. 977.

Utrum votum continentiae impediatur matrimonium. 979.

Nota ibi qui sint qui possunt votum emittere.

Item quod votum continentiae est multiplex.

Distinctio 39. 40. 41. & 42.

Utrum dispar cultus impediatur matrimonium. 982.

Nota ibi si infideles possint contrahere matrimonium.

Utrum cognatio carnalis impediatur matrimonium. 986

Utrum affinitas impediatur matrimonium. 988.

Distinctio 43.

Utrum resurrectio generalis hominum sit futura. 990.

Utrum sit notum per rationem naturalem resurrectionem hominum esse futuram. 993.

Utrum corruptum possit redire idem numero. 997.

Distinctio 44.

Utrum resurrectio fiet in instanti. 1000.

Utrum ignis infernalis cruciet spiritus malignos. 1001.

Nota ibi diuersos modos quomodo spiritus potest pati ab igne infernali, vel purgatorii.

Utrum homines damnati crucientur igne infernali post iudicium. 1004.

Nota ibi quomodo corpora damnatorum patientur & non consumentur.

Distinctio 45. & 46.

Utrum sancti videant orationes nostras quas eis offerimus. 1007.

Nota ibi si Sancti orent pro nobis.

DISTINCT.

Vtrum in deo sit iustitia. 1010.

Nota ibi quid sit iustitia & quot modis sumatur.

Vtrum in deo sit misericordia. 1012.

Nota ibi quid sit misericordia.

Distinctio 47. & 48.

Vtrum iudicium vniuersale sit futurum. 1013.

Nota ibi si vniuersale iudicium erit in instanti vbi erit.

Vtrum mundus sit purgandus per ignem. 1016.

Vtrum post iudicium cesset motus corporum celestium.

Distinctio 49.

Vtrum corpora beatorum sint impassibilia. 1020.

Vtrum corpora beatorum sint agilia. 1023.

Vtrum corpus beati per dotem subtilitatis possit esse cū alio corpore. 1025.

Vtrum corpora beatorum sint clara. 1030.

Distinctio 50.

Vtrum damnati secundum rectam rationem possint appetere non esse. 1030.

Vtrum sit equalis pœna omnium damnatorum. 1033.

Vtrum beati videant pœnas damnatorum. 1036.

FINIS.



EXIMII THEO- LOGI PETRI DE AQUILA

dicti SCOTELLI

ORDINIS MINORVM CONVENTVA-
LIVM EX SANCTI BERNARDINI
prouincia in primum sententiarum
Quæstiones subtilissimæ.

PRIMO QVÆRITVR.

Vtrum præter philosophicas disciplinas sit simpliciter
necessarium homini aliquam doctrinam su-
pernaturaliter insperari?

Hot idem quæsum mouet Scotus in Prologo primi sent. q. 1.

D. Thomas prima parte q. 1. Artic. 1.

Ricardus primo sent. q. 1. Prolegi.

Franciscus de Mayr in Prologo primi sent. q. 21.

Baconstanus primo sent. q. 1. Prolegi.

QVÆSTIO PRIMA.



QVÆRITVR vtrum præter
philosophicas disciplinas sit
simpliciter necessarium homi-
ni aliquam doctrinam superna-
turaliter insperari? Videtur
quod non. Quia sensus non in-
diget aliqua cognitione super-
naturali, ergo nec intellectus,
consequentia probatur, quia
natura non deficit in necessa-

*3. de anima
context. 45.*

riis maximè in rebus perfectis. Sed intellectus est perfe-
ctior sensu, ergo &c. Præte. si esset necessaria aliqua talis
doctrina, hoc pro tanto esset, quia potentia esset impro-
portionata obiecto primo, ergo per aliquod aliud a se ei
proportionatur, & quæro de illo, quia vel est naturale vel

supernaturale. Si supernaturale, adhuc potentia est sibi improporcionata, si autem est naturale, totum id est potentia, & additum esset improporcionatum obiecto. In contrarium est Augustinus. Quæ inquit causa, cur ipsam lucem acie fixam videre non possis? non nisi infirmitas, & quis tibi eam fecit? non nisi iniquitas. Circa istam quæstionem sunt tres articuli. Primò ponetur opinio philosophorum. Secundo opinio theologorum. Tertio dicetur ad rationes philosophorum.

15. de trin.
cap. ultimo.

Opinio Ari.
& sequaciū.

1. met. c. 5.

4. met. cont.

2. & 16. &

2. per iherme-
nias ad finem

1. post. contex.

5.

1. post. con-
tex 6.

1. Phy cont.

2 & 4.

QVANTVM ad primum, dicunt philosophi, quòd non est necessarium homini pro statu isto aliquam doctrinam supernaturaliter inspirari, quia omnem scientiā sibi necessariam potest naturaliter acquirere. Quod probatur. Primò sic. Omnis potentia habens aliquod commune pro obiecto primo potest, in quodlibet contentum sub illo, sicut in per se obiectum, alias primum obiectum non esset adequatum. Quod patet in exemplo de potentiis sensitiuis, & ipsarum obiectis: sed primum obiectum nostri intellectus est ens, inquantū ens, per Auiennam. Ergo potest intellectus in quodlibet contentum sub ente sicut in per se obiectum, & per consequens circa quodlibet non ens, quia negationes cognoscuntur per affirmationes. Secundo sic, potens naturaliter cognoscere prima principalia in quibus includuntur omnes conclusiones scibiles potest naturaliter illas cōclusiones cognoscere, ex primo posteriorū, sed naturaliter possumus cognoscere prima principia, & in eis includuntur omnes conclusiones scibiles, ergo, &c. Probatio primæ partis minoris, principia cognoscimus inquantū terminos cognoscimus, & termini primorum principiorū sunt cōmunissimi, cōmunissima autē sunt maximè nota. Prob. secundæ partis minoris, termini primorum principiorum sunt communissimi, ergo equaliter distribuunt pro omnibus conceptibus inferioribus. Tertiò sic, quorumcunque necessariorum possumus terminos naturaliter cognoscere, & illa possumus naturaliter cognoscere, sed omnium necessariorum possumus terminos naturaliter cognoscere, ergo &c. Minor patet, quia eūdem conceptum quiditatum quem affirmat Christianus dicendo Deum, trinum, & vnum, paganus negat. Proba-

rio maioris, illa necessaria, aut sunt mediata, aut immediata, si immediata, ergo cognitis terminis cognoscuntur, & ipsa. Si autē sunt mediata, accipio medium & comparo ad aliud extremum, quousque deueniam ad terminos immediatos. quibus cognitis cognoscuntur, & illa quorum sunt. Quartò sic. in nobis est intellectus agens, qui est omnia facere, & passibilis qui est omnia fieri. Sed actiuus, & passiuus approximatis, & non impediti potest sequi actio. Ergo virtute intellectus agentis, & possibilis potest haberi cognitio cuiuscunque cognoscibilis.

3. de anim.
comex. 18.
et 9. met.
contex 10.
et inde.

Quinto sic, omni potentia passiuæ naturali correpondet aliqua potentia actiua in natura per quam reducitur ad actum, alias esset frustra, sed in nobis est sufficiens passiuum respectu cuiuscunque cognitionis, scilicet intellectus passibilis, ergo sibi correpondet aliquod actiuum in natura per quod simpliciter reducitur ad actum. Vltimò sic, omnis scientia est de ente, sed scientia humanitus inuenta euacuant totum conceptum entis, ergo nō est necessaria aliqua scientia præter eas,

1. celi, et mū.
di cōtra Platonem, et 3.
de anim. con-
tex. 18,

Quantum ad secundum articulum, theologi istā opinionem non tenent. Arguit contra eam Varro sic. Omne agens vtens instrumento in agendo non potest per illud instrumentum in actionem aliquam quæ excedat naturam illius instrumenti, sed anima vtitur lumine intellectus agentis tanquam instrumento, intellectus autem agens est limitatus ad cognitionem sensibilibus, ergo non potest anima per intellectum agentem, nisi insensibilia, multorum autem aliorum a sensibilibus est nobis cognitio necessaria, ergo &c. Ista ratio peccat, quia petit duo. Primò, quòd lumen intellectus agentis sit limitatum ad sensibilia. Secundo, quòd aliorum a sensibilibus sit nobis cognitio necessaria. Secundo arguit ad idem sic. Ordinatum ad aliquem finem ad quem consequendum est indispositum oportet paulatim promoueri ad consecutionem illius finis, sed homo pro statu isto est huiusmodi, ergo oportet paulatim promoueri ad consecutionem finis, hoc autem fit per cognitionem supernaturalem, ergo &c. Ista ratio peccat, quia petit in minori, quod quæritur in consequutione, sed probat per Isaiam cui non multum crederet Philoso-

Henri in sua
summa, et
Guilel. Varro
lib. 1. q. 2.

D. Thomas
1. par summ.
q. 1. ar. 1 in
sol. pri.

Esaiæ c. 64

*Tertia ratio
Authoris
contra philo-
sophos.*

*3. de anim.
contex. 30.*

1. Ethic. cap.

10.

*Notabile do-
cumentum
doctoris sub-
tilis contra
philosophos.*

1. Ethic. c. 13.

2. Phy. cont.

*49. 61. &
75.*

6. met. cont.

2.

phus. Potest addi contra philosophos vna tertia ratio
taliter, quando potentia sic se habent adinuicem, quod
qualis est comparatio secundae ad primam potentiam
talis est tertiae ad secundam, tunc si secunda non potest
moueri, nisi ab his quae sunt motiua primae: sequitur,
quod tertia non possit moueri, nisi ab his, quae sunt mo-
tiuua secundae, sed sic se habent fantasia, intellectus, &
sensus: & fantasia non mouetur, nisi ab his quae sunt mo-
tiuua sensus, ergo intellectus non mouetur, nisi ab his
quae sunt motiua fantasia. Multorum autem aliorum
est nobis cognitio necessaria per philosophum, ergo
&c. Quarto arguit Scotus sic. Omni agenti per cogni-
tionem necessaria est distincta cognitio sui finis: sed
homo est agens per sui cognitionem, ergo est sibi ne-
cessaria distincta cognitio sui finis. Sed hanc non potest
habere ex puris naturalibus, ergo &c. Minor pro sillo-
gismi probatur quia Philosophus sequens rationem na-
turalem, aut circa finem errat, aut dubius remanet. Vn-
de dubitando dicit, si aliquod est donum deorum ra-
tionabile est felicitatem esse. Et confirmans idem,
quia nullius substantiae proprius finis cognoscitur, nisi
ex eius actibus. Ex quibus habetur, quod talis finis est
conueniens tali naturae, sed nullos actus experimur in
nobis ex quibus cognoscamus visionem substantiarum
separatarum esse nobis necessariam, & conuenientem,
ergo &c. Quinto sic: Omni agenti propter finem ne-
cessaria est cognitio qualiter finis acquiratur, & eorum
quae requiruntur ad consecutionem sui finis, sed homo
agit propter finem, & non habet cognitionem prae-
dictorum, quia finis datur tanquam praemium pro meritis,
quae Deus liberè acceptat tanquam digna vita aeterna.
Vltimo sic. Cognitio substantiarum separatarum est
nobilissima, ergo cognitio eorum quae sunt eis propria
est nobis necessaria, sed hanc non possumus habere ex
puris naturalibus, quia non continentur virtualiter in
primo subiecto metaphisicae, ergo &c. Si arguas con-
tra istas rationes, aut sunt ex fide, & tunc non vadunt
contra philosophos, aut non sunt ex fide, & tunc pro-
bant oppositum eius, quod intendunt. Respondeo,
aliud est alteram partem contradictionis esse veram,

aliud est hanc partem determinatè esse veram. Dico ergo, quod non sunt ex fide. Tu dicis, ergo probat oppositum eius, quod intendunt. Nego consequentiam, quia probant aliquam scientiam esse necessariam, & non determinatè istam particularem scientiam esse necessariam. Teneo ergo, quod necessarium homini est aliquam doctrinam supernaturaliter inspirari. Ad cuius evidentiam nota: quòd potentia receptiva siue intellectiva potest comparari ad actum quem recipit, & nulla accipitur supernaturalitas, quia ad quamlibet intellectionem naturaliter perficitur. Potest secundo comparari ad agens à quo recipit, & tunc omnis cognitio quæ non potest causari ab intellectu agente, & phantasmate est sibi supernaturalis, tales autem sunt multæ veritates complexæ de Deo, ut Deus generat. Deus est trinus, & vnus, & huiusmodi. Omnes enim tales veritates habentur supernaturaliter per inspirationem. Tunc ad argumenta Philosophorum. Ad primum dico, quod maior est vera de primo obiecto naturaliter attingibili, non autem de primo obiecto ad quod potentia naturaliter inclinatur, ens autem si potentia a quibusdam primum obiectum intellectus, hoc est secundo modo, & non primo. Aliter potest dici, quòd maior est vera quando contentum sub primo obiecto respicit potentiam, ut motuum naturale: non autem ut motuum voluntarium. Ad secundum nego secundam partem minoris. Ad probationem quando dicitur, termini primorum principiorum sunt communissimi. Dico, quòd sicut termini subiecti sunt communissimi, ita & termini prædicati, & ita non habentur nisi conclusiones communissimæ: sed ultra istas communissimas oportet habere de Deo aliquas veritates speciales, quas non possumus habere virtute terminorum communissimorum, sicut si dicerem: omne totum est maius sua parte, per hoc quidem principium haberem istam communem conclusionem, quaternarius est maior binario, sed non haberem istam specialem, quaternarius est duplus ad binarium. Ad tertium nego maiorem. Ad probationem, quando dicitur, aut sunt mediata, aut immediata, concedo, quòd

Ad duo potest comparari potentia intellectiva.

Veritates complexæ de Deo quid sint.

Ad argumentum Philosophorum.

Duplex pars, scilicet, commune, & speciale.

9. de tri. c. vl-
timo
3. distinct.
2. libri.

Circa hanc
propositionē
actiuo, &
passiuo, dice-
rent quod il-
lud actiuum
intelligitur
de actiuo na-
turali agente
ex necessitate
veluti de
igne, & aqua
ignis de ne-
cessitate vrit,
& aqua hu-
meclat, nō in-
telligitur de
agente
à proposito
libero, quia
homo de ne-
cessitate non
agit, nec in-
telligitur de
agente super
naturali.

sint mediata. Tu dicis, ergo possum concipere me-
dium: nego, quia medium inter extrema est quando
essentialiter ordinatum, & quod est alterius extremi: &
de isto habet veritatem quod assumitur. Aliquando au-
tem medium est particulariter contentum sub extremo
& non essentialiter ordinatum ad ipsum, & de isto non
habet veritatem, sicut in proposito. Vnde potens conci-
pere triangulum particulari. Ad quartum dico cum Au-
gustino, quod ad intellectionem concurrit obiectum,
vt declarabitur infra, licet ergo sit in nobis sufficiens
actiuum, & passiuum respectu cognitionis ab intra: de-
ficit tamen sufficiens actiuum extra, idest obiectum.
Ad quintum nego maiorem quando potentia passiuia
ordinatur ad perfectionem tam eminentem, quod ad
eam consequendam actio naturae se extendere non va-
let. Tu probas, ergo erit frustra in natura. Nego conse-
quentiam, quia correspondet sibi aliquid agens in tota
coordinatione entium naturalium. Vel sic. Omni po-
tentia passiuia correspondet aliquid potentia actiuia, verū
est in toto ente: quia saltem potentia actiuia Dei, sed non
oportet, quod in natura creata, & hoc suffecisset philo-
sopho, qui ponebat Deum agere ad extra de necessita-
te naturae. Ad vltimum dicit Theologus, quod diuersa
ratio cognoscibilis diuersitatem scientiarum inducit,
quia eandem conclusionem demonstrat astrologus, &
naturalis, puta terram esse rotundam, quamuis per di-
uersa media: & sic nihil prohibet de eisdem conclusio-
nibus tractare theologiam, & phisicas disciplinas in alio
& alio lumine. Contra, si de cognoscibilibus in Theo-
logia est possibilis cognitio in alijs sciētijs, licet in alio
lumine, ergo non est de eis necessaria simpliciter cogni-
tio theologica, consequētia probatur per exēplum suū:
quia cognoscens terram esse rotundam per medium natu-
rale nō indiget medio mathematico tanquā simpliciter
necessario. Respondet D. Thomas sic. Habitus, & est ha-
bitus, & est forma, in quantum habitus habet distin-
ctionem ab obiecto, in quantum forma habet distin-
ctionem à principio actiuo, licet ergo hic non esset di-
stinctio ex parte obiectorum, esset tamen distinctio ex
parte principiorum. Contra forma est vniuersalior

habitu, quia omnis habitus est forma, & non è con-
uerso, sed aliqua esse distincta in ratione superiori, &
vnita in ratione inferiori est impossibile, ergo impos-
sibile est, quòd aliqua sint distincta in ratione formæ,
& vnita in ratione habitus. Ad primum principale ne-
go consequentiam, cuius ratio patet ex solutione quin-
tæ rationis pro opinione philosophi. Ad secundum
dico, quòd potentia nostra proportionatur illi obiecto
per aliquod supernaturale. Tu dicis, ergo potentia ad-
huc est improportionata, nego quia est in potentia obe-
dientiali, vt proportionetur ei.

*per hanc di-
stinctionem
colliguntur quæ
plurima diffi-
cultates.*

*D. Tho. pri.
par. summa q.
1. art. 1. D.
Tho. prima 2.
q. 54. artic. 2.
Et Gotsfre. in
quodlib. 14.
q. 4.*

Vtrum Theologia sit de Deo, tanquam de
Subiecto?

Hoc idem querit Scotus in Prologo primi sentent. q. 3.

D. Bona. primo sent. q. 1. Prologi artic. 1.

Alex Alensis. 1. parte. q. 1. memb. 3.

D. Thomas prima parte q. 1. artic. 7.

Ricardus primo sent. q. 6. Prologi.

Durandus primo senti q. 5. Prologi.

Q V A E S T I O II.



VPIENTES aliquid de penuria, &c.
Circa istum prologum sententiarum
primi quæritur primo. Vtrū Theolo-
gia sit de Deo vt de subiecto? Et vide-
tur quòd non, quia forma simplex
subiectum esse non potest. secundum
Doct. Sed Deus est forma simplex, er-
go non est subiectum Theologiæ. Præt. Materia & effi-
ciens non concidunt in idem numero. Sed Deus est
causa efficiens huius scientiæ, ergo non est causa mate-
rialis siue subiectum. Præt. Subiectum habet princi-
pia, partes, & passionēs, sed Deus caret his omnibus. er-
go &c. Contra. Aug. Theologia est sermo de Deo.
Circa istam quæstionem sunt tres articuli. Primo po-
nentur aliqua præambula. Secundo videbitur, vtrum
Deus est subiectum in Theologia. Tertio sub qua ra-
tione sit ibi subiectum.

*1. de Trinit.
cap. 3.*

*2. Phys. con-
tex. 70.*

*1. Post. con-
tex. 25.*

*3. de Cinit.
Dei.*

*Quid sit Theo-
logia in se.*

*Quid sit Theo-
logia nobis.*

*ACaetano
in pri. parte
summe. q. 1.
art. 2. repu-
tatur hac di-
stinctio una
& eadem, sed
pro Scoto di-
cendum est,
hoc esse fal-
sum, & ra-
tio est, quia
prima est re-
spectu latitu-
dinis obiecti,
secunda est,
respectu lati-
tudinis poten-
tie.*

*Circa finem
7. Phys.*

Quantum ad primum sunt tria præambula: primum, quod Theologia sumitur duobus modis: Quia est Theologia in se, & theologia in nobis. Et voco Theologiam in se cognitionem illam quam nata est facere obiectum theologicum in intellectu sibi proportionato, sicut intellectus diuinus. Theologia autem in nobis est rei cognitio qualem intellectus noster natus est habere de illo obiecto. Secundum præambulum est, quod theologia in se distinguitur in theologiā necessariorum, cuiusmodi sunt veritates ad intra, vt Deus generat. & in theologiam contingentium, sicut sunt veritates ad extra, vt Deus creat mundum. Tertium præambulum est, quod primum subiectum alicuius habitus continet virtualiter omnes veritates illius habitus. Probatur veritates alicuius habitus mediate dependent ex veritatibus immediatis, sed primum subiectum habitus continet veritates immediatas, ergo continet omnes veritates habitus, quia in scientia non sunt nisi veritates mediatae. Probatio minoris, quia veritates immediatae dependent ex subiecto, & propria passione quæ oritur ex propriis principiis subiecti. Præter. causa adæquata continet effectum adæquatum, sed obiectum est causa habitus adæquata, ergo continet ipsum adæquatum, sed non containeret ipsum adæquate, si non extenderet se ad omnes veritates eius, ergo &c. Sed obiiceret sic. Sicut obiectum ad potentiam, ita subiectum ad habitum, sed obiectum non continet virtualiter omnia apprehensibilia ab illa potentia, ergo nec subiectum continet omnes veritates habitus. Respondeo, negetur maior, quia proportio obiecti ad potentiam est proportio motiui ad mobile, motium autem eiusdem rationis potest in omne mobile, eiusdem rationis, & ita extrema proportionis sunt communia, proportio autem subiecti ad habitum est proportio causæ ad effectum. omne autem contentum sub isto obiecto non potest esse per se causa habitus siue effectus, sicut ponit Philosophus exemplum de pluribus trahentibus nauim. De secundo Articulo dico quod primum subiectum theologiæ est Deus, quod probo. Primo sic, primum subiectum alicuius habitus continet virtualiter

omnes veritates illius habitus: sed nihil continet virtualiter omnes veritates theologicas nisi Deus, ergo Deus est subiectum primum in Theologia. Probatio minoris, nam nihil aliud continet veritates theologicas, ut causa, siue ad quod habeant attributionem: quia Deus nulli attribuitur, nec aliquid continet istas veritates ut effectus, quia effectus potius deducunt in errorem quam in cognitionem veritatis: sicut patet de aternitate mundi. Secundo sic Theologia est de his quæ sunt soli intellectui diuino naturaliter nota. ergo debet esse de subiecto solum intellectui diuino naturaliter noto. sed hoc est ipsemet Deus, ergo &c.

*Quomodo
Deus sit pri-
mū subiectum
Theologiae.*

Tertio sic. in nulla scientia traditur ita distincta cognitio de eo, quod non est per se subiectum eius, sed in nulla scientia traditur ita distincta cognitio de Deo, sicut in ista, ergo Deus est subiectum in ista scientia

*6. met. controu.
& 1. de anima
cent. 1.*

Quarto sic, honorabilissima scientia est circa nobilissimum ens. sed honorabilissima scientia est Theologia, & nobilissimum ens est Deus, ergo &c.

Quantum ad tertium articulum præmitto vnum exemplum scilicet quo homo potest cognosci quadrupliciter. Primo inquantum est animal rationale, & hæc est cognitio quid ditatiua. Secundo inquantum est substantia, & hæc est cognitio in communi. Tertio inquantum est animal mansuetum, & hæc est cognitio per accidens. Quarto inquantum est animal nobilissimum, & hæc est cognitio respectiua. Istis quatuor modis potest poni, quod Deus cognoscatur. Et sic circa hoc quatuor variantur opiniones: Vna dicit, quod Deus est subiectum in theologica sub ratione communi: puta sub ratione entis infiniti, & hæc est opinio Henrici.

*Nota hos in-
telligibilium
gradus*

Contra istam opinionem arguitur sic, potens cognoscere primum subiectum alicuius scientiæ sub ratione illa qua est subiectum in illa scientia, potest cognoscere totam illam scientiam. Ista patet ex tertio præambulo primi articuli, sed naturaliter possumus cognoscere Deum sub ratione communi, siue entis infiniti. ergo naturaliter possumus cognoscere totā Theologiam, quod est falsum. Alia est opinio Varronis, quod Deus est subiectum in theologia sub ratione qua

*Henricus in
summa. q. 1.
ar. 19.*

Guilielmus
Varro lib. 1.
in Prolo 6.
6 met. c. 5.
2. met. con-
tex. 8.

bonus, quod probat primo sic. Scientia per festissima debet esse de causa finali secundum Auicennam, sed ista scientia est perfectissima, ergo debet esse de Deo, ut est causa finalis, sed finis, & bonum idem sunt, ergo Theologia est de causa finali, siue de Deo sub ratione boni. Secundo sic, ista scientia est perfectio animi preparans ad felicitatem, ergo debet esse de subiecto maxime inducente ad felicitatem, sed ista est ratio boni, ergo &c. Contra, per Theologiam habetur perfectissima notitia de Deo, sed Deus sub ratione attributali, non cognoscitur perfectissime, ergo Deus sub ratione attributali siue boni non est subiectum in Theologia. Minor probatur, quia cognitio per quid est perfectissima. Sed cognitio per rationem attributalem non est quidditativa, quia attributa se habent per modum passionum secundum Damascenum.

Præterea subiectum debet esse in scientia sub propria ratione, & incommunicabili. quia per hoc sic distinctio in scientiis, sed non est illa ratio attributalis, & incommunicabilis, quia scientia est formaliter in angelis, & hominibus, & sic de aliis, ergo &c.

7. met. contex
4. & in de.

Præterea primum subiectum habitus debet adequate continere veritates illius habitus, sed ratio boni non continet omnes veritates theologicas adæquate, igitur &c. Minor probatur, quia bonum posterius se habet ad essentiam, nullum autem posterius continet suum prius, & sic ratio boni non continet veritates de essentia diuina ut sic.

Finis duplex
fundamentalis
& formalis.
fundamentalis
est duplex scilicet
ut pro-
xima ratio
fundandi
sic est bonitas,
alius est fun-
damentalis
radicalis ut
essentia finis
proformali,

Ad primum argumentum opinionis dico, quod nobilissima scientia non est de fine, ut finis est respectus, sed ut sumitur pro fundamento, & tale fundamentum est Deus sub ratione deitatis. Et eodem modo dico ad secundum, quod sumitur ibi ratio boni pro fundamento bonitatis, quod est Deus in quantum Deus. Alia opinio Egidii, quod subiectum in Theologia est Deus in quantum glorificator, & saluator, quod probat sic. Illa scientia cuius finis principalis est salus, & gloria considerat suum subiectum, ut habet habitudinem ad saluandum, & glorificandū, sed principalis finis theologiæ est salus, & gloria. ergo. Præterea scientia finita non habet subiectum infinitum, sed nostra

theologia est scientia finita, ergo non habet pro subie-
cto Deum, inquantum Deus est, quia ut sic est infinitus.
Præterea eiusdem est considerare deum secundum quod
Deus est, & considerare omnia quæ sunt, & esse possunt,
quia in Deo relucet omnia, sed ista scientia non con-
siderat omnia quæ sunt, & quæ esse possunt, sed solum
à quibus fides defenditur, nutritur, & roboratur secun-
dum August. ergo ista scientia non considerat Deum
secundum quod Deus est, tanquam subiectum. Con-
tra illa scientia non est realis, quæ considerat suum sub-
iectum sub respectu rationis sicut patet de logica, sed
respectus Dei ad extra est respectus rationis, ergo theo-
logia considerans deum sub isto respectu esset præcisè
scientia rationis, quod est inconueniens. Præterea
per Theologiam habetur perfectissima notitia de Deo.
sed per rationem respectiuam non habetur perfectissi-
ma notitia de Deo, quia præsupponit notitiam absolu-
ti quæ est perfectior, ergo. Præterea ex absoluto &
respectiuo non fit vnum per se, ergo theologia non
esset per se vna scientia, consequentia patet, quia non
haberet subiectum per se vnum. Præterea nullus re-
spectus ad extra necessario conuenit Deo, ergo nul-
lum theologicum necessario conueniret Deo, quia
scientia considerans subiectum sub ratione nõ necessa-
rio inhærente, modo necessario inest. Ad primum
opinionis, concedo, quod ista scientia cōsiderat de Deo
inquantum Saluator, & glorificator, sed non ut primariū
subiectum, quia cum illa sit cognitio respectiua præsup-
ponit cognitionem absolutam, & quiditatiuam, quæ est
de Deo sub ratione deitatis. Ad secundum dico, quod
subiectum theologiæ nostræ est Deus infinitus infinita-
te se tenente ex parte obiecti non infinitate se tenente
ex parte actus nostri. sicut dicimus, quod beati in patria
vident Deum infinitum non tamen infinite. Ad tertiū
nego maiorem. Ad probationem cum dicitur quod in
Deo omnia relucet. Dico quod cognoscere aliquod
repræsentatiuum contingit dupliciter. Primo ut habet
rationem cognoscendi & sic omnia quæ repræsentat ne-
cessario cognoscuntur in eo. Alio modo, ut obiectum
cognitum tantum, & sic non oportet cognoscere repræ-

*& respectus
rationis.*

*Egidius in
quoli. 3. q. 2.*

14. de trin. c.

1. & 4.

*2. quæst quoli
arii.*

*Deus ut glo-
rificator, non
est per se vnū,
nā Deus habet
rationem ab-
soluti glori-
ficator verò
respectiue.*

*Aliquod re-
præsentati-
uum cogno-
scere | cōtingit
duobus modis.*

*Aliquod re
presentatiuū
cognoscere cō
tingit duobus
modis.*

sentata in eo. Primo modo Deus non est subiectum in theologia nostra, sed secundo modo. Aliter potest dici, quod theologia in se, vt habet pro obiecto adæquato Deum inquantum Deus, considerat omnia, quæ sunt, & esse possunt. August. autem loquitur de theologia nostra.

*Quomodo
Deus sit sub
iectum Theo
logiæ.*

Ad tertium autem articulum dico tres conclusiones. Prima, quod subiectum theologiæ necessariorum in se est Deus sub ratione deitatis. Secunda conclusio, quod subiectum theologiæ contingentium in se est diuina essentia. Tertia, quod subiectum theologiæ in nobis est ens infinitum.

*Autoris
probatio de
subiecto.*

Prima conclusio probatur sic. Sub illa ratione aliquid est subiectum proprium alicuius habitus, sub qua continet omnes veritates illius habitus, sed Deus sub ratione qua Deus continet omnes veritates theologiæ necessariorum, ergo Deus sub ratione deitatis qua Deus est, est ibi subiectum. Maior patet ex tertio præambulo primi articuli. Minor patet ex dictis ex secundo articulo.

*Conclusio de
subiecto theo
logiæ. Vide
D. Tho. 3.
parte summa.
q. 1. artic. 7.*

Secunda conclusio probatur sic: Illud est primum subiectum theologiæ contingentium ad quod veritates contingentes habent attributionem vltimam. sed illud est essentia diuina. Euidencia enim contingentium non est ex natura rei, sed ex præsentia intuitiua, primum autem intuibile est essentia diuina sub ratione deitatis, ergo. Tertia conclusio probatur sic, quando aliquis habitus in intellectu est habens euidenciam ex obiecto, primum eius obiectum continet virtualiter omnes veritates eius non solum, vt est istius habitus, sed etiam, vt est in tali intellectu. quando autem ille habitus non habet euidenciam ex obiecto: non oportet quod obiectum habeat duas prædictas condiciones. immo ei attribuitur pro primo obiecto, vel subiecto aliquid primo notum cui immediatè ille veritates insunt. Sed theologia nostra non habet euidenciam ex obiecto. ergo ei attribuitur pro subiecto aliquid primo notum cui immediate insunt veritates theologiæ. sed hoc est ens infinitum. ergo ens infinitum est subiectum theologiæ nostræ siue in nobis. Ad primum dico, quod forma simplex non potest esse subiectum accidentis realis, vel formæ acci-

*Quod nam sit
subiectum Theo
logiæ nostræ.*

dentalis, sed bene est subiectum considerationis, & sciētiæ. Ad secundum dico, quod materia ex qua non coincidit cum aliis causis sed materia, circa quam potest coincidere. Deus autem non est materia ex qua, sed circa quam. Ad ultimum dicitur dupliciter. Vno modo quod personæ sunt ibi quasi partes, & attributa quasi passionēs. nec oportet, quod Deus, ut est subiectum habeat principium, quia non est de ratione subiecti sciētiæ habere principia; nam subiectum in metaphysica est ens, in quantum ens, & tamen entis, ut sic non sunt principia. Aliter dicitur, quod maior est vera in sciētiis naturaliter inuētis cuius subiectum est aliquod vniuersale quod habet diuidi, & esse in pluribus. diuidi quidem est imperfectionis, sed esse in pluribus, sine sui diminutione est perfectionis. Et quia excludimus à Deo omne quod est imperfectionis attribuendo sibi, quicquid est perfectionis. ideo deitas, siue natura diuina est in pluribus, absque aliqua sui diuisione, ac partibilitate.

Personæ diuinae possunt esse partes subiectiue Theologie non compositionis, nec integrales, & sic intelligitur Scotus.

Vtrum Theologia sit scientia?

Hoc idem querit Scotus in prologo primi sent. quest. 4.

Alexander Alensis prima partem, quest. I. mensbr. I.

D. Thomas prima parte q. 1. Artic. 2.

Ricardus primo sent. q. 2 prologi.

Durandus primo sent. q. 7 prologi.

Franciscus de Mayronis in prologo primi sent. questio. 14.

QVAESTIO III.

SECUNDO queritur. Vtrum Theologia sit scientia. Et videtur quod non, quia Theologia est de Deo: ex quaestione præcedenti. sed Deus non habet causam. scire autem est per causam cognoscere. ergo theologia nō est scientia. Contra. quod est maximum in entitate est maximum quantum ad veritatem & sciētiā. Sed Deus est maximum ens. ergo theologia quia est de Deo est maxime sciētiā. Circa quaestionem istam sunt quatuor articuli secundum quatuor opiniones. Prima est opinio

D. Thomas 1 par. sum. q. 2. ar. 2. **D. Thom.** 2. q. 1. ar. 5. in corpore discis quod non est scientia

D. Thomæ, ubi dicit quod theologia est scientia subalternata, quia subalternatur scientiæ Dei & beatorum. quod probat sic. non est minoris efficaciam lumen supernaturale, quam naturale, sed lumen naturale facit scientiam, ergo etiam supernaturale, & sic theologia nostra est scientia quia procedit ex lumine superioris scientiæ inquantum accipit principia à theologia Dei & beatorum.

Vide Cateria num.

Præterea scientia subalternata inquantum subalternata est vera scientia. sed scientia subalternata inquantum subalternata habet principia credita. ergo non est contra rationem scientiæ habere principia credita. ergo quauis theologia nostra habeat principia credita, non obstat quin sit scientia. Confirmatur, ubi dicitur quod in scientiis sufficit principia esse & aliquantulum nota. Contra scientia subalternans & subalternata non sunt de eisdem conclusionibus. probatur. quia ubi subalternans terminatur ibi subalternata incipit. Sed theologia nostra & beatorum sunt de eisdem conclusionibus primo. ergo non est subalternata. Secundo de Deo non potest esse scientia nisi vnica. ergo non habet aliquam sibi subalternatam. probatur antecedens. quia quæcunque virtualiter continentur in aliquo subiecto primo pertinent ad illam scientiam quæ considerat subiectum illud sub ratione qua virtualiter continet illa. sed omnia per se cognoscibilia de Deo continentur virtualiter in illo sub ratione deitatis, ergo de eo non potest esse nisi vnica scientia. Præterea habens scientiam subalternantem potest habere scientiam subalternatam & econuerso, quia non sunt impossibiles simul. Sed in proposito vtrumque est impossibile, ergo &c. Præter. principium est apud eos quod fides & scientia non possunt esse in eodem intellectu de eodem obiecto. sed scientia subalternata secundum eos est vera scientia. ergo non stat cum fide. Ad primum argumentum dico quod non valet, quia non est efficacia eiusdem rationis, nam efficacia luminis fidei est in adhærendo Deo, efficacia autem luminis naturalis est in vere sciendo & intelligendo. Ad secundum dico quod scientia subalternata non est scientia ex eo quod habet principia tantum credita. sed quia nouit ea.

Contra Caietanum vide Licheum in 3. q. Prologi qui refert omnia argumenta eius soluit.

6. Eth. c. 3.

D. Tho. 2. 2. q. 1. ar. 5.

Fides, & scientia non possunt se comparari. Vide Scotum 3. sent. dist. 24.

per experientiam: quod in proposito dici non potest. quia principia huius scientiæ non sunt per experientiam nota. Et eodẽ modo dico ad illud, quod sufficit principia aliquantulum esse nota. i. per experientiã. Alia opinio dicit quod theologia est scientia non quidem in lumine fidei nec in lumine gloriæ, sed in quodam lumine medio. eo modo quo dicimus lumen matutinum cui correspondet lumen fidei: & lumen meridiei cui correspondet lumen gloriæ, & lumen medium quod continue proficit à matutino ad meridiem. Hoc confirmatur sic. omnium illorum possumus habere notitiã quorũ terminos possumus naturaliter cognoscere, sed omnium necessariorum theologicorum possumus terminos naturaliter cognoscere in via. ergo de eis possumus vere scientiã habere. Maior patet, quia principia cognoscimus inquantũ terminos cognoscimus. Illa autem necessaria aut sunt mediata aut immediata. Si immediata. ergo cognitis terminis cognoscimus illa. Si autem sunt mediata: accipio medium & cõparò ad extremũ quousque per terminos immediatos quibus cognitis cognoscuntur etiã illa quorũ sunt. Minor probatur. quia eundem conceptũ quiditãtium quẽ affirmat Christianus de Deo. dicendo Deum trinum: negat paganus. Contra istam opinionem arguitur sic. Inconueniens est nos habere nobilissimos habitus & nos latere. sed vnumquemq; theologũ latet ipsum habere habitum in tali lumine. ergo &c. Minor probatur. quia habitus cognoscuntur per actus. sed nullus actus est per quem possit cognosci tale lumen. ergo &c.

Sed istud argumentum non valet. quia minor quæ ponitur in probatione minoris est falsa: nam Apostoli & sancti viri habentes hoc lumen experiebantur se habere talem habitum. Et præterea vt dicit Varro. Idem argumentum posset facere Pelagius contra Augustinum qui negabat gratiam dicendo. Monstra mihi actum gratiæ & credam esse gratiam in anima. Item Scotus arguit sic contra istam opinionem. In illo lumine in quo non habetur distincta cognitio vel notitia terminorum vt sunt termini alicuius principij, nõ distincte intelligitur illud principium scientificè. Sed in isto lumine quod ponunt non habetur distincta cognitio terminorum Dei, vt est

6. ethic. c. 3.

Henricus in
sua Summa
Vide. Scotum
in 3. qui in
suis reporta-
tis contra hæc
opinionem.

2. de anima
consec. 38.

Scotus in re-
portati. q. 3.

principium pure theologicum. ergo in illo lumine non habetur scientia Dei. Probatio minoris. Impossibile est habere distinctam notitiam Dei, nisi sit intellectui in se præsens vel in aliquo repræsentatiuo quod distincte ipsum repræsentat: sed hoc primum non est possibile viatori, quia si esset in se præsens intellectui esset secundum eos beatus, nec in aliquo distincte ipsum repræsentante. quia ipsi negant omne tale repræsentatiuum. Ad argumentum opinionis respondetur per interemptionem maioris. Ad probationem quando dicitur, aut sunt mediata aut immediata. concedo quod sunt mediata. Cum dicis ergo possum concipere medium inter ipsa. nego, quia

Vide Scotum

in 1. sent. q. 1.

qui eandem

refert solutio-

nem.

Opinio Var-

ronis 1. sen.

q. 3.

medium inter extrema est quandoque essentialiter ordinatum, vt quod quid est alterius extremi. Et de isto habet veritatem quod assumitur. Aliquando autem medium est particulariter contentum sub extremo & non essentialiter ordinatum ad ipsum. & de isto non habet veritatem sicut est in proposito. Vnde potes concipere figuram in communi non sequitur propter hoc quod possit concipere triangulum in particulari. Alia opinio est Varronis quod theologia potest considerari duplici-

Quomodo

Theolog. sit

scientia secū-

dum Var. 2.

met. contex. 1.

1. post. con-

tex. 3.

Quatuor con-

ditiones sunt

ipsius scien-

tiae secundum

Scotum, septē

secundū Frā.

de Mayo.

vide in 14. q.

6. eth. c. 3.

7. meta. cōtex.

33.

ter. S. in se, vel in comparatione ad scientem. Primo modo est scientia. Secundo autem modo vt est in intellectu viatoris, quia non habet principia euidentia: non debet dici scientia. sicut Sol in se est maxime visibilis, sed in comparatione ad oculum vespertilionis non videtur.

Quarta est opinio doctoris nostri, quod capiendo scientiam prout scire diffinitur primo posteriorum. tūc

habet quatuor condiciones. Est enim cognitio certa veri & necessarij: habens euidentiam ex necessario prius euidente applicato ad scitum per discursum sillogisticū.

Prima conditio probatur, perfecta operatio intellectus est cognitio certa, sed scientia est perfecta operatio intellectus, ergo est cognitio certa. Confirmatur in Ethicis: vbi dicitur. Circa scientiam inquit oportet certifica-

ri, & non sequi similitudines. Ex hac conditione sequitur secunda. S. quod scientia est obiecti necessarij quia alias non esset cognitio certa. nam mutato obiecto mutaretur scientia. hinc ait Philosophus. quod particula-

rium non est scientia. Et Tullius ait sic. Omnes enim suspi-

susplicamur quòd scimus non cōtingere aliter se habere. contingentia autem aliter cum extra speculari fiant latent. ex necessitate ergo est scibile. Tertia conditio patet. quia principia cognoscimus inquantum terminos cognoscimus. Et per istam conditionem distinguitur scientia ab intellectu principiorum. Quarta conditio nō est per se de ratione scientiæ, sed tantum scientiæ imperfectæ & non competit scientiæ nisi in illo intellectu cui cōtingit discurrere & procedere à noto ad ignotum. Ex his ad propositum quantum ad tres primas condiciones theologia in se & in intellectu diuino & beatorum est vera scientia. Sed de quarta conditione est dubium si in intellectu beatorum est scientia. Et dicitur quòd sic. quia licet ibi non sit discursus per successionem temporis, tamen ibi est discursus ordine naturæ, quæ est scire hoc ex hoc. Sed instabis per Augustinum. Non inquit erunt volubiles nostræ cogitationes, sed scientiam nostram vnico intuitu videbimus. ergo non erit ibi discursus.

Respondeo & concedo quod verum est de discursu temporis. Et Augustinus ibi non loquitur assertiuè sed dubitatiuè quia dicit fortè ibi non erunt cogitationes volubiles. ergo &c. Si queras vterius. Si theologia nostra sit alicui subalternata: dicitur quòd non, quia quamuis subiectum eius possit esse sub subiecto methaphisicæ, nō tamen accipit principia à methaphisica. Et rationes ad hoc possunt accipi ex dictis contra primam opinionem.

Ad argumentum in contrarium patet ex dictis in quaestione præcedenti, quia non est de ratione subiecti scientiæ habere simpliciter principium. Nam entis vt sic non est principium. & tamè est subiectum in methaphisica. Ideo dicit Cōmentator circa principium libri Philosophicum, quòd quædam scientiæ considerant de rebus simplicibus carentibus principiis. ergo &c.

Vtrum Theologia sit scientia?

Hoc idem querit Scotus in Prologo primi sententiarum q. 4.

Alexander Alensis prima par. q. 1. memb. 1.

D. Thomas prima parte q. 1. art. 2.

Richardus 1. sentent. q. 2. Prologi.

Durandus 1. sentent. q. 7. Prologi.

Franciscus de Mayronis in Prologo primi sentent. quest. 14.

6. Rhetor.

1. Post. cōtex. 6.

6. ethi. c. 6.

*In intuitu a
notitia est dis
cursus, nam
illi spiritus se
parati possunt
vno actu to
tum discurs
sum cognosce
re, sed pro nūc
non est in no
bis.*

*De discursu
temporis, &
naturæ. Vide
Franc. de
May. in 14. q.
prologi. 15. de
trin. cap. 16.*

*An ens ha
beat princi
pia. Vide
Auerroem
4. met. comm.
1. & Scotum
in 1. q. met. &
D. To. 6. met.
lectione pri
ma.*

QVAESTIO III.

3. de anima
consex. 49. §
51.

In proœm.
met.
Primo met. in
proœm.

Ex prologo.
met.

In proœm.
met.
Matt. 22.

Quid sit pra-
xis.

Quid sit actus
primus & se-
cundus Logi-
ca.

TERTIO quaeritur, utrū Theologia sit sciē-
tia practica vel speculatiua. Quod non sit
practica: quia habitus practicus est circa cō-
tingens. sed obiectum huius scientiæ est
necessarium. ergo est speculatiua & nō pra-
ctica. Præter omni scientia practica aliqua speculatiua est
nobilior, sed nulla scientia est nobilior ista, ergo est spe-
culatiua. Maior patet per Philosophum. Tum quia spe-
culatiua est gratia sui, practica autem est gratia vsus. Tū
quia speculatiua est certior. Præterea illa scientia quæ
est inuenta omnibus necessariis existetibus propter fu-
gam ignorantia est speculatiua, sed theologia est huius-
modi, ergo theologia est speculatiua. Cōtra. Theologia
est proprie operari. ergo est practica. consequentia pa-
tet. antecedens probatur. quia finis legis est dilectio. te-
ste Salvatore. In his duobus scilicet in dilectione Dei &
proximi tota lex pendet & propheta. Circa istam qua-
stionem sunt quatuor articuli. Primo videndum quid sit
praxis, ad quam cognitio practica dicitur extendi. Se-
cundò quæ sit differentia inter habitum practicum &
speculatiuum. Tertio vnde habitus dicatur practicus.
Quartò de principali quaesito.

De primò dico, quod praxis est actus alterius poten-
tiæ quam intellectus: naturaliter posterior intellectione
natus elici cōformiter rationi recte: vt sit rectus. In ista
diffinitione sunt tres particulæ. Prima quòd praxis est
actus alterius potentiæ quam intellectus, quod proba-
tur sic. Nam praxis dicit quandam extensionem: quod
est extra se tendere, sed sistendo præcisè in actibus in-
tellectus: nulla est talis extra se tensio. Diceres. immò
est quia actus intellectus est discursiuus. Hoc non va-
let, quia tunc Logica esset scientia practica cum sit de
actibus discursiujs quia logica primus actus est ratioci-
nari. secundus discurrere. licet ergo discursus dirigatur
per ratiocinationem. nō propter hoc logica est practica
sed rationalis. quia nunquam posterior actus intellectus

habet rationem praxis. licet dirigatur à priori actu intellectus.

Secunda particula est quod praxis naturaliter est posterior intellectione. quod probatur. quia multiplices sunt actus in nobis. scilicet vegetatiuus, sensitiuus, appetitiuus, & apprehensiuus, & omnes isti sunt communes nobis, & brutis, & ut sic non sunt praxes. Omnis alia potentia ab intellectiua vel est vegetatiua, vel est sensitiua, vel est volitiua. Praxis non est operatio vegetatiua, vel sensitiua propter duo. Primò quia præcedunt actum intellectus. Secundò quia sunt communes nobis & brutis. ergo volitiua. Si autem aliquo modo dicatur esse praxes in nobis: hoc est inquantum moderantur ab intellectione & sunt naturaliter posteriores ea. Ex his sequitur correlarium quod praxis est actus volutatis elicited vel imperatus: quia praxis est naturaliter posterior intellectione. Sed omnis actus naturaliter posterior intellectione est actus volutatis. & omnis actus voluntatis. est elicited vel imperatus. Tertia particula est, quod praxis est nata elici conformiter rationi rectæ ut sit recta. quod probatur in Ethicis, ubi dicitur quod electio recta eget recta ratione ut sit recta. Electio autem est quædā praxis. quia est actus voluntatis requirens rationem rectam cui conformatur. Sed contra hoc arguitur: quia dictum est in correlario quod praxis est actus voluntatis elicited vel imperatus. sed aliquis actus intellectus potest esse imperatus à voluntate. ergo aliquis actus intellectus potest esse praxis. quod est contra primam particulam positam in diffinitione praxis. Dicendum quod actus intellectus imperatus à voluntate non est praxis. tum primò quia non est ex sua natura posterior intellectione, cum ipsa volutatis possit imperare actum intellectus. Tum secundo. quia non est natus elici conformiter primo rectæ rationi. posito ergo quod actus intellectus esset imperatus, adhuc non esset propriè praxis. Vnde conceditur, quod omnis praxis est actus elicited, vel imperatus, & non e converso omnis actus imperatus est praxis.

De secundo articulo dico duas conclusiones. Prima est, quod practicum ponit duplicem respectum aptitudi-

*Multiplices
sunt actus in
nobis.*

*Praxis quo
modo non sit
operatio ve-
getatiua, vel
sensitiua.*

6. ethi. c. 3.

*Omnis praxis
est actus.*

6. ethi. c. 3.

*Habitus
quomodo sit
practicus, &
non practi-
cus.*

*Scotus asserit
practicum &
speculatiuum
non esse disse-
rentias essen-
tiales.
Instantia con-
tra Scotum.*

Solutio.

*Opinio Goth-
fredi de sen-
tibus q. 10.
q. 11.*

2. Ethic. cap. 5.

nalem, scilicet prioritatis, & conformitatis ad obiectū. De prioritatem patet, quia ordine essentiali praxis est posterior intellectu, quia est naturaliter praxim præcedens. De conformitate probatur, quia in ethicis dicitur, quod veritas confesse, id est cōformiter, se habens appetitui recto est practica veritas, quia praxis ad hoc, quod si recta nata est sequi dictamen rectæ rationis quod est ei conformari. Secunda conclusio: quod nō requiritur necessario duplex respectus actualis. sed sufficit, quod sit aptitudinalis: quia alias idem habitus quandoque esset practicus, & quandoque non practicus: nam faber actu operans habet actum practicum & nō actu operans non haberet actum practicum. Ex his dico, quod practicum, & speculatiuum differunt penes positionem, & priuationem horū respectuum. Nam practicum ponit duplicem respectum positium. Speculatiuum autē priuat illos respectus. Ex quibus vltius insert Scotus, quod practicum, & speculatiuum non sunt differentie essentialis habituum, quia nullum respectuum est de intrinseco cōceptu alicuius absoluti, vel eius differentia essentialis. Contra hoc arguit sic Petrus Aureolus. Quia maior est differentia inter habitum practicum, & speculatiuum quā inter naturale, & medicum: sed in illis est distinctio specifica. ergo in istis. Respondeo, quod obiectio non vadit ad rem, quia doctor iste nō negat habitum practicum, & speculatiuum distingui specificè, sed dicit practicum, & speculatiuum nō esse differentias essentialis habituum penes positionem, & priuationem respectu prædictorum.

De tertio Articulo sunt opiniones. Vna quod actus, & habitus sunt practici ex obiecto ratione cōformitatis, intellectus autem sit practicus per extensionem ad finē. Contra impossibile est alicui inesse accidens, & non denominare illud: sed si nō dicatur ex eodem habitus esse practicus, & intellectus, tunc habitus practicus erit in intellectu speculatiuo, & non denominabit ipsum. cōsequenter probatur, quia non existente extensione ad finē non est intellectus practicus, & non poterit habere pro subiecto intellectum speculatiuum. Sed diceret, non est inconueniens habitum practicum esse in intellectu spe-

culatiuo per accidens. Sed actus practicus nō potest esse in intellectu speculatiuo per accidens. Contra. Vbi potest esse habitus, ibi potest esse actus, sed actus practicus non potest esse in intellectu speculatiuo, ergo nec habitus. Præterea subiectum magis denominatur à per se conditione sui accidentis, quam à conditione eius accidentali. ergo si intellectus potest dici practicus ex conditione accidentali sui habitus, puta extensione habitus ad finem, multo magis ex conditione per se sibi accidentis: puta ex actu: sed actus dicitur per se practicus ex obiecto, ergo & intellectus. Alia est opinio, quòd tam intellectus, quàm habitus dicuntur practici ex fine. De intellectu patet, vbi dicitur, quòd intellectus extensione fit practicus, & differt à speculatiuo fine. Præterea medicina est de eodem subiecto, sed medicina diuiditur in practicam, & speculatiuam, ergo hoc est propter finem.

*Henr. quoli.
8. q. 1.
3. de anima
context. 49.*


Præterea habitus dicitur practicus, quia bonus, vel malus moraliter, sed bonitas, & malitia inest habitui ex circumstantia, & inter omnes circumstantias prima est circumstantia finis. Cōtra extensio ad finem, nec actualis, nec aptitudinalis faciunt habitum practicum, ergo habitus non est practicus ex fine. consequentia patet. antecedens declaratur. non enim habitus est practicus per extensionem actualem ad finem, quia tunc faber actualiter operans non haberet habitum practicum, nec etiam per extensionem aptitudinalem, quia tunc deberet dare causam per se, quare inesset tali cognitioni talis aptitudo, cum sit aliquid intrinsecum sibi. causæ autem per se, sunt intellectus, & obiectum. Sed dices, quòd finis inter omnes causas est prior secundum Auicennam. Contra Finis non est causa, nisi vt mouet efficiens, sed antequam moueat efficiens inest habitui ista conditio.

Quomodo habitus non fit practicus ex fine.

6. met. c. vltimo.

Cognitio dicitur practica ex duplici relatione.

Præterea scientia moralis practica est, sed hoc non habet per extensionem ad finem, ergo habitus non est practicus ex fine. Probatio minoris. finis scientiæ moralis est felicitas, felicitas autem consistit in speculatione. ex decimo Ethico. sed nihil per extensionem ad



speculationem est practicum. Sequendo igitur opinionem doctoris nostri est notandum, quod cognitio dicitur practica, vt patuit ex precedenti articulo ex duplici relatione conformitatis ad obiectum, & prioritatis. Videamus ergo à quo habitus habeat relationem conformitatis, & deinde a quo habeat relationem prioritatis, & sic patebit propositum. propter quod dico duas conclusiones. Prima, quod habitus practicus habet relationem conformitatis ab obiecto, cuius ratio est, quia ab eo trahit habitus practicus conformitatem ad praxim, vnde sumuntur principia rectitudinis praxis. sed illud est obiectum, ergo ab obiecto habitus habet respectum conformitatis. Maior patet, quia ab illo quod virtualiter continet principia alicuius habitus, dependet tota deductio habitus, cum ex principiis deducantur conclusiones. Minorem probo. Nam obiectum huius praxis quæ est: diligere Deum, continet virtualiter rectitudinem huius praxis. Secunda conclusio, quod habitus practicus habet respectum prioritatis, partim ex obiecto, & partim ex ordine potentiarum. De ordine potentiarum patet, quia omnes concedunt, quod intellectus & voluntas se habent in agendo secundum ordinem prioritatis, & posterioritatis. Actus enim voluntatis præsupponit actum intellectus. De obiecto declaro sic, quia nulla intellectio est practica, nisi sit determinatiua rectitudinis ipsius praxis. sed hanc determinationem habet intellectio tamen ab obiecto, igitur obiectum concurrir ad hanc relationem. Minor patet per Philosophum, vbi facit distinctiones habituum penes obiecta.

Prima conclusio.

2. conclusio

Quomodo se habent intellectus & voluntas.

6. ethi. 3.

3. de anima comex. 49. non habetur quod intellectus extensione fiat practicus, tamē dico quod elicitive habetur illa sententia.

Ad primum argumentum secundæ opinionis dico, quod nunquam intellectus speculatiuus sit practicus. sed Aristot. ponit triplicem intellectum, vnum qui est mere speculatiuus, & iste nunquā sit practicus, sed cōsiderat tantū speculabilia. Alius intellectus est, qui cōsiderat agibilia, & iste licet sit practicus, potest tamē magis fieri practicus, ex quo habetur tertius gradus intellectus. Ad secundū dicitur vno modo quod medicina vniuersalis est speculatiua, applicata autē ad curas, id est ad indiuidua est

practica: Hoc non placet doctōri nostro, quia tunc conclusio practica esset ex speculatiuis principiis. Et ideo concedit, quod tam medicina vniuersalis, quā particularis est practica, dicitur autem medicina particularis magis practica, quia aliquantulum plus recedit à speculabili. Ad tertium dicitur quod non omnis actus, vel habitus est bonus a circumstantia finis, vt finis est: immo aliquis est bonus ex circumstantia obiecti, & circumstantia finis, vt finis sumitur pro obiecto, nō pro fine p̄cise.

De quarto Articulo sunt quatuor opiniones. Prima est quæ dicit theologiam esse speculatiuam. Ad cuius euidētiā nota, quod duplex est actus voluntatis. Vnus perficiens voluntatem, & iste est respectu vltimi finis. Alius, qui perficitur à voluntate, & iste est respectu eorum, quæ sunt ad finem. In primo autem actu voluntas non indiget directiuo, sed tantummodo obiecti ostensione & quia iste actus est finis huius scientiæ, imò debet dici speculatiua, quod probatur sic, directiuum ponitur vbi contingit errare, sed beati non possunt errare, ergo non habent tale directiuum. Sed beati maxime habent istam scientiam, ergo non est directiua, & per consequens nec practica quia practicum, & directiuum sunt idem. Contra istam opinionem arguitur. Finis in particulari est de quo tractat theologia. Sed circa finem in particulari contigit errare, ergo circa obiectum theologiæ contigit errare, ergo est necessaria cognitio directiua, & per consequens practica. Præterea vbicunque contingit errare circa circumstantiam actus, oportet dare directiuum, vt actus sit debite circumstantionatus: sed voluntate stante circa finem in particulari cōtingit eam errare in aliqua circumstantia actus, ergo oportet ponere habitum directiuum, siue practicum. Minor probatur quia voluntas licet possit circa totam substantiam actus, non tamen potest in omnem circumstantiam, videlicet vtrum sit in tribus suppositis, vel vtrum debeat acquiri per habitum, vel per actū meritorium, & sic poterit deficere. Præterea cuius dilectio principaliter intenditur extra genus cognitionis, eius cognitio principaliter intenditur infra genus cognitionis. Sed dilectio finis principaliter intenditur extra genus cognitionis, ergo eius

*Henr. in sua
summa arti.
9. q. 2. in sol
ad 3. arg. &
quo lib. 8.
quādo 9. quod
Theologia est
rosa specula-
tiua.*

*Theologia
tractat de fi-
ne particula-
ri.*

*Quomodo
voluntas er-
ret.*

*Secundum
Scorum prin-
cipia sumpta*

à fine, sunt principia practica. cognitio principaliter intenditur infra genus cognitio-
nis. Sed principia sumpta à fine in quantum finis, sunt
principia practica secundum istum doctorem, ergo tota
theologia est practica. Ad argumentum oppositum di-
co, quod sicut agens intendit per se inducere formam,
per accidens autem intendit remotionem contrarij, ita
habitus per se dirigit, per accidens autem excludit erro-
rem. Vnde si habitus intellectus est perfectus non com-
patitur secum errorem, sicut est in beatis, & ideo potest
dirigere dato, quod non sit exclusio erroris, quia istud
secundum sibi inest per accidens. Alia est opinio, scilicet,
quod theologia est scientia affectiua. Ad cuius euiden-
tiam est sciendum, quod finis est multiplex. Est enim fi-
nis vltimus, & iste non denominat. Et quia finis in sciē-
tia ista intētus est dilectio, & dilectio habet afficere, ideo
debet dici affectiua. Hoc probatur sic, denominatio fit à
fine, ergo à perfectissimo fine sit perfectissima denomi-
natio, sed perfectissimus finis scripturæ est dilectio, er-
go &c. Præterea theologia est sapientia. Sed sapientia di-
citur à sapore, sapor autem habet afficere, ergo affectiua.
Contra istam opinionē. Si ista scientia est affectiua, tunc
esset dare tertium genus sciētiæ, sed hoc est contra mul-
tas auctoritates Philosophi, Auic. & Cōmentatoris qui
diuidunt habitum scientificum in habitum practicum,
& speculatiuum. Præt. à fine fit denominatio secundum
te, sed finis huius scientiæ est dilectio etiam per te: ergo
denominatur à dilectione, sed dilectio est quædam pra-
xis, ergo theologia est scientia practica. Præterea veritas
confesse se habes appetitui recto est practica veritas, sed
tales sunt omnes veritates theologicæ, ergo &c. Præte-
rea veritas directiua voluntatis circa actiones humanas
est practica, sed tales sunt veritates theologicæ, ergo &c.

Fgid. lib. in proæmio.

*finis multi-
plex.*

*Vnde dicatur
sapientia.*

*Iste vir ponit
3. gradū sciē-
tiæ, quem nec
Philosophi
aliqui admit-
tunt, dico ter-
tium gradum
idest 3. genus
scientiæ, quod
nec etiā Theo-
logi præter
ipsum, & se-
quaces admit-
tunt.*

Correlarium.

Ad primum opinionis patet, quod non valet, quia dato,
quod habitus denominaretur ab illo fine, qui est dile-
ctio, cum dilectio sit quædam praxis: sequitur, quod
theologia sit practica. Ad secundum dico, quod etiam
non valet, immo per idem argumentum probaretur,
quod esset pure speculatiua, quia ex illo medio probat
philosophus metaphisicam esse speculatiuam, per hoc
quod est sapientia. Ex his sequitur correlarium, quod

propter prædicta non potest stare opinio Varronis, qui dicit Theologiam esse contemplatiuam, tanquam, sit medium inter practicum, & speculatiuum. Alia est opinio Thomæ quod theologia vna existens est scientia practica, & speculatiua simul, & hoc ideo, quia Deus, qui est subiectum theologiæ continet subiecta practica, & speculatiuæ scientiæ. Secunda ratio, nam illa scientia quæ sic tractat speculabilia, ac si essent mere speculatiua, & practicabilia, ac si essent mere practica, est simul speculatiua & practica. Sed theologia est huiusmodi, quia tractat istam, Deus est æternus, quæ est mere speculabile, & istam Deus est diligendus, quæ est mere practicabile, ac si esset mere practica. Dicendum, quod assumptum est falsum, quod in theologia tractantur speculabilia, quia sicut dictum est in theologia tractatur solum de ultimo fine, & de eius conditionibus, & circumstantijs, & de alijs circa ipsum, vnde est directiua in cognitionem ultimi finis, ergo &c. Contra istam opinionem arguit Varro sic. Idem non specificatur à duobus habentibus contrarium modum in specificando, alias idem posset esse homo, & asinus. Sed practicum, & speculatiuum habent contrarium modum in specificando, ergo theologia vna existens scientia non potest esse practica, & speculatiua. Præterea maior impossibilitas est inter practicum, & speculatiuum quam inter naturalem, & metaphisicum, sed impossibile est vnum habitum esse naturalem, & metaphisicum, ergo impossibile est etiam vnâ scientiam esse practica, & speculatiua. Minor patet, maior probatur. Nam habitus diuiditur prima sui diuisione in practicum, & speculatiuum: habitus autem speculatiuus diuiditur secundaria diuisione in metaphisicum, & mathematicum, & naturalem, nunc autem maior impossibilitas est inter prima diuidentia, quam inter secunda, quia magis opponuntur. Ad primum suum dico, quod non valet, quia tunc sequitur, quod metaphisica esset practica, & speculatiua, quia eius subiectum est ens, in quantum ens, & ens in quantum ens comprehendit ens speculabile, & ens operabile. Quarta opinio est doctoris nostri quem sequor, & præmitto quædam dicta in prima quæstione, scilicet

D.Th. I. parte summe q. I. art. 4. in sol. prin.

Varro cōtra D. Thomam arguit.

Inter notitiā speculatiuam & practica non datur medium. vide 6. met. cont. I

Opinio Scoti quam in se

quitur Au-
thor.

quod est theologia necessariorum, & theologia contin-
gentium. Item est theologia in se, & theologia in nobis,
hic autem non loquor de theologia in intellectu diui-
no quia de illa erit specialis sermo, infra distinctione 35.
Dico ergo tres conclusiones. Prima est, quod theologia

*Veritas con-
ciliās horum
opinionēs.*

necessariorum in intellectu creato tam beato, quam nō
beato, tam angelico, quam humano est practica. Probo,
illa notitia est practica, quæ aptitudinaliter est cōformis
volitioni rectæ, & est naturaliter prior ea, sed tota the-
ologia necessariorum in intellectu creato est sic confor-
mis actui voluntatis creatæ, & rectæ, & prioreo, ergo
&c. Maior patet ex dictis in primo, & tertio articulis.

*Theologia
potest cōside-
rari quatuor
modis, primo
modo in se, ac
in sua entita-
te, & isto
modo partim
est practica,
partim est
speculatiua.
Secundo mo-
do potest con-
siderari re-
spectu obiecti
& hoc modo
etiā dicimus
quod est par-
tim specula-
tiua, partim
practica,
quia obiectū
est Deus de
quo habetur
vtrunque.*

Minor probatur, nam primum obiectum theologiæ
virtualiter est conforme volitioni rectæ, quia a ratione
eius, scilicet obiecti sumuntur principia rectitudinis
praxis in volitione: ipsum etiam obiectum determinat
intellectum ad notitiam rectitudinis praxis quo ad om-
nia theologica necessaria prius naturaliter quam aliqua
volunt s creatæ velit. Secunda conclusio, quod Theolo-
gia contingentium in se est speculatiua probatio. Om-
nis notitia quæ non habet ex obiecto conformitatem
ad praxim ante omnem actum voluntatis non est pra-
ctica, sed theologia contingentium in se est huius, ergo
&c. Probatio minoris: nam cum contingentia ante vo-
luntatem determinatē non sint: non poterunt aliquam
determinationem praxis ostendere. Tertia conclusio
quod Theologia contingentium in intellectu creato
est practica, sed per accidens. Probo, illa cognitio quæ
habet obiectum virtualiter continens rectitudinem
praxis est practica, sed Theologia contingentium in in-
tellectu creato est huius, ergo &c. Sed occurrit ibi vnum
dubium, quia tertia conclusio non videtur posse stare
cum secunda, nam quod in se est speculatiuum nulli est
practicum, quia speculatiuum, & practicum repugnant.
Sed theologia contingentium in se est speculatiua, ergo
nulli est practica. Respondeo, quod maior non est sim-
pliciter vera. Et cum probatur practicum, & speculatiuum
opponuntur, dico, quod practicum, & speculatiuum ex
obiecto bene opponuntur, sed speculatiuum ex obie-
cto, & practicum ex voluntate sic determinante non

*Tertioratione
intellectus
increati. S.*

opponuntur. Nunc autem theologia contingentium in se est speculatiua ex obiecto, in intellectu autem creato est practica ex voluntate determinante intellectum ad notitiam praxis, ergo &c. Ad primum principale dico, quod habitus practicus, vel est contingens, vel est contingenter se habens ex parte obiecti, vel est contingenter se habens ex parte actus. In proposito autem licet obiectum sit necessarium, ex parte actus tamen est contingens. Ad secundum cum dicitur, omnis scientia practica aliqua speculatiua est nobilior, concedo de practica humanitus inuenta, quæ est respectu eorum quæ sunt ad finem, sed de practica quæ est respectu ultimi finis, nego, sicut est theologia. Ad tertium dico, quod quædam sunt necessaria extrinseca, quædam intrinseca, ante autem theologiam non erant omnia necessaria intrinseca homini: ideo data est theologia propter ista necessaria ad finem consequendum, ergo &c.

Dei. & sic tota est speculatiua, & nihil practica, quia in voluntate diuina nullo pacto potest esse actus dirigibilis ad finem.

Quarto potest considerari Theologia ratione intellectus creati, & sic est tota practica.

Finis prologi.

Vtrum frui sit actus elicitus voluntatis? quæ est dilectio, aut sit passio recepta in voluntate? vt delectatio.

Scotus hoc idem querit primo sent. dist. 1. q. 3.

D. Bona. I sent. dist. 1. q. 1. art. 2.

D. Thomas prima secunde. q. 2. art. 1

Ricardus primo sent. dist. 1. q. 1.

Durandus primo sent. dist. 1. q. 1.

Franciscus de Mayronis dist. 1. q. 2.

Bacconitanus I sent. dist. 1. q. 1.

QVÆSTIO PRIMA

Distinctionis primæ.

VETERIS ac nouæ legis. Ista est distinctio prima, circa quam primo quero. Vtrum frui-
tio sit actus voluntatis quæ est dilectio, aut sit
passio recepta in voluntate vtputa delecta-
tio. Et videtur quod non sit actus voluntatis
tantum, quia quælibet natura fruitur suo fine, sed finis
Elicitiue
fruitio est
actus volun-
tatis, presup-
positiue vero
intelle

Etus, benedi-
cit D. Thomas
& bene Sto-
tus. 10.
Ethic. ca. 10.

1. de delectr.
Christiana
cap. 1.

D. Thom. 1.
secunde. q.
2. art. 1.

Pro sustentā-
da utraque
opinione, do
hanc distin-
ctionem.

cuiuslibet potentia est proprius actus eius, ergo quælibet potentia fruitur suo actu, & sic frui non est actus voluntatis tantum. Præterea fruitio est quædam felicitas, sed felicitas consistit in speculatione, & speculatio conuenit intellectui, ergo fruitio est actus intellectus, & non voluntatis. Contra, Aug. dicit, quod frui est amore inhaerere alicui rei propter se, sed amor est actus voluntatis, quæ est dilectio, ergo &c.

Circa istam quæstionem sunt tres articuli. Primus si dilectio, & delectatio sint idem realiter. Secundus si fruitio est dilectio vel delectatio. Tertius si fruitio sit actus voluntatis.

Quantum ad primum est opinio Thomistarum quæ dicit duas conclusiones. Prima, quod dilectio, & delectatio sunt idem realiter. Secunda, quod differunt secundum rationem. Prima conclusio probatur tripliciter. Primo sic. actus, qui sunt de eodem obiecto sub eadem ratione sunt idem realiter, sed dilectio, & delectatio, quæ sequitur sunt huiusmodi, quia sunt de bono sub ratione boni, ergo &c. Secundo sic, illi actus, qui immediatè consequuntur ad idem sunt idem realiter, sed dilectio, & delectatio immediate consequuntur ad intellectum, & voluntatem, ergo &c.

Tertio sic, impossibile est in vna potentia simplici simul ponere duos actus realiter diuersos, sed dilectio, & delectatio simul sunt in voluntate, ergo non differunt realiter. Secunda conclusio, quod dilectio, & delectatio differunt secundum rationem. Probatio, delectatio importat quietationem, quæ est priuatio motus, dilectio autem vniōem, & priuationem quietationis, sed illæ duæ priuationes differunt sola ratione.

Præterea quæ differunt in modo significandi, illa differunt ratione, sed delectatio, & dilectio sunt huiusmodi, ergo &c. Probatio minoris, quia dilectio videtur significare per modum formæ egredientis a voluntate ad ipsum obiectum amatum. Sed delectatio significat econuerso: per modum formæ egredientis ab obiecto. Contra istam opinionem arguitur. Primo contra primam conclusionem sic. Quæcunque possunt separari ab inuicem illa non sunt idem realiter, sed dilectio, &

delectatio sunt huiusmodi, ergo &c. Minor patet in dæmonibus qui se diligunt, & tamen non delectantur, imo contristantur. Præterea illi actus non sunt idem realiter quorum opposita distinguuntur realiter, sed odium & tristitia quæ opponuntur dilectioni, & delectationi distinguuntur realiter, ergo dilectio, & delectatio non sunt idem realiter. Minor patet in beatis qui odiant peccata nostra, nec tamen tristantur de eis cum in eos non cadat tristitia. Præterea delectatio est per se obiectum dilectionis, sed dilectio non potest per se esse obiectum delectationis. ergo non sunt idem realiter. Præterea illud quod est superueniens alteri non est idem realiter illi, sed delectatio est superueniens dilectioni, ergo &c. Contra secundam conclusionem arguitur sic. quia dilectio realiter elicitur à voluntate, & delectatio non. sed realiter sequitur dilectionem, ergo non differunt sola ratione. Dico ergo, quòd dilectio, & delectatio differunt realiter, nec argumenta præcedentis conclusionis concludunt. Primū non quia maior est falsa nam duo actus subordinati possunt esse de eodem obiecto, & sub eadem ratione, quorum vnus perficit alium, sicut sunt isti. Aliter potest dici ad minorem, quòd dilectio & delectatio non sunt de eodem obiecto, sub eadem ratione, quia delectatio semper est de obiecto præsentē. Dilectio autem non necessario semper cōcernit præsentiam obiecti. Ad secundum minor est falsa, quia dilectio, & delectatio non immediate se habent ad potentiam, quia vt patet, delectatio est superueniens dilectioni, & sic presupponit dilectionem. Ad tertium dico, quòd duo actus possunt simul esse in eadē potentia, si sunt subordinati sicut sunt isti. Ad argumenta pro secunda conclusione. Ad primum dico, quòd ly, dilectio, & delectatio non dicunt priuationes, quia non sunt priuationes, nec formaliter includunt priuationes, quia vnio qua vnitur beatus Deo non est priuatio, nec vnio, qua materia & forma vniuntur est priuatio. Ad secundum dico, quòd dilectio & delectatio non differunt solum in modo significandi, sed etiam realiter, vt dictum est.

De secundo articulo est notandum, quòd dilectio est

Dilectio, & delectatio vt sint habitus realiter distincti possunt considerari duobus modis, vno modo ratione motum alio modo ratione termini, & cause, ratione motum non distinguuntur realiter vt Beatus fruendo diuina essentia habet dilectionem, & delectationem que quoad motum scilicet eius bonitatis non distinguuntur ab inuicem realiter, ratione termini distinguuntur realiter.

*Etus, beædi-
cit D. Thomas
O bene Sco-
tus. 10.*

Ethic. ca. 10.

*1. de delectr.
Christiana
cap. 1.*

*D. Thom. 1.
secunde. q.
2. art. 1.*

*Pro sustentia
da utraque
opinionem, do
hanc distin-
ctionem.*

cuiuslibet potentia est proprius actus eius, ergo quælibet potentia fruitur suo actu, & sic frui non est actus voluntatis tantum. Præterea fruitio est quædam felicitas, sed felicitas consistit in speculatione, & speculatione conuenit intellectui, ergo fruitio est actus intellectus, & non voluntatis. Contra, Aug. dicit, quod frui est amore inhaerere alicui rei propter se, sed amor est actus voluntatis, quæ est dilectio, ergo &c.

Circa istam quæstionem sunt tres articuli. Primus si dilectio, & delectatio sint idem realiter. Secundus si fruitio est dilectio vel delectatio. Tertius si fruitio sit actus voluntatis.

Quantum ad primum est opinio Thomistarum quæ dicit duas conclusiones. Prima, quod dilectio, & delectatio sunt idem realiter. Secunda, quod differunt secundum rationem. Prima conclusio probatur tripliciter. Primo sic, actus, qui sunt de eodem obiecto sub eadem ratione sunt idem realiter, sed dilectio, & delectatio, quæ sequitur sunt huiusmodi, quia sunt de bono sub ratione boni, ergo &c. Secundo sic, illi actus, qui immediatè consequuntur ad idem sunt idem realiter, sed dilectio, & delectatio immediate consequuntur ad intellectum, & voluntatem, ergo &c.

Tertio sic, impossibile est in vna potentia simplici simul ponere duos actus realiter diuersos, sed dilectio, & delectatio simul sunt in voluntate, ergo non differunt realiter. Secunda conclusio, quod dilectio, & delectatio differunt secundum rationem. Probatio, delectatio importat quietationem, quæ est priuatio motus, dilectio autem vnionem, & priuationem quietationis, sed illæ duæ priuationes differunt sola ratione.

Præterea quæ differunt in modo significandi, illa differunt ratione, sed delectatio, & dilectio sunt huiusmodi, ergo &c. Probatio minoris, quia dilectio videtur significare per modum formæ egredientis à voluntate ad ipsum obiectum amatum. Sed delectatio significat econuerso: per modum formæ egredientis ab obiecto.

Contra istam opinionem arguitur. Primo contra primam conclusionem sic. Quæcunque possunt separari ab inuicem illa non sunt idem realiter, sed dilectio, &

delectatio sunt huiusmodi, ergo &c. Minor patet in dæmonibus qui se diligunt, & tamen non delectantur, imo contristantur. Præterea illi actus non sunt idem realiter quorum opposita distinguuntur realiter, sed odium & tristitia quæ opponuntur dilectioni, & delectationi distinguuntur realiter, ergo dilectio, & delectatio non sunt idem realiter. Minor patet in beatis qui odiant peccata nostra, nec tamen tristantur de eis cum in eos non cadat tristitia. Præterea delectatio est per se obiectum dilectionis, sed dilectio non potest per se esse obiectum delectationis. ergo non sunt idem realiter. Præterea illud quod est superueniens alteri non est idem realiter illi, sed delectatio est superueniens dilectioni, ergo &c. Contra secundam conclusionem arguitur sic. quia dilectio realiter elicitur à voluntate, & delectatio non. sed realiter sequitur dilectionem, ergo non differunt sola ratione. Dico ergo, quòd dilectio, & delectatio differunt realiter, nec argumenta præcedentis conclusionis concludunt. Primum non quia maior est falsa nam duo actus subordinati possunt esse de eodem obiecto, & sub eadem ratione, quorum vnus per se fit alium, sicut sunt isti. Aliter potest dici ad minorem, quòd dilectio & delectatio non sunt de eodem obiecto, sub eadem ratione, quia delectatio semper est de obiecto præsentem. Dilectio autem non necessario semper cernit præsentiam obiecti. Ad secundum minor est falsa, quia dilectio, & delectatio non immediate se habent ad potentiam, quia vt patet, delectatio est superueniens dilectioni, & sic presupponit dilectionem. Ad tertium dico, quòd duo actus possunt simul esse in eadem potentia, si sunt subordinati sicut sunt isti. Ad argumenta pro secunda conclusione. Ad primum dico, quòd ly, dilectio, & delectatio non dicunt priuationes, quia non sunt priuationes, nec formaliter includunt priuationes, quia vnio qua vnitur beatus Deo non est priuatio, nec vnio, qua materia & forma vniuntur est priuatio. Ad secundum dico, quòd dilectio & delectatio non differunt solum in modo significandi, sed etiam realiter, vt dictum est.

De secundo articulo est notandum, quòd dilectio est

Dilectio, & delectatio vt sint habitus realiter distincti possunt considerari duobus modis, vno modo ratione motum alio modo ratione termini, & cause, ratione motum non distinguuntur realiter vt Beatus fruendo diuina essentia habet dilectionem, & delectationem que quoad motum scilicet eius bonitatis non distinguuntur ab inuicem realiter, ratione cause & tertium distinguuntur realiter.

operatio elicitā à voluntate præsupponēs cognitionem obiecti, sed delectatio est quædam operatio recepta in voluntate causata ab obiecto. Aliquæ auctoritates videntur dicere, quòd fruitio sit dilectio sicut ponit Augustinus. ubi dicit, quòd frui est amore inhærere alteri, sed amor est dilectio, ergo &c. Præterea Augustinus dicit quòd omnis peruerlitas quæ vitium nominatur est viti fruendis, & frui vtendis, vñ de peruerlitas spectat ad actū voluntatis, ergo fruitio spectat ad voluntatem, & sic est dilectio. Aliquæ etiam auctoritates videntur dicere, quòd fruitio sit delectatio. Vnde Augustinus dicit, plenum gaudium est frui trinitate, sed gaudium dicit delectationem. ergo fruitio est delectatio. Sed tertio modo dicitur, & melius, quòd fruitio importat tam dilectionē quā delectationem. Vnde Augustinus. Fruimur cognitis bonis in quibus voluntas propter se delectata quiescit. Et sic fruitio importat vtrumque, & in suo nomine non est ens per se vnum. nec est inconueniens, quòd vnum nomen significet multa. sicut patet per Philosophum de hoc nomine ylias. Hanc opinionem sequitur doctor noster.

De tertio articulo. Si fruitio est actus voluntatis dicit Egidius, quòd frui, aut dicit actum quo attingitur finis separatus prius non habitus, & sic fruitio est actus intellectus, quia per intellectum prius attingitur obiectum beatificū aut frui dicit actum per quē attingitur finis iam habitus, & sic est actus voluntatis, & sic secundum eum fruitio prius spectat ad actum intellectus, secundario autem ad actum voluntatis in quantum dicit, quandam delectationem concedentem actum intellectus.

Sed contra hoc arguitur per Augustinum. Fruimur bonis cognitis, in quibus voluntas delectata quiescit. Ex hoc arguitur, quando aliquid intrat diffinitionem alicuius in recto, illud quod diffinitur primo pertinet ad illud, quod ponitur in recto, vt si dicatur, quod similitas est nasi curuitas, similitas primo pertinet ad nasum, sed voluntas ponitur in diffinitione fruitionis in recto cum dicitur voluntas delectata, conquiescit ergo fruitio est principiū ipsius volūtatis. Præterea Augustinus dicit. Frui est amore inhærere, sed amor primo pertinet

Lib. 1. de doct. tri Christ. cap. 1.

Li. 83. quest. 1. 30.

1. de trinit. c. 10. in fin.

10. de trinit. c. 10. c. 23.

7. met. c. 10. 13.

Opinio Egidii. 1. sentent. 1. 9.

10. de tri. c. 10. vel 23.

1. de doct. Christiana cap. 1.

ad voluntatem. ergo &c. Præterea cuius est motuere in finem eius est quiescere, quia motus est propter quietem. sed voluntatis est mouere in finem secundum sanctos, ergo voluntatis est quiescere, sed fruitio dicit quietem. ergo fruitio primo spectat ad voluntatem: Et sic resumendo dicta, dico, quod fruitio est actus voluntatis primo, ex tertio articulo, qui actus duo dicit, scilicet dilectionem, & delectationem, ex secundo articulo, & quod dilectio, & delectatio differunt realiter ex primo articulo. Ad primum principale dico, quod duplex est finis, scilicet finis simplex, & iste est tantum Deus, qui est finis in fruitione propterea sumpta, & est finis sub fine & iste est actus potentiae, de quo hoc non quaritur. Vel per alia verba (vt dicit Varro) duplex est finis, scilicet formalis, & obiectiuus, licet ergo actus potentiae sit finis formalis per quē attingitur finis obiectiuus, non est tamen finis obiectiuus, & ideo ipso non potest frui, quia fruitio est respectu finis obiectiuī, quē perfectissime attingit voluntas. Ad secundū negetur vno modo, quod felicitas cōsistat in speculatione præcise, sed melius potest dici quod felicitas cōsistit in speculatione tanquā in quodā præiūo, eo modo quo ponit Au. quod fruimur bonis cognitis. Ex hoc sequitur, quod fruitio præsupponit cognitionem, & non est in cognitione. Sed hoc non obstante fruitio perfectissime spectat ad actum voluntatis, quia quæ sunt priora generatione, sunt posteriora perfectione, & è contra, sicut ponit Philosophus nono metaphi. de embrione. ergo &c.

Finis duplex, simplex, & finis sub fine.

Duplex finis formalis & obiectiuus.

Felicitas vnde consistat.

Elicitiue fruitio est actus voluntatis. Præsuppositiue est actus intellectus.

Verum aliquid aliud à fine vltimo sit obiectum per se fruitionis?

Scotus hoc idem quærit in primo sentent. distinct. 1. q. 1.

D. Bonaventura primo sent. distinct. 1. quæst. 2. artic. 3.

D. Thomas prima secunda q. 1. ars. 3.

Durandus 1 sent. distinct. 1. q. 2.

Franciscus de Mayronis primo sent. distinct. 1. q. 1.

Bacconianus primo sent. distinct. 1. q. 1.

QVAESTIO II.

81. *quest.*
9. 30.



ECUNDO quaeritur. vtrum aliquid aliud à
fine vltimo sit obiectum per se fruitionis?
Quod sic videtur per Augustinum vbi dicit:
Fruendum est bonis inuisibilibus, sed mul-
ta sunt bona inuisibilia citra Deū. ergo &c.

Præterea capacitas finita potest satiari bono finito,
sed capacitas animæ est finita, ergo potest satiari bono
finito. & per consequens frui eo.

1. de doctr.
Christ. c. 1.

Præterea sicut forma satiat appetitum materiæ intrin-
secæ, ita obiectum satiat appetitum voluntatis extrinse-
cæ, sed quælibet forma satiat appetitum materiæ intrin-
secæ. alias violenter quiesceret sub ea, ergo quodlibet
obiectum, siue bonum satiat appetitum voluntatis, &
ita voluntas potest frui eo. Contra, August. Res qui-
bus fruendum est, sunt pater, & filius, & spiritus sanctus.

Circa istam quaestionem primo ponetur vna distin-
ctio. Secundo dicetur ad quaestionem iuxta membra
distinctionis.

*Fruitio duo-
bus modis ac-
cipitur.*

De primo dico, quod fruitio accipitur dupliciter, quia
est fruitio ordinata, & fruitio in communi sumpta. Et
voco fruitionem ordinatam illam, quæ ordinatur se-
cundum debitas circumstantias respectu debiti obiecti.
Sed fruitio in communi sumpta dicitur siue habeat istas
circumstantias, siue non, & sic non necessario requirit
eas. Istæ fruitiones sic se habent adinuicem, quod frui-
tio in communi sumpta est vniuersalior fruitione ordi-
nata. Cuius ratio est, quia quæcunque potentia, quæ nō
determinatur ex se ad actum ordinatum actus eius in
communi sumptus est vniuersalior actu eius ordinato.
sed voluntas nō determinatur ex se ad fruitionem or-
dinatam. quia secundum Augustinum, peruersitas potest
esse in fruendo vtendis, quod non esset verum, si volun-
tas determinaretur ex se ad fruitionem ordinatam, er-
go fruitio in communi sumpta est vniuersalior frui-
tione ordinata.

Libro 83.
quest. 9. 30.

De secundo articulo sunt duo videnda. Primo quid
sit per se obiectum fruitionis ordinate, secundo quid
sit obiectum fruitionis in communi. De primo est
opinio Auicennæ quod aliquid aliud à fine vltimo, siue à
Deo est obiectum fruitionis ordinate, puta aliqua intel-
ligentia

9. met. cap. 4.

līgētia secunda. Sed istud est falsum, ideo arguit contra eum sic. Impossibile est potentiam vltimate quietari nisi in eo in quo reperitur perfectissime ratio sui primarii obiecti. sed obiectum potentiae fruitionis secundum ipsum Auicennam est ens in communi, ergo non quietatur vltimate nisi in illo in quo reperitur perfectissima ratio entis: sed hoc est solum vltimus finis, quia in omnibus aliis ens habet se secundum dependentiam, ergo &c. Secundo sic, potentia quae ordinatur ad multa obiecta, non quietatur vltimate, nisi in illo in quo omnia illa continentur virtualiter, sed hoc est tantum Deus, in quo omnia bona eminenter continentur. ergo &c. Præterea, istam intelligentiam secundam, quae est obiectum fruitionis secundum eum, aut anima capit eam, ut obiectum infinitum, & hoc non, quia stultum esset dicere animam esse beatam cum falsitate opinionis, aut eam non intelligit, nec ut finitam, nec ut infinitam. & tunc non beatificatur in ea, aut videt, ut finitam, & tunc poterit aliquid vltra appetere, & sic non erit obiectum beatitudinis. Aliqui etiam arguunt sic ad idem. Anima est ad imaginem Dei, ergo non quietatur vltimate, nisi in Deo. Præterea, anima creatur immediate à Deo, ergo non quietatur immediate, nisi in solo Deo. Quicquid sit de efficacia istarum duarum rationū, quia forte non concludunt: primæ tamen tres efficaciter concludunt contra Auicennam, & pro veritate, scilicet quod solus Deus, siue vltimus finis est obiectum fruitionis ordinatæ. De obiecto autem fruitionis in communi sumpto dico, quod est vltimus finis qui est vnus in natura rei, vel finis appetens qui ostenditur à ratione errante tanquam finis vltimus, vel finis præstitutus, siue determinatus. quem voluntas ex sua libertate sibi determinat tanquam vltimum finem, quia sicut in potestate voluntatis est velle, ita in eius potestate est modus volendi. Non est autem intelligendum, quod ratio finis in quantum respectus sit proprie ratio obiecti fruibilis, concomitatur tamen obiectum fruibile, quia nulla relatio rationis est de perfectione obiecti beatifici, ut beatificum est. Ad primum principale dico, quod Augustinus accipit fruitionem large pro amore

Ratio Auicenna probat tertiam intelligentiam suam secundam.

D. Bonaventura in 1. sent. dist. 1. q. 3. artic. 2. ratione 3. anse oppositum.

D. Thomas 1. parte summa q. 12. artic. 2.

honesti, distincto contra amorem vtilis, & delectabilis. Ad secundum dico, quod hæc capacitas voluntatis licet sit finita formaliter, est tamen infinita per participationem habitualiter, vt dicitur ad obiectum, & obiecti ad obiectum, & obiecti ad potentiam est magis proportio dissimilitudinis quam similitudinis. Et ideo bene potest capacitas in natura esse finita, & tamen ad obiectum infinitum. Exemplum potest poni de speculo modicæ quantitatis repræsentare obiectum maximæ quantitatis. Etiam de potentia visua quæ habet obiectum maximæ quantitatis quasi infinite excedens quod potest apprehendere. Ad tertium dicendum, quod est ad oppositum, quia sicut forma non faciat omnem appetitum materiæ nisi illa, quæ continet eminenter omnes formas alias, ita nullum obiectum faciat totum appetitum voluntatis, nisi quod continet eminenter omnia bona, sed hoc est tantum vltimus finis, ergo solus vltimus finis est per se obiectum fruitionis ordinatæ.

*Exemplum
de speculis.*

*Essentia diuina
de obiectu
fruibile.*

Vtrum sine apprehenso per intellectum necesse sit voluntatem frui eo?

Scotus hoc idem querit, 1. sent. distinctio. 2. quest. 4.

D. Thomas 1. secunde. q. 10. Artic. 1. & 2.

Franciscus de Mayronis 1. sent. distinctio. 1. quest. 7.

QVAESTIO III.

*Libro 2. di-
st. 24.*

TERTIO consuevit quæri hoc à quibusdam. Vtrum sine vltimo clare viso necesse sit voluntatem frui eo. Sed in isto dubio nolo hic morari, quia diffusius discutitur. q. illa, vtrū voluntas necessitetur respectu vltimi finis clare visi.

DISTINCTIO II.

Vtrum Deum esse sit pro se notum?

Hoc idem querit Scotus. 1. sent. distinctio. 1. quasi. 2.

Franciscus de Mayronis 1. sent. dist. 2. q. 1.

Durandus primo sent. dist. 3. q. 1.

QVAESTIO I.

HAEc itaque vera, & pia. Circa istam distinctionem secundam quæro primo. Vtrum Deum esse sit per se notum. Quod sic probatur. Illud est per se notum cuius notitia omnibus naturaliter est inserta, sed eius quod est Deum esse notitia omnibus naturaliter est inserta secundum Damascen. ergo &c. Præterea, veritatem esse est per se notum, sed Deus est veritas, ergo Deum esse est per se notum. Probatur maior, quia sequitur ex suo opposito, nulla veritas est, ergo verum est nullam veritatem esse, ergo veritas est, minor etiam patet.

2. met. cōtex.

1. Et 4. Lib. 1.

cap. 1. Et 3.

Contra per se notum non potest ab aliquo negari, sed Deum esse negatur ab aliquo. Dixit insipiens in corde suo non est Deus, ergo &c. Præterea, Avicenna dicit Deum esse non est per se notum. Circa istam questionem sunt tres articuli. Primus, quid sit de ratione propositionis per se notæ. Secundus si Deum esse sit per se notum. Tertius si est tantum vnus Deus.

Psal. 13. 52.

1. met. cap. 1.

De primo articulo dico, quod quando dicitur propositio per se notæ, ly per se non excludit terminos propositionis quia principia cognoscimus in quantum terminos cognoscimus. Excluditur autem quæcunque ratio quæ est extra per se conceptum terminorum propositionis per se notæ. Et sic propositio per se nota dicitur illa, quæ ex propriis terminis habet euentem veritatem. Est notandum, quod in propositionibus per se notis alius conceptus importatur per diffinitionem, alius conceptus importatur per diffinitum, quod probatur primo sic. Quidquid est alterius extremi, siue diffinitio est medium in demonstratione. Aut igitur conceptus diffinitionis est alius à conceptu differentia & habetur propositum: aut non, & tunc in demonstratione potissima erit petitio principii, quia præmissa non differt à con-

1. Post. cōp

tex. 6.

1. Post. cōtex

10. & 26.

Et expressius

habetur in 2.

context. 8.

clufione. Præterea, Impossibile est eundem conceptum esse priorem, & posteriorem, & haberi, & non haberi de eadem re, sed idem potest prius concipi, vt exprimitur per nomen, & non concipi, vt exprimitur per diffinitionem, ergo alius est conceptus expressus per nomen, & alius expressus per diffinitionem. Confirmatur per physicum dicentem, quod nomina subsistunt ad diffinitionem secundum quod totum ad partes, ita quod nomen est prius notum diffinitione, & nomen importat aliquid confuse, diffinitio autem aliquid distincte, sicut exemplificat ibidem de circulo, & eius diffinitione.

1. phys. con-
tex. 5.

D. Thom. 1.
parie summe
q. 2. artic. 1.

Ex hoc sequitur correlarius, quod distinctio D. Tho. de propositione per se nota in se, & in nobis, est nulla distinctio, quia quæcunque propositio per se nota, cuiusque intellectui est per se nota, licet non sit actu cognita, tamen in quantum ex terminis est euidenter nota, nam, vt dicebatur superius ista est propositio per se nota quæ ex propriis terminis habet euidentem veritatem.

Alique sunt
propositiones
per se nota ex
solo conceptu
confuso ter-
minorum.

Alique ve-
ro volumus ter-
minos distin-
cte concipi vt
est de ista
Deus est.

Deum esse est
demonstrabi-
le in nostro
intellectu
physica, via
motus, mer.
via eminente.
1. Met. cap. 1.
Varro lib. 1
distin. 2. q. 1.

De secundo artic. dico, quod Deum esse non est per se notum: primo, quia propositio per se nota cuiuslibet intellectui ex terminis cognitis est per se nota, sed Deū esse non est per se notum cognitis terminis. sed tales terminos concipimus antequam euidenter veritatem propositionis teneamus. ergo Deum esse non est per se notum. Præterea illa propositio non est per se nota, cuius termini non cadunt immediate sub sensu. sed termini huius propositionis Deum esse non cadunt sub sensu, igitur Deum esse non est per se notum. Præterea nihil est per se notum de conceptu non simpliciter simplici, nisi sit per se notum, partes illius conceptus adinuicem vniri. sed nullus conceptus, quem habemus de Deo proprius sibi, & non conueniens creaturæ est simpliciter simplex nec est per se notum partes illius conceptus adinuicem vniri, sicut est Deum esse. ergo Deum esse non est per se notum. Præterea nullum demonstrabile est per se notum, sed Deum esse est demonstra-
bile, per Auicennam. ergo Deum esse non est per se notum.

De tertio articulo dico, quod est tantum vnus Deus. Sed dicit hic vnus doctor. scilicet Varro, quod ista conclusio.

s. vnitas Dei non est demonstrabilis sed accepta est per fidem. sicut ponit Rabi Moyses, quòd vnitas Dei accepta est a lege. doctor autem noster dicit, quòd vnitas Dei est demonstrabilis, & est tantum vnus Deus. quod ipse probat primo ex infinito intellectu sic. Si sunt duo dii, aut vnus intelligit alium, aut non. Si non intelligit alium, ergo est imperfectus, & per consequens non est Deus. Si autem intelligit alium, aut hoc est per essentiam propriam, aut per essentiam alterius Dei. Si primo modo ergo non est Deus. cum non intelligat alium Deum perfectissime, scilicet per essentiam alterius Dei intellecti propriam, quia nihil cognoscitur perfectissime, nisi cognoscatur per essentiam suam, vel per aliud perfectius quàm ipsa sit in se. essentia autem alterius Dei in nullo includitur perfectius quàm in se. Si autem detur aliud membrum, scilicet quòd vnus Deus intelligat alium per essentiam Dei intellecti, ergo Deus intelligens non est Deus, quia eius actus est posterior obiecto, nam omnis actus, qui non est idem obiecto est posterior obiecto. Præterea eiusdem potentia non sunt duo obiecta adæquata, sed si essent duo dii: tunc eiusdem potentia essent duo obiecta adæquata, quia vnus Deus haberet pro obiecto adæquato propriam essentiam alterius Dei, ergo est tantum vnus Deus.

Secundo principaliter probatur hoc ex infinita voluntate, quia vnus Deus, aut diligit alium tantum, quantum seipsum, infinite, aut non; non primo modo, quia nihil diligit aliud tantum quantum se, vel plus quàm se, cuius non est pars, nec ab eo dependens, sed vnus Deus non est pars alterius, nec ab eo dependens. Nec secundo modo, quia tunc voluntas eius esset peruersa, quia voluntas recta infinite diligit infinite bonum infinitum.

Præterea vnus Deus, aut fruitur alio Deo, aut vtitur, non primo modo. quia tunc haberet duo obiecta perfecte beatifica, non secundo modo, quia voluntas eius esset summe peruersa. nam summa peruersitas est vti fruendis. Tercio principaliter potest probari hoc ex ratione necesse esse sic, scilicet si necesse esse potest esse essentialiter plurificarum, qua ratione potest esse in pluribus eadem ratione, & in infinitis, quod est inconuen-

Lib. 3. cap. 6.

Vide etiā pro hoc ipsum D. Thomam prima parte summae q. 2. ar. 3.

8. met. ca. 8.

7. met. ca. 8.

*Eiusdem esse
et non pos-
sunt esse due
causae totales.*

8. Phys. circa
medium.

12. met. circa
finem.

Exodi. 3.

nient, & hæc est ratio Auicennæ. Præterea Deus est
necesse esse, sed non possunt esse plura necesse esse, ergo
non possunt esse plures dii. probatur minor per Auicen-
nam sic. Si sunt plura necesse esse, tunc aliquibus ratio-
nibus distinguuntur, & tunc quæro de rationibus illis,
quia, aut sunt necesse esse, aut non, si non ergo, necesse
esse includit aliquid quod est possibile esse, quod est
falsum. Si verò sunt necesse esse, tunc habebit duas ra-
tiones necessitatis, & hoc est inconueniens, quia ali-
quid esset necesse esse per aliquam rationem, qua appo-
sita, vel remota nihilominus esset necesse esse. Quar-
to potest hoc probari per viam causalitatis, & omni-
potentiæ: ponatur enim, quòd vnus Deus velit Petrum pro-
ducere, & alius velit Petrum non produci, tunc quæro
an Petrus producit, an non? Si producit, ergo se-
cundus Deus non est omnipotens cum velit Petrum
non produci, & sic non esset Deus. Si autem Petrus nō
producit, ergo prior Deus non est omnipotens, quia
vult Petrum produci, & sic non est Deus. Sed diceret,
quòd argumentum forte non valet, quia illi duo dii fe-
cerunt pactum adinuicem, vt quod vult vnus vult alius,
dico, quòd non: quia eiusdem effectus non possunt esse
duæ causæ totales in eodem ordine causæ, quia cum
causatus est ab vna, impossibile est quòd fiat ab alia, sed
potentia infinita est causa totalis effectus in ratione cau-
sæ primæ, ergo. Quinto confirmatur per rationem
philosophi vnum inquit primum mouens magis quam
multa oportet æstimare, in his enim quæ sunt natura,
idest in rebus naturalibus sufficiens est vnum primum
mouens esse, ergo non oportet ponere plura, quia nul-
la pluralitas est ponenda sine necessitate. Præterea hoc
idem probat, per hoc quòd entia non volunt male dis-
poni, & tunc infert, vnus ergo dominus, & vnus prin-
ceps. Nec valet dictum Rabi Moyfi, nam vnitas Dei ac-
cepta est à lege propter populum, qui pronus esset ad
idolatriam quamuis in se esset demonstrabile, sic etiam
esse Dei acceptum est à lege, Ego sum qui sum, & tamen
esse Dei est demonstrabile.

Ad primum principale cum dicit Damasc. quòd cogni-
tio Dei est omnibus inserta, dico, quod cognitio potest

accipi, vel pro actuali notitia, & sic illud non est de mente Damasceni, quia ipse dicit tibi, quod nemo mouit Deum nisi in quantum ipse se reuelat. Vel potest accipi *Cognitio potest accipi duobus modis.* pro potentia cognitiua per quam possumus cognoscere Deum in quibusdam conceptibus communibus, & hoc non est contra me. Ad secundum dico, quod veritatem esse in communi est per se notum, sed cum infertur, ergo Deum esse est per se notum, non sequitur: sed est fallacia consequentis à superiori ad inferius affirmando, ergo &c.

Vtrum cum vnitae essentiae stet
Trinitas personarum?

Hoc idem querit Scotus primo sent. distinctio. 2. q. 4.

D. Bona. primo sent. distinctio. 2. quest. 2. Artic. 1.

Alexander Alensis prima parte q. 14. membro 5.

D. Thomas prima parte. q. 39. Artic. 2.

Durandus primo sent. dist. 2. q. 1.

Ricardus primo sent. dist. 2. q. 1.

Franciscus de Mayronis primo sent. distinct. 2. quest. 14.

Q V A E S T I O II.

SECUNDO queritur. Vtrum cum vnitae essentiae stet trinitas personarum. Quod non videtur, quia relationes oppositae sunt aequalis dignitatis, sed relationes producentis, & producti sunt oppositae, ergo sunt aequalis dignitatis, sed relatio producentis constituit tantum vnā personam, ergo relatio producti constituer tantum vnā personam, & sic erunt tantum duae personae in essentia diuina. Præterea, filius est aequalis dignitatis cum patre, quia sunt aequè omnipotentes, sed pater potest generare, ergo, & filius potest generare, & sic erunt duo filij in essentia diuina.

Contra. Tres sunt qui testimonium dant in cælo. *I. Ioannis cap. 5.* Circa istam quæstionem sic procedendum est. Quia enim trinitas personarum inuestigatur ex ordine productionum, ideo tria sunt videnda. Primo si in diuinis

1. mei. cap. 3.

fit aliqua productio intrinseca. Secundo quot sint iste productiones intrinsecę. Tertio ex his videndum est primum quæsitum.

Quantum ad primum est error Auicennę principia sonant nullam in diuina essentia esse productionem intrinsecam, quod probant sic, nullum productum est ex se necessarium: sed quicquid est in essentia diuina est ex se necessarium, ergo nihil est ibi productum. Maior probatur dupliciter. Primo sic, nihil est simul necessarium ex se, & ab alio, sed productum si est necessarium est necessarium ab alio, & ergo non a se. Secundo sic. Omne productum possibile est produci, sed possibilitas repugnat necessario, igitur nullum productum est necessarium. Præterea, productio non est sine dependentia, sed in diuinis non est dependentia, quia tunc dependens esset imperfectum, ergo in diuinis nulla est productio. Maior probatur, quia alias natura esset ex equo in producente, & in producto, & non præexigetur in producente. quod est contra rationem productionis. Contra istam opinionem arguitur sic, a quibusdam per rationem Ricar. tum per rationem boni quod est sui diffusiuum, tum per rationem potentia summæ actiua, tum per rationem perfecti, quas rationes omitto, quia forte non concludunt efficaciter. Et arguo contra opinionem probando, quod in diuinis fit aliqua productio ad intra, primo sic.

*Ric. 5. de tri.
& D. Bona.
dist. presen.
q. 2.*

*Improbatio
subtilissima.*

Quicquid de ratione sua formali est principium productiuum illud in quocunque est sine imperfectione, & a se est principium productiuum, sed memoria secunda summe perfecta, siue intellectus summe intelligens habens obiectum intelligibile est principium productiuum notitiæ genitæ, ergo cum in Deo sit memoria perfecta, & a se ibidem est principium productiuum notitiæ genitæ. Et tunc ultra arguitur sic. Vbiunque ponitur principium productiuum perfectum si est necesse esse, & infinitum necessario ibi ponitur productio perfecta, sed in Deo ponitur principium productiuum perfectum notitiæ genitæ, ex præcedenti similitudo, & est necesse esse, & infinitum, ergo necessario ibi ponitur productio perfecta, & vocatur perfecta, quia adæquate se habet ad

principium productiuum, quemadmodum eius intellectus est infinitus, ita notitia genita est infinita. Consimiliter potest argui de voluntate: quia voluntas infinita habentes obiectum amabile infinitum: sicut ponitur in Deo est principium productiuum amoris infiniti. Secundo arguitur ad principale. In vnoquoque genere imperfectum arguit perfectum in illo, sed omnis productio in creatura est imperfecta, quia non attingit finem perfectum, vel completum perfectionis, qui est assimilatio perfecta in vnitatem naturæ, quod non est in creatura, & tamen hoc non includit contradictionem, ergo oportet dare productionem perfectam, quæ sit in vnitatem naturæ, sed non potest poni nisi in Deo, ergo. Nec rationes commentariæ concludunt. Prima non, quia possibile dicitur multipliciter. Vno modo dicitur possibile quod distinguitur contra impossibile, & isto modo est possibile Deum esse. Secundo modo dicitur possibile prout distinguitur contra necessarium, & ut est idem quod contingens, & isto modo non cadit in Deo. Tercio modo dicitur possibile in ratione agens, & illo modo omne producibile est possibile, & sic negetur ista propositio, nullum productum ex se est necessarium, nisi per ly ex se intelligatur idem genus causæ efficientis unde filius est ex se necesse esse formaliter, sed a patre est productiue necesse esse. Et sic patet ad primam probationem maioris. Et eodem modo dicitur ad secundam: quia possibile prout dicitur relative ad agens non repugnat necessario ex se formaliter. Ad secundam rationem dico per interpretationem maioris: non enim sequitur est ab alio, ergo dependet, & cum probatur per independentiam, concedo, quod eque independenter est natura in producente, & in producto, & cum arguitur: non erit independentia, nego consequentiam, quia dependentia sequitur ontitatem formalem dependentis, & quia in diuinis est eadem entitas absoluta, ideo nulla est ibi dependentia.

Possibile multiplicitur dicitur.

Necessarium ab alio, & ex se formaliter secundum Theologos est filius diuinus, & etiam Spiritus Sanctus qui habent naturam simpliciter necessariam indefectibilem, illam enim habent à patre.

De secundo articulo dico duas conclusiones. Prima, quod in diuinis sunt duæ productiones ad intra. Secunda, quod istæ duæ productiones non sunt eiusdem rationis. Primam commentationem probat doctor

Henr. quolibet 6. q. 1. Et quolibet 2. q. 6.

Sit conclusio Scoti.

Principium in diuinis capitur dupliciter quantum ad operationes ad intra, & quantum ad operationes ad extra, quantum ad operationes ad intra in Deo sunt duo principia productiua, secundum quod sunt due productiones una est à memoria secunda, qui pater producit filium, Altera à voluntate qua pater & filius simul produciunt spiritum sanctum: pater igitur est principium generationis filio, filius & pater simul sunt principium, etiam à spi-

Henricus. Actus notionales fundantur super essentialibus immanentes, sed actus essentialibus immanentes sunt tantum duo, scilicet intelligere, & velle, ergo sunt tantum duo actus notionales, siue duæ productiones, scilicet generare, & spirare. Scotus probat eam sic, vbi sunt duo principia productiua ad intra habentia productiones adequatas, quæ semper manent, ibi sunt duæ productiones tantum, sed in diuinis sunt duo principia productiua an intra habentia productiones adequatas, quæ semper manent, ergo sunt tantum duæ productiones. Prima pars minoris probatur sic, pluralitas principiorum actiuorum in diuinis non potest reduci ad vnitatem propter oppositum modum principiandi, quia vnum inclinatur liberè, aliud naturaliter, non etiam vnum potest reduci ad alterum, quia tunc quod reduceretur esset imperfectum secundum totum genus suum, sed pluralitas principiorum productiuorum, vel oportet quod reducatur ad vnitatem quod esse non potest, vt patet ex prædictis, vel ad tantam paucitatem ad quantam potest reduci ad minus quam ad dualitatem, ergo sunt ibi duo principia productiua, secunda pars minoris probatur, quia memoria infinita habet notitiam genitam infinitam adequatam, quæ semper manent, & eodem modo voluntas infinita habet amorem adequatum. Secundam conclusionem, scilicet quod istæ productiones non sunt eiusdem rationis, sed alterius probant aliqui sic. Ita quæ sunt eiusdem rationis non possunt multiplicari nisi per materiam, sed in diuinis non est materia, ergo non sunt ibi duæ productiones eiusdem rationis. Contra istam rationem adducit doctor noster instantiam de angelis, quia cum angeli, secundum istum non habeant materiam, non possunt esse plures in eadem specie, & sequuntur contra eum tres articuli condemnati Parisiis à domino Stephano. Vnus dicit sic, quia intelligentiæ non habent materiam, ideo Deus non potest facere plures angelos eiusdem speciei. Error secundus, quod Deus non possit multiplicare indiuidua sub eadem specie sine materia. Error tertius, quod formæ non suscipiant diuisionem, nisi secundum materiam. Error. Nisi intelligatur de formis eductis de potentia materiæ, ergo

de formis non eductis de potentia materiæ, sicut est in proposito hoc dicere est erroneum. Et præterea contra fundamentum istius opinionis sunt multæ auctoritates. Supponit enim, quòd multiplicatio indiuiduorum fiat per materiam, quod improbat Commentator, & Auicenna, sicut melius declarabitur libro secundo, quæ est tertia. Ideo probatur ista aliter sic. quando potentia exhauritur per vnum actum potest in alium actum eiusdem rationis, sed in vnica filij generatione exhauritur tota potentia generandi, ergo non potest in alium actum eiusdem rationis: Alio modo probatur eadem conclusio sic per Scotum. Si possent esse ibi plures productiones eiusdem rationis, ergo & infinite, & si possunt esse infinite, ergo necessario sunt, quia nihil est ibi nisi necessarium, vltimum consequens est impossibile, ergo & antecedens. Consequentia probatur, quia quando natura non determinat vnum præcise si possunt esse plures, & etiam infinite, ergo si in diuinis essent plures filij, ergo, & infiniti. Probatur per Augustinum, vbi vult, quòd si filius posset generare, pater haberet nepotem, & tunc generatio non esset terminata, sed posset ire in infinitum.

Præterea quod est ex se quædam singularitas non potest multiplicari in plura eiusdem rationis, sed filiatio, siue spiratio est ex se quædam singularitas, ergo nullum illorum potest multiplicari in plura eiusdem rationis. Vel sic. Quicquid est de se hoc impossibile est, quòd plurificetur, quia quod non potest ab alio determinari, & est quantum est de se plurificabile: quia ratione potest esse in aliquibus pluribus, & in infinitis, sed quodlibet vnus rationis in diuinis est de se hoc. Probatio, quia si non potest esse in pluribus, & qua ratione in pluribus, & infinitis, ergo nihil vnus rationis in diuinis est plurificabile. Circa istas duas conclusiones sunt aliqua dubia.

Contra primam conclusionem arguitur sic: Vnius naturæ est vnus modus communicandi secundum Commentatorem, sed essentia diuina est vna natura, ergo communicatur vno modo, & non duabus productionibus.

Contra secundam conclusionem obiicitur dupliciter.

rationem, & productionem spiritus sancti. De operationibus ad extra est tantum vnum principium indiuiduis, scilicet pater, filius, & spiritus sanctus.

Vide Diuum Tho. 1. par. summ. q. 7. artic. 1.

2. de anima comm. 2. Et 3. 2. met. c. 21.

Probatio Scoti.

Contra maximum hereticum li. 1.

Illud dicitur de se hoc quod est ex sui natura vltima actualitate, et ordine, ut quando infans est in vtero

8. physico. comm. 46.

5. physico.
comm. 31.
¶ inde, &
speciali ex
contextu. 48.

Primo sic. Motus & productiones specificantur ex terminis per Cōmentatorem sed in generatione, & spiratione est vnus, & idem terminus formale, scilicet essentia, ergo generatio & spiratio sunt vnus rationis. Secundo sic. habes principium formale producēdi potest producere, sed filius habet principium formale generandi, ergo potest generare, & sic erunt duæ generationes.

Lib. de incar-
natione verbi
in fi.

Lib. 2. de calo
& mundo
comm. 4 2.

Quere Aui-
cennam 15.
de animal. et
in tractatu
de diluuiis ad
hoc.

Ad primum dico, quod maior est falsa, sic patet per Ambrosium. Nam Adam, & filius eius fuerunt eiusdem naturæ specificæ, & tamen Adam fuit à Deo per creationem, & filius suus ab eo per generationem. Contradicit etiam Cōmentator sibi ipsi, de igne excusso de lapide, & de igne ab alio genito qui sunt eiusdem naturæ specificæ, & tamen per alium modum producendi, nec auctoritas est ad propositum, quia illud dicit Cōmentator contra Auicennam, cui imposuit, quod homo poterat generari equiuoce, sicut & animalia quæ generantur per putredinem sine semine. Ad aliud dico, quod motus non specificantur præcise ex terminis, quia motus rectus, & motus circularis, vt ponit philosophus, possunt terminari ad idem numero, qui motus in tantum differunt, quod non sunt ad inuicem comparabiles.

7. phis. cons.
21.

Et est notandum, quod ista propositio motuum differentium specie sunt termini differentes specie: dependet ex ista, quod forma fluens est eiusdem rationis cū forma terminante, & vbi ista est falsa etiam illa erit falsa, sed in proposito ita est. quia generatio est relatio, terminus autem formalis est essentia: quæ est aliquid absolutum: quæ non sunt eiusdem rationis. Et ideo in proposito illa maior est falsa. Ad tertium dico, quod filius non potest generare, quia suppositum recipiens formam per productionem adæquatam illi formæ non potest per illam formam producere, sed illius recipit memoriam secundam per productionem adæquatam illi memoriæ, ergo non potest generare siue producere alium filium.

Comm. 12.
met 39.

Duplex co-
gnitio, quadā
apprehensiuā

De tertio articulo est error Commentatoris qui deridet Christianos, dicens sic. Putauerunt aliqui trinitatem esse in diuina substantia, & voluerunt euadere per hoc quod sunt tres personæ, & vnus Deus, & nesciuerūt euadere, quia cum substantia sit vnum aggregatum est

vnum per intentionem vnā additam congregato. Sed hæc opinio est hæretica, & falsā. Et primo pono, quod non repugnet essentiæ diuinæ, quod in ea sint plures personæ. Secundo, quod sunt ibi tantum tres personæ. Primum probatur sic. Essentia diuina est simplicissima, & illimitata, sed propter suā simplicitatem potest esse in pluribus partibus corporis sine sui diminutione, & mutatione, ergo multo magis essentia diuina potest esse in pluribus suppositis.

Præter. essentia diuina est perfectio simpliciter, sed perfectio simpliciter est pluribus cōmunicabilis, ergo, &c.

Præterea, sicut vna natura creata potest recipere supra se plures proprietates accidentales, ita natura diuina plures proprietates personales. Secundum, scilicet quod sint tantum tres personæ in essentia diuina probatur sic. Est enim ibi tantum vna persona non producta, & vna producta per actum intellectus, & alia producta per actū voluntatis, ergo sunt tantum tres. Duo vltima dicta, scilicet, quod sit vna producta per actum voluntatis, & alia per actum intellectus, patent ex prædictis in secundo articulo. Quare autem sit vna persona tantum non producta, patet sic, quicquid potest esse in pluribus suppositis, & non determinatur ad certum numerum suppositorum per aliud a se si potest esse in pluribus potest esse in infinitis, & si est necesse esse necessario est, sed tale est suppositum ingenitum: ergo si essent plures personæ non productæ essent infinitæ quod est falsum.

Præterea nulla pluralitas est ponenda sine necessitate, sed hic non est necessitas ad ponendum plures personas, ergo &c.

Præterea, eadem natura videtur esse ex se immediatissime habere plures modos essendi, sed oppositum sequitur, si essent plura supposita non producta, ergo & cætera. Aliqui autem ad videndum istam compossibilitatē essentiæ diuinæ cum pluralitate personarum tradit hic, si est aliqua distinctio inter essentiam, & proprietatem relatiuam, quod ego nunc prætermitto vsque ad distinctionem 34. Ad primum principale dico, quod consequentia non valet, istę relationes sunt æqualis dignitatis, ergo sunt æquales in numero, sed est fallacia figuræ

tantum, &
sic Aneiroes
dimouit trinitatem in de-
donis, quia
apprehendit
illud quod
expugnare
nititur.

Alio modo
cognitione
apprehensua
et adhaesua,
& talem co-
gnitionem nō
cognouit,
quia non
adhaesit huic
veritati, Deus
est trinus in
personis, &
vnus in essen-
tia.

Figura di-
stinctionis sit
quando inter-

pretatur non
est m., vel di-
uerjam.

ditionis commutando quale in quid. Ad secundum
pater ex dictis in secundo articulo, quare filius non po-
test generare.

DISTINCTIO III.

Vtrum ens in sua communitate acceptum dicatur vni-
uoce de Deo, & creatura?

Hoc idem queritur Scotus primo sent. distin. 3 q. 2.

D. Thomas prima parte. quest. 13. Articulus 5.

Franciscus de Mayronis in prologo primi sent. q. 12.

QVÆSTIO I.

Rom. 1.

*Cap. de spe-
cie.*

*Lib. de subie-
ctu orbis cap.*

2.

4. Met. cont.

2.

5. Met. cons.

2. & 7.

Met. cont. ex.

10.

7. Phys. cont.

24.

*Talis conce-
ptus non est
communis*



POSTOLVS namque ait. Circa istam
distinctionem tertiam in qua tractat
Magister de cognitione Dei per crea-
turas. Queritur primo. Vtrum ens in
sua communitate acceptum dicatur
vniuoce de Deo, & creatura? Quod
non, quia Porphyrius dicit. Si quis
omnia entia vocent equiuocè inquit nuncupabit ea, &
non vniuoce. Præterea Commentator dicit quæ dictun-
tur de superioribus, & inferioribus dicuntur equiuoce,
ergo non vniuoce. Præterea dicitur, quod ens dicitur de
entibus, sicut sanum de sanis, sed sanum dicitur de sanis
analogicè, ergo &c. Præterea plus opponuntur Deus, &
creatura quam decem genera, sed ens non dicitur vni-
uoce de decem prædicamentis, ergo &c. Contra, com-
paratio fit penes vniuocum, sed Deus, & creatura com-
parantur in ente, ergo ens est vniuocum. Circa istā qua-
stionem sunt quinque articuli. Primo ponetur vna pro-
positio necessaria ad manifestationem veritatis in ente.
Secundo videbitur si ens sit equiuocum. Tertio si ens est
vniuocum. Quarto si illa vniuocatio est composibili-
ter cum analogia. Quinto remouebuntur rationes do-
ctorum. quibus nituntur tollere vniuocationem entis.

De primo articulo pono istam propositionem, quod
ens habet proprium conceptum, qui ex se non est Dei

neque creaturæ, nec alicuius diuidentis ipsum primo, quod probatur sic. Conceptus non conuertibilis cum aliquo habet proprium, & distinctum conceptum ab illo. Sed conceptus entis taliter se habet ad Deum, & ad creaturam, quia si Deus est, ergo ens est, & non è conuerso. quin immo conuertendo esset fallacia consequētis, ergo ens habet proprium conceptum. Præterea, quia impossibile est eundem conceptum esse certum, & incertum eidem intellectui aliter contradictoria verificarentur, de eodem, sed conceptus entis est certus. Tum quia primo impressus animæ, tum quia per se notus. Conceptus autem Dei, siue creaturæ non est certus cum in hoc dubitemus, ergo &c. Contra istam propositionem instatur, quia si ens haberet talem conceptum, tunc intentio entis posset abstrahi à Deo, quod est inconueniens. Tum quia Deus per naturam est purum esse, tum quia posset intelligi non esse. Præterea, iste conceptus, cum sit proprius, aut seipso distinguitur à conceptu cuiuslibet entis specialiter, & tunc erit nihil, aut alio: tunc quæro de illo in infinitum. Ad primum dico, quod peccat per equiuocationem, quia abstractio est duplex. Vna per intellectum, sicut ponit philosophus quod abstrahētium non est mendacium, Alia est abstractio realis. Primo modo potest à Deo abstrahi ratio entis concipiēdo ens per indifferentiam. Secundo modo non potest abstrahi à Deo ratio entis. Ad secundum concedo entis conceptum conceptibilem distinguī ab aliis. Sed cum addis, ergo est nihil: volo, vt opponitur enti reali, sed nego, vt opponitur conceptui per indifferentiam modi concipiēdi fabricato. Et prima consequentia non valet, quia quāuis distinguatur ab aliis, non tamen distinguitur à seipso: & sic non sequitur, quod sit nihil, quemadmodum intellectus separatus ab aliis viuentibus, non tamen sequitur, ergo non uiuit, quia non distinguitur à se. Ex dictis sequitur correlarium, quod ens habet conceptum latissimum, & confirmatur, quia suum oppositū. s. nihil habet conceptum latissimum ad omnes conceptus negatiuos, ergo ens habet conceptum latissimum ad omnes conceptus positiuos. Et hinc est, quod Commentator dicit, quod nihil est latius ente.

Deo, & creatura communitate reali, sed solum communitate rationis. Vide pro hoc Taretum.

1. Met. 1.

notabili.

Licet oppositum dicat

Anionius

Andreas. 1.

Met. 9. 1. Et

Scotus. 1.

Sent. dist.

8. q. 3. Soluēdo 3.

Argumentum

principali.

2. Phys. cont.

18.

Duplex ab-

stractio per-

cisua, & di-

uisua, com-

plexa & in-

complexa.

Vide Scotū

in 4. sent.

dist. 50. q.

vli.

Correlariū.

Nihil est la-

tius ente. 4.

*propositione
de causis.*

*Quorundam
est opinio,*

*Ens esse equi-
uocum vno
modo.*

De secundo articulo est vna opinio, quod ens est equi-
uocum vno modo. Ad cuius euidentiam nota, quod si-
cut in rebus naturalibus sunt quædam conditiones ma-
teriales, & quædam formales: ita & in conceptibus equi-
uocis, nam ibi & conditio materialis, quia equiuoca nō
habent attributionem in essendo. Conditio autem for-
malis est, quod conueniunt in nomine, & non in re. Ad
propositum autem applicando dicit, quod ens non est
equiuocum quantum ad conditionem materiale, quia
in ente est vera attributio in essendo, est tamē ens equi-
uocum quantum ad conditionem formalem, quod pro-
batur sic. Cui conuenit diffinitio equiuoci est equiuo-
cum, sed ens est huiusmodi, quia dicitur secundum idem
nomen, & non secundum eandem rationem, ergo &c.

4. met. contr.

2.

1. met. sue,

tract. 1. c. 2.

Ista opinio est falsa, & contra Aristotelem. Ens in-
quit dicitur multis modis, & non equiuoce, & idem di-
cit Commentator, hoc nomen ens dicitur equiuoce. Et
Algazel dicit, aliqui putauerunt ens dici æquiuoce, &
hoc est falsum. Præterea principium primum per quod
tenet prima, & potentissima demonstratio non subdatur
in termino equiuoco, quia alias tota argumentatio esset
equiuoca. Sed illud principium fundatur in ente, ergo
ens non est equiuocum.

*1. Elencho-
rum.*

7. phisico. cōt.

24.

*Communis
opinio est ens*

esse Analogo-

rum. Vide

Arist. 4.

met. contr. 2.

Præterea terminus conditionis non est equiuocus,
quia conditio est vnius & eiusdem non tantum nomi-
nis, sed & rei. Sed ens est extremum, siue terminus con-
traditionis, ergo non est equiuocum. Præterea in æqui-
uocis non est comparatio secundum philosophum, sed
in ente est verissima comparatio, quia substantia est per-
fectius ens quam musca, & Deus est perfectius ens, quā
musca, ergo ens non est equiuocum. Nec valet ratio
opinionis. Supponit enim in minori, quod ens non ha-
beat rationem, siue conceptum per se vnum, cuius con-
trarium probatum est in primo articulo, vnde ens in sua
propria acceptione dicitur de omnibus secundum
vnam rationem.

De tertio articulo communi sententia doctorum
est, quod ens dicat conceptum analogum, & non vni-
uocum. Rationes autem eorum nunc prætermitto, sed
ponam eas in quinto articulo, vbi soluentur. Et dico
primo,

primo, quòd ens est vere vniuocum. Secundo declarabo qualis est ista vniuocatio. Primum probo sic. Omnis intellectus certus de vno conceptu, & dubius de diuersis, vel duobus, habet alium conceptum de quo est certus, ab illis de quibus est dubius. Sed intellectus meus est certus de Deo, quòd est ens. Dubitat autè vtrum sit hoc ens, vel hoc ens. Et eodem modo de creatura, ergo eodem modo conceptus entis de se nec est Dei, nec creaturæ, in vtroque tamen includitur essentialiter. Et hoc concludebatur in propositione proposita in primo articulo. Cui additur talis ratio. Omnis conceptus, qui respectu aliquorum duorum est neuter, & in vtroque includitur essentialiter est conceptus vniuocus, sed conceptus entis est huiusmodi, vt patet ex dictis, ergo conceptus entis est vniuocus. Respondeo ad istam rationem negando maiorem primi syllogismi: quia conceptus hominis & conceptus huius hominis sunt vnus conceptus, & tamen possum esse certus, quod aliquis sit homo dubitando tamen an sit iste homo, vel ille. Sed ista responsio non valet. Tum quia supponit falsum, scilicet quod indiuiduum vagum, & indiuiduum signatum dicant eundem conceptum. Tum quin idem conceptus posset esse certus, & non certus: quia dubium æquipollet non certo, & sic de eodem verificarentur contradictoria. Alias rationes omitto, quia modicum valent. Præterea arguitur ad principale sic. Si ens non esset vniuocum, sequitur, quod non possemus habere aliquem conceptum quiditatum de Deo, quod est falsum. Probatio consequentiæ, nihil causatur naturaliter in intellectu nostro nisi ab his quæ sunt naturaliter motiua intellectus nostri: sed hæc sunt fantasmata, & obiectum relucens in fantasmate, ergo nihil causatur in intellectu nostro naturaliter, nisi virtute istorum. Sed negata vniuocatione entis obiectum non poterit mouere ad conceptum quiditatum Dei, ergo. Probatio istius assumpti causa adæquata habet causare conceptum quiditatum, qui continetur in ea essentialiter, vel virtualiter, sed ibi non est continentia essentialis, quia negas vniuocationem, nec virtualis, quia nullum imperfectum continet virtualiter suum perfe-

*Vide Scotum
in 1. distinct.
3. q. 2.*

*Vide hoc originaliter in
Rogaxelo in
sua metaphisica.*

Pulchre rationes quomodo ens sit vniuocum.

ctius, ergo &c. Præterea illud, quod dicitur secundum idem nomen, & secundum eandem rationem dicitur vniuoce, sed ens est huiusmodi, ergo &c. Probatio minoris quod ens dicatur secundum idem nomen patet, quod autem dicatur secundum eandem rationem probatur ex dictis in primo articulo, vbi probatum est, quod ens habet propriam rationem. Præterea primum principium fundatur in termino vniuoco, sed primum principium fundatur in ente, ergo ens est vniuocum. Vltimo potest probari, quia inquisitio metaphisicalis procedit circa Deum accipiendo, quod est perfectionis in creatura ponendo illud in Deo: sed ista inquisitio esset nulla negata vniuocatione entis, ergo. Sed vltius restat hic videre qualis est ista vniuocatio entis. Et dicunt aliqui, quod est realis realitate obiectiua. Sed hoc non credo esse verum, quia se totis distinctis realiter nihil est commune realiter, sed Deus, & creatura sunt huiusmodi, aliter Deus non esset simpliciter simplex, ergo non conueniunt in aliquo, siue in ente realiter. Præterea quæ conueniunt in ente realiter illud simpliciter est prius illis, sed nihil est prius simpliciter Deo, & creatura, ergo non conueniunt in ente realiter. Præterea impossibile est eandem entitatem esse realiter necessariam, & contingentem, sed quicquid est in Deo est necessarium: quicquid autem est in creatura est contingens, ergo Deus, & creatura non conueniunt in ente realiter. Dico ergo, quod vniuocatio entis non est realis: sed est accipienda ex indifferentia modi concipiendi. Ad cuius euidentiā est notandum, quod antiqui philosophi diuersimode fuerunt locuti de vniuocatione. Nā Parmenides, (vt recitat Commentator) posuit vniuocationē in vnitatem numerali. Plato verò, secundum quod ei imposuit philosophus posuit vniuocationē in aliquo vno realiter separato, vnde secundum ipsum omnes homines vniuocantur in quodam homine separato, quem per se dicebat hominem. Aristoteles verò ponit vniuocationem in aliqua vna, nam ratione solum separata abstrahibiliter, & conceptibiliter, & ista competunt enti. Et ad hoc est notandum, quod sicut potest esse duplex ratio in qua aliqua conueniunt, ita potest esse duplex vni-

*Vniuocatio
entis qualis
su.*

*Vniuocatio
entis non est
realis.*

*3 met. comm.
16.*

*Duplex ra-
tio in qua
aliqua conue-
niunt.*

uocatio: nam aliqua conueniunt in ratione transcendenti, aliqua conueniunt in ratione prædicamentali. Ideo est quædam vniuocatio transcendens, & quædam prædicamentalis. Et prima vniuocatio conuenit enti. Secunda non. Et ideò omnes auctoritates, quæ remouent vniuocationem ab ente sunt intelligendæ de vniuocatione prædicamentali, & non de transcendenti.

Duplex vniuocatio.

Ad quaestionem secundam propriam.

De quarto articulo dico duas conclusiones. Prima, quod vniuocatio entis si ponitur realis non est compossibilis cum analogia. Secunda quod vniuocatio entis si ponitur per indifferentiam modi concipiendi, sicut est expositum in articulo præcedenti, est compossibilis cum analogia. Prima conclusio probatur sic. Esse aliquid plura simpliciter, & vnum simpliciter non est compossibile, sed vniuocatio realis dicit unitatem simpliciter, Analogia verò dicit pluralitatem simpliciter ergo. Præterea formaliter, repugnantia non sunt compossibilia in eodem, sed vera analogia, & vniuocatio realis formaliter repugnant, ergo non sunt compossibiles. Probatio minoris. Nam analogia includit rationem prioris, & posterioris, vniuocatio vero non includit ista. Secunda conclusio probatur sic. Non magis repugnat in ente vniuocatio, & analogia quàm in quocunque genere respectu suarum specierum: sed in genere ponitur vniuocatio per indifferentiam modi concipiendi, & ista non excludit analogiam, quia inter species eiusdem generis est attributio, ergo in ente stat vniuocatio exposita, & analogia. Præterea genus vere prædicatur vniuoce, & vere prædicatur analogice, quia secundum prius & posterius, ergo ista adinuicem non repugnant, & sic in ente potest stare vniuocatio, & analogia, & per hoc patet ad omnes auctoritates sanctorum, & philosophorum, cum dicunt ens esse analogum, & per hoc non excluditur vniuocatio, quia possunt simul stare vniuocatio exposita in præcedenti articulo, & analogia in ente.

Quomodo vniuocatio compossibilis cum analogia.

4. topico. c. 3.

4. met. cons. 2.

Vniuocatio & Analogia possunt simul esse.

De quinto articulo in quo ponendæ sunt rationes doctorum, quæ improbant vniuocationem entis, est sciendum, quod contra istam opinionem arguit Lincconensis, sic. Si ens dicitur vniuoce non potest distra-

Lib. 1. post.

3. met. cont.
10.

hi in multitudinem, nisi per differentias, quarum nulla est ens, sed impossibile est ens distrahi, vel contrahi per differentias, quia tunc contraheretur per illud, quod non esset, quia entis non sunt differentiae, ergo ens non est vniuocum.

D. Thom. I
parte summe.
q. 13. artic.
5.

Lib. I. contra
Gentiles exē.
plum.

Opinio Ge-
rardi Car-
melite quo
lib. 1. q. 1.

D. Thoma
supra.

Præterea Diuus Thomas arguit ad idem. Effectus non adæquans virtutem suæ causæ non conuenit in aliquo vniuoce cum sua causa. Exemplum, nam ignis genitus à sole non dicitur vniuoce cum sua causa. Exemplum, nam ignis genitus à sole non dicitur vniuoce calidus cum sole, sed creatura est effectus Dei, non adæquans virtutem illius, ergo nihil dicitur vniuoce de Deo, & creatura. Præterea idem Doctor probat hoc idem sic: quæ non habent similem modum essendi non vniuocantur in aliquo. Exemplum de domo extra, & de domo in mente: sed Deus & creatura non habent similem modum essendi, ergo non vniuocantur in ente. Præterea quod prædicatur vniuoce de aliquo est simplicius eo de quo prædicatur: sed nihil est simplicius Deo, ergo nihil dicitur vniuoce de Deo, & creatura. Præterea quod dicitur de aliquo secundum prius, & posterius non dicitur vniuoce, sed ens dicitur de Deo, & creatura secundum prius, & posterius: ergo non dicitur vniuoce. Alius scilicet Gerardus Carmelita arguit ad idem sic. Motui ad formam, & motui ad vbi nihil est commune vniuocum, ergo multo magis nec Deo, nec creaturæ, & decem prædicamentis. Præterea causa per se, & causa tum per se non vniuocantur, sed entitas Dei est causa totius entitatis creaturæ, ergo. Præterea vniuoca parificantur in nomine, & in ratione, sed impossibile est Deum parificari: ergo impossibile est Deum, & creaturam vniuocari in aliquo. Præterea quando aliqua vniuocantur, si vnum est infinitum, & reliquum: & si vnum est creatum, & reliquum, & si vnum est defectiuum, & reliquum, ergo si Deus, & creatura vniuocantur, sequitur, quod sicut creatura est finita, & creata, & defectiua, quod ita Deus erit creatus, finitus, & defectiuus. Præterea ad idem Diuus Thomas arguit sic. Conceptui comprehensiuo & non comprehensiuo nihil est cōmune

vniuocum, sed conceptus creaturæ est comprehensiuus conceptus autem Dei non est comprehensiuus, ergo &c.

Præterea ad idem arguit alius doctor sic. Mensura, & mensurato nihil est commune vniuocum: sed Deus est mensura omnium creaturarum, ergo.

*Scotus obijcit
sibi ipsi.*

Præterea Scotus mouet contra se, id est contra vniuocationem entis aliqua dubia valde difficilia. Primum. Si ens est vniuocum, ergo ens est genus. Cuius contrarium tenet Philosophus, probatur, quia si ens est vniuocum, tunc dicitur de pluribus differentibus specie in eo, quod quid, & illa est propria ratio generis.

Præterea, Si ens est vniuocum ad decem genera, ergo descendit in ea per aliquas differentias, sint igitur istæ differentiæ. A. & B. aut igitur istæ differentiæ includunt ens, & sic in conceptu cuiuslibet generis generalissimi includitur nugatio. Aut non sunt entium, & tunc non ens erit de conceptu entis, sicut de conceptu speciei. Præterea quæ sunt primo seipsis diuersa nihil est eis commune vniuocum, sed Deus, & creatura sunt primo seipsis diuersa, ergo nihil est eis commune

*3. met. cont.
10.*

vniuocum. Præterea illis quæ sunt sub extremis conditionibus nihil est commune vniuocum, sed Deus & creatura sunt sub extremis contradictionibus, quia Deus est à se, & creatura non à se. Præterea ubi est vnitas attributionis, ibi non est vnitas vniuocationis, quia attributio ponit ordinem, vniuocatio autem excludit ordinem, sed in ente est vnitas attributionis, ergo in ente non est vnitas vniuocationis. Quamuis istæ rationes sint satis apparentes, & magnorum virorum, quorum intellectum non attingo: non tamen sunt necessario cogentes. Ad primum dico, quod ipse intendit remouere vniuocationem prædicamentalem ab ente, quam ego non pono, quia illam dico transcendente. Ad probationem eius oportet videre quomodo, & qualiter ens dicatur de vltimis differentiis. Quia non dicitur de eis quiditatiue, cum sint primo seipsis diuersæ: dicitur autem de eis denominatiue solum, sicut ponit Auicenna. Ad formam igitur argumenti cum dicitur, quod nihil contrahitur per illud quod non est, conceditur, sed cum vltèrius dicitur, quod entis non sunt

Tex. 15.

*4. met. cont.
15.*

*5. met. in fine
c. 6.*

*Guilielmus
Oecbam. 1.
sent. dist. 2.
q. 9.*

*s. met. vbi
supra.*

differentiæ, dico, quòd ens non habet differentias, quæ includunt ipsum quiditatiue: dicitur tamen de eis denominatiue. Contra hoc obiicitur sic, vnumquodque per suam rationem formalem qua distinguitur a non ente includit ens non enti oppositum. Sed differentiæ vltimæ per suam rationem formalem distinguuntur à non ente, ergo includunt ens non enti oppositum, & sic sunt quiditatiue ens. Præterea vltimæ differentiæ aut addunt aliquid, aut nihil, non nihil, ergo aliquid, & de illo addito quæritur, quia aut est ens per se, & habetur propositum, aut per aliquid aliud, & sic quæretur de illo in infinitum. Istæ rationes modicum valent, & quod probent falsum patet per Aueniennam, vbi supra, vbi sic ait. Oportet scire, quod differentiæ subiectæ non sunt subiectæ primo: sed concomitantur eas esse subiectas, quia non prædicantur de ea vniuoce, sed denominatiue. Et exemplum suum est ibi de rationali. Primum etiam argumentum non habet formam bonam, quòd patet sic, Vnumquodque animal per eandem rationem formalem qua distinguitur a non animali includit animalitatem, non animalitati oppositam, sed quodlibet animal per rationem animalitatis distinguitur a non animali, ergo quodlibet animal per rationem animalitatis includit animalitatem, non animalitati oppositam, & sic sequitur nugatio. Et sic dico, quod maior est falsa, si iste terminus vnumquodque distribuit pro entibus realibus, & formalibus, & sic vltimæ differentiæ sunt entia denominatiue, non tamen quiditatiue in esse reali, sed in esse diminuto quod vocatur formale, non à forma, sed à modo. Ad secundum cum quærit si illud additum sit ens per se: dico, quod seipso formaliter est illud quod est, & cum infero, ergo est per se ens: nego consequentiam, quia plus accipitur de consequente, quam in antecedente: in antecedente enim accipitur formalitas præcise quæ nihil aliud est quam ipsamet. Et ex ista prædicatione formali infert entitatem ibi realiter absolutam.

*Formale non
vocatur à
forma sed à
modo.*

*Ad argumē
tum primum
D. Thom.*

Ad primum dico per interemptionem maioris: nā sol producit plantam, quæ nō habet similem formam cum sole, & tamē vniuocatur in subiecta. Et si maior illa habet

aliquam probabilitatem, non tamen est vera, nisi de vniuatione specifica, & reali, & qualis non ponitur vniuatione entis. Et eodem modo ad aliud. Concedo n. quòd illa quæ non habent consimilem modum eiuendi non vniuantur vniuatione specifica reali, sed non repugnat eis vniuatione transcendens per indifferentiã modi concipiendi. Ad aliud dico, quòd licet in re nihil possit esse simplicius Deo, tamen non est inconueniens secundum intellectum esse aliquem conceptum simplicissimum, quo nihil est simplicius.

*Quomodo ali-
quid possit es-
se simplicius
Deo.*

Ad aliud dico, quòd ens dicitur de entibus secundum prius, & posterius, quantum ad rationes particulares. sed ratio propria entis non dicitur sic secundum prius, & posterius. immo abstrahit a priori, & posteriori, vel per alia verba. ens dicitur de entibus secundum prius, & posterius in attributione reali. sed cum hoc stat vniuatione rationis transcendetis, vt patet ex quarto articulo. Ad aliud dico, quòd entecedens est falsum, & petit principium vel si habet aliquam apparentiam illud est verum de vniuatione, quæ est in genere, & non de vniuatione, quæ est transcendens. Ad aliud dico, quòd maior est falsa. nam sol est causa plantæ, & tamen vniuantur in subiecto, vel si maior est vera, habet apparentiam in vniuatione, quæ est in genere. Ad aliud dico, quòd argumentatio illa valet. arguitur enim sic quasi in simili. vniuoca parificantur in nomine, & ratione. sed homo, & musca non parificantur in ratione animalis. quia homo perfectius participat rationem animalis, quam musca. ergo homo, & musca non vniuantur in animali, quòd est falsum. Dico ergo, quòd ad hoc, quòd aliqua vniuantur in aliquo sufficit, quòd illa ratio per indifferentiam se habeat ad ea. Ad aliud concedo, quòd maior est vera de vniuatione specifica, & reali, sed nõ est vera de vniuatione transcendenti qualis ponitur vniuatione entis. Et eodem modo ad aliud illius doctoris de conceptu comprehensiuo, & non comprehensiuo. Et similiter ad aliud de mensura, & mensurato. Et præterea illud argumentum habet magnam instantiam de albedine. nam albedo est mensura omnium colorum, & tamẽ aliquod dicitur vniuocẽ de albedine, & aliis colo-

*Ad argumẽ-
tũ Girardi
Carmelita.*

*Ad aliud ar-
gumentum
sp̃s
D. Thomæ*

*Respondet ad
dubia quæ
mouet Scotus.*

ribus. Ad dubia quæ mouet Scotus contra vniuocationem entis. Ad primum cum dicitur. Si ens esset vniuocum tunc ens esset genus. dico si esset vniuocum vniuocatione prædicamentali certum est, quod esset genus, sed vniuocatio entis nõ sic ponitur, quia est vniuocatio transcendens non prædicamentalis: & ideo non est genus. Et cum arguitur vltcrius per hoc quod ratio generis est prædicari de pluribus differentiis specie dico, quod genus quando prædicatur de pluribus differentiis specie non habet indifferentiam ad finitum, & infinitum, & necesse & possibile, sicut ens, vt ponitur transcendens, ideo ens sic sumptum nõ est genus. Aliter potest dici, quod philosophus remouet ab ente ratione generis. quia dicitur de per se, & in quid de aliqua differentia, omnes enim differentiæ tam immediatæ, quam inferiores sunt extra rationem generis prædicamentalis. sed ens prædicatur in quid de omnibus differentiis præterquam de vltimis differentiis, & de passionibus entis quæ sunt per se nõ ens quiditatiue licet virtualiter contineatur ab ente. Nam differentia est duplex, quedam est sumpta a parte essentiali, quedam est sumpta ab vltima realiter formæ. Prima includit ens quiditatiue, secunda non, vt dictum est supra, & probatum per Auicennam. Ad aliud dicitur sicut ad rationem Lincon. contra vniuocationem entis, quia eadem difficultas est. Ad aliud dico, quod licet Deus, & creatura sint pro seipsis diuersa in realitatibus, non tamen sunt pro seipsis diuersa in conceptu. possunt enim aliqua distinguere in re, & conuenire in conceptu quiditatiuo. Ad aliud dico, quod illud argumentum intendit ostendere, aut quod Deus, & creatura sint sub extremis contradictionis formaliter, & illud non est verum, quia creatura nõ est præcise non à se, nec Deus dicitur præcise hoc quod non est ab alio, quia chimæ etiam dicitur nõ ab alio. Aut argumētum accipit extrema contradictionis materialiter, & tunc negetur maior. nam omnia per se diuidentia aliquod commune sunt talia, quod de ipsis dicuntur extrema contradictionis, & tamen vniuocantur in ipso diuiso. Ad vltimum dico, quod vbi est vnitas attributionis in re ibi non est vniuocatio realis, sed vbi est attributio vera ibi potest

*Differentia
duplex.*

Deus & creatura conueniunt in conceptu entis differunt in realitate, & essentialiter.

stare vniuocatio fabricata per indifferentiam modi concipiendi, sicut est in quarto articulo. Ad primum principale dico, quod ipse allegat alium dicendo æquiuoce inquit nuncupabit. quis inquit Aristoteles sed in Aristotele hoc non inuenitur. Ideo est sciendum quod per equiuocationem quandoque accipitur analogia, & sic Porphyrius vocat ibi equiuocum analogum. tamen illa analogia est compossibilis vniuocationi vt dictum est supra. Eodem modo dicitur ad comment. Aliquer autem potest dici, quod ipsi excludunt ab ente vniuocationem prædicamentalem. Ad aliud dico, quod philosophus ponit attributionem inter species eiusdem generis, & tamen vniuocantur in genere. Ita est in proposito. Ens dicitur de entibus analogice, & tamen est ibi vniuocatio. Ad vltimum dico, quod minor est falsa, vel si est vera non est intelligenda nisi de vniuocatione in genere, & non de transcendenti.

Non inuenitur ubi Arist. dixerit illam propositionem.

4. met. cōtex. 13.

Vtrum quiditas rei materialis sit primum obiectum intellectus nostri ex natura potentia?

Hoc idem querit Scotus in 1. sentent. 3. q. 3.

D. Thomas prima parte q. 85. artic. 1.

Q V A E S T I O II.

SE C U N D O queritur. Vtrū quiditas rei materialis sit primum obiectum intellectus nostri, ex natura potentia. Et videtur quod sic, quia obiectum proportionatur potentia, sed obiectum potentia immaterialis puta intellectus diuini est quiditas immaterialis, ergo obiectum intellectus nostri qui est coniunctus materiae erit quiditas materialis. Præterea infimus intellectus habet infimum intelligibile pro obiecto, sed intellectus noster est infimus in genere intellectuum, secundum Cōmentatorem, ergo habet infimum intelligibile pro obiecto, sed illud est quiditas rei materialis. ergo &c.

3. de anima comm. 19.

Præterea sicut color se habet ad visum, sic fantasmata ad intellectū, sed color est primum obiectum visus, er-

go fantasma est primum obiectum intellectus, sed fantasma est quiditas rei materialis fantasiabilis ergo &c. Præterea illud est primum obiectum intellectus circa quod intellectus habet propriam rationem siue operationem: sed istud est fantasma, quia nihil agit intellectus sine fantasinate, ergo &c. Præterea ultimo sic: primum obiectum intellectus, vel quiditas immaterialis, vel est quiditas materialis, vel aliquod commune vniuocum vtrique quiditati, sed non est quiditas immaterialis: patet de se, nec aliquid comune vniuocum vtrique quiditati, quia nihil tale videtur poni, ergo est quiditas materialis. In contrarium arguitur per Auicennam, qui ponit ens primum obiectum intellectus. Circa istam questionem sunt quattuor articuli, secundum quod de ea sunt quatuor principales opiniones. Prima est D. Thomæ, scilicet, quod primum obiectum intellectus nostri est quiditas materialis. Ad hoc adducuntur à diuersis quinque rationes factæ in principio questionis. Contra istam opinionem arguitur sic. Impossibile est quod potentia manens eadem potentia secundum speciem habeat actum circa aliquod, quod non continetur sub eius primo obiecto, sed intellectus noster manens eadem potentia habebit primum actum circa subiectas immateriales, ergo quiditas materialis non est primum obiectum intellectus nostri. Præter primum subiectum habitus non excedit primum obiectum potentia, cuius est iste habitus, sed metaphisica est habitus intellectus, ergo primum subiectum metaphisice non excedit primum obiectum intellectus, sed subiectum metaphisice est ens inquantum ens, ergo cum quiditas materialis sit inferior ad ens non erit primum obiectum intellectus nostri. Præter potentia, quæ abstrahit à fantasmate, rehabet obiectum latius fantasmate, sed intellectus abstrahit à fantasinate, ergo habet obiectum latius fantasmate, & per consequens fantasma, siue quiditas materialis, ut ipsi accipiunt, non est primum obiectum intellectus nostri. Præterea sicut intellectus immaterialis se habet ad quiditates immateriales, ita intellectus materialis ad quiditates materiales, sed primum obiectum intellectus immaterialis, puta intellectus angelis, (quæ ipsi ponunt im-

I. met. ca. 16.

D. Tho. pri
parte summe.

q. 12. art. 4. et

q. 85. art. 1.

4. met. con-
tex. I.

materialem) non est præcise quiditas immaterialis, cum
 etiam intelligat quiditates materiales, ergo intellectus
 noster coniunctus materiæ non habet præcise pro obie-
 cto quiditatem materialem. Ad rationes oppositas pate-
 bit in fine quæstionis. Secunda opinio quòd primum
 obiectum intellectus nostri est Deus, quod probatur sic.
 Primum, & perfectissimū in vnoquoque genere est cau-
 sa aliis vt sint talia ex secundo metaphisicæ, sed Deus est
 perfectissimum cognitum, ergo est causa aliis, vt sint co-
 gnita sed illud conuenit primo obiecto, ergo Deus est
 primum obiectū intellectus nostri. Præterea vnūquod-
 que sicut se habet ad esse, ita & ad cognosci, sed nihil est
 ens per participationem, nisi ab entitate participata, ergo
 nihil cognoscitur nisi per rationem entis imparticipati.
 i. Dei, sed hoc est de ratione primi obiecti potentia, ergo
 Deus est primum obiectum intellectus. Si ista opinio
 intendit dicere, quòd Deus sit primum obiectum intel-
 lectus primitate perfectionis simpliciter, illud est bene-
 dictum, sed de hoc non quæritur hic. Si autem intendit
 dicere, quòd Deus sit primum obiectum intellectus pri-
 mitate adæquationis sicut sonant suæ rationes, hoc non
 potest stare. Primo quia obiectum adæquatum habet
 naturalem ordinem ad intellectum nostrum, nisi sub ge-
 nerali ratione, scilicet sub ratione entis, ergo Deus isto
 modo erit obiectum intellectus, puta sub ratione entis,
 ergo. Et sic melius est dicere. Ens est primum obiectum
 intellectus. Præter primum obiectum potentia debet
 habere communitatem prædicationis, vel virtualitatis,
 sed Deus non est huiusmodi, quia non dicitur in quid
 de omni intelligibili, nec etiam iuuat continentia vir-
 tualis, quia entia mouent propria virtute ad intellectio-
 nem propriam, ergo Deus non est proprium obiectum
 intellectus. Præter ea obiectū naturale, & primū obie-
 ctum potentia est naturaliter motiūū potentie, sed Deus
 non est naturaliter motiūū nostri intellectus, quia est
 obiectum voluntariū, ergo &c. Ad primum opinionis
 dico, quòd non semper perfectissimum est causa imper-
 fectioris comparando imperfecta ad tertium sicut per-
 fectum album non est causa visibilitatis omnibus visi-
 bilibus, vel si est causa, non tamen præcisa, & adæquata.

9. & quoli.

13. q. 9.

2. met. cōt. 4.

codem modo Deus non est causa intelligibilitatis præcisa. Primum autem obiectum, de quo hic loquimur, debet esse causa præcisa, & adæquata. Ad secundum dico, quod si syllogismus arguit, recte debet inferri ista conclusio, quod nullum ens participatum potest cognosci, nisi sit ens ab ente imparticipato. Inferendo autem illam conclusionem, quæ inferebatur in argumento erūt in syllogismo quatuor termini, quia ponitur in conclusione vnus terminus de cognito, qui non ponebatur in aliqua præmissarum. Tertia opinio est communis multis, quod primum obiectum intellectus est ens ratione veri, quod probatur sic, distinctę potentiæ habent distincta obiecta formalia: sed intellectus & voluntas sunt distinctę potentiæ, & primum obiectum voluntatis est ens sub ratione boni, ergo primum obiectum intellectus est ens sub ratione veri.

*Anselm. lo-
quens de ve-
ritate.*

Præterea sub illa ratione est aliquid obiectum primum potentiæ sub qua mouet potentiam, sed ens sub ratione veri mouet intellectum, per Ansel. de veritate, qui dicit quod veritas est rectitudo sola mente perceptibilis, ergo &c.

Contra istam opinionem arguitur sic, primum obiectum potentiæ debet habere duplicem communitatem, vel ad minus alteram, scilicet prædicationis, & virtualitatis. Sed verum non habet communitatem prædicationis: quia non dicitur in quid de ente cum sit eius passio, nec habet communitatem virtutis, quia hoc verum, quod est in lapide non continet virtualiter lapidem, sed potius e contrario lapis continet verum. Præter. primum subiectum habitus non procedit naturaliter obiectum primum potentię, cuius est iste habitus, sed ens est obiectum metaphisicę, ergo verum non est obiectum intellectus, quia aliter obiectum præcederet obiectum potentiæ.

*2. de anima
contex. 35. &
38.*

Ad primum opinionis dico, quod est ad oppositum, quia sicut voluntas non potest habere actum circa ignotum: ita non potest appetere aliquid sub ratione aliqua, quæ sit penitus ignota, ergo bonum non est præcise obiectum voluntatis, cum aspiciatur per se ab intellectu, & similiter verum non est præcisum obiectum intellectus. Cum verò dicitur, quod distinctę potentiæ habent di-

distincta obiecta, est dicendum, quod distinctę potentię in triplici differētia, quia iunt quędam potentię omnino desperatę sicut potentię particulares sensitivę, & istę habent per se distincta obiecta. Secundę sunt potentię subordinatę, & hoc dupliciter, vel in eodem genere, vt sensus particularis, & sensus communis, vel in diversis generibus, quia vna actiua, reliqua passiua, vel sicut cognitiua superior, & inferior, vel sicut cognitiua, & appetitiua. Primo modo sicut potentia inferior est sub potentia superiori, ita obiectum potentię inferioris est sub obiecto potentię superioris, potentię autę subordinatę secundo modo non sic se habent, quia quando appetitiua pōtest habere actum circa omne illud vbi potest habere actum suum cognitiua, & tunc habent idem pro obiecto: & quia sic habent intellectus, & voluntas, idē habent idem obiectum. Ad secundum est ad oppositum, quia ratio motiua potentię non potest esse ratio respectiua, sed fundamentum respectus, veritas autē dicit respectum formaliter, ideo non potest esse primum obiectum intellectus, sed ens absolutē sumptum. Quarta opinio est Scoti, quod primum obiectum intellectus ex natura potentię est ens inquantum ens, quia in ipso concurrir duplex primitas, scilicet communitatis & virtualitatis. Fiat ergo talis ratio. Illud est primum obiectum intellectus, in quo concurrir primitas communitatis, & virtualitatis, sed ens inquantum est huiusmodi, ergo. Probatio minoris, nam omne per se intelligibile, aut includit essentialiter ratione mentis, aut virtualiter, nam genera, & species, & indiuidua, & omnes partes essentielles generum, & ens increatum includit ens quiditatiuē, & essentialiter, differētię vero vltimę, & passionēs entis includuntur virtualiter in his, quę includunt essentialiter rationem entis. Pręterea illud est primum obiectum intellectus, quod dicitur vniuocē de omni intelligibili, sed ens dicitur vniuocē de omnibus entibus ex pręcedenti quęstione, ergo &c. Pręterea primum obiectum habitus non excedit primum obiectum potentię, sed mathematica est habitus intellectus, ergo primum subiectum metaphisicę non excedit primum obiectum intellectus: sed primum subiectum

in triplici differētia.

Potentia desperata sunt sensus extēriores, & istę semper habent diuersa obiecta.

Sicut potentia auditiva & visiva.

Alię sunt potentię subordinatę, & inęuales vt intellectus & potentia sensitiua alię aęuales, vt intellectus & voluntas.

Opinio Scoti.

Nota quod obiectum intellectus, aliud est terminatum, & sic est ens in sua maxime communitate.

Aliud motuum naturale vt quiditas rei sensibilis.

Aliud motuum supernaturalis est Deus.

metaphisicę non excedit primum obiectum intellectus: sed primum subiectum metaphisicę est ens, ergo nihil inferius ad ens, & primum obiectum intellectus; ergo ens est eius obiectum. Vltimo sic: Illud quod directę, & per se primo mouet potentiam, est eius obiectum, & sub illa ratione sub qua primo mouet, sed illud est ens inquantum ens respectu intellectus. per Auicennam primo metaphisicę, ergo ens inquantum ens est obiectum intellectus. Sed occurrit dubium quia tunc sequitur, quod possemus cognoscere Deum quantum ad omnem rationem cognoscibilitatis, quod est falsum. Probatio consequentię, quia omnis potentia habens aliquod commune pro obiecto potest in quodlibet contentum sub eo, sicut in quolibet per se obiecto sed Deus est sub ente, ergo &c.

*Vide q. 1.
Prologi.*

*Dicitur quod
verum est quod
Deus potest
cognosci sub
ratione entis,
sed non talis
entis, scilicet
Dei.*

Ad hoc dicitur dupliciter. Primo sic dato, quod ens in communi esset obiectum adæquatum intellectus pro statu isto, non tamen cognosceremus Deum quantum ad omnem rationem cognoscibilitatis, quia illa subiecta mouet ad intellectionem sui, nisi in maiori lumine, quam sit lumen intellectus agentis.

Aliter dicit Scotus, quod argumentum non valet, quia ens non est primum obiectum intellectus pro statu isto, sed ex natura potentię, & ideo pro statu isto non possumus cognoscere Deum distinctę. Ad rationes principales, quę erant pro opinione Thomę. Ad primum dico, quod potentia, & obiectum non proportionantur in modo essendi, & illa proportio non est similitudinis, sed dissimilitudinis, & sic se habet sicut actiuum, & passiuum, & sicut mouens, & mobile, & ideo ex modo essendi potentię non potest concludi modus essendi in obiecto. Ad secundum nego maiorem, si intelligatur de primo obiecto primitate adæquationis, sicut hic queritur, nam potentia non comparatur ad obiectum penes infinitatem, sed penes latitudinem, ita quod quantę latitudinis est potentia in apprehendendo, tantę est obiectum in predicando, & continendo. Ad tertium nego similitudinem, quia colores mouent primo ad percipiendum se, fantasinata autem non sic mouent ad se, sed ad vniuersale, puta ad ens vniuersaliter sumptum. Ad quar-

tum dico, quòd bene arguit de primo obiecto intellectus pro statu isto, sed non primo obiecto intellectus ex natura potentiæ, quia intellectus ex natura potentiæ habet actum circumscripto fantasmate, sicut patet in anima separata. Ad vltimum patet, quòd assumit falsum, quia ens est aliquid vniuocum quiditati materiali, & immateriali, vt in præcedenti quæstione.

Utum Deus sit à nobis naturaliter
cognoscibilis?

Hoc idem querit Scotus 1. sent. dist. 3. q. 1.

D. Bona. 1. sent. dist. 3. q. 1. art. 1.

Alexander Aletensis 1. par. q. 2. membr. 1. ar. 1.

D. Thomas. 1. par. q. 12. art. 13.

Ricardus. 1. sent. distinct. 3. q. 1.

Franciscus de Mayronis 1. sent. dist. 3. q. 1.

Bacconianus 1. sent. dist. 3. q. 1.

QV AESTIO III.

TERTIO queritur: Utum Deus sit à nobis naturaliter cognoscibilis? Videtur quòd nō, quia sic se habet intellectus noster ad fantasmata, sicut sensus ad sensibilia, sed sensus non sentit nisi sensibile: ergo intellectus nihil intelligit nisi fantasiabile, sed Deus non est fantasiabilis: ergo Deus nō est intelligibilis. Præterea sicut oculus vespertilionis se habet ad lumen solis, ita intellectus noster ad maximum intelligibile, idest ad Deum, sed ibi est impossibilitas, ergo & hic. Præterea infinitū est ignotum, sed Deus est infinitus ergo, & ignotus. Contra nihil amatur nisi cognitum, sed Deum naturaliter amamus, ergo Deum naturaliter cognoscimus. In ista quæstione sunt duo articuli. Primus si Deus est naturaliter cognoscibilis. Secundus, si Deus est primum cognitum à nobis.

3. de anima
context. 30.
¶ 39.

2. met. cōtex. 1
1. phy. context.
35.

De primo ad præsens sunt tres opiniones. Vna dicit, quod aliquid potest dupliciter intelligi, scilicet affirmatiue, & negatiue, Deum autem non cognoscimus affir-

D. Thom. 1. par. summa q. 12. artic. 12.

*Dion. de cele-
sti Hyerar-
chie.*

matiuè, sed negatiuè via remotionis, dicendo: Deum non esse lapidem, vel lignum, & sic de aliis. Et confirmatur per Dionysium, qui dicit negationes de Deo esse veras, affirmationes vero incompatas, quia viator non potest habere affirmationes exprimètes quiditatem rei, sed tantum communes.

*4. met. context.
2. 16. & 2.
peripher in
fine.*

Contra istud obiicitur, quia aut concipitur præcise negatio, aut concipitur negatio de aliquo. Si primo modo, ergo non plus concipitur Deus, quam chymera, quia pura negatio, puta non esse lapidem, ita dicitur de chymera, sicut de Deo. Si secundo modo, vt dicta de aliquo, tunc, aut habetur conceptus affirmatiuus, & sic cognoscitur Deus affirmatiuè, aut habetur cõceptus negatiuus, & tunc quæritur de illa negatione, sicut de priori in infinitum, quousque Dei cõceptum affirmatiuum. Præterea dicitur, quod negationes cognoscimus per affirmationes. Præterea affirmationes non summè amamus, sed Deum summè amamus, ergo non habetur de Deo tantum conceptus negatiuus.

*Henr. in sua
summa art. 8.
22. q. 1. 2. et 3.*

Alia est opinio Henrici, quæ distinguit de cognitione alicuius sic. Aliquid enim potest cognosci, vel per se vel per accidens. Item aliquid potest cognosci, vel in vniuersali, vel in particulari. Ad propositum dicit, quod Deus non cognoscitur per accidens, quia quicquid cognoscitur de Deo est Deus, cognoscitur autem quasi per accidens, scilicet in aliquo attributo, & attributum non dicit Dei naturam, sed aliquid circa naturam, sicut dicit Damasc.

lib. 1. cap. 4.

Vtèrius dicit, quod nõ cognoscitur in vniuersali vniuoco, quia nihil est vniuocum Deo, & creature, cognoscitur tamen in vniuersali analogo sibi, & creature. Tertio dicit, quod Deus nõ cognoscitur in particulari, quia Deum cognoscimus per creaturas, sed creatura est similitudo remota Dei, ergo non ducit in cognitionem particularem. Alia est opinio Scoti contradicens in quibusdam præcedenti, quæ consistit in quinque cõditionibus. Prima est ista, quod possumus habere aliquem conceptum in quo per se, & quiditatiuè concipitur Deus. Cuius ratio est ista, nullus concipit proprietatem subiecti, vt est illius subiecti, nisi habeat cõceptum quiditatiuum subiecti, sed nos concipimus proprietates attributales

Dei

Dei, ergo habemus aliquem conceptum per se quiditativum de Deo.

Secunda conclusio est ista, quod non tantum in conceptu analogo, sed in aliquo conceptu uniuoco potest *Quomodo* cognosci Deus, qui cōceptus est uniuocus Deo & crea- *Deus possit* turæ. Ista conclusio patet ex præcedenti quæstione hu- *cognosci in* ius dist. vbi probatum est esse aliquid uniuocum Deo, & *conceptu uni* creaturæ ratione quadruplici, de Deo possumus habere *noco.* conceptum entis, sed ille est uniuocus, ergo &c. Maior patet, minor probatur, conceptus simpliciter simplex de quocunque prædicatur secundum vnam rationem, quia non est resolvable in plures, sed conceptus entis est huiusmodi, ergo. Tertia conclusio est ista, & concordat in hoc cum præcedenti opinione, quod Deus non cognoscitur à nobis naturaliter in particulari, ut est hæc essentia. Cuius ratio est, quia Deus respectu intellectus nostri sub ratione particulari, puta sub ratione, qua hæc essentia est obiectum voluntarium, non naturale: sed tantum in- *Deus est ob-* tellectus diuini, ergo in particulari puta sub ratione, qua *iectum volun-* est hæc essentia, vel hic Deus non est à nobis naturaliter *tarium, non* cognoscibilis. Quarta cōclusio est ista, quod ad multos *naturale re-* conceptus proprios Deo possumus peruenire, sicut sunt *specie intellectu-* conceptus perfectionū, & inter omnes istos conceptus: *elus nostri, nā* conceptus quidem entis infiniti est simplicior, & perfe- *essentia diuini-* ctior. Quod sit simplicior patet, quia infinitas dicit gra- *na in tantum* dum intrinsecum naturæ, & facit per se vnum cum natu- *videtur, in-* ra. Quod autem sit perfectior probatur: quia illa sunt *quantum vi-* perfectiora, quæ ultimo concluduntur de Deo demon- *deri vult respo-* stratione, quia est, sed infinitas est huiusmodi, ut patet ex *Ambrosio* processu philosophi, octauo phisicorum, vbi ex creatu- *super Lucam* ris demonstratione, quia est, ultimo infert de Deo infi- *c. 2.* nitatem.

Quinta conclusio est illa, quod illa quæ cognoscimus cognoscimus per speciem creaturarum. probatio, quia quod potest imprimere speciem minus vniuersalem in intellectu, potest etiam causare speciem cuiuscunque vniuersalioris. Sed creaturæ imprimunt in intellectu species minus vniuersales, ergo possunt imprimere species vniuersaliores, puta species transcendentium. Ista autem transcendentia dicuntur de Deo, & creaturis.

Ad euidentia secundi articuli sunt notanda quinque.

*Triplex est
primitas in
cognoscibili-
bus.*

*I. post. cōtex.
II.*

*Primitas per-
fectionis ex
parte cognos-
cibilis est du-
plex.*

*Triplex co-
gnitio.*

*Quid sit co-
gnitio actua-
lis, habitualis
& virtualis.*

*Aliud est
confusum,
aliud confuse.*

*Quid sit con-
fusum.*

*Quid sit con-
fufe.*

*Alius est
conceptus sim-
pliciter sim-
plex.*

*Alius est
conceptus sim-
plex.*

Primò, quòd triplex est primitas in cognoscibilib⁹, quia est primitas originis, perfectionis, & adæquationis. De duabus primis primitatibus patet per philosophum nono methaphysicæ, vbi dicitur, quòd ea, quæ sunt priora generatione sunt posteriora perfectione, & è contra. De tertia primitate patet per Philosophum, quia passio primo inest subiecto adæquato, sicut habere tres angulos prius inest triangulo, quam ysocheli. Secundo est nondum, quòd primitas perfectionis ex parte cognoscibile est duplex: quia perfectius intelligibile potest dici, vel simpliciter, vel secundum proportionem sicut dicitur, quòd visio aquilæ respectu solis est perfectior simpliciter, quàm visio meæ respectu candelæ, sed visio meæ est perfectior secundum proportionem respectu candelæ, quàm visio aquilæ respectu solis, quia ego plus habeo secundum proportionem respectu candelæ de visione, quàm habeat aquila de visione respectu solis. Tertio est notandum, quòd triplex est cognitio, scilicet actualis, habitualis, & virtualis. Et vocatur cognitio actualis quādo obiectum præsens actu cōcipitur. Cognitio habitualis quando obiectum est præsens intellectui, ita vt intellectus possit statim habere actum elicitum circa ipsum. Cognitio virtualis quādo aliquid intelligitur in aliquo, vt pars primi intellecti, non autem, vt primum intellectum, siue cognitum, vt intellecto homine intelliguntur virtualiter in eo partes, vt corpus, & anima, & similiter de toto vniuersali, & toto essentiali.

Quarto est notandum, quòd aliud est confusum, aliud est cōfufe. aliud est distinctum aliud distincte intelligere. Confusum enim se tenet ex parte obiecti, vnde confusum idem est, quòd indistinctum. confuse autem, & distincte se tenent ex parte actus. vnde confuse concipitur aliquid cum exprimitur per nomen, distincte autem cum concipitur sicut exprimitur per diffinitionem, vt patet in prologo libri physicorum. Quinto est notandum, quòd alius est conceptus simpliciter simplex. alius est conceptus enim simplex, sed nō simpliciter simplex. Conceptus enim simpliciter simplex est ille, qui non est resolutibilis, in plures conceptus, sicut conceptus entis,

vel vltimæ differentia. Conceptus vero simplex, sed nō simpliciter simplex est ille, qui potest concipi vno actu simplicis intelligentiæ, licet possit resolui in plures conceptus seorsum conceptibiles, sicut conceptus hominis. Iuxta illa, omissa prima cognitione primitate ad æquationis: quia hæc patuit ex præcedenti quæstione. Dico ad illum articulum quinque cōclusiones. Prima est ista, *Quid sit primum cognitum* quod primum cognitum primitate originis cognitione actuali confusa est species specialissima, cuius singulare *primitate originis.* efficacius mouet primum sensum supponendo, quod singulare non intelligitur propriè: quæ contrario probatur sic. Causa naturalis agit secundum vltimum potētia suæ in perfectiorem effectum, quem potest. sed omnes istæ causæ concurrentes ad hunc actum prædictum sunt causæ mere naturales: quia præcedunt omnem actum voluntatis. ergo primo producant perfectissimum conceptum in quem possunt, sed iste conceptus est speciei specialissime: quia in tota liena prædicamentali totum vltimum perfectū formaliter est species specialissima, ergo primum cognitum modo prædicto est species specialissima.

Confirmatur per Auicē. qui dicit, quod methaph. est vltima ordine doctrinæ. sed hoc non esset verum si alij conceptus vniuersaliores essent prius noti, quàm species specialissima, ergo species specialissima est prius cognita prioritate originis cognitione actuali confusa. Secūda conclusio est, quod primum cognitum primitate originis cognitione actuali distincta est ens: Quæ probatur sic. nihil cognoscitur distincte, nisi cognoscantur omnia, quæ includuntur in ratione eius essentiali. sed ens includitur in omnibus cōceptibus quiditatiuis inferioribus, ergo nihil primo distincte concipitur, nisi primo ente distincte cognito, tum quia ens pauciora includit in suo conceptu, & tale plus intelligitur, tum quia est vltimum, & irresolubile pars cuiuslibet, & sic ens est primum cognitum distincte. Tertia conclusio est ista, quod *Quomodo cōmuniōra sint prius nota.* primitate originis cognitione habituali, vel virtuali cōmuniōra sunt prius nota. quia sicut diuersæ formæ perfectiores aliquod perfectibile perficiūt ipsum ordine quodam secundum prius, & posterius: ita si aliqua forma cō-

Species specialissima est primum cognitum.
I. met. c. 3.

Quid sit primum cognitum cognitione actuali.

Quomodo cōmuniōra sint prius nota.

tineret in se virtualiter perfectiones illarum formarum simili ordine perficerent illud perfectibile: Et ratio huius est ista: quia via generationis semper imperfectius est prius. quia proceditur de potentia ad actum, ergo similiter est in conceptibus: quare conceptus communiore cognitione habituali sunt prius noti. Quarta conclusio est, quod primum cognitum perfectione simpliciter est Deus. Tum quia in consideratione illius substantiæ ponit Philosophus felicitatem, tum quia attingere actualissimum obiectum est perfectior cognitio, &c. Deus est obiectum actualissimum, quia est infinitus, ergo eius cognitio est simpliciter perfectior. Quinta conclusio est, quod primū cognitum primitate perfectionis secundum proportionē est obiectū sensibile, & quæ efficacius mouent sunt isto modo prius nota, quia intellectus noster plus attingit ad illa secundū gradus cognoscibilitatis eorū. Ad primū principale dico, quod maior propositio, quæ est philosophi, debet intelligi, quantum ad primas motiones: quia intellectus pro statu isto nihil primo intelligit, nisi fantasmabile, non est autem vera quantum ad motiones sequētes. postquam enim creaturæ imprimūt intellectui proprias species, intellectus potest abstrahere & in notitiā Dei sub ratione alicuius vniuersalis deuenire. Ad secundū dicit Comment. quod propositio philosophi est intelligenda de difficili, & non de impossibili: quia tunc natura fecisset ociose illas substantias, & essent frustra, si nō essent intelligibiles. Sed hoc nō valet. tum quia dato quod non intelligerentur a nobis, possunt tamē intelligi à seipsis, & sic non essent frustra. Ideo dicitur aliter, quod propositio philosophi est vera isto modo de impossibili, quia sicut impossibile est, quod oculus vespertilionis videat intuitiue lumē solis, ita impossibile est, quod intellectus noster naturaliter pro statu isto videat Deū intuitiue. Ad tertium dico cum Philosopho, quod infinitum tenens se ex parte materiæ est ignotum, infinitū autem actuale potest esse cognitū, quamuis non potest esse cōprehensum, & isto modo Deus est infinitus & cognitus.

Vtrum in parte intellectiua proprie sumpta sit memoria habens speciem intelligibilem.

Deus est primum cognitū quomodo.

10. ethic. c. 10

Quid sit primum cognitū primitate perfectionis.

Vide Gadiū Bononiensem sustententem Auerroem. 1. q. quolib.

3. Phys. c. 6.

*Hoc idem querit Scotus 1 sent. dist. 3. q. 6.**D. Thomas prima parte. q. 79. Artic. 6.*

QVAESTIO VIII.



QVAERITVR Quarto. Vtrū in parte intellectiua propriè sumpta sit memoria habens speciem intelligibilem? Videtur quòd nō per philosophum. Nihil intelligimus sine fantasmate, ita quòd oportet intellectum conuerti ad fantasmata. sed si in parte intellectiua esset species, tunc possemus intelligere non cōuertendo nos ad fantasmata: ergo in parte intellectiua non est ponēda species. Contra philosophus dicit, quòd lapis non est in anima, sed species lapidis. Circa istam quæstionem primo ponentur opiniones aliorum. secundo opinio vera. tertio dicetur ad opinionum motiua.

3. de anima
context. 50. et
39.

3. de anima
context. 38.

Quantum ad primum est opinio Henrici, quòd in parte intellectiua nulla est ponenda species rei intellectæ, sed sufficit illa, quæ est in fantasmate. Hoc probat Henricus sic. Omnis species impressa ab obiecto representat illud sub illa ratione, sub qua imprimitur ab obiecto: sed species imprimitur ab obiecto sub ratione singularis. quia actiones sunt singularem, ergo species representat obiectum sub ratione singularis: sed species in intellectu si ponitur est ad representandum vniuersale, ergo in intellectu non est species. Præterea nulla pluralitas ponenda est sine necessitate: sed nulla est necessitas ad ponendum speciem in intellectu, ergo. Probatio minoris. Si esset aliqua necessitas ad ponendum speciem in intellectu, hoc esset propter præsentiam obiecti: sed hoc non valet: quia potius obiectum esset causa præsentiae speciei, quàm e contra. Non enim, quia species est in oculo, ideo color, vel obiectum est præsens. sed e contrario, quia color est præsens, ideo species coloris est in oculo. Præterea, qua ratione in intellectu, siue in memoria respectu vnius obiecti ponitur vna species, eadem ratione possunt esse respectu obiectorum multorum: sed qualibet species est forma naturaliter agens ponatur, ergo, quòd sint duæ species, & qualibet naturaliter agat,

quolib. 4. q.
78. et 21. et
quolib. 5. q. 14

1. met in pro-
emio.

aut ergo erit simul intellectio obiectorum, aut non. Si sic, ergo intellectus habebit simul plures intellectiones. Si non, sequitur, quòd nunquam poterit esse intellectio secundum vnā istarum, quia quando causa naturaliter agens agit, tunc agit secundum vltimum suæ potentia, ergo si tunc non potest habere effectum, sequitur, quòd nunquam habebit. Præterea si in intellectu esset species, esset, vt accidens inherens subiecto, & tunc ista species causaretur ab obiecto, & tunc intellectus pateretur ab obiecto passione reali non intentionali, & sequitur vltèrius, quòd intelligere non est motus à rebus ad animā, sed e contrario.

Præterea, sensus recipit speciem aliquam ad actum ab obiecto, scilicet, vel quia est potentia organica, vel quia potentia indisposita, licet intellectus, nec est potentia organica, nec indisposita ad actum intelligendi, ergo nō recipit speciem. Præterea istas rationes adducit Gothfredus vnā rationē talem, quando aliquid est in potentia ad aliud primo, & per se illud, & non aliud recipit ab agente proportionato sibi, sed intellectus est in potentia primo, & per se actū intelligēdi, & obiectū est agens proportionatū sibi, ergo recipit ab obiecto tantummodo actum & non speciē. & sic nulla est ponenda species in intellectu.

Modus autem ponendi est talis. s. habita impressione speciei sensibilis in organum sensus, & facta deductione vsque ad virtutem fantasticam, intellectus agens abstrahit ab obiecto in fantasmate, & immutat intellectum possibilem ad simplicem apprehensionē essentia, ita tamen, quòd intellectus possibilis nullā speciē impressā recipit à fantasmate, nec est obiectū præsens intellectui, nō quia est præsens imaginatiue. Alia est opinio Scoti, quā teneo, quòd in parte intellectiua sunt ponendæ species.

Vbi primo præmitto supponēdo, quòd vniuersale sub ratione vniuersalis est per se obiectū intellectiua potētiæ intellectione abstractiua, ita quòd vniuersalitas est per se formalis ratio obiecti intellectus, & intellectus potest habere obiectū vniuersale præsens sibi prius naturaliter, quā intelligat. Hoc supposito arguo sic. species vnius rationis nō est per se representatiua sub oppositis rationib⁹ cognoscendi, sed ratio vniuersalis, & particularis sunt

Ratio Gothfredi de somnibus quoti. 9. q. 1. & quodlibet. 13. q. 3.

Modus ponendi, quod nulla sit species intelligibilis in intellectu.

Opinio vera Scoti, quod datur species intelligibiles.

oppositæ rationes cognoscibiles, ergo eadē species non representat sub ratione particularis, & vniuersalis, sed species, quæ est in fantasmate representat sub ratione particularis, ergo oportet ponere speciem in intellectu, quæ representat sub ratione vniuersalis. Forte dices, quod maior est vera in eodem lumine, sed in diuerso lumine idē potest representare sub diuersa ratione, sicut ponit philosophus, quod nocte lucentia apparent in die in proprio colore, & tamen in nocte lucent. Ita hic in proposito eadem species propter diuersum lumen intellectus, & fantasmatismatis potest representare sub ratione vniuersalis, & particularis. Ista responsio non valet: quia lumen non est representans, sed illud est, in quo fit representatio: species autem est representans, & ideo cum sit vnius rationis, non potest representare sub diuersis, & oppositis rationibus. Primum exemplum de his, quæ lucent in nocte est ad oppositum, quia in illis sunt diuersæ qualitates, vna lucis, alia coloris. Qualitas autem lucis licet de die multiplicet suam speciem, non tamen perpenditur propter obscuracionem maioris luminis, seu lucis. De nocte autem color speciem suam non multiplicat propter indispositionem medij. Præterea, secundo principaliter sic: representatiuum, quando representat aliquid secundum totam virtutem suam sub vna ratione potest tunc representare aliud sub alia ratione, sed fantasma, quando intelligitur vniuersale, representat secundum totam virtutem suam obiectum, vt singulare, ergo tunc fantasma non potest representare obiectum sub ratione vniuersalis, sed est tunc actualis intellectio, ergo oportet ponere in intellectu representatiuum vniuersale, & hoc vocatur species. Præterea intellectus agēs est mere potentia actiua, tum quia est omnia facere, tum quia comparatur ad intellectum possibilem, sicut ars ad materiam. Tunc arguitur sic. Actio realis habet terminum realem, sed actio intellectus agentis est realis, ergo habet terminum realem, eius autem terminus est vniuersale. Et tunc quæro vbi est illud vniuersale: quia aut in fantasmate, & hoc non, tum quia non est proprium passiuum, tum quia haberet ibi esse extensum, cum fantasma sit corporeum, aut est in intellectu possi-

Vide doctissimum Girellum in libra de speciebus intelligibilibus adentur.

Exemplum.

3. de anima. contex. 18.

bili, & habetur propositum, quia non est dare aliud reale ibi, nisi speciem. Præterea vniuersalius, & communius quantum ad totam suam indifferentiam non potest representari in minus vniuersali: sed fantasma est in indiuiduo, ergo non potest representare vniuersale secundum totam suam indifferentiam, ergo cum intellectus intelligat vniuersale secundum totam suam indifferentiam, ergo oportet, quod representetur in aliquo alio, & hoc non est nisi species, ergo in intellectu oportet ponere speciem. Præterea potentia intellectiua, vt distinguitur contra sensitiuam, aut potest habere obiectum suum præsens sine sensitiua, & habetur propositum, aut non, & sequuntur duo inconuenientia. Primū est, quod intellectus non poterit esse sine sensu sicut arguit Philosophus in prologo libri de anima, quod non potest habere operationem propriam sine alio, non potest esse sine eo, & sic intellectus non separatur à sensu, sicut perpetuum, & perfectum à corruptibili, cuius contrariū habetur. Secundum inconueniens esset, quod intellectus plus dependeret à sensu, quàm è contrario, quia sensus potest habere operationem propriam sine intellectu: intellectus autem non potest habere operationem propriam suam sine sensu.

Vltimo sic, quod est perfectionis, & in potentia inferiori puta sensitiua non est negandum à potentia superiori: sed habere obiectum præsens propria præsentia-
tate est perfectionis in potentia inferiori, puta sensitiua, ergo non est negandum à potentia superiori, sicut est intellectiua, ergo intellectus habet obiectum præsens propria præsentia-
tate: sed hoc non est nisi per speciem, ergo in intellectu est ponenda species.

Dico ergo, quod in intellectu sunt ponendæ species: maximè quādo cognoscuntur aliqua obiecta abstractiua cognitione: quia tunc suppleant viam obiecti. Si verò obiectas, pluralitas non est ponenda sine necessitate: sed hic nulla est necessitas ponendi speciem in intellectu: quia quicquid fit per eam potest fieri per fantasma: ergo non est ponenda species in intellectu. Respondeo, quod necessitas ponendi speciem illam est duplex: Vna ex parte naturæ hominis: quia, vt arguebatur in prima ratione,

Contex. 12.

¶ 13.

2. de anima

contex. 21.

Quomodo in
intellectu
sunt ponendæ
species intel-
ligibiles, &
si obiectas.
Necessitas
ponendi spe-
ciem intelli-
gibilem est
duplex.

per speciem, quæ est in phantasmate, non potest intelligere vniuersalia sub ratione vniuersalis: Alia necessitas est propter eminentiam potentiæ superioris, ne vilificaretur, vt tangebatur vltima ratio: Tunc enim esset aliquid perfectionis in potentia inferiori, quod non esset in potentia superiori: Et potentia superior haberet obiectum præsens mendicatum à potentia inferiori.

Ad primum alterius opinionis dico, quod in agēte est duo considerare, scilicet rationem agentis, & rationem agendi, ratio quidem agētis est singularitas, ratio autem agendi est natura, que de se non dicit singularitatem, & ideo repræsentatiuum, illo secundo modo repræsentat sub ratione vniuersalis: Aliter dicitur, & melius, quod maior est vera quando repræsentatiuum est ab aliquo, non vt à causa partiali, sed vt à causa totali. Ad secundum negetur minor, ad probationem dico, quod duplex est præsentia.

Que sit ratio agentis, & agendi.

Vna in ratione motiui imprimētis, & sic obiectum causat speciem ad minus particulariter in intellectu possibili: Alia est præsentia in ratione cognoscibilis, & sic species causat præsentiam obiecti. Aliter potest dici, & clarius, quod obiectum est causa præsentia speciei in visione sensitua, quando visus informatur specie, sed species est causa præsentia obiecti in cognitione abstractiua. Ad tertium dicendū, quod dato, quod multæ ponantur species in intellectu, sicut oportet ponere, & sic ponit Augustinus, non tamen est intellectio simul multorum, sed intelligitur illud primo cuius species efficacius mouet, & tunc ad illud cognoscendum voluntas copulat aciem intelligentiæ, nec sequitur, quod species alia nunquam mouebit ad intellectionem obiecti, quia tunc erit intellectio obiecti, sicut ponit Augustinus, quando voluntas copulat aciem intelligentiæ obiecto repræsentato. Ad aliud dicendū, quod est duplex passio in intellectu. Vna realiter, qua species realis gignitur in ipso, & in ista conuenit cum sensu. Alia est passio intentionalis, quæ recipit obiectum per speciem, vt cognoscibile, & hic dicitur motus à rebus ad animam. Ad aliud cū dicitur, quod sensus recipit speciem, quia est potētia organica, dico quod hoc est falsum: sed causa quare sensus recipit speciem est quia sensus est potentia cognitiua. Ad vltimum dico,

Duplex præsentia.

10. de trin. c. 5. 6. & 7. & 14. c. 6.

9. de trinit. cap. 6.

Duplex passio in intellectu.

Quare sensus recipiat speciem.

D. Thomas
1. par. summe
q. 79. artic. 6.

quod intellectus est in potentia primo tam ad speciem, quam ad actum, differenter tamē, quia in cognitione intuitiua intellectus est primo in potētia ad actum primitate generationis, & est in potentia ad speciem primitate perfectionis. In cognitione autem abstractiua est è cōtrario, quia intellectus est in potentia ad speciem primitate generationis, quia species præcedit, & deinde sequitur actus. Ad primū principale dicitur tripliciter. Primo secundum Tho. quod quantumcunque sit species in intellectu, adhuc oportet, quod intellectus conuertat se ad phantasmata, quia primum obiectum intellectus cōiuncti est quidditas rei materialis, quæ nō est nisi in hoc, vel in hoc singulari, & quia phantasma est per se singulariū, ideo est necessaria conuersio ad fantasmata. Contra hoc obiicitur, quia intellectus non tantum intelligit singulare, immo secundum ipsum primo intelligit vniuersale, sed vniuersale secundum suam indifferentiam nō cognoscitur in particulari, vt sic, ergo nō est necessaria cōuersio ad fantasmata ratione singularis. Præterea sequitur, quod angelus non posset intelligere singulare, cum in ipso non sit fantasma. Ideo Sco. dicit aliter, quod causa cōuersionis intellectus ad fantasmata est duplex: Vna est conformitas operationum: alia est assistentia vtriusque. Nā species intelligibilis abstrahitur à fantasmate, vt actu per ipsum fantasiet obiectum particulare fantasie. Alio modo dicitur secundum viam Varronis, quod intellectus pro tanto cōuertit se ad fantasmata, quia dato, quod in intellectu sit species, quia cum ista species sit subtilis non potest mouere ipsam animam habitatem in corpore corruptibili, nisi recurat ad fantasmata, & ponitur exemplum, sicut lumen non potest terminare visum, nec visus potest figi in lumine, nisi inueniat aliquod obstaculum, sic intellectus non figitur in specie propria quousque veniat ad phantasie speciem.

Vtrum in mente sit imago trinitatis.

Hoc idem querit Scotus primo sent. distin. 3. q. 9.

D. Boni 1. sent. dist. 1. q. 3.

Alexander Alexsis prima parte q. 61. membro 3. art. 1.

D. Thomas prima parte. quest. 93. Articuli. 5. et 6.

Ricardus 1. sent. dist. 3. q. 1. art. 2.

Opinio Scoti.
Conuersionis
causis intelle-
ctus ad phan-
tasmata est
duplex.

Opinio Var-
ronis dist. 3.
pri. sent.

Durandus circa secundam partem 3. dist. q. 1.

Franciscus de Mayronis in prologo primi sent. dist. 3. q. 4.

Baconianus 1. sent. dist. 3. q. 3.

QVÆSTIO V.

IN TROQUÆRITUR. Vtrum in mente sit imago trinitatis. Videtur, quod nō, quia per imaginem potest inuestigari illud, cuius est imago, sed per mentem, siue animam non potest inuestigari trinitas, ergo in mente non est imago trinitatis. Præterea Augustinus dicit, quod quælibet persona habet illud in quo ponitur imago trinitatis, quia quælibet persona habet memoriam, intelligentiam, & voluntatem, ergo ista non magis repræsentat trinitatem, quàm vnitatem, cum illa ita sint in vna persona, sicut in omnibus. In contrarium est Augustinus, dicens, ibi quæreda est imago, vbi nihil est melius in natura nostra, sed nihil est melius in nobis, quàm anima, sicut mens, ergo imago trinitatis est in mente. Circa istam quæstionem quatuor sunt videnda. Primo, quid est imago. Secundo, respectu cuius sit in diuinis. Terrio, qualiter sit in mente, & in quibus. Quarto, si illa in quibus est differunt realiter inter se, & essentia animæ.

Quantum ad primum secundum viam D. Tho. quod imago repræsentat distincte sub ratione indiuidui, vestigium autē repræsentat indistincte, quia sub ratione speciei, quemadmodum si transiret equus super pulueres, impressio derelicta ex pedibus equi esset ibi vestigium, & cognosceretur, quia transiens fuit equus, & non homo, imago autē repræsentat sub ratione indiuidui, quia imago Iouis repræsentat Iouem, sed non Cæsarem. Contra hoc arguitur, quia si esset tantum vnum animal in vniuerso, puta vnus equus, & transiret per pulueres, adhuc vestigium eius non esset imago, & tamen illud vestigiū repræsentaret distincte equū sub ratione indiuidui. Ideo dicitur aliter, quod imago est repræsentatiua totius, vestigium autem est repræsentatiuum partis, & hoc nō sufficit, quia secundum Aug. Si essent duo oua similia, vnū repræsentaret aliud, & tamen vnū non esset imago alterius, quia secundū Augustinū ibidem imago sequitur ipsum, cuius est imago per imitationē, & sic imago est re-

15. de trin.
cap. 7. & 14.

14. de trin.
cap. 8.

D. Thom. 1.
pars. summa
q. 45. art. 7.

lib. 83. q. 24.

præsentatiua totius per imitationē eius, cuius est imago.

Respectu cuius sit imago in diuinis.

De Secundo articulo, scilicet respectu cuius in diuinis sit imago in mēte, dico, quòd trinitas personarum, vt totum est, consistit in intellectu nostro quoddam totum numerale, & personæ diuinæ, intelliguntur partes, vel quasi partes huius totius, & sic imago non attenditur in nobis respectu vnius personæ tantum, nec respectu illius in quo sunt vnum, sed respectu totius vnitatis, & trinitatis personarum.

2. de anima comex. 63.

Ad euidentiā tertii articuli præmitto, quòd in nobis experimur actum intellectiōis, & volitionis, & isti actus sunt in potestate nostra, intelligimus enim cum volumus. Oportet autem ponere principia horum actuum in nobis, & quia actus principiantur in nobis sub diuersis rationibus, ideo non est intelligibile, quòd idem sub eadem ratione formali principiet istos actus, imò habemus ponere tria principia, scilicet memoriā, intelligentiā, & voluntatē. Istis præmissis dico, quòd imago trinitatis non consistit in actibus primis tantum, vt sunt intellectus, & voluntas, quia quamuis ibi esset consubstantialitas, non tamen esset ibi originiatio.

In quo consistat imago trinitatis.

Secundo dico, quod imago trinitatis non consistit in actibus secundis tantum, vt sunt intellectio, & volitio, quia licet ibi esset originiatio, non tamen ibi esset consubstantialitas. Tertio dicit, quod imago trinitatis consistit in actibus primis, vt sunt sub actibus secundis. quia illo modo est ibi vera consubstantialitas, & vera originiatio, & intelligo sic. Anima habet in se aliquam perfectionem primam, quam voco memoriā, quæ gignit notitiā. Item habet perfectionem primam, quam voco intelligentiā, quæ recipit notitiā, & habet perfectionem, quam voco voluntatē, quæ recipit volitionem, ergo imago trinitatis consistit in primis actibus istis, vt sunt sub secundis.

D. Thom. 1. parte summe q 77. artic. 1. Et 8.

De quarto articulo est opinio Tho. qui dicit, quòd potentia animæ in quibus est imago trinitatis sunt distincte realiter inter se, & ab essentia animæ fluentes, sicut accidens à subiecto, sunt tamen accidentia inseparabilia. Et quòd sint accidentia probat sic. Actus, & potentia sunt in eodem genere, sed actus harum potentiarum

sunt de genere accidentis, ergo potentia sunt accidentia animæ. Præterea anima per se ipsam est forma, siue actus, ergo si potentia sunt idem, quod sua essentia, sequitur, quod sicut ipsa est principium viuendi, ita est principium intelligendi, sed anima semper est principium viuendi, igitur semper intelligit, quod est falsum. Confirmatur sic. Agens per essentiam semper agit, sed anima non semper agit, ergo non est agens per essentiam, ergo potentia per quam agit non est sua essentia. Istam opinionem non teneo, quia est clare contra Augustinum, hæc inquit tria, memoria, intelligentia, & voluntas, quoniam non sunt tres vitæ, sed vna vita, nec tres mentes, sed vna mens, consequenter vtique non tres substantiæ sunt, sed vna substantia, & per totum capitulum diffusè probat hoc. Præterea immediatè ordinatum ad aliquem finem debet immediatè attingere illum finem, sed anima immediatissime ordinatur ad beatitudinem, ergo immediatissime illam attingit, sed hoc non esset, si attingeret per intellectum tanquam per accidens, ergo &c.

Præterea perfectior est forma substantialis, quam accidentalis, sed forma accidentalis seipsa exit in actum, ergo &c. Vltimo sic, pluralitas, siue distinctio non est ponenda sine necessitate, sed hic nulla est necessitas ad ponendum potentias animæ realiter distinctas ab eius essentia, ergo non distinguuntur realiter. Probatio minoris, quia nulla ratio præcedentis opinionis concludit. Prima non concludit, quia equiuocat de potentia, nam potentia accipitur vno modo prout est differentia entis, sic maior est vera, alio modo accipitur pro principio actiuo, & productiuo, sicut est in proposito, sic maior est falsa. Similiter secunda probatio non valet, quia anima est principium formale vitæ, sed vt est principium intellectionis, & volitionis reducitur ad genus causæ efficiētis, sic non erit simile. Ad confirmationem dico, quod agere per essentiam intelligitur dupliciter. Vno modo prout distinguitur contra agens dependens, & sic soli Deo competit agere per essentiam: Alio modo dicitur agens per essentiam, vt distinguitur contra agens per accidens, & isto modo maior est falsa. Teneo ergo, quod partes imaginis sunt realiter idem, vt patet per Au-

*Ista opinio nõ
teneatur ab
Austhore.*

*10. de trin.
cap. II.*

*Vide pro hoc
Scotum in 2.
sen. distinc.
16. vbi has
opiniones vi-
debis.*

*1. phys. con-
tex. 50.*

*Agere per
essentiam in-
telligitur duo
bus modis.*

*10. de trin.
cap. 6.*

gustinum, & per rationes factas contra præcedentem opinionem, distinguuntur tamen formaliter, tum quia si vna potentia diffiniretur in eius diffinitione, non poneretur altera, tum quia etiam aliquid competit intellectui per se, quod non competit voluntati. Ad primum principale dico, quod per imaginem potest inuestigari illud cuius est imago, quando ratio imaginis est distinctè naturaliter cognoscibilis, nunc autem imago animæ est tantum credita, & non naturali ratione demonstrata, quia personæ diuinæ non producant animā in quantum distinctè, ideo non valet. Ad secundum dico, quod licet in qualibet persona sint ista tria, tamen non sunt in ea, vt important realem distinctionem, & originationem.

Solus filius est imago patris quia productus est per modum naturæ non omnis creatura est imago licet sit vestigiū, sed solus homo ac anima humana dicitur imago tri. quæ anima non siccat trinitatē perfectiori modo quàm vestigiū.

I. de trinit. cap. 1.

Hic oritur quæstio, Circa istam distinctionem quartam quæritur, vtrum hæc sit vera, Deus genuit alium Deum. Videtur quod sic, quia hæc est vera Deus genuit Deum, aut ergo genuit se Deum, aut alium Deum, non primo, quia nihil est quod seipsum gignat secundum Augustinum, nihil inquit generat seipsum, sed saluat, ergo remanet secundus modus, scilicet quod Deus genuit alium Deum. Præterea generans distinguitur a genito, sed Deus genuit Deum, ergo Deus genitus distinguitur a Deo generante, & per consequens generat alium Deum. Præterea Deus generat alium, aut ergo Deum alium, & habetur propositum, aut alium non Deum, quod est falsum, quia tunc Deus genitus non esset Deus. Contra, si Deus genuit alium Deum, ergo sunt plures dii, sed hoc est falsum, quia dicitur. Audi Israel dominus Deus tuus vnus est. In ista quæstione dico breuiter duas conclusiones. Prima est, quod ista est vera, Deus genuit Deum. Secunda, quod ista est falsa, Deus genuit alium Deum. Prima conclusio probatur sic. Actus personalis competit ei, quod ponitur ad signandum suppositum, sed Deus in concreto signat suppositum, ergo actus personalis competit Deo, sed generare est actus personalis, ergo Deo competit generare, & sic ista est vera, Deus generat Deum. Secunda conclusio probatur sic. Cuilibet enti correspondet adequatè aliquod ens, vel aliquid, sed diuina essentia est enti-

Deut. c. 7.

Ipse auctor ponit duas conclusiones.

tas singularis, & nullo modo plurificabilis, vt patuit supra, ergo sibi correspondet adaequate aliquod ens, vel aliquid. Sed in re, quæ est hæc non cadit aliqua alietas vt sic, ergo cum non posset dici ibi alia diuinitas, & alia deitas. sequitur, quod non possit ibi dici alius Deus. Est autem notandum, quod sicut in creaturis illæ propositiones differunt, sortes est alius ab homine, & sortes alius ab humanitate, & sortes est alius in humanitate, ita etiam respectu deitatis: alius enim importat negationem identitatis, quando ergo alius prædicatur primo modo negatio tenetur vniuersaliter respectu prædicati, quod intelligitur vniuersaliter negari à subiecto: ideo illa est falsa. sortes est alia res ab homine, ista autem simpliciter vera, equus est alia res ab homine. Et ideo ista est simpliciter falsa de persona patris, pater est alius à Deo. Quando verò accipitur secundo modo: vt sortes est alius ab humanitate simpliciter prædicatum negatur vniuersaliter respectu cuiuslibet non participantis humanitatem, tamen aliquam veram constituit propositionem cum dicitur, sortes est alius à lapide humanitate, similiter, Deus pater est alius à lapide deitate. facit autem propositionem fallam respectu illorum, quæ ipsum participant, vnde ista est falsa, sortes est alius à Platone humanitate, similiter, pater est alius à filio deitate. Tertio modo cum dicitur, sortes est alius in humanitate, intelligendum, quod in hoc modo locutionis alius importat duo. scilicet distinctionem illorum, quæ adinuicem comparantur, & communitatem istius, in qua comparantur illa: ita quod illud commune distinguitur, & numeratur in eis: vnde cum dicitur, sortes est alius à Platone in humanitate, importatur distinctio inter sortem, & Platone, & conuenientia vtriusque in humanitate, cum distinctione, & numeratione humanitatis in eis, cum ergo deitas non numeretur in suppositis, ista est falsa scilicet pater est alius à filio deitate. Ad primum principale concedo, quod ista est vera, Deus genuit Deum, quia, vt patuit in prima conclusione termini concretive accepti supponunt pro suppositis: Sed quando vterius arguitur, aut genuit se Deum, aut alium Deum: dico

Dist. 1. q. 1.

Dic vt docet

Scor. in 24.

sci. q. vniuersa-

licet distinctionem illorum, quæ adinuicem compa-

rantur, & communitatem istius, in qua comparantur il-

la: ita quod illud commune distinguitur, & numeratur

in eis: vnde cum dicitur, sortes est alius à Platone in hu-

manitate, importatur distinctio inter sortem, & Plato-

nem, & conuenientia vtriusque in humanitate, cum di-

stinctione, & numeratione humanitatis in eis, cum er-

go deitas non numeretur in suppositis, ista est falsa sci-

licet pater est alius à filio deitate. Ad primum princi-

pale concedo, quod ista est vera, Deus genuit Deum,

quia, vt patuit in prima conclusione termini concretive

accepti supponunt pro suppositis: Sed quando vterius

arguitur, aut genuit se Deum, aut alium Deum: dico

vnā cum Magistro, quōd neutra pars est danda. Et si quæ-
ras, aut genuit eundem Deum, aut alium. secundum
enim philosophum, idem & diuersum dicūtur de omni,
& reducuntur ad contradictoria, dico, quōd genuit eun-
dem Deum, non tamen sequitur, quōd se Deum, immo
est fallacia figuræ dictionis hoc interendo, quia com-
mutatur, quale quid in hoc aliquid. Cum enim dico, ge-
nuit eundem Deum, nulla est reciprocatio ibi: est reci-
procatio. Ad secundum dico, quōd ibi est fallacia ac-
cidentis, quia variatur habitudo medii. Cum enim dici-
tur, generans distinguitur à genito, accipitur alietas re-
spectu suppositi, & cum relatione opposita. Cum autem
dicitur Deus est alius à Deo absolute, ibi non est oppo-
sitio relatiua. Ad vltimum dico, quōd Deus genuit
alium, non tamen concedenda est ista disiunctiua, scili-
cet, alium Deum, aut alium non Deum, quia ista non
sunt contradictoria. alius Deus, & non alius Deus, ideo
est concedenda ista, genuit non alium Deum.

*Et alius po-
test teneri du-
plici ter adie-
ctiue. Et isto
modo est fal-
sa, alio modo
substantiue.
Et sic est vera
ut sit sensus
Deus generat
alium Deum,
id est Deus ge-
nerat alium
qui est Deus.*

Quod si obiicias cōtra, quia ad negatiuā de prædicato
finito, sequitur affirmatiua de prædicato infinito, cū cō-
stātia subiecti, & ideo si genuit non alium Deū, genuit
alium non Deum. Dico, quōd ista regula, vt dicit Phi-
losophus, non tenet in complexis, vnde istæ duæ pro-
positiones sunt falsæ de lapide, lapis est lignum album,
vel lapis est ligum non album, ita in proposito, istæ duæ
sunt falsæ. Deus genuit alium Deum, vel Deus genuit
alium non Deum.

*1. perihyme-
nias. ca. 5.*

DISTINCTIO II.

Vtrum diuina essentia generet, vel generetur?

Hoc idem quaesitum mouet Scotus primo sent. distinct. 5. q. 1.

Diuus Bonauentura primo sentent. distinct. 5. artic. 1.

Alexander Alensis prima parte. q. 42. membro 3. artic. 1.

D. Thomas prima parte. questio. 39. Artic. 5.

Ricardus primo sent. dist. 5. q. 1. & 2.

Durandus primo sent. dist. 5. q. 1.

Franciscus de Mayronis in primo sent. distinct. 5. q. 1. & 2.

QVAESTIO

QVAESTIO I.

Rost hæc queritur. Circa istam distinctionem quintam queritur. Vtrum diuina essentia generet, vel generetur? Videtur quòd sic, quia Augustinus concedit sapientiam natam de sapientia: ergo eadem ratione habet concedere essentiam natam de essentia.

7. de trin. ca.
2. Q. 12.

Præterea Richardus. Multi inquit surrexerunt temporibus nostris, qui non audent dicere substantiam genitam: vbi expresse ponitur, quòd essentia generetur.

Præterea, pater generat: ergo essentia generat. Probatio cōsequentia de quocunque prædicatur subiectū, & propria passio eius, sed generare est propria passio patris, ergo cum pater prædicetur de essentia, similiter generare prædicabitur de ea.

6. de trinit.
cap. 22.

Exemplum.

Præterea, quod prædicatur de aliquo in primo modo dicendi per se, potest supponere pro eo. Exemplum, nam animal, quod prædicatur per se, primo modo de homine, ideo potest supponere pro homine, vnde optime sequitur, homo currit, ergo animal currit, sed essentia prædicatur de patre in primo modo dicendi per se, ergo potest supponere pro patre. Sed illa est vera, pater generat, ergo similiter, & illa erit vera, essentia generat. Præterea genitum in quantum genitum est aliquid, quia non est nihil, sed aliquid in diuinis est essentia, ergo essentia est genita. In contrarium est magister in littera. Circa istam quæstionem ponitur opinio Ioachim falsa. Secunda opinio Magistri vera.

Quantum ad primum est sciendum, quòd in ista quæstione errauit Abbas Ioachim. Cuius error consistit in duobus. Primus error est, quia imposuit magistro Petro Lombardo hæresim imponens ei, quòd posuerit quaternitatem in diuinis, scilicet tres personas, & essentiam quæ nec generat, nec generatur, ergo secundū opinionem Ioachim essentia generat, & generatur. Secundus error est, quòd vnitatem trium personarum non posuit realem, & veram, sed collectiuam, & similitudi-

Opinionis
Abbatis Ioachim
ut hæretur ex
traditione
summ. trin. c.
damnamus.

Ioan. c. 7.

nariam, quod probat sic, per illud Saluatoris. Volo pater, vt sint vnum in nobis, sicut & nos vnum sumus. Sed Christi fideles non sunt vna res, sed dicuntur vnum propter vnitatem fidei, & charitatis, ergo tres personæ non sunt vna res. Ille secundus error Ioachim fuit omnino intollerabilis, & hæreticus, quia vt arguit Papa in decretali allegata, pater gignendo alium dedit essentiam filio, & pater, & filius producendo Spiritum sanctum dederunt essentiam Spiritui sancto. Sed ista cõmunicatio nõ est patris essentia, quia essentia est simplex, & indiuisibilis, ergo tota eadem essentiam, quæ est in patre est in filio, & Spiritui sancto, sicut quælibet persona est illa res realiter. Ad argumentum Ioachim respondetur ibidem, nam Saluator intendit in oratione sua, quod fideles sint vnum in vnitatem proportionabili, quæ est vnitatem participata. Et ista expositio probatur per simile quia Saluator dicit. Estote perfecti, sicut & pater vester celestis perfectus est, certum est, quod Saluator ibi non loquitur de perfectione essentiali, sed de perfectione participata, ergo similiter hic. De primo errore patebit in sequenti articulo. Propter quod sciendum, quod est opinio Magistri, in primo cap. huius distinctionis, quod diuina essentia nec generatur, nec generat: quod probatur sic. Generans refertur ad genitum realiter, & econuerso. sed essentia non dicitur relatiue, ergo essentia nec est generans, nec generatum. Præterea generans distinguitur realiter a genito: quia nihil est, quod seipsum gignat, vt patet per Augustinum, sed essentia distinguitur realiter: ergo essentia nec generans est, nec genita. Præterea nihil generat illud formaliter, quod formaliter est, sed pater formaliter est essentia, ergo pater non generat essentiam. Et simili ratione probat August. quod pater non est sapiens sapientia genita, quia si ea esset sapiens, ea esset, quia ibi idem est sapientia, & essentia. Ad idem arguunt alii sic. In creaturis nec materia generat, nec forma, sed compositum tantum: ergo similiter in diuinis essentia non generat, sed suppositum, siue persona. Sed hæc ratio non valet, quia in creaturis ratio quare forma non generat est, quia forma nõ est per se existens, sed sic non est in proposito: nam es-

*Vide respon-
sionem Nisco-
lai de Lyra.
Matt. 3.*

*Vide Alex.
de Ales. par.
9. 42. mem-
bro 3.*

1. de tri. ca. 1.

*7. de tri. cap.
2. & 12.*

*7. met. cõtex.
22. & 26.*

sentia diuina est per se existens. Quicquid autem sit de istis opinionibus, opinio tamen magistri est vera: & *Opinio Magistri vera.* confirmatur auctoritate ecclesie, quę est maxima auctoritas, vt ponit Augustinus in epistola contra fundamenti. Ait enim Papa in Decretali superius allegata. Nos sacro approbante Concilio credimus, confitemur cū Petro, idest Magistro sententiarum, quod vna quidem res est incomprehensibilis, & ineffabilis; & ista quidem res, nec est generans, nec genita, nec procedens, sed est pater, qui generat, filius, qui gignitur, & Spiritus sanctus, qui procedit. Et quia Iouachim inferebat quod erat quaternitas in diuinis. Ad hoc respondit Decretalis ibidem, quod illa est incomprehensibilis, & ineffabilis. Veraciter est pater, filius, & Spiritus sanctus, tres personę si- *Quomodo pos-
sit defendi*
mul. & singillatim quęlibet earundem. Et ideo solum- *Abbas Ioa-
chim. Vide*
modo trinitas est in Deo, & non quaternitas: quia quę- *Bargium in*
libet trium personarum est illa res: videlicet essentia *1. sent. dist. 5.*
diuina. Si autem quæratur, quare in Logica non admit- *Pulchra opi-
nio Scoti.*
titur ista propositio, essentia generat, vel generatur. Scotus dicit, quod ratio huius est ista: quando subiectum est abstractum vltimata abstractione, & prædicatum non prædicatur nisi formaliter, & per adiacentiam illa propositio non est vera, nisi in primo modo dicendi per se, ita quod nulla sit distinctio inter subiectum, & prædicatum. Sed essentia est vltimate abstracta, & generare semper prædicatur formaliter per adiacentiam, ergo non est vera, nisi per se primo modo dicendi per se, quia essentia est ad se, generare vero est relatio, quod autem est ad se, non est idē primo modo cum relatione: ergo ista non est vera: essentia generat. Ad euidentiā maioris *Quomodo in-
dicit, quod in substantia est vna abstractio tantū, scilicet substantia su-
unica abstra-*
quiditatis à supposito, an in accidentibus autē absolutis *ctio.*
sunt duę abstractiones, scilicet vna accidentis à subiecto, alia quiditatis à supposito, puta albedinis ab ista albedine
In accidentibus autē relatiuis sunt tres abstractiones, vna relationis, & fundamēti à subiecto: alia relationis à fundamēto. Tertia quiditatis à supposito. Ex quo patet quod illa est vltimata abstractio in qua nihil concipitur de re, nisi quod est ipsius quiditatis. Ideo dicit Auicena, quod æquitas est. tantum æquitas. Ad euidentiā minoris

Cap. 1. & 2.

nota, quòd aduerbia, & participia semper in suo modo significandi includunt adiacentiam, & modum formalem respectu alicuius, quasi suppositi, & ideo prædicantur in secundo modo dicendi per se. Si ergo prædicarentur idemplice, tunc prædicarentur opposito modo incluso in proprio modo significandi.

Dist. 23. primi sent.

Ad primum principale respondetur per magistrum, quòd Augustinus accipit ibi sapientiam pro supposito; siue ypostasi, & non pro natura. Ad secundum dico. Si Richar. loquitur contra magistrum, sicut verba sua videntur sonare, teneo Magistrum, & nego Richar. & quia Richar. dicit, quòd Magister non habet rationem, siue auctoritatem pro se. Respondeo, quòd habet maximam auctoritatem pro se, quia auctoritatem ecclesiæ quæ est maxima, ut patet ex dictis.

Solum sufficit auctoritas ecclesiæ.

Ad tertium nego consequentiam, quia quæ ponuntur per substantiua prædicantur per idemplicitatem, adiectiua per inhærentiam. ideo ista, per adiacentiam, pater generat: ista autem per idemplicitatem, essentia est pater. Ad probationem dico, quòd licet de aliquo prædicetur propria passio, non tamen prædicatur de isto; de quo prædicatur subiectum sub aliqua alia ratione. Non enim sequitur, quòd homo est risibilis: species est homo, ergo species est risibilis.

Esse aliquid potest esse dupliciter, essentialiter & sic: esse in est aliquid, secundo positaliter sic essentia non est aliquid sed persona, & generans.

Ad quartum dico, quòd maior est vera, nisi varietur modus prædicandi: in proposito autem variatur modus prædicandi: quia cum dicitur, essentia est pater, est modus prædicandi per identitatem. Cum autem dicitur, pater generat, est prædicatio formalis, & per adiacentiam. Ad ultimum quando dicitur genitum in quantum genitum est aliquid, conceditur si per ly aliquid intelligas per relationem: sed nego si per ly aliquid intelligas essentiam. Isto enim modo genitum in quantum genitum non est aliquid: sed est aliquid.

Vtrum filius generetur de substantia Patris?

Hoc idem quaesitum mouet Scotus primo sententia. distinct. 5 q. 2.

D. Bona. primo sent. distinctio. 5. quest. 2.

Alexander Alensis prima parte q. 42. membro 4. artic. 2.

D. Thomas prima parte. q. 41. Artic. 3.

Ricardus primo sentent. dist. 5. q. 3.

Franciscus de Mayronis primo sent. distinct. 5. quest. 6.

Baconitanus primo sem. disjunct. 4. q. 1.

QVAESTIO II.

SECUNDO queritur, Vtrum filius generetur de substantia patris? Videtur quod non, quia si filius generaretur, quod de substantia patris, aut ly dicit distinctionem ab essentia aut non. Si primo modo, ergo essentia est distincta in patre, & filio, quod falsum est. Si secundo modo, ergo sicut filius est de substantia patris, ita pater est de substantia filii. Contra Augustinus dicit, nullo modo filium Dei cognoscitis, si hunc de substantia patris esse negatis. In ista questione conclusio est certa, scilicet quod filius est de substantia patris: sed difficultas est in modo ponendi, ideo, primo ponitur vna opinio, quæ communiter non tenetur, secundo arguitur contra istā. Tercio dicitur ad questionem secundum veritatem.

Contra Maximum lib. 3. cap. 14.

Quantum ad primum est opinio Henrici, quæ dicit, quod filius Dei sit de substantia patris, quasi de materia.

Henricus in summa art.

Ad cuius euidenciam notandum est, quod sicut in creaturis est aliquid potentiale, quod præsupponitur generationi: & aliquid formale, quod acquiritur per generationem, & tertio compositum ex formali, potentiali, cuius est per se generatio, sic suo modo est in diuinis, nam potentiale, vel quasi materia ponitur diuina essentia, proprietates personales est forma, & persona diuina est quasi compositum, quæ includit essentia & proprietatem personalem. Sicut ergo in creaturis potest dici, quod illud quod per se generatur, id est compositum est de materia, sic in diuinis filius est de substantia quasi de materia: quod probatur sic, filius generatur de aliquo, & non de nihilo, sed illud de quo aliquid generatur se habet sicut materia, ergo filius generatur de essentia quasi de materia. Vnus alius doctor tenet eandem

54. q. 3. & in quolib. 3. q. 9.

7. met. context. 22. & 26.

Gosfredus quolib. 9.

conclusionem, quam probat sic. In creaturis manet idē sub vtroque termino generationis, ex hoc arguitur sic. Quod manet idem sub vtroque termino generationis potest dici subiectiue generari: sed essentia diuina est huiusmodi, ergo essentia diuina generatur subiectiue, & per consequens est materia, vel quasi materia generationis. Præterea in eodem est transmutatio, & terminus transmutationis, sicut in eodem est dispositio & forma ad quam disponit, sed relatio est terminus generationis, & est in essentia, ergo generatio quæ est via ad illum terminum est in essentia, ergo essentia est quasi subiectum, vel quasi materia generationis. Præterea vbique est potentia actiua, oportet, quod ponatur potentia passiua illi correspondens, sed in patre est potentia actiua ad generationem, ergo & potentia passiua de qua generat, sed hoc non potest esse nisi essentia, ergo.

Vltimo sic, si ignis generat ignem de sua substantia idem faceret, quod nunc facit generando de materia aliena: sed quando ignis generat ignem de materia aliena supponitur subiectum, & materia, ergo si generat ignem de sua substantia, tunc eius substantia esset quasi materia generationis, ergo similiter in generatione diuina pater generando filium de sua essentia ponitur eius essentia quasi materia.

*Scotus contra
Henricum
sic arguit.*

De secundo articulo dico, quod contra istam opinionem arguitur multipliciter, primo sic. Illud quod se habet in generatione tanquam terminus formalis nō se habet vt materia, vel quasi materia, sed essentia est formalis terminus generationis, ergo non se habet vt materia, vel quasi materia. Maior probatur sic. Quia terminus formalis, & materia habent oppositos modos, tum quia illud quod est materia generationis, est in potentia ad terminum formalem, essentia non est in potentia ad seipsam, tum quia persona haberet essentiam duplici modo habendi, quod est inconueniens, quia persona haberetur essentiam per aliquem modum quo remoto nihilominus haberet. Minor probatur multipliciter, tum quia Saluator dicit. Quod dedit mihi pater maius omnibus est, quod autem maius est omnibus, oportet, quod illud omnino de se sit infi-

Ioan. cap. 10.

nitum, hoc autem conuenit essentia, & non relationi, tū quia nulla entitas habetur per generationem, nisi sit formalis terminus, vel sit contenta in formali termino generationis: Sed essentia non continetur sub relatione, quia essentia dicit perfectionem simpliciter, relatio autem non. ergo essentia est formalis terminus generationis: tum quia illa productio non esset generatio, sed magis esset mutatio ad relationem: nā mutationes, & motus specificantur ex terminis ut patet per Aristot. & commentat. Secundo principaliter arguitur sic, de ratione materiae est praexistere, sed essentia non praexistit, nisi in patre, ergo si essentia haberet rationem materiae, vel quasi materiae, hoc solum est in patre. Tunc arguitur sic, illi acquiritur terminus formalis generationis, cuius est materia, sed in patre est materia, vel quasi materia per te, ut ostensum est, ergo patri acquiritur terminus productionis. Sed illud, cui acquiritur terminus productionis est filius, vel spiritus sanctus, ergo pater est filius, vel spiritus sanctus, quod est haereticum. Tercio sic, quando ad productionem effectus concurrunt actiuum, & passiuum prior est naturaliter habitudo actiui ad passiuum quam sit utriusque ad productum, ergo si in patre est fecunditas actiua, & aliquid correspondens quasi materia ad productionem filij prior erit habitudo fecunditatis ad essentiam, quam sit habitudo patris ad filium, & cum illa habitudo non sit rationis tantum, sequitur, quod in diuinis sit aliqua relatio realis prior illa relatione, quae est patris ad filium, quod est falsum. Quarto sic, non est imperfectior potentia productiua ad intra, quam potentia creatiua ad extra, sed potentia creatiua ad extra non praesupponit materiam, nec aliquid quasi materiae, ergo.

5. *Phys. con-*
sec. 4.

Vltimo sic, secundum Augustinum, ut patet per Maximinum lib. 3. c. 14. Ita est spiritus sanctus de substantia patris, & filij, sicut filius est de substantia patris. sed spiritus sanctus secundum istos non est de essentia, ut de materia, quia productio spiritus sancti secundum eos est per sufflationem, ergo filius non est de substantia patris, ut de materia, vel quasi de materia.

Quantum ad tertium articulum sequendo opinionem doctoris nostri dico cum doctoribus etiam anti-

*Antiqui do-
ctores non no-
minauerunt
materiam vel
quasi materiã
in diuinis.*

*Dionysius
Cathusianus
conatur re-
spondere ra-
tionibus Sep-
ti, tamen non
saluat Hen-
ricum, nam
ausus est dice-
re, quod essen-
tia diuina cõ-
cipitur existe-
re in patre,
alio modo pro-
ut concipitur
existere in
filio commu-
nicata, pri-
mo modo es-
sentia diuina
dicitur ma-
teria, vel qua-
si materia,
quia ex ipsa
produciuntur fi-
lius, vt autem
est in filio di-
citur termi-
nus formalis
generationis,
contra diuina
essentia non
potest esse si-
mul & semel
materia. ~*

quis quòd temporibus etiam Augustinus nullus fuit au-
sus nominare in diuinis materiam, vel quasi materiam.
Et tunc pono duo dicta. Primum, quòd filius non est
de substantia patris quasi de materia. Secundum, quòd
hoc non obstante adhuc filius verè est de substantia pa-
tris. Primum declaro sic. Generatio in creaturis duo di-
cit, scilicet mutationem, & productionem, & formales
rationes eorum sunt adinuicem separabiles, nam produ-
ctio est forma ipsius producti, & accidit sibi quòd sit cū
mutatione, mutatio autem est actus superbi mutabilis,
quòd de priuatione transit ad formam: hæc autem duo
in generatione creaturarum coniunguntur, & ratio est
propter imperfectionem agentis creati, quod semper
indiget passo. Si autem generans creatum esset perfe-
ctum agens, & non exigeret materiam de qua, vel circa
quam ageret, sed posset producere effectum suum ex se,
tunc esset productio sine mutatione. Cum ergo in diui-
nis nihil sit imperfectionis, oportet, quòd ibi sit produ-
ctio perfecti sine mutatione, sed materia, vel quasi ma-
teria non exigitur, nisi ratione agentis imperfecti, & ra-
tione mutationis, ergo in productione quacumque di-
uina non oportet ponere materiam, vel quasi materiam,
ex his patet per viam correlarij, quod generatio non
transfertur, nec ponitur in diuinis sub ratione mutatio-
nis, quia isto modo dicit imperfectionem, ponitur au-
tem sub ratione productionis: Secundum declarandum,
scilicet, quòd filius vere sit de substantia patris, debet sic
intelligi, vt ly de non dicat præcise originationem: quia
isto modo creaturæ essent de substantia Dei: nec præcise
consubstantialitatem: quia tunc pater esset de substan-
tia filij, sed ly de dicit originationem, & consubstantia-
litatem simul: vt sit sensus, filius est de substantia patris,
id est, originatur à patre, & consubstantiatur ei. Et ex
hoc patet, quòd filius non est de nihilo, quia si forma
præexisteret composito, tunc compositum non dicitur
fieri de nihilo dato, quòd non præexisteret aliquid qua-
si materia. Essentia autem ad minus, secundum no-
strum modum intelligendi præexistit, vt forma, ideo
non sequitur, quòd filius sit de nihilo, & sic patet ad ar-
gumentum primæ opinionis. Ad argumenta autem al-

terius opinionis patet ad duo prima dicendo, quòd non concludunt nisi de generatione, quæ accipitur sub ratione mutationis. Dictum est autem, quòd generatio nō transfertur, nec ponitur in diuinis sub ratione mutationis, sed sub ratione productionis. Ad tertium nego maiorem, quia primæ potentiæ actiue non correspondent, aliqua potentia passiua, quæ sit materia, vel quasi materia. Ad Quartum dico, quòd si ignis esset agens perfectum, & de tota sua substantia generaret ignem, non sic propriè, de, vel ex materia, sed ei communicando terminum formalem, quæ est sua substantia, non esset sua substantia in potentia ad formam generandi. Deus autem est tale ideo communicat essentiam tanquam terminum formalem non præsupposita materia, vel quasi materia. Ad primum principale patet ex dictis, quòd ly de non dicit præcise originem, nec præcise consubstantialitatem, sed dicit vtrumque sub hoc sensu, filius est de substantia patris. i. filius originatur à patre, & consubstantiatur ei.

terminus formalis, quia distinctiones ex natura propria, materia, & terminus formalis, cum habeant oppositos modos.

D. Thomas facit differentiationem inter ex, & de, nam omnia sunt ex Deo tanquam ex principio.

Filius est de substantia patris facit isum sensum filius est originatus, productus à patre Et ita est de substantia patris, in parte summe q. 41. artic. 3.

DISTINCTIO VI.

Vtrum Deus pater genuerit
filium voluntate?

Hoc idem quesitum mouet Sco. I. sent. di. 6. q. 1.

D. Bona. I. sent. dist. 6. q. 2. artic. 1.

Alexander Alensis prima parte q. 42. membro 5. arti. 1.

D. Thomas I. par. q. 34. arti. 1.

Ricardus. I. sent. dist. 6. q. 2.

Durandus primo sent. dist. 5. q. 1.

Franciscus de Mayronis I. sent. dist. 6. q. 1.

Baconitanus primo sent. dist. 6. q. 1.

QVAESTIO I.

PRÆTEREA quæritur. Circa istam distinctionem sextam quæritur. Vtrum Deus pater genuerit filium voluntate. Videtur, quòd sic per Richar. Vultis inquit audire verbum abbreviatum ingenitum velle de se habere confort-

6. de trini. cap. 17.

mem, atque condignum, quòd idem mihi videtur. quòd gignere filium. Ex hoc arguitur sic, patrem velle ex se habere conformem est gignere, ergo sicut vult voluntate habere conformem, ita etiam voluntate generat.

Præterea Augustinus contra Maxi. probat filium esse æqualem patri sic. Si pater non gignit filium æqualem sibi, aut hoc est, quia noluit, & sic fuit inuidus, aut quia non potuit, & sic fuit impotens.

Præterea, omne inuoluntarium est triste, sed nihil est triste in diuinis, ergo nec est ibi inuoluntarium. ergo pater genuit filium voluntate.

In contrarium est magister in litera, & probatur per Augustinum in epistola ad Orosium, voluntas inquit patris præire scientiam non potest. Et Damascenus dicit, quòd generatio est opus naturæ. In ista quæstione sunt tria videnda, primo si productio filij sit naturalis, secundo si possit concedi patrem producere filium voluntate, tertio si illa productio sit necessaria.

De primo dicitur omnibus, quòd probat vnus doctor sic, productio simpliciter prima est naturalis, quemadmodum natura est prior arte, sed productio filij est simpliciter prima, ergo alius doctor probat idem sic, productio per modum intellectus est naturalis. sed filius producitur per modum intellectus, ergo producitur naturaliter. Alius, scilicet Scotus probat hoc idem in reportatis suis sic. Memoria est principium mere naturaliter producens, sed filius producitur à memoria patris, ergo producitur naturaliter. Ad euidentiā maiorem est sciendum, quòd ad hoc, quòd productio sit naturalis requiruntur tria. Primò, quòd principium sit determinatum ad vnum, secundo, quòd illud principium sit assimilatiuum: quia natura est vis insita rebus ex similibus similia procreans, vt principium in sua operatione non requirat intellectum dirigentem in operando: quia illud ex se exit in operationem. Illa autem tria sunt in memoria paterna. Est enim principium determinatiuum ad vnum, est etiam principium assimilatiuum, & est tale principium, quòd nõ requirit intellectum extrinsecum dirigentem. sed seipsa exit immediate in intellectionem.

*Lib. 3. c. 1. et
ponitur dist.
20.*

*3. met. conex.
6.*

Lib. 1. ca. 8.

*Henric. in
summa art.
38. q. 2.*

*D. Thom. in
parte summe.
q. 34. artic. 1.*

De secundo artic. dico, duo sunt quæ faciunt dubium, primum aliquo modo potest concedi, quod pater generet filium volens, & dato, quod sic, sequitur secundum dubium si pater generet filium voluntate in ratione principij elicitiui. Quantum ad primum dicit Goth. quod pater non generat filium aliquo modo volens, quia intellectio patris aliquo modo præcedit quodcunque vel-
le patris, secundum Augustinum, sed intellectio patris, ut patris est, ipsa gignitio filij, ergo generatio filij præcedit quodcunque velle patris. Minor probatur, quia eiusdem potentie non possunt esse duo actus diuersi, nam actus distinguetur per potentias. Sed diceretur, quod generare, & intelligere spectant ad potentiam intellectiuam, quæ simpliciter est vna, ergo intelligere, & generare sunt idem. Sed hæc positio non valet: quia habet minorem falsam, ideo consequentia nulla est. Falsitas autem minoris probatur sic, quando aliqua sic se habet, quod vnum dicit perfectionem simpliciter, & aliud non, illa non sunt simpliciter idem. Sed generare, siue dicere non est perfectio simpliciter, Intelligere autem est perfectio simpliciter ergo non sunt simpliciter idem. Prima pars minoris probatur sic, quia si generare esset perfectio simpliciter, cum filius, & spiritus sanctus non generent, sequitur, quod non essent perfecti simpliciter. Secunda pars minoris probatur, quia pater quantum ad intelligere est perfecte beatus. Beatitudo autem consistit in perfectione simpliciter, ergo intelligere dicit perfectionem simpliciter.

*Gothfredus
quodlibet. 3. q. 4.*

*15. de trin.
cap. 27.*

*2. de anima
co. 10. 33.*

Ad argumentum autem primæ opinionis quando dicitur quod potentiæ distinguuntur per actus, dico, quod actio in creaturis vno modo accipitur pro actione de genere actionis, alio modo accipitur pro actu secundo, qui est de genere qualitatis, dico ergo, quod vnius potentie est vnus actus, accipiendo actum pro altero istorum modorum: tamen vnius potentie possunt esse duo actus quorum vnus corresponderet actui: de genere actionis, & alter correspondeat actui de genere qualitatis, & sic est in proposito, quia dicere correspondet actui de genere actionis, & intelligere correspondet actui de genere qualitatis, concedo ergo, quod pater

*Actio in
creaturis duo-
bus modis ac-
cipitur.*

generet filium volens. Sed hic sunt tres modi dicendi. Vnus communis, valet, quod pater genuit filium volens voluntate consequente, sed non voluntate antecedente. Alius modus dicendi est per distinctionem: quia ly voluntate potest teneri, vel ablatiue, in ratione principij, vel aduerbialiter, & primus intellectus est falsus, secundus verus, scilicet pater genuit filium voluntate, id est, volitiue. Tertius modus dicendi est Scoti, quod pater gignit filium volens hoc modo: quia in primo signo originis pater formaliter intelligit, & tunc etiam potest habere actum volendi. In secundo autem signo originis pater gignit filium, & vult illam gignitionem volitione habita in primo signo originis. De secundo autem dubio in isto articulo, scilicet si pater producit filium voluntate in ratione principij elicitiui, patet per omnes doctores, quod non, quia principium elicitiuum vnius rationis in diuinis non potest habere duas productiones adequatas: sed voluntas est tale principium, & habet productionem adequatam, sicut est productio spiritus sancti, ergo non potest esse principium generationis filij.

De tertio articulo dico, quod productio filij est necessaria: quod probatur sic, necesse esse si producitur necessario producitur: sed filius est necesse esse, quia nihil est in Deo, quod non sit necesse esse, ergo filius de necessitate producitur: sed sic est in proposito, ergo.

Præterea infinitum actuale si producitur necessario producitur: sed sic est in proposito.

Vltimo sic productio naturalis nullo modo impedi- bilis est necessaria: sed productio filij est naturalis, & nul- latenus potest impediri ergo est necessaria. Prima pars minoris patet ex dictis in primo articulo. Secunda pars probatur sic, quod enim aliqua actio impeditur, hoc est, vel quia habet agens cōtrarium, vel propter subtractio- nem materiæ, vel propter corruptibilitatem agentis: sed nulla istarum causarum est in diuinis, ergo ista produ- ctio non est impossibilis. Sed occurrit dubium: qua ne- cessitate pater producit filium. Est autem ad præsens tri- plex necessitas, scilicet coactionis, naturalis determina- tionis, & requisitæ perfectionis. Modo dico, quod pater non producit filium necessitate perfectionis, potest ta-

*Productio
filij est neces-
saria neces-
sitate antece-
dente, neces-
sitate ante-
cedentem in-
telligo neces-
sitate diui-
ne essentie,
& concomi-
tantem, per
necessitatem
concomitan-
tem, intelli-
gitur neces-
sitas, que est
cū productio-
ne filij, non
autem subse-
quentem, ex
efficiente ta-
men omnia
que sunt ne-
cessaria in di-
uinis, sunt
necessaria
unica neces-
sitate.*

Dubium.

*Triplex ne-
cessitas.*

men dici, quod producit eum necessitate naturalis de-terminationis: quia memoria paterna, per quam produ-
citur filius, est determinata ex se ad producendum ver-
bum. Necessitatis autem tertia, scilicet requisitæ perfe-
ctionis est duplex. Vna, quod hoc esset imperfectum si-
ne isto. Alia, quod ex plenitudine perfectionis hoc re-
dundat in illud sicut ponit Auicenna. De secunda neces-
sitate certum est, quod pater necessario producit filium
necessitate requisitæ perfectionis, quia si non producit
filium intellectio paterna non esset perfecta, quod sic
probatur. operatio non est perfecta nisi sit in termino:
sed si pater non produceret filium, eius intellectio non
esset in termino, quia verbum est terminus intellectio-
nis diuinæ, ergo. Contra hoc arguit Scotus. Operatio
intelligendi est perfectio simpliciter, sicut bonitas: sed
posito per impossibile, quod pater non produceret filiū,
adhuc esset in patre perfecta bonitas, ergo. Præterea pa-
ter non communicat filio, nisi quod habet, sed ante pro-
ductionem filij pater habet intellectionem imperfectā,
quia habet eam sine termino per se, ergo pater commu-
nicat filio intellectionem imperfectam, & sic filius est
imperfectus. Ideo dicit, quod in primo signo originis
omnia essentialia sunt perfecte in patre, & in secundo si-
gno communicat filio: & sic ratio opinionis non con-
cludit: quia intellectio in se est in termino perfectionis,
dato, quod non haberet terminum distinctum.

Ad primum principale potest dici, quod Rich. intelli-
git illud de voluntate concomitante. Alio modo dici-
tur negando Rich. quia si illud dicit Rich. oppositum ta-
men videtur beato Augustino, cui est magis assentien-
dum, dicit enim, quod filius procedit quomodo natus,
non quomodo datus, id est, non pactum voluntatis, cui
conuenit dare. Ad secundum de inuidia dico, quod non
valet, quia inuidia est non tantum subtrahendo bona,
quæ possent communicari actui voluntatis immediate,
sed etiam respectu quorumcunque, quæ voluntas potest
communicare, & non communicat. Nunc autem pater
generat volens, sed non voluntate in ratione principij
elicitiui, vt patet in secundo articulo. Ad tertium con-
cedo, quod generatio filij non sit inuoluntaria sed ex

*Quomodo
pater produ-
cat filium
necessitate
naturalis
terminatio-
nis.*

*Necessitas
requisitæ
perfectionis
quid.*

6. Met. c. 6

*Vide Scotum
in reportatis.*

*5. de trinit.
cap. 14. &
31.*

hoc non sequitur. quod voluntate generat. Multa enim facimus quæ non sunt inuoluntaria, & tamen voluntas non est principium elicitiuum respectu illorum.

DISTINCTIO VII.

Vtrum potentia generandi in patre fit aliquid absolutum? vel proprietas personalis?

Hoc idem quaesitum mouet Scotus 1. sent. distin. 7. q. 1.

D. Bona. primo sent. distin. 7. q. 1. Artic. 1.

D. Thomas prima parte q. 41. artic. 5.

Richardus primo sent. dist. 7. q. 1.

Durandus primo sent. distin. 7. q. 2.

Franciscus de Mayronis primo sent. dist. 7. q. 2.

Baconianus primo sent. dist. 5. q. 1.

QVÆSTIO I.



Hic quæri solet. Circa istam distinctionem septimam quæritur. Vtrum potentia generandi in patre fit aliquid absolutum, vel proprietas personalis? Et videtur, quod fit proprietas personalis per Augustinum. Eo inquit pater est, quo est ei filius, sed pater paternitate est pater, ergo paternitate generat, & sic potentia generandi est respectus, siue proprietas personalis. Præterea actio propria est à propria forma, sed generare est actio propria patris, ergo est à proprietate personali. Maior patet ex, ubi vult philosophus quod effectuum vniuersalium sunt causæ vniuersales, & particularium particulares.

Præterea, medium est eiusdem generis cum extremis: sed illud, quo pater generat, est medium inter generans, & genitum, ergo cum generans, & genitum sunt relatiua, oportet, quod potentia, siue illud, quo pater generat dicat relationem. Præterea, potentia, & actus sunt eiusdem generis, sed actus, siue generatio est relatio. Cōtra Dāmasc. dicit quod generatio est opus naturæ, sed non est opus naturæ in ratione generantis, vt patet supra, ergo generatio est opus naturæ in ratione

*5. de Trin.
cap. 6.*

*5. met. c. de
causa.
2. phys. cont.
38.*

*9. met. cont.
13.
1. ib. 1. c. 8.
dis. 5.*

potētīe, vel principij, quomodo ergo erit quid absolutū.

Circa istam quæstionem sunt tres articuli secundum tres opiniones. quarum prima dicit, quod illud, quo pater generat est essentia, quod probatur sic. Generans assimilat sibi genitum in forma, qua agit, sed filius assimilatur patri in essentia, ergo illud, quo pater generat est essentia. Et confirmatur ratio sic. Proprietas personalis in diuinis correspondet proprietati indiuiduali in creaturis: sed proprietas indiuidualis creaturarum non est, quo creaturæ producunt, sed est natura, in qua conueniunt, ergo. Contra istam opinionem arguitur sic, omnis forma, quæ est principium sufficiens elicitiuum alicuius actionis, si per se est, per se potest agere illa actione. Exemplum huius est in calore separato quia si calor esset separatus posset calefacere: sed essentia diuina est principium generationis per te, & constat, quod sufficiens, ergo essentia diuina posset per se generare, quod est falsum. Præterea produciens, & forma qua producunt habent eandem relationem ad producta: sed pater, qui est produciens, refertur ad filium realiter, ergo si essentia est illud, quo pater producit, sequitur, quod illa realitas refertur ad filium, quod est falsum. Maior patet, vbi dicitur, quod artifex, & ars dicuntur eadem relatione ad artificiatum.

*D. Thom. 1.
par. summæ.
q. 41. art. 5.*

Exemplum.

*2. met. cont.
50. & 2.
2. Phys. cont.
38.*

Præterea productio per prius est distinctiua, quam assimilatiua, quia est assimilatiua, in quantum est forma, est autem distinctiua in quantum est hoc, ergo per prius est productiua in quantum est hoc, quam in quantum forma, sed ut est hoc dicit proprietatem personalem, ergo. Maior patet: nam omnis productio est distinctiua, non autem omnis assimilatiua, sed illud est prius, à quo non conuertitur subsistendi consequentia, ergo productio prius est distinctiua quam assimilatiua.

Alia est opinio, quod essentia est principium elicitiuum generationis, & relatio est principium determinatiuum: Ad cuius euidentiam est notandum secundum istam opinionem, quod omnis actio positiua debet habere principium positiuum: sed in diuinis non sunt nisi duo positiua, scilicet essentia, & relatio. Relatio non potest esse principium elicitiuum generationis: quia non potest

*Doctor in
quolib. q. 2.
artic. 3. ad-
ducit hanc
opinionem
Henrici.*

5. *Phys. cont.*
10.

*Duplex inde-
terminatio,
pro hoc vide
Scotum in 1.
dist. 3. q. 7. &
dist. 8. q. vlti-
ma.*

*Elicitium
idem est ac si
dicatur prin-
cipiatine.
Lib. 3. c. 6.
Opinio Sco-
ti.*

*Multiplex
potentia.
5. *Met. cont.*
17.
6. *met. cont.* 4.*

esse nec principium, nec terminus motus, ergo oportet, quod essentia sit principium elicitium, sed essentia est indeterminata ad hanc, vel illam productionem, scilicet generationem, & spirationem, ergo oportet, quod aliquid determinetur, sed determinatur per relationem; ergo relatio est principium determinatum, & essentia principium elicitium. Contra istam opinionem arguitur sic. Duplex est indeterminatio. Vna est potentia actiua illimitata ad plures effectus: ut patet in sole. Alia potentia passiva, ut patet in materia, tunc arguitur sic. Illud, quod est indeterminatum in determinatione potentia actiua, non oportet, quod per aliquid determinetur, sed essentia diuina est indeterminata in determinatione potentia actiua, ergo essentia non determinatur per relationem. Præterea, quando aliquid est indeterminatum ad duos, vel plures effectus non ex æquo, sed secundum posito priori ex se absque alia determinatione producit secundum: sed essentia est huiusmodi respectu generationis, & spirationis, quia per prius se habet ad generationem: ergo posita generatione non oportet ponere principium determinatum respectu spirationis.

Præterea essentia, ut essentia secundum te est principium elicitium: sed essentia, ut essentia non potest determinari per relationem, dicente Damasc. proprietates inquit determinant ypostases, non naturam. Alia est opinio Scoti, quæ primo ponit vnā distinctionem, secundo soluit quæstionem, distinctio est ista, quod potentia multipliciter accipitur. Vno modo potentia logica, quæ dicit non repugnantiam terminorum. Alio modo accipitur potentia prout distinguitur contra actum, sicut dicitur, quod actus, & potentia diuidunt ens, & isto modo idem ens prius est in potentia, quam in actu, & vniuersalis potentia non est in Deo, quia Deus est purus actus. Alio modo accipitur potentia prout est principium agendi, & patiendi, & accipiendo potentiam prout est principium patiendi non ponitur in Deo, quia potentia illo modo dicit imperfectionem. Accipiendo autem potentiam prout est principium agendi, sic potentia accipitur dupliciter. Vno modo quantum ad illud, quod per se significat. Alio modo quantum ad illud, quod per se denominat.

nominat. Loquendo vero de potentia quantum ad illud,
 quod per se significat, dico, quod dicit relationem, siue
 proprietatem sicut potentialitas. Loquendo autem
 de potentia quantum ad illud, quod per se denominat,
 id est, loquendo de fundamento proximo illius relatio- *Solutio qua-*
 nis præcise circumscriptis quibuscunque concurrenti- *stionis.*
 bus: Tunc Doctor soluit questionem, & tenet duas con-
 clusiones. Prima, quod potentia sic sumpta non dicit re-
 lationem. Secunda, quod dicit quid absolutum. Præte-
 rea, conclusio sic probatur. Omnis relatio æque natura- *Omne prin-*
 liter respicit suum correlativum proprium, si ergo po- *cipium agen-*
 tentia generandi in diuinis diceret relationem, non di- *ds est ens ab-*
 stingerentur ibi duæ productiones, quarum vna est per *solutum, se-*
 modum naturæ, alia per modum voluntatis, quod est in- *cundum Sco-*
 conueniens. Præterea, si talis potentia esset relatio po- *tum, potentia*
 tentiæ, paternitas esset simpliciter perfectior filiatione. *generasina*
 Probatur consequentia primo sic. Illud quo produ- *est sic, ergo.*
 cuit, si non est eiusdem rationis cum forma produ-
 cti continet eam virtualiter, & est perfectius ea, sed filia-
 tio non est eiusdem rationis cum paternitate, ergo si pa-
 ternitas est illud, quod pater generat, sequitur, quod pa-
 ternitas contineat filiationem, & sic est perfectior ea.
 Secundo sic. Filius filiatione nihil producit, nec ad in-
 tra, nec ad extra, sed pater per se producit filium paterni-
 tate, ergo paternitas est perfectior filiatione: secunda
 conclusio sic probatur, quod est perfectionis in princi-
 pio productiuo, non tollit ab eo rationem principij pro-
 ductiui, sed communicare se secundum idem prout em
 naturalem, & adæquatam ponit perfectionem in princi-
 pio productiuo, ergo non tollit ab eo rationem princi-
 pij productiui. Sed si per impossibile Deus generaret
 alium Deum realiter distinctum, diuinitas esset princi-
 pium generandi, ergo quamuis pater generat filium cō-
 municando sibi naturam propter illam communicatio-
 nem non est negandum, quin essentia, & diuinitas sint
 principium generandi. Præterea, aliquid absolutum est *Dist. 5. q. 2.*
 terminus formalis generationis, ergo aliquid absolutū
 est illud, quo pater generat. Antecedens est probatum,
 supra. Consequentia probatur, quia impossibile est agēs,
 vel generans communicare terminum formalem pro-

ductionis, nisi agat forma æque perfecta, si agit vniuoce, vel forma perfectiori, si agat equiuoce. Sed in diuinis nihil est æque perfectum, vel perfectius essentia diuina, siue absoluto, ergo absolutum est illud, quo pater communicat terminum formalem filio. Sed contra istam opinionem adducuntur tria argumenta facta contra primam opinionem: sed ego dico, quòd ista argumenta nō concludunt: vnde respondeo ad ea. Ad primum, quando dicitur omnis forma, quæ est principium sufficiens, &c. dico, quod maior est falsa, nisi illud principium intelligatur elicitiuum, & per se existens, & sit in potentia propinqua ad operandum. Exemplum huius, species in oculo est principium videndi, tamen si poneretur per se non posset videre, quia non est in potentia propinqua ad videndum non in oculo. Ita in proposito essentia non est in potentia propinqua ad operandum non in supposito. Ad secundum dico, quòd maior est vera in creaturis, vbi est distinctio realis inter causam, & principium, quo causat, & sic est dependentia essentialis. Sed in diuinis non est vera: quia nec est ibi dependentia essentialis, nec distinctio realis essentia, & principij. Ad illud dico, quòd duplex est prius, vnum à quo non conuertitur subsistendi consequentia, aliud est prius causalitate: tunc dico, quod non semper prius secundum consequentiam est prius secundum causalitatem, & ita concedo, quod distinguere in generatione est prius communius, quàm assimilare, quia multa distinguuntur, quæ non assimilantur, sed distinguere non est prius in generatione, quàm assimilare, & hoc secundum causalitatem. Ad primum principale, dico, quòd quando ablatius cōstruitur cum verbo significat principium agendi, vt corpus disgregat albedine, quando autem cōstruitur cum nomine, tunc non significat principium formale agendi, sed significat principium formale dandi esse, vt corpus est album albedine. Cum ergo dicitur per Augustinum, quod pater est eo pater, quo est ei filius, verum est formaliter, sed non in ratione principij agendi. Ad secundum dicendum, quod commune est duplex, scilicet per identitatem, & per informationem, vel per alia verba sic quòd est vnum commune secundum rationem, tamen numeratum in pluribus secundum rem, & in his vera est

Exemplum.

Duplex est prius.

Commune duplex.

propositio Philosophi. Alio modo est aliquid commune secundum rem nullo modo plurificatum, & hoc tantum est in diuinis, & in talibus non est vera propositio Philosophi, quia à tali communi bene potest esse operatio propria. Ad tertium dico, quod maior est vera de medio, quod conficitur ex extremis, non tamen est vera de medio sumpto per quandam conuenientiam, & proportionem, sicut patet, quando angelus intelligit se: nam medium, idest intellectio est accidens, & extrema sunt substantia. Vel potest dici, quod potentia generandi non est medium inter patrem, & filium, sed potentia potius se tenet ex parte vnius extremi scilicet ex parte patris.

*Intellectio
Angeli est
accidens.*

Ad vltimum dico, quod maior est vera de potentia, quæ opponitur actui, talis autem potentia non ponitur in Deo, vt supra patuit in dictis ex tertia opinione.

Vtrum generatio diuina sit æquiuoca, vel vniuoca

Hoc idem querit Scotus primo sent. dist. 7. q. 1.

D. Bona 1. sent. dist. 9. q. 1. artic. 1.

Alexander Aletensis prima parte q. 42. membro 1.

Durandus 1. sent. dist. 4. q. 1.

Franciscus de Mayronis primi sent. dist. 4. q. 5.

QVÆSTIO II.

SECUNDO queritur. Vtrum generatio diuina sit æquiuoca, vel vniuoca? Et videtur quia sit æquiuoca, quia illa generatio est æquiuoca, in qua termini generationis distinguuntur specie: sed paternitas, & filiatio sunt termini generationis, & distinguuntur specie, ergo est generatio æquiuoca. Minor patet. Maior probatur: tū quia non est maior differentia in principijs, quā in principiatis: tū quia relationes sunt ita idē essentia, sicut personæ, ergo propter istā identitatem nō debet negari differentia specifica relationū, sicut nec personarū. Secūdo sic, vbi duc productiones differūt specie, ibi producta differūt specie: sed productiones in diuinis differunt specie, ergo producta, & per cōsequens productio est æquiuoca,

*Opinio Varro-
ronis.*

Vide Franciscum de May. dist. 4. I sent. tenentem cum Scoto, quod ista generatio est vniuoca, cum generans, & genitum habeat eandem naturam.

7. de Tri. & ad ianuarium.

Opinio Scoti.

In supposito genito & generante sunt duo.

Ratio formæ est perfectior quam heccheitatis.

Minor patet, quia in diuinis non est nisi vniuoca productio vnius rationis. Probatio maioris: tum quia aliter non esset proportio productionum in diuinis ad producta: tum quia productiones sunt eiusdem rationis cum productis. Actus enim distinguuntur per obiecta ex secundo de anima. Præterea quod est perfectionis simpliciter est ponendum in Deo: sed in creatura differentia specifica est perfectior, quam numeralis, quia differentia specifica est de perfectione vniuersi, differentia autem numeralis non, ergo differentia specifica est ponenda in productionibus diuinis: sed differentia specifica ponit generationem æquiuocam, ergo generatio diuina est æquiuoca.

Contra. Augustinus dicit, quod filius est imago patris, quia similis patri: sed similitudo præsupponit generationem vniuocam, ergo generatio diuina est vniuoca.

Circa istam quæstionem sunt duæ opiniones contrariæ. Vna est Varronis dicentis, quod generatio diuina est æquiuoca. Cuius rationes sunt illæ, quæ posite sunt ad primam partem quæstionis. Alia opinio est Scoti, quod generatio diuina est vniuoca, quod probat sic. In supposito genito & generante sunt duo, scilicet natura & proprietas indiuidualis, ergo vniuocatio debet attendi, aut penes naturam, aut penes proprietatem indiuidualem, siue personalem. Si primo modo habetur propositum: quia cum ibi sit omnimodo idempritas in natura, sequitur, quod generatio illa sit vniuoca. Si secundo modo sequitur, quod nulla generatio sit vniuoca: quia proprietates indiuiduales generantis, & geniti in nullo conueniunt. Præterea, generatio est distinctiua, & assimilatiua: perfectior autem ratio est in ea assimilandi, quam distinguendi: quia assimilare competit sibi tanquam forma, distinguere autem competit sibi in quantum hoc: Sed perfectior est ratio formæ, quam sit ratio heccheitatis, ergo generatio debet dici vniuoca ex eo, quod est assimilatiua, sed generatio diuina est maximè assimilatiua, ergo est vniuoca. Præterea omnes conditiones per quas potest probari generationem esse vniuocam competunt generationi filij Dei, ergo est vniuoca. Antecedens patet: quia illa generatio habet perfectissimum terminum,

& est assimilatua. Sequendo ergo istam opinionem potest dici ad rationes primæ opinionis. Ad primum dico, quod in diuinis propriè non est species, nec differentia specifica, nec ratio generis, vt patebit in sequenti distinctione. Bene tamen concedo, quod paternitas, & filiatio sunt alterius rationis: quia magis distinguitur paternitas à filiatione, quam paternitas à paternitate. Et quando dicitur, quod constituta differunt specie, nego illud. Ad probationem est dicendum, quod aliqua magis distinguuntur intelligi dupliciter. Vno modo, quod in nullo conueniunt. Alio modo, quod non sunt compossibilia, verbi gratia, vt homo, & album plus distinguuntur, quam album, & nigrum, accipiendo distinctum primo modo: sed album, & nigrum plus distinguuntur secundo modo, sunt enim eiusdem generis, nō tamen sunt compossibilia sicut album, & homo. Ergo cum dicitur, quod non est maior distinctio in principijs, quam in principiatis, illud concedo quantum ad impossibilitatem, quia sicut impossibile est paternitatem esse filiationem, ita impossibile est patrem esse filium. Sed nego illam propositionem quantum ad conuenientiam: nam differentia specificæ sunt primo seipsis diuersæ, & in nullo conueniunt: & tamen species constitutæ per eas conueniunt in genere. Ad secundum quando dicitur, quod productiones sunt alterius rationis negetur secūda pars maioris: quia secundum Philosophum per motum rectum, & per motum circularem potest acquiri idem vbi numero, & tamen motus rectus, & motus circularis tantum differunt, quod sunt alterius rationis, & quod non sunt adinuicem comparabiles, vt patet. Et quando probatur, quod aliter non esset proportio producentis ad productum, dico, quod non oportet omnimodam proportionem hic esse. Et quando vltèrius dicitur, quod productiones sunt eiusdem rationis cum productis. concedo quantum ad aliquid, quia sicut productiones sunt relatiuæ, ita & producta, vel personæ, producta dicuntur relatiuè.

*Aliqua magis distinguuntur
possum intelligi dupliciter.*

*5. Phys. cont.
31. 33. & 35.*

Ad vltimum dico, quod in creaturis differentia specifica est perfectior, quā differentia numeralis, sed in diuinis propositio illa non habet veritatem, nec euiden-

*Differentia
specifica est
perfectior
numerali.*

tiam. Ratio autem quare in creaturis differentia specifica est perfectior, quam numeralis hæc est propter finitatem creaturarum: quia nulla creatura est, quæ habeat in se entitatem infinitam, ideo quod non est ibi in vna specie, ponitur in alia propter maiorem perfectionem vniuersi, in diuinis autem non est sic, quia ibi ponitur entitas infinita, quæ continet in se perfectiones omnium.

DISTINCTIO VIII.

Verum veritas sit principalius in re, vel in intellectu?

*Hoc idem querit Scotus sexto metaphysi questio. 8.
D. Thomas prima parte. quest. 16. Articuli. 1.*

QVÆSTIO I.



Ic queritur de veritate. Circa istam distinctionem octauam queritur de veritate. Vtrum veritas sit principalius in re, vel in intellectu. Et videtur, quod in re, quia quando aliqua dicuntur ad conuertentiam vbi vnum est principaliter, ibi reliquum, sed ens, & verum dicuntur ad conuertentiam, & ens principalius est in re, ergo & verum. Contra. Philosophus dicit, quodd verum, & falsum sunt in mente, bonum, & malum sunt in re. Circa istam quæstionem sunt tres opiniones. Yna dicit, quod verum, & falsum principalius sunt in intellectu, secundario autem in re propter duas rationes. Prima ratio est, quando aliquid consistit in sola habitudine ibi principalius est, vbi terminatur. Sed veritas in quantum est manifestatio rei ad intellectum consistit in habitudine, ergo ibi principalius est vbi terminatur, sed terminatur ad intellectum, ergo principalius est in intellectu. Secunda ratio, veritas secundum rationem suam formalem dicit adæquationem passiuam rei ad intellectum, sed ista adæquatio principalius est in intellectu, ergo. Alia opinio omnino est contraria, quod veritas principalius est, in re, secundario in intellectu propter duo.

*6. met. cont.
8.*

*Veritas, &
falsitas, ap-
prehensue
sunt in intel-
lectu quoniam
intellectus
apprehendit
eam: & nunciat
sicut
in voce, quoniam
ore proferuntur.*

Primo, quia veritas, quæ est in intellectu est propter veritatem, quæ est in re, quia ab eo, quod res est vel non est oratio dicitur vera, vel falsa, sed propter vñ quodque tale, & illud magis ex primo posteriorum, ergo veritas principalius est in re, quàm in intellectu. Secundo sic, veritas signi est minus principalius, quàm veritas signati, sed veritas, quæ est in intellectu est veritas signi, illa autè quæ est in re est veritas signati. Tertia opinio mediat, & bene, quod veritas potest accipi duobus modis, vno modo fundamentaliter, alio modo formaliter: vt dicitur *Per modum* *causa est in* *re tanquam* *in subiecto.* *distinct. 30.* habitudinem rei ad intellectum, primo modo est in re principalius, & consecutiue in intellectu, & isto modo currunt argumenta secundæ opinionis, secundo modo principalius est in intellectu, secundario autem in re, & sic currunt argumenta primæ opinionis, & patet per hoc ad argumenta principalia. Sed occurrit hic vnum dubiū, quia vbi est plus de fundamento ibi plus est de habitudine, siue relatione, sicut patet discurrendo per omnes relationes, sed veritas fundamentaliter sumpta est principalius in re, ergo etiam formaliter, siue habitualiter sumpta est principalius in re, & sic nō principalius in intellectu. Ad hoc dicetur infra, in quæstionibus de relationibus Dei ad creaturam.

Vtrum Deus sit immutabilis?

Hoc idem quæsitum mouet Scotus 1. sent. dist. 8. q. 5.

D. Bona primo sent. distin. 3. q. 3. Artic. 2.

Alexander Alensis 1. par. q. 4. memb. 2.

D. Thomas. 1. par. q. 49. art. 1.

Ricardus 1. sent. distinct. 8. q. 1.

Durandus primo sent. distin. 8. q. 3.

Franciscus de Mayronis 1. sent. dist. 9. q. 2.

QVAESTIO II.

SECUNDO quæritur de immutabilitate 2. Topi. c. 3. Dei. Vtrum Deus sit immutabilis? Videtur quod nō, quia motis nobis mouentur omnia, quæ in nobis sunt, sed Deus est in nobis & nos sumus mutabiles, ergo Deus est mu-

tabilis. In contrarium est Magister in litera, qui probat per multas auctoritates Deum esse immutabilem. In ista quæstione cōclusio est certa, scilicet, quòd Deus est immutabilis, sed oportet videre quantum valeant rationes, quæ ad hoc adducuntur. Istam conclusionem probat

7. *Phys. con-* Philosophus in septimo, probat eam sic. Omne quod
sex. 1. Et in mouetur ab alio mouetur, sed non est abire in infinitū
de. in motis, & mouētibus, ergo est deuenire ad vnū mouēs

7. *met. con-* partis non mouetur a seipso, sed ab alio, sed omne quod
sex. 2. mouetur, quiescit ad quietem partis, ergo omne quod
mouetur ab aliquo alio mouetur. Minor, probatur sic. Si

6. *phys. con-* probatum est, ergo & antecedens. Antecedens huius ra-
sex. 62 Et tionis probatur sic ibidē, quando aliquid mouet ex eo,
circiter. quòd mouetur simul mouet, & mouetur, vt si b, mouet

a, & mouetur, a, c, simul, & in eodē tēpore, b, mouebit, &
mouebitur, & sic in tota coordinatione mouentium, &
motorum erit. Est autem aduertendum secundū Philo-
sophum ibidem, quòd cum a, mouetur, a, b, & b, a, c, & sic
in infinitum quamuis totus motus sit infinitus, motus ta-
men a, tantum & cuiuslibet per se est motus finitus. Tūc
arguitur sic. Motus a, est infinitus, ergo est in tēpore fi-
nito, vocetur ergo illud tempus b, si cū mouetur a, per b,
quod est tempus finitum mouentur omnia alia mouen-
tia, & mobilia in illa coordinatione, & illa sunt infi-
nita per te, & simul sumpta, & illa faciunt motū infinitū,
ergo motus infinitus erit in tēpore finito. Forte dices,
quòd istorū mouentium, & motorū non est vnus motus

7. *Phys. con-* numero, hoc improbat Philosophus per hoc, quòd mo-
sex. 10. uēs, & motū debēt esse simul, sicut declaratur per istā ra-
tionē. Omne quod mouetur, aut mouetur à principio in-
trinseco, aut à principio extrinseco. Sed ea quæ mouētur
à principio intrinseco patet quòd in eis mouēs, & motū
sunt simul. Similiter, & in his, quæ mouentur à principio
extrinseco mouens, & motum debent esse simul, quod
probatur ibidem sic, quod mouetur à principio extrin-
seco mouetur altero istorum quatuor modorū, scilicet,
pulsione, tractione, vectiōe, & vertigine, sed vectiō, &

vertigo reducuntur ad pulsionem, & tractionem. In pulsione autem, & tractione mouens, & motum sunt simul, quia pulsio est motus à mouente, tractus autem est motus ad ipsum mouens, ergo. Secundo probatur ista conclusio, per diuisionem mouentium, & motorum sic, primum mouens non mouetur ab alio, nec a se, ergo nullo modo mouetur, consequentia patet. Antecedens probatur: quantum ad primam partem sic. Si primum mouens mouetur ab alio, aut hoc est per accidens, aut per se, sed non mouetur per accidens, tum quia quod per accidens inest non de necessitate inest, & sic potest non inesse tum quia in motu sunt tria, scilicet mouens, instrumentum, & res mota, sed instrumentum mouet, & mouetur, Res autem mota mouetur, & non mouet, ergo mouens mouet, & non mouetur, tum quia Anaxagoras posuit intellectum, id est, primam causam impassibilem, & immobilem. Nec etiam primum mouens mouetur per se, quia eodem modo esset in qualibet specie motus, & sic proiciens lapidem proiceretur per se, quod est falsum. Secunda pars antecedentis, scilicet, quod primum mouens non mouetur à se, probatur dupliciter, tum quia relationes oppositæ, scilicet mouentis, & moti essent in eodem simul, tum quia idem simul esset in actu, & potètia. Scotus dicit illam rationem non concludere, scilicet immobilitatem Dei, quia non plus concludit, nisi quod principium mouens non mouetur, ut corpus, vel ut virtus in corpore: nam sequendo dicta Philosophi non videtur inconueniens aliquid moueri, dato quod non mouetur ab alio, quod patet ex primo Physicorū, ubi arguens contra Melissum, qui dicebat vnum ens esse immobile: ait sic, propter quod dicitur ens immobile, si vnum omnia, quasi dicat, hoc non sequitur, & subiungit, sicut pars vna aquæ cum sit hæc, mouetur in illa aqua, quare & omnis aqua sic mouetur, & amplius subiungit. Si vnum: propter quid alteratio non esset, quasi dicat non sequitur. Præterea Physicorum, ubi probat motum localem esse simpliciter primum dicit, quod mouens seipsum mouet secundum primum motum. Præterea, suæ rationes nihil concludunt nisi de mouente vniuoco, sicut ipsemet dicit in litera, primum autem mouens non est mouens

8. Phys. con-
tex. 31.

Instrumentū
mouet, & mo-
uetur.

Opinio Scoti.

1. Phys. con-
tex. 6.

8. Phys. con-
tex. 35. & 12.
Met. cōtex.
33.

Lib. 2. dist. 2.

vniuocum, sed equiuocum, sed rationes soluentur diffuse lib. 2. Vtrum angelus cognoscat se per essentiã suam, probatur ergo immobilitas Dei ex hoc, quòd est summe simplex, & necesse esse: & arguitur sic. Quod est summe simplex non mouetur mutatione accidentali, sed Deus est summe simplex, ergo non mouetur mutatione accidentali. Vltcrius quod necesse est esse nõ mouetur mutatione substantiali, puta de non esse ad esse, sed Deus est necesse esse, ergo non mouetur mutatione substantiali, tunc vltra. Omne quod mouetur, aut mouetur mutatione substantiali aut mutatione accidentali, sed Deus, nec mouetur substantialiter, nec accidentaliter, vt probatum est, ergo est immutabilis. Ad argu-

Motis nobis

Et esset: mo-

uentur, que

in nobis sunt

s. materia,

forma, & ac-

cidentia.

mentum in contrarium dico, quòd motis nobis omnia quæ sunt in nobis per informationem mouentur. Deus autem non est in nobis per informationem, sed per il-

lapseum, quare non valet.

Vtrum Deus sit simplex per carentiam omnis compositionis?

Hoc item quesitum mouet Scotus 1. sent. dist. 8. q. 1.

D. Bona. primo sent. distinctio. 8. q. 1. artic. 1.

Alexander Alensis prima parte q. 1. membrum 2.

D. Thomas prima parte. q. 3. Artic. 2.

Ricardus primo sentent. dist. 8. q. 1. artic. 1.

Durandus primo sent. distin. 8. q. 4.

QVÆSTIO III.

TERTIO quæritur de diuina simplicitate, & quæruntur duo. Primo. Vtrum Deus sit simplex per carentiam omnis compositionis? Videtur quòd non. Quod non est perfectionis non est ponendum in Deo, sed simplicitas non est perfectionis, ergo nõ est ponenda in eo. Probatio minoris. Si simplicitas esset perfectionis, tunc quodlibet habens simplicitatem esset perfectius nõ habente eam, & sic materia esset perfectior cõposito, quod est falsum. In contrarium est magister in litera, & probatur per Augustinum. Deus inquit summe simplex est.

6. de trin. cap.

6. & 22.

Circa istam quæstionem præmitto vnũ, scilicet, quòd per summam simplicitatem intelligo carentiam omnis compositionis actualis, & aptitudinalis, ita quòd habens summam simplicitatem, nec est compositum, nec alteri componibile, & hoc dico propter materiam, & relationes creaturarum, quæ quamuis non includant compositionem actualem, includunt tamen potentiale: quia sunt entia alteri componibilia, hoc præmisso sunt tres articuli ponèdi, primo si in Deo est cõpositio ex materia & forma. Secũdo, si ibi sit cõpositio subiecti, & accidētis. Tertio, si ibi est compositio generis, & differentia.

*Materia in-
cludit compo-
sitionem po-
tensialem.*

Quantum ad primum dico, quòd in Deo non est cõpositio ex materia, & forma sicut patet per Philosophũ, & probatur rationibus sic. Causalitas materiæ, & formæ non est simpliciter prima, quia de necessitate præsupponit causalitatem efficientis, & finis, sicut imperfectum præsupponit perfectum, ergo si in Deo est compositio ex materia, & forma, illa compositio præsupponit causam effectiuam, & sic Deus non esset primum efficiens.

*12. met. con-
tex. 41.*

*Cuius opposi-
tum probatũ
est dist. 2. q. 1.*

Secundo sic. In eo quod est summe independens nõ debet poni aliquod dependens: sed materia dependet. Deus autem non est dependens, ergo. Tertio sic, necesse esse non est compositum: sed Deus est necesse esse, ergo non est compositus. Maior probatur: quia illa componentia, vel sunt necesse esse, & sic sunt in vltima actiuitate, vel actualitate, & non faciunt per se vnum. Sequeretur etiam, quòd aliquid esset necesse esse propter duas rationes, quarum vna remota nihilominus esset necesse esse, si autem non esset necesse esse, tũc Deus siue necesse esse includeret possibile esse, quod est inconueniens. Quarto sic. Infinitum non est alteri cõponibile, sed Deus est infinitus, ergo. Probatio maioris, componibile caret perfectione eius, cum quo est cõponibile: sed infinitum non caret perfectione, ergo non est alteri componibile.

De secundo articulo dico duas conclusiones. Prima, quòd in Deo non est cõpositio ex subiecto, & accidente corporali, sicut est quantitas. Secunda, quòd non est ibi compositio ex subiecto, & accidente spiritali sicut est intellectio, & volitio. Primam

*In Deo nõ est
compositio ex
subiecto, &
accidente.*

3. *Phys. con-*
sex. 78 &
12. met. cōtex.
4. & inde.

3. *Phys. ca de*
infinito.

Vide 7. q.
quolib.

12. *Met. con-*
sex. 51.

Mouens prin-
cipale est si-
mul cum mo-
to, quo ad cō-
tactum vir-
tualem, sed
non quo ad
contactum
mathemati-
cum oportet
quòd semper
sint simul.

Li. 1. de tri.
10. met. Com-
men. 7.

conclusionem probat Philosophus, Deus habet poten-
tiam infinitam, sed potentia infinita non potest esse in
magnitudine, ergo Deus non habet magnitudinē. Pro-
batio minoris, quia potentia infinita, vel esset in ma-
gnitudine infinita, & hoc non, quia nulla talis magni-
tudo est vt probatur tertio Physicorum, tractatu de infi-
nito, vel esset in magnitudine finita, & hoc nō: quia ma-
ior virtus est in maiori magnitudine, ergo infinita virtus
est infinita magnitudine, ergo. Ratio ista esset efficax, si
illa virtus poneretur extensa ad extensionem magnitu-
dinis: sed ponitur, quòd non sit extensa, immo quòd sit
eiusdem rationis in parte, & in toto, sicut ponitur de
anima rationali, quæ tota est in toto, & in qualibet parte
corporis: tunc argumentum non concludit: quia virtus
infinita esset in magnitudine infinita. Ideo aliter proba-
tur conclusio sic. Remoto priori remouetur posterius,
sed compositio ex materia, & forma est prior compositi-
one partium quantitatarum, & illa non ponitur, er-
go nec ista. Possunt etiam adduci ad illam cōclusionem
rationes positæ in præcedenti articulo, scilicet ex parte
efficientis, & dependentiæ, & necesse esse, & sic infiniti.
Secunda conclusio huius articuli posset etiam probari
eisdem rationibus: sed adducunt speciales rationes phi-
losophi, tum quia vilesceret eius intellectus, si intelli-
gere esset aliud ab eo: tum quia illud intelligere esset cum
labore, & fatione, quia intellectus eius esset præcise
in potentia contradictionis. Aliqui probant idem sic:
vbi potentia, & obiectum sunt eiusdem rationis, vel idē
ibi actus idem sunt. In Deo idem sunt obiectum, & po-
tentia intellectus: ergo actus est idem, sic non est actus
creaturæ, sed ratio non valet, quia angelus intelligit se,
& tamen actus intelligendi, & efficiendi non sunt idem
specie in angelo.

De tertio articulo sunt opiniones. Vna dicit, quòd
in Deo est compositio ex genere, & differentia, quia
Deus per se est in genere, quòd probant per Boetium,
qui videtur ponere duo genera in diuinis. Præterea
Commēn. dicit, quòd Deus est mensura omnium sub-
stantiarū, sed vnumquodque mensuratur per illud, quòd
est perfectissimum in suo genere, ergo Deus est in ge-

nere substantiæ. Præterea si Deo repugnaret esse in genere, hoc esset propter suam simplicitatem, sed hoc non obstat, quia angeli sunt simplices, & tamen ponuntur in genere.

Alia est opinio quam teneo, quod Deus non est in genere, Quia si Deus esset in genere, tunc maxime esset in genere substantiæ, sed hoc genus dicitur a substantia, & substantat accidentibus, secundum Augustinū. Deus autem non substantat accidentibus, ergo. Præterea genus est pars: sed Deus est simplicissimus non habens partem, ergo. Præterea illud, quod se habet per indifferentiam ad quodlibet genus, non est in genere, sed ea, quæ dicuntur de Deo, sunt huiusmodi, quia essentialia in Deo sunt formaliter infinita: relationes non quia essentialia dicuntur per indifferentiam ad finitum, & infinitum, personalia autem dicuntur per indifferentiam ad finitum, & non finitum, genus autem non habet indifferentiam ad illa, ergo Maior probatur, quia realitas a qua accipitur genus est potentiale respectu realitatis a qua accipitur differentia. Infinitum autem non est potentiale, ergo. Responsio, quod ratio ista accipit vnum falsum, scilicet quod realitas a qua accipitur genus est alia à realitate, a qua accipitur differentia.

Sed illud non valet, quia est contra Aristotelem, ubi dicit, quod diffinitio est sermo longus partes habens, & propterea tunc in diffinitionibus esset nugatio, & genus cōplete diffiniret sine differētia, sed hoc magis discutitur lib. 2. de Compositione angelorum. Adducitur autē ab aliis ista ratio. Quod continet perfectiones omnium generum non est in genere, sed Deus est huiusmodi, ergo. Præterea, ultimo arguitur per Auicennam, octauo Metaph. cap. 4. Necesse esse non est in genere, sed Deus est necesse esse, ergo non est in genere. Ad primum alterius opinionis dico, quod Boethius non ponit duo genera in diuinis, sed duos modos prædicandi, scilicet ad se, & ad aliud.

Ad secundum dicò, quod mensura est duplex intrinseca, & extrinseca. Intrinseca bene est in eodem genere cum mensurato, sed extrinseca non. Deus autem est mensura extrinseca substantiarum, & non intrinseca. Ad

*Opinio Scoti,
quod Deus nō
sit in genere.*

*7. de tri. c. 5.
vel 32.*

*8. Met con-
tex. 9.*

Li. 2. dist. 3.

*D. Tho. 3.
parte summa
q. 3. artic. 5. in
solutione prin-
cipali.*

tertium, dico, quòd angeli non habent illam simplicitatem, quam Deus habet, quia in eis cadit compositio ex subiecto, & accidente, vel ex materia, & forma secundum aliquos. Ad primum principale dico, quòd maior potest negari, quia relationes originis non dicunt perfectionem simpliciter, & tamen ponuntur in Deo. Vel aliter potest dici, quòd simplicitas propriè sumpta non dicit perfectionem, ut patuit in principio quæstionis, sed dicit carentiam omnis compositionis, ita quòd habens eam, nec est compositum, nec alteri componibile. materia autem quamuis non sit composita ex re, & re: est tamen alteri componibilis.

Materia non est composita compositione ex his sed cum his.

Verum cum simplicitate diuina stet aliqua distinctio ex natura rei perfectionum attributalium?

Hoc idem quæsitum mouet Scotus primo sent. distinct. 8. q. 4. D. Thomas prima parte q. 41. artic. 3.

QVAESTIO IIII.

QUARTO quæritur. Verum cum simplicitate diuina stet aliqua distinctio ex natura rei perfectionum attributalium? Videtur quòd non, quia quod tollit summam vnitatem nõ est ponendum in Deo, sed talis distinctio tollit summam vnitatem, ergo. Maior patet, quia ens, & vnum conueniuntur, ergo, quod tollit summam vnitatem tollit summam entitatem: nihil autem est ponendum in Deo, quod tollit summam eius entitatem, ergo. Minor patet: quia contraria in eodem mutuo se expellunt, sed vnum, & distinctum sunt contraria, ergo vbi est distinctio, ibi non est summa vnitas. In contrarium arguitur, quia si inter attributa non esset aliqua distinctio ex natura rei, tunc vno attributo cognito omnia cognoscerentur, & sic superflueret inuestigatio sanctorum, & philosophorum, qui inuestigati sunt plures perfectiones attributales in Deo. Circa istam quæstionem primo ponetur opinio falsa, secundo vera, tertio dicetur ad rationes falsæ opinionis.

Quantum ad primum est vna opinio Tho. & Goth-

Attributa in Deo ponuntur, ut innoscescat perfectio infinita Dei.

4. Metaph. text. 3.

fredi, quod inter attributa est tantum distinctio per actū intellectus siue rationis. Et summatim recolligendo rationes doctorum, qui istam opinionem defendunt sunt 18. rationes. Prima quia Anselmus dicit in monologion. c. 17. quicquid de summa essentia dicitur vno modo, & vna consideratione est. Secundo sic, Comment. multiplicitas in Deo non est, sed in intellectu. Tertio sic, quia Augustinus in libro de duplici habitaculo dicit, quod sapientia in Deo non est magis sapientia, quàm bonitas, sed si esset aliqua distinctio inter sapientiam, & bonitatem, tunc sapientia esset magis sapientia, quàm bonitas. Quarto sic, quod omnino nulla res est, nihil est, per Augustinum acceptis ergo formalitatibus in suis præcis rationibus, aut sunt res, aut non res, siue nihil, non nihil, ergo res, sed sunt plures formalitates, ergo plures res. Quinto sic, formalitates se habent ad res, sicut inferius ad superius, sed multiplicato inferiori multiplicatur superius, ergo si sunt plures formalitates erunt plures res.

Sexto sic, cuius formalitas est sua realitas, à quo illud distinguitur formaliter, & distinguitur realiter, sed cuiuslibet attributi cum sit simpliciter simplex, sua formalitas est sua realitas, ergo à quocunque illud distinguitur formaliter distinguitur, & realiter. Septimo sic, differentia, & conuenientia opponuntur, ergo sicut conuenientia formalis ad realem, ita differentia realis ad formalem, sed quæ cōueniunt formaliter conueniunt realiter, ergo, quæ differunt formaliter differunt, & realiter. Octauo sic, quot modis dicitur vnum oppositorum tot modis, & reliquum, sed omnis conuenientia, vel est realis, vel rationis, ergo omnis differentia, vel est realis, vel rationis.

Nono sic, proprietas non excedit suum propriū subiectum, quia dicuntur ad conuertentiam, sed differentia est proprietas entis, ergo non excedit rationem entis, sed omne ens, vel est reale, vel rationis secundum Philosophum, qui diuidit ens in ens in anima, & extra animam, ergo omnis differentia, vel est realis, vel rationis. Decimo sic, quando aliquid sequitur ad aliud eodem vtroque addito, adhuc sequitur illud ex primo

*D. Tho. in 1.
scripto 1.
sent. dist. 2.
q. 1.*

*12. Meta
com. 39.*

*De Doctrina
Christiana
Vide Goth-
fredum quo-
lib. q. 1.*

*5. Met. com-
sex. 14.*

*15. de Tri.
cap. 5.*

priorum, sed formalitas infert realitatem, ergo differentia formalis infert differentiam realem. Vndecimo sic, Augustinus dicit quòd iustitia, & bonitas in creaturis non ita sicut in Deo, duæ qualitates sunt, sed quæ iustitia ipsa, & bonitas, sed prædicatio in abstracto non est vera nisi sit per se prædicatio, cum ergo ista prædicatio sit in abstracto, ergo est vera: & sic nulla est ibi distinctio ex natura rei.

*3. de anima
context. 38.*

Duodecimo sic, quodlibet attributum diuinum, quia est realiter infinitum non compatitur secum aliquam realitatem, quam realiter non includit, ergo similiter cum quodlibet attributum sit formaliter infinitum, nō compatitur aliquid secum, quod formaliter non includat. Decimotertio sic, distinctio rei, & rei facit compositionem, quia compositio nihil aliud est, quam cum alio positio, sed in Deo nulla est compositio ergo. Decimoquarto sic, scientiæ secantur quemadmodum, & res de quibus sunt, ergo si est aliqua distinctio media, quæ nec est realis, nec rationis, erit quædam sciëntia, quæ nec est realis, nec rationis, quod est inconueniens. Decimoquinto sic. Inter rem, & rationem non cadit medium, ergo nec inter differentiam realem, & rationis cadit medium. Decimosexto sic formalitas dicitur à forma, ergo multiplicatis formalitatibus, multiplicantur, & formæ, quemadmodum multiplicato abstracto multiplicantur concreta: ergo si in Deo sunt plures formalitates, sunt etiam plures formæ. Decimoseptimo sic. Inconueniens est in Deo ponere summam vnitatem, & non summam vnitatem, sed tu pōnis vnitatem summā, & non summam, quia pōnis vnitatem realem, & formalem, quæ est summa, & vnitatem realem, & non formalem, quæ non est summa vnitas. Decimooctauo arguitur per rationem, quæ facta est ad principale, quia talis distinctio tollit summam vnitatem.

Opinio Scoti Alia est opinio verior, quam sequor, quòd inter attributa diuina est aliqua non idempritas, siue distinctio
verior, quam Quis: & potest ista distinctio vocari modalis, vel forma-
sequitur Au- lis: nō tamen intelligo istam distinctionem per positio-
liber. nem, sed per abnegationem in quantum hoc formaliter,
non

non est illud. Ideo doctor noster dicit, quod melius est
vbi illa negatiua non idem: quam distinctum. Conclu-
sio ergo principalis, scilicet, quod attributa aliquo mo-
do distinguuntur ex natura rei. Probatur propter Au-
gustinum. Dicit enim Maximinus, Deum non esse sim-
plicem, sed esse ibi tria supposita realiter distincta, con-
tra quem ait Augustinus. Si potes, inquit, Deum intelli-
gere magnum, bonum, & sapientem, &c. sine composi-
tione, quomodo non potes intelligere patrem, & filium,
& spiritum sanctum in vna simplici essentia? sed ista ra-
tio non valet, imo esset falsa consequenter, nisi esset ibi
aliqua distinctio ex natura rei, ergo Præterea: Damas.
Si iustum, & si bonum, & si quid tale dixeris, non natu-
ram Dei dicis, sed quæ circa naturam sunt.

Tertio sic, distinctio attributorum est fundamentum
distinctionis emanationum personalium: quia filius
procedit, vt verbum in intellectu, spiritus autem, vt
amor in voluntate. Ex hoc arguitur sic, quando aliquid
est principium vnius productionis respectu cuius aliud
non potest esse principium, illa non sunt idem ex natura
rei, sed intellectus est principium productiuum verbi,
voluntas est principium productiuum spiritus sancti, &
non econuerso, ergo. Respondetur, quod essentia diui-
na cum relationibus principiat illas diuersas emanatio-
nes. Contra omnis relatio equè naturaliter respicit suū
correlatiuum, ergo essentia diuina sub ratione harum
relationum equè naturaliter respicit illas productiones,
& sic non ponitur in Deo duplex productio, scilicet na-
turalis, & libera. Et præterea in illo primo instanti ori-
ginis antequam generetur filius, aut essentia diuina, eo-
dem modo se habet ex natura rei, vel alio, & alio mo-
do, si alio, & alio modo habetur propositum, si eodem
modo, ergo filius ex vi productionis suæ non esset ma-
gis imago patris, quam spiritus sanctus, quod est con-
tra Augustinum,

Præterea quarto sic, distinctio præcedens rationem
principij distinctiui non est talis per distinctiuum, sed
distinctio intellectus, & attributorum ad essentiam præ-
cedit intellectionem, quæ est principium distinctiuum
eorum, quæ distinguuntur secundum rationem, ex-

*Quomodo at-
tributa dis-
tinguantur
ex natura rei
Lib. 3. contra
Maximinū.*

Lib. 1. c. 4.

*7. de Tri. c.
vltimo.*

go non est per actum intellectus. Probatio minoris, quia si nulla distinctio eorum praeccederet, ista non magis distinguerentur intellectu, quam natura, quia quicquid distinguitur intellectu, ut est omnino indistincta a natura distinguitur etiam natura. Respondetur, quod argumentum non valet: quia si per impossibile esset sola intellectio ipsa esset nata distinguere, & natura non.

Contra, quando vnum aptum natum est distinguere, & aliud non, ista non semper sunt idem omnino, sed intellectus est aptus natus distinguere, & natura per te, ergo non sunt omnino idem.

Quinto sic, quae non sunt tantum adinuicem idem quantum aliquid est idem sibi ipsi, illa non sunt idem ex natura rei omnino, sed intellectus, & voluntas sunt huiusmodi, ergo. Probatio minoris, quia intellectus diuinus sic est idem sibi ipsi, quod intelligit mala, voluntas autem diuina non vult mala.

*Voluntas di-
uina nō vult
mala.*

Sexto sic contradictoria non verificantur de eodem secundum rem, sed contradictoria verificantur de intellectu, & voluntate, quia, sicut dictum est, voluntas diuina non vult mala, & intellectus diuinus intelligit mala, ergo. Respondetur, quod contradictio tollitur propter diuersa connotata: sed hoc non valet, quia intellectus connotat aliquid, quod voluntas non connotat, ergo non sunt idem, quia connotare, & non connotare sunt contradictoria. Septimo sic, quaecumque in suis formalibus rationibus distinguuntur, ubicunque sunt, ibi distinguuntur, sed attributa in suis rationibus formalibus distinguuntur, ergo.

Octauo sic, quae non includunt se inuicem in suis rationibus diffinitiuis illa formaliter distinguuntur: sed attributa diuina sunt huiusmodi, ergo.

Nono, & ultimo sic, de eadem re simplici possunt haberi plures conceptus obiectiui, ut patet per Commentatorem.

*12. met. Com-
men. 39.*

Quero ergo ad quid terminantur illi conceptus, quia vel ad idem penitus, & tunc est nugatio, aut ad aliud, & aliud per intellectum fictum, & tunc essent fictiui,

vani, aut ad aliud, & aliud extremum existens in re, & sic habetur propositum maxime, quia respectu essentiae diuinæ simplicis intellectus intuitiuus nullam facit distinctionem, nisi secundum quod existens est.

Circa tertium articulum respondeo ad motiuam primæ opinionis.

Ad prima tria sic dico, quod ex maiori differentia, & ad motiuam manifesta concluditur minor, quæ est immanifesta, vt prima opinio. ex differentia creaturarum concluditur differentia idealium, non autem differentia formalis, quia in ordine, vel ratione eorum, quæ distinguuntur ex natura rei est minima, ideo est immanifesta, natura aliqua distinguit ex natura rei potest esse dupliciter, scilicet fundamentaliter, & formaliter. Illæ autem auctoritates intelligendæ sunt de idemnitate fundamentali, non formali, siue modalis.

Ad quartum dico, quod potest negari illa propositio disiunctiua, quia attributa in suis præcisīs rationibus sunt vltimate abstracta, in quibus non oportet alteram partem contradictionis concedere per Auicennam. Aliter potest dici concedendo, quod sunt res, sed non sequitur, ergo sunt plures res simpliciter, immo est fallacia secundum quid ad simpliciter, arguere ex pluribus modalibus plures res simpliciter.

Ad quintum nego minorem in diuinis, tum propter illimitationem fundamenti, ratione cuius idemnitificatur realiter, quia persona est inferior ad essentiam, & tamen non sequitur, sunt plures personæ, ergo plures essentiæ.

Ad sextum nego minorem, & ad probationem, scilicet, quod quodlibet attributum est summe simplex dico, quod hoc non excludit simplicitatem diuinam, vt patebit infra decimotertio argumento.

Ad septimum cum dicitur, sicut conuenientia formalis ad realem, ita differentia formalis ad differentiam realem, dico, illud est falsum, quia conuenientia formalis includit necessario realem, sed differentia formalis nō sic includit realem, quod patet, quia quæ conueniunt in homine, conueniunt in animalitate, & tamen

Respondet

opinionis.

s. met. c. 1.

Quid sit fallacia secundum

quid, ad simpliciter.

quæ differunt in homine, non differunt in animalitate. Ad octauum nego illam propositionem, quæ dicit, quòd omnia cōuenientia, vel est realis, vel rationis. Est enim dare conuenientiam mediam, qua aliquid est idem formaliter sibi ipsi.

Ad nonum dico, quòd proprietates non excedit suum subiectum: sed ens extra animam diuiditur in ens reale, & in ens formale, siue modale, & ideo ponitur illa non idempritas formalis. Ad decimum nego maiorem in diuinis, quia persona infert essentiam, & tamen non sequitur, si sunt plures personæ, ergo plures essentia. Similiter essentialia inferunt essentiam, & tamen non sequitur, sunt multa essentialia, ergo multæ sunt essentia. Ad vndecimum dico, quòd prædicatio in abstracto non est vera, nisi sit per se in primo modo in creaturis, sed in diuinis est vera: cuius ratio est infinitas diuina, propter quam illa realiter idemprificantur. Ad duodecimum nego consequentiam, quia infinitum adueniens alicui non variat formalem eius rationem, & quia attributa in suis formalibus rationibus distinguuntur, ideo in infinitate adueniente vbicumque sunt formaliter distinguuntur.

Ad decimum tertium nego maiorem, quia trinitate simplicissima existente, est trium personarum realis distinctio. Ideo est notandum, quòd illa quatuor habent se per ordinem, distinctio, vnio, compositio, & resolutio. Ita quòd distinctio est prior vnione, & vnio est prior compositione, & compositio est prior resolutione sed prius potest esse sine posteriori, ergo potest esse distinctio sine compositione. Ad decimum quartum dico, quòd non oportet ponere scientiam mediam, quæ nec sit realis, nec rationis, quia scientia realis non solum est de ente reali, sed etiam de modis entis. Ad decimum quintum dico, quòd accipiendo rem pro re reali, & formali non cadit medium inter rem, & rationem, sed accipiendo rem pro reali tantum, sic cadit medium inter rem,

Formalitas & rationem, scilicet formale, & modale.

Ad decimum sextum dico cum dicitur formalitas dicitur a forma, dico, quòd est falsum, sed dicitur, vel a modo reali secundū aliquos, vel a quiditate formali secundū

*Sunt plura
essentialia.
ergo plures
essentie non
valet, quia
arguitur à
plurificatione
posterioris, ad
plurificationem
prior essentialis
enim
est veluti
actus secundus
respectu
essentie diuine,
& per consequens
veluti
posterioris.*

*Distinctio
Vnio compositio,
& resolutio se habent
per ordinem.*

*Formalitas
pro nunc non
dicitur a forma.*

alios, vel à ratione diffinitiva secundum quosdam; dato tamen, quòd diceretur à forma argumentum adhuc non valet, quia essentialia dicitur ab essentialia, & tamen multiplicatis essentialibus non multiplicantur essentialia. Similiter personalia dicuntur à persona, & tamè in eadem persona sunt multa personalia. Ad decimumseptimum dico, quòd oportet ibi ponere distinctionem summam, & non summam, siue summum, & non summum. nam paternitas, & filiatio summè distinguuntur, ita quòd nō possunt esse in eodem supposito. Sed filiatio & spiratio non summe distinguuntur: quia sunt in eodem supposito filij. Ad ultimum, quòd etiam fuit argumentum principale nego minorem. Ad probationem dico, quòd quælibet distinctio opponitur unitati, nec eam excludit. Est enim unitas realis, cui opponitur distinctio realis, & est unitas simplicitatis, cui opponitur pluralitas compositionis. Et est idempritas formalis, cui opponitur distinctio formalis. Et est unitas rationis, cui opponitur distinctio rationis. Sic ergo distinctio formalis non excludit unitatem realem, & simplicitatis, de qua arguebatur.

Vide Aushorem formalissimum n. 3. articu.

DISTINCTIO IX.

Verum generatio filij sit æterna?

Hoc idem queris Scotus 1. sent. dist. 9. q. 1.

D. Bona. 1. sent. dist. 9. q. 3. art. 1.

Alexander. Alensis prima parte q. 42. membro. 5. artic. 1.

D. Thomas prima parte. questio. 42. Art. 2.

Durandus primo sent. dist. 9. q. 4.

Franciscus de Mayronis 1. sent. dist. 9. q. 1.

QVAESTIO I.



UNC ad distinctionem personarū, &c. Circa distinctionem nonam queritur. Verum generatio filij sit æterna? Videtur quòd nō, quia ubi est idem esse, & duratio si esse habet principium, & duratio habet principium, sed in filio

Dei idem est esse, & duratio, & esse habet principium, puta partem, ergo, & duratio habet principium. Sed duratio, quæ habet principium non est æterna, ergo ista duratio non est æterna. Præterea generatio, & corruptio sunt mutationes oppositæ, sed corruptionem necessario præcedit esse, ergo omnem generationem necessario præcedit non esse, sed nullum tale est æternum, ergo &c. In contrarium est Magister in littera, qui probat quadruplè intentum. Circa istam quæstionē sunt quatuor videnda. Primo sub quâ ratione ponitur generatio in diuinis. Secundo si illa generatio est æterna. Tertio si est eadem æternitas patris, & filij. Quarto si in illa æternitate est aliqua prioritas patris ad filium.

*Generatio in
creaturis duo
dicit.*

*Generatio nō
ponitur in di-
uinis sub ra-
tione mutatio-
nis.*

*Pulchra pro-
batio.*

De primo dico, generatio in creaturis duo dicit, scilicet mutationē & productionē. Istorum autem sunt aliæ, & aliæ rationes formales, & ab inuicē sine cōtradictione separabiles, quia mutatio est actus subiecti mutabilis, quod trāsit de potētia ad actum, vt patet: productio autē est formaliter ipsius producti, cui accedit quod fiat cum mutatione. Ad propositum illa applicando, dico quod generatio nō ponitur in diuinis sub ratione mutationis, quia vt sic dicit imperfectionem propter potēțialitatem annexam, & nihil tale est ponendum in Deo: ponitur ergo generatio in diuinis sub ratione productionis, vt est terminus producti, & non sub ratione mutationis, vt est subiectum mutati. De secundo articulo dico, quod generatio filij est æterna, probō. Agēs ex se sufficiens, & a nullo dependens producēs per modum naturæ, & sine motu: habet productionē sibi coæuam? Sed tale agens est Deus pater respectu generationis filij, ergo habet illam generationem sibi coæuam: Sed ipse est æternus, ergo ista generatio est æterna, maior patet, quia agens nō potest habere effectum sibi coæuum, hoc est, vel quia dependens, vel quia insufficiens, vel quia non agit per modum naturæ, vel quia agit per motum. Omnes autē istæ circumstantiæ excluduntur in maiore. Possunt etiam ad istam conclusionem adduci probabilitates, quas adducit Magister in littera. Require ibi.

De tertio articulo dico, quod est eadem æternitas numero patris, & filij. Cuius ratio est illa, quorum est vnū

esse existentia, eorum est vna duratio, quia duratio respicit esse existentia: Sed patris, & filij est vnum esse existentia, non dico subsistentia, ergo eorum est vna duratio, siue aternitas.

Qualibet persona licet habeat proprium esse

De quarto articulo sunt opinionones. Vna dicit, quod inter diuinas personas est ordo, non tamen cum priori & posteriori, quod probat sic. Vbi cumque est origo, ibi est ordo, sed inter diuinas personas est origo, ergo ibi est ordo. Sed vbi ordo fundatur supra idem indiuisibile, ibi non est prius, neque posterius, talis autem ordo fundatur supra idem indiuisibile, ergo in illo ordine non est ratio prioris, & posterioris.

subsistentie tamen habes vnicum esse existentia. Opinio Aliosiodorensis.

Alia opinio fundatur in dictis doctoris nostri, quod prioritas accipitur quinque modis, quia est prioritas durationis, natura, perfectionis, rationis, & originis. In diuinis autem non cadunt tres primæ proprietates, quia ut patet per Augustinum loquens de tribus personis diuinis. Nullus ait horum præcedit alium aternitate, aut excedit magnitudine, aut superat potestate: ponitur autem in patre prioritas rationis, & originis respectu filij: quia agere præsupponit esse: sed pater producit filium, ergo aliquo modo ratione, vel origine pater præsupponitur filio, per istam prioritatem originis nihil aliud intelligitur, nisi a quo aliud, & ipsum a nullo, sicut filius a patre, & pater a nemine. In isto articulo accipiat illud, quod plus placet, quia inferius plus, & magis declarabitur.

Proprietas accipitur quinque modis. Libro de fide ad Petrum.

Agere præsupponit esse Quid sit prioritas originis.

Ad primum in oppositum dicitur, quod est equiuocatio de principio: quia, ut patet per Philosophum contra Mellissum, principium aliter dicitur de principio temporis, & generationis. Sed ista solutio non valet: nam verum est in creaturis, quod aliter est loquendum de principio temporis, & aliter de principio generationis, quia generatio, & duratio non sunt idem, cuius contrarium est in proposito, ideo argumentum accipiebat sic, vbi idem esse, & duratio, si aliquid est principium essendi, est etiam principium durationis. Ideo dico ad argumentum, quod maior est vera vbi esse geniti præcedit non esse, ita quod ante esse est non esse, quod non conceditur in proposito: quia nullo modo est intelligendum in filio non esse ante esse.

Dist. 12. q. 2. 1. Phys. com. 6.

In filio non esse ante esse.

Ad secundum dico, quod argumentum bene vadit de generatione sumpta sub ratione numerationis: sed non de generatione sumpta sub ratione productionis, quomodo ponitur generatio in Deo, ut patet ex primo articulo huius questionis.

DISTINCTIO X.

Ytrum spiritus sanctus producat per actum voluntatis.

Hoc idem quesitum mouet Scotus I. sent. distin. 10. q. 1.

D. Bon. primo sent. distin. 10. q. 1. Artic. 1.

Alexander Alensis prima parte. q. 43. membro 3. artic. 2.

D. Thomas prima parte q. 41. artic. 2. ad tertium.

Richardus primo sent. dist. 10. q. 1.

Durandus primo sent. distin. 10. q. 1.

Franciscus de Mayronis primo sent. dist. 10. q. 1.

Baconianus primo sent. dist. 11. q. 1.

QUESTIO I.

8. Phys. Cō-
men. 46.

TVNC post filij eternitatem, &c. Circa distinctionem decimam queritur. Ytrum spiritus sanctus producat per actum voluntatis? Videtur quod nō: quia vnius naturæ est vnicus modus communicandi secundum Cōmentatorem, sed natura diuina communicatur per actum intellectus, ergo non per actum voluntatis.

Præterea, natura est vis insita rebus ex similibus similia procreans. Sed spiritus sanctus est similis patri in natura, ergo producit per actum naturæ.

Præterea nihil producit per actum voluntatis, nisi præcognitum secundum Augustinum, sed spiritus sanctus non est præcognitus, ergo, probatio minoris. Non enim præcognitur cognitione abstractiua: quia illa est imperfecta, nec intuitiua: quia illa est respectu obiecti existentis, sed spiritus sanctus non existit antequam producat, ergo.

In contrarium est Augustinus, vbi dicit. Spiritus san-

15. de Trin.
cap. 27.

5. de Tri. c.
14. vel. 32.

ctus exit quomodo datus, sed exire per modum domi est exire per actum voluntatis, ergo.

Præterea, sicut se habet intellectus ad generationem filij, ita voluntas ad productionem spiritus sancti: sed generatio filij est per actum intellectus, ergo productio spiritus sancti est per actum voluntatis.

Circa istam quæstionem quatuor sunt videnda. Primo si in Deo est voluntas. Secundo si voluntas est in Deo sub ratione principij productiui. Tertio si spiritus sanctus producit per actum voluntatis. Quarto remouebuntur aliqua dubia.

De primo dico, quod in Deo est voluntas, quod probatur sic. In ente perfecto simpliciter est omnis perfectio simpliciter, alias non esset perfectum simpliciter. Sed Deus est perfectus simpliciter: ergo in eo est omnis perfectio simpliciter: sed voluntas est perfectio simpliciter: ergo est in Deo, probatio assumpti, perfectio simpliciter est illa, quæ in quolibet est melius ipsum, quam non ipsum secundum Ansel. sed voluntas in Deo est melior, quam non voluntas, ergo. Præterea, beatitudo non est sine actu intellectus, & voluntatis, sed in Deo est perfecta beatitudo, ergo in eo est actus voluntatis, & per consequens voluntas. Tertio probatur illa conclusio à Thoma, primo sic. Sicut appetitus sensituius sequitur cognitionem sensituiam, ita appetitus intellectuius sequitur cognitionem intellectuiam, sed vbicunque est sensus, ibi est appetitus sensituius, ergo vbicunque est intellectus, ibi est appetitus intellectus, siue voluntas, sed in Deo est intellectus, ergo est in eo voluntas.

De secundo articulo patet satis per hoc, quod dictum est supra require ibi.

De tertio articulo dicit vna opinio, quod essentia diuina est immediatum principium harum productionum. scilicet generationis, & spirationis, & sic spiritus sanctus producit immediate per actum naturæ, quod autem essentia diuina sit immediatum principium harum productionum: probatur primo sic, fecunditas in diuinis proportionatur fecunditati in creaturis: sed in creaturis fecunditas est per aliquid prius in intellectu, & voluntate, quia conuenit aliquibus, quæ careant intellectu, &

*Vide dist. 2.
et est lex. q.
de attributis*

q. 4.

*In monologion.
c. 15.*

50. esch. c. 1.

*D. Thom. 1.
par. q. 19.
art. 1.*

*Distin. 2. q.
vlt. art. 2.*

Respondetur,

et negatur,

quod simpli-

citer non so-

la essentia

concurrat,

sed bene prin-

cipaliter, vo-

luntas vero,

*ut principii
particulare.*

*5 de Tri. c.
14. vel 32.*

*7. de Trin.
cap. vltimo.*

*Quomodo spi-
ritus sanctus
producat
per actum
voluntatis.*

voluntate, ergo fecunditas in diuinis est per aliquid prius in intellectu, & voluntate, sed illud est natura, ergo &c. Secundo sic, istę productiones sunt determinatę ad vnum, ergo habent principium determinatum ad vnũ. Sed intellectus, & voluntas cum sint potentie rationales non determinatur ad vnum: quia valent ad opposita per Philosophum, natura autem determinatur ad vnum, ergo. Tertio sic, per potetiam harum productionum communicantur personis diuinis productis perfectiones diuinae. Sed intellectus, & voluntas non includunt secundum se omnes perfectiones diuinas, ergo non communicantur personis productis omnes perfectiones diuinae, quod falsum est. Istam opinionem non teneo, quia destruit magnam partem libri beati Augustini, dicit enim, quod spiritus sanctus exit quomodo datus. Pręterea, fecunditas in diuinis correspondet fecunditati in creaturis per te, sed fecunditas in creaturis nõ est natura, quia per te forma accidentalis est principium productiuum substantię, sicut ponis exemplum de calore, ergo fecunditas productionis non est natura immediate in Deo. Pręterea, essentia diuina est immediatum principium harum productionum: sed in essentia diuina, vt sic, non est ordo, ergo inter istas productiones non erit ordo. Pręterea, essentia diuina est omnino secundum se eiusdem rationis, ergo istę duę productiones erunt eiusdem rationis. Dico ergo, quod essentia diuina non est immediatum principium harum productionum. Quia sicut supra dictum est filius ex vi suę productionis non esset magis imago patris, quam spiritus sanctus, quod est contra Augustinum. Et sic pono, quod spiritus sanctus producit per actũ voluntatis. Hoc sic declarat doctor noster. Quia quicquid de ratione sua formali est principium productiuum, vbicunque est sine imperfectione priusquam intelligatur habere productum adæquatũ, potest producere, & si est necesse esse necessario producit. Sed in Deo est voluntas fecunda sub ratione principij productiui ex præcedenti articulo, & est necesse esse, ergo habens eam necessario producit isto modo, quemadmodum voluntas finita habens obiectum amabile finitum, & adæquatam producit amorem finitum, ita volũ-

tas infinita : sicut est voluntas diuina habens obiectum amabile infinitum producit amorem infinitum adæquatum. Sed infinitū est per se subsistens & habens amorem infinitum per se subsistentem: hunc amorem per se subsistentem dico spiritum sanctum. Ad primū alterius opinionis nego maiorem, si intelligitur omnimodo : quia in nobis per intellectum, & voluntatem producit aliquid inhærens, in Deo autem aliquid subsistens: Et iterū dato, quod esset vera, argumentum esset contra eos: sicut pater per instantiam facta de calore. Ad secundum dico, quod voluntas respectu productionis ad intra est determinata ad vnum. Et cum dicis, quod sunt ad opposita: cōcedo respectu eorum quæ sunt ad extra. Ad tertium dico, quod propter infinitatem identificantur omnia realiter in Deo, & ideo per illam potentiam communicantur personis diuinis productis omnes perfectiones.

De quarto articulo occurrunt duo dubia. Primū quomodo voluntas diuina sit principium communicandi naturam cum hoc non competat voluntati creaturæ. Secundum dubium est, si productio spiritus sancti est necessaria, & quomodo ista necessitas stat cū libertate. Ad principium dicitur dupliciter. Vno modo: quod natura in diuinis accipitur quadrupliciter. Vno modo dicitur natura essentia in qua tres personæ existūt. Secūdo modo dicitur natura principium actiū naturale, cui cōperit assimilare, & sic dicitur essentialē cōtractū ad notionale. Tertio modo dicitur natura quælibet vis naturaliter existēs in natura primo modo dicta. Quarto modo dicitur natura incōmutabilis necessitas ordinata ad aliquem actum. Ad propositum dico, quod intellectus & voluntas sunt potentia communicandi diuinā naturam, non inquantū intellectus, & voluntas, sed inquantū natura: tertio modo dicta per consistentiam naturæ primo modo dictæ. Alio modo dicitur secundum viam Scoti, quod voluntas est principium communicandi naturam diuinam, nō voluntas vt voluntas. Sed voluntas, vt infinita, quæ infinitas est proprius modus volūtatē diuinæ, sicut, & cuiuslibet attributi & hoc dicebatur in præcedenti articulo, quod voluntas est principium amoris adæquati: quia quemadmodum amor est infinitus, ita, & voluntas est in-

*Infinitum est
per se subsi-
siciens.*

*Infinitas est
ratio, quæ me-
diante vo-
luntas est
communica-
tina nature.*

*Henricus in
summa arti.
6. q. 1.*

Opinio Scoti.

*Voluntas
est principium
amoris.*

finita, & è contrario. Si obiicias, quòd infinitas est eiusdem rationis cum intellectu, & voluntate, ergo etiam productiones sunt eiusdem rationis. Præterea, quòd repugnat alicui secundum suam rationem absolutam, non competit sibi propter infinitatem: quia infinitas non dat actiuitatem alicuius alterius virtutis, sed dat in-tensionem in se. Sed voluntati repugnat secundum ratio-nem absolutam communicare naturam, quia tunc etiã competeret creaturæ, ergo. Præterea vnde voluntas habet istam infinitatem? Si habet ex se, ergo vbique ha-bet, quòd est falsum, si ab essentia, ergo concurrit coassi-stentia naturæ secundum præcedentem opinionem.

*Quomodo di-
stinguuntur
productiones.*

Ad primum dicitur, quòd istæ productiones non di-stinguuntur ratione infinitatis, quæ est in principiis, sed ratione libertatis, quæ est in voluntate, & naturalis in-tellectionis, quæ est in intellectu. Ad secundum nego minorem, non enim repugnantia est ibi ratione volun-tatis vt sic, sed ratione libertatis superuenientis. Ad tertium dico, quòd voluntas habet infinitatem funda-mental ter ab essentia, & sic fundamentaliter ibi requi-ritur, sed formaliter habet à se. Quantum ad secun-

*Quomodo pro-
ductio spiri-
tus sancti sit
necessaria.*

dum dubium principale istius articuli dico quòd produ-ctio spiritus sancti est necessaria, probo, quia summe per-fecto conuenit nobilissima productio: sed productio necessaria est nobilissima, ergo. Præterea, necesse esse si producit necessario producit: sed spiritus sanctus est necesse esse, ergo necessario producit. Notandum autem, quòd illa necessitas non est coactionis, sed est na-turalis determinationis, vel secundum aliquos requisitæ perfectionis, sicut expositum est supra. Sed adhuc re-

*Duplex ne-
cessitas.*

Dist. 6. ar. 2.

*Voluntas duo-
bus modis cõ-
sideretur.*

manet dubium, quomodo ista necessitas stet cum liber-tate, pōnitur enim voluntas diuina summe libera. Ad hoc responderetur quadrupliciter. Vnus dicit: quòd volū-tas potest considerari dupliciter. Vno modo vt natura, & sic producit de necessitate. Alio modo inquantum li-bera est, & sic producit contingenter, & sic non est prin-cipium spiritus sancti. Alius dicit, quòd licet sit necessitas, vt actus tendit in obiectum suum, tamen non est neces-sitas, vt actus elicitur à potentia. Alius dicit, quòd volū-tas vt elicit actum ibi libertas, vt autem se terminat, vel

firmat in actum, sic est ibi necessitas. Doctor autem noster dicit sic, quòd ibi est libertas, & necessitas, quia sicut natura habet suam propriam necessitatem, & suam contingentiam, in quantum potest deficere, ita libertas habet suam necessitatem & suam contingentiam, qui potest capere capiat, sicut dicit ipsemet in suis reportatis: nam necessitas naturalis non stat cum libertate, sed necessitas voluntatis bene stat cum libertate. Ad primum principale dictum est dist. 2. quod non est inconueniens eandem naturam communicari duabus productionibus, sicut idem ubi numero acquiritur per motum rectum, & circularem, qui motus tantum distinguuntur, quòd non sunt adinuicem comparabiles. Ad secundum dico, quòd ex illa diffinitione habetur, quòd spiritus sanctus ex vi suæ productionis non est imago patris, quod conceditur per Augustinum. Ad tertium dico, quòd aliud est, esse amorem præcognitum, & aliud est obiectum præcognosci: dico enim, quòd ad actum amoris necesse est obiectum esse præcognitum, sed non oportet ipsam dilectionem esse præcognitam. Sic in proposito obiectum est præcognitum: puta essentia diuina, sed non oportet dilectionem ipsam, scilicet spiritum sanctum esse præcognitum: quare, &c.

Opinio Scoti.

Vide Scot. in

reportatis

dist. 11. q. 3.

Necessitas na-

turalis non stat

cum libertate.

5. Phys. com-

sex. 23.

7. Phys. com-

sex. 21.

7. de Trin.

quomodo spi-

ritus sanctus

dicatur imago

Vide D. Tho.

1. parte q. 35.

artic. 2.

DISTINCTIO II.

Vtrum spiritus sanctus procedat à filio?

Hoc idem querit Scotus 1. sent. dist. 12. q. 1.

D. Bona. 1. sent. dist. 12. q. 1. art. 1.

Alexander Alensis prima parte q. 43. membro. 4. art. 4.

D. Thomas prima parte, questio. 36. Artic. 2.

Ricardus 1. sent. distinct. 11. q. 1.

Franciscus de Mayronis 1. sent. dist. 11. q. 1.

Bacconitanus primo sent. dist. 12. q. 1.

QVAESTIO I.



Lib. I. c. II.

cinus.

Præterea, quod quiescit in aliquo non exit ab eo, sed spiritus sanctus quiescit in filio, vt dicitur in legēda sancti Andreæ, ergo.

In contrarium est Symbolum Athanasij vbi dicitur, qui à parte filioque procedit.

Circa istam quæstionem, primo ponitur error græcorum, secundo veritas latinorum, tertio solutio argumentorum.

Quantum ad primum dicunt græci, quòd spiritus sanctus procedit à patre, & non à filio, quod probant.

Primo sic, nihil est ponendum circa articulos fidei, quod non est expressum in euangelio. Sed spiritum sanctum procedere à filio, non est expressum in euangelio,

*Rationes
Græcorum,
quod spiritus
sanctus pro-
cedat à patre,
& nō à filio.*

ergo. Secundo sic, sicut est in imagine creata, ita ponitur in imagine increata, siue in Deo, sed in imagine creata, idest, in nobis amor non procedit à verbo: sed spiritus sanctus dicitur amor: verbum autē dicitur filius, ergo. Tertio sic, si spiratio passiuā est propria vni personæ, ergo & actiua consequentia probatur: quia quælibet istarum relationum est æque perfecta, & æque incommunicabilis. Quarto sic, nihil omnino simplex est à pluribus producibile, alias esset maior simplicitas in principiato, quàm in principio. Sed spiritus sanctus est omnino simplex, ergo non est à pluribus suppositis productibilis. Quinto sic, aut pater sufficienter spirat spiritum sanctum, aut insufficienter, non insufficienter ergo sufficienter, & si non producit eum filius, quia vanū est fieri per plura, quod potest fieri per pauciora.

Vltimo sic, non est minoris perfectionis in filio intellectus quàm voluntas, sed per intellectum filius non producit verbum, ergo nec per voluntatem producit spiritum sanctum.

De secundo articulo dico istam opinionem esse falsam sicut patet per multas auctoritates quas adducit Ma-

gister in litera, & per determinationem ecclesiæ ut patet extra de summa Trinit. Et illa est maxima auctoritas, ut ponit Augustinus contra epistolam Fundamenti. Adducuntur etiam ad hoc rationes Rich. ubi probat eam tripliciter. Primo sic. Filius est perfecta imago patris: sed non esset perfecta imago patris nisi produceret spiritum sanctum, ergo. Secundo sic eadem est potentia in patre, & filio, sed non esset eadem potentia in eis, si filius non produceret spiritum sanctum, sicut & pater, ergo. Tertio sic, inter personas diuinas debet esse summa germanitas, sed non esset summa germanitas, nisi, vel spiritus sanctus produceret filium, vel e conuerso. Sed spiritus sanctus non producit filium, ergo filius producit spiritum sanctum. Aliter probatur illa conclusio à Thoma. Primo sic. Si spiritus sanctus non procederet à filio, non distingueretur ab eo realiter, sed hoc est falsum, ergo. Sed hæc ratio non valet: quia maior est falsa, ut patebit in sequenti questione.

Adducitur alia ratio taliter. In essentialiter ordinatis ultimum non reducitur ad primum, nisi per secundum, ergo persona spiritus sancti non reducitur ad primam, scilicet personam patris, nisi per filium, ergo procedit ab eo. Ultimo sic perfecte volitum præsupponit perfectè cognitum, sed spiritus sanctus est perfecte volitus, ergo præsupponit filium, qui est perfectè cognitus.

Sed nec istæ rationes concludunt, quia non plus habetur ex eis, nisi quod spiritus sanctus præsupponit filium. Sed aliquid potest esse præsuppositum alteri, & tamen non esse principium productiuum perfectum illius. Et ideo adducitur vltima ratio talis, habens principium productiuum perfectum priusquam intelligatur habere productum adequatum, potest illo principio producere, si non dependeat, & si est necesse esse necessario producit. Sed filius habet principium productiuum spiritus sancti priusquam intelligatur productum poni, & non dependet, ergo. Minor patet, nam spiratio præsupponit aliquo modo generationem in illo ante priori communicatur filio omnis perfectio absoluta sicut est voluntas scècūda, quæ est principium spiritus sancti. Assumptum melius declarabitur infra: Et nunc probatur breuiter sic actus

*Cap. firmiter.
6. de Trin.*

*Quomodo si-
lius sit imago
patris. Vide
D. Thoma.
par. 35. ar-
tic. 2.*

*Germanit.
personarum
consistit in
cōsubstantia-
litate, & ori-
gine.*

*D. Thom. 1.
par. summa q.
36. art. 2.*

Impugnatio.

*Spiratio præ-
supponit ge-
nerationem.*

*Distinct. 12.
in fine.*

primi perfecti qualem ordinem habent inter se talem ordinem habent in eliciendo suos actus, sed in parte intellectus, & voluntas sunt perfecti actus, & habent quendam ordinem, quia fecunditas intellectus constituit partem non ante fecunditas voluntatis, ergo. Confirmatur ab aliis, quia sicut velle ad intelligere, ita spirare ad generare, sed velle necessario presupponit intelligere, ergo spirare presupponit generare.

Opinio Grecorum. De tertio articulo. Ad primum opinionis Græcorum negatur maiorem Christum descendisse ad inferna est articulus fidei, & tamen non est expressus in euangelio. unde multa tradita sunt quæ non sunt expressa in euangelio, & ista multa quædam per scripturam, quædam per consuetudinem secundum quod opportunitas temporis exigebat quando nouæ hæreses exurgebant. Ad secundum dico, quod non est simile, quia in creaturis non communicatur verbo fecunditas voluntatis. In diuinis autem propter infinitatem fit communicatio verbo.

Ad tertium negatur consequentia, quia natura diuina non potest pluribus productionibus haberi in vna persona, tamen vna persona potest communicare pluribus productionibus naturam. Ad quartum nego maiorem, quando supposita producentia produciunt vnico principio, & vnica productione, sicut pater, & filius se habent in productione spiritus sancti. Ad quintum dico, quod pater sufficienter producit, & filius similiter, sed non duabus productionibus, sed vnica tantum, & vnico principio. Ad vltimum dico, quod in filio non est ita fecunditas intellectus, sicut voluntas, quia intellectus, vt communicatur filio habet terminum adæquatum, voluntas vero non.

Inter Latinos. vno modo, quod Damascen. & alii fuerunt illius opinionis: Aliter dicitur, quod voluntas quæ est principium spiritus sancti est in filio à patre. In patre autem à nullo, & ideo dicit ex patre dicimus: accipiens voluntatem pro spiritu sancto, qui etiam, vt quiescit in filio, est à patre. Aliter potest dici secundam viam magistri Alexandri, quod processio in creaturis vno modo dicitur in exitu motus localis, qui est à termino à quo, ad terminum ad quem. Alio modo dicitur in exitu causati, à causa, & sic requirit

requirit tantum terminum à quo. Græci autem transtu-
lerunt nomen processionis in diuinis à processione pri-
mo modo, & secundum istum modum negant spiritum
sanctum procedere à filio. Latini autem acceperunt pro-
cessionem spiritus sancti secundo modo.

*ci quomodo
transulerint
nomen pro-
cessionis.*

Vtrum spiritus sanctus distingueretur realiter à filio
si non procederet ab eo?

Hoc idem querit Scotus quinto sent. dist. 11. q. 2.

D. Thomas prima parte q. 36. artic. 2.

Ricardus 1. sent. distinct. 11. q. 1.

Durandus primo sent. distin. 11. q. 2.

Franciscus de Mayronis 1. sent. dist. 11. q. 2.

Baconitanus primo sent. distinct. 13. q. 1.

QVAESTIO II.

SECUNDO quæritur. dato, quod spiritus
sanctus non procederet à filio. Vtrum di-
stingueretur realiter ab eo? Videtur, quod
non, quia Dama: dicit, quod omnia sunt
vnum in diuinis, vbi non obuiat relationis
oppositio. Sed si spiritus sanctus non procederet à filio,
non haberet relationem oppositam ad ipsum, ergo non
distingueretur realiter. Contra Aug. dicit, spiritus san-
ctus non est filius, quia exit quomodo datus, non quo-
modo natus. Circa istam quæstionem sunt duæ opi-
niones cōtrariæ. Vna Thomæ vbi dicit, quod si spiritus san-
ctus non procederet à filio, non distingueretur à filio,
quod confirmant aliqui tripliciter. Primo sic, relatio,
aut distinguit secundum esse, aut secundum quiditatem,
non secundū esse, quia sic transit in essentiam, ergo secū-
dum quiditatem. Sed secundum quiditatem tantum res-
picit oppositum, ergo tātum distinguit ab opposito: Sed
si spiritus sanctus non procederet à filio, non haberet re-
lationes oppositas, ergo. Secundo sic, si relationes dis-
peratæ possent sufficienter distinguere personas, cum in
patre sint duæ relationes tales puta generatio, & spiratio
actiua, tunc pater esset duæ personæ, quod falsum est.

Lib. 1.

*3. de Trin.
ca. 14. vel 32.*

*D. Tho. 1.
parte q. 36.
artic. 1.*

*D. Tho. 1. par
q. 36. artic.*

*Vide etiam
Egidium quo
lib. 1. q. 16.*

Tertio sic, quando aliqua conueniunt in aliquo communi, & differunt, oportet, quòd differant per differentias proprias cadentes in aliquo communi, sicut patet de homine, & equo conuenientibus in animali, & differentibus per rationale, & irrationale, Sed filius, & spiritus sanctus conueniunt in essentia, ergo si differunt, oportet, quòd differant per differentias proprias: sed istę sunt relationes originis, ergo si non est origo in eis sequitur, quòd nec distinctio. Alia opinio, quam teneo dicit oppositum, scilicet, quòd spiritus sanctus si non procederet à filio, adhuc distingueretur ab eo realiter, quod probatur. Primo sic, quocunque aliquid formaliter constituitur in esse, eodem etiam distinguitur ab omni alio: sed filius filiatione constituitur in esse filiali, ergo filiatione distinguitur ab omni eo, quod non est filius, & sic etiam distinguitur à spiritu sancto dato, quòd non procederet ab eo. Maior patet, quia eodem est aliquid ens, & vnum ens, & si vnum ergo indistinctum in se, & distinctum ab omni alio. Minor probatur: quia filius, aut filiatione est filius, aut spiratione actiua, non spiratione actiua: quia illa est communis sibi ipsi, quòd patri: ergo filius filiatione constituitur in esse filiali. Secundo sic, productiones totales habent terminos totales distinctos: quia aliter idem terminus totalis haberet esse à duabus productionibus totalibus: Sed generatio, & spiratio sunt huiusmodi, ergo non sunt ad eundem terminum totalem. Tertio sic, si spiritus sanctus procederet à filio, & non à patre, adhuc distingueretur a patre realiter, quia si detur oppositum cum spiritus sanctus sit productus à filio, pater esset à filio, ergo similiter si procederet à solo patre, & non à filio adhuc distingueretur à filio realiter. Et ideo est notandum, quòd aliqua possunt distingui realiter, vel per relationes oppositas, vel per relationes disperatas, & tunc facta hypothesi, scilicet, quòd spiritus sanctus non procederet à filio, licet non distinguerentur per relationes oppositas, distinguerentur tamen realiter per relationes disperatas. Et per hoc primum alterius opinionis, quando dicitur, quòd, aut relatio distinguit secundum esse, aut secundum quiditatem, concedo quòd distinguit utro-

*Opinio Scoti
quam sequi-
tur auctor.*

*Aliqua pos-
sunt distingui
duobus mo-
dis.*

que modo, tu dicis non, quia transit in essentiam, concedo, quòd transit realiter, sed manet formaliter, & sic distinguit non solum a relatione opposita, sed etiam disperata. Ad secundum nego consequentiam, quia relationes desperatæ actiuæ non sunt constitutiuæ diuersarum personarum, sic generare, & spirare in patre, sed relationes desperatæ passiuæ sunt personarum constitutiuæ, sicut patet de generari, & spirari.

Ad tertium concedo, quòd filius, & spiritus sanctus distinguuntur per differentias proprias sed illæ non sunt relationes originis oppositæ, sed relationes desperatæ: Et eodem modo dicitur ad argumentum principale.

DISTINCTIO XII.

Vtrum pater, & filius spirent Spiritum sanctum,
inquantum sunt vnum, vel inquantum
sunt distinctum?

Hoc idem querit Scotus 1. sent. dist. 12. q. 1.

D. Bona. 1. sent. dist. 11. q. 1. art. 1.

D. Thomas prima parte, questio. 36. Artic. 4.

Ricardus 1. sent. distinct. 11. q. 2. & 3.

Durandus primo sent. dist. 11. q. 3.

Franciscus de Mayronis in 1. sent. dist. 12. q. 1.

Bacconitanus primo sent. dist. 12. q. 1.

QVAESTIO I.

ITEM quæritur vtrum pater, & filius spirent spiritum sanctum? Circa istam distinctionē 12. quæritur primo. Vtrū pater, & filius spirent spiritum sanctum inquantum sunt vnum, vel inquantum sunt distincti? Et *prohemio.* videtur, quòd inquantum sunt distincti, quia actio est suppositi, ergo plurium suppositorum ratio est vna actio: Sed pater, & filius sunt distincta supposita, ergo non spirant vna spiratione, & sic spirant spiritum sanctum inquantum distincta. Contra, Augustinus dicit pater, & filius sunt vnum principium spiritus

*5. de tri. cap.
14.*

sancti, sicut pater, & filius, & spiritus sanctus sunt vnum principium creaturæ. Sed creaturæ producuntur ab eis inquantum vnum, ergo. Circa istam quæstionem sunt tria videnda. Primo si pater, & filius sunt vnum principium spiritus sancti, secundo si principiant ipsum inquantum sunt vnum, vel inquantum distincti. Tertio, si principiant ipsum vniformiter.

De primo dico, quòd sic. Cuius ratio est, quia pater generando filium communicat ei omnem perfectionem absolutam, quæ ei repugnat, & sic communicat ei voluntatem fecundam, quæ est principium spiritus sancti, cum igitur sit eadem voluntas fecunda in patre, & filio, sequitur, quòd pater, & filius sunt vnum principium spiritus sancti. Confirmatur hoc, quod habetur extra. 6. decretalium de fide catholica vbi ait Gregorius fidei, ac deuota professione fateamur, quòd spiritus sanctus æternaliter ex patre, & filio non tanquam à duobus principiis, sed tanquam ex vno principio vnaque spiratione procedit.

*Patet extra
de sūma Tri.
& fide catho-
lica, & in 6.
lib. decreta-
lium.*

*D. Tho. 1. par
q. 36. art. 4. in
solutione pri-
mi argumēti.*

De secundo articulo sunt tres modi dicendi. Vnus est Thomæ, quòd quantum ad vim spiratiuam spiritus sanctus procedit à patre, & filio inquantum vnum, sed quantum ad supposita producentia spiritus sanctus procedit à patre, & filio inquantum sunt distincti. Alius modus dicendi est, quòd pater, & filius producunt spiritum sanctum inquantum vnum omnino: Cuius ratio est: quia ly inquantum reduplicat causam formalem, sed eadem est causa, siue voluntas in patre, & filio respectu spiritus sancti, ergo producunt ipsum inquantum vnum. Tertius modus dicendi est, quòd actus spirandi potest considerari præcise in se, & sic non producunt spiritum sanctum inquantum vnum, nec inquantum distincti, sed abstrahit ab utroque sicut ponit Auicenna, de æquitate, quæ abstrahit ab vno, & multis. Alio modo potest considerari actus spirandi inquantum simplex, & perfectus, & quia hoc est ex vnitatem principii, ideo producunt inquantum vnum.

5. Met. ca. 1.

*Actus spiran-
di considera-
tur tribus
modis.*

De Tertio articulo dico, quòd actus spirandi in propositio potest considerari tripliciter, vel in se vel inquantum est terminus, vel inquantum comparatur ad sup-

posita agentia. Duobus primis modis pater, & filius vni-
formiter spirant spiritum sanctum, sed tertio non quia
quod pater spirat habet à se, filius autem habet à parte.

Ad argumentum in contrarium dico, quod plurimum
suppositorum non potest esse vna actio, si agant distin-
ctis principiis quo. Sed quando agunt in eodem princi-
pio quo, tunc possunt habere vnam actionem, sed sic
est in proposito, quia in parte, & filio est penitus eadem
voluntas fecunda, & tunc talium principiorum vel sup-
positorum potest esse vna actio.

Vtrum generatio filij præcedat productionem
spiritus sancti?

Hoc idem querit Scotus 1. sent. dist. 12. q. 1.

*D. Thomas. prima parte q. 36. artic. 4. in solutione primi ar-
gumenti*

Q V A E S T I O II.

SE C U N D O quæritur. Vtrum generatio filii
præcedat productionem spiritus sancti? Vi-
detur quod nō, quia qualis est ordo in prin-
cipiis, talis est ordo in principiatu, sed prin-
cipium generationis non præcedit princi-
pium spirationis, ergo. Probatio minoris, principium
generationis est natura, siue intellectus, qui non pro-
cedit voluntatem, quæ est principium spirationis.

Contra, &c se habet generatio ad spirationem, sicut
generatum ad spiratum, sed generatum præcedit spira-
tum, cum sit eius principium, ergo.

Circa istam quæstionem sunt duæ opiniones contra-
riæ. Vna dicit, quod in diuinis nulla est prioritas natu-
ræ, sed solum rationis, siue intellectus: sicut fuit supra
expositum. Alia opinio dicit, quod est aliqua priori-
tas originis, & ponit, quod generatio præcedit spiratio-
nem, quod probat multipliciter.

*Opinio D.
Thoma ubi
supra.*

*Dist. 9. re-
quire.*

Primo sic, quando aliquæ productiones sic se habent
ad inuicem, quod terminus vnius productionis est prin-
cipium alterius, vna præcedit origine aliam, sed termi-

Opinio Scoti.

nus generationis puta filius est principium spirationis, ergo.

Secundo sic, illa processio, quæ completur, & stat in dualitate est prior processione, quæ completur, & stat in Trinitate, quemadmodum binarius est prior ternario; sed generatio filii completur in dualitate, processio autem spiritus sancti in trinitate, ergo.

Tertio sic, ubi principia non se habent per æqualitatem, ibidem emanationes non se habent per æqualitatem, nec principiata, sed principia istarum emanationum non se habent per æqualitatem ad suppositum, quia intellectus fœcundus est prior voluntate, quod patet per hoc, quia intellectus fœcundus constituit patrem, voluntas autem fœcunda non, cum sit communis sibi, & filio, quare, &c. Ultimo sic, quando suppositum absque ordine indifferenter respicit plures actus, potest vnū eorum ponere, altero nō posito, & conuerso. Exemplū, homo indifferēter se habet ad videre, & audire, ideo potest videre, non audiendo, & audire non videndo, ergo si

Exemplum.

*7. de Trin.
cap. 20.*

pater sine ordine respicit istas productiones potest ponere vnā, altera non posita, & sic potest spirare spiritū sanctum, dato quod non generet filium. Sed istud argumentum implicat dubium, vnum nō prætēmittendū, scilicet si pater non generaret filium, vtrum posset producere spiritum sanctum? Et dicunt aliqui quod sic. Primo quia pater est principium totius deitatis, & ita habet omnem fœcunditatem apud se, ergo circumscripto filio potest producere spiritum sanctum. Præterea nō sunt magis indiuisi actus secundi, quantum ad separabilitatem, quā actus primi, sed actus primi in patre puta esse ingenitum, & esse patrem, possunt separari per Augustinum, qui dicit, quod si pater non genuisset filium, nihil prohiberet ipsum ingenitum esse, ergo similiter in istis actibus secundis poterit esse spirare sine generare.

*Hærici quod-
lib. 5. q. 9.*

*15. de Trin.
cap. 3.*

Istud tamen non credo esse verum: quia ubi actus primus necessario prætupponit alium actum primum, necessario est verum, quod actus secundus prætupponit actum secundum: Sed voluntas fœcunda non est sine intellectu fœcundo, vt iam probatum est, ergo spirare

non est sine generare. Confirmatur ab aliis: quia sicut velle ad intelligere, ita spirare ad generare, sed velle nō est sine intelligere, ergo nec spirare sine generare.

*Confirmatio
aliorum.*

Præterea, non existente priori, naturaliter non est posterius: sed generatio filij cum est naturalis, est maximè prima, ergo non existente ista, non erit spirare.

Ad primum alterius opinionis dico, quòd quamuis pater habeat omnem fœcunditatem, habet tamen eam ordine quodam, quia volūtas fœcunda præsupponit intellectum fœcundum (vt dictum est.)

Ad secundum dicit Varro, quòd argumentum non valet, quia maior connexio est in actibus secundis, quàm sit inter esse patrem, & esse ingenitum: & ideo non sequitur, si illa possunt separari, ergo, & ista possunt.

*Varro præsen-
ti distin.*

Ad argumentum principale patet ex dictis quomodo in illis principiis potest esse ordo.

DISTINCTIO XIII.

Vtrum generatio filij distinguatur à productione spiritus sancti?

Hoc idem querit Scotus primo sent. distincti. 13. q. 1.

Alexander Alensis prima parte. q. 43 membro 2.

D. Thomas prima parte q. 27. Artic. 2.

Ricardus primo sententiarum distinctio. 13. questio. 2.

Durandus primo sententiarum distinctio 13. questio. 2.

Baconitanus in corpore questionis. 13. quest. unica.

QVÆSTIO I.

POST hæc considerandum circa istam distinctionem. 13. quæritur primo. Vtrū generatio filij distinguatur a productione spiritus sancti? Videtur quòd nō, quia generatio distinguitur ab aliis mutationibus per hoc quod est ad esse substantiale: sed productio spiritus sancti est ad esse substantiale, ergo illa productio est generatio. Præterea motus distinguuntur penes terminos sed generatio, & spiratio ha-

*5. Phys. con-
tex. 4. & 48.*

bente eundem terminum formalem scilicet essentiam, ergo. Præterea quæcunque vni, & eidem sunt eadem, inter se sunt eadem: sed generare, & spirare sunt idem patri, vel essentiæ, ergo. Contra, productio per modum nati non est eadem cum productione per modum dati secundum August. sed generatio est per modum nati, spiratio per modum dati, ergo. Circa istam quæstionem est primo sciendū quid dicitur opinando: secundo quid dicitur veraciter sententiando.

5. de tri. cap.
14.

Aegidius di-
stinc. præsentis
art. 2.

5. Phys. cōtex.
4. 48.

4. met. con-
tex. 3.

Gotfredus
quol. 3. q. 3.
& quolib. 7.
q. 4.

Exemplum.

Quantum ad primum est vna opinio, quæ dicit istas duas productiones distinguere per terminos totales ad quos sunt: quia vna est ad filium, alia ad spiritum sanctū. Et confirmatur per philosophum qui ponit motus, siue vias distinguere per terminos, sed generatio, & spiratio sunt viæ ad personas, ergo. Contra productiones, quæ non habent esse per terminos non distinguuntur per terminos: quia eodem modo est aliquid ens, & vnum, sed istæ productiones non habent esse per terminos sed habent esse seipsis formaliter, ergo. Præterea motus non distinguuntur penes terminos nisi vbi forma fluens est eiusdem rationis cum forma terminante: Sed in proposito generatio, quæ est via, non est eiusdem rationis cum termino: quia generatio est relatio: terminus autem cū sit essentia est quid absolutū, ergo nō distinguitur à spiratione penes terminos. Ideo est alia opinio Gotfredi quolibet, qui dicit istas productiones distinguere per hoc puta, quòd generatio est ab vna persona, puta à patre, spiratio autem à duabus personis scilicet à patre, & filio. Contra, distinctio suppositorum in quibus est idē principium, quo non est causa distinctionis productionum alterius rationis. Exemplum, quòd si eadem albedo numero esset in equo, & lapide non esset principium visionis alterius rationis: sed in istis suppositis est idem principium quo, ergo. Præterea secundum istam viam possent poni infinite personæ in diuinis, quia posset poni quarta persona à tribus, & quinta à quatuor, & sic in infinitum. Præterea omnis differentia reducitur ad aliqua primo diuersa, quæ sunt distincta circumscripto omni alio, sed circumscripto omni alio ab vnitatem vel dualitatem suppositorum non videtur, quòd illa vnitatem, vel plu-

ralitas sit ratio distinguendi personas, ergo. Ideo est alia opinio, quod illę productiones distinguuntur penes cō-possibilitatem, & impossibilitatem, quia generari stat cum spirare, sicut pater in filio, sed spirari non stat cum generare in spiritu sancto.

Alia opinio.

Contra illam opinionem arguitur sicut contra præcedentem per duo vltima argumenta: Et præterea oportet assignare rationem huius cōpossibilitatis, & impossibilitatis: Ideo est alia opinio quod illę productiones distinguuntur per rationes prioris, & posterioris, quia generatio est prior, spiratio autem est posterior. Sed contra hoc arguitur. Relatio non distinguitur à relatione per relationem: sed istę productiones sūt relationes, ergo non distinguuntur per prius, & posterius, quæ sunt relationes.

*D. Thom. 1.
parte summe
27. artic. 4. in
solutione primi
argumenti.*

His ergo opinionibus omissis de secundo articulo, dico tres conclusiones. Prima, quod istę productiones distinguuntur à seipsis quidditative, & formaliter.

Secunda conclusio, quod arguitivè distinguuntur ex terminis. Tertia, quod elicitivè distinguuntur ex principiis, quæ sunt memoria, & voluntas. Prima conclusio probatur sic, nihil eiusdem rationis est plurificabile in diuinis: sed illę productiones plurificantur, quia sunt duæ, ergo. Præterea plurificabile in pluribus numero potest plurificari in infinitum per Avicennā, ergo si illę productiones differunt solum numero, & non quidditative possunt plurificari in infinitum. Secunda conclusio probatur, illa distinctio est arguitivè ex terminis, quæ innotescit ex terminis: sed ista est homini, ergo. Tertia conclusio probatur sic, illę productiones quarū vna est à memoria, alia à voluntate distinguuntur elicitivè ab illis, sed generatio est à memoria, spiratio à voluntate, ergo. Præterea memoria est principium assimilativum, voluntas autem non est principium assimilativum: Sed filius est imago patris propter similitudinē, spiritus autē sanctus non, ergo principiatiuè est ab illo.

1. Met.

Contra primam conclusionem obicitur sic. Quæ nō sunt à seipsis formaliter, non distinguuntur à seipsis formaliter, sed generatio, & spiratio sunt huiusmodi, ergo non distinguuntur à seipsis formaliter.

Contra primam conclusionem.

Præterea quæ distinguuntur seipsis formaliter non conueniunt in aliquos sed generatio, & spiratio conueniunt: quia de ambobus dicitur productio, ergo non distinguuntur seipsis formaliter. Contra tertiam conclusionem obiicitur sic, quia distinctio rationis non est causa distinctionis realis: sed intellectus, & voluntas distinguuntur solum ratione, ergo non sunt causæ distinctionis emanationum, quæ est realis. Ad primum nego maiorem: quia differentiarum specificarum non sunt a seipsis effectiuarum, & tamen sunt seipsis formaliter distinctæ. Ad probationem cum dicitur eodem modo est aliquid ens, & vnum concedo effectiue, sed non formaliter. Ad secundum dico, quod illis, quæ sunt seipsis formaliter distinctæ, potest esse aliquid commune communicatæ prædicationis: & sic est in proposito, nam generatio, & spiratio cōueniunt in productione, quia de eis dicitur prædicatione tantum. Ad tertium dicitur vno modo per interemptionem maioris instantia de ideis, quæ differunt solum ratione, & sunt principia distinctionis realis ideatorum. Sed hoc non valet, quia ens rationis est ens diminutum solum habens esse in intellectu: sed ens sic diminutum non est propria ratio entis veri, & perfecti. Quia causa, vel est vniuoca, & sic est æqualis perfectionis cum effectu, vel est æquiuoca, & sic est maioris perfectionis, ergo.

*Ens rationis
est ens dimi-
nutum.*

*Dist. 3. q. vlti-
ma.*

Præterea vnius effectus oportet vnā per se assignare causam in suo ordine, sed ens rationis non facit per se vnum cum ente reali, ergo. Ideo oportet negare minorem illius argumenti, quia sicut patuit supra, inter attributa est aliqua distinctio ex natura rei. Ad primum principale dico, quod generatio non transfertur ad diuina sub ratione mutationis: sed sub ratione productionis cuius termini sunt producēs, & productum: Et quia produciens vnā productionem elicit naturaliter, aliam vero non, ideo est ibi distinctio, ergo. Ad secundum dico, quod maior non est vera nisi vbi ista propositio habet veritatem, scilicet quod forma fluens sit eiusdem rationis cum forma terminatæ, vt melius patuit supra dist. 2. q. vlti. articulo secundo, require, nūc autem generatio non est eiusdem rationis cum termino formali, quia ge-

neratio est relatio, terminus autem est quid absolutum. Ad tertium dico quando duo comparantur ad aliquid illimitatum non sequitur ex vnione eorum in tertio vnio eorum inter se. Exemplum, ego sum hic cum Deo, & Papa est Romæ cum Deo, ex hoc non sequitur, quod sumus simul Papa, & ego. Ita est in proposito, nam causa vnitatis productionis in essentia est infinitas essentiaæ quæ ratio deficit in productionibus comparantur inter se, & in suis præcisis rationibus, ergo.


*Da glossulã
quam dñ Sco
tus in 13. hu-
ius primi Et
Auctor for-
mal. ta. un in
c de dist. c
identitate
formali.*

Vtrum generare, & spirare in patre sint
idem realiter?

Hoc idem querit Scotus primo sent. distin. 13. q. 1.

D. Thomas prima parte. quest. 41. Artic. 1.

QVAESTIO II.



EC VNDO quæritur sine argumentis. Vtrū generare, & spirare in patre sint idem realiter? Circa istam quæstionem sunt duæ opiniones contrariæ. Vna opinio dicit, quod sint idem realiter quod probat. Primo sic.

*D. Thom. 1.
parte summe
q. 41. art. 1.*

Quæcunque subsistunt, si differunt realiter constituunt supposita distincta realiter: sed generare, & spirare subsistunt in patre, ergo si differunt realiter cōstituunt, supposita distincta realiter, quod est hereticū dicere, ergo. Probatio minoris: quia illæ relationes, aut sunt inherētes, & hoc non propter simplicitatem diuinam, aut subsistētes, & habetur propositum. Secundo sic, quæ prædicantur de se inuicē prædicatione dicente, hoc est, hoc, non distinguuntur realiter, sed generatio actiua, & spiratio actiua sic prædicantur de se inuicē in patre, ergo. Tertio sic, omnia sunt vnum in diuinis, vbi nō obuiat relationis oppositio per Damasc. Sed inter generare, & spirare non obuiat relationis oppositio, ergo sunt idem realiter. Alia opinio tenet oppositum scilicet, quod differant realitate formalitatis, quod probat primo sic, quæ sic se habent, quod vnum cōmunicatur altero non communicato, illa non sunt idem omnino ex natura rei, sed generare non

*Lib. 1.
Opinio Scoti.*

communicatur filio, spirare autem communicatur filio, ergo. Secundo sic, quæ non possunt conuenire vni, & eisdem respectu eiusdem, non sunt omnino idem ex natura rei, sed generare, & spirare non conueniunt patri realiter respectu eiusdem personæ, sed respectu diuersarum personarum. Tertio sic, sicut generare ad generari, ita spirare ad spirari, tunc per locum à transmutata proportionem, sicut se habet generari ad spirari, ita generare ad spirare, sed generari, & spirari non sunt idem, ergo. Quarto sic, relatio producentis non est eadem cum relatione producti, sed generari est relatio producti, spirare autem relatio producentis, ergo non sunt idem filio, ergo eadem ratione generare, & spirare non sunt idem in patre.

*Opinio Scoti
probab.*

Si teneatur ista opinio, quæ videtur probabilior: potest responderi ad argumenta primæ opinionis. Ad primum glosando maiorem cum dicitur: quæcunque subsistunt si differunt realiter, consistunt diuersa supposita realiter, verum est si subsistunt propria subsistentia à se.

*Relationes
quomodo sub-
sistant.*

Relationes autem quamuis subsistant in se, non tamen propria subsistentia à se, sed subsistunt ex infinitate essentiae largientis eis subsistentiam. Ad secundum respondetur vno modo per interemptionem minoris. Alio modo distinguendo, scilicet, quod ibi est vera prædicatio per identitatem, non tamen formaliter. Ad tertium patet per illud quod est supra dictum, quia non tantum fit distinctio per relationem originis, sed etiam per relationes disperatas. In patre autem generare, & spirare sunt relationes disperatæ, &c.

Dist. II.

DISTINCTIO XIII.

Vtrum in diuinis sit aliqua processio?

Hoc idem querit Scotus primo sent. distin. 14. q. 1.

D. Thomas prima parte quest. 27. Artic. 4. in solutione primi argumenti.

QVÆSTIO I.

PRÆTEREA diligenter notandum. Circa distinctionem 14. & duas sequentes queruntur tria. Quæstio prima. Vtrum in diuinis sit aliqua processio? Videtur quod non, quia processio includit motum, sed in diuinis non ponitur motus, ergo nec processio. In contrarium est. Augustinus & etiam habetur in simbolo Athanasij, qui ex patre filioque procedit. Circa istam questionem, si vellemus sequi principia Commen. & Auicennam haberemus negare in diuinis omnem processionem: quia est principium apud eos, quod in eo quod est ex se necesse esse, nulla est processio per eo, quod processio includit potentialitatem, & omnis potentialitas repugnat ei, quod est necesse esse, sed Deus est necesse esse, ergo in Deo non est processio, sed ista conclusio est falsa, nec ratio valet, ut patuit supra, ponendo ergo processionem in diuinis sunt tria videnda, primo sub qua ratione ponitur processio ibi, secundo quare appropriatur spiritui sancto, tertio si processio spiritus sancti passiva est idem realiter cum relatione constitutiva spiritus sancti.

15. de Trin.
cap. 17.

5. Met.
1. Met.

Disin. 2. q.
ultima.

De primo dico conformiter his, quæ dicta sunt supra 5. & 9. distinctionibus: quia quemadmodum generatio ponitur in diuinis sub ratione mutationis: quia illo modo includit potentialitatem: sed sub ratione productionis, ita processio in diuinis sub ratione productionis, & non sub ratione mutationis, quia isto modo includit potentialitatem, & habet imperfectionem annexam.

Quomodo
processio ap-
propriatur
spiritui san-
cto.

De secundo articulo dico, quod processio appropriatur spiritui sancto: quia exitus à voluntate per modum amoris est processio: sed spiritus sanctus exit à voluntate patris, & filij per modum amoris, ergo sibi attribuitur processio, secundo est hoc propter penuriam nominum quia enim productio filij vocatur generatio, ideo ad distinctionem illius productio spiritus sancti vocatur processio.

D. Thom. 1
parte summe.
q. 27. artic.
4. in solutio-
ne argumenti
primi.

De tertio articulo sunt opiniones: vna dicit, quod processio passiva distinguitur realiter à relatione constitutiva spiritus sancti: quod probat, primo sic. Relationes, quarum vna est prior, altera posterior, non sunt idem realiter, sed processio passiva est prior relatione consti-

tutiuā spiritus sancti, cū sit via ad ipsam, ergo distinguitur realiter ab ea. Secundo sic, sicut se habet processio actiua ad relationem constitutiua[m] filij, ita se habet processio passiua ad relationem constitutiua[m] spiritus sancti: sed ibi est differentia realis, ergo, & hic. Minor probatur, quia processio actiua reperitur sine relatione constitutiua filij, & est in patre. Alia opinio dicit oppositum, quod probatur sic. Primo vnius suppositi simpliciter ad alterum non est nisi vnica relatio originis: sed spiritus sanctus est vnum suppositum simplex: ergo non refertur ad patrem, vel ad filium, nisi vnica relatione originis: sed refertur ad eos processione passiua, & relatione constitutiua, ergo hæc & illa sunt vna relatio realiter. Secundo sic, si spiratio passiua distingueretur a relatione constitutiua spiritus sancti, ergo illa relatio superflueret, quod est inconueniens. Probatio consequentiæ. Omnis relatio, quæ ponitur in diuinis est constitutiua, vel distinctiua, illa autem processio facta ypothesi alias ypostasi, non erit constitutiua, nec distinctiua, ergo.

Ad primum alterius opinionis negetur minor, quamuis processio præsupponat generationem, non tamen antecedit relationem constitutiua[m] spiritus sancti: quia sunt idem. Ad secundum negetur maior: quia spiratio actiua quasi aduentitia filio, & non constituit ipsum: quia est communis patri, sed processio passiua constituit spiritum sanctum, nec est sibi illo modo aduentitia. Ad argumentum principale patet per dicta in primo articulo, quod non ponitur ibi processio sub ratione mutationis, sed sub ratione productionis, quare non valet, & tantum de questione.

DISTINCT. XV. & XVI.

Vtrum aliqua persona diuina mittat
se ipsam?

Hoc idem quæsum mouet Scotus primo sens. distin. 14. 15.
& 16.

D. Bona 1. sent. dist. 13. q. 3. Et 4. artic. 1.

Alexander Aletensis prima parte q. 71. membro 1.

D. Thomas prima parte. quest. 43. Articuli. 1. 4. 5. & 7.

Ricardus primo sent. dist. 15. q. 1. & 2.

Durandus 1. sem. dist. 16. q. 1.

QVÆSTIO II.

SECUNDO quæritur. Vtrum aliqua persona diuina mittat seipsam? videtur, quod non, quia si mitteret seipsam ageret in se: sed nihil agit in se, ergo. In contrarium est Magister in litera.

Ad euidenciam huius quæstionis sunt duo prænotanda, primo, quod missio est duplex, scilicet ad intra, & *Missio duplex.* ad extra, hic autem non quæritur de missione intra: quia ut patet per Magistrum, qui probat per Augustinum, quod nulla persona mittitur nisi quæ habeat aliam de qua sit, & isto modo filius, & spiritus sanctus mittuntur, pater autem non. *4. lib. de tri. cap. 20.* Quæritur ergo hic de missione ad extra. Secundo notandū, quod in diuinis sunt aliqua pure essentialia, aliqua pure notionalia, & aliqua sunt mixta ex essentiali, & notionali. Purè essentialia sunt, quæ competunt tribus personis, ut iustitia, & sapientia, & huiusmodi. Pure notionalia sunt, quæ non competunt tribus personis, sed vni tantū, ut paternitas, filiatio, & similia. Mixta autem dicuntur, quæ includunt aliquod essentialia, & aliquod notionale, ut cum dicitur sapientia genita. Cum enim dico sapientiam dico essentialia, cum autem dico genitam dico notionale, ergo simul accipiendo sapientiam genitam dico essentialia, & notionalia. *Quæ sint pure essentialia.* Ad propositum applicando dico, quod hoc verbum mitti est mixtum ex essentiali, & notionali, quia vno modo dicit relationem originis, quæ conuenit vni personæ tantum, & omne tale est notionale. *Quæ sint pure notionalia.* Secundo modo dicit habitudinem ad creaturam, quæ conuenit tribus personis, & omne tale est essentialia, & est efficiencia creaturarum, quæ efficiencia competit tribus personis: quia opera trinitatis sunt indiuisa ad extra, per Augustinum: *Quæ sint mixta.* Quod autem sic competit tribus personis large potest dici essentialia. His præmissis dico ad quæstionem, quod de eo sunt duæ opiniones. Vnā est *Quid sit missio in pluribus locis.* *Opinio Magistri.*

Magistri, quæ est, quod persona mittat seipsam: quod probat primo sic. Mittere est effectum causare, in quo habeatur persona, vel origo persone, sed effectum ad extra non efficit vna persona sine alia secundum Augustinum, in pluribus locis, qui ponit, quod opera trinitatis sunt indiuisa ad extra, ergo vna persona non mittitur, siue alia, & sic cū vna persona mittitur ipsa mittit seipsam.

Secundo sic. Mittere, & mitti habent se, sicut incarnare, & incarnari, sed incarnare conuenit tribus, licet incarnari sit proprium vni, ergo mittere est commune tribus. Tertio sic. Ambrosius pertractans illud Esaiæ. Spiritus domini super me, &c. dicit sic. Cum non diffinitum fuerit à Propheta, à quo datus sit filius, ostenditur datus gratia trinitatis, vt etiam filius ipse dederit se. Hæc Ambrosius. Si autem filius à se datus est, ergo à seipso missus est, vt infert Magister.

Alia opinio dicit oppositum, quod probat. Primo sic: quia mitti est originari, ergo mittere est originare: sed nulla persona originat seipsam, ergo nulla persona mittit seipsam. Secundo sic. Mittere dicit auctoritatem, sed nulla persona accipit auctoritatem à se, ergo nulla persona mittitur à se. Istis non obstantibus potest teneri opinio Magistri, & potest responderi ad argumenta alterius opinionis.

Ad primum cum dicitur. Mitti est originari, ergo mittere est originare. Nego consequentiam, quia nō oportet omnimodam correspondentiam esse inter actiuum, & passiuum, sicut patet per rationem factam pro opinione Magistri de incarnare, & incarnari. Ad secundum dicitur, quod auctoritas dupliciter accipitur in diuinis. Vno modo per ordinem principij ad intra, & de ista verum est, quod assumitur. Alio modo accipitur auctoritas pro causalitate ad extra respectu creaturæ, & ita competit tribus personis. Ad primum principale verum aliquid possit agere in seipsum, nihil ad præsens dico, quia de hoc dicitur, tamen dico, quod persona potest agere in seipsam isto modo, quod causet in se solū respectu rationis. Nā per illam missionē, qua persona mittit se non ponitur in ea, nisi quidā respectus rationis: quia Deiad creaturā nulla est relatio realis, vt patebit infra distinct. 30.

Vtrum

*Lib. 3. de spiritu sancto
cap. 2. vel. 3.
Esaiæ 1.*

Autor defendit Magistrum.

*Auctoritas duobus modis
accipitur in diuinis.*

*Hoc idem quæstum mouet Scotus 1. sent. dist. 16.
 D. Thomas. 1. par. q. 43. art. 7.*

QVÆSTIO III.

TERTIO quæritur. Vtrum spiritus sanctus aliquando fuerit visibiliter missus? Et videtur quod non: quia filius est minor patre in quantum visibiliter missus, secundum Augustinum, sed spiritus sanctus non ponitur minor patre: ergo non ponitur visibiliter missus. In contrarium est Magister in littera. Circa istam quæstionem dicuntur tria per ordinem per modum trium conclusionum. Primo, quod spiritus sanctus non debuit visibiliter mitti tempore legis scripturæ. Secundo, quod debuit visibiliter mitti tempore quo fuit ecclesia primo fundata. Tertio sub quibus speciebus spiritus sanctus fuit visibiliter missus. Primum probatur dupliciter. Primo sic, tempore quo non fuit plenitudo gratiæ non debuit mitti signum plenitudinis gratiæ, sed tempore legis scripturæ nõ erat tempus plenitudinis gratiæ, ergo non debuit tunc temporis mitti signum plenitudinis gratiæ, sed tale signum est missio visibilis spiritus sancti, ergo. Secundo sic, spiritus sanctus nõ debuit visibiliter mitti ante missionem filij: sed illo tempore non erat missus visibiliter filius, ergo. Probatio maioris: quia sicut productio spiritus sancti præsupponit generationem filij: ita visibilis missio spiritus sancti debet præsupponere visibilem missionem filij. Secundum principale declaratur dupliciter. Primo sic. Maximum signum adhiberi debet ad credendum ea, quæ sunt maxime difficultatis: sed maxime difficultatis est credere illa, quæ prædicata sunt in principio ecclesiæ, ergo debuit ibi adhiberi maximum signum, sed hoc est visibilis missio spiritus sancti, ergo. Secundo sic, duplex est gratia, vna personalis, alia causalis, & vocatur gratia causalis, quæ ponitur in capite per redundantiam ad membra: sed propter gratiam personalem mittitur spiritus sanctus inuisibiliter, ergo propter gratiam causalem, quæ ma-

4. de Trin.

Dist. 15.

Pulchre probationes.

Duplex gratia.

ior est, debuit spiritus sanctus mitti visibiliter, sed ista gratia habuit ortum in prima ecclesiæ fundatione, ergo. Sed quæres, quare spiritus sanctus nunc non mittitur visibiliter? Respondetur, quia spiritus sanctus fuit missus ad fidei confirmationem, sed nunc fides est optime firmata, & radicata, ergo non oportet nunc spiritum sanctum visibiliter mitti. De tertio principali dico, quod spiritus sanctus, fuit primo missus in columbæ specie, secundo in specie nubis candidæ, tertio in specie flatus, quarto in specie linguæ igneæ. Et ratio horum est, quia habentes spiritum sanctum debet ipsum imitari, & ideo missus est in specie columbæ ad designandum humilitatem. Missus est in specie nubis lucide ad illustrandum veritatem. Missus est in specie flatus ad copulandum fraternam charitatem. Vltimo missus est in specie linguæ igneæ propter charitatem ad prædicandam perfectam sanctitatem. Iuxta illud, quod canit sancta ecclesia: ignis vibrante lumine linguæ figuram detulit, &c. Ad argumentum in contrarium respondet Magister, dicens sic. Cur spiritus sanctus non dicitur minor patre, cum & ipse creaturam assumpserit, in qua apparuit, & respondet, quod spiritus sanctus aliter assumpserit creaturam, aliter filius: nam filius accepit creaturam per unionem, Spiritus autem sanctus non: quia filius ita accepit hominem, quod factus est homo: spiritus autem sanctus non ita accepit colubam ut fieret coluba.

Quare spiritus sanctus nunc non mittitur visibiliter.

Multis modis fuit missus spiritus sanctus, & quare.

Distin. 16. c. 3.

DISTINCTIO XVII.

Vtrum charitas sit aliquid creatum in anima? vel sit ipse spiritus sanctus?

Hoc idem querit Scotus primo sent. dist. 17. q. 1.

D. Bonaventura primo sent. distin. 16. q. 1. art. 1.

Ricardus 1. sent. distinct. 17. q. 4.

Franciscus de Mayronis primo sent. dist. 17. q. 1.

QVAESTIO I.

IAM nunc accedamus. Circa istam dist. 17. in qua tractat Magister de missione spiritus sancti per infusionem charitatis, queritur primo de essentia charitatis. Vtrum charitas sit aliquid creatum in anima, vel sit ipse spiritus sanctus? Et videtur,

quod sit formaliter spiritus sanctus per Aug. qui, inquit, diligit proximum, conueniens est, vt ipsam dilectionem diligit, sed dilectio est Deus, ergo qui diligit proximum diligit Deum, sed minor huius rationis accipit dilectionem, siue charitatem formaliter, alias in sillogismo essent quatuor termini, ergo charitas est ipse Deus. Præterea, Augustinus nullum est donum isto dono excellentius, quod est charitas, sed nullum donum est excellentius eo dono, quod est spiritus sanctus, ergo charitas est ipse spiritus sanctus. Præterea, omnis creatura potest intelligi non bona: quia est ens per participationem, sed charitas non potest intelligi non bona, ergo charitas non est aliquid creatum. In contrarium arguitur, nihil est album formaliter, nisi per albedinem formaliter inherentem: sed spiritus sanctus non est forma inherens, ergo oportet ponere charitatem creatam inherentem animæ. Circa istam quæstionem primo ponitur opinio Magistri, secundo opinio vera modernorum, tertio dicetur ad rationes pro opinione Magistri.

Quantum ad primum est opinio Magistri, quod charitas non sit aliquid creatum in anima: sed spiritus sanctus speciali assistentia mouet animam ad actum meritorium. Et quod charitas non sit aliquid creatum probatur multipliciter. Primo sic, sicut actus habitus acquiritur ad habitum acquisitum; ita actus habitus infusus ad habitum infusum, siue creatum, sed habitus acquisitus creatus dat delectabiliter, & faciliter operari, ex secundo ethicorum, ergo similiter habitus infusus, si ponetur, daret delectabiliter operari, sed hoc non est verum, quia non magis delectabiliter operatur peccator, nunc de nouo dono iustificatus, quam ante, ergo non est ponenda charitas infusa, siue creata. Secundo sic, non est ponenda pluralitas sine necessitate: sed nulla necessitas est ponendi charitatem creatam in anima, ergo. Probatio minoris. Charitas creata, si ponitur in anima, ponitur, vt moueat ipsam ad diligendum, scilicet propter hoc non valet ponere charitatem, quia voluntas ex se potest moueri ad diligendum bonum sibi ostensum. Tertio sic habens, habitum videtur eo cum voluerit, per Comment. 3. de anima, sed non experimur,

His tamen non obstantibus est reuerentia tantum viri, melius est reducere Magistrum sensum: sed nescio qualem meliorem sententiam.

D. Dionysius dicit, Charitatem esse spiritum sanctum posse intelligi tribus modis.

*Primo exem-
plariter, &
sic verum est
dicere, quod
spiritus san-
ctus est cha-
ritas. s. exem-
plar nostri
amoris, ac
nostre chari-
tatis.*

*Secundo cau-
saliter vera
est eius opi-
nio, quia ve-
rum est di-
cere, quod
spiritus san-
ctus est cha-
ritas causa-
liter, quia
est causa ef-
fectiva bono-
rum.*

*Tertio si in-
telligatur
formaliter,
na, quod
ista charitas
formaliter sit
persona spi-
ritus sancti
hoc modo nō
potest esse &
si ita Magi-
ster senten-
tiarum intel-
lexit errant.*

quod habens charitatem utatur ea cum voluerit: sicut patet in viris cōtemplatiuis, qui aliquando eliciunt actū cum maiori conatu: aliquando cum minori, ergo. Quarto sic: quicquid potest causa prima mediante causa secūda in genere causæ efficientis, potest per se immediate, sed charitas creata, si ponitur, habet se in ratione causæ efficientis respectu actus, ergo Deus potest hoc per se immediate. Cum ergo nulla pluralitas sit ponenda sine necessitate, non videtur, quod debeat poni charitas creata in anima. Quinto sic, quanto aliqua potentia est magis actiua, tanto minus determinatum per habitum, sed voluntas est magis actiua, quam intellectus, ergo minus determinatur per habitum: sed in intellectu non ponitur aliquis habitus creatus, qui correspondeat charitati, ergo similiter in voluntate non ponitur charitas creata.

De secundo articulo arguitur contra Magistrum, & videtur, quod necesse sit ponere charitatem creatam in anima. Primo sic, nihil dicitur formaliter agere aliqua actione, quod non est in actu formali secundum illud, quod est proxima ratio agendi: sed assistentia spiritus sancti non dat animæ actum formalem, ergo per istam assistentiam anima non agit opera meritoria: sed anima agit ista opera formaliter, ergo principium erit in ea formaliter: sed hoc est charitas, ergo charitas est aliquid creatum in anima. Maior patet ex secundo de anima, per hoc enim, quod anima est quo viuimus infert Philosophus animam esse formam corporis.

Secundo sic, nulla actio est in potestate agentis, nisi habeat formam, per quam possit agere: sed assistentiam spiritus sancti non habet anima, ut formam, ergo nulla actio meritoria est in potestate nostra, quod est falsum, & sic oportet ponere charitatem creatam esse, quæ informat animam. Tertio sic, peccator ante poenitentiam est iniustus. post poenitentiam autem est iustus: sed iniustitia cum sit priuatio non remouetur à subiecto, nisi per positionem habitus oppositi: sed hoc per charitatē creatam: ergo. Quarto sic, peccator ante poenitentiam est indignus vita æterna: & post poenitentiam est dignus vita æterna. ergo nunc sibi aliquid inhæret, quod prius non inhærebat: Istud autem non est fides, nec species: quia

ista erant in peccatore ante conuersionem, ergo est & *Scotus inquit,* ibi charitas inherens: & sic habetur propositum. Quinto quod ratione sic: Deus non acceptat peccatorem ante conuersionem *inhabitatio-* ad vitam æternam, & post conuersionem acceptat ip- *nis & nō for-* sum ad vitam æternam, ergo oportet, quod sit ibi aliqua *maliter potest* alietas: quare nunc acceptat, & prius non acceptat: hæc dici spiritus autem alietas non potest assignari ex parte Dei: quia *sanctus cha-* est immutabilis: ergo est ex parte peccatoris, sed hoc *ritas.*

non est ratione fidei, nec speciei, ergo est ratione chari- *Franciscus* tatis creatæ, quæ nunc inest, & prius non inhærebat. Di- *co ergo,* quod oportet ponere charitatem creatam in *de Mayronis* anima, ut beatificetur, & hoc de potentia Dei ordinata, *hoc idem con-* non absoluta, quia de tali potentia Deus posset aliquem *siderat & di-* saluare sine habitu charitatis infuso. *cit, quod si opi*

De tertio articulo. Ad primum pro opinione Magi- *nio nostra nō* stri negetur maior, quia habitus acquisitus aggeneratur *teneatur com-* per frequenter agere, ut probat Philosophus in princi- *nuuntiter à* pio secundi Ethicorum. Ideo dicitur ibi, quod signum *Theologis, ta-* aggenerati habitus est delectabiliter operari, habitus *men potest* autem infusus non sic acquiritur per frequenter agere. *al quo mo'lo* Ad secundum negetur minor, ut necessitas respicit po- *desendi, nam* tentiam Dei ordinatam. Et ad probationem cum dici- *epinio ista po-* tur, quod voluntas potest ex se moueri ad diligendum *rest intelligi* bonum sine charitate. Dico, quod verum est de dilectio- *de potentia* ne naturali: sed non est verum de dilectione merito- *Dei absoluta* ria, quæ præsupponit charitatem creatam, sicut agere *quia Deus, et* præsupponit esse. *spiritus san-*

Ad tertium dico, quod maior est vera de habitu ac- *ctus de per-* quisito per frequenter agere: sed non est vera de habitu *tia sua abso-* infuso, sicut est charitas. Ad quartum concedo, quod *luta potest* spiritus sanctus posset immediate causare actum merito- *causare, effi-* rium, sed tunc talis actus non esset in potestate nostra, & *cere, ac in* ideo de potentia Dei ordinata est factum, ut præsuppo- *nobis produ-* natur charitas creata. *cere dilectio-*

Ad quintum negetur minor pro sillogismi: quia in- *nem merito-* tellectus dum est in via, vel habet habitum scientialem *riam, sine hi-* secundum vnā opinionem, vel habet speciem, quæ in- *bitu, seu ha-* format intellectum secundum aliam opinionem. In *bituali chari-* prima autem habet ad minus lumen gloriæ, & hoc cor- *tate, ac ut de-* respondet habitui charitatis in anima. *num est, ut*

habitus infu-
sus, & sic po-
test saluari
Magister
sent.

Vide Fran-
ciscum in 4.
dist. 17. q. 1.

Ad primum principale exponitur ratio Augustini, quòd bene valet sub isto sentu, qui diligit proximum si reflectat se super dilectionem diligit istam dilectionem, sed qui diligit dilectionem creatam, cum sit bona per participationem, multo magis diligit dilectionem, quæ est bona per essentiam: sed dilectio, quæ est bona per essentiam est Deus, ergo qui diligit proximum diligit Deum, & sic patet quomodo Augustinus accipit dilectionem. Ad secundum dico inter dona creata nullū donum Dei est excellentius isto dono, quod est charitas.

Ad tertium dico, quod charitas creata est quoddam bonum limitatum, & per consequens deficit sibi aliquis gradus entitatis, & sic potest dupliciter considerari. Vno modo quantum ad entitatem posituam, & sic non potest intelligi non bona. Alio modo consideratur quantum ad carentiam alicuius gradus: quia non est infinita: & sic potest intelligi non bona.

Vtrum charitas, vel quicumque habitus sit principium actuum respectu actus?

Hoc idem quæsitum mouet Scotus 1. sent. dist. 17. q. 2.

Franciscus de Mayronis in 1. sent. dist. 17. q. 4.

QVÆSTIO II.

ECVND O quæritur. Vtrum charitas, vel quicumque habitus sit principium actuum respectu actus? Videtur, quod non, quia relatio non est principium motus, sed habitus est relatio; quia est de numero eorum, quæ sunt ad aliquid, ergo. Præterea, accidens nō est principium actuum respectu actus recepti in potentia, cuius est accidens: sed actus recipitur in potentia habituata, & est ei accidens ergo. Contra, habitus est quo habens vtitur cum voluerit, per Commen. sed vti competit agenti, ergo habitus habet se effectiue respectu actus. Præterea habens habitum operatur faciliter, delectabiliter, expedite, & prompte, sed istæ conditiones non essent verè, nisi habitus esset principium actuum respectu actus, ergo. Circa hanc quæstionem sunt quatuor articuli, secundum quod de ea sunt quatuor opiniones.

5. *Phys. cont.*

10.

7. *Phys. cont.*

17.

3. *de anima*
com. 18.

Vna opinio dicit, quòd aliter loquendum est de habitibus infusis, aliter de acquisitis : nam habitus acquisiti non sunt causæ substantiæ actus, sed sunt causæ expeditionis in actu, habitus autem infusi sunt totales causæ tã substantiæ actus, quam etiam expeditionis in actu.

Henricus
quolib. 4. q.
10.

Contra istam opinionem quantum ad illud quod dicit de habitu infuso, quòd sit causa totalis substantiæ actus, & expeditionis in actu. Arguitur primo sic. Illud sine quo aliquid simpliciter non potest, & cum quo simpliciter potest est potentia, vel pars potentiæ, sed sine habitu simpliciter nō possumus, cū habitu simpliciter possumus, ergo habitus est potētia, vel pars potentiæ, cuius oppositum dicit Philosophus.

Præterea, omnis forma, quæ est sufficiens principium alicuius actionis, si per se est, potest agere illa actione, sed habitus est per se sufficiens principium substantiæ actus, ergo si esset aliquis habitus separatus posset per se operari.

3. Ethicorum.

Præterea, illa actio non est libera, cuius principium actuum totale est mere naturale, ergo nulla actio mere esset libera. Præterea, sequitur, quòd habens semel charitatem nunquam posset peccare mortaliter, quod est manifestè falsum : consequentia probatur, quia habens formam prædominantem suæ actioni non potest moueri contra inclinationem illius formæ, sicut patet de corporibus mixtis in quibus dominatur terra, quæ non potest ex se moueri sursum, sed si charitas, siue habitus esset principium totale actus prædominaretur in actione meritoria, & sic habens eam non posset ex se moueri ad contrarium.

Ideo est alia opinio, quòd habitus est causa intensiōnis in actu, & potentia est causa substantiæ actus, ita quod duobus in effectu puta substantiæ, & intensiōni correspondent duo in causa, puta potentia & habitus.

Gothfredus
quolib. 9.
q. 4.

Contra intensiō actus facit per se vnum cum actu, quia est intrinsecus gradus illius, sed à quo est effectiue in diuiduum ab eodem est intensiō, siue gradus illius, sed substantiæ actus est potentia, ergo & intensiō. Præterea, quādocunque principium naturale cōcurrit cum causa libera, illud principium coagit quantum potest, & hoc

*Quid sit ha-
bitus.*

quia est principium actiuium naturale, sed habitus est tale principium, cum sit quædam qualitas naturalis, ergo semper agit quantum potest, & sic semper causabit actum æque intensum, cuius contrarium experimur.

Præterea, si habitus est totalis causa intensiōis in actu, hoc est in aliquo gradu signato, qui vocetur a, & sic voluntas quæ est cum isto habitu potest habere actum intensum in gradu a, fiat ergo voluntas aliqua perfectior prima voluntate, quæ excedit eam secundum proportionem ad gradum a, & tunc voluntas non habituata poterit in effectum æque perfectum, sicut voluntas habituata.

*3. Opinio potest
sustineri,
vide Scotum.*

Ideo est tertia opinio, quæ dicit, quod habitus nullam actionem, vel actiuitatem habet respectu actus, sed tantummodo habet inclinare potentiam, ut eliciat actum, & quod habitus non habeat talem actiuitatem, probat sic primo. Nulla duo specie distincta sunt subinuicem causæ æquiocæ: sed actus, & habitus distinguuntur specie, ergo non sunt sibi inuicem causæ æquiocæ, sed actus est causa æquioca habitus: quia habitus generantur ex actibus, ergo habitus non est causa actus. Secundo sic, quando duo effectus comparantur ad eandem causam necessario vnus eorum præcedit secundum totam suam speciem, sed aliquis habitus, & actus comparantur ad potentiam tanquam ad causam, ergo vnus eorum simpliciter præcedit secundum totam speciem suam, sed aliquis actus necessario præcedit habitum, ergo omnis actus simpliciter præcedit, & sic non causatur ab habitu. Tertio sic, si habitus est causa æquioca actus, ergo causa ipsius habitus est nobilior habitu: sed illa causa est actus, quia habitus generantur ex actibus, ergo actus est nobilior habitu: sed potentia existens sub habitu elicit actum ergo multo fortius poterit hoc potentia existens sub actu, & sic potentia eliciet actum mediante actu, quod est inconueniens.

*Quarta opinio
potest etiam
sustineri, vide
Scotum*

Quarta opinio ponit, quod habitus est causa partialis respectu actus perfecti, ita quod potentia, & habitus sunt duæ causæ partiales integrantes vnā totalem, sed quæ sit nobilior dubium est. Videtur enim, quod sit habitus, tum quia habitus habet inclinare, tum quia habi-

rus habet determinare potentiam: Sed oppositum videtur, tum quia potentia est illimitatio, tum quia potentia agente habitus coagit, & non è contrario, tum quia actus non essent ita liberi. Circa autem istum secundum modum non oportet hic multum immorari: potest tamen quantum ad primum modum rationabiliter sustineri, quòd habitus est causa partialis respectu substantiæ actus, & intentionis in actu.

Ad argumenta tertiæ opinionis respondetur. Ad primum sic, quòd maior est vera de causis totalibus, est autem falsa in causis æquivocis partialibus, sicut ponitur habitus respectu actus, & eodem modo. Ad secundum dico enim, quòd maior est vera in causis totalibus.

Ad tertium, quod est difficilius dico: quòd non oportet ad unum generativum habitum esse rationem agendi,

quo sicut habitus generatus potest esse ratio quo, & si dicatur. Quicquid est causa causæ est causa causati. Respondetur, quòd verum est sicut remotum quo, & non sicut propinquum quo. Ad primum principale dico, quod habitus potest accipi dupliciter. Vno modo formaliter pro respectu, & sic est relatio, nec est principium actus. Alio modo sumitur fundamentaliter pro ut est prima species qualitatis, & sic est principium actus. Ad secundum nego maiorem, quia species est accidens in intellectu, & tamen non est principium intentionis, siue cognitionis abstractivè, quæ est actio immanens in intellectu.

*Quomodo sit
intelligenda
ista propositio
quicquid est
causa causæ,
est causa causati.*

DISTINCTIO VIII.

Verum charitas, quæ est donum creatum augeatur?

Hoc idem quæsitum movet Scotus 1. sent. distin. 17. q. 3.

D. Bonaventura primo sent. distin. 17. q. 1.

D. Thomas prima secunde q. 52. artic. 1. & 2.

Richardus primo sent. distin. 17. q. 1.

Durandus primo sent. distin. 17. q. 5.

Franciscus de Mayronis dist. 18. q. 2.

Bacconianus primo sent. dist. 51. q. 1.

QVÆSTIO I.

IN secunda parte distinctionis 17. & in distinctione 18. tractat Magister de augmento charitatis, & de dono. ideo quaeritur. Vtrum charitas quæ est donum creatum augeatur? Videtur quod non: quia quod augetur potest augeri in infinitum, sicut patet in numeris, ergo charitas non augetur.

Præterea, quod potest augeri, potest minui, sed charitas non potest minui, ergo non potest augeri. Contra, charitas est habitus inclinans ad dilectionem: sed dilectio augetur, ergo, & charitas augetur. Circa istam quaestionem sunt quatuor videnda. Primo, si charitas augetur: secundo de modo quo augetur. tertio propter primum augmentum si potest augeri in infinitum, quarto propter secundum augmentum, si potest minui.

6. de Trin.
ca. 7. vel 8.

De Primo dico, quod sic, quod probatur per Augustinum in epistola ad Bonifacium Papam. Charitas inquit meretur augeri, ut aucta mereatur perfici.

Item patet per Augustinum. In his, quæ non sunt mole magna, idem est melius esse, & quod maius esse, sed una charitas est melior alia, ergo.

Item tertio præmium correspondet habitui charitatis, sed præmium vnius est maius præmio alterius, ergo, & charitas vnius erit maior charitate alterius, & per consequens augetur.

D. Tho. 1.
secunda. q.
52. artic. 1.
c. 2.

Item quarto, quia per charitatem est homo Deo gratus, & carus, sed vnus est magis carus Deo, quam alius, sicut Christus est magis carus Deo quocunque alio, ergo est maior charitas in eo, & sic augetur charitas.

De secundo articulo sunt opiniones. Vna est Thomæ, quæ ponit duas conclusiones. Prima, quod charitas, nec aliqua forma accidentalis secundum se recipit magis, aut minus.

6. principio-
vni 8. met.
contex. 10.

Secunda conclusio, quod augetur, & recipit magis, & minus propter maiorem, & minorem dispositionem in subiecto. Prima conclusio probatur: tum quia forma subsistit in indiuisibili, & inuariabili essentia, tum quia forma est in simplici, & inuariabili essentia consistens per auctorem, tum quia formæ huius habet se sicut numeri, tum quia inter gradum formæ præcedentem, & illum,

qui sibi adderetur nulla potest esse distinctio: quia distinguerentur specie, vel numero. non primo modo, quia tunc fieret augmentatio per aliquid alterius rationis, nec secundo modo: quia isti gradus conueniunt postmodum in identitate numerali. Secunda cōditio probatur sic. Nam lumen in aëre recipit magis, & minus propter maiorem, & minorem dispositionem, quæ est in subiecto. Ideo dicit philosoph. quod forma non recipit magis, & minus nisi forsan, ut est in materia cū ait, quemadmodū nec numerus habet magis, aut minus, nec quæ secundū speciem subiecta, sed siquidem cum materia. Contra istam opinionem arguitur primo sic, si forma præcise intenditur propter maiorem, vel minorem dispositionem, quæ est in subiecto, aut illa dispositio est eiusdē rationis cum forma, quæ intenditur aut alterius rationis. Non primo modo, quia tunc fieret augmentatio per aliquid alterius rationis, quod ipsi negāt, si secūdo modo cū ista dispositio recipiat secundū se magis, & minus. ergo, forma secundum suam essentiā recipiet magis, & minus cū sit eiusdem rationis. Secundo sic, illa forma, aut totaliter participatur à subiecto, aut nō participatur totaliter, sed secundum gradum, non primo, quia tunc in quolibet subiecto forma esset æque intēsa. quod est falsum. ergo secundo modo scilicet participatur secundū gradum, cū arguitur, omne tale quod habet gradus in sua essentia recipit magis, & minus. ergo forma accidentaliter secundum suam essentiam recipit magis, & minus. Tertio sic. Augmentatio cum sit vera actio, terminatur ad aliquid, vel, ergo ad gradum, ui præexisteret, vel ad alium gradum non primo modo, quia factū facere nihil est facere. ergo secundo modo, & habetur propositū. Quarto arguit quidam sic, ista dispositio, vel est forma absoluta, vel relatiua, si absoluta, ergo qua ratione ipsa recipit magis & minus, pari ratione, & forma, quæ intenditur secundū se recipit magis, & minus. Si vero est forma relatiua sequuntur duo inconuenientia: primū, quod relatio recipiet magis, & minus, quod est contra philosoph. in prædicamentis, secundū est, quod relatio est terminus motus quod est contra philosoph. Ad argumēta illius opinionis. Ad primum cū dicitur, quod forma consistit

8. met. context. 10.

Substantia suscipit magis & minus secundum esse individuale quia includit gradus, licet non suscipiat magis, & minus secundū esse specifiū. Vide Antonii Andrea in 2. met. q. vnica.

Cap. de relatiuis.

§.phys. con-
tex. 10.

Quomodo for-
ma dicat ur
simplex.

Gothfredus
quol. 7. q. 7.

§.phys. cōtex.
26. et alibi.

in indiuisibili. Et ad secundum, quod forma est simplex. Respondetur eodem modo. Nam forma est simplex, vt excludit compositionem partium quantitatiuarum, sed cum illa simplicitate potest stare vnio partium, siue graduum virtualium. Ad tertium dicitur, quod propositio philosophi tenet de formis substantialibus, & differentiis specificis, non autem de formis accidentalibus. Ad quartum dico, quod argumentum non valet. nam duæ guttæ aquę ante vnionem distinguuntur numero, & tamen cum coniunguntur conueniunt in idemnitate numerali. Alia opinio est Gothfredi, quod charitas, & omnis forma accidentalis sic augetur, quod quando maior gradus charitatis, vel qualitatis acquiritur, realitas præcedens totaliter corrumpitur, & forma sequens continet præcedentem in virtute. Quod autem realitas præcedens totaliter corrumpatur, probatur primo sic. Termini motus sunt impossibiles, sed charitas præcedens est terminus à quo, & gradus qui acquiritur est terminus ad quem, ergo cum iste acquiritur præcedens totaliter corrumpitur. Secundo sic. Sicut acquiritur aliud, & aliud, vbi in motu locali, sic aliud, & aliud gradus in formæ intentione, vel augmentatione, sed in motu locali vbi à quo totaliter dimittitur, cum vbi ad quem acquiritur, ergo. Contra istam opinionem arguitur multipliciter. Primo sic. In sacramento altaris variatis & ianouatis ex toto speciebus definit ibi esse corpus Christi: Sed secundum istam opinionem modica augmentatione facta generatur noua quantitas, & corrumpitur præcedens, ergo statim definit ibi esse corpus Christi speciebus modicū condensatis, quod est inconueniens. Secundo sic ponatur, quod calor secundum quatuor gradus sit in aliquo subiecto, & ex alia parte frigus circumstans corrumpat tantum vnum de illis gradibus: tunc quæro de tribus gradibus remanentibus: quia aut sunt actu in calore vt prius aut acquirunt de nouo esse. Si primo modo, ergo non solum continebantur prius in virtute illius quarti gradus perfectionis. Si autem secundo modo: tunc quæro à quo acquirunt istud nouū esse, quia vel per frigus quod non potest esse cum sit oppositum caloris, vel per virtutem cœli quod non potest fieri cum sit causa indeterminata.

nata ad frigus, & calorem, aut per alium calorem præ-existentm, quod etiam fieri non potest cum non sint tres ibi gradus quousque cesset ibi esse prior calor.

Tertio, sic. Eo modo concedit philosophus motum in accidentibus quo negat eum in substantiis, sed motus negatur a substantiis per hoc, quod substantia non manet, ergo in motu augmentationis substantia debet manere. Confirmatur per philosophum primo de generatione, oportet inquit saluare rationem, & essentiam, & existentiam eius quod augetur. Et ibidem dicit, quod oportet auctum manere. Quarto sic, in eodem instanti quo elicitur actus meritorius potest Deus charitatem augere, ergo ille actus præsupponit charitatem, tunc quæro quam, quia non præsupponit illam nouam partem quæ acquiritur pro eo quod pars illa sequitur actum, sicut præmium sequitur meritum, ergo præsupponit illam, quæ præexistebat, & per consequens non corrumpitur, quia alias in eodem instanti esset, & non esset.

Ad argumenta primæ opinionis dico, quod termini motus sunt impossibiles secundum quod habet oppositionem, sed gradus isti non habent oppositionem ratione entitatis positivæ, sed ratione priuationis, quæ includebatur in gradu præcedenti, & concedo, quod illa priuatio non manet. Ad secundum dico, quod augmentatio non est similis motui locali simpliciter, sed est similis motui locali qui est de loco minori ad locum maiorem. Et ideo sicut quando aliquis mouetur de loco minori ad locum maiorem non corrumpitur prior locus, ita in proposito quando aliquid augmentatur. Alia est opinio Scoti quam teneo, quod charitas augetur per aduentum nouæ charitatis siue realitatis, quæ facit per se vnum cum charitate præexistente, quod probatur sic. Sicut est de intentione actus ad formam, ita debet esse de intentione, vel augmentatione formæ. Sed actus intendit per hoc quod aduenit de nouo forma, a qua est actus. Nam multe candelæ accensæ magis illuminant, ergo eodem modo forma intenditur per hoc, quod aduenit sibi realitas. Secundo sic, augmentatio vel terminatur ad nihil, quod est impossibile, vel ad aliquid, & tunc, vel terminatur ad gradum præcedentem, quod est impossibile

5. *Phys. contex. 10. & 7.*
Phys. contex. 2.

Quomodo charitas augetur secundum Scotum, per gradus vide in 2. q. quomodo lib. artic. 1. & in 1. dist. 17. q. 3.

quia factum facere nihil est facere, vel terminatur ad nouum gradum, & habetur propositum. Tertio sic. Sicut se habet quantitas ad extensionem, ita qualitas se habet ad intentionem, sed quantitas augetur per nouam partem quantitatis, ergo qualitas per nouam partem qualitatis.

De tertio articulo dicit vna opinio, quòd de charitate contingit loqui dupliciter. Vno modo simpliciter & in se. Alio modo per comparisonem ad substantiam, primo modo potest augeri infinitum, secundo modo non, pro eo quòd capacitas subiecti est infinita. Contra istam opinionem arguit Varro per Augustinum in enchiridion, vbi dicit sic. Minuitur cupiditas charitate crescēte donec charitas ad tantam magnitudinem perueniat qua maior esse non possit.

Præterea Augustinus dicit, Christus tantam habuit gratiam quantam potuit recipere. Et secundum Magistrum, Deus non potuit de charitate plus sibi conferre, sed si charitas posset augeri in infinitum Christus potuisset maiorem gratiam accipere, & Deus maiore conferre nisi ponas, quòd Christus habuit charitatem infinitam in actu, quòd non tenetur.

Præterea, Commentator dicit, quòd duo sunt modi augmentationis, quorum vnus vadit ad potentiam, alius ad actum: Et subdit, quòd in augmentatione, quæ vadit ad actum quantum contingit accipere de potentia contingit accipere de actu. Sed in augmentatione charitatis itur ad actum, ergo si potest charitas crescere in infinitum, contingit accipere charitatem creatam infinitā in actu: quòd communiter non tenetur. Ideo ipse Varro dat aliam viam scilicet, quòd augmentatio potest fieri vel secundum partes eiusdem quantitatis, vel secundum partes eiusdem proportionis, primo modo charitas non augetur in infinitum, sed secundo modo, semper tamen acceptum est finitum, sicut si accipiantur due lineæ quarum vna vix esset quatuor pedum, & alia sex pedum. Si ista secunda adderetur primæ secundum partes eiusdem quantitatis non augetur in infinitum, sed si adderetur secundum partes eiusdem proportionis, talis augmentatio iret in infinitum, semper tamen ac-

D. Thomas

1.2.q.52.

artic. 1. & in

2. sent. dist.

42. ar. 1.

15. De tri. c.

13. & 14. 3.

Sent. dist. 10.

*Christus ha-
buit charita-
tem creabile.*

Vile Scorum

11. distinctio

tertij libri

sent. ent.

3. Phys. com-

men. 69.

Vide pro ex-

positione (o-

mentatoris

ipsum Scorum

in 3. sent. di-

st. 13 q. 4.

Opinio Var-

ronis.

ceptum esset finitum, quia illa finitas esset in actu permixto potentiae, quae potentia numquam reducitur ad actum completum, ut ponit philosophus circa finem 3. physicorum.

De quarto articulo dicit prima opinio, quod charitas per peccatum mortale totaliter corrumpitur, per peccatum veniale minuitur. Probatio, quia causae eiusdem rationis secundum analogiam habent effectus eiusdem proportionis secundum analogiam. Sed peccatum mortale, & veniale cum oriantur ex eadem radice fomitis sunt eiusdem rationis, ergo habent effectus eiusdem proportionis secundum analogiam, sed peccatum mortale totaliter corrumpit charitatem, ergo veniale diminuit.

*D. Thomas 1.
secunda q.
71. ar. 4.*

Præterea ponatur, quod sint duo homines habentes æqualem charitatem, & vnus peccet venialiter, & alius non. Tunc quaritur, aut peccatum veniale diminuit charitatem aut non. Si sic habetur propositum, si non, ergo Deus diligit æqualiter peccantem & non peccantem, quod est inconueniens. Sed contra pono, quod Deus infundat alicui minimam charitatem qua minor creari non possit, & ille peccet venialiter, quæro aut diminuit aut non: si non minuit charitatem, habetur propositum, si sic, ergo totaliter corrumpit: quia non est dare minus minimo.

*Gratia non
opponitur for-
maliter pec-
cato origina-
li. Vide Scotū
in 4. sent. dist.
1. q. 6.*

Præterea omnes partes charitatis sunt eiusdem rationis, sed idem est iudiciū de parte, & de toto, ergo si peccatum veniale potest diminuere charitatem quantum ad vnum gradum, tunc multiplicatis peccatis venialibus poterit charitas per peccata venialia totaliter tolli, quod est inconueniens.

Ideo dico aliter quod diminutio charitatis potest accipi vel in comparatione ad Deum, & sic concedo quod potest minui: quia quemadmodum Deus potest vnum charitatis gradum apponere ita potest subtrahere, vel potest accipi per comparisonem ad creaturam & hoc vel per peccatum mortale, concedo, quod non minuitur, sed totaliter tollitur. Si per peccatum veniale, dico quod non diminuitur quantum ad substantiam, diminuitur tamen quantum ad feruorē, tū quia veniale inclinatur ad mortale: tū quia charitas non ita inhæret animæ cum

*Diminutio
charitatis per
peccatum ve-
niale dimi-
nuitur quan-
tum ad fer-
uorem, non
quantum ad
substantiam.*

peccato veniali sicut sine peccato veniali. Ad primum alterius opinionis dico quòd mortale, & veniale non sunt eiusdem rationis, ideo non habent effectus consimiles secundum analogiam, dato tamen, quòd habeant effectus consimiles, dico quòd est similitudo in hoc, quòd mortale totaliter corrumpit, veniale autem dimittit quantum ad seruorem non quantum ad substantiā.

Premium duplex.

Ad secundum dico, quòd sicut est præmium essentialiale, & accidentale, ita est dilectio essentialis, & accidentalis. Deus autem æqualiter diligit dilectione essentiali peccantem, & non peccantem venialiter, supposito tamen

Dilectio duplex.

quòd habeant eandem charitatem, sed diligit eos non æqualiter dilectione accidentali, quia peccantem venialiter vult punire aliqua pœna temporali.

Ad argumenta principalia patet ex dictis. Ad primum patet ex tertio articulo. Ad secundum patet ex quarto.

DISTINCTIO XIX.

Vtrum persone diuinæ sint æquales secundum magnitudinem?

Hoc idem querit Scolus I. sent. dist. 19. q. 1.

D. Dona sent. dist. 19. q. 1. Artic. 1.

Alexander A lensis prima parte q. 47. membro 1.

D. Thomas prima parte. q. 42. Artic. 4.

Durandus I. sent. dist. 19. q. 1.

Franciscus de Mayronis I. sent. dist. 20. q. 1.

QVAESTIO I.

Nunc postquam coæternitatē. Circa istam distinctionem xix. queritur primo. Vtrum persone diuinæ sint æquales secundum magnitudinem? Et videtur, quòd non, quia ubi non est fundamentum equalitatis ibi nō est equalitas: sed in personis diuinis non est fundamentū equalitatis, ergo non sunt æquales. Probatio minoris, fundamentum equalitatis est quantitas, quia secundum philosophum in predicamentis proprium est quantitati secundum

Cop. de quantitate.

secundum eam æquale vel inæquale dici, sed in Deo non est quantitas: quia Deus est sine quantitate magnus secundum Augustinum, ergo.

Præterea, quod dicit imperfectionem non est ponendum in Deo, sed æqualitas dicit imperfectionem, ergo æqualitas non est ponenda in Deo, siue in personis diuinis. Probatio minoris, quia quod repugnat perfectioni creaturarum nō dicit perfectionem: sed æqualitas repugnat perfectioni creaturarū secundum Augustinum, ubi dicit. Si omnia essent equalia iam omnia non essent omnia, ergo æqualitas non dicit perfectionem. Contra Athan. in simbolo dicit diuinæ personæ coæternæ sibi sunt, & coæquales. Circa istā quæstionem sunt quatuor videnda per modum quatuor conclusionū. primo quid est fundamentum æqualitatis tam proximum quam remotum, secundo si personæ diuinæ sint æquales, tertio si æqualitas dicit relationem positiuam, quarto si æqualitas plurificatur in diuinis.

De primo dico, quod philosophus distinguit relationem in relationē identitatis similitudinis & æqualitatis, & dicit quod ista sunt eadem quorū substantia est vna. Similia vero sunt quorum qualitas vna. Et sic fundamentū remotum identitatis est substantia, propinquum fundamentū est vnitas substantiæ, fundamentū vero remotum similitudinis est qualitas, & propinquum est vnitas illius qualitatis. Similiter remotum fundamentū æqualitatis est quantitas. Sed notandum, quod quantitas est duplex. scilicet quantitas molis, & quantitas virtutis. Et Augustinus dicit quod in his quæ nō sunt mole magna idē est melius esse quod maius esse, vnde licet in Deo nō ponatur quantitas molis, ponitur tamen in eo quantitas virtutis, sicut probat philosophus circa finem octauī phisicorum.

De secundo articulo dico, quod personæ diuinæ sunt æquales secundum magnitudinem virtutis, quod probatur sic. Extrema realiter distincta habentia magnitudinem eandem virtutis non secundum magis, & minus sunt equalia, sed personæ diuinæ realiter distinguuntur, & habent eandem magnitudinē virtutis, non secundum magis, aut minus, ergo sunt æquales. Probatio minoris. Magnitudo virtutis nō sumitur per comparisonem ad

5. De trin.
c. 1.

83. q. 41.

5. Met. con-
tex. 20.

Duplex quan-
titas.

6. de tri. c. 7.

actus notionales, siue ad intra, sed per comparisonem ad extra, vt patebit dist. seq. sed omnem virtutem ad extra, quam habet vna persona habet, & alia, non secundū magis, & minus, ergo.

De tertio articulo dico, quòd æqualitas in voce importat priuationem, quia vt patet decimo Methaphisic. æquale opponitur priuatiue magno, & paruo, sed æqualitas in re importat relationē positiuā, vel positionem, quia illa relatio non est positiua quæ cōpetit Deo ratione fundamēti positiui: sed æqualitas est huiusmodi, ergo æqualitas dicit relationem positiuā. Probatio minoris, nam fundamentum æqualitatis est essentia vel perfectio attributalis, & ratio fundamenti est infinitas per quā est positiua.

*1 sent. dist.
19. art. 1.*

Scotellus tenet oppositum

*Quomodo in
Deo sit vna
infinitas, &
plures infinitas.*

De quarto articulo sic dicit Rich. quòd æqualitas in diuinis nō plurificatur. Cuius ratio est, quia relatio multiplicatur ad multiplicationem fundamenti. Sed in personis diuinis est vnum fundamētū æqualitatis, puta essentia diuina. s. magnitudo, vel infinitas, ergo est ibi vna æqualitas. Sed teneo oppositum. Cuius ratio est, vbi plurificantur fundamenta illo modo, quòd nō sunt totaliter idem extra intellectum, ibi plurificantur relationes: sed fundamenta æqualitatis plurificantur isto modo, quòd non sunt totaliter idem extra intellectum, ergo plurificatur ibi æqualitas. Probatio minoris, nam æqualitas accipitur penes perfectiones attributales, puta penes sapientiam, iustitiam, & huiusmodi, & istę perfectiones attributales nō sunt omnino idem extra intellectum, immo distinguuntur aliquo modo ex natura rei, vt fuit probatum supra di. 8. quere, & c. Ad argumentū præcedentis opinionis dico quòd licet in Deo nō sit nisi vna infinitas fundametaliter sumpta, tamen loquendo formaliter quodlibet attributum habet suā infinitatem, ita quòd hæc formaliter non est illa, vnde infinitas sapientiæ non est eade formaliter cū alio infinitate bonitatis, quod patet sic illud quod remanet formaliter infinitū, alio circūscripto habet propriam infinitatem, sed quodlibet attributum est huiusmodi, nā aliis circūscriptis per impossibile remanet propria infinitas, ergo. Sed instabis, quia cum in Deo sint proprietates attributales infinitæ, erunt

ibi infinitæ infinitates. Respondetur quòd si sunt infinitæ perfectiones attributales in Deo oportet concedere, quòd erunt infinitæ infinitates, si autem non sunt ibi infinitæ perfectiones attributales tunc non sunt ibi infinitæ infinitates. Ad primū principale dico negando minorem. Ad probationem cum dicitur, quòd fundamentū æqualitatis est quantitas, & ista non ponitur in Deo. Dico quòd licet non sit in Deo quantitas molis, est tamen ibi quantitas virtutis. Ad secundū nego minorem. Aliquid a potest esse perfectionis in vno, quod tamen non est perfectionis in alio. Exemplū rationale est perfectionis in homine, & tamen non est perfectionis in cane, quia destruit naturam canis. Ita in proposito vult Augustinus quod æqualitas non sit perfectionis in creaturis siue in vniuerso quia destrueret naturam vniuersi. Et per hoc etiam patet ad probationem minoris, quare &c.

Quæ quantitas sit in Deo.

Pulchrum exemplum.

Vnum vna persona sit in alia per circumincessionem?

Hoc idem querit Scotus 1. sentent. dist. 19. q. 2.

D. Thomas prima parte q. 42. Artic. 5.

Durandus 1. sentent. dist. 19. q. 1.

Ricardus 1. sentent. dist. 19. q. 1.

Franciscus de May. 1. sentent. dist. 20. q. 3.

Bacconitanus 1. sentent. dist. 19. q. 2.

QVAESTIO II.

SE CUNDO queritur. Vtrum vna persona sit in alia per circumincessionē? Et videtur quòd *1. Physico. 1. de gene. 3. meteo. 1. de anima.* non, quia Aristoteles arguit contra Anaxagorā, qui ponebat quodlibet esse in quolibet, per hoc quod sequitur confusio, ergo similiter si vna persona esset in alia, sequitur confusio in personis, quod est contra illud dictū Athanasij, neque confundentes personas &c. Præterea, duo indiuisibilia simul posita faciunt vnum indiuisibile. Sed personæ sunt indiuisibiles, ergo si vna esset in alia facerent vnā personam. Præterea, quod exit ab alio non est in illo, sed filius exit a patre, ergo non est in patre.

Contra, quando aliqua duo sunt in vno indiuisibili aut ambo faciunt vnum aut vnum est in alio. Sed personæ diuinæ sunt in essentia tanquā in aliquo indiuisibili, & non faciunt vnū, ergo vna persona nō est in alia. Circa istam quæstionē aliquid est certū, & aliquid est dubium. Certū est. n. quod vna persona est in alia sicut patet per auctoritatē Saluatoris. Ego in patre, & pater in me est. Et per Augustinū in lib. de fide ad Petrum. Et per Hilariū. Et per Ambrosium in secūda epistola ad Corinthios, sic allegat Magister in littera. Sed dubium est de modo quo vna persona est in alia. Et circa hoc duæ opiniones. Vna Henrici, qui dicit, quod aliquid esse in alio, potest intelligi dupliciter. Vno modo quod sit in alio secundum se totū. Alio modo quod sit in alio secundum partē, & hoc dupliciter. Nā aliquid potest esse in alio secundū partem ita, quod pars illa nihil sit eius in quo est, sicut auis est in laqueo per pedem qui pes nihil est ipsius laquei. Alio modo aliquid est in alio secundum partē ita quod pars est aliquid eius in quo est, sicut si essent duo corpora monstruosa quæ haberent vnum pedem tantum, tunc vnum corpus esset in alio per aliquid illius corporis in quo est: puta per pedem qui est communis illis corporibus. Ad propositum dicit doctor iste duas conclusionēs. Prima est quod vna persona nō est in alia secundum se totam. Secunda conclusio, quod vna persona est in alia secundum partē quæ est aliquid vtriusque, puta per essentiam. Prima conclusio probatur sic, quando aliquid est alio primo, tunc quodlibet eius est illo æque primo, sicut si terra est in centro primo, tunc quælibet pars terræ est in centro æque primo, ergo si filius primo secundum se totum est in patre, tunc quodlibet eius æque primo est in patre, & tunc sicut in patre est essentia, ita erit in eo filiatione. Sed pater per essentiam est pater, ergo pater filiatione erit pater, quod est inconueniens. Præterea, quod est in alio secundum se totū continetur, & ambitur, & illud in quo est, ambit, & continet, ergo si vna persona secundum se tota esset in alia, & econuerso, tunc illa persona contineret, & containeretur, & ambiret & ambiretur. Et confirmatur, vbi arguitur de amphora, & vino quod nihil est in se primo, quia tunc eadē esset ratio recipientis,

*Ioannesc. 14.
c. 1.*

*3. de trin. in
exordioli libri.
Henricus in
sua summa
ar. 1. & quo.
lib. 6. q. 5.*

& recepti, & amphora non reciperet vinum secundum quòd amphora, sed secundū quòd vinum, & vinum non reciperetur in amphora secundum quòd vinum: sed secundum, quòd amphora. Secunda cōcl. probatur sic, vbi ponitur fundamentū relationis, & extremum ibidē ponitur relatio. Sed in filio est essentia quę est fundamentū paternitatis, & filiationis, ergo ibidem est paternitas. Vel sic, vbi est fundamentū relationis, ibidem est relatio si ponitur extremum, sed in filio est fundamentum relationis paternitatis ad filium, & extremum ibidem est pater, ergo. Contra istam opinionem arguitur sic. Primo Quando aliquid est in alio secundum partem, tunc est in illa sicut competit parti esse in eodem, sicut si ego sum in loco per pedes, & pedes sunt ibi localiter, sequitur quod ego ibi sim localiter, ergo si pater est in filio per essentiam: sequitur, quòd sit pater in filio sicut essentia est in filio. Sed essentia est in filio formaliter, ergo pater erit in filio formaliter, quod est falsum. Præterea quod cōuenit supposito inquantum incommunicabile nullo modo conuenit essentiæ, ergo e contrario quod conuenit essentiæ ratione qua communicabilis nullo modo conuenit supposito. Sed esse in filio cōuenit essentiæ ratione qua est cōmunicabilis, ergo nullo modo cōuenit supposito. Ideo est alia opinio doctoris nostri quę tria declarat. Primo quomodo vna persona sit in alia. Ad cuius euidentiā notandum quòd aliquid cōuenit alicui ratione partis sicut ponit philosophus, quòd homo sanatur, quia cor vel pectus sanatur. Secundo modo aliquid conuenit alicui toti, ita quòd nō cōuenit alicui eius parti vt præcise: vt hominē esse risibilem. Et homo est verum in omnibus corporibus etherogenis idest partium dissimilium. Tertio modo conuenit aliquid alicui cōmuni, ita quòd conuenit cuilibet eius parti sicut pater de igne, & in corporibus homogeniis, nam totus ignis est calidus, & quælibet eius pars est calida. Ad propositum vna persona est in alia nō sicut natura in supposito, nec sicut forma in materia, sed sicut subsistens in subsistente. Subsistere autem i. incommunicabiliter per se esse cōuenit personæ primo. Non autem dicitur de persona quia præcise dicitur de relatione vel de essentia, & sic vna persona

*Exemplum
de Ampho-
ra.*

*Vide Ricardum in quarto distinct. 19.
q. 3. bene declarantem.*

Opinio Scoti.

*s. phys. con-
tex. 1.*

*Quomodo
vna persona
sit in alia sub-
sistere quend.*

*In libro de
fide ad Pe-
trum cap. I.*

est in alia secundum se totam per presentiam intimitatis, quod probatur per Ambrosium in hymno, totus in verbo pater, & totus in patre filius. Præterea August. Propter unitatem naturalem totus pater est in filio, & spiritu sancto. Est quoque spiritus sanctus in patre, & filio, nullusque horum est extra quemlibet ipsorum propter unitatem diuinæ substantiæ.

*Nota & be-
ne.*

*4. phys. con-
tex. 23.*

Secundo declarat, quæ est ratio istius inexistentiæ, & dicit, quod non est essentia præcise, quia tunc pater esset in se, quod est falsum eo modo quo saluator intelligit patrem esse in filio, & e contra. Nam illa inexistentiæ requirit distinctionem. Pater autem non distinguitur a seipso, ergo isto modo non est a seipso. Secunda ratio illius inexistentiæ non est ratio originis, tum quia relationes originis, non sunt eiusdem rationis, & sic personæ, non essent in se inuicem uniformiter: tum quia dato per impossibile quod vna persona nõ originetur ab alia, adhuc vna esset in alia propter unitatem naturæ, tū quia in creaturis quando pater generat filium est inter eos ratio originis, & tamen pater nõ est in suo filio, nec e conuerso, quia nõ habet identitatem naturæ. Et ideo dicit quod ratio istius inexistentiæ est essentia, & relatio simul quia sicut distinctio personæ nõ fundat similitudinem per se, ita essentia cū relatione est ratio istius inexistentiæ quāuis essentia sit principalior ratio. Tertio declarat si iste modus essendi in, possit reduci ad aliquem illorū modorum essendi in quos ponit philosoph. & dicit, quod non. Cuius ratio est quia in omnibus aliis modis essendi in, est aliqua distinctio in natura, vel totalis, vel partialis. Sed in natura diuina nulla est talis distinctio, ergo illa inexistentiæ non reducitur ad aliquem istorū modorum. Ad argumentū autē opinionis præcedentis quando dicitur, quod si aliquid cōpetit alicui primo, cōpetit cuilibet ei parti æque primo pater quod hoc falsum est quia esse risibile cōpetit homini primo & tamē nõ competit cuilibet eius parti æque primo. Ad secundū ita posset argui cōtra eū de continentia ratione partis sed dico quod inconueniēs est idē continere, & cōtineri qui est per modū essendi in per informationem, sic autē non ponitur vna persona in alia, quia vt dictū est iste modus essendi in, nõ

reducitur ad aliquem istorū modorum quos ponit philosoph. & sic patet ad quæstionē. Ad primū principale dico, quod non sequitur cōfusio in personis, quia ipse ponebat quodlibet esse in quolibet sicut pars eius, & quod quodlibet poterat fieri a quolibet. Sed persona nō ponitur sic in persona sicut pars vel aliquid eius, & ideo non sequitur confusio. Ad secundū negetur philosoph. a quibuidam, quia secundum eos numquā duo indiuisibilia faciūt vnum indiuisibile. Sed de hoc forte alias dicetur. Ideo dico aliter, quod indiuisibile est duplex scilicet positiuū, & priuatiuum. duo autem indiuisibilia priuatiua si sunt simul, faciunt vnum indiuisibile, duo autem indiuisibilia positiua si sunt simul nunquā faciunt vnum, personæ autem diuinæ non sunt indiuisibiles priuatiue, sed positiue. Ad vltimum dico, quod quando aliquid exit ab alio sic, quod distinguitur natura ab alio non est in eo, sed quando aliquid exit ab aliquo, ita quod habeat eandem naturam in numero cum eo, a quo exit tunc est in eo. Et sic est in proposito, nam filius exit à patre quod habet eandem naturam numero cum patre, quare non valet.

4. Phys. cons.

23.

6. Phys. cons.

2. & inde.

Indiuisibile
duplex.Quomodo
filius exit à
patre.

DISTINCTIO XX.

Vtrum tres personæ sint æquales in potentia?

*Hoc idem quæsitum mouet Scotus primo sent. distin. 20. q. 1.**D. Bona. 1. sent. dist. 20. q. 1. art. 1.**Alexander Alensis prima parte. q. 47. membro. 5.**D. Thomas prima parte quæst. 42. Artic. 6.**Ricardus primo sent. dist. 20. q. 1.**Durandus 1. sent. dist. 20. q. 1.**Franciscus de Mayronis primo sent. dist. 20. q. 2.*

QVÆSTIO I.

Nunc ostendere restat. Circa istam distinctionem xx. quæritur primo. Vtrum tres personæ sint æquales in potentia? Et videtur quod non, quia non possunt esse plures omnipotentes, ergo nec plures personæ æque potentes. Antecedens patet per Richar. consequentia

2. De trin. c.
vltimo.

*Consequencia
Richardi fit
dist. 2. per
duas vias de-
clarata.*

*In lib. de fide
ad Petrum
c. 2.*

*5. Met. cont.
3.*

*3. Phys. cont.
3.*

probatur: quia ita tenet probatio Richard. quod nō sunt plures persone æque potentes, sicut non sunt plures persone omnipotentes, ipse enim probat quod nō sunt duo omnipotentes: quia vnus faceret alium, & ita potest argui in proposito de duabus personis habentib. æqualem potentiam, siue omnipotentiam. Præterea prima causa plus influit super causatum quam causa secunda ex prima propositione de causis. Sed pater est prior filio, ergo plus influit quam filius. Præterea, quod accipit virtutem ab alio nō habet virtutem æqualem cū illo: sed filius accipit virtutem à patre, ergo non habet æqualem potentiam cum patre: maior accipitur à Proculo vij. propositione libri sui, qui probat eā sic. Si productū habet æqualem virtutem cum producente, tunc poterit producere aliud sicut, & ipsum est productum, & sic infinitū. Contra Aug. loquens de tribus personis, nullus inquit horū alium præcedit æternitate, aut superat potestate. Circa istam quæstionem sunt tria videnda. Primo ne laboremus in æquiuoco ponitur vna distinctio de potentia. Secundo videbitur si persone sint æquales in potentia. Tercio ad quid se extendit illa potentia in qua sunt æquales.

De primo, philosophus dicit quod potentia sumitur multipliciter: quia primo est potentia mathematica sicut in geometria mathematici dicunt, possunt tamen esse in potentia ad lineam, secunda est potentia logica quæ dicit non repugnantiam terminorum, tertio est potentia, quæ est doctrina entiens sicut ponit philosophus, quod ens diuiditur per actum, & potentiam, & isti tres modi non faciunt ad propositum, quarto modo sumitur potentia pro principio, & hoc dupliciter, quia vno modo sumitur pro principio passiuo, & ista potentia non est ponenda in Deo, quia dicit imperfectionem. Secundo modo sumitur potentia pro principio actiuo, & de ista potentia est hic sermo.

De secundo articulo dico duas conclusiones. Prima probat quod in Deo est potentia actiua. Secunda, quod persone diuinæ sunt æquales in ista potentia. Prima conclusio probatur, tum quia potentia actiua dicit perfectionem simpliciter, & omne tale est ponendum in Deo

tum quia Deus est ens maxime in actu. Sed quod maxime est in actu maxime habet potentiam actiuam, tum quia Commentator dicit, quod formæ quæ sunt in potentia mere sunt in actu in primo motore quod non esset verum nisi in Deo esset potentia actiua. Secunda conclusio probatur per Augustinum lib. 3. contra Maximinum, sicut etiam adducit Magister in litera, primo auctoritate Saluatoris. Omnia inquit quæ patris mei sunt, mea sunt, quod non esset verum, nisi essent æquales in potentia. Tertio sic, aut pater genuit sibi filium æqualem in potentia aut non. Si sic habetur propositum. Si non hoc fuit: quia voluit, & tunc fuit inuidus, aut quia non potuit, & sic fuit impotens. Tertio sic, pater carnalis generaret sibi filium æqualem si posset, ergo multo magis Deus qui est pater potens generat sibi filiū æqualem in potentia. Ista conclusio potest confirmari aliter sic, pater generando filium communicat filio quicquid habet præter relationes originis. Sed pater habet potentiam, quæ non dicit relationem originis, ergo communicat eam filio.

Præterea sicut pater communicat filio sapientiam, ita communicat ei potentiam, quia vtrunque dicit perfectionem attributalem. Sed pater communicat filio omnem sapientiam: ergo communicat ei omnem potentia.

De tertio articulo dico, quod correlatiuum potentia actiuæ est possibile, possibile autem accipitur dupliciter, vno modo, vt opponitur impossibili, alio modo vt opponitur ei quod est necessarium, potentia autem diuina non extendit se ad possibile primo modo, quia isto modo possibile est Deum esse, & tamen hoc non est terminus alicuius potentia actiuæ, ergo oportet, quod ista potentia actiua aspiciat possibile: secundo modo scilicet vt opponitur necessario ex se. Sed quicquid est in Deo est ex se necessarium, & quicquid est extra Deum est possibile esse, ergo potentia actiua in qua personæ diuinæ sunt æquales se extendit ad omne possibile esse, & sic ad omne quod est extra Deum.

Sed occurrunt hic duo dubia, quia potentia actiua in qua personæ diuinæ sunt æquales ponitur in Deo ad extra. Sed sicut ait Commentator, si talis potentia actiua

12. Met.
comm. 18.

Cap. 3.

Ioannis c. 16.

Possibile
duobus modis
sumitur.

De hoc vide
diffusius 7.
q. quolibet.

Occurrunt
duo dubia.

9. Met. cont.
7. vide etiam
Scotum 7.
q. quolib.

Quomodo
agentia secundaria
non erunt
superflua.

ponitur in Deo ad extra, tunc non erunt agentia secundario in vniuerso, vel si sunt erunt superflua, quod est inconueniens, quia tunc entia non haberent proprias actiones, & per consequens nec proprias essentias.

Et subdit, quod qui ponunt hoc non habent cerebrum naturaliter ad bonum aptum. Secundum dubium est: quia quod se habet in ratione finis non se habet in ratione efficientis. Ad primum dicitur, quod posita illa potentia respectu omnis possibilis adhuc agentia secundaria non erunt superflua, quod declaratur à quibusdam per hoc, quod agens primum & secundarium non concurrunt ad effectum eodem modo. A quibusdam vero declaratur per hoc, quod actio illa partim est à Deo, & partim à creatura, quia actio potest considerari in quantum ens, & sic à Deo, vel in quantum hoc ens, & sic est à creatura. A quibusdam verò declaratur per hoc, quod non est minus potentia infinita diuina, quam essentia, sed propter infinitatem essentiae diuinæ non potest produci aliquod creatum quando statim illabitur ei essentia diuina, ergo potentia diuina habet illabi cuilibet actioni agentis secundarij. Ad secundum dico secundum sanctos, & philosophos, quod Deus se

Vide Scotum in 2. sent. dist. 1. q. 1. quod Deus respectu creature est causa efficiens, & finalis, causa exemplaris est idem quod causa efficiens & formalis ut extrinsecus perficiens. *Propositione prima de causis. c. 4. & 2. met. cont. 2.* habet respectu creature in genere triplicis causæ scilicet efficientis, finalis, & exemplaris. Ad primum principale nego consequentiam; nec probatio minoris valet, nam ratio Richardi probat, quod non sunt duo omnipotentes essentialiter distincti, quia haberent duas virtutes distinctas, sed non est sic in proposito, quia personæ diuinæ sunt idem in essentia & habent virtutem actiuam eandem in numero. Ad secundum dico, quod maior habet veritatem quando prima causa & secunda habent aliam, & aliam virtutem actiuam. Quando autem habent eandem virtutem actiuam sicut est in proposito, tunc maior non est vera. Et ob hoc ad tertium. concedo enim quod recipiens virtutem actiuam ab alio non æquatur ei in potentia si recipit virtutem distinctam. Sed quando est eadem virtus numero in recipiente & dante, tunc non oportet. Sed adhuc remanet dubium quod tangit. Pro cuius, quia si est æqualis virtus in procedente, & productio puta in patre, & filio,

quæ est causa, quod pater potest generare & filius non. Ad hoc fuit responsum supra, quia suppositum recipiens formam per productionem adæquatam illi formæ non potest per illam formam producere, filius autem recipit esse per productionem adæquatam ei, ideo non potest generare.

Dist. 2.

Vtrum potentia generandi cadat sub omnipotentia?

Hoc idem querit Scotus primo sē. d. fin. 20.

Ægidius lib. 3. dist. 20. q. 2.

QVÆSTIO II.

SECUNDO quæritur. Vtrum potentia generandi cadat sub omnipotentia? Videtur quod sic: quia tantum affirmat affirmatio quantum negat negatio, sed nulla potentia excludit potentiam generandi, ergo omnipotentia includit potentiam generandi.

Præterea, illa potentia cadit sub omnipotentia, qua sublata non remanet pater omnipotens, sed sublata potentia generandi pater non est omnipotens, ergo probatio minoris per Augustinum contra Maximinum. Si pater non posset generare filium non esset omnipotens.

Lib. 3. c. 3.

Præterea, omniscientia includit scientiam generandi, ergo omnipotentia includit potentiam generandi. Contra si potentia generandi cadit sub omnipotentia, ergo filius non est omnipotens. quia non potest generare. Circa istam quæstionem sunt tres articuli, quia primo recitabitur opinio falsa, secundo opinio vera, tertio dicetur ad vnum dubium.

Quantum ad primum est opinio Ægidij, qui dicit, quod potentia generandi cadit sub omnipotentia patris, & non sub omnipotentia filij, quod declaratur primo sic. Omnipotentia est ad illud, quod non includit contradictionem: sed patrem generare non includit contradictionem, filium autem generare includit contradictionem, ergo potentia generandi est sub omnipotentia patris, & non sub omnipotentia filij. Præterea ali-

Lib. 1. dist. 20. q. 2.

ter est loquendum de actionibus immanentibus, aliter de actionibus transeuntibus extra, nā possibilitas actionis transeuntis iudicatur ex ratione actionis in se, & in termino eius, possibilitas autem actionis immanentis iudicatur ex istis, & cum hoc ex compossibilitate eius ad suppositum. Sed potentia generandi est compossibilis patri, & non filio, ergo spectat ad omnipotentiam pa-

Vide Scotum tris, & non ad omnipotentiam filij.

in 1. dist. 30. De secundo articulo dico istam opinionem esse falsam, & teneo oppositum, scilicet, quod potentia generandi non cadit sub omnipotentia, quod probō. Primo quod obiectū sic. Generare præcise per se sumptum, aut est aliquid ad omnipotentiam quod nata est illa potentia, aut est aliquid ad quod non est ens causa- est nata esse illa potentia. Si primo modo ergo non habens illam potentiam non est omnipotens, & sic filius non est omnipotens. Si secundo modo, ergo non spectat ad omnipotentiam patris.

Præterea, secundum sanctos eadem est omnipotentia numero in patre, & filio, sed in filio non est potentia generandi, ergo potentia generandi non cadit sub omnipotentia.

Præterea, potentia propriè dicta est, quæ non est ad aliud: sed potentia generandi est ad aliud, quia ad generare, & generatio est relatio, ergo.

Præterea, potentia propriè dicta, quæ cadit sub omnipotentia est ad terminum possibilem, non ad terminum necessarium: sed nulla persona diuina est possibilis, immo necessaria, ergo potentia generandi, quæ est ad personam non cadit sub omnipotentia. Ex ista ratione patet ad motiua præcedentis opinionis cū dicitur, quod omnipotentia est ad illud, quod non includit contradictionem, concedo, si iste terminus includit potentialitatem, quod non est in proposito cum qualibet persona sit ens necessarium. Et eodem modo dico ad secundum.

*Quomodo sit
vera: quod po-
tentia gene-
randi cadet
sub omni-
potentia.*

De tertio articulo occurrit vnum dubium, quomodo potentia generandi dicatur potentia, cum non sit respectu alicuius possibilis secundum prædictam opinionem. Ad hoc respondetur tripliciter. Vno modo quod de virtute sermonis ista non est vera potentia generandi cadit sub omnipotentia, est tamen vera secundum

usum loquendi sanctorum. Secundo modo dico, quod potentia habet pro correlatiuo possibile, vt opponitur necessario, sed possibile potest accipi dupliciter. Vno modo, vt opponitur necessario ex se. Alio modo magis largè, vt opponitur necessario a se. Primo modo potentia generandi non dicitur potentia. Sed secundo modo sic, sed vt est ad possibile, quod opponitur necessario a se.

Author sequitur viam Scoti.

Tertio modo dicitur secundum viam Scoti, quod potentia actiua in creaturis est perfectionis, possibile autè sibi correspondens dicit imperfectionem, & quia quod est perfectionis in creaturis potest transferri ad diuina, ideo potentia generandi transfertur in diuinis sub ratione potentie actiue: sed non ponitur suum correlatiuum, scilicet possibile, vt dicit imperfectionem, sed sub ratione principii, & sic potentia generandi est ad filium tanquam ad principium. Ad primum principale dicit aliqui, quod maior est falsa, quia maioris latitudinis est negatio quam affirmatio, quia plus negat non homo quam ponat homo. Aliter potest dici & melius secundum viam Varronis, quod maior est vera si in affirmatione, & negatione accipiatur vere dici de omni, & dici de nullo eo modo quo ponit philosophus primo priorum scilicet, quod dici de omni est, quando nihil est summere sub subiecto de quo non dicatur prædicatum sed sic non est in proposito. Ad secundum, dico quod Augustinus arguit contra Maximinū, qui ponebat filium Dei esse creaturam, hoc autemposito bene sequitur, quod si pater non posset generare filium, quod non esset omnipotens. Aliter dicitur, quod argumentum Augustini tenet gratia materie, quia ex hoc sequitur quod pater non haberet naturam diuinam quæ est communicabilis, & sic non esset omnipotens. Ad vltimum dico quod non est simile de omni scientia, & de omnipotentia: quia omni scientia respicit pro obiecto ens necessarium, & ens possibile, omnipotentia autem respicit pro obiecto ens possibile tantum.

Opinio Varronis presentis dist.

Maximinus fuit de secta Arii.

Vtrum illa propositio sit vera, Solus pater est Deus?
Hoc idem quaesitum nouet Scotus 1. sent. dist. 21. q. 1.
Alexander Alex. 1. primae parte q. 65. membro 3. artic. 3.
D. Thomas prima parte, quae suo. 32. artic. 4.
Ricardus 1. sent. distinct. 21. q. 3.
Durandus primo sent. dist. 21. q. 1.
Franciscus ac Mag. yronis dist. 21. q. 1.

QVAESTIO I.

Hic oritur quaestio. Circa distinctionem xxj. quaritur. Vtrum illa propositio sit vera. Solus pater est Deus. Et videtur quod sic. quia solus Deus qui est pater est Deus, ergo solus pater est Deus, antecedens probatur sic. Solus Deus qui est pater est deitas; sed deitas est Deus, ergo solus Deus qui est Deus pater est Deus, consequentia probatur quia sequitur solū animal quod est homo currit, ergo solus homo currit, ergo similiter tenet hic. Contra est Augustinus. In ista quaestione sunt tria videnda: Nam quia hic ponitur vnus terminus relatiuus, scilicet pater, ideo oportet primo videre si vnum relatiuum est de primario conceptu alterius. Secundo: quia hic ponitur dictio exclusiua, scilicet solus, ideo oportet videre si dictio addita vni relatiuo excludat aliud. Tercio oportet videri de principali quaesito.

6. de Trinit.
cap. 8.

Lib. I. distin. 21.
De primo articulo est opinio Egidii qui dicit, quod vnum relatiuum non est de conceptu primario alterius, sed de secundario. quod probat sic: primo quando aliquid est de conceptu primario alterius. si immediate additur illi facit nugationem, ut si dicitur homo animal. est nugatio quia animal est de conceptu primario hominis, ergo si relatiuum est de conceptu primario relatiui, tunc dicendo pater filii, vel dupli in dimidii esset nugatio quod est incompertens. Præterea quæ differunt realiter realitate opposita, vnum non est de conceptu primario alterius sed correlatiua sunt huiusmodi ergo. Præterea nihil est de conceptu primario alicuius nisi sit de intrinseca eius ratione: sed relatiuum non est de

intrinseca eius ratione correlatiui, ergo vnum est de conceptu primario alterius. Contra istam opinionem obicitur sic, illud cuius principalis conceptus est ad aliud, illud in suo primario conceptu includit aliud, quia ponitur in eius diffinitione, vt patet in prædicamentis, ergo vnum relatiuum in suo primario conceptu includit correlatiuum. Præterea illud includitur in primario conceptu alterius sine quo non potest intelligi, sed relatiuum in quantum relatiuum non potest intelligi sine correlatiuo, ergo in primario conceptu includit correlatiuum.

Cap. de relatione.

Præterea accipio paternitatem in suo primario conceptu, vel includit entitatem ad se, vel ad aliud, si includit entitatem in primario cōceptu ad aliud habetur propositum, si autem includit entitatem ad se, ergo est entitas absoluta non relatiua, quod est falsum. Præterea, quæ sunt simul natura, & simul intellectu, vnum est primario conceptu alterius: sed relatiua sunt huiusmodi per phil. in prædicamentis. ergo vnum relatiuum est de primario conceptu alterius. Conclusionem istarum rationum teneo. Ad cuius euidēciam est notandum, quòd aliquid esse de primario cōceptu alterius est dupliciter, quia vel vt idem, sicut animal est de conceptu hominis primario, vel vt aliud: & illo modo vnū relatiuum est de primario conceptu alterius. Et per hoc patet ad rationes primæ opinionis. Ad primum cum dicitur quādo aliquid est de primario conceptu alterius additum isti facit nugationem, concedo, quando est de conceptu eius, vt idem, sed quando est de conceptu eius, vt aliud, sicut de relatiuis non est verum.

Aliquid esse de primario conceptu alterius est duobus modis.

Ad secundum dico, quòd maior est vera in his quæ distinguuntur realiter realitate absoluta: sed non est vera in his quæ distinguuntur realitate relatiua.

Ad tertium dico eodem modo, quòd maior est vera in absolutis, non in relatiuis.

De secundo articulo sunt tres modi dicendi. Vnus antiquus dicens, quòd dictio exclusiua addita vni relatiuorum non excludit alterū: quia apostolus ponit quòd solus pater habet immortalitate, & tamē non excluditur filius. Præterea saluator dicit, nemo nouit filiū nisi pa-

Vide Bargiū presenti distinct.

ter, & tamen non excluditur filius, quia etiam filius cognoscit se.

Contra istud arguitur sic, principium & principiatum sunt relatiua, sed dictio exclusiua addita principio excludit principiatum, ergo probatio minoris ex primo physicorum: vbi dicit philosophus, quod si principium tantum est principiatum non est.

Præterea secundo elencorum dicitur, quod solum idem est, quod non cum alio. Sed nec auctoritates concludunt pro prima opinione: nam in diuinis aliqua sunt propria aliqua appropriata: & cum dicitur solus pater habet immortalitatem, non fit exclusio immortalitatis: sed fit exclusio appropriationis: quod pater habet immortalitatem appropriate eo, quod habet eam ab alio: filius autem, & spiritus sanctus habent eam à patre, sicut & essentiam. Secundus modus dicendi est Egidii vbi supra quod si vnum relatiuum esset de conceptu principali alterius dictio exclusiua addita vni non excludit alterum relatiuum verum est. Sed quia relatiuum est de secundo conceptu correlatiui, ideo dictio exclusiua addita vni excludit alterum. Hoc confirmatur sic, dictio exclusiua addita alicui non excludit illud quod est de principali eius conceptu: quia non sequitur est solus homo, ergo non est animal, ergo si vnum relatiuum est de principali conceptu alterius, tunc dictio exclusiua addita vni non excludit alterum. Præterea si vnum relatiuum esset de

Vnum correlatiuum non est de conceptu quiddam alterius.

Vide Scotum in vniuersalibus q. 15. & in prædicamentis q. 25 principali conceptu alterius, & dictio exclusiua addita vni necessario excluderet alterum, tunc eodem modo dictio exclusiua addita toti excluderet partem, quod est falsum: quia non sequitur, sola domus est, ergo paries non est.

Tertius modus dicendi est quem teneo quod quantumcunque vnum relatiuum sit de principali conceptu alterius, vt patet in præcedenti articulo, adhuc si dictio exclusiua additur vni relatiuo excludit alterum, nam vt dicebatur supra vnum relatiuum est de conceptu principali alterius, aliquando non, vt idem sed vt aliud. Tunc arguitur sic, quando dictio exclusiua additur alicui vt distinguatur ab alio facit exclusionem circa illud, sed dictio exclusiua additur relatiuo vt distinguatur ab alio relatiuo

relatiuo, ergo. Præterea dictio exclusiua addita alicui vt habet oppositionem ad aliud facit exclusionem circa illud, sed dictio exclusiua additur relatiuo vt habet oppositionem ad aliud relatiuum, ergo excludit illud relatiuum.

Ad primum præcedentis opinionis patet ex dictis: nã dictio exclusiua addita alicui nõ excludit illud quod est de primario conceptu eius vt idem, sicut ponebatur exemplum de homine, & de animali, sed bene excludit illud quod est de eius primario conceptu vt aliud, vt sicut ponuntur relatiua.

Ad secundum dico, quòd non valet, quia non est simile de parte, & de toto, & de relatiuis adinuicem, quia pars vt est in toto non est aliud à toto. Relatiuum autẽ est à suo correlatiuo.

De tertio articulo dico, quòd ista propositio, solus pater est Deus, non est vera.

Ad cuius euidentiam præmitto tres regulas de dictionibus exclusiuis, & ex illis probabitur intetum tripliciter. Prima regula est ista, quòd exclusiua affirmatiua infert vniuersalem affirmatiuam de terminis transpositis. Exemplum huius cum dicitur, solus sortes currit, infert istam, omne currens est sortes.

Exemplum.

Secũda regula est, quòd exclusiua affirmatiua de prædicato finito infert vniuersalem negatiuam de prædicato infinito Exemplum huius cum dicitur, solus sortes currit, infert istam, nullus non sortes currit, vel istam, nullus alius à sorte currit.

Tertia regula, quòd exclusiua affirmatiua habet duas propositiones exponentes quarum vna est affirmatiua, altera negatiua, & vbi aliqua illarum exponentium est falsa, sequitur, quòd exposita eius sit falsa. Exemplum huius cum dicitur solus sortes currit, habet vnam exponentem affirmatiuam scilicet sortes currit, & aliam negatiuam scilicet nullus alius à sorte currit, & vbi aliqua istarum est falsa, sequitur, quòd exposita sit falsa.

Exemplum.

Ex prima regula probabitur falsitas huius propositionis solus pater est Deus: sic exclusiua affirmatiua infert vniuersalem affirmatiuam de terminis transpositis. Sed cum dicitur solus pater est Deus, illa est exclusiua af-

Ex prima regula probatur.

firmatiua, ergo infert vniuersalem affirmatiuam de terminis transpositis, puta illam, omnis Deus est pater, sed illa est falsa, nam filius est Deus & tamen non est pater, ergo falsa est ista solus pater est Deus.

*Ex secunda
regula pro-
batur.*

Ex secunda regula probatur sic, exclusiua affirmatiua infert vniuersalem negatiuam, sed solus pater est Deus, est exclusiua affirmatiua, ergo infert vniuersalem negatiuam, puta nullus alius à patre est Deus, sed ista est falsa, ergo & illa.

Ex tertia regula probatur sic. Exclusiua affirmatiua habet duas exponentes, & vbi vna illarum est falsa, exposita est falsa, ergo ista solus pater est Deus habet duas exponentes vnā affirmatiuam, scilicet pater est Deus, & aliam negatiuam scilicet nullus à patre est Deus ergo vbi aliqua istarum est falsa exposita erit falsa, sed in proposito ista exponens est falsa scilicet nullus alius à patre est Deus, ergo exposita est falsa scilicet solus pater est Deus.

Ad argumentū principale dico, quod antecedens potest accipi, vel in sensu diuisionis, & tunc est vera, isto modo solus Deus qui est pater est Deus pater, vel in sensu compositionis, & tunc est falsa &c.

DISTINCTIO XXII.

Vtrum Deus sit nominabilis à nobis?

*Hec idem quaesitum mouet Scotus primo sentent. distinc. 22.
q. 1.*

D. Bonaventura primo sentent. distinc. 22. q. 1. Articulo 1.

Alexander Alensis prima parte q. 48. membro 1.

D. Thomas prima parte. quasi. 13. Articul. 1.

Ricardus primo sententiarum. distinc. 22. questio 1.

Durandus primo sententiarum distinc. 22. questio 1.

Franciscus de Maioris primo sententiarum distinc. 22. q. 1.

QVÆSTIO I.



OST prädicā. Circa distinctionē xxii. quæritur. Vtrum Deus sit nominabilis à nobis? Videtur, quòd non, quia quod est ineffabile est innominabile. sed Deus est ineffabilis secundū sanctos, ergo etiā est innominabilis.

Præterea, quod est incognitum est innominabile, sed Deus est incognitus, cum sit infinitus, ergo est innominabilis. Contra. Exodi, dicitur, dominus vir Pugnator omnipotens nomen eius. Ex ista quæstione supponūt aliqui, quòd vnum quodque sit nominabile sicut est cognoscibile. Ideo primo videndū quomodo Deus est à nobis cognoscibilis, sed de hoc dictum est supra dist. iij. quære ibidē. Nūc autē declarabo si Deus est nominabilis à nobis. Et sunt hic duo articuli secundū duas opiniones.

Cap. 15.

Vna est Henrici in summa qui dicit, quòd nomē vocale debet esse symbolum inter loquentem, & illum cui loquitur, ita quòd sit notum vtrique nomē illud esse impositum ad significandum rem istā. Sed diuinā natura est nota solo intellectui diuino quantū ad rationem infinitatis vel immēsitatis, ergo diuina natura siue Deus à solo Deo proprio nomine nominari potest. Vtērius dicit, quòd vnumquodque potest nominari sicut est cognitū, & visum, & beati siue comprehensores vidēt, & cognoscūt Deum: ideo poterūt eū nominare proprio nomine siue illud sit impositū à Deo, siue à sanctis. Tertio dicit, quòd quia viatores non cognoscunt Deum naturaliter distincte. ideo non possunt eū distincte nominare eo modo nominant ipsum quo ipsum cognoscunt. Sed cognoscunt eū in vniuersali, & non distincte. ideo possunt vniuersaliter eum nominare nō quidem in vniuersali vniuoco: quia nihil est vniuocum Deo, & creaturæ.

*Henricus in
summa artic.
22. q. 1. & 3.
& quolib. 5.
q. 1.*

*Quære D.
Thomam, &
Egidium.*

Alia est opinio doctoris nostri qui primo præmittit, quòd aliquid nominari ab aliquo contingit dupliciter, vel nomen ei imponendo, vel nomine imposito vtēdo. Et quilibet istorum modorum dicitur dupliciter: quia potest aliquis nomina imponere perfecte vel imperfecte. Similiter potest aliquis vti nomine perfecte, vel imperfecte. Perfecte sicut homines vtuntur quibusdam nominibus. Imperfecte, sicut aues, doctēque aliquando loquuntur. Secundo præmittit quòd aliquis po-

Opinio Scoti.

*Aliquid no-
mirari ab ali-
quo contingit
duobus modis.*

*Tribus modis
Deus est no-
minabilis à
nobis.*

Distinct. 3.

test ut aliquo nomine quadrupliciter. Primo enim utitur aliquis nomine, ut est res talis. Secundo utitur aliquis nomine pro signo ad placitum non habendo conceptum signati. sed tantum scit, quod est nomen significatiuum sicut aliquis latinus diceret hebreum quod nulloatenus intelligeret. Tertio utitur aliquis nomine pro signo habendo conceptum signati tantum in vniuersali. Quarto utitur aliquis nomine pro signo expressivo conceptus distincte, & in particulari. Ad propositum dicit, quod tribus primis modis Deus sit nominabilis à nobis. Quarto autem modo non. Et quod tribus primis modis Deus sit à nobis nominabilis, probat sic. Si Deus non esset nominabilis à nobis hoc esset pro tanto, quod non habetur conceptus distinctus de Deo, sed illud non impedit quin Deus sit nominabilis à nobis, ergo probatio minoris, aliquid potest nominari puta substantia, quæ tamen distincte non concipitur à nobis pro statu isto, cuius ratio est. Quia omne illud cuius præsentia est naturaliter cognoscibilis eius etiam absentia est naturaliter cognoscibilis, ergo si substantia est naturaliter cognoscibilis pro statu isto, sequitur, quod ex puris naturalibus possemus cognoscere substantiam panis in corpore Christi, quod est falsum. Ad primum principale cum dicitur, quod est ineffabile, concedo de quarto modo nominationis, quo Deus non est nominabilis à nobis naturaliter ut dictum est. Ad secundum patet supra, quomodo Deus est à nobis cognoscibilis, & quomodo non, quia ibi declaratum est, quod pro statu isto possumus cognoscere Deum affirmatiue. & sub conceptu quidditatiuo, & inter alios conceptus perfectos possumus habere de Deo conceptum entis infiniti.

DISTINCTIO XXIII.

Vtrum nomen personæ sit nomen primæ, vel
secundæ intentionis?

Hoc idem querit Scotus 1. sent. distin. 23. q. 1.

Franciscus de Mayronis 1. sent. dist. 24. q. 2.

Baconitanus primo sent. dist. 24. q. 1.

QVÆSTIO I.

PRÆDICTIS adiiciendum est. Circa istam distinctionem **xxij.** quæritur primo. Vtrum nomen personæ sit nomen primæ, vel secundæ intentionis? Et videtur, quod non sit nomen primæ intentionis: quia nihil primæ intentionis plurificatur in diuinis, sed persona plurificatur, ergo non est nomen primæ intentionis. Præterea sicut indiuiduum se habet in omni natura, ita persona in natura intellectuali, sed indiuiduum est nomen secundæ intentionis, ergo & persona. Probatio minoris, indiuiduum, & vniuersale sunt opposita: quia habet fieri circa idem, sed vniuersale dicit secundum intentionem, ergo & indiuiduum. Præterea negatio non est nomen primæ intencionis sed persona dicit negationē: quia dicit incommunicabilitatē, ergo non dicit primā intentionē.

Contra secunda intentio non est per se terminus realis productionis, ergo persona non est secunda intentio.

Præterea secunda intentio non adoratur: sed persona adoratur, ergo. Præterea trinitas non consistit in conceptibus sicut sunt secundæ intentiones, sed trinitas consistit in personis, ergo persona nō dicit intentionem secundam. Circa istam quæstionem sunt duo videnda. Primo quod importetur per nomen primæ, vel secundæ intentionis. Secundo principale quæsitum.

Res habet duplex esse.

De primo quantum ad præsens spectat, dico, quod res habet duplex esse, quia habet esse in anima, ut cognitū in cognoscente, & habet esse extra animam, ut esse reale, primo res est secunda intentio, & nomē sibi impositum dicitur nomen secundæ intentionis. Sed res secundo modo dicta, secundum quod habet esse extra animam est **i.** intentio, & eius nomē dicitur nomē **i.** intentionis.

Circa secundum articulum sunt opiniones, vna Varonius, quod persona est nomē secundæ intentionis. Rationes autem ad hoc posite sunt ad primam partem quæstionis. Notant autē aliqui istius opinionis, quod licet persona dicat aliquid secundæ intentionis, tamen non dicit illud in abstracto, sed in cōcreto, & ideo potest præ-

Libro primo dist. præsent.

Vide etiam Egidium, & Henricum.

9. Met. cont.

7. vide etiam

Scotum 7.

9. qualib.

Quomodo
agentia secundaria
non erunt
superflua.

ponitur in Deo ad extra, tunc non erunt agentia secundario in vniuerso, vel si sunt erunt superflua, quod est inconueniens, quia tunc entia non haberent proprias actiones, & per consequens nec proprias essentias. Et subdit, quod qui ponunt hoc non habent cerebrum naturaliter ad bonum aptum. Secundum dubium est: quia quod se habet in ratione finis non se habet in ratione efficientis. Ad primum dicitur, quod posita illa potentia respectu omnis possibili adhuc agentia secundaria non erunt superflua, quod declaratur à quibusdam per hoc, quod agens primum & secundarium non concurrunt ad effectum eodem modo. A quibusdam vero declaratur per hoc, quod actio illa partim est à Deo, & partim à creatura, quia actio potest considerari in quantum ens, & sic à Deo, vel in quantum hoc ens, & sic est à creatura. A quibusdam vero declaratur per hoc, quod non est minus potentia infinita diuina, quam essentia, sed propter infinitatem essentiae diuinæ non potest produci aliquod creatum quando statim illabitur ei essentia diuina, ergo potentia diuina habet illabi cuilibet actioni agentis secundarij. Ad secundum dico secundum sanctos, & philosophos, quod Deus se

Vide Scotum habet respectu creaturæ in genere triplicis causæ scilicet in 2. sent. dist. efficientis, finalis, & exemplaris. Ad primum principia. 1. q. 1. quod le nego consequentiam; nec probatio minoris valet, Deus respe- nam ratio Richardi probat, quod non sunt duo omni- etu creature potentes essentialiter distincti, quia haberent duas vir- est causa ef- tutes distinctas, sed non est sic in proposito, quia perso- ficiens, & fi- næ diuinæ sunt idem in essentia & habent virtutem nalis, causa actiuam eandem in numero. Ad secundum dico, quod exemplaris maior habet veritatem quando prima causa & secunda est idem quod habent aliam, & aliam virtutem actiuam. Quando au- causa efficiens tem habent eandem virtutem actiuam sicut est in pro- & formalis posito, tunc maior non est vera. Et ob hoc ad tertium. ut extrinse- concedo enim quod recipiens virtutem actiuam ab alio cus perficiens. non æquatur ei in potentia si recipit virtutem distin- Propositione ctam. Sed quando est eadem virtus numero in reci- prima de cau- piente & dante, tunc non oportet. Sed adhuc remanet sis t. 4. & 2. dubium quod tangit. Pro cuius, quia si est æqualis met. com. 2. virtus in procedente, & productio puta in patre, & filio,

quæ est causa, quod pater potest generare & filius non. Ad hoc fuit responsum supra, quia suppositum recipiens formam per productionem adæquatam illi formæ non potest per illam formam producere, filius autem recipit esse per productionem adæquatam ei, ideo non potest generare.

Dist. 2.

¶ Vtrum potentia generandi cadat sub omnipotentia?

Hoc idem querit Scotus primo sent. dist. 20.

Ægidius lib. 3. dist. 20. q. 2.

QVÆSTIO II.

SECUNDO quæritur. Vtrum potentia generandi cadat sub omnipotentia? Videtur quod sic: quia tantum affirmat affirmatio quantum negat negatio, sed nulla potentia excludit potentiam generandi, ergo omnipotentia includit potentiam generandi.

Præterea, illa potentia cadit sub omnipotentia, qua sublata non remanet pater omnipotens, sed sublata potentia generandi pater non est omnipotens, ergo probatio minoris per Augustinum contra Maximinum. Si pater non posset generare filium non esset omnipotens.

Lib. 3. c. 3.

Præterea, omniscentia includit scientiam generandi, ergo omnipotentia includit potentiam generandi. Contra si potentia generandi cadit sub omnipotentia, ergo filius non est omnipotens, quia non potest generare. Circa istam quæstionem sunt tres articuli, quia primo recitabitur opinio falsa, secundo opinio vera, tertio dicetur ad vnum dubium.

Quantum ad primum est opinio Ægidij, qui dicit, quod potentia generandi cadit sub omnipotentia patris, & non sub omnipotentia filij, quod declaratur primo sic. Omnipotentia est ad illud, quod non includit contradictionem: sed patrem generare non includit contradictionem, filium autem generare includit contradictionem, ergo potentia generandi est sub omnipotentia patris, & non sub omnipotentia filij. Præterea ali-

Lib. 1. dist.

20. q. 2.

ter est loquendum de actionibus immanentibus, aliter de actionibus transeuntibus extra, nā possibilitas actionis transeuntis iudicatur ex ratione actionis in se, & in termino eius, possibilitas autem actionis immanentis iudicatur ex istis, & cum hoc ex compossibilitate eius ad suppositum. Sed potentia generandi est compossibilis patri, & non filio, ergo spectat ad omnipotentiam pa-

Vide Scotum tris, & non ad omnipotentiam filij.

in 1. dist. 30. De secundo articulo dico istam opinionem esse falsam, & teneo oppositum, scilicet, quod potentia generandi non cadit sub omnipotentia, quod probo. Primo quod obiectū sic. Generare præcisè per se sumptum, aut est aliquid ad omnipotentiam quod nata est illa potentia, aut est aliquid ad quod non est ens causa est nata esse illa potentia. Si primo modo ergo non habens illam potentiam non est omnipotens, & sic filius non est omnipotens. Si secundo modo, ergo non spectat ad omnipotentiam patris.

Præterea, secundum sanctos eadem est omnipotentia numero in patre, & filio, sed in filio non est potentia generandi, ergo potentia generandi non cadit sub omnipotentia.

Præterea, potentia propriè dicta est, quæ non est ad aliud: sed potentia generandi est ad aliud, quia ad generare, & generatio est relatio, ergo.

Præterea, potentia propriè dicta, quæ cadit sub omnipotentia est ad terminum possibilem, non ad terminum necessarium: sed nulla persona diuina est possibilis, immo necessaria, ergo potentia generandi, quæ est ad personam non cadit sub omnipotentia. Ex ista ratione patet ad motiua præcedentis opinionis cū dicitur, quod omnipotentia est ad illud, quod non includit contradictionem, concedo, si iste terminus includit potentialitatem, quod non est in proposito cum qualibet persona sit ens necessarium. Et eodem modo dico ad secundum.

*Quomodo sit
vera: quod po-
tentia gene-
randi cadet
sub omni-
potentia.*

De tertio articulo occurrit vnum dubium, quomodo potentia generandi dicatur potentia, cum non sit respectu alicuius possibilis secundum prædictam opinionem. Ad hoc respondetur tripliciter. Vno modo quod de virtute sermonis ista non est vera potentia generandi cadit sub omnipotentia, est tamen vera secundum

vsus loquendi sanctorum. Secundo modo dico, quod potentia habet pro correlatiuo possibile, vt opponitur necessario, sed possibile potest accipi dupliciter. Vno modo, vt opponitur necessario ex se. Alio modo magis largè, vt opponitur necessario a se. Primo modo potentia generandi non dicitur potentia. Sed secundo modo sic. sed vt est ad possibile, quod opponitur necessario a se.

Author sequitur viam Scoti.

Tertio modo dicitur secundum viam Scoti, quod potentia actiua in creaturis est perfectionis, possibile autè sibi correspondens dicit imperfectionem, & quia quod est perfectionis in creaturis potest transferri ad diuina, ideo potentia generandi transfertur in diuinis sub ratione potentia actiua: sed non ponitur suum correlatiuum, scilicet possibile, vt dicit imperfectionem, sed sub ratione principii, & sic potentia generandi est ad filium tanquam ad principium. Ad primum principale dicunt aliqui, quod maior est falsa, quia maioris latitudinis est negatio quam affirmatio, quia plus negat non homo quam ponat homo. Aliter potest dici & melius secundum viam Varronis, quod maior est vera si in affirmatione, & negatione accipiat verè dici de omni, & dici de nullo eo modo quo ponit philosophus primo priorum scilicet, quod dici de omni est, quando nihil est summere sub subiecto de quo non dicatur prædicatum sed sic non est in proposito. Ad secundum, dico quod Augustinus arguit contra Maximinum, qui ponebat filium Dei esse creaturam, hoc autem posito bene sequitur, quod si pater non posset generare filium, quod non esset omnipotens. Aliter dicitur, quod argumentum Augustini tenet gratia materiae, quia ex hoc sequitur quod pater non haberet naturam diuinam quæ est communicabilis, & sic non esset omnipotens. Ad vltimum dico quod non est simile de omni scientia, & de omnipotentia: quia omni scientia respicit pro obiecto ens necessarium, & ens possibile, omnipotentia autem respicit pro obiecto ens possibile tantum.

Opinio Varronis præsentis dist.

Maximinus fuit de secta Arrii.

Vtrum illa propositio sit vera, Solus pater est Deus?
Hoc idem questum nouer Scotus 1. sent. dist. 21. q. 1.
Alexander Ale. 1. sent. parte q. 65. membro 3. artic. 3.
D. Thomas prima parte, quest. suo. 32. Artic. 4.
Ricardus 1. sent. dist. 21. q. 3.
Durandus primo sent. dist. 21. q. 1.
Et 4. n. i. de Al. yronis dist. 21. q. 1.

QVAESTIO I.

Ic oritur questio. Circa distinctionem **xxj.**
¶ queritur. Vtrum illa propositio sit vera. So-
 lus pater est Deus. Et videtur quod sic quia
 solus Deus qui est pater est Deus, ergo so-
 lus pater est Deus, antecedens probatur sic.
 Solus Deus qui est pater est deitas, sed deitas est Deus,
 ergo solus Deus qui est Deus pater est Deus, conseque-
 tia probatur quia sequitur solū animal quod est homo
 currit, ergo solus homo currit, ergo similiter tenet hic.
 Contra est Augustinus. In ista questione sunt tria vi-
 denda: Nam quia hic ponitur vnus terminus relatiuus,
 scilicet pater, ideo oportet primo videre si vnum relati-
 uum est de primario conceptu alterius. Secundo: quia
 hic ponitur dictio exclusiua, scilicet solus, ideo oportet
 videre si dictio addita vni relatiuo excludat aliud. Ter-
 tio oportet videre de principali quæsito.

6. de Trinit.
cap. 8.

De primo articulo est opinio Ægidii qui dicit, quod
 vnum relatiuum non est de conceptu primario alterius,
 sed de secundario: quod probat sic: primo quado aliquid
 est de conceptu primario alterius. si immediate additur
 illi facit nugationem, ut si dicitur homo animal. est
 nugatio quia animal est de conceptu primario hominis,
 ergo si relatiuum est de conceptu primario relatiui,
 tunc dicendo pater filii, vel dupl. in dimidiis esset nu-
 gatio quod est incommensurabile. Præterea, quæ differunt
 realiter realitate opposita, vnum non est de conceptu
 primario alterius, sed correlatiua sunt huiusmodi ergo.

Lib. 1. distin.
21.

Præterea nihil est de conceptu primario alicuius nisi
 sit de intrinseca eius ratione: sed relatiuum non est de

intrinseca eius ratione correlatiui, ergo vnum est de conceptu primario alterius. Contra istam opinionem obicitur sic, illud cuius principalis conceptus est ad aliquid, illud in suo primario conceptu includit aliud, quia ponitur in eius diffinitione, vt patet in prædicamentis, ergo vnum relatiuum in suo primario conceptu includit correlatiuum. Præterea illud includitur in primario conceptu alterius sine quo non potest intelligi, sed relatiuum in quantum relatiuum non potest intelligi sine correlatiuo, ergo in primario conceptu includit correlatiuum.

Cap. de relatione.

Præterea accipio paternitatem in suo primario conceptu, vel includit entitatem ad se, vel ad aliud, si includit entitatem in primario cōceptu ad aliud habetur propositum, si autem includit entitatem ad se, ergo est entitas absoluta non relatiua, quod est falsum. Præterea, quæ sunt simul natura, & simul intellectu, vnum est primario conceptu alterius: sed relatiua sunt huiusmodi per phil. in prædicamentis. ergo vnum relatiuum est de primario conceptu alterius. Conclusionem istarum rationum teneo. Ad cuius euidēciam est notandum, quòd aliquid esse de primario cōceptu alterius est dupliciter, quia vel vt idem, sicut animal est de conceptu hominis primario, vel vt aliud: & illo modo vnū relatiuum est de primario conceptu alterius. Et per hoc patet ad rationes primæ opinionis. Ad primum cum dicitur quādo aliquid est de primario conceptu alterius additum isti facit nugationem, concedo, quando est de conceptu eius, vt idem, sed quando est de conceptu eius, vt aliud, sicut de relatiuis non est verum.

Aliquid esse de primario conceptu alterius est duobus modis.

Ad secundum dico, quòd maior est vera in his quæ distinguuntur realiter realitate absoluta: sed non est vera in his quæ distinguuntur realitate relatiua.

Ad tertium dico eodem modo, quòd maior est vera in absolutis, non in relatiuis.

De secundo articulo sunt tres modi dicendi. Vnus antiquus dicens, quòd dictio exclusiua addita vni relatiuorum non excludit alterū: quia apostolus ponit quòd solus pater habet immortalitatem, & tamen non excluditur filius. Præterea saluator dicit, nemo nouit filiū nisi pa-

Vide Bargiū presenti distinct.

rer, & tamen non excluditur filius, quia etiam filius cognoscit se.

Contra istud arguitur sic, principium & principiatum sunt relatiua, sed dictio exclusiua addita principio excludit principiatum, ergo probatio minoris ex primo physiorum: vbi dicit philosophus, quod si principium tantum est principiatum non est.

Præterea secundo elencorum dicitur, quod solum idem est, quod non cum alio. Sed nec auctoritates concludunt pro prima opinione: nam in diuinis aliqua sunt propria aliqua appropriata: & cum dicitur solus pater habet immortalitatem, non fit exclusio immortalitatis: sed fit exclusio appropriationis: quod pater habet immortalitatem appropriate eo, quod habet eam ab alio: filius autem, & spiritus sanctus habent eam à patre, sicut & essentiam. Secundus modus dicendi est. Egidii vbi supra quod si vnum relatiuum esset de conceptu primario alterius dictio exclusiua addita vni non excludet alterum relatiuum verum est. Sed quia relatiuum est de secundo conceptu correlatiui, ideo dictio exclusiua addita vni excludit alterum. Hoc confirmatur sic, dictio exclusiua addita alicui non excludit illud quod est de principali eius conceptu: quia non sequitur est solus homo, ergo non est animal, ergo si vnum relatiuum est de principali conceptu alterius, tunc dictio exclusiua addita vni non excludit alterum. Præterea si vnum relatiuum esset de

Vnum correlatiuum non est de conceptu quiddam alterius.

Vide Scotum in vniuersalibus q. 15. & in predicamentis q. 25 principali conceptu alterius, & dictio exclusiua addita vni necessario excluderet alterum, tunc eodem modo dictio exclusiua addita toti excluderet partem, quod est falsum: quia non sequitur, sola domus est, ergo paries non est.

Tertius modus dicendi est quem teneo quod quantumcunque vnum relatiuum sit de primario conceptu alterius, vt patet in precedenti articulo, adhuc si dictio exclusiua additur vni relatiuo excludit alterum, nam vt dicebatur supra vnum relatiuum est de conceptu primario alterius, aliquando non, vt idem sed vt aliud. Tunc arguitur sic, quando dictio exclusiua additur alicui vt distinguatur ab alio facit exclusionem circa illud, sed dictio exclusiua additur relatiuo vt distinguatur ab alio relatiuo

relatiuo, ergo. Præterea dictio exclusiua addita alicui vt habet oppositionem ad aliud facit exclusionem circa illud, sed dictio exclusiua additur relatiuo vt habet oppositionem ad aliud relatiuum, ergo excludit illud relatiuum.

Ad primum præcedentis opinionis patet ex dictis: nã dictio exclusiua addita alicui nõ excludit illud quod est de primario conceptu eius vt idem, sicut ponebatur exemplum de homine, & de animali, sed bene excludit illud quod est de eius primario conceptu vt aliud, vt sicut ponuntur relatiua.

Ad secundum dico, quòd non valet, quia non est simile de parte, & de toto, & de relatiuis adinuicem, quia pars vt est in toto non est aliud à toto. Relatiuum autẽ est à suo correlatiuo.

De tertio articulo dico, quòd ista propositio, solus pater est Deus, non est vera.

Ad cuius euidenciam præmitto tres regulas de dictionibus exclusiuis, & ex illis probabitur intetum tripliciter. Prima regula est ista, quòd exclusiua affirmatiua infert vniuersalem affirmatiuam de terminis transpositis. Exemplum huius cum dicitur, solus sortes currit, infert istam, omne currens est sortes.

Exemplum.

Secũda regula est, quòd exclusiua affirmatiua de predicato finito infert vniuersalem negatiuam de prædicato infinito Exemplum huius cum dicitur, solus sortes currit, infert istam, nullus non sortes currit, vel istam, nullus alius à sorte currit.

Tertia regula, quòd exclusiua affirmatiua habet duas propositiones exponentes quarum vna est affirmatiua, altera negatiua, & vbi aliqua illarum exponentium est falsa, sequitur, quòd exposita eius sit falsa. Exemplum huius cum dicitur solus sortes currit, habet vnã exponentem affirmatiuam scilicet sortes currit, & aliam negatiuam scilicet nullus alius à sorte currit, & vbi aliqua istarum est falsa, sequitur, quòd exposita sit falsa.

Exemplum.

Ex prima regula probabitur falsitas huius propositionis solus pater est Deus: sic exclusiua affirmatiua infert vniuersalem affirmatiuam de terminis transpositis. Sed cum dicitur solus pater est Deus, illa est exclusiua af-

Ex prima regula probatur.

firmatiua, ergo infert vniuersalem affirmatiuam de terminis transpositis, puta illam, omnis Deus est pater, sed illa est falsa, nam filius est Deus & tamen non est pater, ergo falsa est ista solus pater est Deus.

*Ex secunda
regula probatur.*

Ex secunda regula probatur sic, exclusiua affirmatiua infert vniuersalem negatiuam, sed solus pater est Deus, est exclusiua affirmatiua, ergo infert vniuersalem negatiuam, puta nullus alius à patre est Deus, sed ista est falsa, ergo & illa.

Ex tertia regula probatur sic. Exclusiua affirmatiua habet duas exponentes, & vbi vna illarum est falsa, exposita est falsa, ergo ista solus pater est Deus habet duas exponentes vnā affirmatiuam, scilicet pater est Deus, & aliam negatiuam scilicet nullus à patre est Deus ergo vbi aliqua istarum est falsa exposita erit falsa, sed in proposito ista exponens est falsa scilicet nullus alius à patre est Deus, ergo exposita est falsa scilicet solus pater est Deus.

Ad argumentū principale dico, quod antecedens potest accipi, vel in sensu diuisionis, & tunc est vera, isto modo solus Deus qui est pater est Deus pater, vel in sensu compositionis, & tunc est falsa &c.

DISTINCTIO XXII.

Vtrum Deus sit nominabilis à nobis?

Hec idem quesitum mouet Scotus primo sentent. distinc. 22. q. 1.

D. Bonauentura primo sentent. distinc. 22. q. 1. Articulo 1.

Alexander Alensis prima parte q. 48. membro 1.

D. Thomas prima parte. quasi. 13. Articul. 1.

Ricardus primo sententiarum. distinc. 22. questio 1.

Durandus primo sententiarum distinc. 22. questio 1.

Franciscus de Maioribus primo sententiarum distinc. 22. q. 1.

QVÆSTIO I.



OST prædicta. Circa distinctionē xxii. quæritur. Vtrum Deus sit nominabilis à nobis? Videtur, quòd non, quia quod est ineffabile est innominabile. sed Deus est ineffabilis secundū sanctos, ergo etiā est innominabilis.

Præterea, quod est incognitum est innominabile, sed Deus est incognitus, cum sit infinitus, ergo est innominabilis. Contra. Exodi, dicitur, dominus vir Pugnator omnipotens nomen eius. Ex ista quæstione supponūt aliqui, quòd vnum quodque sit nominabile sicut est cognoscibile. Ideo primo videndū quomodo Deus est à nobis cognoscibilis, sed de hoc dictum est supra dist. iij. quære ibidē. Nūc autē declarabo si Deus est nominabilis à nobis. Et sunt hic duo articuli secūdū duas opiniones.

Cap. 15.

Vna est Henrici in summa qui dicit, quòd nomē vocale debet esse symbolum inter loquentem, & illum cui loquitur, ita quòd sit notum vtrique nomē illud esse impositum ad significandum rem istā. Sed diuinā natura est nota solo intellectui diuino quantū ad rationem infinitatis vel immēsitatis, ergo diuina natura siue Deus à solo Deo proprio nomine nominari potest. Vterius dicit, quòd vnumquodque potest nominari sicut est cognitū, & visum, & beati siue comprehensores vidēt, & cognoscūt Deum: ideo poterūt eū nominare proprio nomine siue illud sit impositū à Deo, siue à sanctis. Tertio dicit, quòd quia viatores non cognoscunt Deum naturaliter distincte. ideo non possunt eū distincte nominare eo modo nominant ipsum quo ipsum cognoscunt. Sed cognoscunt eū in vniuersali, & non distincte. ideo possunt vniuersaliter eum nominare nō quidem in vniuersali vniuoco: quia nihil est vniuocum Deo, & creaturæ.

Henricus in
summa aris.
22. q. 1. & 3.
& qualib. 5.
q. 1.

Quære D.
Thomam, &
Egidium.

Alia est opinio doctoris nostri qui primo præmittit, quòd aliquid nominari ab aliquo contingit dupliciter, vel nomen ei imponendo, vel nomine imposito vtēdo. Et quilibet istorum modorum dicitur dupliciter: quia potest aliquis nomina imponere perfecte vel imperfecte. Similiter potest aliquis vti nomine perfecte, vel imperfecte. Perfecte sicut homines vtuntur quibusdam nominibus. Imperfecte, sicut aues, doctēque aliquando loquuntur. Secundo præmittit quòd aliquis po-

Opinio Scotti.

Aliquid no-
mirari ab ali-
quo contingit
duobus modis.

test vti aliquo nomine quadrupliciter. Primo enim vtitur aliquis nomine, vt est res talis. Secundo vtitur aliquis nomine pro signo ad placitum non habendo conceptum signati. sed tantum scit, quòd est nomen significatiuum sicut aliquis latinus diceret hebreus quod nullatenus intelligeret. Tercio vtitur aliquis nomine pro signo habendo conceptum signati tantum in vniuersali. Quarto vtitur aliquis nomine pro signo expressiuo conceptus distincte, & in particulari. Ad propositum dicit, quod tribus primis modis Deus sit nominabilis à nobis. Quarto autem modo non. Et quod tribus primis modis Deus sit à nobis nominabilis, probat sic. Si Deus non esset nominabilis à nobis hoc esset pro tanto, quòd non haberetur conceptus distinctus de Deo, sed illud non impedit quin Deus sit nominabilis à nobis, ergo probatio minoris, aliquid potest nominari puta substantia, quæ tamen distincte non concipitur à nobis pro statu isto, cuius ratio est. Quia omne illud cuius præsentia est naturaliter cognoscibilis eius etiam absentia est naturaliter cognoscibilis, ergo si substantia est naturaliter cognoscibilis pro statu isto, sequitur, quòd ex puris naturalibus possemus cognoscere substantiam panis in corpore Christi, quod est falsum. Ad primum principale cum dicitur, quod est ineffabile, cōcedo de quarto modo nominationis, quo Deus non est nominabilis à nobis naturaliter vt dictum est. Ad secundum patet supra, quomodo Deus est à nobis cognoscibilis, & quomodo non, quia ibi declaratum est, quòd pro statu isto possumus cognoscere Deum affirmatiuè. & sub conceptu quidditatiuo, & inter alios conceptus perfectos possumus habere de Deo conceptum entis infiniti.

*Tribus modis
Deus est nominabilis à
nobis.*

Distinct. 3.

DISTINCTIO XXIII.

Vtrum nomen personæ sit nomen primæ, vel
secundæ intentionis?

Hoc idem querit Scotus 1. sent. dist. 23. q. 1.

Franciscus de Mayronis 1. sent. dist. 24. q. 2.

Basconitanus primo sent. dist. 24. q. 1.

QVÆSTIO I.

PRÆDICTIS adiiciendum est. Circa istam distinctionem xxij. quæritur primo. Vtrum nomen personæ sit nomen primæ, vel secundæ intentionis? Et videtur, quod non sit nomen primæ intentionis: quia nihil primæ intentionis plurificatur in diuinis, sed persona plurificatur, ergo non est nomen primæ intentionis. Præterea sicut indiuiduum se habet in omni natura, ita persona in natura intellectuali, sed indiuiduum est nomen secundæ intentionis, ergo & persona. Probatio minoris, indiuiduum, & vniuersale sunt opposita: quia habet fieri circa idem, sed vniuersale dicit secundum intentionem, ergo & indiuiduum. Præterea negatio non est nomen primæ intentionis sed persona dicit negationē: quia dicit incommunicabilitatē, ergo non dicit primā intentionē.

Contra secunda intentio non est per se terminus realis productionis, ergo persona non est secunda intentio.

Præterea secunda intentio non adoratur: sed persona adoratur, ergo. Præterea trinitas non consistit in conceptibus sicut sunt secundæ intentiones, sed trinitas consistit in personis, ergo persona nō dicit intentionem secundam. Circa istam quæstionem sunt duo videnda. Primo quod importetur per nomen primæ, vel secundæ intentionis. Secundo principale quæsitum.

Res habet duplex esse.

De primo quantum ad præsens spectat, dico, quod res habet duplex esse, quia habet esse in anima, ut cognitū in cognoscente, & habet esse extra animam, ut esse reale, primo res est secunda intentio, & nomē sibi impositum dicitur nomen secundæ intentionis. Sed res secundo modo dicta, secundum quod habet esse extra animam est 1. intentio, & eius nomē dicitur nomē 1. intentionis.

Circa secundum articulum sunt opiniones, vna Varonius, quod persona est nomē secundæ intentionis. Rationes autem ad hoc posite sunt ad primam partem quæstionis. Notant autē aliqui istius opinionis, quod licet persona dicat aliquid secundæ intentionis, tamen non dicit illud in abstracto, sed in cōcreto, & ideo potest præ-

Libro primo dist. præsent.

Vide etiam Egidium, & Henricum.

*Vide Scotum
in reportatis
diffin. 25.
q. 2.*

*4. de tri. ca.
22.*

*Aliqua pos-
sunt pluri-
ficari duobus
modis.*

*Secundo libro
de individua-
tione.*

dicari, de re primæ intentionis, & supponere pro ea, sicut species: puta homo, vt est secunda intentio prædicatur de Petro, & potest supponere pro eo. Alia opinio est ad oppositum: quod persona dicat primam intentionem, & nō secundam: sicut patet per rationes factas ad secundam partem questionis. Et præterea confirmatur sic, diffinitio exprimit id quod est esse rei cuius est: sed diffinitio personæ exprimit primam intentionem, ergo nomen personæ est nomen primæ intentionis, minor probatur per Richar. qui dicit, quod persona est intellectualis natura indiuidua subsistentia. Præterea secunda intentio est relatio rationis, sed persona nō dicit relationem rationis, ergo. Præterea persona est obiectum fructificationis, sed nulla intentio secunda est obiectum fructificationis, ergo persona non est secunda intentio. Istam opinionem tenendo. Respondent ad primum argumentum sic, quod nihil primæ intentionis plurificatur in diuinis, nego istam, quia relationes originis dicunt primam intentionem, & tamē plurificantur. Ideo est sciendum, quod aliqua possunt plurificari duobus modis. Vno modo, quod plurificata sunt eiūdem rationis, & sic concedo, quod nihil primæ intentionis plurificatur in diuinis. Secundo modo aliquid plurificatur ita, quod plurificata sunt alterius rationis, & sic negetur maior. Ad secundum dico, quod est ad oppositum: quia indiuiduum nō dicit secundam intentionem, vt patebit. Ad probationem cum dicitur, vniuersale dicit secundam intentionem, ergo & indiuiduum, nego consequentiam. Aliquando n. vnū oppositorū potest dicere relationem rationis, & aliud oppositum relationem realem, nam identitas est relatio communis in creatura, & tamen distinctio est relatio realis. Ad tertium negetur minor, quia persona dicit subsistentiam, & subsistentia non dicit negationem, sed positionem, & cum probatur dicit incommunicabilitatem, quæ est negatio, dico quod ista incommunicabilitas dicit entitatem alteri non communicabilem, & sic est in proposito &c.

Vtrum ens, & vnum dicant eandem rem?

*Author formalitatum 1. Artic. & omnes Scotista.
Axienna 7. met. cap. 1.*

QVÆSTIO II.



VIA vero in penultimo capitulo istius distinctionis scilicet ibi, iam sufficienter tractat Magister de vno. Ideo quæritur. Vtrum ens, & vnum dicant eandem rem? Et videtur, quòd non, quia passio dicit aliam rem à subiecto: sed vnum est passio entis, ergo dicit aliam rem ab ente. Præterea, quando aliqua dicunt eandem rem si vnum addatur alteri facit nugationem, sed dicendo ens vnum nulla est nugatio, ergo non dicunt eandem rem. *4. met. contr. 3.* In contrarium est philosophus. Idem inquit est homo, & vnus homo. Circa istam quæstionem sunt tres articuli secundum tres modos dicendi.

Quia vnus modus dicendi est Auicennæ scilicet, quòd ens, & vnum non dicunt eandem rem, quod probatur sic. Quod abstrahit ab aliquo, & ab eius opposito non dicit eandem rem cum illo, sed ens abstrahit ab vno, & eius opposito, ergo ens, & vnum non sunt idem, minor probatur per Auicennam, vbi dicit, quòd equitas ex se nec est vnum nec multa. Præterea si ens, & vnum est idē, ergo quod non est vnum non est ens, sed multitudo nō est vna, ergo multitudo nō est ens, quod falsum est. Istā rationem ponit Auicenna dicit sic. Si illud quod intelligitur de vno omnino esset idem, quod intelligitur per ens tunc multum secundum, quòd multum nō esset ens sicut non est vnum. Præterea accidens nō est idem cum subiecto, sed vnum est accidens entis, ergo non est idē cū ente. Ista ratio trahitur ab Auicenna, vbi dicit, quòd vnum non est substantia, quia non recipitur in certificatione, vel in rectificatione idest in diffinitione quidditatis substantiæ: sed est concomitans substantiam sicut iam nosti, ergo vnum non est substantia. *3. met. ca. 1.*

Alius modus dicendi est Commentatoris *4. Metaphysicæ*, vbi distinguit duplicem vnitatem scilicet vnitatem, quæ est passio entis, & vnitatem, quæ est principium numeri, & dicit, quòd vnitas, quæ est passio

entis dicit eandem rem cum ente. Ista concl. Commēt. potest probari multipliciter. Primo sic. Quæcūque duo addita vni nullam diuersitatem faciunt, dicunt eandem rem, & sunt penitus idem, sed ens, & vnum sunt huiusmodi, ergo. Minor probatur quia idē est homo, & vnus homo. Præterea quæcūque vna generatione generantur, & vna corruptione corrumpuntur, dicunt eandem rem, sed ens, & vnum vna generatione generantur, & vna corruptione corrumpuntur, ergo &c. & ambę rationes sunt philosophi. Tertio arguit Commen. in speciali contra Auicennam sic. Si vnū dicit realitatem aliā ab ente, tunc aut realitas vnus est eadem cum sua vnitate, aut non. Si sic, eadem ratione fuit standum in primo scilicet, quod vnitas entis non dicit aliam realitatem ab ente. Si non quæram de illa sicut de priori in infinitum. Præterea quod prædicatur equaliter de omni ente non dicit eandem rem ab entitate, sed vnitas prædicatur equaliter de omni entitate, ergo. Præterea. Si vnitas entis dicit aliam rem ab ente, eadem ratione vnitas substantiæ dicit aliam rem à substantia, aut ergo ista est substantialis, aut accidentalis. Si accidentalis, ergo substantia est vna per accidens, quod est falsum. Si substantialis, aut est materia, aut forma, aut compositum, sed non est aliquod istorum, ergo vnitas substantiæ non dicit aliam rem à substantia, & similiter vnitas entis non dicit aliam rem ab ente.

*Opinio Scoti
quam sequi-
tur author.*

Tertius modus dicendi quem sequor ponit duas conclusiones. Primo quod ens, & vnum dicunt eandem rem fundamentalem. Secunda quod ens, & vnum non idē per se primo, sed differunt formaliter. Prima conclusio potest probari per rationes Comment. & alias, quę posite sunt in præcedenti articulo, secunda conclusio probatur sic, quod ponitur in diffinitione alicuius, vt additamentum non includitur per se primo modo in ratione quidditatiua illius. Ista patet, quia oppositum prædicati inferit oppositum subiecti. Sed ens cedit, vt additamentum in ratione cuiuslibet sue passionis, minor probatur, vbi dicitur, quod substantiam cadit in diffinitione sue passionis, vt additum. Præterea, quę differunt diffinitione non includunt se primo modo,

*7 met. con-
tex 19.*

*Ens & vnū
significant
aliam, & aliā
naturam secū-
dum Auicennā 7. met.
cap. 1.*

4. met. con. 3.

sed ens, & vnum sunt huiusmodi, secundum translationem Comment. ergo ens, & vnum non sunt per se primo idem. Præterea, Si vnum includit ens quidditatiuè, vel per se primo modo, aut includit ipsum præcise, aut non præcise. Non primo modo, quia idem ens esset passio sui ipsius, ergo includit aliquid aliud. Si ergo illud aliud a. aut ergo a. includit ens quidditatiuè, vel per se primo modo, aut non. Si non, ergo vnum bis includit ens, & sic erit processus in infinitum. Si autem includitur habetur propositum. Respondet ad illa Guillelmus Oeccham, & dicit, quod rationes nō valent, quia supponitur in eis, quod ens habeat proprias passiones, & hoc est falsum, quia entis non sunt passiones: sed quasi passiones secundū Auicennam. Et etiā, quia eius passio esset nihil: quia passio est extra rationem subiecti, & quod est extra rationē entis nihil est. Cōtra illud obicitur, quia ^{primo met. cap. 2.} clare est contra philosophum: vbi vult, quod sicut linea in quantum linea habet passiones, & numerus in quantum numerus: ita sunt aliquæ passiones entis in quantum ens. Præterea, scientia realis cōsiderat passiones entis in quantum reales sunt circa proprium subiectum: sed metaphysica est scientia realis, cuius subiectum est ens, ergo entis vt sic sunt passiones veræ. Nec valet quod ipse adducit, quia tunc passio entis nihil esset, quia ly ens non dicitur de suis passionibus primo, dicitur tamen de eis denominatiuè. Tunc respondeo ad argumenta pro opinione Auicennæ, cum dicitur primo. Quando aliquid abstrahit ab aliquo, & ab eius opposito non est idem cum illo, concedo quod hoc est verum de identitate omnimoda, quæ est omnino adequata re, & modo: sed non est simpliciter vera, quia essentia abstrahit ab esse, & non esse, & tamen idem est realiter cum esse licet non formaliter.

Quere Oeccham.

4. met. con- tex. 5.

4. met. con. 12.

Ad secundum dicitur vno modo, quod multitudo includit vnitatem, & sic etiam includit entitatem. Aliter dicitur sic, quod sicut multitudo non est vna, ita non est ens: sed sicut est vna, ita est ens. Sed multitudo non est vna vnitatē simplici est tamen vnā vnitatē aggregationis, ergo similiter multitudo non est ens simplici entitate, sed ens entitate aggregata.

Quomodo multitudo fit vna.

Ad tertium dico, quòd vnum nec est accidens, nec substantia: sed sicut ens in quantum ens abstrahit à substantia, & accidente ita, & eius vnitas. Ad primum principale concedo, quòd passio realiter distincta à subiecto dicit aliam rem à subiecto, sed vnitas non est talis passio, quia licet distinguatur formaliter ab ente, est tamē idem realiter cum ente. Ad secundum respondet Comment. quòd non sequitur nugatio, quia licet dicant eandem rem, dicunt tamen eam diuersis modis, & propter diuersitatem istam modalem non intendit Comment. tantum differentiam rationis: sed aliquam differentiam ex natura rei, quæ vocatur ab aliis virtualis, vel formalis vel intentionalis.

4. met. cōt. 3.

DISTINCTIO XXIII.

Vtrum in diuinis sit propriè numerus?

Hoc idem quæsum mouet Scotus primo sent. distinct. 24. q. 1.

D. Bon. primo sent. distinct. 24. q. 1. Artic. 1.

Alexander Alensis prima parte. q. 45. membro. 1.

D. Thōmas prima parte q. 30. Artic. 3.

Ricardus primo senten. distinct. 23. q. 1.

Durandus primo sent. distinct. 24. q. 1.

Frānciscus de Maynoni primo sent. distinct. 24. & 25.

QVÆSTIO. I.



Sic diligenter inquiri. Circa istam distinctionem 24. & sequentem, quæritur primo. Vtrum, in diuinis sit propriè numerus? Et videtur, quòd sic, quia vbi est vere vnitas, & trinitas, ibi est vere numerus. Sed in diuinis est vere vnitas, & trinitas: quia vnitas essentialis, & trinitas personalis, ergo in diuinis erit propriè numerus. Præterea trinitas est numerus, sed in diuinis est trinitas. Cōfirmatur per philosophum, per hunc quidem numerum, scilicet ternariū adhibuimus nos magnificare vnū Deum. Contra numerus est species quantitatis discrete, vbi ergo nō est quantitas non est numerus, sed in diuinis

*Primo vet.
contex. 21.*

non est quantitas, ergo nec numerus. Circa istam questionem sunt tria videnda, primo si numerus habet aliquam entitatem in re. Secundo si habet aliquam unitatem. Tercio propositum.

De primo sunt duæ opiniones contrariæ. Vna, quod numerus non habet aliquam entitatē in re. Cuius ratio est ista. Illud quod habet entitatem in re existit anima non existente, anima non existit: sed numerus non existit anima non existente, ergo numerus non habet entitatem in re, numerus non est sine numerante idest sine anima. Alia opinio est in contrarium scilicet quod numerus habet entitatem in re, vnde Auicenna dicit, quod numerus habet esse in rebus, & habet esse in anima, & illud quod dixerunt quidam, quod numerus non habet esse in anima hoc verum est.

Præterea, illud quod est per se sensibile habet entitatem in re: sed numerus est per se sensibilis, ergo.

Præterea, quod est species prædicamenti positiui habet entitatem in re, sed numerus est huiusmodi, quia est species quantitatis per quam numerus habet entitatem in re. Si teneatur ista opinio potest dici ad argumentum præcedentis opinionis sicut ponit Commentator, quod aliqua entia sunt totaliter in intellectu, aliqua partim in re, & partim in intellectu, & in isto mēbro ponitur numerus, vnde cum dicitur, numerus non est, anima non existente, concedo quantum ad illud quod est, ab anima, sed nego de entitate quam habet in se. Aliter potest dici, quod numerus non est, anima nō existente, verum est quantum ad percipi, sed non quantum ad esse.

De Secūdo articulo sunt etiam opiniones contrariæ.

Vna dicit, quod numerus non habet unitatem. Cuius ratio est ista, vnum, & multa sunt opposita, & opposita nō possunt esse simul, sed numerus necessario dicit multitudinem, ergo non habet unitatem. Alia opinio est ad oppositum, vnde Auicenna vbi supra vnusquisque numerorum species est per se, & est vnus in se in quantum in se est ipsa species.

Præterea Aristoteles sex non sunt tria, & tria sed sexmel sex.

Præterea, quod habet proprias species, siue distinctas

Vide Magistrum sent.

dist. 24. c.

D. Thomam in prima parte summe q.

30. 47. 3.

3. Met. con. 5.

Quare hoc in reportatis dist. 22. q. 3.

4. Physico. com. 131.

Quomodo numerus sit in anima.

Opinio contraria de numero.

3. Met. c. 5.

5. Met. con. sex. 19.

3. Met. c. 5.

5. Met. c. 6.

*Dubium an
numerus di-
cat unitatem.*

habet unitatem: sed numerus est huiusmodi, ergo, maior patet per Auicennam. Si teneatur secunda opinio potest dici ad argumentum contrariæ opinionis per Auicennam, quod vnum, & multa non sunt proprie opposita, sed comitatur ea oppositio: nam vnum oppositum non constituit alterum: sed vnum constituit multitudinem ergo non sunt directe opposita. Sed est dubium, si numerus dicit unitatem a quo sit eius unitas. Et dicitur ad hoc primo, quod unitas ultimo adueniens est causa unitatis sibi formalis numeri: quia formæ, & numeri recipiunt similitudinem comparatorum, ex octauo meth. Sed forma ultimo adueniens est causa unitatis subiecti, ergo unitas ultimo adueniens est causa unitatis numeri. Sed contra hoc arguitur sic. Si unitas ultimo adueniens, est causa unitatis numeri, aut hoc conuenit sibi inquantum unitas, aut inquantum distans non primo modo, quia forma alicuius informat omnes partes, sed illa unitas vltima non informat omnes alias unitates, quæ sunt partes numeri. Non secundo modo, scilicet inquantum distans: quia cuius formale constitutum est relatio ipsum constitutum erit relatum. Sed distantia est relatio, ergo si unitas est causa numeri inquantum distans, tunc numerus erit in prædicamento relationis, quod est contra philosophum in prædicamentis. Ideo dicitur aliter, quod unitas numeri est ex aggregatione unitatum. Contra, in ista unitate non consistit forma numeri in qua non consistit ratio prioris, & posterioris. Sed in aggregatione unitatum non est ordo prioris, & posterioris, ergo. Ideo aliter dicitur, quod unitas numeri consistit in aggregatione facta ab animo, & forte prima opinio est vera, nec ratio contra eam concludit. Cum enim dicitur, quod unitas vel est forma numeri inquantum unitas, vel inquantum distans. Concedo, quod inquantum unitas aliis adueniens. Et cum obijcitur. Contra, quia ista unitas non informat alias unitates præcedentes, dicendum, quod verum est immediate: sed informat omnes mediate sicut supposita pluralitate formarum vltima informat mediantibus aliis.

De tertio articulo dicitur vno modo si numerus habet unitatem formalem ita, quod unitas adueniens vlti-

mo siue sit causa vnitatis numeri, siue vnitas habeat vnitatem ex vnitatibus aggregatis, tunc in diuinis non ponitur numerus, si autem numerus sit ab anima tantum, tunc in diuinis conceditur numerus. Et hæc est opinio Scoti. Alio modo dicitur sic, quod omnis numerus fundatur super vnitatem, vnitas autem est triplex, vna quæ conuertitur cum ente, alia quæ se habet in ratione partis, & tertia quæ est principium continui. Ad propositum in diuinis est numerus, cuius principium est vnitas quæ conuertitur cum ente, & hoc supposita pluralitate suppositorum: sed non est in diuinis numerus, qui aspicit vnitatem secundo modo, & tertio modo dictam, quia in diuinis non est ratio partis, nec ratio continui, & per hoc patet ad argumenta principalia.

*Vera opinio
Scoti.*

Triplex vnitas.

*In diuinis
omnia sunt
vnum, vide
in reportatis
dist. 22. q. 3.*

DISTINCT. XXV.

Vtrum persona in diuinis dicat substantiam? vel
relationem?

Hoc idem quesitum mouet Scotus 1. sent. dist. 25. q. 1.

D. Bona. primo sent. distin. 25. q. 1. art. 1.

Alexander Aletensis prima parte q. 56. membro 2.

D. Thomas prima parte. q. 29. Artic. 4.

Ricardus primo sent. dist. 25. q. 1.

Durandus 1. sent. dist. 23. q. 1.

Franciscus de Mayronis 1. sent. dist. 24. q. 4.

QVAESTIO I.

ECUNDO QUÆRITUR. Vtrum persona in diuinis dicat substantiam, vel relationem? Et videtur quod dicat substantiam: quia ad interrogationem factam per quid respondetur substantia. Sed quærendo quid est. Respondetur persona, per August. ergo persona dicit substantiam. Contra, substantia non plurificatur, nec numeratur in diuinis: sed persona plurificatur, & numeratur in diuinis, ergo non dicit substantiam. Ad istam quæstionem dico tres conclusiones.

7. de tri. s. 7.

7. de tr. c. 6.

Prima, quod persona non dicit relationem originis. Cuius ratio est ista, nulla relatio originis, siue propria est communis tribus, sed persona est nomen commune tribus, secundum August. si sunt inquit tres personæ, commune est eis hoc quod est persona, ergo persona non dat relationem originis, siue propriam.

Exemplum.

*Pater non est
persona filij
nec e converso
7. de tri. ca. 5.*

Secunda conclusio est ista, quod persona non dicit relationem communem, quod probatur sic. Ad quodcunque relatiuum dicitur inferius ad idem dicitur relatiuum superius, licet non æque primo. Exemplum huius, nam ad quodcunque dicitur duplū dimidij ad idem dicitur multiplex dimidij. Sed pater dicitur filij pater, ergo si persona dicit relationem communem, tunc persona patris diceretur persona filij quod est falsum.

*Persona
numeratur
secundū duas
opinionēs sa-
ctas in q. de
persona di-
stinc. 23.*

Tertia conclusio est ista, quod persona nō dicit quidditatem idest substantiam, accipiendo substantiam pro essentia. Cuius ratio est: quia substantia siue quidditas pro essentia accepta non numeratur nec multiplicatur in Deo, sed persona multiplicatur, & numeratur, ergo. Restat ergo videre si persona non dicit relationem propriam, nec communem, nec essentiam, quid ergo dicit? Et dico hic duas conclusiones secundum duas opiniones. Nam si teneatur opinio, quæ ponit personam dicere negationem, tunc persona aliquid connotat, & primo illud de quo dicitur primo scilicet patrem, & filium, & spiritum sanctum, & secundo connotat relationes constitutivas patris, & filij, & spiritus sancti, & tertio connotat essentiam. Si autem teneatur alia opinio, quod persona dicit aliquid positivum, tunc non dicit nec substantiam nec relationem, sed abstrahit ab utroque, & hanc viam sequitur Scotus. Ad argumentum in contrarium dico, quod ad interrogationem factam per quid non semper responderetur substantia, quia quid quandoque quærit diffinitionem, quandoque quærit illud de quo aliquid dicitur. Vnde hæretici quærebant ab Augustino quid tres, ut si diceret essentiam, tunc illi inferrent tres essentias. Ideo Augustinus respondebat personas diuinas substantiarum determinatarum adiectiue.

Opinio Scoti.

*Primo topic.
cap. 4. 10.
mcs. cont. 7.*

Vtrum personæ diuinæ constituentur in essentia personali per relationes originis?

Hoc idem quesitum mouet Scotus primo sentent. distinct. 26. quæst. 1.

D. Bonauentura primo sent. distinct. 26 q. 3.

D. Thomas. 1. par. q. 40. art. 2.

Ricardus 1. sent. distinct. 26. q. 1.

Durandus primo sent. dist. 26. q. 1.

Franciscus de Mayronis primo sent. dist. 26. q. 1.

QVAESTIO I.

NUNC de proprietatibus personarum. Circa istam distinctionem 26. quæritur. Vtrum personæ diuinæ constituentur in essentia personali per relationes originis? Et videtur quod non, quia ubicunque cōstituenda sunt alterius rationis, ibi constituta sunt alterius rationis. Sed relationes originis sunt alterius rationis, ergo personæ diuinæ cōstitutæ essent alterius rationis. Sed vbi constituta sunt alterius rationis ibi est productio æquiuoca, ergo in diuinis esset generatio æquiuoca, cuius cōtrarium probatum est supra. Præterea relationes cōmunes distinctiones requirunt in extremis sicut relationes originis, & æque sunt eadem essentiæ diuinæ, sed relationes communes non constituunt personas, ergo nec relationes originis. Præterea cui est notum constitutum ei est notum constitutum, sed cognita proprietate relatiua filij non cognoscitur filius, ergo filius non constituitur proprietate relatiua filij. Probatio minoris dicitur prouer. quod nomen eius, & quod nomen filij eius si nosti, & sic cognoscebat proprietatem filij, & tamen ignorabat filium.

Præterea relationes mouentis, & moti sunt impossibiles in eodē supposito, sicut patet quando volūtas vult, ergo similiter relationes producētis, & producti sunt cōpossibiles in eodem supposito, & sic non cōstituunt suppositū. Cōtra Boethius. Essentia continet vnitatē, relatio

In 2. q. 7. dist.

Prover. cap. 3.

In fine libri sui de tri.

autem multiplicat trinitatem. Circa istam quæstionem oportet primo videre si generatio generaliter sumpta ponit aliquam entitatem in re, & hoc patebit lib. ij. q. iij. distinct. j.

Opinio magistri, & præpositiui.

Insistendo ergo circa principale quæsitum sunt tres articuli secundum tres opiniones. Prima est Magistri, videlicet, quod personæ diuinæ seipsis cōstituuntur, & distinguuntur, & sic non oportet quærere quomodo constituantur, & distinguantur. Quod probat primo sic, persona diuina est æque simplex sicut essentia : sed essentia diuina propter suam simplicitatem à quocunque distinguitur seipsa distinguitur, ergo & persona seipsa distinguitur. Præterea abstractum, & concretum idem significant, sed pater, & paternitas habent se sicut abstractum, & concretum, ergo idem significant, ergo dicere patrem paternitate distingui, est dicere seipsum seipso distingui. Contra istam opinionem obiicitur sic, quæ nō sunt primo seipsis diuersa aliquo modo distinguuntur, & oportet quærere de eis quomodo distinguuntur: sed personæ non sunt primo seipsis diuersæ, quia cōueniunt in essentia, ergo oportet quærere de eis quomodo distinguuntur. Præterea in patre est generatio actiua, & spiratio actiua, sed in filio est spiratio actiua, & non generatio actiua, ergo oportet quærere quomodo distinguatur pater à filio. Præterea si pater seipso distinguitur a filio, pari ratione seipso distinguitur a spiritu sancto, ergo habet eandem relationem ad filium, & spiritum sanctum, ergo e contrario filius & spiritus sanctus habebunt eandem relationem ad patrem, quod est falsum. Ad primum opinionis Magistri concedo, quod persona est æque simplex sicut essentia, tamen persona includit aliqua quorū vnum non est aliud formaliter, vnde pater includit essentiam, & paternitatem similiter filius includit essentiam, & filiationem, & pater, & filius conueniunt in essentia nō in proprietate relatiua, ideo quæritur quo primo distinguuntur. Ad secundum dico, quod concretum & abstractum idem significant, sed differunt in modo significandi, quia concretum semper significat subsistens in forma vel natura, sed subsistens, in supposito includit essentiam, & relationem, & personæ subsistentes conueniunt

Vide Scotum in primo distinct. 4. q. 1.

niunt in essentia, & in proprietate relatiua, ideo quæritur quomodo distinguuntur.

Alia est opinio communis, quod personæ cōstituuntur in essentia personali per relationes. Quod probatur sic, personæ, aut constituuntur per relationes, aut per absoluta, sed non constituuntur per absoluta, ergo constituuntur per relationes. Probatio minoris, persona non constituitur eodem absoluto, quo cōuenit cum alia persona, ergo alio absoluto, sed absolutum additum absoluto facit compositionem, & sic in Deo esset cōpositio, quod est falsum. Præterea absolutum aut omnino manet, aut omnino transit, si omnino transit tunc non constituit personam, si omnino manet facit compositionem. Præterea eadem natura numero non potest esse in pluribus suppositis absolutis, sed essentia diuina est eadē numero in pluribus suppositis: ergo illa supposita non sunt absoluta, nec constituuntur per absolutum. Præterea relationes originis secundū omnes sunt in personis, aut ergo istæ relationes constituunt personas, aut non. Si cōstituunt habetur propositum: si non constituunt, ergo sunt aduentitii, & accidētales, & relationes rationis, quia supponunt personas iam constitutas. Præterea esse absolutū dicit perfectionem simpliciter, ergo personæ non cōstituuntur per absoluta. Minor probatur, quia constitutiū vnius personæ non est in alia persona, & sic aliqua perfectio simpliciter esset in vna persona, quæ non esset in alia. Si ergo quærat per quid cōstituuntur personæ, dicitur, quod per relationes originis, quia istæ relationes primo constituunt, quæ primo pullulant in essentia, sed huiusmodi sunt relationes originis, ergo relationes originis constituunt personas. Et si vltius quærat quomodo eadem natura potest esse in pluribus suppositis realiter distinctis, dicitur quod hoc est propter infinitatem essentia, & quia supposita sunt relatiua. Idem enim illimitatum potest esse fundamentum plurium relationum oppositarum.

Alia opinio dicit, quod personæ cōstituuntur per modos intrinsecos absolutos, qui modi sunt nobis incogniti, determinantur autem nobis personæ trinitatis per relatiuas proprietates, ita quod quasi à posteriori per istas.

Comunis opinio quoniam fere omnes Doctores tenent exceptis Gregorio Ariminense, & D. Bonaventura. dist. 2. primi sent. q. 1. & Ioanne de Ripis dist. 25. & 26. D. Tho. in parte Summa. q. 40. artic. 2. inquit quod relatio constituit non vtriusque originem sicut proprietates.

*D. Bona. in
primo sent.
distin. 25. q.
1.*

relationes aliququaliter cognoscimus personas. Quod autem personæ constituentur per absoluta, & non per relationes probatur sic. Illud quod præsupponit personam iam constitutam non constituit eam: sed relatio præsupponit personam iam constitutam, ergo. Probatio minoris. Nam illud quo aliquid refertur non constituit ipsum quod refertur: sed persona refertur relatione, ergo relatio præsupponit personam iam constitutam. Præterea originans est prius generatione originato; quia agere præsupponit esse in aliquo priori in quo quæritur: quia suppositum, vel est ad se, vel ad aliud. Si ad se tunc constituitur per absolutum. Si ad aliud puta ad originatum, ergo agere præsupponit esse. Præterea constitutum suppositi in aliqua natura facit per se vnum cum illa natura, sed relatio non facit per se vnum cum esse substantiali, ergo non constituit personam diuinam, quæ est aliquid in esse substantiali. Præterea quod est extra rationem substantiæ non constituit aliquid in esse substantiali: sed relatio est extra rationem substantiæ, ergo non constituit personam diuinam. Dico ergo quod inter tres opiniones 2. est verior, & magis catholica: quia saluator, volens exprimere personarum trinitatem, ipsam expressit nominibus relatiuis dicens. Euntes baptizate eos in nomine patris, & filij, & spiritus sancti.

*Secunda opinio est verior.
Matth. ultimo.*

Cap. 5. lib. 1.

Præterea Ioannes in canonica sua. Tres sunt, qui testimonium dant in cælo, pater, verbum, & spiritus sanctus. Præterea Damascenus. Omnia sunt vnum in Deo præter generare, & generari, & spirare, & spirari, quibus ab inuicem differunt sanctæ tres ypostases. Præterea Augustinus in multis locis, quicquid ad se dicitur commune est tribus, sed constitutum personæ non est commune tribus, ergo non est ad se, & per consequens non est relatiuum. Præterea Boethius. Essentia continet unitatem, relatio multiplicat trinitatem. Præterea arguitur per rationes sic. Inter personas diuinas est maxima connexio, sed non esset inter eas connexio si constituerentur per absoluta, ergo. Præterea cuius constitutum est absolutum potest intelligi per se esse sine alio absque contradictione: Sed pater non potest intelligi, vel esse sine filio, ergo. Vltimo sic illa sunt formalia constitutiva

Lib. de trin.

*In fine libri
sui de trin.*

aliquorum quibus circumscriptis ipsa remanent penitus indistincta: Sed relationibus circumscriptis a personis ipsa remanent penitus indistinctæ, ergo personæ constituuntur per relationes. Ad argumenta tertiæ opinionis, quæ posuit personas distinguere per modos intrinsecos absolutos sive per proprietates absolutas. Respondedo ad primum per interemptionem minoris. Ad probationem cum dicitur, quod illud quo aliquid refertur non constituit ipsum, dico quod hoc verum est in relationibus creaturarum, quæ sunt accidentia, sed ista propositio est falsa de relationibus diuinis, quæ non sunt accidentia: sed sunt relationes subsistentes. Ad secundum dicitur multipliciter, primo, quod relatio dupliciter potest accipi, scilicet in quantum relatio, vel in quantum proprietas. Et isto modo relatio diuina constituit, & præcedit. Aliter dicitur, quod relatio dupliciter dicitur in diuinis scilicet relatio in quantum relatio, & relatio in quantum origo, & isto secundo modo relatio diuina constituit, & præcedit. Aliter dicitur, quod in relatiuis est simultas, & prioritas. Simultas quidem naturæ, & prioritas originis quæ harum solutionum sit verior dicetur infra. Ad tertium dico, quod relatio est duplex scilicet inherens sicut in creaturis, & per se subsistens sicut in diuinis, prima relatio non facit per se vnum cum natura, sed secunda. Sic eodem modo ad quartum. Concedo enim quod relatio inherens non constituit suppositum in esse subsistentiæ, sed relatio diuina non est inherens sed subsistens. Ad primum principale dico, quod generatio æquiuoca non accipitur penes suppositum, sed penes terminum formalem ipsius geniti. Et ideo ubi est similitudo immo summa idemptitas inter generans, & genitum respectu termini formalis, ibi est maxima generatio vniuoca, & non æquiuoca. Sic autem est in proposito quia essentia, quæ est terminus formalis generationis est penitus eadem in patre, & filio. Ad secundum dicunt antiqui, & bene quamuis aliqui arguant contra, quod relationes originis constituunt, & non relationes communes, quia illæ relationes, quæ primo pullulant in essentia. Relationes autem primo pullulantes sunt relationes originis. Ad tertium dico, quod

Ad argumenta 3^o opinionis.

Relatio accipitur duobus modis.

D. Thom. I. parte summa q. 40. art. 2.

Dist. 28.

Relatio duplex.

Dicimus quod pater constituitur per essentiam tantum quæ per principium conuenientie per

*paternitatem
tanquam per
principium
diffundipat-
ris à quoli-
bet alio.*

*Relationes
sunt in tri-
plici diffe-
rentia.*

eodem modo cognoscitur filius quomodo cognoscitur relatio constitutiua filij: Et quia relatio constitutiua filij cognoscitur in eomuni, ideo filius cognoscitur in communi. Ille autē sapiens quærebat notitiā filij magis in speciali. Ad vltimum dico, quod quædam sunt relationes causæ & causati, quædam sunt relationes producentis, & producti, quædam sunt relationes mouentis, & moti. Relationes causæ, & causati nō sunt impossibiles nec in eadem natura, nec in eodem supposito. Sed mouentis ad motum sunt cōpossibiles in eodem supposito, & in eadem natura: & hoc quia mouentis ad motum est dependentia accidentalis. Non est autem inconueniens aliquid accidentaliter dependere a seipso. Imo non est simile de relatione mouētis, & moti, & de relatione producentis, & producti, eo quod relationes producentis, & producti sunt impossibiles in eadem natura, si illa natura est illimitata, sicut est natura diuina, sed non sunt impossibiles in eodem supposito.

DISTINCT. XXVII.

Vtrum verbum mentis creatæ sit intellectio actualis.

Hoc idem querit Scotus 1. sent. dist. 17. q. 1.

D. Thomas prima parte q. 34. Artic. 1.

Durandus 1. sent. dist. 26. q. 2.

Franciscus de Mayronis 1. sent. dist. 27. q. 1.

Baconitanus primo sent. dist. 27. q. 1.

QVAESTIO I.



Hic queri potest: Circa istam xxvij. distinctionem queruntur duo, vnum de verbo nostro, aliud de verbo diuino. De verbo nostro queritur. Vtrum verbum mentis creatæ sit intellectio actualis? Viderur quod nō, per Aug. Verbum quod foris sonat, signum est eius verbi, quod intus latet. Sed verbum, quod foris sonat significat obiectum non actualem intellectionem, ergo verbum est obiectum.

*15. De trin.
c. 11. & 25.*

*8 de trin.
c. 6.*

Præterea, Aug. ist. dicit, fantasma chartaginis hoc est verbum eius: sed fantasma sumitur pro specie charta-

ginis, ergo verbum est species, & non intellectio actualis. Contra Aug. in sermone de Natiuitate Ioannis Baptistæ assignans differentiam inter vocem, & verbum, dicit, quod vox est index cogitationis, verbum autem est ipsa cogitatio. Circa istam quæstionem, propter dubium primi articuli oportet videre si verbum quod foris sonat, id est, verbū sensibile significet principaliter cōceptū mentis, vel rē extra. Secundo dicetur ad quæstionē.

De primo sunt quatuor modi dicendi, vnus, quod verbum sensibile principaliter significat conceptum mentis, quia philosophus dicit in lib. peryhermenias, quod voces sunt signa earum, quæ sunt in anima passionum. *1. Opinio.*

Præterea, Aug. in enchiridion dicit, quod nomina sunt imposita ad significandum conceptiones animorū. *1. Peryher.*

Præterea, verbum sensibile illud principaliter significat in quo consistit veritas vel falsitas. Sed veritas vel falsitas consistunt principaliter in mente, ergo verbum *c. 1.*

sensibile principaliter significat conceptum mentis. Alia opinio dicit, quod verbum sensibile principaliter significat rem ad extra, quia alias nulla esset propositio vera, *Secunda opinio.*

nisi in qua prædicaretur idem de seipso, dicendo enim homo est animal esset dicere conceptus hominis est conceptus animalis. Præterea illud principaliter significat verbum, quod primo concipitur a loquente, sed illud est res extra, ergo. Alia opinio dicit, quod verbū sensibile habet duplicem habitudinem, vna ad proferentem, *Tertia opinio.*

& sic significat conceptum mentis, aliam ad audientem, & sic significat rem extra. Quarta opinio dicit, quod verbum sensibile duo significat, scilicet conceptum mentis vt à quo emanat, & rem extra quam imponitur ad significandum. Sed obijcitur contra istam opinionem. Omne verbum siue omnis vox est sic æquiuoca, vel analogica: quia significat diuersa. Respondetur, quod vox non est æquiuoca ex eo, quod significat diuersa tantum, sed quia significat diuersa obiectiue: sed verbum non sic significat, quia significat cōceptum mentis, vt à quo emanat, rem autem significat, vt obiectum.

De secundo articulo sunt opiniones duæ. Vna Henrici qui dicit, quod verbū non est intellectio actualiter sed est notitia declaratiua. Modus autē suus ponendi est iste *Henricus lib. 6. q. 1.*

art. 54. q. 10.
 & quod lib.
 2. q. 2.

primo dicit intellectum esse nudum, & iste intellectus nudus recipit notitiam ab obiectione, quæ vocatur notitia essentialis in qua intellectione intellectus est pure passiuus. secundo quod intellectus est immaterialis, & conuertit se supra se, & intellectus in formatus notitia priori exprimit notitiam declaratiuam in qua intellectus sic informatus se habet actiue, & ista notitia declaratiua dicitur verbum. Et consimiliter ponit verbum in diuinis, ponit enim, quod generatur verbum diuinum per conuersionem intellectus paterni supra intellectum informatum notitia simplici. Contra istam opinionem obijcitur sic, quia irrationale videtur eadem potentiam esse actiuam respectu vnius actus, & passiuam respectu alterius, visus enim non est passiuus respectu vnius actus videri, & actiuus respectu alterius, ergo intellectus, non est actiuus respectu notitiæ simplicis, & passiuus respectu notitiæ declaratiuæ. Præterea si illa notitia essentialis, vel simplex est principium declaratiuæ notitiæ, hoc est, aut quando est, aut quando non est. Si quando est tunc duo actus erunt simul in eadem potentia. Si quando non est ergo non ens est causa gignendi ens. Præterea imperfectus non est causa gignendi perfectus, sed notitia simplex est imperfectior notitia declaratiua, ergo non est ratio gignendi eam. Præterea illud quod dicit de conuersione intellectus diuini ad formationem verbi videtur esse falsum: quia conuersio est actio: sed actiones sunt suppositorum, ergo illa conuersio est alicuius suppositi. Et tunc quæro cuius suppositi sit: quia aut est suppositi filij, aut suppositi patris, si est suppositi filij cum illa conuersio præcedat generationem filij per te, sequitur, quod ante filium sit filius, quod est hæreticū, si dicas quod est suppositi patris, tunc arguitur sic. Cuius est intellectus ut conuertit se supra intellectum informatum notitia simplici eius est ut recipiat notitiam declaratiua, ut patet per phil. nono metaphy. Existente enim passio summe disposito statim sequitur actio. siue receptio, sed primæ personæ scilicet suppositi patris est intellectus, ut conuertit se supra intellectum informatum notitia simplici, ergo eius intellectus est, ut conuersus recipiat notitiam declaratiua, sed notitia declaratiua est ipsum verbum ergo verbum siue filius idem est quod pater, quod est hæreticū. Alia est

primo met.
 in probatio.

opinio doctoris nostri, quòd verbū est intellectio actualis. Ad cuius euidentiā sciendum, quòd verbum est actus intelligentiæ productus vel genitus à memoria perfecta non habens esse sine actuali cognitione repræsentans secundam personam in trinitate, idest verbum diuinū. 1. & 2. conditio patet per August. tertia cōditio patet per Aug. quarta conditio patet per eundem: verbū enim nostrum inquisiuit beatus August. de verbo diuino. Ex his colligitur quòd verbū spectat ad actū intelligentiæ, sed intelligētia stricte sumēdo est intellectus actualiter, & obiectū cognitū est species, sed verbū, nec est species, nec obiectū, ergo est intellectio actualis. Sed remanet dubiū si quælibet actualis intellectio est verbū & dicitur vno modo, quòd non, quia oportet addere notitiā declaratiuā. Cōtra, si verbum est notitia declaratiua, ergo in quocunq; est notitia declaratiua formaliter, ibidē est formaliter verbum, sed in patre est formaliter notitia declaratiua, ergo in patre est formaliter verbū, quod est falsum. Minor probatur: quia pater diligit se, & ista dilectio est sui ipsius declaratiua. Ideo aliter dicitur, quòd verbū est intellectio actualis, quæ est terminus inquisitionis, quia verbū est proles, & partus, sed nō est partus nisi quia repertū, non autem est repertū nisi quia inquisitū, ergo verbum dicit terminū inquisitionis. Contra hoc obicitur, tū quia Deus non haberet verbum de se, tum quia angeli non haberent verbum de naturaliter sibi cognitis: tum quia beati in patria non haberent verbum de essentia diuina, quia non est in eis talis inquisitio. Ideo aliter dicitur & melius, quòd verbum est actualis intellectio quæ est notitia genita, & propter hoc in patre nō est formaliter verbum, quia nō est in eo formaliter notitia genita. Notandum autē, quòd verbū est duplex scilicet perfectum, & imperfectum. Imperfectū quidem requirit actualem ordinem inquisitionis. Perfectum autem verbum non: sed sic sufficit habitualis cognitio vel notitia eius quæ est verbum. Ad primū principale si teneatur quarta opinio posita in primo articulo, patet, quòd verbū est signū conceptus vt a quo emanat, est signū rei ad quā ponitur significandum. Ad secundum patet cum dicitur, quòd fantasma carthaginis est verbum eius, dico

9. de tri. cap.
ultimo 15. de
tri. cap. 10.
c. 24.

*Verbum quid
sit secundum
alios.*

*Verbum quid
sit secundum
S. osum.*

*Verbum du-
plex.*

Cap. 15, de ma-
gnis.

quòd verum est effectiue sed non formaliter, nam verbum producit à memoria, & memoria non includit intellectum sed obiectum, vel aliquid supplens vicē obiecti, vnde fantasina carthaginis. i. species eius est verbū eius: quia effectiue, vel causatiue se habet ad verbum: quia supplet vicem obiecti, quare &c.

Virum Verbum diuinum sit proprium personæ Genitæ: vel per alia verba?

Vtrum Verbum Diuinum dicat quid essentiale vel personale?

Hoc idem questum mouet Scotus I. sent. dist. 27.

Franciscus de Mayronis I. sent. dist. 27.

QVÆSTIO II.

9. de Trinit.
cap. 10.



ECUNDO quæritur. Vtrum verbum diuinum sit proprium personæ genitæ, vel per alia verba? Vtrum verbum diuinum dicat quid essentiale, vel personale? Et videtur, quòd dicat essentiale. Quia secundum Au-

7. de Tri. c. 4.

gustinum verbum est cum amore notitia, sed omnia posita in ista diffinitione verbi sunt essentialia, ergo verbū est quid essentiale. Contra, Augustinus dicit. Eo est verbum quo filius: sed filius est quid personale, ergo est verbum. Circa istam quæstionem sunt duo articuli secundum duas opiniones: vna est singularis quam nullus tenet excepto vno. scilicet quòd verbum non dicatur personaliter in diuinis, quod probat sic.

Opinio Durandi præsentis distinct.

Quod non dicit emanationem realem non dicit aliquid personale: sed verbum nō dicit emanationem realem, ergo verbum non dicitur personaliter. Probatio minoris. Verbum dicit emanationem intellectualem alias intelligibilem ab intelligente: sed taliter emanatio non est realiter, imo est emanatio rationis, ergo. Præterea verbum & dicere consimiliter se habent in Deo, sed dicere est essentiale, & nō personale, ergo & verbum. Probatio minoris, quia quòd est commune tribus, est essentialiale, sed dicere est cōmune tribus, quia fundatur super

actum creādi, qui cōuenit tribus, iuxta illud psal. Dixit, & facta sunt, ergo dicere est essentiale. Præterea de ratione verbi est, quod sit declaratiuum, & declarare conuenit ratione essentia, ergo verbum est quid reale.

Alia opinio est ad oppositum, & illam teneo, scilicet, quod verbum est personale, & proprium personæ genito. Et istā opinionem tenet magister in litera, istius distinctionis. Pro qua arguitur sic. Abstractum & concretū idem significat. Exemplū huius nā paternitas significat relationem, similiter pater significat relationē, sed verbum, & verbatio se habent sicut concretum, & abstractū, ergo idē significat, sed verbatio significat relationē, ergo & verbū, sed talis relatio est personaliter, ergo verbum dicit quid personale. Præterea illud quod de sua ratione importat rationem imaginis est personale: sed verbum de sua ratione importat imaginem, per Augustinū, ergo verbum est personale. Præterea illud quod dicit filius in natura non intelligente hoc dicit verbū in natura intelligente: sed filius in natura non intelligente est relatiuum, ergo & verbum in natura intelligente (sicut est natura diuina) dicit relatiuum, & per consequens est personale. Vltimo sic, quod dicit emanationē realem in diuinis est personale: sed verbum est huiusmodi, per Augustinum, ergo verbum est personale. Per hoc patet ad primum alterius opinionis quia minor est falsa, & cum probatur, quod verbū dicit emanationē intellectiōis dico, quod emanatio ab intellectu est duplex. Vna dicit relationem rationis, & ista conuenit creaturis. Alia dicit relationem realem, & ista habet locū in Deo.

Ad secundum dico, quod minor est falsa nec probatio valet, quia dicere dupliciter dicitur in diuinis. Vno modo pro imparare, & isto modo accipitur dicere respectu creationis. Alio modo accipitur dicere proprie vt dicit productionem per modum memoriæ, & illud dicere cōuenit formaliter soli filio. Ad vltimum dico quod declarare per modū emanationis competit soli filio, quia ex vi suæ emanationis ipse solus est imago patris. Ad argumentum in contrarium. August. dicit illud de verbo creato, & non de verbo diuino. Nam ad informationem verbi creati concurrat voluntas, quæ copulat actiū

Psalm 148.

Aut hor tenet

opinionem

Magistri ca.

6. istius dist.

6. de tri. capit.

ultimo.

7. de trin. c. 7.

Emanatio

duplex.

Dicere duo

bus modis di-

citur in diui-

nis.

intelligentiæ obiecto cognito, ideo dicit verbum est cum amore notitia.

DISTINCTIO XXVIII. & XXIX.

Vtrum ingenitum sit proprietas patris?

Hoc idem querit Scotus 1. sent. dist. 28. q. 1.

D. Bonauentura primo sent. dist. 28. q. 3.

Alexander Aletis prima parte q. 69. membro 3.

D. Thomas prima parte, quæ suo. 33. Artic. 4.

Ricardus 1. sent. dist. 28. q. 2.

Due indus primo sent. dist. 28. q. 2.

Franciscus de Mayronis primo sent. dist. 28. q. 1.

QVÆSTIO I.

PRÆTEREA considerare oportet. Circa istā dist. 28. & 29. quæruntur tria. primo. Vtrum ingenitum sit proprietas patris. Et videtur, quod non, quia proprietas personaliter non dicitur de essentia, sed hæc est vera, essentia est ingenita, ergo ingenitum non est proprium patris. Minor probatur sic. Ad affirmatiuam de prædicato finito sequitur negatiua de prædicato infinito, sed hæc est vera, essentia est non genita, & hæc est de prædicato finito, ergo hæc est vera, essentia est ingenita. de prædicato infinito, sicut eā probat August. vbi vult quod idem sit ingenitum, & non genitum. Præterea quod est proprium vni personæ nō dicitur de altera, sed ingenitum dicitur de spiritu sancto ergo non est proprietas patris. Minor probatur sicut minor præcedentis rationis. In contrarium est Magister in litera. Circa istam quæstionem sunt duo videnda. Primum quomodo ingenitum conuenit patri, secundo si est proprietas patris.

Quantum ad primum dico, quod ingenitum est multipliciter multiplex. Cuius ratio est ista, dictūq; composita ex particula multiplici, & ex particula priuatiua est multiplex, multiplicitate particule affirmatiuæ, & multiplicitate priuationis, sed ingenitum est huiusmodi, quia componitur ex genito, & ex in. quod dicit priuationem. Genitum autem, & priuatio dicuntur

2. peryher.
cap. 1.

3. de Tri c. 7.

multipliciter, ergo ingentum dicitur multipliciter. Maior patet, phil. distinguit impositam penes multiplici-
 citatem positione, & penes multipliciter priuationis. *5. met. cōtex. 17.*

Prima pars minoris, scilicet. quod ingentum dicatur multipliciter patet quia genitum dicitur vno modo per
 respectum ad terminum totalem sicut ponit philo. quod *5. Met. cōtex. 27.*

solum compositū per se generatur, secundo dicitur ge-
 nitum terminus formaliter puta forma, tertio dicitur ge-
 nitum quodlibet productum, large tamen. Similiter pri-
 uatio dicitur multipliciter. Nam aliquid priuatur aliquo *5. met. con-
 tex. 23. & 26.*

quando caret eo quod competeret ei secundum suam
 speciem, sicut homo dicitur priuatus visu, quia videre
 competit homini secundum quod homo, secundo pri-
 uatur aliquid quando caret eo quod debet habere secū-
 dum rationem generis propinquū, sicut talpa priuatur vi-
 su quem deberet habere secundū, quod animal quod est
 genus propinquum, tertio priuatur aliquid quando caret
 aliquo. quod deberet habere secundum rationem gene-
 ris remoti, sic lapis priuatur animalitate, quæ deberet ei
 competere secundum rationem entis, vel substantiæ. Ex

*Priuatio di-
 citur multis
 modis.*

his dico quod similiter ingentū dicitur tripliciter. Vno
 modo secundū quod dicit negationē extra genus prædi-
 camenti. quia non est ab aliquo nec per generationē, nec
 per inspirationem, nec per aliquam productionē, & sic in-
 gentum cōperit soli patri. Alio modo dicitur ingentū
 prout dicit negationem infra genus. i. secundū. quod ne-
 gat vnum modum producendi, qui dicitur generatio, &
 sic spiritus sanctus potest dici ingentus quia non gene-
 ratur. Alio modo dicitur ingentum prout dicit nega-
 tionem productionis in ratione termini producti tota-
 liter. vt totalitas, aspiciat suppositum puta in cōmunica-
 bilem substantiam, & sic essentia potest dici ingenta.

*Ingentum
 dicitur tribus
 modis.*

De secundo principali, scilicet si ingentum est pro-
 prietas patris dicit vna opinio duo. primo. quod ingeni-
 tum proprie nō dicit proprietate personalem, quia nihil
 dicit proprietatē personalem nisi quod spectat ad dignita-
 tem: sed ingentum cum dicat negationē non spectat ad di-
 gnitatem ergo non dicit proprietatem personalem, se-
 cūdo dicit, quod ingentum dicit proprietatem ratione
 connotati, inquantum connotat fecunditatē quæ est in

*Quomodo es-
 sentia sit in-
 genita.*

D. Bona. li.

1. dist. 27. q.

2. & dist. 28.

q. 1. & dist.

13. q. 4.

9. d. 11. c. 6.

Vide Scotum
3. q. quolibet.

Dignitas du-
plex,

patre respectu generationis filij, & productionis spiritus sancti. Contra primum dictum obiicitur, quia proprietas personalis dicit dignitatem siue nobilitatem, cum proprietas vnius personæ non sit in altera, sequitur, quod aliquid dignitatis, & nobilitatis sit in vna persona, quod non sit in alia. Contra secundum obiicitur sic. Ingenitum aut connotat sœcunditatem respectu generationis, & hoc per August. Si pater non genuisset filium nihil prohiberet eum ingentum esse, aut connotat sœcunditatem respectu productionis spiritus sancti, & hoc nō, quia dato per impossibile, quod non produceretur spiritus sanctus adhuc poneretur aliud suppositum ingentū. Imo dico, quod ingentum sub propria ratione vt dicit non esse ab alio, est proprietas patris, & nō oportet, quod dicat dignitatē: sufficit tamen sibi quod non dicat oppositum. s. indignitatem. Vnde sicut relationes originis nō dicunt perfectionē simpliciter nec imperfectionem, ita innascibilitas non dicit dignitatem, nec indignitatē. Si autem velis omnino cōcedere, quod proprietas dicat dignitatem. Respondeo distinguendo, quia dignitas est duplex. s. absoluta & personalis, & sic licet ingentum non dicat dignitatem absolutam, potest tamē concedi quod dicat dignitatem personalem. Ex dictis in primo articulo patet ad argumenta principalia quomodo ingentum dicitur de essentia, & de spiritu sancto.

Vtrum innascibilitas sit proprietas constitutiua patris?

Hoc idem querit Scotus 1. senten. dist. 28. q. 2.

D. Bona. primo sent. dist. 27. q. 2. & 28. q. 1. Et dist. 13. q. 4.

D. Thomas prima parte q. 40. Artic. 2. Et 4.

QVAESTIO II.

SE C U N D O queritur. Vtrum innascibilitas sit proprietas cōstitutiua patris? Videtur quod sic, quia pater aut constituitur paternitate, aut innascibilitate: sed non constituitur paternitate, ergo constituitur innascibilitate. Probatio mino-

ris, prius est suppositum quod agat, & generet: quia agere præsupponit esse, ergo pater in illo priori, aut est suppositum ad se, & sic non constituitur paternitate, aut est ad aliud: puta ad filium, & sic filius est antequam generetur. Præterea hæc est vera in diuinis innascibilitas est paternitas, ergo si pater constituitur paternitate sequitur, quod constitutatur innascibilitate. Contra si filius constituitur filiatione, ergo pater constituitur paternitate, & sic non constituitur innascibilitate. Circa istam quæstionē primo ponetur vna opinio, secundo vna alia, tertio dicetur ad argumenta primæ opinionis.

Quantū ad primū dicit vna opinio antiqua, quod innascibilitas est proprietas constitutiua patris, quod probatur sic. Persona patris cum sit prima constituitur per primam proprietatē: sed innascibilitas est prima proprietas, ergo constituit patrem. Minor probatur multipliciter. Primo per Augustinum. Si pater non genuisset filium nihil prohiberet eum ingenuitum esse. Secūdo sic, quia innascibilitas dicit modum essendi, paternitas autē dicit modum comunicandi, sed modus essendi est prior modo comunicandi, ergo innascibilitas est prior paternitate. Tertio illa est prima proprietas ad qua stat vltima resolutio, vltima resolutio stat ad innascibilitatem, ergo innascibilitas est prima proprietas. Minor probatur, dicimus enim quod spiritus sanctus est à patre, & filio, filius autem à solo patre, pater autē à nullo, sed esse à nullo est esse ingenuitum. Quarto sic, innascibilitas dicit carentiā originis ad primum, paternitas autem dicit ordinem ad secundum. Sed prior est comparatio ad primum, quam ad secundum, ergo innascibilitas est prior paternitate. Secundo arguitur principaliter pro opinione sic. Illud constituit patrem quo pater generat, sed pater generat innascibilitate, ergo innascibilitas constituit patrem. Probatio minoris filius nō generat, quia est genitus, ergo pater generat, quia est ingenuitus. Tertio sic, proprietas constitutiua est incommunicabilis, sed paternitas nō est incommunicabilis cum reperiatur in creaturis. Innascibilitas autem est incommunicabilis, ergo innascibilitas constituit patrē. Pro ista opinione possunt adduci quinque rationes, quæ sunt positæ superius, pro tertia

Agere præsupponit esse.

D. Bona. in

prin. dist.

27. q. 2. Et

dist. 20. q. 1.

5. De trin. 26

Dist. 27.

opinione illius quæstionis, require supra cum solutionibus.

*Vide Scotum
in repetitis
dist. 28. q. 1.*

Alia est opinio, quam teneo, quòd innascibilitas non est proprietas constitutiuæ patris, pro qua congrue arguit Sco. sic, primum suppositum diuinum non potest constitui per illud quod dicit priuationem formaliter, sed innascibilitas dicit priuationem formaliter, ergo. Maior pater: quia suppositum in diuinis constituitur per illud quod habet esse reale, priuatio autem nullam realitatem dare potest.

Præterea, si illa persona constitueretur in esse personali per innascibilitatem sequetur quòd esset magis necesse esse quam aliæ personæ, sed hoc est inconueniens, ergo prima persona non constituitur, per innascibilitatem. Maior probatur. quia ista proprietas cum sit relatiua non habet esse per connexionem cum aliis.

Præterea, personæ sunt æque perfectæ in personalitate, sed filius, & spiritus sanctus constituuntur in esse personali per proprietates relatiuas, ergo, & pater.

Vltimo sic. Inter personas diuinas est essentialissima connexio: sed si pater constitueretur per innascibilitatē non esset talis connexio inter personas, quia magis sunt connexa relatiua, quam absoluta, ergo pater non constituitur per innascibilitatem.

Ad primum alterius opinionis respondeo per interpretationem minoris. Ad primam probationem per Augustinum dicitur vno modo, quòd Augustinus non respexit ad naturam essendi, sed ad naturam intelligendi tantum, quòd intellectus potest fieri super ingenitum, & non super genuisse: sicut intellectus potest fieri super siccitatem non ferendo se super corruptionem humorum. Aliter dicitur, quòd illud verbum non est Augustin. principaliter, & ex intentione. sed habet illud verbum ab Arrianis contra quos disputabat, & ideo accipit illam propositionem non tanquam suam, sed tanquam datam ab aduersario.

Ad secundam propositionē illius minoris. dico, quòd paternitas dicit modum communicandi, & modū essendi. Ad tertiam probationem minoris dico, quòd nō est ab alio, bene tamen est vltima proprietas in resoluendo,

sed non in constituendo. In resoluendo dico, quia relatio paternitatis dicit esse à nullo. Ad quartam probationem dicit Scotus, quòd negatio respectu ad primum est prior in absolutis, non tamen in respectiuis, quæ constituuntur relatione positua, sicut est in proposito.

Scotus in reportatis dist. 28. q. 1.

Ad secundum nego minorem, ad probationem quare filius non potest generare, dico, quòd ratio est, nò quia est genitus, sed quia habet principium generandi per productionem adæquatam sicut patuit.

Ad tertium dico, quòd proprietas constitutiuua non tantum debet esse incommunicabilis, sed etiam positua, & quia ingenitum non dicit proprietatem positua, ideo non constituit, paternitas autem est proprietas positua & constitutiuua. Et cum dicis paternitas est communicabilis, dico quòd paternitas inquantum paternitas est communicabilis, sed non inquantum diuina.

Dist. 2.

Quomodo paternitas sit communicabilis & incommunicabilis.

Ad primum principale negetur minor, ad probationem dicitur vno modo secundum viam Thomæ, quòd paternitas potest dupliciter considerari, scilicet inquantum relatio, & sic non præcedit, vel inquantum proprietates, & sic constituit, & præcedit.

Contra proprietas inquantum proprietas constitutiuua aut dicit entitatem ad se aut ad aliud, si dicit entitatem ad se, ergo constituit suppositum absolutum, si autem dicit entitatem ad aliud, idest ad filium, ergo filius est antequam generetur sicut suppositum primum, puta patris præcedit generationem, dicitur distinguendo de relatione, quia est relatio vt relatio, & est relatio, vt origo, & isto secundo modo constituit, & præcedit.

D. Thomas 1. parte summa q. 40. ar. 2. et 4.

Contra istam solutionem arguitur sicut contra præcedentem, quia relatio vt origo aut dicit entitatem ad se aut ad aliud, si ad se, ergo constituit suppositum absolutum, si ad aliud puta ad filium, ergo filius est ante generationem origine. Ideo dicitur aliter, quòd pater, & filius sunt relatiua, relatiua autem sunt simul natura, sed cum ista simulate stat prioritas originis sicut ponitur per Auicennam vbi vult, quòd causa, & causatum sunt simul natura, & tamen origine causa præcedit causatum.

Prioritas nature duobus modis accipitur apud Scotum Vide 4. q. quolibet.

Ad secundum dicitur, quòd ista non est vera idéptice,

vel formaliter paternitas est innascibilitas: quia quando vna formalitas verificatur de alia prædicatione idempti-
ca oportet, quòd ambæ, vel ad minus altera dicat infinitatem: sed nec paternitas nec innascibilitas sunt infinitæ cum non dicant perfectionem simpliciter, &c.

Vtrum in diuinis sit ratio principij?

Hoc idem querit Scotus primo sent. distin. 29. quest. 1.

D. Bona 1 sent. dist. 29. q. 1. Artic. 1.

Alexander Aletensis prima parte q. 70. membro 1. Art. 1.

D. Thomas prima parte q. 33. Artic. 3.

Ricardus 1 sent. dist. 29. q. 1.

Durandus 1 sent. dist. 29. q. 1.

QVÆSTIO III.

TERTIO quæritur ex materia, & conclusione distinctionis. Vtrum in diuinis sit ratio principij? Videtur quòd non, quia principij, & causa sunt idem, sed in diuinis non est ratio causæ, ergo nec ratio principij. Contra.

*6. Met. c. 1. 4.
de tri. ca. 20.*

Magister in littera, & Augustinus pater est principium totius deitatis.

*Quomodo in
Deo sit ratio
principij.*

Circa istam quæstionem pono quinque conclusiones.

Prima est, quòd in Deo est, vere ratio principij quæ probatur sic, vbi est vera productio ibi est principium: sed inter personas diuinas est vera productio, ergo est vere principium.

*In Deo non
est principij
sub ratione
causæ.*

Secunda conclusio est ista, quòd in Deo non est principium sub ratione causæ. Cuius ratio est ista. Causa est ad quam sequitur effectus in diuersitate naturæ: sed in diuinis non est diuersitas naturæ: quia eadem est essentia numero in tribus personis, ergo non est ibi principium sub ratione causæ.

*Quomodo per
sonæ diuinæ
sunt principij,
& causæ.*

Tertia conclusio est, quòd personæ diuinæ per comparisonem ad creaturam sunt principium & causa, quia vbi est effectus cum diuersitate naturæ ibi est principij, & causa, sed creaturæ sunt effectus Dei in diuersitate naturæ, quia creaturis non communicatur diuina natura,

ergo

ergo respectu creaturarum personarum sunt principium, & causa.

Quarta conclusio, quod principium dictum de principio ad intra non dicitur uniuoce, quia enti reali, & enti rationis nihil est commune uniuocum, sed principium ad intra dicit relationem realem, principium autem ad extra dicit relationem rationis, ut per principium accipitur habitudo, ergo principium non dicitur uniuoce de eis. Minor patet, quia Dei ad creaturam non est relatio realis.

Quinta conclusio, quod principium dictum de principio ad intra respectu generationis filij, & de principio ad intra respectu spirationis spiritus sancti dicitur uniuoce, quod probatur sic. Ratio neutra respectu aliquorum essentialiter inclusa in eis dicitur uniuoce: sed principium est huiusmodi, ut dicitur de principio generationis, & spirationis, quia potest esse certa certitudo de principio, ut sic ignorato, utrum sit hoc, vel illud principium igitur dicitur uniuoce de hoc, & de illo principio.

Ad argumentum in contrarium dico, quod principium in plus se habet quam causa, quia omnis causa principium, sed non e converso. Ideo in Deo ponitur ratio principij ad intra sine ratione causae, quia causa est ad effectum cum diuersitate naturae.

Causa, & principium nō conuertuntur theologicè loquendo.

DISTINCTIO XXX.

Utrum Deus referatur relatione reali ad creaturas?
vel sic. Utrum Dei ad creaturas sit
relatio realis?

Hoc idem mouet Scotus primo sent. distincti. 30. q. 2.

Alexander Alensis prima parte q. 53. membro 4. artic. 2.

D. Thomas prima parte, questio. 13. Articuli. 7.

Richardus primo sent. dist. 30 q. 4.

Durandus primo sent. dist. 30 q. 3.

Franciscus de Mayronis 1. sent. dist. 30 q. 1.

Bacconianus 1. sent. dist. 19. q. 1.

QVAESTIO I.

SVNT enim quædā questio. Circa istam distinctionem xxx. quæritur. Vtrum Deus referatur relatione reali ad creaturas? vel sic. Vtrum Dei ad creaturas sit relatio realis? Videtur, quod sic, quia scientia refertur realiter ad scibile, sed Deus habet scientiam realem de creaturis, ergo refertur realiter ad creaturas.

*Scientia non
refertur ad-
scibile in actu
sed adscibilo
in potentia.*

Præterea relationes fundatæ super actionem, vel passionem, vel super potentiam actiuam, vel passiuam sunt reales, sed tales sunt relationes Dei ad creaturas in quantum Deus est causa effectiua creaturarum, ergo.

Præterea relationes fundatæ super quantitates sunt reales: sed tales sunt relationes inequalitatis Dei ad creaturas, quia illa inæqualitas est in virtute infinita Dei, & in virtute finita creaturæ, ergo.

Præterea illa relatio est realis, quæ manet circumscripto opere intellectus: sed circumscripto omni opere intellectus, Deus est dominus creaturæ, ergo ista est relatio realis.

Præterea sicut forma denominat subiectum, ita est in subiecto: sed dominus realiter denominat Deum, quia Deus realiter est dominus creaturæ, ergo ista relatio est in Deo, & sic Dei ad creaturam est relatio realis.

Præterea distinctio realis dicit relationem realem, sed inter Deum, & creaturam est distinctio realis, ergo Dei ad creaturam est relatio realis.

Contra relatio realis non est sine dependentia: sed Deus non dependet à creatura, ergo non habet relationem realem ad creaturam.

Circa istam quæstionem sunt duo videnda. Primo si relatio in creaturis differat realiter à fundamento. Secundo principale quæsitum, primum articulum, vide.

De Secundo articulo, scilicet si Dei ad creaturam est relatio realis communiter doctores concordant in partem negatiuam, sed diuersitas est in modo probandi: Henricus probat eam sic. Illud quod est realiter relat-um est realiter ad aliud ordinatum, quod autem est ad aliud ordinatum dependet ab eo, & quod dependet est mutabile: quod autem est mutabile est imperfectum: quia caret perfectione ad quam mutatur, quod

*Lib. 2. q. 4.
art. 3.*

*Henr. eius
quolib. 3. q. 4.*

autem est imperfectum est limitatum, sed Deus non est limitatus, nec imperfectus, nec mutabilis, nec dependet à creatura, ergo Deus non refertur realiter ad creaturâ: Et quia aliquis posset instare contra potentiam deductionis: quia in personis diuinis est vera relatio, & tamē vna non est imperfecta respectu alterius, nec dependet. Ideo intelligendum est cum dicitur relatum ad aliud ordinari de relatiuo diuerso in natura, personæ autem diuinæ non sunt diuersæ in natura.

Contra istam rationem obiicitur primo sic. Si essent duo albissima in summo, inter ea esset relatio similitudinis, & tamen vnum non dependeret ab alio, sicut à quo reciperet perfectionem.

Arguitur, cō- tra Henricū.

Præterea agens creatum licet sit imperfectum tamen inquantum agit est perfectum, quia agere competit sibi ratione actus, sed agens inquantum agit dicitur relative, ergo non est de ratione eius quod dicatur relative esse imperfectum.

Præterea, si a. inquantum causat b. dicitur ad b. relative dependeret ab a. & sic idem depēderet ab alio, & terminaret dependentiam eius, à quo dependeret, & sic esset circulatio in essentialiter ordinatis, quod est inconueniens, ex primo posteriorum.

Aliter probatur conclusio principalis à Thoma sic. Relatio realis est sub ordine reali, sed Deus non habet ordinem realem ad creaturam, quia est supra omnem ordinem, ergo Deus non refertur realiter ad creaturas, hæc ratio nihil valet, quia in ea est fallacia consequentis: arguit enim ab inferiori ad superius negando, ac si diceretur non est homo, ergo non est animal, nam omnis ordo est relatio, sed non omnis relatio est ordo: quia ordo dicit relationem prioris ad posterius, sed non omnis relatio dicit talem realem ordinem sicut patet in relationibus æquiparantiæ.

*D. Thomas
prima parte
summe. q. 13.
ar. 7. in solu-
tione princi-
palis.*

Præterea ordo dicit habitudinem prioris ad posterius, sed Deus est prior respectu creaturæ, ergo non est extra totum ordinem ad creaturam. Si dicas quòd ordo ille non est relatio patet quòd petis principium, quia hoc debes probare. Ideo probatur aliter conclusio à doctore nostro sicnam in Deo inueniuntur duo scilicet

*Opinio Do-
ctoris subti-
lis 1. sent.
dist. 30. q. 2.*

quòd est necesse esse & quòd est summa simplicitate simplex. Et primo arguitur sic. In eo quod est summe necesse esse non ponitur aliquid quod non est necesse esse, sed Deus est summe necesse esse, ergo non est in Deo aliquid quod non est necesse esse: sed talis relatio, quæ esset Dei ad creaturam non esset necesse esse, ergo Dei ad creaturam non est relatio realis. Probatio assumpti pro illo logisimi. Relatio non est plus necesse esse quam terminus, sed terminus huius relationis nō est necesse esse, quia est creatura, quæ est possibilis esse, ergo illa relatio non est necesse esse. Secundo sic. Ex simplicitate Dei propter diuinā simplicitatem quicquid est in Deo est idem, quòd Deus, sed ista relatio si ponatur non potest esse idem quod Deus, ergo Dei ad creaturam non est relatio realis. Probatio minoris, quia si ista relatio esset idem quod Deus, ergo Deus esset corruptibilis. Probatio consequentiæ, quando aliqua duo sunt vnum realiter si vnū est corruptibile, & reliquum est corruptibile, sed illa relatio est corruptibilis, ergo Deus est corruptibilis. Minor probatur: quia ad corruptionem termini corrumpitur relatio, sed terminus huiusmodi relationis, puta creatura est corruptibilis, ergo relatio est corruptibilis. Posses forte dicere, quòd argumentū non cogit, quia relatio non potest manere termino non manente sicut motus habet relationē realem ad terminum antequā terminus sit, immo postquā terminus est, motus non est, quia habitibus præsentibus in materia cessat motus. Contra, vnūquodque plus dependet ab eo per quod non diffinitur, quam ab eo per quod diffinitur, sed relatio diffinitur per terminum & non per fundamentū, ergo plus dependet à termino, quàm à fundamento, sed relatio non potest esse sine fundamento, ergo nec sine termino potest esse.

Præterea essentialius est relationē esse ad quam esse in. sed vt est in necessario præsupponit fundamentū, ergo vt est ab necessario habet terminum. Nec instātia de motu valet: quia motus habet terminum intrinsecum.

Ad primum principale dico, quòd scientia est duplex: quædam est, quæ est causa rerum, & quædam est, quæ est causata à rebus. Scientia autem isto secundo modo sum

Primo de generatione cō-
tex.

Scientia du-
plex.

pta refertur ad scibile, sed scientia primo modo sumpta quæ est, causa rerum sicut est scientia diuina non refertur relatione reali ad res creatas.

Ad secundum dicitur, quod maior est vera quando agens est possibile, quando autem agens est ex se necessarium, & perfecte simpliciter, tunc non est verum sicut in proposito.

Aliter dicitur, quod agens in quantum agens actione non dependente a termino non habet relationem reale ad ipsum, de agente autem dependente est verum quod assumitur, Deus autem est agens independens.

Eodem modo ad aliud dico, quod relatio fundata in quantitate est realis, sed inæqualitas Dei ad creaturas principaliter fundatur in quantitate virtutis infinite, quæ non dependet.

Ad quartum dico, quod Deum esse dominum, potest intelligi dupliciter, scilicet relatiue, & substantiue. Circumscripto ergo omni intellectu, adhuc Deus esset dominus substantiue quantum ad totam realitatem, sed non relatiue sicut hic queritur.

Deum esse dominum potest intelligi duobus modis.

Eodem modo ad quintum de denominatione, quando dicitur Deus est realiter dominus, si ly realiter determinat compositionem, sic est vera propositio, quia verum est, quod Deus est dominus, si autem determinat predicatum in compositione ad Deum absolute nulla est ibi realitas, nisi essentia diuina, si autem determinat predicatum diuinum in comparatione ad creaturam, in qua est realiter, sic Deus realiter est dominus, quia creatura realiter est serua, sed nihil reale ponitur in Deo præter suam essentiam diuinam.

Vide in repositis distinctione 30. q. 2.

Ad vltimū dico, quod distinctio sumitur duobus modis. Vno modo per positionem, & sic est relatio realis. Alio modo per abnegationem in quantum hoc realiter non est illud, & isto modo distinctio non dicit relationem realem. Inter Deū autem, & creaturam cadit distinctio isto secundo modo, & non primo modo.

Distinctio sumitur duobus modis.

mau

Vtrum noua relatio creaturæ ad Deum, exigit nouam relationem Dei ad creaturam?

Hoc idem mouet Scolus primo sent. dist. 30. q. 1.

D. Bona. 1. sent. dist. 30. q. 1. Artic. 1.

Alexander Alensis prima parte q. 53. membro 2.

D. Thomas prima parte questio. 13. Artic. 7.

Richardus primo sent. dist. 30. q. 1.

Durandus primo sent. dist. 30. q. 1.

Franciscus de Mayronis 1. sent. dist. 30. q. 1.

Bacconitanus. 1. sent. dist. 30. q. 1.

QVÆSTIO II.



ECUNDO quæritur. Vtrum noua relatio creaturæ ad Deum exigat nouam relationē Dei ad creaturam? Videtur: quod sic, per Aug. Sicut non potest esse seruus qui non habet dominum, ita non potest esse dominus, qui non habet seruum, sed Deus habet seruum de nouo, ergo. Præterea, relatiua sunt simul natura, sed creator, & creatura sunt relatiua, ergo sunt simul natura, sed hoc non est, nisi noua relatio in creatura exigat nouam relationem in Deo. Contra, sicut se habet æternū ad temporale, ita se habet temporale ad æternum, sed nullum æternū dicitur de temporali: ergo nullum temporale dicit de æterno, & sic noua relatio in creatura nō exigit nouam relationem in Deo. Ad istam quæstionem dico tres conclusiones.

15. de tri. cap. 19.

Arist. cap. de relatiuis.

1. conclusio.

Prima, quod creatura de nouo refertur ad Deum, quæ probatur sic, vbi est nouum fundamentum, ibi est noua relatio posito termino, sed creaturæ capiunt nouum esse secundum nouum fundamentum, alias nihil reale crearetur, & est ibi terminus Deus, ergo est noua relatio in creatura ad Deum.

Præterea, creatio passiuæ de nouo est in creatura, sed relatio passiuæ dicit relationem ad Deum, ergo in creatura est noua relatio ad Deum.

2. conclusio.

Secunda conclusio est, quod propter istam nouam relationem in creatura nulla noua relatio exigitur in Deo correspondens. Cuius ratio est ista, quia si exigetur in Deo noua relatio ad creaturam, aut illa esset

realis aut rationis, non primo modo, quia probatum est in præcedenti quæstione, quod in Deo non est relatio realis ad creaturam, non etiam secundo modo, quia ista relatio rationis aut esset fabricata per actum intellectus creati, & hoc nõ, quia dato, quod nullus esset intellectus creatus adhuc creatura diceretur relative ad Deum, aut esset per actum intellectus diuini, & hoc non, quia tunc intellectus diuinus mutaretur, & hoc nõ, quia nõ potest aliquid trahere de vno cõtradiatorio ad aliud sine mutatione, sed creare, & nõ creare sunt cõtradietoria, ergo nõ potest aliquid de nouo in se creare sine mutatione.

Nulla est relatio in Deo, sed si est, est solum relatio rationis.

Tertia conclusio est, quod nouam relationem creaturæ ad Deum terminat Deus sub ratione absoluti. Ad cuius euidentiam notandum, quod philosophus ponit tres modos relationis scilicet modum numeri, modum potentia, & modum mensuræ. Et ponit differentiam per hoc, quod in duobus primis modis est mutua relatio. In tertio autem modo non est relatio mutua, sicut patet de scientia, & scibili. Na scientia dicitur ad scibile, sed non omne scibile dicitur ad scientiam. Exemplum de quadratura circuli: sed omnes relationes, quæ sunt inter Deum, & creaturam sunt de tertio modo, ergo non est ibi mutua relatio ita, quod creaturæ dicuntur relative ad Deum, sed non econuerso, ergo Deus terminat illam relationem sub ratione absoluti.

3. Conclusio.

5. Met. cont. 20.

Exemplum.

Præterea, aut Deus terminat nouam relationem creaturæ ad ipsum sub ratione absoluta, vel sub ratione relativa. Si primo modo habetur propositum. Si secundo modo, aut ille respectus est relatio realis, & hoc non, ut patet ex præcedenti quæstione, aut est relatio rationis, & hoc non, quia vel esset per actum intellectus creati, vel per actum intellectus diuini, non primo modo, quia dato, quod nullus esset intellectus creatus adhuc creatura diceretur relative ad Deum, non etiam secundo modo, quia tunc intellectus diuinus esset mutabilis, ut arguebatur in præcedenti quæstione.

Ad primum principale dico, quod pro tanto non potest esse seruus, nisi sit dominus: quia dominus denominatur ab ista relatione, quæ ad ipsum terminatur tanquã ad aliquid sui, nõ tamen quod fiat aliqua nouitas in ipso.

*Duplex rela-
tium secun-
dum esse, &
secundum dici.*

Ad secundum dico, quod relatiua de primo modo, & secundo modo sumpta sunt mutua, & sic sunt simul natura, sunt enim relatiua secundum esse, sed relatiua de tertio modo non sunt mutua. Sunt enim relatiua secundum dici: Et isto modo ponitur relatio Dei ad creaturam. Est enim illa relatio secundum dici, & non secundum esse.

DISTINCTIO XXXI.

Utrum æqualitas sit relatio realis?

Hoc idem querit Scotus primo sentent. distinct. 31. quest. 1.

Alexander Alensis prima parte q. 54. membro. 1. Art. 1.

D. Thomas. 1. par. q. 42. art. 1.

Ricardus 1. sent. distinct. 31. q. 1.

Durandus primo sent. dist. 31. q. 1.

Franciscus de Mayronis primo sent. dist. 31. q. 1.

Baconitanus 1. sent. dist. 31. q. 1.

QVAESTIO I.

PRAETEREA considerare oportet circa istā distinctionem xxxi. quæritur. Utrum æqualitas sit relatio realis? Videtur quod non, quia dicit negationem, vel priuationem, non dicit relationem realem, sed æqualitas dicit priuationem, ergo non est relatio realis: minor patet per philosophum, quarto metha. Aequale inquit opponitur priuariue magno, & paruo.

4. Met. cont.
27.

Præterea, quod dicitur secundum substantiam, non dicit relationem realem, sed æqualitas dicitur secundum substantiam, ergo non dicit relationem realem, minor probatur per Magistrum in litera, qui adducit pro se Augustinum.

Præterea. Si æqualitas diceret realem relationem, tunc constitueret personas, sicut relatio originis. Sed hoc est falsum, quia persona haberet duo constitutiva, ergo æqualitas, non dicit relationem realem.

5. Petri. c. 6.

Contra, aut æqualitas dicit absolutum, aut relatiuum. Sed non dicit absolutum, quia posset prædicari de essentia, ergo dicit relationem. Sed non dicit relationem rationis, ergo dicit relationem realem.

Circa istam quæstionem sunt duo videnda. Primo si æqualitas dicit relationem realem in creaturis: secundo si dicit relationem realem in diuinis.

Quantum ad primum dicit vna opinio, quod æqualitas nō dicit relationem realem in creaturis, quod probatur sic illa relatio non est realis, cuius fundamentum non est reale, sed fundamentum æqualitatis in creaturis non est reale, ergo æqualitas in creatura non dicit relationem realem, probatio minoris fundamentum æqualitatis in creaturis est vnitas in quantitate, per philosophum. Illa inquit sunt æqualia quorum quantitas est vna: sed duæ res non habent vnitatem realem, ergo fundamentum æqualitatis non est reale.

Præterea, non plus facit relationem realem vnum in quantitate, quàm vnum in substantia, sed vnum in substantia non facit relationem realem, probatio minoris per philosophum quinto methaph. quia fundamentum idemnitatis est vnitas in substantia, & idemnitatis non est relatio realis.

Alia est opinio, quam teneo, quod æqualitas in creaturis est relatio realis, quod probatur sic, illa est relatio realis, quæ manet omni opere intellectus circumscripto. Sed circumscripto omni opere intellectus, si essent duæ res eiusdem quantitatis essent æquales, ergo æqualitas dicit relationem realem.

Præterea, quod est perceptibile sensu, est aliquid reale, sed æqualitas est huiusmodi, ergo.

Præterea relationes primi modi sunt reales, sed æqualitas est de relationibus primi modi, ergo æqualitas est relatio realis.

Præterea, si vnum contrariorū quod est ignobilius in natura est reale, & aliud est reale: sed æqualitas est nobilior in æqualitate, & in æqualitas est nobilior in æqualitate, & in æqualitas est aliquid reale in natura, ergo æqualitas est relatio realis.

Ad primum autem præcedentis opinionis dico quod minor est falsa. Ad probationem. Respondeo, quod fundamentum æqualitatis est vnitas realis specifica, non autem vnitas numeralis. Declarabitur autem in secundo lib. quod vnitas realis specifica est minor vnitate numerali.

Henricus

quolib. 3. q.

1. quare cum

alibi, & a-

lies.

5. Met. textu

non habente

commentum,

& 10.

Met. cont. 10.

& 11.

*in 2. libro
quest. de in-
diuiduatione.*

Ad secundum cum dicitur, quod vnitas in quantitate non facit plus relationem realem, quam vnitas in substantia, concedo cæteris paribus, ita quod vtroque sit realis distinctio extremorum, sed non est sic in proposito. Nam æqualitas habet extrema realiter distincta, identitas autem non.

*Communis
opinio Anti-
quorum.*

De secundo articulo est communis opinio antiquorum, quæ dicit, quod æqualitas in diuinis non dicit relationem realem, quod probat sic, vbi non manet fundamentum relationis, ibi non manet relatio realis, sed in diuinis non manet fundamentum æqualitatis, ergo in diuinis non manet æqualitas nec relatio realis, probatio minoris, fundamentum æqualitatis est magnitudo, sed magnitudo transiit in identitatem, identitas autem dicit relationem rationis, ergo æqualitas est relatio rationis.

Præterea ad hoc, quod æqualitas sit relatio realis requiritur ibi magnitudo, & magnitudo, & commensuratio magnitudinum, sed in diuinis non est magnitudo, ergo æqualitas in diuinis non est relatio realis.

Præterea, illa relatio, quæ completur per actum intellectus est realis, sed æqualitas est huiusmodi, quia cõpletur ex hoc, quod intellectus idem bis accipit, ergo.

Præterea relatio realis necessario requirit extrema realiter distincta in quantum sunt relatiua. Sed pater, & filius non distinguuntur realiter in quantum sunt æquales, ergo æqualitas in diuinis non dicit relationem realem, minor patet, quia licet pater, & filius distinguantur relationibus originis, non tamen distinguuntur realiter in quantum sunt æquales, quia in quantum sunt æquales, habent eandem magnitudinem numero.

Præterea, inter eadem extrema, & super idem fundamentum non fundantur duæ relationes reales, sed inter patrem, & filium est vnum fundamentum, scilicet essentia diuina, ergo non est ibi nisi vna relatio realis. Sed est ibi relatio originis propria, ergo non est relatio communis realis, scilicet æqualitas.

*Essentia di-
uina est vnu
fundamentu
inter patrem,
& filium.*

Vltimo sic. Omnes sancti ponunt in diuinis quatuor relationes reales, scilicet paternitatem, filiationem, spirationem actiuam, & spirationem passiuam, sed si æqualitas diceret relationem realem essent plures relationes quæ

quatuor, quod esset contra sanctos, ergo æqualitas non dicit relationem realem.

Alia est opinio doctoris nostri, quod æqualitas est relatio realis in diuinis, siue inter personas diuinas, quod probatur sic, ubi sunt illa, quæ requiruntur ad relationem realem, ibi est relatio realis. Sed æqualitas inter personas diuinas habet omnia, quæ requiruntur ad relationem realem, ergo ipsa est realis, probatio minoris. Ad relationem realem tria requiruntur. Primo realis distinctio extremorum propter quod eiusdem ad se non est relatio realis, secundo requiritur, quod utrumque extremorum sit aliquid reale, quia semper alterum contradictoriorum est non ens, tertio requiritur, quod habitudo exurgat à natura fundamenti, & ideo Dei ad creaturam non est relatio realis.

Sed omnes istæ conditiones reperiuntur inter personas diuinas, ut sunt æquales. Est enim in eis realis distinctio, qualibet enim istarum personarum est aliquid reale. Illa etiam habitudo exurgit ex natura fundamenti, scilicet ex infinitate virtutis, ergo ibi sunt omnia, quæ requiruntur ad relationem realem.

Præterea. Si æqualitas non esset relatio realis in diuinis, hoc maxime esset propter vnitatem fundamenti, sed non obstante vnitatem fundamenti aliqua relatio est realis, ergo æqualitas in proposito est relatio realis, probatio minoris: nam relationes originis sunt verè reales, & tamen habent penitus idem fundamentum numero.

Præterea. Si Deus duas res essentialiter distinctas informaret eadem quantitate inter eas verè esset relatio realis, ergo eodem modo in proposito quamuis personæ sint realiter distinctæ, quia tamen habent eandem magnitudinem virtutis verè est inter eas æqualitas, ut relatio realis.

Ad primum autem alterius opinionis dico, quod fundamentum æqualitatis in diuinis manet, & transit, manet quidem formaliter, sed transit realiter.

Ad secundum dico, quod æqualitas in creaturis requirit magnitudinem, & magnum, & commensurationem, & hoc, quia creaturæ sunt finitæ propter quam finitatem non possunt habere eandem magnitudinem numero. Sed in personis diuinis non est sic, quia propter infinitatem essentia eadem magnitudo, quæ est in vna persona, non sic in personis diuinis.

Opinio Scoti.

Ad relationem realem tria requiruntur.

Vide pro hoc Scotum 6. q. quolibet. art. 1.

est & in alia manente reali distinctione personarum.

Ad tertium dico per interemptionem minoris, quia si essent duæ relationes eiusdem quantitatis dato, quod nullus esset intellectus in mundo adhuc, istæ res essent æquales.

Ad quartum cum dicitur, quod relatio realis requirit extrema realiter distincta in quantum sunt relatiua, dico quod ly in quantum, vel reduplicat terminos relatos, & sic concedo maiorem, & nego minorem, vel reduplicat fundamentum, & sic dico, quod non oportet ponere talem distinctionem, immo in proposito oportet ponere summam unitatem.

Ad quintum dicitur dupliciter falsificam: do maiorem, nam inter eadem extrema, & super idem fundamentum possunt fundari plures relationes reales. Exempli gratia, ignis generat alium ignem realiter distinctum à se, inter hunc, & istum ignem est relatio realis similitudinis, & causæ ad causatum, quæ relationes sunt reales, & habent idem fundamentum. Alio modo dicitur glossando maiorem sic quod extrema realiter distincta non habent duas relationes reales super idem fundamentum immediate, sed mediate potest esse, & sic est hic quia ista relatio communis præsupponit relationem originis.

*Sancti ponunt
quatuor rela-
tiones in diui-
nis.*

Ad vltimum dico, quod sancti ponunt quatuor relationes reales in diuinis loquendo de relationibus originis, quæ sunt propriæ, sed non propter hoc intendunt excludere relationes reales, quæ sunt communes.

*Distinctio de
veritate secū-
dum Logicos.*

Ad primum principale dico, quod æquale non dicit negationem simpliciter. Distinguunt tamen logici de veritate propositionis secundum rem, & secundum vocem, ita quod æquale, quantum ad vocem dicit negationem, & quantum ad rem non dicit negationem.

Ad secundum dico, quod æqualitas potest dupliciter accipi, scilicet fundamentaliter, & formaliter. Primo modo dicit substantiam, quia fundamentum est substantia, realiter, secundo modo importat relationem.

Vide dist. 25.

Ad vltimum patet ex dictis, nam relationes primo constituunt personas, quæ primo pullulant in essentia, sed relationes originis prius in essentia pullulant, quam

relationes communes, ideo relationes originis constituunt personas, & non relationes communes.

DISTINCTIO XXXII.

Utrum pater sit sapiens sapientia genita?

Hoc idem quaesitum mouet Scotus primo sentent. distinc. 30.

q. 2.

D. Bonauentura primo sentent. distinc. 32. q. 1. Articulo 2.

Alexander Alensis prima parte q. 67. Artic. 2.

D. Thomas prima parte. quest. 39. Artic. 7.

Ricardus primo sententiarum. distinc. 32. questio 1.

Durandus primo sententiarum distincio 32. questio 2.

Franciscus de Mayronis primo sententiarum distincio. q. 4.

Bacconitanus. 1. sem. dist. 32. q. 1.

QVÆSTIO I.

Hic oritur quæstio. Circa istam distinctionem 32. quæritur primo. Utrum pater sit sapiens sapientia genita? Videtur, quod sic, quia pater est sapiens sapientia, sed illa sapientia est genita, ergo pater est sapientia genita. Præterea, pater dicit verbo secundum Aug. sed secundum Ansel. nihil aliud est summo spiritui dicere, quam quasi cogitando intueri, ergo pater intuetur verbo, & ita sapit verbo, igitur pater est sapiens sapientia genita. Præterea sicut filius se habet ad sapientiam ingentam, ita pater ad sapientiam genitam. Sed filius est sapiens sapientia ingenta, ergo pater est sapiens sapientia genita. Præterea, pater est sapiens sapientia, quam habet, sed habet sapientiam genitam, quia habet filium, qui est sapientia genita. In contrarium est Magister in litera. Circa istam quæstionem sunt aliqua, primo præmittenda, secundo est quomodo soluenda.

1. de tri. ca. 3.

q. 2.

Monolo. 63.

Quantum ad primum est notandum, quod sicut in intellectu creato memoria gignit notitiam actualem, quæ notitia habet duplicem relationem ad memoriam, unam producti ad producens, aliam declarantis ad decla-

raturum, pro eo, quod declarat obiectum latens in memoria, ita verbum diuinum expressum à patre habet vnam relationem originis ad patrem, quia generatur ab illo: Et habet aliam relationem declaratiuam, quia declarat eum à quo est & se, & creaturas. Vt autem declarat se nō dicit relationem realem, quia eiusdem ad se non est distinctio realis, quæ reperitur in relationibus realibus. Etiam vt declarat creaturas non dicit relationem realem, quia Dei ad creaturam non est relatio realis vt patuit supra. Secundo notandum, quod sicut notitia genita declarat obiectum latens in memoria, sic & produciens notitiam genitam etiam declarat, aliter tamē, & aliter, quia notitia genita declaratur formaliter, produciens autē notitiam declarat quasi effectiue. Exemplum huius est in speculo.

Dist. 30.

Exemplū de speculo.

Quæ sint essentialia notionalia, & mixta.

Cap. 16.

nam speculum repræsentat imaginationes formaliter, produciens autē speculum dicitur repræsentare quasi effectiue. Tertio notandum, quod in diuinis aliqua sunt pure essentialia sicut sapientia, & similia. Aliqua sunt pure notionalia vt genitum. Aliqua mixta ex essentiali, & notionali, vt cū dicitur sapientia genita.

De secundo articulo dico, quod illa est falsa propositio pater est sapiens sapientia genita, quod probatur per August. lib. 1. retractationum, qui retractat quod dixerat, quod pater est sapiens sapientia genita. Secundo probatur per rationem Magistri in litera. In Deo idē est esse, & sapere, sed pater non est sapientia genita, ergo pater non est sapiens sapientia genita. Tertio sic, illa sapientia pater non est sapiens qua per impossibile circumscripta adhuc esset sapiens, sed circumscripta per impossibile sapientia genita adhuc pater esset sapiens, ergo pater non est sapiens sapientia genita. Ad primum principale dico per interemptionem minoris, nā ista sapientia qua pater est sapiens non est genita. Et ad Anselmum dicitur, quod dicere accipitur principiatiue, vt pater principiat filium, & non personaliter, vt dicit relationem originis in habitudine generantis ad genitum.

Quomodo filius sit sapiens sapientia in genita.

Ad secundum dico, quod maior est subintelligenda sub hoc sensu, filius est sapiens sapientia ingenta principiatiue, vel originatiue, non autem formaliter, & sic filius est sapiens sapientia ingenta id est originatur à pa-

tre, qui est sapientiā ingēnita. Ad tertium dico, quòd pater est sapiens sapientia quam habet formaliter, non autem sapientia quam habet vt correlatiuum, nunc autem pater habet filium, vt correlatiuum, sed non est formaliter filius, siue sapientia genita.

Quomodo pater sit sapiens.

Vtrum pater, & filius diligant se spiritu sancto?

Hoc idem querit Scotus primo sens. distin. 32. quæst. 1.

D. Bona. 1. sent. dist. 23. q. 1. Artic. 1.

Alexander Alensis prima parte q. 67. membro 3. Art. 3.

D. Thomas prima parte q. 37. Artic. 2.

Ricardus 1. sent. dist. 32. q. 1.

Durandus 1. sent. dist. 32. q. 1.

Franciscus de Mayronis primo sens. dist. 31. q. 3.

Q V A E S T I O II.

SE C U N D O quæritur. Vtrum pater, & filius diligant se spiritu sancto? Videtur, quòd nō, quia si diligerēt se spiritu sancto, aut diligere acciperetur essentialiter aut notionaliter. Non essentialiter, quia amor essentialis non est proprius spiritui sancto, nec notionaliter, quia tunc eadem ratione posset dici pater, & filius spirant spiritu sancto quod est falsum.

Præterea eadem dilectione pater diligit filium qua diligit se, sed se non diligit spiritu sancto, ergo pater, & filius non diligunt se spiritu sancto.

Contra Aug. Spiritus inquit sanctus est quo genitus à generante diligitur. Circa istam quæstionem sunt duo articuli. Primo referam diuersas opiniones, secundo dicitur ad quæstionem secundum veritatem.

6. de trin. 5.

Quantum ad primum est vna opinio, quæ dicit illam propositionem esse falsam, quia Aug. retractat libro primo retractationum, in retractatione consimiles propositiones cum retractauit illam, pater est sapiens sapientia genita. Contra Aug. non solum diuersas materias sigillatim retractat, sed etiam eandem materiam in diuersis libris positam distincte retractat, ergo multo magis retractasset istas.

Cap. 26.

Quare D. Hieronymus super Psal. 17. in prim. Simon de Tornaco.

Alia est opinio, quod pater & filius diligant se spiritu sancto, scilicet in ratione signi, quia spiritus sanctus est signum dilectionis patris, & filij.

Contra, quia eadem ratione posset dici, quod pater, & filius diligunt se creatura, quia creatura est signum dilectionis eorum.

*Alex Alensis
1 parte sum-
mae.*

Alia opinio dicit, quod pater, & filius diligunt se spiritu sancto per appropriationem, quia amor appropriatur spiritui sancto.

*D. Thomas
1. q. 37.
art. 2.*

Contra eadem ratione posset dici, quod pater & filius sunt boni spiritu sancto, quia bonitas appropriatur spiritui sancto. Immo est alia opinio, quod pater, & filius diligunt se spiritu sancto isto modo, ut iste ablativus construatur in ratione effectus formalis, quia omne illud a quo aliud denominatur habet habitudinem forme, quamvis non sit forma. Contingit autem aliquid denominari ab aliquo in ratione actionis, & in ratione effectus, nam dicimus, quod ignis calefacit calefactione, quare calefactio non est forma ignis, sed actus progrediens ab igne. Similiter dicimus, quod arbor floret floribus, & tamen flores non sunt forma arboris, sed eius effectus. Ad propositum dicit, quod diligere potest accipi essentialiter, & sic pater, & filius diligunt se essentia divina, potest etiam accipi notionaliter, & sic nihil aliud est dicere patrem, & filium diligere se spiritu sancto nisi spirare spiritu sancto.

*Vide Varro-
nem q. 2. q.
presenti.*

*Diligere duo-
bus modis su-
mitur.*

Contra hoc obiicitur, quia edificare distincte importat unum terminum, qui est edificium, & tamen non est bene dictum edificator edificat edificium.

Præterea, spirare distinctius importat spiritum sanctum, quam diligere, & tamen illud non est bene dictum, pater, & filius spirent spiritu sancto.

Ideo cundo ad secundum articulum. Dico ad questionem resumendo aliqua prius dicta in præcedenti questione. Sunt enim in divinis aliqua pure essentialia, aliqua pure notionalia, & aliqua medio modo se habentia. Est autem notandum, quod in divinis dicere potest accipi tripliciter. Primo pure essentialiter, & tunc idem est, quod intelligere. Secundo pure notionaliter, & tunc idem est quod representare, quia dicere includit respec-
tum

*Dicere potest
accipi tribus
modis.*

ctum originis qui est actus notionalis. Includit etiā respectum declaratiui, qui est essentialis. Ista autem propositio esset falsa, pater dicit verbo, siue accipiat pure essentialiter, siue pure notionaliter. Sed si accipiat partim isto modo, & partim illo est vera sub hoc sensu, pater dicit verbo idest producit verbum in quo representat se.

Pater dicit verbo est propositio falsa.

Ad propositum applicando sicut dictum est de dicere, ita accipitur de diligere, quod potest sumi diligere pure essentialiter, & sic propositio est falsa, potest etiam accipi pure notionaliter, & sic adhuc propositio est falsa, si-

Diligere potest accipi essentialiter, & rationaliter.

cut esset falsum dicere, pater dicit verbo, daretur enim intelligi, quod verbum esset ratio producendi seipsum, & quod spiritus sanctus esset ratio producendi se ut amorē spiratum. Si autē accipiat, tertio modo in quantum per diligere datur intelligi habitudo originis, & habitudo quæda innominata, & tunc est vera sub isto sensu, pater, & filius diligunt se spiritu sancto idest produçunt spiritum sanctum habentem habitudinem ad patrem, & ad filium.

Quomodo sit vera ista propositio pater & filius diligunt se spiritu sancto.

Ad primum principale patet, quia intelligere, non accipitur pure essentialiter, nec pure notionaliter. Ad secundum dico, quod pater diligit se spiritu sancto. Et si instatur, quod diligit se in primo signo originis. Dico, quod verum est, sed tunc diligit se volūate ut in ipso est formaliter. Notandum autem, quod Magister reputat istā quæstionem difficilem, & propter eius difficultatem dimittit eam insolutam, dicens in ult. c. huius distinctionis, difficilem mihi fateor quæstionem, præcipuè cū ex dictis oriatur quæstio, quæ similem videtur habere difficultatem, quod meæ intelligentiæ attendens infirmitas turbatur. Et in fine capituli ait sic, eam tamen quæstionem lectorum diligentia plenius diiudicandam atque soluendam reliquimus, ad hoc minus sufficētes. Ideo ego ipsam sic relinquo.

Magister sens. reputat hanc q. difficilem.

Author de- relinquet istā

9.

DISTINCTIO XXXIII. & XXXIIII.

Vtrum proprietas relatiua in diuinis sit totaliter idem, quod essentia?

P

*Hoc quæsitum mouet Scotus 1. sem. dist. 34.
D. Thomas prima parte. q. 28. Art. 2.*

QVÆSTIO I.

POST prædicta intentius. Circa istam distinctionem 33. & sequentem scilicet 34. Quæritur, Vtrum proprietas relatiua in diuinis sit totaliter idē, quod essentia? Videtur, quod sic, quia quæ non sunt totaliter idem si constituunt aliquod tertium vnum se habet vt actus, aliud vt potentia. Sed essentia, & proprietas relatiua constituunt personam, ergo si non sunt totaliter idem, vnum se habebit, vt potentia, aliud se habebit vt actus, hoc autem est falsum, quia essentia non potest esse vt potentia, quia est actualissima. Similiter nec relatio, quia est distinctiua, distinguere autē non competit ei quod se habet vt potentia. Præterea, quæ non sunt idem totaliter si constituunt aliquod tertium illud est compositum. Sed persona constituitur ex essentia, & proprietate relatiua, ergo si nō sunt idem totaliter persona erit composita, quod est falsum, quia ita simplex est persona sicut essentia. Contra Aug. non inquit eo pater quo Deus. Sed hoc non esset verum si proprietas, & essentia essent totaliter idem, ergo. Circa istam quæstionem sunt quatuor vidēda, quia primo ponuntur argumenta quibus euidenter ostēditur, quod essentia, & proprietas distinguuntur realiter, secundo ponetur opinio, quod proprietas, & essentia distinguuntur solum ratione, tertio dicetur ad quæstionem secundum veritatem, quarto ad argumenta mota in primo, & secundo articulo. quæ sunt contraria.

Quantum ad primum articulum arguitur sex rationibus, quod essentia, & proprietas differat realiter. Primo sic, impossibile est idem realiter multiplicari, & nō multiplicari. Sed proprietas relatiua multiplicatur, essentia autē non multiplicatur, ergo non sunt idem realiter. Secundo sic, idem realiter non est in seipso, sed proprietas est in essentia, ergo proprietas non est idem realiter quod essentia.

*Essentia non
potest esse vt
potentia, quia
est actualissi-
ma.*

7. de tri. ca. 5.

*Quod essentia,
& proprietas
differant rea-
liter.*

Tertio sic, impossibile est, quod idem realiter sit infinitum, & nō infinitum, sed essentia est infinita, proprietas autem non est infinita, ergo non sunt idem realiter.

Quarto sic, impossibile est, quod idem sit perfectio simpliciter, & nō simpliciter, sed essentia dicit perfectionem simpliciter, proprietas non perfectione simpliciter, ergo non sunt idem realiter. quod autem proprietas nō dicat perfectionē simpliciter probatur quia si diceret perfectionem simpliciter, sequeretur quod carens ea non esset perfectum simpliciter, & sic filius in quo nō est paternitas non esset perfectio simpliciter. Quinto sic, quę sunt idem realiter in quocunque reperitur vnū reperitur & reliquum, sed in filio reperitur essentia in quo non est proprietas personalis patris, puta paternitas, ergo proprietas, & essentia non sunt idem realiter.

Vltimo sic. Aug. dicit, nō eo pater quo Deus. Ex hoc arguitur sic, pater est paternitate pater, & non deitate, sed pater est Deus deitate, ego paternitas, & deitas non sunt idem realiter.

7. de tri. ca. 3.

De secundo articulo est vna opinio, quę dicit, quod proprietas distinguitur ab essentia tantum secundum rationem intelligentiæ, & nullo modo ex natura rei, pro quo sic arguitur. Quod non est essentia diuina est creatura, sed proprietas non est creatura, ergo est essentia diuina, & hæc fuit ratio Bernardi cōtra Porretanum. Præterea, vbi est res, & res ibi est compositio, sed in Deo non est compositio, ergo non est ibi res, & res, & sic proprietas est idem quod essentia.

D. Thom. 1.
parte summa
q. 28. art. 2.

Ratio Bernardi
contra
Porretanum.

Præterea proprietas, non excedit suum subiectū, sed differentia est proprietas, vel passio entis, ergo non excedit rationē entis. Sed omne ens est reale, vel rationis, ergo omnis differentia, vel est realis, vel rationis, sed proprietas non differt realiter ab essentia, ergo differt tantum secundum intelligentiæ rationem. Præterea, si relatio distinguitur ab essentia, oportet, quod tantum distinguatur ab ea quantum distinguitur ab opposito, quia non habet esse nisi ad oppositum. Sed proprietas siue relatio distinguitur ab opposito realiter, ergo distingueretur realiter ab essentia, quod est falsum. Præterea, quando aliquid manet adeo sicut si non transiret

6. Met. cor.
lex. 1.

nullo modo transit in id à quo ex natura sua distinguitur: Sed si relatio est distincta ab essentia distinguitur si cut si non transiret, ergo nullo modo transit, sed hoc falsum, ergo, & illud ex quo sequitur, probatio minoris, quia relatio non distinguitur, nisi ad aliud, & de si semper est ad aliud, quia non habet esse absolutum.

Ca. dānamus.

Præterea, si relatio aliquo modo ex natura rei distinguitur ab essentia sequuntur tria inconuenientia, primū contra decretalem extra de summa trin. & fide catho. vbi dicitur, quod in diuinis sunt tres, sed si relatio nō est idem cum essentia, sequitur, quod sunt quatuor res. Et sic sequitur vltterius secundum inconueniens, quod ibimus in errorem abbatis Iōachim, tertium inconueniens, quod ibimus in errorem Porretani, scilicet, quod relationes essent extrinsecus assistentes.

*Error Petre
iani.*

De tertio articulo duas opiniones præcedentes esse falsas. Ad cuius euidenciam primo pono, quod proprietates non est idem totaliter, quod essentia, secundo, quod distinguuntur formaliter, tertio, quod ista distinctio non facit compositionem. Primum probatur sic. Impossibile est intelligere, quod idem per idem totaliter conueniat cum aliquo, & distinguatur ab eodem. Sed pater conuenit cum filio in essentia, & distinguitur ab eodem in proprietate relatiua, ergo essentia, & proprietates relatiua non sunt idem totaliter.

Præterea, contradictoria non possunt verificari de his, quæ sunt totaliter idem. Sed de essentia, & proprietate verificantur contradictoria, ergo nō sunt totaliter idem. probatio minoris: tum quia proprietas distinguit, essentia autem non distinguit, tum quia proprietas multiplicatur, & numeratur, essentia autem non, tum quia proprietas non communicatur essentia autem communicatur, quæ omnia sunt contradictoria. Præterea, quæ sunt totaliter idem vbi est vnum ibi est reliquum, sed vbi est essentia nō est necessario proprietas, nam in filio est essentia, & tamen in eo non est paternitas, ergo non sunt totaliter idem. Præterea, quæ non sunt idem tantum quantum idem sibi ipsi, illa nō sunt idem totaliter. Sed proprietas non est tantum idem essentiæ quantum essentia est eadem sibi ipsi, ergo proprietas non est idem

*Essentia, &
proprietas
quomodo non
sunt idem.*

totaliter quod essentia, minor patet. Si enim proprietas esset tantum idem essentiae, quantum essentia est eadem sibi ipsi, tunc sicut essentia est ad se, & sicut proprietas est ad aliud, ita essentia esset aliud, quæ omnia sunt manifeste falsa. Præterea, arguitur per syllogismum expositivum hæc paternitas est totaliter idem quod essentia hæc, hæc filiatio est totaliter idem quod essentia, ergo hæc paternitas est hæc filiatio, quod est falsum. Ultimo sic illa, quæ dicerent solum ratione oportet, quod utrunque eorum, vel alterum eorum sit ens rationis tantum. Sed in divinis nec essentia, nec proprietas est ens rationis tantum, ergo minor patet, nam essentia non est ens rationis, quia nihil reale esset in divinis, nec proprietas est ens rationis, quia tunc personæ in divinis distinguerentur solum ratione, & sic rediret error Sabellij. probatio minoris, quia si tantum differrent ratione tunc unitas illa quæ unum distinguitur ab alio ratione esset tantum ens rationis. Sed unum quodque sicut se habet ad unitatem sic se habet ad entitatem. Secundum declarandum in hoc articulo est scilicet quod ista distinguatur formaliter, patet sic. Ad hoc enim, quod aliqua distinguuntur formaliter requiruntur quinque. Primum, quod unum non sit in alio sicut in potentia materiali, nam actus, & potentia passiva non distinguuntur formaliter, secundum quod unum non sit in alio virtualiter, quia alia est continentia formalis, alia virtualis, tertium, quod unum non sit in alio sicut in quodam confuso, quartum, quod unum non sit in alio totaliter, quintum, quod unum non includatur in conceptu quiditativo alterius. Sed proprietas sic se habet ad essentiam, ut patet discurrendo per omnia membra, ergo proprietas non est idem formaliter, quod essentia. Tertium hoc declarandum est, quod talis distinctio non facit compositionem in Deo, quod probatur sic. Æque simplex est tota trinitas, sicut quælibet persona, sed non obstante illa simplicitate sunt ibi tres res, ergo illa distinctio non facit compositionem. Præterea, pater est simplicissimus, sed in patre sunt duæ proprietates scilicet generatio activa, & spiratio activa, & istæ non sunt formaliter idem, ut patuit supra, ergo talis distinctio non facit compositionem.

Essentia quomodo sit ens reale, non ens rationis.

Quod aliqua distinguatur formaliter quinque requiruntur.

In patre sunt duæ proprietates.

Dist. 12.

Præterea dato, quòd res, & res faciant compositionem tamen res non facit compositionem cum modo formali, sed proprietas dicit modum formalem, essentia autem dicit rem, ergo non faciunt compositionem. Ultimo sic. Ista se habent per ordine distinctio, vnio, com-

Distinctio positio, & resolutio, ita quòd distinctio est prior vnione, *quomodo sit* vnio est prior compositione, compositio est prior resolutione: Sed prius potest esse sine posteriori, ergo potest *prior vnione.* esse distinctio sine compositione.

De quarto articulo. Ad primum quando probatur, quòd proprietas, & relatio distinguuntur realiter ab essentia, quia idem potest esse multiplicatum, & non multiplicatum, dico quòd verum est quando illa sunt totaliter eadem, proprietas autem, & essentia non sunt eadem quauis sint idem realiter, ideo potest vnum multiplicari alio non

Potentia ani- multiplicato, sicut dicimus in anima, in qua multiplicatur *ma sunt idem* potentia sine multiplicatione essentia, & tamen potentia sunt idem quod essentia animæ, licet non totaliter *realiter di-* per Aug. Et eode modo dico ad omnes maiores quinque *stinguuntur* rationum, quæ sequuntur. Idem enim non est realiter in *formaliter.* seipso nisi sit aliqua distinctio formaliter. Et similiter de *14. de tri. c. 8.* perfectione simpliciter, & de infinito, & de aliis.

Ad argumenta secundæ opinionis, pro secundo articulo. Ad primum dico, quòd paternitas non est creatura, & cum infertur, ergo erit essentia diuina, concedo per idemprimitatem realem, sed nego formaliter, & adæquate. Ad secundum cum dicitur res, & res faciunt compositionem, patet ex dictis in fine tertii articuli. Ad tertium cum dicitur quod proprietas non excedit suum subiectum, concedo. Cum autem additur, quòd ens distinguitur per ens reale, & ens rationis dico, quòd alterum membrum habet latitudinē, quia ens reale quod est ens extra animam accipitur pro re fundamentali, & pro modo formali entis, vt patuit supra dist. 8.

Ens diuiditur
in ens reale,
Et rationis.

Ad quartum cum dicitur, quòd proprietas comparata ad essentiam tantum distinguatur ab ea quantum distinguitur ab opposito, dico quòd est falsum, sed distinguitur sicut proprietas modalis, & modus à fundamento. Et eodem modo ad quintum.

Ca. dānamus.

Ad sextum autem dico, quòd ista positio non est

contra decretalem, quia non pono ibi quatuor res reales, sed pono vnam rem fundamentalem in qua sunt tres proprietates constitutiue, cum non idempnitatem formalis, nec ideo sequitur error Ioachim, nec Porretani: Nā Porretanus ponebat relationes realiter distinctas, & sic affixas essentia, quod ego non pono.

Ad primum principale dico, quod essentia, & proprietates non vniuntur in persona sicut actus, & potentia, sed sicut actus, & actus.

Ad secundum patet, quod illa non idempnitatem, siue distinctio formalis, non facit compositionem, vt patet in tertio articulo.

Determinatio ecclesia intelligis de rebus subsistentibus, tamen non intelligis de rebus nō subsistentibus vt est spiratio actiua.

Vtrum persona sit idem cum essentia?

Hoc idem querit Scotus primo sentent. distinct. 33.

QVAESTIO II.

SECUNDO queritur. Vtrum persona sit idē quod essentia? Videtur quod non, quia quicumque vni, & eidem sunt eadem inter se sunt eadem, ergo si persona est idem quod essentia, sequitur, quod personae sunt eadē inter se, quod est falsum. In contrarium est Magister in litera, & August. Circa istam quaestionem dico duas conclusiones. Prima, quod persona est idem quod essentia, secunda, quod non est idem adaequate sibi. Prima conclusio sic probatur. In creatura totum est idem partibus secundum multos, ergo in diuinis habens essentiam, & proprietatem est idem essentiae, & proprietati, quamuis illae non sint partes. Sed persona est huiusmodi, ergo persona est idem quod essentia.

7. de tri. c. 4.

Secunda conclusio patet, quia essentia non est persona, sed aliquid personae. Ex hoc arguitur sic. Quando aliquid constituitur ex duobus quorum vnum non est idē totaliter alteri tunc nullum constituentium est idem totaliter toti, & adaequate, sed persona constituitur ex essentia, & proprietate, & proprietates nō est totaliter eadē cū essentia, vt patet ex praecedenti quaestione, ergo persona non

Quare in reportatis has quaesiones ad plenum.

*Quomodo es-
sentia est ide-
formaliter cū
persona.*

est idem adæquate, quod essentia. Sed dices, est ne idem formaliter? dico, quod si essentia accipitur, ut fundamē-
tum formalitatis, & persona ut terminus, sic essentia nō
est idem formaliter, quia nō includit formalitatem per-
sonæ. Ad argumentum in contrarium dico, quod illa,
quæ sunt idem simpliciter, & totaliter alicui, tertio sunt
eadem inter se. Sed patet ex dictis, quod persona nō est
eadem totaliter, & adæquate essentia, ergo non oportet,
quod sint eadem inter se.

DISTINCTIO XXXV.

Vtrum Deus cognoscat aliud à se?

Hoc quaesitum mouet Scotus primo senten. distinc. 35.

D. Thomas prima parte q. 14. Artic. 5.

Ricardus primo senten. distinc. 35 q. 3.

QVAESTIO I.

*Vide Scotū,
15. q. quolib.
ar. 2.*



CVM QVÆ supra disseruimus. Circa istam di-
stinctionem 35. quaeritur. Vtrum Deus co-
gnoscat aliud à se? Et videtur, quod nō, quia
intellectus patitur ab intelligibili. Sed Deus
non patitur ab alio à se, ergo Deus non intelligit aliud
à se. Præterea intellectus refertur realiter ad intelligi-
bile, sed Deus non refertur ad aliud à se realiter, ergo.

Præterea, nulla potentia intelligit aliquid extra suum
obiectum adæquatum, sed obiectum adæquatum intel-
lectus diuini est essentia diuina, ergo Deus non intelli-
git aliud à sua essentia.

*3. de anima
com ex. 36.*

Heb. 6. 4.

Contra apostolus omnia nuda, & aperta sunt oculis
eius. Circa istam quaestionem sunt tria videnda: Primo
si in Deo est formaliter intellectus, secūdo si intellectus
Dei intelligit aliud à se secundum mentem philosopho-
rum, tertio si intelligit aliud à se secundum mentem
theologorum.

Quantum ad primum dico, quod in Deo est intelle-
ctus formaliter quod probatur sic. Omne agens extra se
aliquid agit propter finem, sed Deus cum sit potentia

causa effectiua omnium, agit aliquid extra se, ergo agit propter finem. Iste autem finis aut est præcognitus ab eo, aut est sibi præstitutus ab alio. Si primo modo habetur propositum. Si secundo ergo Deus non est ens simpliciter primum.

Præterea, natura agit propter finem, ergo dirigitur ab aliquo præcognoscente finem, sed dirigitur à prima causa, siue à Deo, ergo Deus præcognoscit finem, & sic habet intellectum. 2. Phys. com-
tex. 75.

Præterea, in quo est formaliter voluntas in eo est formaliter intellectus, sed in Deo est formaliter voluntas, ergo.

Probatio minoris, eo modo mouent causæ secundæ, quæ mouentur à prima causa. Sed secundæ causæ aliquæ mouent contingenter, ergo prima causa mouet contingenter. Sed causa prima contingentia est voluntas, ergo est in Deo formaliter voluntas. Præterea Arist. probat eam sic. Intelligere aliquid est honorabilissimum, sed prima substantia est honorabilissima, ergo prima substantia, siue Deus maxime habet intellectum. Præterea, quod dicit perfectionem simpliciter est ponendum in Deo, sed intellectus dicit perfectionem simpliciter, ergo intellectus est formaliter in Deo. Vltimo probatur hoc idem ab aliis sic, quanto aliquid est plus immune à materia, tanto est magis intelligibile obiectiue, & actiue, nam immaterialitas est causa intellectionis per Auicennam, & per Aristotelem. Sed Deus est maximè immunis à materia, ergo habet maxime intellectum. 12. Met. com-
tex. 51.

De secundo articulo patet error Commentatoris reprehendentis Themistium, dicit sic. Cumque hoc ignorauerit Themistius dicit, quòd possibile est, quod intellectus primi intelligat multa intelligibilia, hoc autem contradicit sermoni nostro, & dicimus solum intelligere se, non aliquid extrinsecum. Est ergo opinio Commentatoris ibi, quod Deus non intelligit aliud à se. Et colliguntur ex illo aliquæ rationes. 9. Met. c. 3.
de ani. cõtex.

Prima ratio talis est, vbi obiectum non est idem cum intelligente, ibi intellectio non est eadem cum substantia intelligentis, sed intellectio Dei est eadem cum substantia, ergo non intelligit aliud à se: maior patet, nam in

Prima ratio
Auerrois.

Deo est intellectio eadem cum essentia, quia obiectum est idem, vbi ergo obiectum nō est idem, ibi intellectio non est eadem.

2. ratio.

Secunda ratio est talis, quod intelligit aliud à se perficitur per aliud à se, sed intellectus Dei non perficitur per aliud à se, ergo non intelligit aliud à se.

3. ratio.

Tertia ratio est talis, aut simul intelligit se, & aliud à se, aut successiue, non primo modo, quia tunc intellectus simul intelligeret plura, vt plura, non secundo modo, quia tunc intellectus eius esset mutabilis, ergo non intelligit aliud à se.

4. ratio.

Quarta est. Si intellectus Dei intelligeret aliud à se, scilicet ista vilia, ergo intellectus eius esset vilis in intelligendo vilia, & sic eius actio esset vilissima omnium actionum, sed hoc est inconueniens, ergo Deus non intelligit aliud à se.

5. ratio.

Quinto sic, vna simplex potentia aspicit vnum simplex obiectum, sed intellectus Dei est vnus simpliciter, ergo intelligit vnum simplicissimum obiectum, & sic intelligit se, & non aliud à se. Vltimo probatur ab eodē quod intellectus diuinus non cognoscit particularia, sic.

12. Met. con.

51.

Intellectus Dei non cognoscit nisi ea, quę sunt per se intenta à natura, sed particularia non sunt per se intenta à natura, ergo Deus nō cognoscit particularia. Aliqui artistę, probant idem per aliquas rationes sic. Quando aliquid est primum obiectū alicuius potentię non potest cognosci ab alia potentia, nisi moueatur ab ipsa potētia, cuius est per se obiectum. Sed singulare sensibile est per se obiectum sensus, ergo singulare sensibile non potest per se cognosci ab intellectu, nisi moueatur à potentia sensitua. Sed intellectus Dei non mouetur à potentia sensitua, ergo.

Opinio quorundā Arist.

Præterea, quando aliquid est per se obiectum alicuius potentię non potest apprehendi ab alia potentia, nisi fiat reflexio super potentiam cuius est per se obiectum: Sed singulare est per se obiectum sensus, ergo non potest apprehendi ab intellectu, nisi per reflexionem super sensum. Sed intellectus Dei non est reflexiuus supra sensum, ergo Deus non cognoscit singulare.

Præterea intellectus diuinus cōformatur intelligibili, sed intellectus Dei semper est in actu, ergo eius intelligibile semper est in actu intelligibili, sed particulare nō est semper in actu intelligibili, ergo Deus non intelligit particulare.

Ultimo sic, intellectio fit per abstractionem, sed singulare inquantum singulare non semper abstrahit, imo semper concernit hic, & nunc, ergo Deus non intelligit singulare.

De tertio articulo dico secundum Theologos, quōd opinio Commentatoris est hæretica, & falsa. Ideo te- *Vide Scotum in vltima q. qualib.*
neo. quod Deus intelligat se, & alia a se, & etiam parti-
cularia, hoc probatur. Primo per philosophum, vbi di-
cit contra Empedoclem, quōd si Deus ignoraret litem
esset imperfectus, deinde quōd si Deus ignoraret ea, quæ
nos cognoscimus esset fatuissimus. *1. de anima cont. 80.*

Præterea, dicit ipsemet Commentator, quōd scientia Dei est causa rerum, quod non esset verum nisi cognosceret res alias a se.

Præterea, ad hoc ipsemet Commentator dicit, quōd ipse laborauit diu in isto passu, & non potuit intelligere, Deus autem duxit eum in cognitionem illius veritatis. *12. Met. commen. 51.*
Ex quo arguitur sic. Quia, aut induxit eum a casu, aut
ex cognitione. Si a casu, ergo non debuit hoc dicere de
illo plus quam de aliis casibus. Si autem induxit eum in
cognoscendo, habeo propositum. *Commentator ab ipsa quasi veritate coactus dicit se*

Præterea, in virtute Dei continentur virtutes causarū
secundarum. Ex quo arguitur sic. Cognoscens perfecte
virtutem suam cognoscit omnia ad quæ virtus illa se ex-
tendit, sed Deus cognoscit virtutem suam, ergo co-
gnoscit omnia ad quæ virtus illa se extendit. Sed vir-
tus illa extendit se ad particularia, quæ sunt extra Deum,
ergo. Præter ea sapientis est prima ordinatio. Ex hoc
arguitur sic. Ordinans aliquid, vt ad finem cognoscit
illud, sed deus ordinat alia a se, vt ad finem, ergo cog-
noscit illa. *quandoque il-
lustratū fuisse
in solutione
alcius diffi-
cultatis.
1. Met. in
prohæmio.*

Præterea, intellectus qui continet eminentissime
perfectionem sensus, & imaginationis potest intelligere
obiectum sensus, & imaginationis. Sed intellectus dei
est huiusmodi, ergo potest intelligere obiectum sensus,

& imaginationis. Sed obiectum sensitivæ potentia, vel imaginativæ est singulare, ergo.

Ratio theologia.

Scotus 15. q. quolib.

Determinat quod Deus non cognoscit entia in genere proprio, & extra se, recte docet, & intelligit motum, non enim movetur à rebus in genere proprio divinus intellectus, nam intellectus ille movetur ab essentia sua.

Ultimo arguitur ad idem sic per rationem Theoricā, Deus particulariter iudicabit hominem, sed hoc non posset esse, nisi cognosceret actus hominum, & isti actus sunt singulares, & aliud à Deo, ergo Deus cognoscit singulāria, quæ sunt alia ab ipso. Ut autem intelligatur qualiter Deus cognoscit aliud à se est notandum, quod obiectum habet ad potētiam duplicem habitudinem. Vnā in ratione motui, ut dicit philosophus 3. de ani. Aliam in ratione terminantis actum potentia, & hoc contingit dupliciter. Vel quia terminat actum potentia secundum propriam rationem, sicut sensibile proprium primo actui sensus, vel terminat secundario actum potentia in quantum includitur in ratione alicuius alterius obiecti primo terminantis actum potentia.

Ad propositum dico, quod Deus nihil aliud à se intelligit in ratione motui, tum quia eius intellectio esset finita, si posset moveri à singulari finito, tum quia eius intellectus vilesceret, si posset moveri à singulari finito. Secundo dico, quod Deus non intelligit aliud à se, ita quod illud primo terminet actum intellectus divini, licet terminat secundario, quia obiectum quod primo terminat actum alicuius potentia necessario coexistitur ad istum actum. Sed nullum creatum necessario coexistitur ad actum infinitum, sicut est intellectio Dei, ergo nihil aliud à Deo terminat primo actum intellectus divini. Tertio dico, quod aliud à Deo potest intelligi ab ipso, ita quod terminat actum illum virtute primi obiecti scilicet virtute essentia divina in qua est, quia tale obiectum non necessario coexistitur ad illum actum. Ex his patet ad rationes, quæ sunt pro opinione Comment. Ad primum quando dicitur, quod in eo quod intelligit aliud à se, eius intellectio est aliud ab essentia: concedo, si obiectum se habet in ratione motiva, & intellectus in ratione passiva, & receptiva. Intellectus autem Dei non sic se habet cum intelligit aliud à se, quia illud non se habet in ratione motiva, sed in ratione terminativa secundo modo dicta. Et eodem modo ad secundum. Ad tertium dico, quod intellectus Dei simul intelligit se, &

aliud à se. Et cum dicis, tunc intellectus intelligeret plura simul vt plura, concedo quod intellectus illimitatus, & infinitus, sicut est intellectus Dei: intelligit simul plura, vt plura, immo alias non esset infinitus. Ad quartum dico, quod ibi nulla est vtilitas, quia ista infima non representantur in essentia diuina vt sunt vilia. Ad quintum dico, quod intellectus diuinus habet obiectum simplicissimum in essendo, & hoc obiectum continet infinita in representando.

Quomodo vicia non representantur in essentia diuina?

Ad aliud cum dicitur, quod Deus non intelligit nisi ea, quæ sunt per se intenta à natura, dico, quod hoc est falsum, nam Deus intelligit ea, quæ eueniunt præter cursum naturæ ex sua prouidentia, & dispositione.

Deus intelligit ea, quæ eueniunt præter cursum naturæ.

Ad alias rationes, quæ sequuntur, dico quod ipse bene concludunt, quod Deus non intelligit singularia isto modo vt singularia extra Deum moueant intellectum diuinum. nec ego hoc pono, sed dico, quod Deus intelligit singularia, & ista se habent in ratione terminatiua, non quidem tanquam primarium obiectum, sed tanquàm contentum in primario obiecto primo terminante scilicet in diuina essentia. Ad primum principale cum dicitur, quod intellectus patitur ab intelligibili, dico quod verum est in intellectu creato. Vel aliter, & melius, quod illud est verum quando intellectus mouetur primo ab intelligibili. Dictum est autem, quod nihil sic mouet intellectum diuinum. Ad secundum dico, quod intellectus refertur realiter ad scibile, quando eius scientia causatur à re. Sed quando scientia est causa rerum tunc non oportet. Scientia autem Dei est causa rerum, & non est causata à rebus, per Commētatorem. Ad vltimum dico, quod essentia diuina est primum obiectum intellectus Dei in essendo, & in representando, vt autem sumitur in representando, representat se, & alia à se, & sic intellectus Dei intelligit aliud à se.

Quomodo Deus intelligat singularia.

12. Met. con. 51.

DISTINCTIO XXXVI.

Vtrum ideæ sint ponendæ?

Hoc questum mouet Scotus primo sent. dist. 36. q. 1.

D. Bona. 1. sent. dist. 36. q. 1.

*Ricardus primo sent. dist. 3. q. 4.**Durandus 1. sent. dist. 36. q. 2.*

QVAESTIO I.



OLET hic quæri cum. Circa istam distinctionem xxxvi. quæritur primo. Vtrū ideæ sint ponendæ? Videtur, quod non, quia philosophus improbat eas. Præterea, ideæ aut ponuntur extra intellectum, aut in intelle-

*7. Met. cont.
21. & inde
copiose.*

ctu, non primo modo, ut patet, nec etiam secundo modo, quia tunc prohiberent intellectiōem, consequentia probatur per philosophum ubi dicit, quod si extraneum esset in intellectu prohiberet intellectiōem. In contrarium est Aug.

3. de anim.

Circa istam quæstionem est primo videndum quid sit idea, secundo si sunt ponendæ in Deo, tertio in quo sunt principaliter ponendæ, quarto qualiter sunt ponendæ.

83. q. 46.

Quid sit idea.

De primo dico, quod idea est forma intellectualis exemplaris, quod autem sit forma patet per Augustinum, ubi supra, ubi dicit, quod transferendo nomen ex nomine idea est forma, nam idea græce est forma latine, quod autem sit intellectualis patet ibidem, ut dicitur, quod si idea dicatur ratio non erit proprie translatio verbi, ex verbo, tamen à veritate non disceditur: quia idea est forma intellectualis, quod autem sit exemplaris probatur, non enim quocunque modo forma, quæ est in intellectu dicitur exemplaris, imò illa forma dicitur exemplaris quæ est intellectualis, & productiua rei ad extra, sed idea est huiusmodi, ergo idea est forma intellectualis exemplaris.

*Idea græca
quid sit.*

*Vide Alexandrū Alēsem quid sit
Idea. 2. parte
Summe loquendo de
ideis.*

*7. met. cont.
21. & inde
lib. 83. q. 46.
Quomodo in
Deo sunt ponendæ
Ideæ.*

De secundo articulo dico, quod aut ideæ ponuntur separate sicut imposuit Aristoteles, Platoni, aut ponuntur ideæ in intellectu, sicut Augustinus exposuit Platonem. Primo modo ideæ non sunt ponendæ, secundo modo sic, quia nobilissimus modus producendi non deficit in vniuerso: Sed nobilissimus modus producendi est per intellectum, & voluntatem per rationes ideales, ergo ideæ sunt ponendæ.

De tertio dico, quod in Deo principaliter ponendæ

sunt ideæ cuius ratio est, quia in illo principaliter ponē-
dæ sunt ideæ qui est principium, & auctor totius naturæ.
Sed Deus est huiusmodi, ergo ideæ principaliter ponē-
dæ sunt in Deo. Maior pater: quia cum ideæ sunt ratio-
nes exemplares rerum naturalium, ideo debent poni in
eo qui est auctor totius naturæ.

De quarto articulo qui est prolixior dico, quod ideæ,
vt patet per Augustinum vbi supra spectant ad intelle-
ctum. In intellectu autem diuino secundum nostrum
modum intelligendi sunt tria considerata scipsium in-
tellectum, & actum intelligendi & essentiam diuinam,
quæ repræsentat se, & alia. Certum est autem, quod ideæ
non ponuntur in intellectu nec in actu intelligendi vt
sic, ponuntur autem in essentia. Essentia autem accipitur

*In intellectu
Dei sunt tria
consideranda.*

duplicitur, vt obiectum cognitū, & vt est ratio cognos-
cendi. Ideo vt appareat qualiter ideæ sint ponēdæ opor-
tet duo videre. Primo si essentia repræsentat alia à se se-
cundo principale quæsitum. De primo est opinio, vna
quod essentia absolute sumpta non repræsentat alia à se
distincte, cuius ratio est, quia repræsentatiuum commu-
ne non repræsentat multa distincte: sed essentia est repræ-

*Essentia duo-
bus modis su-
mitur.*

sentatiuum commune, ergo non repræsentat omnia di-
stincte. Secundo dico, quod essentia sub distinctis respec-
tibus repræsentat distincte alia à se. Intellectus enim
primo fertur super essentiam absolute, deinde fertur su-
pra essentiam, vt est imitabile repræsentat alia distincte.
Contra hoc obijctur: quia quod repræsentat distincte
respectus repræsentat etiam distincte ea ad quæ sunt illi
respectus: sed essentia secundum se repræsentat distincte
illos respectus imitabilitatis, quia alias esset processus in
infinitum in respectibus, ergo essentia secundum se
distincta repræsentat omnia ad quæ sunt illi respectus,
& sic dicitur, quod essentia secundum se distincta re-
præsentat omnia. Ad argumentum contrariæ opinio-
nis dico, quod commune repræsentatiuum est du-
plex, scilicet communitate prædicationis, & com-
munitate perfectionis. Repræsentatiuum autem com-
mune communitate prædicationis non repræsentat di-
stincte. Repræsentatiuum autem commune communi-
tate perfectionis repræsentat distincte ea quæ conti-

*Opinio ali-
quorum.*

*Commune
repræsenta-
tiuum duplex
est.*

net. Essentia autem diuina habet communitatem perfectionis, ideo repræsentat distincte alia.

*Quid sit idea
secundū Sco-
tum, in primo
sent. dist. 35.
7. met. cont.
23.*

De secundo videndo. in isto articulo sunt duæ opinioniones, vna Scoti quod ideæ nihil aliud sunt in Deo nisi res obiectiue cognitæ. Quod probatur sic. Illud est idea in Deo ad cuius similitudinem producitur res extra. Sed res extra producitur ad similitudinem rei cognitæ, ergo res obiectiue cognitæ sunt ideæ, probatio minoris per Aristotelem. A domo inquit in mente fit domus ad extra. Ibi autem non accipitur domus pro specie, quia ibidem subditur, quod vniuocum sit ab vniuoco, species autem non est vniuocum domo, ergo ibi accipitur domus pro obiecto cognito. Præterea eo modo ponendæ

*August. Pla-
tonem saluat
contra Arist.
Vide Fran-
ciscum de
May. in pri-
mo sent. q. 45.*

sunt ideæ quo ponit eas Augustinus. Sed Augustinus ponit eas, vt obiecta cognita, ergo probatio minoris: nam ipse ponit eas, sicut exponit Platonem, Plato autem posuit eas in mente diuina, sicut obiecta cognita. Præterea idea est illud per quod artifex in mente se habet ad artificium, sed illud est obiectum cognitum, & non ratio cognoscendi, ergo ideæ sunt obiecta cognita. Alia opinio dicit, quod ideæ sunt essentia diuina continens in se perfectiones omnium. Nō enim potest esse obiecta cognita vt ponebat præcedens opinio. quia obiectum in se cognitum est ens rationis: sed idea non est ens rationis, ergo idea non est obiectum in esse cognito, probatio minoris. Augustinus dicit supra quod intelligentia idearum est verifica, & beatifica, sed cognitio entis rationis non est beatifica, ergo idea non est ens rationis. Præterea idea habet rationem principij productiui, sed ens rationis non habet rationem principij productiui, ergo. Præterea idea est illud quo Deus operatur, sed obiectum cognitum cum sit ens rationis non est illud quo Deus operatur, ergo idea non est obiectum cognitū. Cui placeat præcedens opinio potest respondere ad argumēta sic.

*Quid sit Idea
secundum
alios.*

*An intelli-
gentia idea-
rum sit beati-
fica.*

Ad primum per interemptionem minoris, ad probationem cum dicitur quod intelligentia idearum est beatifica, dico quod competit ideæ vt sic, sed competit ideæ quæ repræsentatur in essentia diuina, vt est obiectū beatificum, vnum aspiciens ideam in Deo aspicit Deum in quo est beatus. Ad secundum cum dicitur, quod ens ra-
tionis

tionis non est principium productiuum, dico, quod verum est vt quo est, est autem falsum vt ad quod. Ad tertium dico, quod non operatur effectiue per ideam sed exemplariter, vnum cum dicitur, quod illud quo aliquid operatur non est ens rationis, concedo effectiue sed nego exemplariter. Ad primum principale pater ex dictis, philosoph. enim improbat ideas, eo modo quo imposuit Platoni quod ideæ essent separatae. Ad secundum dico, quod non prohibetur intellectio per ideam, tum quia non ponuntur in intellectu vt sic, sed in essentia, tum quia non omne extraneum prohibet intellectiōnem. Species enim existens in intellectu non prohibet intellectiōnem.

*Deus operatur exemplariter per ideā
7. met. cont.
21.*

Virum omnia cognita à Deo habeant ideam in ipso?

*Hoc idem querit Scotus 1. sent. dist. 36.
D. Thomas prima parte. q. 15. Artic. 3.*

QVÆSTIO II.

SECUNDO queritur. Virum omnia cognita à Deo habeant ideam in ipso? Videtur quod non, quia malum culpæ est cognitum à Deo, sed malum culpæ non habet ideam in Deo, ergo non omnia cognita ab ipso habent ideam in ipso.

Præterea quod non cognoscitur per se, non per se habet ideam in Deo, sed materia non cognoscitur per se, ex primo philosophorum, ergo.

Præterea Deus cognoscit partes totius sine toto, sed partes totius non habent ideam aliam ab idea totius, ergo. Contra quicquid imitatur distincte Deum habet distinctam ideam in Deo, ergo omnia habent distinctam ideam in Deo. Circa istam quæstionem sunt tres articuli secundum quod de ea sunt tres solennes opiniones.

Vna est Tho. quæ sic colligitur ex corpore quæstionis & solutione argumentorum dicit sic, quod idea ponitur principium scientiæ & causalitatis. In quantum est principium scientiæ spectat ad intellectum speculatiuum, & sic dicitur idea. In quantum autem est principium cau-

*D. Thom. 1.
parte summa
q. 15. art. 3.*

salitatis spectat ad intellectum practicum, & sic dicitur exemplar. Ad propositum dicit sic, quod omnia cognita habent ideam in Deo in quantum idea est principium scientiæ, non autem omnia habent ideam in Deo in quantum idea est principium causalitatis, quia quod nō est nec fuit nec erit non habet ideam in Deo. Item materia non habet ideam in Deo, quia quod non potest per se existere non habet ideam, sed materia non potest per se existere, ergo non habet ideam.

*An materia
habeat ideam
in Deo.*

Tertio genus non habet propriam ideam ab idea speciei, quia quod non cognoscitur nisi in specie non habet ideam nisi in specie, sed genus cognoscitur in specie tantum, ergo non habet propriam ideam, nisi ideam speciei. Quarto dicit, quod indiuidua non habent ideam præter ideam speciei, tum quia indiuiduum non addit ultra speciem, nisi materia, & materia non habet ideam, ut visum est, tum quia indiuidua non sunt per se intenta à natura. Quæ autem non sunt per se intenta à natura nō habent ideam.

Quinto accidentia inseparabilia non habent ideam præter ideam subiecti, licet enim artifex habeat ideam accidentis separabilis, puta picturæ domus, non tamen ideam accidentis quod inseparabiliter concomitatur substantiam, siue domum.

Alia opinio dicit, quod dupliciter possumus loqui de re, quia est res primæ intentionis, & secundæ intentionis. Res quidem secundæ intentionis non habent ideam in Deo. Res autem primæ intentionis distinguuntur in rem naturalem, & in rem artificialem. Res quidem artificialis non habet ideam in Deo. Res autem naturales adhuc distinguuntur: quia quædam sunt ad se quædam ad aliud. Res quidem ad aliud sunt septem prædicamenta respectiua, & ista nō habent ideam in Deo, quia quod non habet propriam realitatem non habet ideam, sed relatio non habet realitatem præter realitatem fundamenti, ergo non habet ideam. Res autem naturales ad se distinguuntur: quia quædam sunt ad se essentialiter ut substantia, quædam sunt ad se accidentaliter ut quantitas, & qualitas. Res autem ad se essentialiter, ut sunt substantiæ distinguuntur, quia quædam sunt substantiæ to-

*Secundum
hanc opinio-
nem relati-
uorum non
sunt idee,
quia Deus ea
cognoscit per
ideas funda-
mentaliter.*

tius, & quædam substantiæ partis. Partes quidem substantiæ siue substantiæ partium non habent propriam ideam in Deo, substantia vero siue quidditas totius habet propriam ideam in Deo.

Alia est opinio quam teneo, quod omnia habent ideam in deo, omnia dico positiua siue entia naturalia siue artificialia genera species, & indiuidua, relationes, materia, compositum, & partes. Cuius ratio est, quia idea est res obiectiue cognita, sed omnia prædicta sunt res obiectiue cognita, ergo omnia prædicta habent ideam in Deo. Nec dicta præcedentium opinionum non valent. Cum enim dicitur, quod materia non habet ideam, quia non potest per se esse, hoc est falsum, vt patebit, potest enim diuina virtute materia esse sine forma. Et cum dicitur vltterius, quod genus non habet ideam, quæ non cognoscitur, nisi in specie, hoc est falsum, quia Deus potest cognoscere genus vt abstrahit a specie. Similiter cum vltterius dicitur, quod in diuiduum non addit vltra speciem nisi materiam per quam indiuiduatur, dico quod accipit falsum, quia indiuiduatio non fit per materiam vt patebit. Et patet per Auicennam. Ad aliam probationem cum dicitur, quod indiuidua non sunt per se intenta à natura. Respondeo per interemptionem minoris: quia quæ sunt per se intenta ab authore naturæ, sunt per se intenta à natura, sed indiuidua sunt per se intenta per auctorem naturæ, cum habeat de eis prouidentiam ergo sunt per se intenta à natura.

Ad argumentum secundæ rationis de relationibus quando dicitur, quod relatio non habeat ideam, quia nō habet realitatē præter realitatem fundamenti, dico, quod illa præmissa est falsa vt patet per Simplicium in prædicamentis, & per Auicennam, & patebit libro secundo.

Ad primum principale dico, quod malum culpæ non habet ideam in quantum est pura priuatio.

Ad secundum patet ex dictis, quod materia potest esse per se, & habet per se ideam in Deo.

Ad tertium dico quod sicut partes per se intelliguntur, ita per se habent ideam, & tantum de quæstione.

Vtrum creatura in quantum cognita à Deo ab æterno habeant aliquod reale?

*Opinio Scoti
vera.*

*Libro. 2. dist.
12.*

*Libro. 2. dist.
3. q. 53. mes. 6.
3.*

*Tertio mes.
cap. vltimo,
& lib. 2. dist.
4.*

Hoc idem querit Scotus 1. sent. dist. 36. q. 1.

Henricus in summa q. 23. artic. 2 & in quolib. 8. q. 9.

QVAESTIO III.



ERTIO queritur. Vtrum creaturæ inquantum cognitæ à Deo ab æterno habeant aliquod reale. Circa istâ questionē ponitur vna opinio, secūdo vna alia opinio, quam teneo, tertio respōdeo ad motiua primę opinionis.

*Henric. in
summa ar. 2.
q. 23. & 25.
& quolib. 8.
q. 9.*

Quantum ad primum est opinio Henrici, quod creaturæ vt cognitæ à Deo habent aliquod esse reale ab æterno, non quidem esse actualis existentia, sed esse essentia. Pro qua opinione arguitur sic. Scientia realis est de obiecto reali, sed Deus ab æterno habuit scientiam realem de creaturis, ergo creaturæ ab æterno habuerunt aliquod esse reale, sed constat quod habuerunt esse existentia, ergo habuerunt esse essentia. Præterea. Sicut ens ad non ens, ita possibile ad impossibile. Tunc arguitur sic per commutatam propositionem. Sicut ens ad possibile, ita purum non ens ad impossibile: sed quod est ens est possibile, ergo purum non ens est impossibile, ergo si creaturæ fuissent puræ non entia, impossibile fuisset eas esse. Præterea rationes prædicamentales fuerunt ab æterno, sed esse prædicabile est esse essentia, ergo. Præterea hæc est vera ab æterno homo est animal, sed ista est vera secundum esse essentia, quia animal dicitur de homine in primo modo dicēdi per se, ergo essentia animalis fuit ab æterno. Vltimo sic, quod est possibile esse habet aliquid plus de essentia, quā quod impossibile est esse, sed hominem esse possibile fuit ab æterno, chimera autem esse, aut hircoceruum esse est impossibile ab æterno, ergo homo ab æterno habuit plus de essentia, quam chimera, alias vnum nihilum esset maius alio nihilo, sed constat, quod homo plus habuit de esse existentia, ergo habuit plus de esse essentia, & sic fuit ab æterno secundum esse essentia.

*Est aduer-
tendum quod
Deus ab æter-
no producit
quamlibet
creaturam in
esse cognito,
& intellectu
quia quamli-
bet creaturā
intelligit ab
æterno, & ra-
le esse cognitū
est esse secun-
dum quid &
non est ali-
quid verum
esse essentia
vt existentia,
vt habet Sco-
tus hic contra*

*Henricum
de Gandavo
qui voluit*

Alia opinio est in contrarium, quod creaturæ cognitæ à Deo ab æterno non habuerunt aliquod esse reale essentia, quia si habuissent aliquod esse reale destrueretur

creatio, & res non essent proprie create, quia creare est aliquid de nihilo producere, sed si res ab eterno habuissent aliquid esse reale non fuissent de nihilo producte, ergo non fuissent create. Preterea quando aliqua sunt realiter idem impossibile est vnū manere altero nō manente. Sed esse essentie, & esse existentie sunt idem realiter secundū eum, & secundū veritatē, ergo impossibile est vnū manere altero nō manente, ergo si creaturę habuissent ab eterno esse essentie sequitur, quod ab eterno habuissent esse existentie, quod est hereticum.

*tres habere
essentias ab
eterno.*

Argumenta autem primę conclusionis non concludunt, nam si primum argumentum valeret, ita probaretur, quod res habuerūt ab eterno esse existentie sicut esse essentie, nam scientia realis per se est de obiecto reali, sed deus ab eterno habuit scientiam realem de existentia huius rei, ergo res ista habuit ab eterno esse existentie, quod est falsum, dico ergo, deus habuit scientiā realem de rebus, quia omnia cognoscit in sua essentia que est realissima. Ad secundum dico, quod argumentum de commutata proportionē non tenet nisi in terminis conuertibilibus, & quia isti termini non sunt conuertibiles, ergo non valet. Ad tertium cum dicitur, quod res habuit esse predicamentale sumitur dupliciter, scilicet in re, & in predicamentale ab eterno, dico quod esse conceptu primo modo non sunt ab eterno, secundo modo sunt, & similiter dico ad quartum. Ad quintum quando arguitur sic: Illud quod est possibile esse habet aliquid plus quam illud quod est impossibile esse, dico, quod est falsum, nisi quantum ad cōpossibilitatem terminorum, sed non quantum ad esse rei. Nam ab eterno termini hominis, scilicet animal rationale fuerūt cōpossibiles, sed termini hircocerui nullam habuerunt cōpossibilitatē, & illo modo vnū, vel nihil maius est altero nihilo, scilicet propter cōpossibilitatē terminorum.

*Deus omnia
cognoscit in
sua essentia*

*Esse predicamentale duobus modis
sumitur.*

DISTINCTIO XXXVII.

Utrum Deus sit ubique.

Hoc quesitum mouet S. deus prima secunda distinctio. 37.

Thomas primus secundę quest. 8. Artic. 2. in 2.º steph. flor.

Ricardus primus secundę distinctio. 37. q. 3. ubi dicitur si

QVÆSTIO I.

83. q. quæst.
20.

ET quoniam denumeratur. Circa istam distinctionem 37. queritur. Vtrum Deus sit vbique? Videtur quod non. Augustinus: Deus inquit non est alicubi: quia in eo sunt omnia, si ergo esset vbique, sequeretur quod esset in seipso. Præterea si Deus est vbique ergo est mutabilis: consequens est falsum, ergo, & antecedens. Probatio consequentiæ, quod est vbi prius non fuit, mutatur, sed si Deus crearet nouum cælum, esset in eo, si ponatur vbique, & prius non fuit in eo, ergo mutatur. In contrarium est Magister in litera, & probat per Ambrosium. In ista quæstione sunt quatuor videnda. Primo si Deus est vbique, secundo per quid est formaliter vbique: tertio si esse vbique est proprium Dei, quarto quibus modis generaliter loquendo est vbique.

In primo libro de spiritu sancto c.

7. in principio.

D. Thomas parte 1. q. 98.

artic. 2.

7. Phys. cons.

10.

philosophia

philosophia

philosophia

philosophia

philosophia

philosophia

philosophia

philosophia

philosophia

philosophia

philosophia

philosophia

philosophia

philosophia

philosophia

philosophia

philosophia

philosophia

philosophia

Quantum ad 1. hoc probat Thom. sic oportet agens esse coniunctum ei in quod immediate agit, sed agit immediate in omnes res omnibus rebus, ergo Deus est in omnibus rebus, & per consequens est vbique. Maior patet, ex septimo philosophorum, vbi probat philosoph. quod mouens, & motus sunt simul. Minor probatur: tum quia esse creature est proprius effectus Dei: tum quia creature immediatæ conseruantur à Deo quemadmodum lumen in aere conseruatur à sole. Contra istam rationem instatur: qui propositio assumpta, ex septimo philosophorum est vera de agente naturali sicut patet per omnia extra adducta à philosoph. ibidem impulsione, tractione, vectione, & vertigine; Deus autem est agens voluntarium, & non naturale. Ex his arguitur vltterius sic: Agens per voluntatem non requirit similitudinem sui effectus vt sit in illo: quia voluntas potest esse respectu obiecti absentis sicut presentis, sed Deus est agens per voluntatem, ergo non requirit similitudinem suorum effectuum vt sit in eis.

Deus est agens voluntarium, non naturale.

Exemplum de Sole.

Præterea agens pro quanto est virtuosius tanto potest agere in obiectum magis distans: Exemplum de sole qui potest producere vermem, cum tamen plus

distet quam aliæ res inferiores: sed Deus est virtuosius agens quam sol. ergo non oportet quod sit præsens suis effectibus. Si dicas, quod hoc facit sol per radium qui non est distans sed præsens vermi.

Contra, accidens est imperfectius substantia, sed impossibile est quod imperfectius sit forma, vel ratio producendi perfectius. Cum ergo radius sit accidens non potest esse ratio producendi vermem. Ideo conclusio probatur sic ab aliis. Illud ens spirituale, quod habet ordinē ad omnia gubernando, & conseruando, ergo Deus est in omnibus, & sic est vbique. Maior probatur sic. Quod facit situs in corporibus hoc facit ordo in spiritibus: sed res corporales determinantur ad locū per sitū, ergo res spirituales sunt in loco per ordinē. Et ideo illud ens, quod habet ordinē ad omnia est in omnibus. Contra, iste ordo, aut dicit relationem rationis, aut realem, si dicit relationem rationis, tunc nihil facit ad propositum de modo essendi Deum vbique, si autem dicit relationē realem, hoc falsum, quia probatū est, quod Dei ad creaturam non est relatio realiter. Doctor autem noster Sco. dicit, quod contra ista est credita, tamen si aliqua ratio esset efficax inter omnes, ratio tamen Magistri esset efficacior ad probandum istam conclusionem, quæ talis est. Deus aut nusquā est, aut alicubi est, aut alicubi non, aut vbique, non primo modo patet, nec secundo modo, quia non esset ratio, quare plus esset ibi, quam hic, ergo Deus est vbique.

De secundo articulo dico, quod ratio essendi Deum vbique est sua infinitas, quia illud est ratio essendi Deū vbique, quo posito Deus est vbique, & quo circūscripto Deus non est vbique, sed circūscripta Dei infinitate, & simplicitate Deus non esset vbique, posita autem simplicitate, & infinitate dei Deus est vbique, ergo ratio essendi deum vbique est infinitas Dei, & simplicitas.

Præterea probatur idē per dictum Augustinū, sicut se habet anima ad corpus, ita se habet Deus ad vniuersum, præter hoc quod informat: sed anima est tota in toto, & tota in qualibet parte corporis propter suam simplicitatē & virtutem, virtus autem dei est sua infinitas, ergo

De tertio articulo dico, quod esse vbique est proprium

*Vide D. Th.
1. parte sum-
ma 98. art. 1.*

*Dist. 30. q.
1. huius libri.*

*Opinio Scoti.
& magistri.*

*Que sit ratio
essendi Deum
vbique.*

*Lib. de quan-
titate Anima
& 7. de tri.*

*Libro de spi-
ritu sancto
capit. 7. in
principio.*

dei, quod probatur per Ambrosium. Spiritus inquit sanctus in omnibus, & vbique est semper quod vtrique deitatis, & donationis est proprium. Præterea esse vbique conuenit Deo per rationem simplicitatis, & infinitatis, sed esse infinitum est proprium soli Deo, ergo esse vbique est proprium soli Deo.

Præterea illud est proprium alicui quod conuenit sibi quacunque positione facta: circa vniuersum cōuenit deo esse vbique, ergo esse vbique est proprium deo. Minor probatur, quia si deus faceret vnum alium mundum, siue plures, adhuc esset in eis.

De quarto articulo dico, quod Deus loquendo generaliter tribus modis est vbique, scilicet per præsentiam, potentiam, & essentiam. Cuius ratio est ista, nam deus aspicit creaturas per intellectum, volūtatē, & illapsum propter intellectum quidem est vbique per præsentiam, propter voluntatem est vbique per potentiam, propter illapsum est vbique per essentiam, nam essentia dei cuiuslibet creaturæ entitati habet illabi.

*Quomodo
deus sit vbi-
que modo spi-
rituali vide
Marfilium
39. q. 1.*

Notandum autem, quod præter istos tres modos generales quibus deus est vbique ad hoc est deus vbique modo spiritali, quia est in sanctis per charitatē, & gratiam. Item est in Christo per vnionem verbi ad naturā humanam quæ vnio est nobilissima, & excellentissima.

Ad primum principale dico, quod Augustinus intelligit quod Deus non est alicubi localiter. Et cū vltius dicitur, quod idē esset in se, dico, quod non est inconueniens nisi esset modus essendi, & isto modo negat philosophia nihil esse in se formaliter. Ad secundū nego consequentiam, non enim oportet, quod deus mutetur si deus est vbique, & cum probatur, quia si deus crearet nouum mundum ibidem de nouo esset, dico, quod non sequitur propter hoc mutatio in deo, quia non haberet deus propter hoc aliquam nouam relationem ad istam creaturam quamuis ista creatura haberet relationem realem ad deum. Circa istam partem istius distinctionis in qua incidentaliter querit Magister de locatione substantiarū spiritalium consuevit queri a doctoribus. Vtrū substantia spiritalis puta angelus sit in loco, & per quid est in loco, & si plures angeli possunt simul esse in eodē loco.

Hanc autem difficultatem nolo hic tangere, quia ponam eam.

In lib. 2. d. 3.

DISTINCTIO XXXVIII.

Verum scientia Dei sit causa rerum?

Hoc quæstionem mouet Scotus primo sententiarum dist. 38.

D. Thomas 1. parte q. 8. art. 1.

QVÆSTIO I.

Nunc ad propositum reuertentes. Circa istā distinctionem 38. quæritur. Vtrum scientia dei sit causa rerum? Videtur quod non, quia causa rerum dicit esse forma actiua, sed scientia dei non est forma actiua, ergo scientia dei non est causa, vel forma rerum. Probatio minoris. Scientia est de prima specie qualitatis, sed in prima specie qualitatis non reponuntur formæ actiue, quia sunt in tertia specie qualitatis, ergo scientia non est forma actiua. Præterea posita causa ponitur effectus, sed scientia dei est æterna, sequitur ergo si scientia dei est causa rerū, quod res sint æternæ. Præterea posterius non est causa prioris, sed scientia dei est posterior scibili, ergo scientia dei non est causa rerum. In contrarium est Magister in litera, & Cōmentator, dicens, quod scientia dei est causa rerū. Circa hanc quæstionem dico duas conclusiones.

12. met. com. 31.

Prima, quod Deus est causa rerum per intellectū siue per scientiam, & voluntatem, quæ probatur sic. Illud quod non producit per intellectum, & voluntatem refertur relatione reali ad suum productum, sed deus non refertur relatione reali ad res, ergo deus producit per intellectum, & voluntatem. Præterea sicut se habet deus ad res creatas, sic artifex ad artificiatas, sed artifex producit artificium per intellectum, & voluntatem: Et hæc est ratio Tho. ubi supra. Præterea Deus est causa rerum nobilissimo modo producendi, sed nobilissimus modus producendi est per intellectum, & voluntatem, ex-

Ratio D. Thomæ ubi supra.

*Deus an sit
causa rerum
principaliter
per voluntatem,
quā per
intellectum.*

*Respondetur
quod per voluntatem continet omnia
virtualiter,
Et effectiue,
quia omnia
efficit, continet
omnia
exemplariter
per scientiam
et intellectum
ambe opiniones
vere
sunt sed nos
agimus de
actiuitate
Dei, et non
de exemplaritate
opinio
Scoti est
rior.*

*Quomodo
Deus continet
res per
intellectum,
et voluntatem.*

ergo deus est causa rerum per intellectum, & voluntatem. Secunda conclusio quod deus principaliter est causa rerum per voluntatem quam per intellectum, quod probatur sic, quando aliqua sic se habent, quod vnum est re-præsentatiuum, & aliud est principium elicitium, & productiuium principaliter est principium productiuium quā re-præsentatiuium, sed intellectus est principium creaturarum re-præsentatiuium, voluntas autem est principium elicitium, & productiuium, ergo voluntas est principaliter principium quam intellectus.

Præterea illud principaliter facit ad effectum quo posito ponitur effectus circūscriptis per impossibile omnibus aliis, & non posito non ponitur effectus, sed huiusmodi est actus voluntatis diuinæ, & non intellectus, nam circūscripto per impossibile actu intellectus, si tamen poneretur actus voluntatis poneretur effectus, & non e contrario, ergo voluntas est principaliter principium.

Præterea in omni ordine causarū illa est principalior, quæ est domina sui effectus, sed voluntas est huiusmodi, ergo voluntas est principalior causa.

Contra istam conclusionem arguitur sic, primo, quia illa est principalior causa rerum per quā continet Deus res in sua scientia, & arte æterna, sed Deus continet res in sua arte, & scientia per intellectum, & non per voluntatem, ergo intellectus est principalior causa rerum, quam voluntas.

Præterea, quod determinat est principalior causa, sed intellectus determinat voluntatem, ergo.

Præterea, illud quod dirigit est principalior causa eo quod dirigitur, sed intellectus dirigit voluntatem, & non e conuerso, ergo intellectus est principalior causa, ergo.

Ad primum dico, quod Deus continet res per intellectum, & voluntatem, & principaliori modo per voluntatem, quam per intellectum, quia per intellectum continet res re-præsentatiue, per voluntatem autem continet electiue & productiue.

Ad secundum dico, quod intellectus non determinat voluntatem, sed voluntas libere determinat seipsam.

Ad tertium dico, quod dirigere per modum consilii

non arguit maiorem causalitatem in principio, sed dirigere per modum imperii bene arguit principalem causalitatem, nunc autem intellectus non dirigit voluntatem per modum imperii, sed per modum consilii.

Ad argumenta principalia dico, quod scientia nostra ponitur, in prima specie qualitatis, & tamen est principium actuum, nam ut ostensum est supra, habitus est principium actus, & tamen est in prima specie qualitatis.

Quomodo intellectus dirigat voluntatem dist. 17.

Præterea, non est eadem ratio de scientia nostra, & de scientia Dei ut posuit Commentator.

Ad secundum quando dicitur, posita causa ponitur effectus concedo si est totalis, & principalis, Deus autem est causa rerum per intellectum, & voluntatem, & voluntas est principalior causa. Et ideo posito intellectu, vel scientia non ponitur res in esse, quia principalior causa est voluntas, quæ libere producit.

1. Met. comment. 51.

Ad tertium dico, quod bene arguit de scientia nostra, quæ mensuratur à re, sed non est verum de scientia Dei.

Utum Deus habeat scientiam futurorum contingentium?


Hoc querit Scotus 1. sem. dist. 38. & 39.

D. Bonaventura primo sent. dist. 35. & 39. in fin. Art. 2.

D. Thomas prima parte. quest. 14. Articuli. 9. & 13. & 11. contra gentiles. cap. 66.

Franciscus de Maioris primo sententiarum dist. 38. & 39.

QVÆSTIO II.

 I R C A secundam partem huius distinctionis queritur. Utum Deus habeat scientiam futurorum contingentium? Et videtur quod non, quia de eo non habetur scientia de quo non habetur determinata veritas, sed de futuris contingentibus non est determinata veritas per Philosophum, ergo Deus non habet scientiam de eis.

1. Peribet. c. vlt.

Præterea arguitur per rationem philosophi ibidem sic:

*Deus an sit
causa rerum
principaliter
per volunta-
tem, quā per
intellectum.*

*Respondetur
quod per vo-
luntatem con-
tinet omnia
virtualiter,
& effectiue,
quia omnia
efficit, conti-
net omnia
exemplariter
per scientiam
& intellectu
ambae opi-
niones vere
sunt sed nos
agimus de
actiuitate
Dei, & non
de exempla-
ritate opinio
Scoti est ve-
rior.*

*Quomodo
Deus conti-
neat res per
intellectum,
& volunta-
tem.*

ergo deus est causa rerum per intellectum, & voluntatem. Secunda conclusio quod deus principaliter est causa rerum per voluntatem quam per intellectum, quod probatur sic, quando aliqua sic se habent, quod vnum est re-
præsentatiuum, & aliud est principium elicitium, & pro-
ductiuium principaliter est principium productiuium quā
repræsentatiuium, sed intellectus est principium creatu-
rarum repræsentatiuium, voluntas autem est principium
elicitium, & productiuium, ergo voluntas est principa-
lius principium quam intellectus.

Præterea illud principaliter facit ad effectum quo po-
sito ponitur effectus circūscriptis per impossibile om-
nibus aliis, & non posito non ponitur effectus, sed hu-
iusmodi est actus voluntatis diuinæ, & non intellectus,
nam circūscripto per impossibile actu intellectus, si
tamen poneretur actus voluntatis poneretur effectus, &
non e contrario, ergo voluntas est principaliter principium.

Præterea in omni ordine causarū illa est principalior,
quæ est domina sui effectus, sed voluntas est huiusmo-
di, ergo voluntas est principalior causa.

Contra istam conclusionem arguitur sic, primo, quia
illa est principalior causa rerum per quā continet Deus
res in sua scientia, & arte æterna, sed Deus continet res
in sua arte, & scientia per intellectum, & non per volun-
tatem, ergo intellectus est principalior causa rerum,
quam voluntas.

Præterea, quod determinat est principalior causa, sed
intellectus determinat voluntatem, ergo.

Præterea, illud quod dirigit est principalior causa eo
quod dirigitur, sed intellectus dirigit voluntatem, &
non e conuerso, ergo intellectus est principalior cau-
sa, ergo.

Ad primum dico, quod Deus continet res per intelle-
ctum, & voluntatem, & principaliori modo per volun-
tatem, quam per intellectum, quia per intellectum con-
tinet res repræsentatiue, per voluntatem autem conti-
net electiue & productiue.

Ad secundum dico, quod intellectus non determinat
voluntatem, sed voluntas libere determinat seipsam.

Ad tertium dico, quod dirigere per modum consilii

non arguit maiorem causalitatē in principio, sed dirigere per modum imperii bene arguit principaliorem causalitatem, nunc autem intellectus non dirigit voluntatem per modum imperii, sed per modum consilii.

Ad argumenta principalia dico, quod scientia nostra ponitur, in prima specie qualitatē, & tamen est principium actuum, nam ut ostensum est supra, habitus est principium actus, & tamen est in prima specie qualitatē.

Quomodo intellectus dirigat voluntatem dist. 17.

Præterea, non est eadem ratio de scientia nostra, & de scientia Dei ut posuit Commentator.

Ad secundum quando dicitur, posita causa ponitur effectus concedo si est totalis, & principalis, Deus autem est causa rerum per intellectum, & voluntatem, & voluntas est principalior causa. Et ideo posito intellectu, vel scientia non ponitur res in esse, quia principalior causa est voluntas, quæ libere producit.

1. Met. comment. 3.

Ad tertium dico, quod bene arguit de scientia nostra, quæ mensuratur à re, sed non est verum de scientia Dei.

Virum Deus habeat scientiam futurorum contingentium?


Hoc querit Scotus 1. sent. dist. 38. & 39.

D. Bonaventura primo sent. dist. 35. & 39. in fin. Art. 2.

D. Thomas prima parte. quest. 14. Articuli. 9. & 13. & 1. contra gentiles. cap. 66.

Franciscus de Maironis primo sententiarum dist. 38. & 39.

QVÆSTIO II.

 I R C A secundam partem huius distinctionis quæritur. Virum Deus habeat scientiam futurorum contingentium? Et videtur quod non, quia de eo non habetur scientia de quo non habetur determinata veritas, sed de futuris contingentibus non est determinata veritas per Philosophum, ergo Deus non habet scientiam de eis.

1. Petri. c. vlt.

Præterea arguitur per rationem philosophi ibidem sic:

Quia si de futuris contingentibus haberetur scientia determinata pariter consilium de eis, & non oporteret consiliari, quia ipsa euenirent, siue consiliarentur, siue non.

Heb. c. 4.

Præterea futurum contingens est, ut cras sedeam, ergo scit Deus me cras sessurum, sed possum non sedere, ergo scientia Dei est fallibilis, quod est falsum.

Contra Apost. Omnia nuda, & aperta sunt oculis eius.

Circa istam questionem sunt tria videnda, primo si Deus cognoscit contingens, secundo quomodo cognoscit contingens, tertio si scientia de contingentibus est fallibilis.

*Scientia Dei
adequat totū
ens.*

Quantum ad primum dico, quod Deus cognoscit determinate contingentia, quod probatur sic. Scientia Dei adequat totum ens, sed quicquid est siue contingens siue necessarium habet aliquam rationem entis, dicitur ergo scientia Dei se extendit tam ad necessaria, quam ad contingentia.

Præterea, aut Deus cognoscit futura contingentia, aut expectat exessentiam eorum, si primo modo habetur propositum, si secundo modo tunc scientia Dei non est causa rerum, imo causatur à rebus, & dependet ab eis. Cuius contrarium patet in præcedenti questione. Præterea agens per voluntatem, & intellectū præcognoscit suum effectum: sed Deus est agens per intellectū & voluntatem respectu futurorum contingentium, ergo Deus præcognoscit futura contingentia.

D Thomas

1. parte Sum-

me q. 14. ar-

tic. 9. ¶ 13.

De secundo articulo scilicet qualiter Deus cognoscit futura contingentia est controuersia inter doctores, & summarie sunt quatuor opiniones. Vna est Thomæ, quæ dicit, quod futurum contingens potest considerari dupliciter. Vno modo ut habet esse in se, alio modo ut habet esse in sua causa, primo modo non est futurum, nec contingens: quia iam determinatum est ad esse, & isto modo potest haberi scientia de eo à nobis, secundo modo non est possibilis de futuro contingenti scientia à nobis, nisi coniecturalis. Ad propositum, quia Deus cognoscit futurum contingens non solum, ut est in causa sua, sed etiam ut existens ex eo quod futurum coexistit nunc coæternitatis. Ideo habet certam scientiam de futuris contingentibus. Et sic totum fundamentum opi-

tionis est, quòd Deus habeat certam scientiam de futuris contingentibus, quia nunc æternitatis coexistit toti tempori in quo eueniunt contingentia, quod declaratur sic. Nunc æternitatis excedit nunc temporis, ergo extendit se nunc æternitatis ad plus quam nunc temporis. Sed non se extendit ad plus nisi extenderet se ad futura contingentia, ergo extendit se ad futura, & sic futura sunt præsentia nunc æternitatis. Contra istam opinionem arguitur sic, primo essentia diuina ratione sue immensitatis non attingit locum, qui non est, ergo ratione suæ æternitatis non attingit tempus, quòd non est. Præterea aut ista coexistentia dicit relationem realem, aut dicit relationem rationis. Si dicit relationem rationis, tunc nihil ad propositum. Si autem dicit relationem realem, aut illa est in Deo, aut in creatura, non in Deo quia Dei ad creaturam nulla est relatio realis, non etiam in creatura, quia tunc creatura haberet esse ab æterno, quod est falsum. Præterea quod nihil est non potest alteri coexistere, sed futurum contingens nihil est vt sic, ergo non potest alteri coexistere. Præterea eadem ratione præterita essent præsentia æternitati, sicut futura, quod videtur absurdum, quia præteritum non est futurum. Fundamentum autem opinionis non valet quando dicitur nunc æternitatis excedit tempus, cōcedo: sed ex hoc non sequitur, quòd extēdat se ad futurum actualiter, sed potentialiter tantum. In hoc enim excedit, quòd si tempus poneretur in infinitum in actu tunc nūc æternitatis coexisteret omnibus partibus eius. Alia opinio est, quòd Deus cognoscit futura contingentia per ideas, quia ideæ propter perfectionem suam non tantū ostendunt res in se, sed etiam secūdum omnem habitudinem suam ad res ideatas, & secundum omnem modū essendi, & coniunctionem partium ideatarum. Vnde arguitur sic. Illud quod est perfectè representatiuum omnium, per illud Deus cognoscit futura contingentia, sed ideæ sunt huiusmodi, ergo per ideas Deus cognoscit futura contingentia. Contra hoc arguitur sic, quicquid idea representat necessario repræsenterat, sed quod necessario repræsenteratur, necessario euenit, ergo futurum cōtingens necessario eueniret.

*Contra D.
Thomam.*

D. Bonauentura in 1. sententiarum dist. 35.

¶ 39.

Probatio maioris, quod repræsentat naturaliter necessario repræsentat, sed idea quicquid repræsentat naturaliter repræsentat quia ante omnem actum voluntatis, ergo quicquid repræsentat idea necessario repræsentat. Præterea idea repræsentat ante omnem actum voluntatis, quia repræsentat naturaliter, sed futurum contingens determinatur ex voluntate, ergo non repræsentatur per ideas. Tertia opinio dicit, quod Deus cognoscit futura contingentia ex eo, quod cognoscit concursum causarum secundarum, & naturalium, sed hoc non valet, quia

*Quare D.
Tho. distin.
presenti, &
1. contra gen-
tiles ca. 66.*

*Opinio Scoti
1. sem. distinc.
39.*

*Hic sunt duo
dubia.*

*4. m. t. cōmen-
tum. 9. & 12.
m. t. cōmen-
53. Sent. 45.
sine. 45.*

iste concursus causarum, aut est necessarius, aut contingens, si necessarius, ergo effectus euenit necessario, si autem est cōtingens eadē difficultas est vt prius, quia queritur per quid cognoscitur illud cōtingens, quia aut per cōcursum aliarum causarū a se, & sic erit processus in infinitum, aut per se immediatē, & stat 1. difficultas. Quarta est opinio Scoti, quod intellectus diuinus ab æterno cognoscit futura contingentia cognoscendo determinationem suæ voluntatis, vbi primo supponitur, quod 1. causa totius cōtingentiæ est voluntas diuina, & hoc declarabitur distinctione sequenti. Ex quo arguitur sic. Intellectus diuinus ab æterno cognouit determinationē voluntatis diuinæ vt non impedibilem: sed voluntas diuina cum sit prima causa totius contingentia ab æterno determinat omnia futura contingentia, ergo ab æterno intellectus diuinus cognouit futura contingentia cognoscendo determinationem voluntatis suæ. Sed hoc sunt duo dubia: quia ex dictis videtur, quod Deus determinaret volūratem meam ad actum meritorium, qui actus est contingens, & sic tollitur libertas voluntatis. Aliud dubium est quare plus determinat Petrum ad bonum, quàm sortem, cum Petrus, & sortes sic se habeant, quod nullum sit impedimentum ex parte ipsorum in recipiendo talem determinationem. Ad primum dico, quod cum Deus determinat istum ad bonum, non propter hoc tollitur libertas voluntatis quemadmodum in sanctis, & confirmatis in gratia ponitur, ita quod non possunt mortaliter peccare, & tamen stat libertas voluntatis. Ad secundū dico per Cōmentatorem, quod indisciplinati est omniū querere causas, & Magister dicit, quod

non est querenda causa voluntatis diuinæ. Et Augustinus super Ioannem dicit. Quare hunc trahat illum vero non trahat, noli diiudicare si non vis errare, tamen si aliqua est causa dicetur inferius in quæstione de prædeterminatione. Ad primum principale dico, quod futurorum contingentium non est determinata veritas. i. non determinata entitas in se: sed in alio. s. in voluntate diuina: quia in ea sunt determinata, cum volūtas diuina sit prima causa contingentie, vt patebit distinctione sequenti. Et per hoc patet ad secundū, quod oportet de contingentibus cōsiliari in se maxime, quia præuisum est, quod eueniant mediante tali consilio. Ad tertiū dico, quod quāuis possim cras non sedere absolute loquendo, non tamen est verū facta suppositione. s. quod sit determinatum à voluntate diuina, & præuisum ab intellectu diuino. Veruntamen sciendū est, quod veritas huius quæstionis nō potest perfecte haberi nisi declaretur quæ sit prima causa contingentie, de quo erit sermo distinctione sequenti.

*An de futuris
contingenti-
bus sit deter-
minata veri-
tas.*

DISTINCTIO XXXIX.

Vtrum in vniuerso eueniant contingenter aliqua?

Hoc quæsum mouet Scotus primo sententiarum distinc. 39.

D. Bone. primo senten. distinc. 35. & 39.

D. Thomas prima parte q. 14. Artic. 9. & 13.

QVÆSTIO I.

PARTIERA quæri solet. Circa istā distinctionem 39. ad euidenciam eorum, quæ dicta sunt in præcedenti quæstione, & eorum, quæ dicetur hoc, quæritur primo. Vtrū in vniuerso eueniant contingenter aliqua? Et videtur, quod non. Omne futurum de necessitate est futurū, ergo omne futurum de necessitate eueniet. Et sic non contingenter. Consequentia patet. Antecedens probatur sic. Illa propositio est vera & necessaria in qua prædicatur idem de seipso: sed in ista prædicatur idem

de seipſo cum dicitur, omne futurum de neceſſitate eſt futurorum, ergo illud antecedens eſt verum.

1. Perihier.
cap. vltimo.

Et præterea, quod euenit determinate euenit de neceſſitate: ſed omne futurum euenit determinate, ergo omne futurum euenit de neceſſitate. In contrarium eſt philoſoph. & ratio ſua eſt ibi, quia ſi non euenirent aliqua contingenter, tunc non oportet conſiliari, quia ſiue conſiliaremur ſiue non ipſa euenirent, & ideo nullus conſiliatur vtrum ſol debeat oriri cras. Circa iſtam queſtionem ſunt duo videnda, primo ſi in vniuerſo eueniāt aliqua contingenter, ſecundo quæ eſt cauſa primæ contingentie.

Chriſtiſpi
phy. quam ſe-
quutus eſt al-
quando Sene-
ca de ſens.

Fata volen-
tem ducunt,
& nolentem
trahunt.
1 Perihier. ad
calcem.

Quantum ad primum eſt vna opinio falſa, quòd nihil eueniat contingenter, ſed omnia eueniāt de neceſſitate, quod probatur, primo ſic. Si aliquid euenit contingenter, ſcientia Dei poſſet falli, quod eſt falſum, probatio conſequentie. Nam poſſibile poſito in eſſe nullum ſequitur impoſſibile, ſed contingens eſt poſſibile ad vtrūlibet. ſ. ad eſſe, & non eſſe, ſi ergo ponatur non eſſe fallitur ſcientia Dei: quia Deus ſcit illud tanquam futurū. Præterea illud euenit de neceſſitate, quod non poteſt impediri: ſed ea quæ eueniunt in vniuerſo non poſſunt impediri, ergo, & omnia eueniunt de neceſſitate. Probatio minoris. Illa quæ eueniunt in vniuerſo proueniunt ex ordinatione, & prouidentia diuina, ſed prouidentia, & ordinatio diuina non poteſt impediri, ergo. Iſta opinio eſt falſa, & contra ſanctos, & philoſoph. vnū philoſ. improbat eam, & ideo arguit contra eā ſic. Nullus laudatur, & vituperatur ex his, quæ facit ex neceſſitate, ſed homines laudantur, & vituperantur ex his, quæ faciunt, ergo aliqua ſunt, quæ non eueniunt ex neceſſitate, & ſic eueniunt contingenter.

Præterea nullus punitur vel præmiatur ex his quæ facit de neceſſitate: ſed homines puniuntur & præmiantur ex his quæ faciunt, ergo. Præterea hoc eſt cōtra experiētiam: quia quilibet experitur in ſeipſo quòd poteſt facere aliqua, & non facere, ſed hoc eſſet falſum ſi omnia euenirentur ex neceſſitate, ergo. Præterea arguitur ex aliis ſic. Si vnum contrarium ponitur in natura oportet ponere alterum, ſed neceſſarie, & contingens contrariantur,

riantur, ergo eum aliqua eueniant necessario oportet quòd aliqua eueniant contingenter. Vltimo sic. Si aliqua eueniunt vt eueniunt, prima causa vult ea euenire: sed prima causa vult aliqua euenire contingenter, ergo aliqua eueniunt in vniuerso contingenter. Et conclusionē istarum rationum teneo.

Ad primum argumētum præcedentis opinionis nego consequentiam. Ad probationem quando dicitur possibili posito in esse nullum sequitur impossibile, concedo absolute, sed facta suppositione est impossibile, verbi gratia, possibile est, quòd ego non moueor & hoc posito in esse nullum sequitur impossibile, sed facta suppositione, quòd ego curram si poneretur illud impossibile quòd non mouerer sequitur impossibile immo sequerentur impossibilia. Ita in proposito est, supposito enim, quòd Deus sciat aliquid futurum ex determinatione voluntatis, si illud futurum ponatur non esse sequitur impossibile ex suppositione facta. Eodem modo dico ad secundum cum dicitur illud quod non potest impediri euenit de necessitate, concedo si illud simpliciter non potest impediri, & tu dicis illud futurum præsertim non potest impediri, concedo facta suppositione, quòd præciatur, sed absolute potest impediri.

De secundo articulo, quæ sit prima causa contingentis, dicit vna opinio, quòd contingentia non debet accipi in ordine ad causam vniuersalem primam, sed in ordine ad causas particulares, & sic contingentia sumitur ex causis particularibus.

Ad cuius euidētiā notat, quòd effectus contingens potest comparari ad causam primam, & sic non est contingens, sed euenit de necessitate, potest etiam comparari ad causas particulares secundas, & sic est contingens. Exemplum de calore respectu solis qui euenit de necessitate, sed propter causas particulares secundas, aliquando est effectus contingens, igitur pluries impeditur, hoc non teneo, quia eo modo causa secunda mouet quo mouetur à prima, sed prima causa mouet necessario, ergo, & secunda, & sic periret omnis contingentia.

Præterea contra eam arguitur sic. Prima causa prius naturaliter agit in suum effectum quam causa secunda, huius libri.

1. Prio. cap. 18. Et 8. physicorum com. x. 16. et 1. de gene con. tex. 8.

D. Th. 1. par. 10 Summa q. 14 artic. 13. in solutione principali.

Vt de luno

sed prima causa per te habet necessitatem, ergo prius effectus habet necessitatem quam contingentiam, sed quod primo inest simpliciter inest, ergo iste effectus simpliciter est necessarius & non contingens.

Voluntas diuina est causa contingens.

1. Met. context. 4.

Ly de necessitate potest determinare duo.

Præterea illud competit alicui propriissimè quod competit sibi in ordine ad primam causam, sed in ordine ad primam causam per te effectus habet necessitatem, ergo effectus propriissimè erit necessarius, & non contingens. Dico ergo quod prima causa contingentie est voluntas diuina. Probo, quia primum contingens est causa prima omnis contingentie ad ea quæ sunt ad extra, sed voluntas diuina est primum contingens ad ea quæ sunt ad extra, ergo voluntas diuina est prima causa contingentie. Maior probatur ex philosopho, ubi dicit quod primum in vnoquoque genere est causa in omnibus aliis ut sunt talia, unde primum calidum est causa in omnibus calidis ut sint calida. Præterea illud est causa prima contingentie respectu cuius est omnis contingentia, sed ex ordinatione, & dispositione diuine voluntatis est omnis contingentia, ergo voluntas diuina est prima causa: Ad primum principale cum dicitur: Omne futurum de necessitate, est futurum, dico quod ly de necessitate, aut determinat idemptitatem prædicati ad substantiam, & tunc propositio est vera, sed non ad propositum, aut determinat modum eueniendi, & sic propositio est falsa. Ad secundum nego maiorem, nam artifex determinate facit archam, non tamen facit eam de necessitate, quare non valet.

Vtrum Deus habeat scientiam necessariam de futuris contingentibus?

Hoc quæsum mouet Scotus 1. sententiarum distinctio. 39.

D. Bona. primo senten. distinct. 39.

D. Thomas prima parte quæstio 14. Article 9. & 13.

QVAESTIO II.

SECUNDO QUÆRITUR. Vtrum Deus habeat scientiã necessariam de futuris contingentibus? Videtur quòd sic, quia scientia infallibilis est sciẽtia necessaria, sed Deus habet scientiam infallibilem de futuris contingentibus, ergo Deus habet de eis necessariam scientiam. Minor probatur, nam scientia quæ non est conformis obiecto est infallibilis, sed scientia quam Deus habet de contingentibus non est conformis obiectis, ergo illa scientia est infallibilis.

Contra, scientia specificatur ex obiecto, vbi dicitur. Scientiæ secantur quemadmodum & res, sed de obiectis necessariis sunt scientiæ necessariae, ergo de contingentibus habetur scientia contingens.

3. de anima
consec. 38.

Circa istam quæstionem sunt duæ opiniones, vna dicit, quòd Deus habet scientiam necessariam de contingentibus, quia contingentia vt habent habitudinem ad causam primam habent necessitatem, & in eis est contingentia propter causas particulares. Sed illud fundamentum patet esse falsum ex dictis in præcedenti quæstione, quia non potest esse contingentia in effectû, nisi sit contingentia in causa prima.

D. Tho. vbi
supra.

Idea est alia opinio, & distinguit de necessario, quia vt patet, necessarium est duplex, scilicet absolutum, & ex suppositione. Et sic dicuntur ad quæstionẽ duæ conclusiones. Prima, quòd Deus nõ habet scientiam necessariã de contingentibus necessitate absoluta, vel simpliciter, secunda, quòd Deus habet scientiã necessariã de contingentibus necessitate ex suppositione, vel conditionata.

Necessarium
duplex.

Vide Arist.

in 5. met. con-

tex. 6. quor

modis imple-

tur necessa-

rium,

Prima conclusio probatur sic. Nihil est simpliciter necessarium, quod de necessitate supponit aliquod contingens, sed scientia Dei de contingentibus necessario præsupponit aliquid contingens scilicet diuinum velle ad extra, ergo scientia contingentium non est simpliciter necessaria. Quia autem velle diuinum respectum contingentium sit contingens probatur sic. Voluntas nihil vult necessario, nisi quod habet habitudinem necessariam ad primum eius obiectum, idest ad essentiam diuinam, sed contingentia non habent necessariam habitudinem ad essentiam diuinam, ergo voluntas non

Voluntas ni-
hil vult ne-
cessario quo-
modo.

vult illa necessario, & per consequens vult ea contingenter.

Confirmatur quia potentia, quæ est indeterminata ad duo opposita contingenter se habet ad ista, sed voluntas diuina est indeterminata ad duo opposita, ergo contingenter se habet ad illa.

Secunda conclusio declaratur sic. Cum enim intellectus diuinus ab æterno cognoscit voluntarem diuinam vel suam, & omnes determinationes eius si voluntas determinauit aliquid futurum fore, illud cognoscit intellectus diuinus necessario necessitate suppositionis scilicet quia voluntas sic determinauit? Sed hic videtur dubium quomodo voluntas dei indeterminata ad opposita ab æterno potest se determinare ad alterum istorum sine sui mutatione. Et dicit hic Scotus primo: per simile de voluntate nostra, nam voluntas nostra est impotentia ad actum, ita quod actum præcedit. Item est impotentia pasciua ad diuersos, & oppositos actus, tertio voluntas nostra per diuersos actus determinat se ad diuersa obiecta, quarto voluntas nostra vt tendit in diuersa obiecta producit diuersos effectus, quia vero duo prima dicunt imperfectionem, ideo non ponuntur in Deo. Accipiendo autem tertium & quartum dictum dicit quod sicut voluntas creata per diuersos actus potest se determinare ad plurima ita quod per actum nouum determinat se ad aliquid nouum. Ita voluntas diuina per vnum actum illimitatum cōrinentem virtualiter omnem actum potest se determinare ab æterno ad hoc vel ad illud: ita quod voluntas diuina per vnum actum illimitatum potest facere quicquid posset fieri per omnes actus formales in creaturis. Ad secundum principale dico, quod sicut scientia Dei est infallibilis ita est necessaria: sed scientia de cōtingentibus est infallibilis, ex suppositione, ergo similiter est necessaria ex suppositione. ex determinatione voluntatis diuinæ, quæ est prima causa contingentium.

DISTINCTIO XL. & XLI.

Utrum prædestinatus possit damnari?

Scorum primo. sent. distinc. 40.

Baconianus I. sen. dist. 4. q. 1.

QVAESTIO

I. de predestinatione

PRAEDESTINATORVM nullus. Circa istam distinctionem 40. & sequentem 41. in quibus tractat Magister de predestinatione quaeritur primo. Vtrum praedestinatus possit damnari? Videtur quod non, quia esse praeteritum est simpliciter necessarium, sed praedestinatio est praeterita cum sit aeterna, ergo est simpliciter necessaria: sed non esset necessaria, si praedestinatus posset damnari, quia eveniret oppositum, ergo. Præterea voluntas creata non potest impedire actum voluntatis divinae, sed si praedestinatus posset damnari hoc esset per actum voluntatis, & tunc voluntas creata impediret voluntatem divinam. Contra, si praedestinatus non posset damnari, tunc non esset alicui persuadendum de obedientia mandatorum, quia siue servaret, siue non, si est praedestinatus salvabitur, & si est praescitus damnabitur. Præterea dicitur tene quod habes, ne alius accipiat coronam tuam. Circa istam questionem sunt duo videnda, primo si praedestinatus possit damnari, secundo si Deus possit aliquem de novo praedestinare.

Quantum ad primum dico cum Magistro, quod loquendo in sensu compositionis praedestinatus non potest damnari, imo sunt impossibilia; loquendo autem in sensu divisionis praedestinatus potest damnari, hoc patet sic: praedestinatio dicit actum voluntatis divinae, quo ordinatur creatura rationalis ad gratiam, & ad gloriam, sed voluntas divina ordinat istam creaturam ad gratiam, & gloriam contingentes, quia ad nihil extra necessario se habet non autem ordinat eam contingenter, nisi posset eam non praedestinare, ergo praedestinatus potest non praedestinari, & per consequens damnari, ad quod non obstat, si ponatur simul quod sunt opposita, nec successus, qui non succedunt instantia in eternitate, ponitur autem verum, quod diuisim in instantia aeternitatis.

De secundo articulo sunt opiniones contrariæ, vna dicit, quod sic, quia plus potest voluntas increata sine sui mutatione quam voluntas creata absque omni mutatione, sed eadem volitione, qua vult finem potest de nouo velle aliquid ad finem, ergo.

Præterea causa vniformiter se habēs quicquid potuit ab æterno potest & modo, sed Deus vniformiter se habēs potuit ab æterno aliquem prædestinare, ergo, & modo potest eum prædestinare. Alia opinio dicit, quod non, quia quicquid potest voluntas determinate velle, potest intellectus intelligere, sed intellectus diuinus nō potest aliquid de nouo intelligere, alias ante fuisset imperfectus ergo voluntas non potest aliquem de nouo prædestinare. Præterea noua determinatio non primi esse sine noua mutatione, ergo si Deus aliquē de nouo prædestinaret hoc esset cum mutatione, & illa mutatio, aut esset in creatura aut in Deo, non in creatura, quia nondum erat, nec in Deo, quia est simpliciter immutabilis. Teneatur hoc quod plus placet. Ad primum principale dico, quod est ibi deceptio per falsam imaginationē quia imaginatur prædestinationem iam fuisse in præteritum, quod est falsum, quia semper manet idem instans æternitatis in quo est prædestinatio. Ad secundum dico, quod voluntas creata nō impediret voluntatem diuinā. Tunc enim impediretur voluntas diuinā quando eueniret simpliciter oppositum eius quod Deus determinat, prædestinatio autem eius est contingens: quia quicquid Deus vult extra se vult contingenter.

Secundo quæritur. Vtrum sit aliquod meritum prædestinationis? Videtur quod sic: quia si non esset aliquod meritum prædestinationis, sequeretur quod Deus non esset summe liberalis, nec summe bonus, quia non communicaret summe suam bonitatem ex quo nulla ponitur ratio prædestinationis. Præterea sequeretur, quod Deus esset acceptator personarum, consequentia probatur: quia si ponuntur duo æquales in naturalibus, & vnum prædestinat alterum vero non, hoc videtur esse sine acceptione personarum. Contra, apostolus dicit de Iacob, & Esau, cum nondum nati essent, nec

*Alius modus
dicendi quod
prædestinatio
potest conside-
rari duobus
modis, vno
modo ex par-
te prædestina-
ti, & sic præ-
destinatus po-
test damnari
qui ex sui na-
tura est veri-
tatis, ex bono
in malum.*

*Secundo mo-
do, ex parte
prædestinan-
tis, scilicet
Dei, & sic non
potest damna-
ri quia sem-
per prædesti-
nauit, & sem-
per nos præ-
destinat.*

aliquid boni egissent aut mali ex Deo vocante dictum est, maior seruiet minori.

In ista quaestione est nimis temerarium multum loqui. Ideo apostolus, clamat in fine huius tractatus. O altitudo diuitiarum sapientiæ, & scientiæ Dei quam, &c. Et Augustinus super Ioan. quare hunc trahat, & istum non, noli diiudicare, si non vis errare. Et Magister dicit in littera. In hoc melior est fideliter ignorantia, quam temeraria scientia: Et propheta dicit. Iudicia Dei abyssus multarum: ideo timendum est, ne curiose quærentes hunc abyssum demergatur in abyssum. Circa istam igitur quaestionem procedo dicta aliorum recitando nihil asserendo.

Rom. c. 11.

Psal. 35.

Rom. c. 9.

Fuit enim aliquando opinio Augustini in illa quaestione in epistola ad Rom. quod fides præscita est causa prædestinationis: unde propter fidem præscitam in Iacob, & non in Esau. Iacob quidem prædestinatus, Esau autem reprobatus: sed ipsemet Augustinus hanc opinionem retractat inuehens contra se rationem quod fides est donum Dei; sicut & alia bona opera, unde dicit. Illud non dixissem, si fidem inter dona spiritus sancti connumerare studuissem, vel sciuissem.

Libro 22.

retractationum

in libro de prædestinatione

cap. 16

Opinio Magistri.

Rom. cap. 9.

Alia est opinio Magistri, quod nullum omnino sit meritum prædestinationis, & reprobationis, quod probat primo sic, in epistola ad Ro. dicens de Iacob, & Esau. Cum inquit nōdum nati essent aut aliquid boni vel mali egissent ex Deo vocante dictum, maior seruiet minori. Præterea apostolus ponit idem exemplum de figulo, qui ex eadem massa facit aliqua vasa in honorem, & aliqua in contumeliam: Et sic non est aliqua causa ibi nisi tantum voluntas artificis. Præterea Augustinus non quia futuros nos esse tales præsciuit eligit: sed ut essemus tales per ipsam electionem. Obijcit autem magister contra se doctum Augustinum in Malachiam prophetam pertractas illud. Iacob dilexi, Esau autem odio habui. Cui inquit vult miseretur, & quem vult indurat: sed voluntas Dei iniusta esse non potest, venit ergo de occultissimis meritis &c. Respondetur, quod hoc dicit Augustinus: sed fuit retractatum in simili, quando retractauit illud in epistola ad Romanos in limitatione retractationum.

Libro de prædestinatione

sanctorum c.

18. Malachia. cap. 1.

Alia est opinio modernorum, quod prædestinatio, &

D. Thomas

1. par. summa
9. 23. art. 5.

reprobatio habent causam in vniuersali, sed non est assignanda causa in particulari. Causa autem vniuersalis est duplex. Prima est perfectio vniuersi, quia distincti gradus faciunt ad maiorem perfectionem vniuersi. Alia causa est ad manifestandam diuinam misericordiam & iustitiam: nam in prædestinatis apparet Dei misericordia, sed in reprobatis apparet Dei iustitia. Quorum autem non sit assignanda causa in particulari patet per ea quæ posita sunt de apostolo supra pro opinione Magistri, & per Augustinum in Ioannem, noli inquit diiudicare si non vis errare.

Henricus
quodlib. 4. q.
39.
Aclus diuini
potest
duobus modis
considerari.

Alia opinio dicit, quod actus prædestinationis potest considerari, vel ut est a Deo agente vel ut est in subiecto recipiente. Primo modo prædestinationis nulla est causa nisi voluntas & bonitas sua; secundo autem modo esset assignare aliquam causam, vel rationem prædestinationis; quia in rebus omnino æqualibus non cadit electio, ergo si Deus hunc eligit illum vero, cum oportet, quod sit aliqua causa in eis. Et præterea in omnibus operibus diuinæ misericordie concurrunt iustitia, sed non concurreret iustitia si essent duo æquales, & vnus prædestinaretur, alius vero non; ergo est aliqua inæqualitas in eis.

Opinio Henrici
ubi sup.

Vltcrius dicit, quod illa causa prædestinationis est bonus vsus liberi arbitrij, præuisus a Deo, vnde quia Deus præiudicauit Petrum bene vsurum libero arbitrio, & Iudam male, ideo Petrum prædestinauit, Iudam vero reprobauit. Sed obicitur contra eam per hoc, quod bonus vsus liberi arbitrij pertinet ad gratiam, ergo pertinet ad effectum prædestinationis, & ita non erit ratio prædestinandi. Respondet, quod bonus vsus quodammodo non includitur sub prædestinatione, nec sub eius effectu, licet non sit sine eius effectu, nisi sit distinctum, quod est prædestinationis; ab eo quod est liberi arbitrij.

Opinio Scoti.

Alia opinio est Scoti, quæ stat in duabus conclusionibus. Prima est, quod prædestinationis nulla est causa secunda: quod reprobationis est causa aliqua. Primam conclusionem probat sic, ordinare volens finem, & ea quæ sunt ad finem, prius vult finem, quam quæ sunt ad finem, sed Deus ordinatè vult finem, & ea quæ sunt ad finem,

ergo Deus prius vult isti finem, quamque sunt ad finem: Sed ea quæ sunt ad finem sunt gratia, fides, & meritum, & bonus vltus liberi arbitrij, ergo prius vult Deus isti finē, quam aliquod prædictorum. Potest etiam ratio confirmari sic, Deus solo beneplacito suo determinat hunc hominem ad esse, ergo ex solo beneplacito suo determinat hunc ad bene esse id est ad gratiam, & ad gloriam. Secunda conclusio probatur sic, damnatio enim non videtur bona nisi quia iusta, vnde Augustinus. Non prius Deus fit vltor quam aliquis sit peccator, sed reprobatio, siue damnatio nō esset iusta, nisi subesset causa, ergo reprobationis est aliqua causa. Et ad euentiam prædictorum notat, quod in reprobatione, & prædestinatione nō est similis ordo, nam in prædestinatione Deus primo vidit Petrum, in secundo signo vult sibi vitam æternam, in tertio signo vult sibi ea quæ sunt sibi necessaria ad hoc consequendum sicut gratia, & bona opera. In reprobatione est alius ordo, quia primo occurrit Iudas. In secundo signo videntur mala opera eius, in tertio signo determinatur ad pœnam æternam. Si teneatur ista opinio patet ad primum principale, quod Deus est summe libertatis, quia licet prædestinationis non sit aliqua causa, verum tamen reprobationis est aliqua causa, ideo reprobatis nō communicat suum summum bonum. Ad secundum dico, quod Deus non est acceptor personarum, quia tunc ponitur acceptio personarum in voluntate nostra quando propositis duobus bonis equalibus voluntas vnum acceptat, & aliud respuit, & hoc ideo quia bonitas in obiectis est causa acceptationis, sed non est sic in proposito, quia voluntas diuina est causa bonitatis in obiectis, & non econuerso.

Si autem teneatur alia opinio quod prædestinationis sit aliqua causa, potest responderi ad primum & ad dicta sanctorum, quod apostolus, & sancti redarguerunt presumptuosos inquirentes illa quorum sunt capaces: enim autem propter inopiam reddende rationis ad minus in communi quamuis in particulati nesciatur.

II. Super Genesi cap. 24.

Ordo reprobationis, & prædestinationis.

Voluntas Dei in particulari nescitur.

DISTINCT. XLII.

Utrum Deus habet potentiam infinitam?

*Hoc idem querit Scotus primo sententiarum dist. 2. quest. 2.
D. Thomas. 1. par. q. 7. art. 2.*

QVAESTIO I.

NUe de omnipotentia Dei. In ista distinctione scilicet 42. incipit tractare Magister de omnipotentia Dei vel de Dei potentia, ideo queritur primo. Vtrum Deus habeat potentiam infinitam? Videtur quod non, quia si vnum contrarium est infinitum non patitur esse aliud, ex tertio philosophorum, ergo si Deus habet potentiam infinitam cum ipse bonus sit, nullum esset malum in vniuerso. Præterea sicut dimensio repugnat dimensioni, ita actualitas repugnat actualitati, sed corpus infinitum non compatitur secum aliud corpus, ergo similiter ens infinitum non compatitur secum aliam entitatem, & sic in vniuerso non esset aliquod ens præter Deum. Præterea quod ita est hoc, quod non est alibi est finitum secundum ubi, ergo quod ita est hoc, quod non est aliud est finitum secundum substantiam. Sed Deus ita est hoc, quod non est illud, quia nec est lapis, nec lignum, nec aliquid tale, ergo Deus est finitus secundum substantiam, & per consequens secundum potentiam. Præterea nulla virtus mouet in non tempore. Sed si Deus haberet potentiam infinitam posset mouere in non tempore, ergo. Contra, magnus dominus, & laudabilis nimis, & magnitudinis eius non est finis. Circa istam questionem omnes concordant, quia omnes ponunt Deum infinitum, sed diuersitas est in modo probandi, imò oportet ad hoc diuersorum rationes adducere. Præterea, Philosophus probat eam sic, quod mouet motu infinito habet potentiam infinitam, sed Deus mouet motu infinito, quia mouet motu æterno, ergo habet potentiam infinitam. Sed ratio sic accepta non valet, quia minor fundata in æternitate motus est falsa, & contra fidem cum motus non sit æternus. Ideo declaratur ratio per viam possibilitatis à quibusdam sic. Quod potest mouere motu infinito habet potentiam infinitam, sed Deus potest mouere motu infinito, ergo habet potentiam infinitam. Sed

3. Phys. contr.

78.

Psal. 47.

1. Phys. cons.

78. & 12.

met. 41.

nec ista declaratio valet quia assumit minorem dubiam, & forte falsam quia ut patebit. Mundus non potuit produci ab aeterno. Præterea, propter maiorem durationem non habetur infinita perfectio secundum viam philosophi, quia non est maioris perfectionis albedo, quæ durat per x. dies, quam quæ durat per vnam diem. Ideo declaratur ratio Philosophi sic, causa habens in virtute sua actiua effectus infinitos possibiles produci per motum est infinita. Sed Deus est huiusmodi, ergo Deus est infinitus, minor probatur, quia Deus habet in virtute sua actiua causalitatem omnium causarum secundarum &c. Alius doctor: probat infinitatem Dei sic, forma non recepta in materia est infinita, sed forma scilicet essentia Dei non est recepta in materia, ergo Deus est infinitus. Ista ratio non potest stare cum dictis doctoris cuius est. Arguo enim sic, forma non recepta in materia est forma infinita, sed forma angeli per te est forma non recepta in materia, ergo angelus est infinitus.

Lib. 2. sent. q. 2.

1. Eschic. c. 7.

D. Thomas

1. parte summa, q. 7. art.

1.

1. parte summa q. 7. artic. 2.

Respondet ad illud: quod licet Angelus sit finitus quoad superius, est tamen infinitus quoad inferius, Deus autem utroque modo est infinitus.

Contra formalitas infinitatis debet accipi per intrinsecum essentia, & non per extrinsecum, & sic non est in respectu ad causam per cuius comparisonem dicunt Angelum infinitum.

Præterea, aut maior tua est simpliciter vera, & sic arguam de Angelo sicut tu Deo, aut particulariter, & tunc non valet ad concludendum Deum esse simpliciter infinitum, quia non est maioris ambitus conclusio quam præmissæ.

Alij probant Dei infinitatem sic, Deus creat, ergo habet potentiam, qua transit super extrema distantia in infinitum sicut ens, & nihil.

1. priorum.

Henricus

Sed ista ratio deficit. Primo in antecedente, quia est tantum creditum, secundo deficit in probatione consequentis, quia ens creatum, & nihil non distat in infinitum, quod probō sic, quando inter aliqua extrema non est distantia media, sed ipsa seipsis distinguuntur, tota distantia debet accipi per comparisonem ad perfectius extremum. Exemplum hoc de Deo, & creatura, ubi accipitur ratio di-

quolib. 4. q. ultima, & Ricardus de media villa in 2. sem. dist. 1. q. 4. art. 2. Exemplum.

stantia per comparationem ad Deum. Unde quia Deus est infinitus, ideo dicimus inter Deum, & creaturam esse distantiam infinitam. Sed inter ens creatum, & nihil non est distantia media, immo ipsa seipſis distinguuntur, ergo tota distantia debet accipi per comparationem ad perfectius extremum id est ad ens creatum, sed ens creatum est finitum, ideo inter ens, & nihil non est distantia infinita. Ideo adducuntur ad probandum Dei infinitatem aliæ rationes. Nam intelligibilia sunt infinita, ergo intellectus simul intelligens illa erit infinitus, sed intellectus Dei est huiusmodi, ergo Deus habet intellectum infinitum, & per consequens essentiam, & potentiam infinitam, probatio antecedentis, quæcunque sunt infinita accipiendo alterum post alterum illa si sunt simul sunt infinita. Sed intelligibilia sunt infinita in accipiendo alterum post alterum, ergo probatio consequentiæ, quidquid potest in aliqua plura quorum quodlibet ponit aliquam perfectionem si potest in infinitum talia habent infinitam perfectionem, sicut si posse portare decem lapides requirit tantam virtutem, ergo portare infinitos lapides requirit infinitam virtutem. Sed intelligere hoc intelligibile requirit tantam perfectionem, & hoc tantam, & sic de omnibus aliis intelligibilibus, ergo intellectus ista intelligens habet infinitam perfectionem.

Præterea, eminentissimo esse aliquid maius esse, est impossibile, sed Deus est ens eminentissimum, ergo impossibile est intelligi esse aliquid maius Deo. Sed si Deus non esset infinitus posset intelligi maius esse aliquid Deo, ergo Deus est infinitus.

Vltimo, si nihil terminat vltimate actum voluntatis nostræ, nisi sit formaliter infinitum, quia quocunque finito dato voluntas potest ulterius appetere. Sed quod terminat vltimate actum voluntatis nostræ est Deus, ergo Deus est infinitus.

Ad primum principale dico vno modo, quod prima propositio est vera de his, quæ contrariantur formaliter, non autem de his, quæ contrariantur virtualiter. Deo autem nihil est contrarium formaliter. Hoc autem non valet, quia maior etiam est vera de his, quæ contrariantur virtualiter. Si enim sol haberet caliditatem infinitam

Vide pro hoc

Scotum in 1.

sent. distin. 2.

q. 2.

*Quomodo in
Deo nihil sit
contrarium.
formaliter.*

ta, virtualiter destrueret simpliciter frigus. Ideo dicitur aliter, quod propositio est vera quando illud, quod habet potentiam infinitam agit de necessitate nature, Deus autem nihil ad extra se agit de necessitate nature, ideo non valet.

Ad secundum nego maiorem, non enim est similis repugnantia ex parte dimensionum in loco, & ex parte essentiarum in vniuerso.

Exemplum.

Ad tertium dicitur, quod maior non est vera nisi quando illud quod determinatur in antecedente sit finitum, exemplum. Nam Philosophi posuerunt tempus, & motum infinitum, & tamen non esset bona consequentia iste motus, ita est in hoc tempore quod non in alio, ergo est finitus secundum tempus quia quod præsupponitur in antecedente est infinitum ex parte temporis, & ita dico, quod ex parte Dei, quia quod supponitur in antecedente est infinitum.

Aliter potest dici, quod licet Deus non sit hoc vel illud formaliter continet tamen ea virtualiter, & esse virtualiter tale est perfectius, quam esse formaliter tale.

Vide Scorum

Ad vltimum quando dicitur, quod nulla virtus mouet in non tempore, dico quod Philosophus illud intelligit de virtute extensa ad extensionem magnitudinis, & isto modo non ponitur potentia Dei extensa vt patet ibi per Philosophum.

in 8. dist. 1. q. 1.

Vtrum Deum esse omnipotentem possit probari ratione naturali?

Hec questum mouet Scotus primo sentent. distinc. 42. q. 1.

D. Bonaventura primo sentent. distinc. 43. q. 1. Art. 1.

Alexander Alensis prima parte q. 21. membro 1. Art. 1.

D. Thomas prima parte, questio. 25. Artic. 1.

Ricardus 1. sent. distinct. 43. quest. 2.

Durandus primo sent. dist. 43. q. 1.

sed prima causa per te habet necessitatem, ergo prius effectus habet necessitatem quam contingentiam, sed quod primo inest simpliciter inest, ergo iste effectus simpliciter est necessarius & non contingens.

Præterea illud competit alicui propriissimè quod competit sibi in ordine ad primam causam, sed in ordine ad primam causam per te effectus habet necessitatem, ergo effectus propriissimè erit necessarius, & non contingens.

Voluntas diuina est causa contingens.

Dico ergo quod prima causa contingentiae est voluntas diuina. Probo, quia primum contingens est causa prima omnis contingentiae ad ea quæ sunt ad extra, sed voluntas diuina est primum contingens ad ea quæ sunt ad extra, ergo voluntas diuina est prima causa contingentiae. Maior probatur ex philosopho, vbi dicit quod primum in vnoquoque genere est causa in omnibus aliis vt sunt talia, vnde primum calidum est causa in omnibus calidis vt sint calida. Præterea illud est causa prima contingentiae respectu cuius est omnis contingentia, sed ex ordinatione, & dispositione diuinæ voluntatis est omnis contingentia, ergo voluntas diuina est prima causa: Ad primum principale cum dicitur: Omne futurum de necessitate, est futurum, dico quod ly de necessitate, aut determinat idemnitatem prædicati ad substantiam, & tunc propositio est vera, sed non ad propositum, aut determinat modum eueniendi, & sic propositio est falsa. Ad secundum nego maiorem, nam artifex determinate facit archam, non tamen facit eam de necessitate, quare non valet.

Ly de necessitate potest de terminare duo.

Vtrum Deus habeat scientiam necessariam de futuris contingentibus?

Hoc quæsum mouet Scotus I. sententiarum disunctio. 39.

D. Bona. primo senten. distinc. 39.

D. Thomas prima parte quæstio 14. Articulo 9. & 13.

QVÆSTIO II.

SECUNDO QUÆRITUR. Vtrum Deus habeat scientiã necessariam de futuris contingentibus? Videtur quòd sic, quia scientia infallibilis est sciẽtia necessaria, sed Deus habet scientiam infallibilem de futuris contingentibus, ergo Deus habet de eis necessariam scientiam. Minor probatur, nam scientia quæ non est conformis obiecto est infallibilis, sed scientia quam Deus habet de contingentibus non est conformis obiectis, ergo illa scientia est infallibilis.

Contra, scientia specificatur ex obiecto, vbi dicitur. Scientiæ secantur quemadmodum & res, sed de obiectis necessariis sunt scientiæ necessariae, ergo de contingentibus habetur scientia contingens.

Circa istam quæstionem sunt duæ opiniones, vna dicit, quòd Deus habet scientiam necessariam de contingentibus, quia contingentia vt habent habitudinem ad causam primam habent necessitatem, & in eis est contingentia propter causas particulares. Sed illud fundamentum patet esse falsum ex dictis in præcedenti quæstione, quia non potest esse contingentia in effectu, nisi sit contingentia in causa prima.

Ideo est alia opinio, & distinguit de necessario, quia vt patet, necessarium est duplex, scilicet absolutum, & ex suppositione. Et sic dicuntur ad quæstionẽ duæ conclusiones. Prima, quòd Deus nõ habet scientiam necessariã de contingentibus necessitate absoluta, vel simpliciter, secunda, quòd Deus habet scientiã necessariã de contingentibus necessitate ex suppositione, vel conditionata.

Prima conclusio probatur sic. Nihil est simpliciter necessarium, quod de necessitate supponit aliquod contingens, sed scientia Dei de contingentibus necessario præsupponit aliquid contingens scilicet diuinum velle ad extra, ergo scientia contingentium non est simpliciter necessaria. Quia autem velle diuinum respectum contingentium sit contingens probatur sic. Voluntas nihil vult necessario, nisi quod habet habitudinem necessariam ad primum eius obiectum, idest ad essentiam diuinam, sed contingentia non habent necessariam habitudinem ad essentiam diuinam, ergo voluntas non

3. de anima
consec. 38.

D. Tho. 2. 2. b.
supra.

Necessarium
duplex.
Vide Arist.
in 5. met. con-
tex. 6. quod
modis imple-
tur necessa-
rium.

Voluntas ni-
hil vult ne-
cessario quo-
modo.

vult illa necessario, & per consequens vult ea contingenter.

Confirmatur quia potentia, quæ est indeterminata ad duo opposita contingenter se habet ad ista; sed voluntas diuina est indeterminata ad duo opposita, ergo contingenter se habet ad illa.

Secunda conclusio declaratur sic. Cum enim intellectus diuinus ab æterno cognoscit voluntatem diuinam vel suam, & omnes determinationes eius si voluntas determinauit aliquid futurum fore, illud cognoscit intellectus diuinus necessario necessitate suppositionis scilicet quia voluntas sic determinauit? Sed hic videtur du-

Dubium.

Opinio Scoti.

bium quomodo voluntas dei indeterminata ad opposita ab æterno potest se determinare ad alterum istorum sine sui mutatione. Et dicit hic Scotus primo per simile de voluntate nostra, nam voluntas nostra est impotentia ad actum, ita quod actum præcedit. Item est impotentia passiuæ ad diuersos, & oppositos actus, tertio voluntas nostra per diuersos actus determinat se ad diuersa obiecta, quarto voluntas nostra vt tendit in diuersa obiecta producit diuersos effectus, quia vero duo prima dicunt imperfectionem, ideo non ponuntur in Deo. Accipiendo autem tertium & quartum dictum dicit quod sicut voluntas creata per diuersos actus potest se determinare ad plurima ita, quod per actum nouum determinat se ad aliquid nouum. Ita voluntas diuina per vnum actum illimitatum continentem virtualiter omnem actum potest se determinare ab æterno ad hoc vel ad illud: ita quod voluntas diuina per vnum actum illimitatum potuit facere quicquid posset fieri per omnes actus formales in creaturis. Ad secundum principale dico, quod sicut scientia Dei est infallibilis ita est necessaria: sed scientia de cōtingentibus est infallibilis, ex suppositione, ergo similiter est necessaria ex suppositione, i.e. ex determinatione voluntatis diuinæ, quæ est prima causa contingentium.

*Scientia Dei
est infallibilis.*

DISTINCTIO XL & XLI.

Vtrum prædestinatus possit damnari?

Scorum primo sent. distinc. 40.

Bacconianus 1. sen. dist. 4. q. 1.

QVAESTIO I.

PRAEDESTINATORVM nullus. Circa illam distinctionem 40. & sequentem 41. in quibus tractat Magister de predestinatione quaeritur primo. Vtrum praedestinatus possit damnari? Videtur quod non, quia esse praeteritum est simpliciter necessarium, sed praedestinatio est praeterita cum sit aeterna, ergo est simpliciter necessaria: sed non esset necessaria, si praedestinatus posset damnari, quia eveniret oppositum, ergo. Præterea voluntas creata non potest impedire actum voluntatis diuinæ, sed si praedestinatus posset damnari hoc esset per actum voluntatis, & tunc voluntas creata impediret voluntatem diuinam. Contra, si praedestinatus non posset damnari, tunc non esset alicui persuadendum de obedientia mandatorum, quia siue seruaret, siue non, si est praedestinatus saluabitur, & si est praescitus damnabitur. Præterea dicitur tene quod habes, ne alius accipiat coronam tuam. Circa istam questionem sunt duo videnda, primo si praedestinatus possit damnari, secundo si Deus possit aliquem de nouo praedestinare.

Quantum ad primum dico cum Magistro quod loquendo in sensu compositionis praedestinatus non potest damnari, imo sunt impossibilia; loquendo autem in sensu diuisione praedestinatus potest damnari, hoc patet: si praedestinatio dicit actum voluntatis diuinæ, qui ordinatur creatura rationalis ad gratiam, & ad gloriam, sed voluntas diuina ordinat istam creaturam ad gratiam, & gloriam contingentes; quia ad nihil extra necessarium se habet, non autem ordinaret eam contingenter, nisi posset eam non praedestinare, ergo praedestinatus potest non praedestinari, & per consequens damnari, quod auctoritas ista ponatur simul cum sint opposita, nec successiue, quia non succedunt instantia in eternitate, ponitur autem verumque diuise in instantia eternitatis.

De secundo articulo sunt opiniones contrariae, vna dicit, quod sic, quia plus potest voluntas in creata sine sui mutatione quam voluntas creata absque omni mutatione, sed eadem volitione, qua vult finem potest de nouo velle aliquid ad finem, ergo.

Præterea causa vniiformiter se habēs quicquid potuit ab æterno potest & modo, sed Deus vniiformiter se habēs potuit ab æterno aliquem prædestinare, ergo, & modo potest eum prædestinare. Alia opinio dicit, quod non, quia quicquid potest voluntas determinate velle, potest intellectus intelligere, sed intellectus diuinus nō potest aliquid de nouo intelligere, alias ante fuisset imperfectus ergo voluntas non potest aliquem de nouo prædestinare. Præterea noua determinatio non primi esse sine noua mutatione, ergo si Deus aliquē de nouo prædestinaret hoc esset cum mutatione, & illa mutatio, aut esset in creatura aut in Deo, non in creatura, quia nondum erat, nec in Deo, quia est simpliciter immutabilis. Teneatur hoc quod plus placet. Ad primum principale dico, quod est ibi deceptio per falsam imaginationē quia imaginatur prædestinationem iam fuisse in præteritum, quod est falsum, quia semper manet idem instans æternitatis in quo est prædestinatio. Ad secundum dico, quod voluntas creata nō impediret voluntatem diuinā. Tunc enim impediretur voluntas diuinā quando eueniret simpliciter oppositum eius quod Deus determinat, prædestinatio autem eius est contingens: quia quicquid Deus vult extra se vult contingenter.

Secundo quaeritur. Vtrum sit aliquod meritum prædestinationis: Videtur quod sic: quia si non esset aliquod meritum prædestinationis, sequeretur quod Deus non esset summe liberalis, nec summe bonus, quia non communicaret summe suam bonitatem ex quo nulla ponitur ratio prædestinationis. Præterea sequeretur, quod Deus esset acceptator personarum, consequentia probatur: quia si ponuntur duo æquales in naturalibus, & vnum prædestinat alterum vero non, hoc videtur esse sine acceptione personarum. Contra, apostolus dicit de Iacob, & Esau, cum nondum nati essent, nec

*Alius modus
dicendi quod
prædestinatio
potest conside-
rari duobus
modis, vno
modo ex par-
te prædestina-
ti, & sic præ-
destinatus po-
test damnari
qui ex sui na-
tura est veri-
tatis, ex bono
in malum.*

*Secundo mo-
do, ex parte
prædestinan-
tis, scilicet
Dei, & sic non
potest damna-
ri quia sem-
per prædes-
tinuit, & sem-
per nos præ-
destinat.*

aliquid boni egissent aut mali ex Deo vocante dictum est, maior seruiet minori.

In ista quæstione est nimis temerarium multum loqui. Ideo apostolus, clamat in fine huius tractatus. O altitudo diuitiarum sapientiæ, & scientiæ Dei quam, &c. Et Augustinus super Ioan. quare hunc trahat, & istum non, noli diiudicare, si non vis errare. Et Magister dicit in littera. In hoc melior est fideliter ignorantia, quam rememoraria scientia: Et propheta dicit. Iudicia Dei abyssus multarum: ideo timendum est, ne curiose quærentes hunc abyssum demergatur in abyssum. Circa istam igitur quæstionem procedo dicta aliorum recitando nihil asserendo.

Rom. c. 11.

Psal. 35.

Rom. c. 9.

Fuit enim aliquando opinio Augustini in illa quæstione in epistola ad Rom. quod fides præscita est causa prædestinationis: vnde propter fidem præscitam in Iacob, & non in Esau. Iacob quidem prædestinatus, Esau autem reprobatus: sed ipsemet Augustinus hanc opinionem retractat inuehens contra se rationem quod fides est donum Dei; sicut & alia bona opera, vnde dicit. Illud non dixissem, si fidem inter dona spiritus sancti connumerare studuissem, vel sciuissem.

Libro 22.

retractatio-

num & in li-

bro de præde-

stinatione &

gratia cap. 16

Opinio Ma-

gistra.

Rom. cap. 9.

Alia est opinio Magistri, quod nullum omnino sit meritum præstinationis, & reprobationis, quod probat primo sic, in epistola ad Ro. dicens de Iacob, & Esau. Cum inquit nōdum nati essent aut aliquid boni vel mali egissent ex Deo vocante dictum, maior seruiet minori. Præterea apostolus ponit idem exemplum de figulo, qui ex eadem massa facit aliqua vasa in honorem, & aliqua in contumeliam: Et sic non est aliqua causa ibi nisi tantum voluntas artificis. Præterea Augustinus non quia futuros nos esse tales præsciuit eligit: sed ut essemus tales per ipsam electionem. Obijcit autem magister contra se doctum Augustinum in Malachiam prophetam pertractas illud. Iacob dilexi, Esau autem odio habui. Cui inquit vult miseretur, & quem vult indurat: sed voluntas Dei iniusta esse non potest, venit ergo de occultissimis meritis &c. Respondetur, quod hoc dicit Augustinus: sed fuit retractatum in simili, quando retractauit illud in epistola ad Romanos in limitatione retractationum.

Libro de præ-

destinatione

sanctorum c.

18. Mala-

chie. cap. 1.

D. Thomas

Alia est opinio modernorum, quod prædestinatio, &

1. par. summa
q. 23. art. 5.

reprobatio habent causam in vniuersali, sed non est assignanda causa in particulari. Causa autem vniuersalis est duplex. Prima est perfectio vniuersi, quia distincti gradus faciunt ad maiorem perfectionem vniuersi. Alia causa est ad manifestandam diuinam misericordiam & iustitiam: nam in prædestinatis apparet Dei misericordia, sed in reprobatis apparet Dei iustitia. Quorum autem non sit assignanda causa in particulari patet per ea quæ posita sunt de apostolo supra pro opinione Magistri, & per Augustinum in Ioannem, noli inquit diiudicare si non vis errare.

Henricus Alia opinio dicit, quod actus prædestinationis potest considerari, vel vt est a Deo agente vel vt est in subiecto recipiente. Primo modo prædestinationis nulla est causa nisi voluntas & bonitas suæ; secundo autem modo esset assignare aliquam causam, vel rationem prædestinationis; quia in rebus omnino æqualibus non cadit electio, ergo si Deus hunc eligit illum vero cuius oportet, quod sit aliqua causa in eis. Et præterea in omnibus operibus diuinæ misericordiae concurrunt iustitia, sed non concurreret iustitia si essent duo æquales, & vnus prædestinaretur, alius vero non; ergo est aliqua inæqualitas in eis.

Opinio Henrici ubi sup.

Vltimus dicit, quod illa causa prædestinationis est bonus vsus liberi arbitrii præuisus a Deo, vnde quia Deus præuidit Petrum bene vsurum libero arbitrio, & Iudam male, ideo Petrum prædestinauit, Iudam vero reprobauit. Sed obicitur contra eam per hoc, quod bonus vsus liberi arbitrii pertinet ad gratiam, ergo pertinet ad effectum prædestinationis, & ita non erit ratio prædestinationis. Respondet, quod bonus vsus quodammodo non includitur sub prædestinatione, nec sub eius effectu, licet non sit sine eius effectu, nisi sit distinctum, quod est prædestinationis; ab eo quod est liberi arbitrii.

Opinio Scoti.

Alia opinio est Scoti; quæ stat in duabus conclusionibus. Prima est, quod prædestinationis nulla est causa secunda; quod reprobationis est causa aliqua. Primam conclusionem probat sic; ordinate volens finem, & ea quæ sunt ad finem, prius vult finem, quamque sunt ad finem, sed Deus ordinate vult finem, & ea quæ sunt ad finem,

ergo Deus prius vult isti finem, quamque sunt ad finem: Sed ea quæ sunt ad finem sunt gratia, fides, & meritum, & bonus vsus liberi arbitrij, ergo prius vult Deus isti finem, quam aliquod prædictorum. Potest etiam ratio confirmari sic, Deus solo beneplacito suo determinat hunc hominem ad esse, ergo ex solo beneplacito suo determinat hunc ad bene esse idest ad gratiam, & ad gloriam. Secunda conclusio probatur sic, damnatio enim non videtur bona nisi quia iusta, vnde Augustinus. Non prius Deus fit ultor quam aliquis sit peccator, sed reprobatio, siue damnatio non esset iusta, nisi subesset causa, ergo reprobationis est aliqua causa. Et ad euentiam prædictorum notat, quod in reprobatione, & prædestinatione non est similis ordo, nam in prædestinatione Deus primo vidit Petrum, in secundo signo vult sibi vitam eternam, in tertio signo vult sibi ea quæ sunt sibi necessaria ad hoc consequendum sicut gratia, & bona opera. In reprobatione est alius ordo, quia primo occurrit Iudas. In secundo signo videntur mala opera eius, in tertio signo determinatur ad pœnam eternam. Si teneatur ista opinio patet ad primum principale, quod Deus est summæ libertatis, quia licet prædestinationis non sit aliqua causa, verum tamen reprobationis est aliqua causa, ideo reprobatis non communicat suum summum bonum. Ad secundum dico, quod Deus non est acceptor personarum, quia tunc ponitur acceptio personarum in voluntate nostra quando propositis duobus bonis equalibus voluntas vnum acceptat, & aliud respuit, & hoc ideo quia bonitas in obiectis est causa acceptationis, sed non est sic in proposito, quia voluntas diuina est causa bonitatis in obiectis, & non econuerso.

II. Super Genesim cap. 24.

Ordo reprobationis, & prædestinationis.

Si autem teneatur alia opinio quod prædestinationis sit aliqua causa, potest responderi ad primum & ad dicta sanctorum, quod apostolus; & sancti redarguerunt præsumptuosos inquirentes illa quorum sunt capaces enim autem propter inopiam reddende rationis ad minus in communi quamuis in particulati nesciatur.

Voluntas Dei in particulari nescitur.

DISTINCT. XLII.

Utrum Deus habet potentiam infinitam?

*Hoc idem querit Scotus primo sententiarum dist. 2. quæst. 2.
D. Thomas. 1. par. q. 7. art. 2.*

QVAESTIO I.

NUÑ de omnipotentia Dei. In ista distinctione scilicet 42. incipit tractare Magister de omnipotentia Dei vel de Dei potentia, ideo queritur primo. Vtrum Deus habeat potentiam infinitam? Videtur quod non, quia si vnum contrarium est infinitum non patitur esse aliud, ex tertio philosophorum, ergo si Deus habet potentiam infinitam cum ipse bonus sit, nullum esset malum in vniuerso. Præterea sicut dimensio repugnat dimensioni, ita actualitas repugnat actualitati, sed corpus infinitum non comparitur secum aliud corpus, ergo similiter ens infinitum non comparitur secum aliam entitatem, & sic in vniuerso non esset aliquod ens præter Deum. Præterea quod ita est hoc, quod non est alibi est finitum secundum ubi, ergo quod ita est hoc, quod non est aliud est finitum secundum substantiam. Sed Deus ita est hoc, quod non est illud, quia nec est lapis, nec lignum, nec aliquid tale, ergo Deus est finitus secundum substantiam, & per consequens secundum potentiam. Præterea nulla virtus mouet in non tempore. Sed si Deus haberet potentiam infinitam posset mouere in non tempore, ergo. Contra, magnus dominus, & laudabilis nimis, & magnitudinis eius non est finis. Circa istam questionem omnes concordant, quia omnes ponunt Deum infinitum, sed diuersitas est in modo probandi, imò oportet ad hoc diuersorum rationes adducere. Præterea, Philosophus probat eam sic, quod mouet motu infinito habet potentiam infinitam, sed Deus mouet motu infinito, quia mouet motu æterno, ergo habet potentiam infinitam. Sed ratio sic accepta non valet, quia minor fundata in æternitate motus est falsa, & contra fidem cum motus non sit æternus. Ideo declaratur ratio per viam possibilitatis à quibusdam sic. Quod potest mouere motu infinito habet potentiam infinitam, sed Deus potest mouere motu infinito, ergo habet potentiam infinitam. Sed

*3. Phys. cons.
78.*

Psal. 47.

*1. Phys. cons.
78. & 12.
met. 41.*

nec ista declaratio valet quia assumit minorem dubiam, & forte falsam quia ut patebit. Mundus non potuit produci ab aeterno. Præterea, propter maiorem durationem non habetur infinita perfectio secundum viam philosophi, quia non est maioris perfectionis albedo, quæ durat per x. dies, quam quæ durat per vnam diem. Ideo declaratur ratio Philosophi sic, causa habens in virtute sua actiua effectus infinitos possibiles produci per motum est infinita. Sed Deus est huiusmodi, ergo Deus est infinitus, minor probatur, quia Deus habet in virtute sua actiua causalitatem omnium causarum secundarum &c. Alius doctor, probat infinitatem Dei sic, forma non recepta in materia est infinita, sed forma scilicet essentia Dei non est recepta in materia, ergo Deus est infinitus. Ista ratio non potest stare cum dictis doctoris cuius est. Arguo enim sic, forma non recepta in materia est forma infinita, sed forma angeli per te est forma non recepta in materia, ergo angelus est infinitus.

Lib. 2. sent. q.

2.

I. Ethic. c. 7.

D. Thomas

I. parte sum-

me, q. 7. art.

1.

Respondet ad illud, quod licet Angelus sit finitus quo ad superius, est tamen infinitus quo ad inferius, Deus autem utroque modo est infinitus.

I. parte sum-

me q. 7. artic.

2.

Contra formalitas infinitatis debet accipi per intrinsecum essentiae, & non per extrinsecum, & sic non est in respectu ad causam per cuius comparisonem dicunt Angelum infinitum.

Præterea, aut maior tua est simpliciter vera, & sic arguam de Angelo sicut tu Deo, aut particulariter, & tunc non valet ad concludendum Deum esse simpliciter infinitum, quia non est maioris ambitus conclusio quam præmissæ.

I. priorum.

Alij probant Dei infinitatem sic, Deus creat, ergo habet potentiam, qua transit super extrema distantia in infinitum sicut ens, & nihil.

Henricus

Sed ista ratio deficit. Primo in antecedente, quia est tantum creditum, secundo deficit in probatione consequentiæ, quia ens creatum, & nihil non distat in infinitum, quod probo sic, quando inter aliqua extrema non est distantia media, sed ipsa seipsis distinguuntur, tota distantia debet accipi per comparisonem ad perfectius extremum. Exemplum hoc de Deo, & creatura, ubi accipitur ratio di-

quolib. 4. q.

ultima, &

Ricardus de

media villa

in 2. sent. dist.

I. q. 4. art. 2.

Exemplum.

stantiæ per comparationem ad Deum. Vnde quia Deus est infinitus, ideo dicimus inter Deum, & creaturam esse distantiam infinitam. Sed inter ens creatum, & nihil non est distantia media, immo ipsa seipsis distinguuntur, ergo tota distantia debet accipi per comparationem ad perfectius extremum idest ad ens creatum, sed ens creatum est finitum, ideo inter ens, & nihil non est distantia infinita. Ideo adducuntur ad probandum Dei infinitatem aliæ rationes. Nam intelligibilia sunt infinita, ergo intellectus simul intelligens illa erit infinitus, sed intellectus Dei est huiusmodi, ergo Deus habet intellectum infinitum, & per consequens essentiam, & potentiam infinitam, probatio antecedentis, quæcunque sunt infinita accipiendo alterum post alterum illa si sunt simul sunt infinita. Sed intelligibilia sunt infinita in accipiendo alterum post alterum, ergo probatio consequentiæ, quidquid potest in aliqua plura quorum quodlibet ponit aliquam perfectionem si potest in infinitum talia habent infinitam perfectionem, sicut si posse portare decem lapides requirit tantam virtutem, ergo portare infinitos lapides requirit infinitam virtutem. Sed intelligere hoc intelligibile requirit tantam perfectionem, & hoc tantam, & sic de omnibus aliis intelligibilibus, ergo intellectus ista intelligens habet infinitam perfectionem.

Præterea, eminentissimo esse aliquod maius esse, est impossibile, sed Deus est ens eminentissimum, ergo impossibile est intelligi esse aliquod maius Deo. Sed si Deus non esset infinitus posset intelligi maius esse aliquid Deo, ergo Deus est infinitus.

Vltimo sic: nihil terminat vltimate actum voluntatis nostræ, nisi sit formaliter infinitum, quia quocunque finito dato voluntas potest ulterius appetere. Sed quod terminat vltimate actum voluntatis nostræ est Deus, ergo Deus est infinitus.

Ad primum principale dico vno modo, quod prima propositio est vera de his, quæ contrariantur formaliter, non autem de his, quæ contrariantur virtualiter, Deo autem nihil est contrarium formaliter. Hoc autem non valet, quia maior etiam est vera de his, quæ contrariantur virtualiter. Si enim sol haberet caliditatem infinitam

*Vide pro hoc
Scotum in 1.
sent. distin. 2.
q. 2.*

*Quomodo in
Deo nihil sit
contrarium.
formaliter.*

ta, virtualiter destrueret simpliciter frigus. Ideo dicitur aliter, quod propositio est vera quando illud, quod habet potentiam infinitam agit de necessitate naturæ, Deus autem nihil ad extra se agit de necessitate naturæ, ideo non valet.

Ad secundum nego maiorem; non enim est similis repugnantia ex parte dimensionum in loco, & ex parte essentiarum in vniuerso.

Exemplum.

Ad tertium dicitur, quod maior non est vera nisi quando illud quod determinatur in antecedente sit finitum, exemplum. Nam Philosophi posuerunt tempus, & motum infinitum, & tamen non esset bona consequentia iste motus, ita est in hoc tempore quod non in alio, ergo est finitus secundum tempus quia quod præsupponitur in antecedente est infinitum ex parte temporis, & ita dico, quod ex parte Dei, quia quod supponitur in antecedente est infinitum.

Aliter potest dici, quod licet Deus non sit hoc vel illud formaliter continet tamen ea virtualiter, & esse virtualiter tale est perfectius, quam esse formaliter tale.

vide Scotum

Ad vltimum quando dicitur, quod nulla virtus mouet in non tempore, dico quod Philosophus illud intelligit de virtute extensa ad extensionem magnitudinis, & isto modo non ponitur potentia Dei extensa vt patet ibi per Philosophum.

in 8. dist. 1.

q. 1.

Vtrum Deum esse omnipotentem possit probari ratione naturali?

Hoc questum mouet Scotus primo sentent. distinc. 42. q. 1.

D. Bonaventura primo sentent. distinc. 43. q. 1. Art. 1.

Alexander Aletis prima parte q. 21. membro 1. Art. 1.

D. Thomas prima parte, questio. 25. Artic. 1.

Ricardus 1. sent. distinct. 43. quest. 2.

Durandus primo sent. dist. 43. q. 1.

QVÆSTIO II.

tum quia Philosophi non potuerunt concludere ratione naturali deum posse contingenter causare, ergo non potuerunt cōcludere naturaliter deum posse immediate in omnem effectum siue in quodcunque in quod potest mediantibus causis secundis.

Ad primum principale concedo, quod ad ostendendam dei omnipotentiam non deficiunt necesse rationes in se, veruntamen istę non sunt in nobis naturaliter euidentes pro statu isto.

Ad secundum pater quomodo infinitas aliter sumitur pro omnipotentia apud Philosophos, & aliter apud Theologos, vnde Philosophi non ponerent infinitatē esse illam omnipotentiam quam ponunt Theologi.

*Alia est quæ
Deus potest
causare, &
causat imme-
diatione cau-
se idest sine
concurso cau-
sarum secun-
darum, &
de hac loquū-
tur Theologi.*

DISTINCTIO XLIII.

Utrum Deus possit facere infinitum in actu?

Hoc idem queris Scotus 1. sent. dist. 43. q. 1.

D. Bonauentura primo sent. dist. 42. q. 3.

Alexander Alensis prima parte. q. 21 membro 5. Ars. 1.

D. Thomas prima parte. quest. 25. Articuli. 2. & 3.

Ricardus 1. sent. dist. 43. q. 5.

Durandus 1. sent. dist. 42. q. 2.

Franciscus de Maironis primo sententiarum dist. 43. q. 2.

QVÆSTIO I.



VIDA M tamen dicunt de suo. Circa istam distinctionem 43. quaeritur. Utrum deus possit facere infinitum in actu? Videtur, quod sic, quia plus potest deus facere quam homo cogitare. Sed homo potest cogitare esse aliquid infirmum in actu, ergo.

Præterea, imaginatio non decipitur, sed imaginatio dicit extra cælum esse spatium infinitum, ergo est infinitum in actu.

*3. Phys. con-
sec. 25.*

Præterea, vniuersum, aut est finitum, aut infinitum. Si est infinitum habetur propositum. Si non est infinitum, ergo clauditur sicut de priori, & sicut in infinitum,

quia aut est finitum, aut infinitum. Si infinitum habetur propositum, &c. & illa fuit ratio antiquorum Philosophorum ad probandum infinitum esse.

3. Phy. con-
sex. 35. &
inde. In contrarium est Philosophus, ubi probat multipliciter, quod impossibile est esse aliquod infinitum.

Ad euentiam huius questionis premitto vnū quod præmittit Philosophus, scilicet, quod infinitum dicitur tripliciter.

Infinitum tri-
bus modis di-
citur.

Vno modo dicitur infinitum quod non est de genere transibilem, sicut vox dicitur inuisibilis, quia non est de genere visibilem, & isto modo punctus dicitur infinitus.

Secundo modo dicitur infinitum, quod est de genere transibiliū & habet transitum inconsummabilem idest difficilem sicut profunditas maris.

Tertio modo dicitur, quod est de genere transibiliū, veruntamen habet transitum inconsummabilem, quia simpliciter caret fine. Et de infinita isto modo sumpto queritur hic.

His præmissis dico, quod sunt hic duo videnda. Primo si Deus potest facere infinitum secundum magnitudinem. Secundo si potest facere infinitum secundum multitudinem.

Henricus
9. solib. 8. q. 3.

Quantum ad primum dicit vna opinio, quod sic, quia Deus potest facere quicquid non implicat contradictionem, sed esse infinitum secundum magnitudinem non implicat contradictionem, ergo hoc est Deo factibile, probatio minoris, quando aliquid est indifferens ad plura non implicat contradictionem si ponitur sub altero illorum, sed quantitas est indifferens ad infinitum, & ad finitum, ergo non implicat contradictionem si ponitur sub aliquo illorum, scilicet sub esse infinito.

Sed circa im-
possibile.

Henricus in
quotib. 6. q.

3. propositum
dixit. Vide
Scotum in re-
portans distr

Præterea probatur eadem minor sic non implicat contradictionem, quando subiectum ponitur sub propria passione, sed infinitas est propria passio quantitatis, ergo.

Alia opinio est ad oppositum, scilicet quod infinitum non sit factibile, quia quod implicat contradictionem non est factibile, sed esse magnitudinem infinitam extra Deum implicat contradictionem, ergo non potest fieri, probatio

probatio minoris omne infinitū, vt sic est independens, omne autem factum est dependens, ergo si Deus faceret magnitudinem infinitam esset independens, & dependens, quæ sunt contradictoria.

43. q. 1. vbi
clarus rectat
opinionem
Henrici.

Præterea, illud quod est minus infinito necessario est finitum, sed omne aliud à Deo necessario est minus infinito, scilicet Deo, ergo nihil aliud à Deo potest esse infinitum.

Præterea ad idem arguitur rationibus Philosophi nulum terminatum superficie est infinitum, sed omnis magnitudo est terminata superficie, ergo nulla magnitudo est infinita.

3. Phys. con-
tex. 8.

Præterea omnis magnitudo est mobilis, quia est in loco, sed magnitudo infinita, non potest moueri, ergo non potest esse aliqua magnitudo infinita, probatio minoris. Illa magnitudo aut mouetur motu recto, & hoc non, quia iā non esset infinita, quia haberet aliquē locū extra se ad quē posset moueri. Aut moueretur motu circulari, & hoc non, quia supponitur, quod in motu eius quod moueretur circulariter imaginaretur vnum centrum, tunc ducantur lineæ à centro vsque ad circumferētiā, lineæ erunt distantes in infinitum, quia distantia, quæ interiace: est infinita, sed infinita distantia non potest pertransiri, ergo.

Præterea illa magnitudo aut est naturalis, aut Mathematica. Si est naturalis, ergo est finita, quia omnium natura constantium certus, & determinatus est terminus magnitudinis, & augmenti. Si autem est mathematica, ergo habet habitudinem ad magnitudinem naturalem, sed magnitudo naturalis est finita, ergo ista magnitudo mathematica est finita. Vltimo sic, quod possibile est intelligi possibile est fieri, sed impossibile est intelligere lineam infinitam in actu, ergo. Puto, quod ista ratio habeat fundamentum falsum quamuis conclusio sit vera, quia si virtus rationis valeret, sequeretur, quod esset possibile infinitum in actu, quia intellectus diuinus potest hoc intelligere.

2. de anima
cont. 41.

Ad argumentum præcedentis opinionis dico per interemptionem minoris.

Ad probationem primam quando dicitur, quod

*Infini-
tum
duplex.*

*Exemplum
Thy. quid.*

*Vide Auicē-
nam, & Al-
gazelem 1.
Metaph. di-
uisione. 6.*

quantitas est indifferens ad finitum, & infinitum. Dico, quòd infinitū est duplex, quia est infinitum in actu perfecto, & est infinitum in actu permixto potentia cuius esse est in fieri, ita quòd acceptum semper est infinitum, quamuis in accipiendo procedas in infinitum. Exemplum Philosophi, ibidem est de diebus agonistarum, & sic concedo, quod quantitas est indifferens ad infinitū isto secundo modo sumptum. Eodem modo dico ad secundam probationem de propria passione.

De secundo articulo fuit error Auic. & Algazelis, quòd multitudo infinita est possibilis. Sed hoc communiter non tenetur, quia nullum numeratum, vel numerabile est infinitum, sed omnis multitudo est numerata, vel numerabilis, ergo nulla multitudo potest esse infinita. Præterea nullum mensuratum est infinitum, sed omnis multitudo est mensurata vnitate, ergo nulla multitudo est infinita.

Præterea omnis species eo ipso quo species est terminata, & finita, sed omnis multitudo est in aliqua specie, ergo omnis multitudo est terminata, & finita.

Ad primum principale dico, quòd homo non potest intelligere magnitudinem, vel multitudinem infinitam in actu, sed successiuè, tantum in accipiendo alterum post alterum tamen acceptum semper est finitum.

Ad secundum respondetur, quod imaginationi non est credendum, vbi imaginatio sequitur ens, & non ens imaginationem.

*Aliud est
claudi, aliud
est finiri.* Ad tertium respondet Philosophus ibidem, quod aliud est claudi siue terminari, aliud est finiri, nam quod clauditur aliquo clauditur, sed quod finitur potest seipso finiri. Quando ergo quæris, quod vniuersum aut est finitū, & infinitum, dico, quod est infinitum, & cum infer, ergo aliquo clauditur, nego, sed concedo, quod finitur in se.

Vtrum inter quaslibet species vniuersi Deus possit facere aliam speciem mediam?

QVÆSTIO II.

SECUNDO quæritur. Vtrum inter quassibet species vniuersi Deus possit facere aliã speciem mediam? Videtur, quod non, quia inter immediata non cadit aliquod medium, sed species vniuersi sunt immediatæ sicut patet de specie eligi, & eligati, ergo. In contrarium arguitur, quia aliter Deus non esset omnipotens.

Circa istam quæstionem sunt tres opiniones, duæ extremæ, & vna media.

Vna dicit, quod non, & arguit sic. Species se habent vt numeri, sed inter duos numeros immediatos non cadit alius numerus medius, sicut patet in binario, & ternario, ergo inter duas species non potest fieri alia species media.

1. *Opinio.*

Præterea natura plus abhorret vacuum specierum, quam vacuum corporum. Sed natura non patitur vacuum corporum, ergo nec vacuum specierum. Sed si fieri posset species media inter duas species poneretur ibi vacuum, ergo.

8. *Met. contrax. 10.*

Alia opinio tenet oppositum scilicet quod inter quascunque duas species Deus potest facere speciem mediã. Cuius ratio est, quia distinctio specierum sumitur penes distinctionem idearum, & penes diuersos gradus imitabilitatis, sed inter quoscunque duos gradus imitabilitatis est accipere alium gradum imitabilitatis in infinitum, ergo inter quascunque duas species Deus potest facere aliam speciem mediam, minor probatur, quia sicut inter quolibet duo puncta in linea possunt assignari puncta infinita, ita inter duos gradus imitabilitatis possunt accipi infiniti alij.

2. *Opinio.*

Tertia opinio mediat, quia quædam sunt species immediate, quædam autem mediate, & hoc supposito, quod species non consistant in indiuisibili, sed habeant inter se latitudinẽ quandam. Inter species autem immediatas non potest fieri species media, quia hoc repugnat, scilicet, quod sint species immediatæ, & quod possit

3. *Opinio.*

Exemplum.

inter eas fieri species media. Et ponit exemplum de specie eligi, & eligati, siue corporis simplicis, & mixti, vbi nullo modo cadit species media, loquendo autem secundo modo, sic conceditur, quod inter duas species Deus potest facere aliam speciem.

Si teneatur ista opinio respondetur ad primum argumentum primæ opinionis, quod illa similitudo non est simpliciter vera. Species enim numeri constituuntur per vnitatem indiuisibilem. Species autem rerum constituuntur per formas habentes latitudinem.

Ad secundū conceditur totus primus sillogismus, sed negetur minor pro sillogismi, quia Deus posset extra illum mundum creare alium mundum, & tamen propter hoc non poneretur vacuum specierum ibi.

Ad secundum autem secundæ opinionis dicitur, quod duæ species immediate sic se habent, quod inter eas non cadunt alii gradus imitabilitatis, & cum probatur per simile de punctis in linea dicitur, quod non est simile, quia puncta dicunt priuationem, gradus autem imitabilitatis non. Ex dictis patet ad argumenta principalia, quia primum argumentum probat de speciebus immediatis de quibus conceditur, quod inter eas non cadit species media.

DISTINCTIO XLIIII.

Vtrum Deus potuerit facere mundum meliorem quàm fecit?

Hoc quesitum mouet Scotus I. sent. dist. 44. q. 1.

D. Bona. I. sent. dist. 44. q. 1. Art. 1.

D. Thomas. I. par. q. 25. art. 6.

Ricardus I. sent. dist. 44. q. 1.

Durandus primo sent. dist. 44. q. 1.

QVÆSTIO I.

Nunc restat discutiendum. Circa distin. 44. queritur. Vtrum Deus potuerit facere mundum meliorem quàm fecit? Videtur, quod non, quia si Deus potuerit facere mundum meliorem, quàm fecit, ergo fuit inuidus. Sed in deo non cadit inuidia, ergo deus non potuit facere mundum meliorem. Confirmatur ista ratio per Aug. quia si deus non genuit filium sibi æqualem, & potuit, ergo

fuit inuidus, à simili arguitur hic in proposito sicut de- *Lib. 1. contra*
ducit Magister in littera. Præterea Aug. quicquid oc- *Maximianū.*
currit melius in rebus cogita deum fecisse. In contrariū
est Magister in littera. Et Augu. potuit inquit deus face-
re hominem meliorem, qui non peccare, nec peccare
potuisset.

3. De libero
arbitrio.

Ad euidentiā huius quæstionis præmitto istam di- *Lib. 2. de Ge-*
stinctionem, quod mundus potest considerari, vel quā- *nesi ad literā,*
tum ad naturas creatas secundum se, vel quantum ad or- *c. 7. in Tho. 2.*
dinem creaturarum. Et iste ordo est duplex, quia crea-
turæ habent vnum ordinem ad deum tanquam ad prin-
cipem, & alium ordinem inter se.

Mundus cō-
sideratur duo
bus modis.

Ideo circa istam quæstionem primo oportet videre si
deus potuit facere mundum meliorem quantum ad na-
turas creaturarum, secundo si deus potuit facere mun-
dum meliorem quantum ad ordinem.

Duplex ordo.

De primo dicitur, quod non, maxime quantum ad es-
se substantiale creaturarum, quia esse substantiale cu-
iuslibet consistit in indiuisibili, & sic non recipit magis,
aut minus.

Mundus po-
tēst intelligi

Alia opinio dicit, quod deus potest facere mundum
meliorem quantum ad esse substantiale, & quantum ad
esse accidentale creaturarum, quia ponit, quod esse cu-
iuslibet creaturæ habeat latitudinem, & non consistit in
indiuisibili. Et confirmatur hoc, quia totum vniuer-
sum fuit melius in statu innocentiae, similiter erit me-
lius post diem iudicii. Et similiter omnes animæ sunt
eiusdem speciei, & tamen vna anima est melior altera.
dicere enim, quod anima Christi non sit melior animæ
Iudæ est erroneum vt patet per articulum excommuni-
catum.

meliorari
quatuor mo-
dis. Vide Ri-
cardum præ-
senti dist. q. 1.

De secundo articulo dicitur, quod deus non potest
facere mundum meliorem, nec quantum ad ordinem
creaturarum ad deum, nec quantum ad ordinem crea-
turarum inter se, quia quilibet ordo est optimus, opti-
mum autem non potest meliorari. Exemplum ponitur
de cithara, in qua quando chordæ sunt bene ordinatæ
non potest illa ordinatio meliorari.

Exemplū de
Cithara.

Contra hoc obiicitur, quod primus ordo possit me-
liorari nam ordo creaturarum ad deum non est nisi quæ-

dam tendentia creaturarum in ipsum. Sed ista tendentia potest meliorari, & de facto melioratur sicut patet de animabus, quæ diuersis temporibus melius tendunt in deum, ergo.

Præterea, videtur, quod ordo creaturarum inter se possit meliorari, quia accipiendo omnes creaturas vt ordinantur ad hominem, iste ordo potest meliorari, quia iste ordo est subiectio creaturarum ad hominem, sed ista subiectio potest meliorari, & patet quia fuit melior in statu innocentie ista subiectio, quam sit modo, ergo videtur, quod vniuersum quantum ad istum duplicem ordinem possit meliorari. Ideo dico, quod Deus potuit, & potest facere mundum meliorem, tam quantum ad esse substantiale, quam quantum ad esse accidentale creaturarum, & tam in ordine creaturarum ad deum, quam in ordine creaturarum inter se.

*Inuidia op-
ponitur cha-
ritatis.*

Ad primum principale nego consequentiam. Cuius ratio est, quia inuidia opponitur charitati. Ideo vbi ex charitate teneor velle bonum alicui si nolo est inuidia, deus autem non tenetur, nec obligatur ex charitate velle bonum creaturæ, ideo si non facit creaturam meliorem non est ibi inuidia.

Ad illud autem quod adducit pro confirmatione, de confirmatione, de filio dei, dico, quod non est simile, quia pater tenetur velle filio æqualitatem ex charitate, quia communicat sibi essentiam, quæ est fundamentum omnis bonitatis.

Ad secundum dico, quod illa auctoritas Augustini non plus dicit nisi, quod nihil occurrit melius in creatura, quam esse volitum a deo, quia eo est bonum in creatura quo volitum a deo. Et sic est tantum dicere ac si diceretur, quæcunque voluit fecit, & hoc est verum, sed non est contra conclusionem nostram.

DISTINCTIO XLV.

Verum deus velit aliud a se?

Hoc idem quæsitum mouet Scotus 1 sententiarum dist. 45. q. 1.

D. Thomas 1 parte quæst. 19 Art. 2.

Ricardus 1. sent. dist. 45. q. 4.

Durandus 1. sent. dist. 45. q. 1.

QVÆSTIO I.

Nunc de voluntate Dei. Circa istam distinctionem. l. 45. quæritur primo Vtrum Deus velit aliud a se? Videtur, quod non, quia in deo idem est esse, & velle, sed Deus non est aliud a se, ergo Deus non vult aliud a se.

Præterea, quod vult aliud à se est imperfectum, quia appetit aliquid aliud quam se, sed deus non est imperfectus, ergo non vult aliud a se.

Contra Apostolus hæc est voluntas Dei, sanctificatio vestra. Circa istam quætionem duo sunt videnda. Primo si in Deo est voluntas, secundo si vult aliud à se.

Thess. c. 4.

Veritas primi articuli patet ex dictis supra.

De secundo articulo dico, quod deus vult alia à se.

Sed dubium est de modo, quo vult alia à se. Et ideo est notandum, quod creare habent duplex esse, vnum inquantum sunt obiecta cognita à Deo ab æterno. Aliud esse habent extra inquantum sunt productæ. Et sic dico

Creates habet duplex esse.

Prima, quod Deus necessario, & ab æterno vult creaturas inquantum sunt obiecta cognita. Cuius ratio est, quia eadem necessitate vult deus creaturas vt obiectum cognitum, qua necessitate vult se perfecte intelligere, sed deus ab æterno vult se perfecte intelligere omne intelligibile ergo ab æterno vult creaturas in esse cognito. Sed dubium est hic de malo, quomodo deus

malum cognoscit vt ponitur obiectum cognitum. Et est dicendum, quod in deo ponitur duplex notitia, vna simplicis apprehensionis, alia approbationis. deus autem non cognoscit malum notitia approbationis, sed notitia simplicis apprehensionis.

Dubium an Deus cognoscit malum.

Secunda conclusio est, quod Deus vult creaturas vt sunt extra contingenter tantum, & non necessario. Cuius ratio est, quia sic deus vult alia à se, vt habent esse extra, & quomodo producit ea, sed producit ea contingenter, ergo vult ea contingenter, & non necessario.

In Deo est duplex notitia.

Ad primum principale dico, quod licet velle, & esse sint idem in Deo realiter, non tamen sunt idem formaliter. Vel secundum alios distinguuntur secundum rationem, quia vnum connotat obiectum, & alterum non. Ad secundum, dicendum quod maior est vera in agendi-

bus creatis, est autem falsa in Deo, Deus enim vult alia à se vt communicet eis suam perfectionem, & non vt recipiat perfectionem ab eis.

Vtrum Deus velit mala fieri?

D. Thomas prima parte. questio. 19. Articul. 9.

Richardus primo sent. dist. 26 q. 2.

QVÆSTIO II.



ECVND O quæritur. Vtrū Deus velit mala fieri? Et videtur quòd sic, quia Deus vult quicquid pertinet ad decentiam vniuersi. Sed malum esse pertinet ad decentiam vniuersi secundum Dionysium.

*Cap. 4. de di-
uinis nomi-
bus.*

In contrarium est Magister in littera. Circa istam quæstionem est primo, vna distinctio præmittenda, secundo est quæstio soluenda.

*Triplex ma-
lum.*

Quantum ad primum dico, quòd malum est triplex, scilicet malum naturæ, scilicet vt quis nascatur cæcus, secundo est malum pœnæ, quo aliquis punitur, tertio est malum culpæ, quo quis reprobat.

De secundo articulo dico tres conclusiones.

Prima quòd Deus non potest velle malum absolute loquendo de ratione mali, quin illud non potest esse volitum quod est extra formalem rationem obiecti voluntatis, sed malum sub ratione mali est extra formalem rationem obiecti voluntatis, ergo.

*Duplex ma-
lum Malum
naturæ & ma-
lum pœnæ.*

Secunda conclusio est, quòd malum naturæ, & malū pœnæ potest Deus velle per accidens, quia illud potest esse volitum à Deo per accidens, vnde prouenit vniuerso maius bonum, sed ex malo naturæ, & ex malo pœnæ potest vniuerso euenire maius bonum, ergo minor probatur quantum ad malum naturæ, quia ex corruptione vnius sequitur generatio alterius in vniuerso. Similiter probatur de malo pœnæ, quia prouenit vniuerso manifestatio diuinæ bonitatis.

*Opinio Hu-
gonis.*

Tertia conclusio est, si malum culpæ potest Deus velle fieri. Et hæc est opinio Hugonis, quòd malum culpæ potest esse volitum à deo per accidens, quia malum pertinet ad decentiam vniuersi.

Alia est opinio Magistri, quod non, quia illud non potest esse volitum à deo, nec per se, nec per accidens,

quod non potest habere bonū recompensans, sed malū culpæ non potest habere bonum recompensans, ergo. *Opinio Magistri.*

Præterea voluntas volens malum culpæ siue per se, siue per accidens est obliqua, & torta, sed voluntas diuina nullatenus est torta, vel obliqua, ergo voluntas Dei non potest velle malum culpæ nec per se, nec per accidens.

Voluntas diuina non est obliqua.

Tertia opinio aliquorum modernorum dicit, quod Deus non vult malum culpæ voluntate efficaci, sed vult illud voluntate permissiua, quia permittit illud, ergo. Si teneatur opinio Magistri potest dici ad argumentum principale, quia malum culpæ non facit decentiā vniuersi. Et quando probatur per dionysium, dico, quod loquitur de malo pœnæ, & non de malo culpæ.

Opinio Modernorum.

DISTINCTIO XLVI.

Vtrum voluntas Dei sit immutabilis?

Hoc questum mouet Scotus primo sentent. distinct. 46.

D. Thomas prima parte q. 19. Artic. 7.

QVÆSTIO I.

Hic oritur questio. Circa istam distinctionem 46. queritur. Vtrum voluntas dei sit immutabilis? Videtur, quod sic, quia dictum est Ezechiae per Isaiam prophetam, dispone domui tuæ, quia morieris, & non viues, sed tunc nō fuit mortuus Ezechias, immo addidit ei xv. annos vitæ, ergo.

Isaie. c. 8.

Præterea aliquis peccator existens in mortali peccato deus vult eum damnari, cum autem conuertitur non vult, quod damnetur, ergo voluntas diuina mutatur.

In contrarium est Magister in litera. Circa istam questionem, primo præmittitur vna distinctio, secundo soluetur questio.

Quantum ad primum dico cum Magistro, quod voluntas dei accipitur a suis dupliciter. scilicet pro voluntate beneplaciti, de qua ait Apostolus, vt probetis, quæ sit voluntas Dei beneplacens, & perfecta.

Ea voluntas Dei dicitur duobus modis Rom. c. 12.

Secundo accipitur pro voluntate signi, loquendo autem de voluntate beneplaciti, ad hæc distinguitur in voluntatem antecedentem, & voluntatem consequentem,

Tim. c. 2.

Que sit voluntas antecedens.

Que sit voluntas consequens.

In ordinatione Dei qua ordinatus hominem ad vitam eternam qua sint.

Voluntas signi est mutabilis.

Voluntas in Deo est immutabilis.

vocatur autem voluntas antecedens voluntas conditionata sicut loquitur Apostolus. Deus vult omnes homines saluos fieri, hoc enim est intelligendum de voluntate antecedente, quæ est conditionata, vt patebit in questione sequenti, voluntas autem consequens est voluntas determinata de isto saluando. Et dicitur consequens, quia se habet per additionem ad primam. Vel aliter secundum alios voluntas antecedens est ista, quæ respicit naturam absolute, voluntas consequens dicitur, quæ respicit personam, & actus personales, & hoc dictum sit quantum ad voluntatem beneplaciti.

De voluntate autem signi est distinguendum sicut distinguit Magister in litera. Nam secundum eum distinguitur in præceptum, prohibitionem, consilium, permissionem, & operationem. Cuius ratio est, quia Deus per voluntatem suam ordinavit hominem ad vitam eternam. In ista autem ordinatione sunt aliqua promouentia, & aliqua impediencia, aliqua indifferentia. Respectu promouentium est præceptum, respectu impediendum est prohibitio, sed respectu indifferentium est consilium. Verum, quia ad salutem concurret liberum arbitrium, & liberum arbitrium est indifferens ad bonum, & ad malum, ideo quando conuertit se ad malum est permissio, quando autem conuertit se ad bonum est operatio siue promotio.

De secundo articulo dico duo, quod voluntas signi est mutabilis, quod patet per multa in veteri testamento, quæ fûerunt sub præcepto, quæ hodie non sunt sub præcepto, vt sacrificia arietum, &c. Secundo dico, quod voluntas beneplaciti in Deo est immutabilis, quia quicquid est in Deo intrinsecum est immutabile: sed voluntas beneplaciti est Deo intrinseca, voluntas autem signi non, quia signum est in aliquo effectu extra, ergo voluntas beneplaciti est omnino immutabilis in se, tamen in quantum connotat volitum extra potest dici mutabilis secundum rationem. Et sic dicimus, Deus vult aliquem saluare pro vno nunc, in quo est in gratia, & pro alio nō, in quo est in peccato, licet sit vna, & eadem voluntas. Et per ista patet ad argumenta principalia.

Vtrum in Deo voluntas beneplaciti
semper impleatur?

Hoc quesitum mouet Scotus primo sentent. distinct. 46. q. 1.

D. Boni. primo sent. dist. 47. q. 1. Ar. 1.

Alexander Alensis prima parte. q. 36. membro 1.

D. Thomas prima parte q. 19. Art. 6.

R. cardus primo semen. distinct. 47. q. 1.

Q V A E S T I O I I.



ECUNDO queritur. Vtrum in Deo voluntas beneplaciti semper impleatur? Videtur, quod non, quia Apostolus dicit, Deus vult omnes saluos fieri, sed certum est, quod non omnes homines salui fiunt, ergo voluntas

Tim. c. 2.

Dei non semper impletur.

Contra, in psalmo dicitur, omnia quaecunque voluit dominus fecit.

Ad istam questionem breuiter dico, quod voluntas Dei semper impletur. Cuius ratio est: quia ista voluntas, cui nihil resistere potest, si est efficax semper impletur, sed voluntas Dei est huiusmodi, iuxta illud Apostoli voluntati eius quis resistet? ergo in Deo voluntas beneplaciti semper impletur.

Ad primum in contrarium dicitur multipliciter. Primo secundum expositionem Augustini, qui exponit Apostolum sic, Deus vult omnes homines saluos fieri, id est qui salui fient, ita, quod omnis qui saluus fit voluntate Dei saluus fit. *Psal. 113. Rom. 9. Lib. Euch. c. 102.*

Alio modo exponitur sic, quod auctoritas est vera pro generibus singulorum, & non intendit eam dicere veram esse pro singulis generum. Ita ut sit distributio accom- *Tria axio- mata scri- pture inter- pretatur est.* modi sub isto sensu valet, vult omnes homines saluos fieri id est aliquos de omni statu, siue paruo, siue magno, vult saluos fieri.

Vide D Tho-

Tertio modo exponitur, vult omnes homines, &c. voluntate antecedente, quæ est conditionata, non autem voluntate consequente, quæ est determinata, & est talis *mam prima parte summe q. 19. art. 6.*

sensus. Deus vult omnes saluos fieri sub ista conditione, si non ponunt obicem mortaliter peccando.

DISTINCTIO XLVII.

Vtrum aliquid eueniat in vniuerso præter
Dei voluntatem?

Hoc quesitum mouet Scotus primo sent. dist. 48. q. unica.

D. Bona. I. sent. dist. 47. q. 3.

D. Thomas prima parte. q. 84. Artic. 6.

QVAESTIO I.

VOLUNTAS quippe Dei. Circa istam distinctionem 47. quæritur primo. Vtrum aliquid eueniat in vniuerso præter Dei voluntatem? Et loquitur hic de voluntate beneplaciti. Videtur, quod non, quia Deus est omnipotens, sed si aliquid eueniret præter eius voluntatem non esset omnipotens, ergo.

Præterea idem est in Deo scientia, & voluntas beneplaciti, sed nihil euenit in vniuerso præter Dei scientiã, ergo nihil euenit in vniuerso præter eius voluntatem.

Præterea nihil euenit in entibus, præter principium effectuum omnium entium, sed voluntas Dei est principium effectuum omnium entium, ergo nihil euenit in entibus præter Dei voluntatem. In contrarium est Magister in litera.

Circa istam quæstionem sunt duo videnda. Primo. Si aliquod bonum euenit in vniuerso præter Dei voluntatem, secundo. Si omne malum culpæ euenit in vniuerso præter Dei voluntatem.

Nullum bonum euenit in vniuerso præter Dei voluntatem.

Quantum ad primum dico, quod nullum bonum euenit in vniuerso præter Dei voluntatem, quod probatur sic. In essentialiter ordinatis, quod est per se agens respectu prioris, est per se agens respectu posterioris. Sed ista bona inferiora habent ordinem essentialem ad bona superiora, quæ sunt intelligentiæ, cælum, & animæ rationales, cum ergo Deus sit per se agens respectu istorum bonorum superiorum, sequitur, quod sit per se agens

respectu omnium bonorum inferiorum, & per consequens, nullum bonum euenit in vniuerso præter Dei voluntatem, quod autem Deus sit per se agens respectu omnium bonorum superiorum patet, quia bonitas participata est ab alio effectiue. Sed bonitas illorum est participata, ergo oportet, quod sit ab aliqua causa effectiue. Illa autem causa vel est Deus, & habetur propositum, vel aliqua alia, & quæretur de illa sicut de prima, quia cum illa causa non sit Deus habebit bonitatem participatam.

Præterea ad quæcunque extendit se obiectum alicuius potentie ad eadem extendit se virtus illius potentie. Sed obiectum voluntatis diuinæ est bonum simpliciter, & illud extendit ad se omnia bona, ergo virtus diuina extendit ad omne bonum, & sic nullum bonum euenit præter Dei voluntatem.

De secundo articulo dico, quod malum culpæ euenit præter Dei voluntatem, quia sicut est in ordine agentium naturalium, ita suo modo est, in ordine agentium per voluntatem. Sed in agentibus naturalibus defectus, qui eueniunt in particularibus, non reducuntur in casum vniuersalem, sed in casum particularem. Exemplum patet in corporibus monstruosis in quibus defectus non reducuntur in cælum, quod est causa vniuersalis, sed in agens particulare, ergo similiter malum siue defectus culpæ non reducitur in Dei voluntatem, quæ est causa vniuersalis.

Præterea, illud ad quod voluntas neutraliter se habet si euenit non euenit secundum voluntatē illam, sed voluntas diuina neutraliter se habet ad malum culpæ, ergo.

Præterea iustus iudex non iudicat aliquē de illo quod euenit secundum voluntatem iudicis, sed Deus iudicat hominem de malo culpæ, ergo malum culpæ non euenit secundum voluntatem Dei. Ad primum principale dico, quod aliud est euenire præter voluntatem Dei, & aliud est euenire contra voluntatem Dei, nam si eueniret aliquid contra voluntatem Dei, non esset omnipotens, sed cum aliquid euenit præter Dei voluntatem non impeditur eius omnipotentia.

Ad secundum dico sicut pluries dictum est in superioribus, quod voluntas & scientia non sunt formaliter idē,

Deus est author malipænae, & non culpa, Vide D. Thom. 1. parte summae, q. 84.

Aliud est euenire præter voluntatem Dei, aliud est euenire contra voluntatem Dei.

Quid sit peccare.

vel secundum alios non sunt idem secundum rationem intelligentiæ.

Ad tertium dicendum, quod aliter loquendum est de effectione, & aliter de defectiione. Nam peccare non est efficere, sed deficere, maior autem argumenti est vera de effectiione, non autem de defectiione.


Vtrum Deus possit præcipere malum?

Hoc idem querit Scotus 1. sent. dist. 47.

D. Bona. 1. sent. dist. 47. q. 3.

D. Thomas prima parte quest. 19. Artic. 6.

QVÆSTIO II.



ECUNDO queritur. Vtrum Deus possit præcipere malum? Videtur quod sic. Furtum est malum, sed Deus præcepit filiis Israel furtum vt patet cum præcepit filiis Israel, vt acciperent ab Aegyptiis vasa aurea, &c. ergo Deus præcepit malum. Præterea fornicari est malum, sed Deus præcepit Olee, quod acciperet vxorem fornicariam, & faceret filios fornicationum, ergo. Contra, quæ præcipit malum actor est mali, sed Deus non est actor mali, ergo non potest præcipere malum. Ad euidentiã huius quæstionis præmitto, quod malum potest accipi dupliciter. Vno modo formaliter, vt dicit rationem defectiuam. Alio modo quasi materialiter scilicet quando talis actus esset malus, nisi fieret ex præcepto diuino.

Exo. c. 3.

Osee cap. 1.

Malum duobus modis accipitur.

Deus non potest præcipere malum formaliter.

Deus potest præcipere malum materialiter secundum aliquos.

His præmissis dico ad quæstionem duas conclusiones. Prima, quod Deus non potest præcipere malum formaliter, quæ est ratio defectiua, quia Deus nihil præcipit, nisi quod cadit sub obiecto suæ voluntatis quod est bonum, sed ratio defectiua excludit rationem boni, ergo.

Præterea. Si Deus posset præcipere malum sub ratione mali, vel defectiua, tunc idem actus factus ab homine posset esse meritorius, & demeritorius. Meritorius quidem in quantum præcipitur a Deo, demeritorius autem propter deformitatem & rationem defectiuam.

Secunda conclusio est opinio aliquorum, quod Deus

potest præcipere malum materialiter, quando scilicet esset malum nisi fieret ex præcepto Dei, quia Deus potest præcipere illud unde sequitur bonum, sed multa mala sunt, quæ videntur mala, & ex eis sequitur magnum bonum, sicut verbi gratia. Si Deus præcepit, quod aliquod alienum sit meum proprium: si accipio hoc proprium iam non est malum sed bonum. Et per hoc patet ad primum principale, nam præcepit filiis Israel vt acciperent ab Ægyptiis vasa, &c. quia Ægyptiis gratauerant filios Israel, & damnificauerunt eos in bonis corporalibus. Ideo iusto iudicio ea, quæ erant Ægyptiorum data sunt filiis Israel a Deo.

Ad secundum dicendum secundum aliquos, quod ista fornicatio intelligitur spiritualiter, & non carnaliter. *Fornicatio*
Et mulier ista quam Deus præcepit ei accipere fuerit gē- *quomodo accipiasur.*
tilis, & sic fuerat fornicata a deo per idololatriam. Si autem intelligatur carnaliter potest dici, quod prius fuerat fornicata, sed quando accepit eam, accepit illam in uxorem propriam.

DISTINCTIO XLVIII.

Virum voluntas creata conformis voluntati diuinæ
semper sit recta?

Hoc idem quesitum mouet Scotus 1. sens. distin. 48. q. unica.

D. Bonauentura primo sens. distin. 48 q. 1.

Alexander Aletensis prima parte q. 41. membro 1. & 3.

Ricardus primo sens. dist. 48. q. 2.

Durandus primo sens. dist. 48. q. 1.

Franciscus de Mayronis primo sens. dist. 46. q. 5.

QVÆSTIO I.



REDENDVM quoque est. Circa distinctionem illam vltimam quæritur breuiter. Vtrū voluntas creata conformis voluntati diuinæ semper sit recta? Videtur, quod sic, quia sicut intellectus creatus ad intellectum increatum in veritate, ita voluntas creata ad increatam in bo-

nitate. Sed intellectus creatus conformis intellectui increato semper est verus, ergo voluntas creata cōformis voluntati increatæ semper est bona, siue recta.

Contra, Deus voluit pati Christum, & Iudæi siue crucifixo- res voluerunt pati Christum, & voluntas Iudæorum fuit peruersa.

*Voluntatem
creatam esse
conformem
voluntati in-
create potest
intelligi duo-
bus modis.*

Ad euidentiā huius quæstionis est sciendum, quod voluntatem creatam esse conformem voluntati increatæ potest intelligi dupliciter, quia vel quo ad volitum, vel quo ad hoc quod est regula volendi per modum præcepti.

His præmissis dico, quod si quæris. Vtrum voluntas creata sit recta si est conformis diuinæ voluntati in volito, dico quod non ex hoc, quod voluntas diuina est causa bonitatis in obiecto siue inuolito, nam ex hoc quod Deus vult aliquid, illud est bonum, voluntas autem creata econuerso, quia voluntas creata non est causa bonitatis in obiecto sed econuerso, quia obiectum est bonum, ideo voluntas illud vult. Si autem quærat, utrum voluntas creata conformis diuinæ voluntati per imitationē in quantum est regula volendi per modum præcepti sit bona, dico, quod sic, quia necesse est deuenire ad aliquam volitionem, & ad aliquam voluntatem omnino inobliquabilem, sed hæc nō potest esse nisi voluntas Dei, ergo si nostra voluntas ipsi conformetur, non per similitudinem tantū, sed per imitationē ex eo, quod sequitur ipsam per modum præcepti, ut est regula, est bona, siue recta. Ad argumentum principale dico, quod maior est falsa, quia veritas intellectus dependet ab obiecto: tantum, sed rectitudo in voluntate dependet ex obiecto & cum hoc ex circumstantis debitis, sed nobilissima circumstantiarum est circumstantiæ finis. Et quia voluntas nostra non est perfectissime alligata vltimo fini dum sumus in via, ideo requiruntur multa ad conformitatem illius finis qui est Alpha, & A, principium, & finis ipsi laus, & gloria in sempiterna sæcula. Amen.

*Voluntas dei
est in obli-
quabilis.*

*Veritas intel-
lectus à quo
dependet.*

Explicit Liber Primus.

E X I-

SACRAE THEO- LOGIÆ FRATRIS PETRI SCOTELLAE ORDINIS Min. conuent.

In secundum Sententiarum.

DISTINCTIO I.

An omnia alia à primo ente sint ab ipso sicut à causa effectiua?

D. Bonanventura primo senten. distinc. I. q. I.

Scotus in I. sent. dist. 2. q. 2.

D. Thomas prima parte, questio. 7. Artic. I.

Ricardus in 2. sent. distinct. I. q. 4.

QVAESTIO I.

CREATI ONEM rerum insinuans scriptura,
&c. Circa primam distinctionem secundi
libri sententiarum quaeritur. An omnia alia
à primo ente sint ab ipso sicut à causa effe-
ctiua? Quia non arguitur sic, quod est neces-
se esse, non est ab alio effectiue. Sed aliquid est citra pri-
mum ens, quod est necesse esse, ergo non est à primo ef-
fectiue. Minor patet per Philosophum, probatio mino-
ris formaliter repugnantia non sunt compossibilia in
eodem, sed necesse esse, & possibile sunt formaliter re-
pugnantia, ergo non sunt compossibilia in eodem. Sed
quod est ab alio effectiue est possibile esse alias, impos-
sibile esset ipsum produci, ergo quod est necesse esse nō
est ab alio effectiue. In contrarium arguitur. Omnia per
ipsum facta sunt. Circa istam questionem sunt tria vi-
denda. Primo sunt ponenda tres conclusiones necessa-
rie in proposito de primo efficiēte, secundo videre opor-

*Primo cali
cont. 138.*

Ioan. c. 14

ter quid est dicendum ad quæstionem secundum mentem Philosophorum, tertio quid sit dicendum secundum mentem Theologorum.

Quantum ad primum articulū sunt tres conclusiones videndæ. Prima, quod in entibus est dare aliquam naturam simpliciter inefficibilem, secunda, quod illa natura est inefficibilis secundum naturam, & quiditatem: tertia, quod illa natura inefficibilis habet potentiam infinitam. Primam conclusionem sic probō. Aliquid est efficibile, tūc quæro, aut à se, aut ab alio, aut à nullo, non à nullo, quia quod nihil est nullius est causa, non à se per Aug. nihil inquit est quod seipsum gignat. Et secundum Philosophum. Generat inquit seipsum nihil, sed saluat, ergo relinquitur, quod sit ab alio, vocetur illud a. aut habet naturam inefficibilem, aut nō. Si detur primum habeo propositum. Si detur secundum arguitur ut prius, quia aut à se, aut ab alio, aut à nullo, non à se, non à nullo, ut iam probatum est, ergo ab alio, quæro de illo sicut de a, nunc autem non est processus in infinitum in causis efficientibus, ut probat Philosophus, & Avic. nec etiam potest esse circulus in causis, oportet ergo venire ad aliquam causam vnam, quæ habeat naturā simpliciter inefficibilem. Instatur autem cōtra istam rationē quia secundum mentem Philosophi non videtur inconueniens, quod sit processus in infinitum in causis efficientibus supposita æternitate. Ego enim sum à patre meo, & ille ab alio, & sic in infinitum. Respondetur, quod nunquam Philosophi posuerunt processum in infinitum in causis efficientibus essentialiter ordinatis, de quibus loquimur tantummodo in accidentaliter ordinatis. Et tūc probō propositum, quod sit dare vnam causam inefficibilem simpliciter per rationem Philosophi sic. Impossibile est aliquam successionem perpetuari nisi ab aliqua causa, quæ permaneat cum tota successione illa, ergo in accidentaliter ordinatis ubi est successio perpetua, secundum mentem Philosophi, oportet assignare vnam causam à qua continetur illa successio, & illa vocatur causa prima secundum Philosophum, ubi supra. Secunda conclusio probatur sic, natura inefficibilis est necesse esse: sed esse plura necesse esse est impossibile, ergo ef-

1. de tri. c. 1. 2.
de anima cōt.

47.

2. Met. con.

5. & 7.

Met. c. 1.

1. Poste con.

6.

In quibus
causis sit pro-
cessus in infi-
nitum.

8. Phys. con.

41.

se plures naturas ineffectibiles quiditativè distinctas est impossibile. Maior probatur, quia quod est, & non potest esse est necesse esse. Sed illa natura ineffectibilis est, ut iam probatum est, & non potest non esse ut probabo, ergo est necesse esse. Probatio illius assumpti, nihil potest non esse nisi cui aliquid impossibile positivè, vel privativè potest inesse, quia nullum ens potest destrui nisi per impossibile positivè, vel privativè. Sed ei, quod est à se penitus incausabile nihil potest in esse impossibile positivè, vel privativè, quia illud esset, vel à se, vel ab alio. Si à se, tunc, vel duo impossibilia essent simul, vel ambo destruerent se inuicem, quorum utrunque est falsum. Si verò illud impossibile est ab alio non potest destruere naturam ineffectibilem, quia natura ineffectibilis est independens, illud vero quod est ab alio est dependens, & sic imperfectius. Illud autem quod destruit aliud oportet esse perfectius, vel æque perfectum eo, ergo natura ineffectibilis non potest non esse. Probatio minoris primi syllogismi per Avicennam. Et est una de rationibus suis illa. Si sunt duo necesse esse conveniunt in hoc, quod est necesse esse, oportet etiam, quod distinguantur, alias esset unum necesse esse, tunc quæro de rationibus quibus distinguuntur, aut sunt necesse esse, aut non. Si non, ergo necesse esse includit aliquid quod non est necesse esse, quod est falsum. Si vero sunt necesse esse, tunc idem habebit duas rationes quibus est necesse esse, quia habebit illam in qua conveniunt, & istam in qua distinguitur ab alio necesse esse, & tunc erit necessario esse per duas rationes necessario essendi, quod est falsum, quia necesse esse esset necesse esse per aliquam rationem, qua posita, vel remota nihilominus esset necesse esse.

Tertiam conclusionem probat Thomas. Omnis forma non recepta in materia est forma infinita, sed natura ineffectibilis, idest Deus est huiusmodi, ergo natura ineffectibilis est infinita. Ista ratio non potest stare cum dictis istius Doctoris. Arguo enim sic Omnis forma non recepta in materia est infinita. Sed forma angeli secundum te non est recepta in materia, ergo est infinita. Sed di-

*Vide Avic.
6. Met. c. de
causis qui
concedit non
esse impossi-
bile infinitatē
esse in acci-
dentaliter
ordinaris.*

1. Met. c. 7.

*D. Thom. 1.
parte summa
9. 7. art. 1.*

*D. Thom. I.
parte summa
q. 7. artic. 2.*

citur ad illud ab eodem, quod licet angelus sit finitus quantum ad superius est, tamen infinitus quantum ad inferius. Deus autem, utroque modo est infinitus.

Contra, formalis ratio infinitatis debet accipi per intrinsecum essentiae, & non per extrinsecum, & sic non in respectu ad causam per cuius comparisonem dicunt Angelum finiri.

*I. Priorum
Vide Caietanum I.
parte summa
q. 7. artic. 1.*

Præterea, aut maior tua est simpliciter, vel vniuersaliter vera, & tunc ego arguam de Angelo, sicut tu de deo, aut est particulariter vera, & sic non valet ad concludendum esse simpliciter infinitum, quia non est maioris ambitus conclusio, quam præmissee, ut patet. Ideo dicitur aliter ab aliis, quod argumentum non valet, quia esse Angeli finit essentiam eius, vel est essentia eius.

Contra, quia secundum eos esse est accidens essentie, & est posterius naturaliter, ergo in primo signo naturæ adhuc essentia Angeli, ut prior est infinita intensius, & per nihil posterius finitur.

*Henricus
quolib. 4. q.
vlt. & Ricardus de
media villa,
in 2. Sens. d.
1. q. 4. art. 4.
Exemplum.
de Deo, &
creatura.*

Ideo alij arguunt aliter, primum ens creat, ergo habet potentiam infinitam, consequentia probatur, quia habet potentiam, quæ transit super extrema distantia in infinitum, sicut sunt ens, & nihil. Sed ista ratio defecit, primo in antecedente, quia illud est tantummodo creditum. Secundo deficit in probatione consequentiae, quia ens creatum, & nihil non distant in infinitum. Quod probabo sic. Quando inter aliqua extrema non est distantia media, sed ipsa seipsis distinguuntur, tota distantia debet accipi per comparisonem ad perfectius extremum. Exemplum de Deo, & creatura, ubi accipitur ratio distantiae per comparisonem ad deum. Sed inter ens creatum, & nihil, non est distantia media, sed ipsa seipsis distinguuntur, ergo tota distantia debet accipi per comparisonem ad perfectius extremum id est ad ens creatum. Sed ens creatum est finitum, ergo inter ens, & nihil est distantia finita.

*1. Phy. cont.
78. & 12.
Met. 9. 12. & 1*

Tertio probatur eadem conclusio per rationem philosophi sic. Quod mouet motu infinito habet potentiam infinitam. Sed primum ens mouet motu infinito, ergo habet potentiam infinitam.

Sed nec illa ratio concludit, primo quia accipit mino-

rem falsam, quia non mouet motu infinito, vt nostra fides tenet. Secundo, quia per ipsum Philosophum ex maiori duratione non arguitur maior perfectio, quia non est perfectior albedo, quæ durat per decem dies quam quæ durat per vnum tantum.

1. Ethic. c. 7.

Ideo ad illam conclusionem adducā alias persuasio-
nes quas ponit Scotus. Et suppono primo modo, quod intellectus primi entis intelligit distinctio actu quomodocunque intelligibile, hoc suppositum probatur, tunc arguitur sic. Intelligibilia sunt infinita, ergo intellectus intelligens illa erit infinitus. Sed intellectus primi entis est huiusmodi ex suppositione facta, ergo habet intellectum infinitum, & per consequens essentiam, & potentiam infinitam. Probatio antecedentis, quæcunque sunt infinita in accipiendo vnum post alterum, illa si sunt simul, sunt infinita. Sed intelligibilia sunt infinita accipiēdo vnum post alterum, alias cōtingeret ipsa esse simul accepta, ergo. Probatio consequentiæ. Quicquid potest intelligere aliqua plura, quorum quodlibet dicit aliquā perfectionem, si potest infinita talia habet infinitam perfectionem. Sed intelligere hoc intelligibile ponit tantam perfectionem, & sic de omnibus aliis intelligibilibus, ergo intelligens ille habebit omnem perfectionem & per consequens perfectionem infinitam.

Lib. 1. dist. 2.

q. 1.

Lib. 1. dist. 36.

Secundo sic, nihil terminat vltimate actum nostrę voluntatis nisi sit formaliter infinitum: quia quocūque finito dato volūtas potest vltterius appetere: Sed quod terminat vltimate actum nostrę voluntatis est prima causa, & natura ineffectibilis, ergo est infinita.

Secundo principaliter oportet videre quid dicāt Philosophi ad titulum quæstionis propositæ, & est opinio Gandauensis, qui dicit quod aliquid tripliciter se habet ad esse. Vno modo, quod aliquid sit formaliter necesse esse ex se, ab alio tamen causaliter vel effectiue. Istū modum ponit Auicenna, secundo modo, quod sit formaliter necesse esse, ab alio tamen dependenter, istum modū videtur ponere Philosophus quando dicit. Ab hoc quidem principio dependet cælum, & tota natura. Tertio, quod aliquid sit possibile ex se formaliter, ab alio tamē necessario, scilicet quia illud necessario causat à quo est.

Opinio Henrici quolib. 6.

Auicenna 9.

Met. c. 4. 12.

Met. contr. 38.

Ad propositum dicit doctor iste, quod Philosophi posuerunt tertium, & secundum modum, primum autem modum negauerunt, non enim posuerunt, quod illa, quæ sunt formaliter ex se necesse esse essent ab alio effectiue, vel causaliter, sicut sunt intelligentiæ, quæ non sunt ab alio effectiue, quod probat sic, non est verisimile, quod tam præclari Philosophi ponerent illa, quæ in suis terminis implicant contradictionem. Sed ille primus modus, quod scilicet aliquid sit ex se formaliter necesse esse ab alio tamen effectiue implicat contradictionem, quia tunc esset possibile, & necesse esse, ergo. Sed contra istam opinionem arguitur dupliciter.

12. Met. in
fine.

Primo Philosophus ponit, quod in omnibus intelligentiis est idem realiter esse, & intelligere, ponit etiam ibidem, quod omnes intelligentiæ dependent à prima causa effectiue quantum ad actum intelligendi. Tunc arguitur sic. Quando aliqua duo sunt idem realiter si habens ista dependet quantum ad vnum effectiue, ab alio dependet etiam secundum aliud. Sed intelligentiis est idem esse, & intelligere, & dependent omnes à prima causa effectiue quantum ad actum intelligendi, ergo & quantum ad actum essendi.

12. Met. cont.
vli.

2. Phys. cont.
70.

Secundo sic, omnia entia sunt ad primum, vt ad finem, ergo sunt à primo, vt ab efficiente, antecedens patet ex fine, vbi concludit Philosophus, quod vnus est dominator, & vnus princeps. Consequentia probatur dupliciter. Primo, quia causa efficiens, & finalis coincidunt in idē. Secundo, quia ens, & bonum conuertuntur, quod ergo seipso est ens, seipso est bonum. Sed quod seipso est bonum non est ad aliud bonum vt ad finem, ergo per oppositum, quod est ad aliud bonum vt ad finem non seipso est bonum, nec seipso est ens. Sed omnia alia entia à primo sunt huiusmodi, ergo omnia alia entia sunt à primo vt ab efficiente. Dico ergo, quod Philosophi nō posuerunt tantum tertium, & secundum, sed etiam, primum. Ratio ergo opinionis quantum valeat patebit in fine quæstionis soluendo argumentum principale.

Quid sit
creatio vide
Secutum in 2.
sent. dist. 13.
q. vltima.

Nūc tertio loco oportet videre quid dicerent Theologi ad istā quæstionē: Vbi notandum, quod Theologi omnia ponūt esse à deo vt à natura inefficibili sicut à causa

effectiua per creationem: Creatio vero, vt ponit Ansel. est alicuius rei de nihilo productio. Illud autem de nihilo importat duplicem ordinem, quia importat ordinem naturæ, & ordinem durationis. Et secundum hoc utroque modo potest esse difficultas quæstionis. Primo sic. Si omnia entia sint à primo ente de nihilo, vt de nihilo dicit ordinem naturæ. Secundo modo vt de nihilo dicit ordinem durationis. Quantum ad primum est duplex opinio, vna Auicennæ, altera Gandauensis. Opinio Auicennæ est, quod aliquid sit à prima causa de nihilo, vt de nihilo dicit ordinem naturæ, hoc patet per eum.

Pro ista opinione arguitur sic. Agens quanto perfectius tanto minus præsupponit in sua actione. Sed prima causa est perfectius agens, quàm natura, ergo minus præsupponit in sua actione, sed natura in sua actione præsupponit materiam, ergo prima causa non necessario præsupponit materiam, ergo. Sed omne tale agens de nihilo producit. Contra istam rationem aliqui instat, quod quælibet intelligentia est agens supra naturam, nō tamē conceditur, quod quælibet intelligentia possit de nihilo producere, & creare. Sed salua reuerentia doctoris illius quamuis ista ratio est contra Theologos, non tamen est contra Auicennam, quia ipse concederet istud incōueniens ad quod deducit instantia, sicut patet per Auicennam. Nam imaginatur ibi Auicenna, quod prima intelligentia producit secundam, & ista secunda eo ipso, quod erat ab alia intelligentia habet actualitatem aliquā, & potentialitatem, & sic illa secunda intelligentia intelligebat tria, scilicet illam primam intelligentiam à qua est, & suam propriam actualitatem, & possibilitatem. In quantum intelligebat primam causam erat productiua alterius intelligentiæ. In quantum vero intelligebat suam possibilitatem producebat orbem. In quantum vero intelligebat suam actualitatem producebat animam, quæ erat forma orbis producti.

Alia est opinio, quæ dicit, quod prima causa producit omnia de nihilo, vt ly de nihilo negat esse existentiam, non autem vt negat esse essentiam rerum, quia essentia rerum secundum illum doctorem, sunt æternæ, quod probat dupliciter.

*In Monolo.
cap. 8.*

*De nihilo importat duplicem ordinem,
Vide Scotum
in 2. dist. 1.*

*q. 2.
Opinio Auicennæ, &
Henrici Gandauensis.*

6. Met. ca. 2.

*Aegidius
quolib. 9. q.
4. quare eum
in quæst. secundæ
cūdi sem. q. 2.*

*Et D. Bona.
& Varronē
dist. præsentī.*

9. Met. ca. 2.

*Henricus in
summa ar. 1.*

q. 23. Et 25.

2. quolib. 8.

q. 9. & quolib. 9. q. 1.

2. & quolib.

11. q. 3.

Primo sic. Scientiæ reales sunt de rebus inquantum habent esse ratum, sed ab æterno Deus habuit scientiam realem de rebus, ergo ab æterno res habuerunt esse ratum, & hoc per respectum ad primum ens. Non autem habuerunt esse ratum quod est esse existentiae, ergo habuerunt esse ratum, quod est esse essentiae.

Secundo sic. Si creaturæ non habuerunt esse essentiae ab æterno, tunc fuerunt sicut chimera, & cum creatura possit in effectum esse, chimera vero non possit in effectum esse ex ista possibilitate vnum nihil esset maius alio nihil.

Iste Scotum in 1. sent. dist. 36.
Contra istam opinionem arguitur vnico argumento ex dictis alibi sic. Quando aliqua duo sunt idem realiter impossibile est vnum manere altero non manente. Sed essentia, & existentia per te sunt idem realiter, ergo impossibile est vnum manere reliquo non manente. Sed essentiae fuerunt ab æterno secundum te, ergo, & existentiae quod est falsum. Adhuc ista opinio videtur multipliciter improbari sicut patet supra, & ibidem soluntur rationes opinionis.

8. Phy. con- 100. 4.
Nunc oportet videre de secunda difficultate, scilicet. Si omnia sint a primo de nihilo, & vt de nihilo dicit ordinem durationis, & hoc loquor de facto, non de possibili, quia de hoc loquar in quaestione sequenti. Et est hæc opinio Philosophi, quod res non sunt a prima causa de nihilo, vt dicit ordinem durationis, quia secundum ipsum fuit mundus ab æterno. Et quamuis tangat in diuersis locis multas rationes, tamen principales sunt duæ. Vna sumitur ex parte motus, quam facit, & est illa. Motus non est sine mobili, tunc arguitur sic. Aut motus incepit aut est æternus. Si est æternus habeo propositum. Si vero incepit, tunc quæro de mobili in quo fundatur iste motus, aut enim incepit, aut non. Si non incepit tunc mobili, & motore existentibus existit motus. Sed motor est æternus, & mobile æternum ex concessione facta, ergo motus est æternus. Si vero mobile incepit, ergo per motum incepit, non autem per istum motum quo mouetur, ergo per aliū, & tunc quæro de illo in infinitum sicut de priori quousque des mihi motum æternum quod est propositum.

Secunda ratio sumitur ex parte temporis, quia tempus est æternum, & hoc probatur tripliciter.

Primo sic, de ratione eius, quod de nouo habet esse est habere esse post non esse duratione, ergo si tempus incepit de nouo habuit esse post non esse duratione. Sed illa duratio est tempus, ergo ante tempus erat tempus, & sic in infinitum. Et hæc est ratio Philosophi, & Commentatoris.

Secundo sic. Impossibile est aliquid esse sine eo quod est de ratione eius, sed de ratione instantis est, quod ita sit principium, quod etiam sit finis, ergo quocumque primo instanti dato erit finis alterius temporis præteriti, & sic in infinitum. 12. Metaph. cont. 29.

Tertio sic. Sicut se habet instans ad tempus, sic mutatum esse ad motum. Sed ante omne mutatum esse est dare motum, ergo ante omnes instans erit dare tempus. Contra istam opinionem arguitur multipliciter. Primo sic. Impossibile est infinita esse pertransita, sed si mundus fuisset æternus, tunc infiniti dies essent pertransiti, ergo mundus non est æternus. Contra istam opinionem pluribus modis arguitur.

Secundo infinito non potest fieri additio. Sed si mundus, vel motus fuisset æternus infinito posset fieri additio, quia dies ista adderetur omnibus aliis diebus præteritis, ergo.

Tertio sic, vnum infinitum non est maius alio infinito. Sed si motus esset æternus vnum infinitum esset maius alio infinito, quia pro qualibet reuolutione Solis habemus duodecim reuolutiones Lunæ. Dist. 19.

Quarto sic, & primo suppono cum Philosopho, quod anima intellectiua sit incorruptibilis; & probabitur infra, secundo suppono, quod propria anima non est nisi in corpore proprio, tertio suppono, quod quot sunt corpora tot sunt animæ intellectiue, quamuis oppositum senserit Auerrois. Tunc arguo sic. Qua ratione potest esse vna species ab æterno eadem ratione, & homo. Si ergo non est dare primum hominem tunc infiniti homines transierunt, ergo, & infinitæ animæ, sed animæ sunt incorruptibiles, ergo erit dare infinitum in actu secundum multitudinem, quod ipsemet Philosophus negat. Anima non est sine corpore, nisi aequivoce. Vide 8. Phys. con. 30.

Opinio Theologorum Vnde de Scotum in 2. sent. dist. 1. q. 2.

Dico ergo secundum mentem Theologorum omnium quod omnia sunt à primo ente sicut à causa effectiua de nihilo, vt etiam de nihilo dicit ordinem durationis, quia omnia incœperunt, & nihil est æternum præter primam causam. Tunc ad rationes Philosophi.

Ad primum cum dicitur mobile incœpit, ergo per alium motum, nego, quia non incœpit per motum, sed per simplicem Dei voluntatem.

Ad secundum cum dicitur, tempus non incœpit, quia est æternum, dico quod est falsum.

Ad probationem respondeo cum dicitur, si tempus incœpit de nouo habuit esse post non esse duratione, dico, quod ista duratio non est realis, sed imaginaria, propter quod tempus non est ante tempus.

Sed instatur contra hoc, quia in relatiuis de primo, & secundo modo si vnum est reale, & reliquũ, Sed prius, & posterius sunt relatiua de primo modo, quia sicut si multas fundatur in vnitatem sic prius, & posterius in multitudine, & sic sunt in eodem modo, ergo impossibile est prius esse reale nisi posterius sit reale duratione. Sed omne productum de nouo est realiter posterius, ergo, & post necessario, & sic prius duratione reali.

Respondeo per interemptionem minoris, quia ibi non est, prius realiter nec est ibi multitudo realis, vt tu accipis.

D. Bon. in 2. sent. dist. 1. q. 2.

Ad secundam, & tertiam probationem dico secundum viam Bonauenturæ, quod sicut est de puncto in linea, sic est de instanti temporis, sed punctus in linea habet principiare, & continuare, vt habet principiare, vel initiare est dare primum punctum quod est principium, & non finis, vt autem habet continuare est finis, quod etiam est principium. Ita in proposito primum intans temporis, ita est initiatiuum quod non est finis præcedentis temporis.

Possibile multis modis sumitur.

Ad primum principale in contrarium de necessario, & possibili, quæ formaliter repugnant vt assumit argumentum, dico, quod possibile accipitur multipliciter. Vno modo vt opponitur impossibili. Alio modo vt opponitur actui, tertio modo, vt dicitur ad potentiam. Vltimo vt opponitur necessario. Primis

tribus modis possibile non repugnat necessario, quarto autem modo bene repugnat, sed sic non occurrit in proposito, ergo &c.

An aliquid à Deo possit esse ab eo sine principio durationis?

Seraphicus Bona. primo sent. dist. 1. q. 2. Art. 2.

Scotus secundo sent. dist. 1. q. 3.

D. Thomas prima parte. quest. 46. Articuli. 3.

Ricardus 2. sent. dist. 1. q. 2.

Durandus 2. sent. dist. 1. q. 2.

Iuanes Baconitanus 2. sent. dist. 1. q. 4. 5. & 6.

QVÆSTIO II.



ECVNDO quæritur. An aliquid à Deo possit esse ab eo sine principio durationis? Videtur, quod sic, per Philosophum, qui dicit, quod materia est ingenita, & incorruptibilis.

*1. Phys. con-
tex. 82.*

Præterea, causa necessario causans & non producens per motum potest habere effectum sibi coæuum. Sed talis causa est Deus, ergo. Probatio minoris, quod est perfectionis in ente simpliciter est perfectionis in prima causa, sed necessitas productionis est perfectionis in ente simpliciter, & contingentia est imperfectionis, ergo.

In contrarium arguitur, quia si Deus produceret vnũ alium mundum non produceret eum sine principio durationis, ergo.

Respondeo in ista quæstione sunt quatuor articuli. Primo ponetur vna opinio, quæ improbabitur. Secundo ponetur vna alia opinio, quæ confirmabitur, tertio dicetur, ad rationes alterius opinionis, quarto propter argumentum factum in contrarium, oportet videre, si stante illo mundo Deus posset producere alium mundum.

D. Thomas
1. parte Sū-
ma q. 46. art.
2. & in 2.
sent. dist. 1. q.
2. & D. Bona.
distinc. pre-
sent. q. 1. art.
2. 6. de trin.
c. 1.

Aeternitas
non dicit per-
fectionem ali-
quam, vide
Scotum. 6. q.
quolib. art. 1.
Libro 1. epi-
co. cap. 7.

Quantum ad primum est opinio Thomæ, quòd creatura potest produci ab æterno & esse sine principio durationis, quòd probatur, primo sic. Quia Deum nō produxisse mundū sine principio durationis nō potest demonstrari per mediū extrinsecū: quia illud est voluntas diuina cuius ratio sciri nō potest. Nec per medium intrinsecū quia illud est quicquid est rei factibilis, vel quidditas rei factibile, quòd concernit hoc, & nūc, mediū autem demonstrādi abstrahit ab hic & nunc, ergo. Secundo sic, Augustinus. Si ignis esset æternus & splendor ab eo genitus esset sibi coeuus. Ex quo fundamento probat Augustinus contra Arrium coeternitatem filij, & tunc probabitur propositum sic. Quicquid est perfectionis in secunda causa non est negandum à causa prima: sed posse habere effectum coeuum est perfectionis in causa secunda, ergo hoc non est negandum à causa prima. Confirmatur ratio, quia modus causandi non variat formaliter ipsum productum. Sed si Deus naturaliter crearet creaturas essent sibi coeue sicut filius est naturaliter productus & est sibi coeuus, ergo propter hoc, quòd voluntarie causat nō impeditur quando possint sibi esse coeue. Tertio principaliter sic, quòd non repugnat limitationi creaturæ, non repugnat simpliciter creaturæ: Sed quæcunque duratio non repugnat limitationi creature, quia non est imperfectius, quòd durat per vnum diem quam durat per decem annos, ethicorum.

Quarto & ultimo, creatura ita tendit in non esse quantum est ex se si semper esset, sicut si nō semper esset: quia ex nihilo. Sed absque aliqua contradictione potest aliqua creatura semper tendere in non esse, & tamen semper esse, sicut patet de Angelo, & anima, ergo absque contradictione potest creatura semper fuisse, & tamen quantum est ex se habuisse non esse.

Secundo oportet dicere ad quæstionem secundum veritatem, & rationes pro ista sequenti opinione, quæ improbant præcedentem opinionem. Dico enim quòd nihil aliud à Deo potest esse æternum vel sine principio durationis, quia hoc implicat conditionem. Hanc autem conclusionem probat Henri. Ratio sua est ista, de omni productio verum est dicere, quòd producit aut

quando producitur, sicut etiam de filio Dei verum est dicere, quod producitur in æternitate. Tunc arguitur sic. Aut creatura aliquando producitur, & non semper est, aut semper producitur quando est. Si primo modo, habeo propositum. Si secundo modo tunc creatura est in continuo fieri: quod videtur inconueniens, quia tunc esset non permanens, tunc etiam creari non differret à conseruari, quod improbat, tum quia creari est produci de non esse ad esse, conseruari autem ipsius præhabiti esse manutentionia, tum quia agens particulare generat, & tamen non conseruat.

Secunda ratio est illa, omne quod est quando est, necesse est esse, ergo nihil potest non esse nisi quia eius potentia præcedit non esse: sed si aliquid fuisset ab æterno eius esse non præcessisset non esse, ergo non potuisset non esse. Aliæ quatuor rationes possent fieri contra istam opinionem, quæ factæ sunt in quæstione præcedenti artic. ultimo, vbi arguitur contra philosoph. Istæ autem rationes arguuntur de facto, hoc autem addito illis rationibus termino possibilitatis: ita arguunt contra istam sicut contra illam, quare ergo eas ibi.

Nunc ergo ad tertium articulum soluendo rationes alterius opinionis. Ad primum cum dicitur de medio intrinseco, & extrinseco, dico, quod licet quod quid est contingenter se habeat ad existentiam actualem & non actualem, & vt sic non est medium demonstrandi eius existentiam, tamen secundum quod potest repugnare sibi aliqua conditio ex ratione æternitatis, vnde sumitur medium ad ostendendum eius inceptione, maxime quantum ad quatuor rationes in præcedenti quæstione iam positas.

Præterea ratio videtur peccare secundam fallaciam consequentis quia non sequitur, oppositum huius non potest demonstrari, ergo illud est possibile, sicut patet in principiis impossibilibus. Ad secundum dico quod in eadem consequentia possunt esse plures rationes per quas illatio sit necessaria, & ubicunque aliqua illarum rationum inuenitur potest similis illatio inferri, modo consequentia Augustini vadit ita. Si ignis est æternus splendor ab eo genitus est æternus. Ista consequentia

Quid sit peccare secundam fallaciam consequentis. Quomodo sit vera consequentia August.

potest tenere à causa naturaliter causante à ratione producentis naturaliter: Sunt enim istæ duæ relationes aliæ & aliæ quia in relatione causæ est dependentia essentialis, in relatione autem producentis non. Nunc autem August. non vult probare istam consequentiã ex ratione causæ naturaliter causatis, sed ex ratione naturaliter producētis, & ista dicta sint quātum ad mentem Augustini. Cū ergo arguitur, quod est perfectionis in causa secunda, non est negandum à causa prima conceditur, sed nego minorem, quia posse habere effectum vel causatum simpliciter necessarium non est perfectionis in aliqua causa secunda, imo hoc nulli causæ secundæ conuenit licet possit habere aliquem effectum necessarium secundum quid sicut probatur libro secundo. Vel aliter, & melius, quod maior est vera quādo est possibilitas ex parte factibilis. Nunc autem illa repugnantia est ex parte factibilis cui repugnat æternitas. Ad confirmationem cum dicitur, diuersus modus causandi non variat causatum formaliter, concedo quando illi diuersi modi causandi possunt inesse causæ. Sed dico quod minor est falsa, quia productio necessaria ad extra est impossibilis primæ causæ.

*An duratio
finita repu-
gnet limita-
tioni creatu-
re.*

Ad tertium nego minorem: licet enim duratio finita non repugnet limitationi creaturæ, duratio tamen infinita repugnat propter illimitationē qua adæquatur Deo. Ad vltimum dico, quod sicut creaturæ nō possunt actualiter tendere in non esse, & tamen semper fore ita non possunt actualiter fuisse post non esse & tamen semper fuisse in esse.

*Quomodo nō
ess. precedat
esse.*

Aliter potest dici, & melius quod argumentum non valet, quia alia est comparatio effectus ad suam causam inquantum creatur, & alia inquantum conseruatur, primo modo non esse necessario præcedit esse, secundo modo non.

*D. Thomas
1. parte Sum-
me 9. 47. ar-
bit. 3.*

Nunc oportet videre de quarto articulo scilicet. Si stante illo modo Deus posset producere alium mundū: Et hæc est opinio Thomæ, quod hoc non est factibile. Ad hoc sunt istæ rationes. Quando aliquid constat de tota sua materia impossibile est illud multiplicari, sed iste mundus constat de sua materia ergo impossibile est

aliu mundu fieri. Præterea si posset alius mūdus fieri fieret etiam alia terra, terra autem in isto mundo, & in alio essent eiusdem speciei, & sic mouerentur ad eundem locum, ergo terra alterius mundi vel veniret ad centrum istius mundi, vel violenter maneret vel quiesceret quod est inconueniens.

Præterea tertio si fieret alius mundus esset aliud primum mobile, & sic duo prima mobilia & per consequens duo primi motores, quod est falsum & inconueniens.

Alius qui sequitur istam opinionem in parte dicit, quod quamuis possit fieri alius mundus, qui nō sit sphericæ figuræ, tamen non potest fieri alius qui sit sphericæ figuræ. Cuius ratio est ista, Deus non potest facere vacuum, sed ponendo quod faceret alium mundum sphericæ figuræ sequitur de necessitate vacuum, quia non tangerent se nisi in puncto, ergo.

Alius qui sequitur opinio nem Thomistarum.

Contra istam opinionem arguo sic, omne illud est factibile à Deo quod non implicat cōtradictionem, sed facere alium mundum sphericæ figuræ non implicat cōtradictionem, ergo, probatio minoris, quia nulla implicatur cōtradictio a parte agentis cum sit potentia infinita, nec a parte factibilis, quia agens quod producit aliquid de nihilo qua ratione non impleatur cōtradictio in hoc quod producit vnum eadem ratione, nec in alio.

Scotus in 2. sens. dist. 1. q. 3. inquit quod Deus non potest facere infinitos mundos tantū numero di-

Item contra istam opinionem est clare auctoritas Cōmentatoris. jcc. & mū. vbi dicit, quod qui ponit mundū fuisse factum secūdu exemplar Creatoris, necesse habet ponere possibile esse plures mundos, sed quilibet theologus ponit mundum factum secundum exemplar Creatoris, ergo theologus quilibet habet dicere possibile esse plures mundos. Dico ergo secūdu eos quod possibile est esse, & fieri plures mundos. Tunc ad argumenta prioris opinionis Tho. Ad primum dico, quod bene concludit de agente quod agit materia necessario præsupposita. Est autem falsa de agente primo quod producit de nihilo, nam producendo alium mundū produceret etiā aliam nouam materiam, ergo. Ad secundū dico quod illa quæ non habent adinuicē connexionem nō mouentur ad eundem locū, vnde ista alia terra non moueretur ad centrū istius mundi, sed ad proprium centrū.

Vide Franciscum de Mayronis in 2. sent. dist. 44 q. 10. q. appositum sent.

Deus sua voluntate potest mouere, cum sit agens liberum.

Ad tertium de motoribus dico, quòd concludit de motoribus deputatis ad ipsa mobilia, Deus autem non est motor deputatus ad aliquod mobile: sed solum voluntate sua potest mouere quodcunque mobile. Ad vltimum dico, quòd non est inconueniens quod Deus posset vacuum facere, imò videtur necessarium, quia posito, quòd Deus annihilaret totum aërem, & quicquid esset infra latera continentis, ista annihilatio esset instanti, nunc autem si natura deberet replere illud spatiũ hoc non fieret nisi in tempore, igitur ad minus pro aliquo instanti temporis esset vacuum. Secundo dico, quòd positus duobus mundis orbicularibus non propter hoc esset ponere vacuum: quia quantumcunque se tangeret in puncto, extra tamen ipsos mundos nec vacuum nec plenum esset, imò per istam imaginationem fuerunt decepti philosophi, vt aliquo modo apparet. Ad argumenta principalia.

Materia habet esse per creationem. Vide Scotum in 4. distin. I I. q. 3.

Ad primum concedo quòd materia prima est ingenua & incorruptibilis, non tamen sequitur, quòd sit aeterna, quia habet esse per creationem. Ad secundum dico primo ad maiorem, quòd illa propositio est vera vbi produciens, & productum habent materiam seu essentiam vnigenitam. Sed Deus, & creatura non habent essentiam vnigenitam.

Secundus 16. q. quolib. artic. 1. dicit quod agere necessario est perfectior mo causa. dus agendi: contra agere contingenter, lib. 3. de tri. cap. 16.

Secundo dico ad minorem, quòd ipsa est falsa, quia prima causa nihil ad extra producit necessario. Et cum probas quod necessitas est perfectior contingentia, dico quòd verum est vbi necessitas est compossibilis, in proposito autem dico, quòd est incompossibilis cum prima perfectior mo causa.

An productio creaturarum quantum ad omnem productionem tam in esse reali, quam in esse intellectuali necessaria habitudine prae-supponat productionem personarum?

Scotus in secundo sententiarum distin. 1. q. 1. questio. 1.

QVAESTIO III.

TERTIO quæritur. An productio creaturarū quantum ad omnem productionem, tam in esse reali, quam in esse intellectuali necessaria habitudine præsupponat productionem personarum? Videtur quod nō, per Richard. qui dicit, quod si esset tantum vna persona in diuinis, adhuc esset in ea plenitudo sapientiæ & potētiae. Sed quod habet plenitudinem potētiae & sapientiæ, potest producere omne productibile, ergo ista vnica persona posset creare.

Secundo sic, sicut se habet principium vnus operationis ad principium alterius operationis, ita operatio ad operationem. Sed principium creationis est prius principio productionis personarū, ergo productio creaturarum est prior productione personarum, & sic non præsupponit eam. Probatio minoris: nam principium creationis est aliquod essenziale, principium autem productionis vel productiuum personarum est notionale: Sed essenziale cum dicat perfectionem, simpliciter est prius notionali, ergo. In contrarium arguitur sic. Quicquid Deus produxit ad extra produxit dicendo. Sed *Gene cap. 1* terminus productionis est verbum, ergo productio verbi est ante productionem creaturarum.

Respondeo, hoc sunt tria videnda. Primo si productio creaturarum in esse reali necessaria habitudine præsupponat emanationem personarum, secundo oportet videre vtrum productio creaturarum in esse intellectuali sit prior productione personarum, tertio oportet videre si posito per impossibile, quod nō esset nisi vnica persona absoluta in diuinis si ista posset creare omnia creatabilia.

Quantum ad primum articulum omnes doctores Theologiæ concordant in quæstione pro parte affirmatiua, scilicet quod productio creaturarum in esse reali præsupponat productionem personarum, sed varietas est in modo ponendi. Vnde est hæc prima opinio Henrici, qui assignat talem rationem. Sicut enim est in arte dum artifex aliquid efficit, ita est in mente diuina dum producit creaturas: sed in arte creata ad hoc vt artifex producat aliquid extra, non solum requiritur noticia

*Tria videntur
da sum.*

*Quomodo omnes Theologi
conueniant
circa hanc
quæstionem.*

Henri. quolib. 6. q. 2.

simplex, sed etiā notitia distincta disponēs, non solū. autem requiritur amor simplex, sed etiam amor effectans, ergo eodem modo est in Deo. Sed notitia disponēs est verbū, siue notitiagenita, amor vero effectans est spiritus sanctus, ergo ante productionē creaturarum præsupponitur verbum & spiritus sanctus. Et verbum, & spiritus sanctus sunt principium quo creaturæ producuntur.

Obiectio Scoti.

7. de tri. c. 1.

Ingen. quod.

L. 1. dist. 30.

Lib. 1. distinc.

18 de Bono,

C. distinc. 27.

princ. de re

bo.

Productio

creaturarum

præsupponit

productionem

personarum

Contra istam opinionem videtur sequi primo quod pater formaliter non creat, quia nihil dicitur formaliter agere quod non est in actu formaliter, sed illud quod est proxima ratio agendi, sed pater non est in actu formaliter verbū vel spiritus sanctus qui sunt in proposito proxima ratio agendi, ergo pater non creat. Sed dices, omnes creant, quia omnes habent verbum vnum, & amorē vnum. Contra, quæro quomodo pater habet verbū, aut habet ipsum formaliter vt correlatiuum, primus modus est impossibilis vt patet per Augustinum, ergo habet ipsum secundo modo. Et tunc arguitur sic primo, quia cum pater vt sic non sit formaliter verbum nec spiritus sanctus, ergo non creabit. Secundo sic, formaliter ratio agendi non agit: sed est potius illud quo agens agit. Si ergo filius, & spiritus sanctus sunt formale ratio agendi vt tu dicis: filius, & spiritus sanctus non creant. Præterea tertio quid intelligis per notitiam dispositiuam, & amorem effectantem, aut ista sunt propria aut appropriata. Si sunt appropriata, ergo sunt communia tribus, & ita duæ personæ non sunt proximæ rationes formales creādi. Si vero sunt propria tunc dicunt respectum ad creaturas, & tunc aut dicunt respectum realem, & hoc est falsum, vt patet per Magistrum, aut dicunt relationem rationis, & tunc aliquis respectus rationis erit proprius alicui personæ diuinæ quod est inconueniens, & improbatum. Dico ergo aliter ad quæstionem, quod ista ratio nō est sicut positio præcedens inuebat: sed est sicut de productione filij & spiritus sancti, nam productio spiritus sancti præsupponit generationem filij in qua communicatur filio voluntas fecunda, quæ est principium productiuum spiritus sancti. Ita intelligo in proposito, nam productio creaturarum præsupponit productionem personarū. i. filij, & spiritus sancti, quibus cōmunicatur prin-

cipiū productiū creaturarū: quia illis nō repugnat. Ista
 verò conclusionē. s. quod productio creaturarum in esse
 reali presupponit necessario productionē personarum,
 probō tripliciter. Primo sic. principiū duarū productio-
 num quarum vna est necessaria, alia contingens prius se
 habet ad productionem necessariā quam cōtingentem.
 Sed productio personarū est necessaria, productio crea-
 turarū est contingens, ergo principiū in diuinis prius se
 habet ad productionem personarum, quā creaturarum.
 Secundo sic, posita prius fertur super obiectum primariū
 quam super obiectum secundariū, sed primarium obie-
 ctū intellectus, & voluntatis diuinę est essentia diuina,
 creature autē sunt obiecta secundaria, ergo illę potentię
 prius respiciūt essentiam diuinam quam productionem
 creaturarum. Sed in illo priori est emanatio personarū,
 quia intellectus diuinus exprimit notitiam adequatam
 sibi, & obiecto, & sic est notitia genita infinita quę est fi-
 lius. Eode modo de volūtate respectu spiritus sancti, er-
 go. Tercio sic, prior est habitudo naturę ad suppositum
 quam sit ad eius actū secundum quod agere presupponit
 esse, ergo natura diuina prius habet esse in suppositis, quā
 sit principiū productionis extrinsecę. Quantum ad se-
 cundū articulum dicit Hēricus, quod productio creatu-
 rarū in esse intelligibili est prior productione personarū
 quod probat. primo sic. Qualis est ordo in aliquibus se-
 cundū rem, vbi realiter distinguūtur, talis requiritur in
 eisdē secundum rationē, vbi sola ratione distinguuntur:
 sed vbi quantitas, qualitas, & relatio distinguantur in
 creaturis, quātitas est prior qualitate, & qualitas relatio-
 ne, ergo eodē modo est in diuinis, quod ipsa intellectio
 creaturarum sit sicut qualitas, & productio personarū sit
 productio relatiua, ergo ista est prior ista. Secundo sic,
 quod dicit perfectionē simpliciter est prius eo quod nō
 dicit perfectionē simpliciter: sed intellectio dicit perfe-
 ctionē simpliciter sicut patet per Ans. productio autē per-
 sonarū nō dicit perfectionē simpliciter ergo. Tercio sic,
 patet est prior filio origine, & omnis operatio quā habet
 pater qui dicit perfectionē simpliciter habet ea vt prius
 origine filio: sed huiusmodi sunt intelligere & velle siue
 productio intellectionis & volitionis, ergo.

tribus modis
 probatur.

primo modo.

Secundo do

Tercio modo

Agere pre-
 sumpisse
 vide Scotum.
 in i. distinc. 7.
 Henricus vbi
 supra soluen-
 do, argumen-
 tū principale.

In Monolo-
 cap. 18.

*Vide Scotum
in 2. sent. di-
stinct. 1. q. 1.*

Sed contra istam opinionem arguit sic Scotus tenendo oppositum opinionis prædictæ, primo per rationem secundam positam in præcedenti articulo pro opinione sua quare eam ibi.

Secundo sic, filius generatur de tota scientia & memoria patris, si ergo ante generationem filij esset intellectio creaturarū, vtpote lapidis, tunc filius esset de memoria lapidis, quod est inconueniens, cum pater intelligat verbum, & verbum producit de verbo.

*Author sequi-
tur secundam
opinionem.*

Tertio sic, geniti ad illud de quo gignitur est relatio realis, sed filij Dei ad creaturam nulla est relatio realis, ergo non gignitur de memoria, & intelligētia alicuius creaturæ. Ego autem istam secundam opinionem sequor quam dupliciter confirmo, primo sic. Actus naturæ est prior actu potentiæ, quia natura est prior potētiæ, sed generare est actus naturæ secundum Damasc. intelligere autem est actus potētiæ intellectiuiæ, ergo.

*Natura est
prior poten-
tia.*

Secundo sic, quæcunque sunt simul natura quicquid est posterius natura vno est posterius natura alio, sed pater, & filius sunt simul natura & cognitio creaturarū est posterior patri, ergo & filio. Tunc pro solutione argumentorum primæ opinionis est notandum quod in creaturis inuenitur quadruplex ordo ad præsens scilicet primo ordo originis. Secundo ordo naturæ. Tertio ordo

*Quadrupl.
ordo inueni-
tur in creatur-
is.*

durationis. Quarto ordo perfectionis. Duo autem ultimi ordines non habent locum in diuinis, quia secundū Augustinum, vna persona non est prior alia perfectione & duratione. Restant ergo in diuinis duo ordines, scilicet naturæ, & originis, qui sic se habent adinuicem quod in primo instanti ordinis naturæ completur totus ordo originis productionis personarū, quia in isto primo instanti naturæ comparatur intellectus, & voluntas ad essentiam diuinam & habere memoria perfecta, & voluntas fecunda, & sic completur productio personarum, in secundo autem instanti ordinis naturæ intellectus diuinus fertur super obiecta secundaria, & tunc est intellectio creaturarum. Ad argumenta autem alterius

*De fide ad
Petrum.*

*Speculatio
notabilis, quo-
modo sint duo
ordines in di-
uinis.*

*Ad argumen-
ta alterius opi-
nionis*

opinionis dico quod si ille duæ productiones comparētur secundum eandem rationem, & secundum eundem ordinem, puta naturæ vel durationis bene concluderēt,

sed quia variatur medium penes istos ordines naturæ, & originis ut patet inspicienti, & ergo non concludunt.

Quantum ad tertium articulum dico conclusionem affirmatiuam. Cuius ratio est ista, quia si in creaturis cōparetur causa ad duos effectus ex natura rei ordinatos essentialior est eius comparatio ad vtrunque effectum quam vnius effectus ad alterum, ergo si per impossibile destrueretur ordo effectuum inter se non propter hoc negandus esset ordo, & dependentia vtriusque ad causam, ita in proposito, aliquid est in Deo quod est principium productionis intrinsecæ, & aliquid est in Deo quod est principium productionis extrinsecæ, ita quod istæ duæ productiones sunt ordinatæ, & ad se inuicē, & ad principium, igitur si per impossibile tollatur dependentia harum productionū adinuicem, ita quod tollatur productio intrinseca, non propter hoc oportet tollere productionem extrinsecā. Sicut etiam pagani imaginantur qui ponunt productionē extrinsecam, negant tamen intrinsecam. Ad argumenta ergo principalia dico ad primum de Richard. quod cōcludit pro tertio articulo immediate posito. Ad secundum concedo similitudinem quando principium productionis est vltimate dispositū ad suam productionē, nunc autem principium productiuū ad extra nō est vltimate dispositum ad istam productionē, nisi productione intrinseca, iam præhabita, igitur.

Conclusio affirmatiua.

Pagani ponunt productionem extrinsecam, & negant intrinsecam.

An relatio creaturæ ad Deum sit eadem cum suo fundamento?

Scotus 2. senten. distinct. I. q. 4. Et 5.

D. Thomas prima parte questio 45. Articulo 3.

Ioannes Baconitanus 2. senten. distinct. I. q. 3.

Q V A E S T I O V.

QUARTO queritur. An relatio creaturæ ad deū sit eadem cum suo fundamento? Et arguitur primo, quod non, quia si relatio creature ad Deum esset eadem cum suo fundamento, tunc omnia alia entia essent ad aliquid non tantum acciden-

taliter, sed per idemprimitatem quod est inconuenientius quam omnia apparentia esse vera, vt deducit phil. Præterea prædicamenta sunt formaliter seipsis distincta vel diueria; sed quæ sunt seipsis diueria non habent idemprimitatem realem, ergo relatio non potest esse idem realiter alicui fundamento. Præterea aquitas est tantum æquanimitas, nec vna nec plures vt patet intuenti, igitur pari ratione creatura in quantum creatura non includit aliquem respectum secundum idemprimitatem realem. In contrarium arguitur: quia essentialior est comparatio creaturæ ad Deum quam materiæ ad formam, & compositi ad partes; sed inter ista non cadit medium, ergo nec inter Deum, & creaturam. Sed si poneretur relatio ista distincta realiter a suo fundamento idest a creatura: tunc esset aliquid medium inter Deum & creaturam, ergo. Respondeo, hic sunt tria videnda. Primo oportet videre cuiusmodi entitas sit entitas relationis, secundo dato, quod sit aliquid reale, oportet videre generaliter si ista realitas est alia a realitate fundamenti, tertio oportet videre particulariter in proposito scilicet si relatio creaturæ ad Deum differat realiter a creatura.

Quantum ad primum est notandum sicut ponit Auicem. quod de hoc fuerunt antiquitus duæ sectæ vel opinioniones. Vna ponit, quod esse relationis est præcise ab anima. Alij ponunt, quod est aliquid in re extra animam primam opinionem hodie multi sequuntur. Quorum ratio est ista, sicut recitat Auicem. vbi supra. Si relatio esset aliquid in rebus tunc esset processus in infinitum in relationibus: consequens est falsum, ergo & antecedens, probatio consequentiæ. Relatio cum sit accidens oportet quod insit subiecto, & sic per aliquid cum eo ligatur, sed illud non est nisi relatio. Tunc quæro an illud ligamen est aliquid præcise ab anima aut est aliquid in re, & tunc quæra de isto sicut de priori in infinitum. Ista fuit opinio Stoicorum. Contra istam opinionem arguo tripliciter. Primo sic, diuissuum entis reale est aliquid reale, sed relatio est diuissuum entis realis, ergo est ens reale, probatio minoris, per philosoph. 6. metaphysicæ, qui postquâ diuisit penes ens verum; & ens reale quod est extra

4. met. cõtex.

25. & 27.

Auicem. 9.

met. cap. 1.

2. met. cap.

ultimo.

Opinio Stoicorum. Hanc
viam sequitur
Ocham,
& sequaces.

animam, statim subdivisit ens reale penes decem prædicamenta, de quorum numero relatio est vnum. Secundo sic, quod dicit in rebus quid percipibile sensu non est ab intellectu sed relatio est huiusmodi, ut patet de armoniarum consonantia. Tertio sic, quod habet esse anima non existente eius esse non est ab anima vel ab intellectu, sed relatio est huiusmodi. Minorem probat Avicenna, tum quia hic pater est pater, hic filius est filius nullo existente intellectu, tum quia bruta nullo existente intellectu inquirunt alimentum, & inquisitio est relatio, tum quia nullo existente intellectu calum est sursum, & terra deorsum, & istę sunt relationes respectiue. Itē contra istam opinionem arguit etiam Scotus primo sic, quia ex illa opinione destruitur vnitas vniuersi, nā vnitas vniuersi secundum Arist. est in ordine partium inter se. & ad primum. Sicut vnitas exercitus est in ordine partium exercitus inter se, & ad ducem: ideo neganti relationem extra intellectum dicitur verbum illud, quod inconnexa facit vniuersi substantiam. Secundo arguitur sic, quia tūc destruitur compositio in entibus, quia nihil est compositū sine vnione partium. Illa ergo vnio aut est ens reale, & habetur propositum, aut est ens rationis, & hoc nō potest stare, quia nullum reale dependet ab ente rationis, sed compositum dependet ab vnione partium, ergo &c. Tertio arguit quod ex illa positione destruitur causalitas causarum secundarū, quia causę secundę causant proportionate, & approximate, illa autē approximatō, aut est ens reale, & habetur propositum, aut relatio rationis, & hoc non potest stare, quia effectus realis non requirit ens rationis in causę necessario, sed effectus realis requirit approximationē causarū, ergo. Quarto arguitur sic, quia ex hoc destruitur realitas scientię metaphisicę, nam scientię reales demonstrant passionē reales: sed scientię mathematica. demonstrat aliquas passiones rationis relatiuas: puta æqualitatem, & inæqualitatem, & huiusmodi, ergo. Ad rationem autem de processu in infinitū respondet Avicenna, quod relatio non ligatur per aliam relationē sed seipsa, & sic non proceditur in infinitum.

6. met. cap.

ultimo probat hanc positionem tribus modis.

Opinio Scoti.

12. met. cont.

32.

12. met. cons.

sine cont.

in fine.

Scientia Mathematica. quomodo demonstrans passionē.

3. met. cap.

ultimo.

Henricus

quolib. 9 q. 3.

Et quolib.

Quantum ad secundum articulum est opinio Henrici, quod relatio nō diceret realiter à suo fundamento, quod

§. 7. 6. & 7. *probat, primo sic, quod distinguitur realiter ab aliquo*
 & quolib. 7. *facit compositionem cum eo, sed relatio nō facit com-*
 §. 1. *positionem cum fundamento, quia non est compositius*
album simile, quam album tantum, ergo.

Secundo sic, quod distinguitur ab aliquo realiter non
aduenit ei absque mutatione eius, sed relatio aduenit
fundamento sine eius mutatione, ergo.

§. *Phys. cont.* *Tertio sic, si relatio esset alia res à fundamento, tunc*
 10. *eius conceptus non esset simpliciter simplex, quod est*
inconueniens, quia conceptus cuiuslibet generis gene-
ralissimi est simpliciter simplex, probatio consequentię,
quia relatio habet suum inesse, & ad aliud esse, & sic cō-
poneretur ex in, & ad.

Quarto sic, si relatio esset alia res à suo fundamento,
tunc esset processus in infinitum in relationibus, proba-
tio consequentię, quæram enim de alietate, qua relatio
est alia res à suo fundamento, vtrum sit eadem suo fun-
damento, vel non, si sic, eadem ratione fuit standum in
primo. Si vero est alia, ergo per aliam alienitatem, & quæ-
ram de illa sicut de priori, & sic in infinitum.

Quinto sic, quod non habet distinctionem, nisi penes
distinctionem fundamenti non videtur distingui reali-
ter à fundamento, sed relatio non distinguitur, nisi secū-
dum distinctionem fundamenti, ergo.

Sexto arguit sic quidam Doctor. Impossibile est, quod
Quære Ochā, aliqua res creata habeat penes se entitates infinitas, sed
 & alios no- *si relatio puta distantia est aliud à suo fundamento, se-*
 minales. *quitur illud, scilicet, quod aliqua creatura habeat penes*
se entitates infinitas, probatio minoris, pes muscæ habet
distantias infinitas, & diuersas ad diuersas partes vniuer-
si, sed partes vniuersi sunt infinitæ, ergo.

Contra ar- *mo sic. Quando aliqua duo sic se habent, quod vtrunque*
guir Scotus *est reale & vnum potest manere, altero non manente, il-*
an relatio *la distinguuntur realiter, sed fundamentum est aliquod*
differtur rea- *reale, & relatio similiter, vt probatum est primo articu-*
liet à suo *lo, & fundamentum potest manere relatione non ma-*
fundamento. *nente, igitur maior patet per rationem Philosophi, quia*
 1. *Phys. cont.* *per illam præmissam probat, quod materia differt, vel*
 § 2. *distinguitur realiter à forma, & quarto Physicorum per*

candem præmissam, probat, quod locus distinguitur realiter à locato, minor probatur, quia potest manere albedo similitudine non manente. Secundo arguit sic, nulum finitum continet secundum perfectam idemnitatem opposita formaliter, sed in eodē fundamēto possunt fundari oppositæ relationes, ergo. probatio minoris, quia secundū eandem albedinem potest Martinus esse similis Petro, & dissimilis Ioanni. Tertio sic, contenta in aliquibus per idemnitatem magis, vel non minus distinguuntur in cōtinentibus magis distinctis, sed relationes fundatæ in duobus generibus minus differūt, quam duæ relationes fundatæ in re eiusdem generis, ergo probatio minoris, nam æqualitas fundata super quantitatem, & similitudo fundata super qualitatem minus differunt, quā similitudo, & relatio potentiaæ actiue, & passiue, quæ possunt fundari super eūdē calorem. Dico ergo, quod relatio generaliter loquēdo in creaturis vt vna creatura refertur ad aliā creaturā, est autē alia res realiter à suo fundamento. Sicut etiā relatio rationis est alia res à suo fundamento. Ad argumenta ergo alterius opinionis dico, quod compositio idem est quod cum alio positio, & sic concedo, quod compositiue est album simile, quam albū tantum. Et si velis instare de relatione diuina, dico quod nihil est ibi alicuius generis prædicamentalis. Ad secundum respondet Simplicius super prædicamēta, qui dicit, quod sicut relatio est res ad aliud, ita est ibi mutatio ad alterum ita, quod in quantum relatio aduenit non mutatur ad se, sed ad alterum. Ad tertium patet per Auicennā, vbi vult, quod relatio habeat suum proprium inesse, & cum dicitur, ergo est cōpositio in genere relationis, potest dici, quod non est compositio ex aliquibus realiter inclusis, quia illud esse in nō est de essentia relationis, sed determinatur per esse ad aliud. Aliter potest dici, quod cōceptus cuiuscunq; generis non est simpliciter simplex de quo alias in primo tactum fuit, includit enim quodlibet genus naturam entis, & naturam determinante suū gradum intrinsecū. Ad quartū de processu in infinito dico quod non sequitur, quia relatio seipsa refertur ad suū fundamentū sicut seipsa ligatur ad suum fundamentū per Auicennam. Et cum dicis eadem ratione fuit standum

4. *Phys. cont.*
18.

Opinio Au-
thoris.

Ad argumē-
ta Henrici
respondet
Author.

Cap. de rela-
tiuis.

3. *Met. cap.*
ultimo.

3. *Met. vbi*
supra.

in primo, nego, quia illa relatio non potest esse sine fundamento abique contradictione, fundamentum autem potest esse sine relatione absque contradictione. Ad quintum dico, quod relatio habet propriam distinctionem non tamen innotescit nobis propter modicam eius entitatem nisi per distinctionem fundamentorum. Ad ultimum dicitur uno modo quod non est inconueniens, ut una res habeat respectum ad infinitas entitates. Alio modo & melius dicitur, quod quia relatio specificatur ex terminis, & non sunt compossibilia entia in multitudine infinita, ut patet, ideo non habet aliqua creatura penes se entitates infinitas.

Quantum ad tertium articulum sunt tres opiniones, una dicit relationem creaturæ ad Deum sic esse eadem suo fundamento quod fundamentum nihil aliud est nisi quædam relatio ad Deum: quia licet creatura in se sit ens, in respectu tamen ad Deum dicitur non ens. Sic etiam creatura, licet in se sit ens absolutum, respectu tamen Dei nihil aliud est nisi quidam respectus. Ista opinio non fundatur in dictis Henrici, qui vult, quod relatio sit ratio sui fundamenti; quod diffusius improbat. Contra istam opinionem arguo breuiter per Augustinum, omne inquit, quod relative dicitur est aliquid excepta relatione. Et in principio tertij dicit, quod nihil est ad se, nihil est ad aliud.

Præterea diffinitio indicat totam quidditatem rei: sed diffinitio lapidis non includit essentialiter respectum ad aliud.

Præterea, quæ distinguuntur formaliter non sunt idem formaliter: sed relatio creaturæ ad Deum non distinguitur formaliter nec specie in diuersis creaturis, ergo creaturæ non distinguuntur formaliter inter se, nec specie, probatio minoris, quia relationibus omnibus in creaturis correspondet idem terminus ex parte Dei: sed relationibus alterius rationis non correspondet idem terminus, ergo. Alia est opinio omnino ad oppositum, quod relatio creaturæ ad Deum distinguitur realiter à creatura, quod confirmatur per Augustinum, ubi dicit quicquid in creaturis non secundum substantiam dicitur restat ut secundum accidens dicatur: sed relatio creaturæ ad Deum non secundum substantiam dicitur quia ex parte ad ipsum refertur, ergo secundum accidens dicitur. Contra istam opinionem arguitur primo sic: Substantia est prior

*Vide Varro-
nem q. 4. hu-
ius secundi
libri.*

*Disline. 3.
primi lib. q.
de vestigio q.
3.
7. de tri. c. 2.
1. & 6. Tho-
pic. & 2.
post. & 7.
met. context.
41. & 42.*

*Henric. quo-
lib. 9. q. 3.
Vide Varro-
nem ubi su-
pra.
5. de tri. c. 5.*

omni accidente natura, tempore, & diffinitione secundum Arist. sed quod est prius alio tempore potest esse sine alio absque contradictione, ergo creatura posset esse sine relatione ad Deū sine contradictione, quod est falsum. Præterea quæro quomodo accipit Augustinus accideas cum dicit quod in creaturis quod non secundum substantiam dicitur, restat ut secundum accides dicatur, aut enim accipit accideas communiter pro quocunque mutabili, tunc quælibet substantia creata est accides quia est mutabile, aut accipit ibi accideas pro amissibili quod si maneat alio potest amitti, tunc talis relatio non est accideas: quia non potest creatura manere sine ista relatione. Est ergo tertia opinio Sco. quæ teneo qui ponit duas conclusiones. Prima, quod relatio creature ad Deum est idem realiter suo fundamento. Secunda quod distinguitur formaliter ab eo. Prima conclusio probatur sic. Illud dicitur proprie esse idem alicui essentialiter, vel realiter sine quo cum inest non potest esse sine eo cui inest absque contradictione: sed relatio creature ad Deū sic inest creature, quod impossibile est creatura esse sine ea absque contradictione, ergo probatio minoris, quod potest esse sine relatione, potest esse sine termino istius relationis: sed creatura non potest esse sine termino relationis istius, quia tunc posset manere Deo non manente, qui est terminus istius relationis. Secundo ad principale sic, quod dicitur vni formaliter de omni alio a termino non accidit alicui dicto ad terminum, sed relatio creature ad Deū vniuniformiter dicitur de omni eo quod dicitur ad istū terminum, ergo nulli accidit, & ita est idem fundamento, probatio minoris, quia si alicui accideret pari ratione & alteri, tunc quærerem de relatione quæ ipsa diceretur relatione, & sic in infinitum. Contra primam rationem instatur, quia tunc quælibet relatio quæ inesset essentia diuinæ per actum intellectus diuini esset eadem essentia cum impossibile sit essentiam esse sine ea, quia si posset esse sine ea mutaretur intellectus diuinus, primū consequens est falsum: quia nihil est idem realiter alicui nisi sit reale, illa autē relatio est ens rationis, scilicet relatio Dei ad creaturam. Contra secundam rationem instatur: quia non est inconueniens quod procedatur in infinitū in relationi-

7. met. cont.

4.

*Opinio Scoti
est quod relatio
creaturæ
ad Deum est
idem realiter
suo fundamē-
to.*

*Contra primā
rationem.*

*Contra secū-
dam rationē.*

bus ita quod relatio fundetur super relationē sicut proportionabilitas super proportionem.

Incompossibilitas se habet in duplici modo. Ad primum dico quod impossibilitas separationis potest esse à ratione ipsius à quo aliud est inseparabile, vel ab aliquo extrinseco. Impossibilitas autem essendi ad creaturam sine dependentia ad Deum est ex ratione creaturæ, impossibilitas autem qua essentia diuina nō potest esse sine relatione illa est quasi ex causa extrinseca, & ita non est simile. Ad secundum dico quod quamuis vna relatio posset fundari in alia, non tamen est processus in infinitum, sed necessario est status in aliqua quæ non potest esse sine eo in quo fundatur absque contradictione ex secundo articulo huius quæstionis. Secunda conclusio patet quod ratio absoluti nō includit formaliter rationem respectus. Qualiter autem possit esse vera identitas, & tamen non sit formalis patet.

*Lib. 1. dist. 2.
4. met. cōtex.
26. ex inde.*

Ad primum principale dicitur vno modo, quod Philosoph. infert 4. metaphisicæ omnia esse ad aliquid, vt ad operationem, vel ad sensum.

An omnia sint ad aliquid secundū Varronem. Sed contra, quia consequens non esset inconuenientius antecedente. Sicut enim antiqui phil. dixerunt omnia apparentia esse vera, ideo potest dici aliter, quod inconueniens est omnia formaliter esse ad aliquid. Aliter potest dici secundum viam Varronis quod inconueniens est omnia esse ad aliquid, vt vna creatura essentialiter dicatur ad aliam, non est autem inconueniens omnia esse ad aliquid vt creatura dicitur ad causam primam.

An prædicamenta sint diuersa.

Ad secundum dico quod prædicamenta sunt 1. se ipsis diuersa in rationibus formalibus quibus differunt. Aliter potest dici quod argumentum non valet quia ista relatio de qua loquimur est transcendens & non est alicuius generis determinati.

Ad tertium dico, quod auctoritas Auicennæ excludit à quidditate vnum, & multa actum, & potentiam, & huiusmodi: quia nullum tale est de intellectu quidditatis formaliter.

An creatura possit creare?

D. Bona. 2. sent. dist. 1. q. 2.

Scotus in 4. sententiarum distinct. 1. q. 1.

D. Thomas prima parte q. 45. Art. 5.

Ricardus in secundo sent. dist. 1. q. 4.

QVÆSTIO V.

QUINTO quæritur. An creatura possit creare? Videtur quòd sic, per Augustinum. Artifices inquit non possunt creare, quia operatur per corpus, sed creatura rationalis non operatur per corpus, ergo. Secundo sic, effectus non adæquans virtutem causæ superioris potest produci à causa inferiori, sed nullus effectus creatus cū sit finitus adæquat virtutem Dei quæ est infinita, ergo.

Tertio sic, quod potest annihilare potest creare, sed creatura aliqua potest annihilare, ergo probatio minoris, tum quia agens naturale potest formam naturalem totaliter destruere, tum quia homine peccante mortaliter annihilatur in eo gratia.

Quarto sic, causa secundaria plus potest in virtute causæ primæ, quàm in virtute propria, sed aliqua creatura sine causa secunda potest in omne ens producibile nō per creationem, ergo aliqua virtute immissa in ea à causa superiori poterit in illud per creationem. In contrarium est Damasc. qui dicunt inquit angelos creatores sunt omnes filii patris sui diaboli.

Respondeo, hic sunt quatuor articuli. Primo ponitur opinio Auicennæ, & vnius Theologi qui sequitur ipsum. Secundo improbat per rationes aliorum & ostendetur esse insufficiens. Tertio arguam contra Auicennam & dicam ad quæstionem. Quartò solvam rationes Auicennæ.

Quantum ad primum articulum est opinio Auicennæ, vbi ponit, quòd vna intelligentia producat aliam, & non nisi per creationem. Modus autem ponendi suus fuit declaratus supra.

Pro sua conclusione arguitur primo sic. Ab vno non est nisi vnum, quia alias non esset ratio distinctionis in

83. q. 78.

*Vide Varro-
nem, & alios
communiter
in principio
2. libri vbi
hæc quæstionē
disputant.*

cap. 18.

9. met. ca. 4.

*In 1. quæst.
artic. 2.*

1. met. in pro
hemio.

7. met. con-
tex. 23.

Distinct. 3.

Henric. quo
lib. 4. q. vi.
Et Ricard.
in 2. dist. 1. ar.
4. q. 4.

D. Tho. pri-
ma parte Sū-
me. q. 4. 5.
art. 5.

effectu, ergo à prima intelligentia non fuit nisi secunda intelligentia & tertia a secunda, & sic de aliis. Secundo sic, perfectum est vnūquodque cū potest producere sibi simile, sed intelligentiæ sunt perfectiores qua substantiæ corporales, ergo cum corpus potest producere corpus, multo magis intelligentia potest producere intelligentiam, sed intelligentia nō producitur nisi per creationē, ergo. Tertio sic, à domo in mente fit domus extra, tūc sic. Sicut domus in mente ad domū extra, sic intelligentia in mente ad intelligentiam extra, sed à domo in mente fit domus extra, ergo ab intelligentia in mente fit intelligentia extra, sed intelligentia non fit nisi per creationē, ergo. Quarto sic, in his quæ sunt vnus speciei vnum potest esse productiuum alterius, sicut patet inductiue, sed infra eandem speciem possunt esse plures angeli, vt patebit, ergo vnus angelus potest producere alium angelum, sed hoc non nisi per creationem.

Istam opinionem sequitur vnus doctor in parte: qui ponit duas conclusiones. Prima quod creatura non potest omnem creaturam creare. Secunda quod creatura potest aliquam creaturam creare.

Primam conclusionem probat sic, nihil potest omnē creaturam creare nisi contineat eminenter omnē creaturam, sed nullum creatum est quod contineat omnem creaturam, ergo. Secunda conclusio probatur sic: distantia finita potest a virtute finita transiri, sed inter ens & nihil est distantia finita, sicut patuit supra articulo 1. primæ quæstionis, ergo. Secundo sic. Si Deus habet vnā ideam, puta hominis, adhuc posset hominē creare, sed Deus, vt habeat vnā ideam non habet rationem infiniti, ergo sub ratione finiti Deus creat, & sic poterit competere creaturæ finitæ, probatio minoris, Deus in quantum infinitus est illud quo magis cogitari non potest, sed Deus potest cogitari maior in quantum habet plures ideas, quam in quantum habet vnā tantum.

Quantum ad secundum argumentum arguitur contra opinionem Auicenni, arguit D. Tho. quod aliqua creatura nō potest creare primo modo. Effectus vniuersalis requirit causam vniuersalem, sed esse est effectus

vniversalissimus, ergo oportet vt reducatur immediate in causam vniversalissimam quæ est Deus, confirmatur per auctorem libri de causis qui dicit, quod nec angelus nec anima dant esse nisi inquantū operantur operatione diuina. Secundo sic, per rationem Bonauenturæ, super distantiam infinitam non potest nisi virtus infinita, sed inter terminos creationis est distātia infinita, ergo probatio minoris, omni distantia finita conuenit accipere maiorem, sed non est accipi maiorem ista quæ est inter ens, & nihil, ergo. Confirmatur quia inter contradictoria, est distantia infinita, sed inter ens & nihil, est distātia cōtradietoria ergo. Confirmatur secundo quia inter quæcunque contradictoria videtur equalis distantia, sed inter Deum & non Deum est distantia infinita, ergo.

Tertio principaliter arguit Varro sic. Sicut agens ad agens, ita effectus ad effectum, & actio ad actionem, sed agens secundarium necessario præsupponit agēs primariū, ergo effectus agentis secundarii necessario præsupponit agētis primarii effectum, & sic præsupponit materiam, & per consequens non creat. Alius doctor scilicet Egidius arguit sic, nullum agens creatum est actus purus, ergo nec eius actio, & sic actio agentis creati est cū motu & mutatione, sed omne tale agens præsupponit materiam, ergo. Istæ rationes non concludunt quod patet discurrendo per eas.

Prima enim consistit in hoc quod esse simpliciter est proprius effectus Dei, hoc videtur falsum quia à quo effectiue generatur compositum ab eo est effectiue esse compositi, sed compositum generatur ab aliqua creatura nisi tollatur omnis actio creaturæ, ergo probatio maioris, tum per physicum, generatio est ad esse, tum per rationem, quia à quo generatur compositum per eius actionem est forma in materia, formam autem esse in materia est compositum habere esse.

Præterea probatio quæ adducitur non valet, quia aut peccat per æquiocationem aut altera præmissarum est falsa, dupliciter enim potest intelligi causam esse vniversaliorē, quia vel perfectione vel prædicatione, & similiter effectus potest dici vniversalior perfectione vel prædicatione. Si ergo in maiori accipitur vniformiter

*D. Bona. in
2. sent. dist. 1.
q. 2.*

*Vide Varro-
nē ubi supra,
& Petrū de
Tarento. lib.
2. dist. 1 q. 3.*

*Egidius quo
lib. 3. q. 1.*

*Rationes Egi-
dij non con-
cludunt.*

*1. & 5 phys.
& 1. de gene.
& 2. met.*

*Duobus mo-
dis potest in-
telligi causā
esse vniversa-
liorem.*

vniuersalius ex parte causæ, & ex parte effectus, concedo maiorem disiunctiue, quia effectus perfectior requirit causam perfectiorem. Sed si accipiatur in maiori vtrouque vniuersalius secundum perfectionem: est fallacia equiuocationis, vel minor est falsa, quia minor non est vera nisi de vniuersalitate secundum prædicationem, & tunc maior quæ assumitur quod Deus est vniuersalissima causa prædicatione est falsa.

1. q. artic. 1.

Præterea quod adducitur de libro de causis concludit oppositum, quia dicitur ibi sic, nec angelus nec anima dant esse nisi in quantum operantur operatione diuina. Secunda etiam ratio non concludit, quia habet minorem falsam ut probatum est supra, nec probationes valent, prima non, cum dicitur quod non contingit accipere vel intelligere maiorem distantiam, dico quod falsum est positiue, verum autem est permissiue, hoc est tantum dictu, aliqua distantia ponit maiorem oppositionem quam illa, & vna maior contradictio quam alia, sed illa permittit quantumcunque maximam, quia in maxima saluatur, quia plus perfectionis ponit asinus intensiue quam animal, animal autem plus permittit sicut patet in homine. Ad secundam probationem cum dicitur quod inter contradictoria est distantia infinita, potest sic intelligi idest in determinata, quia sicut nulla est ita parua distantia quæ non sufficiat ad contradictionem, ita nulla est ita magna quin ad illam contradictionem se extenderet.

*Ratio Var-
ronis, & Pe-
tri de Taran-
to, non con-
cludit.*

Ad aliam probationem dico quod licet quæcunque contradictoria sint impossibilia, non tamen eque distantia, quia plus distat Deus à non Deo quam album à non albo. Tertia ratio principalis similiter non concludit quia aut intelligitur in maiori quod agēs presupponat effectum primi agentis, & passum in quod agat, & tunc petitur principium, aut intelligitur absolute suppositio effectus, & tunc concedo quia supponat seipsum quia est effectus primi agentis.

Quarta ratio non concludit quia illa potentialitas non sufficit ad inferendum quod actio eius sit cum motu & mutatione.

Quantum ad tertium articulum arguo contra Auicē-
nam

nam, secundo dico ad quæstionem. Contra Auicennam arguitur sic à Scoto. nullus actus accidentalis requiritur necessario in creando substantiam tanquam prior necessario termino creationis, sed intellectio angelici est sibi accidentalis, & necessario præcedit creationem substantiæ vel entitatis si crearetur, ergo angelus non potest creare, probatio maioris, quia iste actus necessario prior termino creationis aut requiritur tanquã actus productionis termini, aut tanquam formale principium productuum termini, non primo modo quia terminus productionis alicuius & actus formale productus sunt in eodem, quod non contingit in proposito, quia intellectio est actus immanens, non etiam secundo modo, quia actus accidentalis non potest esse formale principium causandi substantiam. Semper enim productuum principium debet esse vel æquè perfectum vel perfectius producto, sed ad accidens nec est perfectius, nec æquè perfectum substantia, nam ex se primo Metaphisicæ habetur quod substantia est prior accidente tempore, cognitione & diffinitione. Respondetur quod accidens in virtute substantiæ potest esse principium producendi substantiam tanquã instrumentum substantiæ.

Contra omne instrumentum virtutis agentis principalis vel attingit effectum principalem vel disponit ad ipsum, sed neutrum potest dari in proposito. ergo probatio minoris, non enim potest accidens attingere effectum principalis agentis, & creantis substantiam. Quia si principale agens esset vniuocum, non necessario requireretur tale medium medians inter formam tale in effectum. Sed agens equiuocum est perfectius vniuoco, ergo nõ necessario requirit tale medium tanquã instrumentum primum. Nec valet dicere quod disponat quia nihil præsupponitur creationi quod disponatur. Probatio primæ partis minoris, non repugnat intellectui angelico habere aliam, & aliam intellectionem realem, sed repugnat eius essentiæ esse aliam, & aliã realiter. Maior probatur, quia intellectus angelicus potest distincte intelligere quod cunque intelligibile, sed non est vnũ intelligibile respectu omnium quia eius intellectio esset in-

*Scotus arguit
contra Auicennam.*

*Intellectio
est actus im-
manens.*

*7. mes. com-
tex. 4.*

*Agens equi-
uocum est per-
fectius vniu-
oco.*

*Vide Scotum
in 30. dist. 2.*

*Vide Scotum
in 4. sens. dist.
1. q. 1.*

9. Met. ca. 4.

*Agere prin-
cipaliter po-
test intelligi
dupliciter.*

finita, quia haberet vnā intellectiōem respectu om-
nium infinitorum. Item confirmatur per alias rationes
quas facit Scotus. Tū quia intelligentia esset formaliter
seipsa beata, tum quia intellectio eius nō dependeret ab
aliquo obiecto nisi a quo dependeret suum esse & ita ni-
hil inferius se posset intelligere. Secunda pars princi-
palis minoris conceditur & est Auicennæ. Dico ergo
ad quæstionem præmittendo istam distinctionem quod
agere principaliter potest intelligi dupliciter. Vno mo-
do excludendo omnem causam superiorem agentem vt
sic, agere principaliter sit agere independenter a causa
superiore agente. Secundo modo quādo agit per propriā
formam intrinsecam licet alicui causæ superiori subor-
dinetur. Consimiliter est distinguendū de agente instru-
mentali, quia vno modo agens instrumentale est distinctū
contra agens primo modo dictum, & sic omnis causa se-
cunda potest dici instrumentalis, secundo modo est causa
instrumentalis distincta contra agens principale secun-
do modo dictum quæ non habet ex propria motionē
actionem vt securis & huiusmodi.

Dubium.

*Varro. li. 2.
dist. 1. q. 6. 7.
met. cont. 7.*

Ad propositū, certū est quod nulla creatura potest prin-
cipaliter agere sumendo agere principale primo modo.
Sed dubium est si sumpto agente principali secundo
modo possit creare. Et est triplex modus dicendi. Vnus
modus quod cōclusio negatiua tenetur vera fide & pro-
pter dicta sanctorū, nec probari potest ratione, quia per-
fectior est forma quā materia, cum ergo in virtute actiua
agentis primi sit forma & possit eā producere, non vide-
tur ratio quare non possit producere materiam.

*Landolphus
in 4. dist. 1.
q. 1. & in
quolib. q. 1.
Opinio Scoti
in 4. sent. dist.
1. q. 1.*

*In principio
artic. istius.*

Alius modus doctoris est ad oppositum pro quo à
diuersis quatuor adducuntur rationes, primæ factæ con-
tra Auicennam. Tertius modus dicendi est quem te-
neo, qui declaratur per tres conclusiones ex quibus in-
tegratur solutio quæstionis. Prima conclusio quod
nulla natura media intellectiua creata potest creare sub-
stantiam. Ista patet per rationem factam contra Auicen.
Secunda conclusio est quod nulla forma materialis
potest creari creatura, quæ probatur sic, forma quæ crea-
tur prius natura est à causa efficiēte quā informet suam
materiam, ergo, sed forma materialis non potest esse
forma absoluta creata prius naturaliter quā formet suam

matariam, ergo, probatio maioris. Si enim non est prius natura à causa efficiente quam informet materiam, ergo non accipit esse nisi actione qua substantia informatur ab ea, sed illa informatio est mutatio proprie dicta, & ita non est creatio. Probatio minoris, quia tunc posset eam conservare sine materia. Tertia conclusio, nulla forma materialis potest esse principium creandi aliquid, probò, quia sic talis forma in essendo præsupponit materiam in qua sit: ita in agendo præsupponit materiam per quam agat. Alioquin terminus actionis esset abstractior a materia quam ipsa forma, quod est inconueniens, quia abstractio à materia arguit perfectionem, sed formalis terminus actionis non potest esse perfectior formali principio agendi.

*Abstractio
à materia arguit imperfectionem.*

Quantum ad quartum articulum. Ad primum argumentum pro opinione Auicennæ dico quòd ab vno simpliciter in re & in ratione cognitiua nō est nisi vnū, Deus autē quamuis sit vnus omnino in re habet tamē in se distinctas rationes ideales omnium. Ad secundam rationē dico quòd propositio philosoph. vera est in illis vbi nō repugnat natura communicari à simili in specie; sed non quodcunque perfectum in specie potest communicare naturam, quia ipsa non est communicabilis ab aliquo simili in specie & hoc est propter refectionem naturæ in se quæ nō potest produci nisi à Deo immediate. Ad tertiu nego similitudinem; quia domus extra est forma accidentalis, intelligentia autem extra est substantia & non accidens. Ad quartum cum dicitur. In his quæ sunt eiusdem speciei vnum est productiuum alterius, conceditur aliquo præsupposito, sed tunc non est simile de angelis & aliis sicut patet per rationem contra Auicennam. Ad rationes autem opinionis quæ tenet quòd creatura potest aliam creaturam creare. Ad primum de infinitate dico quòd quamuis non sit infinitas ex parte distantie, est tamen infinitas ex parte modi producendi. Ad secundum responder Varro quòd infinitas est duplex scilicet intensiua & extensiua, Deus autē vt habet ideam hominis, licet non sit infinitas extensiua, est tamen infinitas intensiua.

Vide Auicennam 7. metaph. com. 23.

*Ad rationes
Henrici, vbi
supra.*

Infinitas duplex.

Ad primum principale dico quòd illa causa quam

assignat Augustinus non est præcisa sed aliqualis. Ad secundum dico quòd licet creatura non adæquat potentiam Dei in esse, adæquat tamen eam in modo producendi, quia talis modus producendi non competit alicui virtuti finitæ.

Ad tertium potest negari maior, quia facilius est destruere quam construere, alio modo potest negari minor. Ad primam probationem cum dicitur. Agens creatum potest totaliter destruere formam naturalem, dico quòd ista destructio non est annihilatio, quia nō excludit omnem causalitatem intrinsecā vt declarabitur infra de rationibus seminalibus. Secunda etiam probatio non valet, quia quando homo peccat mortaliter nō annihilat ipse gratiam, sed est causa demeritoria propter quod demeritum Deus non conseruat gratiam, & sic annihilatur. Ad vltimum teneo hoc secundum Varronem pro regula, quòd nullum instrumentum alicuius agētis potest esse instrumentum ad eliciendum actum qui repugnet naturæ talis instrumenti. Exemplum de calido quòd non potest esse instrumētum in frigefactione. Et quia creare est talis actio quæ repugnat ipsi creaturæ, ideo non potest esse instrumentum in creatione.

*Solius Dei est
annihilare.
Vide Sco. in
4. dist. 1. q. 1.*

*Quomodo ho-
mo peccando
non annihilat
ipsam gratiā.*

*Author re-
net opinionē
Varronis.
Exemplum.*

An angelus & anima differant specie?

D. Bona. 2. sent. dist. 1. q. 1. Art. 3.

Scotus 2. sent. dist. 1. q. 6.

D. Thomas prima parte q. 58. Art. 3.

Franciscus de Mayronis 2. sent. dist. 3. q. 1.

QVÆSTIO VI.

VLTIMO quæritur in ista distinctione. An angelus & anima differant specie? Videtur quòd nō quia formæ distinguuntur per actus, actus per obiecta, sed angelus & anima possunt habere eosdem actus per comparationē ad eadem obiecta, ergo. Præterea Augustinus. Angelus & anima sunt natura pares, sed naturæ paritas non est in differentibus specie, ergo.

*2. de anima
contex. 33.
lib. 3. de lib.
arbitrio.*

Præterea si differunt specie hoc est propter inclinationem naturalem quam habet anima ad corpus & angelus non habet, sed talis inclinatio non facit differentiam specificam in eis, ergo. probatio minoris, quia humanitas in Christo non habuit inclinationem ad suppositum humanum, humanitas autem in Petro habuit inclinationem ad suppositum humanum, & tamen hæc & illa sunt eiusdem speciei ergo. Præterea ratio speciei attenditur penes illud quod est nobilius in utroque, sed imago est quid nobilius in anima & angelo, & imago in utroque est eiusdem speciei, ergo & ipsa sunt eiusdem speciei. Contra, quanto forma creata est nobilior, tanto distinguitur in plures gradus específicos, sed intellectus est forma nobilissima, ergo distinguitur in plures gradus específicos, sed hoc non potest esse nisi anima & angelus differrent specie, ergo &c.

Respondeo, primo est videndum qualiter & unde sumitur unitas specifica. Sed quia hoc requirit prolixiorum tractatum ideo referuo usque ad tertiam distinctionem in materia de indiuiduatione quare ibi. Facio ergo hic tres articulos. Primo proba, quod angelus & anima differunt specie. Secundo repetam diuersas opiniones quantum ad istam specificam distinctionem. Tertio videbo si natura angelorum est simpliciter nobilior quam anima humana.

Primum articulum proba sic. Quodcumque forinse sic se habent quod aliquid per se competit uni & illud idem repugnat alteri illa differunt specie, sed anima & angelus sunt huiusmodi, ergo. Probatio minoris quia anima per se competit informare corpus. Angelo autem per se hoc repugnat sicut patet per omnes, & infra probabitur.

Quantum ad secundum articulum dicit vnus doctor, quod prima ratio distinctionis huius specificæ est unitabilitas animæ ad materiam, quæ competit animæ & non angelo.

Sed contra 2. Physicorum forma est finis materiæ, ergo distinctio materiæ est propter distinctionem formæ & non è contrario. Præterea commentator, membra cerui non differunt à membris leonis, nisi quia anima differt ab anima.

*D. Bona. l. 2.
dist. 1. in 2.
parte art. 3.
q. 1.*

Vnde sumatur unitas specifica.

*q. 1. dist. 8.
art. 1.*

*D. Bona. libro 2. dist. 1.
art. 3. q. 1. 2.
Phys. cont. 13.*

*1. de anima
cont. 53.
2. met. cap.
ultima.*

Præterea contra hoc directe est Auicenna, vbi dicit quod materia non potest esse causa essendi & distinguendi formam, & probat hoc tripliciter, quia materia est secundum se virtus receptiua & non actiua, ergo non est causa distinctiua.

Secundo quia inconueniens est quod illud quod secundum se est in potentia sicut materia sit causa distinctiua eius quod est in actu.

D. Tho. 1. Tertio quia in materia secundum se nulla est diuersitas seu distinctio. Ideo est alia opinio Thomæ quod *parte Summa* ratio huius distinctionis est maior, & minor gradus in *q. 58. artic. 3.* anima & angelo, puta quod angelus intelligit sine discursu, anima vero cum discursu. Et probatur per simile quia sensitiua in homine & in brutis distinguuntur secundum diuersos gradus sentiendi.

Vide Alexandrū Alēsem 1. secundū de de substantia Angeli. q. 5. & Hēricum 12. quo lib. 9. 8.

Sed contra anima non discurret circa principia & anima discurret circa conclusiones, ergo si cognoscere cū discursu & sine discursu arguit differentiam vel distinctionem specificam. ergo erunt ibi duæ animæ intelligentes alterius speciei, vna quæ intelligit principia, & alia quæ intelligit conclusiones, ergo erunt ibi duæ animæ. Præterea anima beata in obiecto beatifico non discurret circa illud, discurret autem circa obiectum cognitum naturaliter, ergo sicut prius.

Rationes D. Thomæ, & D. Bon. sunt rationes à posteriori, non à priori.

Præterea quid intelligit per hoc quod dicit angelum intelligere sine discursu, aut quia non habet potentiam qua cognitis principijs possit intelligere conclusiones, & hoc non quia tunc esset imperfectior intellectu nostro. Aut intelligit quod ideo nō potest discurrere, quia omnes conclusiones sunt sibi actualiter notæ à principio. Et hoc non quia non omnia à principio actualiter & distincte cognouit: Aut intelligit quod nō potest ideo discurrere, quia omnia sunt sibi habitualiter nota à principio, & hoc non ponit differentiam essentialē intellectus angeli à nobis, quia si in anima mea Deus impressisset notitiam habitualem omnium, non propter hoc distingueretur specificè ab anima alterius.

Opinio Scoti est quod ratio distincta est.

Et confirmatur de anima Christi, quæ nouerat omnia habitualiter & tamen illa non fuit natura angelica.

Dico ergo aliter secundum opinionem Scoti, quod

anima & angelus differunt specie non propter aliquem actum secundum, sed propter actum primum inquam angelus est talis natura & anima talis natura, non tamen distinguitur sicut species & species, sed sicut species & pars speciei quia anima est pars speciei.

ipsam & essentia Angelis, & anima ignota.

Anima est pars speciei humana.

Est autem notandum secundum viam Scoti quod quavis anima & angelus differunt specie, non tamen propter hoc oportet intellectus ipsorum differre specie, possunt enim continentia differre specie & contenta non, sicut patet de aquila & boue quæ differunt specie, & tamē vis visiva in eis forte non differunt. Et est aliud exemplum clarius homo & lapis differunt specie, & tamen vnitas in eis non differt specie.

Exemplum clarius.

Quantum ad tertium articulum sciendum quod angelum esse nobiliorem anima rationali potest intelligi dupliciter. Primo quod angelus sit nobilior toto coniuncto ex anima & corpore, & hic non oportet declarare, quia de illo puncto forte dicam.

Angelus est nobilior anima rationali quo ad dona naturalia est minor, quo ad dona gratuita.

Alio modo potest intelligi, quod angelus sit nobilior anima intellectiva ut anima est pars essentialis hominis, & tunc dico quod sic per Augustinum. Item per Dionysium de diuinis nominibus. Item per Gregorium.

Vide 10. distinctione huius

Item probatur ratione sic. Quanto aliquid est actualius tanto est perfectius, sed angelus est actualior quam anima, ergo. Probatio minoris, quia angelus non est vnibile corpori in ratione formæ, ut probatur. Anima autem est vnibilis corpori in ratione formæ, & omne tale est magis potentiale quam primum.

Authoris in hoc 2.

Lib. 11. de ciui. distin. cap. 16. 27. moralium super

Ad argumentum in contrarium patet ex dictis quia potentia possunt differre & tamen non essentia. Sed tamen melius dicitur sic quod essentia possunt differre specie ex parte fundamenti non tamen ex parte obiecti. Et cum dicitur per philosophum quod potentia distinguuntur, per actus conceditur aliquantulum ostensue non tamen necessario effectiue.

illud Iob numerus dicitur. Vide in primo sent. q. 1 distinctione 8.

2. de anima comex. 31.

Ad secundum & ad omnes auctoritates consimiles dicitur quod angelus & anima sunt natura pares & ratione obiecti beatifici: quia natura intellectualis sicut anima & angelus non potest quietari nisi in obiecto infinito.

Quere D. Ls. na. inc. & Varroem distinctione 6. humanus q. 1.

Ad tertium dico quòd inclinatio ad corpus non est ratio distinctionis specificę in eis, sed distinguuntur specie per proprias essentias.

Ad vltimum patet ex fine tertij articuli, & aliquo aliter ex solutione facta ad primum argumentũ de quæstione.

DISTINCTIO II.

An Angeli quantum ad esse, & quantum ad operationem, mensurentur æuo, vel tempore?

D. Bona. 2. senten. distin. 2. q. 3.

Scorus secundo sententiarum distinctio. 3. quæst. 4.

D. Thomas prima parte quæstione 10. Articul. 6.

Franciscus de May. 2. sent. disti. 2. q. 4.

QVÆSTIO I.

DE angelica quidem natura. Circa istam distinctionem secundam, oportet quærere de tribus. Primo de mensuris Angelorum. Secundo de locatione Angelorum. Tertio de motu ipsorum.

Quantum ad primum quaro. An Angeli quantum ad esse, & quantum ad operationem mensurentur æuo, vel tempore? Videtur, quod tempore, quia ratio prioris, & posterioris cum successione integrant rationem temporis, sed in Angelo est ratio prioris, & posterioris cū successione, & eius duratione, ergo minor probatur per rationes fundamentales Bonaventuræ.

Primo sic. Augustinus dicit. Sicut aer respectu Solis nō est factus lucidus, sed fit ita creatura respectu Dei, sed omne tale est in continua successione. & fieri, ergo.

Secundo sic, aut in actuali existentia agentia Angeli est successio, & habetur propositum aut non, & tunc essentia eius est simplex sicut esse Dei, & sic non differt in eo fuisse, & fore, ergo sicut Deus non potest facere Angelum non fuisse, ita nec fore, quod est inconueniens.

4. Phys. context. 101.

Super Gen.
ad litteram.

Tertio sic, Angelus durabit in infinitum, ergo si tunc habet totam durationem sine successione habebit nunc formaliter durationem infinitam, & sic est infinitus.

Confirmatur, quia illud nunc, quod potest coexistere infinito est infinitum, sed facta Hypothesi Angelus est huiusmodi, ergo.

Quarto sic, contradictio non potest verificari de eodem absque successione instantium mensurantium sed de Angelo verificantur contradictoria, ergo probatio minoris. Angelus potuit creari non peccator, postea peccavit, peccare autem, & non peccare sunt contradictoria. Eodem modo potest creari, deinde annihilari, quæ etiam contradicunt.

In contrarium est Auctor li. de causis, qui dicit, quod inter re cuius actus, & substantia est in momento æternitatis, & inter re cuius substantia, & actio sunt in momento temporis est res media cuius est substantia in momento æternitatis, & actio in momento temporis. *Opinio Auctoris de causis.*

Respondeo hic quatuor sunt videnda. Primo quid sit tempus. Secundo quid sit ævum. Tertio si esse Angeli mensuratur tempore, vel ævo. Quarto qua mensura mensurantur Angelorum operationes.

Quantum ad primum, salva meliori sententia, quæ nõ cõsonat dictis doctoris nostri, pono duas conclusiones. Prima, quod tempus quantum ad suum esse materiale nõ est nisi motus primi mobilis.

Secunda conclusio, quod tempus quantum ad suum formale, vt mensuratur ab anima addit super motu prædictum rationem prioris, & posterioris.

Primam conclusionem probat Aureolus sic. Sicut clusionis privæ habet dimensio ad omne quantum permanens ita me ab Autem tempus ad omne quantum successivum, sed dimensio reo Cardis materialiter non est nisi quantum permanens, ergo nali Illustris tempus materialiter est quantum successivum, sed illud simo.

est motus primi mobilis, ergo. Confirmatur per Avicennam, vbi dicit, quod tempus est aliud quam quantitas. Item per Augustinum lib. ii. confessionum, vbi dicit expresse, quod tempus est motus. *3. Phy. cap. ultimo. Cap. 4.*

Secunda conclusio probatur primo per diffinitionem temporis, vbi dicitur, quod tempus est numerus motus *4. Phys. con- tex. 101.*

4. Phys. in
fine.

secundum prius, & posterius. Et in 4. Physicorum, quaerit Philosophus, utrum si non esset anima esset tempus. Et respondet, quod non quantum ad suum esse formale, & probat per hoc, quod numerus non est sine numerate, numerans autem est anima. Tempus autem est formaliter numeratum ab anima, ergo.

Opinio Landulphi.

4. Phys. context. 109.

Sed hic sunt duo dubia. Obicit enim vnus Doctor Landulfus per argumētum Philosophi sic, quorum differentia determinatiua sunt diuerse, & ipsa sunt diuersa, sed tempus, & motus vt materialiter sumuntur determinantur diuersis differentiis, ergo, probatio minoris, nam motus determinatur velocitate, & tarditate, tempus autem non.

Secundo sic, quae possunt ab inuicem separari differunt realiter, sed tempus & motus primi mobilis sunt huiusmodi, ergo probatio minoris, quia tempore Iosue cessauit motus primi mobilis, & tamen erat tempus.

Iosue. c. 10.

Contra secundam conclusionem, nihil est per se in diuersis speciebus distinctis, sed tempus est species quantitatis continuæ, ergo non discreta, sed quod est formaliter numerus est quantitas discreta, ergo tempus nō est formaliter numerus.

Cap. de quantitate.

Ad primum dico, quod quamuis motus inferiores determinentur velocitate & tarditate, motus autem primi mobilis non. Sicut enim iste motus abstrahit a naturali, & violento secundum Auicennam, sic pono, quod abstrahit, a veloci, & tardo. Et Philosophus circa finem libri cæ. & mun. non est inquit, velox, vel tardus, &c. ergo.

Motus primi mobili non est velox, vel tardus.

Ad secundum dico, quod sicut tempore Iosue cessauit motus, vt est materialiter successio, ita cessauit materialiter tempus. Remansit autem formale temporis in quantum anima poterat mensurare motus inferiores.

Tempus materialiter est de genere quantitatis continuæ.

Ad tertium dico, quod nec materialiter, nec formaliter est in diuersis speciebus, sed illo, & isto modo potest. Tempus autem materialiter est de genere quantitatis continuæ, sed formaliter est de genere quantitatis discretæ. Quantum ad secundum articulum pono duas conclusiones secundum quod de xuo contingit loqui dupliciter. Vno modo secundum id quod ponit xuum

ex natura rei, secundo modo secundum quod connotat in quantum intellectus noster comparat ipsum ad tempus. Est autem prima conclusio, quod loquendo de æuo primo modo non addit aliquam rem absolutam super æuiternum sed est idem realiter, quod ipsum.

Secunda conclusio est, quod loquendo de æuo, secundo modo sic habet rationem mensuræ, & addit ad æuiternum rationē prioris, & posterioris. Et illo forte modo in æuo est successio, ut scilicet connotat habitudinē ad tempus. Primam conclusionē probo, quia si duratio æuiterni esset aliquid superadditum illi esse, pari ratione cum esse duraret per aliam durationem sibi additam, & sic esset processus in infinitum.

Ad aliam rationem dicit Richard. quod pari ratione posset dici, quod tempus non differret secundum aliquā rationem absolutam a motu. Sed illa solutio non valet ut patet ex prima conclusionē præcedentis articuli.

Secundo ad principale arguo sic. Sicut se habet quando ad illud cuius est quando sic se habet æuum ad æuiternum, sed quādo nihil reale positivum addit supra id cuius est quando, ergo probatio maioris. Sicut quando est effectus temporis sic similiter æuum est effectus eternitatis derelictum ex adiacētia eternitatis, in æuiterno, minor patet per Boe. & Simplicium super prædicamenta.

Secundam conclusionem probat Aureolus. Quod secundum se formaliter, & intrinsece non est duratio, sed solum extrinsece illud mensuratur secundum connotationem extrinsecam quo intellectus comparat ipsum ad tempus, sed æuum est huiusmodi, ergo. Minor probatur sic. Quæ durat duratione intrinseca vnum potest durare plus quam aliud, sed vnus Angelus non potest plus ex se durare, quam alius, ergo non durant duratione intrinseca, sed duratio Angeli est æuum, ergo.

Consequenter ad istas conclusiones pone duas propositiones. Prima, quod sumendo æuum illo secundo modo non est vnum æuum, sed sunt tot æua quot sunt æuiterna, sed sumendo æuum, primo modo sic est tantum vnum æuum æuiternorum sicut est vnum tempus omnium temporalium.

*De æuo et n-
tingit loqui
duobus modis.*

*Vide Rich. in
2. sent. dist. inc.
3 q. 1. art. 1.*

*Lib. 1. de tri.
c. 9.*

*In prædica-
mento quan-
titatis.*

*Probatio se-
cunda conclu-
sionis ab Au-
reolo Cardi-
nali illustris-
simo.*

*Quomodo sū-
t tot æua quot
sunt æuiterna.*

*Quomodo
auum sit aui-
ternum.*

Secunda propositio est, quod auum sumptum ex natura rei secundum illud quod est non est in aliquo subiectiue, sed est ipsum auiternum perfectissimum puta perfectissimus Angelus, & forte lucifer, vel alius si est alius perfectior eo in naturalibus, & si Deus hunc annihilaret immediate sequens eum, in perfectione esset mensura aliorum Angelorum.

Quantum ad tertium articulum omnes conueniunt, quòd esse Angeli mensuratur auo.

*Quid sit men-
surare.*

*Certificatio
quomodo pos-
sit fieri.*

Ad cuius euidentiam sciendum, quod mensurare est quantitatem ignotam certificare per quantitatem magis notam. Certificatio autem potest fieri, vel per quantitatem existentem in imaginatione, sicut cum aliquis artifex peritus mensurat aliquam quantitatem per illud quod est in imaginatione, vel certificatio fit per quantitatem existentem in re. Et hoc tripliciter, quia vel per excessum, vel per accessum, vel per applicationem, sicut cum vna applicatur panno.

Ad propositum applicando dico, quòd in actuali existentia Angelis oportet quærere aliquam mensuram intrinsecam aliam à natura ipsius rei mensuratæ. Et si debet aliqua mensura poni intrinseca, non poneretur nisi tertio modo, quia ibi non est excedens neque excessum, & etiam poneretur pluralitas sine necessitate, non solùm autem non est necesse ponere aliquid absolutum pro mensura existentie Angelorum, sed nec etiam relationem aliquam, quia non est hic necesse ponere aliam relationem, quam istam, quæ est ad causam efficientem, sed ista non est aliud à fundamento.

*Vide ex 3.
ar. q. 4. dist. 1.*

*Henricus
quolib. 12. q.
8.*

Quantum ad quartum articulum est opinio Henrici, quod operationes Angeli intrinsecæ sicut intelligere, & velle non mensurantur auo, sed tempore discreto, quod probatur sic. Mensura proportionatur mensurato ita, quòd mensura permanentis est permanens, & fluens est fluens. Sed operationes Angeli intra manentes sunt transeuntes absque connexionem, quia non discurrit & absque successione, quia nulla istarum operationum est in continua acquisitione, & de perditione, ergo correspondebit eis mensura habens partes transeuntes ordinatas, & dissimiles, sed tale est tempus discretum, ergo.

Si verò quaratur quare istam quantitatem discretam non ponit Aristoteles inter species quantitatis. Respondetur, quod Aristoteles ponit intelligentias esse quosdā Deos, & ideo non ponit aliquam mensuram cōuenientem tali operationi eorum simul totam.

Contra istam conclusionem arguitur primo sic, quæ habent vnumvniuniformem modum manendi habent mēsuram eiusdem rationis licet vna diūtius maneat, quam alia, sed cognitio Angeli dum manet habet eundem modum manendi cum existentia Angeli, licet non habeat tantam durationem, igitur habet mensuram eiusdem rationis cum existentia, sed existentia mensuratur æuo, & non tempore, ergo. Si dicatur, quod eius cognitio, non semper erit, existentia autem semper erit, & ita non est simile de existentia, & cognitione. Istud non valet, quia si Angelus foret annihilandus, non propter hoc non mensuratur æuo dum manet.

Si autem dicatur, quod in eius potestate est habere, vel non habere istam cognitionem, non sic autem est de eius existentia, hoc non valet, quia sicut aliquando non fore non variat mensuram existentia Angeli dum manet, ita multo magis ista causa per quam ista potentialitas potest reduci ad actum.

Secundo sic, omnes concedunt actum beatificum Angeli mensurari æuo, & pater per Augustinum, sed actus beatificus necessario includit, vel præsupponit actū naturalem, nullum autem æuiternum includit necessario, vel præsupponit aliquid posterius æuiterno, quod scilicet mensuratur mensura posteriori, ergo iste actus naturalis, qui præsupponitur includitur in actu beatifico, & non mensuratur tempore.

Tertio sic, ista opinio ponit pluralitatem sine necessitate. Concedo, ergo conclusionem istarum rationum, & teneo cum Bonavent. & Scoto, quod intellectiones Angeli, & operationes intra manentes mensurantur æuo, & non tempore.

Ad primum principale potest dici ad maiorem, quod ratio prioris, & posterioris cum successione integrant rationem temporis si cum successione concurrat innovatio, hic autem quamvis sit successio secundum viam

12. Met. &
alibi.

Quere D.
Tho. & Kar.
ronem, & D.
Bona. ubique

De fide ad
Petrum.

Author se te-
net cum D.
Bona. &
Scoto, dist.
presens.

Bonauenturæ, non tamen est innouatio. Aliter potest dici negando successionem temporis.

Ad probationem cum dicitur sicut aer respectu Solis, &c. conceditur propter essentialem dependentiam sed non propter nouam successionem, vel creationem.

Ad secundum conceditur, quod esse creaturæ esset æquè simplex sicut esse Dei, & sic nō differret in eo fuisse, & fore, nego tamen propter essentialem dependentiā dictam ex quo non oportet concedere successionem, tum quia connotat habitudinem aliquam ipsius esse ad tempus.

Ad tertium dico, quod ad hoc, quod coexistencia aliquius quantitatis virtutis cum quanto molis debeat includi infinitas quantitatis virtutis oportet illud necessario coexistere omnibus alterius quantitatis, & quod ex se habeat hoc. Et ideo non sequitur infinitas in quo, quia non habet hoc ex se, quod possit coexistere omnibus partibus temporis.

Ad quartum concedatur, quod vnum æuum succedat alteri æuo, & natura æuitermi succedit suo opposito, sed ex hoc non sequitur successio, in vna coexistencia æuitermi, vel in vno æuo.

Aliter potest dici, quod quælibet talis actio, quæ respicit suum contradictorium habet proprium æuum, & ideo actus, quo primo peccauit lucifer est aliud æuum ab eius existentia. Ad argumentum in contrarium negetur auctoritas libri, de causis.

An Angelus sit in loco,

D. Bonauentura 2. senten. distinc. 2. q. 1. Art. 2.

Scotus 2. sent. dist. 2. q. 5.

D. Thomas prima parte, questio. 52. Artic. 1.

Franciscus de Mayronis 2. sen. dist. 1. q. 6.

Ioannes Baconianus 2. sent. dist. 3. q. 2.

QVÆSTIO II.



ECUNDO quaeritur. An Angelus sit in loco? Videtur, quod non per Boe. Communis animi conceptio est in corporalia, in loco non esse. Præterea Augustinus, videtur probare, quod Deus non est in loco per hoc medium, quia non est corpus. Sed præmissa ista est vera de Angelo sicut de Deo, ergo.

Præterea omnis locus habet situm, sed situs non competit nisi quanto. Angelus autem non est quantus, ergo probatio minoris, quia positio vno modo est differentia quantitatis, & isto modo non competit nisi quantitati. Alio modo est prædicamentum, & sic est passio fundata in quantitate, ergo nullo modo competit nisi quantitati.

In contrarium est Magister in litera, & auctoritas Damascē. in pluribus locis.

Respondeo, hic sunt quatuor articuli. Primo ponuntur diuersæ opiniones falsæ, secundo dicitur secundum opinionem Scoti veram, tertio si Angeli plures possunt esse in eodem loco, quarto si vnus Angelus possit esse in pluribus locis simul.

Quantum ad primum est vna opinio, quæ dicit, quod Angelus non potest poni nec in loco diuisibili nec in loco indiuisibili, quia ipse est inlocabilis, nec est aliqua alia proportio loci, quam sit Romæ ad Pascha, vnde quemadmodum non potest dici, quod Roma distat à Pascha, quia nullam habent proportionem adinuicem, sic nec potest dici, quod Angelus distat ab aliquo propter impropotionem eius ad locum, & sic Angelus nullo modo potest esse in loco. Et probatur hoc multipliciter, primo sic. Quia quod est in loco determinat sibi situm, & quod determinat sibi situm habet positionem, sed nihil habet situm, vel positionem nisi sit quantum, Angelus autem non est quantus, ergo.

Item plus conuenit proprietas corporalis cum loco, quam Angelus, qui est substantia spiritalis, sed vnitas est quædam proprietas corporalis consequens naturam corporalem, & tamen non est in loco corporali.

Lib. de hebdomadibus. 80. trium q. q. 20.

Vt inquit Arist. in prædicamento quantitatis.

Et dist. 37. primi sent. & Damascēnus c. 13. & 16. & 20.

Quorundam opinio.

6. *Phy. cont.*
89.

Item si debet Angelus poni in loco, vel est in loco diuisibili, vel indiuisibili, nō potest dici, quod in loco indiuisibili, quia sic non moueret se nisi per indiuisibilia instantia, & tunc signaret infinita puncta in actu in spatio, quod est impossibile. Nec potest dici, quod sit in loco diuisibili, quia plus conuenit cum indiuisibili, quam cū diuisibili, & non potest esse in loco indiuisibili, ergo.

Lib. 3. c. 13.

D. Thomas
1. parie sum-
ma q. 52. art.
1. & 2.

Sed contra istam opinionem est Damascē. vbi diffuse probat, quod Angelus est in loco. Arguitur etiam à quodam per rationes sic. Agere præsупponit esse, sed Angelus operatur in loco, ergo est in loco. Sed forte ratio nō concludit de omni esse sicut patet de operatione beatifica, quæ non præsупponit esse beatum, quinimo est cōuerso, quod quia operatur ideo est beatus.

Gothfredus
quolib. 8. q.
13. hic modus
dicendi vide-
tur potius D.
Tho. quam
prior vide ēū
quolib. 1. art.
5.

Est ergo aliorum opinio, qui concedunt vniuersaliter, quod Angelus est in loco, sed difficultas, & controuersia est in videndo siue in modo per quem modum, & per quid Angelus sit in loco. Et dicit vnus Doctor antiquus, quod Angelus est in loco per operationem, probat per Damascē. Incorporea inquit natura vbi adest ibi operatur nō corporaliter, sed spiritualiter.

Lib. 1. c. 13.

D. Thomas
vbi supra.

Sed contra est articulus cōdēmnatus ab Episcopo Parisiensi, & excommunicatus, quod si dicatur, quod excommunicatio non transit nisi per diocēsim Parisien. ad minus habetur, quod sententia est suspecta, quia in vniuersitate solēnni est cōdēmnatus. Est ergo opinio Thomæ, qui dicit, quod Angelus est in loco per applicationē suæ virtutis ad locum.

Operatio du-
plex est, im-
manens, &
transiens.

Contra istam opinionem, quia ipsa videtur idem dicere, licet sub alio vocabulo cum præcedente opinione. Quia applicatio, aut dicit actum primum, aut actum secundum, non primum vt patet. Si verò dicit actum secundum. Contra, quia vel est operatio transiens aut immanens, nō immanens, quia ista abstrahit à loco, sicut essentia Angeli. Si verò est operatio transiens redit prima opinio, quæ dicit Angelum esse in loco per operationem. Ideo contra istam est articulus cōdēmnatus sicut contra præcedentem.

Præterea, illud quod est in Angelo ratio essendi in loco est in eo formaliter, alioqui non formaliter esset in loco.

loco. Sed operatio formaliter transiens in corpus, non est formaliter in Angelo, ergo.

Præterea, Angelus ut plurimum est in cælo empirico, & tamen nihil operatur, quia illud cælum non est mutabile, nec mobile.

Præterea illa operatio est commensuratiue in loco, ergo si per eam Angelus esset in loco, & non alio modo sequitur, quod Angelus esset ibi commensuratiue.

Est ergo aliorum opinio, quod Angelus est in loco, quia est natura limitata, & pars vniuersi.

Contra, locus est natura limitata, & pars vniuersi, ergo locus est in loco, & sic est in infinitum, quod est inconueniens.

Quantum ad secundum articulum dico, quod esse in loco, est dupliciter, scilicet circumscriptiue, & diffinitiue, primo modo competit entibus compositis quantis, secundo modo entibus creatis simplicibus. Et isto modo ponitur angelus in loco. Et per istam distinctionem etiam patet ad prima duo argumenta primæ opinionis.

Ad tertium autem patebit in quæstione sequenti. Ut autem melius intelligatur quomodo Angelus sit in loco, oportet primo videre quid est locus in corporalibus. Secundo applicatur ad propositum in spiritualibus.

Dico ergo, quod locus est superficies corporis continentis immobile primum. Primam conditionem probat Philosophus, vel locus est materia, vel forma, vel spatium inter extrema, vel superficies corporis continentis, sed non est materia, nec forma, nec spatium inter extrema, ergo est superficies corporis continentis. Prima pars minoris, scilicet quod locus non sit materia probatur, tum quia materia est indiuisa a re nec continere eam, quorum vtrunque competit loco: Secunda pars minoris, scilicet, quod locus non sit forma probatur, quia forma est terminus corporis cuius est forma, locus autem non est eius corporis cuius est locus, sed corporis continentis ipsum. Tertia pars minoris scilicet, quod locus non sit spatium siue dimensio inter extrema, probatur, quia tunc essent duo corpora in eodẽ loco.

Viso quid sit locus quantum ad genus, quia est super-

D. Thom. I.

parte q. 52.

ar. 2 & D.

Bona. atque

Varronem

presenti dist.

esse in loco

est duobus

modis.

Quid sit lo-

cus.

4. Phys. cont.

41.

Quomodo lo-

cus non sit

forma.

Que sit differētia loci.

Author se tenet cum Scoto.

ficies corporis continentis, oportet videre eius differē-
tiam, scilicet immobilitatem. Est enim vt dicitur im-
mobile primum, hanc immobilitatem aliqui volebant
saluare per respectum ad polos, & centrum mundi: Sed
breuiter dico cum Scoto, quod si subiectum non manet
idem nullum accidens nec absolutum nec respectuum
manet idem, & sic cum corpus, siue continens, siue con-
tentum possit moueri localiter omne accidens, siue ab-
solutum, siue respectuum, vt est locus poterit moueri
localiter.

- Declaro autem aliter istam immobilitatem loci, &
dico primo, quod locus habet immobilitatem opposi-
tam motui locali. Secundo habet incorruptibilitatem
secundum æquiualentiam ad motum localem.

Primum patet, quia si esset locus aliquo modo mobi-
lis, quantumcunque per accidens accipiat per se dici
per accidens esse in loco, & sic loci esset locus.

- Secundum patet sic, quia licet corrumpatur locus mo-
to eius subiecto, in quo est locus ita, quod moto aere lo-
caliter non manet eadem ratio loci, quæ prius, tamen
ratio loci successiua, quæ est alia à ratione præcedenti
secundum veritatem, est tamen eadem præcedenti per
æquiualentiam, quantum ad motum localem.

Per quid Angelus est in loco.

Ista ergo applicando ad propositum dico, quod An-
gelus est in loco.

*Esse in loco
lex respicit
conditiones.*

Sed diceret per quid Angelus est in loco. Dico, quod
per exhibitionem suæ præsentie.

Sed diceret vterius quomodo exhibet se præsentem
loco? Respondeo, quod esse in loco respicit lex condi-
tiones scilicet naturaliter, & violenter, esse commen-
suratiue, esse in hoc, vel in illo loco, esse determina-
tiue, in loco actualiter, idest in loco actuali, & esse in
loco æquali.

9. Met. 2.

Quantum ad duas primas conditiones dico, quod An-
gelus non est in loco aliquo naturaliter, quia tunc esset
in aliquo loco violenter, & tunc etiam aliquod corpus
haberetur naturalem habitudinem ad ipsum conseruandū,
per consequens ad ipsum corrumpendum. Et confirma-
tur per Auerennam vbi vult, quod motus cæli non sit na-
turalis, quia motus ab illa quiete esset violentus.

De tertia conditione dico, quod Angelus non est in loco commensuratiue, quia non habet partem, & partem loci.

De quarto dico, quod Angelus necessario est in hoc, vel in illo loco, quia non est vbique.

De quinta conditione dico, quod quamuis in Angelo sit potentia passiuā ad essendum in loco, non tamen necessario est in loco actuali, quia Deus posset creare vnum Angelum, extra totum vniuersum, & tunc non esset in loco actuali.

De sexto. Si Angelus possit esse in loco æquali cum ipse sit indiuisibilis, est maius dubium.

Videtur enim quibusdā, quod Angelus non possit esse in loco indiuisibili puta in puncto, & probatur, quia locus est maior locato, sed punctus nō est maior Angelo, ergo.

Vide Aegidium.

Secundo, quia indiuisibile tangit indiuisibile secundum se totum, & tunc esset illapsus quod non conuenit creaturæ. Tertio, quia tunc Angelus non posset moueri nisi signaret infinita puncta in actu, quod est impossibile. Istam opinionem sequitur Aegidius, & facit talem rationem. Angelus est in loco per operationem, sed punctus non est susceptiuus operationis, ergo non potest esse in loco punctuali. Quamuis hoc Scotus se non determinat, puto tamen, quod Angelus non possit esse in loco punctuali, quia ita potest se exhibere præsentem loco indiuisibili sicut diuisibili.

Ratio Aegidii in 2. senten.

In materia de Angelis.

D. Bona. tenet partem

affirmatiuam

et Varro negatiuam.

Ad primum argumentum alterius opinionis dico, quod bene arguit de locatione circumscriptiua, non autem diffinitiua sicut est in proposito, & præterea maior est fallā, quia locus est æqualis locato, non maior.

Ad secundum dico, quod ibi non esset illapsus, quia ad illapsum aliquid plus requiritur, vt forte infradicetur. Ad tertium patebit in consequenti.

4. Phys. cont.

Quantum ad tertium articulum est opinio multorum, quod non. Ad hoc est prima ratio D. Thomæ talis, duæ causæ totales non possunt simul inesse respectu eiusdem effectus, sed Angelus existēs in loco est causa totalis respectu operationis in tali loco, propter quam dicitur ibi esse, ergo alius non potest esse cum eo per aliquam operationem ibi operatiuam.

43.

D. Thom. 1. parte summa

q. 52. art. 3.

*Ægidius vt
supra.*

Secundo ad idem est ratio Ægidij talis, quando aliqua duo comparantur ad aliud secundum eundem modum essendi in, non possunt esse simul sicut patet de corporibus glorificatis, & de duabus albedinibus respectu eiusdem subiecti, sed Angeli habent similem modum essendi in, ergo.

D. Bonain

2. sen. dist. 2.

q. 2.

Tertia ratio est Bonauenturæ talis. Ordo vniuersi est ad hoc vt omnia habeant distincta loca, ergo ponere plures Angelos simul est destruere ordinem vniuersi, ergo.

Sed contra istam opinionem videtur Rich. esse, vbi arguit de illo obsesso à legione dæmonum in quo sex milia sexingenti sexaginta sex dæmones erant. Præterea anima, & Angelus possunt esse simul in eodem loco.

4. De tri.

Præterea, si vnus Angelus veniret in meridie de cælo in terram, non oportet, quod Angelus qui mouet orbem cedat ei. Ad argumenta, ergo alterius opinionis. Ad primum Thomæ dico, quod suppositum est falsum, scilicet, quod Angelus sit in loco per operationem, quod improbatum est in primo articulo. Et præterea dato, quod esset verum, possunt duo Angeli operare diuersis operationibus. Ad secundum dicit Varro, quod maior est vera in his, quæ habent esse in aliquo per inhærentiam non per inexistenciam per Commentatorem 3. de ani.

Ad 1. argum.

D. Thomæ.

Aliter dicit Scotus negando maiorem, quia esse in nullam dicit essentialem habitudinem ad illud in quo est. Esse autem ab dicit dependentiam ab illo à quo est, & tamen plura possunt esse ab, & ergo nec esse in.

Responsio

Varronis.

Ad tertiam dicit Varro, quod ordo vniuersi attenditur secundum situm partium principalium vt corporum cælestium, & elementorum, non secundum partes singulas.

Responsio

Scoti.

Quantum ad quartum dico, quod Angelus de facto non est in diuersis locis simul, quia secundum Damasc. quando Angeli sunt in cælo non sunt in terra. De possibilitate autem eorum naturali videtur probabile, quod vnus Angelus non possit esse in duobus locis simul quorum vterque sit sibi adæquatus.

Lib. 1. c. 33.

c. 26.

Sed dubium est si hoc posset fieri per potentiam diuinam, quod vnus Angelus sit simul in duobus locis adæquatis sibi. Et prætermisissis hic omnibus opinionibus, quia diffusius dicetur de hoc in quarto libro de materia

Dubium est.

Vt videbitur

in 4. distinct.

10. de corpo-

quia diffusius dicetur de hoc in quarto libro de materia

Eucharistiæ Sacramenti, quando quaeritur, vtrum idem corpus localiter possit esse in pluribus locis adequatis per potentiam diuinam, quia hoc nullam contradictionem implicat, & adducitur vna probatio de corporibus, sicut idem corpus potest esse localiter in pluribus locis simul, ergo & Angelus, consequentia patet, probatio antecedentis, non minus inconueniens est esse duo corpora simul, quam vnum corpus esse in pluribus locis simul, sed possibile est duo corpora per potentiam diuinam esse simul sicut patuit in resurrectione, & quando Christus intrauit ad discipulos ianuis clausis, & in eius Natiuitate quando natus est de Matre Virgine permanente.

*re existente
in pluribus
locis.*

Præterea, ad multiplicationem posterioris non sequitur necessario multiplicatio prioris, sed locus est posterior locato, ergo ad multiplicationem loci non sequitur multiplicatio locati.

*Ad multipli-
cationem
posterioris,
non sequitur
multiplicatio
prioris.*

Ad principalia argumenta, & ad omnes auctoritates, quæ negant Angelum esse in loco, dico, quod verum dicunt de locatione circumscriptiua, quia circumscriptio includit commensurationem loci ad locatum, quæ repugnat Angelo. Eodem modo ad tertium dicitur, quod maior est vera, de locatione circumscriptiua.


An Angelus possit moueri motu locali?

Scotus secundo sent. distin. 2. q. 3.

D. Thomas. 1. par. q. 53. art. 1.

Ioannes Baconianus 2. sent. dist. 3. q. 2.

QVAESTIO III.



ERTIO quaeritur. An Angelus possit moueri motu locali? Videtur quod non, quia motus est actus entis imperfecti, sed Angelus non est imperfectus, ergo. Præterea, quantum non recipitur in non quanto, sed motus est quantus, Angelus autem non, ergo.

Contra Angelus custodit homines. Magna dignitas animarum &c. sed homo mouetur, ergo & Angelus, quia alias non posset eum custodire.

*Hieronymus
super Mat-
theum.*

6. *Phys. cons.*

7. & 32.

Respondeo, hic sunt quinque articuli. Primo quid sit motus, secundo quomodo se habeat motus ad formam acquisitam, tertio ad propositum principale, scilicet si Angeli mouentur, quarto quo motu mouentur, quinto sunt remouende difficultates Philosophorum, quibus probatur, quod nullum indiuisibile possit moueri.

Quantum ad primum dico cum Philosopho, quod motus est actus entis in potentia secundum quod in potentia, ubi tria sunt declaranda.

3. *Phys. cons.*6. *Phys. cons.*

Primo, quod motus sit actus, quod probatur sic. Illud quo aliquid reducitur de potentia ad actum est actus, sed quo aliquid reducitur de potentia ad actum est motus, ergo.

Secundo est declarandum, quod motus sit actus entis in potentia, & probatur idem a Philosopho sic. Omnis actus entis, est actus in quo semper inuenitur, sed motus semper inuenitur in ente existente in potentia, ergo.

*Declaratio
verborum*

*Ar. 1. motus
est actus &c.*

Tertio est declarandum quare additur in quantum in potentia, & ostendit hoc Philosophus ibidem sic. Es est in potentia ad statuam, & es in quantum es est in actu, ut autem respicit statuam est in potentia, motus autem est in ere in quantum est in potentia ad statuam.

Dubium.

*Responsio
quod subie-
ctum motus
duobus modis
consideratur.*

Sed occurrit dubium, quia accidens reale, & in actu habet subiectum in actu, sed motus est accidens reale, ergo non est actus entis in potentia ut sic. Respondeo, quod subiectum motus potest dupliciter considerari, vno modo ut subiicitur motui, alio modo ut respicit terminum acquisitum per motum, primo modo est ens in actu, secundo modo est ens in potentia.

3. *Phys. com-
men. 16.*

Quantum ad secundum articulum est vna opinio, quae tenet, quod motus non differat a forma, & probat per Commentatorem, ubi dicit, quod opinio, quae tenet, quod motus sit idem cum termino, quae est forma fluens est verior. Item dicit Commentator, quod motus nihil aliud est, quam acquisitio partis post partem.

5. *Phys. cons.
com. 43.*

Item sic se habet successio ad formam sicut simultas, ad formam simultatis, sed forma simultatis non est aliud quam ipsa simultas, ergo successio motus est ipsa forma acquisita.

Item quando aliqua duo differunt aliter realitate absoluta Deus potest facere vnum sine alio, ergo si motus

differt realiter à forma tunc Deus posset facere motum sine forma, quod est inconueniens.

Item si motus differt realiter à forma tunc motus posset esse completus antequam acquireretur forma.

Istam opinionem non teneo. Primo quia quando aliqua sic se habent, quod vnum potest manere altero non manente, non sunt idem vt probatum est supra, quæst. de relatione, sed forma introducta manet, motus non manet per Philosophum, vbi dicit habitibus præsentibus in materia cessat omnis motus, ergo.

*Auctor non
adhaeret huic
opinionem.*

*I. de gene. cõ-
tex. 35.*

Secundo sic, entitas successiua non est eadem cum entitate permanente, sed entitas motus est successiua entitatis formæ permanens, ergo.

Tertio sic, quia Aui. dicit, quod ipse abhorret dicere, quod motus est idem, quod forma. Teneo ergo quod motus est via ad formam acquisitam per motum.

Ad primum argumentum alterius opinionis dico, quod Commentator dicit illud recitatie non assertiue, quia in quinto Phisicorum ipse se corrigit.

Ad secundum concedo, quod motus in se est acquisitio partis post partem, sed non est forma, quæ acquiritur totalis.

*Auerroes nõ
loquitur asser-
tine, sed ad ho-
minem ibi.*

Ad tertium dico, quod si accipitur simultas in ordine ad partes sicut successio in ordine ad formam minor est falsa.

Ad quartum vno modo negetur maior à quibusdā qui dicunt, quod esse, & essentia differunt realiter, & tamen Deus non potest facere essentiam sine esse, eodem modo nec corpus sine figura, quia tunc fieret infinitum in actu.

Aliter potest dici, quod non est inconueniens, quod Deus potest facere motum sine forma, in quantum forma est terminus extrinsecus. Eodem modo potest dici ad vltimum.

*Deus potest
facere motum
sine forma.*

Quantum ad tertium articulum dico, quod Angelus potest moueri localiter, cuius ratio est, quia omne receptiuum formarum alicuius generis, quod non est limitatum ad aliquam istarum formarum recipiendam nec illimitatum ad omnes illas potest moueri ab vna istarum

*Opinio Au-
thoris an
Angelus pos-
sit moueri lo-
caliter.*

formarum ad aliam ad recipiendum aliquid, hæc propositio est per se nota, quia prædicatum includitur in subiecto, sed Angelus est receptiuus alicuius, vbi diffinitiuè, sicut patet in quæstione præcedenti, nec est illimitatus ad omnia vbi, quia non est immensus, ergo.

*Vide Secum
in presenti
dist.*

Secundo probatur idem sic. Anima beata videtur esse æqualis Angelo, sed anima beata potest moueri localiter, sicut patet de anima Christi, quæ descendit ad inferos, ergo.

Dubium.

Circa primam rationem occurrit dubium, quia si maior est vera sumpta minor, sub ea, videtur, quod graue se posset mouere actiue, & erit causa sui descensus quod improbat Philosophus 8. Phisicorum, tum, quia graue non est aliud a seipso, tum, quia non potest sistere, quibus proprie conuenit seipsum mouere, tum, quia non potest seipsum mouere motibus diuersis, tum quia continuum est eiusdem dispositionis in toto, & in partibus.

*3. celi com.
28.*

Respondeo concedo consequens, quod graue sit aliquo modo causa sui descensus actiua, quod probatur per Commentatorem, lapis inquit, mouet seipsum in quantum

*Pulchrum
exemplum.*

*Quæ est cau-
sa, quod are-
na citius de-
scendat.*

grauis in actu. Et confirmatur ratione, primo sic. Omnis effectus quando causatur habet causas in actu. Accipiantur ergo duo graua, puta vnus saccus de arena, & vnus de pluma, & ponantur in æquali distantia respectu centri, & in æquali influentia respectu cæli, & sit æquale pellens, & æqualis resistentia medij, quæro tunc, quæ est causa, quod arena citius descendit, non enim est influentia cæli nec distantia centri, nec actio pellentis, nec resistentia medij, quia omnia ponuntur æqualia, ergo relinquitur, quod sit ipsum graue.

*8. Phy. com-
mem. 32.*

Ad alia quæ adducuntur in contrarium de Philosoph. Ad tres primas probationes dico, quod non plus concludunt nisi quod graue non mouet se sicut agens per cognitionem, sed hoc non est contra me.

In 3. dist.

*2. de Gene.
cont. 8.*

Ad quartam probationem dico, quod continuum non est semper eiusdem dispositionis in parte, & in toto, quia vt declarabitur. Agens æquiuocum est tale in actu virtualiter quale passum in potentia formaliter. Et si vltèrius obiicias per Aristotelem, qui dicit, quod graua, & leuia, nec actiua, nec passiuua sunt, dico, quod Arist. lo-

quitur de motu, & actiuitate ad formam substantialem, non autem de motu ad locum, quia in 8. Phisicorū, videtur ponere, quod graua habeant potentiam actiuam respectu vbi. Et in quarto Phisicorum in tractatu de vacuo dicit quod densum & rarum secundum contrarie tatem, grauitatum & leuitatū motus actiua sunt. quare ibi quia auctoritas est expressa.

4. phis. con-
tex. 85.

Quantum ad quartum articulum dico, quod motus diuiditur, quia alius continuus alius discretus. Item motus alius instantaneus, alius successiuus. Item motus alius de extremo in extremū nō per medium, alius per medium. Et quolibet modo potest esse dubium.

Motus diui-
ditur.

Primo si mouetur motu continuo, vel discontinuo, dico, quod sic vtroque modo: potest enim moueri motu continuo dimittendo partem post partem, & applicando se parti post partem, potest etiam moueri discontinuē dimittendo simul totum locum priorem & faciendo se totum in loco sequenti, sicut si moueretur super quatuor poma ordinatē posita.

Dubium si
mouetur mo-
tu continuo.

Adhuc est dubium si mouetur motu instantaneo, aut non. est opinio vna quod non, probatur, primo sic. Sicut se habet punctus ad lineam sic instans ad tēpus, ergo permutata proportionē sicut punctus ad instans ita linea ad tempus, sed punctus non potest pertransiri in minori quam in instanti, ergo nec linea nisi in tempore.

Dubium si
mouetur mo-
tu instantaneo.

Præterea si angelus moueret se in instanti simul esset in medio & in termino ad quem, sed secundum quod est in medio mouetur & secundum quod est in termino ad quem quiescit ergo simul mouetur & quiescit.

D. Thomas. 1.
parte Summe.

Præterea non minoris velocitatis est anima quam angelus, sed anima nō potest moueri in instanti, ergo probatio minoris. Anima non potest aliter moueri separata quamdiu est in corpore, quia corpus non est sibi onus secundum Augustinum. Sed dum est in corpore non mouetur in instanti, ergo.

q. 53. art. 3.
dicit quod
Angelus po-
test moueri in
instanti sed
non temporis
continuum, sed
discreti.

Quarto sic, virtus finita & infinita non possunt æquare, sed angelus est virtutis finitæ, Deus autem infinitæ virtutis & Deus mouet in instanti, ergo non angelus, quia tunc Deus in minori quam in instanti moueret. Ego autem dico quod angelus potest moueri in in-

Opinio Scoti.

stanti & in tempore sicut placet sibi, quod patet per locum à minori de luce quæ fit in instanti sicut deducit Philosoph. vnde angelus refrenans potentiam suam potest moueri in tempore. Agens autem secundum ultimum potentia suæ mouetur in instanti.

*1. de anima
context.*

Ad primum autem vltimæ opinionis dico, quod maior est falsa per comparisonem ad extra, quia sicut punctus non potest bis signari in eodem instanti, ita linea non potest bis signari in eodem tempore. Sed per comparisonem ad intra bene sequitur, & tunc facta proportionem arguitur sic. Sicut se habet punctus ad instans sic indiuisibile ad diuisibile, ergo linea se habet ad tempus sicut diuisibile ad indiuisibile.

*4. Phys. con-
tex. 118.*

Ad aliud dico quod per idem argumentum si valeret probaretur quod Deus non posset mouere in instanti, ideo dico quod non quiescit in illo instanti in quo primum est vt in termino ad quem, quia quies non est nisi in tempore. Bene autem volo quod simul sint mutari, & mutatum esse.

*Anima alio
modo intelli-
git separata
alio modo cō-
iuncta.*

Ad aliud potest negari maior, quia anima deficit proportionabiliter à virtute angeli, poterit etiam negari minor, quia anima cum corpore glorificato poterit moueri in instanti. Et cum dicitur corpus non est sibi in onus, non valet, nam anima alio modo intelligit separata, alio modo coniuncta, quia vt separata & glorificata clare: quod non facit coniuncta quantumcunque corpus non sit sibi in onus. Augustinus enim dicit non est sibi corpus in onus ad faciendum opus meritorium, sed potius est instrumentum.

*Pulchra ver-
borū D. Au-
gustini interpre-
tatio.*

Ad aliud dico, quod maior & minor virtus non potest sibi æquari per comparisonem ad mensuram diuisibilem non autem indiuisibilem, quia si virtus finita posset moueri in tanto tempore virtus infinita in minori, non tamen tenet in mensura indiuisibili, quia si virtus finita mouet in instanti, non oportet quod virtus infinita possit moueri in minori, quia non est dare minus, & hoc accidit ex conditione mensuræ, non ex parte agentium.

Adhuc restat videre, si angelus potest mouere se ab extremo in extremum non transendo medium, &

dico, quod non potest se mouere motu continuo ab extremo in extremum non transeundo medium, maxime si medium est aliquid extremorum, quia tale medium est causa continuitatis motus. Motu autem discontinuo potest se mouere de extremo in extremum non transeundo medium.

*Vide etiam
D. Thom. 1.
par. summa
q. 53. art. 2.*

Quantum ad quintum articulum sunt difficultates Philosophi. quibus probatur, quod nullum indiuisibile possit moueri.

*6. Phy. con-
text. 7. 32.
et 87.*

Primo sic, omne quod mouetur partim est in termino a quo, & partim in termino ad quem, sed indiuisibile non potest esse partim in termino a quo, & partim in alio termino, quia non habet partem, & partem, ergo.

Secundo sic, omne quod mouetur prius pertransit spatium sibi aequale, quam maius, sed indiuisibile non potest prius pertransire maius se, nec maius, ergo oportet, quod pertranseat spatium sibi aequale, sed illa sunt indiuisibilia, ergo numerabit puncta indiuisibilia, & sic illud spatium esset compositum ex indiuisibilibus, quod improbat. *1st. Thom. 1. q. 10. art. 1.*

*6. Phys. con-
text. 89.*

Tertio sic, omnis motus est in tempore, sed omni tempore conuenit accipere minus tempus in quo potest minus mobile moueri, ergo omni maiori mobili potest accipi minus mobile in infinitum, sed hoc est inconueniens, ergo.

Quarto sic, quod non possit moueri localiter, continuo arguitur sic ex dictis Commentatoris, quod successio in motu aut est ex resistantia mobilis ad motorem, vel medij ad mobile, vel medij ad motorem, sed nulla istarum causarum est in proposito, ergo.

*4. Phy. ca. de
vacuo, et
con. 71.*

Quinto sic, quae est proportio medij ad medium in raritate, vel subtilitate, vel densitate eadem est proportio motus ad motum in velocitate, & tarditate, illa est propositio Philosophi. Et applicatur ad propositum sic. Quae est proportio mobilis ad mobile in velocitate, eadem est proportio Angeli ad corpus in subtilitate, sed nulla est proportio Angeli ad corpus in subtilitate, ergo.

*4. Phy. con-
text. 71.*

Ad omnes istas rationes potest breuiter responderi secundum aliquos, quod verum concludunt de indiui-

Responsio
D. Thom. I.
par. summe q.
53. ar. 1.

sibili de genere quantitatis non tamen de indiuisibili de genere substantiæ sicut est Angelus, vide Aristotelem, quod recte est pro prima solutione. Sed forte istud non est verum secundum viam Philosophi, vbi dicit, quod sphaera mota super planum describit lineam in plano, & tamen non tangit nisi in puncto, dicitur hic, quod non est sphericum in natura.

6. Thy. con-
tex. 32.

Sed contra, quia celum simpliciter est sphericum: dico ergo aliter ad rationes Philosophi.

Opinio Scoti
& Varronis.

Ad primum secundum Varronem, & Scotum, quod illa partibilitas non est referenda ad ipsum mobile, sed ad ipsum spatium semper, ita quod illud spatium in medio se habet per respectum ad terminum ad quem, & a quo vt sit talis sensus, partim habet de termino ad quæ, & partim de termino a quo, sic etiam vult Philosophus illam partibilitatem intelligi, sicut refert Commentator cuius opinionis etiam fuit Commentator aliquando, vt ipsemet dicit.

Pertransiri
potest intel-
ligi duobus
modis.

Ad aliud dico, quod pertransiri potest intelligi dupliciter, vel pro diuisibili, vel indiuisibili. Si intelligitur pro pertransiri indiuisibili propositio est falsa, tunc enim oportet concedere, quod esset dare primam mutationem in motu locali, quod est contra Philosophum. Si autem intelligitur de pertransiri diuisibili tunc potest intelligi non de tota ratione totius, sed de tota ratione partis. Et illo modo potest concedi, maior sed non valet in proposito. Ad tertium concedo, quod in omni tempore dato contingit accipere minus tempus, sed ex hoc non sequitur, quod in isto minori tempore posset moueri minus mobile nisi loquendo de mobili continuo, quod ex parte sui est causa continuitatis motus.

Duplex per-
fectio.

Ad quartum, & quintum dico, quod ex quo Angelus non agit ex infinitate virtutis actiue, est ibi resistentia aliqua, quæ sufficit ad successionem motus.

Ad primum principale dico, quod duplex est perfectio, vna substantialis ad quam Angelus non mouetur, alia accidentalis, & illa potest Angelus carere, & ad eam moueri. Ad secundum dico, quod quantitas permanens non potest recipi in non quanto, sed quantitas successiua potest sicut est motus qui potest recipi in non quanto, ergo.

DISTINCTIO III.

An in angelo sit aliqua compositio?

*D. Bona 2. sententiarum distinct. 3. questio. 1.**Scotus in 1. sent. dist. 4. q. 3.**D. Thomas prima parte questio. 50. Articulus.**Richardus in secundo sententiarum distinct. 1. questio. 1.*

QVÆSTIO I.

HEC est ostensum est vbi. Circa distinctionem tertiam tractat Magister aliqua, quæ spectant ad Angelorum compositionem, & aliqua, quæ spectant ad Angelorum personalem distinctionem, aliqua quæ spectant ad Angelorum cognitionem, & aliqua quæ spectant ad Angelorum dilectionem. Et secundum illa quatuor variantur hic quæstiones.

Quantum ad primam materiam quaeritur, An in Angelo sit aliqua compositio? Et videtur, quod non, quia aut esset ibi compositio ex partibus quantitativis, & hoc non, quia est incorporeus, aut ex subiecto, & accidere, & hoc non, ex 12. Met. quia in eis est idem esse, & intel-
ligere. Aut esset ibi compositio ex esse, & essentia, & hoc non, quia non differunt per Commétatorem. 7. Metha. 7. Met. com-
aut esset ibi compositio ex materia, & forma, & hoc nõ, quia intelligentiæ sunt formæ sine materia. aut esset ibi compositio ex genere, & differentia, & hoc non, quia
genus, & differentia dicunt eandem rem secundum Aui-
cennam, ergo in Angelis nulla cadit compositio.

Contra, forma est actus, ergo pura forma est purus actus, sed nulla creatura est purus actus, ergo.

Confirmatur per Augustinum, vbi dicit, quod nulla creatura simplex est. Respondeo primo præmittenda sunt duo præambula secundum quæ declarabitur quæ-
stio. Quantum ad primum nota, quod compositio est idem quod cum alio positio, & secundum quod est mul-
tiplex gradus alietatis, ita est multiplex gradus alie-
sitionis. Est ergo prima alietas partium quantitativarum.

*Multiplex
gradus com-
positionis.*

Secunda alietas subiecti, & accidentis. Tertia esse, & essentia. Quarta alietas materiae, & formae. Quinta generis, & differentiae, ergo eodem modo est. Primo compositio partium quantitatiuarum. Secundo compositio subiecti, & accidentis. Tercio compositio esse, & essentiae. Quarto materiae, & formae. Quinto generis, & differentiae.

*Compositio,
& simplicitas
opponuntur.*

Secundū praeambulum est, quòd compositio, & simplicitas opponuntur, positio autem vnius oppositi est remotio alterius directe sibi oppositi, vnde compositio partium quantitatiuarum est remotio simplicitatis quantitatiuae, & sic de aliis. Sic ergo sunt in ista quaestione quinque articuli. Primo si in Angelo sit compositio partium quantitatiuarum. Secundo si in eo sit compositio subiecti, & accidentis. Tercio si in eo sit compositio esse, & essentiae. Quarto si in eo sit compositio materiae, & formae. Quinto si in eo sit compositio generis, & differentiae.

*Magister
sent. lib. 2.
dist. 8.
Supra Genesi
in lib. 3. cap.
4.*

Quantum ad primum articulum quamuis Magister dicat hic esse opiniones ambiguas: quia Augustinus videtur sentire, quod Angeli habeant corpora aerea, puto tamen, quod in Angelo nullo modo cadat compositio corporea, vel quantitativa. Et huius ratio est ista, circa naturam Angelorum standum est sententiae Dionysij, qui fuit discipulus Pauli, qui habuit ex reuelatione multa de Angelorum natura, sed ipse dicit, quòd Angeli non sunt corporei, ergo. Confirmatur per rationem Richardi. qui arguit de oblecto à legione, in quo erant sex milia sexingenti sexaginta sex demones. Aliqui tamen adducunt istam rationem. Si habeant corpora illa sunt nobiliora, quam corpora humana, quia sunt nobiliores formae, quod non videtur conueniens cum corpus humanum sit optime complexionatum. Dicit hic Aureolus, & bene, quòd ratio nō valet, quia nullū incōueniens est esse aliquod corpus simplex nobili⁹ quolibet corpore mixto, & forte calū est nobilius corpore humano. Si ergo ista conclusio debet resolui per rationem tūc probat eam Aureolus sic. Quando aliqua inveniuntur coniuncta, & unum illorum inuenitur separatum, & alterum potest inueniri separatum nisi sit accidens, sed ali-

*Dionysius de
divinis nomi-
nibus c. 7.
Lib. 1. de tri.*

*Responsio
Aureoli.*

qua substantia intellectualis inuenitur cōiuncta corpori, sicut patet in homine, & corpora inueniuntur separata sicut patet in lapide, ergo intellectualis erit per se separata sine corpore vel quantitate, & hæc erit angelus.

Sed forte ratio non valet quia potest dici ab aduersario quòd talis natura est Deus, nō angelus. Ideo est alia ratio melior talis. Duarum differentiarum sub aliquo genere si imperfectior cōstituit speciem in natura, ergo & nobilior, sed corporeum & incorporeum sunt differentia opposita sub genere substantia, corporeum cōstituit speciem, ergo & incorporeum.

Si vero obiicias per Augustinum super Gene. ad litteram. vbi dicit, quòd angeli sunt corporei. Dico quòd hæc conclusio est Platonis, non Augustini, nec Augustinus curauit eam reprobare, sed tantummodo recitare. Vnde Magister dicit, quòd Augustinus dicit hoc recitative non assertiue.

*Ratio melior.
3. libro de tri.*

*cap. 1. ponit
sub dubio.*

*Magister
Sent. lib. 2. q.
8. dicit quòd*

Quantum ad secundum articulum non est dubium de accidente corporali, quod patet ex articulo præcedenti, sed est dubium de accidente spiritali: puta de intellectione, si intellectio est idem essentialiter in angelo. Et videtur philosophus sentire quòd sic. Ad quod arguunt aliqui artistæ sic. Medium medians inter duo extrema est magis idem alteri extremo quam illa sint eadem inter se, sed intellectio qua intelligit angelus se per suam essentiam mediat inter intellectum angeli, & inter essentiam angeli intellectam, ergo intellectio angeli, & essentia eius sunt idem.

*Aug. nō ita
sentit, sed re-
citando forsi-
tan dixit.*

*12. met. cōtex
31.*

Ista opinio improbat in superius in prima ratione contra Auicennam. Require.

Ad argumentum artistarum patebit in illa questione, vtrum angeli cognoscant se per suam essentiam.

q. 5. artic. 2.

Quantum ad tertium articulum sicut doctores diuersimode dicunt de essentia, & esse, ita de compositione essentia, & esse. Est ergo vna opinio quæ dicit quòd in creaturis essentia, & esse distinguuntur præcise ratione. Primo: quia differunt sicut cursus & currere: sed cursus & currere differunt præcise ratione, ergo. Secundo quia essentia, & esse se habent sicut ens & vnum, sed ens, & vnum differunt sola ratione, vt probat philosoph. ergo.

*Hæc opinio
non tenetur a
Ricardo, Vi-
de in 2. distin.
3. q. 1.*

Tertio quia si essentia distinguitur ab esse realiter erit processus in infinitum.

4. met. con-
tex. 3.

Quæro ergo de illo esse si est idem realiter cum sua essentia: si sic eadem ratione fuit standum in primo, & haberetur propositum. Si non, quæro de illo, sicut de priori, & sic in infinitum.

Richar. lib. 2.
dist. 3. q. 1.

Contra illam opinionem arguit Richar. sic. Quæ differunt sola ratione vnum prædicatur de alio, exemplū de genere, & specie, sed illa est falsa prædicatio essentia est esse ergo.

Sed obiectio non valet, quia diuersus modus significandi, & non idemptitas formalis de qua dicitur infra: variat prædicationem sicut patet quia illa est falsa, cursus est currere, propter diuersum modum significandi. Ideo arguitur aliter sic. Quando aliqua sic se habent quòd ab vno sumitur ratio prædicabilis, ab alio vero nō, ista differunt non sola ratione, sed ab essentia sumitur ratio prædicabilis, ab esse vero non. ergo.

Ideo est alia opinio Thomæ quæ dicit, quòd differunt realiter: quia esse est aliquid impressum essentiæ sicut accidens est impressum subiecto. Ad quod Thomistæ adducunt diuersas rationes.

num.

Prima est talis. Illud quod est indifferens ad esse, & non esse, non potest esse idem realiter cum esse. Sed essentia est indifferens ad esse, & non esse: ergo. Secundo quod participat alio differt ab illo participato, sed essentia participat esse ergo.

Tertio sicut se habet generatio ad formam, & ad materiam, sic se habet creatio ad essentiam, & esse. Sed si materia esset idem realiter cum forma non posset saluari generatio, ergo si essentia esset idem realiter cum esse non posset saluari creatio, quòd est incōueniens. Quarto si essentia esset idem cum esse, tunc esset idem dicere: essentia est, & essentia est essentia, sed hoc est falsum.

Probatio minoris, quia hæc semper est vera, essentia est essentia. Sed hæc non semper est vera, essentia est, ergo.

Item quòd essentia sit essentia non habetur per creationem, quod vero essentia sit habetur per creationem.

Quinto si essentia & esse essent idem, tunc esse creaturæ esset fixum & stabilitum & per consequens nō esset dependens

dependens nec deficiens. In ista ratione fundat se multum Egidius.

Sexto sic, quodocunque est aliquid idem alicui non potest intelligi sub opposito illius: sed essentia potest intelligi sub opposito esse, ergo.

Vide Egidium in tractatu de essentia, et esse.

Septimo sic, essentia est in potentia ad esse & non esse, vel ergo sicut genus est in potentia ad differentiam, vel sicut materia est in potentia ad formam, & priuationem, non primo modo, quia vtraque differentia dicit aliquid positium, non esse autem dicit aliquid negatiuum. Restat ergo ut essentia sit in potentia ad esse & non esse sicut materia ad formam. Sed materia distinguitur realiter à forma, ergo. Istam opinionem non sequor, quia est clare contra Aristotelem & eius commentatorem septimo methaphysicæ, ubi querit utrum quidditas & id cuius est quidditas realiter distinguuntur. Et responder quod non, & probat id quatuor rationibus sicut patet inspiciēribus literam suam. Item quarto methaphysicæ querit utrum ens & vnum sint idem. Et responder quod sic, & probat illud tribus rationibus, ut patet ibidem. Dico ergo sequendo opinionē Henrici. Aliqua differunt realiter, sicut accidens & subiectū. Aliqua ratione, sicut diffinitio, & diffinitum, aliqua intentione siue formalitate secundū verba Scoti. Ista distinctio est minor quam distinctio realis, & maior quam distinctio rationis. Et illo modo quamuis esse, & essentia sint realiter idem distinguuntur tamen formaliter, de qua distinctione dictū est diffusius in primo. Sunt autē hic duo videnda, quid intelligitur primo per essentiam, & esse essentiae, & existentie. Et dico quod essentia dicit quidditatem nude acceptam sine omni respectu, sicut patet per Auicennā, ubi dicit, quod æquiuitas est tantum æquiuitas, nec est vna nec plures, esse vero essentiae dicitur in comparatione ad Deum sub ratione causæ formalis. Esse vero existentiae dicitur in comparatione ad Deum sub ratione causæ efficientis, & habet gradum determinatum.

7. met. consens. 20.

4. met. consens. 3

Henri. quolib. 1. q. 9.

Distinct. 8. c. 31. quod dicitur essentia.

5. met. cap. 1.

Esse existentia dicitur in comparatione ad Deum.

Secundo est notandum pro solutione argumentorū alterius opinionis, quod esse in potētia potest esse duobus modis. scilicet obiectiue, & subiectiue. Est ergo, aliquid in potentia subiectiue sicut materia est in potentia ad for-

Esse in potētia potest esse duobus modis.

nam, obiectiue, sicut creaturæ fuerunt in potentia ante creationem.

Tertio est notandum quod aliquid potest participare aliud subiectiue: sicut subiectum participat albedinem, & obiectiue sicut omnes colores participant albedinem.

*In Angelo
quomodo sit
compositio.*

Dico ergo quod in angelo est compositio ex esse & essentia tanquam ex duobus intentionaliter, vel formaliter vel modaliter distinctis.

*Esse indiffe-
rens potest esse
duobus mo-
dis.*

Ad primum argumentum alterius opinionis potest deduci ad oppositum sic. Quod est indifferens ad aliud non est idem cum eo, sed omne creatum cum possit non esse est indifferens ad esse, & non esse, ergo non est idem quod suum esse, quod tu negas. Dico ergo quod esse indifferens potest esse dupliciter. scilicet obiectiue, & subiectiue, & illo ultimo modo essentia & esse sunt indifferentia essentialiter loquendo. Sumendo autem maiorem pro indifferentia subiectiue sic est falsum.

Ad secundum si propter hoc quod essentia participat esse, non est idem quod esse, tunc cum esse sit quædam similitudo Dei, & per consequens participat esse, non erit idem quod esse, quod ipse negat. Ideo dico quod participare est dupliciter subiectiue, & obiectiua, primo modo est verum quod assumitur, secundo modo est falsum.

*Participare
est duobus mo-
dis, subiecti-
ue, & obiecti-
ue.*

Ad tertium dico quod non est simile, quia per generationem non acquiritur totum: sed necessario materia præsupponitur. In creatione autem nihil præsupponitur sed simpliciter totum producit. Ad quartum dico quod modus significandi vel non idempritas formalis impedit illam prædicationem. Ad quintum dico quod eo ipso, quod creaturæ habent esse participatum possunt deficere obiectiue & indigent virtute diuina conseruante.

Ad sextum dicitur, quod essentia dupliciter accipitur, vno modo in effectu, alio modo in conceptu, primo modo essentia non vere potest intelligi sub ratione non esse, secundo modo, sed tunc nihil ad propositum.

*Opinio Var-
ronis.*

Ad septimum dicit Varro, quod partim conueniat cum vno, & partim cum alio, conuenit enim cum genere in hoc, quia sicut genus, & differentie dicunt eandem rem sic esse, & essentia. Conuenit etiam cum ma-

teria in comparatione ad formam, & priuationem, quia sicut materia per priuationem habet non esse, sic essentia sub non esse habet non entitatem. Sed quod dicitur de genere, & differentia, quod dicant penitus eandem rem, non est verum sicut patebit in ultimo articulo istius questionis. Ideo posset negari maior, nam essentia non est in potentia ad esse, nec sicut genus ad differentias, nec sicut materia ad formam, ergo.

Quantum ad quartum articulum dicunt quidam sicut Thomas, & Aegidius. quod in Angelo non est compositio ex materia, & forma. Istam conclusionem probat Thomas sic, operatio rei sequitur eius substantiam, sed operatio angeli est immaterialis sicut est intelligere, ergo, & essentia.

Secundo sic. Dionysius dicit, quod substantiæ spirituales sicut sunt incorporales, ita & immateriales intelliguntur.

Tertio sic. Anima rationalis non habet materiam, ergo nec Angelus, consequentia patet, antecedens probatur per Tho. dupliciter.

Primo sic. Anima est forma, sed forma informat, ergo aut tota anima informat totum, aut pars partem, non primo modo, quia tunc materia informaret materiam. Si secundo modo tunc illam partem informantem voco animam, & partem informatam corpus. Secundo sic, quod recipitur in aliquo recipitur per modum recipiētis, sed spiritus sanctus recipitur in anima immaterialiter, ergo est immaterialis.

Quarto arguitur ad principale per Aegidium sic. Si in Angelis esset materia, tunc materia vnius esset distincta à materia alterius. Sed hæc materia distinguitur ab illa per quantitatem, & in Angelis non est quantitas, ergo nec materia. Quinto sic, materia est illud per quod res potest esse, & non esse, & sic est principium corruptionis cum sit in potentia contradictionis, sed in Angelis non cadit corruptio primo, ergo, &c.

Sexto sic. Si in Angelis esset materia aut esset eiusdem rationis cum materia inferiorum aut alterius, non primo modo, quia tunc Angelus esset corruptibilis, nec secundo modo, tum quia materia non dicit actum, & distinctio

*D. Thom. I.
par. summe
q. 50. ar. 2.*

*De diuinis
nominibus
cap. 7.*

*D. Thom. I.
par. summe
q. 75. ar. 5.*

*Aegidius in
materia de
Angelis.*

*7. Met. com-
tex. 53.*

fit per actum, tum quia essent plures materiae primae.

Item arguit Varro efficaciter pro illa conclusione.

*Opinio Var-
ronis efficax.*

Primo sic, nulla forma materialis est super seipsam reflexiva, sed Angeli, & animae sunt formae super se reflexivae, quia intelligunt se intelligere, ergo.

Secundo sic. Quando aliquid competit alicui ratione alicuius partis non competit ei primo, & per se. Sed si anima esset composita ex materia & forma, competeret sibi informare ratione formae, & non ratione materiae, & sic non esset per se, & primo forma corporis.

Tertio sic. Impossibile est, quod una forma det uni materiae esse incorruptibile, & alteri esse corruptibile, sed corpus corrumpitur per materiam, non tamen anima cum anima sit incorruptibilis.

Alia est opinio omnino in contrarium sicut Richar. & multorum aliorum, & est ratio potissima una eorum ista, propria passio alicuius non potest reperiri sine sub-

Richard. in iecto suo. Sed pati est proprium materiae, ergo non repe-
2. sen. dist. 3. ritur proprie realis passio in aliquo sine materia. Sed ani-
q. 2. ar. 1. mae & angeli secundum nostram fidem patiuntur passio-
ne reali, ergo.

*9. Met. com-
men. 2.* Item secundo sic, nihil est per se in genere substantiae nisi compositum ex materia, & forma, secundum Boetium. Sed Angelus est per se in praedicamento substantiae, ergo.

*In predicame-
to substantiae.* Tertio arguunt aliqui sic, quicquid est unum ex coniunctione potentiae, & actus est compositum ex materia, & forma, sed Angelus est huiusmodi, ergo. Ista ratio videtur mihi peccare in maiore per fallaciam consequentis, quia in plus se habet potentia, & actus, quam materia, & forma, quia actus & potentia ambiunt omne genus entis, materia vero, & forma non.

*1. de ani. con-
tex. 6.*

*Opinio Ma-
gis probabi-
lis.*

Si quis vult tenere istam secundam opinionem, quae meo iudicio est probabilior, potest dicere ad argumenta alterius opinionis.

Ad primum dicitur dupliciter. Primo sic, quod deficit, quia Angelus, & anima non solum intelligunt universale, & immateriale, sed etiam particulare, & materiale, secundo deficit sicut dicit Guil. corrector Thomae, quia aut intelligit in maiori de omni modo operationis, aut

Opinio Guil.

de aliquo. Si de omni tunc propositio est fallā, quia modus operationis est transiens, sed modus substantiæ est manens. Si intelligit de aliquo modo, aut de illo modo, aut de aliquo alio. Si de alio, tūc nihil ad propositū, si de illo tūc petit principiū. Et illa est via philosophi, cōtra illos, qui dicebant voluntatē simpliciter esse bonā. Potest dici, tertio modo per instantiā de visu, quod visio est immaterialis, & tamen potētia visiva est in organo materiali.

Primopriorum.

Ad secundū dico, quod Angelus est immaterialis per respectū ad nos non simpliciter, & ita intelligit Dionysius, & etiam Philosophus. vbi dicit, quod terra vt comparatur ad ignem est non ens quamuis in se sit ens.

I. De generatione, context. 18.

Ad tertium nego antecedens.

Ad primam probationem dicitur, quod, sicut solum compositum agit, & non forma nec materia, sed totum ratione materiæ, & formæ. Sic in proposito anima tota informat corpus ratione suæ formæ. Aliter potest dici, quod actus, & perfectio formæ dicitur per comparationem ad appetitum materiæ. Iste autem appetitus, vel excedit actum ipsius formæ, vel exceditur, vel adæquatur. Si exceditur sic non potest informare aliā materiā, sed accidit corruptio. Si autem adæquatur, sic est in corporibus supercelestibus. Si autem excedit, sic est anima. Et sic non est inconueniens, quod informet materiam animæ, & corporis.

Ad secundā probationem dicit Rich. & bene, per instantiam de specie, quæ recipitur immaterialiter in oculo, & tamen oculus est materialis.

Ad argumentum Aegidij, concedo, quod materia vnius esset distincta à materia alterius. Et cū dicit, quod hoc non sit nisi per quantitatem, dico quod hoc est falsum sicut declarabitur in quæstione sequenti. Et probatur, quia aut intelligit, quod quantitas immediate ante formam substantialem sit in materia, & distinguat, & tūc talis intellectus est falsus, & contra Philosophum, vbi dicit, quod materia cum forma est causa eorum, quæ insunt. Aut intelligit, quod sequatur formam substantialem, & tunc potest habere veritatem de formaeducta de potentia materiæ, sed Angelus non est talis forma, vt patet per id quod dictum est.

I. Phys. context. 2.

Dist. 14.

Materia dicitur actus entis. Quomodo dicitur duae materiae.

2. De ani. cont. 136.

Opinio Auic. 3. Met. cap. 1.

Opinio Theologorum.

Ad aliud argumentum Thomae, quod probat, quod anima non habet materiam, potest dici, quod illa materia non est eiusdem rationis cum materia inferiorum quamuis Scotus hic sentiat oppositum. Sed de hoc infra dicetur. Eodem modo ad sequens cum dicitur aut illa materia est eiusdem rationis, aut alterius, dico, quod non est eiusdem rationis. Tu arguis contra, quia materia non dicit actum, dico, quod quamuis non dicat actum formalem, dicit tamen actum entis. Et cum ultra dicis, tunc erunt duae materiae primae, concedo, quia una est spiritualium, & alia corporalium.

Ad aliud dico, quod quamuis materia corporalis impediat reflexionem potentiae super actum, non tamen materia spiritualis qualiter est in proposito. Aliter potest dici negando maiorem, quia est contra Philosophum, ubi probat, quod sensus sentit se sentire, & tamen est materialis. Ad iextum dico, quod quando aliquid competit alicui ratione partis non ultimate actuantis, isto modo maior est vera. Sed informare competit animae ratione partis principaliter eam actuantis.

Ad ultimum concedo maiorem quando forma eque immediate perficit istas materias, sed non est sic in proposito, nam anima perficit materiam propriam immediate, sed corpus mediante aliqua forma substantiali educta de potentia materiae unde argumentum esset demonstrativum posita unitate formae substantialis in homine, de quo alias erit sermo.

Quantum ad quintum articulum opinio Philosophorum maxime. Aui quod non, quia Angeli (quos ipse dicit intelligentias) sunt necesse esse, & necesse esse non est compositum ex genere & differentia, sicut ipse probat. Sed ista opinio habet maiorem falsam, quia Angeli non sunt necesse esse, sed solus Deus est necesse esse.

Ideo est opinio Theologorum, qui secundum, quod diuersimode loquuntur, de natura generis, & differentiae, ita diuersimode dicunt in proposito. Illi enim qui dicunt, quod natura generis, & differentiae sumitur ab eadem realitate, negant compositionem illam, & dicunt, quod est ibi compositio tantum ex duobus con-

ceptibiliter distinctis. Et hæc est opinio Aureoli. Cuius ratio est ista. Quæ differunt penes implicitum, & explicitum, terminatum & interminatum sumuntur ab eadem realitate. Sed genus, & differentia sunt huiusmodi, ut patet per Auicennam. Contra, sumo minorem sub maiore tua sic, materia, & forma differunt penes terminatū, & interminatum, ergo dicunt eandem rem, quod improbabat Philosophus. Illud autem quod assumitur per Auicennam non est ad propositum, quia hic sumimus genus pro genere naturali. Auic. autem loquitur ibi de genere logico, unde s. methaphisice dicitur sic. Genus in hac parte nō signat nisi intentionem logicam. Est ergo opinio Sco. quam sequor, quod genus, & differentia sumuntur ab alia, & alia realitate, hoc probat Sco. tū, quia genus alias cōplete diffiniret, tū, quia in diffinitione esset nugatio.

Ego autem confirmo illam conclusionem dupliciter primo quia color est qualitas, aut ergo color est color in quantum qualitas, & sic omnis qualitas erit color, per argumentum Philosophi. Aut per aliam realitatem superadditam, & habetur propositum.

Secundo sic, illud quo aliqua conueniunt non sumitur ab eadem realitate cum illo quo ipsa distinguuntur, sed diuersæ species conueniunt in genere, & differunt per differentias, ergo.

Confirmatur per Philosophum ibi, ad Parmenidem, ubi vult quod partes diffinitionis sunt aliæ, quare ibi. Dico ergo, quod in Angelis est compositio generis, & differentiarum, & sic patet ad quæstionem.

Ad argumentum principale concedo, quod ibi non est compositio ex partibus quantitatis, est tamen ibi compositio ex subiecto, & accidere, puta ex intellectione, & intellectu. Et Philosophus, qui allegatur in contrarium negatur. Etiam est ibi compositio ex esse, & essentia, tanquam ex duobus modaliter, vel formaliter distinctis, ut dictum est in tertio articulo. Etiam est ibi compositio ex materia, & forma.

Ad Philosophum dico, quod loquitur de materia corporali, ulterius est ibi compositio ex genere, & differentia. Ad Auicennam patet per illud quod dictum est in secundo articulo.

Opinio Aureoli.

s. met. cons. de diffinitione.

7. Met. cons. 37.

3. Met. in prin. serisi cap.

Opinio Sco. lib. I. distin. 8. q. 3.

I. Priorum de reduplicacione.

I. Phys. cons. 41.

An substantia materialis sit indiuidua per aliquam
entitatem propriam determinantem
naturam ad singulari-
tatem?

Scotus secundo sent. dist. 3. quest. 6.

QVÆSTIO II.

POST Angelorum compositionem oportet
videre Angelorum personalem distinctio-
nem, sed hoc nobis innotescit per rationem
indiuidualem. Et primo oportet hoc inue-
stigare in substantiis materialibus. Et quæ-
ritur, an substantia materialis sit indiuidua per aliquam en-
titatem propriam determinantem naturam ad singulari-
tatem?

Et videtur, quod non, quia tunc illud determinatiuū
diceret supra naturam determinatam materiam, vel for-
mam, vel compositum. Sed nullum istorum dicitur, quia
vel essent plures materiae, vel formae, vel composita, ergo.

Præterea tunc singulare esset compositum ex natura
determinata, & determinante, & tunc sequerentur tria
inconuenientia.

1. *Phy. cont.*

49.

Primum, quod singulare esset per se intelligibile,
quod est contra Philosophum.

7. *Met. cont.*

35.

Secundum quod de singulari esset scientia per se, &
demonstratio, quod est contra Philosophum.

Tertium, quod singulare esset per se diffinibile, quod
est contra Philosophum. Omnia ista inconuenientia
probantur per hoc, quia istud determinans se haberet
ad naturam determinatam sicut differentia ad genus:
Sed, quia differentia dicit aliam rem à genere, & deter-
minat genus, & constituit speciem, ideo species est per
se diffinibilis, demonstrabilis, & scibilis, ergo.

*Hæc ratio
coegit Nico-
laum Bone-
tum concede-
re singulare
definiri.*

In contrarium omne inferius includit per se aliquid
quod non includitur per se in intellectu superioris. Sed
indiuiduum est inferius ad speciem, ergo includit ali-
quam entitatem, quæ nō includitur in specie, siue in na-

tura Sed illud videtur esse principium indiuiduationis, ergo.

Responsio, hic sunt quinque articuli. Primo si natura seipsa est indiuidua, secundo si est indiuidua per negationem, tertio si est indiuidua per quantitatem, quarto si est indiuidua per materiam, quinto si est indiuidua per entitatem propriam quæ dicitur gradus intrinsecus naturæ.

Quantum ad primum articulum est opinio Aureoli, & multorum, quod natura seipsa est indiuidua sicut se ipsa est natura. Quod probatur quadrupliciter.

*Opinio Au-
reoli.*

Primo sic, ita se habet communitas, & singularitas ad naturam sicut esse in intellectu, & esse verum extra animam. Sed quod res habeat verum esse extra animam est ex se, quod autem habeat esse in intellectu est causa ipse intellectus, ergo communitas in natura erit ab intellectu, & singularitas ab ipsamet natura formaliter.

*Gothfred.
quolib. 6. q.
16. Et quo-
lib. 7. q. 5.*

Secundo sic, eadem sunt principia unitatis, & indiuiduationis. Sed natura seipsa est vna, ergo seipsa est indiuidua.

*Vide Ae-
gidium.*

Tertio sic. Substantia vniuscuiusque rei est propria illius cuius est, & non inest alteri, sed omne tale est ex se indiuiduum, ergo.

Quarto sic. vnitas numeralis est vnitas realis, sed natura seipsa est vna vnitate reali, ergo.

Contra illam opinionem arguo primo sic. Obiectum in quantum obiectum est naturaliter prius ipso actu, sed in illo priori obiectum est per se singulare per te, ergo intellectus intelligens aliquod obiectum, sub ratione vniuersalis intelligit, sub ratione opposita suæ propriæ rationis quod est falsum.

Opinio Scoti.

Secundo sic, cui competit vnum oppositorum ei de se repugnat alterum. Sed naturæ de se competit vnitas naturalis per te, ergo ei ex se multitudo numeralis repugnat, quod est falsum.

*Quomodo
vnitas realis
scilicet ab
vnitate nu-
merali.*

Tertio arguit sic Scotus. Cuius vnitas realis minor est vnitate numerali, illud non est de se vnū vnitate numerali. Sed vnitas realis in hoc indiuiduo est minor vnitate numerali, ergo. Probatio minoris. Si vnitas realis est alia ab vnitate numerali, constat statim, quod est minor, pro-

*10. met. cont.
7.*

batur autem, quod vnitas realis est alia ab vnitate numerali a Scoto multipliciter.

7. *Phys.* 43.

et in 7.

Phys. com.

29. et 31.

5. *Met. cont.*

9. et 10.

Primo per Philosophum, vbi dicit, quod in omni genere est vnum primum, quod est mensura omnium, quę sunt illius generis. Sed illa vnitas est realis non numeralis. Probatio minoris, quia in indiuiduis eiusdem speciei non est hoc prius, & illud posterius, sed mensurans est prius mensurato, ergo. Secundo sic, Philosophus dicit, quod in specie fit comparatio, in genere autem non. Et ratio est ibidem per eum, quia species dicit naturam vnā, genus autem non. Et intendit ibi Philosophus, quod species sit vna vnitate reali non numerali. Tertio sic, Philosophus dicit, quod idem simile, & æquale fundantur super vnum. Sed illa vnitas est realis non numeralis, ergo. Probatio minoris quia nihil vnum vnitate numerali est simile, vel æquale sibi ipsi. Quarto sic, vnus oppositionis realis sunt duo extrema opposita realia. Sed contrarietas est oppositio realis, ergo vtrumque extremum est vnum vnitate reali, & non vnitate numerali, quia tunc præcise hoc album esset contrarium huic nigro, quod est inconueniens. Quinto sic, vnus actionis sensus est vnum obiectum secundum vnitatem realem non numeralem, & ergo alia est vnitas realis, quam numeralis consequentia patet. Probatio antecedentis, quia potentia cognoscens hoc obiectum hac vnitate vnum cognoscit ipsum distinctum à quolibet, quod non est hac vnitate vnum. Sed sensus cognoscit obiectum, inquantum est distinctum à quolibet, quod non est vnū illa vnitate numerali, ergo. Vltimo sic. Si omnis vnitas realis est numeralis, ergo omnis diuersitas realis, est numeralis. Sed hoc est falsum, ergo & illud. Probatio falsitatis, quia omnis diuersitas numeralis, vt sic est equalis, & sic omnia essent æqualiter distincta; & sic intellectus nō posset plus abstrahere à sorte, & Platone, quàm à sorte, & linea, consequentia probatur, quia vnus, & multa sunt opposita. Sed quotiens dicitur vnum oppositorum totiens dicitur, & reliquum. Ista omnia probantur per Avicennam, vbi dicit sic. Si quis interrogat nos de æquiuocitate quid sit, respondebimus, quod ipsa est æquiuocitas tantū nec plures, nec vna, nec vniuersalis, nec par-

5. *Met. cont.*

12.

5. *met. cont.* 1.

ricularis. Et infra clarius dicit sic, ponemus de humanitate duas cōsiderationes. Primam de ipsa, secundū quod est ipsa, vnde si quis interrogaret nos an humanitas, quæ est in Platone ex hoc quod est humanitas sit alia ab ea, quæ est in sorte, dicemus, quod non, nec oportebit consentire ei vt dico, ergo hæc, & ista sunt vnum numero.

Ad argumenta alterius opinionis. Ad primum dico, quod maior est falsa, quia non ita se habet communitas naturæ extra intellectum, & vnitas in re, nam vnitas realis communis est aliquid extra intellectum, esse vero in anima non est nisi operatione intellectus.

Nota, quod vniuersale duo includit. Primum est, quod substratum vniuersalis non sit hoc, vel illud, sed quasi commune, & indifferens ad vtrunque, & hoc est quasi materiale.

*Vniuersale
duo includit.*

Secundū actualis relatio, quā habet ad omnia de quibus dicitur, & hæc est completiua, & formalis ratio vniuersalis. Primum habet à natura. Secundū habet per actū intellectus. Licet ergo natura specifica de se habeat primam conditionem vniuersalis, non tamen habet secundam, quæ est completiua, & formalis, nisi per actum intellectus, & hoc est quod dicit Commentator, quod intellectus causat vniuersalitatem in rebus.

*I. De anim.
com. 8.*

Ad secundum dico ad minorem, quod natura seipsa est vna vnitate reali, non vnitate numerali.

Ad tertium dico, quod ibi arguit Philosophus contra ideam Platonis. Et tunc dico, quod si accipitur pro subiecta prima ex quo est indiuidua non inest alteri, sed est propria eius cuius est per gradum determinantem.

Ad quartum dico, quod maior est falsa sicut patet per sex rationes, quæ sunt factæ contra istam opinionem, quæ est Scori.

Quantum ad secundum articulum est opinio Henrici, quod indiuiduum est indiuiduum per aliquod negatiuum, scilicet per rationem vnus. Vnitas enim non dicit nisi priuationem, quia si diceret rationem positiuam, aut diceret eandem rationem, quam dicit ens, & sic esset nugatio dicendo ens vnum, aut aliam, & tunc esset entitas addita entitati in quolibet, quod est inconueniens.

*Henri. quo-
lib. 5. q. 8.*

Contra istam opinionem arguitur primo sic, natura est indiuidua per illud quod sibi formaliter repugnat, diuidi in plures partes subiectiuas. Sed illud non est negatio, ergo natura non est indiuidua per negationem.

Probatio minoris, nulla imperfectio repugnat alicui formæ nisi propter aliquam perfectionem, quæ est aliquid positium. Sed diuidi est quædam imperfectio, & ideo non potest competere naturæ diuinæ, ergo.

Exemplum.

Confirmatur, quia quantuncumque negatio tollat potentiam proximam ad agere, vel pati, non tamen ponit formalem repugnantiam illius entis. Exemplum, si substantia intelligitur non quanta non est diuisibilis potentia propinqua, tamen non sibi repugnat diuidi, quia tunc repugnaret sibi accipere quantitatem.

Cap. de substantia.

Secundo nihil per negationem constituitur formaliter in entitate perfectiori, quam sit entitas præsupposita negationi. Sed prima substantia est maxime substantia, & perfectissima, ergo prima substantia si est indiuiduum non constituitur in esse per negationem, quæ præsupponit substantiam secundam.

7. Met. context. 26.

Tertio sic, indiuiduum per illud quo distinguitur formaliter & principatiue ab alio indiuiduo. Sed vna negatio, ut sic, non distinguitur ab alia, ergo.

Quarto sic, prima substantia per se generatur, & per se operatur. Sed illa non competunt alicui per negationem, ergo.

4. Met. context. 3.

Quinto, & ultimo sic, quia assumptum videtur esse falsum, videlicet, quod vnum sit priuatio cum sit passio adæquata, entis positiui. Et per hoc potest patere ad rationem opinionis. Aliter tamen potest dici, quod non videtur ratio quin indiuiduum habeat causam positiuam per quam insit ei illa duplex negatio: nam vnitas specifica pari ratione significaret duplicem negationem, & tamen nullus negat entitatem positiuam esse rationem entitatis specificæ a qua sumitur ratio differentię specificæ.

Egidius & Gotsfre. quo li. 6. q. 16 & quolib. 7. q. 5. 5. met. cap. de quanto.

Quantum ad tertium articulum est opinio Egidij, quod indiuiduum est indiuiduum per quantitatem, quod probatur primo sic. Quando aliquid competit alicui pri-

mo, & per se cuiuscunque alteri competit, competit ei per rationem illius. Sed diuidi in plures partes competit primo, & per se quantitati ex quinto metaphys. ergo cuiuscunque competit hoc est per rationem quantitatis. Sed natura specifica diuiditur penes indiuiduum, ergo hoc erit per quantitatem.

Secundo sic, iste ignis non differt ab alio igne, nisi quia forma differt a forma. Sed forma non differt a forma nisi quia recipitur ab alia, & alia parte materiæ. Sed ista alietas est per quantitatem, ergo iste ignis distinguitur ab isto per quantitatem. Terrio sic, generans generat aliud propter distinctionem materiæ. Sed materia generati naturaliter præsupponit quantum alias agens naturaliter ageret in non quantum, non autem naturaliter præsupponeret quantitatem nisi esset per se distinctiua, ergo. Contra opinionem arguitur quatuor viis. Primo ex idempritate rationis numeralis, & hoc dupliciter. Primo sic. Impossibile est indiuiduum formaliter esse indiuiduum per id quo ablato remanet idem indiuiduum numero. Sed ablata quantitate potest indiuiduum manere numero, ergo.

Probatio minoris: quia non est contradictio, vel non est impossibile quod Deus substantiam illam quantam quantitate conseruet eam & informet alia quantitate, nec propter hoc substantia illa mutabitur mutatione substantiali, quia non est mutatio nisi a quantitate in quantitatem. Si dicas argumentum non valet; quia assumit miraculum. Contra, miraculum non est respectu contradictoriorum: quia ad contradictoria nulla est potentia. Sed contradictio est quod manente eadem substantia sit hoc per illud & non per illud, ergo. Secundo sic manente eo quo aliquid est formaliter tale impossibile est ipsum non esse tale. Sed panis est hic panis per quantitatem per te, ergo manente eadem quantitate impossibile est ipsum non esse hunc panem, & sic tollitur transubstantiatio panis in corpus Christi vbi manet eadem quantitas, & tamen non idem panis.

Secunda via contra illam opinionem sumitur ex ordine substantiæ & accidentis. Ex qua via arguitur primo

Mutatio non est nisi in quantitate.
6. Ethicorū.

7. Met. con-
tex. 4.

*Quomodo sub
stantia sit
prior quanti-
tate.*

est prior omni accidente natura tempore & diffinitione ergo est prior quantitate, & sic non indiuiduatur per eam. Respondetur, quod licet substantia sit quantitate prior in essendo, non tamen indiuiduando. Contra, eodem modo substantia est prior omni accidente quo est subiectum omnium accidentium, sed non est subiectum omnium accidentium nisi in quantum hæc, ergo ut hæc præcedit simpliciter omne accidens.

*7. met. con-
tex. 4.*

Secundo sic, quod est prius alio duratione potest esse sine illo. Sed substantia est prior omni accidente duratione, ergo potest esse sine eo, & sic non indiuiduatur per accidens siue per quantitatem. Tertia via sumitur ex coordinatione prædicamentali. Ex qua arguitur sic. in quolibet ordine prædicamentali sunt omnia pertinentia ad illam coordinationem circumscripto omni alio, quod non est aliquid illius coordinationis essentialiter. Sed ad coordinationem prædicamentalem, sicut pertinet ad primum prædicatum de quo nihil prædicatur ita pertinet ad infinitum subiectum cui nihil subiicitur, ergo singulare est in qualibet coordinatione circumscripta quacunque alia coordinatione.

Ca. de specie.

*Autor re-
prehendit
Egidium.*

Probatio minoris patet: quia coordinationes prædicamentales sunt primo diuersæ. Secundo sic, in qualibet coordinatione circumscripto quocunque alio alterius coordinationis est ratio speciei. Sed de ratione speciei est quod sit prædicabilis de pluribus numero differentiibus per Porphyrium, patet igitur quod in qualibet coordinatione est per se indiuiduum de quo species prædicatur. Et non valet fingere sicut fingit Egidius, quia hoc est propter extensionem quantitatis quæ est modus derelictus in materia a quantitate & est idem realiter cum ipsa materia, hoc inquam non valet, quia impossibile est quod causatum a posteriori essentialiter sit idem realiter cum eo quod est prius essentialiter. Sed materia est prior essentialiter quantitate, ergo impossibile est quod iste modus derelictus a quantitate in materia sit idem realiter materiæ.

*Materia quo-
modo sit prior
quantitate.*

Præterea, quid est quantitatem derelinquere talem modum aut enim est aliquid causare aut nihil. Si nihil tunc non est signatio per quantitatem, sicut tu fingis. Si

autem est aliquid causare quare ad quod genus causæ reducitur, non enim videtur reduci nisi ad genus causæ efficientis. Sed quantitas non est forma actiua, vt communiter tenetur, ergo.

*Quantitas
non est forma
actiua.*

Quarta via sumitur proprie ex ratione quantitatis. Ex quo arguo sic. Quantitas qua substantia indiuiduatur aut est quantitas terminata aut interminata, non terminata, quia illa sequitur formam esse in materia & per consequens singularitatem substantiæ. Nec est interminata, quia ista manet eadem in generato & corrupto, & sic generatum & corruptum essent idem numero. Si dicis quod non sequitur, quia quantitas est causa singularis præsupposita unitate specifica. Generatum autem & corruptum non sunt eiusdem speciei.

Contra, ponatur quod ex aqua generetur ignis, secundo quod ex igne generetur aqua, & in prima & in secunda aqua est idem quantitas specifica & remanet eadem quantitas interminata, ergo adhuc stat argumentum.

Secundo ex eadem via arguitur sic, quia sequitur ad eam error Auerrois quod sit scilicet vnus intellectus numero in omnibus. Probatio consequentiæ quia indiuiduatio & multiplicatio indiuiduorum per te fit per quantitatem. Sed intellectus non est quantus.

*3. de anima
com. 5.*

Rationes autem non concludunt. In primis non concludit prima, quia assumit maiorem contra textum Philosophi. Ait enim sic quinto metaphisicæ. Quantum est quod est diuisibile in ea, quæ in sunt. Secundo quia non potest stare cum dictis suis, arguo enim sic cum dictis suis. Quod habet propriam extensionem, habet propriam diuisionem. Sed materia habet propriam extensionem aliam ab extensione quantitatis per te, ergo habet propriam diuisionem.

*5. Met. cap.
de quanto.*

Tertio quia non est ad propositum, quia quantitativa diuisio est ad partes integrales nos autem loquimur de diuisione speciei in partes subiectiuas.

Et si arguas quod Porphyrius dicit quod species est atomica & in diuisibilis dico quod verum est de diuisione penes diuersitatem specificam: non autem de diuisione speciei in diuersitatem numeralem.

*Cap. de specie.
An species
sit indiuisibilis.*

Ad secundum cum dicitur ignis distinguitur ab igne,

quia forma distinguitur à forma, concedo. Sed cum dicitur, forma distinguitur à forma per materiam, dico quòd falsum est & contra philosophũ secundo Physicorum, contra Commentatorem primo & secundo de anima, & contra Auicennam, sicut declarabitur in sequenti articulo.

2. met. cap.

ultimo.

Ad tertium concedo quòd generans generat de materia quanta, vt est in corrupto non in genito.

D. Tho. 1. par

te Sum. q. 7.

art. 1. & 2.

5. met. con-

tex. 12.

7. Met. con-

tex. 28.

12. met. con-

tex. 49.

1. celi cõtex.

29. Et 99.

1. de anima

context. 52.

cap. ultimo.

Quantum ad quartum articulum est opinio Thomæ, quòd indiuiduatio siue multiplicatio indiuiduorum fiat per materiam quod probatur multis auctoritatibus philosophi. Ait enim quinto metaphisicæ, vnum numero sunt quorum materia est vna. Item septima metaphisicæ, dicit. Generans generat aliud propter materiam. Tullius enim & sortes diuersa sunt propter materiam. Item 12. methaphisicæ dicit quòd non possunt esse plures celi, quia quæcunque sunt multa numero habent materiam. Item primo celi & mundi, cum dico hoc cælum dico formam in materiam.

Contra istam opinionem arguo primo per commentatorem j. de anima dicit. n. sic, quòd membra cerui nō differunt à membris leonis nisi quia anima differt ab anima. Item secundo de anima improbat illam opinionem ex proposito in secundo & quarto commento, & est ratio sua illa. Indiuiduum non est indiuiduum nisi quia est in actu, sed indiuiduum non est in actu nisi per formam, ergo.

Præterea istam opinionem improbat Auicenna secundo metaphisicæ, & adducit tres rationes: prima. Materia non est materia nisi quia ei inest virtus receptionis & adaptationis. Sed adaptatum in quantum adaptatum non est causa essendi illud ad quod est adaptatum.

Secunda ratio talis est. Inconueniens est quod essentia quæ est in potentia sit causatiua rei quæ est in effectu, sed essentia materiæ est in potentia, ergo.

Tertia ratio est. Illud in quo nulla est diuersitas & distinctio non potest esse causa diuersitatis & distinctionis. In materia nulla est distinctio, vel diuersitas, ergo.

Hæc ratio

Scoti multum

cogit aduer-

sus D. Tho.

Præterea arguit Scotus contra illam opinionem sic. Materia est eadem in generato & corrupto, ergo habet eandem

eandem singularitatem in generato & corrupto, & sic generatum & corruptum erit idem numero. Quid autē sit dicendum ad auctoritates philosophorū quā videntur esse pro illa opinione patebit in sequenti articulo.

Quantum ad quintum articulum est opinio Sco quā *Opinio Scoti.* teneo, circa quam ponam vnam conclusionem, secundo declarationem, tertio obectorum remotionem.

Conclusio est ista, quod substantia materialis est indiuidua per entitatem positiuam determinantem naturam ad sui singularitatem & potest dici gradus intrinsecus naturæ. Ista conclusio probatur sic. Sicut vnitas in cōmuni consequitur per se aliquam entitatem, sic vnitas indiuidualis consequitur per se entitatem, sed non consequitur per se entitatem naturæ, quia naturæ est propria vnitas realis, ex primo articulo, ergo consequitur aliquam entitatem determinantem illam, & ista faciet per se vnum cum entitate naturæ. Secundo sic, Omnis differentia differentium reducitur ad aliqua primo diuersa, sed indiuidua propriè differunt, ergo eorum differentia reducitur ad aliqua primo diuersa. Sed ista primo diuersa non sunt natura in illo & in isto quia non in eodem conueniunt aliqua & differunt, ergo oportet vt sit aliquid aliud. Sed non possunt esse negationes, ex secundo articulo, nec quantitas siue accidentia ex tertio, nec materia ex quarto articulis. ergo erunt aliquæ entitates positivæ per se determinantes naturam, quod est propositum. Tertio sic, sicut se habet natura generis ad differentiam specificam, sic quidditas ad differentiam indiuidualem, sed natura generis contrahitur per differentiam specificam, ergo.

Secundo oportet istam opinionem declarare maxime quæ sit ista entitas a qua sit vnitas indiuidualis. Et est sciendum quod sicut differentia specifica potest comparari, vel ad illud quod est infra se, vel ad illud quod est supra se, vel ad illud quod est iuxta se. Eodem modo & differentia indiuidualis recipit illam triplicem comparisonem; & est tunc inter differentia specificam & indiuidualem conuenientia & differentia, nam si differentia specifica comparetur ad illud quod est infra se, tunc sicut entitati illius differentia specificæ repugnat

Quæ sit ista entitas a qua sit vnitas indiuidualis.

Differentia indiuidualis excludit omnē diuisionē. diuidi essentialiter in plura specie, & per hoc repugnat toti cuius ista entitas est per se pars. Ita etiam differentia indiuiduali repugnat diuidi in partes subiectiuas & per ipsum repugnat talis diuifio toti cuius ista entitas est pars. Differentia autem est in hoc, quia ista differentia indiuidualis excludit omnem diuifionem naturæ tam numeralem quam specificam, differentia autem specifica quamuis excludat diuifionem specificam non tamē diuifionem naturæ in partes subiectiuas. Si autem comparentur differentia specifica & indiuidualis, ad illud quod habent supra se est conuenientia, & differentia.

Que fit entitas specifica.

Conuenientia, quia sicut realitas à qua sumitur differentia specifica est actualis respectu realitatis à qua sumitur genus & determinat eam. Sic differentia indiuidualis est actualis respectu realitatis specificè & determinat eam. Sed est dissimile, primo quia differentia specifica aliquando sumitur à parte essentiali, aliquando verò ab vltima realitate formæ, differentia verò indiuidualis semper sumitur ab vltima realitate formæ quæ dicit conceptum simpliciter simplicem. Est autem alia differentia, quia differentia specifica est quædam entitas quidditatiua & constituit compositum in esse quidditatiuo, differentia verò indiuidualis est primo diuersa ab omni entitate quidditatiua, & quia a philosop. forma frequenter vocatur quidditas & ideo apud eum gradus siue differentia indiuidualis non vocatur forma sed materiale. Et propriè vocatur ab eo materia. Et per illud patet ad auctoritates philos. quæ erant in præcedenti opinione. Vocat. n. materiam gradum indiuidualem. Si verò comparentur ad illud quod habet iuxta se dico quod sicut differentia specifica sumpta ab vltima realitate est primo diuersa ab omni alio, ita differentia indiuidualis est primo diuersa ab omni alia.

Forma quomodo vocetur quidditas.

Autor nunc remouet quatuor obiectiones.

Tunc oportet remouere tertio quatuor obiectiones quarum prima est ista. Quod si est aliqua vnitas realis minor vnitate numerali: vt supponis in prima ratione, aut est alicuius in eodē numeraliter, aut in aliquo alio, non in eodem numero, quia quicquid est in eodem numero est vnum numero, non in duobus, quia in eis nihil est vnum numero.

Secunda est ista, differentia indiuiduales sunt alterius rationis cum sint seipsis primo diuersæ, ergo & constituta erunt alterius rationis quod est inconueniens. Probatio consequentia, quia non est maior distinctio in principiis quam in principiatis. Tertia est ista. Ab ista differentia potest abstrahi ratio entis & tunc quaeritur quomodo indiuiduatur, quia aut a seipsa, & pari ratione fuit standum in prima, aut ab alia: quæram de illa sicut de priori in infinitum.

Quarta est ista, quia quaeritur de isto gradu vel differentia indiuiduali si sit materia, vel forma, vel compositum, quodcumque detur sequitur inconueniens. Quia si iste gradus sit materia erunt duæ materiae, si forma erunt plures formæ, si compositum erunt plura composita, hæc omnia sunt absurda, ergo nullum istorum est, sic nihil est.

Ad primum concedo quod vnitas realis non est aliquius entitatis in duobus indiuiduis sed in vno.

Et cum obiicitur, quicquid est in eodem indiuiduo numero est idem numero.

Respondeo tripliciter, primo per interemptionem sicut patet per Auicennam.

Secundo per instantiam à simili sic. Quicquid est in vna specie est vnum specie. Sed color in albedine est vnum specie, ergo non habet aliam vnitatem minorem vnitatem specifica, non sequitur.

Tertio sic, sicut corpus dicitur animatum denominatiue, homo autem dicitur animatus primo & per se, sic ergo potest dici vnum vnitatem numerali primo & per se secundario & denominatiue.

Primo modo est differentia contrahens per se, secundo modo natura potentialis contracta.

Ad secundum nego consequentiam, quod patet in simili de differentiis specificis quæ sunt alterius rationis & tamen species constitutæ non sunt alterius rationis in genere. Tu probas quod non est maior distinctio in principiis, quam in principiatis, dicitur quod aliqua esse æqualiter distincta potest intelligi dupliciter, vel quia æqualiter impossibilia, vel quia æqualiter in nullo conueniunt, primo modo con-

*Aliqua esse
æqualiter di-
stincta pos-*

*sunt duobus
modis consi-
derari.*

*In 1. sen. di-
stinc. 3.*

præceditur propositio, sed non est ad propositum, se-
cundo modo negatur, sicut patet per instantiam adiecta
de differentiis specificis.

Ad tertium dico quod sicut ab ultimis differentiis
non potest abstrahi ratio entis distincta in quid de eis
dicta, sed denominatiue, ut patet. Ita etiam nec ab istis.

Ad vltimum dico quod sicut omnis entitas quiddi-
tatiua est prior hac vel ista entitate & indifferens ad eas.
Ita materia vel forma vel compositum eo modo quo
dicunt quidditates sunt priora illa differentiis quæ est
ultima eorum realitas. Et sic concedo quod ista diffe-
rentia nec est materia, nec forma, nec compositum,
sed vltima, realitas & actualitas materiæ, formæ & com-
positi. Et per hoc patet ad primum argumentum prin-
cipale.

*An singula
res sit per se
intelligibile.*

Ad secundum concedo primum consequens quia
non est mihi inconueniens, concedo etiam quod sin-
gulare est per se intelligibile, sed si non intelligitur hoc
est ex defectu intellectus nostri, & sic intelligitur phi-
los. Secundum & tertium consequens nego.

Ad probationem dico quod non valet, quia similitu-
do est falsa, quia differentia specifica ut constituit spe-
ciem dicit quidditatē respectu cuius est scientia & dif-
finitio, differentia verò indiuidualis est primo diuersa
ab omni entitate quidditatiua, quia intelligendo, quæ-
cunque entitatem quidditatiuam & limitatam non ha-
betur in eius intellectu, vnde ipsa sit hæc.

An in vna specie Angelica sint, vel esse possint plures
Angeli solo numero differentes?

D. Bona. 2. senten. distinc. 9. q. 1. Artic. 1.

Scotus 2. senten. distinc. 3. q. 7.

D. Thomas prima parte questio 50. Articulo 4.

Ricardus 2. senten. distinc. 3. q. 2.

Franciscus de Mayromis 2. sent. distinc. 3. q. 2.

Durandus 2. sententiarum distinctio 3. q. 3.

QVAESTIO .III.



CONSEQUENTER ad istam quaestionem quaeritur. An in vna specie angelica sint vel esse possint plures Angeli solo numero differentes? Et videtur quod non. quia in separatis a materia idem est quidditas. & illud cuius est quidditas. Sed Angeli sunt separati a materia, ergo in eis idem quidditas, & illud cuius est quidditas. Sed omnis differentia secundum quidditatem est specifica; ergo angeli differunt specie.

7. Met. com.
20. 21. & 41

Præterea differentia formalis est specifica, sed omnes angeli differunt formaliter ergo. Probatio minoris. tum quia formæ sunt sicut numeri, & vnus numerus differt specificè ab alio. tum quia 1^o metaphysica. dicitur quod masculus & femina non differunt specie, quia differunt materia; & differentia materialis non est specifica.

7. Met. con-
1. x. 10.
10. Met. con-
lex. 25.

Præterea omnis forma separata a materia habet in se totam perfectionem suæ speciei. Sed Angelus est huiusmodi ergo habet in se totam perfectionem suæ speciei, & sic non sunt plures in eadem specie. Præterea multitudo indiuiduorum sub eadem specie est propter saluationem speciei cuius indiuidua corrumpuntur ex secundo de anima, vnde in corporibus celestibus quia non est corruptio in eis, est tantum vnus in vna specie sicut vnus sol. Sed species angelica non habet indiuidua quæ corrumpantur, ergo est tantum vnus angelus in vna specie. Contra; Angelus & anima sunt natura pares. Sed plures animæ sunt in eadem specie, secundum Augustinum, ergo & plures angeli.

2. De anima
comex. 92. &
inde.

Responsio, hic sunt tres articuli secundum tres opiniones quarum duæ sunt extremæ, & tertia media.

Lib. 3. de lib.
ro arbitrio.

Prima est opinio antiqua quam recitat Vatro quod omnes angeli sunt eiusdem speciei, quod probatur, primo sic. Ruina angelica est reparanda per homines, sed omnes homines sunt eiusdem speciei. ergo.

Opinio Var-
ronis.

Secundo sic. sicut se habet accidens naturale ad potentiam naturalem, sic accidens supernaturale ad potentiam supernaturalem. Sed omne accidens naturale eiusdem

Que sint accidētia supernaturalia.

rationis arguit, vel requirit potentiam naturalem eiusdem rationis, ergo accidens supernaturale eiusdem rationis requirit potentiam supernaturalem eiusdem rationis. Sed accidentia supernaturalia: puta gratia & gloria sunt eiusdem rationis in omnibus angelis, ergo & potentia sunt eiusdem rationis & per consequens essentia.

D. Thom. 1. parte summe q. 50. artic. 4.

5. Met. context. 12.

Egidius quo lib. 2. q. 7.

Alia est opinio Thom. quod non sunt plures angeli in eadem specie, nec esse possunt: sed vnusquisque facit suam speciem, quod probatur sic. Multiplicatio indiuiduorum sub eadem specie fit per materiam, ex quinto metaphysicæ, sed in angelis non est materia, ergo. Eandē conclusionem tenet Egidius & probat eam sic. Multiplicatio indiuiduorum fit per quantitatem, sed in angelis non est quantitas, ergo.

Richar. 4. de trin.

Confirmatur illa conclusio per rationem Richar. si positis extremis oportet ponere medium, sed sunt plures personæ in vna natura sicut in trinitate, & plures naturæ in vna persona, vel supposito sicut in homine, ergo est dare medium in quo est vna persona in vna natura, & hoc est angelus. Sed omne tale per se distinguitur ab omni alio, ergo vnusquisque angelus per se distinguitur specie ab omni alio. Sed hæc opinio continet aliqua falsa, vt patebit in tertia opinione, nec rationes concludunt.

Artic. 4.

Solutio Varrois.

Prima non, quia accipit minorem dubiam multis qui ponunt in angelis materiam. Maior etiam simpliciter est falsa, vt probatum est in quæstione præcedenti. Similiter secunda ratio non concludit, quia habet maiorem falsam. vt patet ex tertio articulo præcedētis quæstionis.

Ad rationem Richard. soluit Varro quia Richard. non plus intendit concludere nisi quod in angelis sit tantum vna natura ita quod quilibet angelus habeat tantum vnā naturam, sed ex hoc non sequitur propositū scilicet, distinctio specifica sicut patebit soluendo.

Ad tertium principale potest aliter dici & melius, quod tale medium non est naturale: sed dependet a causa causante, voluntarieque potest facere vnū & reliquum & ponere medium, & non ponere, sicut statim postea dicitur.

Dico ergo secundum tertiam opinionem mediando *Quæstio potest esse de possibili, vel de facto.* Si sit *esse de possibili,* concedo partem affirmatiuam, *li, vel de facto.* scilicet, quod possunt esse plures angeli in eadem specie, tum propter articulum excommunicatum qui dicit formam non multiplicari sine materia, error est, tum quia nullam contradictionem implicat, nec a parte causæ cum sit potentiæ infinitæ, nec a parte effectus, cum nulla quidditas sit sua singularitas, ex primo articulo præcedentis quæstionis. Omne autem tale qua ratione potest esse in vno, pari ratione potest esse in aliis pluribus, secundum viam Auicennæ, vnde est mihi ista regula, quod cum loquor de potentia Dei quāuis non credam deficere, tamē si deficio citius volo deficere in plus quam in minus ei attribuendo. Si vero quæstio sit de facto tunc distinguo: quia aut quærit sententiam affirmatiuam, vel probabilē. Si primo modo fateor me nescire: tum quia sic ponit Magister in ista distinctione circa medium secundi c. tū quia ipsarum intelligentiarum causa j. voluntas diuina est mihi incognita, & esse angelorum incognitum, quia nulla substantia mouet ad sui cognitionē pro statu isto, quia tunc possemus naturaliter cognoscere absentiam panis in eucharistia, quod est falsum.

*1. Met. cap. 5.
Opinio pia
authoris.*

*Voluntas di-
uina est inco-
gnita nobis.*

Si autem quæras de quæstione probabiliter loquendo, dico quod plures angeli sunt in eadem specie, quod probatur primo sic. Omnis quidditas quantum est de se est communicabilis, sed nulla quidditas est communicabilis idemnitate numerali nisi sit infinita, ergo quælibet quidditas alia est communicabilis cum distinctione numerali, quod est propositum.

*Quomodo plu-
res Angeli
sint in eadem
specie.*

Secundo sic, quælibet quidditas creaturæ potest intelligi sub ratione vniuersalis, sed si ipsa esset de se hæc contradictio esset ipsam intelligere sub tali ratione, ergo nō est de se hæc, & per consequens est multiplicabilis in plura individua.

Tertio sic, animæ intellectiue distinguuntur numero in eadem specie, alias sequitur error Auerrois de vnitatem intellectus: Sed quicquid concluderet istam impossibilitatem ex parte angelorum cōcluderet etiam ex parte animarū, ergo. Si dicas quod non valet, quia animæ

*3. De anima
con. 5.*

habent inclinationem ad corpus, & per hoc distinguuntur. Contra, inclinatio non est entitas absoluta sed relatiua, ergo non est ratio essendi hanc animam, sed supponit eam sicut absolutum præsupponitur relationi.

I. Cælicortex.

76. vsque ad 90.

Quarto sic, Commentator. j. cæli, & mundi, qui ponit mundum factum ad exemplar creatoris qua ratione ponit vnum eade ratione ponit plures. Sed quilibet Theologus ponit angelum factum secundum exemplar creatoris, ergo.

Quære D.

Thom. in 3.

distinc. 20.

& magister

Sent. in 2. di-

stinc. 21. &

D. Bonau. in

præsentia quæ-
stionum.

Confirmatur conclusio, quia secundum aliquos alterius opinionis inconueniens est vnâ totam speciem esse damnatam: tunc autem multe species essent simpliciter damnatae.

Ad rationes primæ opinionis. Ad primum dico, quod illa assumptio non est per naturam, sed per gratiam, & merita, & ideo non oportet, quod sit ista proportio.

Ad secundum dico quod duplex est potentia, vna transmutatiua, alia subiectiua. Argumentum bene currit de potentia transmutatiua, non autem de potentia subiectiua. Eadem enim superficies est in potentia receptiua ad albedinem & nigredinem.

Ad primum principale potest negari minor primi sigilli ex prima quæstione huius distinctionis. Aliter potest dici quod minor est falsa de quidditate potentionali non concurrente: altera differentia specifica quamuis sit vera de quidditate, quæ est necesse esse, & illo modo intelligunt philosophi.

Ad secundum dico quod differentia formalis potest accipi vel pro differentia in forma, vel pro differentia formarum, si primo modo maior est vera, minor falsa. Si secundo modo minor vera maior falsa.

Ad probationem dico quod illa comparatio vadit sub primo modo pro differentia in forma.

Ad secundam probationem dico quod est fallacia consequentis, vel enim philo. quod differentia formale non est specifica: sed ex hoc non sequitur quod differentia non specifica est non formale.

Ad tertium principale potest primo negari minor. Aliter potest dici ad maiorem quod ipsa est falsa, & petit principium nisi per materiam intelligatur entitas indiui-

duatis, & tunc non est contra me.

Ad vltimum dico, quod illa non est totaliter causa, sed aliquid. Sed cum adducis exemplum de corporibus celestibus, dico, quod argumentum secundum theologos esset ad propositum: quia stante illo sole, & isto mundo Deus posset producere vnum mundum, vt patuit supra, in principio secundæ questionis.

Artic. 4.

An Angelus possit se cognoscere per
essentiam suam?

Secutus 2. sententiarum distinc. 1. q. 8.

D. Thomas 2. parte q. 54. Artic. 28.

Durandus 2. sententiarum distinc. 3. q. 6.

Ioannes Baccominus 2. sentent. distinc. 4. q. 1.

QVÆSTIO IIII.

SEQVITVR videre de angelorum cognitione. Circa quam quærentur tria. Primo utrum angelus cognoscat se per suam essentiam. Videtur quod non, quia si intelligeret se per suam essentiam hoc non esset propter aliud nisi quia intelligens, & intellectum sunt simul, sed hoc non iudat, quia in anima sunt ista duo, & tamen non intelligit se per suam essentiam vt patet per philosophum 3. de anima. Anima inquit intelligit se sicut, & alia, alia autem intelligit per speciem.

3. De anima
context. 15.

Præterea essentia angeli est singularis, sed singulare per se non est ratio intelligendi, ergo. Præterea ita præsens est intellectui angelico actus intelligendi sicut essentia. Sed actus intelligendi non intelligit per essentiam, ergo nec essentiam suam. Probatio minoris, quia aut intelligit actum suum quando est, aut quando non est. Si quando non est habere propositum. Si quando est tunc duo actus essent simul in eadem potentia, quod est factum, ergo. Præterea receptivum oportet denudari a natura recepti, & sic potentia cognitiua debet denudari ab eo, quod est ratio cognoscendi. Sed angelus in quantum cognitiuus non denudatur ab essentia sua, ergo

essentia sua non est ratio cognoscendi, & intelligendi seipsum.

*Quomodo An-
gelus sit, quod
medium.*

Contra, quanto forma est actualior tanto est actiuior. Sed essentia angeli est actualissima, ergo maxime actiua, & sic est ratio cognoscendi seipsam. Præterea angelus est medium inter Deum & animam: sed Deus intelligit se per essentiam suam, & alia, anima vero intelligit se, & alia per speciem, ergo angelus, qui est medium intelligit alia a se per speciem, & per essentiam. Responsio hic sunt duo videnda. Primo, quæ sit causa intellectio- nis, secundo propositum.

*Opinio Au-
gustini.
15. de tri. cap.
4. & super
Gene.*

Quantum ad primum sunt diuersæ opiniones: vna quæ imponitur beato Augustino, scilicet quod totalis causa est intellectio- nis anima, non obiectum, quod probatur primo sic. Agens est præstantius patiente, sed corpus non est præstantius spiritu, ergo corpus non potest agere in spiritum, & per consequens obiectum non poterit causare intellectio- nem in anima.

Secundo sic operatio vitalis debet esse effectiue à principio vitali. Sed accidit obiecto, quod viuat, ergo nõ potest esse causa intellectio- nis, quæ est operatio vitalis.

*9. Met. con-
tex. 16.*

Tertio sic, forma quâto est perfectior tanto est actua- lior, sed anima est actualissima, ergo maxime actiua, ergo seipsa poterit in suam actionem: cum hoc poterit formæ imperfectiores sicut formæ elemētorum. Quarto sic.

*9. de tri. capit.
ultimo.*

Actio proprie dicta manet in agente, sed intellectio ma- net in intellectu, ergo est ab intellectu effectiue.

Quinto sic. Actio proprie dicta denominat agens: sed intelligere denominat hominem secundum partem in- tellectiuam, ergo. Contra illam opinionem arguitur per eundem Augustinum. Omnis inquit res, quam co- gnoscimus congenerat in nobis suâ notitiâ. Ab utroque enim paritur notitia, scilicet a cognoscēte, & a cognito.

Respondent glosando Augustinum quod ipse intelli- git terminatiue non effectiue.

Contra quod se habet in ratione parentis non habet se terminatiue, sed obiectum habet se in ratione paren- tis, quia ab utroque paritur notitia, ergo.

*II. De trin.
cap. 2.*

Præterea. Ex visibili, & vidente gignitur visio.

Præterea arguitur sic ratione tantum sunt quatuor,

genera causarum per se: ex quibus forma habet esse per productionem, & finis sequitur productionem rei, ergo quando duæ causæ priores: puta materia, & efficiens sunt perfectæ, & approximatae, & non impeditæ potest sequi effectus, ergo si anima est causa totalis actualis notitiæ genitæ, & ipsa materia est disposita, sequitur, quod semper erit actualis intellectio, quod est inconueniens.

Alia est opinio Gotfredi, quod intellectus non habet actiuitatem respectu intellectionis, quod probatur sic, mouens, & motum debent esse distincta subiecto, quod ergo est in potentia ad recipiendum intellectionem nō est causa actiua intellectionis, quia alius idem esset in potentia, & in actu. Sed intellectus recipit intellectionem, ergo non est causa actiua intellectionis, ergo.

Opinio Gotfredi.

Secundo sic, materia, & efficiens non coincidunt in idem, ex 2. phisicorū. Sed intellectus est quasi causa materialis, & receptiua intellectionis, ergo non est efficiens.

Tertio sic, relationes oppositæ non sunt composibiles in eodem. Sed relationes mouentis, & moti sunt oppositæ, ergo non sunt composibiles in intellectu. Sed intellectus mouetur ab obiecto, ergo non mouebit se causando intellectionem, quid ergo effectiue causabit intellectionem? Respondet quod idem obiectum secundum rem efficit intellectionem, & volitionem in quantum relucet in fantasmate. Qualiter autem fantasma sit possibile mouere intellectum possibilem cum sit in eadem essentia animæ, & non distinguitur subiecto. Dicunt quod anima potest considerari dupliciter, vel secundum essentiam: & sic non est principium alicuius operationis, vel secundum potentias, & tunc aliqua potentia est, quæ determinat sibi aliquam partem corporis. Aliqua vero nō determinat sibi aliquam partem corporis: primo modo est fantasma, secundo modo intellectus, quia igitur fantasma determinat sibi partem corporis, intellectus vero non, ideo comparatur ad ipsum ac si distingueretur ab ipso subiecto, & potest ipsum mouere.

*2. Phys. con-
tex. 70.*

An phantasma moueat intellectum possibilem.

Anima consideratur duobus modis.

Contra istam opinionem arguitur primo sic. Effectus equiuocus non excedit causam in perfectione, sed intellectio est nobilior fantasmate, ergo. Secundo sic, actus discursiuus, & comparatiuus debet esse à causa

*Contra opinio-
nem Goelefredi.*

non discursiua, nec comparatiua, sed intellectio est tale actus, fantasinata autem non discurret, nec sillogizat, nec comparat, nec format relationes rationis, ergo. Tertio sic, tunc sequitur quod in angelo in quo non est fantasina non esset noua intellectio, quia mouens, & motum non essent distincta subiecto. Quarto contra illam opinionem possunt adduci rationes fundamentales primæ opinionis. Tertia est opinio Henrici, qui dicit, quod duplex est intellectio, vna simplex, & confusa altera discursiua, & distincta, respectu primæ intellectus est passiuus, respectu secundæ intellectus est actiuus.

*Opinio Hen-
rici, quod du-
plex sit intel-
lectio.*

Contra, aut intellectus factus in actu secundum notitiam primam confusam est actiuus virtute sui respectu intellectionis secundæ, aut virtute notitiæ primæ confusæ. Si primo modo videtur conueniens, quod intellectus de se potest esse actiuus respectu secundæ, & non respectu primæ, quia prima est perfectior secundæ, & eiusdem rationis cum sint eiusdem obiecti. Si ergo potest esse causatiuus respectu primæ de se multo magis respectu secundæ. Si secundo modo, contra nullum imperfectius potest esse formalis ratio causandi actum perfectiorem, sed cognitio distincta est nobilior cognitione confusa, ergo. Quarto est opinio Thom. & Egidij qui dicunt intellectum esse pure passiuum, discordat autem isti. Quia Tho. dicit quod obiectum determinat intellectum & est ratio gignendi intellectionem. Egidius autem ponit illud speciem existentem in intellectu, vel in sensu. Pro illa opinione arguitur per Commentatorem. Intellectus inquit se habet ad formas materiales vniuersales sicut materia ad formas indiuiduales. Et iterum dicit, quod sicut materia in genere entium, ita intellectus noster in genere intelligibilium. Et philosoph. dicit, quod intellectus nihil est eorum quæ sunt ante intelligere, & 8. phisicorum dicit, quod intellectus ante habitum est in potentia essentiali. Ex quo concluditur intellectum esse pure passiuum. Et confirmatur hæc ratio sic. Agens indeterminatum non potest in actionem determinatam nisi per aliquod determinetur. Sed intellectus de se est indeterminatus ad omnem intellectionem, ergo oportet ponere aliquod determinatiuum, quod est obiectum

*D Thom. 1.
parte Summe
q. 79. artic. 2.*

*3. De anima
commen. 5.*

*3. De anima
contex. 5.
8. phys. con-
tex.*

vel species. Præterea sicut factio est formaliter per formam, qua faciens assimilatur factio. Ita actio est per formam, qua agens assimilatur obiecto. Sed illud est species, ergo. Contra istam opinionem sunt eadem difficultates, quæ sunt positæ contra secundam. Ideo est alia opinio Sco. quam teneo. Quia ad intellectum concurrunt duæ causæ partiales integrantes vnam totalem, scilicet intellectus, & obiectum vel aliquid supplens vicem obiecti. Quia autem concurrat intellectus patet per rationem contra opinionem secundam. Et etiam quia tunc non posset saluari imago trinitatis in mente: quia nihil ipsius mētis haberet rationem parentis. Quia autem concurrat obiectum patet: tum quia actus est similitudo obiecti, tum quia actus distinguitur secundum distinctionem obiecti, tum quia non esset perfectior intellectio perfectioris intelligibilis posito (quali conatu ex parte potentie, & sic non esset perfectior intellectio Dei quam muscæ, quod est contra philosoph. potentem felicitatem in speculatione Dei: tum quia tunc esset infinita actiuitas in intellectu inquantum eliet actiuus respectu omnium intelligibilium: quia ad vnam intellectiōem requiritur alia perfectio in causa, quam sit respectu alterius intellectiōis, & sic continet virtualiter perfectiones causarum propriarum, & ita habens infinitas causalitates respectu infinitarum intellectiōnum est infinitum. Qualiter autem istæ duæ causæ concurrant distingo de pluribus causis concurrentibus ad effectum eundem, quia quædam concurrunt ex equo sicut duo trahentes vnum pondus, quædam verò non ex equo sed secundum ordinem, & hoc dupliciter, vel sic quod inferior moueatur à superiore, & recipiat virtutem motiuam a superiore sicut manus mouet baculum cum quo mouet lapidem. Quædam verò concurrunt secundum ordinem non quod superior moueat inferiorem, nec quod det ei virtutem agendi perfectiorem, sed superior de se habet perfectiorem virtutem agendi quam inferior, & inferior habet imperfectiorem: sicut forte est de patre, & matre respectu prolis. Et illo modo concurrunt illæ duæ causæ, quia neutra sine altera potest in effectum totalem. Et si quæras,

*Opinio Scoti
quod ad intellectum
concurrunt
duæ causæ
partiales
integrantes
vnam totalem.*

*10. ethic. ar.
phil. 10.*

*De causis concurrentibus
ad eundem
effectum.*

2. de anima
contex. 60.

quæ sit principalior, dico quod intellectus, tum quia intellectus est illimitatus, obiectum verò non. tum quia intellectu agente ad intellectionem obiectum coagit, & non econuerso. Intelligimus enim quādo volumus, ex 2. de anima, tum quia intellectus est actualior, & quanto est aliquid actualius tanto actiuus. Si verò obiicias contra illa primo. In causis essentialiter ordinatis neutra est perfectio alterius. Sed species est perfectio intellectus, quia est eius forma, ergo non concurrit cum eo ad intellectionē. Secundo sic, vnius operationis oportet dare per se vnum principium. Sed intellectus, & species siue obiectum faciunt per accidens vnum, ergo nō sunt causæ intellectionis, quæ est vna operatio per se.

Ad primum dico, quod accidit speciei in quantum est altera causa partialis, quod perficiat intellectum, sicut si acuties cultelli poneretur in manu ad scindendum accideret manui talis acuties.

Ad secundum dico, quod vnius operationis est vna per se causa in suo ordine, sicut etiam homo generat hominem, & sol, & illæ duæ causæ non faciunt vnum nisi vnitatem ordinis quælibet tamen in suo ordine causandi est vna simpliciter.

Corpus non
agitur in spiri-
tum virtute
sua actiua na-
turali, & na-
turaliter, sed
tanquam in-
strumentum
diuine insti-
tutis, vide D.

Augustinus su-
per Genesim
capit. 12. Et

Scorum 6. q.
quod. 1. in 1.
sent. distin. 3.
q. 7.

Ad argumenta primæ opinionis istius primi articuli concedo quod corpus non potest agere in spiritum, ut principalis causa. Ad secundum concedo, quod operatio vitalis est a principio vitali, ut a causa principali, sed cum illa concurrit obiectum, ut secundaria causa.

Ad tertium dico, quod potentia intellectiua ex perfectione sua ordinatur ad habendum perfectionem, & operationem circa totum ens, & quia non est infinita, ideo non potest in se habere totum ens, ergo ex perfectione intellectus habet actiuitatem, sed tamen non omnimodam, ideo concurrit obiectum, non sic autem est de aliis formis, quia earum operationes sunt limitatæ, & ex eorū operibus non potest argui infinitas.

Ad quartum, & ad quintum dico, quod benè concludunt intellectum habere aliquam actiuitatem respectu intellectionis, quod concedo. Ad argumenta secun-

Aliquid esse
in actu potest
tionē cum dicitur idem esse in actu, & in potentia, dico

quod aliquid esse in actu potest intelligi dupliciter, vel, *intelligi duobus modis.*
 quod sit in actu virtualiter tale, vel quod sit in actu formaliter tale. Et eodem modo potest dici de potentia, *Quomodo actus, et potentia non sunt compossibilia*
 unde actus, & potentia vniformiter accepta non sunt compossibilia in eodem, sed, quod aliquid sit in actu virtualiter tale, & in potentia formaliter tale, hoc bene est possibile. Aliter potest dici ad maiorem per Commentatorem, quod quamuis ista maior habet probabilitatem in corporalibus, est tamen falsa in spiritualibus. Aliter potest dici quod est vera in causis vniuocis, est autem falsa in causis æquiuocis. Et hæc solutio redit in idem cum prima. Et ista est intentio Philosophi, vbi dicit quod mouens necesse est habere vniuocum, & hoc dicit ibidem D. Thomas in expositione, vide ibidem.

Ad secundum dico, quod materia ex qua non coincidit in idem cum efficiente, sed materia circa quam potest coincidere. *Vide D. Tho. ibidem.*

Ad tertium dico, quod relationes, de secundo modo relatiuorum, quædam sunt causæ, & causati, quæ sunt in compossibilibus simpliciter, quædam sunt producentis, & producti, & istæ sunt in compossibilibus in eodem supposito, non autem in eadem natura, quando natura est illimitata simpliciter, sicut patet in Deo, quædam sunt relationes mouentis, & moti, & quia in illa relatione non est dependentia essentialis, ideo huiusmodi relationes non repugnant nec in eadem natura nec in eodem supposito. *An relationes, de secundo modo sint in compossibilibus.*

Tertia opinio non adducit argumenta ad quæ oporteat respondere.

Ad auctoritates quartæ opinionis de similitudinibus Comment. dico, quod non sunt omnimode similes, sed aliquales. Est enim similitudo quantum ad receptionem, non autem quantum ad actionem.

Ad primam auctoritatem Arist. quæ facit magis dubium dicunt aliqui intellectum possibilem esse puram potentiam. *Ad primam auctoritatem Arist.*

Contra pura potentia non est receptiua accidentis. Sed intellectus recipit species, ergo. Ideo dico, quod intellectus est nihil eorum quæ sunt ante intelligere. *Pulchra expositio verborum Arist.*

re, id est non est intellectiuius sui ante intellectiōem alicuius fantasiabilis, quia nihil intelligimus sine fantasmate.

3. De ani.
conex.

Indetermi-
natio duplex
est.

Ad primam probationem dico, quod indeterminatio est duplex, quodam potentie actiue, quodam potentie passiue, primo modo est Sol, secundo modo materia, indeterminatum autem isto secundo modo oportet determinari per aliud, sed primo modo non; & talis determinatio competit intellectui.

Ad secundum dico, quod similitudo obiecti concurrat ut causa partialis.

Henri. quo
li b. 5. q. 14.

Opinio Var-
ronis.

9. Met.

Quantum ad secundum articulum est vna opinio Henrici, quod Angelus non cognoscit se per suam essentiam, sed per habitum scientialem in quo presentatur essentia sua, sicut & essentia aliorum. Sed quia illa opinio communiter non tenetur, & patebit magis in questione sequenti, ideo hic pratermittatur. Sed est vna alia opinio quam recitat Varro, quod Angelus intelligit se per suam essentiam, quod declaratur sic. Quanto aliquid est magis absolutum a materia tanto magis est intelligibile obiectiue, & actiue, quia immaterialitas est causa intellectiōis per Auic. Sed Angelus est maxime absolutus a materia, ergo est maxime intelligibilis obiectiue, ita & actiue. Et tunc ultra. Sicut est intelligibilis obiectiue, ita & actiue, sed obiectiue est intelligibilis per essentiam suam, ergo, & actiue. Et addit illa opinio. quod cum Angelus intelligit se per suam essentiam intellectiō non distinguitur ab essentia, & potentia, quia actus recipit speciem ab obiecto, & a subiecto, tum quia medium non est minus idem alteri extremo quam extrema sunt eadem inter se. Intellectiō autem mediat inter potentiam, & essentiam intellectiuiam, quae sunt idem. Vtcrius ex illo dicto sequuntur duo, vnum quod Angelus semper intelligeret se, quia ex quo intellectiō idem est cum essentia, & essentia semper manet, ergo & intellectiō. Secundum quod sequitur est, quod Angelus intelligeret plura, ut plura, ut potest enim intelligere aliud a se, & cum hoc semper intelligit se.

Ex dicti Hē-
rici duo se-
quuntur.

Duobus me-
dis ipsemet.

Contra istam opinionem arguit ipsemet opinans dupliciter. Primo sic. Quod est proprium Dei non com-
petit

petit creaturæ, sed intellectionem idem esse cum essentia est proprium Dei, ergo non competit creaturæ siue angelo, secundo adducitur inconueniens iam tactum, scilicet, quod Angelus intelligeret plura, vt plura.

opinans argum.

Ad primum dicit, quod proprium est Dei, quod intellectio sui, & aliorum sit idem cum essentia, hoc autem non competit angelo, quia intellectio angelorum non est idem cum essentia sua.

Ad secundum dicit, quod non est inconueniens angelum intelligere plura, si talia habent connexionem inter se, & ad eum.

Contra istam opinionem arguit Varro primo sic. Nichil est quod seipsum gignat per Augustinum, sed intellectus angelicus gignit sui notitiam, siue intellectionem, ergo ista intellectio non est idem cum ipso.

1. de tri. c. 1.

Secundo sic Augustinus dicit. Quando anima amat se alia res est amans alia amor, ergo similiter est ex parte intellectus angeli. Tertio formatur ratio sic. Cum angelus habuerit inordinatam dilectionem sui peccando, si iste actus est idem cum essentia sua, & essentia fuit immediate creata a Deo, sequitur, quod fuisset creatus a Deo cum aliqua malitia, quod videtur absurdum, sicut patebit.

9. de tri. c. 2.

Item si propter annexionem angelus posset intelligere plura cum omnia entia vniuersi sint ad idem, vel adinuicem connexa, tunc posset angelus simul omnia intelligere, & totum vniuersum.

4. & 5. distinc.

Ad primam rationem opinionis cum dicitur quod actus accipit speciem ab obiecto nego secundum idempnitatem, concedo autem secundum specificationem, quia aliud, & aliud obiectum, & alio, & alio modo specificatum.

Ad aliud de medio potest dici vno modo quod intellectus non mediat sed est sicut extremum quod causatur ab utroque. Aliter potest dici distinguendo de medio, quod est medium per participationem extremorum sicut patet in coloribus, & de hoc verum est, quod assumitur.

Medium duplex vide Sco. in 1. distinc. 7.

Alio modo est medium per abnegationem sicut est intellectio, & de tali medio est falsum.

Est ergo tertia opinio concordans cum precedenti

Opinio

in prima conclusione quam teneo, quod angelus intelligit se per suam essentiam ita quod essentia sua, est ratio cognoscendi.

Ut sepius dictum est in 1. distine. 3. et 14. q. quolibet. 15.

Istam conclusionem probat Scotus primo sic. Omnis causa partialis, quæ est in actu perfecto sibi proprio potest causare sibi correspondentem effectum, & quando est vnita alteri causæ partiali potest cum ea perfecte causare. Sed essentia angeli est de se in actu perfecto correspondente obiecto, vt obiectum habet causalitatem partialem, vt declaratum est in primo articulo, ergo ipsa vnita alteri causæ partiali puta intellectui potest habere perfectum actum intellectionis respectu sui. Secundo sic, non minoris efficacix est essentia angelica quàm species rei sensibilis: sed species rei sensibilis præsens intellectui est sufficiens ratio cognoscendi se, ergo non minus essentia angelica præsens intellectui est ratio cognoscendi se.

Contra ista dicta obiicitur.

Contra ista dicta obiicitur, primo nihil est alicui ratio operandi operatione immanente nisi informet illud: sed essentia angeli non informat intellectum angelicū, ergo non est ei ratio operandi operatione immanente sicut est intellectio.

Secundo sic. Si ratio secunda valet videtur quod quælibet entitas sit per se ratio intellectionis, cum ipsa etiam nō sit minoris efficacix quam sua species. Ad primum dico quod si ponerem intellectum esse causam totalem intellectionis, argumentum esset difficile, sed tenēdo vt posui in primo articulo, quod intellectus habet suā causalitatem, non oportet, quod obiectum informet intellectum nec econuerso: quia neutrum dat alteri actum partialem pertinentem ad suam causalitatem partialem.

Nulla substantia à nobis pro statu isto est per se intelligibilis.

Ad secundum dico, quod non est simile de intellectu nostro & angelico pro statu isto, quia nulla substantia nobis est pro statu isto per se intelligibilis. Tunc enim possemus naturaliter cognoscere abentiam substantiæ panis in corpore Christi. Et si intellectus noster intelligeret pro statu isto sine fantasmate, difficile esset soluere.

Ad primum principale potest concedi quod anima intelligit se per essentiam suam nisi habet impedimentum: sed pro statu isto habet impedimentum, quia non

immutatur primo nisi a fantasiabili, hoc autem impedimentum non est in angelo.

Ad secundum potest primo simpliciter negari minor, *Quare singulare nō intelligatur.* quia singulare cum per se includat rationem entis quod est primum obiectum intellectus nostri poterit per se intelligi, quod si non intelligitur, hoc est propter defectum intellectus nostri, qui tamen defectus non reperitur in angelo. Aliter dicitur, quod minor est falsa de singulari immateriali, vera autem de singulari materiali. Ad tertium dico, sicut ad primum. Ad quartum negetur maior si simpliciter sumitur, quia sequitur quod intellectus esset nihil cum intelligendo reciperet ens, & denunderetur ab ente: unde ista maior potest concedi in potentiis organicis, tamen hoc habitu, quod sit potentia non organica, non oportet ipsam esse tale realiter quale est cuius debet esse receptivum, sicut est intellectus.

An ad hoc, quod Angelus distinctè species creaturarum alias à se cognoscat, requiratur necessario, quod proprias, & distinctas rationes cognoscendi eas habeat.

D Bona. 2. sentent. distinct. 3. q. 1. Artic. 2.

Scotus 2. sentent. distinct. 3. q. 10.

D Thomas prima parte questio 55. Articulo 3.

Richardus 2. sentent. distinct. 3. q. 2.

Durandus 2. sententiarum distinctio. 3. q. 6.

Ioannes Baconianus 2. sentent. distinct. 6. q. 1.

Q V A E S T I O V.

SEQUITUR videre de cognitione angelorum per comparisonem ad res creatas. Et circa hoc quaeruntur duo. Primo an ad hoc, quod Angelus distinctè species creaturarum alias à se cognoscat requiratur necessario, quod proprias, & distinctas rationes cognoscendi eas habeat: Videtur quod non, quia quod continet virtualiter aliud est ratio cognoscendi ipsum, sicut patet de essentia divini. Sed essentia angeli continet virtualiter istas essentias creatas, ergo est sufficiens ratio ad cognoscendum eas.

8. Met. con-
sex. 10.

Probatio minoris, tum quia forme sunt sicut numeri, tum quia vegetatiuū est in sensitiuo & sensitiuum est in intellectiuo, sicut trigonum in tetragono, & tetragonum in pentagono, ex secundo de anima.

Præterea quod est ratio intelligendi in intellectu est eius perfectio naturalis: sed species rei creatæ & materialis non potest esse perfectio intellectus angelici, ergo. Probatio minoris. Illa species est imperfectior re materiali, quæ se habet ad eam sicut mensuratum ad mensuram. Sed res materialis non potest esse perfectio intellectus angelici, ergo nec species.

Contra, pluralitas specierum aut repugnat angelo propter perfectionem, aut propter imperfectionem, non propter imperfectionem, quia competit intellectui infimo puta humano, nec propter perfectionem, quia competit intellectui summo. i. diuino in quo sunt distinctæ ideæ, ergo.

Responsio, hic sunt tres articuli secundum tres opiniones.

Henric. quo-
libet. 11. q. 14.

Prima est opinio, quod angelus omnes quidditates cognoscit per vnum habitum scientialem. Modus ponendi est iste. Quia licet habitus sit in intellectu, sicut forma in subiecto, obiectum tamen resplendet, & est in eo obiectiue. Et licet ille habitus sit de prima specie qualitatis, tamen super ipsum fundatur ad seibile respectus essentialis qui ab eo absolui non potest, nec potest capere habitum nisi capiat seibile respectum cuius est propter naturalem colligantiam correlationis quam habet ad illud. Et si quærat quomodo per vnum habitum sunt plura obiecta præsentia realiter. Respondetur, quod simile est hic & in habitu scientiali cuius obiectum continet multa intelligibilia circa quæ est scientia. Et si quærat uterius quomodo ille habitus reducit intellectum angeli de potentia ad actum intelligendi, dicitur, quod intellectus angeli illo habitu creato naturaliter inclinatur ad intelligendum quidditates rerum simplicium quemadmodū graue inclinatur deorsum. Et tanto magis inclinatur ad intelligendum hoc quā illud: quanto essentialius ordinatur ad vnum quam ad aliud, ut ad intellectum essentia angelicæ quam al-

terius, & cum factus est intellectus in actu primo ad intelligendum primum, tunc ex imperio voluntatis copulante discurrit ad singula tam complexa quam incomplexa.

Pro ista conclusione quantum ad conclusionem principalem, scilicet, quod angelus cognoscat omnia per habitum scientialem arguitur primo sic. In anima non sunt nisi tria, scilicet, potentia, habitus, & passio. Sed ratio intelligendi in angelo non potest esse potentia sua, quia sic aliquod naturale esset sufficiens principium representandi omnia cognoscibilia, nec potest esse passio quod certum est, ergo relinquitur quod sit habitus.

In anima sunt tria 2. eth. cap. 5.

Secundo sic, in intellectu non habente habitum non potest generari habitus per frequentes actus elicitos, ergo si in angelo non esset concreateus habitus scibilis ad cognoscendum posset in se generare talem habitum, & sic esset in potentia essentiali, sicut intellectus noster, quod est inconueniens.

Tertio sic. Dionysius dicit, quod connexio vniuersi consistit in hoc quod supremum inferiorum coniungatur cum infinito superiorum. Sed supremum in cognitione humana est, quod cognoscat prompte per habitum scientialem, ergo huiusmodi cognitio ponenda est in angelo.

Lib. de diuinis nominibus cap. 7.

Quarto sic, si nulla alia esset ratio, nisi quod species sine habitu non sufficit ad perfectam cognitionem, & habitus perfectus sine specie sufficit: tunc frustra ponitur species ad actum intelligendi.

Vltimo sic. In voluntate non ponuntur aliqua plura ut principia volendi diuersa obiecta, ergo nec in intellectu oportet ponere diuersa principia intelligendi, sed sufficit vnus habitus in intellectu perfecto.

Contra istam opinionem arguitur sic, & probatur, quod non potest esse vna ratio creata in angelo, quæ sit ratio cognoscendi omnes quidditates. Quia ubi pluralitas numeralis requirit maiorem perfectionem, ibi infinitas pluralis requirit infinitam perfectionem. Exemplum si posse portare decem pondera requirit maiorem virtutem, quàm portare duo, tunc posse simul portare infinita requirit infinitam perfectionem: Sed aliquid esse distinctam

Contra istam opinionem sic arguitur. Exemplum.

rationem cognoscendi plures quidditates requirit maiorem perfectionem, ergo esse rationem distinctè cognoscendi omnes quidditates requirit infinitam perfectionē, & sic iste habitus infinitus est infinitus in perfectione. Minor probatur: tum quia in Deo ponitur infinitas ex infinitate repræsentatiuorum, tum quia repræsentatiuum vnius est alterius rationis à repræsentatiuo alterius, & quodlibet dicit perfectionē: quia non posse repræsentare in repræsentatiuo dicit carentiā perfectionis.

Secundo sic, omnis ratio cognoscendi vna habet vnum adæquatum obiectum in quo includuntur perfectè omnia cognoscibilia per illam rationem. Sed ipsa vna ratio siue habitus qui ponitur ratio cognoscendi nō habet aliquod primum obiectum includens virtualiter omnes quidditates creatas & cognitās, ergo. Probatio maioris, tum quia per exemplum de essentia diuina, vt est ratio cognoscēdi & vt est obiectum cognitum, tum per rationem, quod vnitas posterioris naturaliter dependet ab vnitate prioris: Sed omnis ratio cognoscendi creata se habet ad obiectum cognitum sicut mensuratum ad mensuram. Et ita sicut posterius ad prius naturaliter, ergo eius vnitas dependet ab vnitate obiecti.

*Exemplū de
essentia diuina.*

Quomodo memoria infinita patris sit principium producendi.

Tertio sic, omnis ratio cognoscendi vna potest habere actū sibi adæquatum. Sed ista ratio quæ ponitur ratio cognoscendi respectu plurium quidditatum non potest habere vnum actum adæquatum sibi, quia secūdum eos intellectus non potest distinctè intelligere plures quidditates, ergo. Probatur maior, quia memoria perfecta potest habere actum sibi adæquatum, vnde, & memoria infinita patris in diuinis est principium producendi notitiā actūalem infinitam.

Contra istas rationes instatur: quia forma productiua plurium non oportet quod habeat vnum primum obiectum in quo continentur omnia alia obiecta, vt patet de forma solis respectu formarum generabilium, nec etiam oportet, quod habeat actum vnum sibi adæquatū, sed plures.

Responsio, non est simile de principio limitato de productiua extra se, & de principio productiua, cuius est actus extra manens, vt patet per philosoph.

Quarto arguitur principaliter contra opinionem sic. Intellectus non eodem modo formaliter nouit habitualiter plura qui potest sine contradictione noscere habitualiter hoc, & non noscere illud. Sed omnis intellectus creatus potest noscere vnum obiectum, & non aliud, ergo nullus talis nouit habitualiter eodem modo plura obiecta. Probatur minor: quia non posset noscere habitualiter a. absque hoc, quod cognosceret. b. sine contradictione, vel hoc esset ex parte talis intellectus, quod patet esse falsum, vel propter necessariam colligantiam obiectorum, quod est falsum, quia potest vnum eorum ab intellectu nostro intelligi altero non intellecto.

Quinto sic. Includentia rationes primo seipsis diuersas non possunt distinctè cognosci per vnum commune representatiuum, nihil enim est quod sit ratio conuenientiae, & differentiae vt sic. Sed cunctae creaturae includunt rationes primo seipsis diuersas, ergo, &c.

Vltimo sic, quod dicitur de idemplitate respectus ad habitum fuit improbatum.

Secunda est opinio Thom. Quia quanto angelus test superior tanto intelligit per species pauciores. Vnde si in angelo infiniti ordinis sunt species in angelo supremi ordinis est tantum vna, per quam cognoscit omnia. Quod probatur primo sic. Quanto aliquid recipitur in magis potenciali, tanto est magis contractum: sed forma recepta in intellectu supremi angeli recipitur in intellectu qui magis recedit a potentialitate, ergo ipsa erit minus contracta, & magis vniuersalis, & per consequens plura representabit.

Secundo sic, quanto angelus est superior tanto magis appropinquat Deo: sed Deus omnia intelligit per vnum quia per essentiam suam, ergo angelus superior intelligit per species pauciores. Ista est ratio. Thom. Tertio sic, receptum est in recipiente per modum recipientis. Sed angelus superior est perfectior, & vniuersalior, ergo species recepta in eo est vniuersalior. Quarto sic. Diony. dicit. Angeli superiores habent vniuersaliorē scientiam. Contra istam opinionem sunt sex

*Arguitur
cōtra opinio-
nem.*

*Ex questione
de individua-
tione.*

*4. quest. pri-
ma distinc.
artic. 2.*

*D. Thom. 1.
par. summa
q. 55. ar. 3.*

*Ratio D. Tho-
ma in corpo-
re quaestio-
nis
vbi supra.*

12. Cap. An
gelice Hie-
rarchie.

Opinio Au-
thoris pulchra
Ad primum
primæ opinio-
nis, de 2. ethic.
c. 5.

rationes, primæ contra præcedentem opinionem. Ideo dico aliter ad quæstionem quod in Angelo sunt distinctæ rationes cognoscendi ad distincta cognoscibilia, quæ rationes quamuis à quibusdam vocentur habitus, verissimæ tamen dicuntur species. Et per hoc patet ad primū primæ opinionis, dico quod aliquid est in anima, vt species quod largo nomine potest dici habitus in quantum est quædam qualitas de difficili mobilis.

Ad secundum dico, quod si in Angelo sunt concreatæ species respectu cognoscibilium, tamen non potest in se generare alium habitum à specie. Si verò deus crearet vnā nouā speciem tunc Angelus posset accipere, vel acquirere speciem illius creaturæ, sicut patebit in quæstione sequenti. Et cum dicis, ergo est potentialis sicut videtur, nego consequentiam, vt infra patebit.

Ad tertium de Diony. dico quod supremum in inferiori est infinitum in superiori vbi non repugnat superiori tale supremum, hoc autem repugnat quando in nobis habitus est perfectio supplens imperfectionem intellectus nostri pro quanto de se non est summe habitatus, quod non ponitur in Angelo.

Ad quartum dico, quod si non esset alia ratio &c. vt tu dicis, dico quod si ibi est potentialis habitus non tamen sufficit sine specie. Vel aliter. Illud quod tu vocas habitum, ego voco speciem, sed tu ponis vnum, ego pono plures.

Ad vltimum dico, quod si obiectum appetibile esset prius appetitui illa præsentialitate qua est præsens ipsi intellectui, requirerentur in appetitu propriæ rationes quibus obiecta diuersa essent præsentia, sed in, possum est falsum, ideo non valet.

Ad argumentum alterius opinionis, concedo, quod in Angelis superioribus sunt species vniuersaliores sumptæ vniuersalitate pro limpидitate, non pro maiori-
tate extensua, & hoc patet, per Lincon. pertradantem verba Dionysij præallegata, quod Angeli superiores habent vniuersaliorem scientiam. i. limpidiorem. Et per hoc patet ad omnes rationes.

Ad primum de receptione dico, quod ista receptio est penes limpидitatem. Et si obiicias per instantiam de

Expositio
Linconiesi.

sensu, & intellectu, quòd species in intellectu est vniuersalior, quàm in sensu, dico eodem modo, quòd nunquã distinctæ species in sensu faciunt vnum in intellectu. Sed dicitur vniuersalior, quæ est in intellectu, quia limpidior. Eodem modo ad aliud, Angelus enim superior est propinquior Deo in limpiditate non in paucitate representatiuorum.

Ad primum principale nego minorem.

Ad probationem de numeris, & figuris dico, quòd intentio Philosophi est de speciebus subalternis, non autẽ de speciebus specialissimis.

Ad secundum dico, quòd perfectio est duplex, scilicet substantialis, & accidentis. Species autem quamuis non possit esse perfectio intellectus Angelici substantialiter, potest tamen ipsum perficere accidentaliter. *Perfectio duplex.*

An angelus cognoscat res sensibiles per species innatas, vel acquisitas?

*Secus secundo sententiarum dist. 3. questio 11.
D. Thomas prima parte q. 55. Artic. 3.*

QVÆSTIO VI.

Secundo quantum ad cognoscibilitatem, quam habet Angelus de creaturis quæro An Angelus cognoscat res sensibiles per species innatas, vel acquisitas? Videtur, quod non per species acquisitas, quia auctor libri de causis, dicit, quod intelligentia est plena formis. Sed non esset plena formis, si acquireret species, ergo. Præterea Aug. dicit, quod agens est inpræstantius patiente, sed corpus non est præstantius spiritu, ergo corpus non potest agere in spiritum, vel Angelum imprimendo ei speciem. Præterea Angelus est medium inter Deum, & hominem. Sed Deus quicquid intelligit, intelligit per rationes non aliunde acceptas, homo autem intelligit per species aliunde acceptas, ergo Angelus medio modo se habebit, valet quicquid intelligit, intelli-

*Author libro
de causis pro-
positione. 9.
12. super Ge.
ad litteram.*

git per species non aliunde receptas, sed sibi concreatas. In contrarium arguitur sic. Cognitio fit per simile. Sed Angelus cognoscit singulare, ergo habent in se similitudinem singularis, sed similitudines omnium singularium non sunt sibi concreatae, quia tunc essent infinitae, ergo aliquae erunt a rebus acquisitae.

Responsio, hic sunt duo articuli, primus recitabit diuersas opiniones, in secundo dicitur ad quaestionem secundum veritatem.

D. Thom. 1.

parte summa

2. 55. artic. 2.

Quantum ad primum articulum est opinio Tho. qui dicit, quod Angelus non accipit aliquam notitiam, a rebus intelligendo per species acquisitas, sed omnia intelligit per species innatas quod probatur, primo Si Angelus cognosceret per species acquisitas, tunc haberet intellectum agentem, & possibilem, & hoc est falsum. Probatio minoris.

Primo, quod non habeat intellectum agentem, quia intellectus agens est, vbi primum obiectum intellectus est intelligibile in potentia. Sed primum obiectum intellectus Angelici est in actu intelligibile, quia immateriale. Non etiam habet intellectum possibilem, quia intellectus possibilis quandoque est in potentia. Intellectus autem Angeli semper est in actu. Secundo sic, perfectius ens est Angelus, quam caelum. Sed caelum habet qualitates, & perfectiones suas sibi concreatas,

*Quomodo in
Angelis est
intellectus
agens, & pos-
sibilis.*

*Quod respō-
deretur creata-
rum in Ange-
lis est intelle-
ctus agens, &
intellectus
possibilis.
Est intelle-
ctus agens,
quatenus ab-*

& non aliunde acceptas, ergo multo magis Angelus, & sic non intelligit per species a reb. acceptas. Tertio sic. Sicut se habet modus essendi animae, ad modum essendi Angeli, sic modus operandi ad modum operandi. Sed modus essendi animae dependet a corpore, modus autē essendi Angeli non, ergo nec eius operatio siue intellectio dependet a corpore, sed dependeret a corpore si intelligeret per species acquisitas, ergo. Quarto sic, ab extremo in extremum non conuenit transire nisi per medium. Sed inter sensibile, & intelligibile est medium imaginabile siue fantasiabile. In Angelo autem non erit tale medium, ergo nec transitus. Notant autem aliqui sequentes istam opinionem quinque differentias inter intellectum Angelicum, & humanū. Prima est, quod obiectum intellectus nostri est ipsa quiditas rei, & non

illud cuius est quiditas. Obiectum autem intellectus Angelici est vtrunque. Sed differentia est, quod obiectum intellectus nostri est vniuersale tantum, obiectum autem Angeli, est vniuersale, & particulare. Tertia differentia est, quod intellectus noster non potest plura intelligere vno simplici verbo, intellectus autem Angelici potest. Quarta, quod intellectus noster non potest plura intelligere, vt plura nisi plurib. se conformet. Intellectus Angelicus potest plura intelligere per vnā speciem, quæ est plurium repræsentatiua. Quinta est, quod intellectus noster non potest aliquid intelligere de nouo, nisi aliqua mutatione facta circa ipsum intellectum. Intellectus autem Angelicus potest solummodo facta mutatione in obiecto. Contra istam opinionem arguitur primo sic. Angelus habet intellectum agentem, & possibilem, ergo potest accipere notitiam, & speciem à rebus. Consequentia patet per eos. Antecedens probatur per Sco. sic, potentia actiua, quæ non est imperfectionis in aliqua creatura non est neganda à superiori creatura, quæ est superior quantum ad hoc. Sed Angelus est superior homine intelligente, & intellectus agens non est in eo imperfectionis, immo perfectionis, ergo non est negandus ab Angelo. Sed fortè illa pro bono non valet, quia poneretur ab aduersariis, quod intellectus, qui ponitur in Angelo est perfectior, & eminentior intellectu agente in nobis. Ideo non oportet, quod ponatur intellectus agens quia superflueret. Ideo probatur antecedens per eundem, & melius. In omni eo quod recipit formam necesse est dare materiam vel naturam receptiuam illius formæ. Sed Angelus recipit aliam speciem à se, ergo habet rationem receptiuam istam. Sed hoc est intellectus possibilis, ergo habet intellectum possibilem & per consequens intellectum agentem.

strahit res ab esse sensibili. ad esse intellectuale. Est intellectus possibilis quatenus est specierum receptiuus. Aut dicendum est, quod in Angelis est possibilis, non agens, quia est productiuus, passiuus, & receptiuus sed non sic de potentia intelligibili actu intelligibili, ideo in ipso Angelo, est intellectus possibilis, non agens.

Confirmatur dupliciter. Primo, quia si Deus creasset animæ nostræ species omnium intelligibilium adhuc esset in ea intellectus agens, & possibilis. Confirmatur secundo de anima Christi quæ videbat omnia in verbo diuino, & tamen erat in ea intellectus agens, & possibilis. Ad rationes autem suas.

Ad primum, cū dicit non est in angelo intellectus agens quia eius obiectum primum est in actu, dico, quod æquiuocas de primo. Est primum obiectum adæquatū adæquatione perfectionis de quo non intelligitur de proposito. Et est primum obiectum adæquatum adæquatione prædicationis sicut est ens, & in isto modo non est inconueniens obiectum intellectus angelici esse in potentia.

Ad secundum dico ad propositum quod si istam perfectionem necesse est à deo creari ad quam se non potest actio naturæ extendere: tunc oportet, quod sit à Deo immediate, sed sic est in proposito. Nam qualitas cœli non potest in virtute propria actiua tota natura creari. Receptio autem speciei in angelo, potest fieri in virtute intellectus angelici, ergo.

*An Angelus
dependeat à
corpore.*

Ad tertium dico, quod angelus dependet à corpore dependentia accidentali, quamuis non dependeat dependentia essentiali, sicut in intellectione nostra anima quodammodo dependet ab obiecto.

Exemplum.

Ad quartum dico, quod illud quod est medium in virtute minori non oportet, quod sit medium respectu virtutis maioris. Exemplum de calido magis, & minus intenso, nam calidum magis intensum non oportet, quod transeat per tot media in calefaciendo sicut minus intensum. Sed intellectus angelicus est perfectior, & virtualior, quam intellectus noster, ideo non oportet, quod transeat medium imaginatiue.

Ad quintum dicendum, quod non est inconueniens plura accidētia eiusdem speciei esse in eodem subiecto, ista sunt diuersorum, quæ includunt rationes primo seipsis diuersas. Singularia autem vt patet ex quæstione de indiuiduatione includunt rationes, idest gradum, vel rationes indiuiduales primo seipsis diuersas, ergo.

*Henri. quo-
lib. II. q. 14.*

*2. Met. con-
sens. 4.*

Est autem alia opinio Henrici, quæ dicit, quod Angelus non cognoscit per species acquisitas, sed omnia cognoscit per vnum habitum scientialem, qui est sibi à Deo concreatus, quod probatur primo sic. Sicut res se habet ad esse ita ad cognosci, ex secundo meth. sed singulare non addit aliquid positium supra vniuersale, ergo cognitio eius non addit super cognitionem vniuer-

salis. Sed habitus à Deo creatus Angelo est ratio cognoscendi vniuersale, ergo, & particulare.

Secundo sic. Omne apprehensiuum alicuius obiecti debet esse determinatiuum respectu illius, ergo si intellectus angelicus potest recipere notitiam ab ipsis singularibus, tunc esset determinatior, & magis limitatus, quàm intellectus humanus.

Tertio sic. Si intelligeret singularia, primo posset de ipsis acquirere per diuersos actus habitum iuxta viam Philosophi. Et sic de singularibus posset esse habitus scientialis, quod est contra Philosophum.

Quarto sic. Si singulare esset per se cognitum, esset primo præsens intellectui angelico, & tunc vel per essentiam angeli, quod non conceditur, vel per habitum scientialem, quod non videtur, quia est ratio cognoscendi vniuersalia, vel est præsens per seipsum, quod non videtur, quia nihil mouet intellectum nisi in ratione primi obiecti, primum autem obiectum intellectus creati est vniuersale, ergo.

2. *Ethico.*

7. *Met. com-
tex. 35. & l.
lib. post. cōtex.*

35.

Quinto sic. Si Angelus cognosceret per receptionem specierum, tunc posset cognoscere Petrum, & Nicolaum, quia sunt eiusdem speciei: cum species ab ipsis abstractæ, & in intellectum repositæ essent eiusdem speciei, & tunc duo accidentia eiusdem speciei essent in eodem subiecto.

Contra istam opinionem de habitu scientiali est argutum in quæstione præcedenti. Ideo tantummodo dico ad rationes eius. Ad primum habet minorem falsam, sicut patet.

*Vide quæstio
præcedentem.*

Ad secundum dico, quod non est imperfectionis cognoscere singulare, quia hoc competit intellectui diuino quamuis hoc neget iste maledictus Auerrois, nec ex hoc arguitur aliqua limitatio, vel determinatio in intellectu angelico sicut nec in intellectu diuino.

*In quæst. de
indiuinatione.*

Ad tertium dico, quod scientia est respectu quiditatum per se. Indiuiduum autem, vel singulare, vt præscindit à ratione quiditatiua, & specifica non dicit quiditatem ex quæstione, de indiuinatione, ergo.

12. *Met. com-
mem. 51.*

Ad quartum dico, quod est æquiuocatio, de primo, & per se, vt declaratur li. j. q. de primo obiecto intellectus,

vbi habetur istud pr incipium, quod quicquid includit rationem obiectalem alicuius potentia est motuum illius potentia. Sed singulare includit rationem obiectalem intellectus creati, quia includit rationem entis, ergo.

Ad quintum dicendum, quod non est inconueniens plura accidentia eiusdem speciei esse in eodem subiecto, quando ista sunt respectu diuerforum, quæ includunt rationes, primo seipsis diuerfas. Singulare autem, vt patet ex quaestione de indiuiduatione includit rationes, id est gradus, vel rationes indiuiduales, primo seipsis diuerfas.

Est ergo alia opinio Richar. qui dicit quod omnia corruptibilia cognoscit Angelus per species innatas, corruptibilia vero per species receptas, quod probatur primo sic, quia si Angelus cognosceret omnia per species innatas, tunc ita bene cognosceret futura contingentia sicut praesentia, quod est falsum, consequentia probatur per Aristotelem, secundo de anima, qui dicit, quod intelligimus quando volumus, quia habemus specie apud nos, sed facta hypothesi ita sequitur in Angelo.

Præterea, secundo sic, sicut se habent ideae ad res ideatas, sic se habet species ad res specificatas, sed quia in Deo ab æterno fuerunt ideae omnium, ideo ab æterno omnia cognouit. Similiter si in angelo sunt species omnium concreatae, potuit omnia futura cognoscere, dicunt aliqui, quod non sequitur, quia res existens aliam habet relationem ad suam speciem in intellectu angelico, quam habet antequam esset.

Contra illa relatio, vel est in fundamento ex natura fundamenti, & tunc posito fundamento poneretur relatio, vel est ex termino, & tunc ad minus notitiam illius relationis capiet ex termino.

Dico ergo, sequendo opinionem istam quamuis aliquando diminute dicat, quod Angelus accipiat notitiam ab istis singularibus, & intelligit per species a rebus abstractas. Et pono quatuor conclusiones. Prima est, quod Angelus potest recipere notitiam a singularibus, vt singulare est.

Secunda conclusio est, quod si habeat notitiam singularis, vt singulare est non acceptam a rebus, adhuc accipit

Richar. l. 2.
dist. 3. q. 2.

2. De anima
context. 60.

Angeli co-
gnoscunt crea-
ta per species
innatas, per
speciem au-
dio speciem
intelligibile,
que nihil al-
liud est nisi
quedam simi-
litudinis repræ-
sentans obie-
ctum ad sua
essentialia,
per species in-
natas intelli-
gos species con-
creatas, con-
naturalis.

notitiam existentia actualis rei, vel non existentia.

Tertia conclusio est, quod notitiam intuitiuam singularium necessario recipit à rebus.

Quarta conclusio est, quod species vniuersales potest recipere à rebus si non essent sibi concreatae.

Primam conclusionem probo, Angelus potest cognoscere singulare, vt singulare est, tum quia hoc non est imperfectionis cum competat intellectui diuino, tum quia illa cognitio intellectui angelico, non est improporcionata, sed non potest cognoscere singulare, vt singulare sub ratione vniuersalis, quia singulare aliquid addit ad vniuersale ex quaestione de indiuiduatione, ergo cognoscit singulare per propriam speciem, sed non est probabile, quod sint sibi concreatae species omnium singularium, quia cum talia sunt infinita haberet species infinitas.

Angeli cognoscunt singularia, vt singularia sunt existentiæ, ergo per novas species, quia non per congenitas.

Secundam conclusionem probo ex notitia quiditatū vniuersalium cum sit necessaria non potest cognosci complexio contingens, sed essentia rerum sunt contingentes, ergo. Tertiam conclusionem probo sic, impossibile est cognitionem intuitiuam, quæ variatur ad variationem obiecti esse per repræsentationem, quod vniuniformiter se habet, sed species repræsentatiuæ vniuersalium vniuniformiter se habent, cognitio autem intuitiua variatur secundum mutationem obiecti, ergo.

Quartam conclusionem probo sic, per hoc, quod illud quod non repugnat intellectui infimo, puta humano ergo nec perfectiori, idest angelico. Ad rationes in contrarium.

Ad primum potest negari auctoritas libri de causis, si autem velim ipsam recipere, dico, quod intelligentia est plena formis vniuersalibus non tamen singularibus.

Ad secundum dico, quod nullum corporale potest agere in spiritum, vt causa totalis, bene tamen potest vt causa partialis, vt dictum est in quaestione. Vtrum angelus cognoscat se per suam essentiam. Ad tertium concedo, quod Angelus cum sit natura medium inter Deum & hominem, habet aliquam notitiam quam non accepit à rebus, sicut est notitia vniuersalium.

Quomodo corpus agat in spiritum vide Scorum in 4. sen. dist. 44. q. 2. vbi asserit ignem inferni esse corporalem, & cruciare malignos spiritus, Et animas dānatas.

An in parte intellectiua ponatur species propter
potentialitatem intellectus, vel propter
abundantiam obiecti?

Scotus in 2. sent. dist. 3. q. 8. & distinc. prima, q. 6. 7. & 8.
D. Thom. 1. par. q. 85. Art. 2.

QVAESTIO VII.

VLTIMO quantum ad materiam de angelorū
cognitione. Quæro, an in parte intellectiua
ponatur species propter potentialitatem intel-
lectus, vel propter abundantiam obiecti? quod
ponatur propter potentialitatem intellectus probatur sic.
Qualis est proportio sensus ad sensibile mediante specie
sensibili, eadem est proportio intellectus ad intelligibile
mediante specie rei intelligibili, sed species requiritur
in sensu propter potentialitatem potentiæ, & non pro-
pter abundantiam obiecti, quia præsentem sensibili sensus
informatur specie, sicut patet de visu, ergo.

In contrarium arguitur. Quia vnius operationis est
vnum principium per se, sed intellectio est vna actio,
vel operatio, ergo habet vnum principium per se, sed ex
intellectu, & specie non fit vnum per se, immo vnum per
accidens, ergo species nõ requiritur in intellectu, vt me-
diat inter potentiam & actum, tanquam principium istius
actus.

*Opinio Goth-
fredi, & Hen-
rici li. 1. dist. 3.*

Responsio, hic sunt duo articuli. Primo si in intelle-
ctu est ponenda species. Secundo dato quod sic erit vi-
dendum de principali proposito.

*Opinio Scoti
coincidiť cum
aliis.* Quantum ad primum articulum est opinio Henrici,
& Gothfredi, quod nulla species sit in intellectu, sed so-
lum in fantasmate, quorum rationes, & improbationes
habentur in summa, ideo eas nunc prætermitto. Et su-
pono cum opinione Sco. & est ferè quasi omnium alio-
rum, quod in parte intellectiua est ponenda species. Et
tunc ad secundum articulum accedo, vbi sunt duæ opi-
niones contrarię. Vna est Tho. qui ponit quod species
ponendæ sint in intellectu propter materialitatem ipsius
intellectus, quod probatur, primo sic. Quia cognitio fit
per

*D. Thom. 1.
par. summa
q. 85. ar. 2.*

nones contrarię. Vna est Tho. qui ponit quod species
ponendæ sint in intellectu propter materialitatem ipsius
intellectus, quod probatur, primo sic. Quia cognitio fit
per

per assimilationem, ideo si intellectus aliquid cognoscit, oportet, quod ei primo assimiletur, sed non assimilatur nisi per speciem, ergo.

Secundo sic, omne illud quod est ex se indeterminatum ad plures actus ad hoc quod vnum eliciat, oportet, quod per aliquid determinetur, sed determinatur per speciem, ergo.

Tertio sic, si in parte intellectiva poneretur species propter absentiam obiecti, & non propter potentialitatem potentiae, tunc omnes intellectiones essent eiusdem speciei, & per consequens omnes scientiae, quod est falsum, consequentia probatur, quia intellectus, qui est principium intellectionis est eiusdem rationis specificae.

Quarto sic, sicut se habet materia ad formas particulares sic se habet intellectus ad formas vniuersales, sed formae particulares determinant formam ad actum, ergo.

Quinto sic, si species poneretur in intellectu propter absentiam obiecti praecise tunc intellectus haberet fieri immediate in ipsam speciem, & sic species esset primum obiectum intellectus, & non res cuius est species.

Ista opinio quibusdam non placet, sed arguunt contra eam primo sic. Quanto aliquid est magis separatum a materia, tanto magis secundum se est intelligibile actiue sicut patet per Aui. sed intellectus tam angelicus, quam humanus est immunis a potentialitate materiae, ergo sine omni specie poterit elicere actum intellectionis.

*Ista opinio
quibusdam
non placet.
9. Met.*

Secundo sic, quanto aliquid plus habet de entitate positiua tanto est magis actiuum, sed inter omnes formas forma intellectiva habet plus de entitate positiua, ergo erit magis actiua, sed aliquae formae materiales sine omni superaddito possunt elicere suos actus sicut patet de formis elementorum, ergo.

Tertio sic, quandoque aliqua duo concurrunt ad aliquem actum eliciendum, illud quod est causa formalis est magis potentia actiua, sed si intellectus concurrit cum specie ad intellectionem species erit sicut causa formalis, & determinatiua intellectus, ergo erit magis potentia actiua, quam intellectus, quod est falsum. Qui

*Opinio ma-
gis probabi-
lis.*

vult tenere istam secundam opinionem, quæ forte probabilior est, potest dicere ad rationes primæ opinionis.

Ad primum, quod cognitio fit per assimilationem non penes speciem, sed penes actum. Est enim actus similitudo obiecti.

*Duplex in-
determinatio.*

Ad secundum dico, quod duplex est indeterminatio, vna potentia passiva, & de illa est vera maior argumenti, alia est indeterminatio potentia activa, & de ista maior est falsa. Intellectus autem est indeterminatus indeterminatione potentia activa.

Ad tertium dico, quod non sequitur, quod omnes intellectiones sunt eiusdem speciei, pro eo quod transit per suum actum super obiecta differentia specie, sicut Sol per eandem virtutem in quantum super obiecta diuersa transit habet dissolvere glaciem, & desiccare lutum.

Ad quartum dico, quod illa similitudo non est omnimoda, sed aliqualis. Est. n. similitudo in hoc, quod materia in quantum recipit est in potentia passiva, & similiter intellectus, sed est dissimilitudo, quia materia videtur esse præcise potentia passiva, intellectus autem non solum videtur esse potentia passiva, sed etiam quodammodo potentia activa.

Ad quintum dico, quod intellectus fertur super speciem in quantum in ea relucet obiectum sicut intellectus fertur supra vocem in quantum est expressiva rei. Qui autem vult tenere primam opinionem potest respondere ad rationes secundæ opinionis sic.

*Quomodo in
materialitas
sit causa in-
tellectionis.*

Ad primum quandoque ad aliquem effectum concurrunt plures causæ partiales, altera deficiente non sequitur effectus, species autem ad minus requiritur in cognitione abstractiva, ergo illa non causante non sequitur intellectio. Et cum dicis, quod immaterialitas est causa intellectionis, concedo, sed non totalis, ut supra patuit.

Ad secundum visum est in quæstione illa. An Angelus cognoscat se per suam essentiam, quære ibidem.

Ad tertium dico, quod intellectus concurrens cum specie est principalior causa, quam ipsa species, nec ipsa species est tota causa formalis intellectionis ut argumē-

rum supponit. Ad primum argumentum in contrarium dico quod non est simile, quia virtus visiva est virtus organica, quæ est magis materialis, quam intellectus, ideo consequentia non tenet.

Ad aliud in contrarium est solutum in quaestione illa.

An Angelus intelligat se per se.

An Angelus possit naturaliter diligere
Deum plus quam seipsum?

Scotus in 3. sent. distinct. 27. q. 1.

D. Thomas prima parte quaest. 60. Artic. vlt.

QVAESTIO VIII.

POST QVAM visum est de angelorum cognitione, restat videre de eorum dilectione. Et quæro illam quaestionem sine argumentis. An Angelus possit naturaliter diligere Deum plus quam seipsum?

Responsio, hic sunt duæ opiniones extremæ, una dicit, quod non. Cuius rationes sunt istæ. Omnis amicitia, quæ est ad alterum est ex amicitia sui ad se, per istam enim probationem probat Aristoteles. quod amicitia paternalis est prima amicitia in natura, ergo amor quo angelus diligit Deum est ex dilectione, quam habet ad seipsum. Et sic dilectio sui erit maior per illud principium, propter quod unum quodque tale, & ipsum magis.

8. Ethic. c. 11.

Secundo sic, non est idem actus habitus supernaturalis, & naturalis, sed diligere Deum super omnia, & propter se est actus charitatis, ergo.

Tertio sic, omnis amicitia fundatur super aliquam unitatem, ergo ubi est maior unitas, ibi est maior dilectio, sed maior est unitas naturalis angeli ad seipsum, quam angeli ad Deum, ergo.

Quarto sic, omnis natura diligit se quantum potest, quia vitat nocumentum suum quantum potest, ergo non potest diligere Deum plusquam se, quia tunc diligeret ultra posse.

Alia est opinio contraria, quæ dicit, quòd angelus potest naturaliter diligere Deum plus quam se, quod probatur auctoritatibus Augustini.

Istam conclusionem probat Thom. sic. Bonum commune in quo clauditur, & reseruat bonum particulare est magis bonum, sed bonitas Dei clauditur in se omne bonum particulare, ergo sicut naturaliter plus diligimus totum, quam partē, sic naturaliter angelus potest plus diligere Deum, quam seipsum. Etiam pro illa opinione arguitur sic. Si non posset angelus, vel homo diligere Deum plus quam seipsum nisi per charitatem, tunc homo posset scire se esse in charitate, quia potest scire si diligit Deum plus quam seipsum.

Præterea quodocunque aliqua ratio conuenit alteri per essentiam alteri per participationē actus, qui transit super ista propter talem rationem magis attribuitur illi in quo est talis ratio per essentiam, quam alteri. Sed ratio bonitatis est ratio diligendi, & ipsa conuenit Deo per essentiam, creaturæ vero per participationem, ergo.

Tenendo ergo illam viam respondeo ad rationes alterius opinionis.

Ad primum dico, quod maior est vera, de amicitia, quæ est ad alterum bonum particulare, non autem de amicitia, quæ est ad bonum vniuersale, quod est Deus.

Ad secundum dico, quod diligere Deum super omnia in hoc tamen sistendo non est actus charitatis seu actio, sed diligere Deum in quantum est bonum summum, & obiectum beatificū ex cuius amore seruantur eius mandata, iste est actus charitatis.

Ad tertium dico, quòd amicitia aliquando fundatur super vniuersalitatem formalem, aliquando vero super vniuersalitatem proportionis, quæ est participantis ad participatum, & illa potest esse maior, quam alia si summum bonum essentiale, & participatum sit bonum per essentiam sicut est in proposito.

Ad vltimum dico, quòd ly quantum potest referri ad obiectum diligibile, & sic maior est vera, sed non est ad propositum, vel ad ipsam potentiam dilectiuam, & tunc nego maiorem. De hoc amplius.

*De fide ad
Petrum, &
libri retractationum,
& lib de vera
religione.
D. Thom 1.
par summa q.
60. ar. vl.*

*Lib. 3. dist.
27. ar. 2.*

DISTINCTIO IIII.

An Angelus possit peccare?

*Secus 2. sent. dist. 4. q. 2.**D. Thom. 1. par. q. 63. Art. 3.*

QVAESTIO I.

Post hoc videndum Circa istam 4. distinctionem, quæro. An Angelus possit peccare? Videtur quod non, quia aut hoc esset inquantum est a Deo, & tunc Deus esset causa peccati aut inquantum est ex nihilo, & hoc non, quia in quantum est ex nihilo naturale est sibi deficere, & sic non esset ali- quod peccatum.

Præterea malitia, & peccatum non sunt sine ignorantia per Arist. ubi dicit, quod omnis malus ignorans, sed in Angelis non est ignorantia. In contrarium. Quia *3. Eth. c. 1.* peccauit de facto, ergo potuit peccare.

Iuxta istam questionem quæro aliam. An Angelus ab instanti suæ creationis fuerit malus. Et videtur, quod *Ioan. 8.* sic testimonio Saluatoris, qui dicit de Angelo, ille homicida fuit ab initio.

Præterea Angeli boni ab instanti suæ creationis fuerunt creati boni, ergo Angeli mali ab instanti suæ creationis fuerunt mali, consequentia patet. Antecedens probatur per Augustinum, ubi dicit, quod Deus fuit creans simul naturam angelicam, & dans gratiam, sed si habuit gratiam, ergo & gloriam, probatio consequentis, quia Angelus non discurrit circa perfectiones naturales, ergo nec circa perfectiones supernaturales. *12. De ciui. Di. c. 9.*

In contrarium est Origenes, qui dicit, quod serpens, idest diabolus non statim super pectus ambulauit sicut nec Adam nec Eua statim peccauerunt.

Responsio. hic tria sunt videnda primo si Angelus potuit peccare, secundo si Angelus potuit ab instanti suæ creationis, tertio quid sit de facto si ab instanti suæ creationis peccauerit, & fuit malus. *Origenes in Glessa super Ezechielem, Vide in suo libro piar. c. 6. 1. c. 3.*

Quantum ad primum dico, quod sic, & persuadetur tripliciter.

Primo sic, operatio non est melior, quam substantia, sed substantia Angeli cum sit de nihilo, & possit non esse per annihilationem, est defectibilis, ergo operatio eius defectibilis, & sic potest peccare.

Præterea agens cuius regula realiter differt ab ipso potest ab ipsa deuiare, sed Angelus habet pro regula diuinam voluntatem, quæ realiter differt ab Angelo, ergo potest ab ea deuiare, & per consequens potest peccare.

Tertio sic, quia Ans. dicit, quod Deus non potest facere homines impeccabiles, sicut nec potest eos facere Deos, sed eadem est ratio de Angelis, & hominibus, ergo.

Quantum ad secundum articulum sunt contrariæ opiniones, vna ponit quod non, & ad hoc probandum sunt diuersæ rationes. Ratio Hugonis dicit, quod peccatum consistit in actu voluntatis, sed actus voluntatis eum sit à potentia finita mensuratur tempore, ergo sic non potuit peccare in instanti.

Præterea Ans. videtur addere ad eandem conclusionem duas rationes alias.

Prima est illa, Angelus non potuit peccare nisi per velle, sed primum velle Angeli est a Deo non ab Angelo, ergo. Probatio minoris, quia si primum velle habet à seipso, aut hoc est volens, aut nolens, si nolens, ergo illud non est primum velle, si volens, ergo alio velle volens, quia vult se velle, & tunc quæram de illo sicut de priori, & tunc, vel erit processus in infinitum in actibus voluntatis, vel dabis, quod primum velle Angeli non sit ab Angelo.

Secunda ratio sua est ista, nullus potest peccare nisi sit debitor iustitiæ, sed Angelus in primo instanti suæ creationis non erat debitor iustitiæ, quia illam nōdum acceperat, ergo.

Alius scilicet Tho. arguit sic. Operatio quæ est in eodem instanti quando incipit res est effectiue à causa producente rem in esse. Exemplum de motu grauis deorsum, & de tibi à claudicante. Si igitur Angelus ab

*In lib. cur
Deus, homo.*

*Lib. 1. de Sa-
cramentis.*

*De casu dia-
boli c. 3.*

*D. Thom. 1.
par. summa
963. ar. 5.
Exemplum de
motu grauis.*

instanti suæ creationis potuit peccare, ergo actus ille esset effectiue a Deo, sicut & esse angeli quod est incōueniens. *Vide Henrici etiam Varonem hic cō-*

Ad idem arguitur ab aliis, scilicet ab Henrico sic. *p. 10. c. 10. D.*
Si Angelus potuit peccare ab instanti suæ creationis, *August. 83.*
ergo non potuit non peccare. Probatio consequentiæ, *q. 9. 3.*
quia non potentia præcedente actum cum non præcedat, nec potentia subsequente sicut patet per se, nec etiã potentia simul existente cum actu ex quo ponitur actus in esse.

Isti idem arguunt sic. In angelo ponuntur habitus scientiales omnium quiditatum, supra hos habitus prius fertur intellectus speculatiuus, deinde practicus, tertio complacentia naturalis, quarto complacentia deliberatiua in qua consistit peccatum, sed illa non possunt esse in eodem instanti, ergo.

Alij arguunt sic, duæ mutationes quarũ termini vnus ad quem est terminus alterius a quo non possunt esse in eodem instanti: sed creatio angeli & peccatum sunt huiusmodi, ergo.

Alia est opinio Sco. & est ad oppositum. Cuius ratio est ista. Potentia quæ potest habere operationem perfectam, & non limitatur ad operationem rectam, potest in eodem instanti habere operationem non rectam: sed voluntas angeli est huiusmodi, ergo, Aureolus autem deducit illam rationem aliter, & bene sic, voluntas in quocunque instanti potest habere actum liberum, in illo potest peccare, sed in instanti suæ creationis voluntas Angeli potuit habere actum elicitum libere, ergo probatio minoris, potest enim habere actum, quia effectus potest esse cōeius suæ causæ. Item actum elicitum in sicut agentia naturalia, quia libertas non aufert potentiæ perfectionem. Est etiam actus ille liber, cum sit a causa libera.

Opinio Scoti.

Opinio Aureol.

Tertia est opinio Petri medians, & dicit, quod peccatum aliquando accipitur pro defectu præcise, aliquando vero pro defectu imputabili sicut patet 3. Ethicor. vbi dicit, quod orbarus a natura non vituperatur, orbarus ex continentia, vel malitia vituperatur. Tunc ad propositum dicit, quod Angelus potuit peccare in primo

Opinio Petri Aureol.

3. Ethic. 5.

instanti suæ creationis peccato, quod est solum defectus, & sic intelligitur secunda opinio. Sumendo autem peccatum pro defectu imputabili Angelus non potuit peccare ab instanti suæ creationis, & sic intelligitur prima opinio. Sed quicquid sit de ista concordia tenendo secundam opinionem dico ad rationes primæ opinionis, quod non concludunt.

10. *Ethic.*

2. *De ani.*

Ad primum dico, quod est contra eam Philosophus, ubi dicit, quod delectatio, & visus fiunt in instanti. Itē dicit 2. de anima, quod lux fertur in instanti, & reprobatur illam opinionem, quæ dicit quod sit in tempore perceptibili. Item sequitur, quod anima in primo instanti separationis non esset beata, nec misera ex quo actus mensuratur tempore.

Ad secundum de Ans. dico, quod Ans. finxit ibi vnum Angelum, qui esset nuda essentia non habens essentiam volitiuam quam ipse vocauit instrumentum. Et de isto concedo, quod non habet primum velle a se. Et cum obiicitur aut haberet volens aut nolens, dico, quod primum velle non habet, nec volens, nec nolens, sed seipso immediate elicit in actum secundum qui velle.

Ad aliam rationem Ans. dico, quod aut intelligit de iustitia infusa, & tunc sarracenus non habens iustitiam infusam non potest peccare, aut intelligitur de iustitia acquisita, & hoc non valet, quia iustitia acquisita potest amitti multis actibus iniuste elicitis, ergo oportet, quod intelligat de iustitia, id est de potentia naturali voluntatis, quæ est moderatrix inclinationis naturalis, quæ est contra iustitiam infundendam. Sed illa ponitur in Angelo in primo instanti creationis, ergo.

Lib. 1. dist. 18. Ad rationem Thomæ dico, quod bene arguit de actibus naturaliter elicitis a potentialitate libera sicut est in proposito. Aliter soluitur, & melius.

Ad aliam dico, quod causa non semper prior est effectu duratione, quia aliquando est prior natura. Cum ergo arguis, si potuit Angelus peccare, aut potentia præcedente actum, dico, quod præcedente actum natura non duratione.

Ad alium de habitu scientiali, ille habitus scientialis

est improbatus supra, in quæstionibus, tamen dico pronunc, quod omnis quiditas, quæ repræsentatur intellectui angelico potest sibi præsentari sine habitu, & omni fillogilmo practico circumscripito potest voluntas habere actum deordinatum, & sic peccare.

Ad secundam rationem dico, quod maior est falsa, quia luna eodem instanti illuminatur a Sole, & illuminat hemisphere nostrum, & tamen sunt diuersæ mutationes.

Quantum ad tertium articulum de facto dico, quod malus Angelus non fuit malus ab instanti suæ creationis, sed fuit aliqua morula inter creationem, & lapsum, quod patet per Magistrum, vide ibi.

Item per Augustinum, ubi dicit, quod Deus nō prius est ultor, quam aliquis sit peccator. Item Isaia. Quomodo cecidisti lucifer de cælo, qui &c. Et Ezech. Tu lignaculum similitudinis in delitiis paradisi, &c. ergo non statim cecidit. Sed diceres quor sunt morule, & quæ sunt. Ad quod dicetur in secundo articulo quæstionis sequentis. Ad argumenta principalia.

Ad primum dico, quod in peccato duo sunt, scilicet actus, & deformitas. Ratione actus est à Deo quemadmodum ponit alia opinio, sicut patebit infra. Sed ratione deformitatis est a creatura in quantum est de nihilo. Et cum arguis, naturale est sibi deficere, concedo de defectu, qui est annihilatio, nego autē de defectu, qui est declinare a regula, vel via rationis.

Ad secundum dico, quod ignorantia est duplex, scilicet præcedens, & subsequens. Angelus autem habet ignorantiam subsequentem voluntatem non præcedentem: sicut etiam, cum quis peccat mortaliter ratione contradicente.

Ad argumenta secundæ opinionis dicit Magister, & bene, quod ille fuit homicida ab initio, id est statim post initium, quia fuit modica morula inter creationem, & lapsum.

Ad secundum nego antecedens sicut patebit in quæstione sequenti. Tu probas, quod simul habuerunt gratiam, & gloriam, dico, quod est falsum.

Ad probationem respondeo per interemptionem,

Dist. 3. c. 3.

Q. 4.

Super Gen.

ad literam.

Isaia 14.

Ezechiel. 28.

*In peccato
duo sunt.*

Ignorantia duplex est.

*Expositio
Magistri.*

quia Angelus discurret quantum ad suas perfectiones naturales ad minus discursu qui est hoc ex hoc. Et dato, quod concedatur non valet consequentia, quia non est similis ratio de perfectionibus naturalibus, & supernaturalibus.

DISTINCTIO V.

An Angelus prius meruerit ipsam beatitudinem,
quam acceperat eam?

Scotus in 2. sent. dist. 5. q. 1.

D. Thom. 1. par. q. 62. Art. 4.

Richardus 2. sentent. distinct. 6. q. 2.

Franciscus de Mayronis 2. sent. distinct. 4. & 5. q. 1.

QVAESTIO I.



POST hoc considerare. Circa istam distinctionem quintam Magister tractat de duobus, scilicet, de conuersione bonorum, & auersione malorum angelorum. Quantū ad cōuersionem, quæro illam quæstionem: An Angelus prius meruerit ipsam beatitudinem, quam acceperat eam? Videtur, quod non, quia Angeli aliquid merentur ex obsequiis impensis hominibus, aut ergo illud præmiū habuerunt ante meritum, & sic habetur propositum, aut expectauerunt & hoc non, quia spes, quæ differtur affligit animam quod non ponitur in angelo.

Præterea meritum, & præmium sibi inuicem correspondent, ergo ubi est maius præmium, ibi est maius meritum. Sed aliqui Angeli habent plus de merito, quam de præmio, sed homines nō possunt tantum mereri in modico tempore, ergo nec angeli, & sic præmium præcessit meritum.

In contrarium arguitur. Sicut se habent mali angeli ad damnationem, ita boni angeli ad præmium, sed isti demeruerunt, ergo.

Responsio, circa istam quæstionem primo ponitur opinio Magistri, quæ communiter nō tenetur. Secundo

dicetur ad quæstionem secundum communem opinionem.

Quantum ad primum articulum est opinio Magistri, quod in angelis beatis præmium præcessit meritum, mereantur tamen præmia per obsequia hominibus impensa custodiendo. Et est exemplum, sicut rex dat bonum equum militi, qui nondum meruit, scit tamen illum militem equo dato bene uti, & quod merebitur non.

Contra per Aug. ubi dicit, quod angeli sancti, qui steterunt illius vitæ mercedem accipere meruerunt.

Præterea, si homo non fuisset creandus angelus, non habuisset beatitudinem, quia tunc nõ potuisset eam mereri per obsequia hominibus impensa.

Præterea, per hoc, quod aliquis præuidetur bene vsurus accepto non meretur illud, tunc. n. homo potuisset mereri gratiam, quia præuidetur a Deo, quod est bene vsurus ea, & tunc gratia iam non est gratia.

Præterea aliqui arguunt sic contra Magistrum. Quia non omnibus nobis ministrant, & præbent obsequia, sed diceret Magister, immo ministrant, vel mediate vel immediate, quia superiores faciunt reuelationes, & illuminationes inferioribus.

Quantum ad secundum articulum dico duas conclusiones. Prima, quod angeli meruerunt beatitudinem suam, secunda, quod meruerunt eam antequam acceperunt eam.

Prima conclusio probatur, quia naturæ inferiorum consequuntur perfectionem suam per operationem propriam ergo multo magis Angeli.

Secunda conclusio probatur, quia voluntas nõ simul vult mutabiliter, & immutabiliter, sed voluntas quando præmiatur vult immutabiliter, quando autem mereatur elicit actum contingenter, ergo.

Præterea dispositio, vel via præcedit terminum, sed meritum est via ad beatitudinem.

Præterea aliqui arguunt sic. Idẽ non potest esse ex gratia perfecta, & imperfecta, sed meritum est ex gratia imperfecta, præmium autem ex gratia perfecta, ergo. Sed illa ratio Sco. nõ placet, quia est possibile aliquam animam tantam gratiam habere in via quantum habebit in patria, licet

Opinio Magistri communiter non tenetur.

Exemplum.

Libro de correctione, & gratia.

Si præmium præcederet meritum in Angelis, sequeretur quod omnes Angeli boni nõ essent beatissimi, nõ enim omnes Angeli de præstantur ad eandem beatitudinem.

Illam rationem non placet Scoto.

Dubium.

non haberet ita perfectum vsum, & sic posset esse idem habitus sine idempnitate actus. Sed remanet dubium ex quod Angelus prius meruit suam beatitudinem, quæro quot morule fuerunt inter creationem, & beatitudinem quantum ad beatos, & inter creationem, & lapsum quantum ad malos. Vnde dicit vnus doctor, quod fuerunt duæ morulæ, vna qua omnes fuerunt creati altera qua isti, & isti fuerunt in termino, ita quod boni non ponentes obicem receperunt gratiam, & gloriam, mali autem non, quia posuerunt obicem.

Vide D. Thomam 1. parte summa q. 66. artic. 6.

Henricum. D. Bon. & Varronem copiose.

Quot sint iste morulæ.

Alia opinio ponit tres morulas. In prima omnes fuerunt creati, & habuerunt gratiam, in secunda illi meruerunt, & isti demeruerunt, in tertia boni fuerunt in gratia confirmati, mali verò fuerunt damnati.

Tertia est opinio, quæ forte est melior, quæ ponit quatuor morulas. In prima omnes fuerunt creati in naturalibus, in secunda apposita est gratia, in tertia isti meruerunt, & isti demeruerunt, in quarto omnes fuerunt in termino boni fuerunt glorificati, mali verò damnati.

Sed adhuc quæreres quid sint istæ morulæ. Vna opinio dicit, quod sunt diuersa instantia temporis discreti, sed hæc opinio improbata est supra. q. de æuo.

Alia opinio dicit, quod sint diuersa instantia æui, & hoc posita in successione æui.

Tertia opinio dicit, quod sint diuersa æuiterna, secundum quod vnumquodque æuiternum habet suum æuū. Teneatur quod plus placet.

Ad argumenta principalia.

Duplex est beatitudo.

Ad primum concedo, quod meruerunt aliquam beatitudinem accidentalem non autem essentialem. Et propter illam beatitudinem accidentalem nulla est affectio in expectando, quia habent essentialem quam maximè volunt.

Ad secundum dico, quod in illa morula habuerunt Angeli boni ita intensum actum, quod meruerunt beatitudinem efficacius, quam mereri posset purus viator toto tempore vitæ suæ.

An Angelus potuerit appetere Dei
æqualitatem?

D. Bon. 2. sent. dist. 5. q. 2. Ar. 1.

Scotus 2. sent. dist. 6. q. 1.

D. Thomas prima parte quest. 63. Artic. 3.

Franc. de May. 2. sent. dist. 4. q. 3.

QVAESTIO II.

Nis o de Angelorum conuersione, restat vi-
dere de Angelorum auersione, vbi quaeri-
tur. An Angelus potuerit appetere Dei
æqualitatem? Responsio, hic sunt duæ opi-
niones contrariæ, vna dicit, quod non. Et
probatur primo sic. Quia Angelus non peccauit ex
passione, nec ex ignorantia, quia pœna non præcessit
culpam, ergo peccauit ex electione. Sed vt patet 3. Eth.
Electio non est impossibile. Angelum autem esse
æqualem Deo est impossibile.

3. Ethic. c. 5

Secundo sic, nihil potest voluntas velle, quod inclu-
dit contradictionem, sed Angelum esse æqualem Deo
includit contradictionem, ergo.

Tertio sic, nihil potest voluntas velle nisi prius sit
cognitum secundum Augu. sed Angelum esse æqualem
Deo, non potest Angelus intelligere, tum quia ratio
sua non erat adhuc deprauata, tum, quia implicat con-
tradictionem, ergo. Ista ratio est Ans. de casu Dia-
boli.

Quarto sic, nulla creatura potest appetere suū ipsius
destructionem, sed Angelum esse æqualem Deo, inclu-
dit Angelum non esse Angelū, ergo. Ista ratio est Ans.
in li. de similibus. Istam opinionem non teneo, qui
a multæ auctoritates videtur clamare ad oppositum. Ait.
n. Aug. quod demonstratio elatione inflatus voluit dici
Deus.

Cap. 4

Cap. 6

In questionibus
novis ac
vet. test. In

Secundo, quia Magister dicit oppositum pertra-
ctans illud Isa. Ascendam in cœlum. i. ad æqualitatem
Dei.

ultimo c. se-
cunde distin.

*Isaia. c. 14**Philip. c. 2**Rationes
Scot.*

Item glosa super Epistolam ad Philip. pertractans illud, non rapinam, &c. dicit non vsurpauit sibi æqualitatem Dei sicut Diabolus. Præterea arguo, per rationes aliorum. Arguit. n. Sco. sic, voluntas habet duplicem actum amandi, scilicet amorem amicitiae, & amorem concupiscentiae concupiscendi aliquod amatum. Et secundum vtrumque actum habet totum ens pro obiecto, ita quod sicut quodcunque ens potest aliquid amare amore amicitiae, ita quodcunque ens potest concupiscere ipsi amato, sed Angelus potuit amare seipsum amore amicitiae, ergo potuit sibi ipsi concupiscere quodcunque concupiscibile, & ita cum æqualitas Dei sit bonum quoddam concupiscibile secundum se potuit illud bonum Angelus concupiscere sibi. Secundo sic, si æqualitas Dei esset possibilis Angelo, posset Angelus sibi concupiscere eam. Sed huiusmodi impossibilitas non prohibet quin Angelus possit hoc velle: quia voluntas potest esse impossibile, ex 3. Ethic. ergo.

*3. Ethic. c. 5.**Psal. 73.*

Confirmatur, quia damnati odiunt Deum ut patet ex illo Psal. Superbia eorum qui te oderunt, ascendit semper. Odiens autem vult oditum non esse, ergo damnati volunt Deum non esse, & tamen hoc est impossibile, ergo illa impossibilitas non prohibet, quin possit hoc appeti à voluntate. Dico ergo, quod appetitus potest accipi pro actu intenso voluntatis sine conatu ad opus extra. Aliquando etiã potest accipi cum conatu ad opus extra, primo modo potest esse impossibile sicut patet de illo, qui habet manũ abscissam, secundo modo non potest esse impossibile, ideo dico, quod Angelus potuit appetere æqualitatem Dei actu intenso voluntatis sine conatu ad opus extra.

*Appetitus potest accipi
duobus modis.*

Et tunc per hoc ad argumenta alterius opinionis.

*An electio**fit impossibi-
lium.*

Ad primũ dico, quod est æquiuocatio de electione sicut est de appetitu ut immediate dictum est, unde electio sumpta pro actu voluntatis intenso sine conatu ad opus extra potest esse impossibile, sicut patet de illo, quare &c.

Ad secundum dico, quod licet Angelus non potuit intelligere compositiue se esse æqualem deo potuit tamen intelligere quid significatur per hoc quod est illud

appetere, quia ad actū volitionis sufficit simplex cognitio absque compositione. Et per illud patet ad tertium.

Ad quartum dico, quod non oportet, quod aliquis velit consequens, si vult antecedens maximè, quando consequens non est de per se in intellectu antecedentis. nam aliquis potest appetere episcopatum non volendo sacerdotium, nunc autem Angelus intelligebat prius quid significabatur per æqualitatem Dei, quod intelligeret destructionem sui, ideo potuit appetere sibi illam æqualitatem non ferendo se super sui destructionem. *Exemplum Scoti.*

DISTINCTIO VI.

An peccatum ipsius Luciferi fuerit superbia?

D. Bona. 1. sent. dist. 5. q. 1. Ars. 1.

Scotus 2. sent. dist. 6. q. 2.

D. Thomas 1. parte q. 63. Artic. 2.

Ricardus 2. sent. dist. 5. q. 1.

Franc. de May. 2. sent. dist. 5. q. 4.

QVAESTIO I.

Praterea scire oportet. Circa istam dist. 6. querò. An peccatū ipsius Luciferi fuit formaliter superbia? Videtur quod sic. Aug. dicit. Male voluntatis initiū quid poterat esse, nisi superbia? Et Eccle. Initium omnis peccati superbia.

*14. de civi.
Dei c. 13.*

Praterea Lucifer non potuit peccare nisi vno peccato, sed constat quia peccauit superbia per illud. Pl. Superbia eorum, qui te &c. Probatio maioris, quia si potuit pluribus peccatis peccare peccatum suum fuisset remissibile, quod reputatur communiter falsum, probatio consequentis, quia voluntas non potest simul habere duos actus perfectos sicut nec intellectus, ergo si potuit pluribus peccatis peccare, peccauit vno post alterum, & in illo secundo instanti potuit penitere de primo.

*Eccle. c. 10.
Psal. 73.*

In contrariū arguitur, peccatū Luciferi fuit maximū

peccatum, sed peccatum superbię non est maximum, ergo probatio minoris. Sicut propositum de proposito, & oppositum de opposito, ergo si superbia esset maximum peccatum, humilitas esset maxima virtus, quod est falsum quia charitas est maior.

Responsio, hic sunt quatuor videnda. Primo ponitur communis opinio antiquorum, secundo quia peccatum est in actu voluntatis, distingueretur de actibus voluntatis, tertio quę sit malitia in primo Angelo, quarto ad quod genus peccati habeat reduci.

Opinia communis.

Quantum ad primum dicitur communiter, quod peccatum primi Angeli fuerit superbia, quod probatur primo sic. Angeli non potuerunt primo peccare per aliquod nolle, quia nolle pręsupponit velle, & sic non peccauerunt, primo per iram, nec per auaritiam, nec peccauerunt aliquo velle inordinato circa temporalia, nec peccato carnis vt patet, ergo eodem modo aliis exclusis peccauerunt per superbiam.

In canonica sua.

Pręterea, secundum Ioann. omne quod est in mundo, aut est concupiscentia carnis, aut concupiscentia oculorum, aut superbia vitę, sed non peccauerunt concupiscentia carnis, vel oculorum, ergo.

Duplex est actus voluntatis.

Nunc secundo oportet distinguere de actibus voluntatis. Et dico in communi, quod duplex est actus voluntatis, scilicet velle, & nolle. Est ergo nolle actus positius voluntatis, quo fugit disconueniens, velle autem est actus voluntatis, quo acceptat omne conueniens.

Duplex est velle.

Item nominatio, quod velle est duplex, scilicet velle amicitię, & velle concupiscentię, velle amicitię est illius obiecti cui volo bonum, velle autem concupiscentię est illius obiecti, quod volo alicui obiecto amato.

Inter istos actus est ordo in Thopiciis.

Item nominatio, quod inter istos actus est talis ordo, quod velle concupiscentię pręsupponit velle amicitię, & nolle, necessario pręsupponit velle. Et confimilis ordo est in his actibus deordinate sumptis per regulam Boetij. Quando vnum sequitur ad aliud eodem modo vtrobique addito adhuc sequitur, vnde sicut nolle pręsupponit velle, & nolle amicitię deordinatum pręsupponit velle deordinatum, & nolle concupiscentię deordinatum pręsupponit velle deordinatum.

Quantum

Quantum ad tertium articulum dico duas conclusiones.

Prima est, quod malitia in primo Angelo quantum ad velle amicitiae fuit inordinatus amor sui. *Prima conclusio.*

Secunda conclusio, quod malitia in Angelo quantum ad velle concupiscentiae fuit, quod inordinate concupivit beatitudinem. *2. Conclusio.*

Prima conclusio probatur, quia aut illa malitia fuit amor dei, & hoc non, quia deus est tale obiectum amabile quod ex sola ratione sui dat completam rationem bonitatis actui. Aut fuit amor quo dilexit alium Angelum, & hoc non, tum quia inclinatio naturalis plus inclinat ad se, quam ad aliud, tum quia amicitia fundatur super unitate. 8. Eth. tum, quia amicitia ad alterum est ex amicitia ad seipsum. 9. Eth. ergo relinquitur, quod illa amicitia fuit inordinatus amor sui. *Dens est obiectum amabile.*

Confirmatur per Aug. dicit, quod duo amores fecerunt duas ciuitates, scilicet Dei, & Diaboli. Ciuitatem Dei fecit amor dei, usque ad contemptum sui. Ciuitatem diaboli fecit amor sui usque ad contemptum Dei. *8. Eth. c. 1.*

Secunda conclusio probatur per rationem Ans. Sicut primum concupiscere inordinatum non praecessit in Angelo ex affectione iustitiae, ergo ex affectione commodi, maximum autem commodum maxime appetitur a voluntate, non sequente regulam iustitiae, sed maximum commodum est beatitudo, ergo. *9. Eth. c. 12.*

Secundo sic, quicquid volunras vult, hoc est, ex ratione alicuius boni honesti, vel utilis, vel delectabilis, sed Angelus non concupivit hoc amore honesti, quia sic non peccasset, nec amore utilis, quia iste non est primus amor, ergo amore boni delectabilis, sed summe delectabile est beatitudo, ergo. *14. de ciui. Dei. c. ult.*

Tertio sic, potentia appetitiua quae consequitur in actu suo potentiam apprehensiuam illud primo appetit in quo apprehensua primo delectatur: sed illud est beatitudo, ergo. *De casu Diaboli cap. 4. quare ibi.*

Quantum ad quartum argumentum dicitur a Sco. *Opinio Scoti.* quod ista malitia non reducitur ad peccatum superbiae nec quantum ad primum nec quantum ad secundum actum, quia superbia est excellentia exclusiua, & despicit ille immode-

*ratns appeti-
tus beatitu-
dinis (secun-
dum Scotū)
dici luxuria,
accipiendo no-
men luxuria
non pro appe-
ritu carnalis
delectationis,
sed ad appeti-
tum cuiusli-
bet delecta-
tionis ipsum
extendendo.*

ctiua. In quantum est quædam excellentia exclusiua vel despectio videtur esse contemptio aliorum, sed nec in prima nec in secunda malitia erat aliquorum despectio, ergo &c. Et sic fortè potest reduci ad peccatum luxuriæ. non enim luxuria semper est in actibus carnis, sed circa delectabile inordinate concupitum.

Ad argumenta primæ opinionis quæ dicitur quod reducatur ad peccatum superbiæ. Ad primum dicitur quod diuisio peccatorum capitalium comprehendendo peccatum diaboli non est sufficiens, aut si est sufficiens per quandam reductionem potest concedi quod reducitur ad peccatum luxuriæ.

Ad secundum patet per hoc quod præmittitur, omne quod est in mundo, ita quod peccata quibus communiter peccant homines cōtinentur sub isto ternario, sed non oportet primum peccatum Angeli sub illo ternario contineri.

Ad primum principale patet per iā dicta immediatè.

Ad secundum nego maiorem.

Ad probationem dico, quod cum peccauit secundo peccato adhuc fuit in via, & per consequens potuit pœnitere: sed hoc melius patebit distinctione sequenti.

DISTINCTIO VII.

An Angelus malus necessario male velit?

D. Bona. 2. sent. dist. 7. q. 2. Art. 1.

Scotus 2. sent. dist. 7. q. 1.

D. Thomas 1. parte q. 64. Artic. 2.

Ricardus 2. sent. dist. 7. q. 2.

QVAESTIO I.



Supra dictum est quod circa istam distinctionem septimam in qua tractat magister de maiorum Angelorum obstinatione & eorum formarum inductione. Quæro primo, an Angelus malus necessario male velit? Videtur, quod possit benè velle: quia Iaco. dicitur, dæmones credūt,

Iacob. 2.

& contremiscunt, sed isti sunt boni actus, ergo.

Præterea dæmones sunt capaces Dei cum sint ad eius imaginem, sed non possunt Deum capere nisi per bonū actum voluntatis, ergo possunt bene velle.

Præterea sicut principium in speculabilibus, sic finis in agibilibus, per Philosophum secundo Physicorum, sed intellectus dæmonum non est ita excæcatus, quin possit verum cognoscere, ergo voluntas eorum non est ita peruersa quin possit bene velle.

2. *Phys. con-*
text. 88.

Contra in Psal. Superbia eorum quæ te oderunt ascendit semper.

Psal. 73.

Responsio, hic sunt tres articuli. Primo ponuntur aliquæ opiniones non veræ, secundo ponitur vna distinctio necessaria ad propositum, tertio soluetur quæstio iuxta membra illius distinctionis.

Quantum ad primum est duplex opinio, vna Thomæ quod malus Angelus est ita obstinatus in malo quod semper malum vult. Cuius ratio est ista, appetitus appropportionatus apprehensioni à qua mouetur, si apprehensua virtus apprehendit immobiliter tunc appetitua adhæret immobiliter: sed appetitua Angelī proportionatur apprehensue, & mouet eam, & ipsa immobiliter apprehendit: quoniam sine discursu, apprehensua autem hominis cum discursu, ergo ita Angelus immobiliter adhæret, quod bonus non potest male velle, nec malus bene velle, homo autem poterit bene & male velle.

D. Thom. 1.
par. summa
q. 64. ar. 2.

Alia est opinio Henrici, qui tenet eandem conclusionem, sed aliter probat eam sic, voluntas quanto est perfectior tanto perfectius immergit se obiecto, sed voluntas Angeli est maximè perfecta cum sit separata à corpore, ergo maximè immergit se obiecto ita vt ab eo resiliere non possit, sicut si ferrum impingatur ossi, rotunditur nec retrahi potest, nec eadem virtute qua immititur nec maiori.

Henri. quon-
lib. 8. q. 11.

Contra istam opinionem arguo primo simul contra conclusionem, secundo in speciali contra rationes. Ex prima via arguitur primo per Augustinum sic arguit, si possibile esset vt humana natura postea, quam à Deo

De fide ad
Petrum c. 5.

auerfa bonitatem perdidit voluntatis ex feipfa rurfum re habere eam potuiffet multo poffibilius haberet hoc natura Angelica, quæ quanto minus grauat corporis pondere tanto magis efferet prædita facilitate.

Secundo fic, non tantum voluntas Angeli damnati eft obftinata, fed etiam voluntas hominis damnati, & obftinati, & oportet vtriusque assignare caufam conuenientem, vel communem per Auguftinum. Sed neutra illarum caufarum poteft poni caufa obftinationis hominis damnati, ergo, probatio minoris, quia anima cõiuncta corpori non habere cognituum immobiliter apprehendentem ficut habet Angelus fecundum opinionem primam, nec fe immergit immobiliter in obiectum, fecundum fecundam opinionem, ergo, oportet assignare caufam obftinationis in anima quanto eft feparata. Aut igitur tunc ante omnem actum elicitum eft obftinata, & tunc neutra caufarum prædictarum eft caufa obftinationis. Aut ipfa fuit obftinata per aliquem actum quem elicit, & hoc non, quia anima feparata nihil meretur, nec demeretur.

*De fide ad
Petrum c. 5.*

Dist. 5.

Tertio fic, ficut declaratum fuit fupra, quod inter creationem, & lapfum Angelorum fuerunt aliquæ morulæ in quibus peccauerunt diuerfis generibus peccatorum, & tunc cum peccauerunt, primo peccato adhuc erant viatores, in fecunda morula potuerunt pœnitere.

*Vt declarabitur 25.
huius fecundi.*

In fpeciali arguitur contra iftas opiniones cõtra primam. Affumit enim in minore duas partes falſas: prima, quod intellectus fit motor voluntatis, quod eft falſum, & contra Anſel. de libero arbitrio, qui vult, quod voluntas eft domina, & motor in toto regno animæ. Et præterea dato, quod efferet verum, tunc efferet contra eum, quia intellectus Angelorum ante primum peccatum fuit reclusus in apprehendendo, non enim pœna præceſſit culpam, ergo mouet voluntatem ad rectè volendum cum moueat per modum naturæ. Aliud falſum affumitur, quod intellectus Angeli nullatenus intelligat cum difcurſu, quod eft improbatum fupra quaſtione vlt. primæ diſtinctionis. Vnde nota quod difcurſus eft duplex, vnus qui eft in hoc poſt hoc ordine durationis, & ille fortè non competit Angelo. Alius qui eft hoc

*Duplex dif-
curſus, vide
Franciſcum*

ex hoc ordine quodam naturæ, & iste discursus competit Angelo.

*de Mayrenis
in prologo 1.
sent. q. 14.*

Contra secundam opinionem arguitur primo sic. In cuius potestate est agere in eius potestate est intendere, vel remissè agere sicut per oppositum, in cuius potestate non est agere in eius potestate non est intendere, vel remissè agere, sed in potestate voluntatis est ut immergatur obiecto, ergo in eius potestate est sic, vel sic se immergere obiecto, & sic poterit resilire ab obiecto.

Præterea eadem virtute aliquid quiescit in termino, & mouetur ad terminum, sed voluntas libere mouetur ad obiectum, ergo libere quiescit in obiecto.

Quantum ad secundum articulum dico, quod in actu potest attendi triplex bonitas, prima dicitur bonitas ex genere sicut volitio transiens super obiectum conueniens tali actui secundum dictamen rationis recte. secunda dicitur bonitas moralis, & illa competit actui cum transit super obiectum conueniens secundum dictamen recte rationis cum omnibus circumstantiis requisitis inter quas potissima circumstantiarum est circumstantia finis. Tertia bonitas dicitur meritoria, quæ

*In actū potest
attēdi triplex
bonitas.*

competit actui ex hoc, quod supposita duplici bonitate iam dicta ipsa elicitur conformiter principio merendi, quod dicitur charitas, vel gratia. Huic triplici bonitati opponitur triplex malitia. prima est malitia in genere. secunda est malitia ex circumstantia, quæ opponitur bonitati morali, tertia est malitia demeritoria, & opponitur bonitati meritorie. Et nota, quod aliquando bonitas, & malitia sic opponuntur, quod ibi nullum est dare actum indifferentem sicut bonitas ex genere, & malitia sibi opposita. Et ratio est, quia actus non potest esse nisi transeat super obiectum conueniens, & tunc est bonitas ex genere, vel super obiectum disconueniens, & tunc est malitia sibi opposita. Aliquando autem bonitas, & malitia sic opponuntur, quod ibi est dare actum indifferentem sicut in secundo, & tertio modo, & intelligo in statu viæ, & hoc declarabitur infra.

*Triplici boni-
tati triplex
malitia oppo-
niunt.*

Dist. 41.

Quantum ad tertium articulum quæstio potest esse de illa triplici bonitate, & malitia. Si quæatur de

bonitate primo modo si malus Angelus habere possit bonam volitionem ex genere, planum est, quod sic, quia habet multas volitiones transeuntes super obiectum conueniens tali actui puta cum amat se, & huiusmodi. Si autem quærat de bonitate morali, & malitia sibi opposita, vno modo dicitur, quod non potest habere bonam volitionem, tum quia omnem volitionem deformat ex aliqua circumstantia inordinata referendo illud inordinatè ad amorem sui, tum quia habitus in eis est perfectè malus in termino, & ideo perfectissime inclinatur ad malum.

*Opinio vera
& subtilis,
ipsius Scoti.*

Alia est opinio ad oppositum, tum quia in eis manent naturalia integra, & sic est in eis inclinatio naturalis ad bonum, tum quia habent vermes, qui est remorsus de peccato eorum, & ille actus non est malus moraliter, tum quia nihil est ita in potestate nostra sicut actus voluntatis, voluntas autem potest suspendere actum alterius potentiæ, ergo multo magis actum suum ne inclinetur, & velit malum.

*Opinio Scoti
magis placet
Auctori.*

Istam secundam opinionem sequitur Scotus, quæ plus placet. Si verò quæritur de tertia bonitate, scilicet, si Angelus malus possit habere bonam voluntatem meritoriam, distinguo quia ista propositio potest accipi in sensu compositionis, & sic est falsa, quia non stant simul, quod sit Angelus malus, & quod habeat bonam voluntatem, sicut nec album potest esse nigrum, vel potest accipi propositio in sensu diuisionis, & sic potest esse vera, & tunc prætermissa potentia logicali accipio potentiam realem, vt distinguitur in potentiam actiuam, & potentiam passiuam. Et si quæritur de potentia passiuam dico, quod Angelus malus benè potest vellet, id est potest eam recipere, si eam Deus immitteret. Si autem quærat de potentia, vt notat rationem principij actiui, adhuc potest esse dupliciter, quia vel in ratione principij partialis, & sic posset si aliud obstaculum non haberet, vel in ratione principij totalis, & sic non posset, quia non habet charitatem, quæ est principium bonæ volitionis, id est voluntatis bonitate meritoria.

Ad primum principale dicitur vno modo, quod licet

credat, iste tamen credant actus credendi in eis est malus, quia oderunt illud creditum iuxta illud Psal. Superbia eorum, qui te oderunt &c. Aliter dicitur, quod quāvis non sit actus malus, non tamen est bonus necessario, quia inter istam bonitatem, & malitiam oppositam contingit accipere actum indifferentem. Vel potest dici melius, quod ille actus non est bonus, quia non est propter illum finem, unde bonitas moralis sumitur, nec habet bonitatem, quæ est principium bonitatis meritoria. *Psal. 73.*

Ad secundum dico, quod non sunt capaces Dei potentia propinqua, sed remota, ex qua nec sumitur bonitas moralis, nec meritoria.

Ad ultimum dico, quod argumentum esset efficax, si ponerem, quod intellectus esset motor voluntatis sicut posuit prima opinio. Sed hoc nego, & dico ad similitudinem, quod non est simpliciter vera, sed aliququaliter, sicut dicitur infra, unde intellectus respectu veri est potentia naturalis, voluntas autem est libera.

An Angeli possint inducere veras formas?

*Petrus Scotellus 2. sententiarum distinctio 7.
quest. 2.*

QVÆSTIO II.



VANTVM ad secundam materiam quero.

An Angeli possint inducere veras formas?

Videtur, quod sic, per auctorem libri de causis qui dicit, quod intelligentiæ imprimunt formas decliues. Item per Boetium, qui dicit, quod formæ naturales veniunt a formis, quæ non sunt in materia, sed huiusmodi formæ sunt angeli sine materia, ergo.

Lib. de iri.

Item plus dominatur natura angelica super materiam, quā virtus imaginatiua, sed virtus imaginatiua potest veram formam inducere, ergo probatio minoris per Auitennam, qui dicit, quod gallina, quæ pugnavit cum gallo ex imaginatione victoriae habet calcaria, ergo, &c.

8. De animalibus.

In contrarium est Philosophus, omne quod fit; fit à simili sibi in specie, sed Angelus non habet similitudinē cum forma materiali, ergo.

7. Met. com-
sex. 28.

Responsio, hic sunt tres articuli. Primo recitabo vñā opinionem. Secundo vñā aliam, tertio solvam rationes vtriusque opinionis.

Quantum ad primum est opinio multorum, quæ ponit duas conclusiones. Prima, quod Angelus non potest directe, & per se inducere formā corporalem in materia, secunda conclusio, quod indirecte, & per accidens potest.

7. Met. com-
men. 23. (E)
31.

Prima conclusio probatur per Commentatorem, qui dicit, quod nullum immateriale potest producere formā materiale, sed Angelus est immaterialis, ergo.

Secundo sic, quod producit aliquā formā, oportet, quod præhabeat eam formaliter si agit vñiuoce, vel virtualiter si agit æquiuoce, sed Angelus nullo illorum modorum præhabet formā materiale, ergo probatio minoris, non enim præhabet eam formaliter, cum sit quoddam spirituale, nec virtualiter, quia tunc haberet dominium supra materiam, & posset eam producere.

Tertio sic, hæc est ratio, quare homo potest magis perfectum ens producere, quā cælum, quia plus conuenit cum entibus perfectis, sed cælum, quia plus distat nō potest producere, nisi formā imperfectā, cum ergo Angelus adhuc plus distat, quā cælum non potest producere formā perfectā, nec imperfectā.

3. De trin. c.
5. v. 18.

Secunda conclusio declaratur per Augustinum, qui dicit, quod materia est plena rationibus seminalibus sicut mulieres grauidæ sunt plenæ foetibus. Angeli autem cognoscendo debitas proportionēs rerum naturalium approximant actiua passiuis, quibus approximatis sequitur inductio formæ.

Opinio alio-
rum.

Quantum ad secundum articulum est alia opinio, quæ distinguit de formis perfectis, & imperfectis. Et primo dicit, quod Angeli non possunt inducere formas perfectas, secundo dicit, quod possunt inducere formas imperfectas. Et secunda conclusio probatur primo sic. Sicut se habet corporale ad spirituales, ita è contra spirituale ad corporale. Sed aliquod corporale potest producere

spirituale, sicut patet de specie, quæ gignitur in fantasmate, & in intellectu. ergo.

Secundo sic, in essentialiter ordinatis quicquid perfectionis est in inferiori, videtur esse, & in superiori, sed agens naturale potest producere veram formam in materia, ergo multo magis Angelus, qui est superior.

Confirmatur illa ratio per Auic. ubi dicit nos autem, &c. quare ibi.

Quantum ad tertium articulum, qui vult tenere secundam opinionem potest respondere ad argumenta primæ opinionis.

6. Lib. naturalium parte 4. c. 4.

Ad primum nego Commentatorem, quia est contra fidem, sequitur enim, quod Deus non posset producere formam materiale cum ipse sit sine materia.

Ad secundum nego minorem, quia Angelus præhabet istam formam materiale virtualiter. Et quando arguitur, ergo dominatur super materiam, dico, quod aliquid dominari super materiam potest intelligi dupliciter, vel quantum ad impressionem formæ, vel quantum ad productionem, secundo modo nego, primo modo concedo.

Averroes est contra fidem in hoc.

Ad tertium dico, quod convenientia, & assimilatio nō est causa quare homo potest producere formam aliquam, & non cælum. Tunc enim cum Angelus assimiletur Angelo, posset eum producere, quod est falsum. Causa igitur est proportionalitas virtutis quā habet Angelus respectu formarum naturalium. Qui vero vult tenere primam opinionem potest respondere ad argumenta secundæ opinionis.

Aliquid de nominari suæ præmateria potest intelligi duobus modis.

Ad primum concedo, quod Angelus potest aliquod corporale facere, puta motum localem, sed non formam realem, & permanens, de qua loquimur.

Ad secundum nego maiorem, nam in homine est forma sensitiua, & tamen non est in Angelo.

Ad argumenta principalia.

Ad primum nego auctorem de causis, qui secutus est Avicennam, qui posuit intelligentiam dotatricem formarum, quæ opinio est communiter reprobata, & excommunicata. Ad secundum dico, quod Boetius loquitur de ideis, quæ sunt in mente diuina, non in Angelis.

Scotellus negat. Authorem de causis.

Ad tertium dico, quod non est simile, quia per imaginationem nihil potest introduci in corpore, nisi facta consimili alteratione in eo, in quo est imaginatiua, Angelus autem, non habet materiam coniunctam, quæ possit consimili alteratione alterari, ad formam materiale.

DISTINCTIO VIII.

An Angeli sint corporei? vel an Angelus possit
assumere corpus, in quo exerceat opera
vitæ?

D. Bonaventura 2. sent. dist. 8. q. 1. Ar. 3.

Scotus 2. sent. distinct. 8. q. 1.

D. Thomas prima parte quest. 51. Artic. 3.

Richardus 2. sent. dist. 8. q. 5. et 6.

Durandus 2. sent. dist. 8. q. 2.

QVAESTIO I.

SOLET etiam in quaestione versari. Circa istam distinctionem octauam quaeritur. An Angeli sint corporei? sed quia hoc patuit distinct. 3. quaestione de compositione Angelorum, igitur quaere ibi.

Secundo quaeritur. An Angelus possit assumere corpus, in quo exerceat opera vitæ? Videtur quod non, quia tunc haberet maiorem unitatem ad corpus assumptum, quam ad non assumptum, sed hoc non potest esse, nec est possibile, quia non potest esse istius corporis forma, nec potest assumi ab eo in unitate suppositi sicut verbum diuinum assumpsit humanam naturam, ergo est ibi tantum unitas, sicut motoris ad mobile, sed talis unitas potest esse Angeli ad corpus non assumptum, ut ad cælum, quod mouet.

Præterea aut assumeret corpus elementare, & hoc non, quia illud non assumeret corporis accidentia, quæ apparent, aut assumeret corpus mixtum, & hoc non, quia non videtur habere virtutem actiuam ad miscendum elementa secundum commixtionem talis corporis, aut as-

sumeret corpus celeste, & hoc non, quia illud non recipit peregrinas impressiones.

Præterea, tertio si potest in corpore assumpto exercere opera vitæ, ergo est ibi aliquid viuum, consequens est falsum, ergo & antecedens, falsitas consequentis patet, quia corpus non est viuum nisi per formam vitalem informantem. Angelus autem non potest esse forma corporis. Consequentia probatur, quia forma separata à materia non potest transmutare materiam per Commensuratorem 7. Meth.

7. Met. 18. c.

31.

In contrarium patet per multa loca scripturæ, puta de Angelis apparentibus Abraham, & de Angelo Thobix.

Responsio, hic sunt tria videnda. Primo quid importetur per Angelum assumere corpus, secundo quale corpus assumit, tertio si in illo corpore potest exercere opera vitæ.

Quantum ad primum, dico quatuor conclusiones.

Prima, quod non importat præsentiam qua præsens est corpori, quia tunc assumeret cælum empireum cui est præsens.

Opinio Aristot.

Secunda conclusio, quod non importat unionem materiæ ad formam, quia ut aliqui dicunt, Deus non potest facere Angelum informare materiam corporalem. Et ad hoc est ratio Petri talis nulla virtute potest fieri, ut quod est hoc aliquid, & res completa, & terminata fiat modificatio, sed Angelus est res terminata completa, & hoc aliquid, & nobilissima species vniuersi, ergo non potest fieri forma materiæ.

Tertia conclusio, quod non importat unionem naturæ ad suppositum creatum, quia suppositum creatum non potest suppositare duas naturas essentialiter distinctas.

Quarta conclusio vniõ est motus unitatis, quæ motor intrinsicè vnitur corpori, & sic assumit angelus corpus, id est ad se sumit in quantum vtitur eo tanquam instrumento ad aliquas operationes exercendas.

Quantum ad secundum articulum dico aliquas conclusiones. Prima quod non assumitur corpus celeste, quæ probatur, quia tale corpus non recipit in se peregrinas impressiones.

Secunda conclusio, quod non assumit corpus elementale, quia illud non est iusceptiuum illorum accidentiū, quæ apparent in illis corporibus.

Tertia conclusio, quod potest assumere corpus iam a natura generatum: puta cadauer mortui, ista patet per se.

Quarta conclusio, quod potest assumere corpus semiplena mixtione mixtum, tum quia tale corpus non potest ita subito ad tam perfectam mixtionem deduci qualis requiritur in corpore humano, tum quia quando disparet tale corpus nō remanet locus talis corporis, quod non esset si fuisset perfectè mixtum. Et si dicat qualiter potest hoc fieri, vt tale corpus formetur, dico quod angelus optimè nouit naturas rerum, & sic optime approximare actiua passiuis, & in conuenienti proportionem quibus proportionatis, & debita influentia respectu cæli posita habetur corpus imperfectè mixtum.

Quantum ad tertium articulum prætermisso actu intellectiue potentiæ oportet primo videre de actu potentiæ motiue, secundo de actu potentiæ sensitiue, tertio de actu potentiæ vegetatiue.

Quantum ad actum potentiæ motiue patet per omnes, quod angelus potest mouere corpus motu locali siue progressiuo, & hoc siue corpus sit assumptū, siue nō assumptum, sed difficultas est in modo ponendi, an scilicet, mouet per intellectum & voluntatem, an per potentiam executiuam.

Et dicunt Thomistæ, quod non mouet per potentiam executiuam, quia in angelo non ponitur executiua, quod probatur primo sic. Quæ multiplicantur in inferioribus vniūtur in superioribus, sicut patet de sensitiua, & intellectiua, quæ distinguuntur in homine, & in angelo ponitur tantum intellectus, cum ergo virtus volitiua, & motiua distinguuntur in homine, vt duæ vires in angelo erunt tanquam vna vis, quæ est virtus volitiua, & imperans, & exequens.

Secundo sic, ista potentia executiua si ponitur, frustra ponitur, ergo non debet poni in angelo, probatio antecedentis, quia ista potentia executiua, aut habet operationem intra manentem, & tunc nihil facit ad motum localem, aut transeuntem, & tunc non subiaceret imperio

Angelus optimè nouit naturas rerum.

Thomistæ dicunt, quod Angelus non mouet per potentiam executiuam.

voluntatis, & sic angelus semper mouebit, quod est falsum.

Tertio sic, si angelus habet talem potentiam executiuam illa potentia est spiritalis, & per consequens super se reflexiua, vt patebit. Et tunc quæro, aut reflectitur ad determinandum, aut ad mouendum, non primo modo, quia illud est solius voluntatis, non etiam secundo modo, quia tunc simul esset in potentia, & in actu respectu eiusdē, quod est impossibile. Quid ergo est principium mouendi in angelo secundum locum.

Lib. de caus.

Dicunt isti, qui sunt præcedentis opinionis diuersimodè. Quia aliqui volunt, quod sit intellectus practicus, quia per intellectum practicum angelus assimilatur actioni. Alij dicunt, quod est voluntas imperans, quia si esset intellectus practicus semper moueret, cum illud principium sit actiuum naturale.

Quid est principium mouendi in Angelo.

Sed contra hoc arguitur primo sic. Operationes differentes secundum primas actionum differentias non reducuntur in eandem potentiam, sed intelligere velle, & mouere secundum locum differunt secundum primas differentias actionum, ergo.

Probatio minoris, nam intelligere, & velle sunt actiones intra manentes, mouere autem secundum locum est transiens actio, istę autem duę differentię, scilicet, intus manere, & transire extra, sunt differentię actionum.

Intelligere, & velle sunt actiones intra manentes, mouere secundum locum est actio transiens.

Secundo sic, actio communis pluribus oportet quod sit a principio communi, sed mouere secundum locum est actio communis pluribus, scilicet angelis hominibus bestiis &c. ergo, oportet quod sit a principio communi, sed illud non est intellectus, & voluntas cum non sit in bestiis. Relinquitur ergo in angelis potentia executiua, ergo. Dico ergo quod angelus mouet corpus assumptum siue non assumptum per potentiam executiuam tali ordine, nam primo est intellectus speculatiuus, secundo voluntas complacens, tertio intellectus practicus dirigens ad praxim, quarto voluntas imperans, quinto potentia exequens. Tunc ad argumenta aliorum.

Ad primum dico, quod illa, quę multiplicantur in inferioribus non vniuntur in superioribus quando sunt desperata. Exemplum de intellectu, & voluntate, poten-

Exemplum.

tia autem executiua est ab ipsis desperata. Ad secundum dico, quod ponitur potentia executiua propter operationem transeuntem. Et cum dicis, ergo non subiaceret imperio voluntatis, nego, nam manus mea mouet scamnum per potentiam executiuam, & tamen subiaceret imperio voluntatis quantumcunque sit operatio transiens.

*An idē possit
esse in actū,
& in potētia.*

Ad tertium dictum est pluries, quod non est inconueniens idem esse in actu, & potentia illo modo, quod sit in actu virtualiter tale, & in potentia formaliter tale. Secundo in illo articulo est videndum. Si angelus in corpore assumpto possit exercere actus potentiae sensitiuae. Et dico quod non. Cuius ratio est quia isti actus siue operationes non sunt nata recipi nisi in composito organico, & perfectē mixto ex corpore, & anima in quantum habet potentiam perfectam quorum neutrum est ibi.

Tertio est videndū si angelus est in corpore assumpto exercere possit actus potentiae vegetatiuae.

*Potentia ve-
getatiua attri-
buuntur tres
operationes.*

Et dico tres conclusiones, secundum quod huic potentiae attribuuntur tres operationes, scilicet, augmentatio, nutritio, & generatio.

*Augmentatio
proprie est co-
positi corporis
animati.*

Prima conclusio, quod angelus non potest propriē exercere in tali corpore operationes augmentationis, quia augmentatio propriē est corporis compositi animati, & perfectē mixti quorum neutrum est ibi.

Secunda conclusio de actu nutritionis dico, quod si loquimur de vera nutritione nihil ibi nutritur, si autem loquamur de masticatione, quae praecedit nutritionem, illa non est aliud nisi diuisio cibi per motum localem mandibularum, & traectio in ventrem, & tunc potest fieri exaltatio, & resolutio in humores.

Tertia conclusio si potest in actum generationis, dico quod potest in quantum potest esse incubus, & succubus, hoc autem intelligendum est de malis angelis, non de bonis, quia non est verisimile, quod boni angeli immisceant se talibus vilitatibus. Malus autem angelus in assumpto corpore potest alicui esse succubus, & recepto ab illo semine deciso potest illud seruare in qualitate, & calore naturali quousque sit alicubi mulier in-

cubus, & transfundat illud in matricem sicut aliqui senserunt de generatione Merlini, & forte, quòd illo modo concipietur antichristus.

*Quomodo fer-
tur Merlinus
fuisse propa-
gatus.*

Ad primum principale dico quod calum non assumitur in illo modo, sed alio sicut patet ex quarta conclusione primi articuli.

Ad secundum patet quale corpus assumit ex secundo articulo.

Ad tertium patet ex tertio articulo quales actus potest ibi exercere, non enim exercet ibi tales actus, vel opera, ut propter hoc ponatur angelus illius corporis forma, ergo &c. tantum de quaestione.

An daemones possint ludificare
sensus nostros?

Solutio 2. sententiarum distinc. 8.

QVAESTIO II.



ECUNDO quaeritur An Daemones possint ludificare sensus nostros: Videtur quod nō, quia philosoph. ait, quòd sensus respectu proprii obiecti semper est verus, ergo nō potest decipi à Dæmone.

*2. De anima
context. 152.*

In contrarium est Augustinus, & patet ex contraria experientia. Responsio, hic sunt tria videnda. Primo quomodo se habeat visus ad potentias sensitivas apprehensivas, & illę apprehensivę, quomodo se habeant ad-
inuicem inter se, secundo quomodo spiritus vitales se habeant ad potentias sensitivas apprehensivas, tertio ex his ad propositum.

*17. De ciuit.
Dei.*

Quantum ad primum est notandum sicut patet per doctrinam const. In cerebro debemus imaginari duas partes, primam quę est maior, & postremam quę est
minor. In parte prima sunt duę concauitates, seu ven-
triculi. Vnus ventriculus est in anteriori parte anterioris
partis cerebri, a quo fluunt septem paria neruorum
qui deseruiunt potentiis sensitiuis exterioribus, & ma-
xime vnum pari deseruit visui, qui nerui protenduntur

*In libro de
differētia spi-
ritus, & ani-
ma.*

6 Naturaliū
par. 1.

quousque coniungantur oculis. Et vnus nervus erit à dextra, & vadit ad sinistram, alius oritur à parte sinistra, & vadit ad dexteram, & cancellantur in medio ad modum crucis, & in illo medio stat iudicium visus, alias vnum, & idem videretur duo, vt probat Auicenna. Alius ventriculus est in secunda parte posterioris partis cerebri, & ibi debemus imaginari vnum corpus ad modum vermis quod aliquando clauditur aliquando aperitur, cuius opus est memorari, & habet vnum ventriculum supra se, & alium sub se, deinde in vltima parte cerebri est ponendus vnus ventriculus, & sic in vniuerso sunt quinque ventriculi, vel concauitates. Et secundum illa habemus ponere quinque potentias inter apprehendentes secundum viam Auicenn. prima est sensus communis, secunda imaginatiua, vel formatiua, tertia cogitatiua, quarta æstimatiua, quinta memoratiua.

6. Naturaliū
par. 1. cap.
vltimo.

Nam sensus communis habet pro organo primum ventriculum qui est in prima parte anterioris partis cerebri cuius actus est recipere formas a sensibilibus particularibus, & habet duplicem faciem, vnā ad sensus particulares, quæ clauditur in somnis, aliam ad imaginatiuā quæ retinet species, vt statim dicetur, & ista aperitur in somnis: & est causa somniorum.

Secunda potentia, quæ dicitur formatiua, vel imaginatiua habet pro organo secundum ventriculum qui est in vltima parte anterioris partis cerebri, & eius actus est retinere species, quia sensus communis non habet vim retentiua, sed est sicut aqua cui imprimitur sigillum, vt deducit Auicenna vbi supra.

Tertia potentia dicitur cogitatiua, & habet pro organo ventriculum qui est in inferiori media concauitatis cerebri, & eius actus est componere, & diuidere species, quæ sunt in potentia formatiua.

Quarta potentia scilicet æstimatiua pro organo habet ventriculum qui est in summo mediæ concauitatis cerebri, cuius actus est apprehendere intentiones non sensatas, sicut patet de agno qui fugit lupum.

Quinta potentia scilicet memoratiua habet pro organo ventriculum qui est in vltima parte cerebri, & eius actus est retinere species acceptas ab æstimatiua, hæc omnia

omnia si profundius vis videre quare Auicennam.

6. Naturaliū
par. 1. cap. 21.
tmo circa me
dium.

Quantum ad secundum articulum oportet tria videre. Primo quomodo spiritus vitales se habeant ad organa dictarum potentiarum, secundo quomodo se habeant ad potentias siue virtutes, tertio quomodo se habeant spiritus ad similitudines sensibilium.

Quantum ad primum dico quod spiritus existens in organo predictarum virtutum non sunt corpora continua cum illis organis, sed contigua, sicut patet per sententiam Aristotelis. Primo generatio spirituum est in corde, deinde transmittuntur in corde ad cerebrum transiendo per duram matrem, quod non esset verum si essent corpora continua cum organis, secundo dico, quod sunt in illis organis sicut in locis in quibus conseruantur, & hoc patet satis per const. clarè.

In libro de
differētiis spi-
ritus, & anima
ma.

Quantum ad secundum principale in isto articulo dico, quod virtutes secundū id quod sunt non sunt formæ spirituum sed organorum: quia non est intelligibile, quod vnum, & idem sit per se forma duorum discontinuorum, sed organa, & spiritus sunt discontinua. Cum ergo virtutes sint formæ organorum non possunt esse formæ spirituum.

Quantum ad tertium principale in isto secundo articulo dico, quod istę similitudines sensibiliū alio modo se habent ad organa, & alio modo ad ipsos spiritus. In organis enim se habent sicut color ad ipsum corpus coloratum: quia sicut corpus coloratum informatur colore, ita organa informantur illis similitudinibus. Ad spiritus autem se habent istę similitudines sicut species coloris ad aerem: quia sicut cessante corpore colorato cessat spiritus, qui erat in aere, ita cessante specie, quę est in organo cessat similitudo, quę est in spiritu.

Tunc ad tertium articulum principale dico, quod demones possunt ludificare sensus nostros multipliciter. Primo vt illud quod est absens videatur præsens, secundo, vt quod præsens est lateat, tertio vt illud quod est vnius coloris videatur esse alterius coloris, quarto vt illud quod est vnum videatur plura, quinto vt illud quod est vnius quantitatis videatur esse alterius: sexto vt illud quod est in vno situ videatur esse in alio, septimo vt

Quomodo De-
mones possint
ludificare sensus
nostros.

illud quod est vnius figuræ videatur esse alterius, octauo vt illud quod est in motu videatur esse in quiete, nono vt quod est sub quiete videatur esse in motu.

*Pulchrum
exemplum.*

Omnes illos modos ludificationis potest dæmon facere in nobis dupliciter, scilicet operando aliquid extra nos, aut aliquid intra nos. Breuitatis autem gratia tātum de primo pono exemplum. Ludificat. n. sensus nostros primo operando aliquid extra nos faciendo in aere naturam specularem congregando diuersas partes aeris, ita vt habeat naturam specularem, ita vt sicut opposito speculo illud quod est retro videtur ante, sicut patet cui-libet inspicienti; secundo potest hoc idem operando aliquid intra nos: nam sicut dictum est in primo articulo, sensus communis non retinet species: sed virtus formatiua: species autem quæ est in organo istius potentiæ multiplicat se per species quæ sunt corpora diafona in via, quæ est ab organo sensus communis vsque ad organum potentiæ memoratiuæ, formatiua, & imaginatiuæ, & tunc malus angelus ita forti motu mouet speciē, quæ est in organo sensus communis, vt videatur sibi obiectū præsens quod repræsentat ab alia specie, & hoc quære melius in Auicenna. Idem intelligo de aliis modis ludificationum prædictis.

*6. Naturaliū
par. 4. cap. 2.*

Ad argumentum in contrarium dico, quòd sensus respectu proprii obiecti est verus, nisi fiat permutatio in organo, vel in medio, patet autē in tertio articulo, quòd dæmon potest immutare organum & medium.

DISTINCTIO IX.

An vnus Angelus possit alteri loqui?

D. Bona. 2. senten. distinct. 10. q. 1. Artic. 3.

Scotus in 2. sent. dist. 9. q. 2.

D. Thom. 1. par. q. 107. Art. 1.

Richardus 2. senten. distinct. 9. q. 1.

Franciscus de Mayronis 2. sent. distinct. 9. 10. & 11. q. 1.

QVAESTIO I.

POST prædicta superest. Circa istam distinctionem nonam quaeritur. An angelus possit alteri loqui? Videtur quod non, quia locutio fit de eo quod est ignotum: sed quicquid est ignotum vni angelo est notum alteri, ergo, probatio minoris, essentia angeli est intimior angelo quam sua cogitatio: sed ista intimitate non obstante essentia angeli est nota alteri angelo, ergo & cogitatio.

Secundo sic, si angelus possit loqui vni angelo, ita potest loqui distanti sicut praesenti, consequens est falsum: quia non posset loqui vni angelo quin loqueretur omnibus intermediis, ergo.

Tertio sic: quicquid angelus cognoscit per species innatas, sed omnis species, quæ vni angelo innata est, alteri angelo innata est, ergo quicquid cognoscit vnus, & alius cognoscit. Ergo frustra fit locutio. Maior probatur per rationes.

In contrarium est Damascen. & patet per illud quod habetur in Isa. duo seraphim clamabant alter ad alterum, sed clamor est quædam locutio.

Responsio, hic sunt duo articuli. In primo ponitur vna opinio, quæ reprobatur, secundo dicetur ad questionem secundum veritatem.

Quantum ad primum articulum est opinio Henrici, quæ tria dicit:

Primo quomodo loquens cognoscit illud de quo loquitur, scilicet singulare.

Secundo quomodo possit illud cognoscere vnus, & alium latere.

Tertio quomodo fiat ei patens per aliquam rationem quando loquendo exprimit illud. Quantum ad primum dicitur, quod angelus cognoscit singulare per vniuersale concretum suo intellectui. Quod probatur primo, quia vnumquodque sicut se habet ad esse, ita se habet ad cognitionem, sed singulare quantum ad esse nihil addit supra vniuersale, ergo.

Lingua Angelorum nihil aliud est nisi aliqua virtus supernaturalis expressiva propriorum conceptuum, hanc linguam habent etiam Angeli inferiores, & superiores, quæ possunt omnes loqui.

D. Thomas 1. parte summa. q. 55. artic. 2. quæ sunt posite sup. dist. 2. q. penultima. Vide Dam. lib. 3. c. 32. & Isa. c. 6.

Henric. quolibet. 5. q. 15. & quolibet. 2. q. 8. 2. met. cõtex. 4.

Secundo sic, nihil mouet aliquam potentiam, nisi in virtute primi obiecti, sed primum obiectum intellectus angelici est vniuersale, ergo.

*Rationes mul-
tum apparen-
tes Henrici.*

Tertio sic, sequitur quod intellectus angeli esset magis determinatus, & limitatus, quam humanus.

*7. Met. con-
tex. 53.*

Quarto sic, quia si non sequitur, quod sicut per apprehensionem vniuersalium generatur in nobis habitus scientialis, sic in intellectu angeli si primo cognosceret singularia posset esse habitus scientiæ, sine scientia, vel præter scientiam vniuersalium, quod est contra philosoph. 7. metaphysicæ.

Quantum ad secundum dicit ille doctor, quod licet intellectio huius vniuersalis, quæ est ratio intelligendi huic pateat, illi vero non, tamen patent ei conceptus huiusmodi, vt est de ipso singulari, quia per hoc quod ipse vtitur forma vniuersali ad concipiendum singulare nihil innouatur in intellectu illius, & ideo est necessaria locutio propter singulare cognitum isti, & alium latet.

Quantum ad tertium dicit, quod sicut singularia signata cognita à nobis non possumus per locutionem alteri exprimere nisi exprimendo singularia vaga cum proprietatibus, & accidentibus sub quibus aliquid reuelatur, ita neque vnus angelus sub eadem significatione sub qua ei reuelatum est potest alteri angelo loquendo manifestare: sed format alteri conceptum nouum realiter alium de singulari vago quem conceptum alius intellectus angelicus videt, quasi legeret in libro, & hoc vocatur loqui, siue locutio.

Contra istam opinionem arguitur primo sic, vnumquodque sicut se habet ad esse ita ad cognosci, sed singulare addit supra vniuersale ex questione de indiuiduatione, ergo.

Præterea rationes quibus probatur, quod singulare non potest intelligi ab angelo procedunt ex hoc, quod est imperfectionis in intellectu cognoscere singulare: sed hoc est falsum: quia intellectus dei cognoscit singulare.

Præterea illa opinio, vel cōclusio est improbata multipliciter de vniuersali concreto, siue habitu scientiali, distinctione 3. q. illa. Vtrum angelus cognoscendo

Distinctas quidditates habeat distinctas rationes cognoscendi, quare ibi.

Contra secundam conclusionem illius arguitur sic. Ipse improbat speciem in beatitudine per hoc quod vnus beatus videret eam in intellectu alterius naturaliter, & sic videret naturaliter obiectum repræsentatiuum naturaliter per speciem, sic arguo in proposito. Si habitus est ratio naturaliter cognoscendo singularia cum vnus angelus videat habitus naturaliter in alio non poterit eū latere obiectum repræsentatiuum.

Præterea quando duo intelligibilia comparantur ad eundem intellectum non alligatum virtuti fantasticæ, magis actuale est magis intelligibile, si non excedit facultatem potentie, sed signatum intelligibile est magis actuale indiuiduo vago, ergo magis intelligibile ab intellectu qui non alligatur virtuti fantasticæ, qualis est intellectus angelicus.

Contra tertiam conclusionem illius doctoris sequitur, quod in intellectu angeli sunt duo conceptus de eodem, vnus vagus signans, & alius determinatus signatus, & sic erit ponere pluralitatem sine necessitate.

De secundo articulo principali dico tres conclusiones.

Prima, quod angelus loquens alteri causat immediate conceptum illius obiecti de quo loquitur angelo cui loquitur. Et probatur sic. Omnis loquens intellectualiter causaret immediate in eo, cui loquitur cōceptum de quo loquitur si posset. Sed angelus, qui loquitur, potest, ergo. Probatio minoris. Illud, quod sufficienter est in actu primo, respectu alicuius effectus, potest illum immediate causare in receptiuo proportionato, & approximato, sed angelus habens notitiam alicuius obiecti est sufficienter in actu primo ad causandam intellectionem actuale illius obiecti, & angelus audiens est receptiuum proportionatum.

Secunda conclusio est declarare quid angelus loquens gignat in intellectu audientis. Et dico primo quod potest causare actum, & non speciem. Iterum potest causare actum, & speciem. Iterum potest causare speciem & non actum. Probatio primi, dato quod duo angeli possunt loqui de aliquo habitualiter noto, sed tunc gignit

*Angelus lo-
quens quod gi-
gnat in intel-
lectu audien-
tis.*

apparet in nobis, quòd locutio antequam ponitur in effectum subest imperio voluntatis, sed postquam posita est in effectum est obiectum naturale auditus. Ideo est alius modus Thomæ qui dicit, quòd conceptus in nobis duplici clauduntur obstaculo, scilicet voluntate, & corporeitate. In angelo autem cum non sit corporeus conceptus eius clauditur tantum vno obstaculo scilicet voluntatis. Et ideo statim cum vult conceptum suum ab alio videri statim ille videt.

4. *Opinio.*
D. Thomas 1.
parte summa
q. 107. art. 2.

Contra illam opinionem est eadem ratio, quæ contra præcedentem.

Quinta est opinio Scoti, quæ redit in idem cum istis qui dicunt, quòd sicut in potestate angeli est uti illa, vel illa specie, ita in eius potestate est gignere actualem notitiam in illa, vel in illa intelligentia, quia non magis determinatur passivum naturale ad patiedum, quam actiivum naturale ad agendum.

Sed contra istam opinionem est eadem ratio, quæ contra præcedentem. Et ideo non video bono modo rationem determinantem nisi voluntatem diuinam. Si tamen aliqua prædictarum opinionum est vera, concedo tamen cum vltimis tribus opinionibus, quæ in idem tendunt.

Ad argumentum primum in oppositum nego minorem. Ad probationem dico, quòd non valet, quia essentia angeli est obiectum naturale, cogitatio vero est obiectum voluntarium.

Essentia an-
geli est obie-
naturalis, &
cogitatio obie-
ctum volunta-
rium.

Ad secundum patet per idem sicut declaratum est in tertia quæstione articuli.

Ad tertium nego maiorem, ad probationem illius patet in tertia distinctione quæstione illa. Vtrum angelus cognoscat alia à se per species innatas, vel acquisitas, quare ibidem.

An Angelus vnus possit alium illuminare ?

Scotus 2. sent. distin. 9. q. 1.

D. Thomas 1. parte q. 106. art. 4.

Ricardus 2. sen. dist. 9. q. 2. Franc de May. 2. sen. dist. 12. q. 2

Durandus 2. sent. dist. 11. q. 3.

QVAESTIO II.

SECUNDO quæritur. An Angelus vnus possit alium illuminare? Videtur quod non, quia illuminare est lumen creare, vel lumen intendere, sed Angelus non potest lumen creare quia creare competit soli Deo, nec potest creatum intendere, quia ab eodem habitus intenditur a quo producitur.

2. Esb. c. 6.

Ioan. I.

Secundo sic, non est minoris nobilitatis intellectus angelicus, quam humanus, sed intellectus humanus illuminatur à solo Deo. Erat lux vera, quæ illuminat, &c.

Præterea omnis mutatio est inter opposita, & sic si Angelus illuminatur prius fuit tenebrosus, quod est inconueniens.

8. cap. cale.

Hyeray.

Præterea, aut Angelus inferior illuminat superiorem, aut econuerso, non primo modo, quia illuminans est perfectior illuminato, sed Angelus inferior non est perfectior superiore, ergo, nec etiam secundo modo, quia maius lumen obfuscat minus, sicut patet in meridie, quod lumen solis obfuscat lumen stellarum.

In contrarium est Diony. qui dicit, quod angeli superiores purgant, illuminant, & perficiunt inferiores.

Confirmatur, quia ecclesia triumphans assimilatur ecclesiæ militanti, sed in ecclesia militanti, vnus homo illuminat alium hominem, ergo.

Respondeo, hic sunt quatuor articuli, secundum quatuor modos dicendi.

D. Thom. I.

par summa q.

106. ar. I.

Est enim prima opinio, Thom. qui dicit, quod Angelum illuminare alium angelum intelligitur dupliciter, scilicet causatiue, quia causat lumen, secundo modo confortatiue. Primo modo Angelus non illuminat alium Angelum, sed secundo modo.

Obiectio Varronis.

Contra istam opinionem obiicit Varronis, quia confortatio illa aut est per impressionem, vel informationem factam ab alio, aut repulsionem contrarij, sicut dicimus, quod vnus carbo confortatur ex coniunctione alterius carbonis, quia duo carbones possunt magis re-

pellere frigiditatem aeris circumstantis, sed nullum istorum potest dari in proposito, quia vnus Angelus nihil recipit per impressionem ab alio, nec etiam est ibi expulso contrarij, puta tenebræ, ergo.

Ideo est secundus modus Henrici, qui dicit, quod *Henr. quo li. 5. q. 15.* quadrupliciter potest intelligi, Angelum superiorem illuminare inferiorem. Vno modo lumen infundendo, sicut sol illuminat medium. Alio modo luminosum offerendo, sicut deferens candelam illuminat domum, tertio modo obstaculum amouendo sicut aperiens fenestram de die, quarto aliquid faciendo, quo facto causatur lumen in receptiuo, sicut cum medicus sanat oculum infirmi.

Ad propositum applicando. Primo modo solus Deus illuminat. Secundo modo vnus Angelus illuminat alium ei loquendo de aliquo noto sibi, & non alteri.

Tertio, & quarto modo Angelus illuminat hominem, sicut probatur per Augustinum super illud Psal. Da mihi intellectum &c. Et secundum membrum deducitur sic. Angelus inferior per naturalem influentiam angeli superioris est reducibilis in statum naturalem, & vltimatum perfectionis naturalis, sed vltimata perfectio Angeli est intelligere opus diuinum, ergo.

Psalm. 118.

Contra istam rationem arguit Sco. & bene, quia tunc angelus superior faceret videre Angelum inferiorem aliquid reuelatum in verbo, quia hoc est vltima eius perfectio.

Contra Henricum arguit Scotus.

Ideo est tertia opinio, quæ dicit, quod sicut homo docet alium hominem, ita Angelus potest alium Angelum illuminare, sed vnus homo docet alium quadrupliciter.

Primo modo imprimendo speciem directe sicut in Mathematicis: Magister imprimit discipulo formam quadranguli.

Secundo modo imprimendo lumen in directe excitando lumen intellectus agentis. Tertio modo proponendo propositiones modo debito, & determinato proponendo principium ad conclusionem eliciendam ex principio, & connexionem ipsorum adinuicem sicut recitat Aug. de iuvene illo interrogato de conclusioni-

bus geometricis per ordinem.

Quarto modo homo docet alium iuuando, & confortando intellectum circa obiectum. Applicando illa ad propositum dicitur, quod angelus non illuminat primo modo quantum ad speciem, nec secundo modo quantum ad lumen, quia angelus nihil recipit ab alio, nec tertio modo scilicet proponendo propositiones debito modo, quia angelus intelligendo non discurret, & sic illuminat, quarto modo iuuando intellectum circa obiectum, & ipsum confortando. Contra illam opinionem est eadem ratio, quæ fuit contra Thomam de illuminatione confortatiua.

Item arguit sic Varro, quia si vnus angelus non facit aliquid in alio non videtur ipsum illuminare: sicut si sol semper luceret in se, & nihil faceret extra se nunquam illuminaret medium. Propter quod est quartus modus dicendi scilicet. Scoti qui dicit, quod illuminatio in angelo est quedam locutio de noto perfectissimo in esse secundo, & vnus angelus potest alteri loqui, vt patet ex quæstione præcedenti, ideo vnus potest alium illuminare. Sed hic sunt duo dubia, vnum si superior illuminans potest facere inferiorem videre in verbo, Secundo si inferior possit illuminare superiorem. Ad primum dico, quod non, quia sicut cognitio verbi est mere supernaturalis, ita cognitio cuiusunque obiecti contenti in eo est mere supernaturalis, sed quod est mere supernaturale non subiacet causalitati causæ secundæ, ergo.

*Opinio Scoti
quid sit illuminatio.*

Duo dubia.

Ad 1.

Ad 2.

Ad secundum dubium dico, quod Deus de potentia sua absoluta potest aliquid reuelare angelo inferiori, quod non esset reuelatum angelo superiori. Et tunc ille inferior posset aliquo modo loqui superiori, quæ locutio esset aliquo modo illuminatio. De communi tamen cursu quicquid Deus reuelat inferioribus, reuelat & superioribus. Ad primum principale dico, quod illuminare non est lumen creare, quia creatio excludit omnem causalitatem subiectiuam sicut patebit in quæstione de ratione seminali, hic autem præsupponitur subiectum receptiuum.

Ad secundum dico, quod intellectus humanus non

tantum illuminatur a luce diuina, quin etiam ibi concurrat causa secunda illuminans.

Ad tertium dico, quod non oportet ibi concedere tenebras per positionem, quia cherubin sunt perspicaciores in scientia quam angeli, & tamen propter hoc angeli non dicuntur tenebrofi.

Ad quartū dico, quod angelus inferior potest illuminare superiorē si aliquid reuelatur sibi quod nō reueletur superiori. Nec est inconueniēs, quod angelus inferior excedat superiorem in aliqua perfectione accidentali. Eodē modo dico quod angelus superior potest illuminare inferiorē. Et cum dicis, quod maius lumen obfuscat minus per argumentum de sole, & stellis dico, quod supponit falsum quia ita apparet propter materialitatem & defectum sensus cum impedimento medij non dispositi, quia si quis esset in puteo profundo in meridie videret clare stellas non obstante luce solari.

DISTINCTIO X.

Vtrum omnes Angeli mittantur?

D. Bona. 2. sent. distin. 10. q. 2. Art. 1.

Scotus 2. sent. distin. 10. q. 1.

D. Thomas prima parte q. 112. Arti. 2.

Richardus. 2. sent. distin. 10. q. 2.

Durandus 2. senten. distin. 10. q. 1.

QV AESTIO I,

Hic etiam inuestigandum. Circa istam distin- 8. cap. cale.
tionem 10. tractat Magister de missione an- Hier. cap. 7.
gelorum, ideo quero sicut Magister querit.
Vtrum omnes angeli mittantur? Videtur
quod non, per Dionisium qui dicit, quod
superiora illa agmina ab inumis nunquam recedunt.

Præterea Daniel. 7. dicitur. Milia milium ministra-
bant ei, & decies centena milia assiscebant ei, sed qui
assisunt nō mittuntur, ergo.

*Heb. i.**Missio duplex est.**Causa specialis Angeli superiores mittuntur ad extra.*

In contrarium est apostolus. Omnes sunt administratorij spiritus, &c. Respondeo, & dico, quòd omnes mittuntur. Sed missio est duplex. scilicet ad intra, & ad extra. Illi autem de supremis ordinibus secundum communem cursum non mittuntur, nisi ad intra faciendo reuelationes inferioribus. Illi autem de infimis ordinibus mittuntur ad extra. Veruntamen quamuis de communi cursu spiritus superiores non mittantur ad extra, puto tamè quòd ex aliqua causa speciali, etiam species superiores mittuntur ad extra, quia sicut vult beatus Bern. ille qui annunciauit incarnationem Christi fuit de summo ordine. Ad argumentum Dionysij, & Danielis dicendum, quòd loquuntur de communi cursu missionis.

DISTINCTIO XI.

AN angelus custodiens possit aliquid effectiuè causare, in intellectu hominis custoditi?

Scotus 2. sententiarum distinc. XI. q. 1.

QVAESTIO I.

ILVD quoque sciendum. Circa istam 11. distinctionem quero. An angelus custodiens possit aliquid effectiuè causare in intellectu hominis custoditi? Videtur quòd sic, quia alias frustra custodiret ipsum nisi posset eum dirigere in actibus humanis.

Præterea actiuum quod potest aliquid causare in passivo excellentiori, potest etiam aliquid causare in passivo minus excellenti. Sed intellectus angelicus est nobilior intellectu humano, & angelus potest aliquid efficere in intellectu angelico, vt patet ex quaestionibus de locutione angelorum, & illuminatione, ergo.

Præterea plus conuenit intelligentia cum intellectu humano, quam sensibile, sed sensibile potest aliquid efficere in intellectu nostro, ergo.

In contrarium patet per August. super *psal.* An-

gelis suis mandauit de te &c. Responsio, hic sunt tres articuli. Primus si quilibet homo habet angelum custodem sui. Secundus si angelus potest aliquid efficere in intellectu nostro secundum opinionem Auicennæ. Tertius si secundum opinionem Theologorum.

Psal. 90.

Quantum ad primum dico cum Magistro, quod sic, hoc patet Matth. Angeli eorum semper vident faciem patris mei &c. vbi dicit Hieronymus. Magna dignitas animarum, ut vnaquæque anima habeat ab ortu natiuitatis suæ in custodiam suam deputatum angelum. Item in actibus apostolorum dicitur de Petro. Forsitan angelus ipsius est. Item in psal. Angelis suis mandauit de te.

Matth. 10.

Sed hic est dubium de Antichristo si habebit angelum custodem sui. Et dicit Aureolus, & bene, quod Antichristus, vel erit obstinatus in malo, & sic non habebit, vel non erit obstinatus, & sic non erit inconueniens ipsum habere angelum: Item est & aliud dubium, quia duo homines custoditi possunt adinuicem contradicere ex bono motiui de aliquo bono opere, & sic videtur, quod inter angelos sit controuersia, & pugna. Ad quod dico secundum viam sanctorum, quod nullum inconueniens est inter angelos esse opinionum diuersitatem, quantum ad ea, quæ sunt ad finem dummodo maneat identitas finis.

Astrum 1. 2.

Psal. 90.

Item dubium est si contristantur de custodito perditio, dico quod non habent tristitiam prout tristitia habet passionem, & afflictionem, sed prout dicit volitionem.

Quantum ad secundum articulum est opinio Auicennæ, qui dicit, quod anima dum actu intelligit habet species ab intelligentia, & hæc species non habent esse manifestum in anima post actualem considerationem, probatur per hoc quod in organo sensus conseruatur species post recessum sensibilis ex eo, quod organum non est naturæ cognoscere obiectum, sed intellectus non est potentia organica ergo. Modus suus ponendi fuit talis, ipse posuit ordinem in intelligentiis ita quod vltima intelligentia insuebat species dum erat actualis intellectio super nostrum intellectum. Et sicut Plato posuit, quod per conuersionem intellectus nostri ad ideam alicuius rei haberemus scientiam illius rei. Ita Auicenna posuit, quod

*6. naturalis
par. 5. cap. 6.*

*Modus ponendi
di Auicennæ.*

*Ani. vbi su-
pra.*

per conuersionē intellectus nostri ad illam. scilicet intelligentiam haberemus notitiam rei. Ait enim in principio capituli allegati, quod causa dandi formam intelligibilem animæ nostræ non est nisi intelligentia in effectu penes quam sunt principia formarum intelligibilium abstractarum.

Contra illam opinionem arguitur dupliciter, secundū quod duo ponit. Primo quod species fluunt in animam nostram ab intelligentia, secundo quod illę species non manent nisi actu intelligendi manente.

*D. Thom. 1.
parte summa
q. 89. artic. 2.
phys. 23.*

Contra primū arguit Thomas sic, quod si ita esset tunc frustra anima vniretur corpori, quia non propter aliquā perfectionem animæ in essendo, quia forma nō est propter materiam, sed econuerso, ex secundo philosophorum, nec propter perfectionem animæ in operando, quia non vnita posset habere species ab intelligentia sicut vnita.

Ista ratio non valet, quia eodem modo concludit, quod anima beata frustra vnitur corpori, quia non propter aliquam perfectionem in essendo, quia forma non est propter materiam, sed econuerso, vt dicis, nec propter perfectionem eius in operando, quia illam perfectam operationem habet anima beata nō vnita corpori, sicut vnita. Arguo ergo aliter sic. Omnis nostra cognitio oritur à sensu, & deficiente sensu deficit scientia, quæ est secundū illum sensum. Sed hæc est falsa si illę species imprimerentur ab intelligentia, ergo. Contra secundum articulum arguitur l. i. dis. 3. quære ibi. Et adducitur ad præsens auctoritas Aui. in vlt. c. i. partis 6. naturalium vbi dicit, quod anima non considerat species nisi veluti sunt repositæ in intellectu.

*1. Et 2. post.
comex. 33.
Et cont. 27.
Et 1. met. in
prohemio, Et
2. phys. con-
tex. 6.*

Quantum ad tertium articulum dico, quod cū quæritur, Vtrum angelus possit aliquid effectiue causare in intellectu nostro potest intelligi, vel de angelo absolute sumpto, vel de angelo cum corpore assumpto. Si secundo modo patet, quod sic per totum librum Tobie de Raphaelē. Si autem primo modo dico duas conclusiones: Prima est, quod nihil potest causare immediate effectiue: puta intellectionem, vel speciem. secunda conclusio est, quod aliquid potest dispositiue.

Prima conclusio probatur sic. Actus actiuorum sunt

in patiente disposito, sed intellectus noster dum est coniunctus corpori corruptibili non est dispositus ad suscipiendum immediate speciem, vel intellectionem ab angelo, ergo quia pro statu isto intellectus impeditur ne possit recipere immediate immutationē ab aliquo actu intelligibili siue fantasinate, quia fantasma se habet ad intellectum nostrum pro isto statu sicut sensibile ad sensum, sed sensus non immutatur primo nisi ab aliquo sensibili, ergo nec intellectus noster immutatur pro statu isto primo nisi à fantasiabili. Ex hoc inferit Sco. correlativum, quod angelus non potest aliquem rapere ad intellectionem visibilem, quia omnis raptus virtute diaboli est præcise ad aliquid intense imaginandum cuius intensa imaginatio facit animū distractum ab omni alia cogitatione.

2. de animæ
com. 24.

Sco. inferi
correlativum.

Quantum ad secundam conclusionem dico, quod potest aliquid causare dispositivè, non tamen ut novum fantasma producat, quia novum fantasma non produceretur nisi causa naturali mediante qua ponitur obiectum. Quomodo ergo potest disponere, & novum fantasma non producere, dico quod hoc potest fieri dupliciter.

Vide Egidium
quod 6. q. 16.

Primo quietando motum humorum, & spirituum qui morus impediunt cognitionem. Et exemplum est, videmus enim quod in aqua mota imagines non apparet, in aqua vero quieta apparent, & tunc visus distinctè videt. Ita etiam motus spirituum, & humorum impediunt distinctam cognitionem, & sedatio eorum iuvat. Cum ergo angelus posset illos motus sedare, poterit & ad distinctionem cognitionum iuvare. Et hoc est quod habetur 7. phisicorum, quod anima sedendo, & quiescendo fit prudens. Alius modus est Rich qui dicit, quod angelus potest dispositivè aliquid facere fantasmata transmutando absque tamen corruptione illius organi in quo sunt, quibus transmutatis, & debito modo adinvice ordinatis, plus quam prius magis habet disponere ad intelligendū. Et est exemplum, sicut ex paucis literis diversimodè ordinatis fiunt diversæ representationes, ita ex eisdem fantasmatibus alio, & alio modo ordinatis fiunt diversæ representationes propter quod dicitur i. de generatione, quod ex

Pulchrum
exemplum.

7. phis. com-
tex. 19.

Vide Richar-
dum in 2. di-
stinc. 10. q. 2.

Exemplum.

1. de gener.
cont. 5.

eisdem literis fiunt comœdia, & tragœdia. i. versus resul-
tantes in laudem, vel vituperium.

Ad primum principale dico, quod non frustra custo-
dit hominem, tum quia potest aliquid efficere dispositi-
ue, tum quia custodiunt nos a multis impugnationibus
dæmonum, vt vult Hieronymus super Matthæum.

Ad secundum dico, quod maior est vera dummodo
non sit impedimentum in passo, minus excellenti. Sed
in proposito dico, quod est impedimentum in nostro in-
tellectu pro statu isto, puta fantasma.

Ad tertium eodem modo, quod sensibilia possunt im-
mutare intellectum pro statu isto, quia nullum est im-
pedimentum, sed intelligentia nō potest, quia habet im-
pedimentum, vt dictum est.

DISTINCTIO XII.

An materia dicat entitatem positiuam distinctam
realiter à forma?

Scotus 2. sententiarum distinctio 12. q. 1.

Richardus quolib. 4. q. 5. Art. 1.

QVÆSTIO I.

HÆc de naturæ angelicæ. Circa istā distin-
ctionem 12. quæritur primo. An materia di-
cat entitatem positiuam distinctam realiter
à forma? Videtur, quod non, quia 7. Meth.

*7. Met. con-
tex. 3.*

dicitur, quod materia nec est quid, nec qua-

le, nec quantum, nec aliquod prædicamentorum, ergo.
Præterea 5. Phy. probatur, quod generatio nō sit mo-
tus sic. Quod generatur, non est, quod mouetur est, er-
go quod mouetur non generatur, ergo generatio non
est motus. Si ratio est bona, oportet, quod vniformiter
negetur à subiecto generationis esse quod affirmatur de
subiecto motus. Sed de subiecto motus affirmatur esse
in potentia, quia motus est actus entis imperfecti, vel
in potentia, ergo hoc negetur à materia, & sic erit nihil
cum nec sit in actu nec in potentia. Præterea tunc ma-

*5. Phys. con-
tex. 8.*

teria

teria de se esset cognoscibilis, quod est contra Philosophum. In contrarium arguitur per illud quod habetur 2. Phy. vbi dicitur, quod materia est illud ex quo fit aliquid cum insit, ergo. Responsio. Hic sunt tres articuli. Primo impugnatur vna opinio falsa, secundo dicetur ad quæstionem secundum veritatem, tertio remouentur quædam dubia.

1. *Phy. com.*

69.

2. *Physic. com.*

28.

Quantum ad primum est vna opinio, quæ dicit, quod materia non dicit entitatem positiuam distinctionem à forma, sed in substantia generabili, & corruptibili, est tantummodo vna entitas positua, quæ à quibusdā dicitur materia, à quibusdā vero dicitur forma, maximè cum perficit in gradu suæ entitatis diuersimode. Contra illud dictum arguit Sco. primo per dictū Philosophi. 1. Phy. 1. *Physic. cōt.* vbi dicitur, vnum contrarium non fit aliud, sed oportet 60. et 63. aliquid commune manere sub vtroque termino. Ex hoc arguitur sic, omne naturale agens requirit potentiam in quam agit, & istam potentiā transmutat de opposito in oppositum. Sed vnum oppositū non fit aliud oppositum, ergo materia, quæ subiicitur non est alterum oppositum, puta forma, vel priuatio.

Secundo sic, aliqua substantia est corruptibilis, à principiis intrinsecis, sed si substantia generabilis, & corruptibilis non habet nisi vnam entitatem positiuā eius substantia erit simplex, & non habebit in se principia corruptionis, ergo. Tertio sic. Si materia non sit entitas positua a forma, nō erit generatio nec corruptio, sed hoc est falsum, ergo. Probatio maioris, generatio est à non subiecto in subiectū, corruptio autem econuerso, ex 5. Phy. Sed si substantia generabilis sit solum idē, quod forma non remanebit subiectū aliud. Quarto sic, principium receptiuū est distinctum realiter à principio recepto, quia idem non recipit se. Sed principium receptiuū est materia, & principium receptum est forma, ergo. Ad do ad idem duas rationes. Primo sic. Quando vnum manet altero non manente illa non sunt idem, sed manente materia forma potest corrumpi, & non manere, ergo. Secundo sic, quod præsupponitur generationi non est idē cum eo quod acquiritur per generationem. Sed materia præsupponitur generationi, forma vero acquiritur,

5. *Met. cōt. 7.*

5. Met. c. 5.
quasi circa
principium.

ergo. Præterea Aui. ait, materia non est in effectu nisi per formam, forma vero est quoddam aliud a materia, & vnum non est aliud.

Duplex est
potencia.

Actus est
duplex.

Quantum ad secundum articulum est videndum qualis entitas est entitas materiæ. Et dico, quod est entitas in potentia, sed hoc dupliciter potest intelligi secundum quod duplex est potetia. scilicet obiectiua, & subiectiua. Materia autem ex quo producta est non est in potetia obiectiua, sed subiectiua, & ut sic est etiam in actu. Sed est distinguendum de actu, quia actus est duplex. scilicet actus formalis qui informat & actus entitativus. Materia vero non dicit actum primo modo sumptum. sed secundo modo, & tunc est probandum, quod materia dicit entitatem distinctam à forma, quod probatur per sex rationes factas in primo articulo contra primam opinionem, & confirmatur ex v. fundamentis philosophi in diuersis locis. scilicet tum quia materia est per se principium, ex 1. physicorum, tum quia materia est per se causa, ex 2. physicorum, tum quia materia est per se pars compositi, ex 7. metaphysicæ, tum quia materia est per se subiectum generationis, ex 5. physicorum tum quia materia est ingenua, & incorruptibilis, ex 1. physicorum.

1. de gen. con-
tex. 1. & 23.

Quantum ad tertium articulum restat remouere quedam dubia contra hoc quod dictum est in secundo articulo. scilicet quod materia dicit entitatem positiuam actualem.

Primo quia non potest saluari generatio, ut distinguitur contra alterationem per dictum philosophum. qui arguit contra antiquos philosophos. quod si subiectum generationis est ens in actu non potest saluari generatio.

Secundo quia quod aduenit enti substantiali in actu est actus, ergo si materia est ens in actu substantiali forma ei adueniens est accidens.

7. Met. con-
tex. 49.

Tertio sic, quia ex duobus entibus in actu non fit vnum per philosophum. 7. metha. & sic materia non faceret per se vnum cum forma.

Quarto sic, sicut se habet primus actus ad primam potentiam, ita prima potentia ad actum. Sed primus actus qui est Deus nihil includit potentialitatis, ergo nec prima potentia sicut est materia includit aliquid actualitatis.

Quinto sic, actus proportionatur potentia. Sed potentia materiae est infinita, ergo si materia dicit actum, habebit actum infinitum. Ad primum dico, quod ut patet ex secundo articulo, quod actus est duplex. Sactus entitativus qui opponitur potentiae obiectivae, & actus formalis, qui perficit potentiam subiectivam. Antiqui enim philosophi posuerunt, quod materia est ens in actu corporeo, & formali secundo modo dicto. Ego autem non sic pono.

Ad secundum dicit Varro, quod maior est falsa, quia patitur instantiam de alimento quod aduenit rei existenti in actu, & tamen non est ei accidens. Vnde quod aduenit rei actuatae actualitate formali, & ultimata bene est ei accidens, sicut infra patebit quaestione de pluralitate formarum. Et eodem modo dico ad tertium quod vnus actus potest esse potentialis, & formalis perfectibilis respectu alterius, ut patet in homine supposita pluralitate formarum. Ad quartum dico, quod accipiendo vniformiter maior habet veritatem sub tali sensu, quia sicut actus primus qui est Deus nullam habet potentiam passivam ad actum formalem, sic materia prima ex se nullum habet actum formalem.

*Opinio Varro-
ronis.*

Ad quintum dico, quod potentia est duplex, vna, quae respicit formam in fieri, alia quae respicit formam in esse subiecti. Primo modo concedo, quod tantus est actus quanta est potentia, secundo modo non oportet quod actus proportionetur potentiae absolute sumptae.

*Duplex pote-
tia.*

Ad argumenta principalia. Ad primum auctoritas soluit seipsam, quia dicitur ibi quod materia non est aliquid eorum quibus determinatur ens, sicut sunt species, & differentiae, sed materia est aliquid indeterminatum. Ad secundum dico, quod esse affirmatum de subiecto motus est esse in actu sicut patuit supra in quaestione de motu angelorum, & hoc esse remouetur a subiecto generationis sumendo semper pro esse in actu formali.

Ad vltimum dico quod materia est per se cognoscibilis, sed si non cognoscitur, hoc est propter defectum intellectus nostri.

An materia per potentiam diuinam possit
esse sine forma?

D. Bona. 2. senten. distinc. 12. q. 1. Artic. 1.

Scotus secundo sententiarum distinc. 12. q. 2.

D. Thomas prima parte q. 66. Artic. 1.

Ricardus 2. sent. distinc. 12. q. 4.

Franciscus de Mayronis 2. sent. distinc. 12. q. 2.

Durandus 2. sententiarum distinc. 12. q. 2.

Ioannes Baconitanus 2. sent. dist. 12. q. unica.

QV AESTIO II.

SECUNDO quaeritur. An materia per potentiam diuinam possit esse sine forma? Videtur quòd non, quia priuationes formarum oppositarum sunt oppositæ, sed opposita non possunt simul esse in eodem subiecto. Si autem materia esset sine omni forma tunc opposita essent in ea. Præterea plus habet de actualitate forma materialis quam materia. Sed Deus non potest facere formam materiale sine subiecto: puta motum sine mobili, ergo. Præterea Hugo. dicit quòd materia non potest esse sine forma.

*De sacramen-
tis parte 1. 2.
met. ca. 3. 1. de
gene. cap. de
augmenso.*

Præterea idem probat Auicenna, & Aristoteles. In contrarium, quicquid Deus per se potest intelligere, potest per se facere, sed Deus potest intelligere materiam sine forma, ergo. Responsio. Hic sunt tres articuli. In primo ponuntur duæ opinionēs falsæ, secundo dicetur ad quaestionem secundum veritatem, tertio dicetur ad motiua eorum qui sunt pro opposita parte.

*Opinio Al-
berti Egi.*

Quantum ad primum est vna opinio, quæ conformiter dicendo ad dicta in primo articulo præcedentis quaestionis dicit, quòd quia materia, & forma dicant eandem rem, ideo materia non potest esse sine forma. Sed hæc opinio quantum ad fundamentum est improbatâ in præcedenti quaestione, ideo relinquitur.

*D. Thom. 1.
parte summe.
q. 66. artic. 1.*

Est ergo opinio Tho. quæ dicit quòd Deus hoc non potest, & habetur talis ratio ab eo, quòd Deus nō potest

quod implicat contradictionem, sed materiam esse sine forma implicat contradictionem, ergo. Probatio minoris, quod per se existit est in actu, sed materia secundum se non est in actu, & sic simul esset in actu, & non esset in actu, quæ contradicunt. Aliqui enim sequentes istam opinionem arguunt multipliciter.

Primo sic, sicut se habet figura ad corpus, ita forma ad materiam. Sed Deus non potest facere corpus sine figura, quia faceret infinitum in actu. ergo.

Item quanto aliqua verius faciunt vnum tanto minus sunt superabilia, sed materia verius facit vnum cum forma, quam subiectum cum propria passione, ergo sunt minus separabilia, sed Deus homo potest facere subiectum sine propria passione, ergo. Item materia prima habet minimū de entitate, quia est proprie nihil secundum Augustinum. Sed si posset esse sine forma non haberet minimum de entitate, ergo. Probatio minoris, quod potest per se esse, habet plus de entitate, quam id quod non potest per se esse. Sed relatio per se non potest esse sine fundamento, materia autem per se potest esse sine forma, ergo materia habet plus de entitate quā relatio.

12. confessio-
num cap. 32.

Item omne quod habet per se esse, vel est actus, vel habens actum, sed materia nullum horū est cum sit ens in potentia. Item quod habet per se esse, habet ideam in Deo, sed materia non habet ideam in Deo, ergo. Item secundum Boetium omne esse est à forma, sed materia non habet formam. Vltimo sic, quando aliqua analogatur in vno analogato, illud non habet esse nisi in primo realiter, & essentialiter, & in alio non habet esse nisi per rationem illius. Exemplum de sanitate in vrina, & in animali. Sed materia, & forma analogantur in esse, & hoc primo competit formæ, ergo.

1. de tri. c. 3.
Vide Auerro
2. phys. com.
12.

Exemplum.

Quantum ad secundum articulum dico, quod illa opinio est falsa, quod primo probo sic. Quia plus dependet accidens à subiecto, quam materia à forma, sed deus potest facere accidens sine subiecto, vt patet in sacramento altaris. Respondetur, quod non est simile, quia materia nullum datactum, accidens autem datactum, ergo accidens potest esse sine subiecto, materia autem non

1. de gen. con-
tex.

7. met. con-
tex. 2.

potest esse sine forma. Contra Aristoteles primo de generatione mouet consimilem questionem, & dicit, quod materia non potest separari a forma nisi passionibus sint separabiles, sed per te passionibus possunt separari a subiectis, ergo. Item septimo metaphisicæ. Accidentia non sunt entia nisi quia entis, ergo. Secundo principaliter arguit Scotus sic. Deus potest facere, quod non implicat contradictionem, sed materiam esse sine forma non implicat contradictionem, ergo.

Vide etiam
Henricum
quod. 3. q. 10.

Probatio minoris, absolutum prius alio absoluto, & distinctum realiter ab eo potest esse absque contradictione sine illo. Sed materia est ens absolutum distinctum realiter a forma, ut patet in questione præcedenti, & prius forma, quia receptiuum est prius recepto, ergo. Præterea quicquid Deus causat in creaturis respectu absoluti, & non est de essentia rei potest fieri sine illo. Sed forma absoluta non est de essentia materiæ, ergo. Dico ergo, quod hic, aut quaeritur de forma absoluta, aut respectiua. Si primo modo patet quod sic. Si secundo modo non faciendo nunc mentionem de forma respectiua, quæ est creaturæ ad creaturam, sed de forma respectiua quæ est creaturæ ad Deum, patet ex questione quarta istius secundi, quod illa relatio est idem realiter quod creatura, & sic non potest esse sine alia, quia nihil potest esse sine eo quod est idem realiter sibi.

Duplex pot-
tia.

Quantum autem ad tertium articulum oportet respondere ad argumenta alterius opinionis. Ad primum dico quod non implicat contradictionem, & cum probas, quod esset in actu, & non in actu. dico, quod sicut est duplex potentia, scilicet obiectiua, & subiectiua, ita est duplex actus. Vnus qui opponitur potentiæ subiectiua, & dicitur actus formale. Et alius qui opponitur potentiæ obiectiua, & dicitur actus entitativus. Materia autem est in actu, & non in actu, sed non contradictorie: quia est in actu entitativo, & non in actu formali. Ad secundum dico, primo quod ista similitudo est vera quantum ad terminabilitatem, quia sicut figura terminat corpus extrinsece, ita forma terminat materiam intrinsece: sed non est vera quantum ad inseparabilitatem. Aliter potest dici, quod Deus potest facere corpus sine figura. Et cum dicit, quod tunc fieret

infinitem in actu, nego quia quamuis corpus non terminetur termino extrinseco, terminaret tamen termino intrinseco. Ad tertium est instantia de anima intellectiua, quæ non potest separari à corpore, quia cū sit per se forma corporis verius facit vnū cum corpore quā subiectum cum propria passione. Sed potest aliter responderi, quòd esse magis vnum potest intelligi dupliciter, vel quantum ad partes vnitas, vel quantum ad modum vnionis, puta quantum ad separabilitatem, vel inseparabilitatem. Primo modo materia, & forma faciunt magis vnū: sed non secundo modo. Ad quartum dico, quòd materia est minimū inter entia infra conceptum generis substantiæ, & sic intelligit August. Sed materia non habet minimum esse comparando ipsam ad omnia, quæ sunt infra conceptum entis, & hoc patet septimo metaph. vbi dicit, quòd substantia quæcunque, siue materia, siue forma, siue compositum est prior quocunque accidēte perfectione. Ad quintum iam patet ex dictis, quòd materia habet actum entitatiuū. Ad sextum dico, quòd minor est falsa: quia materia habet ideam propriā in Deo, quia est per se terminus creationis, per August. Ad septimū dico, quòd Boetius ibi intelligit de esse specifico, & perfecto, quòd esse non habet materia.

*Esse magis
vnum potest
intelligi duo-
bus modis.*

*7. Super Ge.
cap. 18.*

Ad vltimum dico, quòd maior est falsa, quia accidēs, & substantia analogantur in ente, ex quarto metaphisicæ, cum accidens potest esse, siue substantia, vt patet in eucharistia. Ad primum principale dicitur, quòd sicut materia per virtutem diuinam potest esse sine forma: ita per virtutem diuinam priuationes formarum oppositarū possunt simul esse in materia. Aliter potest dici, quòd inter illas priuationes non est oppositio propinqua, sed remota. Et confirmatur per philosoph. quinto phisicorum, qui dicit, quòd non est transmutatio de non subiecto ad non subiectum: quia non est ibi oppositio, & omnis transmutatio est de opposito ad oppositum. Ad secundum dicit Ægidius, quòd non est simile, quia motus non habet esse permansiuum, quia est in continuo fluxu. Materia autem habet esse permanens. Aliter dicitur, quòd motus addit super mobile solum respectum: sed forma dicit quid absolutum. Aliter dicit Varro, quòd argu-

1. De tri. c. 3.

*4. Met. con-
tex. 2.*

*5. Phys. con-
tex. 7.*

mentum non valet, quia forma naturalis præsupponit materiam, materia autem nõ præsupponit formam, quia prius potest esse sine posteriori, ideo materia potest esse sine forma, & non econuerso. Aliter potest dici secundum Scotum, quòd non est inconueniens quòd Deus facit motum sine mobili. Sed de hoc alibi in materia de eucharistia.

Ad auctoritates Hugonis, Auicennæ, & Aristot. dico quod loquuntur de materia, vt comparatur potentie naturali non diuinæ.

An lux fuerit prima die creata?

Scotus 2. sentent. distinct. 13.

D Thomas prima parte quæstio 67. articulo 4.

QVÆSTIO I.

PRIMA autem distinctionis. In ista distinctione decimatertia tractat Magister de operatione primæ dici, & de creatione lucis. Ideo quæro. An lux fuerit prima die creata? Videtur, quòd non, quia proprium accidens nõ producitur sine proprio subiecto. Sed proprium subiectum lucis est sol, & sol fuit quarta die creatus, igitur. In contrarium est Magister in litera. Et confirmatur. quia illud fuit primo citatum per quod distinguebatur dies a nocte. Sed illud erat lux, ergo.

Responsio. Hic sunt quinque articuli. Primo videndum est, quid sit lux, secundo quid lumen, tertio qualiter lumen gignitur à luce, quarto qualiter multiplicatur in medio, quinto quomodo lux fuit creata.

*Quomodo lux
non sit substantia,
sed accidens.*

Quantum ad primum articulum dico, quod lux non est substantia, sed accidens. Quod probò tripliciter. Primo, forma substantialis non est per se sensu perceptibilis. Sed lux est per se sensu perceptibilis, ergo. Minor patet, Maior probatur, omne illud cuius præsentia est in aliquo sensu perceptibilis, & eius absentia est perceptibilis, ergo si substantia est sensu perceptibilis absentia panis in Eucharistia est naturaliter perceptibilis,

quòd est falsum.

Secundo sic, quod vni est accidens nulli est substantia. Sed lux est alicui accidens, quia potest inesse, & abesse præter subiecti corruptionem.

1. *Phy. contex.*
27. & 30.

Tertio sic per Aureolum. Illud est accidens alicui quod sibi additum in prædicatione nõ facit negationem sicut patet per Commen. sed sine negatione dicitur. Sol lucidus, ergo.

Opinio Au-
reoli.

7. *Met. com-*
men. 4.

Quantum ad secundum articulum dico, quòd lumen non est substantia. Quod probatur tribus rationibus positis in præcedenti articulo, quia concludunt hic sicut ibi. Et additur quarta ratio, quia vel esset substantia corporalis, vel spiritualis. Non primo modo per argumentum Philosophi, 2. de anima, quia tunc duo corporea essent simul, quòd improbat Philosophus, nec secundo modo, quia est extensibile.

2. *De anima*
com. 69.

Quantum ad tertium articulum dico, quòd lux gignit lumen tanquam propriam speciem similem sibi.

Ad cuius intelligentiam est sciendum, quod secundum Alacem in sua perspectiva triplex est radius, rectus, fractus, & reflexus. Radius rectus est qui diffunditur a corpore luminoso in medio eiusdem Dyafoneitatis, & durat tantum quātum virtus luminosi. Radius autem fractus est, qui concurrente medio alterius Dyafoneitatis, non tamen omnino opaco multiplicatur in isto medio non secundum lineam rectam. Radius autem reflexus est, qui concurrente medio opaco antequam terminetur virtus actiua luminosi diffunditur in partē oppositam. Istis modis lux potest gignere lumen. Sed tunc est dubium quomodo lumen est in medio. Et ibi sunt duæ opiniones extremæ. Scotus dicit, quod habeat esse intentionale, non quod intentio dicatur, quia intendit sensum, sed quia est ratio tenendi in actum cuius est propria similitudo, & probat, quod habet esse intentionale, quia si non esset ibi intentionaliter tunc positum super sensum prohiberet sensum.

Triplex est
radius.

Dubium quo-
modo lumen sit
in medio.

Opinio Scoti
2. *sent. dist. 13.*

Alia est opinio Aureoli, & Thomæ, quòd habet esse reale in medio, tum quia habet effectum realem, tum quia denominat medium, tum quia expellit oppositum, scilicet tenebras. Sed istę opiniones forte non sunt con-

Opinio Aureo-
li, & D. Tho-
mæ 1. parte
summe, q. 67.
ar. 2.

*Intentio acci-
piatur dno-
bus modis.*

trariæ. Nam intētio accipitur dupliciter. Vno modo pro intentione logica. Alio modo pro ente diminuto, quia non est ita perfectum sicut suum fundamentum. Et illo modo lumen habet esse intentionale in medio, quia eius esse non est ita perfectum in medio sicut esset in suo fonte. Et tunc argumenta Thomæ non concludunt, quia illud esse intentionale potest habere effectum realem, & denominare medium, & expellere contrarium. Sed de hoc dicam diffusius alibi si contingat me scribere, in secundo de anima.

*Morte præve-
sus non scripsit.*

*2. De anima
context. 70.*

Quantum ad quartum articulum fuit opinio Empedoclis, sicut sibi imponit Aristoteles, secundo de anima, quod lumen non multiplicatur, in medio in instanti, sed in tempore non perceptibili. Eandem opinionem tenet auctor libri de sphaera. Sed teneo propositum. Tum propter auctoritates Philosophorum, quæ dicunt oppositum, tum propter rationes. Et est prima ratio talis ipsius Philosophi in secundo de anima. Quando aliquid diffunditur in tempore imperceptibili super aliquod spatium, multiplicato illo spatio diffunditur in tempore perceptibili, quia duo imperceptibilia possunt facere vnum perceptibile, ergo si lateret nos multiplicatio luminis in paruo medio propter imperceptibilitatem temporis non lateret nos in magno spatio ab oriente in occidentis.

*Pulchra opi-
nio Aureoli.*

Secunda est ratio Aureoli, & bona talis. Si radius non generatur a Sole in aere in instanti, ergo nunquam generabitur, consequens est falsum, ergo & antecedens. Consequentia probatur, quia Sol non est nisi in instanti in vno situ. Tunc in illo instanti, aut generat radium, aut non. Si sic habetur propositum, si non, ergo nunquam generabitur, quia sicut variatur situs Solis, ita variatur linea recta secundum quam radius rectus deriuatur.

*2. Tho. 1. par.
summe. q. 67.
ar. 4.*

Quantum ad quintum articulum dico, quod prima die fuit creata lux, Hoc probat Thomas sic. Qualitas primi corporis debuit prima die creari, sed lux est huiusmodi, ergo ratio non valet, quia agens perfectum, & ordinatum prius producit subiectum, quam qualitatem. Ideo est alia ratio Basilii talis. Illud fuit primo creatum,

*Opinio Basi-
lij.*

per quod producenda distincte cognoscebantur. Sed hoc erat lux, ergo. Ista ratio confirmatur per Magistrum, qui dicit. Congrue mundi ornatus a luce cœpit unde cœtera, quæ creanda erant videntur. Alia ratio potest ad idem adduci talis. Sicut est in cognitione, ita est in operatione. Sed in cognitione incipitur ab vniuersalibus, ergo, & in operatione. Sed communius, & vniuersalius est lux, quia in eo conueniunt corporalia, & spiritualia, ergo. Sed hic sunt duo dubia. Primum quid sit illa lux. Secundum quid factum sit de ea.

*Cap. 1. huius
dist.*

Dicunt aliqui ad primum, quod per illam lucem intelligitur natura angelica illuminata per gratiam. Sed ille est intellectus allegoricus, non literalis. Dicas ergo mihi quid fuerit illa lux literaliter. Et dicit Aureolus, quod illa lux nihil aliud fuerit literaliter, quam ipsamet dies. Sed hoc non credo esse verum, quia non est imperfectior prima dies, quam sequentes. Sed in diebus sequentibus distinguebantur dies, & opera, ergo. Ideo dico cum Magistro, quod fuit corpus lucidum velut lucida nubes.

*Quid fuerit
illa lux.*

Ad secundum dubium dicit Magister, quod aut de eo fuit corpus solis formatum, aut in ea parte cœli est in qua sol est, & sic ei est vnita vt discerni non valeat.

Contra illud quod dicit Magister, quod de illa luce sit sol formatus, obiicit Aureolus, quia tunc sol esset generabilis, & corruptibilis. Sed argumentum non cogit, nam ponunt aliqui cœlum formatum de materia primo creata & tamen non ponunt ipsum generabile, & corruptibile.

Ad argumentum patet per Magistrum quod lux illa non erat sine subiecto, quia erat in partibus illis quas nunc illustrat solis diurna lux.

DISTINCTIO XIII.

An cœlum sit compositum?

D. Bona. 2. senten. distinc. 12. q. 1. Artic. 2.

Secus 2. sententiarum distinc. 14. q. 1.

D. Thom. 1. par. q. 66. Ars. 2.

Ricardus 2. sent. dist. 12. q. 8.

Franc. de May. 2. sent. dist. 12. q. 3.

Durandus 2 sent. distin. 12. q. 1.

Ioan. Baconitanus 2. sent. distin. 14. q. 1.

QVAESTIO I.



DIXIT quoque Deus, &c. Circa istam distinctionem decimam quartam oportet duo videre. Primo de natura cæli quantum ad eius simplicitatem, vel compositionem, secundo de motu ipsius. Primo ergo quæritur. An cælum sit compositum? Viderur, quod sic, quia medium sapit naturam extremorum. Sed cælum id est, firmamentum est medium inter aquas superiores, & inferiores, ergo.

Præterea in re mota oportet imaginari materiam, sed cælum mouetur, ergo.

Præterea cælum est animatum; ergo est compositum. Antecedens probatur per Aristotelem, & Auicennam ubi dicit, quod cælum est animal obediens Deo.

In contrarium arguitur sic. Quod est compositum est corruptibile, sed cælum non est corruptibile, ergo.

Responsio. Prima tria argumenta quærent tres difficultates. Primum quærit si cælum sit de natura quatuor elementorum, secundum quærit si in cælo sit materia, tertium quærit si cælum sit animatum. Et secundum illa tria, sunt tres articuli.

Primus si cælum sit de natura quatuor elementorū. Et dicitur cum Philosopho, quod non. Hoc probatur ibi multis rationibus, de quibus adduco tantum duas. Prima est talis, proprius motus sequitur propriam naturam. Sed cælum, & elementa habent diuersos motus, quia cælum mouetur circulariter, elementa vero mouentur motu recto, ergo.

Secunda ratio. Cælum est incorruptibile secundum totum, & secundum partes, elementa autem ad minus sunt corruptibilia secundum partes. Sed corruptibile, & incorruptibile, non habent eandem naturam, quia differunt plus quam genere.

2. calic. comex.

13.

1. Calic. comex.

3. in de.

10. Met. comex. ult.

Secundus articulus est. Si in cælo est materia. Et dicit Aureolus, quòd non, & probatur primo sic. Si in cælo esset materia, vel esset eiusdem rationis cum materia inferiorum, vel alterius. Sed neutrum illorum potest esse, ergo. Probatio minoris. Non enim est eiusdem rationis quia tunc esset corruptibile, & transmutabile. Nec est alterius rationis, quia materia non dicit actum.

Opinio Aureoli.

Præterea Commen. dicit in tractatu in de substantia orbis quod cælum non habet materiam, & addit, quod in hoc melius habuit intentionem Aristotelis quam alibi.

Com. in tractatu de substantia orbis c. 2.

Præterea, quod habet materiam est in potentia contradictionis, & potest esse, & non esse, sed cælum non est in potentia contradictionis, ergo.

Confirmatur ex 7. Meth. ubi dicitur, quod materia est per quam res potest esse, & non esse. Si autem dicatur, quod non oportet cælum non esse, quia forma cæli terminat, vel satiat appetitum materiæ. Contra impossibile est aliquam formam excludere aliquam privationem formæ nisi det susceptiuo formaliter aliquem actum oppositum. Sed forma cæli non dat formaliter actum multarum formarum, quia non continet eas virtualiter, ad minus enim non cōtinet animam intellectivam, ergo. Istam opinionem non teneo, quia arguam contra eam sic: Extensio quantitativa necessario præsupponit materiam, sed cælum est extensum extensione quantitativa, ergo. Minor patet ad sensum. Major probatur, quia forma, secundum se non extenditur.

7. Meth. c. 12.

Secundo arguitur à quibusdam sic. Omne quod est in actu, aut est actus, aut habens actum. Sed cælum non est actus, quia tunc esset intelligibile actiue, ergo est habens actum. Sed omne tale constat ex materia & forma, ex actu, & potentia, ergo. Hic datur aliqua instantia, sed de hac alibi dicetur.

Vide Auctorem sex principiorum.

Sunt autem circa istam conclusionem duo dubia. Primum. Si materia cæli est eiusdem rationis cum materia inferiorum. Secundum. Si materia cæli habeat aliquam extensionem ab extensione quantitatis.

Duo dubia.

Ad primum dicitur à quibusdam, quod est eiusdem rationis, quod probatur, primo quia materia nullum dicit actum, sed distinctio fit per actum, ergo.

7. Met. cont.

49.

Secundo sic. Si esset materia eiusdem rationis cum alia, aut esset eiusdem actualitatis, aut alterius. Si eiusdem, habeo propositum. Si alterius, ergo sunt duæ materiæ primæ.

Tertio sic, non est alia ratio assignata ab aduersariis propter quod in cælo, & in inferioribus non sit eadem materia, nisi quia vnum esset transmutabile in aliud.

1. de substantia orbis c. 3.

Sed hoc non valet, quia in cælo est vna materia, & tamen vnum non est transmutabile in aliud. Sed hoc non credo esse verum, primo quia Commētator dicit, quod quicquid dicitur de superioribus, & inferioribus dicitur æquiuoce. Secundo si materia esset eiusdem rationis hic, & ibi, sequitur, quod cælum esset corruptibile, vel ad minus materia vnius rei corruptibilis esset in potentia ad formam cæli, & posset transmutari, alias illa potentia esset frustra.

8. Met. comment. 4. c. 12

Præterea arguit Varro sic, transmutatio facit nos scire materiam secundum Comment. ergo per diuersas transmutationes arguemus diuersas formas. Sed diuersæ sunt transmutationes superiorum, & inferiorū, igitur.

9. Met. cont. 22.

Secundo. Finis imponit necessitatem his, quæ sunt ad finem. Sed forma est finis materiæ, ergo vbi vna forma perficit incorruptibiliter, forma autem inferiorum corruptibiliter, ergo.

Ad rationes alterius opinionis dicitur.

Ad primum, quod supponit falsum. quia materia habet actum distinctum contra potentiam obiectiuam, ut patet.

Vide in hoc 1. dist. 12. q. 1.

Ad secundum dico, quod materia est prope nihil in sua coordinatione, scilicet corruptibilem, & incorruptibilem. Sed quia materia dicit proprium actum distinctum contra potentiam obiectiuam non est inconueniens, quod vna excedat aliam in entitate, sicut dicimus, quod materia est principalius ens quam relatio, ut patet, nec est inconueniens esse duas materias primas, ut patet in dist. 3. q. de compositione angelorum.

Vide in hoc 2. dist. prim. q. 1.

Ad tertium dico, quod omnes cæli sunt eiusdem spe-

ciei. Sed Scotus arguit contra per hoc, quod cæli habent diuersos effectus differentes specie. Credo tamen, quod ista obiectio non valeat in causis æquiuocis, quia sol per eandem virtutem habet dissoluere glaciem, & exicare lutum. Si autem valeat ista obiectio, potest dici aliter, quod materia sub forma vnius stellæ, non potest transmutari in aliam, quia non est in potentia naturali ad eam, sed tantum in potentia obiectuali.

Aliter potest dici, quod materia non est in potentia ad formas nisi propter rationes seminales, quæ non sunt in proposito. Sed de hoc dicetur infra.

Ad secundum dubium dicit Aegidius quod materia habet propriam extensionem aliam ab extensione quantitatis, quod probatur sic. Impossibile est accidens aliquod permanens, & diuisibile esse subiectiue, nisi in subiecto diuisibili, alias accidens esset naturaliter sine subiecto. Sed quantitas est accidens permanens, & diuisibile, ergo habet subiectum diuisibile vel extensum. Sed hoc est materia, ergo. Hoc non placet aliis, nec mihi, quia omne extensum est quodammodo corporeum, & sic plures quantitates corporeæ essent simul in eodẽ, & perirent argumenta Philosophi.

Dist. 18.

Opinio Aegidij.

Authoris Aegidij opinio nõ placet.

Ad argumentum autem dico, quod deficit per falsam imaginationem, quia imaginatur quod quantitas prius existat in actu, quam adueniat materiæ, quod non teneo, sed dico, quod agere naturale educit de potentia materiæ quantitatem actualem ad quam prius erat in potentia. Per ea, quæ dicta sunt patet ad argumenta opinionis, quæ negat in cælo materiam.

Hæc opinio non tenetur.

Tertius articulus est videre si cælum est animatum, & patet per auctoritates allegatas in tertio articulo principali, quod sic. Et confirmatur tali ratione. Viuum non potest esse à non viuo, sed multa sunt viua producta virtute cæli, sicut illa, quæ generantur per putrefactionem, ergo. Maior patet, quia omne viuum est nobilius non viuo. Ista opinio est falsa, & excommunicata per dominum Stephanum episcopum Parisiensem, & Theolog. Magistrum, & est contra Damascenum & contra Basilium, & Gregorium. Thomas autem improbat illam opinionem, per rationem talem. Quia si

Lib. 2. D. Th. I par. summa q. 70. ar. 3.

cælum esset animatum, anima frustra vniretur corpori caelesti, quia non propter perfectionem, in essendo pro eo, quod materia est propter formam, & non e conuerso, nec propter perfectiones in operando, quia atque perfecte posset operari non vnita sicut vnita. Ista ratio non concludit, quia eadem ratio posset fieri de anima beata, quæ vnitur corpori, sicut deductum est. 11. distinct. quæst. 1. articulo 2. Ideo est alia ratio Richardi, quæ arguit sic. Cælum non habet animam vegetatiuam, quia non augetur, nec minuitur, nec etiam habet animam sensitiuam, quia non habet instrumenta sentiendi, nec habet animam intellectiuam, quia intellectiua præsupponit istas, ergo.

*Ratio his non
valet.*

Li. 2. c. 5.

Sed ista ratio non valet, quia illa anima intellectiua secundum Platonicos, qui fuerunt contrariæ opinionis non vnitur ei vt forma, sed vt motor. Teneo ergo, quod cælum non est animatum, tum propter dictum Damas. tum propter dictum Basilij, Gregorij Nazanzeni, tum propter articulum excommunicatum per dominum Stephanum, qui dicit. Error est cælum ponere animatos.

Ad rationem contrariæ opinionis cum dicitur, quod viuum non potest esse, à non viuo, quia tunc non viuum, &c. dicitur vno modo, quod non est inconueniens, aliquid esse nobilius in vno ordine, & ignobilius in alio ordine, licet enim cælum sit ignobilius in genere entitatis, is est tamen nobilius in genere causalitatis.

Contra, aut causat in quantum ens, aut in quantum non ens. Non secundo modo, quia quod nihil est, nullius est causa, ergo primo modo, scilicet in quantum est ens, & tunc sic. Quicquid est nobilius in causalitate est nobilius in entitate, sed per te cælum est nobilius in causalitate, ergo & in entitate, quod est contra Aug. qui dicit, quod omne viuum est nobilius non viuo.

Ad argumentum illud melius patebit in quæstione de rationibus seminalibus, vbi dicetur, quod forma viua est immediate à Deo per creationem.

*Medium est
duplex.*

Ad primum principale dico, quod medium est duplex scilicet collectiuum, & distinctiuum, vt patet in coloribus, de medio primo modo sumpto est vera maior, sed

sed non de medio secundo modo sumpro, firmamentum enim est medium distinctiuium non collectiuium.

Ad secundum dico, quod non est contra me, quia concedo, quod in cælo sit materia.

Ad tertium patet ex tertio articulo, quod cælum nō est animatum. Et dico quod Philosophi sentientes oppositum dixerunt falsum.

An cælum mouetur ab intelligentia
creata? secundo an sit ani-
matum?

Scotus 2. sent. dist. 14. q. 1.

D. Thomas 1. parte q. 70. Artic. 3.

Ricardus 2. sent. dist. 14. q. 4.

Franc. de May. 2. sent. dist. 14. q. 1.

Ioan. Baconitanus 2. sent. distin. 16. q. 1.

QVAESTIO II.

SECUNDO quaeritur. An cælum moueatur ab intelligentia creata? Videtur, quod non, per Philosophum qui dicit, quod primum causatum mouetur a causa prima. Sed primum causatum est cælum, ergo mouetur à 2. *Celi. cons.* prima causa, quæ est Deus.

Præterea cælum non recipit peregrinas impressiones, sed si moueretur ab intelligentia reciperet peregrinas impressiones, ergo.

Præterea, octauo Physicorum. Cælum mouet seipsum, ergo non mouetur ab intelligentia, ergo.

Contra Philosophus 12. Meth. inuestigat numerum intelligentiarum per numerum orbium, quia sunt motores orbium.

Respondeo, & dico quod hic ponuntur tres articuli. In primo ponuntur tres opiniones falsæ, & in secundo dicitur secundum veritatem, quod intelligentia creata mouet cælum, tertio declarabitur si ista actio sit totaliter ab intelligentia, vel à Deo.

Quantum ad primum est vna opinio, quod cælū esse-

ctiue mouetur à prima causa non mediante aliqua causa secunda, quia potest immediate per seipsam mouere.

Contra, quamuis Deus posset mouere orbem non mediante causa secunda, tamen propter communicationem suae bonitatis, & propter maiorem creaturarum connexionem voluit ipsum mouere mediantibus causis secundis.

9. Met. c. 2.

Secunda opinio est Auicennae, quod caelum mouetur effectiue ab anima caeli ex eo, quod illa anima mouetur ab intelligentia sub ratione amati, & desiderati.

Contra istam opinionem patet, quod supponit falsum, quod caelum sit animatum, quod improbatum est, in tertio articulo praecedentis quaestionis.

3. Opinio.

Tertia opinio est, quod caelum mouetur naturaliter à sua forma sicut formae grauium, & leuium determinate sunt ad motum sursum, & deorsum.

Contra corpora determinata ad aliquem motum naturalem determinantur ad illum, ideo quia consequuntur per ipsum aliquam perfectionem. Sed caelum non consequitur per suum motum aliquam perfectionem, ergo &c. Forte dicis, quod immo, quia consequitur perfectionem quae est motus. Hoc non valet, quia post resurrectionem meliorabitur caelum, & tamen non habebit hanc perfectionem, quae est motus.

Praeterea. Si hoc esset perfectionis naturalis in caelo maxime esset in caelo nobilissimo, id est, in caelo empirico. Sed hoc est falsum, quia non mouetur, ergo.

9. Met. c. 2.

Praeterea contra hanc opinionem est Auic. ubi dicit, quod motus caeli non est naturalis, nec violentus.

Quantum ad secundum articulum dico, quod caelum mouetur ab intelligentia creata. Cuius ratio est, quia aut mouetur immediate à Deo, aut ab anima propria, aut à forma propria, aut ab intelligentia creata. Sed primo modo non, ut patet contra primam opinionem, nec secundo modo ut patet contra secundam opinionem, nec tertio modo, ut patet contra tertiam opinionem, ergo relinquitur, quod quarto modo, scilicet quod caelum mouetur ab intelligentia. Sed hic est dubium per quid intelligentia mouet caelum, scilicet an per intellectum, vel per voluntatem, an per potentiam executiuam.

Dist. 8. q. 2. in
prim. tertij ar
ticuli.

Sed de hoc dictum est supra, quære ibi.

Quantum ad tertium articulum sunt tres opiniones. Vna est, quæ dicit quod actio illa partim est a Deo & partim ab angelo, quia productum potest considerari, quantum ad ens, vel quantum ad hoc ens, primo modo est à Deo, secundo modo ab intelligentia. Et ratio huius est, quia inter agens creatum, & increatum est triplex differentia. Vna, quod agens increatum est primum agens, creatum est secundarium, secunda quod agens increatum est actus purus, creatum non, tertia, quod agens increatum non est contractum, agens creatum sic. Ex hoc arguitur tali medio. Effectus non contractus est à causa non contracta. Sed entitas vt sic non est contracta, entitas autem vt hæc est contracta, ergo.

Prima opinio

Secunda opinio dicit, quod res, & omnes actiones secundum communem rationem produciuntur à Deo, & ab agente creato. Hoc probatur sic, potentia proportionatur essentia. Sed essentia diuina est infinita, ergo, & potentia, sed propter infinitatem essentia diuinæ, non potest poni aliquod creatum quin statim illabatur ei essentia diuina, ergo, & potentia diuina habet illabi cuilibet potentia creatæ, & concurrat ad illum effectum, ergo.

2. Opinio.

Tertia est opinio Varronis, quod non est ponere, quod in omni effectu producto agens increatum habeat actionem elicita, sed sicut generans graue dando sibi formam siue actum primum dat actum secundum, non quod ipsum eliciat. Ita & in proposito agens primum, dat intelligentia esse, & potentiam mouendi cælum, qua habita intelligentia mouet cælum per se præsupposita mantenentia ipsius à Deo. De istis tribus opinionibus, accipiatur, quæ magis videtur probabilior.

*3. Opinio
Varronis.*

Ad primum principale dico, quod prima causa mouet causatum, primum intelligendo primitatem non simpliciter, sed in ordine ad sequentia, vnde intelligentia mouens cælum dicitur prima, non simpliciter, sed in ordine ad intelligentias sequentes.

Ad secundum dico quod cælum non recipit peregrinas impressiones ex qualitatibus sensibilibus.

Ad tertium Philoſophus poſuit, quod calum moueret ſeipſum, quia erat animatum, ſed hoc eſt falſum, vt patet in quæſtione præcedenti.

DISTINCTIO XV.

An in mixto maneant elementa ſecundum ſuas formas ſubſtantiales in actu?

Sacrotus 2. ſem. diſtin. 15. q. 1.

D. Thomas 1. part. q. 76. Arti. 4.

Franc. de May. 2. ſenten. diſtin. 15. q. 1.

Ioan. Baconitanus 2. ſem. diſtin. 16. q. 1.

QV AESTIO I.

*1. de gen. con.
90. c. de mix-
tione.*

Ixit etiam Deus, Producant aquæ reptile, &c. Circa iſtam diſtinctionem decimam quintam ſunt duo quærenda. Primum. An in mixto maneant elementa ſecundum ſuas formas ſubſtantiales in actu? Videtur quod ſic, quia mixtio eſt miſcibilium alteratorum vnio. Ex quo arguitur dupliciter. Primo quia ſi ſunt alterata, ergo non ſunt corrupta. Secundo, quia ſi ſunt vnita, ergo non ſunt corrupta, & ſic manent in actu.

*2. de anima
cont. 113.*

Præterea qualitas elementi non eſt ſine elemento, 2. de anima, ſed in mixto ſunt qualitates elementorum, ergo.

Contra. Si elementa manerent in actu cum habeant contrarios motus, & quietes, tunc vnum quodque mixtum violentèr, moueretur, & quieſceret.

Præterea, omne compositum ex contrariis in actu eſt corruptibile, ſed multa ſunt mixta, quæ non corrumpuntur, ſicut patet de lapide, & auro, ergo.

Reſponſio, hic ſunt tres articuli. In primo ponuntur tres opiniones falſæ. In ſecundo dicetur ſecundum veritatem. Tertio ſi omnia elementa veniant ad compositionem mixti.

Quantum ad primum est vna opinio quam recitat Philosophus, primo de generatione, quod impossibile est mixtionem esse. Et ratio huius est, quia miscibilia, aut manerent saluata, aut corrupta, aut vnum corruptum, & aliud saluatum. Non primo modo, quia non est ratio quare sint plus mixta nunc quam prius cum mane aut eodem modo nunc, & prius nec secundo modo, quia nullatenus entia non sunt miscibilia, sed corrupta sunt nullatenus entia, nec tertio modo, quia miscibilia debent se vniformiter habere. Ista opinio est falsa, vt patet per Philosophum, 1. de gene. vbi quaerit quomodo generatio distinguitur à mixtione. Ideo est opinio Auic. sicut imponit sibi Commen. 3. cæli, & mundi, quod elementa maneant immixto non remisso secundum substantiam quamuis remittantur secundum qualitates proprias.

1. de gen. c. 7

1. de gen. con.

83.

1. de gen. con.

8.

3. cali com.

67.

3. cali vbi supra.

Opinio Scoti.

Contra hoc arguit Comment. sic. Idem est iudicium de toto, & de parte, ergo si qualitas potest remitti secundum partem manente substantia omnino non remissa, eadem ratione possunt elementa manere secundum substantiam remissa tota qualitate. Et ita posset esse ignis non calidus, quod est inconueniens. Et hic dicit Scotus, quod ratio non concludit, quia licet sit eadem ratio de toto, & de parte inter se comparata, non tamen respectu tertij. Et licet elementum determinet sibi aliquam qualitatem, habet tamen eam sub quadam latitudine, & non est processus vltra ad aliquem gradum, ita quod non potest ab omni gradu spoliari. Et sic licet corpus possit esse sine hoc, vel illo loco, non tamen sine omni loco. Quicquid tamen sit de ratione ipsemet Scotus dicit, quod opinio Auic. sit falsa.

Tertia est opinio Comment. vbi supra, qui ponit, quod elementa manent in mixto secundum suas formas substantiales remissas siue refractas, quod probatur, primo per Philosophum 5. Meth. qui dicit, quod elementum est ex quo componitur res, & manet in re. Secundo. Si elementa non manent in mixto, sequitur quod materia prima immediate reciperet omnem formam sine ordine, quod est falsum. Arguit enim Comment. contra se tripliciter.

Opinio Com.

vbi supra.

5. Met. cont.

Primo, quia tunc forma mixti adueniret enti in actu formali, & sic esset forma accidentalis.

Secundo, quia nulli formæ conuenit intendi, & remitti nisi formæ accidentali, ergo forma elementalis esset accidentalis.

3. de anima
com. 14.

Tertio receptiuum debet denudari à natura recepti, ergo oportet materiam elementi denudari à forma substantiali propria si debet esse sub forma mixti.

Ad primum, & secundum dicit quod formæ elementales sunt mediæ inter formas substantiales, & accidentales, ideo possunt intendi, & remitti, & formam substantialem recipere.

Ad tertium dicit, quod maior est vera de formis eiusdem ordinis, non autem de formis alterius ordinis, formæ autem miscibiliū, & mixti sunt alterius ordinis, ergo.

Contra istam opinionem patebit per rationes, quæ fient in sequenti articulo.

Quantum ad secundum articulum dico duas conclusiones. Prima, quod elementa non manent in mixto in actu. Secunda, quod continentur in virtute tanquam in eminentiori, in forma mixti. Probatur prima conclusio primo sic, quia nulla pluralitas ponenda est sine necessitate, sed hic nulla est necessitas ad ponendum elementa miscibilia in actu, ergo. Probatio minoris, non enim est alia necessitas ad ponendum elementa in actu nisi propter operationem, sed propter hoc non oportet, quia cum forma mixti contineat eminenter formam miscibilis poterit in eius operationem.

1. Phy. cont.

41. 3. 50.

Secundo sic, forma elementalis nata est constituere suppositum per se subsistens in genere substantiæ, ergo si sunt plures formæ elementales in mixto actu, erunt in mixto plura supposita in genere substantiæ.

4. Phys. 8.

Met.

Tertio sic, quantitas consequitur substantiam corpoream sicut passio subiectum, ergo si sunt ibi plures substantiæ corporeæ in actu, erunt plures quantitates in eodem, quod est contra Philosophum. Sequitur etiam, quod qualibet pars mixti non est mixta, quod est contra Philosophum.

1. de gen. con.
86.

Quarto sic, mixtum generatur ex miscibilibus, & sic se habet miscibile ad mixtum sicut terminus à quo

ad terminum, ad quem, sed isti sunt termini impossibiles, ergo.

Secundam conclusionem declaro per exemplum in coloribus, vbi color medius includit extremos, non secundum realitatem quia æque simplex est color medius sicut extremus. Sed quia saluatur virtus eorum in medio tali, ita est in proposito. Et declaratur per Philosophum. 1. de gene. vbi dicit. Quoniam vero sunt quædam entia, potentia quædam actu, contingit mixta æqualiter esse, & non esse, in actu quidem ente aliquo generato ex ipsis supple quantum ad corpus mixtum. Et sequitur de miscibilibus, potentia autem vtrumque, quæ erant in actu antequam miscerentur. Et sequitur statim infra. Saluatur enim virtus eorum.

Exemplum in coloribus.

1. de gene. cont. 84.

Quantum ad tertium articulum sunt duæ opiniones extremæ. Vna dicit, quod non oportet omnia elementa concurrere ad generationem mixti, quia pisces fuerunt primo producti de aqua tantum.

Alia est opinio Philosophi 2. de gene. qui dicit oppositum. Et ratio sua est talis. Ex eisdem sumus ex quibus nutrimur. Sed ex quatuor elementis nutrimur, ergo.

2. de gene. cont. 50.

Item ex eisdem aliquid constituitur in quo vltimate resoluitur, sed mixtum vltimate resoluitur in quatuor elementa, ergo, &c.

Ad primum argumentum Comment. dico, quod definitio elementi. 5. Meth. conuenit tantum materiæ.

5. Met. cont. 4.

Ad secundum dico, quod materia respicit formam dupliciter.

Primo quantum ad perfici. Sic dico, quod potest quælibet forma substantiali perfici.

Secundo modo respicit eam quantum ad transmutari, & isto modo oportet, quod sit ordo, quia primo oportet, quod materia in homine primo sit sub forma elementi, secundo sub forma seminis, tertio sub forma carnis, vna illarum adueniente altera non manet, ita est in proposito.

Ad primum principale dico, quod mixtio est eorum, quæ primo fuerunt alterata, nunc autem sunt corrupta.

Eodem modo dico ad secundum, quod vnio non sumitur sibi stricte, sed large.

Ad aliud dico, qualitas non est sine elemento, & sine eo quod includit formam elemēti, sicut est forma mixti.

An anima sensitiva in bruto sit extensa?

Richardus 2. sent. dist. 15. q. 2.

QVAESTIO II.

SECUNDO quaeritur. An anima sensitiva in bruto sit extensa? Videtur quod non. quia forma extensa est maior in maiori subiecto, & sic potētia sensitiva esset maior in pede quam in corde.

Præterea, quod educitur de potentia materię indiuisibili nō est extensum, sed anima sensitiva est huiusmodi, ergo. Probatio minoris, quia forma substantialis, in materia præcedit omne accidens, & ita præcedit quantitatem per quam est diuisibilis.

In contrarium est Philosophus. 2. de anima, de diuisione corporis annulosi. Responsio, hic sunt opiniones. Vna est fundata in dictis Thomæ quod quando forma respicit totum & partes secundum eandem rationem sicut patet de forma ignis, talis forma est extensa. Quando verò forma non respicit totum, & partes secundum eandem rationem, talis forma non est extensa. Et quia anima sensitiva est talis forma, ideo non est extensa. Hoc confirmatur per Aug. li. de quantitate animæ, ubi ponit, quod cum vermiculus pungitur in vna parte statim retrahit se, quod non esset verum, si anima sensitiva esset extensa.

Præterea ibidem Aug. dicit, quod species rei visibilis in oculo non est extensa, ergo multo magis potentia nō est extensa, quoniam non magis extenditur accidens quam subiectum. Opinio hæc non placet Varroni, & Richar.

Arguunt enim primo sic. Quod producit de potentia extensa est extensum. Sed anima sensitiva est huiusmodi, ergo.

Secundo sic, quia cum anguillæ diuiduntur per parte

2. de mi. cōt.

19.

*An anima
sensitiva sit
extensa.*

2. sent. dist. 15.

q. 2.

remanent viuentes, quod non esset verum nisi eius anima per diuisionem corporis diuideretur, sed nihil potest diuidi nisi extensum, ergo. Qui vult istam opinionem secundā tenere potest dicere ad argumētum alterius opinionis de vermiculo, quod illa attractio non est per animam sensitiuā præcise, sed per colligationem filiorum.

Aliter potest dici ad primum, & secundū, quod quicquid dicit August. lib. de quantitate animæ, non dicit asserendo, sed inquirendo.

Ad primum principale dico, quod maioritas est duplex, scilicet intensiua, & extensiua. Exemplum de albedine in equo, & Margarita, nam in equo est maior extensiue, sed in Margarita intensiue. Ita in proposito, anima sensitiua in pede habet maiorem extensionem, sed in corde habet maiorem intensiorem.

*Maiores
duplex est.*

Ad secundum dico, quod subiectum est extensibile aptitudine, quamuis non sit extensum actu, vt patet supra dist. 3. q. de indiuiduatione, & dist. 14. de simplicitate cœli.

DISTINCTIO XVI.

An intellectus, & voluntas quæ sunt partes imaginis sint idem realiter, quod anima?

D. Bona. 2. sent. dist. 16. q. 1.

Scotus in 2. sent. dist. 16. q. 1.

D. Thom. par. q. 77. Art. 1.

Ricardus 2. senten. distinc. 16. q. 1.

QVAESTIO I.

IS excussis quod supra. Circa istam distinctionē 16. in qua tractat magister de imagine creata. Queritur, an intellectus, & voluntas quæ sunt partes imaginis sint idem realiter, quod anima? Videtur, quod non, quia imago est per imitationem illius cuius est imago. Sed anima est ad imaginem Trinitatis, & in Trinitate distinguuntur personæ realiter, ergo.

2. de anima
cont. 33.

Præterea potentia distinguuntur per actus, ex secundo de anima. Sed actus intellectus, & voluntatis distinguuntur realiter, ergo.

Præterea, quæ non distinguuntur realiter possunt de se inuicem prædicari in abstracto. Sed intellectus, & voluntas non sic prædicatur, ergo.

8. Met. con-
tex. 12.

Contra, sicut transmutatio facit scire materiam, ita actio facit scire formam, per Commentatorem. Sed materia seipsa est receptiua formæ, ergo forma seipsa, siue anima seipsa est actiua, sed est actiua per potentias, ergo.

2. Phys. con-
tex. 3.

Confirmatur per Philosophum 2. Phy. qui dicit, quod natura est principium motus, & quietis.

Respondeo, hic sunt quinque articuli secundum quinque opiniones.

D. Thom. 1.
par. q. 77.
art. 1.

Prima est opinio Tho. qui dicit quod potentia animæ sunt distincte realiter inter se, & ab essentia animæ fluentes ab essentia animæ sicut accidens a subiecto, sunt tamen accidentia inseparabilia. Et quod sint accidentia probat ubi supra primo sic. Actus, & potentia sunt in eodem genere, sed actus illarum potètiarum sunt in genere accidentium, ergo.

9. Met. con-
tex. 13.

Secundo sic, anima per seipsum est actus siue forma, ergo si potentia sunt idem quod sua essentia, sicut ipsa est principium viuendi, ita & intelligendi, sed anima semper est principium viuendi, ergo eodem modo semper intelligendi, quod est falsum. Et confirmatur sic. Agens per essentiam semper agit, sed anima non semper agit, ergo non est agens per essentiam, ergo potentia per quam agit non est sua essentia.

Tertio arguitur ab aliis sic. Vnum, & idem simplex non potest esse principium diuersarum operationum, sicut nec eadem materia potest esse principium diuersarum formarum, nisi per aliam, & aliam dispositionem. Sed operationes intellectus & voluntatis sunt diuersæ, ergo.

Aegidius quo
lib. 3. q. 10.

Quarto sic. Accidens variabile præsupponit accidens inuariabile, sed intelligere, & velle sunt accidentia variabilia, ergo præsupponit accidentia inuariabilia, sed hoc est potentia, ergo potentia est accidens.

Quinto sic. Sicut se habet essentia ad esse, ita potentia ad operari, ergo permutatiuim sicut se habet esse ad opera-

ri, ita potentia ad essentiam, sed nullius creaturæ esse est suum operari, ergo nec essentia est sua potentia.

Sexto sic. Quod non recipit magis & minus non est idem ei quod recipit magis & minus, sed essentia non recipit magis, & minus, potentia autē recipit magis & minus, quia vnus est ingeniosior altero ergo

Septimo sic. Aristoteles in prædicamentis dicit, quòd naturalis potentia est in secunda specie qualitatis, sed omne tale est accidens, ergo. *Cap. de qualitate.*

Octauo sic. Commentator dicit quòd anima diuiditur in has potētiās sicut pomum in colorem & saporem, sed hæc est diuisio in accidentia, ergo.

I. de anima com. 92.

Nono sic. Effectus assimilatur suæ causæ, sed effectus harum potentiarum est accidens, ergo.

Decimo sic. Ista se habent per ordinē ens per se stans, accidens manens, & accidens fluens, tunc sic. Impotentiale est transire ab ente per se stante ad accidens fluens nisi per accidens manēs quod est medium inter illa duo, ergo cum actus animæ sit accidens fluens, & substantia animæ sit ens per se stans, ita potentia animæ erit accidens manens.

Vndecimo sic. Si potentia animæ sit idem quod sua essentia, ergo & actus quod est falsum. Probatio consequentię, quia cum anima non intelligat se per suam essentiam, tunc actus est medium, & sic non est minus idē alteri extremo, quam extrema sint idem inter se.

Contra illam opinionem arguitur sic. Non est ponēda pluralitas sine necessitate, vel distinctio sine necessitate. Sed hic nulla est necessitas ad ponendum has potētiās distinctas ab essentia animæ, ergo. Minor probatur, quia nulla ratio opinionis primę concludit, quod paret sic.

I. phy. context. 41. 50.

Ad primum dico, quod equiuocat de potentia, quia potentia accipitur vno modo, vt est differentia entis. Et sic potentia, & actus non solum sunt in eodem genere, sed etiam idem numero, vt paret per Commentatorem.

Secundo modo sumitur potentia pro principio acti-
uo, vel passiuo, & sic maior est falsa.

*2. Met. com-
men. 13.*

Ad secundum dico, quod non valet, quia anima est

principium formale vitæ, sed vt est principium intellectiōis volitiōis reducit̃ur ad genus causæ efficiētis.

Ad confirmatiōem dico, quod agere per essentiā potest dūplicit̃er intelligi. Vno modo vt distinguit̃ur contra agens dependens, & sic competit soli Deo agere per essentiā. Alio modo vt distinguit̃ur contra agens per accidens, & isto modo maior est falsa.

Vide Henricum.

Ad tertium nego maiorem, quod patet per eundem doctorem libro secundo qui dicit, quod anima seipsa est immediatum principium receptiūm talium potentiārum quas ponit diuersas formas.

Ad quartum eodem modo per negatiōem maioris, quia potentiā animæ aut sunt accidentia variabilia, & habetur propositum, aut inuariabilia, & tunc cum anima ex sui perfectiōe possit fundare diuersa accidentia inuariabilia multo magis poterit, & variabilia.

Ad quintum nego proportiōem, quia esse est idem realiter quod essentiā, vt patet ex quæstiōe de compositione angelorum. Sed operatiō non est idem quod potentiā.

An vnus homo sit ingeniosior altero.

Ad sextum suppositum, quod forma non recipit magis aut minus quod tantum est dubium. Dico, quod potentiā secundum se non recipit magis, & minus. Et cum dicis, quod vnus est ingeniosior altero, dico, quod hoc est propter organa bene disposita.

Ad septimum dico, quod Aristoteles accipit ibi potētiā pro quadam facilitate, & idoneitate.

Ad octauum patebit ex secunda conclusiōe quintæ opinionis.

Ad nonum concedo, quod vniuocus effectus debet assimilari suæ causæ, sed in causis equiuocis non oportet sicut est in proposito.

Ad decimum dico eodem modo sicut dictum est ad quartum.

Ad vltimum patet per illud quod dictum est distinctiōe 2. quæstiōe illa. An angelus cognoscat se per suā essentiā?

Secunda opinio dicit, quod potentiā animæ est quædam proprietas consubstantialis emanans ab ipsa anima

quæ eo ipso, quod emanat ab illa non est ipsa essentia animæ, quia tantum emanat immediate ab illa non declinat in aliud genus, & ita non est substantia, nec accidens quamvis reducat ad genus substantiæ. Videas hoc diffusius in Bonaventura si vis intelligere verius.

Contra istam opinionem arguitur per Augustinum quinto de trinita. quod in rebus creatis, quod non secundum substantiam dicitur, restat ut secundum accidens dicatur.

Item Boetius, & Simplicius super prædicamenta dicitur. Omne quod est aut est substantia, aut accidens, & tota philosophia clamat, quod inter substantiam, & accidens non est dare medium. Sed forte sic non est, nec philosophus sic clamat, quia Commentator dicit, quod inter substantiam, & accidens est dare medium. Et Avicenna expressius dicit sic. Possibile est, quod aliquid sit in aliquo non ut accidens, nec ut substantia, vide ibi circa medium capituli.

Ideo est tertia opinio, quæ dicit, quod potentia animæ sint idem cum essentia animæ, sed distinguuntur realiter inter se, quia sunt partes animæ. Quod probatur sic, per philosophum 3. de anima ubi dicit, de parte animæ qua cognoscit, &c. Item Boetius libro diuisionum dicit, quod diuisio animæ in potentias est, sicut diuisio totius in partes virtuales.

Contra Augustinus dicit, quod quælibet istarum potentiarum complectitur totam essentiam animæ, sed pars non complectitur totum, ergo.

Præterea, partes præcedunt totum origine. Sed intellectus, & voluntas non præcedunt essentiam animæ, ergo.

Ad rationes opinionis patebit ex secunda conclusione quintæ opinionis.

Quarta est opinio, quod potentia animæ sunt idem cum essentia animæ re absoluta, & ab ea distinguuntur tantum relatiue; ita quod potentia animæ non est nisi essentia animæ sub respectu sumpta ad diuersa intelligibilia, & volibilia. Ista quære diffusius si vis in Gandauo.

Contra, non quærimus quid significet potentia, sed quærimus, quid sit immediatum principium operatio-

D. Bona. in 2. dist. 24. ar. 2. q. 1. 5. de trinit. cap. de qualitate.

8. Met. con. 2. 1. Parte 6. naturalium c. 1.

D. Bona in 2. dist. 24. q. 1.

3. De anima cont. 1.

9. de tri. c. 5.

Henri. qua. lib. 3. q. 14.

2. de anima q. 9.

njs. Et dico, quod non potest essentia animæ cum respectu assumptæ, quia vnius operationis est vnum per se principium, sed essentia cum respectu non facit per se vnum, quia aggregat res diuersorum generum.

Vide vt supra.

Præterea ille ponit, quod voluntas realiter est nobilior intellectu, ponit etiam, quod relatio realiter est eadem cum suo fundamento. Tunc arguo sic. Quæ sunt idem realiter eidem fundamento vnum non est nobilius altero realiter, sed per te voluntas est realiter nobilior intellectu, ergo.

*Opinio vera
Auctoris,
& Scoti.*

Nunc restat ponere quintam opinionem quam teneo, & dico duas conclusiones.

Prima, quod illæ potentiæ sunt idem in essentia animæ realiter.

Secunda, quod distinguuntur formaliter.

Prima conclusio probatur sic, non est ponenda pluralitas sine necessitate. Sed hic nulla est necessitas ad ponendum distinctionem realem in istis potentiis, vt patet per improbationem dictarum opinionum, ergo.

Secundo sic. Ignobilitas non est ponenda in natura perfecta sicut est anima, nisi occurrat improbabilitas, sed talis distinctio ignobilitat animam, & non apparet probabilitas, ergo probatio minoris, quia Deus est immediatum principium diuersarum opinionum absque eius distinctione reali, ergo.

Præterea ordinatum immediate ad aliquem finem debet immediate attingere illum finem, sed anima immediate ordinatur ad beatitudinem, ergo immediate debet illam attingere. Sed hoc non esset si attingeret per intellectum tanquam per accidens separatum, ergo.

Quarto sic, perfectior est forma substantialis, quam accidentalis. Sed forma accidentalis seipsa exit in actum, ergo.

*Ad rationes
superius tractas.*

Secunda conclusio probatur sic, tum quia si vna potentia diffinitur in eius diffinitione non ponitur alia, tum quia aliquid competit per se voluntati, quod non competit intellectui. Per hoc patet ad rationes superius tractas. Dico enim, quod non sunt partes animæ, sed quædam perfectiones formaliter sumptæ, non tamen realiter distinctæ.

Ad primum principale patet, imago enim Trinitatis non est præcise in istis potentiis vt sunt actus primi, quia licet sit ibi consubstantialitas non tamen est ibi distinctio realis. Nec in actibus secundis, quia quamuis sit ibi distinctio, non tamen est ibi substantialitas. Ideo dico, quod imago est in potentiis vt subsunt actibus secundis.

In 1. sent. distinction. 3. q. 7. l.

Ad secundum dico, quod non oportet, quod sit tanta distinctio in potentiis, quanta est in actibus. Sol enim per eandem potentiam habet exiccare, & humectare.

Ad vltimum dico, quod distinctio formalis impedit prædicationem idemptricam inter illas potentias. Et si obijcias, quare non impedit in Deo cum ponas distinctionem formalem. Soluit Scot. & bene, quod hoc est propter infinitatem harum potentiarum, & perfectionum quæ infinitas non reperitur in creaturis.

8. dist. 1. q. 4.

DISTINCTIO XVII.

An anima sit composita ex materia, & forma?

An anima Adæ fuerit creata extra corpus?

Vltimo. An paradysus sit locus conueniens habitationi hominum?

Scotus in 2. sent. dist. 17. q. 2.

D. Thom. 1. par. q. 102. Art. 2.

Richardus 2. sentent. distinct. 17. q. 5.

QVÆSTIO I.



Hic de origine animæ. Circa istam distinctionem decimamseptimam, posset quæri.

An anima sit composita ex materia, & forma?

Sed solutio patet per id quod dictum est de compositione angelorum, art. 4. quare ibi.

Secundo posset quæri, an anima Adæ fuerit creata extra corpus? Sed ad hoc patet per Magistrum.

Tertio quæritur, an paradysus sit locus conueniens habitationi hominum? Et videtur, quod non, quia est ibi iuxta globum lunarem, sed talis locus nõ est habitabilis.

Cap. 2. quere

propter spheram ignis.

Cap. 1.

Contra Gene. Tulit Deus hominem, & posuit eum in Paradisum, & cetera.

Cap. 5.

Cap. 2.

*Dubium de loco
paradisi ubi
sit, vide Scotum*

Responsio, quod sic, & pro statu naturæ lapsæ, & pro statu naturæ restauratæ, de primo patet, quia est ibi Enoch, & Helias, ut dicitur Gene. & quarto Reg. de secundo patet, quia fuit ibi Adam, & Eva. Sed est dubium de loco Paradisi, ubi sit quantum ad locum. Dico, quod est in oriente, quia ubi nostra translatio habet quem formauerat à principio, alia translatio habet ad orientem. Et si quæzatur de eius latitudine dicitur à quibusdam, quod est sub æquinoctiali, nec est ibi color intemperatus propter velocem motum Solis. Doctor vero subtilis dicit, quod est citra, vel circa Zodiacum. Si autem quæras de eius altitudine, dicitur à Magistro, quod est iuxta globum lunarem. Scotus dicit, quod est dictum Mathematicum, & ponit eum circa medium interstitium aeris nostri. Et per hoc patet ad argumentum principale qualiter est soluendum.

An in homine sit alia forma substantialis præter animam intellectiuam?

D. Thomas prima pars quæstio 76. Articulo 4.

QVAESTIO II.

*4. Met. con-
tra. 54.*



ARTO quæritur. An in hoc homine sit alia forma substantialis præter animam intellectiuam: Viderur, quod non, quia philosophus 4. Meteororum dicit, quod caro quæ non potest facere opus carnis, est caro æquiuoce, talis est caro mortua, ergo est caro æquiuoce. Sed si per aliam formam esset caro, quam per animam viuam potest dici caro vniuoce.

*8. Met. con-
tra. 20.*

Præterea 8. Meth. formæ se habent sicut numeri. Sed vno numero addito variatur species numeri præcedentis, ergo eodem modo in formis substantialibus, & sic homo non esset vnum specie.

*2. Phy. con-
tra. 1.*

Contra, Comment. 1. phisicorum, quæ sunt inter pri-
mam

mam materiam, & ultimam formam, sunt materiæ compositæ, & formæ compositæ.

Responsio, hic sunt quatuor articuli. Primus. Si anima intellectiua sit forma substantialis, & specifica, hominis. Secundus si cum illa sit composibilis in homine alia forma substantialis, & ponitur ibi opinio falsa. Tercio dicetur ad quæstionem secundum veritatem. Quarto dicetur ad motiua aliorum.

Quantum ad primum dico, quod sic, quod probatur per philosophum. Anima inquit, est actus corporis phisici organici vitam habentis in potentia. Et subdit ibidem, quod non est actus secundus, sed substantialis, & primus. 2. de anima
cont. 6.

Secundo, quia omnes philosophi communiter posuerunt in definitione hominis, rationale tanquam differentiam, intelligentes per rationale animam intellectiua.

Tercio per rationem philosophi, 2. de ani. sic. Id est forma substantialis hominis, quo amoto non remanet tale nisi æquiuoce. Exemplum eius est de dolabro, quia eius forma amota non remanet dolabrum nisi æquiuoce. Sed amota intellectiua ab homine nō remanet homo nisi æquiuoce.

Quarto sic, per rationem modernorum quæ etiam est aliquantulum philosophi in 2. de ani. propria operatio est a propria anima. Sed intelligere est propria operatio hominis, ergo est a propria forma ipsius. Sed tale est ab anima intellectiua. 2. de anima
cont. 3.

Confirmatur ex 1. Ethic. ubi dicitur, quod fœlicitas, quæ consistit in speculatione, & in intellectione est propria operatio hominis.

Contra istam conclusionem sunt duo dubia, Primum, diuidentia aliquid ex opposito non faciunt per se vnum, sed corporeum, & incorporeum sunt huiusmodi, ergo non faciunt per se vnum cum corpore. Sed anima est incorporea, ergo non facit vnum cum corpore, cum corporeum & incorporeum sint ex opposito distincta. Sed forma facit per se vnum cum eo cuius est forma, ergo anima non est forma corporis.

Secundum dubium, causalitas causæ formalis est Secundum
dubium.

dare alteri esse quale sibi competit. Sed esse animæ intellectiue est immortale, ergo dabit corpori esse immortale si est eius forma, quod est falsum. Ad ista dubia dicetur alibi.

*D. Thom. 1.
pari. 9. 76.
ar. 4.*

Quantum ad secundum articulum est opinio Thomæ, quod in homine est tantum vna forma substantialis, scilicet anima intellectiua. Quod probatur primo sic, vnius rei tantum vnicum est esse, sed vnum esse est ab vna forma, ergo vnius entis puta hominis est vna forma. Confirmatur ex 7. Metha. Genus nihil est præter generis species.

*7. Met. con-
sex 43.*

Secundo sic, forma substantialis distinguitur à forma accidentali, quia forma substantialis aduenit enti in potentia, accidentalis autem enti in actu, & sic forma substantialis esset accidentalis forma.

Tertio sic, si in homine essent plures formæ substantiales dicendo homo est animal, non esset prædicatio per se primo modo, consequens est falsum, ergo & antecedens. Probatio consequentiæ, prædicatio sumpta à diuersis formis est prædicatio per accidens, sicut cum dicitur homo est albus. Sed si in homine essent plures formæ cū diceretur homo est animal, illa prædicatio sumeretur à diuersis formis, ergo.

*Lib. 4. dist. 11.
9. 3.*

Quarto probat illud Scotus sic. Pluralitas non est ponenda sine necessitate, sed non est necessitas ponere plures formas, quia perfectior continet virtualiter imperfectiores, sicut trigonus continetur à tetragono ex 2. de anima.

*2. de anima
cont. 13.*

Quinto confirmatur illa opinio sic. Istæ plures formæ aut sunt eiusdem speciei specialissimæ aut alterius. Non primo modo, quia vna illarum sicut est intellectiua est incorruptibilis per naturam, altera vero est corruptibilis. Sed corruptibile, & incorruptibile differunt plus quam genere, ex 10. Meth. Nec secundo modo, quia tunc homo non esset vnus speciei, & hominis per se non esset vna diffinitio.

*10. Met. con-
sex. 26.*

Quantum ad tertium articulum dico, quod illa opinio est falsa, quia in homine ad minus, sunt ponendæ duæ formæ substantiales, scilicet intellectiua, & corporea. Et hoc probat Henricus sic. Diuersa agentia, quæ

agunt distinctis operationibus non possunt habere eundem terminum formalem. Sed anima intellectiua est terminus creationis, ergo oportet quod agens naturale habeat alium terminum formalem.

Secundo probat idem Rich. sic. Eadem accidentia numero præsupponunt aliquam formam substantialem eadem numero. Sed in homine mortuo manet eadem accidentia numero, sicut patet de cicatricibus, ergo oportet quod sit aliqua forma substantialis eadem numero. Sed non est anima intellectiua, ergo est alia, quod est propositum. Maior probatur, quia vnitas posterioris dependet ab vnitate prioris. 2. Sent. dist. 1.
7. q. 5.

Præterea, si non filius carnalis non haberet esse genitum a patre, quia materia est ingenita, anima autem intellectiua est a Deo per creationem, similiter eius vnio cum corpore est a Deo creante, ergo oportet ponere aliquam formam substantialem ratione cuius filius est genitus a patre.

Hugo Artista probat illam conclusionem sic. Omnis forma immediate in materia recepta est forma generabilis, & corruptibilis. Sed anima intellectiua, nec est generabilis, nec corruptibilis, ergo non est forma immediate recepta in materia, ergo præsupponit aliam, sed non accidentalem ex 1. Philosophorum, ergo substantialem. Ratio autem ista non valet, quia idem argueretur de forma cæli, cum non sit generabilis, aut corruptibilis, ex 1. cæli. Opinio Vgo-
nis phi.

Ideo aliter arguitur a Ládulfo sic. Causalitas causæ formalis est dare alteri tale esse, quale sibi cōpetit. Sed anima intellectiua non est corporea formaliter, ergo non dat esse corporeum, ergo. Opinio Lan-
dulphi.

Præterea probat idem sic. Anima est actus corporis philosophici, ex 2. de anima, sed corpus philosophicum habet formam substantialem, ergo. 2. De ani. cōt.
4. 6. & 7.

Præterea arguo per duo argumenta fidei sic. Si beatus Petrus consecrasset in triduo confecisset verum corpus Christi, tunc quæro, quis erat terminus consecrationis, aut materia pura, & hoc non, ut patet per se, aut anima intellectiua, & hoc non, quia anima intellectiua secundum omnes est ibi tantum secundum concō-

mitantiam. Aut corpus informatum aliqua forma substantiali. Et tunc quæro, quæ sit illa, quia aut anima intellectiua, & hoc non, quia erat in limbo, aut alia, & tunc, vel esset de nouo introducta, & non esset, tunc Christus idem indiuiduum numero, vel altera, quæ præfuit, & habetur propositum.

Secundo, quia ista positio destruit reliquias Sancti Dominici, & omnium Sanctorum. Probatio. Christiani exhibent reuerentiam corporibus sanctorum. Tunc quæro, aut in illis corporibus manet eadem forma substantialis, quæ fuit cum anima intellectiua, & habetur propositum, aut alia, & tunc nō sunt reliquæ sanctorum venerandæ.

*Rationes D.
Thome an
concludantur.*

Quantum ad quartum articulum dico, quod rationes opinionis primæ non concludunt.

Ad primum quando dicitur, quod vnum esse requirit vnā formā, nego. Aliter potest dici, quod requirit vnā formā vltimate specificantem. Et ista est anima intellectiua, quæ vltimate actuat quamuis aliam præsupponat. Confirmatio non valet, quia philosophus dicit ibidem, aut si est, vt materia est.

Eodem modo ad secundum, quod aduenit alicui enti in actu vltimato, & specifico est bene accidens. Sed per illam formā præcedentem homo non erat in actu specifico vltimate.

Ad tertium nego consequentiam. Ad probationem dico, quod prædicatio sumpta a diuersis formis alterius generis est accidentalis. Sed quādo sunt formæ eiusdem generis, puta substantiæ, & vna est potentialis respectu alterius, non oportet.

Ad quartum nego minorem, & cum non probatur, quod forma superior continet inferiorem concedo de formis eiusdem ordinis, sed forma corporea nō est eiusdem ordinis cum anima intellectiua quamuis sint in eodem genere saltem remoto.

Ad quintum dico, quod suppositio diuisiua non habet necessitatem, quia quādo quæritur de aliquibus duobus, an sint eiusdem speciēi, specialissime oportet, quod vtrumque sit per se species, neutra autem harum formarum est per se species, sed pars speciēi. Aliter potest dici,

quod dato. quod sint alterius speciei, adhuc faciunt per se vnum, quia vna est potentia respectu alterius.

Ad primum principale dico, quod caro mortua est caro viuuoce, sed est caro viua æquiuoce, quia vt sic nō potest facere opera carnis viuæ.

Ad secundum dicendum, quod illud est intelligendum de substantia directe existente in genere cui competit plenius ratio substantiæ. Aliter potest dici, quod illa similitudo non tenet quantum ad omnia, sed tenet, quantum ad hoc quod sicut numeri cōsistunt in indiuisibili, ita & formæ.

DISTINCTIO XVIII.

An in materia sit ratio seminalis?

D. Boetius 2. sentent. distinc. 18. q. 1. Artic. 1.

Scotus 2. sententiarum distinc. 18. q. 1.

D. Thom. 1. par. q. 115. Art. 2.

Richardus 2. sentent. distinc. 18. q. 3.

Durandus 2. sententiarum distinc. 18. q. 2.

Ioannes Baconitanus 2. sentent. distinc. 18. q. 1.

QVAESTIO I.

IN eodem quoque paradiso. Circa istam distinctionem decimam octauam quero An in materia sit ratio seminalis ad formam naturaliter educendam de ipsa. Videtur, quod sic, quia alias forma crearetur, si nihil eius præexisteret.

Secundo, quia alias generatio naturalis esset violenta, quia violentum est cuius principium est ab extra.

3. Ethic. c. 1.

Tertio sic. Generatio formæ substantialis est naturalis, ergo est a principio intrinseco materiæ. Consequentia probatur sic, natura est principium motus, & quietis eius in quo est.

2. Phys. c. 1.
tex. 3.

Quarto sic, philosophus dicit, physica non est practica, quia principium factibile est in faciente, principium vero naturalium est in ipsis rebus. Cum ergo vni-

6. Met. c. 1.
tex. 1.

formiter accipit principium, quia aliter argumentum suum non valeret, oportet quod intelligat de principio actiuo.

7. Met. con-
tex. 29. &
inde.

7. Met. cōtex.
23. 26. & 27.

Quinto sic, illa quæ sunt casu possunt generari sicut ea in quorum materia præexistit aliqua pars formæ inducendæ.

Contra, forma non generatur, nisi quia compositum generatur, sed in materia non præexistit aliquod seminarium compositi, ergo.

Præterea. Si aliquid formæ esset in materia tunc forma corrupta posset redire eadem numero per naturam cuius contrarium patet in fine secundi de generat. Probatio consequentiæ. Ex quo aliquid generatur in idem potest resolui, & sic si forma posset redire in pristinam potentiam, posset etiam esse idem agens, sed istis duobus existentibus sequitur idem effectus.

Præterea relatio realis non potest esse sine termino reali, sicut nec sine fundamēto. Sed si poneretur talis ratio seminalis esset relatio ad formam, & esset sine termino cum forma non existat.

Respondeo. Hic sunt tria videnda. Primo quid est ratio seminalis. Secundo in quibus ponitur. Tertio ad quid ponitur.

Quantum ad primum dico, quod in materia tria considerantur, scilicet essentia materiæ, potentia receptiua, & actus. Ratio autem seminalis non potest poni in essentia materiæ, quia Christus fuit in Abraham secundum corpulentam substantiam, & materiam, vt patet per Aug. sed non fuit Christus in Abraham secundum rationem seminalem ergo.

10. Cap. su-
per gen. ad li-
teram.

9. Cap. super
gen. ad literā.

Secundo, non potest poni in potentia receptiua materiæ, quia Deus facit aliquid in materia non secundum rationem seminalem, vt patet per Aug. ad literam. Sed Deus nihil facit in materia, cuius non sit materia receptiua.

Tertio ponitur secundum aliquos, quod ratio seminalis est aliquid in materia, & est gradus aliquis imperfectus respectu formæ educendæ, & est eiusdem rationis cum gradu sequenti. Vide hoc in Bonauentura.

Ista opinio confirmatur per quinque rationes factas in principio quæstionis. *2. sent. dist. 18. q. 3.*

Contra, quæro an illa pars formæ, quæ acquiritur per generationem, aut præfuit in materia, aut non. Si sic, ergo non acquiritur per generationem. Si non, ergo non euadis creationem quam intendis vitare.

Præterea, in cuius virtute actiua est ens perfectius, in eius virtute actiua est ens imperfectius eiusdem rationis. Sed gradus præcedens est imperfectior gradu sequenti, & eiusdem rationis, quia alias forma esset composita ex partibus diuersarum rationum. Si ergo generans potest ponere formam in esse secundum gradum sequentem qui est perfectior, multo magis secundum gradum præcedentem, qui est imperfectior.

Præterea, quæro de illa parte formæ, quæ vltimo inlucitur de cuius potentia educatur. Si immediate prolucitur de potentia materiæ, tunc frustra ponitur ratio seminalis. Si autem producat de gradu imperfecto hoc est inconueniens, quod aliquid producat de potentia alicuius quod est eiusdem rationis cum eo, quod producit.

Præterea illa ratio intrinseca seminalis aut semper agit, & sic materia nunquam esset in esse quieto sub forma, aut non semper agit, sed tantum quando excitatur ab agente exteriori, & cum tale agens sit extra erit generatio violenta.

Est alia opinio, quæ dicit, quod materia est tota forma secundum purum esse potentiale.

Vide Ricardum 2 sent. dist. 18. q. 2.

Contra, aut actus aliquid addit ad illud purum potentiale, aut nihil. Si nihil, ergo generatio terminatur a nihil. Si aliquid, vel absolutum, vel respectuum, non respectuum, quia tunc relatio esset terminus motus, vel mutationis cuius contrarium patet. Si addit aliquid absolutum, ergo non præfuit tota forma.

5. Phys. cont. 10.

Dico ergo, quod ratio seminalis est quedam qualitas consequens formam substantialem seminis, & non est actus cognatus correspondens ipsi materiæ, sed via ad iuductum, quod est per se intentum à natura.

Quid sit ratio seminalis secundum Scotum.

*Quomodo ali-
quæ producant
dissimilia, &
similia, vide
Secundum hic.*

Quantum ad secundum articulum, est sciendum, quòd aliqua secundum aliquos semper producant sibi dissimilia immediate, vt sol producit rauram. Aliqua producant sibi similia, & hoc dupliciter, scilicet mediate, vt homo hominem, vel immediate, vt ignis ignem.

Ad propositum dico, quòd in primis non potest esse ratio seminalis, quia nec virtute cæli potest sensitius forma in rana produci. Cuius ratio talis est. Omnis causa æquiuoca est nobilior effectu producto. Ista enim negata non potest probari, quòd Deus esset perfectior musca, Sed cælum non est nobilius ipsa forma sensitiua, quia omne viuum est nobilius non viuo, secundum Aug. ergo.

*Dist. 14. q. 1.
ar. 2. vide ibi.*

Ad illam rationem datur vna responsio quæ data est supra. In his autem, quæ producant similia mediate vt homo generat hominem oportet ponere semen, & rationem seminalem. In his autem, quæ producant similia immediate, vt ignis ignem, non oportet ponere rationem seminalem, quod probatur primo. Elementa sunt imperfectissima entia in genere substantiæ, sicut patet per Commentatorem. Sed semen cuiuscunque est perfectius eo, quod dicitur ex semine generari, ergo.

*3. Celi com.
22. & 67.*

Præterea semen non ponitur nisi vt medium inter primum agens, & vltimum effectum. Sed hæc actio est immediata, ergo.

Contra illud vltimum dictum sunt quinque rationes positæ in principio quæstionis. Et sunt rationes opinionis, quæ ponit, quòd forma præexistit in materiæ secundum gradum imperfectam, ideo ad eas respondeo modo.

Ad primum dico, quòd non sequitur creatio, quia creatio excludit actum cuiuscunque causæ extrinsecæ necessario, hic autem præsupponitur materia quamvis non gradus formæ. Quod si arguas contra de animalibus intellectiuis, & gratia quæ præsupponit aliquid, quia anima præsupponit corpus, & gratia animam, & tamen creatur. Dico quod non est verum, quia Deus non necessario præsupponit illa, posset enim animam intelli-

*Deus potest
producere ani-
mam sine cor-
pore.*

nam producere sine corpore, sicut aliqui ponunt de anima Ade, & gratiam in quantum est quedam qualitas sine anima. Agens autem creatum necessario presupponit subiectum.

Ad omnia alia dico, quod natura accipitur vno modo vt distinguitur contra propositum, & artem.

Alio modo vt distinguitur contra violentum. Et sic ex parte passi accipitur naturalitas in proposito, vt dicitur generatio naturalis ex naturali inclinatione principij passivi ad formam.

Quantum ad tertium articulum est triplex *Triplex mo-* modus dicendi. Vno modo, quod semen ponitur, vt princi- *modus dicendi de* pium generationis substantiae. Alio modo vt sit prin- *semine.* cipium alterationis, tertio modo, vt sit via ad illud quod est per se intentum a natura. Et istum vltimum modum teneo. Primus enim non potest stare, quia quod non est, non potest esse principium productivum substantiae. Sed in instanti generationis substantiae semen non est, ergo. Quod si diceres maior est vera in virtute propria, sed semen potest in virtute generantis quam virtutem Auerrois vocat diuinam.

Contra, in virtute non agentis, nihil agit, sed semine *7. Met. com-* ne deciso potest generans non esse, ergo non agit in *ment. 31.* virtute generantis.

Præterea nullum imperfectum potest esse causa per se sufficiens perfectioris. Sed semen cum omni qualitate, & spiritibus est imperfectius genito.

Similiter secundus modus non valet accipiendo semen vniformæ pro semine maris, quod potest agere in semen foeminæ, quia nihil per gradum suæ entitatis, siue per qualitatem suam corrumpit se, nec alterat suum proprium subiectum.

Præterea principium actiuum vniforme non est causa difformiorum, vel differentium, ergo si semen vt supponitur sit vniforme, non poterit alterare vt sint ibi diuersa organa, quæ apparent in genito.

Ad argumentum in contrarium, & ad quinque principia patet in fine secundi articuli.

Ad primum alterius opinionis dico, quod dictum philosophi debet restringi ad factionem rei completæ,

vnde dicit ibi, quod forma generatur per accidens.

Ad secundum quibusdam non videtur inconueniēs, quòd corruptum redeat idem numero, de quo dicitur in quarto. Si autem habetur pro inconuenienti, potest dici, quod philosophus in 5. Physicorum dicit, quod ad id entitatem numeralem aliquid plus requiritur, scilicet identitatis temporis, & motus, quæ in proposito deficiunt.

Dist. 12. q. 6.

3. Phys. cont.

Ad vltimum dicitur à quibusdam, quod relatio fundamentalis potest esse sine termino, quamuis relatio formalis non possit esse sine termino. Illa autem relatio feminalis dicit relationem fundamentalem, non formalem.

*Opinio vera
secundum Sco
tum.*

Aliter potest dici, quod illa relatio habet aliquem terminum intrinsecum licet non extrinsecum.

An vnicus sit intellectus?

Petrus Scotellus 2. sent. dist. 18. q. 2.

QVAESTIO II.

SEcundo quæritur. An sit vnus intellectus numero in omnibus? Videtur, quod sic. In separatis à materia idem est, quod quid est cum eo cuius est. Sed omne tale est vnum numero, ergo.

Præterea multiplicatio indiuiduorum, aut sit per quantitatem, aut per materiam. Sed intellectus non est quantus, aut materialis, ergo.

Præterea multiplicatio indiuiduorum fit propter corruptionem, ex secundo de anima, sed intellectus est incorruptibilis, ergo.

Præterea cui non communicatur actus non communicatur forma. Sed intelligere non communicatur corpori, ergo nec intellectus, & per consequens intellectus non multiplicatur ad multiplicationem corporum.

Contra, si esset vnus intellectus numero in Petro, & Iuda, periret omne meritum, & præmium. Etiam Auic. dicit, animam vnā numero esse in duobus corpori-

*6. Naturaliū
per 5. cap. 2.*

bus est falsum. Responsio, hic sunt quatuor articuli. Primo ponitur una distinctio de intellectu. Secundo dicitur una opinio Commentatoris. Tertio arguetur contra ipsum. Quarto respondebitur ad motiva Comment.

Quantum ad primum dico, quod intellectus capitur sex modis. Primo pro intellectu agente, qui est omnia facere. Secundo pro intellectu possibili, qui est omnia fieri. Tertio pro intellectu informato habitu scientiali, vel specie. Quarto pro imaginatione, & dicitur intellectus passivus, & est corruptibilis. Quinto dicitur intellectus speculativus. Sexto dicitur intellectus adeptus, & dicitur ille intellectus speculativus, qui componitur ex intellectu materiali, & intellectu in actu. Intellectus autem adeptus componitur ex intellectu materiali, & ex lumine intellectus agentis. Unde sicut aer simul recipiendo speciem recipit lumen, sic etiam intellectus possibilis recipiendo speciem simul recipit lumen intellectus agentis, & propter hanc receptionem dicitur intellectus adeptus.

*Intellectus
sex modis ac-
cipitur.*

*Vide Aver.
3. de anima
com. 5.*

Quantum ad secundum articulum est opinio Commentatoris, quod intellectus possibilis est unus numero in omnibus. Quod probatur primo sic. Quod est immateriale, non multiplicatur ad multiplicationem corporum. Sed intellectus est immaterialis, ergo.

*3. de anima
com. 18.*

Secundo, sic quod non est corpus, nec virtus in corpore, non multiplicatur ad multiplicationem corporum. Sed intellectus non est corpus, nec virtus in corpore, ergo.

Tertio sic, si intellectus ad multiplicationem corporum multiplicaretur, tunc ea, quæ essent in intellectu non essent intellecta in actu, consequens est falsum, ergo & antecedens.

Probatio consequentiæ, quia si intellectus multiplicatur, tunc esset hic, & nunc & ea quæ sunt in intellectu essent hic, & nunc. Sed ea quæ sunt hic, & nunc, sunt intelligibilia in potentia, ergo.

Quarto sic. Si intellectus esset multiplicatus idem moveret seipsum, quia intellectus in potentia movet intelligentem. Si ergo intellectus est in potentia idem intellectus movet seipsum.

Quinto sic. Quod recipitur in aliquo recipitur per modum recipientis. Sed in intellectu meo, & tuo species recepta est vna, ergo intellectus est vnus. Probatio minoris. Nam possibile est, quod ego, & tu intelligamus lapidem, aut ergo hoc est per vnā speciem, & habetur propositum, aut per aliam, & aliam, si sic cum iste species differant numero, & conueniant in specie, aut cognosceretur in quantum species per vnā speciem, & habetur propositum, aut per aliam, & aliam, & sic in infinitum standum, ergo fuit in primis, videlicet quod per vnā speciem cognoscatur.

Vt autem magis apparent positio ista sunt hic duo considerata. Primo quomodo differant formæ intentionales, & reales. Secundo quomodo differant natura corporalis, & spiritalis.

Propter primum nota, quod formæ intentionales non numerantur ad numerationem subiectorum, quia alias non possent esse plures formæ in eadem parte medij.

Item non extenduntur ad extensionem subiecti, quia non educuntur de potentia materiæ, formæ autem reales educuntur de potentia materiæ, & numerantur, & extenduntur ad numerationem, & extensionem subiecti.

De secundo nota quantum ad præsens, quod in duobus differunt natura corporalis, & spiritalis.

Primo, quod natura spiritalis potest simul esse cum natura corporali, absque hoc, quod natura corporalis cedat ei. Natura vero corporalis simul cum corporali esse non potest.

Secundo, quod natura spiritalis potest esse simul, & semel in diuersis, dum tamen ipsa habeant ordinem ad aliquod vñum, sicut patet de anima, quæ est in diuersis partibus corporis. Natura vero corporalis hoc non potest nisi per miraculum. Sic ergo dico, quod quia species quæ est in intellectu habet esse intentionale, potest simul esse in imaginatione, vt patet ex primo dicto.

Amplius, quia intellectus est, quid spirituale potest pluribus vniri non per informationē, vt imaginatur Commentator: sed per quandam vñionem, qua intellectus copulatur imaginationi per speciem: Et isto modo po-

Quomodo intellectus possit pluribus vniri.

fuit Commentator vnum intellectum numero in omnibus.

Quantum ad tertium articulum sunt contra commentatorem octo difficultates quarum quatuor ipsemet contra se mouet. Aliæ sunt à doctoribus modernis factæ.

Primo sic. Quando aliqua habent vnā & eandem perfectionem primā habent, & secundā perfectionē eandem: Sed per te omnes homines habent vnā perfectionem primā eandem. scilicet intellectum, ergo similiter habebunt eandem perfectionem secundā. scilicet intelligere vnum. Sed hoc est falsum, quia quando tu dormis ego intelligo. Similiter quando tu affirmas vnum ego nego illud, ergo.

3. de anima
com. 18.

Secundo sic. Intellectus agens, & possibilis sunt æterni, & tamen generatum ex eis. scilicet intellectus, & intellecta non sunt æterna. Sed si esset vnus intellectus sicut ille est æternus, ita intellectio, & intellecta essent æterna, quod patet esse falsum.

Tertio sic. Si intellectus possibilis esset vnus in omnibus, & de se nullam haberet formam, & propter hoc est possibilis vocatus, ergo est sicut materia prima.

Ratio Got-
fredi.

Quarto sic, plurificato effectu formali plurificatur forma: Sed tu, & ego sumus homines per intellectum, & tamen tu es alter homo à me, ergo & alius intellectus.

Ad primum obiectum respondet Cōmentator, quod maior est vera si habet omnia eadem, quæ requiruntur ad actum secundum. Sed hic non sunt omnia eadē quæ requiruntur ad actum secundum, quia est diuersa fantasia, vel imaginatio, quæ est generabilis, & corruptibilis. Eodem modo ad secundum. Est enim intelligere generabile, & corruptibile, quia dependet ab intētionē imaginata, quæ est generabilis, & corruptibilis.

Responsio A-
uerrois.

Ad tertium concedo, quod intellectus est sicut materia in suo ordine, quia sicut materia se habet in genere entium, sic intellectus in genere intelligibilium.

Ad quartum dicit, quod intellectus non est forma, nec vnitur nobis, vt forma.

Quamuis istæ rationes aliquantulum soluantur non tamen sufficienter, sed existentē adhuc manent. Et præter has adducuntur rationes modernorum, quarū prima

Rationes re-
centiorum.

est ista. Si esset intellectus vnus in omnibus, tunc homo non intelligeret. Consequens est falsum, ergo & antecedens. Probatio consequentiae, nam secundum Commentatorem ibidem. Intellectus se habet ad fantasmatia sicut oculus ad colores. Ex vnione autem quam habet oculus ad parietem per colorem non sequitur, quod paries videat, ergo ex vnione quam habet intellectus ad nos per speciem non sequitur, quod nos intelligamus, sed quod intelligamur.

Secunda ratio est ista. Si esset intellectus vnus in omnibus hominibus, intellectus iste esset aternus. Et sic haberet omnes species ab aeterno, & sic non poterit recipere aliquam speciem, quod est contra philosophum. tertio de anima.

Tertia ratio talis est. Ab vna virtute creata non possunt progredi duo actus solum numero differentes. Sed intelligere meum, & tuum respectu eiusdem obiecti solo numero distinguuntur, ergo non possunt esse ab eadem virtute numero, ergo.

Quarta ratio est talis. Sicut transmutatio facit scire materiam, ita actio formam. Sed propria actio hominis est intelligere, ergo ex intelligere debemus inuestigare formam hominis propriam. Sed non est intelligibile, quod multiplicetur effectus formalis, & non multiplicetur forma, ergo ad multiplicationem hominis sequitur multiplicatio formae. Respondet, quod verum est si intellectus esset forma hominis. Nunc autem secundum eum intellectus non est forma hominis. Ista responsio nulla est, quia procedit ex falsa suppositione. Est enim intellectus propria forma hominis, vt probatum est supra dif. 17. de pluralitate formarum articulo primo.

Quantum ad quartum articulum dico, quod argumenta commentatoris non concludunt.

Ad primum, & secundum dico, quod intellectus non multiplicatur effectiue ex corporibus, sed ex propriis gradibus indiuiduantibus, vt patet supra.

Ad tertium nego consequentiam. Ad probationem cum dicitur. Receptum in intellectu esset hic, & nunc est signatum. Dico, quod illud receptum potest accipi obiectiue, & subiectiue. Subiectiue est particulare, ob-

*Distinc.
3 q. de indi-
uiduatione.*

iectiue vniuersale. Ad quartum patet, quòd maior est falsa in spiritualibus, quamuis vero in corporalibus sit dubium, quòd aliquid moueat seipsum sicut supra patuit.

Ad quintum soluitur à quibusdam antiquis, & etiam ab Aureolo per oppositum, quia sequitur, quòd omnes intelligentiæ essent vna intelligentia, & sic intellectus intelligentiæ, quæ mouet lunam esset idem cum intelligentia, quæ mouet solem, quia sicut arguitur de specie respectu intellectus tui & mei in illo argumento, ita arguitur in proposito. Dicit hic Egidius, quòd oppositum non valet, quia species in intellectu hominis, & intelligentiæ sunt alterius rationis. Species autem quæ sunt in intellectu meo, & tuo, sunt eiusdem rationis. Ego autem teneo primam solutionem, & dico, quòd solutio Egidij non valet, peccat enim per fallaciam petitionis principij, sicut patet intuenti ipsam.

Ad primum principale nego minorem sicut melius patuit distinctione 3. q. Vtrum plures angeli possunt esse sub eadem specie?

Ad secundum nego maiorem, quia indiuiduatio nec fit per quantitatem, nec per materiam, sicut patuit distinct. 3. q. de indiuiduatione.

Ad tertium dico, quòd ibi non est causa totalis, sed concausa.

Ad vltimum nego minorem, quod patet per philosoph. vbi querit. Vtrum anima habeat aliquam propriam operationem quam non cõmunicet corpori? Et dicit quòd non, & exemplificat ibidem de intelligere, &c.

Distin. 2. de motu angelorum. Solutio Aureoli.

In tractatu de vnitae intellectus, Opinio Anselmi.

1. de anima comex. 13.

DISTINCTIO XIX.

AN homines in statu innocentie fuissent immortales si non peccassent?

Scotus secunda sententiarum distinctio. 2. questio 1.

D. Thomas prima parte q. 100.

Ricardus secunda sententiarum distinctio 20. questio. 3.

Durandus secunda sententiarum distinctio 20. questio. 5.

QVAESTIO I.

SO LET etiam quari. Circa istam distinctionem decimamnonam queritur. An homines in statu innocentiae fuissent immortales si non peccassent? Videtur quod non, quia ubi est eadem species, est eadem differentia specifica. Sed homo in statu illo fuit eiusdem speciei cum isto statu, & in statu isto mortale est propria eius differentia per Porphyrium, ergo.

Præterea, illa immortalitas, aut esset ex parte animæ, aut ex parte corporis. Nō ex parte animæ patet per Apostolum qui dicit, quod solus Deus habet immortalitatem. Non etiam ex parte corporis, quia omne generabile est corruptibile ex primo cæli, & mundi. Sed corpus hominis in statu innocentiae erat generabile, ergo & corruptibile.

Confirmatur, quia cum in statu innocentiae habeat corpus nutritibile, indigebat alimento, & per consequens fiebat ibi aliqua deperditio. Sed eadem est ratio de toto, & de parte.

Cap. 3.

In contrarium scribitur Gen. In quacunque die comederis ex eo morte morieris. Sed non dixit hoc de actu moriendi, quia non statim fuerunt mortui, ergo de potentia.

Respondeo, immortalitas potest referri ad corpus, vel ad animam. Et sic sunt duo videnda. Primo. Si corpus erat immortale. Secundo. Si anima sit immortalis pro statu illo, siue pro statu isto.

Quantum ad primum dico, quod immortalitas dupliciter accipi potest, vel absolute, vel ex suppositione. Si primo modo adhuc dupliciter, quia vel considerata natura, vel considerato dono pro statu innocentiae sibi collato. Si primo modo sic homo erat mortalis, & hoc quia erat compositus ex contrariis, quæ nata sunt agere in se inuicem si ponantur elementa secundum proprias essentias in mixto, vel si non ponuntur sicut verius credo, ut patuit supra, hoc est propter organicas partes in quibus sunt qualitates contrariæ.

Distinc. 15.

Si

Si secundo modo consideratur donum quod Deus *Quomodo A-*
dederat, & dicitur quasi naturale: quia pro tota natura *dam er. n. mor*
erat sibi datum: sic fuisset immortalis stante homine in *talus, & im-*
isto dono. Si vero consideratur ex suppositione, & con- *mortalis.*
ditione, sic erat etiam immortalis, & mortalis. Immor-
talis, quia poterat non mori si stetisset, & illa dona reti-
nuisset. Mortalis quia poterat mori si illa dona amisisset,
sicut & factum est.

Quantum ad secundum articulum dico, quod anima *Vide Scotum*
rationalis, & pro statu isto, & pro statu illo est immorta- *in 4. sent. di-*
lis quamvis forte hoc demonstratione, & ratione natu- *stin. 43. q. 2.*
rali ostendi non possit. Adducuntur nihilominus aucto-
ritates physicorum, & rationes.

Primo sic Aristoteles. Intellectus separatur ab aliis *2. de anima*
potentiis sicut perpetuum à corruptibili. Si dicatur, quod *contex. 21.*
separatur ab aliis quantum ad operationes. Contra, ex
hoc sequitur propositum, quia si potest separari quatum
ad operationem, ergo quantum ad esse.

Secundo sic, tertio de anima ponitur differentia inter *1. de anima*
sensum, & intellectum quia excellens sensibile corrup- *contex. 21.*
pit sensum, de intellectu autem non est sic: quia intelle- *3. de anima*
ctus non debilitatur in operando, sed omne tale est in- *contex. 7.*
corruptibile, ergo.

Tertio sic, philosophi mouentes causæ velut prius exeun-
tes, quæ autem ut ratio. i. forma, & cetera, videtur dice-
re, quod intellectus, est forma manens post compo-
situm. *12. met. con-*

Quarto sic, decimosexto de animalibus. Solus intel- *te. 16. & 17.*
lectus est ab extra, & sic non recipit esse per generatio- *16. de anima:*
nem, ergo non subiicitur causalitati causæ secundæ, & *lus ca. 4.*
sic non est corruptibilis.

Quinto sic, desiderium naturale non est frustra, sed *1. met. in pro-*
in anima est naturale desiderium ad semper esse, ergo. *hemio.*

Sexto sic. Illud per quod res potest esse & non esse est
materia, ex septimo metaphisicæ: sed anima intellectiua *7. Met. con-*
non habet materiã, quia est forma simplex, ergo. Ratio *tex. 22.*
ista forte non valet, quia accipit minorem dubiam.

Septimo sic, philosophus vult quod fortis debet se ex- *1. ethic. c. 2.*
ponere morti secundum iudicium rationis pro republi- *& 9. ethic.*
ca, ergo anima est immortalis, probatio consequentiæ. *cap. 9.*

3. de libero ar-
bitrio.

Nullus propter quodcunque bonum virtutis, vel in se, vel in alio potest appetere suum non esse: tum quia non esse est nihil, tum quia non esse non includit rationem boni, tum quia talis non efficeretur melior, quæ sunt rationes Augustini, sed si anima non esset immortalis acciperet totaliter non esse, ergo.

D. Tho. par-
te. 1. q. 75.

Octauo per rationes Thomæ, primo sic. Simpliciter non potest separari à seipso, sed anima est simplex, ergo non potest separari à seipsa, nec per consequens corrumpi.

artic. 6.

Lib. 4. dist.
45. q. 2.

Secundo sic, quod corrumpitur, aut corrumpitur per contrarium, aut per defectum alicuius necessario requisiti ad eius esse, sed anima intellectiua non habet contrarium, nec esse corporis est simpliciter necessarium ad eius esse, quia habet proprium esse, ergo omnes istas rationes repetit Sco. & dicit eas non concludere sicut patet intuenti ipsum in prædicta questione.

Opinio Au-
reoli.

Aureolus autem adducit hic duas rationes, prima est illa. Nulla operatio est abstractior, quam sit principium operationis, sed experimur in nobis operationem esse, quæ non subest alicui corruptioni, ergo nec substantia subest corruptioni, minor patet, quia experimur, quod libere intelligimus, eligimus volumus, & iudicamus.

Secunda ratio est talis: Substantia non quanta non potest corrumpi ab aliquo quanto, sed in nobis est aliqua substantia non quanta, ergo non potest corrumpi ab aliqua virtute corporea.

Aliter arguo sic. Si obiectum est incorruptibile, & potentia est corruptibilis. Sed obiectum intellectus est incorruptibile sicut sunt rationes æternæ, ergo.

Anima est
incorruptibi-
lis.

Vltimo arguitur per rationem Theologicam: quia nullum malum impunitum, & nullum bonum irremuneratum. Sed si anima esset incorruptibilis, multa mala non impunirentur, ergo. Quicquid sit de efficacia istarum rationum, & verum demonstratiuè concludant dubium est. Teneo tamen, quod anima est incorruptibilis.

Ad primum principale patet ex primo articulo, quia corruptibilis erat ex natura pure considerata in se.

1. de tri. ca.
3. 6.

Ad secundum quantum ad primum membrum: puta de anima cum dicitur, quod solus Deus immortalitatem

habet, patet per Augustinum, qui dicit, quòd immortalitas vocatur ibi immutabilitas: Sed ad aliam partem alterius membri de corpore dicatur, sicut ad primum.

DISTINCTIO XX.

An in paradiso terrestri fuisset propagatio filiorum per copulam carnalem?

Petrus Scotellus 2. senten. distinc. 20.

QVAESTIO I.

POST hæc videndum est. Circa istam distinctionem 20. quæritur. An in paradiso terrestri fuisset propagatio filiorum per copulam carnalem? Videtur quòd nõ, quia propagatio per copulam carnalem fit ex decisione seminis, vt semen est de superfluo alimenti: sed in statu innocentie nihil fuisset superfluum, ergo.

Præterea generatio per copulam carnalem non fit sine corruptione, & macula, sed in statu illo non fuisset aliqua corruptio, nec macula, ergo.

In contrarium, manente eadem natura in specie manet cõsimilis actus, sed natura humana est eiusdẽ speciei in statu isto, & illo, & in isto statu fit generatio filiorum per copulam carnalem, ergo.

Responsio, hic sunt duo articuli. Primus qualis sit generatio filiorum pro statu naturæ lapsæ, secundus qualis fuisset in statu naturæ institutæ.

Circa primum sunt videnda septem, qualis superfluitas sit semen cum semen, sit de superfluo alimenti, secundo quæ virtus sit in spermate maris, & fœminæ, tertio in quanto tempore formatur fœtus, quarto, quæ membra primo formantur, quinto vnde causatur tanta diuersitas sicut est inter carnes, & ossa, & huiusmodi: sexto de diuersitate partium ex eo, quòd aliquæ sunt in maiori, & minori tempore. Vltimo de causa masculinitatis, & fœmineitatis.

*Colliget. 2.
libri. ca. 10.
Tres sunt di-
gestiones.*

*Contra Ga-
lenum.*

*Quid sit su-
perfluitas, di-
gestionis.*

*9. de animal-
ibus cap. 1.*

*14. de anima-
libus.*

*9. de anima-
libus cap. 1.*

*Colliget. 2.
libri. ca. 10.*

Quantum ad primum dico cum Auerroce suo, quòd prætermiffa digestionẽ oris sunt tres digestionẽs. i. digestio stomachi, epatis, & cordis. Est enim cor princeps in virtute nutritiua, & in hoc ipse reprehendit Galenum, qui posuit quòd princeps in virtute nutritiua erat epar. Sicut enim sic habet digestio stomachi ad digestionẽ epatis, ita digestio epatis ad digestionẽ cordis. Superfluitas autem digestionis stomachi sũt fœces. Superfluitas autem digestionis epatis sunt vrinæ. Superfluitas autem digestionis cordis post factam missionem necessariam ad omnia membra remanet superfluum, quod dicitur semen.

Quantum ad secundum est opinio Galeni sicut recitat Auicenna, quòd in spermate semineo est vis actiua ad formationem fœtus, quod probatur, primo sic. Matrix habet vim receptiuam. Exemplum de illa, quæ steterat cum viro dedit magnum saltum, vt emitteret semen ne impregnaretur, & non potuit. Sed matrix non solum habet vim receptiuam retinendi semen maris, sed etiã semen proprium. Et tunc quæro ad quid retinet, quia aut præcise propter materiã fœtus, & hoc non, quia talis materia ponitur menstruum, aut propter vim actiuam, & habetur propositum.

Secundo sic, quod ex se inspissatur habet vim actiuã, sed semen mulieris ex se inspissatur, ergo, minor probatur per istam mulierem, quæ cum non staret cum viro patiebatur suffocationem matricis, hoc autem nõ erat, nisi quia eius sperma erat inspissatum in matrice. Ista opinio à quibusdam non tenetur, quia est contra philosophum. Item est contra Auicennam, qui reprehendit Galenum, & dicit, quòd ignorat in hoc radices seminis naturalis.

Item contra Auerroem. Et est ratio Auerrois talis. Si esset in spermate mulieris virtus actiua ad formationem fœtus, posset naturaliter generare sine viro, quod est inconueniens, probatio consequentiæ, quia agens approximatum passio debere potest iudicare suam formam in materia bene disposita, sed sanguis menstrualis, & semẽ mulieris sunt bene disposita, ergo.

Ad primam rationem Galeni dicitur, quòd sperma

receptum necessarium non est, propter vim actiuam, sed propter contemperamentum sicut ponit Auicenna, & exponitur statim.

Ad secundum dico, quòd illa inspissatio non est propter vim actiuam, sed propter caliditatem matricis.

In 3 suis canonis feu. 21.

Diceret ergo ad quid ponitur sperma viri, & mulieris, dico quòd sperma mulieris ponitur propter contemperamentum spermatis viri. Et hoc est dictum Auicennæ ubi supra, qui dicit, quòd duorum spermatū commistio est necessaria, quia cum viri sperma sit grossum, & calidæ complexionis, sperma fœminæ contemperat grossitatem, & calorem spermatis maris propter molitiem, & frigiditatem propriam.

& exponitur statim.

Uterius dico cum Auicenna licet quibusdam non placeat, quòd sperma mulieris, & sperma maris cedunt, vel intrant materiam fœtus, aliter tamen, & aliter: quia sperma fœminæ intrat nō habens vim actiuam, sperma autem viri intrat habens vim actiuam. Exemplum suum est, pasta quæ est modo panis, & in virtute caloris furni fit in pasta quadam crustula. Sic etiam est quando coadunantur ista spermata virtute caloris matricis generatur crustula siue pellis.

Opinio Anic. cen. ut supra

Exemplum.

Quibusdam autem hoc non placet, volentes quòd semen virile concurrat tantummodo, vt dans formam, quia aliter idem esset in potentia, & actu, & actiuum, & passiuum. Teneatur quod plus placet.

Quantum ad tertium sunt duæ opiniones de formatione fœtus Vna est Augustini quæstionum, qui dicit, quòd illa formatio fit in quadraginta diebus, tali ordine, sex diebus primis est sub forma lactis, nouem diebus sub forma sanguinis, duodecim diebus est sub forma carnis, decem, & octo residuis diebus distinguuntur, & formantur membra.

Li. 80 trism. quæst.

Alia est via quam tangit quædam glosa, quòd masculus in quadraginta quinque dieb⁹ formatur, fœmina vero in 84. Et huic opinioni fauet philosophus decimo de animalibus. c. j. dicens, quòd si fœtus masculi quarto decimo die ceciderit per abortum super aquam frigidam inuenitur habens substantiam inuolutam in tela,

In Lenuico.

qua scissa apparebunt membra distincta, puto tamen, quòd vtraque opinio est vera, quia perfecta formatio fit in quadraginta quinque diebus, & sic accipit Augustinus. Semiplena autem fit in quadraginta diebus, & sic accipit glota in Leuitico.

Quantum ad quartum dicit Democritus, vt recitat philosophus, quòd primo formantur membra exteriora, deinde interiora. Hoc reprobatur philosophus & dicit, quòd primo formantur interiora membra, inter quæ primo formatur cor. Ratio est quia illud primo formatur in animali, quod est principium motus in animali, sed huiusmodi est cor, ergo. Deinde formantur illa in quibus viget virtus animalis puta epar, & cerebrum. Quod si dicas quare non formatur tunc pulmo?

Respondet Auicenna, quòd hoc est ideo quia pulmo est propter respirationem, sed in prima formatione fœtus non indiget respiratione, ideo non formatur pulmo.

Quantum ad quintum dico, quòd illud est propter diuersitatem materiæ, nam ad generationem fœtus concurrunt sperma masculinum, & fœmininum, & menstruum, sperma autem masculinum fit materia spirituum quantum ad id quod est subtilis in eo, quantum autem ad id quod est grossius transit in membra. Sperma autem fœmineum fit materia neruorum, & venarum, & eorum, quæ non restaurantur. Menstruum autem fit materia carnis, & pinguedinis, & eorum, quæ possunt restaurari.

Quantum ad sextum ponit philosophus nono de animalibus, quòd cum omnia animalia habent certum tēpus pariendi excepto homine, quia quædā parturiunt in septimo mēse, quædam in nono, quædam vero multotiens intrant vndecimum mensem sicut recitat Auicenna, philosophus vero dicit nono de animalibus, quòd plures decipiuntur mulieres credentes se esse impregnatas. Et causa huius est, quia matrix interdum attrahit proprium sperma, & claudit se super illud. & tunc mulier putat se impregnata, tunc si postmodū vtatur viro euomat sperma clausū, & recipit sperma viri vnde impregnabitur

6. de animalibus.

9. de animalibus.

9. de animalibus.

9. de animalibus.

Quare mulieres decipiuntur se esse gravidas.

& tunc mulier decipitur in computatione, quia incipit computare a tempore quo fuit clausum sperma proprium, & non a tempore quo recipit sperma virile.

Dubium.

Sed est dubium quare natus in septimo, & nono mense viuit, in octauo vero non. Et assignantur duę rationes.

Rationalis.

Prima est phisica talis, quia puer existens in vtero communiter in septimo mense petit exitum, & si inueniat facilem exitum non inueniet læsionem, & viuit. Si autem inueniat obstaculum recipiet læsionem, & reuertetur ad locũ proprium. Si autem exibat in octauo mense, quia non est facta curatio a læsione moritur. Si autem tardabit vsque ad nonum mensem, quia in octauo facta est curatio a læsione, ideo exibat sanus, & viuet.

Alia est ratio mathematica quia in quolibet tempore impregnationis dominatur planeta super fœtus secundum ordinem, ita quod primo mense dominatur Saturnus, & sic per ordinem vsque ad Lunam, quæ dominatur in septimo mense, Luna autem est frigida, & humida, & quamuis ratione frigiditatis sit causa mortis, tamen ratione humiditatis est causa vitæ. Si autem vadat vsque ad octauum mensem, tunc reincipiet dominari Saturnus, qui est frigidus, sic est causa mortis, si autem trãsit vsque ad nonum mensem, tunc habet dominium Iuppiter, qui est calidus & humidus, ex quo est causa vitæ.

Ratione mathematica.

Quantum autem ad septimum, quare aliquando mulier parit masculum aliquando fœminam, Est prima ratio Galeni qui dicit, quod hoc est quia cũ sperma fœmineũ intrat sperma masculinum generatur femina, cum autẽ econuerso generatur mas.

Opinio Galeni.

Hęc ratio non valet, quia ponit sperma mulieris habere vim actiuam respectu formationis fœtus, quod improbatum est in principio quæstionis huius.

Secunda ratio Democriti qui voluit, quod sperma maris cadēs in parte dextra matricis generat masculum, in parte vero sinistra generat fœminam. Ista vt dicit philosophus ratio non valet, vt declaratur in principio sextodecimo de animalibus.

Alia est ratio Lucani, qui dicit, quod hoc est ex parte testium, nam testis dexter facit ad generationẽ maris, sinister facit ad generationẽ, fœmine, vnde si fuerit pars

Opinio Lucani.

dextra testium ligata generatur fœmina, & si sinistra generatur mas. Ista ratio secundum philosophum ubi supia, non valet, quia sunt multa animalia, quæ carent testibus, & tamen generant mares. Ideo est alia ratio ex parte qualitatis seminis virilis, nam illud semen, vel feruet in calore, & facit ad generationem maris. Si autem est in calore remisso, facit ad generationem fœminæ.

Alia ratio assignatur ibidem propter ætatem, nam iuuenes, & senes generant fœminas quia in iuuenibus non est calor naturalis completus, in senibus autem est diminutus, homines vero prouectæ ætatis generant mares.

Alia ratio est ibidem ratione ventorum, quia cum fuerit ventus Septemtrionalis generatur mas, cum vero fuerit Meridionalis generatur fœmina.

Quantum ad secundum articulum principalem dico, septem per ordinem. Primo quòd in statu innocentie fuisset filiorum procreatio per copulam carnalem. Et hoc probatur per Augustinum.

14. de ciuit.
Dei, cap. 13.

Secundo dico, quòd per quamlibet copulam carnalem fuisset facta prolis generatio. Cuius ratio est, quia potentia actiua perfecta, & potentia passiuæ disposita si istæ sunt ordinate nunquam exeunt ociosæ in actu, sed omnia ista erant in statu innocentie, ergo.

Tertio, quod soli isti fuissent generati, qui modo sunt saluati, vel saluabuntur, quia aliter diuina prædestinatio fuisset mutata cum in paradiso non possit esse peccatum.

Quarto, quòd in statu isto fuisset æqualis multiplicatio virorum, & mulierum, quia omnes vacassent generationi carnali. Si autem non fuisset æqualis multiplicatio, tunc vel vnus habuisset plures vxores, vel econuerso, quod fuisset inconueniens pro illo statu.

Quinto, quod ibi fuisset per carnalem copulam virginitatis amissio, nō autem intelligo per virginitatis amissionem deordinationem, sed apertionem claustrorum.

Sexto, quòd filij geniti non habuissent perfectū vsum membrorum, sed peruenissent per interualla temporum sicut modo.

Septimo, quod filij non fuissent geniti in perfecta scientia quantum ad vsum, ad minus quicquid sit de habitu scientiæ. Ista duæ ultimæ conditiones patent per Magistrum.

Dist. 20.

Ad argumentum principale dico, quod semen non erat superfluum alimenti simpliciter, quia quamuis non esset necessario individuo, erat tamen necessarium propter speciem.

Ad secundum patet per Magistrum, fuisset enim ista copulatio absque macula in statu illo, sicut nunc est apertio oris.

Distin. 20.

cap. 2.

DISTINCTIO XXI.

An peccatum primi hominis potuit fuisse veniale?

Scotus in 2. sent. dist. 21. q. 1.

D. Thom. 2. par. q. 89. Art. 3.

QVÆSTIO II.

VIDENS igitur diabolus. Circa istam distinctionem 21. posset queri, quod fuit motuum diaboli ad tentandum hominem, sed ad hoc patet per Magistrum in principio huius distinctionis.

Secundo posset queri de modo, & ordine tentationis, sed de hoc patet ibidem.

Tertio quæro. An peccatum primi hominis potuit fuisse veniale? Videtur, quod non, quia omni peccato debetur aliqua pœna, ergo illi peccato cui debetur pœna mortis est mortale, sed primo homini propter peccatum infligebatur mors, ergo.

Contra, ab extremo in extremum non est transitus nisi per medium, sed inter iustitiam, & peccatum mortale est medium peccatum veniale, ergo nõ peccavit mortaliter, nisi prius peccasset venialiter, ergo.

Præterea magis repugnat rectitudini innocentie mortale quam veniale, sed non obstante illa rectitudine potuit peccare mortaliter, ergo.

Respondco. Primo ponam vnam opinionem. Secundo arguo contra illam. Tertio dicam ad motium primæ opinionis.

Quantum ad primum est vna opinio, quod primum peccatum non potuisset fuisse veniale. Quod probatur primo sic, peccatum est contra rectitudinem rationis, ergo vel peccatum fuisset cum innocentia, vel corripisset eam.

Non primo modo, quia obliquitas peccati non stat cum rectitudine summa, ergo relinquitur secundus modus, sed nihil corrumpit innocentiam primam nisi mortale, ergo primum peccatum non potuisset fuisse veniale.

Secundo sic, nunquam est deordinatio in portione inferiori nisi primo sit in superiori, ergo primum peccatum fuisset deordinatio portionis superioris, sed omne tale est mortale, ergo.

*Impugnatio
Scoti.*

Contra illam opinionem arguit Scotus primo sic. Non perfectius coniungit vltimo fini iustitia originalis, quam habuit Adam quam gratia gratum faciens concessa viatori, sed nulla gratia data viatori coniungit tantum vltimo fini quin habens eam possit peccare venialiter, ergo, & Adam potuit peccare venialiter, probatio minoris, per illud Ioan. Si dixerimus, quod peccatū non habemus, &c. Item potuit dicere verbum ociosum, sed tale non est mortale, ergo.

Ioan. cap. I.

Confirmatur ratio, quia aut potuit exire in actum verbi ociosi, & iocosi, aut non. Si sic, habetur propositū, si non, ergo fuisset iam cōfirmatus. Dico ergo quodd potuit peccare venialiter. Vbi notandum, quod peccatum mortale distinguitur a veniali in hoc, peccatum mortale est deordinatio opposita ordinationi sine qua finis consequi non potest aliquo modo, & ista ordinatio cadit sub præcepto. Sed peccatum veniale est deordinatio opposita ordinationi, quæ non est necessaria simpliciter ad consequendum finem, est tamen utilis, & talis cadens ab ordine peccat venialiter. Et isto modo Adam potuit peccare venialiter.

Et tunc ad primum argumentum alterius opinionis dico, quod quamuis mortale non possit stare cum inno-

centia, & summa rectitudine rationis, veniale tamen potest, quia non tantum repugnat. Et si obiicias quòd eadem ratione peccatum veniale potest stare cum beatitudine, ex quo potest stare cum summa rectitudine rationis, dico quòd non valet: quia beatus habet præceptum de semper continuando actum fruitionis non diuertendo nò solum ad oppositum, sed etiam nec ad actum desperatum, sed viatori nullum præceptum tale datur ad minus quantum ad actum desperatum.

Ad secundum nego minorem, nam levis motus per subreptionem circa articulum fidei est deordinatio in virtute superiori, & tamen non est mortale.

Ar argumentum principale dico, quòd si peccasset peccato veniali habuisset aliquam aliam pœnam quæcunque sit illa.

An peccatum primi hominis de facto sit grauiissimum?

D. Bona. 2. sentent. distinc. 21. q. 3. Artic. 3.

Secus 2. sententiarum distinc. 21. q. 1.

Richardus 2. sentent. distinc. 21. q. 2.

Durandus 2. sententiarum distinc. 21. q. 3.

Franciscus de Mayronis 2. sentent. distinc. 31. q. unica.

QVAESTIO II.

VARTO quæritur. An peccatum primi hominis de facto sit grauiissimum? Videtur, quòd sic, quia destruit maximum bonum id est iustitiam originalem.

Præterea illi peccato debetur maxima pœna: puta mors.

Præterea Augustinus dicit, quòd Adam, & Eva voluerunt rapere deitatem: sed hoc fuit maximum peccatum in angelo, ergo multo magis in homine. *Psal. 68.*

Contra Augustinus dicit, quòd Adam nò carnali concupiscentia motus, sed quadam amicabili compulsus beniuolentia, ne sociam contristaret peccauit. *10 super Genesim cap. vlt.*

Responsio, hic sunt tria videnda. Primo quale *ad literam.*

fuit peccatum Adæ, secundo quantum fuit graue, tertio quis grauius peccauit Adam vel Eua.

*Dist. 6. q. 2.
Dupl. est a-
ctus volunta-
tis.*

Quantum ad primum paruit supra scilicet quod duplex est actus voluntatis, scilicet velle, & nolle. In nolle autem non consistit peccatum, sed in velle, velle autem est duplex, scilicet velle aliquid amore amicitiae, qui est propter se velle amore commodi, qui est propter aliud. Et illud quod amatur amore amicitiae magis amatur, quam illud quod amatur amore commodi. Quia propter quod vnumquodque tale, & ipsum magis. Sed primum peccatum Adæ non fuit ex immoderato amore sui sicut fuit peccatum angeli primi, quia angelus se per essentiam intelligit primo homo autem non. Ideo sicut ponit Augustinus, hoc peccatum quantum ad radicem fuit immoderatus amor vxoris suæ.

2. post. cont. 5.

*II. cap. super
Gene.*

Quantum ad secundum dico, quod peccatum potest accipi, vel secundum suam rationem formalem, vel quantum ad sequelam. Et sic pono duas conclusiones. Prima quod non fuit maximum peccatum ex se, secunda quod fuit maximum peccatum quantum ad sequelam.

Prima probatur, tum quia non opponitur Deo, & maximo bono, sicut est peccatum in spiritum sanctum, tum quia non est cum maxima deliberatione factum.

Secunda conclusio probatur, tum quia ratione personæ cuius culpa omnes inuoluebat, tum quia non habuit inclinationem ad cadendum necessario, & præceptum sibi datum erat leue ad seruandum.

Quantum ad tertium dico duas conclusiones.

Prima, quod per se plus peccauit Eua, quia voluit rapere deitatem, Adam vero hoc non credidit, imo etiã de Dei misericordia cogitauit.

Secunda conclusio quod propter aliquas circumstantias accidentales Adam plus peccauit: tum quia propter personæ excellentiam, tum propter omniscientiam, tum propter virtutis constantiam, quæ plus vigeat in Adam quam in Eua.

Ad primum principale patet per secundam conclusionem secundi articuli, fuit enim maximum peccatum propter sequelam.

Ad secundum dico, quod pœna mortis gehennæ nō compete-
bat peccato Adæ quia ipse saluatus est. Si autem accipias mortem pro morte naturali patet per illud, *Dist. 19. q. 1.*
quod dictum est.

Ad ultimum dico, quod Adam non appetebat rape-
re æqualitatem directè, sed interpretatiuè, sicut omnis
peccans vult voluntatem suam interpretatiuè præferre
voluntati diuinæ.

DISTINCTIO XXII.

An peccatum primorum parentum fuerit
ex ignorantia?

D. Bona 2. sent. dist. 22. q. 1. Artic. 2.

Scotus 2. sent. dist. 22. q. 1.

Ricardus 2. sent. dist. 22. q. 1.

Ioan. Baconitanus 2. sent. distin. 22. q. 1.

QVAESTIO I.

Hic videtur diligenter inuestigandum. Cir-
ca istam distinctionem 22. quaeritur. An
peccatum primorum parentum fuerit ex
ignorantia? Videtur quod sic, quia omne
peccatū aut est ex infirmitate, aut ex indu-
stria, aut ex ignorantia, sed peccatum primorum paren-
tum non fuit ex infirmitate quia nondum erat pecca-
tum in eis, nec ex industria quia tale peccatū est ex
certa scientia, & omne tale est peccatum in spiritum
sanctum.

Præterea Augustinus. Adam inexpertus diuinæ se-
ueritatis falli potuit ut crederet veniale quod fuerat
mortale.

*7. de cin. &
etiam super
Gen. cap. 4.*

Præterea 3. Ethic. Omnis malus ignorans sed A-
dam factus est malus per peccatum, ergo fuit ignorans.

In contrarium arguitur, quia ignorantia est pœna
peccati, ergo non præcessit peccatum.

3. Ethic. c. 3.

Responsio, primo ponam vnā necessariam propo-
sitionem, secundo dicetur ad quaestionem. Tercio vido-

bitur si aliqua ignorantia excusat à peccato.

3. *Ethi. cont.*
Pythagoram.

Propositio necessaria est philosophi talis. Virtutes, & vitia sunt in potestate nostra, hoc probatur primo sic. Quæcunque sunt secundum electionem sunt voluntaria, & in potestate nostra, sed virtutes, & vitia sunt huiusmodi. ergo. Secundo sic, quæ à nobis possunt operari sunt voluntaria, sed vitia, & virtutes sunt huiusmodi, ergo.

Tertio sic omnes operationes reducuntur ad aliqua principia, sed omnes operationes nostræ non reducuntur ad principia extrinseca, igitur reducuntur ad principia, quæ sunt in nobis, vt ad voluntatem.

Quarto sic, si malitia non est in potestate nostra tunc sumus mali ex ignorantia, sed hoc non valet, nam ignorantia est duplex, vna directè aliquid operando, vt patet in ebrioso qui dupliciter est arguendus, primo quia inebriauit se, secundo quia in ebrietate peccauit. Est alia ignorantia iuris quando quis indirectè peccat, & prauè operatur. Sed prima, & secunda ignorantia sunt in potestate nostra, ergo.

2. *sent. dist.*
22. q. 1.

Vltimo sic, quæcunque laudantur, vel vituperantur sunt in potestate nostra, sed virtus, & malitia sunt huiusmodi, ergo. Maior patet, quia nullus vituperatur de turpitudine naturali, vt si quis nascitur cæcus.

Dupl. ignorantia.

Quantum ad secundum articulum est duplex modus dicendi. Vnus Richar. quod ignorantia dupliciter accipitur. Vno modo pro simplici nesciētia quæ est respectu illorum, quæ non tenetur homo scire, & talis ignorantia non est pœna, sed defectus naturalis consequens naturam, secundum modo accipitur ignorantia pro nescia eorum, quæ quis tenetur scire pro illo tempore quo debet ea scire.

Opinio Scoti.

Ad propositum dicit, quod prima ignorantia fuit in primis parentibus ante peccatum, secunda non.

Secundus modus dicendi est Scoti, quod quædam est ignorantia præcedens peccatum, & disponit ad peccatum: secunda est ignorantia concomitans peccatum, tertia est ignorantia quæ sequitur ex peccato quasi pœna eius.

Vel aliter sic. Ignorantia potest accipi vel pro igno-

rantia simplici, vel pro ignorantia erronea, vel pro ignorantia facti in se, & quo ad aliquas circumstantias.

Ad propositum dicit, quod primus homo non peccauit ignorantia erronea, quia approbare vera pro talis est naturæ lapsæ non instincte, peccauit autem ignorantia circumstantiarum, quia volens placere vxori, credidit veniale quod fuit mortale, vt patet per Aug. super Gen. ad literam.

Quantum ad 3. articulum posset dici cū philof. qui dicit, duplex est ignorantia, vna est in actu, & in habitu sicut in principio, alia in actu, sed non in habitu sicut in illo quod vincit à passione, prima excusat, secundum annot. Aliter potest dici per viam Rich. quod duplex est ignorantia.

*Ignorantia
duobus modis
potest accipi.*

S. Esbie.

Prima, est ignorantia inuincibilis simpliciter, & hæc totaliter excusat a peccato pro eo, quod talis ignorantia tollit rationem voluntarij, & peccatum non est peccatum nisi sit voluntarium.

*Opinio Rich.
de duplici
ignorantia.*

Secunda dicitur ignorantia affectata, vt cum aliquis sua voluntate vult ignorare propter minorem remorsum conscientiæ, & hoc non excusat immo aggrauat.

Tertia est ignorantia crassa quæ partim est voluntaria, & partim inuoluntaria, vt cum aliquis propter negligentiam non vult laborare, vt sciat quod tenetur scire quauis illud scire vellet sine labore, hoc æqualiter allediat a peccato quamuis non totaliter tollat.

Ad primum, & secundum patet per illud quod dictum est in secunda opinione 2. ar. Ad tertium dico, quod omnis malus est ignorans ignorantia præcedente, aut subsequente peccatum. Et isto modo Adam fuit malus ignorantia subsequente.

DISTINCTIO XXIII.

An Deus possit facere voluntatem creaturæ
rationalis impeccabilem per
naturam?

D. Bona 2 sententiarum distinction. 23. q. 1. Artic. 1.
Scotus 2. sentent. distinction. 23. q. 1.

*Ricardus 2. sent. dist. 23. q. 1.**Durandus. 2. sent. dist. 23. q. 1.**Ioannes Baconianus 2. sent. dist. 23. q. 1.*

QVAESTIO II.

Praeterea solet queri. Circa istam distinctionem 23. quaritur. An Deus possit facere voluntatem creaturae rationalis impeccabilem per naturam? Videtur quod sic, quia sicut se habet corpus ad motum, ita voluntas ad velle, sed Deus potest facere corpus semper ordinatum in motu suo sicut patet de caelo, ergo voluntatem ordinatam in suo velle & sic impeccabilem.

Praeterea Deus potest facere aliquam voluntatem, quae necessario tendat in aliquod obiectum bonum, ergo, & voluntatem, quae necessario tendit in omne bonum, quia eadem necessitate voluntas tendit in finem, & in ea quae sunt ad finem, sed voluntas necessario semper tendens in omne non potest peccare, ergo Deus potest facere voluntatem impeccabilem per naturam.

Vbi supra 2. lib. delibero arbitrio. c. 10 Praeterea Deus potest facere, quod aliquid sit sine eo, quod non est de essentia eius, sed posse peccare non est de essentia voluntatis cum non sit libertas, nec pars libertatis secund. Ans. ergo. Contra quod vni est substantia nulli est accidens, ergo a simili quod vni est supernaturale nulli est naturale, sed non posse peccare est beatissimum supernaturale, ergo non potest alicui esse naturale. Respondeo, primo ponam rationes aliquorum. Secundo dicam quaestionem.

Quantum ad primum, omnes conueniunt in conclusione negativa, quam probat vnus sic. Omnis voluntas, quae in agendo non est regula suae actionis, sed habet aliam regulam superiorem potest ab illa discordare, & per consequens peccare, sed voluntas creata est huiusmodi. Alius probat idem sic. Obiectum voluntatis creatae non tantum est bonum existens, sed etiam apparens, sed nulla potentia creari potest, quae non possit tendere in totum suum obiectum, ergo omnis voluntas

*Alex. de
Ales 2. se-
cunda.*

tas creata potest tendere in bonū apparens, sed huiusmodi obiectum contingit velle recte, & non recte, ergo.

Alius probat idem sic. Omne quod est nihilo potest *Richard 1. sens. dist. 23. q. 1.* deficere relictum suæ naturæ, sed voluntas creata est huiusmodi, ergo potest deficere, & per consequens peccare. Istæ rationes tres non concludunt quia ita argueretur per eas de beatis sicut de viatoribus, quod patet sic quantum ad primam, nam voluntas beati non est regula suæ actionis, sed habet alium superiorem scilicet voluntatem diuinam. Similiter de secunda, quia eadem voluntas manet in beatitudine, qui est modo, & sic poterit in omne obiectum sicut modo. Similiter de tertia ratione, quia voluntas cuiuscunque beati est de nihilo in patria sicut modo.

Ideo alius doctor probat illam conclusionem per duas rationes. Primo sic, voluntas in qua non necessario coniunguntur appetere commodum, & recte appetere commodum non potest recte appetere commodū, & illa potest peccare, sed in nulla voluntate ista coniunguntur necessario, nisi in voluntate Dei, ergo. Ista ratio forte non valet, quia eodem modo arguit de beatis. *Opinio Scoti.*

Secundo probat eam sic. Omnis voluntas quæ potest velle aliquid affectione commodi præter affectionem iusti potest peccare, sed voluntas creata potest aliquid velle affectione commodi præter affectionem iusti, ergo. Sed ista ratio peccat in secunda parte minoris, quia petit quod quæritur. Ideo dico tenendo eandem conclusionem propter dicta sanctorum.

Primo, propter August. contra Maximum, & Magister allegat. li. 1. dist. 8. & li. 2. dist. 7. Item Hieronymus in tract. de filio prodigo dicit, quod solus Deus est in quem peccatum cadere non potest. Item Ans. li. 2. *Lib. 3. c. 13. Cap. 2.* cur Deus homo, discipulo quærenti. cur non potuit Deus facere creaturam impeccabilem per naturam, dicit, quod hoc non potuit, quia non potuit illam facere *Cap. 10. in fine.* Deum, ergo nulla creatura potest esse impeccabilis nisi assumpta in vnitatem diuinæ naturæ.

Ad primum in contrarium nego maiorem, quia cælum comparatur ad motum non sicut causa libera, voluntas autem comparatur ad velle sicut causa libera.

Ad secundum vno modo potest negari antecedens sicut dicetur infra. Alio modo potest negari consequens, quia non secundum eandem rationem ex parte obiecti bonum finitum, & infinitum respiciunt voluntatem.

Ad tertium de Ans. dico quod ly posse peccare potest accipi, vel pro eo quod per se signat, & sic dicit respectum ad actum deformem, & non est libertas, nec pars libertatis. Alio modo potest accipi pro eo, quod denominat proximum fundamentum elicitiuum actus, & sic est libertas.

An Adam in statu innocentiae viator existens
potuerit habere per potentiam diui-
nam notitiam intuitiuam de
diuina essentia?

Secus in 2. sententiarum distinctio 3. quest. 9. Et 1. quest. Prologi.

D. Thomas parte quest. 12. Articuli. 11. in solutione secundi articuli.

Ricardus in secundo sententiarum distinctio 23. questio. 4.

QVAESTIO I.

SECUNDO quaeritur, de secunda parte distinctionis, scilicet de notitia quam Adam de Deo habuit. An Adam in statu innocentiae viator existens potuerit habere per potentiam diuinam notitiam intuitiuam de diuina essentia? Hi c dico breuiter, quia de hoc diffusius dictum est. Dico, quod sunt hic duae opiniones. Vna Thomae vna tenet partem negatiuam, & hoc probat Durandus primo sic. Impossibile est aliquem simul esse in via, & in termino, sed Adam in statu innocentiae erat viator, & quilibet viator est in via, ergo non potest esse in termino, sed si haberet notitiam intuitiuam de essentia diuina esset in termino.

Secundo sic, sicut se habet spes ad intentionem, ita

*1. Sem. q. 1.
Prolog. D.
Thom.*

viator ad notitiam intuitiuam, sed spes, & tentio non se compatiuntur, ergo nec viator manens viator, & notitia intuitiua de essentia diuina, sed Adam in statu isto erat viator, ergo.

Alia opinio est in contrarium quam credo verior. Et confirmo eam primo sic. Cuicunque potest communicari actus cognitionis non communicato actu dilectionis illi potest communicari cognitio intuitiua non beatifica, sed Deus potuit communicare Adæ actum cognitionis de sua essentia non communicando actum dilectionis, ergo probatio minoris. Isti duo actus sunt essentialiter differentes, & vnus est prior alio. Tunc arguo sic. Obiectum mere voluntariè causans potest influere ad causationem prioris omisso posteriori, sed tale obiectum est essentia diuina, ergo potest influere actum cognitionis qui est prior omisso actu dilectionis, qui est posterior.

*Opinio Scoti
verior.*

*Vide etiam
Ricardum in
2. dist. 23. q. 4*

Secundo sic, quod non implicat contradictionem est factibile à Deo, sed hoc non implicat contradictionem sicut patet de Paulo, & Moyse qui viderunt Deum nude, vt patet per Gregorium, Hieronymum, & Augustinum, ergo. Si dicas quod talis visio fuit beatifica si fuisset continuata.

Contra cum passibilitate corporis non stat beatitudo, sed tale habebant corpus passibile, ergo.

Præterea hoc confirmatur per dictum doctoris quæ conatur defendere. Ait enim, quod Deus præter communem ordinem potest continuare hoc, quod mentes aliquorum in hac carne viuentium, sed non sensibus carnis vtentium vsque ad visionem suæ essentiæ eleuet, vt etiam dicit Augustinus, & in li. de videndo Deum de Moyse, & Paulo. Item. Augustinus ad Paulinum de videndo Deum. Potest humana mens diuinitus rapi ex hac vita ad angelicam vitam antequam per illam mortem carne soluatur, sic raptus est Paulus quando audiuit illic archana verba.

*D. Thom. 1.
parte 9. 12.
art. 11 in so-
lutione 2. art.
12 supra Ge-
ne ad liberū.*

Ad primum alterius opinionis nego minorem præmissi syllogismi, non enim esset in termino quamuis haberet actum visionis, non tamen deus influeret ad actum dile-

*Angelum
representan-
tem Deum.*

tionis in qua maxime consistit beatitudo.

Ad secundum maior est falsa si intelligitur de intuitiva quocunque modo sumpta, quia spes, & tentio repugnant simpliciter. Intuitio autem in via non repugnat nisi ibi sit lumen gloriæ, & etiam influxus ad actum delectationis.

DISTINCTIO XXIII.

An voluntas creata necessitetur respectu
vltimi finis, vel sit libera?

Scotus 1. sentent. distinction. 1. q. 4.

D. Thomas prima parte q. 82. Artic. 1.

QVAESTIO I.

Nunc diligenter inuestigari oportet. Circa istam distinctionem 24. oportet videre de duobus. Primo de voluntatis libertate, secundo de voluntatis nobilitate.

Circa primum quæritur. An voluntas creata necessitetur respectu vltimi finis, vel sit libera. Videtur quod necessitetur, quia finis mouet methaphorice, sed efficiens proprie mouet, sed efficiens approximato passo disposito necessario mouet, ergo finis vltimus necessario mouet voluntatem methaphoricè.

Præterea omne mobile præsupponit aliquid immobile, sed actus voluntatis respectu eorum, quæ sunt ad finem sunt mobiles, ergo præsupponunt aliquem actum necessarium, & immobilem, sed ille non videtur esse non respectu finis, ergo.

Contra, eadem virtute voluntas vult finem, & ea quæ sunt ad finem. Confirmatur, libertas & necessitas propter oppositum modum principiandi non sunt compossibilia in eodem, sed voluntas aliquid libere vult, ergo nihil vult necessario.

Respondeo, primo ponetur vna opinio, secundo improbabitur, & dicetur ad quæstionem secundum veritatem, tertio dicetur ad motiua primæ opinionis.

9. Meth. con.
10.

8. phys. & in
li. de motu
animalium.

Quantum ad primum est opinio Tho. Et opinio Henrici quolibet. j q. 16. dicunt ambo, quod voluntas necessitetur respectu ultimi finis apprehensi per intellectum, quia non potest ipsum non velle, quod probatur quadrupliciter, primo sic. Quia sicut principium in speculabilibus, sic finis in agibilibus. Sed intellectus de necessitate assentit principio, ergo voluntas fini ultimo.

*D. Thom. 1.
parte q. 82.
art. 1.*

*Henric. quo
li. 3. q. 17.
2. Phys. cont.
83.*

Secundo sic, illud voluntas vult necessario cuius participatione vult quicquid vult, sed participatione finis ultimi voluntas vult quicquid vult, ergo. Minor probatur, quia omnia sunt bona participatione primi boni secundum Augustinum. Tolle inquit bonum hoc & illud, & si potes videbis bonum omnis boni.

*8. de tri. c. 4.
vel 8.*

Tertio sic, illud voluntas vult necessario in quo non est aliquis defectus, nec aliqua ratio mali, sed in ultimo fine non est defectus alicuius boni, nec aliqua ratio mali, ergo.

Quarto sic, omnis voluntas habet cur, secundum Augustinum, ergo volendo quodcumque aliud habet cur, sed illud cur, reducitur ad finem, ergo non volendo finem vult finem, quod est contra Anselmum.

*Li. de tri. cap.
12.*

Quantum ad secundum articulum dico, quod illa opinio non stat, quia voluntas non necessitatur respectu ultimi finis, quod probatur à Scoto.

Primo sic, nihil est ita in potestate voluntatis sicut est ipsa voluntas, ut patet per Augustinum primo retractionum, hoc autem non intelligitur nisi quantum ad actum elicitedum, ergo cum actus intellectus circa finem ultimum sit in potestate voluntatis, ut possit istum actum suspendere, multo magis potest suspendere actum primum.

*Lib. 1. dist. 1.
q. 4.
Cap. 9. Et 22.*

Secundo sic, agens quod necessitatur ad agendum, de necessitate remouet prohibens actionem eius, sicut patet exemplum de graui cum tendit deorsum frangit trabem, ergo si voluntas necessitetur ad volendum ultimum finem remouebit prohibens illam actionem, sed illud non est consideratio finis, ergo faciet stare intellectum circa actuale considerationem finis, cuius

*Exemplum
de graui.*

contrarium experimur.

Tertio sic, omne agens necessario de necessitate agit secundum vltimum potentia suæ, quia sicut non est in potestate eius actio ita nec intente, vel remisse agere, ergo voluntas de necessitate volet finem æque intente quantum potest cuius contrarium experimur.

Vltimo sic, potentia libera per participationem non magis tendit in obiectum perfectum quam in aliud obiectum, ergo nec potentia libera per essentiam, sicut est voluntas, antecedens patet de potentia visiva, quæ non magis necessario videt pulcherrimum quam minus pulchrum.

Quantum ad tertium articulum respondeo ad motum primæ opinionis.

Ad primum dico, quod illud simile concluderet multa falsa si similitudo esset vniuersaliter vera, quia concluderet, quod sicut necessario assentimus conclusionibus propter principia, sic necessario assentiremus illis, quæ sunt ad finem, propter finem quod est falsum. Vnde similitudo est quo ad duo, scilicet quo ad ordinem istorum, quia sicut ordo est inter illa vera inter se, sic inter bona. Et sicut illa vera sunt ordinate cognita, ita & ista bona sunt ordinata volita.

Sed non est simile quantum ad ordinem necessitatis in vno, & in alio, quia necessitas est in intellectu propter euidenciam obiecti, non autem bonitas necessario causat assensum in voluntate.

Ad secundum videtur primo, quod maior sit falsa, similiter minor est dubia, quia participatione alicuius voluntatem aliqua velle potest intelligi dupliciter, vel virtute eius, vt efficientis, & tunc non est ad propositum, quia non oportet, quod videamus Deum oculo carnali sicut videmus colorem, aut potest intelligi virtute eius, vt continentis virtualiter, & tunc minor est falsa, quia non oportet, quod virtute Dei voluntas velit quodcunque volitum, tunc enim omnis actus voluntatis esset actualis vsus referendo illud in obiectum primo volitum.

Ad tertium dico, quod quamuis voluntas non possit tale obiectum non velle, tamen non oportet necessario

velle, quia potest suspendere actionem suam dicendo, nolo me velle.

Ad quartum dico cum dicitur, quòd voluntas habet cur, verum est in eliciendo, sed in cessando ab actu sicut deficit sibi actus sit deficit sibi cur. *Quomodo voluntas habeat cur.*

Ad argumenta principalia. Ad primum dico, quòd finis non necessario mouet, quia ad nullum actum extra necessario se habet. Similiter voluntas non necessario vult, quia est libera.

Ad secundum dico, quòd actus voluntatis mobilis præsupponit actum immobilem voluntatis primum qui est esse, sed non aliquem actum secundum respectum ultimi finis qui sit velle, ergo.

An voluntas sit nobilissima potentiarum animæ?

Scotus in 4. sententiarum distinction. 49. q. 4.

D. Thomas prima parte q. 82. Artic. 3.

QVAESTIO I. ET II.



IRCA secundum quæritur. An voluntas sit nobilissima potentiarum animæ? Videtur quòd non, quia quādo aliquid habet duas proprietates, illa est nobilior secundum quam conuenit cum nobiliori.

Exemplum.

Exemplum de anima intellectiua secundum quam homo conuenit cum angelo, & sensitiua secundum quam conuenit cum brutis, sed per intellectum conuenit cum angelo, & per appetitum conuenit cum bruto, angelus autem est nobilior bruto, ergo.

Contra, ista potentia est nobilior per cuius actum homo maxime coniungitur ultimo fini, sed hoc est actus voluntatis, ergo.

Responsio, hic sunt tres articuli secundum tres solennes opiniones. *Prima opinio*

Prima opinio dicit, quòd intellectus, & voluntas, & omnes partes imaginis sunt equalis nobilitatis, quod probatur tripliciter.

Primo sic, nobilitas potentiarum est accipienda per comparationem ad primum obiectum primitate perfectionis, sed primum obiectum harum potentiarum est diuina essentia, & ipsa diuina essentia non est nobilior seipsa, ergo vna potentia non est nobilior alia.

Secundo sic, si intellectus esset nobilior voluntate, vel e contrario, sequitur, quod vel spiritus sanctus esset nobilior filio, aut quod filius esset nobilior spiritu sancto, consequens est falsum, ergo & antecedens, probatio consequentia, quia nobilius principium arguit nobilius productum.

Tertio sic, supponatur, quod potentia non sint idem realiter cum essentia animæ, & non addant nisi respectū, sed vnus respectus non est nobilior alio, ergo, probatio minoris, quia aut vna relatio esset nobilior alia ratione termini, aut ratione fundamenti. Nō primo modo, quia tunc relatio potentia passiuæ habet pro termino actionem, relatio autem potentia actiuæ haberet pro termino passionem, sed actus est nobilior passione. Nec secundo modo, quia cum relationes habeant idem fundamentū, vna non est nobilior altera ratione fundamenti.

*In lib de li-
bero arbit nō
multum post
principium.*

Contra istam opinionem patet per dicta sanctorum. s. Bernar. Ansel. in de conceptu virginali, & per philosophum 9. methaphisicæ, & per Commentatorem ibidem, qui omnes ponunt in potentiis animæ esse præeminentiam.

1. politicorū.

Præterea arguitur per rationem sic. Quod constituitur ex pluribus in actu, oportet quod vnum habeat rationem nobilitatis per philosophum, sed ratio imaginis constat ex his potentiis, ergo.

Ad primum alterius opinionis dicitur quod vna potentia nobilior est alia, quia respicit essentia sub nobiliori ratione: puta veri, vel boni.

Contra, adhuc stat argumentum, quia verum & bonū sunt rationes attributales, & quælibet est forma infinita, ergo vna nō est nobilior alia. Ideo potest dici, quod iste potentia seipsis formaliter secundum propriam essentiam, & entitatem vna excedit, & alia exceditur.

Ad secundum dicitur tripliciter. Primo modo, quod spiritus sanctus vno modo est nobilior in quantum pro-

cedit per modum voluntatis. Alio modo filius est nobilior, quia habet vim productivā respectu spiritus sancti producendi.

Secundo sic, quod ista voluntas potest considerari, vel quantum ad productum, vel quantum ad modū producendi. Si primo modo tunc omnis ratio pertinens ad dignitatem, quæ est in spiritu sancto est in filio. Si secundo modo tunc concedatur, quod una est nobilior altera.

Tertio puto esse dicendum, quod ratio non valet in proposito, quia quæritur hic de volūate, ut est pars imaginis creatæ, non autem ut est pars imaginis increatæ, sicut tu accipis, nam ibi concedo, quod non est præeminētia, sed quælibet est æqualis nobilitatis pro eo, quod quælibet est formaliter infinita.

Ad tertium dico, quod supponit falsum, scilicet, quod potentiæ animæ non distinguuntur nisi relative, ut patet supra.

Quantum ad secundum articulum est opinio Thom. qui dicit, quod quamvis voluntas sit nobilior intellectu secundum quid, tamen simpliciter loquendo intellectus est simpliciter nobilior, hoc probatur primo sic. Illa potentia est nobilior cuius obiectum est simplicius, sed obiectum intellectus est simplicius obiecto voluntatis, ergo probatio minoris, quia obiectum intellectus est verum quod est in mente, obiectum autem voluntatis est bonū quod est in rebus, sed quod est in mēte est simplicius eo quod est in re. Item arguitur ab aliis sic. Illa potentia, quæ sic se habet, quod habet in se perfectionē est nobilior quam illa, quæ quærit perfectionem ab aliquo extra, sed intellectus habet perfectionem in se, quia intelligere est motus rei ad animam, voluntas autē non, quia velle est motus animæ ad rem, ergo.

Præterea triplex est appetitus, scilicet naturalis, sensitivus, & intellectivus, sed appetitus naturalis est propter naturam, appetitus autem sensitivus est propter sensum, ergo appetitus intellectivus, puta voluntas est propter intellectum, sed quod est propter aliud est nobilius eo, ergo. Item quod est rationale per essentiam est nobilius eo quod est rationale per participationem, sed intellectus est rationalis per essentiam, voluntas autem per par-

Dist. 16. ar. 4.

et 5.

D. Thom. 1.

part. 9. 82.

art. 3.

6. Met. context. 8.

tipationem, ergo. Item potentia est nobilior quæ habet nobilius obiectum, sed hoc est intellectus, ergo probatio minoris, quia obiectum intellectus est ens, obiectum volutatis est bonum quod est passio entis, sed subiectum est nobilius passione, ergo. Item illa potentia est nobilior cuius actus est purior, sed hic est actus intellectus, quia scire malum, non est malum, sed velle malum est malum, ergo. Item illa potentia, quæ immediate attingit obiectum beatificum est nobilior, sed hæc est intellectus, quia voluntas præsupponit actum intellectus, puta bonum cognitum, intellectus autem non præsupponit actum voluntatis, ergo.

Vltimo sic, dirigens est nobilius directo, sed intellectus dirigit voluntatem, ergo.

Quantum ad tertium articulum teneo oppositâ conclusionem huius opinionis, tum propter dicta sanctorum, & philosophorum, tum propter rationes. Nam Bernardus dicit, quod voluntas est nobilissima potentia.

*In libro de
libero arbitrio.*

*De conceptione
ne virginali.*

*9. Metaph.
10.*

*2. de anima
com. 60.*

Item Anselmus dicit quod voluntas est regina, & domina in toto regno animæ. Item idem dicit Richar. in li. qui incipit, omne caput languidum. Item philosophus, 9. Meth. & Commentator ibidem dicunt, quod proheresis id est electio habet intellectum determinare, quia est potentia valens ad opposita, sed non haberet vim determinatiuam nisi esset nobilior, ergo. Item quod est liberum per essentiam est nobilius eo quod non est liberum per essentiam. Nam libertas est proprietas nobilissima. Sed voluntas est libera per essentiam, intellectus vero solum per participationem. Intelligimus enim cum volumus.

*Henricus quoque
lib. 1. q. 14.*

Præterea arguit Henricus sic, & bene, cui debetur nobilior perfectio est nobilius, sed nobilior perfectio debetur voluntati, quam intellectui, ergo, probatio minoris, quia voluntati debetur charitas, intellectui autem scientia, sed charitas nobilior scientia, ergo.

Præterea arguo sic, sicut se habet actus ad actum, ita potentia ad potentiam, sed actus intellectus est per actum voluntatis, sicut patet per Anselmum in lib. Cur Deus homo, & per Augustinum in lib. de cognitione veræ vitæ, ergo intellectus est propter voluntatem, sed quod est pro-

pter aliud est ignobilius eo, ergo intellectus est ignobilior voluntate.

Vltimo sic. In potentiis essentialiter ordinatis vltima est nobilissima, sed voluntas est huiusmodi, ergo.

7. *Politica.*

116775.

Tunc ad argumenta præcedentis opinionis.

Ad primum dico, quod esset contra eos quia obiectū voluntatis est simplicius, quia obiectum voluntatis secundum eos est Deus in se, obiectum vero intellectus in patria est Deus receptus in intellectu, sed Deus in se habet simplicius esse, quam prout habet esse receptum in intellectu, quia est ibi aggregatio rei, & multarum relationum rationis.

Aliter potest dici, quod maior est falsa, propter instantiam Commentatoris, de sensu, & sensato, quia memoria habet obiectum simplicius, quam imaginaria, & tamen non est nobilior secundum eum.

Aliter potest dici, quod maior est vera de potentiis eiusdem generis, sed appetitiua, & intellectiua non sic se habent. Ad aliud quæro quid tu intelligis per perfectionem, quia aut obiectum aut actum. Si obiectum tunc nihil ad propositum, quia vtriusque potentia obiectum est extra. Si autem intelligas actum etiam non valet, quia actus vtriusque potentia est intra manens.

Ad tertium dico, quod non est simile de appetitu sensitivo, & intellectivo sicut patet per Damasc. Nam appetitus intellectivus agit, & non agitur, sensitivus vero agit-

Lib. 2.

tur, & non agit. Ad aliud dico, quod per rationale, aut intelligis actū voluntatis, aut potentiā. Si primo modo concedo, quod actus voluntatis non est rationalis per essentiam. Si secundo modo tunc intellectus, & voluntas fundantur in eadem essentia animæ rationalis, quæ est rationalis per essentiam.

Ad aliud patet melius, vbi dictum est, quod ens est obiectum voluntatis.

Ad aliud dico, quod est ad oppositum, quia actus voluntatis est purior, & perfectior, quia melius est amare Deum, quam intelligere, & non diligere.

Lib. 1. dist. 3

Ad aliud argumentū esset contra eos. Quia intellectus intelligit per species. Voluntas autem non tendit in

obiectum mediante specie, sed immediate. Et sic esset nobilior, unde dico, quod totum illud aggregatum, scilicet bonum cognitum, non est primum obiectum voluntatis, sed solum bonum, quamuis tamen hoc possit se extendere ad rationem entis.

Exemplum.

Ad vltimum dico, quod dirigens per modum consilij non est nobilior directo, sic etiam patet de portante candelam ante dominum. Intellectus autem dirigit per modum consilij, & non imperij, ideo non est nobilior.

Ad primum principale dico, quod quamuis homo conueniat cum bruto in appetitu sensitiuo, non autem conuenit cum eo in appetitu intellectiuo, de quo superius quærimus, immo cum isto appetitu conuenit cum angelis.

DISTINCTIO XXV.

An in Deo sit liberum arbitrium?

Richardus 2. sentent. distinc. 25. q. 1.

QVÆSTIO I.

NUNC ad propositum redeamus. Circa istam distinctionem 25. quæro sine argumentis. An in Deo sit liberum arbitrium?

Responsio, quod liberum arbitrium potest accipi dupliciter. Primo inquantum liberum præcise. Secundo inquantum habet vertibilitatem annexam. Et sic sunt duæ conclusiones, quia primo modo in Deo est liberum arbitriū, secundo modo non.

Primum probatur à Richard. sic. Quod immune est à materia est maxime liberum, sed Deus est huiusmodi, ergo. Sed ratio non bene stat cum dictis suis, quia posuit animam, & Angelos habere materiam, & sic non essent liberi. Est ergo alia ratio talis, quod est perfectionis simpliciter in creaturis est ponendum in Deo, sed liberum arbitrium est perfectionis simpliciter in creaturis, quia melius est ipsum, quam non ipsum, ergo, &c.

*In 2. sent. dist.
25 q. 1.*

Secundo probatur sic, veritabilitas ideo est in creaturis, quia est de nihilo, sed Deus non est de nihilo, ergo non habet liberum arbitrium cum veritabilitate.

An aliquid aliud à voluntate causet effectiue actum in voluntate?

Scotus 2. sent. distin. 25. q. 1.

D. Thomas 1. parte q. 77. & 1. secunde q. 9. & 3. parte q. 32.

QVÆSTIO II.

SECUNDO quæritur. An aliquid aliud à voluntate causet effectiue actum in voluntate? Videtur, quod sic, per philosophum, qui dicit, quod appetitus mouetur ab appetibili.

Præterea voluntas non est potentia actiua, ergo non causat effectiue suam volitionem, & sua volitio effectiue causatur, ergo ab alio. Antecedens patet, quia potentia actiua est principium transmutandi aliud, secundum, quod aliud, sed voluntas non est proprium transmutandi obiectum, quia tunc eius actio esset transiens, & obiectum in quantum obiectum patiens, quod est falsum, ergo si aliquid sit actiuum non est nisi obiectum, & non voluntas, quia voluntas, non est aliud à seipsa, ergo non poterit se mouere ad actum volendi.

3. De anima
concl. 54.

5. Met. con-
tex. 17.

Præterea accidens, per accidens, non oritur a principiis subiecti, sed velle est accidens per accidens, ergo.

Præterea, quod est indeterminatum ad opposita non potest se determinare ad vnum illorum, sed voluntas est indeterminata ad velle, & ad nolle, ergo non potest se determinare ad nolle.

Contra Augustinus dicit, quod si sunt duo æqualiter affecti in anima, & corpore, & obiectum præsentetur vnus adhæret, & alius non. Et vnde hoc sit respondet, quod à voluntate.

12. De ciui-
cap. 6.

Præterea Ans. de conceptu virginali dicit, quod anima est numerus seipsam mouens.

Cap. 8.

Præterea philosophus dicit, quod proharensis, id est electio, vel voluntas habet determinare.

9. Met. con-
tex. 10.

Responsio, prætermiſſis multis opinionib. inutilibus. Primo ponam vnā opinionem cum motiuis ſuis. Secundo obiciam contra eam, & dicam ad quæſtionem. Tertio respondebo ad motiua.

Quantum ad primum eſt opinio Gotfredi, & Thomæ, quod aliquid aliud voluntate cauſat effectiue actum in voluntate. Et ad hoc ponitur à Gotfredo fantaſma, vel obiectum relucens in fantaſmate. A Thoma autem ponitur intellectio.

Iſtud primum dictum probatur, ſcilicet, quod aliquid cauſat effectiue actum in voluntate quinque viis, Primo ſic. Mouens, & motum debent eſſe diſtincta ſubiecto, alias idem eſſet in actum, & in potentia, ſed voluntas nō diſtinguitur a ſubiecto nec a ſeipſa, ergo.

Secundo ſic, materia, & efficiens non coincidunt in idem, ex ſecundo phyſic. ſed voluntas eſt cauſa receptiua volitionis, ergo non effectiua.

phy. con-
70.

Tertio ſic, relationes oppoſitæ non ſunt compoſſibiles in eodem propter dependentiam eſſentialem, ſed relationes mouentis & moti ſunt oppoſitæ, ergo voluntas non poteſt ſe mouere ad velle.

2. de anima
cont. 52.

Quarto ſic, agens ſufficiens approximato paſſo diſpoſito poteſt ſemper cauſare, ergo voluntas cum ſit diſpoſita ſi eſt cauſa actiua volitionis poterit per ſe ſemper velle, & ita ſine obiecto quod eſt inconueniens. Confirmatur per Philoſophum per argumentum ſuum, ſecundo de anima, vbi dicit, quod ſenſus non eſt actiuius, quia tunc ſemper ſentiret ſicut combuſtibile ſemper combureret ſi eſſet actiuum.

7 Met. con-
tex. 32.

Quinto ſic, cauſa æquiuoca eſt nobilior ſuo effectui, ſed ſi voluntas ſit cauſa ſuæ volitionis erit æquiuoca, & cum forma non producat, ſed compoſitum ſeptimo metha. ergo voluntas nuda erit nobilior voluntate volente. Quid ergo cauſabit volitionem. Dicit Gotfredus, quod illud obiectum relucens in fantaſmate illuſtrato intellectu agente cauſat volitionem, & intellectum ſicut fuit ſuperius declaratum diſt. 3. q. An angelus cognoſcat ſe per eſſentiam ſuam.

Quantum ad ſecundum articulum arguitur contra iſtam opinionem, ſic primo. Agens naturale non impe-

ditum non potest in eodem passo eodem modo disposito causare contraria, sed obiectum cognitum est naturale agens, ergo non potest causare velle, & nolle in voluntate cum sint actus contrarij respectu eiusdem obiecti, & sic voluntas aliquid volens semper veller illud, & nolens semper noller illud cuius contrarium experimur.

Secundo sic, in cuius potestate non est actio agentis sufficiens in eius potestate non est actio patientis, quia quando agens sufficiens agit necessario consequenter patiens patitur, sed non est in potestate patientis, quod agens agit quando est aliquid ab eo maxime, si agens sit naturale quale est obiectum, ergo non est in potestate voluntatis sua volitio, & per consequens, nec meritum, nec demeritum.

Tertio sic. Actus liberè elicitus debet elici à principio libero, sed velle elicitur liberè, ergo debet elici à principio libero, sed hoc est voluntas non fantasma, ergo.

Quarto sic, actio pro primæ dicta diuisa contra factionem manet in agente, sed velle manet in voluntate, ergo est à voluntate, vt ab agente, ergo.

Quinto sic, actio denominat agēs, sed velle denominat voluntatem non fantasma, ergo.

Dico ergo, quod ad actum volitionis concurrunt obiectum, & voluntas, vt duæ causæ partiales integrantes vnā totalem essentiam, & quomodo hoc fit, & quæ dubia possent fieri patet supra distin. 3. q. An Angelus cognoscat se per suam essentiam?

Quantum ad tertium articulum, ad prima tria motiua primæ opinionis patet, in quæstione statim præallegata.

Ad quartum dico, quod voluntas non potest velle sine obiecto, quia requiritur obiectum, vt causa partialis. Et per hoc patet ad confirmationem secundi de anima. Nam sensus semper sentiret si esset totalis causa sensationis.

2. de anima
cont. § 2a

Ad vltimum dico, quod causa æquiouoca nobilior est formali, non autē termino totali. Aliter potest dici, quod maior est vera de causa æquiouoca totali, non autem de partiali, voluntas autem est causa æquiouoca partialis.

Ad primū principale concedo, quod appetitus moue-

tur ab appetibili partialiter.

Ad secundum non bene allegatur philosophus, quia ibi dicit philosophus, quòd potentia actiua est transmutatiua actus secundum quòd aliud, & statim subditur, vel inquantum aliud, vnde voluntas mouet se inquantum aliud.

Ad aliud nego maiorem propter instantiã de intellectiõne, quẽ oritur ex principiis subiecti siue intellectus.

*Indetermina-
tio dup. est.*

Ad vltimum dico, quod indeterminatio est duplex, scilicet potentia actiua, & potentia passiuã. Indeterminatum secundo modo ad opposita oportet, quòd per aliud determinetur sicut patet de materia, sed indeterminatum, primo modo potest seipsum determinare ad vnum, & isto modo voluntas est indeterminata, scilicet actiue.

DISTINCTIO XXVI.

An gratia sit principalius in essentia animæ,
vel in potentia?

D. Bona. 2. senten. distinct. 26. q. 5. Artic. 1.

Scotus in 2. sent. dist. 26. q. 1.

D. Thom. 1. par. q. 110. Art. 4.

Ricardus 2. sen. dist. 26. q. 4.

Durandus 2. sent. dist. 26. q. 2.

QVÆSTIO I.

HÆc est ergo gratia operans. Circa istam distinctiõnem 26. quæritur. An gratia sit principalius in essentia animæ, vel in potentia? Videtur, quod in essentia, quia forma determinata ad agendum magis debet poni in agente principali, quàm instrumentali, sed essentia est principale agens, & potentia instrumentale, ergo gratia quẽ est forma determinata ad agendum principaliter est in essentia.

Contra gratia operans, & cooperans sunt idem, vt patet per Magistrum, sed gratia cooperans est in potentia volitiua, ergo.

Responso,

Responsio, primo dicetur ad quæstionem secundum opinionem falsam, secundo secundum opinionem veram, tertio dicetur ad motiua primæ opinionis.

Quantum ad primum est opinio Thomæ, quod gratia principalius est in essentia animæ, quod probatur primo sic. Gratia est radix, & vita omnibus beatorum, ut patet per Augustinum de laude charitatis, sed vita principalius pertinet ad essentiam, ergo.

Secundo sic, sicut se habet anima ad perfectiones naturales, sic etiam ad perfectiones supernaturales, sed in perfectionibus naturalibus principalius anima perficitur secundum essentiam, quam secundum potentiam, & gratia est quædam perfectio supernaturalis, ergo.

Tertio sic, eodem modo res reducuntur in Deum quo exeunt a Deo per Dionysium, sed anima per prius exit a Deo secundum essentiam, quam secundum potentiam, ergo prius reducitur in Deum secundum essentiam, sed reducitur per gratiam, ergo, &c. *Libro ecclesiæ Hierarchie.*

Quarto sic, essentia est indeterminatior, quam potentia, ergo indiget magis determinari, sed gratia ponitur tanquam determinans animam, ergo magis est in essentia, quam in potentia.

Quinto sic, gratia semper est in actu, ergo debet esse in subiecto, quod semper est in actu, sed essentia semper est in suo actu, potentia autem non, ergo magis est in essentia, quam in potentia.

Quantum ad secundum articulum dico illam opinionem esse falsam. Et teneo oppositum, scilicet, quod gratia magis sit in potentia, quam in essentia, quod probatur primo sic. Opposita nata sunt fieri circa idem, sed peccatum, & gratia sunt opposita, & peccatum est in voluntate, ergo.

Secundo sic, gratia primo est in eo per quod anima ad Deum conuertitur, sed anima conuertitur ad Deum per voluntatem, ergo.

Tertio sic, gratia est aliqua forma in anima, sed omne quod est in anima, vel est passio, vel potentia, vel habitus, ex 2. Ethic. gratia autem non est passio, vel potentia, ergo est habitus, sed omnis habitus est in potentia, ergo. *2. Ethic. c. 5.*

Cap. 3.

Quarto sic, omnis iustitia, & iniustitia est formaliter in voluntate per Anselmum in deconceptu virginali, sed gratia est quædam iustitia, ergo.

Exemplum.

Quinto sic, quando aliqua forma est indeterminata secundum virtutem actiuam ad plura id quod præcise respicit vnā actionem determinatam non potest esse perfectio eius inquantum est indeterminata, sed bene inquantum est potentia determinata respectu istius actionis perficitur à tali perfectione. Exemplum, si anima est indeterminata ad plures actus sapientia perficiens non perficit animam inquantum est indeterminata, sed præcise inquantum est intellectiua, sed gratia perficit animam in ordine ad determinatum actum, scilicet meritorium, ergo præcise perficit animam inquantum est illa potētia cuius est talis actus, sed hæc est voluntas, ergo.

Vltimo sic, gratia est dispositio ad gloriam, & beatitudinem, ergo per se est in illo subiecto in quo est beatitudo, sed beatitudo per se non est in essentia, sed in potentia, ergo.

Respondetur, quod beatitudo principaliter, & per se est in essentia, sed per redundantiam in potentiis.

12. Met. con-
tex. 52.

Contra, beatitudo est in anima, quia satiat, & quietat beatum, sed hæc quietatio non est nisi per coniunctionem ad obiectum beatificum, coniunctio autem non est nisi per actus potentiarum, ergo. Confirmatur per philosophum, qui ponit, quod beatitudo est in actu, & potentia tunc circumscriptis potentiis in quibus est beatitudo per redundantiam posset anima per se esse beata, & ita sine actu, quod est contra philosophum.

Quantum ad tertium articulum dico, quod argumenta primæ opinionis non concludunt.

Ad primum dico, quod vita spiritualis principalius pertinet ad animæ potentiam, quam ad essentiam.

Ad secundum nego maiorem, quia anima potest per se accipere perfectiones naturales alias a se, non autem potest per se accipere perfectiones supernaturales, sicut patet per Augustinum primo retractationum dicens. Illud inconcusse tenemus liberum arbitrium non sufficere ad iustitiam, & salutem obtinendam, vt hæresis tradit Pelagiana.

Ad tertium dico, quod maior est vera in rebus essentialiter, & suppositaliter distinctis, quod non competit animæ, vt patuit supra dist. 16.

Ad quartum dico, quod gratia determinatur ad operationem gratuitam respectu cuius potentia est indeterminata indeterminacione proxima, propter quod gratia ponitur in potentia.

Ad vltimum dico, quod potentia etiam est in actu suo primo semper, sicut & gratia in gratitudine, quamuis nō in actu secundo.

Ad principale dico, quod maior est vera de instrumento extrinseco, nō autem de intrinseco sicut est voluntas. Nec etiam voluntas se habet vt instrumentum accidentale, sed vt essentialiter ad essentiam animæ.

DISTINCTIO XXVII.

An gratia sit virtus?

D. Bona. 2. senten. distinct. 27. q. 2. Artic. 1.

Scotus in 2. sent. dist. 27. q. 1.

Ricardus 2. sent. dist. 27. q. 3.

D. Bona. 2. sent. dist. 27. q. 1.

QVÆSTIO I.

Hic quæritur quid sit. Circa illam distinctionem 27. quæritur. An gratia sit virtus? Videtur quod non, quia sic se habet gratia ad virtutem, sicut lumen ad colores, sed lumen nō est color cum possit color remanere sine lumine, ergo gratia non est virtus.

Præterea si gratia esset virtus maxime esset charitas, sed gratia non est charitas, ergo probatio minoris, quia quæ habent subiecta realiter distincta non sunt idem sed charitas, & gratia sunt huiusmodi, ergo, quia charitas est in potentia animæ, sed gratia in essentia, ergo.

Præterea, quæ possunt ab inuicem separari non sunt idem, sed gratia, & charitas possunt ab inuicem separari, ergo probatio minoris, quia in Deo est charitas

1. *Can. c. 4.*

secundum illud Ioan. Deus charitas est, gratia autem cum sit quoddam limitatum non ponitur in Deo.

Contra, gratia est habitus ex precedenti quaestione, sed non est habitus vitiosus, ergo est habitus virtuosus, & sic est virtus.

Responsio, hic sunt tria videnda. Primo quid sit virtus. Secundo si gratia sit virtus. Tertio qualiter gratia, vel quicumque habitus se habet ad actum.

7. *Ethic. c. 4.*

Quantum ad primum, sciendum, quod virtus tripliciter accipitur. Est enim primo virtus Moralis. Secunda Theologica. Tertia est Heroica, de qua philosophus. Ideo oportet videre quid sit virtus in quolibet illorum modorum.

Primo dico, quod virtus moralis est habitus electivus in medio existens, quo ad nos determinata ratione, ut sapiens determinabit.

Cap. 5.

Hæc diffinitio patet, secundo Ethicor. In qua ponuntur duæ conclusiones. Prima, quod virtus est habitus electivus, quod probatur sic. In anima non sunt nisi passionibus habitus, & potentia, sed virtus non est passio, nec potentia, ergo est habitus.

Prima pars, minoris probatur, tum quia secundum passionibus non dicimur virtuosus, sed secundum virtutes, tum, quia secundum passionibus, nec laudamur, nec vituperamur, sed secundum virtutes, tum quia in passionibus non est electio, virtus vero est electio, aut non est sine electione, tum quia secundum passionibus dicimur moveri, secundum, virtutes non mouemur.

Secunda pars minoris probatur, tum quia secundum potentias, non dicimur boni, vel mali, sed secundum virtutes sic, tum quia in naturali potentia, nec laudamur, nec vituperamur, in virtutibus sic, tum quia naturalis potentia inest nobis à natura, virtus autem non.

Secunda conclusio prædictæ diffinitionis est quod virtus consistit in medio, quo ad nos, quod probatur dupliciter. Primo sic, omnis ars perficit opus suum ex hoc, quod aspicit ad mediū, sed virtus est melior omni arte, ergo virtus aspicit medium.

Secundo sic, peccatum in actione contingit infinitis modis ideo facile, recte autē agere contingit in uno modo,

ideo difficile, sed facile est transgredi a medio, & difficile tenere medium, ergo recte agere secundum virtutes erit circa medium. Et dico circa medium quo ad nos non secundum rem, quia medium virtutis æqualiter distat ab extremis, sicut patet in calceato, & cibo, nam idem cibus erit vni multum alteri conueniens. Exem-

Exemplum.

plum philosophi est de Milone, qui comedit bouem in die. Et secundum philosophum ibidem c. sequenti, licet virtus secundum suam substantiam, & rationem diffinitium sit, medietas tamen vt est optimum in tali genere est extremitas.

*Præfens
dist.*

Lib. 3. dist. 37.

Secundo de virtute Theologica dico, quod potest dari diffinitio in communi secundum August. & per Magistrum talis. Virtus est bona qualitas mentis, qua recte vivitur, & qua nullus male vitur, quam Deus solus in homine operatur. Potest etiam dari propria cuiuslibet puta fidei, spei, & charitati. Sed de fide & spe nihil ad præ-

sens, de charitate autem dico cum Magistro. Caritas inquit est dilectio qua diligitur Deus propter se, & proximus propter Deum.

7. Eth. c. 1.

Tertio de virtute Heroica dico cum philosopho, quod illa est virtus diuina, quæ opponitur bestialitati, & sic est habitus inclinans contra carnis appetitum bestialem, quo habitu aliquis per imitationem conformatur Deo, sicut virginitas, & consimilia. Et quod oporteat talem virtutem ponere probatur dupliciter. Primo de filio Homeris, qui dicebatur filius Dei, quia utebatur moribus, & virtutibus diuinis. Secundo quia gētilis dicebant quosdam homines Deo assimilari propter excellentiam virtutum.

Quantum ad secundum articulum sciendum, quod non queritur. An gratia sit virtus, primo vel tertio modo dicta, sed secundo modo. Et quia virtus, secundo modo dicta distinguitur in fidem, spem, & charitatem, adhuc non est dubium, an gratia est virtus, quæ est fides, vel spes, sed est dubium, an gratia est virtus, quæ est charitas. Et sunt duæ opiniones contrariæ.

Vna Thomistarum, qui dicunt, quod gratia non est virtus, quæ est charitas, quia distinguuntur realiter. quod probatur tribus rationibus adductis ad principale.

*1. secund. c. 7.
110. ar. 3.*

Opinio Scoti.

Alia est opinio quam credo veriozem, quòd gratia est virtus, quæ est charitas, quod probatur primo sic. Quibus competunt penitus eadem proprietates sunt idem, sed gratia, & charitas sunt huiusmodi, ergo, probatio minoris, nam charitas secundum Aug. diuidit inter filios regni, & perditionis, similiter & gratia. Item charitas reddit hominẽ Deo charum, similiter & gratia, quia facit hominem Deo gratum. Item charitas vnit hominem Deo, similiter & gratia habet hominem Deo coniungere.

*19. De ciu.**cap. 18.*

Secundo sic, nullum est donum Dei isto dono, quod est charitas excellentius per Aug. sed nullum est donum Dei excellentius isto dono, quod est gratia, ergo gratia est charitas.

*25. De tri.**c. 18.*

Ad argumenta alterius opinionis patebit in fine.

Quantum ad tertium articulum dicitur multipliciter. Vno modo sic, quod aliter de habitu acquisito aliter de habitu infuso. Nam habitus infusus est simpliciter principium substantiæ actus, & expeditionis in actu, habitus vero acquisitus est principium expeditionis in actu, non autem principium substantiæ actus.

Contra illud sine quo simpliciter quis non potest, & cum quo simpliciter potest est potentia, vel pars potentia, sed habitus supernaturalis est huiusmodi, ergo habitus supernaturalis est potentia, vel pars potentia.

Præterea illa operatio non elicitur libere cuius principium actiuum est mere naturale, sed habitus cum non sit voluntas est principium actiuum mere naturale, ergo operatio eius non est mere libera, & ita nullum velle est liberum, sed elicitur simpliciter ab habitu.

Alia opinio dicit, quod omnis habitus sic se habet ad actum, quod est principium intensionis in actu, voluntas autem est principium substantiæ actus, ita quod duobus in actu, scilicet substantiæ, & intensionis correspondent duo in ratione causæ.

Contra, ista intensio actus est gradus intrinsecus actui, & sic non distinguitur realiter ab eo, ergo a quo effectiue est substantia actus ab eodem est intensio in actu.

Præterea quandocunque principium naturale actiuum cõcurrit cum causa libere agente, illud principium

naturale semper coagit vel concurrat quantum potest, ergo, si habitus det intensiorem suam determinatiuam actui cum sit principium actuum naturale actus erit semper æque intensus, cuius contrarium experimur.

Tertia opinio est quod habitus est causa partialis actiua cum potentia respectu actus perfecti, & sic concurrunt potentia, & habitus vt duæ causæ partiales eo modo quo dictum est supra dist. 3. q. illa. An Angelus cognoscat se per suam essentiam? ar. 1. de causa intellectiōnis. Quia autem habitus habeat actiuitatem probatur ex quatuor conditionibus quæ attribuuntur habenti habitum, scilicet, quod operatur delectabiliter faciliter expedit, & prompte.

3. *Opinio.*

Quarta opinio dicit, quod habitus non se habet in ratione actiua, sed habet tantum inclinare potentiam habituata. Quæ autem harum vltimarum opinionum sit verior patet in primo libro.

Dist. 17.

quare ibi.

Ad primum principale dico, si per illam similitudinem intelligas de virtutibus aliis a charitate maior est vera, sed non est contra me. Si autem velis includere charitatem, nego maiorem.

Ad secundum nego minorem.

Ad probationem dico, quod supponit falsum vt patet quæstione præcedenti vbi deductum est, quod gratia sit principalius in potentia.

Ad tertium dico, quod charitas est duplex, scilicet creata, & increata. Charitas autem creata, & gratia nunquam ab inuicem separantur. In Deo autem ponitur charitas increata, non creata.

DISTINCTIO XXVIII.

An liberum arbitrium hominis sine gratia possit vitare omne peccatum mortale?

D. Bona 2. sent. dist. 28. q. 1. Artic. 1.

Secundum 2. sentent. distinction. 28. q. 1.

D. Thom. 1. par. q. 103. Art. 8.

Ricardus 2. sent. dist. 28. q. 1.

Durandus. 2. sent. dist. 28. q. 3.

QVAESTIO I.

Illud inconcussè teneamus. Circa istam distinctionem 28. quæritur de errore Pelagij, scilicet An liberum arbitrium hominis sine gratia possit vitare omne peccatum mortale? Et videtur, quod sic, Ad Roma. Gentes quæ legem non habent ea quæ legis sunt faciunt, ergo operabantur opera legis, & sic vitabant peccatum mortale cum non haberent gratiam, quia non habebant legem.

Præterea, qui potest libere consentire potest libere dissentire, sed aliquis sine gratia potest libere consentire peccato, ergo potest libere dissentire.

Præterea arguitur per rationem Pelagij, quia aut quis potest per liberum arbitrium vitare omne peccatum, aut non, Si sic, habetur propositum. Si non, ergo non peccat in eo quod vitare non potest, per Aug.

Contra per Magistrum in illa distinctione, & per Augustinum in lib. de diuersis hæresibus, & per Gregoriū Peccatum inquit, quod per poenitentiam non diluitur mox suo pondere ad aliud trahit.

Respondeo, hic sunt quatuor videnda. Primo si homo sine gratia gratis data possit se sufficienter disponere ad gratiam gratum facientem. Secundo si sine gratia gratum faciente possit mandata Dei implere. Tertio si per liberum arbitrium possit a peccato resurgere. Quarto ad principale quæ situm.

Quantum ad primum dico, quod dispositio est duplex, sicut & potentia. Est enim dispositio propinqua, & remota. Si loquamur de dispositione remota dico, quod supposita generali motione primi mouentis potest, quia illa dispositio est rectus vsus liberi arbitrii. Si autem loquamur de dispositione propinqua, dico, quod non potest fieri sine speciali motione spiritus sancti, vnde in li-

Cap. 2.

3. De libero arbitrio.

In Homilia
& idem in
Moralibus.

Lib. 25. c. 10.

bro de ecclesiasticis dogmatibus. Nullum credimus ad salutem, nisi Deo iuvante venire. Et Bernar. dicit, quòd gratia excitat liberum arbitrium, & cum seminat bonam cogitationem sanat affectum, & roborat gratia, ut perducatur ad actum. Cap. 25.

Quantum ad secundum articulum dico, quòd impletio mandatorum Dei potest intelligi dupliciter, quia aut quantum ad essentiam operis tantum, aut quantum ad essentiam operis sub ratione salutis, & secundum intentionem præcipientis. primo modo liberum arbitrium, si non est corruptum per peccatum, potest adimplere mandatum, sed si est corruptum per peccatum, non potest. Si loquamur secundo modo de impletione mandatorum sic non potest homo per liberum arbitrium, tantum, sicut patet per Bern. In lib. de libero arbitrio.

Quantum ad tertium dico, quòd homo non potest resurgere à peccato per liberum arbitrium sine gratia. Cuius ratio est, quia resurgere à peccato est à Deo restitui, quæ homo amiserat, sed ad illa non potest restitui tantum per liberum arbitrium, ergo. Probatio minoris, nam tria homo per peccatum amittit, scilicet quandam specialem diuini luminis illustrationem, sicut patet per August. super Ioan. tractans illud, tenebræ cum non comprehenderunt, ait. Tenebræ sunt stultæ mentes praua cupiditate ac infidelitate creatæ. Secundo incurrit gratiæ annihilationem. Tertio amittit idoneitatem ad vitam æternam. Nullum autem istorum potest restitui nisi per gratiam. Et hoc intellexit propheta cum dixit. Spiritus vadens, & non rediens. Vt supra.

Quantum ad quartum est communis opinio, quòd opinio Pelagij sit hæretica, & teneretur, quòd homo per liberum arbitrium sine gratia gratum faciente non potest vitare omne peccatum mortale. Hoc tamen probatur diuersimodè. Richar. enim dicit sic, quòd homo per liberum arbitrium possit vitare singula peccata mortalia, non tamen omnia. Exemplum ponitur à quodam de aqua existente in vase perforato, in quo licet possit quis singula foramina obstruere, non tamen omnia, dum enim vnum obstruit relinquitur aliud patens. Tria homo per peccatum amittit.
Psal.
Communis opinio.
In secundo sent. diff. 28. q. 2.

Aliter ponitur à Scoto, & melius, quod peccatum potest accipi dupliciter. Vno modo pro actu elicito deformi loquendo de peccato commissionis. Alio modo pro macula, quæ remanet post actum quousque peccatum fuerit deletum per pœnitentiam.

Primo modo potest vitare peccatum, quia cum possit pro aliquo breui tempore potest, & pro toto tempore, alias oportet peccatorem totiens peccare mortaliter quot sunt momenta temporis.

Præterea peccatum non est nisi in transgrediendo mandatum Dei, sed qui secundum se dicit præcepisse Deum impossibile, anathema sit.

Secundo dicitur ab eodem, quod liberum arbitriū non potest ex se vitare omne peccatum mortale sine gratia, quia anima sine gratia pro statu isto maculatur macula à qua non liberatur, nisi per gratiam. Si autem quærat. An hoc sit propter immediatam oppositionē culpæ, & gratiæ, dico quod non, quia illa non erant immediate opposita pro statu innocentiae, potuit enim tūc esse aliquid in puris naturalibus tam sine gratia, quam sine culpa, ergo. Dico ergo, quod hoc est ex iustitia vniuersali, quia in nullo remittitur inimicitia nisi fiat, non tantum amicus, sed etiam amicus acceptus per gratiam gratum facientem.

*Vide Scotum
in 2. dist. 28.*

Ad primum principale dico, quod licet illi de quibus dicit Apostolus non haberent legem scriptam, seruabant tamen legem naturæ, & in ea habebant gratiam sicut patet de Iob.

Rom. 2.

Ad secundum si vera est opinio quarti articuli, patet, quod potest desistere ab omni peccato, vt est actus de nouo eliciendus, sed non potest per se desistere à deformitate derelicta ex peccato præcedenti. Aliter potest dici sequendo primam opinionem, quod maior non est vera pro statu naturæ corruptæ.

Ad tertium dico, quod potest vitare aliquem actum quamuis non deformitatem actus præcedentis peccati. Aliter dicitur negādo peccatum originale formaliter est priuatio iustitiæ originalis.

Opinio Scoti.

Tertio dicit Doctor ille, quod materiale peccati originalis est concupiscentia, vel pronitas in appetitu ratio-

nali ad concupiscendum delectabilia inordinate vel immoderate, quæ nata est condelectari appetitui sensitivo cui coniungitur. Et per hoc patet ad dicta sanctorum qui dicunt peccatum originale esse concupiscentiam, accipiunt enim materiale non formale peccati originalis.

Et si obicias, formale originalis peccati est per hoc, quod est carentia iustitiæ originalis, sed quia Angelus caret iustitia originali, & tamen non habet peccatum originale. Et similiter paruulus baptizatus caret iustitia originali, & tamen non habet peccatum originale.

Ad primum dico, quod Angelus non habet, quia non est capax iustitiæ illius. Si autem est capax, dico, quod habet eam.

Ad secundum dico, quod commutatur sibi in donum æquiualens, puta gratiam per quam est dignus vita æterna.

Quantum ad secundum articulum non facta mentione de virgine, quia de hoc dicitur est prima opinio Pelagianorum volentium quod in paruulis non sit peccatum originale, quia originale non est peccatum propter propagationem, sed propter imitationem malitiæ, pueri autem nondum imitantur in malo, ideo carent peccato originali, nec indigent baptismo. Sed sicut patet hic per Magistrum, hæc opinio est hæretica *In 3. li. sens. dist. 3.* Propter quod dicendum est, quod omnes secundum legem commune in propagati ab Adam contrahunt peccatum originale. Vnde Gregorius, in glo. Omnes ex carnis delectatione concepti culpam originalem nobis *Cap. 3.* contraximus. *Super Exo.*

Præterea Aug. dicit, se in iniquitatibus conceptum, quia in omnibus contrahitur iniquitas ex Adam, & vinculum mortis. Item Aug. de fide ad Petrum, firmissime tene, & nullatenus dubites omnem qui cum per concubitum hominis & mulieris concipitur, cum originali peccato nasci. Item Aug. Adam propter imitationis exemplum tabeficauit in se omnes de sua stirpe venturos. *Psal. 50.*

Præterea per rationem peccatum originale formaliter est carentia iustitiæ originalis ut visum est in primo artic. sed omnes communiter propagati carent *Cap. 23.* *In li. de Baptismo paruulorum.*

iustitia originali, ergo omnes contrahunt peccatum.

Ad primum principale potest dici, quòd illud est verum de peccato actuali, si autem intelligatur de peccato originali, dico, quòd non oportet peccatum simpliciter esse voluntarium habenti illud, sed esse voluntarium isti vel illi à quo contrahitur, illud autem fuit voluntarium Adæ à quo contrahitur, vel contractum est.

Ad secundum eodem modo dico, quod nullus peccat in eo quod vitare non potest, aut in se, aut in alio; potuit autem hoc vitare in alio, puta in Adam si non peccasset.

Cap. 8.

Rom. c. 5.

Dist. 34.

Ad tertium respondet Magister: ait. n. contendenti Iuliano sacra pagina, per vnum peccatum intrauit in mundum mors, per vnius inobedientiam, vt ait Apostolus. Aliter potest dici, quòd quantum ad materiale originale est à parente, sed quantum ad formale non habet causam positiuam, sed defectiuam cum sit priuatio, sed de hoc infra dicetur.

Ad quartum dico, quòd defectus naturalis nihil habens de voluntario non est imputabilis, sed iste defectus aliquid habet de voluntario, quia ex voluntate primi parentis seminatus est, vt ait Magister.

Ad vltimum dico, quòd Adam peccando perdidit iustitiam originalem, quæ data fuit sibi pro se, & pro tota posteritate.

DISTINCTIO XXX.

An aliquid ex alimento transeat in veritatem naturæ humanæ?

Petrus Scotellus 2. sem. dist. 30.

QVAESTIO I.

I R C A secundam partem huius dist. 30. quæro. An aliquid ex alimento transeat in veritatem naturæ humanæ? Videtur quòd non, ait enim Saluator. Omne quod intrat in os in ventrem vadit, & per secessum emittitur.

Matth. 15.

Præterea partes materiales fluunt, & refluunt, sed alimentum est pars materialis, ergo fluit, & refluat, & non transit in veritatem humanæ naturæ, ergo.

Præterea nutritio non est generatio, sed si alimentū conuerteretur in veritatem humanæ naturæ, nutritio esset generatio, quia generaretur caro, ergo.

1. de gene. cō-

tex. 35. 36. C

Præterea illud alimentum aut iret ad vacuum, aut ad plenum, non ad vacuum, quia non est dare vacuum. Nec ad plenum, quia tunc duo corpora essent simul.

37.

Præterea sequitur, quod vnum, & idem numero resurgeret in duobus, vel quod aliquid esset de veritate humanæ naturæ in aliquo, & non resurgeret in eo, vtrumque est inconueniēs, probatio cōsequentiar, pono quod Petrus comedat bouem, deinde Petrus comedatur ab vrsō. Tertio Paulus comedat illum vrsū, tunc aliquid quod fuit de veritate humanæ naturæ in Petro nunc est in Paulo, in Resurrectione autē, vel resurgeret in vtroque, vel in altero tantum.

4. Phys. con-

tex. 76.

Contra. Augustinus dicit. Alimenta corrupta in membrorum fabricam migrant.

Præterea Arist. dicit, quod adueniente illo quod est potentia caro fit actu caro.

In lib. de veritate

religione 1. de

gene. cont. 39.

Responsio, hic sunt quatuor articuli secundum quatuor opiniones.

Prima est magistri, qui dicit, quod nihil de alimento transit in veritatem humanæ naturæ quod trahitur à parentibus, & in se multiplicatur vt fiat augmentatio, sicut fuerunt multiplicati pedes euangelici, & costa de qua est mulier formata. Et si quærat ab eo ad quid ponitur, quod generatur ex nutrimento, dicit, quod est quasi fomentum adhærens carni naturali, nec extinguatur, sicut plumbum adhæret auro cum ponitur in camino, & oleū in lechito.

Contra, non minus est perfecta vegetatiua in homine quantum ad opus suum quam in bruto, sed in bruto potest potentia vegetatiua conuertere alimentum in substantiam aliti, ergo.

Præterea homo generatur imperfecte quātitatis, sicut & brutum, & ita fit in eo continua deperditio partium sicut ibi, ergo oportet esse augmentationem, & restau-

rationem deperdi hic sicut ibi. Sed ibi est per hoc, quod terminus actionis est vere aliquid ipsius substantiæ nutriendæ, ergo.

Præterea sequitur, quod in homine esset aliqua caro simpliciter incorruptibilis per totam vitam suam, vel si corrumperetur nunquam posset restaurari, quia non nisi per nutrimentum, quod negatur in proposito, sed vtrumque est inconueniens, ergo. probatio minoris.

Primū patet, quia pars incorruptibilis esset alterius speciei ab aliis partibus carnis. Secundum patet, quia semper minus esset in homine de veritate humanæ naturæ.

2. de anima
cont.

Præterea partes carnis, quæ generantur de nutrimento verissime informantur anima intellectiua sicut aliæ, ergo, antecedens patet, quia in homine non differunt vegetatiuum, sensitiuum, & intellectiuum. Illæ autem partes informantur vegetatiua, & sensitiua, ergo, &c.

2. Opinio.

Alia est opinio, quod caro primo introducta à parentibus est de veritate humanæ naturæ, & nutrimentum postea transeat in ipsam, hoc modo, quia conuertitur in præexistens non recipiendo nouam formā, sed deficiente forma nutrimenti succedit in illa materia forma carnis præexistens. Istud declaratur per exemplum de anima intellectiua quæ de nouo perficit materiam, ipsa in se non existente noua.

Exemplo de-
claratur.

Secundo, quia alias partes formales fluere quod est contra philosophum.

Tertio, si ibi esset forma carnis, quæ non præfuit, tunc faceret cum carne præexistente vnum per modum continui, vel contigui, & tunc non esset nutritio, sed quedā iuxta positio, & non quælibet pars nutriti esset nutrita, nec quælibet pars aucti esset aucta, quod est contra philosophum.

Contra illam opinionem arguitur sic. Certum est, quod post nutritionem sunt plures partes materiæ in toto, quam prius, aut ergo noua pars materiæ est sine forma, quod est inconueniens, aut est sub forma noua, & habetur propositum, aut est sub parte formæ nouæ præexistente, & tunc vel illa definit perficere partē materiæ quam prius perfecit, & migrabit forma de subiecto in subiectum quod est inconueniens, aut simul perficiet

illas duas partes materiæ, & habebit duo perfectibilia adequata, quod est inconueniens.

Præterea, quod dicit de partibus formalibus, quod non fluant est falsum, quia forma educta de potetia materiæ depēdet à suo perfectibili, quo desinere desinet ipsa. Est & tertia opinio Scoti qui vult quod alimentum transit in veritatem humanæ naturæ per acquisitionem etiam alicuius nouæ partis formalis. Ad cuius intellectum sunt quatuor videnda.

3. *Opinio est
Scoti*

Primo, quod in nutritione est aliqua generatio, extendendo generationem ad omnem inductionem formæ substantialis in materia, hoc autem proprie non dicitur simpliciter generatio filius gehennæ, & sic remittitur in Baptismo. Alio modo accipitur quantum ad formam ut est quedam pronitas ad malum, & sic non remittitur, quia fomes semper manet.

Alius modus dicendi est quod priuatio dupliciter tollitur, puta per habitum oppositum formaliter, & per habitum oppositum virtualiter. Nunc autem non remittitur peccatum originale, ut ponatur habitus oppositus formaliter puta iustitia originalis, sed remittitur, quia ponitur habitus oppositus virtualiter, quia gratia. Et per hoc patet ad argumentum in contrarium.

DISTINCTIO XXXIII.

An paruulis cum originali peccato decedentibus
debeat pro peccato originali sola carentia
diuinæ visionis, vel puniantur
pœna sensus?

Scotus in 2. sententiarum distinct. 33. q. 1.

QVAESTIO I.

PRÆDICTIS adiiciendum. Circa istam distinct. 33. queritur. An paruulis cum originali peccato decedentibus debeat pro peccato originali sola carentia diuinæ visionis, vel puniatur pœna sensus? Et videtur, quod puniatur pœna sensus per

*De fide ad
Petrum, longe
ante finem*

Aug. Firmissime tene, & nullatenus dubites eos, qui sine baptismi sacramento transeunt æterni ignis supplicio puniendos.

Præterea corpora passibilia possunt puniri poena sensus. Sed corpora istorum paruulorū sunt passibilia, quia cum non sint gloriosa non habent dotem impassibilitatis, ergo.

Præterea fomes non est in eis extinctus, ergo poterunt sustinere concupiscentias, & appetere delectabilia per quorum absentiam tristabūtur, & sic paterentur poena interiori.

Præterea habebunt vsum rationis, & poterunt cognoscere naturam suam ordinatam ad vitam æternam, & cognoscere etiam beatitudinem sanctorum, & se certissime illis esse priuatos, & sic tristabuntur. In contrarium est Magister, & Aug. qui dicit, quod poena illorum paruulorum est mitissima.

De Baptismo paruulorum. Respondeo hic sunt quatuor videnda. Primo si peccata parentum transeunt in filios. Secundo si peccatum originale est vnum vel plura. Tertio si est aequaliter in omnibus. Quarto ad propositum.

Quantum ad primum dico tres conclusiones, prima quod peccata actualia parentum non transeunt in filios quantum ad culpam, secūda quod peccata parentum aliquando transeunt in filios quantum ad poenam temporalem, tertia quod non transeunt in filios quantum ad poenam æternam.

Cap. 5. huius dist. Primā probat Magister, per hoc, quod poena paruulorum non esset mitissima sed maxima, quia ex quo haberent peccata parentum quantum ad culpam punirentur pro eis. Confirmatur per Ans. Iniusti inquit non addūt suis infantibus iniustitiam. Item glosa in Hieremia dicit, quod peccata parentum filiis non imputantur.

De conceptu virginis.

Secunda conclusio probatur, quia poena temporalis respicit corpus, sed secundum corpus filius est aliquid patris, & ideo cum punitur filius poena temporali punitur quædam portio ipsius qui peccauit. Et sic intelligitur illud Exo. Ego sum Deus visitans peccata parentum vsque in tertiam, & quartam generationem.

Exodi cap.

Tertia conclusio patet, quia poena æterna directè, &

primò

primo respicit animam, quæ est immediate à Deo non à patre. Et sic intelligitur illud Ezech. Sicut anima patris ita anima filij mea est. Anima quæ peccauerit ipsa *Cap. 28.* morietur.

Quantum ad secundum articulum dico duas conclusiones. Prima, quod peccatum originale in omnibus est vnum secundum speciem. Secunda, quod peccatum originale in vno individuo est vnum simpliciter.

Prima conclusio probatur sic, peccatum originale formaliter est priuatio iustitiæ originalis, vt patuit supra distinct. 30. Sed iustitia originalis est vna secundum speciem, ergo.

Secunda conclusio patet sic, formæ vel priuationes numerantur, vel numeratione subiecti, vel numeratione actus per quem macula contrahitur. Sed hæc anima quæ est subiectum vel actus quodlibet horum est simpliciter vnum, ergo.

Quantum ad tertium dico, quod peccatum originale æqualiter est in omnibus, quia peccatum originale est in nobis per hoc, quod sumus filij Adæ naturales, & debitores iustitiæ originalis. Sed hoc æqualiter est in omnibus ergo.

Quantum ad quartum articulum dicit aureolus, quod habebunt aliquem dolorem interiorem. Dolor enim duplex est. Vnus à Deo inflictus per peccatum, & hunc non habebunt. Alius voluntarie assumptus, & hunc habebunt licet non sentiant aliquando, puta quando recordabuntur, quod amiserunt tantum bonum. Alij omnes quibus magis affectu generaliter dicunt, quod damnati solum pro peccato originali nullam habebunt pœnam, nec exteriorem, nec interiorem puta tristitiam.

Quod autem nō habebunt pœnam sensus exterioris probatur, quia nullam delectationem de ordinatam habuerunt cui delectationi correspondet acerbitas pœnæ sensus exterioris. Quod autem non habeant pœnam interiorem, puta tristitiam probatur, quia tristitia est de his, quæ accidunt nobis inuitis per Augustinum. Sed isti nō inuite, vel inuoluntarie sustinent, quia tunc murmurent contra dispositionem diuinam, & tollent volunta-

4. lib. de ci-
uis. Des cap.

15.

Dubium.

tem suam esse conformem voluntati diuinæ. Sed est dubium cum isti habeant in resurrectione intellectum perspicacem poterunt distincte cognoscere Deum, & felicitatem sanctorum, & ipsum appetere, & tristari cū non habeant eam

Respondetur quod illa cognitio non est possibilis nisi supernaturaliter eleuetur. Quod si omnino contendas, quod possunt illam cognitionem habere, dico quod nō contristabuntur, tum quia non aduenit eis inuitis, tum quia volunt voluntatem suam esse conformem voluntati diuinæ. Quod si quæras vltcrius, vbi erunt post resurrectionem? dicitur, quod vel in mundo isto quem Deus dabit eis pro loco, & vadunt hinc inde gaudendo, & spatiando, vel in limbo. Neutrum tamen horum mihi certum est, quia quod non probatur ex sacra scriptura eadem facilitate contemnitur, qua probatur, ideo cōfiteor me nescire.

2. Eibi.

Ad primum argumentum principale responder Bonauentura, quod Augustinus loquitur excessiue ad destruendum hæreses Pelagianorum qui dicebant, paruulos nulla pœna puniri. Vnde sicut in Moralibus via deueniendi ad medium est aliquoqualiter procedere vltra medium versus extremum, sicut ponit exemplum philosophus, de virga recta. Ita sancti disputantes contra hæreses quasi acceperunt extremum vt reducerent hæreticos ad medium.

Ad secundum dico, quod sicut corpora damnatorum patiuntur, & non dissoluuntur, ita corpora istorū erunt impassibilia, non quidem ex dote impassibilitatis quam sancti habent, sed ex alia causa qua non patiuntur intus, nec extra.

Ad tertium dico, quod sicut fomes iste nullum inordinatum motum suscitatur in eis in vita ista, ita nec ibi suscitabit.

Ad vltimum patet ex dictis in primo dubio quarti articuli.

DISTINCTIO XXXIIL.

An peccatum sit à bono, vt à causa?

D. Bona. 2. sent. dist. 34. Artic. 1.

Scotus 2. sent. distinct. 34 q. 1.

Ricardus secundo sententiarum distinct. 34. quæst. 3.

Durandus secundo sententiarum distinctio. 34. quæstio 3.

QVAESTIO I.

POST prædicta de peccato actuali. Circa istā distinctionem 34. quæritur. An peccatum sit à bono, vt à causa? Videtur, quod non, quia non potest arbor bona malos fructus facere, Matth.

Præterea agens assimilat sibi effectum. Sed peccatum siue malum non assimilatur bono, ergo non est à bono.

Præterea, quod est à bono effectiue est ad bonum vt ad finem, quia efficiens, & finis sunt sibi inuicem causæ. Sed peccatum non est ad bonum vt ad finem, ergo non est à bono vt à causa effectiua.

In contrarium arguitur per Magistrum in ista dist.

Respondeo, hic sunt duo videnda. Primo quantum ad quætionem si peccatum sit à bono. Secundo oportet videre modum qualiter, scilicet peccatum siue malum sit à bono.

Quantum ad primum dico, quod peccatum eo modo, quo potest habere causam est à bono. Hoc patet per Magistrum in ista distinctione. Et probatur ratione sic. Quia peccatum, vel est à bono vt à causa, vel est ab aliquo malo simpliciter primo. Sed non est malum simpliciter primum à quo sit peccatum, ergo est à bono. Probatio minoris. Si esset malum simpliciter primum esset necesse esse, & in participatum, & independens. Sed ista non conueniunt nisi enti perfectissimo, ergo malum esset ens perfectissimum, & sic malum esset bonum quod est contradictio.

Quantum ad secundum sunt quatuor, vel quinque modi dicendi. Vnus, quod bonū est causa mali, vel pec-

Cap. 7.

2. Phys. con-

11. 29.

Cap. 2.

D. Thom. I.

par. q. 49.

art. 1.

*2. Phys. con-
tex 30.*

2. sen. dist. 37.

q. 1.

Vbi supra.

cati per accidens. Ista est via Tho. Sed ly per accidens potest intelligi, quia vel ex parte causæ, sicut ponit philosophus, quod Policletus est causa statuæ per accidens, vel ex parte effectus sicut dicitur ibidem quod casus, & fortuna sunt causæ per accidens, quia effectus fortuitarum sunt casuales, quia eueniunt præter intentionem agentis. Et sic dicitur vno modo, quod bonum est causa mali per accidens, vt per accidens se tenet ex parte causæ, quia voluntas non est causa peccati vt voluntas, sed vt defectibilis. Et iste est modus Rich. & Thomæ. Alio modo ponitur, quod bonum est causa mali per accidens, vt per accidens se tenet ex parte effectus.

Contra primam viam arguitur sic. Aut defectibilitas in voluntate est causa peccati per se, aut per accidens. Si per accidens, ergo frustra ponitur. Si per se, & defectibilitas per se est in voluntate à Deo vt a per se efficiente, ergo Deus est per se causa peccati. Consequentia probatur per illam regulam. Quicquid est per se causa causæ est per se causa causati.

Contra secundam viam arguitur sic, quia tunc peccatum videtur esse casuale, sed casuale nō est peccatum.

Præterea voluntas præcise vult illud positiuū ad quod sequitur illa deformitas, & sic non magis peccaret quam voluntas diuina.

Tertius modus dicendi est, quod peccatum non habet causam efficientem, sed deficientem, & sic voluntas est causa peccati defectiua.

De ciui. c. 7.

Confirmatur per Augustinum, vbi vult, quod peccatū non sit effectio, sed defectio ex eo, quod voluntas deservitur a Deo, & actus non habet rectitudinem.

*5. Met. con-
tex. 2.*

Contra, quia ex tali defectione sequitur, quod Deus esset causa peccati per illam propositionem philosophi. Si præsentia gubernatoris est causa salutis maius, tunc eius absentia est causa perditionis.

*1. Post con-
tex. 30.*

Confirmatur per Philosophum. In causis præcis si negatio est causa negationis, & affirmatio est causa affirmationis, & exemplificat ibi de pulmone, & respiratione.

Ideo est quartus modus dicendi, quod peccatum habet pro causa bonum creatum, scilicet voluntatem quæ

est totalis, & immediata causa suæ volitionis bonæ, siue malæ, & Deus respectu illius non habet aliquam efficiëntiam immediatam, tum quia aliter voluntas ipsa non esset libera, quia non esset in eius potestate actus, tum quia voluntas nihil contingenter causaret ex eo, quod haberet necessariam habitudinem ad primam causam respectu effectus, tum quia voluntas non posset peccare, quia cum Deus sit prior causa in primo signo naturæ causaret rectitudinem in actu, tum quia Augu. dicit in li. de ciui. Dei, quod Deus sic res quas condidit administrat vt eas agere proprios motus sinat. Tum quia Cōment. dicit, quod si entia non habent proprias actiones, non habebunt proprias essentias.

De ciui. 7.

7. Met. comment.

Contra illam viam arguitur, quia fundamentum reputatur falsum, tum quia Deus non esset causa meriti sicut nec peccati, tum quia destruit ordinem causarum propter quod omnis causa prima fuit in plus quam secunda super causatum, ex prima propositione de causis, tum quia si Deus non haberet efficaciam super velle nõ esset præsciens futurorum, tum etiam quia nõ esset omnipotens.

Ista duo vltima argumenta non concludunt, & solvuntur li. i.

Dist. 34. c.

Similiter primum non valet, quia Deus est causa meriti aliquo alio modo quo modo non est causa peccati, quia immediate causat in anima gratiam, vel charitatem quæ inclinat ad merendum.

44.

Secundum etiam non valet nec concludit. Est enim ordo essentialiter inter causas in esse, quia prima causat secundam.

Quicquid autem sit de ista opinione datur quintus modus dicendi, quod peccatum potest accipi quantum ad actum substratum, & hoc est materiale, vel quantum ad deformitatem, & hoc est formale. Primo modo habet per se causam positivam, & bonam. Secundo modo non habet causam effectiuam, sed defectiuam tantum.

Ad primum principale dico, quod saluator accipit pro arbore actum interiorem, per fructum autem actum xterioem, qui non est bonus nisi actus interior sit bonus.

Ad secundum dico, quod maior est vera in causis vniuocis, non autem in causis æquiuocis, & maxime defectiuis.

Ad vltimum dico, quod maior est vera de eo, quod est ab efficiente efficiendo non deficiendo, hic autem est causa deficiendo quantum ad deformitatem.

DISTINCTIO XXXV.

An peccatum sit per se corruptio boni in quo est?

D. Boni. 2. sent. dist. 35. q. 1. Art. 1.

Scotus 2. sent. dist. 35. q. 1.

D. Thom. 1. secunda q. 85. Art. 1.

Ricardus 2. senten. dist. 35. q. 1.

Durandus 2. sen. dist. 35. q. 4.

QVAESTIO I.

Post hoc videndum est. Circa istam distinctionem 35. Queritur. An peccatum sit per se corruptio boni in quo est? Et videtur quod non, quia aut esset corruptio boni istius, in quo est aut boni alterius.

Non primo modo, quia accidēs, quod præsупponit subiectum, non corrumpit ipsum Sed peccatum est huiusmodi, ergo.

Non secundo modo, quia peccatum corrumpit illud cui nocet per Aug. de ci. Dei, sed non nocet nisi illi in quo est, ergo.

Contra, per Augustinum in Ioan. pertrahens illud. Sine ipso factum est nihil, & per Ans. qui probat hoc ex proposito de conceptu virginali, & calu diaboli.

Respondeo, hic sunt duo videnda. Primo ad propositum. Secundo cuius boni corruptio peccatum sit.

Quantum ad primum dico, quod sic, quia agens inferius tenetur in agendo se conformare agenti superiori, & si in potestate eius sit cōformari, & non conformari, tunc si nō conformatur illi peccat. Sed voluntas nostra

*12 de ciuit.
cap. 6.*

Ioan. 1.

Cap. 6.

respectu Dei est huiusmodi, ergo, &c. ergo si non conformatur ei peccat. Et tunc ultra sic, quod est corruptivum boni illius concordia per quam nostra voluntas conformatur Deo est corruptivum boni. Sed peccatum est huiusmodi, ergo.

Quantum ad secundum dicitur quadrupliciter.

Primo quod peccatum est corruptio illius boni in quo est, quia illi nocet per Augustinum.

12. De civi.

Alio modo ponitur, quod peccatum est corruptivum boni supernaturalis, scilicet gratia. cap. 6.

Tertio ponitur, quod est corruptio habituum acquisitionum quibus repugnant habitus virtualiter mali.

Quarto dicitur, quod est corruptivum concordia, & rectitudinis per quam voluntas nostra conformatur voluntati diuinæ. Et per hoc patet ad argumentum in oppositum.

DISTINCTIO XXXVI.

An omnis actio agentis creati sit in agente?

Petrus Scotellus secundo sententiarum distinctio 36.

QVÆSTIO I.



SCIENDUM est tamen quedam. Circa istam distinctionem 36. queritur. An omnis actio agentis creati sit in agente? Videtur, quod non, quia actio, & passio sunt vnus motus ex 3. phisic. Sed passio est in passio, ergo.

3. Phisic. cons.

Contra, passio est in passio, ergo actio est in agente, quia sicut passio ad passum, ita actio ad agens.

21.

Respondeo, hic sunt duo articuli. Primo ponuntur aliqua distinctiones necessariae. Secundo elicietur conclusiones intente.

Quantum ad primum ponuntur quinque distinctiones.

Prima quod actio est duplex, scilicet actio predicamentum, quæ dicitur habitudinem præcisam agentis ad passum, & actio elicitæ, quæ est forma terminata ad passum.

Ista distinctio probatur, quia quot species habet vnum oppositorum tot habet & reliquum. Sed passio opponitur actioni, & passio accipitur dupliciter, scilicet pro passione de genere passionis, & pro passione, de tertia specie qualitatatis, ergo actio consimiliter accipitur.

3. *Phy. con-*
tex. 21.

Actio duplex
elicitæ & præ-
dicatiua.

Præterea Aristotelis aliqua actio est ab agente in passum, & tunc quero de qua actione loquitur, aut de actione, quæ est prædicamentum, & hoc non stat cum dictis suis, quia illud, quod procedit ab agente in passum procedit mediante actione. Actionis autem non est actio, vt terminus, ergo loquitur de actione elicitæ, & per consequens actio est duplex, scilicet actio elicitæ, & actio prædicatiua.

Secunda distinctio est quod actio elicitæ diuiditur, quia quædam est actio elicitæ fundamentaliter, quædam formaliter, eo modo quo aliquid dicitur simpliciter fundamentaliter, vel formaliter. Et actio elicitæ fundamentaliter habet duos respectus vnum ad agens, & alium ad passum.

9. *Met. con-*
tex. 16.

Tertia distinctio est, quod quædam est actio immanens, & quædam est actio transiens per Aristotelem. Et nota, quod transire in exteriorem materiam potest intelligi dupliciter. Vno modo formaliter, & iste est falsus intellectus, quia actio non migrat à subiecto in subiectum formaliter. Alio modo virtualiter, quia virtute agentis aliquis terminus producit extra ipsum, & hic est verus intellectus.

Respectus
duplex.

Quarta distinctio, quod respectus est duplex, scilicet intrinsecus, & extrinsecus adueniens. Et dicitur respectus intrinsecus adueniens, qui exurgit ex natura terminorum qualitercunque positorum cum distinctio- ne respectu ipsorum circumscripto omni tempore intellectus. Respectus autem extrinsecus adueniens est qui non sic exurgit statim.

Quinta distinctio, quod in operatione alicuius creati est duplex respectus, vnus agentis ad passum, alius agentis ad terminum. Et sunt isti respectus essentialiter differentes, tum quia vnus est prior alio, tum quia vnus est æqualiter causa alterius, tum quia vnus est intrinsecus, & alius extrinsecus adueniens.

Quantum ad secundum articulum, si quærat^{ur} de actionibus intra manentibus patet per Aristotelem, quod sunt in agente. Si autem quærat^{ur} de actio-^{9 Met. con-}nibus extra manentibus dico tres conclusiones. Prima ^{sex. 16.} est, quod actio elicita subiectiue est in passio. Secunda conclusio, quod respectus fundatus in motu nō est actio de genere actionis formaliter, sed extrinseca denominatione. Tertia conclusio, quod actio de genere actionis est in agente subiectiue.

Prima conclusio probatur sic. Actio elicita aut est illa forma elicita secundum illam opinionem, quæ impro-^{Dist. 2.}bata fuit superius, aut est via, & dispositio ad eā quod verius credo. Sed quodlibet horum subiectiue est in passio, ergo.

Secunda conclusio probatur sic. Respectus de secundo modo relatiuorum non est formaliter de genere actionis cum sint genera distincta. Sed respectus fundatus in motu cum sit motus potentia est de secundo modo relatiuorum, ergo.

Tertia conclusio probatur sic. Respectus mutua dependentia formaliter oppositi necessario sic se habent, quod si vnus est in vno extremorum terminatiue in altero est subiectiue. Exemplum de paternitate opposita filiationi, quod quia paternitas est in filio terminatiue, ideo est in parte subiectiue. Sed actio, & passio sunt huiusmodi, respectus & actio est in passio terminatiue, ergo est in agente subiectiue. Et intelligo illam maiorem istius rationis esse veram vbi extrema sunt realiter distincta, ne obiiciatur quando aliquid mouet seipsum. ^{Exemplum.}

Præterea secundo sic, perfectio vniuscuiusque rei est formaliter in ipso. Sed actio de genere actionis est de genere agentis, ergo.

Ad argumentum in contrarium patet, loquitur enim philosophus de actione elicita, & ista est in passio, vt dictum est supra in prima conclusione, ergo.

DISTINCTIO XXXVII.

An peccatum possit esse à Deo?

D. Bona. 2. sent. dist. 37. Art. 1.

Scotus 2. sent. dist. 37. q. 1.

D. Thomas 1. secunde q. 79. Artic. 1.

Richardus 2. sent. dist. 37. q. 1.

Durandus 2. sent. dist. 37. q. 1.

QVÆSTIO I.

SVNT autem & alij plurimi, Circa istam distinctionem 37. quæritur. An peccatum possit esse à Deo? Videtur, quod sic. Quia quod est causa, causa est, & causa causati. Sed Deus est causa voluntatis, ergo est causa actus peccati, qui est à voluntate.

Ioan. 1.

Contra. Augustinus super Ioannem. Sine quo factum est nihil, i. peccatum. Respondeo, communiter dicitur, quod actus peccati potest accipi, vel quantum ad substratum, & hoc est materiale, vel quantum ad deformitatem, & hoc est formale, & sic sunt duæ conclusiones. Prima est, quod actus peccati quantum ad substratum est à Deo. Secunda, quod quatum ad deformitatem non est à Deo.

*2. Met. con-
sec. 3.*

Prima conclusio probatur, quia ens, & bonum conuertuntur, & bonum est in omni genere, sicut & ens, quod ergo habet propriam entitatem, habet & propriam bonitatem, sed actus iste quatum ad suum substratum habet propriam entitatem, ergo & propriam bonitatem. Sed omne tale est à Deo, ergo.

Sed hic est dubium, quia tunc Deus faceret contra suam prohibitionem, prohibuit enim non peccare, ergo si effectiue se habet quantum ad substratum actus peccati faceret contra suam prohibitionem.

Præterea arguit contra hoc Aureolus fortiter sic. Si Deus ageret quantum ad substratum actus, ergo necessario ageret quantum ad deformitatem actus. Probatio consequentiæ. Quando aliqua sic se habent, quod impossibile est illa abinuicem separari, quod agit in vnum agit in reliquum. Sed sic se habet deformitas ad substratum actus, ergo. Minor patet in odio Dei ubi ad actum necessario sequitur deformitas. Ideo forte opinio

quarta in 2. art. dist. 34. est verior, &c.

Secunda conclusio probatur primo sic, nullus homo Deo auctore sit deterior, per August. Sed si Deus causa deformitatis in actu homo fieret Deo auctore deterior, *Lib. 83. quaestio. 1.*
ergo.

Secundo sic, quod est causa enti vt sic non est causa non essendi, per Aug. sed Deus est causa essendi omni enti, ergo non est causa non essendi, sed si esset causa deformitatis in peccato, esset causa non essendi, ergo. *Vbi supra.*

Tertio sic. Iustus iudex non punit homines pro eo quod facit ipsemet iudex, sed Deus punit hominem pro deformitate peccati, ergo.

Ad argumentum in contrarium dico vno modo, quod Deus est causa illius peccati causati quantum ad substratum. Aliter dicitur, & melius, quod verum est de eo, quod habet causam effectiuam, & non defectiuam, peccatum autem habet causam defectiuam.

An euentus fortuiti reducantur in aliquam causam,
quæ sit eorum per se causa?

Richardus in secundo sententiarum distinct. 37. quest. 2.

QVAESTIO II.

SECUNDO QUÆRITUR. An euentus fortuiti reducantur in aliquam causam, quæ sit eorum per se causa? Videtur quod sic. Quia omne per accidens reducitur ad per se, sed fortuna est causa per accidens ex secundo physice. ergo. *2. phys. cõ- tex. 32.*

Contra. effectus fortuitus est a fortuna, sed fortuna est causa per accidens, ergo.

Respondeo, hic sunt tres articuli. Primo ponuntur aliquæ opiniones falsæ. Secundo ponuntur aliquæ conclusiones de fortuna. Tertio dicetur ad quæstionem.

Quantum ad primum est vna opinio, quæ dicit fortunam nec esse, sicut patet 2. phy. Cuius ratio est, quia omnia quæ sunt causam determinatam aliam à fortuna, ergo frustra poneretur fortuna. Probatio antecedentis. quia si vadens ad forum inueniat hominem, pro quo non ibat, *2. phys. cõ- tex. 39.*

talis inuentio à fortuna est, & tamen causa eius est determinata, puta voluntas eundi ad forum.

Contra hoc arguitur ibi sic. Fortuna est aliquid, aut nihil. Si aliquid habetur propositum. Si nihil tunc frustra ea vti fuerunt antiqui philosophi sicut Empedocles, & Democritus.

2. Phys. con-
tex. 47.

Ideo est alia opinio, quæ dicit, fortunam esse, sed immanifestam humano intellectui cum sit quid diuinum, & illam opinionem prætermittit philosophus.

Alia est opinio Democriti qui dixit fortunam esse causam cæli, & omnium partium mundi ex fortuito concursu astrorum.

2. Phys. con-
tex. 45.

Contra hoc obiicit philosophus primo sic, nobilio-
ra sunt superiora quam inferiora, sed illa inferiora non sunt à fortuna, ergo nec superiora, puta cælestia. Probatio minoris. quia non ex quocunque semine generatur quodlibet, sed ex determinato semine, quod non esset verum, si esset à fortuna.

Secundo sic, ea quæ sunt à fortuna non sunt vniformia, sed in cælestibus non euenit deformitas, ergo.

2. Phys. con-
tex. 65.

Tertio sic, & ponitur in fine capituli de fortuna. Nullum per accidens est prius eo, quod est per se. Sed fortuna est causa per accidens, ergo non est prior aliquo per se. Sed si esset in cælestibus esset prior, cum cælestia sint priora, ergo.

Quantum ad secundum, dico septem conclusiones.

Prima est quid sit fortuna. Et dico, quod Fortuna est causa per accidens in his, quæ sunt à proposito propter finem, vt in paucioribus.

2. Phys. con-
tex. 52.

Ad habendam autem istam diffinitionem Aristoteles vtitur quadruplici distinctione. Vna causarum, vna per se, alia per accidens. Fortuna non est causa per se, ergo per accidens.

Secunda est, eorum quæ fiunt alia fiunt semper, alia frequenter alia vt in paucioribus. Ea autem, quæ fiunt à fortuna non fiunt semper, nec frequenter, sed vt in paucioribus.

Philos. tacuit
istos, quia

Tertia distinctio est, quod quædam fiunt propter finem, quædam vero non, sicut cum quis fricat sibi bar-

bam absque deliberatione.

Quarta est quod eorum, quæ sunt propter finem quædam fiunt à propositio, quædam à natura. Et ex his distinctionibus colligit Aristoteles diffinitionem fortunæ superius positam.

*iste sermo est
irrationabi-
lis.*

*Vide Auer-
roem comen-
to. 47.*

Secunda cōclusio principalis est ista, quod fortuna est nobis ignota, & probatur à philosopho ubi supra sic. Fortuna est causa per accidens, sed ea, quæ sunt per accidens sunt infinita, infinita autem sunt ignota, ergo fortuna est nobis ignota.

Secunda conclusio, quod fortuna non habet esse simpliciter, hæc conclusio probatur à philosopho ibidem. Causa per accidens habet effectum per accidens, sed fortuna est causa per accidens, ergo habet effectum per accidens. Sed quod est per accidens non est simpliciter, ergo.

Quarta conclusio quod forma non est sine ratione, hoc probatur à philosopho ibidem sic, quod est in paucioribus est sine ratione, sed fortuna est huiusmodi, ergo.

Quinta conclusio. Fortuna differt à casu, quia casus est in plus quam fortuna, nam omne quod est à fortuna est à casu, sed non econuerso. Exemplum est de tripeda, quæ cadens stetit hoc fuit casuale, & non à fortuna, quia fortuita sunt tantum in his, quæ agunt voluntarie.

*Quomodo for-
tuna differat
a casu exem-
plum de tri-
peda.*

Sexta conclusio est, quod nullum inanimatum nec puer, nec bestia dicitur habere fortunam. Hoc probatur ibidem sic. Fortuna est in his, quæ agunt voluntarie, & per electionem, sed nullum inanimatum nec puer, nec bestia agit per electionem vel voluntarie, ergo.

Septima conclusio, & vltima est, quod fortuna reducit ad genus causæ mouentis. Hoc probatur à philosopho. Fortuna vel est causa eorum, quæ sunt à natura, vel ab intellectu, sed tam natura, quam intellectus est causa, ut vnde principium motus, ergo.

*2. Phys. cons.
66.*

Quantum ad tertium articulum cum queritur, vtrum effectus fortuiti reducantur ad causam per se. Aut queritur de causa creata, aut diuina. Si de causa diuina, dicitur, quod effectus fortuiti reducantur ad causam per se,

ut ad Deum si placet placeat, tamen Aristoteles videtur dicere oppositum primo, id est, de bona fortuna, forte inquit fortuna est quædam causa, hoc utique non videtur, Deum enim dignificamus dominum existentem, talium ut dignis tribuat & bona, & mala. Fortunam non sic, & ita nec causa, quæ est à Deo videtur esse fortuna: eo quod prauis eueniat, non autem verisimile est Deum prauorum curam habere. Si autem quærat de causa creata dico, quod effectus fortuiti non reducantur in causam per se, quia causæ eorum sunt casus, & fortuna quæ sunt causæ per accidens, non quod ly per accidens tenet se ex parte causæ eo modo quo Policletus est causa statuæ per accidens, sed ly per accidens tenet se ex parte effectus qui effectus euenit præter intentionem agentis, talis autem effectus non reducit in per se causam creatam.

Ad argumentum in contrarium cum dicitur, omne per accidens reducit ad per se, conceditur de accidente, quod præcisè se tenet ex parte causæ, non autem de accidente, quod se tenet ex parte effectus, cum euenit præter intentionem agentis sicut est in proposito.

DISTINCTIO XXXVIII.

An intentio sit actus solius voluntatis?

D. Bona 2 sententiarum dist. 38. q. 1. Artic. 1.

Scotus 2. sentent. distinctio. 38. q. 1.

Ricardus in secundo sententiarum distinctio 38. questio. 1.

Durandus secundo sententiarum distinctio. 38. questio. 2.

QVAESTIO I.

OST prædicta de voluntate. Circa istam distinctionem 38. quæritur. An intentio sit actus solius voluntatis? Videtur quod non. Si oculus tuus, &c. dicit glossa, quod intentio est oculus animæ, sed oculus animæ est intellectus, ergo intentio est actus intellectus, ergo, Præterea intentio includit relationem unius ad al-

terum: sed referre relationem vnius ad alterum est actus intellectus, ergo.

Contra Aug. dicit quod est actus voluntatis.

Respondeo, primo videndum est quid sit intendere, *II. de triu.*
secundo propositum.

Quantum ad primum dico, quod intendere est in *Quid sit intell-*
aliud tendere. Et hoc potest esse dupliciter, vel quod *dere vide D.*
tendat in aliud motum ab alio, vel à se: puta quod mo- *Bona. dist.*
uet se in aliud, & illud in quod tendit potest esse præsens, *præsenti art.*
vel absens. Primo modo tendere conuenit omni poten- *1. q. 1. cap. 23.*
tiæ respectu sui obiecti, secundo modo conuenit pro-
priè appetitui rationali, & potentiæ liberæ quæ ducit, &
non ducitur secundum Damasc. Et isto modo etiam cō-
prehendit intellectum in quantum est arbitrium. Per
quod patet ad primum argumentum.

Ad secundum dico conferre per modum iudicij est
intellectus, sed conferre vtendo, & ordinando vnum
amabile ad aliud est voluntatis.



Secundo quæritur. An voluntas possit se
mouere contra iudicium rationis? Videtur
quod non, quia voluntas nihil vult sub ra-
tione mali. Sed si moueret se contra iudi-
cium rationis tunc vellet aliquid sub ratio-
ne mali.

Præterea sicut verum determinat intellectum, ita
bonum determinat voluntatem. Sed intellectus nō po-
test dissentire à vero, ergo nec voluntas à bono.

Contra. Bernardus dicit, quod voluntas, nonnun- *De libero ar-*
quā sine ratione mouetur, vt multa faciat contra ipsam. *bitrio.*

Respondeo, hic sunt tria videnda. Primo si voluntas
possit se mouere, secundo si possit se mouere contra iu-
dicium rationis, tertio si possit se mouere respectu iudi-
cij rationis respectu eorum, quæ sunt ad finem. Primus
articulus patet supra dis. 25. ideo quære ibi articulo j.
Secundus articulus patet supra dis. 24. ideo quære ibi.

Prosequendo ergo tertium articulum dicitur à Tho- *Opinio Tho-*
mistis quod homo non potest aliquid eligere per vo- *mistarum.*
luntatem contra iudicium rationis, quia non esset.

ratio quare magis vellet vnum, quam aliud cum sit indifferens ad volendum quodcunque volibile.

Contra hoc, tum quia destruit libertatem voluntatis, tum quia hoc est contra experientiam, sicut patet in peccante mortaliter ex electione, & faciens in se sigillum practicum, non esse fornicandum cum sit mortale, tum quia voluntas non necessitatur respectu ultimi finis, vt patuit supra, tum quia est contra Augustinum. Sicut inquit duo æqualiter affectati anima, & corpore, & omnibus conditionibus paribus vident corporis pulchritudinem vnus voluntate cadit, alter stat, tum quia est contra philosophum qui dicit, quod proheresis id est, electio determinat: tum quia est contra Bernardum. vt allegatum est in oppositum, tum quia tangit articulum condemnatum qui dicit, quod ratione existere recta in generali, & in speciali, quod voluntas non possit contrarium error est.

*Dist. 24.
12. de civ. Dei
c. 6.*

*9. met. cont.
10.*

De libero arbitrio.

Opinio aliorum.

Ideo est opinio aliorum, quod voluntas potest consiliari ante consilium, & determinationem intellectus, & sic libere mouetur.

Alio modo potest consiliari per considerationem & determinationem intellectus, & sic necessario sequitur eius iudicium.

Contra hoc, quia non est minus libera voluntas post consilium quam ante. Ideo dico propter rationes factas contra primam opinionem, quod voluntas libere mouetur aliquoties contra iudicium intellectus respectu eorum, quæ sunt ad finem.

Ad primum principale nego minorem quia non vult illud sub ratione mali, sed sub ratione apparentis boni, cum intellectus dicat illud dimittendum esse, & tenendum maius bonum.

Ad secundum nego maiorem, quia verum respicit intellectum, vt potentiam naturalem, voluntas autem semper est libera potentia per essentiam.

DISTINCTIO XXXIX.

An conscientia sit in intellectu, vel
in affectu?

D. Bona.

D. Bona. 2. sent. dist. 39. q. 1. Artic. 1.

Scotus 2. sentent. distinction. 39. q. 1.

D. Thomas prima parte q. 79. Artic. 12.

Ricardus 2. sent. dist. 39. q. 1.

Durandus 2. sententiarum distinctio. 39. q. 4.

QVAESTIO I.

Hic oritur quaestio. Circa istam distinctionem 39. quaeritur. An conscientia sit in intellectu, vel in affectu? Videtur quod in affectu. Glosa super illud ad Corin. Nihil mihi conscius sum dicit. In nullo remordet me conscientia mea. Sed remorsus spectat ad affectum, ergo.

Corint. cap. 4

Præterea Ans. Nihil punitur nisi voluntas. Sed punitur conscientia, ergo conscientia spectat ad voluntatem. *De conceptu virginali.*

Contra Eccles. Scit conscientia tua quia maledixisti aliis: sed scire spectat ad intellectum, ergo, & conscientia. *Eccles. 7.*

Confirmatur per Dam. dicentem, quod conscientia nostra est lex intellectus nostri.

Responsio, hic sunt tria videnda. Primo principale *Libro 4.* propositum, secundo si conscientia sit actus, vel habitus, tertio si conscientia erronea obligat hominem ad faciendum illud, quod dicat necessarium ad salutem.

Quantum ad primum dico istam conclusionem, quod conscientia est principaliter in intellectu practico. Et probatur dupliciter. *Vbi sit conscientia.*

Primo sic. Conscientia est quoddam dictamen ordinatum ad opus fugiendum vel prosequendum. Sed tale dictamen spectat ad intellectum practicum.

Secundo sic. Veritas confesse se habens appetitui recto est practica veritas: Sed conscientia est huiusmodi, ergo est practica veritas: sed practica veritas est in intellectu practico, ergo.

Quantum ad secundum dico quod conscientia, ut est quoddam dictamen ordinatum ad opus, potest dici scientia. Et sicut scientia potest accipi, vel pro obiecto

scito, vel pro actu sciendi, vel pro habitu. Ita conscientia accipitur aliquando pro habitu per quem talis actus promptè elicitur.

Quantum ad tertium dicitur, quod conscientia erronea, aut dictat aliquid necessarium ad salutem, quod est directè contra præceptum Dei, aut quod non est contra præceptum Dei, sed est actus indifferens. Si primo modo dicitur, quod tenetur illud facere, quod non credo, puta si conscientia nostra erronea dictat, quod debeamus furari, quia est necessarium ad salutem, non propter hoc debeo furari, quin imo debeo ipsam conscientiam deponere. Si secundo modo dico, quod aut illud debet facere quod dictat conscientia erronea, aut debet illam conscientiam deponere, puta quando conscientia dictaret si non eleuares festucam de terra peccares mortaliter.

*Remordere
est actus vo-
luntatis.*

Ad primum principale dico ad minorem, quod remordere maleficium ostendendo tantummodo spectat ad conscientiam, & est actus intellectus practici. Remordere autem de maleficio dolendo est actus voluntatis.

Ad secundum dico, quod cum conscientia punitur non est aliud, quam quædam disciplina, vel displicentia de peccato commisso causans dolorem in voluntate.

An sinderesis sit in voluntate, vel in affectu?

Scotus secundo sententiarum distinctio. 39.

QVAESTIO I.

Secundo queritur. An sinderesis sit in voluntate, vel in affectu? Et videtur, quod in affectu, quia sinderesis est quædam inclinatio ad bonum, ergo debet poni in illa potentia, quæ habet bonum pro obiecto. Sed talis potentia est voluntas, ergo.

Contra glossa in Ezech. dicit, quod sinderesis est scintilla conscientia. Sed conscientia est intellectu ex que-

sione præcedenti, ergo.

Respondeo, & dico, quod findere sis in creatura rationali est aliquid quo homo naturaliter inclinatur ad bonum, & remurmurat de malo. Ista autem inclinatio potest esse duplex, vel ostensiva boni, & sic est in intellectu practico, quod probatur sicut fuit probata prima conclusio præcedentis quæstionis. Vel est inclinatio determinatè, non tamen quod imponat necessitatem coactionis, & sic est in voluntate. Et per hoc patet ad argumenta.

Quid sit findere sis in creatura rationali.

DISTINCTIO XL.

An omnis actus sit bonus ex fine?

D. Bona. 2. secundo sent. distinctio. 40. q. 1. Art. 1.

Scotus 2. sentent. distinctio. 40. q. 1.

Ricardus secundo sententiarum distinctio. 40. questio. 1.

QVAESTIO I.

POST hæc de actibus. Circa istam distinctionem 40. quæritur, An omnis actus sit bonus ex fine? Videtur quod sic, per August. Opus bonum intentio facit, sed intentio respicit terram finem, ergo.

Contra mendacium c. 3.

vi patet in li.

terra.

Præterea sicut principium in speculabilibus, sic finis in agilibus, sed scilicet in speculabilibus actus intellectus est verus ex principiis, ergo in agilibus actus voluntatis est bonus ex fine.

2. Phys. contra.

Contra. Quia sic omnis actus intendens bonum finem esset bonus, cuius contrarium dicit Augustinus in libro contra mendacium. Respondeo. Actus quantum ad præsens habet duplicem bonitatem scilicet naturalem, & moralem.

Et ponitur in li. 1. c. 3.

De prima bonitate dico, quod actus non est præcisè bonus ex fine. probatur, quia bonum est quod constat ex causa integra, per Dionysium de divinis nominibus, unde sicut ad pulchritudinem corporalem requi-

Cap. 4.

runtur omnia membra pulchra. Ad turpitudinem autē sufficit priuatio vnius membri. Ita ad bonitatem actus requiruntur omnia per se requisita. Actus autem requiritur sufficiens efficiens & obiectum, & finem, & formam, quæ concurrunt tanquam conuenientia ad eū esse, ergo non est præcisè bonus ex ista bonitate, scilicet ex fine.

*De his vide
copiosius 16.
7.4.*

De secunda bonitate, id est, morali, dico eodem modo, quod actus non est bonus moraliter præcisè ex fine. Et huius ratio similis est præcedenti, quia bonum est ex causa integra. Actus autem moralis debet esse elicitus dictamine rectæ rationis, ita quod sit conformis agenti, quod est per se sciens, & respectu debiti obiecti, & cum debitis circumstantiis, puta quando oportet, & sicut oportet, & vbi oportet, huiusmodi ergo bonitas actus moralis non erit præcisè ex fine si non concurrant aliæ causæ prædictæ.

Ad primum in oppositum dico, & concedo quod bona intentio facit bonum opus, si assint omnia requisita.

Ad secundum non est simile de actu voluntatis, & intellectus simpliciter, quia intellectus est potentia naturalis non libera per essentiam, voluntas autem est libera per essentiam, & ideo plus requiritur.

22.0. An omnis actus exterior bona intentione factus sit meritorius?

Petrus Scotellus 2. sent. dist. 40. q. 2.

QVÆSTIO II.

Secundo quæritur. An omnis actus exterior bona intentione factus sit meritorius? Videtur quod sic, quia non potest arbor bona fructum malum facere, per Saluatorem in Matth. Sed bona arbor est bona intentio, ergo non potest malos facere, ergo facit opus bonum, & per consequens meritorium.

Mat. cap.

Præterea non est minoris efficaciam intentio bona,

quàm mala. Sed omnis actus factus mala intentione est demeritorius, ergo omnis actus factus bona intentione est meritorius.

In contrarium patet per philos. secundo ethicorum. Quædam inquit opera sunt quæ confestim nominata tenent extremum vitiosum, & gaudium de malo, adulterium, homicidium, & huiusmodi, ergo quantumcūque fiant illa bona intentione nunquam erunt meritoria opera. Respondeo. Intentio duo potest dicere. Primo motum interiorem voluntatis ordinans actum exteriorem in debitum finem, secundo modo intentio potest dicere finem intentum.

Si primo modo sumatur intentio, sic est principium merendi, & dico quod actus exterior tunc est meritorius cum ille sit ordinatus, & elicitus conformiter recte rationi respectu debiti finis, & habeat principium merendi, & omnia quæ requiruntur ad actum meritorium. Si autem sumatur intentio secundo modo, tunc non omnis actus bona intentione factus est meritorius, quia potest carere bono fine intento, & aliis, quæ requiruntur ad bonitatem actus meritorij.

*Intentio duo
potest dicere.*

Ad primum principale patet, quod accipit intentionem primo modo dictam.

Ad secundum dico, quod plura requiruntur ad hoc, quod actus sit bonus, quam ut sit malus, sicut patet ex quaestione præcedenti. Et ideo licet bona intentio non sit minoris efficaciam, quàm mala, non tamen propter hoc sequitur, si omnis mala intentio sit actus demeritorius, ergo bona actio est meritoria.

DISTINCTIO XLI.

An aliquis actus humanus possit esse indifferens ad bonitatem, vel malitiam?

D. Bona. 2. senten. distinc. 41. q. 3. Artic. 1.

Scotus in 2. sententiarum distinctio 41. quest. 1.

Nn iij

D. Thom. 1. par. quæst. 18. Artic. 9.

Ricardus 2. sent. dist. 40. q. 3.

Durandus secundo sententiarum distinct. 41. q. 3.

QVAESTIO I.



Vmque intentio. Circa istam distinctionem 41. queritur. An possit esse aliquis actus humanus indifferens ad bonitatem, vel malitiam? Videtur quod non: quia inter priuationem, & habitum non est medium. Sed bonum, & malum sunt priuatiue opposita, ergo.

2. Ethic. c. 1.

Præterea habitus generatur ex actibus, ergo si inter actum bonum, & malum, sit aliquis actus indifferens, generabitur etiam habitus indifferens qui non erit nec bonus, nec malus, quod videtur inconueniens.

Præterea sicut verum, & falsum ad actum intellectus, ita bonum, & malum ad actum voluntatis. Sed omnis actus intellectus, aut est verus, aut falsus, ergo.

Præterea bonitas, & malitia in actu sumuntur per conformitatem, & difformitatem ad rationem practicam: Sed omnis ratio practica de necessitate, aut est bona, aut est mala, ergo.

Præterea omnis actus est respectu alicuius finis, sed finis necessario, aut est bonus, aut malus, ergo. Ista ratio est Thomæ.

D. Tho. part.

2. q. 18. art. 9.

Vide D. Bo.

dist. presenti

q. 2. art. 1.

Actus huma-

nus est.

Contra: quia tunc non esset aliquis actus in quo non esset meritum, vel demeritum, sed fricare barbam non habet meritum, ergo haberet demeritum, quod est indifferens, præsentem conueniens.

q. 2. art. 1.

Actus huma-

nus est.

Respondeo, & dico quod actus humanus est duplex, quidam procedens sine deliberatione, quidam cum deliberatione. De actu qui est sine deliberatione non cadit quæstio, quia omnes conueniunt in hoc, quod ille, nec est bonus, nec malus. Cuius ratio est, quia actus non est malus, nec bonus, nisi factus ex electione. Sed actus factus sine deliberatione non est ex electione, ergo.

3. Ethic. cap.

Est ergo quæstio de actu elicitæ cum deliberatione.

Vtrum possit esse aliquis actus talis, & indifferens. Et hic sunt duæ opiniones extremæ. Una dicit quòd non. Cuius rationes sunt quinque positæ in principio questionis. Alia est opinio cui magis assentio, quæ dicit quòd contingit actum dare indifferetem ad bonitatem & malitiam. Vbi notandum, quòd bonitas & malitia in actu prætermittit bonitatem naturalem est duplex. scilicet bonitas, & malitia moralis, & bonitas, & malitia meritoria, & demeritoria. Et sic dico duas conclusiones.

Opinio Seco.

Bonitas duplex est.

Prima est. quòd conuenit dare actum indifferentem ad bonitatem, & malitiam moralem. Cuius ratio est, quia habitus iustitiæ generatur ex operibus iustis non tamen iuste factis. Sed iste actus non est malus moraliter, constat nec bonus moraliter, quia non est ex virtute, ergo. Secunda conclusio est, quòd conuenit dare actum indifferentem ad bonitatem, & malitiam meritoriam, vel demeritoriam. Cuius ratio est: quia actus circumstantionatus ex fine indifferentiæ est indifferens. Sed conuenit aliquem actum ex tali fine esse circumstantionatum, ergo. Minor patet. Cum volo facere, quod mihi placet ex indifferetia finis respectu fricationis barbæ, & eleuationis festucæ de terra.

S. ethic. ca.

Ad primum principale nego minorem quia non sunt priuatiuè opposita bonum & malum circa actum.

Ad secundum concedo, quòd ex similibus actibus indifferentibus potest generari consimilis habitus indifferens.

Ad tertium nego maiorem, sicut patet j. dis. j. quia verum, & falsum diuidunt immediatè actum intellectus, non sic autem bonum, & malum diuidunt actum voluntatis. Ad quartum nego minorem, quia sicut potest poni habitus indifferens inclinans ad actum, ita & ratio practica. Ad vltimum nego minorem sicut patet per rationem positam in secunda conclusione.

DISTINCTIO XLII.

An in cogitatione possit esse peccatum?

D. Bona. 2. sentent. distinc. 41. q. 1. Artic. 1.

Secus 2. sententiarum distinc. 42. q. 1.

D. Thomas 1. secunda q. 75. Artic. 2.

Richardus 2. sentent. distinc. 41. q. 1.

Durandus. 2. sent. dist. 41. q. 2.

QVAESTIO I.

*De duabus
animabus cō-
tra Mani-
chaum.*

CVM autem voluntas. Circa istam distinctio-
nem 42. quæritur. An in cogitatione possit
esse peccatum? Videtur quod non, quia pecca-
tum nunquam est nisi in voluntate, vel in actu
voluntatis, per Augustinum. Sed cogitatio non est vo-
luntas nec actus voluntatis, quia cogitare est actus intel-
lectus, ergo.

*3. de lib. arbis.
cap. 15.*

Præterea peccatum ideo est peccatum quia volun-
tarium, sed cogitatio non est voluntaria, ergo non est
peccatum. Minor patet, quia cogitatio non est in pote-
state nostra, per Augustinum. Nō est inquit in potestate
nostra quibus visis tangamur.

Præterea nullum est peccatum nisi sit primo cognitū,
sed cogitatio non est primo præcognita, ergo. Probatio
minoris, quia vel esset præcognita quando non esset, &
tunc non esset peccatum, vel quando est, & tunc intel-
lectus haberet duos actus simul, quod est contra philof.

Contra Hieronimus super Ezechi. dicit tria esse ge-
nera peccatorum scilicet cogitationum, sermonum, &
operum.

*Quomodo pec-
catum forma-
liter sit in vo-
luntate.*

Respondeo, hic sunt tres articuli per viam conclu-
sionum. Primus quod peccatum formaliter, & primo est
in voluntate, & eius actu. Secundus quod peccatū ma-
terialiter est in cogitatione locutione, & opere, tertius
remouebit vnum dubium circa cogitationem qualiter
in eo possit esse peccatum.

Quantum ad primum probo propositionem positam
sic. Iustitia habitualis, vt distinguitur contra peccatum
originale, & iustitia actualis, vt distinguitur contra pec-
catum actuale est solum formaliter in voluntate, ergo,
& peccatum formaliter primo est in voluntate. Probatio

consequentia, quia habitus, & priuatio sunt circa idem.

Præterea omnis causa actiua alia à voluntate est causa naturaliter causans, sed nulla causa naturaliter causans, vt sic est vituperabilis, sed sola causa libere causans est vituperabilis. Sed huiusmodi est voluntas tantum, ergo sola voluntas est vituperabilis, sed non nisi per peccatū, ergo. Confirmatur per Augustinum dicentem, quod prima causa peccati est voluntas.

3. de libero arbitrio.

Quantum ad secundum probatur propositio posita sic. Voluntas est motor in toto regno animæ, & omnia obediunt sibi, secundum Ans. ergo sicut voluntas causando rectitudinem in suo actu causat in actibus aliarum potentiarum rectitudinē, sic causando in suo actu deformitatem causabit etiam in actibus aliarum potentiarum deformitatem ex eo quod subiacent imperio.

De lib. arb.

Quantum ad tertium quamuis certum sit, quod locutio, & operatio subiacent imperio voluntatis, dubium tamen est de cogitatione quæ non videtur subiacere imperio voluntatis nec imperatur ab ea, & sic videretur alicui, quod non esset in ea peccatum. Quod autem nō imperatur à voluntate probatur primo sic. Ad nihil mouet voluntas nisi sit præcognitum, sed cogitatio non est præcognita, quia tunc esset præcognita per aliam, & quereretur de illa sicut de prima, & sic in infinitum, ergo.

Secundo sic, in causis per se in eadem specie non potest esse circulario. Sed intellectio, siue cogitatio, est per se causa volitionis, ergo voluntas non est per se causa cogitationis.

1. Post. context. 6.

Tertio sic, causa per se sufficiens ad productionem sui effectus non requirit aliam causam, sed perfecta causa cogitationis siue intentionis est memoria, sicut patet in diuinis, ergo non requiritur voluntas.

Respondeo, hic pono istam propositionem, quod necessario oportet aliquam intellectualem cogitationē esse imperatam à voluntate, tum quia voluntas conuertit, & auertit intellectum ab vno intelligibili in aliud, tum quia Augu. dicit 5. de tri. quod voluntas vnit, & copulat intelligentiam proli, tum quia dicit philosophus, quod intelligimus cum volumus. Sed distinguo, quia

5. De tri. c. 15.

3. De anima cont. 60.

est cogitatio prima, & secunda. Prima quidem cogitatio non est in voluntatis potestate, quia aliqua cogitatio naturaliter præcedit omne velle. Et de hoc dicit Augustinus quod non est in potestate nostra quibus visis tangamur.

*3. De libero
arbitrio c. 15.*

*Dubium de
cogitatione.* Remanet ergo dubium de cogitatione secunda quomodo subsit voluntati, cum voluntas non moueat nisi ad præcognitum. Et sunt hic sex modi dicendi. Vnus est, quod sufficit cognitio alicuius obiecti tantum habitualiter noti.

Alius modus est, quod habeatur cognitio illius obiecti in vniuersali, & non in particulari. Contra, tunc intellectio lapidis cum in eo intelligatur substantia corporea sufficeret ad volendum aurum cum hoc intelligatur in vniuersali in substantia corporea.

Tertius modus est, quod sufficit cognitio obiecti remissa, quia cum voluntas remittit obiectum à consideratione vnius obiecti, concurrit consideratio alterius obiecti.

Contra, quia à casu accidit, quod cum est remissio talis actionis, concurrit hoc vel illud obiectum, & sic totum esset casuale.

Quartus modus est ex hoc, quod intellectus habet comparatiuam actionem, & cognoscit vnum correlatiuorum in altero.

Contra, quia non semper est comparatiua cognitio, potest enim vnum obiectum per se cognosci sine alio.

Quintus modus, quod licet in potestate voluntatis non sit cognitio simpliciter, est tamen in eius potestate cognitio discursiua.

Contra, si non est in potestate voluntatis illud sine quo non habetur discursus, nec discursus est in potestate nostra. Sed simpliciter cognitio obiecti non est in potestate nostra, ergo nec discursus.

*6. Est ipsius
Scoti.*

Dico ergo aliter cum sexto modo, quod cum est vna intellectio percepta, & distincta, possunt esse multe imperceptæ, quia non minoris virtutis est intellectus quàm visus. Cum autem est vna visio percepta possunt esse multe imperfectæ, ergo ita poterit esse in intellectu. Tunc autem voluntas potest in illud velle complacere, & fa-

cere intellectum stare circa illius cognitionem, vel cogitationem, & intellectus tunc magis firmabitur, & erit cogitatio intensior, & complacentia voluntatis augetur, & illa cogitatio intensa si non est regulata, dicitur peccatum, & in illa subiectione subiacet imperio voluntatis, potuisset enim voluntas illam suspendere, sicut quilibet in seipso poterit experiri. Et per hoc patet ad rationes quibus probatur, quod cogitatio non est in potestate nostra.

Ad primum principale concedo, quod peccatum non est formaliter nisi in voluntate, materialiter autem potest esse in aliis actibus.

Ad argumenta patet ex dictis in secundo articulo.

An actus parvus exterior, & interior sint
duo peccata, vel vnum?

Petrus Scotellus 2. sent. distin. 42 q. 2.

QVAESTIO II.

SECUNDO queritur sine argumētis. An actus parvus exterior, & interior sint duo peccata, vel vnum? Respondetur, quod de interiori actu voluntatis, & exteriori contingit loqui dupliciter. Vno modo comparando actum exteriorem ad interiorem à quo non causatur. Alio modo à quo causatur. Primo modo non sunt vnum peccatum, secundo modo sic, quia quamuis sint duo actus in esse naturæ, sunt tamen vnum in esse morali, siue ethico, & theologico.

DISTINCTIO XLIII.

An voluntas possit peccare in spiritum sanctum?

D. Bonaventura 2. sent. distinctio. 43. questio 1.

Scotus 2. sententiarum distinctio. 43. questio 1.

Ricardus secundo sententiarum distinctio. 43. q. 2.

Durandus secundo sententiarum distinctio. 43. q. 2.

QVÆSTIO I.

EST præterea quoddam genus peccati. Circa istam distinctionem 43. quæritur. An voluntas possit peccare in spiritum sanctum? Videtur quòd non, quia glosa super illud Ioann. Qui odit me, odit & patrem meum dicit, quòd qui peccat in vnam personam, peccat & in aliam, ergo non specialiter in spiritum sanctum.

Ioann. 15.

Præterea peccatum in spiritum sanctum opponitur charitati, sed peccatum oppositum charitati est odium. Spiritus autem sanctus non potest haberi odio cum in eo non sit ratio mali, ergo.

Præterea omne peccatum est remissibile, peccatum autem in spiritum sanctum non remissibile. In contrarium est Magister in littera.

Responsio, hic sunt quatuor videnda. Primo principale propositum, secundo si peccatum in spiritum sanctum est gravissimum, tertio si est remissibile, quarto quot sunt illius peccati modi.

Auersio duplex.

Quantum ad primum dico, quòd omne peccatum est auersio à Deo. Ista autem auersio potest intelligi, vel habitualis, vel actualis. Si intelligitur habitualis, dico, quòd non potest se auertere quis ab vna persona quin auertatur ab alia, nec peccare in vnam quin peccet in aliam. Si autem sit quæstio, de auersione actuali dicitur, quòd potest esse actualis auersio ab vna, & non ab alia, quia eadem ratio videtur de auersione, & conuersione. Sed potest esse actualis conuersio ad vnam personam, & non ad aliam, ergo. Probatio minoris, tum quia possibile est vti vno articulo fidei respiciente vnam personam non vtendo alio articulo respiciente aliam personam. Si autem distincti articuli respectum personarum, & quælibet persona sic sumpta includit rationem omnis boni, tum quia sunt multi hymni in quibus est actualis intentio respectu vnius personæ tantum, sicut in Veni creator spiritus, &c. & in aliis multis. Tum quia magis distinguitur persona à persona, quam persona ab essentia. Sed si aliquis fidelis consideraret essen-

*Vide Scotum
in I. dist. I.*

tiam non considerando personas inueniret in ea rationem omnis boni, & posset facere reuerentiam actua-lem essentia non faciendo actualiter personam. Sed forte diceres, quod non est simile de persona, & essentia, quia persona dicitur relative ad aliam personam, relatiua autem sunt simul intelligibilia.

Respondco, quod non valet, quia si pater in quantum pater dicatur relative ad filium, non tamen dicitur relative ad spiritum sanctum. Igitur pater intelligi potest in quantum pater non habendo intentionem ad spiritum sanctum. Sed de hoc satis patet.

Quantum ad secundum dico cum Magistro, quod peccatum in spiritum sanctum est grauissimum, tum quia procedit ex certa malitia, quod est maximum peccatum secundum Gregorium, tum quia est contra preceptum primae tabulae, tum quia opponitur actui perfectissimo. *Vide Magistram in 1. distinc. 34. In homilia.*

Quantum ad tertium dico, quod non est illud peccatum irremissibile simpliciter, quia Deus potest illud remittere. Sed dicitur irremissibile: tum quia nullum aliud peccatum directe opponitur diuinae misericordiae sicut illud, tum quia illud peccatum maxime opponitur dispositione remissionis, quae est quaedam displicentia de peccato.

Quantum ad quartum dico, quod sunt sex peccata in spiritum sanctum, scilicet, desperatio, praesumptio, obstinatio, finalis impendementa, inuidia fraternae gratiae, & impugnatio veritatis agnitae. Primum & secundum ponit Augustinus, tertium ponit in Enchiridion, quartum ponit de verbis domini, quintum ponit idem in sermone de verbis domini in more, Sextum idem ponit de unico baptismo. *De fide ad Petrum. Libro 1.*

Ad primum principale concedo, quod qui odit vniam personam actualiter, odit aliam habitualiter.

Ad secundum potest patere ex dictis. Vel potest dici, quod est falsum, quod assumitur, quia propheta ait, de voluntate obstinata. Superbia eorum qui te oderunt ascendit semper. *Psal. 73.*

Ad tertium patet in tertio articulo, quomodo peccatum in spiritum sanctum dicitur irremissibile.

An potentia peccandi sit à Deo?

D. Bona. 2. senten. distinc. 41. q. 1. Artic. 1.

Scotus 2. senten. distin. 42. q. 1.

Richardus 2. senten. distin. 41. q. 1.

Durandus 2. senten. distinc. 41. q. 2.

QVÆSTIO II.

*De lib. arb.
cap. 2. & 3.*

POST prædicta consideratione dignum occurrit. Circa distinctionem 44. & ultimam quæritur. An potentia peccandi sit à Deo? Videtur quod non, quia si potentia peccandi esset à Deo hoc esset quia liberum arbitrium est à Deo. Sed hoc non cogit, quia secundum Ans. posse peccare non est libertas, nec pars libertatis, ergo.

Præterea cuius est potentia eius est & actus, per philosoph. de somno, & vigilia. Sed actus peccandi non est à Deo, ergo nec potentia.

In contrarium est Magister in litera.

*An poten-
tia peccandi
sit à Deo.*

Responsio, potentia peccandi, aut dicit immediatum ordinem, aut fundamentum ordinis ratione cuius dicitur potens. Si primo modo adhuc distinguo: quia iste ordo, aut est ad actum substratum, aut ad deformitatem. Si est ad actum substratum, & iste actus est à Deo, sicut ponit una opinio, concedo etiam quod iste ordo est à Deo. Si autem dicit ordinem ad deformitatem, & illa deformitas sit nihil, & etiam ordo erit nihil, & sic non est à Deo. Si autem ista potentia dicit proximum fundamentum ordinis, concedo quod est à Deo.

*An peccatum
sit à Deo.*

Et per hoc patet ad primum argumentum in contrarium. Accepit enim Ans. posse peccare, ut dicit respectum ad deformitatem. Ad secundum si tenetur opinio, quod omnis actus positivus sit à Deo, patet solutio, quod actus peccati quantum ad substratum est à Deo, quia secundum Apostolum. Ex ipso, & per ipsum, & in ipso sunt omnia, ipsi laus, & gloria in secula seculorum. Amen.

Explicit Liber Secundus.

SACRAE THEO- LOGIÆ PROFESSORIS

F. PETRI DE AQUILA

MIN. CONVENT.

In Tertium librum Sententiarum.

DISTINCTIO I.

Circa distinctionem primam quaeritur.
Vtrum incarnatio sit possibilis?

Seraphicus Bona. 3. senten. distinct. I. q. I.

Secus 3. sent. dist. I. q. I.

D. Thomas 3. parte q. 2. Artic. 3.

Ricardus 3. sen. dist. I. q. I.

Durandus 3. senten. distin. I. q. I.

Ioannes Baconianus 3. sent. distin. I. q. I.

QVÆSTIO II.



V M venerit plenitudo. Circa
terrium librū sentētiarum quæ- *Vide dist. 8.*
ritur I. Vtrum incarnatio sit *primi libri*
possibilis? Videtur, quòd non q. I.
quia actus purus, & infinitus
non est alicui componibilis,
vel vnibilis, sed verbum diui-
num est actus purus, & infinitus,
ergo. Probatio maioris.
Componibile caret perfectio-

ne eius cum quo componitur: sed infinitum non caret
aliqua perfectione, ergo non est alicui componibile.

Præterea plus distant natura creata, & increata, quam *4. Met. com.*
contraria, sed contraria non possunt vniri, vt ponit Ari- *tex. 9.*

stoteles, ergo similiter natura creata, & increata non possunt vniri.

Præterea incarnare est agere, ergo incarnari est pati: sed verbum diuinum non potest pati, ergo similiter non potest incarnari.

Præterea inter vnibilia debet esse proportio: sed finiti ad infinitum nulla est proportio, ergo natura humana, quæ est finita non potest vniri verbo diuino, quod est infinitum.

Præterea vltimo sic. Omnis dependentia terminatur ad aliquid independens, & absolutum, sed verbum diuinum non est absolutum, ergo non potest terminare dependentiam naturæ humanæ ad suppositum, & per consequens non est possibilis incarnatio.

Lucæ 2.

Contra, plus potest Deus facere quam homo potest loqui. Iuxta illud. Apud Deum nō est impossibile omne verbum, sed homo potest dicere Deus est incarnatus, ergo incarnatio est possibilis. In illa quæstione veritas est certa, quia quod filius Dei sit incarnatus est articulus fidei.

Ioan. 1.

Præterea quod est factum est possibile fieri: sed incarnatio est facta. Iuxta illud. Verbum caro factum est, ergo incarnatio est possibilis.

*Varro lib. 3.
q. 1.*

*Vide D. Thomam in 3.
dist. 1 q. 9.*

Oportet ergo insistere in declarando hanc possibilitatem, vbi sunt plures viæ, vel opiniones. Vna opinio dicit sic, quando est vna forma, quæ continet virtualiter formam cui competit aliquis actus: potest ei competere similis actus. Exemplum huius Ignis habet calefacere, & quia sol continet virtualiter formam ignis, ideo sol potest calefacere. Ex hoc arguitur sic. Illud quod continet virtualiter suppositum creatum potest agere vicem suppositi creati, vel humani, sed suppositum diuinum continet virtualiter suppositum creatum, ergo potest gerere vicem suppositi creati, vel humani, sed suppositum humanum sustentat naturam humanam, ergo hoc potest suppositum diuinum, sed ista suppositio est incarnatio, ergo incarnatio est possibilis.

Contra illam viam arguitur dupliciter. Primo sic. Illud quod est ratio continendi per multas perfectiones dicit perfectionem simpliciter, sed suppositum diuinum non dicit

dicat perfectionem simpliciter, ergo non est ratio continendi istas perfectiones, vel multa supposita distincta. Minor probatur, tum quia opinans concedit eam, tum quia si suppositum filij diceret perfectionem simpliciter sequeretur quoddam aliqua perfectio esset in vna persona, quæ non esset in alia.

Secundo sic. Ratio personalitatis ita est proportionata naturæ sicut natura est proportionata personæ, sed non obstante, quod essentia diuina contineat omnem creaturam eminenter, non tamē potest esse essentia formaliter alicuius personæ creatæ, ergo similiter dato, quoddam suppositum diuinum contineat suppositum creatum, adhuc non poterit supplere vicem personalitatis creatæ.

Secunda via declarans possibilitatem incarnationis est ista. Prius potest esse sine suo posteriori, sed singularitas naturæ est prior personalitate, vel supposito, ergo potest separari ab eo, & per consequens ab alio supposito sustentari, & sic fuit in incarnatione, quia natura assumpta fuit absoluta à supposito proprio & suppositata à supposito diuino. Contra hoc obiicitur sic. Prius potest separari a posteriori, sed natura specifica est prior natura singulari, ergo potest esse in effectū aliqua natura specifica, & tamen non singularis, & sic redibit error Platonis. Respondetur, quoddam non est simile, quia singularitas est idem realiter, quod ipsa natura, & ideo non potest fieri natura, quin sit singularis, suppositum autem non est idē realiter, quod natura suppositata.

Sed ista solutio implicat vnum dubium necessario discutiendum, quia ex eius solutione habebunt aliqua conclusiones euidentiam, oportet enim videre quid addit suppositum, vel persona super naturam. Et dicunt aliqui, quod addit præcise negationem dependentiæ, quia si adderet aliquid positium, sequeretur, quod natura humana in Christo esset imperfectior, quam in aliis hominibus, quia in Christo non ponitur natura humana cum illo positio. In aliis autem hominibus ponitur cum illo positio.

*Solutio ista
implicat vñ
dubium.*

Præterea secundum Damas. Quod est in assumptibile lib. 3. c. 27.
est incommunicabile, sed nihil est in natura humana,

quod sit incommunicabile, ergo nihil est in assumptibile, sed suppositum est in assumptibile, ergo non dicit aliquid positivum.

Aliis videtur oppositum, quia si suppositum dicit præcise negationem dependentiæ, sequeretur, quod anima separata sit persona, quia non dependet.

Præterea perfectio simpliciter, non dicit præcise negationem, sed persona dicit perfectionem simpliciter, ergo.

Præterea. Non est incommunicabilis negatio nisi per affirmationem, sed suppositum, vel persona dicit incommunicabilitatem, ergo non dicit præcisam negationem. Potest tamen teneri prima opinio, quod persona dicit negationem dependentiæ, sed est triplex negatio dependentiæ, scilicet negatio dependentiæ actualis, & negatio dependentiæ aptitudinalis, & negatio dependentiæ potentialis, & istæ negationes reperiuntur in personis diuinis, quia nec actu dependent, nec aptè natæ sunt dependere, nec possunt dependere. Duæ autem negationes sufficiunt ad personalitatem in creaturis, & propter defectum negationis dependentiæ actualis natura humana in Christo non est persona, & propter defectum secundæ dependentiæ anima separata non est persona, & per hoc patet solutio primi argumenti primæ opinionis.

*Lib. I. dist.
28. q. 2.*

Ad secundum argumentum patuit. Sufficit enim, quod non dicit imperfectionem, dato, quod non dicat perfectionem sicut innascibilitas in patre non dicit imperfectionem.

Ad tertium concedo, quod sicut aliqua natura est communicabilis per identitatem ut in diuinis, vel per informationem. Ita suppositum est incommunicabile incommunicabilitate opposita huic duplici communicabilitati, quia non est communicabile per identitatem nec per informationem. Et cum dicitur, quod nulla negatio est incommunicabilis de se, verum est ut quo, negatur, ut quid.

Tertia via declarans possibilitatem incarnationis est ista, licet res vnius generis non possit esse alterius, potest tamen habere modum alterius generis sicut accidens quamuis non possit esse res de genere substantiæ, tamen

potest habere modum substantiæ, sicut in sacramento altaris ubi est accidens sine subiecto; ergo sicut accidens potest esse sine subiecto, ita substantia siue natura humana potest induere hunc modum, ut sit in alieno supposito, sic ponitur in incarnatione, scilicet quod natura humana sit in alieno supposito.

Contra probare vnum creditum per aliud creditum non haberetur inde maior euidencia quæsitæ. Sed sicut est credita incarnatio, ita creditum est accidens esse sine subiecto, ergo.

Præterea. Quādo dicitur, quod res vnius generis potest induere modum alterius generis: hoc est falsum de modo proprio illius generis. Accidens enim in eucharistia non induit modum propriū substantiæ, quia modus propriæ substantiæ est non dependere actualiter, vel aptitudinaliter. Accidens autē in eucharistia dependet aptitudinaliter. Nec valet si adducitur illud philosophi, quod differentia substantiæ habet modum qualitatis: quia non intendit ibi philosophus de modo proprio generis qualitatis, sed intendit imponere multiplicitem huius nominis, quale & in voce dicitur per modum qualis.

Quarta via est ista. Quanto res sunt magis distinctæ, & diuersæ, tanto magis vnibiles. Nam indiuidua vnius speciei nō possunt sic vniri sicut res diuersorum generum, sed creatum, & increatum maximè distant, & differunt, ergo possunt adinuicem vniri. Ratio non valet, quia distantia inter extrema vnibilia non est ratio vnionis, sed ratio vnionis inter distantia de quibus ponitur exemplū est possibilitas in vno extremo, & actus in altero, quod in proposito non potest poni, quia nec verbum est actus humanæ naturæ, nec e contrario, & sic lapis, & homo maxime possent facere vnum, & tamen non possunt. Et ideo declaratur ista possibilitas aliter sic. Independens in quantum independens potest terminare dependentiam alterius ad ipsum, quod natum est habere talem terminum, sed suppositum diuinum est independens, & dependentia humanæ naturæ est nata habere personam pro termino, & non naturam, ergo persona diuina independens potest terminare dependentiam naturæ humanæ ad ipsam, & hæc est incarnatio.

Contra Henricum ubi supra.

5. Metaph. contr. 19.

Exemplum.

*Quid sit in-
carnatio.*

Præterea. Quod non repugnat perfectioni nature, vel personæ diuinæ potest poni in ea. Sed incarnatio non repugnat perfectioni diuinæ naturæ, nec personæ, ergo, &c. Minor probatur. Quia illa incarnatio nihil aliud est nisi terminatio dependentiæ naturæ humanæ ad suppositum diuinum, & sic non ponit limitationem, vel compositionem, vel imperfectionem in diuina persona. Quod declaratur sic. Quicquid est perfectionis in creaturis debet attribui Deo amota omni imperfectione, sed sustentare in substantia est perfectionis, informari autem ab accidente est imperfectionis, ergo sublato hoc secundo, primum potest manere in Deo, & sic potest sustentare humanam naturam sine informatione, vel imperfectione.

*Quomodo a-
ctus purus nō
sit compo-
nibilis.*

Ad primum in contrarium cum dicitur, actus purus, & infinitus non est alicui componibilis. Dico quod verum est sicut pars componitur, vel vnitur cum toto, quia tunc caret aliqua perfectione, sed bene est vnibilis. i. potens terminare dependentiam alterius ad ipsum.

Ad secundum dico, quod non est simile de vnione contrariorum, & naturæ creatæ, & increatæ, quia natura creatæ, & increatæ formaliter non repugnant, ideo possunt vniri, contraria vero formaliter repugnant, ideo nō vniantur. Et cum dicis, plus distant natura creatæ, & increatæ, quam contraria, hoc non valet, quia plus distant res diuersorum generum, quam res eiusdem generis, & tamen res diuersorum generum possunt vniri, res autem vnus generis sicut album, & nigrum non possunt vniri.

*An incarnari
sit pati.*

Ad tertium cum dicis. Incarnari est pati, dico quod Priscianus dicit, quod quædam sunt verba, quæ in voce passiuæ signant actionem, vt vniri, quædam quæ in voce actiuæ signant passionem, vt video, & illo modo intelligendum est in proposito, cum dicitur natura diuina humanæ nature vniri, non quod natura diuina aliquid pati-

*Incarnare &
incarnari, se
habent sicut
amare &
amari.*

tur, sed quod natura diuina vnit sibi naturam humanam. Aliter potest dici, quod incarnare, & incarnari habent se sicut amare, & amari, sed amari non est pati, ergo nec incarnari. Scotus vero dicit, quod incarnari non est passiuum ei correspondens, quod est incarnare secundum rem, sed vocaliter tantum, sed passiuum reale sibi

Opinio Sco.

correspondens est assumi, vnde tres incarnant actiue, sed vna sola terminat incarnationem & illa dicitur incarnari, non tamen passiue.

Ad quartum dico, quòd maior est vera si intelligatur de proportionem, quæ attenditur inconuenientia ordinis, si autem intelligatur de proportionem, quæ est commensuratio quantitatis, non est verum. Nunc autem inter creaturam, & Deum est conuenientia ordinis pro eo, quod natura rationalis eo ipso, quòd est imago Dei nata est ordinari ad ipsum immediatè, ideo conceditur proportio, quæ sufficit ad hanc vnionem.

Ad vltimum dico, quòd dependentia potest terminari ad aliquid independens, dato quòd illud non sit absolutum. Et sic est in proposito, quia suppositum verbi est independens.

Vtrum vna persona possit incarnari sine alia?

D. Bona. 3. sent. dist. 1. quest. 2.

Scotus 3. sent. dist. 1. q. 2.

D. Thomas 3. parte q. 3. Artic. 4.

Richardus 3. sent. dist. 1. q. 2.

QVAESTIO II.



ECUNDO quaeritur. Vtrum vna persona possit incarnari sine alia? Videtur quòd nò, quia secundum sanctos opera trinitatis ad extra sunt indiuisa, sed incarnatio est opus trinitatis, ergo.

Præterea maior est vnio ypostatica, quam beatifica, sed in vnione beatifica anima non potest vniri vni personæ, quin vniatur aliis, ergo similiter natura humana nò potest vniri vni personæ, quin vniatur alteri. Contra. Verbum caro factum est, sed verbum est persona filij, Ioan. I. ergo solus filius est incarnatus.

In ista quæstione primo ponam cõclusionem, secundo *Incarnatio comparatur*
conclusionis declarationem.

Quantum ad primum dico, quod incarnatio compa- *ad Deum duobus modis.*
ratur ad Deum, vt ad causam efficiẽtem, vel vt ad causam

terminantem. Si primo modo, quia opera trinitatis sunt indiuisa, dico, quod vna persona non efficit incarnationem sine altera. Si autem loquamur de incarnatione secundo modo, dico, quod non vna persona potuit incarnari, & quia de facto est incarnata sine altera.

*Declaratio
conclusionis.*

Hanc conclusionem declaro dupliciter. Primo sic. Licet tres personæ sint in vna essentia, tamē tres personæ sunt tres substantiæ personales, sed incarnatio terminatur ad substantiam, ergo vna persona potest incarnari sine alia.

Præterea effectus ponitur nullibi nisi per applicationem virtutis suæ causæ, sed incarnatio est effectus trinitatis, & trinitas applicat ad vnā substantiam, vel personam, ergo vna persona potest incarnari sine alia.

Dubium.

Sed occurrit hic dubium, quod illud est ratio terminandi incarnationem per quod continetur suppositum creatum, & per quod natura assumpta est in potentia obedientiali, sed illud est essentia non persona, ergo essentia est ratio terminandi incarnationem, sed eadem essentia in tribus personis, ergo vna persona non potest incarnari sine alia.

*Solutio du-
bii.*

Solutio huius dubij patet ex præcedenti questione. Supponit enim in isto dubio, quod quia terminans incarnationem continet suppositum creatum, ideo potest gerere eius vicem quod est superius improbatum, quia ratio possibilitatis incarnationis, vt visum fuit est quia suppositum diuinum est independens, & independens inquantum independens potest terminare dependentiam alterius ad ipsum, & sic ratio incarnationis non est continentia, vt dubium assumit, sed est independentia.

*Quomodo ope-
ra trinit. sint
indiuisa.*

Ad primum principale, opera trinitatis sunt indiuisa in ratione causæ efficientis, tamen in ratione causæ terminatiue vna potest terminare incarnationē, & nō altera.

Ad secundum non est simile de vnione beatifica, & ypostatica, quia in vnione beatifica terminus formalis vnionis est essentia diuina, quæ est vna in tribus. In vnione autem ypostatica formalis terminus est, proprietatis relatiua, ideo non concludit argumentum, &c.

Vtrum tres personæ possint assumere
eandem naturam numero?

Seraphicus Bonauen. 3. sent. distin. 1. q. 3. Art. 1.

Scorus 3. sententiarum distinctio 1. quaest. 2.

D. Thomas tertia parte q. 3. Artic. 6.

Richardus 3. sent. distinct. 1. q. 4.

Durandus 3. sententiarum distinctio. 1. q. 3.

QVÆSTIO III.

Tertio quæritur. Vtrum tres personæ possint assumere eandem naturam numero? Videtur quod sic, quia natura antequam assumatur ab aliqua persona est à qualibet per se diuissim assumptibilis, ponatur ergo quòd omnes se habeant ad assumptionem huius naturæ, vel ergo omnes assumerent, & habeo propositum, vel nulla assumeret, quod est incōueniens, vel vna assumeret, & altera nō, & hoc nō potest poni, quia nō videtur ratio quare potius, vel prius assumatur ab vna persona quā ab alia.

Præterea Natura humana in Christo antequam assumeretur à filio erat assumptibilis à patre, ergo, & modo est assumptibilis à patre. Probatio consequentiæ Ideo assumptibilis à parte, quia erat in potentia obedientiali, sed ita est nunc ista natura in potentia obedientiali sicut tunc, ergo ita est assumptibilis modo sicut tunc.

Cōtra. Anselmus in libro cur Deus homo dicit, quòd plures personæ eundem hominē assumere nequiuērūt. Cap. 9.

Præterea. Si plures personæ possunt assumere eandem naturam, argueretur per sillogismum expositorium sic. Iste homo est hic pater, iste homo est hic filius, ergo hic pater est hic filius, sed illud est impossibile, ergo, & illud ex quo sequitur.

In ista questione sūt tres articuli, secundū quod circa eā sunt tres opiniones, duæ sūt extremæ, & tertia mediat.

Prima est Bonauenturæ, quòd plures personæ nō possunt assumere eandem naturam numero, quia omnis assumptio terminatur ad aliquam vnitatē, sed si plures personæ assumerent eandem naturā ista assumptio non terminaretur ad aliquā vnitatem, ergo. Probatio minoris. Si ista assumptio terminaretur ad aliquā vnitatē, vel hoc esset in natura assumpta, vel in natura sumēte, sed nō potest in na- Lib. 3. q. 2.

*Quid sit as-
sumere.*

tura assumpta poni, quia assumere est ad se sum ere, & sic natura assumpta debet trahi ad modum naturæ assumptis, & non e conuerso.

Non enim potest poni vnitas ex parte naturæ assumptis in illa assumptione, quia vel hoc esset ex parte essentia, vel ex parte personæ, ex parte essentia, non potest poni, quia natura humana non transfertur in diuinam, nec potest poni ex parte personæ si ponis quod assumatur à pluribus personis.

Præterea. Illud quod conuenit essentia diuinæ propter sui infinitatem non potest competere alicui naturæ creatæ, sed quod essentia sit in pluribus personis conuenit sibi per suam infinitatem, & immensitatem, ergo non potest competere alicui naturæ creatæ, & per consequens nulla natura creata potest assumi à pluribus suppositis.

Præterea, Sustainctificatio actiua ex parte personæ est infinita, sustainctificatio passiua ex parte naturæ est finita, sed quando infinitum sustainctificat finitum, euacuat omnipotentiam finiti, ergo non est potentia in ista natura, vt sustainctificetur ab alio supposito.

Præterea perfectiori modo sustainctificatur natura humana in supposito diuino, quam in supposito humano, sed natura humana sustainctificata, vel suppositata in supposito humano non potest ab alio supposito sustainctificari, ergo &c.

*D. Tho. in 3.
parte 9. 3. art.
6. li. 3. q. 5.*

Alia est opinio Thomæ, quod licet plures personæ non possint assumere eandem ypostasim, bene tamen possunt assumere hanc naturam. Hanc opinionem confirmat Varro tripliciter.

Primo sic. Natura est prior supposito, quia illud est prius, quod potest esse sine altero, sed natura potest esse sine supposito, quia Christus assumpsit naturam. & non suppositum. Tunc arguitur sic. Ad multiplicationem posterioris non necessario ponitur multiplicatio prioris. Sed suppositum est posterius natura, ergo propter multiplicationem suppositi non oportet multiplicare naturam suppositi, & sic non impossibile est eandem naturam in pluribus esse.

Secundo sic. Distinctio relatiua non est causa di-

inctionis in absolutis : Sed distinctio in natura est absolutorum, distinctio autem in suppositis est relatiuorum, ergo propter distinctionem, & multiplicationem suppositorum non oportet ponere distinctionem, & multiplicationem naturæ.

Tertio sic eadem anima potest esse in pluribus partibus corporis naturaliter, & idem corpus in pluribus locis supernaturaliter. Ergo multo magis eadem natura in pluribus suppositis.

Tertia opinio est Scoti, qui dicit. Quia aut ponitur formalis terminus incarnationis essentia, aut proprietas relatiua. Si ponitur, quod essentia sit formalis terminus incarnationis, dicit, quod plures personæ mediante essentia possunt assumere eandem naturam numero. Si autem ponatur, quod formalis terminus incarnationis sit proprietas relatiua siue persona. Tunc est impossibile, quod plures personæ mediante essentia possunt assumere eandem naturam numero. Quod probatur sic. In omni dependentia essentiali vnum dependens præcisè dependet ad vnum quod totaliter terminat eius dependentiam, sed in illa assumptione est dependentia essentialis vnius naturæ, & vna persona totaliter terminat eam, ergo idem non potest hoc modo dependere ad plures personas, & assumi à pluribus personis. Maior probatur. Quia impossibile est idem causatum habere plures causas essentielles vno genere causandi à quibus dependeat. Tunc enim aliquid potest esse ab aliquo, vt à causa quo posito, & remoto nihilominus esset. Minor probatur etiam quia personalitas causata totaliter terminat dependentiam naturæ, & ista stante non possit habere aliam: sed non minus terminat eam personalitas personæ diuinæ, quam personalitas personæ creatæ. Si teneatur ista opinio, quæ verissima est, non oportet respondere ad argumenta primæ opinionis, scilicet Bonauenturæ, quia non sunt contra eam.

Opinio Scoti.

Pulchræ rationes.

*Opinio Scoti.
verissima.*

Ad primum secundæ opinionis dico, quod non oportet quodeunque prius manere indistinctum posita distinctione in posteriori, maxime quando est posterius, quod totaliter terminat dependentiam prioris. Nunc autem sic est suppositum respectu naturæ huma-

Lib 3. q. 2.

*Relatio quæ
faciæ absolu-
tum non faciæ
dist. in eo.*

nz, scilicet suppositum filij. Eodem modo potest dici ad secundum. Vel dicitur, quòd relatio quæ sequitur absolutum non facit distinctionem in eo. Nunè autem supposita diuina si assumerent eandem naturam ista distinctio procederet.

*Infinitas re-
pugnat crea-
ture.*

Ad tertium dico, quòd non est simile. In istis enim exemplis non est formalis repugnantia. Hic autem scilicet, quòd natura creata sit in pluribus suppositis est repugnantia formalis. Tum quia esset infinita, vt deducebat vna ratio primæ opinionis, & infinitas repugnat creature: tum quia essentialis dependentia terminatur ad vnum totale independens.

Ad primum principale dico, quòd tres personæ possunt agere ad assumptionem vnius naturæ effectiuè non autem terminatiuè, quia ad impossibile nulla est potentia. Hoc autem est impossibile, vt dictum est, quòd eadem natura suppositetur à pluribus suppositis.

Ad secundum nego consequentiam, ad probationem cum dicitur, quod ideo est assumptibilis natura, quia est in potentia obedientiali, concedo antequam assumeretur, sed postquam assumpta est ab vno supposito iam reducta est ad actum, & ideo stante illo actu non potest reduci ad alium actum, quemadmodum superficies est in potentia ad albedinem, & nigredinem stante ipsa subalbedine non potest reduci ad actum nigredinis.

Vbi supra.

Ad primum in contrarium dico, quòd Anselmus dicit, quòd plures personæ eundem hominem assumere nequeunt si persona diuina est primus, & formalis terminus incarnationis.

Exemplum.

Ad secundum de sillogismo expositorio dico, quòd sillogismus expositorius, non concludit nisi quando illud quod assumitur verificatur solum de vno, si autem potest verificari de alio tunc non valet. Exemplum huius, vt dicatur sic. Hic motus est actio, hic motus est passio, ergo actio est passio, non valet, quia motus in maiori, & minori verificatur pro eodem, & sic est in proposito ideo non concludit.

DISTINCTIO II.

Circa distinctionem secundam
quæritur.

Vtrum si homo non peccasset Deus in-
carnatus fuisset ?

Alex. Alensis 3. par. q. 2. membro 13.

Scotus 3. sentent. distinction. 7. q. 3. dubio 1. & dist. 32.

D. Thomas 3. parte quest. 1. Articul. 3.

QVAESTIO I.

ET quia in homine tota natura. Circa istam
distinctionem secundam, quæritur primo.
Vtrum si homo non peccasset Deus incar-
natus fuisset ? Videtur, quòd non, quia Apo-
stolus ad Galat. dicit, quòd Deus misit filiū
suum vt eos qui sub lege erant redimeret, sed si non fui-
set, peccatum non fuisset, ergo nec incarnatio. *Cap. 3.*

Præterea Anselmus dicit, quòd ideo Deus factus est
homo, vt homines redimeret, quod facere non poterat
non Deus.

Præterea vbi non est infirmitas, non oportet ponere
medicum, sed si homo non peccasset non fuisset infir-
mitas, ergo non fuisset medicus, sed Deus incarnatus
est noster medicus, igitur. *Lib. de concep-
tione Virgi-
nis.*

Contra Christus est prædestinatus ab eterno secun-
dum Apostolum, peccatum autem est temporale, sed
nullum temporale, est causa æterna, ergo homo si non
peccasset adhuc Deus incarnatus fuisset. *Rom. 1.*

In ista questione sunt duo articuli, secundum quòd
de eo sunt duæ opiniones.

Vna est Thomæ, & multorum sequentiū eum, quòd
si homo non peccasset Deus non fuisset incarnatus, quia
circa factum incarnationis debemus tenere, quod di-
cit scriptura, & doctores Sancti, sed Doctores *D. Thom. 3.
par. q. 1. ar. 3.*

*Cap. 3.
In libro de
verbis domini.
Cap. 1.*

*Lib. de Incar-
natione ver-
bi.*

*Vide D. Bo-
na in 2. sen-
sen. dist. 1. q. 2*

*Scorus in 3.
dist. 7. q. 3.*

Cap. 3.

3. De tri.

Sancti, & scriptura dicunt, quod si homo non peccasset Deus non fuisset incarnatus, ergo. Probatio minoris per Apostolum ad Galathas. Item Aug. dicit, quod si homo non peccasset, Christus in mundum non venisset. Item glosa super prima Epistola ad Timothæum primo dicit sic. Nulla causa veniendi fuit Christo domino nostro nisi peccatores saluos facere, tolle morbos tolle vulnera, nulla est causa medicinæ. Item Anselmus dicit, quæ erat causa incarnationis nisi vt caro, quæ peccauerat redimeretur? Item Leo Papa in sermone. Si homo non peccasset, creator creatura non fuisset factus. Præterea, secundo principaliter sic. Si Deus fuisset incarnatus ante peccatum, aut fuisset propter dignitatem, aut propter necessitatem. Non propter dignitatem, quia nobilior est natura angelica, quam humana, & tamen non assumpsit naturam angelicam. Non etiam propter necessitatem, quia si non fuisset peccatum, nulla fuisset miseria, nec necessitas. Alia est opinio quam teneo. Si homo non peccasset adhuc Deus incarnatus fuisset. Est tamen sciendum, quod de incarnatione possumus loqui dupliciter, vel quantum ad substantiam incarnationis in se, vel quantum ad finem incarnationis qui est redemptio, vnde dico, si homo non peccasset deus incarnatus fuisset, loquendo de substantia incarnationis in se, licet non fuisset incarnatus, vt Redemptor, quod probatur sic. Circa factum incarnationis standum est dictis sanctorum, sed sancti dicunt, quod si homo non peccasset adhuc Deus incarnatus fuisset, ergo. Probatio maioris. Nam glo. Bernardi, super illud Ionæ. Si propter me tempestas hic orta est, dicit quod Diabolus vidit naturam humanam debere assumi a Deo, & ex inuidia excitauit hominem ad peccandum, vt Deus carnem vitio, vel peccato infectam non assumeret, & Augustinus dicit, quod cum multi essent modi redimendi genus humanum, tamen voluit redimere isto modo vt magis alliceret hominem ad sui amorem, sed magis alliciebatur ad sui amorem si fuisset assumptus in statu innocentie.

Tertio sic. Summum bonum in natura humana non debet esse occasionatum, sed incarnatio Dei est summum

bonum in natura humana, ergo non debet esse occasionatum, sed incarnatio fuisset occasionata, si fuisset facta propter peccatum, ergo.

Præterea, homo est compositus ex duplici substantia, scilicet intellectuali, & sensibili, & secundum utranque est beatificabilis, sed non potest secundum partem sensitivam beatificari, in videndo diuinam essentiam, ergo beatificabitur secundum hanc partem videndo Christi humanitatem, ergo, si Deus non fuisset incarnatus, homo non fuisset quantum ad utranque partem beatificabilis, vel perfecte beatus, & hoc est quod dicit Augustinus. Ipse Deus factus est homo, ut totum hominem in se beatificaret, & pascua inueniret intus, & foris, foris pascua in carne Salvatoris, intus in diuinitate Creatoris.

Lib. de spir. s.

Et anima.

Ad primum alterius opinionis dico, quod omnes ille auctoritates, negant Deum non fuisse incarnatum ut Redemptorem, quod concedo, quia si non fuisset peccatum non fuisset redemptio, sed non negant Deum non fuisse incarnatum, loquendo de substantia incarnationis præcise.

Ad secundum dico, quod Deus assumpsit naturam humanam non propter necessitatem miseriæ, quæ ex peccato oritur ut tu arguis, sed propter necessitatem perfectæ beatitudinis, ut ostendebat tertia ratio mea, & pro eo, quod summum bonum in natura humana non debet esse occasionatum, sicut ponit secunda ratio.

Cur Deus assumpserit naturam humanam.

Ad duo principalia patet ex prædictis.

Ad tertium dico, quod non fuisset medicus tollens infirmitatem, sed fuisset medicus præseruans ab infirmitate, & largiens perfectam felicitatem.

Vtrum Deus possit assumere naturam rationalem; quæ non frueretur eo?

Scotus 3. sententiarum distinct. 2. q. 1.

QVAESTIO IN

SECUNDO quæritur. Vtrum Deus possit assumere naturam rationalem, quæ non fruatur eo? Et videtur quod non, quia maior est vnio ypostatica quam sit vnio animæ ad Deum per gratiam in gloria, sed anima non potest vniri Deo per gratiam in gloria, quæ fruatur eo, ergo.

Præterea idem suppositum non potest esse fruens, & non fruens, quia sunt contradictoria, sed suppositum diuinum fruitur, ergo si natura assumpta non frueretur idem suppositum esset fruens, & nõ fruens quod est impossibile, ergo.

Contra, Deus potest assumere naturam irrationalem, quia est in potentia obedientiali, sed ista natura sic assumpta, non frueretur Deo, ergo non sequitur ex vi vnionis, quod natura assumpta fruatur, ergo potest natura humana assumi, & tamen non frui.

In ista quæstione sunt duo articuli secundum duas opiniones.

*Henr. quolib.
6. q. 6.*

Vna dicit, quod non est possibile, quod Deus assumat naturam humanam rationalem, & non fruatur eo, quia vbi est obiectum beatitudinis perfecte præsens & potètia disposita, necessario sequitur fruitio, sed si Deus assumeret naturam rationalem ibi esset obiectum beatitudinis præsens, & potètia disposita, ergo sequitur fruitio. Præterea potètiæ animæ fundantur in essentia animæ, ergo beatitudo animæ redundat in potentiis, sed sic anima assumpta à Deo est beata in essentia, ergo redundat in potentiis, sed beatitudo potentiarum dicitur fruitio, ergo.

*In prohemio
primi libri
met.*

Præterea. Si Deus sic assumeret naturam rationalem, & non frueretur eo, tunc talis natura potest mereri, vel demereri, & per consequens damnari, & sic homo assumptus à Deo ypostatice potest damnari, sed hoc videtur inconueniens.

Præterea actio est suppositi, ergo si Deus assumeret humanam naturam, quæ potest peccare, sequeretur, quod Deus posset peccare, quod videtur omnino absurdum.

Alia opinio est, quod Deus de potentia absoluta posset assumere naturam rationalem, quæ non frueretur eo

quod probatur sic. Primus potest separari à posteriori, sed esse est prius operari, ergo potest separari ab operatione, sed assumptio est ad esse, fruitio autem est operatio, ergo potest esse assumptio naturæ, & non sequi fruitio. Præterea actiones realiter differentes, quæ scilicet non sunt adinuicem connexæ essentialiter possunt per diuinam potentiam separari, sed tales actiones sunt assumptio, & fruitio, patet enim in beatis qui fruuntur Deo, & tamen non assumuntur ad vnitatem ypostaticam, ergo istæ actiones possunt separari, per consequens potest esse assumptio naturæ, & non sequitur fruitio.

Præterea. Si ex vi vnionis necessario sequitur fruitio cum terminus vnionis sit persona, sequitur, quod immediatus terminus fruitionis sit persona, quod falsum est.

Præterea arguunt aliqui sic. Ratio entis est prior ratione boni, sicut subiectum est prius passione, ergo Deus potest manifestare essentiam suam sub ratione entis, non manifestata sub ratione bonitatis, sed essentia beatificat sub ratione bonitatis, ergo, &c. *Opinio aliorum.*

Vltimo sic, si necessario sequitur fruitio in natura assumpta, aut hoc est ratione obiecti, aut ratione potentie. Non ratione obiecti, quia tale obiectum est diuina essentia, quæ nullum actum causat ad extra necessario. Non etiam ratione potentie, quia voluntas non necessitatur respectu vltimi finis etiã clare visi vt probatur. Ex hoc patet ad primum argumentum alterius opinionis cum dicitur vbi est obiectum præsens, & potentia disposita, necessario sequitur fruitio, non valet, quia obiectum non necessario causat, & voluntas non est potentia naturalis, sed libera. Ad secundum concedo eo modo, quo competit essentiæ animæ beatificari, ita redundat in potentiis. Sed essentia non beatificatur, in isto illapsu nisi secundum esse qui non est actus secundus, & ideo non redundat in potentiis fruitio, qui est actus secundus. Ad tertium, & quartum quæ habent eandem difficultatem dicitur dupliciter. Vno modo, quod natura illa assumpta quamuis non frueretur adhuc non peccaret, quia esset confirmata in gratia, sicut beata virgo, quæ fuit

Lib. 2. dist. 24

*Solutio prima
est melior.*

confirmata in gratia, & nunquam peccauit. Aliter dicitur, quod sicut Deus per communem illapsus est in rebus deformatis, & tamen ipse in nullo deformatur. Sic Deus per istum illapsus specialem esset in natura deformata, & tamen nulla esset deformatio in eo, sicut Deus immortalis assumpsit naturam mortalem. Puto tamen, quod prima solutio sit melior. Ad primum principale dico, quod non valet, quia istae duae vniones qua anima vnitur Deo per gratiam, & qua natura vnitur Deo ypo statice, non sunt eiusdem rationis, & ideo non sequitur in ista vnione est fruitio, ergo in ista.

Ad vltimum dicitur, quod contradictoria non possunt dici de eodem secundum idem, sed secundum diuersa possunt dici, & sic est in proposito, quia illud suppositum non est fruens, & non fruens, secundum idem, sed secundum diuersas naturas. Diceretur enim fruens secundum diuinam naturam, & non fruens secundum assumptam, id est, natura assumpta esset non fruens.

Vtrum Deus possit assumere naturam irrationalem?

Scotus 3. sent. distinct. 2. q. 1.

QVAESTIO III.

ERTIO quaeritur. Vtrum Deus possit assumere naturam irrationalem? Videtur quod non, quia quanto aliqua natura est nobilior tanto est in potentia ad nobiliorem perfectionem, sed natura rationalis est nobilissima creaturarum, ergo est in potentia ad nobilissimam perfectionem. Sed nobilissimum, quod ponitur in natura rationali est, quod sit vnita Deo, ergo hoc non competit naturae irrationali.

Præterea maior vnio requirit maiorem dispositionem, sed ista assumptio est maxima vnio, ergo requirit maximam dispositionem. Sed ista dispositio fit per gratiam cuius natura irrationalis non est capax, ergo non potest assumi.

Præterea,

Præterea. Impossibile est quòd aliquid insit alicui nisi habeat appetitum ad illud, sed natura irrationalis nō habet appetitum ad illam assumptionem, ergo probatio minoris, quia ille appetitus esset frustra cum nunquam sit reducturus ad actum.

Contra Augustinus contra Volusianum, in rebus mirabilibus tota ratio facti est potentia facientis, sed Deus est potentia infinita, ergo.

Præterea Deus potuit assumere naturam rationalem, quia est in potentia obedientiali natura irrationalis, ergo potuit assumi.

In ista quæstione sunt duo articuli secundum duas opiniones.

Vna dicit, quòd Deus non potest assumere naturam irrationalem, quia quod implicat contradictionem non est à deo factibile. Vnde 6. Ethicorum dicitur, quòd hoc solo priuatur Deus ingenta facere, quæ facta sunt. Sed ista assumptio implicat contradictionem, ergo &c. Probatio minoris, quia natura irrationalis assumpta esset personata, & non personata, quæ contradicunt. Esset enim personata, quia ista assumptio esset ad suppositum diuinum, in Deo autem persona & suppositum sunt idem realiter. Esset etiam non personata, quia persona est intellectualis naturæ indiuidua subsistentia. Nunc autem natura irrationalis non est intellectualis.

Vide Henricum, ubi supra.

Cap. 3.

Quid sit persona.

Præterea in omni creatura essentia, & potentia proportionantur, ergo sicut essentia assumitur ad vnionem, ita potentia assumitur ad fruitionem. Sed potentia naturæ irrationalis non potest assumi ad fruitionem, ergo nec eius essentia ad vnionem.

Præterea cui repugnat, quòd est minus, repugnat quòd est maius, sed vnio beatifica, quæ est minor vnione ypostatica repugnat naturæ irrationali, ergo, & vnitas ypostatica, & per consequens non potest assumi.

Præterea propter communicationem idiomatum dicimus, quòd Deus est homo, & homo est Deus, & hæc communicatio idiomatum est, quia duæ naturæ sunt in eodem supposito. Sed si Deus assumeret naturam irrationalem, puta lapidem, duæ naturæ essent in eodē supposito, & posset dici, Deus est lapis, & lapis est Deus,

*In libro de spi-
ritu & ani-
ma.*

quod videtur inconueniens. Præterea Augustin. di-
cit, quòd Deus assumpsit hominem, quia est ad imagi-
nem Dei, sed natura irrationalis non est ad imaginem
Dei, ergo non potest assumi.

*In I. q. huius
tertij.*

Alia opinio est, quam teneo, quod deus posset na-
turam irrationale assumere, hòc probatur. Quod con-
tinet perfectionem suppositi creati potest supplere vicè
illius. Sed suppositum diuinum continet perfectionem
cuiuslibet suppositi creati, ergo potest supplere vicem
suppositi leonis, & assumere leonem. Sed hæc ratio pa-
rum valet vt ostensum est supra. Ideo probatur aliter sic.
Si Deus non posset assumere naturam irrationalem, aut
hoc esset ex parte Dei, aut ex parte creaturæ. Sed non ex
parte Dei, tum quia independens potest terminare de-
pendentiam alterius ad ipsum, tum quia ex hoc nulla po-
nitur imperfectio in Deo vt ostensum est supra, non etiã
ex parte creaturæ, quia illa quæ habent vniformem mo-
dum viuendi, & dependendi possunt eodem modo as-
sumi. Sed natura rationalis, & irrationalis habent simile
modum dependendi, & rationalis potest assumi, ergo, &
irrationalis.

Lib. 3. c. 26.

vel 73. totius.

Præterea corpus mortuum non est natura rationalis,
sed in triduo corpus Christi fuit vere mortuum, & tamẽ
vere vnitum Deo, quia secundum Damascenum, quod
semel assumpsit nunquam dimisit, ergo non repugnat
Deo vniri naturæ irrationali.

Ad primum alterius opinionis negetur minor, & cum
dicitur, personatum, & non personarum contradicunt.
Dico, quòd verum est si vniformiter accipiantur. Sed si
in proposito natura sic assumpta diceretur personata, &
non personata, diceretur quidem personata extranee,
sed non personata intranee, & ista non contradicunt.

Ad secundum concedo, quòd essentia & potentia
proportionantur, & cum dicitur essentia non potest as-
sumi ad vnionem nisi potentia assumatur ad fruitio-
nem, ista potest negari vt patet ex præcedenti quæ-
stione.

Aliter ad argumentum dico, quòd propositio tunc
habet veritatem quando potentia assumpta est apta nata
frui. Potentia autem irrationalis naturæ non est apta

nata frui, igitur. Ad tertium concedo, quòd cui repugnat minus eidem, repugnat maius si sunt eiuidem rationis, sed illę vniones non sunt eiuidem rationis. Ideo non sequitur, naturę irrationali repugnat vnio beatifica, ergo & ypostatica.

Ad quartum dicunt aliqui, quòd sicut dicitur Deus homo, & homo Deus, propter cōmunicationem idiomatum. Ita si Deus assumeret lapidem deus diceretur lapis, & lapis Deus, quia ita essent hic duę naturę in eodem supposito sicut ibi. *Opinio aliorum.*

Alij dicunt, quòd non oportet, quia Deus in triduo vniebatur corpori mortuo, & tamen non dicebatur, Deus est corpus, & corpus est Deus, accipiatur solutio, quę plus placet. *Opinio aliorum.*

Ad vltimum Augustini dico quòd Augustinus loquitur de congruo, quia congruentius est, quòd Deus assumat naturam rationalem quam irrationalem, sed non negat per hoc a Deo potentiam assumendi quamcunque naturam.

Ad primum principale dico, quòd quanto aliqua natura est perfectior, tanto est in potentia ad nobiliorem perfectionem loquendo de potentia naturali, sed hoc non obstante natura irrationalis est per potentiam obedientialem, in potentia ad istam perfectionem.

Ad secundum dico, quod vnio per inhęrentiam requirit dispositionem, & maior vnio maiorem dispositionem. Ista autem vnio, quę est naturę assumptę ad Deum non est per inhęrentiam, sed per quenda illapsum specialem.

Ad tertium dico, & ad maiorem, quòd ipsa est vera de eo quod inest per potentiam naturalem.

Aliter potest dici ad maiorem, quòd natura habet appetitum ad omne id quod potest terminare eius dependentiam, & quia suppositum diuinum potest terminare dependentiam cuiuslibet naturę, ideo quęlibet natura si est supposito priuata haberet appetitum ad ipsam. Et cū dicitur, quòd talis appetitus est frustra. Nego istud quia quamuis non sit reductus ad actum est tamen reducibilis.

DISTINCTIO III.

Circa distinctionem tertiam quaeritur

Vtrum virgo fuerit concepta in peccato originali?

Seraphicus Bonavent. 3. sentent. distinct. 3. q. 2. Art. 1.

Scotus 2. sententiarum distinctio. 3. q. 1.

D. Thomas tertia parte quaestio 27. Artic. 2.

Ricardus tertio sententiarum distinct. 3. quaest. 3.

Durandus tertio sententiarum dist. 3. q. 4.

QVAESTIO I.



VAERITVR consequenter de incarnatione verbi. Circa istam dist. 3. quaeritur primo. Vtrum virgo beata fuerit concepta in peccato originali? Videtur, quòd sic, quia ille qui est filius Adæ secundum rationem seminalem habet peccatum originale, sed virgo beata fuit filia Adæ secundum rationem seminalem ergo.

Cap. 1. 48. Præterea Dam. dicit quòd spiritus sanctus purgavit eam, sed purgatio est à peccato, ergo habuit peccatum, sed non habuit peccatum actuale, ergo habuit originale.

Contra, Augustinus lib. de natura, & gratia cum de peccatis agitur nullam volo de Maria facere mentionem.

Cap. 18. Præterea Anselmus de conceptu Virginis. Decuit ut mater Dei ea puritate niteret qua maior sub Deo nequit intelligi, sed pura innocentia potest sub Deo esse, ergo habuit puram innocentiam. Sed pura innocentia excludit peccatum originale, ergo non habuit peccatum originale.

Lib. 2. dist. 3. In ista quaestione est videndum quid sit peccatum originale, sed hoc patet lib. 2. quare ibi.

D. Thom. 3. par. q. 27. art. 2. Insistendo igitur circa quaestionem propositam sunt de ea duæ opiniones. Vna dicit, quòd habuit pecca-

tum originale, quod probatur sic. Primo auctoritatibus, dicit enim Augustinus de fide ad Petrum. Firmissime tene, & nullatenus dubites omnem qui per concubitum maris, & foemina nascitur, cum originali peccato nasci. Item Anselmus in li. Cur Deus homo. Virgo ipsa in iniquitatibus concepta est, & peccatis concepit eam mater sua. Item Leo in sermone de Natiuitate Domini. Sicut à reatu nullum liberum repperit, ita curandis omnibus venit. Item Bernardus in Epistola ad Lugdunenses dicit, quòd habuit peccatum originale & reprehendit eos de celebratione conceptionis Virginis. Item de cōsecrat. dist. 3. in glosa. Conceptio non est celebranda, quia concepta est in originali peccato.

Cap. 23.

Cap. 16.

Cap. 21.

Præterea. Arguitur per rationes quarum prima est Bernardi in Epistola ad Lugdunenses. Si non habuit peccatum originale, aut sanctificata fuit ante conceptum, aut in conceptu, non ante conceptum, quia nondum erat, nec in conceptu, quia in conceptu fuit libido.

Præterea. Christus est vniuersalis redemptor omnium, sed si virgo beata non habuisset originale peccatum, tunc non indiguisset redemptore.

Præterea. Si non habuit originale peccatum ianua cœli erat sibi aperta, ergo si fuisset mortua ante Passionem Christi, iuisset ad vitam eternam.

Præterea ipsa fuit propagata communi lege, & eius corpus fuit conceptum secundum rationem seminalem, sed omne tale habet originale, ergo.

Vltimo sic, ex effectu arguitur causa, ergo ubi est poena peccati ibi est peccatum, sed in Virgine erat poena peccati originalis, puta mors, ergo in ea fuit peccatum originale, igitur.

Alia opinio dicit, quòd non est concepta in originali peccato. Ad cuius euidentiam aliqui notant, quòd conceptio est duplex, scilicet conceptio seminum, & conceptio naturarum. Conceptio seminum est, quando semina concurrunt. Sed conceptio naturarum est quando anima creatur, & infunditur corpori. Peccatum autem originale, non ponitur præcise in conceptione seminum, quia res irrationalis non est subiectum peccati. Peccatum autem originale ponitur in conceptione naturarum.

quia cum anima infunditur corpori infecto, inficitur & ipsa, & isto modo probatur, quod virgo non fuit concepta in originali peccato, quod probatur. Primo per Augustinum li. de natura & gratia, sicut allegatum est supra. Item per Anselmum de conceptu Virginis. Decuit vt ea puritate niteret qua maior iub Deo nequit intelligi. Item Linconienf. dicit, & clare, quod non habuit originale. Idem dicit Anselmus in quodam libello quem specialiter fecit de illa materia, & hoc idem dicit Richardus de sancto Victore in sermone de conceptione.

Cap. 3.

Cap. 18.

*Rationibus
arguitur.*

Præterea arguitur per rationes sic. Filius debet exhibere matri omnem honorem sibi possibilem, sed possibile est esse Virginem sine originali, ergo. Probatio minoris, pro eodem instanti pro quo anima est susceptiua culpæ, est etiam susceptiua gratiæ, sed pro primo instanti creationis, & infusionis anima est susceptiua culpæ, ergo, & gratiæ. Sed anima habens gratiam nō habet originale, ergo potuit præseruari ab originali.

Præterea Christus immediatius videtur fuisse reparator ab originali, quam actuali culpa, quia necessitas incarnationis, & passionis communiter assignatur ex peccato originali, sed Deus præseruauit Virginem a peccato actuali, ergo præseruauit eam a peccato originali.

Præterea, si non habuit minus peccatum in genere, scilicet veniale, nec maius, scilicet originale cui debetur poena æterna, alteri temporalis.

Præterea dicit Saluator. Inter natos mulierum, &c. Aut ibi Christus loquitur de non peccante, aut resurgente a peccato. Si primū falsum est, quia Maria maior est Ioāne Baptista. Si secundum, scilicet de resurgente, & beata Virgo fuisset in peccato, & resurrexisset, ipsa iterum nō fuisset maior Ioanne quod non dicitur, quia secundum Augustinum de natura & gratia, ipsa præseruata fuit a culpa actuali, & veniali.

Matth. c. II.

Cap. 3.

Ad auctoritates autem, quæ adducuntur pro alia opinione. Respondetur sic, quod quilibet filius Adæ naturalis est debitor iustitiæ originalis, & si caret ea in se vel in aliquo æquiualentem, sicut est gratia, habet peccatum originale, & quilibet quantum est de se contraheret

originale peccatum nisi præsaueretur a Deo, & sic beata virgo contraxisset originale peccatum nisi fuisset priuilegiata, & sic intelligunt sancti vbique, quia virgo fuit præsauerata ex speciali priuilegio, ideo non habuit originale peccatum. Sed responderetur ad quamlibet auctoritatem per se.

Ad primam Augustini concedo, quod quilibet habet originale quantum ex parte parentum, sed in se non oportet si præsaueretur a Deo.

Ad secundum dicitur, quod Anselmus non dicit id asserendo, sed ex quadam suppositione discipuli, quod si virgo esset concepta in peccato, adhuc caro Christi fuisset munda. Vel dicitur, quod tunc Anselmus fuit illius opinionis, tamen postmodum per miraculum informatus oppositum tenuit, vt patet in Epistola quam scripsit ad Episcopos Angliæ vbi dicit. Non credo eum esse verum amatorem Virginis, qui respuit celebrare festum conceptionis.

Ad tertium dicitur, quod communis modus sanctorum est cum loquuntur in communi de aliqua materia non excludere aliquem dato, quod de facto sit exclusus, & quia Leo loquebatur in communi, ideo non fecit mentionem specialem de Virgine, quamuis ipsa sit exclusa à reatu.

Ad quartum, ad Bernardum dicitur, quod suum dictum non asseruit quia correctioni Domini Papæ illam Epistolam supponit. Aliter dicit quidam doctor, scilicet, Varro, quod Bernardus retractauit post mortem apparens cuidam monacha Clareuallis, apparens enim ei fulgidus, & lucidus apparuit vna macula in eius pectore, quam dixit se habere pro eo, quod dixit Virginem esse conceptam in originali peccato. Et si illa responsio non placet, negandus est in hoc, nec derogat sanctitati eius, quia non semper sancti à spiritu sancto locuti sunt, propter quod Hieronymus, Augustinus, Cyprianus sibi contradicunt in his, quæ non sunt simpliciter contra fidem.

Ad illud decreti dicitur, quod non est textus, sed apparatus, quando autem apparatus est contra sanctos non debemus eum tenere.

*Quere Var-
ronem hic.*

Ad primam rationem dico, quod ratio bene concludit de conceptione seminum, & non de conceptione naturarum, sicut declaratum est in principio huius opinionis.

Quomodo virgo Maria indigni redemptore.

Ad secundum cum dicitur, quod non indigni redemptore, dico quod falsum est, imo maxime ipsa indigni redemptore, quia ipsa contraxisset originale nisi fuisset Deus mediator præueniens, & præseruans ipsam.

Ad aliud dicunt aliqui, quod non est inconueniens, quod Christus suæ Matri tantam gratiam contulerit, quod si mortua fuisset ante Passionem iuisset ad cælum.

Aliter dicitur, quod consequentia non valet, quia illud erat decretum diuinum, quod nullus ingrederetur cælum ante Passionem Christi. Nam antiqui patres, qui erant in limbo, non habebant originale peccatum: imo habebant gratiam Dei, & tamen eis non erat ianua cæli aperta.

Ad quartum dicatur sicut ad rationem Bernardi.

Ad vltimum dico, quod mors non est pœna peccati. Si enim fieret vnus homo in puris naturalibus, & non haberet peccatum originale adhuc esset mortalis, & hoc patet de Christo, qui nullum habuit peccatum, & tamen fuit mortalis.

Ad primum principale patet ex prædictis.

Ad secundum dico, quod Maria non fuit purgata per amotionem maculæ, sed quia fuit præseruata, & ei gratia infusa. Vnde Damasc. dicit eam purgatam non a peccato quod infuit, sed a peccato, quod infuisset, sicut matrimonium excusat à peccato, non quidem à peccato, quod insit, sed à peccato, quod inesset si non esset matrimonium.

Cap. 10.

Vtrum corpus Christi fuerit formatum subito vel in instanti?

D. Bona. 3. senten. distinc. 4. q. 2.

Scotus 3. senten. distin. 2. q. 3.

D. Thom. 3. par. quæst. 2. Artic. 4.

Richardus 3. senten. distin. 2. q. 4.

QVÆSTIO II.

SECUNDO quæritur. Vtrum corpus Christi fuerit formatum subito, vel in instanti? Videtur, quod non, quia quando ex vno figurato fit aliud figuratum hoc non fit nisi per motum. Sed alia est figura carnis, alia figura sanguinis, & corpus Christi fiebat ex sanguinibus Virginis, ergo per motum, sed motus non fit in instanti, ergo formatio illa non fuit in instanti.

Præterea glosa Chrysostomi in Epistola ad Hebræos dicit, quod Christus debuit per omnia fratribus assimilari in eo, quod natus, & educatus. Sed corpus aliorum non formatur in instanti, ergo.

In contrarium est Damasc. qui ponit illam carnem subito formatam. Lib. 3.

In ista questione sunt duo videnda. Primo de formatione corporis humani in generali, secundo de formatione Christi in speciali.

Circa primum adhuc duo sunt videnda. Primo in quanto tempore formatur fœtus. Secundo quæ membra primo formantur, & hæc li. 2. quære.

Lib. 2. dist.

22. ars. 2.

De principali dico duas conclusiones. Primo, quod corpus Christi potuit formari in instanti. Secundo quod de facto fuit formatum in instanti.

Prima conclusio probatur. Illa formatio fuit facta cooperatione spiritus sancti, sed spiritus sanctus habet potentiam infinitam, virtus autem infinita potest operari in instanti, ergo illa formatio potuit fieri in instanti.

Secunda conclusio probatur sic, per Gregorium 18. Moralium. Nunciante inquit Angelo, & adueniente spiritu sancto verbum in vtero mox fit caro. Idem Damasc. dicit, quod simul caro simul Dei caro simul caro animata. Item Linconien. 2. de diuinis nominibus dicit illud corpus formatum est in termino indiuisibili, idest in instanti.

Cap. 5.

Lib. 3.

Ad argumentum in contrarium dicitur, quod maior est falsitas etiam de agente naturali, quia si esset aqua in vno vase quadrato, & generaretur ex eo ignis, illa gene-

Pulchrum exemplum.

ratio esset instantanea, & in instanti, & ex vno figurato fieret aliud figuratum, quia aqua habens figuram quadratam transmutaretur in ignem, quia habet figuram sphericam. Aliter dicitur, quod maior non est vera de agente, quod habet potentiam infinitam. Nunc autem spiritus sanctus habet potentiam infinitam.

Ad secundum dico, quod debuit per omnia fratribus assimilari in eo, quod habuit corpus verum, & veram animam, sed non quantum ad modum formationis corporis.

DISTINCTIO IIII.

Circa distinctionem quartam quaeritur.
Vtrum virgo beata fuerit aliquid cooperata
actiue in conceptione filij?

Seraphicus Bona. 3. sent. distinct. 4. q. 3. Art. 1.

Scotus 3. sent. dist. 4. q. 1.

D. Thomas 3. parte q. 32. Artic. 4.

Ricardus 3. sen. dist. 4. q. 1. et 2.

Durandus 3. senten. distin. 4. q. 2.

Ioannes Baconianus 3. sent. distin. 4. q. 1.

QVÆSTIO I.

QU M vero incarnatio. Circa istam distinctionem quartam quaeritur primo. Vtrum Virgo Beata fuerit aliquid cooperata actiue in conceptione filij sui? Videtur quod non, quia principia naturalia sunt per se distincta, sed mas, & foemina sunt principia naturalia, ergo sunt per se distincta. Sed mas est principium mere actiuum, ergo mulier est principium mere passiuum.

Præterea virtus finita non operatur in instanti, sed virgo habet virtutem finitam, & illud corpus formabatur in instanti, ergo, &c.

Præterea principium actiuum in Maria est ratio seminalis, sed Christus non est conceptus secundum rationem seminale, ergo Virgo Beata non se habuit actiue in ipsa conceptione.

Contra, violentum est cuius principium est extra non conferens vim passio, ergo si virgo se non habuit actiue in illa conceptione, sequitur, quod conceptio filij sui fuerit violenta, & per consequens non fuit vera mater eius quod est hæreticum dicere.

In ista quæstione sunt duo videnda. Primo principale quælitum. Secundo si Virgo Maria est Dei genitrix appellanda.

Circa primum sunt tres opiniones. Vna est D. Thomæ, quod Virgo Maria tantum materiam ministravit, & non se habuit actiue in conceptione filij sui, & probatur sic. Virgo Maria habuit tantum illam potentiam in illa conceptione qua esse potuit mater, & non qua potuit esse pater. Sed patri competit potentia actiua, matri autem potentia passiuæ tantum, ergo. Minorem non probat ipse. sed probatur ab aliis sic. Aristot. 1. 5. de animalibus dicit, quod virtus patris assimilatur arti, Matris vero ligno, igitur. Item Auicenna nono de animalibus reprehendit Galenum, qui ponebat in spermate fœmineo vim actiuam, & dicit quod in hoc ignorauit Galenus radicem scientiæ naturalis. Item dicit Auerrois, & facit talem rationem. Si in spermate fœmineo esset vis actiua ad formationem fœtus, tunc mulier potest concipere sine viro, quod est falsum, consequentia probatur. Agens debile potest inducere suam formam in materia bene disposita. Sed sanguis menstruus, & mulier sunt bene disposita, ergo quatumcunque illa vis esset debilis mulier posset concipere.

3. Ethic. 1.

D. Thom. 3.

part. q. 32.

ar. 4.

Pro hoc vide

Auer. 5. met.

com. 1.

Rationes

Auerrois.

Secunda opinio est quod virgo non solum materiam ministravit, sed etiam actiue se habuit in conceptione filij sui, quia virgo habuit illam potentiam per quam mulier est mater. Sed mater habet potentiam actiuam respectu prolis, ergo minor probatur per rationes Galeni.

Primo sic, quod ex se inspissatur habet vim actiuam. Sed sperma fœmineum ex se inspissatur, ergo habet vim actiuam, assumptum, probatur per vnā experientiam de muliere quæ pariebatur suffocationem matricis, & tamen non utebatur viro, & hoc non erat nisi, quia sperma fuerit inspissatum in matrice.

Exemplum

de muliere.

Secundo sic, matrix habet vim retinendi sperma proprium, tunc quæro ad quid retinet, quia aut propter materiam foetus, & hoc non, quia illa materia ponitur menstruum, aut retinet propter vim actiuam, & habetur propositum.

Præterea Scotus probat idem tripliciter sic. Primo. Formæ eiusdem speciei habent potentiam eiusdem speciei. Sed mas, & fœmina sunt formæ eiusdem speciei, per philosophum, ergo habent potentiam eiusdem speciei. Sed mas habet potentiam actiuam respectu foetus, ergo & mulier.

10. Met. con.
25.

Secundo sic, pater diligit filium suum sicut opus suum per philosophum. Sed naturaliter plus diligit mater filium suum quam pater, ergo est opus suum.

8. Eth. c. 12.

Tertio sic, agens intendit sibi assimilare passum, sed filius pluries assimilatur matri, quam patri, ergo mater se habet actiue circa conceptionem filij.

3. Sent. dist. 4
q. 2.

Contra est opinio Doctoris venerabilis D. Bonaventuræ, quod Virgo beata habuit virtutē diuinitus sibi datā per quam administraret materiam illius conceptionis, materiam inquam, quæ non solum habuit rationem materiæ seu potentiæ passiuæ, sed etiam sufficientiam, & virtutem ad proles productionem. Ex his opinionibus accipiatur quæ plus placet. Inter omnes autem tertia videtur mihi rationabilior.

Lib. 3. c. 3.

De secundo principali dico, quod Virgo Maria est mater, & Dei genitrix appellanda sicut patet per Damas. Dei inquit genitricem sanctam Virginem prædicamus.

Cap. 1.

Præterea ipsa habuit omnia, quæ requiruntur ad veram matrem, quia concepit, & peperit. Iuxta illud Lucæ. Ecce concipies, & paries filium.

Præterea propter communicationem idiomatum quæcumque dicuntur de illo homine dicuntur de Deo. Sed de isto homine dicitur, quod est filius Virginis, ergo Deus est filius Virginis, & per consequens Maria est mater Dei.

Præterea, sicut se habet filius Dei ad Virginem matrem, sic filius hominis ad Deum patrem. Sed Christus est filius Dei patris, ergo filius Dei est filius Virginis matris.

Ad primum principale dicitur, quod principia naturalia non sunt distincta per hoc in proposito, quod vnum dicatur mere actiuum, alterum mere passiuum. Sed per hoc, quod vnum est actiuum principalius sicut pater, aliud minus principale sicut mater.

Ad aliud dicitur, quod virtus finita potest agere in instanti si sunt remota omnia impedimenta à principio passiuo. Nam propter indispositionem principij passiuus agens agit in tempore.

Ad tertium dicitur, quod non valet, illud est principium actiuum, ergo producit secundum rationem seminalem; quia principium actiuum, in plus se habet quam ratio seminalis.

Vtrum Christus possit dici filius
spiritus sancti?

Seraphicus Bonauent. 3. sent. dist. 4. q. 2.

QVAESTIO II.

SECUNDO quaeritur. Vtrum Christus possit dici filius spiritus sancti? Videtur quod sic, quia pater dicitur pater per hoc, quod producit filium ad esse, sed spiritus sanctus produxit Christum ad esse perfectius quam pater carnalis producat filium suum, ergo spiritus sanctus est pater Christi.

Præterea conceptionem filij perfectius operatur spiritus sanctus quā Beata Virgo, sed Virgo est mater Christi, ergo spiritus sanctus est pater Christi. In contrarium est Magister in litera. Ad hanc quaestionem breuiter respondeo, & dico, quod ista est falsa locutio: spiritus sanctus est pater Christi, quia ista filiatio, & paternitas aut recipiuntur ratione naturæ, aut ratione suppositi Christi, spiritus sanctus non dicitur pater Christi ratione naturæ, nec ratione suppositi, ergo. Probatio minoris, scilicet quod spiritus sanctus non sit pater Christi ratione naturæ, quia pater, & filius debent habere ean-

*Vide D. Bon.
in 3. sent. dist.
4. q. 2.*

dem naturam, sed Christus, & Spiritus sanctus non habent eandem naturam, dico humanam, non diuinam, quia de humana loquimur, ergo Christus non est filius spiritus sancti ratione naturæ.

Li. I. dist. II. Probo quod non sit filius ratione suppositi quia spiritus sanctus potius est à filio quam econuerso, sicut declaratum est superius.

Ad primum principale dico, quod pater est pater, quia producit filium ad esse, ita quod est idem esse in patre, & filio. Nunc autem in Christo, & spiritu sancto non est idem esse humanum, vel eadem natura humana. Et per hoc patet ad secundum. Nam Virgo fuit vera mater Christi, quia ipsum concepit, & humanam naturam in specie cum eo habet, quod non habet spiritus sanctus.

DISTINCTIO V.

Circa distinctionem quintam queritur.

Vtrum natura diuina assumpserit, vel assumere potuit naturam humanam?

Seraphicus Bona. 3. sent. dist. 5. q. 1. Artic. 3.

Scotus 3. sententiarum distinctio. 5. q. 1.

D. Thom. tert. 3. parte quest. 3. Artic. 5.

Ricardus 3. sent. dist. 5. q. 1.

Durandus 3. sententiarum distinctio. 5. q. 1.

Franciscus de Mayronis 3. sentent. dist. 5. q. 1.

Ioan. Baconianus 4. sent. distinctio. 5. q. unica.

QVAESTIO I.

Praterea inquiri solet. Circa 5. dist. queritur primo Vtrum natura diuina assumpserit vel assumere potuit naturam humanam? Videtur quod sic, per Augustinum de fide ad Petrum. Illa inquit natura. quæ semper manet genita apud patrem, nostram naturam sine peccato suscepit.

Praterea quando aliqua sunt idem realiter quicquid

conuenit vni conuenit alteri, sed persona, & diuina natura sunt idem realiter, ergo quicquid conuenit vni conuenit alteri. Sed persona diuina assumpsit humanam naturam, ergo similiter natura diuina assumpsit naturam humanam.

Præterea, illud quod continet perfectionem suppositi creati potest vicem illius supplere. Sed essentia diuina cum sit infinita continet perfectionem suppositi creati, ergo potest vicem eius supplere, & per consequens naturam humanam assumere.

Contra, quando aliqua sunt in aliquo indiuisibili quicquid vnitur illi indiuisibili vnitur illis, quæ sunt in eo. Exemplum si duæ lineæ sunt vnitæ puncto quicquid vnitur puncto vnitur lineis. Sed personæ sunt in essentia, quæ est indiuisibilis, ergo quicquid vnitur essentiæ vnitur personis, hoc est fallum, ergo esse quod vnitur personæ non vnitur essentiæ siue naturæ. *Exemplum.*

In ista quæstione sunt duo videnda. Primo de facto si natura diuina assumpsit humanam. Secundo de possibili, si potuit assumere.

De prius dico duo. Vnum est, quod illi qui ponunt, quod ratio terminandi dependentiam naturæ ad suppositum est propter continentiam perfectionis suppositi creati in assumente habent necessario dicere, quod natura assumpsit naturam, quia naturæ competit continentia perfectionis, & non supposito, cum non dicat perfectionem simpliciter, vt alias est dictum.

Secundo dico, quod natura non assumpsit naturam. Cuius ratio est ista. Illud assumit naturam quod est ratio formalis terminandi vnionem naturæ assumptæ. Sed essentia non est ratio formalis terminandi vnionem, & dependentiam naturæ assumptæ, ergo natura non assumpsit naturam. Probatio minoris. In quocunque est ratio formalis terminandi vnionem illud formaliter terminat, sed in patre formaliter est essentia, & pater non terminat formaliter illam vnionem, ergo nec essentia, nec natura terminat illam vnionem. *In 1. q. prime dist.*

De secundo articulo dicit vna opinio, quod natura non potest assumere naturam, quia omnis assumptio

terminatur ad aliquam vnitatem. Sed si natura diuina assumeret humanam, ista assumptio non terminaretur ad aliquam vnitatem, ergo, probatio minoris. Omnis vnitatis, quæ exurgit ex vnitatem aliquorum, aut est ex illis tanquam ex imperfectis, aut tanquam ex perfectis. Sed ex vnione naturæ diuinæ, & humanæ non exurgit vnitatis tanquam ex imperfectis, vt per se patet, nec tanquam ex perfectis, quia aut manerent saluata, & talis vnio esset accidentalis, quod non conceditur in proposito, aut transmutarentur adinuicem, quod est falsum, quia nec natura humana conuertitur in diuinam, nec econuerso.

*Contra istam
opinionem ab
icitur.*

Contra istam opinionem obiicitur, quia probatio minoris arguit ab insufficienti diuisione, cum enim dicitur, quod vnitatis aliqua, vel est ex imperfectis, vel ex perfectis, oportet addere tertium membrum, quod vnitatis est ex vnione aliquorum, quorum vnum est perfectum aliud imperfectum, siue minus perfectum, ita est in proposito, quia natura diuina est perfectissima, natura autem humana minus perfecta.

Præterea sub omnibus istis membris non comprehenditur ista vnitatis, quæ est naturæ per illapsum qualis ponitur in proposito.

Præterea per eandem rationem potest probari, quod diuina persona non potest assumere humanam naturam sicut patet deducendo eam per singula membra. Ideo dicitur secundum illam opinionem quod aut deratione assumptis est, quod habet incommunicabilem substantiam, aut quod habeat existentiam singularem absque incommunicabilitate. Si primo modo conceditur, quod natura diuina non potest assumere naturam humanam quia non habet incommunicabilem substantiam. Si secundo modo conceditur quod potest assumere, quia natura diuina habet per se existentiam singularem.

Li. I. dist. 5.

Ad primum in contrarium dicitur. quod Aug. accipit ibi naturam pro persona, non pro essentia, quod patet, quia dicit illam naturam esse genitam, essentia autem diuina non generat, nec generatur, vt patuit.

Ad secundum argumentum difficile est respondere

eis, qui dicunt essentiam, & suppositum diuinum distingui tantum ratione, nec possunt bene saluare articulum incarnationis. Sed ponendo sicut alias dictum est, quod suppositum, & essentia non sunt omnibus modis idem, quia essentia dicit entitatem communicabilem, suppositum autem incommunicabilem, pater, quod persona potest assumere, & natura non potest.

Ad tertium dictum est pluries, quia continentia non est ratio terminandi, sed independentia, & incommunicabilis substantia, quæ competit personæ. *Que sit ratio terminandi.*

Utum persona assumere potest
personam?

Scotus 3. sentent. distinctio. 5. q. 1.

QVAESTIO II.

SECUNDO queritur. Utum persona assumere potest personam? Videtur, quod sic. Quando aliqua sunt idem realiter vnum non potest assumi sine alio, sed natura, & persona creata sunt idem realiter, & natura est assumpta, ergo, & persona est assumpta, probatio minoris. Si persona non esset idem realiter cum natura, vel esset accidens vel substantia. Sed non est accidens, quia nullum accidens est causa subsistendi; persona vero est ratio subsistendi. Nec etiam est substantia, quia vel esset materia vel forma, vel compositum, sed nullum istorum potest dari, quia in quolibet vel essent plures materie, vel forme plures, vel plura composita ergo.

Præterea suppositum dicit aliquid quod spectat ad dignitatem, sed omne tale dicit entitatem positiuam, ergo persona, vel suppositum dicit entitatem positiuam. Sed omne ens positiuum potest assumi, ergo persona potest assumere personam. In contrarium est Magister, *Lib. 3. c. 2.* & patet per Damasc.

In ista questione sunt duo videnda. Primo quid addit suppositum vel persona super naturam, & hoc patet.

in prima quæstione huius tertij, & in probatione secundæ opinionis vide ibi.

Secundo est videndum si persona potest assumere personam, id est naturam personatam. Et dico quod non, quia aut persona dicit negationem dependentiæ, vt ponit vna opinio, aut persona dicit entitatem positiuam supra naturam, vt dicit alia opinio.

1. Opinio.

Si teneatur prima opinio est ad quæstionem talis ratio. Contradictoria non possunt simul inesse eidem. Sed si persona assumeret personam, id est, naturam personatam contradictoria simul inessent eidem, ergo persona non potest assumere personam, probatio minoris. Contradictio est naturam dependere ad personam extrinsecam, & non dependere. Sed si assumeretur dependeret à persona extrinseca assumente. Si autem personaretur personalitate propria non dependeret, ergo dependeret, & non dependeret.

2. Opinio.

Si autem teneatur secunda opinio est ad quæstionem talis ratio, omnis assumptio terminatur ad aliquam vnitatem. Sed si persona assumeret personam illa assumptio non terminaretur ad aliquam vnitatem, quia nec ad vnitatem naturæ, nec ad vnitatem suppositi, ergo persona non potest assumere personam.

Ad primum principale, si persona addit entitatem super naturam est difficile respondere, & optime vadit contra eam illa probatio de accidente, & substantia. Si autem teneatur, quod persona dicit negationem dependentiæ, tunc non oportet, quod si assumatur natura, quod assumatur persona, quia nec ponitur ibi identitas realis, nec sequitur, quod addat substantiam, vel accedens ex quo dicit negationem dependentiæ.

Ad secundum dico, quod persona in creaturis dicit dignitatem materialiter ratione intellectualis naturæ, quam connotat, sed non formaliter ratione incommunicabilitatis, quam superaddit.

DISTINCTIO VI.

Circa distinctionem sextam quaeritur.

Vtrum in Christo sint plura esse?

*Scotus 3. sententiarum distinctio. 6. q. 1.**D. Thom. tertia parte quasi. 17. artic. 2.**Ricardus 3. sent. dist. 6. q. 3.**Durandus 3. sententiarum distinctio. 6. q. 2.**Ioan. Baconitanus 3. sent. distinctio. 7. q. 1.*

QVAESTIO I.

EX praemissis autem contingenter. Circa istam distinctionem sextam quaeritur. Vtrum in Christo sint plura esse? Videtur, quod non, quia esse non est sine ente, ergo ubi sunt plura esse, ibi sunt plura entia. Sed Christus non est plura entia, quia tunc esset vnum per accidens, ergo in Christo sunt plura esse.

Præterea Anselmus in Monologion. dicit, quod quemadmodum se habent lux lucere, & lucens, sic se habent essentia esse, & ens. Sed vnus lucentis est vnum lucere, ergo vnus existentis est vnum esse, sed Christus est vnum existens, ergo, &c.

Cap. 6.

Præterea, quæ dicunt diuersa esse, si vniuntur faciunt vnum per accidens, ergo in Christo non sunt plura esse.

Contra Augustinus, sicut ab eo, quod est sapere dicta est sapientia, ita ab eo, quod est esse dicta est essentia. Sed ad diuersas sapientias sequuntur diuersa sapere, ergo ad diuersas essentias sequuntur diuersa esse. Sed in Christo sunt plures, & diuersæ essentiae, ergo plura esse. 7. de tri. c. 4.
et 5.

In ista quaestione sunt duo videnda. Primo quomodo se habent in creaturis essentia, & esse. Secundo principale quaesitum.

Q. q. ij

De primo sunt tres opiniones. Vna Bonauenturæ, quod essentia, & esse differunt ratione solum. Alia Thomæ, quod differunt realiter. Alia Henrici de Gandauo, quod sunt idem realiter, differunt tamen intentione, quæ non est differentia tantum per actum rationis sicut partes diffinitionis. Quæ autem sunt fundamenta harum opinionum, & quid sit ponendum patet.

*Li. 2. dist. 3. q.
1. 3. par. q. 17
part. 2.*

De secundo articulo, si in Christo sunt plura esse. De hoc sunt duæ opiniones. Vna Thomæ, quod in Christo non sunt plura esse, quod probatur sic. Natura humana perfectius existit in supposito diuino, quam in supposito humano. Sed si natura humana esset in supposito humano haberet tantum vnum esse, & non haberet aliud esse ab esse suppositi, ergo.

Præterea pars adueniens alicui toti non habet aliud esse, quam esse totius. Sed humana natura aduenit supposito diuino sicut pars toti, ergo non habebit aliud esse.

Præterea accidens non habet proprium esse in subiecto, sed humana natura habet in supposito diuino modum accidentis, ergo non habet aliud esse ab esse suppositi diuini, probatio maioris per philosophum, ubi dicit, quod accidentia non sunt entia nisi quia entis.

7. Met. com. 2.

Præterea omnia quæ sunt in subiecto quanto sunt quanta per vnam quantitatem, ergo similiter omnia, quæ sunt in vno supposito habent vnum esse per naturam, & suppositum vnum.

Præterea confirmatur ista opinio duabus aliis rationibus. Primo sic persona diuina, sicut communicat naturæ humanæ subsistentiam, ita communicat existentiam, sed persona diuina sic communicat naturæ humanæ subsistentiam quod non est ibi nisi vnum esse subsistentiæ, ergo similiter ibi non est nisi vnum esse existentiae.

Præterea sicut persona diuina habet infinitatem subsistentiæ, ita habet infinitatem existentiae, sed propter infinitatem subsistentiæ ponitur tantum vnum esse subsistentiæ, ergo similiter est ibi tantum vnum esse existentiae.

Contra istam opinionem obiicitur primo sic. Esse

est formalis terminus generationis, ergo ubi est duplex generatio, ibi est duplex esse, sed in Christo est duplex generatio, scilicet æterna, & temporalis, ergo in Christo est duplex esse.

5. *Phy. cont.*
7.

Præterea vivere viuētibz est esse, per philosophum, sed in Christo est duplex vita, scilicet, diuina, & humana, ergo.

2. *De anim. s.*
cont. 37.

Præterea anima informando corpus dat sibi verum esse, sed in Christo est vera informatio animæ ad corpus, ergo ex hoc est ibi aliquod verum esse. Sed illud non est esse verbi increati, ergo est aliud esse, & per consequens sunt in eo plura esse.

Pulchra rationes.

Præterea si Deus dimitteret naturam illam assumptam ipsa non acquireret aliquod nouum esse, seu aliquā entitatem, quia sequeretur, quod esset perfectior in se ipsa, quam in supposito diuino. Sed natura illa sic dimissa habet proprium esse, ergo similiter existens in supposito diuino habet proprium esse, sed illud esse non est esse verbi increati, ergo est aliud esse.

Præterea relatio præsupponit fundamentum, sed ista vnio est quædam relatio, ergo præsupponit fundamentum. Sed illud fundamentum est natura humana, ergo habet proprium esse, & illud non est esse verbi increati, ergo.

Dico ego ad quæstionem duas conclusiones. Prima conclusio est, quod in Christo est vnum esse subsistentiæ. Secunda, quod in Christo sunt plura esse existentie.

Prima conclusio probatur sic, vna persona dicit vnū esse subsistentie. Sed Christus est vna persona, quia persona diuina non assumpsit humanam personam ex quæstione præcedenti.

Secunda conclusio probatur per rationes factas contra primam opinionem, scilicet, quod in Christo sunt plures nature, plures generationes, & plures vite.

Ad primum argumentum opinionis primæ dico, quod sicut natura humana existens in supposito proprio non habet aliud esse subsistentiæ, ita esse existens in supposito diuino non habet aliud esse subsistentiæ.

Sed hoc non obstante habet aliud esse, existentiae ab esse verbi increati.

Ad aliud de parte, & de toto dico, quod non est simile, quia quod pars non habeat aliud esse à toto, hoc pro tanto est, quia pars informatur à natura totius, quod in proposito dici non potest, quia natura humana non informatur à supposito diuino.

*Quomodo
pars non ha-
beat aliud esse
à toto.*

Ad aliud de accidente negetur maior. Ad probationem dico, quod non allegatur auctoritas philosophi, sicut iacet, quia philosophus dicit sic, accidentia non sunt entia nisi in eo, quod taliter entis, & tunc dico, quod ly eo potest capi causaliter, & effectiue, vel formaliter, & entitatiue. Si primo modo concedo, quod accidens est enseo, quod totaliter entis, id est, eo quod causatur ab ente, quia oritur ex principiis subiecti. Si secundo modo dico, quod accidens habet entitatem præter entitatem subiecti.

Ad quantum de quanto dico, quod non est simile, immo est ad oppositum, ideo enim ea, quæ sunt in subiecto sunt quanta per vnā quantitatem, quia ponitur ibi vna quantitas, sed si ponerentur in subiecto plures quantitates non essent quanta per vnā quantitatem, sic est in proposito, quia in Christo sunt plures naturæ, ideo plura esse.

Ad alias duas rationes, quæ habent eandem vim, dico, quod non est simile de subsistentia, & existentia, quia subsistentia humanæ naturæ suppletur per subsistentiam extrinsecam per suppositum diuinum, quod est independens. Sed existentia humanæ naturæ ibi nō suppletur, sed quemadmodum ibi ponitur formaliter natura humana, ita ibi formaliter eius existentia.

*Ad principale
argumentum*

Ad primum principale cum dicitur, Si in Christo sunt plura esse, ergo sunt plura entia. Nego consequentiam, quia concretum non numeratur absque numeratione suppositi, sicut patet de homine habente scientias duas, quod non dicitur duo scientes. Ita in proposito non sequitur sunt duo esse, ergo entia. Sicut etiam dicimus, quod in Christo sunt duæ voluntates, & tamen non sequitur, quod Christus sit duo volentes, sed vnus volens.

Ad secundum dico, quòd est ad oppositum. Nā ideo in vno lucente est vnum lucere, quia ponitur in eo vna lux. Sed si essent in eo plures luces, essent in eo plura lucere, & quia in Christo sunt plures naturæ, ergo in eo sunt plura esse.

Ad vltimum dico, quòd illa, quæ dicunt diuersa esse, & vniuntur per inhærentiam bene faciunt vnum per accidens. Sed ea quæ vniuntur per illapsum quantumcunque dicant diuersa esse, non faciunt vnum per accidens, & sic est in proposito, quia verbum diuinum est vnum naturæ humanæ per illapsum.

*Que sint illa
que faciunt
vnum per ac-
cidens.*

DISTINCTIO VII.

Circa distinctionem septimam quæritur

Vtrum ista propositio sit vera Deus
est homo?

Seraphicus Bonauent. 3. sent. distin. 3. q. 2. Art. I.

Scotus 3. sent. distinct. 7. q. 1.

D. Thomas 3. parte q. 16. Artic. I.

Richardus 3. sentent. distinct. 7. q. 1.

QVAESTIO I.

SECUNDUM personam dicitur Deus factus est homo. In ista distinctione septima, in qua Magister quærit de veritate aliquarum propositionum quæritur primo. Vtrum ista propositio sit vera Deus est homo? Et videtur, quòd non, quia prima diuidentia sunt maximè diuersa. Sed finitum, & infinitum sunt primo diuidentia ens, ergo sunt maximè diuersa. Sed maxime diuersa non prædicantur de se inuicem, cum ergo Deus sit infinitus, & homo finitus, non est bene dictum Deus est homo.

Secundo sic, maior est vnio diuinarum personarum in essentia, quam naturarum in supposito Christi. Sed propter istam vnitatem vna persona, non prædicatur de alia, vt dicatur pater est filius, vel econuerso, ergo pro-

pter vnionem naturarum in Christo non est bene dictum, Deus est homo, vel econuerso.

Præterea, cum dicitur Deus est homo, ista propositio est vera per se, vel per accidens, non per se, quia non dicitur de quocunque concepto sub Deo, quia nec de patre, nec de spiritu sancto, nec etiam est vera per accidens, quia nihil accidit Deo, ergo nullo modo est vera.

Præterea Athanasius ponit, quod sicut caro, & anima vnus est homo, ita Deus, & homo vnus est Christus, sed anima non prædicatur de carne, nec econuerso, ergo.

Præterea, cum dicitur Deus est homo, aut homo est prædicatum relatiuum aut absolutum. Non relatiuum vt patet de se, nec etiã absolutum, quia secundum Aug. esse absolutum dicitur de tribus personis, homo autem non dicitur de tribus personis, ergo.

*s. De tri. c. 8.
& 10.*

Contra. Ioan. Verbum caro factum est. Vbi Aug. dicit, quod caro accipitur pro homine, ergo Deus factus est homo, & per consequens Deus est homo.

Cap. 1.

In ista quæstione sunt tria videnda. Primo si dicta propositio sit vera. Secundo qualiter est vera. Tertio qualiter est ista vera, Christus est homo.

De primo patet secundum veritatem fidei, quod ista est vera, Deus est homo. Vnde Aug. Talis fuit assumptio, vt deum faceret hominem, & hominem faceret Deum. Et Bernardus ad Eugenium. Tantam inquit, & tã expressam vim vnionis præfert ea persona qua Deus, & homo est vnus Christus, vt si duo de se prædices non erres.

1. de tri. c. 16.

Præterea idem probat quidam Doctor per rationem sic. Quodocunque sunt duæ naturæ in eodem supposito, licet sint distinctę naturæ, vna tamen potest prædicare de alia, & denominare aliam in concreto, licet non in abstracto. Exemplum huius est: Dicimus enim album est musicum, quia sunt in eodem supposito licet sint diuersę naturæ. Sed natura diuina, & humana vniuntur in eodem supposito filij, ergo vna potest de altera prædicari in concreto, vt dicatur Deus est homo, & homo est Deus. In abstracto autem non, quia ista non esset bona prædicatio deitas est humanitas, vel econ-

*Opinio cuius-
dã Doctoris.*

Exemplum.

Lib. 3. c. 11.

uerso. Hæc ratio recipitur à dama. Deus inquit est homo, & homo Deus propter eam, quæ est secundum ypostaticam vnionem.

De secundo articulo dicit vna opinio, quòd ista propositio, Deus est homo est vera per se, primo modo probatur sic. Natura humana perfectius substantificatur in supposito diuino, quam humano, puta in supposito Petri, sed hæc est vera per se primo modo: Petrus est homo, igitur, & illa Deus est homo.

*D. Thom. 3.
part. q. 16. ar.
1. & alios hic.*

Contra istam opinionem obiicitur sic, quando aliquid prædicatur de aliquo in primo modo dicendi per se, tunc prædicatum est per se de intellectu subiecti, sed homo non est per se de intellectu Dei, ergo non valet.

Præterea quando aliquid prædicatur de aliquo in primo modo dicendi per se, prædicatur de quolibet contento sub eo, sed homo non prædicatur de quolibet contento sub Deo, quia nec de patre, nec de spiritu sancto, ergo ista non est vera per se primo modo, Deus est homo.

Præterea quando aliquid prædicatur, de aliquo in primo modo dicendi per se subiectum, supponit per se determinate, sed cum dicitur, Deus est homo, Deus supponit indeterminate, ergo.

Dicitur ergo aliter ad illud dubium, quod per se, & per accidens possunt accipi dupliciter, scilicet metaphorice, & logice. Si accipiatur metaphorice dicitur, quòd ista non est vera Deus est homo, nec per se, nec per accidens, non per se propter rationes factas contra præcedentem opinionem, nõ etiam per accidens, quia nec vnum accidit alteri, nec ambo, tertio qui sunt modi accidentiũ secundum philosophum, & ideo dicitur, quod sicut in Christo est singularis modus viuendi, qui non est accidentalis, nec essentialis, ita cum dicitur, Deus est homo ibi est singularis modus prædicandi, qui non est per se, nec per accidens. Si autem accipiatur per accidens logice, sic potest concedi, quod est vera per accidens, quia prædicatum est extra intentionem subiecti, & hoc est prædicari per accidens logice.

De tertio articulo sunt ad præsens dicendi duo modi. Vnus cum dicitur Christus est homo, hæc est vera per se, quia Christus est nomẽ suppositi subsistentis in dua-

bus naturis diuina, scilicet, & humana. Ex hoc arguitur sic. Illa propositio est vera per se, primo modo in qua prædicatum est de intellectu subiecti, sed homo est per se, de intellectu Christi, ergo.

Alius modus dicendi est, quod non est vera per se, sed per accidens. Cuius ratio est ista, quando fit aliqua implicatio contingentiae in subiecto, ista propositio non est vera per se, sed per accidens, vt cum dicitur, homo albus est, homo propter contingentiam implicitam nõ est vera per se, sed per accidens, sed cum dicitur Christus est homo, ibi est implicatio contingentiae in subiecto, quia implicatur illa. Deus est homo quæ est contingens, ergo accipiatur ibi, quæ plus placet.

Ad primum principale concedo, quod prima diuidentia habent maiorem distantiam, non tamen habent maiorem repugnantiam, illa autem, quæ formaliter, nõ repugnant possunt vniri in eodem supposito, & vnum denominare alterum, & sic habet se Deus, & homo.

Ad secundum dico, quod non est simile de personis in essentia, & de diuersis naturis in eadem persona, quia persona dicit entitatem incommunicabilem, natura vero dicit entitatem communicabilem. Ideo quando diuersæ naturæ sunt in eodem supposito possunt in concreto de se dici, sicut patet in ratione posita ad primum articulum.

Ad tertium dico, quod non valet, quia non currit illa similitudo propter duo. Primo, quia anima, & caro concurrunt in vnitatem hominis tanquam partes constitutivæ, & vna pars non prædicatur de altera parte, essentia autem diuina non est in Christo tanquam pars. Secundo, quia anima, & caro significant in abstracto, Deus autem, & homo in concreto.

Ad vltimū dico, quod homo non est prædicatum relatiuum, sed absolutum, sed quando dicitur, ergo prædicatur de tribus personis, nego consequentiam.

Ad Augustinum vero dicitur, quod Aug. intelligit de prædicatis absolutis ad intra, homo autem est prædicatum absolutum ad extra.

Ad quartum patet ex dictis in secundo articulo si ista propositio est vera per se, vel per accidens.

Quomodo anima & caro concurrant in vnitatem hominis.

Homo est prædicatum absolutum.

Vtrum hæc sit vera Deus est factus
homo?

Seraphicus Bonauent. 3 sentent. distinct. 7. questio 2. Art. 1.

Scotus 2. sententiarum distinctio. 7. q. 2.

Ricardus tertio sententiarum distinct. 7. quest 3.

Durandus tertio sententiarum dist. 7. q. 1.

QVAESTIO II.

SE CUNDO quæritur. Vtrum hæc sit vera, Deus est factus homo? Videtur quòd non, quia si hæc est vera, Deus est factus homo, iequitur, quòd deus est factus. Probatio cõsequentiæ, quia sequitur in simili, sortes est factus homo ergo est factus.

Præterea hæc propositio in qua ponitur hoc verbum sit, non est vera nisi subiectum mutetur: sed in Deum, qui est subiectum nulla cadit mutatio, ergo.

Contra in symbolo Natus ex Maria Virgine, & homo factus est. Et Augustinus exponens illud. Verbum caro factum est, dicit, quòd caro accipitur pro homine.

In ista questione sunt multi modi dicendi de quibus ad præsens repeto duos. Vnus dicit, quòd ly factum, aut determinat subiectum puta Deum, aut prædicatum puta hominem. Si determinat subiectum, vt dicatur sic, Deus factus est homo, tunc propositio est falsa, quia in Deo nulla cadit factio. Si autem determinat prædicatum, vt dicatur sic, Deus est factus homo, tunc propositio est vera.

D. Bon. 7. distinct. presentis q. 2.

Alius modus dicendi est, quòd illa propositio simpliciter est vera.

Ad cuius euidentiã est notandũ, quòd in illa propositione in qua ponitur hoc verbum fieri, aliquando ly fieri, tenetur, secundo adiacens, aliquando, tertio adiacens, quando tenetur, secundo adiacens, tunc accipit esse subiectum simpliciter, sicut homo accipit esse, quando autẽ tenetur, tertium adiacens, tunc nõ accipit esse simpliciter, sed esse tale specificum, sicut ergo quãdo aliquid accipit esse simpliciter potest hoc verbum sit addi

Opinio Scoti.

sibi, secundo adiacens. Ita quando accipit esse tale potest dici fieri tale, & tertio adiacens, & sic est in proposito cum dicitur, Deus factus est homo, quia Deus de nouo accipit esse hominis, & ideo potest dici factus est homo, quæ factio est à tota trinitate.

Quomodo factio sit à tota trinitate.

Ad primum principale nego consequentiam. Ad probationem dico, quòd non valet, quia non tenet nisi gratia materiæ & non gratia formæ.

Ad secundum dicitur vno modo, quod maior est vera de agente naturali, quod educit de potentia materiæ, non est autem vera in agente supernaturali. Alio modo dicitur, & melius, quòd in factione concurrit aliqua determinatio, quia vel est factio per informationem, vel per inhærentiam, vel per vnionem, quæ est relatio. Accipiendo ergo factionem vt est per informationem, vel per inhærentiam, ista requirit mutationem, sed ista, quæ est per vnionem, quæ est relatio, sicut est in proposito non arguit talem mutationem.

DISTINCTIO VIII.

Circa distinctionem octauam quæritur.
Vtrum in Christo sint duæ filiationes reales?

Seraphicus Boni. 3 sent. dist. 8. quest. 2. Art. 2.

Scotus 3. sent. dist. 8. q. 1.

D. Thomas 3. parte q. 35. Artic. 5.

Richardus 3. sentent. dist. 8. q. 2.

Durandus 3. sentent. dist. 8. q. 2.

• QVÆSTIO I.

POS T prædicta inquire oportet. Quæritur in ista distinctione octaua. Vtrum in Christo sint duæ filiationes reales, & hæc quæstio aliquantulum habet euidenciam ex illa difficultate, si plura accidentia eiusdem speciei possunt esse in eodem subiecto? Ideo quæritur primo. Vtrum plura accidentia solo numero differentia possunt esse simul in eodem subiecto. Videtur, quod sic.

Ponantur multa alba in medio oculus videns, seu existens in quocunque puncto medij potest videre omnia ea, ergo habet species distinctas omnium istorum, sed istæ species differunt solo numero, ergo plura accidentia solo numero differentia possunt simul esse in eodem. Respondetur, quod argumentum bene concludit de accidentibus intentionalibus non autem realibus. Nam plura accidentia intentionalia bene possunt simul esse, realia non, nunc istæ species habent esse intentionale.

Contra. Solutio præsupponit falsum, scilicet, quod istæ species non habent esse reale propter duo. Primo, quod habet actionem realem, habet esse reale, sed species in oculo habet actionem realem, quia excellens sensibile corrumpit sensum, ergo.

Secundo quia species in medio vere est sensibilis, seu etiam visibilis, ergo est res. Probatio assumpti, si radius solis transeat per vitrum rubeum, potest species viri rubei videri in pariete. Iste autem rubor in pariete est species, quia si feratur ibi oculus, per illud videbit ruborem in vitro.

2. De anima
comex. 123.

Præterea secundo arguitur ad principale sic. Iste pater potest habere plures filios, ergo sunt in eo plures paternitates, sed istæ sunt eiusdem speciei, ergo consequentia probatur dupliciter.

Primo per Aristotelem, ubi dicitur, quod pater dicitur pater, quia genuit. Sed iste pater genuit plures filios diuersis, seu pluribus actibus, ergo sunt in eodem diuersæ, seu plures paternitates.

Cap. de re-
linis.

Secundo quia si moreretur vnus de filiis adhuc iste diceretur pater, ergo non per eandem paternitatem, est pater filij mortui, & viui.

Præterea ponantur duæ candelæ, vna hic, alia ibi, & sit corpus aliud in medio, puta columna, tunc fierent duæ vmbre, si amoueretur corpus medium tunc lumen vtriusque candelæ incedit directe vsque ad locum, ubi corpus fuit, & sic erunt duo lumina in eodem subiecto, vel in eadem parte medij.

Pulchrum
exemplum.

Præterea duo agentia eiusdem speciei puta duo ignes æque calidi possunt calefacere idem calefactibile, tunc quæritur, aut hoc sit vna actione, aut diuersis actioni-

3. *Phys. con-*
tex. 19.

bus, non primo modo, quia actio est actus actiui inquantum actiuum, ex tertio philosophorum, cum ergo sint distincta actiua, ergo habent distinctas actiones, si secundo modo habetur propositum, quia tunc erunt duo termini per duas actiones puta duo calores in eodem. Respondetur, quod isti duo calores faciunt vnum calorem compositum.

7. *Met. con-*
tex. 49.

5. *Met. cont.*

Contra pono duo actiua aequaliter, & eodem modo disposita respectu eiusdem passiui tunc erunt inducti duo calores aequae in actu, & aequae perfecti, sed ex duobus aequae in actu non fit vnum, septimo metaphysicæ, ergo.

3. *De anima*
contex. 4.

In contrarium est philosophus. Quaecunque inquit in eadem substantia sunt, habent differentiam specificam.

Præterea oportet receptiuum denudari ab eo, quod recipit, ex tertio de anima, ergo subiectum existens in actu per vnā formam non potest recipere aliam eiusdem speciei.

Responsio. In ista quaestione sunt duo articuli secundum duas opiniones.

Henri. quo
lib. 4 q. 3.

Vna est Henrici, & fere omnium antiquorum, quod plura accidentia eiusdem speciei non possunt simul esse in eodem, quod probatur sic. Ab eodem est aliquid ens, & vnum, sed accidens habet suam entitatem à subiecto, ergo, & vnitatem, sed subiectum est vnum, ergo & accidens est vnum.

D Thomas 3.
par. 9. 35.
artic. 5.

Præterea materia est primo, & per se in potentia ad formam, ad hanc autem formam, vel illam est in potentia per accidens, quia si materia esset primo, & per se in potentia ad hanc formam, vel illam tunc in materia essent infinitæ potentia, quod est inconueniens. Ex hoc arguitur sic. Idem non potest esse in potentia, & in actu respectu eiusdem, sed si in subiecto possent esse plura accidentia eiusdem speciei, simul tunc idem potest esse in potentia, & in actu respectu eiusdem in specie, quia esset in actu sub forma quam habet, & esset in potentia ad aliam quam potest recipere, sed hoc est falsum.

Obiicitur cō-
tra istam opi-
nionem.

Contra istam opinionem obiicitur primo contra primum motiuum, quando n. dicitur, quod accidens habet entitatem à subiecto, aut hoc intelligitur formali-

ter, vel causaliter, aut materialiter. Si formaliter hoc non potest stare propter duo. Primo, quia tunc Deus non posset facere accidens sine subiecto si entitas, & vnitas accidentis essent formaliter entitas, & vnitas subiecti, secundo quia tunc duæ albedines essent vnum numero quod patet sic. Esto, quod sortes sit nunc albus, & postea niger, & iterum albus, tunc si albedo sit vna formaliter vnitate subiecti, cum vnitas subiecti semper manet eodem numero, sequitur, quod istę albedines erunt vnum numero. Si autem intelligatur causaliter, tunc non valet ad propositum, quia ab eodem efficiente possunt esse multi effectus solo numero differentes. Si autem intelligatur materialiter concedo, quod vna materia est diuersorum numero in eadem specie, & si accipis oppositum petis principium.

Contra secundum motiuum obiicitur sic. Ad illud est materia primo in potentia, quod primo introducitur per motum, sed illud quod primo introducitur per motum non est materia specifica, sed est hæc forma, ergo materia est primo in potentia ad hanc formam.

Confirmatur per auctorem, qui dicit, quod natura latenter operatur in his, ita quod secundum eam natura primo intendit singulare, & consequenter vniuersale. 6. Principium.

Præterea. In materia sunt distinctę potentię numero ad formas distinctas, ergo in subiecto possunt esse plura accidentia numero differentia. Antecedens probatur per Aristotelem, vbi dicit, quod si posse sanari, & posse ægrotari sunt idem, ergo ægritudo, & sanitas. Similiter arguitur in proposito Si posse dealbari hac albedine, & illa sunt idem, ergo hæc, & illa albedo sunt idem. 3. Phys. contrax. 10.

Secundo quia alias corruptum posset reparari idem numero per naturam, quia quando hæc forma corrumpereetur cederet in eandem potentiam in qua primo fuit.

Alia est opinio Scoti in quæstionibus super methaphisicam, quia aut loquimur de formis intentionalibus, aut realibus. Si de intentionalibus conceditur, quod plures tales formę eiusdem speciei possunt simul esse in eodẽ. Si autem loquamur de formis realibus tunc distina- Vide Anthonium Andream. 5. met. q. 1.

guitur, quia aut sunt formæ respectiuæ, aut absolutæ. Si respectiuæ conceditur, quod possunt esse plures formæ in eodem sicut patet, quod in eodem patre sunt duæ paternitates ad duos filios. Si autem sunt formæ absolutæ adhuc distinguitur, quia aut introducuntur per motum, aut sine motu, si sine motu conceditur, quod plures formæ possunt esse simul in eodem, sicut patet de diuersis speciebus in oculo, & de diuersis luminaribus in medio sicut tangebant quædam argumenta, si autem formæ introducuntur per motum, & agentia non agant simul, tunc dicitur, quod plures formæ eiusdem speciei non possunt esse simul in eodem. Cuius ratio est, quia motus non est nisi propter dispositionem oppositam formæ naturæ, sed si agens inueniat in mobili formam eiusdem speciei formæ suæ, & non inueniet ipsum sub dispositione opposita, ergo non mouebit ipsum simpliciter, ut inducat aliam formam, sed augebit formam præexistētem in mobili.

Ad argumentum philosophi, dicitur quod auctoritas philosophi loquitur de formis introductis per motum.

Quomodo receptium denudatur à forma recepti.

Ad secundum dicitur, quod receptium denudatur à forma recepti, quando fit receptio per motum alias non.

Aliter dicitur, quod receptium debet denudari à forma recepti quando perficitur secundum suam capacitatem. Nunc autem si in materia ponuntur distincte potentia numero tunc nulla forma perficit materiam ipsam secundum totam ipsius capacitatem.

Ad primum argumentum alterius partis dantur multe solutiones, una est posita in principio quæstionis. Alia responsio datur, quod diuersæ species in oculo non sunt in eadem parte oculi, sed in diuersis partibus.

Aliter respondetur, & melius, quod argumentum non valet quia istæ species non introducuntur per motum.

Ad secundum conceditur, quod diuersa accidentia respectiua solo numero differentia possunt esse in eodē.

Ad aliud de luminaribus dico, quod non valet, quia non introducuntur per motum, si autem introducerentur per motum concedo, quod agens non imprimit formam nouam: sed augeat præexistentem.

Ad

Ad ultimum posset sustineri prima solutio, quod illi duo calores facerent vnum calorem compositum. Cum dicit, quod ex duobus æque in actu non fit tertium, dico, quod illa propositio non est vera generaliter, quia duæ guttæ aquæ sunt æque in actu, & tamen ex eis potest fieri vna tertia gutta aqua composita. *Opinio solutio.*

Vtrum in Christo sint duæ filiationes reales?

Seraphicus Bona. Scotus, & alij vbi supra.

QVÆSTIO II.

SE CUNDO quæritur. Vtrum in Christo sint duæ filiationes reales? Viderur, quod non quia filiatio constituit filium; ergo vbi sunt duæ filiationes ibi sunt duo filij: sed Christus non est duo filij, ergo.

Præterea. Scoti ponunt, quod non est incarnatus pater, nec spiritus sanctus: sed solus filius ne fieret confusio in proprietatibus, sed si in Christo essent duæ filiationes reales non videretur vitari confusio in proprietatibus: quia non magis poneretur ibi vnica filiatio, ergo.

Contra. Si pater esset incarnatus vere esset filius, sed non esset filius filiatione æternali, ergo est filius filiatione temporali: sed suppositum filij, ita abstrahit ab omni creatura, sicut suppositum patris, ergo similiter filius incarnatus est filiatione temporali, & constat, quod est filius filiatione æternali æternum autem & temporale ponunt in numerum, ergo.

Responsio. In ista quæstione sic procedam, primo recitabo vnâ opinionem, quam non teneo, secundo quam teneo, tertio mouebo dubia.

Quantum ad primum est vna opinio, quod in Christo non sunt duæ filiationes reales, quod probatur sic. Filiatio est suppositi non naturæ, quia licet natura sit nata, non tamen conceditur, quod sit filius: sed in Christo est vnum suppositum, ergo, & vna filiatio tantum. *D. Thomas 3. par. 9. 35. art. 5.*

Præterea. Si in Christo essent duæ filiationes, vna ad patrem, alia ad matrem, pari ratione, & in quolibet filio

Rt

essent duę filiationes reales, quod videtur incōueniens.

Præterea, duo accidentia eiusdem speciei non possunt esse in eodem subiecto, ergo nec duę filiationes in eodē filio, ergo in Christo est tantum vna filiatio.

*Contra istam
opinionem ob-
sicitur.*

Contra istam opinionem obiicitur sic. In patre æter-
no non obstante vnitatem suppositi, & fundamenti po-
nuntur duę reales relationes propter terminos realiter
differentes sicut generatio actiua, & spiratio actiua, quę
sunt ad filium, & spiritum sanctum, sed hic sunt termini
realiter differentes, scilicet, pater, & mater, ergo sunt ibi
duę relationes reales.

*Confirmatio
dicti Autho-
ris.*

Confirmatur sic, vbi sunt duo fundamenta realia, &
duo termini reales, ibi sunt duę filiationes reales: sed in
Christo, sunt duo fundamenta realia, scilicet, natura hu-
mana, & diuina, & ponuntur duo termini realiter diffe-
rentes, scilicet, pater, & mater, ergo.

*In prohemio
metaph.*

Præterea. Actio est suppositi sicut relatio, immo ma-
gis, quia operari attribuitur supposito, sed non obstante
vnitate suppositi ponuntur in Christo plures operatio-
nes, ergo similiter plures filiationes vel relationes.

Præterea. Causa, & effectus sic se habent quod quando
est relatio realis in causa potest etiam esse realis in effe-
ctu, sed non econtrario, sicut patet de Deo, & creatura,
quod licet sit relatio creaturę realis ad Deum, non ta-
men est relatio realis Dei ad creaturam, & pro hoc tanto
est, quia effectus magis dependet à causa, quàm eon-
trario, sed mater Christi est causa Christi, & Christus est
effectus, & constat, quod mater Christi est realis mater
eius, ergo Christus est realiter filius eius: sed non filia-
tione æternali, ergo filiatione temporali, & per conse-
quens sunt ibi duę filiationes, quia temporale, & æternū
ponunt in numerum.

Vltimo sic. Si natura assumpta à verbo dimitteretur
statim esset persona sine aliquo absoluto adueniente, &
ille homo esset vere filius virginis matris.

Ex hoc arguitur sic. Nulla relatio potest de nouo ad-
uenire alicui nisi per aduentum alicuius absoluti, ergo
cum nullum absolutum ponatur aduenire illi naturę
dimissę, nec alteri extremo. i. virgini, tunc nulla relatio
potest de nouo aduenire illi naturę dimissę, ergo cū tunc

sic verè filius Virginis sequitur, quod modo etiā sit verè filius virginis, & nō filiatione æternali, ergo temporali.

Est ergo alio opinio, quam teneo quæ ponit duas conclusiones, prima, quod in Christo alia filiatio est ad patrē, alia ad matrem, secunda, quod vtraque est realis. *Opinio Scoti.*

Prima conclusio probatur sic. Filiatio est habitudo producti naturaliter similis producenti in natura intellectuali, vel sensitiva, particulæ huius descriptionis declarantur sic. Filiatio est habitudo producti: quia sicut paternitas producentis ita filiatio est habitudo producti.

Secundo additur ibi naturaliter: quia propter defectū huius particulæ spiritus sanctus non est filius.

Tertio additur similis producenti, quia per hoc vermis non est filius hominis.

Quarto additur in natura intellectuali vel sensitiva: quia per hoc planta non est filius plantæ: sed nihil positum in ista descriptione respicit primo, & per se suppositum, sed naturam, quæ communicatur in generatione passiva, cum ergo in Christo sint duæ generationes passivæ, scilicet æterna, & tēporalis sequitur, quod in Christo fiat duæ filiationes reales.

*In Christo
sunt duæ ge-
nerationes.*

Præterea potest ista opinio probari per omnes rationes factas contra primam opinionem.

Secunda conclusio declaratur, quod enim filiatio æterna sit realis, patet de temporali probatur sic. Illi relatio est realis, quæ exurgit ex natura extremorum sine actu intellectus, sed posita matre, & supposito filio habente naturam per generationem, necessario exurgit filiatio nullo existente opere intellectus, ut ponit Avicenna, ergo ista filiatio est relatio realis. *3. Met. cap. ultimo.*

Ad argumenta autem præcedentis opinionis respondetur sic. Ad primū patet ex dictis, quod maior non bene accipitur cum dicitur, quod filiatio est suppositi, quia filiatio est habitudo producti naturaliter similis producenti natura intellectuali, vel sensitiva.

*Quid sit filia-
tio.*

Ad secundum dicitur dupliciter. Primo secundum aliquos qui non habent pro inconueniente positum cōsequens, quia in quolibet filio est vna filiatio ad patrē, & alia ad matrem: quod probatur sic. Mortua matre aliquius, & remanente patrē corrumpitur filiatio, quæ est

*Responsio ali-
quorum.*

ad matrem, & non corrumpitur illa, quæ est ad patrem, ergo hæc, & illa non sunt vna filiatio.

*Quomodo in
Christo sint
duæ nature.*

Aliter dicitur, quod non est simile de Christo, & de aliis filiis, quia in Christo sunt duæ naturæ, & duæ generationes passiuæ, in aliis autem non sic, quare non valet.

Ad tertium dicitur dupliciter. Primo, quod antecedens est falsum: quia sicut probatum est in præcedenti quæstione duo accidentia relatiua eiuldem speciei possunt stare simul in eodem.

Secundo dicitur, quod consequentia non valet, quia illæ filiationes, quæ ponuntur in Christo non sunt eiuldem speciei, nec eiuldem generis, immo differunt plus quam genere, cum altera illarum, scilicet æterna, siue diuina sit transcendens.

Primum dubium.

De tertio articulo occurrunt duo dubia. Primum. Si illa filiatio est idem realiter suo fundamento, videtur quod sic, quia relatio creaturæ ad Deum est eadem suo fundamento, ergo, & illa. Probatio consequentiæ, quia omnes causæ efficientes habent rationem vnius causæ, ergo sicut ibi est identitas relationis, & fundamenti, ita, & hic. Dico oppositum, quod illa relatio non est realiter idem suo fundamento: quia quæ possunt ab inuicem separari, non sunt idem realiter, sed ista possunt ab inuicem separari, ergo. Probatio minoris. Quia Deus potuisset illam naturam per se assumere, potuit etiam nasci de alia matre, potest etiã illam matrem annihilare, & tunc remaneret natura, & non filiatio.

Ad argumentum pro dubio dico, quod nihil valet: quia relatio creaturæ ad Deum est essentialissima, & non potest creatura manere sine illo respectu, illa autem relatio est accidentaliter, quia potest natura manere relatione non manente.

2. Dubium.

Secundum dubium est. Si generaliter loquendo quælibet relatio creaturæ ad creaturam sit eadem suo fundamento. Quid autem sit ad hoc dicendum patet.

*1. 2. dist. 1.
q. 4.*

Ad primum principale quando dicitur, vbi sunt multe filiationes ibi sunt multi filij, nego istam, quia sicut alias dictum est concreta non plurificantur, nisi plurificantur tam forma, quam supposita, hic autem non plurificantur supposita. Sic enim in Christo ponuntur duæ

*An concreta
plurificentur.*

voluntates non tamen dicimus, quod Christus sit duo volentes.

Ad secundum dico, quod si pater fuisset incarnatus confusio fuisset in proprietatibus, quia idem fuisset pater, & filius, sed si in Christo ponuntur duæ filiationes reales non sequitur propter hoc confusio in proprietatibus, quia idem est filius in vtraque filiatione prius dicta.

DISTINCTIO IX.

Circa distinctionem nonam. Quaritur.

Vtrum caro Christi debeat adorari?

Seraphicus Bona. 3. sent. distinct. 9. q. 1. Art. 1.

Scotus 3. sent. dist. 9. q. 1.

D. Thomas 3. parte q. 25. Artic. 2.

Ricardus 3. sen. dist. 9. q. 1.

Durandus 3. senten. distin. 9. q. 2.

QVÆSTIO I.

PRAETEREA inuestigari oportet. In ista nona distinctione tractat Magister de adoratione, & reuerentiis, quæ dicuntur latria, dulia, yperdulia. Ideo antequam moueā quæstionem declarabo quid intelligam per latriam duliam yperduliam. Et dico, quod latria in quantum virtus est habitus inclinans hominem ad exhibendum obsequium debitum Deo in recognitionem vniuersalis dominij. Dulia vero est habitus inclinans hominem ad exhibendum obsequium hominibus ad honorē debitum. Yperdulia vero est obsequium, quod debetur personis excellentibus, vt Christo, & beatæ virgini.

His præmissis quæro. Vtrum latria debeat Christo secundum naturam humanam? Videtur, quod non, quia latria est obsequium soli Deo debitum in recognitionem vniuersalis dominij, sed Christus non habet vniuersale dominium secundum humanam naturam, ergo sibi non debetur latria secundum naturam humanam.

An latria debeat Christo secundum naturam humanam.

Rr iij

Præterea latria non debetur creaturæ, sed Christus secundum naturam humanam est creatura, ergo.

Psal. 98.

Præterea glossa super illud psal. Adorate scabellum pedum eius, non inquit illa adoratione, quæ latria est. In contrarium est Magister in litera. In ista questione primo præmittam unam distinctionem, secundo dicam ad questionem.

*Adoratio per
se distingui-
tur.*

*Natura uni-
ta Deo potest
accipi tribus
modis.*

Quantum ad primum dico, quod adoratio est dupliciter, scilicet adoratio per se, & adoratio per accidens. Item adoratio per se distinguitur, quia est adoratio per se, & propter se, & est adoratio per se, & non propter se, sed propter aliud, puta quando adoratum est alteri unitum. Ista distinctione præmissa dico ad questionem, quod adoratio per se, & propter se quæ dicitur latria competit soli Deo, & trinitati, quia solus Deus est ultimus finis per se, & propter se adorandus. Si autem loquamur de adoratione per se, & non propter se, sed propter aliud, tunc ista competit naturæ humanæ in Christo quæ est unita Deo. Ista autem natura sic Deo unita potest tripliciter accipi. Vno modo in quantum substantiatur supposito diuino, alio modo in quantum est unita diuinitati, tertio modo in quantum unitur Deo per dona gratuita. Si accipitur primo tunc debetur sibi latria, si autem accipiat secundum modo tunc debetur sibi yperdulia, si tertio modo tunc debetur sibi dulia.

Sed tunc restat dubium de aliis sanctis qui sunt coniuncti Deo solum per dona gratuita, qua adoratione debeant adorari. Dico generaliter loquendo non faciendū mentionem de Virgine, quia de ea erit specialis sermo inferius ipsi sunt adorandi adoratione dulci, cuius ratio est, quia sunt puræ creaturæ. Si autem loquamur de adoratione per accidens. Dico illa potest fieri quantum ad præsens spectat quinque modis, primo ratione significationis, secundo ratione imitationis, vel repræsentationis, tertio ratione continentię, quarto ratione pertractationis, quinto ratione naturalis determinationis.

Primo ergo non fit adoratio per accidens ratione significationis, & sic adorantur sacramenta, quia sunt signa sacrę rei, & verba sancti euangelij, quæ sunt signa sanctitatis.

Secundo dico, quòd fit adoratio per accidens ratione imitationis, vel representationis, & isto modo adorantur imagines sanctorum, & specialiter, vt quidam doctor dicit imago beatæ Virginis, quam depinxit sanctus Lucas, quæ est ad sanctam Mariam de Araceli Romæ in domo fratrum minorum.

Tertio dico quòd fit adoratio per accidens ratione continentia, & isto modo adoratur cultu latriæ columna Spiritus sanctus, quæ descendit super Christum, sic etiam adorantur adoratione yperdulæ, species, quæ sunt in sacramento altaris, siue in eucharistia.

Quarto dico, quòd fit adoratio per accidens ratione pertractationis, & hoc modo adoratur virgo beata adoratione yperdulæ, quæ specialissime pertractauit corpus Christi. Sic etiam adoratur crux sanctissima in qua Christus pependit, & eam suo sanguine adornauit. Aliqui tamen dicunt, quòd crux est adoranda adoratione latriæ.

Quomodo adoratur beata virgo.

Quinto fit adoratio per accidens ratione naturalis determinationis, vel complexionis, & sic adorantur membra sanctorum, & cadauera ipsorum, quia sicut alias ostensum fuit in secundo libro, oportet in homine ponere aliam formam substantialem præter animam intellectiuam quæ forma remanet post separationem animæ intellectiuæ, & est extensa in subiecto, & potest diuidi secundum diuisionem subiecti.

Opinio aliquorum.

Quomodo fiat adoratio per accidens.

Ad tria argumenta principalia, quæ habent eandem vim patet ex dictis, quòd humanitati Christi debetur latria, non quidem, vt in se accipitur, vel vt Deo per dona gratuita vnitur, sed vt in supposito diuino substantificatur.

DISTINCTIO X.

Circa distinctionem decimam
quæritur.

Vtrum Christus secundum quòd homo
sit persona?

R r iij

QVÆSTIO I.

Solet etiam à quibusdam queri. Circa distinctionem 10. queritur primo. Vtrum Christus secundum quod homo sit persona? Videtur, quod sic quia quod conuenit omni supposito alicuius naturæ competit ei ratione naturæ. Exemplum de risibilitate, quæ competit homini ratione naturæ, sed esse personam competit omni supposito, ergo competit ei ratione naturæ, sed in Christo est natura humana, ergo Christus secundum quod homo est persona.

Præterea Christus non est homo nisi quia iste homo sed iste homo necessario est persona, ergo.

Lib. de duobus naturis

et una persona Christi.

Præterea Boethius dicit persona est rationalis naturæ indiuidua substantia, ergo.

Contra si Christus secundum quod homo esset persona, tunc in Christo essent duæ personæ, sed hoc est falsum, ergo.

Quia in ista questione ponitur terminus reduplicatiuus cum dicitur secundum quod homo, vel inquantum homo. Ideo primo oportet videre aliqua de reduplicatione, secundo dicetur ad questionem.

Quantum ad primum sunt tria declaranda.

Primo quot sunt genera reduplicationum. Et dico, quod quatuor secundum quatuor genera causarum. Aliquando enim fit reduplicatio secundum causam efficientem. Exemplum ut cum dicitur sortes, & Plato in eo, quod sunt albi sunt similes. Aliquando secundum causam materialem, ut cum dicitur, corpus organicum phisicum, in eo, quod organicum phisicum est perfectibile ab anima rationali. Aliquando fit per causam formalem, ut cum dicitur anima inquantum anima est perfectio corporis organici phisici. Aliquando vero fit reduplicatio secundum causam finalem, ut cum dicitur, sanitas in eo, quod sanitas est finis medicinæ.

Secundo est videndum cui est apponenda reduplicatio in propositione subiecto vel prædicato. Et dico quòd est apponenda subiecto, quia subiectum est causa prædicati, unde non bene dicitur homo est animal, inquantum animal, sed debet dici homo est animal inquantum homo, similiter triangulus in eo, quòd triangulus habet tres angulos, &c.

*An subiectum
sit causa prædi-
cati.*

Tertio est videndum cui apponenda est reduplicatio in syllogismo, si ad maiorem extremitatem, vel minorem, vel ad medium. Et dico, quòd est apponenda ad maiorem extremitatem sicut patet per philosophum in prioribus, & exemplum suum est ibidem istud. Cuiuslibet boni est disciplina in eo, quòd bonum, sed omnis iustitia est bona, ergo cuiuslibet iustitiæ est disciplina in eo, quod bonum.

Exemplum.

Est autem diligenter notandum propter dicenda, quòd propositio in qua ponitur natura reduplicationis potest distingui ex eo, quòd natura reduplicationis potest teneri positivæ, vel privativæ, & si tenetur positivæ ulterius est oratio multiplex ex eo, quòd dictio reduplicativa potest teneri specificativæ, vel reduplicativæ. Si tenetur reduplicativæ hoc est dupliciter, quia reduplicatio aliquando dicit concomitantiam, ut cum dicitur, lac in eo, quod lac est dulce. Aliquando vero dicit formalem rationem inhærentiæ prædicati ad subiectum. Exemplum, ut cum dicitur, lac in eo, quod est album disgregat.

*Diligenter
est notandum*

*Quod dicat
reduplicatio.*

Exemplum.

Quantum ad secundum articulum dico tres conclusiones.

Prima, quòd illa propositio Christus secundum quod homo est persona, non est simpliciter vera, sed est distinguenda & distinguitur dupliciter.

Primo modo sic. Illa reduplicatio in eo, quod homo aut dicit concomitantiam & tunc propositio est vera sub sensu Christus inquantum homo est persona, id est Christus, qui est homo per concomitantiam suppositi divini est persona. Alio modo illa reduplicatio potest dicere causam inhærentiæ prædicati ad subiectum, & sic illa propositio. Christus inquantum homo est per-

sona est falsa, quia esse hominem non est Christo causaeffendi personam.

Secundo modo distinguitur illa propositio sic, cum dicitur. Christus in eo, quod homo aut respicit aptitudinem, aut actum. Si respicit aptitudinem, tunc propositio est vera, quia si ille homo dimitteretur à Deo, remaneret persona. Si autē respicit actum, tunc propositio est falsa, quia Christus secundum quod homo non est persona, sed secundum quod Deus.

Secunda conclusio est ista, scilicet, quod hæc propositio Christus secundum, quod homo est Deus, non est simpliciter vera, sed est distinguenda, & distinguitur sicut distinguitur præcedens.

Primo, quia ista reduplicatio in eo, quod homo aut dicitur concomitantiam, & tunc est vera, aut formale rationem inhærentiæ prædicati ad subiectum, & tunc est falsa, quia esse hominem non est causa essendi Deum.

Tertia conclusio est ista, quod ista propositio secundum quod homo est indiuiduum, non est simpliciter vera, sed est distinguenda, quia vno modo dicitur indiuiduum quod est indiuiduum in se, & diuisum à quolibet alio non habendo respectum ad subsistentiam, sed ad unionem animæ, & corporis, & sic propositio est vera.

Secundo modo dicitur indiuiduum vt dicit indiuisum in se, & diuisum à quolibet alio habendo respectum ad subsistentiam, & tunc propositio est falsa, quia Christus secundum quod homo non est indiuiduum, quia ly secundum quod homo reduplicat causam formalem inhærentiæ prædicati ad subiectum.

Ad primum principale quando dicitur hæc competit cuilibet supposito naturæ, ergo competit ei ratione naturæ. Dicitur quod verum est secundum aptitudinem & non secundum actum.

Ad secundum quando dicitur. Iste homo est persona. Dico quod est distinguenda sicut fuit distincta illa Christus secundum quod homo est indiuiduum.

Ad tertium dico, quod ista diffinitio personæ quam dat Boetius corrigitur à Richardo, quia tunc anima se-

parata esset persona. Vnde dicit Richardus, quòd persona est intellectualis naturæ indiuidua substantia. Christus autem secundum quòd homo non est subsistens nisi in quantum subsistit in diuino supposito.

Vtrum Christus sit filius Dei adoptiuus?

Seraphicus Bonauen. 3. sent. distin. 10. q. 1. Art. 2.

Scotus 3. sentent. distinctio 10. q. 1.

D. Thom. 3. part. q. 23. Artic. 4.

Richardus 3. sent. distinct. 10. q. 1.

Durandus 3. sententiarum distinctio. 10. q. 2.

QVAESTIO II.



Secundo quæritur, Vtrum Christus sit filius Dei adoptiuus? Videtur quod sic, quia ille qui est filius Dei per gratiam est filius Dei adoptiuus: sed Christus habuit gratiam. ergo.

Præterea Hylarius dicit. Potestatis dignitas non perditur dum carnis humanitas adoptatur.

I. de tri.

In contrarium est Magister in litera.

Respondeo. In ista quæstione veritas est certa, quia Christus non est filius Dei adoptiuus, sicut ponunt sancti. Vnde Augustinus. Natus est secundum veritatem naturæ ex Deo Dei filius secundum veritatem naturæ ex homine hominis filius, vt non adoptione: sed in vtraque natiuitate nomen filij nascendo haberet.

Lib. de Eccle. dogmatibus.

Item Ambrosius. Legi, & relegi scripturas. Iesum filium Dei de adoptione nunquam inueni.

In Epistola ad Romanos.

Item glosa Christus in quantum homo assumpsit nomen Dei non per gratiam adoptionis, sed per gratiam vnionis.

In Epistola ad Philip.

Dubium.

Dubium tamen est si ista conclusio potest probari per aliquam efficacem rationem. Et videtur quod non, sic: quia probat eam Thomas sic, filiatio est conditio suppositi, vel personæ: sed in Christo est vnum suppositum, seu persona, & secundum illud suppositum est filius naturalis non adoptiuus, ergo Christus non est

D. Thomas. 3. par. q. 23. art.

4.

*Distin. 8. q.
2. huius ter-
tij.*

filius Dei adoptiuus. Sed hæc ratio non valet, quia supponit falsum, vt patuit supra vbi dictum est, quòd filiatio est habitudo producti naturaliter similis producenti in natura intellectuali vel sensitiua. In qua descriptione nihil ponitur, quòd primo, & per se aspiciat suppositum. Ideo probatur conclusio aliter sic. Adoptio est personæ extraneæ non habentis ius in hereditatem, vnde filius naturalis non dicitur persona extranea, quia habet ius in hereditate, sed Christus non est persona extranea: sed habet ius in hereditate, ergo non est filius adoptiuus. Minor probatur dupliciter, primo sic. Ideo aliquis non habet ius in hereditate, quia fuit filius iræ, sed Christus nunquam fuit filius iræ, ergo. Sed hæc probatio forte non valet, quia beata virgo secundum illos qui ponunt non conceptam fuisse in originali peccato nunquã fuit filia iræ, & tamen conceditur filia adoptiua. Ideo probatur secundo illa minor sic. Qui habet ius in hereditate non est filius adoptiuus, sed naturalis, sed Christus ex vi vnionis naturæ humanæ ad verbum habebit ius in hereditate, ergo. Sed forte nec ista ratio concludit, quia vt patuit, Deus potuit assumere naturam irrationalem, quæ non frueretur eo, ergo ex vi vnionis non habet in hereditate ius.

*Distin. 2. q. 2.
huius tertij.*

Ad primum principale patet, quòd secundum diuersitatem istarum rationum oportet respondere.

Ad secundum dico, quòd humanitas dicitur adoptari non ratione illius singularis naturæ, quæ fuit assumpta à verbo in vnitate personæ, sed ratione consimilium, quia per illam vnionem adoptati sunt alij homines.

DISTINCTIO XI.

Circa distinctionem vndecimam quaeritur,

Verum hæc sit vera Christus est creatura?

Seraphicus Bona. 3 sent. dist. 11. q. 1. Art. 2.

Scotus 3. sent. distinct. 11. q. 2.

D. Thomas tertia parte questio 16. Artic. 8.

Richardus tertio sententiarum distinct. 11. quest. 1.

Durandus tertio sententiarum distinct. 11. q. 1.

QVAESTIO I.

SOLLET etiam quæri. Circa istam distinctionem 11. quæritur primo. Vtrum hæc sit vera Christus est creatura? Videtur quod sic, quia in Christo sunt natura diuina, & humana ergo, & proprietates naturarum secundum Damascenum. Sed Christus per naturam diuinam dicitur creator, ergo per naturam humanam dicitur creatura.

Præterea hæc est vera. Christus est homo, aut ergo homo est creatus, aut increatus, non increatus: quia tunc esset æternus, ergo creatus, & per consequens creatura.

Præterea de quocunque dicitur prædicatum inferius de eodem dicitur prædicatum superius. Quando alterum de altero prædicatur &c. Sed creatura est prædicatum superius ad hominem, ergo de quocunque prædicatur homo prædicatur & creatura, sed Christus est homo ergo.

Præterea perfectius denominatur pars formalis, quam materialis, sed corpus in Christo est materialis pars, anima vero est pars formalis, ergo perfectius denominatur anima, quam corpus, sed Christus secundum quod corpus dicitur natus, ergo secundum quod anima dicitur creatus, igitur Christus est creatura.

Contra Ambrosius. Quid perfidius dicere, vel credere, quam quod Christus sit creatura.

Lib. de incarnatione.

Item Augustinus. Non audiamus eos, qui dicunt, quod Christus est creatura. Item Hilarius dicit. Damnamus heresim dicentem Christum esse creaturam, ergo.

Lib. de religione Christiana.

Præterea per rationem omnis creatura rationalis potest dici filius adoptiuus, sed Christus non est filius adoptiuus ex præcedenti questione, ergo Christus non est creatura.

Lib. de Synodo.

In ista questione prætermittitur opinio impiissimi Arrii dicentis Christum esse puram creaturam. Sunt autem ad præsent duo articuli secundum duas opiniones.

tam ad non esse negatiue, quam priuatiue sumptam.

Ex his arguitur sic. Nihil dicitur creatura, nisi quod habuit simpliciter non esse ante suum esse. Sed Christus nō habuit simpliciter non esse ante suum esse, quia eius suppositum est æternum, ergo Christus non est creatura.

Confirmatur quia de ratione creaturæ est, quod sit simpliciter de nihilo, & quod habeat esse post non esse, & hoc repugnat Christo cum sit æternus, ergo Christus non est creatura.

Istam opinionem tenendo dico ad primum principale. Quia id quod natum est denominare suppositum ratione naturæ potest dici de illo supposito, puta viuere intelligere. Quod autem non est natum denominare illud suppositum non potest dici de eo, quia creatio passio non est natum denominare suppositum diuinū, igitur non dicitur de eo.

Ad primum principale.

Ad secundum dicitur concessa maiore propositione dicitur, quod diuisio est sufficiens, quia licet illa diuisio sit vera de omni natura in se, non tamen est vera de natura quæ implicat suppositum cui repugnat sic denominari. Natura autem humana est in supposito diuino cui supposito repugnat denominari à creatione passiuā.

Ad tertium dicitur, quod omnis quidditas in abstracto cuiuscūque generis habet pro superiori creaturam, sed non omne concretum habet pro suo superiori creaturam in sua denominatione, sed hoc tamen verum est de eo cuius primum esse fuit simpliciter nihil, sed primum esse Christi non fuit nihil, ideo non denominatur à creatura.

Ad quartum dico, quod non est simile de esse genito, & de esse creato, quia esse genitum natum est denominare totum ratione naturæ, creatura autem, vel esse creatum non natum est denominare totum ratione naturæ, quia non denominat suppositum diuinum.

Vtrum Christus incepit esse?

Seraphicus Bona. 3. sent. dist. 11. q. 2. ars. 1.

Scotus 3. sententiarum distinc. 11. q. 3.

D. Thomas 3. parte q 16. Artic. 9.

Ricardus tertio sententiarum distinctio. 11. questio. 2.

Durandus tertio sententiarum distinctio. 12. questio 1.

QVAESTIO II.

SECUNDO quaeritur. Vtrum hec sit vera. Christus incepit esse: Videretur quod sic, quia quod generatur cepit esse, pro eo quod generare terminatur ad esse ex s. phisicorū, sed Christus generatur, ergo.

*9. Phys. con-
tex. 7.*

Contra, quod fuit semper, nō incepit esse, sed Christus fuit semper, vt ipse ait Ioan. Antequam Abraam fieret ego sum.

Cap. 8.

Respondeo. In ista quaestione sunt multi modi dicendi, vnus Thomæ, & colliguntur inde duæ rationes. Vna est ista. Terminus in subiecto positus stat pro supposito, vel persona, sed dicere, quod suppositum incepit esse est falsum, ergo simpliciter falsum est dicere Christus incepit esse.

Contra ex eadem ratione sequitur, quod ista sit falsa. Christus est mortuus, quia terminus in subiecto positus stat pro supposito. Sed falsum est dicere. suppositum diuinum est mortuum, ergo similiter si ratio tua valet falsum est dicere. Christus est mortuus, quod est contra symbolum. Alia ratio ponitur ibi talis. Illud non vere dicitur de Christo, quod repugnat proprietatibus diuinis. Sed incipere esse repugnat proprietatibus diuinæ naturæ, cum natura diuina sit æterna, ergo non bene dicitur. Christus incepit esse.

*Modus dicē-
di Scoti.*

Contra, ex eadem ratione sequitur, quod ista est falsa. Christus est mortuus: quia illud non vere dicitur de Christo, quod repugnat proprietatibus diuinæ naturæ per te. Sed mors repugnat proprietatibus diuinæ naturæ, ergo non vere dicitur. Christus est mortuus, quod est falsum, ideo modus Thomæ nullus.

Ideo est alius modus dicendi talis, quod quando in vno supposito sunt plures naturæ, & ab vna suppositum habet esse altera vero nō habet esse, tunc quicquid dicitur

tur de natura à qua habet esse dicitur etiam de supposito.

Si autem dicitur aliquid de natura à qua nō habet esse tunc non oportet, quod dicatur de supposito: Sed in supposito Christi sunt duæ naturæ diuina. s. & humana.

A diuina autem habet esse. Ab humana vero non. Si ergo aliquid dicitur de natura humana non propter hoc oportet, quod dicatur de supposito. Sed cum dicitur Christus incepit esse, hoc intelligitur de natura humana, ergo non oportet, quod intelligatur de supposito. Ideo propositio est distinguenda, quia aut ly incipere esse intelligitur de diuina natura, & tunc propositio est falsa. Aut intelligitur de natura humana, & tunc est vera.

Alius modus dicendi est, quod ista propositio est distinguenda, quia potest considerari, vel ex parte subiecti, vel ex parte prædicati, ex parte subiecti considerantur duo scilicet natura, & persona. Si autem accipiat in subiecto natura humana tunc propositio est vera. Si autem accipiat persona tunc est distinguenda, quia vel absolute, & tunc est falsa, vel ratione naturæ assumptæ; & tunc est vera sub hoc sensu Christus incepit esse. i. habet aliquod esse, quod prius non habuit. Et ex his duobus modis vltimis dicendi patet ad argumenta principalia.

Vide D. Bonaventuram hic.

DISTINCTIO XII.

Circa distinctionem duodecimam
queritur,

Utrum Christus potuerit peccare?

Seraphicus Bonavent. 3. sentent. distinct. 12. questio 1. Artic. 2.

Scotus 2. sententiarum distinctio. 12. q. 1.

D. Thomas 3. parte q. 15. Artic. 1.

Ricardus tertio sententiarum distinct. 12. quest. 1.

Durandus 2. sententiarum dist. 12. q. 1.

QVAESTIO I.

Cap. 7.

SOLET etiam quari. Circa istam distinctionem 12. Quæritur primo. Vtrum Christus potuit peccare? Et videtur, quod sic: quia Ioannis. Si dixerō quia non noui eum, ero similis vobis melior: Sed Christus potuit dicere, non noui eum, ergo potuit mentiri, & per consequens peccare. Probatio minoris: quia qui dicit totā orationem potest dicere partem orationis: Sed Christus dixit totum illud allegatum in Ioanne, ergo potuit dicere hanc partem, non noui eum.

Lib. de libero
arbitrio.

Præterea Augustinus. Perfectior est natura, quæ potest peccare, quam quæ non potest peccare. Sed Christus habuit naturam perfectissimam, ergo.

Præterea eadem est facilitas ad merendum, & demerendum, sed Christus potuit mereri, ergo & demereri, & per consequens peccare.

Contra. Christus est Deus, ergo non potuit peccare.

Præterea. Si potuit peccare potuit damnari. Sed Christus non potuit damnari, ergo &c.

Respondeo. In ista quæstione sunt duo articuli. Primus si Deus potest facere creaturam rationalem impeccabilem per naturam. Secundus, si Christus potuit peccare. Primus articulus patet.

Lib. 2. dist.
24. q. 1.

De secundo scilicet si Christus potuit peccare. Dico quod de Christo possumus loqui dupliciter, quia aut in quantum Deus aut ratione naturæ assumptæ. Si loquamur de Christo in quantum Deus patet quod non potest peccare, quia in Deo nulla cadit obliquitas. Si autem loquimur de Christo ratione naturæ assumptæ hoc potest esse dupliciter, quia aut ratione naturæ assumptæ eo modo quo assumpta est de facto, aut ratione naturæ assumptæ eo modo quo potuit assumi: Si loquimur de Christo illo ultimo modo illi qui dicunt, quod ex vi unionis non necessario sequitur fruitio. Si Christo non fuisset collata summa gratia habet dicere, quod Christus potuit peccare. Si autem loquamur de Christo ratione naturæ assumptæ eo modo quo assumpta est de facto planum est, per omnes quod non potest peccare.

An Christus
potuerit pec-
care.

Et hoc probatur ratione gratiæ confirmatæ, & ratione gloriæ consummatæ. Ex parte gratiæ probatur sic. Cōfir-

matus in gratia potest deuiare, vel peccare: sed Christus fuit confirmatus in gratia, ergo. Ex parte gloriæ probatur sic. Voluntas immerfa obiecto beatifico per fructionem non potest deuiare, vel peccare: sed voluntas Christi est perfectè immerfa obiecto beatifico, ergo.

Aliqui aliter probant istam conclusionem sic. Actiones sunt suppositorum: sed suppositum diuinum, quod est in Christo non potest peccare, ergo Christus non potest peccare. *Opinio aliorum.*

Præterea actio non attribuitur agenti instrumentali, imo attribuitur agenti principali, sed in actionibus Christi natura humana est instrumentum per Damasc. ergo talis actio peccandi attribuitur Deo: sed Deus non potest peccare, ergo nec Christus.

In problemio met.

Istæ rationes non valent. Prima ratio, quia cum dicitur, quod actiones sunt suppositorum, verum est in ratione agentis, sed non est verum in ratione agendi, quia in ratione agendi sunt naturæ, & attribuuntur supposito per naturam, vnde quemadmodum Christus moriebatur ratione naturæ humanæ, ita attribueretur ei ratio peccandi ratione naturæ humanæ.

Lib. 3.

Similiter ratio secunda non valet, quia equiuocat de instrumento, quia quoddam est instrumentum inanimatum, & quoddam animatum. Quod autem dicitur verum est de instrumento inanimato, non autem verum est de instrumento animato sicut est voluntas libera. Nunc autem in Christo natura se habet, vt instrumentum animatum, & non inanimatum.

Duplex instrumentum.

Ad primum principale dico, quod aliter est dicere orationem, & aliud asserere orationem tanquam veram. Christus autem potuit dicere illam orationem, sed non poterat illam asserere tanquam veram, quia non poterat mentiri.

Ad secundum dico, quod natura quam assumpsit de se erat peccabilis, sed quia habebat perfectam gratiam, & confirmationem in gratia, & de facto perfectam gloriam, ideo non poterat peccare.

Quomodo

Ad tertium dico, quod hoc dispensatiue factum est in Christo, quia simul fuit viator, & cōprehensor. Et quia fuit viator potuit mereri, non tamen sequitur, quod

Christus fuerit viator, & cōprehensor.

potuerit demereri, tum quia confirmatus in gratia, tum quia erat in perfecta gloria.

Vtrum Deus potuerit aliunde assumere hominem, quam de genere illius Adæ?

Petrus de Aquila 3. senten. distinc. 12. q. 2.

QVAESTIO II.

SECUNDO quæritur, Vtrum Deus potuit aliunde assumere hominem, quam de genere illius Adæ? Et videtur quòd sic, quia morbus, & medicina debent esse alterius naturæ. Sed Christus secundum naturam assumptam fuit medicina filiorum Adæ, ergo debuit esse alterius naturæ ab eis.

Cap. 2. Contra ad Hebr. Qui sanctificantur, & sanctificat ex vno sunt omnes. Sed qui sanctificat est Christus, qui autem sanctificantur sunt filij Adæ, ergo Christus, & alij homines sunt ex vno. scilicet ex Adam.

1. conclusio. Responsio ad quæstionem dico, quatuor conclusiones. Prima est, quòd Deus potuit aliunde assumere hominem, quam de genere illius Adæ, hæc conclusio probatur per magistrum in litera, & per Augustinum, qui sic ait. Poterat aliunde Deus suscipere in quo esset mediator Dei, & hominum, quam de genere illius Adæ, qui peccato suo obligauit genus humanum sicut seipsum quem primo creauit non de genere alicuius creauit. Secunda conclusio est, quòd congruum fuit, quòd Deus assumeret hominem de genere illius Adæ. Hæc conclusio declaratur sic. Congruum est vt præuaricator, & sanctificator sint eiusdem generis, sed Christus, vel homo assumptus est sanctificator, Adam autem, & filij eius sunt præuaricatores, ergo congruum fuit vt Deus assumeret hominem de genere illius Adæ.

3. conclusio. Tertia conclusio est quòd Deus non debuit assumere illum hominem, qui dictus est Adam, quia ille qui debet omnes peccatores iudicare non debet esse peccator

sed ille homo assumptus debet omnes homines iudicare, ergo non debuit esse peccator. Sed Adam erat peccator, ergo non debuit Adam assumere.

Quarta conclusio, quòd Deus debuit assumere hominem in sexu virili non fœmineo, sicut patet per magistrum in litera, & probatur per Augustinum. Et præterea congruum est ut Deus assumat hominem qui habeat auctoritatem in præsidendo, sed habens auctoritatem in præsidendo est vir, & non mulier, quia secundum Apostolum vir est caput mulieris, ergo debuit assumere virum, & non mulierem.

Ad principale argumentum dico, quòd morbus, & medicina sunt alterius naturæ, non simpliciter, sed quantum ad efficacia, & virtutem, & sic est hic, quia Christus est sine peccato, filij autem Adæ cum peccato.

DISTINCTIO XIII.

Circa distinctionem decimamtertiam
quæritur,

Vtrum animæ Christi fuerit collata summa
gratia?

Seraphicus Bonavent. 3. sent. distin. 13. q. 1. Art. 1.

Scotus 3. sent. distin. 13. q. 1.

D. Thom. tertia parte quæst. 7. Artic. 2.

Richardus 3. sentent. distinc. 13. q. 1.

Durandus. 3. sent. dist. 13. q. 1.

QVAESTIO I.

Præterea sciendum. Circa distinctionem 13. quæritur. Vtrum animæ Christi fuerit collata summa gratia? Videtur quòd non, quia nobiliori perfectibili debetur nobilior perfectio, sed angelus est perfectior, & nobilior, quam anima, ergo debetur sibi nobilior perfectio, siue gratia. Sed angelo non est collata summa gratia, ergo

animæ Christi non fuit collata summa gratia. Præterea illud quod est summum hoc est infinitum: sed gratia Christi non fuit infinita, ergo.

Præterea ita potest incarnari pater sicut filius, & daretur illi homini assumpto à patre equalis gratia gratiæ Christi, ergo gratia Christi non est summa.

Cap. 2.

Præterea per dictum Magistri allegantis verbum Lucæ. Iesus proficiebat ætate & sapientia, quod non esset verum si ei fuisset collata summa gratia, ergo.

Cap. 3.

Contra Ioannis dicitur. Non enim datus est ei spiritus ad mensuram, ergo habuit summam gratiam.

In ista questione sunt duo articuli. Primus si est dare summam gratiam. Secundus si est animæ Christi collata summa gratia.

Summum dicitur duobus modis.

5. Topicorum cap. 15.

Ad euentiam primi articuli est notandum, quod summum dicitur dupliciter. scilicet positive, & negative. Dicitur enim summum positive, quod excedit omne aliud & sic dicitur 5. topicorum, quod per superabundantiam dicitur vni soli conuenit. Summum autem negative dicitur, quod non potest ab alio excedi, & sic dicuntur genera generalissima quædam summa, quia non habent superueniens genus.

Quere D.
Thomam 2.
secunde q. 24
artic. 7.

Quæritur igitur isto articulo si est dare summam gratiam negative. scilicet qua maior creari non possit. Et hic sunt duæ opiniones. Vna dicit, quod non, quod probatur sic. Si esset dare summam gratiā qua maior creari nō possit, aut hoc esset ex parte sui, aut ex parte efficientis, aut ex parte subiecti. Non primo modo quia ipsa est quædam participatio diuini esse, quod esse potest participari in infinitum. Nec etiam secundo modo quia efficiens est potētia finitæ. Nec etiam tertio modo, quia subiectum quanto plus recipit de gratia tanto plus augetur eius capacitas.

Præterea illud potest alteri addi quod non repugnat nec ex parte eius, quod additur, nec ex parte eius cui additur. Sed gradum formæ esse augmentabilem non repugnat sibi, nec ex parte eius cui additur, nec ex parte eius, quod addit, quia iste gradus est eiusdem rationis cum forma, quæ augetur, ergo &c.

Præterea non minus repugnat naturæ infinitas extēsiua

quam intensiua. Sed augmentatio extensiua in natura est possibilis in infinitum, ergo, & intensiua. Minor patet, acceptis enim duabus magnitudinibus vna potest alteri apponi in infinitum per partes eiusde proportionis.

Præterea quod non determinat sibi formam quantitatis non determinat sibi gradū formæ, sed nulla forma, nec substantialis, nec accidentalis determinat sibi quantitatem, ergo nec gradum quantitatis, & per consequens potest augeri in infinitum. Probatio minoris. Nihil determinat sibi quantitatem quod potest absolui à quantitate, sed omnis forma potest absolui à quantitate per potentiam diuinam, ergo, &c.

Alia opinio est, quæ dicit, quod est dare summam gratiam in tali termino, qua maior creari non potest. Quod declaratur sic. Accepta aliqua gratia determinata, siue finita puta A. Tunc quæro ascendendo, aut est status ad aliquam summam gratiam, aut nō. Si sic habetur propositum Si non tunc sequitur, quod quanto aliqua gratia excedit A. tanto est perfectior, ergo illa quæ in infinitum excedit est perfectior in infinitum. Ista autem per se videtur ab intellectu diuino, sicut vnum creabile, ergo potest per se creari gratia infinita: quia quod potest per se intelligi potest per se fieri à Deo secundum eos. *Gasfre. q. 16. c. 9. 12.*

Præterea. Quanto aliquid est in potentia tanto potest esse in actu per philosophum, & commentatorem. Sed non contingit accipere aliquam formam in infinitum in actu, ergo nec in potentia cuius contrarium esset si forma posset augeri in infinitum. *3. Phis. con- tex. 69.*

Præterea quæ sunt dissimilia dissimiles habent processus: Sed materiale, & formale sunt dissimilia, ergo habent dissimiles processus. Sed processus ad materiale per diuisionem est in infinitum, ergo processus ad formam per appositionem est ad terminum.

Præterea appetitus naturalis non est frustra, sed si esset qualibet forma augmentabilis in infinitum tunc appetitus naturalis esset frustra, quia non potest attingere suum terminum.

Præterea philosophus dicit, quod numerus est augmentabilis in infinitum, quia itur ad materiam non autem diuisibilis in infinitum, quia itur ad formam, ergo *3. Phis. con- tex. 60. 61. 63. 68.*

secundum eos informis est status. Idem dicit secundo de anima, quod omnium natura constantium certus, & determinatus est numerus magnitudinis, & augmenti. Et primo de generatione, quod res animate aluntur semper, augentur autem non semper.

Tenendo autem istam opinionem. Ad primum alterius opinionis dico, quod non valet, quia tunc omnis entitas cum sit participatiua entitatis diuine posset augeri in infinitum, quod non est verisimile. Similiter capacitas non potest augeri in infinitum, sed vsque ad certum terminum.

Ad secundum dico, quod omnis forma infra suam naturam, & specie habet determinatos gradus, & semper vnus potest alteri addi quoadusque deueniatur ad vltimum. Cum autem deductum fuerit ad vltimum gradum alius non potest addi quin varietur forma, & species.

Ad tertium dico, quod non est simile de infinitate intensiua, & extensiua, quia in infinitate extensiua accipiuntur partes materiales in quibus contingit processus in infinitum. In infinitate autem intensiua accipiuntur partes formales in quibus est status, per philosophum.

3. Lib. phis.
context. 69.

Ad quartum potest dici eodem modo. Tamen aliter potest dici sic. Dato, quod forma substantialis, & accidentalis non determinet sibi quantitatem, nec gradum quantitatis, tamen forma, quæ realiter est qualitas, sicut est gratia in sua natura habet determinatam quantitatem, & gradum qualitatis.

De secundo articulo dico sicut dicebatur in principio quaestionis, quod summum dicitur dupliciter, scilicet, positue, quia excedit omne aliud, & negatiue quia non potest excedi ab alio.

Primo modo dico, quod animæ Christi non fuit collata summa gratia, quia pater potest assumere vnū hominem, & potest sibi dare æqualem gratiam gratiæ Christi.

Secundo modo dico, quod animæ Christi est collata summa gratia negatiue, quia secundum Magistrum in littera, tanta est illi animæ collata gratia, quia maior creati non potest.

Ad primum principale dicitur, quod nobiliori perfectibili respondet nobilior perfectio loquendo de perfe-

tionibus naturalibus. Sed loquendo de perfectionibus supernaturalibus, quæ respiciunt potentiam obedientialem, sicut est in proposito de gratia hoc non oportet.

Ad secundum dico, quod summum negativè non est infinitum, dicitur enim summum illo modo per non excedi ab alio, & non per excedere omne aliud.

Summum negativè non est infinitum.

Ad tertium patet ex dictis in secundo articulo.

Ad quartum respondet Magister, quod dicebatur perficere in gratia non in se, sed in aliis qui de eius gratia, & sapientia proficiebant, & hoc probat per Gregorium in quadam Homelia.

DISTINCTIO XIII.

Circa distinctionem decimamquartam quæritur.
Vtrum intellectus animæ Christi possit omnia videre in verbo, quæ videt verbum?

Seraphicus Bona. 3. sent. dist. 14. quest. 3. Art. 2.

Scotus 3. sent. distin. 14. q. 1.

D. Thomas 3. parte q. 10. Artic. 2. & 3.

Richardus 3. sentent. distinc. 14. q. 3.

Durandus 3. sentent. distinc. 14. q. 2.

Franc. de May. 3. sent. dist. 12. q. 1.

Ioannes Baconianus 2. sent. distin. 13. q. 1.

QVÆSTIO I.

Hic quæri opus est. Circa istam distinctionem decimamquartam quæritur primo.
Vtrum intellectus animæ Christi possit omnia videre in verbo, quæ videt verbum? Et videtur, quod sic, quia quod potest maius potest & minus, sed intellectus animæ Christi potest videre essentiam divinam, quæ maior est, quam ea, quæ refulcent in ea, ergo potest videre omnia in verbo, quæ videt verbum.

Præterea Augustinus dicit, quod qui cognoscit patrem cognoscit & filium, quia sunt vnum. Sed magis sunt rationes ydeales in Deo, quam personæ, quia inter per-

2. De tri.

sonas est distinctio realis, ergo cum Christus videat
vnam ydeam in Deo poterit videre omnes.

Cap. 2.

Præterea Magister dicit in litera. quod anima Christi
videt omnia, quæ videt verbum, ergo.

Contra, intellectus finitus non potest videre infinita,
sed intellectus animæ Christi est finitus, & non po-
test videre infinita. Sed ea quæ videt verbum sunt infinita,
ergo.

In ista quæstione sunt quatuor articuli secundum
quatuor opiniones.

Vna est Thomæ, quæ dicit, quod anima Christi non
potest videre omnia quæ videt verbum. Quod declara-
tur sic. Quanto aliqua causa perfectius videtur, tanto
plures effectus videtur in ea. Exemplum huius est, quod
quanto aliquis perfectius videt aliquod principium,
tanto plures connexiones videt ex principio, ideo vi-
dens omnes connexiones alicuius principij, compre-
hendit illud principium. Et hoc arguitur sic. Si intelle-
ctus animæ Christi videret omnia, quæ videt verbum,
tunc comprehenderet verbum, sicut videns omnes con-
nexiones principij comprehendit principium, sed nul-
lus intellectus creatus potest comprehendere verbum,
ergo nullus intellectus creatus potest videre omnia, quæ
videt verbum.

*Duplex scien-
tia in Deo.*

Utriusque distinguunt isti in Deo duplicem scientiam.
Vna dicitur scientia simplicis notitiæ, & respicit tam ea
quæ sunt, quam ea quæ esse possunt. Alia dicitur scientia
visionis, & ista respicit tantum ea quæ sunt. Si ergo fiat
quæstio de scientia visionis, sic anima Christi videt om-
nia, quia videt verbum, quia illa sunt finita, & finita pos-
sunt sciri à virtute finita, igitur. Si autem fiat quæstio de
notitia simplicis notitiæ tunc dicunt, quod anima Chri-
sti non videt omnia, quæ videt verbum, quia illa scientia
respicit possibilia, quæ sunt infinita. Infinita autem non
possunt videri à virtute finita. Et etiam sicut supra argue-
batur anima Christi comprehenderet verbum, quæ om-
nia sunt falsa.

*Contra istam
opinionem sic
obijciatur.*

Contra istam opinionem obijciatur sic. Dato quod
A. continet B. & C. ordinate, ita quod B. sit tota ra-
tio respectu ipsius C. si intellectus B. nō comprehendit

A multo magis intellectus. C. non comprehendit A. Vel per alia verba clariora accipiatur subiectum, & passio propinqua, & passio remota. Si passio propinqua non comprehendit subiectum, sequitur nec passio remota. Sed respectu Dei esse infinitum intensiue, & esse in quo infinita possibilija relucet se habent ordinate, ita quod quia est infinitus intensiue ideo infinita possibilija relucet in eo sed bene vident infinitum intensiue, nec propter hoc ipsum comprehendunt, ergo non sequitur, quod si aliquis videt omnia quæ relucet in eo, quod ipsum comprehendat.

Item contra distinctionem qua soluitur quæstio arguitur sic. Possibile est, quod anima Christi videat aliquod possibile futurum puta animam Antichristi creandam, ergo non ponitur præcise terminus in cognitione eorum, quæ Deus nouit scientia visionis secundum distinctionem superius tactam.

Alia est opinio. Henrici de Gandauo, quod anima Christi cognoscit omnia facta, & fienda, non quidem cognitione actuali, sed habituali, vnde quemadmodum ponitur visio actualis, & habitualis, ita anima Christi videt omnia, quæ videt verbum non quidem actualiter, sed habitualiter per habitum animæ Christi concreatum. Quod declaratur sic. Virtus finita distinctius videt duo quam tria, & tria quam quinque, ergo minus distincte videt mille quam centum. Sed anima Christi habet virtutem finitam, ergo minus distincte videt omnia quam aliqua, sed illa est cognitio habitualis, ergo.

Præterea. Infinitas extensiuæ præsupponit infinitatem intensiuam per Commentatorem, in tractatu de substantia orbis. Sed anima Christi non habet infinitatem intensiuam, ergo nec extensiuam ad cognoscibilia, & sic *12. Met. com. tex. 41.* cognoscit omnia habitualiter.

Contra istam opinionem, quod aliquis intellectus cognoscit omnia per habitum vnum inhærentem est dictum in secundo, tantum vnam rationem reposito. Vbi pluralitas requirit maiorem perfectionem ibi infinita pluralitas requirit infinitam perfectionem. Exemplum huius. Si posse portare decem pōdera requirit tantam virtutem, sequitur, quod posse simul portare

Dist. 3. par. 2

9. 3.

Exemplum. 7.

infinita pondera requirit infinitam virtutem. Sed aliquid esse rationem distincte cognoscendi plures quiditates concludit maiorem perfectionem, ergo esse rationem distincte cognoscendi omnes quiditates concludit infinitam perfectionem, & tunc talis habitus est infinitus perfectione, quod non tenetur. Minor probatur, tunc quia in Deo ponitur infinitas ex infinitate idearum, quæ representantur, tum quia representatiuum vnius est alterius rationis à representatiuo alterius, & quodlibet dicit perfectionem, quia non posse representare in representatiuo alterius dicit carentiam perfectionis.

Alia est opinio multorum, & etiam Scotus videtur aliquantulum assentire, quod anima Christi videt omnia, quæ videt verbum non solum habitualiter, sed etiam actualiter. Et hoc probatur duobus modis. Vno modo quod hoc fiat vnica visione. Alio modo quod fiat multis, & propriis visionibus, & quocunque modo cognoscendi hoc ponatur dicitur, quod hoc est actiue ex parte diuinæ essentia, & passiue, ex parte animæ Christi.

Contra hoc obiicitur, quia tunc anima Christi quæ est finita cognosceret actu infinita, quod est contra philosophum, vbi dicit, quod non contingit infinita pertransire.

Præterea si anima Christi videt actualiter omnia quæ verbum videt aut hoc esset distinctis visionibus, aut vnica visione. Non primo modo, quia finitum non est capax infinitarum visionum. Anima autem Christi est finita. Non etiam secundo modo, quia quodlibet visibile proprium, habet propriam visionem, ergo sicut ponuntur in verbo infinita visibilia, ita ponuntur ibi infinitæ visiones.

Si quis autem veller istam opinionem sustinere cito posset se de istis obiectionibus expedire dicendo, quod ista visio non fit virtute animæ Christi, quia tunc concluderent rationes, sed fit virtute diuina.

Quarta opinio est Varronis, quod anima Christi videt omnia, quæ videt verbum habitualiter non tamen per habitum inhaerentem sicut ponebat secunda opinio, sed per hoc, quod verbum exprimit animæ

Christi quicquid exprimeretur potest sine omni occultatione, ad quod ponitur tale exemplum. Si in aliquo speculo relucere viginti species, & aspiciens speculum non posset nisi decem videre, tunc si aspiciens esset agens voluntarium posset videre nunc quatuor nunc quinque species secundum voluntatem suam. Sic eodem modo anima Christi ex quo non potest omnia simul capere, quæ verbum exprimit simul, potest tamen videre nunc ista nunc illa.

Contra istam opinionem occurrit vnum dubium, *Dubium.*
quia anima Christi in sua cognitione modum habet substantiæ separatae, & beatæ, sed in beatis non est successio in actibus, ergo anima Christi non conuertit se nunc ad ista nunc ad illa. Minor probatur per Augustinum. Non erunt inquit volubiles nostræ cogitationes ab aliis in alia euntes, & redeuntes, sed omnem scientiam nostram vnico intuitu videbimus. Sed istud dubiū non cogit, quia ibi Augustinus loquitur non assertiue, sed dubitatiue, quia dicit ibi forte non erunt volubiles nostræ cogitationes.

15. de trin. 4.
15.

Ad primum principale dicendum, quod si maius, & minus non sunt eiusdem rationis, & proportionis, tunc non oportet quod si aliquid potest maius, quod potest minus. Exemplum huius est, oculus potest videre lucem, & tamen non potest videre tenebras, ita est in proposito, licet essentia sit maius quam ea, quæ relucet in ea, verum quia se habet per modum vnius, & ea quæ relucet in ea non sic se habent per modum vnius, ideo non sunt vnius proportionis.

Exemplum.

Ad secundum dicitur quod qui cognoscit patrem cognoscit filium non solum quia sunt vnum in essentia, sed etiam, quia sunt relatiua, & relatiua secundum philosophum simul sunt naturali intelligentia, sed ydea non sic se habent, quia vna ydea non dicitur relatiue ad alteram, licet dicatur ad ydeatum, ideo videns vnam ydeam, non oportet quod videat alteram.

Cap. de relatiuis.

Ad quartum dicitur, quod Magister loquitur de visione habituali, quia anima Christi videt omnia, quæ videt verbum non per habitum inhaerentem vt ponebat secunda opinio, sed per hoc quod verbum expri-

miranima Christi omnia quantum exprimi possunt vt patet ex vltima opinione.

Vtrum anima Christi nouit omnia in proprio genere?

Seraphicus Bonauent. 3. sent. dist. 14. q. 2.

Scotus 3. sentent. distinction. 14 q. 3.

D. Thomas 3. parte quest. 12. Artic. 1.

Ricardus tertio sententiarum distinctio. 14 questio. 1.

Durandus tertio sententiarum distinctio. 14. questio 3.

QVÆSTIO II.

Cap. 2.



ECUNDO quæritur. Vtrum anima Christi nouit omnia in proprio genere? Videtur, quod non. Luce. Iesus proficiebat ætate, & sapientia. Sed hoc non est verum si cognouit omnia in proprio genere, ergo.

Cap. 5.

Præterea Apostolus ad Hebræos dicit. Ex his, quæ passus est didicit obedientiam, sed hoc non esset verum si cognouit omnia in proprio genere, ergo.

1. Met. in pro
hemio ex 2.
post in fine.

Præterea anima Christi est eiusdem naturæ cum anima nostra, ergo habet consimilem modum cognoscendi. Sed anima nostra cognoscit per scientiam acquisitam, quia vt patet per philosophum, ex multis sensationibus fit vna memoria, & ex multis memoriis fit vnum experimentum, & ex multis experimentis fit vniuersale principium scientiæ, ergo

Contra, nulla imperfectio ponenda est in anima Christi sed ignorantia est imperfectio, ergo non est ponenda in anima Christi, ergo Christus nouit omnia scientia infusa in proprio genere.

Præterea, sic se habet intellectus ad virtutes intellectuales sicut voluntas ad virtutes Morales, sed in voluntate animæ Christi non ponuntur acquisitæ virtutes Morales, quia tunc ante acquisitionem fuisset passionatus, quod est inconueniens, ergo similiter in intel-

lectu Christi non ponitur virtus, seu scientia acquisita.

Præterea Angeli nouerunt omnia in proprio genere, ergo similiter anima Christi.

Respondeo. In ista quæstione sunt tres articuli secundum tres opiniones.

Vna est Thomæ parte 3. q. 9. articulo 3. & 4. qui distinguunt duplicem scientiam, scilicet infusam, & acquisitam. Et quantum ad infusam, quod nouit omnia per aliqua sibi infusa, puta per species intelligibiles à Deo sibi infusas, & in hac notitia non potuit proficere. Sed quantum ad scientiam acquisitam potuit proficere, quia in natura nihil est frustra. Sed in anima Christi est intellectus agens, & possibilis, ergo non sunt frustra, ergo possunt habere propriam operationem. Sed talis operatio est acquisitio scientiæ, quia intellectus agens facit, quod est potentia intelligibile actu intelligibile, & habet abstrahere. Intellectus autem possibilis habet recipere, ergo anima Christi potuit proficere in scientia acquisita.

Contra istam opinionem obiicitur ex dictis opinantium sic. Plura accidentia eiusdem specie non possunt simul esse in eodem subiecto secundum ipsum Thomam, sed notitia infusa, & acquisita rei in proprio genere sunt eiusdem speciei, ergo non possunt simul esse in eodem, probatur minor, quia si non essent eiusdem speciei hoc esset ex parte agentis, sed hoc non valet, quia Ambrosius ponit in libro de incarnatione verbi, quod disparitas ortus, non facit distinctionem naturæ, vt patet de Adam, & de nobis.

Idem ponit Augustinus.

Præterea duæ perfectiones, siue duæ cognitiones perfectæ eiusdem obiecti nō possunt esse simul, quia ex quo ponuntur ambo perfectæ altera superflueret. Sed notitia infusa, & acquisita ponuntur ambæ perfectæ, ergo non sunt simul in Christo.

Præterea. Si in illa scientia acquisita Christus proficiebat pro eo, quod habebat intellectum agentem, & possibilem, vt tua ratio assumebat, pari ratione beati in patria proficiunt continuè in scientia acquisita, quia



SOLLET etiam quari. Circa istam distinctionem 12. Quaritur primo. Vtrum Christus potuit peccare? Et videtur, quòd sic: quia Ioannis. Si dixerò quia non noui eum, ero similis vobis mel dāx: Sed Christus potuit dicere, non noui eum, ergo potuit mentiri, & per consequens peccare. Probatio minoris: quia qui dicit totā orationem potest dicere partem orationis: Sed Christus dixit totum illud allegatum in Ioanne, ergo potuit dicere hanc partem, non noui eum.

Cap. 7.
Lib. de libero arbitrio.

Præterea Augustinus. Perfectior est natura, quæ potest peccare, quam quæ non potest peccare. Sed Christus habuit naturam, perfectissimam, ergo.

Præterea eadem est facilitas ad merendum, & demerendum, sed Christus potuit mereri, ergo & demereri, & per consequens peccare.

Contra. Christus est Deus, ergo non potuit peccare.

Præterea. Si potuit peccare potuit damnari. Sed Christus non potuit damnari, ergo &c.

Respondeo. In ista quæstione sunt duo articuli. Primus si Deus potest facere creaturam rationalem impeccabilem per naturam. Secundus, si Christus potuit peccare. Primus articulus patet.

Lib. 2. dist.
24. q. 1.

De secundo s. si Christus potuit peccare. Dico quòd de Christo possumus loqui dupliciter, quia aut in quantum Deus aut ratione naturæ assumptæ. Si loquamur de Christo in quantum Deus patet, quòd non potest peccare, quia in Deo nulla cadit obliquitas. Si autem loquimur de Christo ratione naturæ assumptæ hoc potest esse dupliciter, quia aut ratione naturæ assumptæ eo modo quo assumpta est de facto, aut ratione naturæ assumptæ eo modo quo potuit assumi: Si loquimur de Christo illo ultimo modo illi qui dicunt, quòd ex vi vñionis non necessario sequitur fruitio. Si Christo non fuisset collata summa gratia habet dicere, quòd Christus potuit peccare. Si autem loquamur de Christo ratione naturæ assumptæ eo modo quo assumpta est de facto planum est, per omnes, quòd non potest peccare.

An Christus potuerit peccare.

Et hoc probatur ratione gratiæ confirmatæ, & ratione gloriæ consummatæ. Ex parte gratiæ probatur sic. Cōfir-

matus in gratia potest deuiare, vel peccare: sed Christus fuit confirmatus in gratia, ergo. Ex parte gloriæ probatur sic. Voluntas immersa obiecto beatifico per fruitionem non potest deuiare, vel peccare: sed voluntas Christi est perfectè immersa obiecto beatifico, ergo.

Aliqualiter probant istam conclusionem sic. Actiones sunt suppositorum: sed suppositum diuinum, quod est in Christo non potest peccare, ergo Christus non potest peccare. *Opinio aliorum.*

Præterea actio non attribuitur agenti instrumentali, imo attribuitur agenti principali, sed in actionibus Christi natura humana est instrumentum per Damasc. ergo talis actio peccandi attribuitur Deo: sed Deus non potest peccare, ergo nec Christus.

In problemat.

Istæ rationes non valent. Prima ratio, quia cum dicitur, quod actiones sunt suppositorum, verum est in ratione agentis, sed non est verum in ratione agendi, quia in ratione agendi sunt naturæ, & attribuuntur supposito per naturam, unde quemadmodum Christus moriebatur ratione naturæ humanæ, ita attribueretur ei ratio peccandi ratione naturæ humanæ.

Lib. 3.

Similiter ratio secunda non valet, quia equiuocat de instrumento, quia quoddam est instrumentum inanimatum, & quoddam animatum. Quod autem dicitur verum est de instrumento inanimato, non autem verum est de instrumento animato sicut est voluntas libera. Nunc autem in Christo natura se habet, ut instrumentum animatum, & non inanimatum.

Duplex instrumentum.

Ad primum principale dico, quod aliter est dicere orationem, & aliud asserere orationem tanquam veram. Christus autem potuit dicere illam orationem, sed non poterat illam asserere tanquam veram, quia non poterat mentiri.

Ad secundum dico, quod natura quam assumpsit de se erat peccabilis, sed quia habebat perfectam gratiam, & confirmationem in gratia, & de facto perfectam gloriam, ideo non poterat peccare.

Quomodo

Ad tertium dico, quod hoc dispensatiue factum est in Christo, quia simul fuit viator, & cōprehensor. Et quia fuit viator potuit mereri, non tamen sequitur, quod

Christus fuerit viator, cōprehensor.

potuerit demereri, tum quia confirmatus in gratia, tum quia erat in perfecta gloria.

Vtrum Deus potuerit aliunde assumere
hominem, quam de genere
illius Adæ?

Petrus de Aquila 3 senten. distinc. 12. q. 2.

QVÆSTIO II.

SECUNDO quæritur, Vtrum Deus potuit aliunde assumere hominem, quam de genere illius Adæ? Et videtur quòd sic, quia morbus, & medicina debent esse alterius naturæ. Sed Christus secundum naturam assumptam fuit medicina filiorum Adæ, ergo debuit esse alterius naturæ ab eis.

Cap. 2.

Contra ad Hebr. Qui sanctificantur, & sanctificat ex vno sunt omnes. Sed qui sanctificat est Christus, qui autem sanctificantur sunt filij Adæ, ergo Christus, & alij homines sunt ex vno. scilicet ex Adam.

1. conclusio.

13. de tri.

2. conclusio

Responsio ad quæstionem dico, quatuor conclusiones. Prima est, quòd Deus potuit aliunde assumere hominem, quam de genere illius Adæ, hæc conclusio probatur per magistrum in litera, & per Augustinum, qui sic ait. Poterat aliunde Deus suscipere in quo esset mediator Dei, & hominum, quam de genere illius Adæ, qui peccato suo obligauit genus humanum sicut seipsum quem primo creauit non de genere alicuius creauit. Secunda conclusio est, quòd congruum fuit, quòd Deus assumeret hominem de genere illius Adæ. Hæc conclusio declaratur sic. Congruum est vt præuaricator, & sanctificator sint eiusdem generis, sed Christus, vel homo assumptus est sanctificator, Adam autem, & filij eius sunt præuaricatores, ergo congruum fuit vt Deus assumeret hominem de genere illius Adæ.

3. conclusio.

Tertia conclusio est quòd Deus non debuit assumere illum hominem, qui dictus est Adam, quia ille qui debet omnes peccatores indicare non debet esse peccator

sed ille homo assumptus debet omnes homines iudicare, ergo non debuit esse peccator. Sed Adam erat peccator, ergo non debuit Adam assumere.

Quarta conclusio, quod Deus debuit assumere hominem in sexu virili non fœminco, sicut patet per magistrum in litera, & probatur per Augustinum. Et præterea congruum est ut Deus assumat hominem qui habeat auctoritatem in præsidendo, sed habens auctoritatem in præsidendo est vir, & non mulier, quia secundum Apostolum vir est caput mulieris, ergo debuit assumere virum, & non mulierem.

Ad principale argumentum dico, quod morbus, & medicina sunt alterius naturæ, non simpliciter, sed quantum ad efficacia, & virtutem, & sic est hic, quia Christus est sine peccato, filij autem Adæ cum peccato.

DISTINCTIO XIII.

Circa distinctionem decimamtertiam
quæritur,

Utrum animæ Christi fuerit collata summa
gratia?

Seraphicus Bonauent. 3. sent. distin. 13. q. 1. Art. 1.

Scotus 3. sent. distinct. 13. q. 1.

D. Thom. tertia parte quest. 7. Artic. 2.

Richardus 3. sentent. distinc. 13. q. 1.

Durandus. 3. sent. dist. 13. q. 1.

QVAESTIO I.

Præterea sciendum. Circa distinctionem 13. quæritur. Utrum animæ Christi fuerit collata summa gratia? Videtur quod non, quia nobiliori perfectibili debetur nobilior perfectio, sed angelus est perfectior, & nobilior, quam anima, ergo debetur sibi nobilior perfectio, siue gratia. Sed angelo non est collata summa gratia, ergo

animæ Christi non fuit collata summa gratia. Præterea illud quod est summum hoc est infinitum: sed gratia Christi non fuit infinita, ergo.

Præterea ita potest incarnari pater sicut filius, & datur illi homini assumpto à patre equalis gratia gratiæ Christi, ergo gratia Christi non est summa.

Cap. 2.

Præterea per dictum Magistri allegantis verbum Lucæ. Iesus proficiebat ætate & sapientia, quod non esset verum si ei fuisset collata summa gratia, ergo.

Cap. 3.

Contra Ioannis dicitur. Non enim datus est ei spiritus ad mensuram, ergo habuit summam gratiam.

In ista questione sunt duo articuli. Primus si est dare summam gratiam. Secundus si est animæ Christi collata summa gratia.

Summum dicitur duobus modis.

Ad euentiam primi articuli est notandum, quod summum dicitur dupliciter. scilicet positive, & negative. Dicitur enim summum positive, quod excedit omne aliud & sic dicitur s. topicorum, quod per superabundantiam dicitur uni soli conuenit. Summum autem negative dicitur, quod non potest ab alio excedi, & sic dicuntur genera generalissima quædam summa, quia non habent superueniens genus.

s. Topicorum cap. 15.

Queritur igitur isto articulo si est dare summam gratiam negative. scilicet qua maior creari non possit. Et hic sunt duæ opiniones. Vna dicit, quod non, quod probatur sic. Si esset dare summam gratia qua maior creari non possit, aut hoc esset ex parte sui, aut ex parte efficientis, aut ex parte subiecti. Non primo modo quia ipsa est quædam participatio diuini esse, quod esse potest participari in infinitum. Nec etiam secundo modo quia efficiens est potestatis finitæ. Nec etiam tertio modo, quia subiectum quanto plus recipit de gratia tanto plus augetur eius capacitas.

Quæro D.
Thomam 2.
secundæ q. 24
artic. 7.

Præterea illud potest alteri addi quod non repugnat nec ex parte eius, quod additur, nec ex parte eius cui additur. Sed gradum formæ esse augmentabilem non repugnat sibi, nec ex parte eius cui additur, nec ex parte eius, quod addit, quia iste gradus est eiusdem rationis cum forma, quæ augetur, ergo &c.

Præterea non minus repugnat naturæ infinitas extēsiua

quam intensiua Sed augmentatio extensiua in natura est possibilis in infinitum, ergo, & intensiua Minor patet, acceptis enim duabus magnitudinibus vna potest alieri apponi in infinitum per partes eiusde proportionis.

Præterea quod non determinat sibi formam quantitatis non determinat sibi gradū formæ, sed nulla forma, nec substantialis, nec accidentalis determinat sibi quantitatem, ergo nec gradum quantitatis, & per consequens potest augeri in infinitum. Probatio minoris. Nihil determinat sibi quantitatem quod potest absolui a quantitate, sed omnis forma potest absolui a quantitate per potentiam diuinam, ergo, &c.

Alia opinio est, quæ dicit; quod est dare summam gratiam in tali termino, qua maior creari non potest. Quod declaratur sic. Accepta aliqua gratia determinata, siue finita puta A. Tunc quæro ascendendo, aut est status ad aliquam summam gratiam, aut nō. Si sic habetur propositum Si non tunc sequitur, quod quanto aliqua gratia excedit A. tanto est perfectior, ergo illa quæ in infinitum excedit est perfectior in infinitum. Ista autem per se videtur ab intellectu diuino, sicut vnum creabile, ergo potest per se creari gratia infinita: quia quod potest per se intelligi potest per se fieri a Deo secundum eos. *Goisre. q. 16. & q. 12.*

Præterea. Quanto aliquid est in potentia tanto potest esse in actu per philosophum, & commentatorem. Sed non contingit accipere aliquam formam in infinitum in actu, ergo nec in potentia cuius contrarium esset si forma posset augeri in infinitum. *3. Phis. con- tex. 63.*

Præterea quæ sunt dissimilia dissimiles habent processus: Sed materiale, & formale sunt dissimilia, ergo habent dissimiles processus. Sed processus ad materiale per diuisionem est in infinitum, ergo processus ad formam per appositionem est ad terminum.

Præterea appetitus naturalis non est frustra, sed si esset qualibet forma augmentabilis in infinitum tunc appetitus naturalis esset frustra, quia non potest attingere suum terminum.

Præterea philosophus dicit, quod numerus est augmentabilis in infinitum, quia itur ad materiam non autem diuisibilis in infinitum, quia itur ad formam, ergo *3. Phis. con- tex. 60. 61. & 63. & 68.*

ctionibus naturalibus. Sed loquendo de perfectionibus supernaturalibus, quæ respiciunt potentiam obedientialem, sicut est in proposito de gratia hoc non oportet.

Ad secundum dico, quod summum negativè non est infinitum, dicitur enim summum illo modo per non excedi ab alio, & non per excedere omne aliud.

Summum negativè non est infinitum.

Ad tertium patet ex dictis in secundo articulo.

Ad quartum respondet Magister, quod dicebatur perficere in gratia non in se, sed in aliis qui de eius gratia, & sapientia proficiebant, & hoc probat per Gregorium in quadam Homelia.

DISTINCTIO XIII.

Circa distinctionem decimamquartam quæritur.

Utrum intellectus animæ Christi possit omnia videre in verbo, quæ videt verbum?

Seraphicus Bona. 3. sent. dist. 14. quest. 3. Art. 2.

Scotus 3. sent. distin. 14. q. 1.

D. Thomas 3. parte q. 10. Artic. 2. & 3.

Richardus 3. sentent. dissinc. 14. q. 3.

Durandus 3. sentent. distinc. 14. q. 2.

Franc. de May. 3. sent. dist. 12. q. 1.

Ioannes Baconianus 2. sent. distin. 13. q. 1.

QVÆSTIO I.

Hic quæri opus est. Circa istam distinctionem decimamquartam quæritur primo. Utrum intellectus animæ Christi possit omnia videre in verbo, quæ videt verbum? Et videtur, quod sic, quia quod potest maius potest & minus, sed intellectus animæ Christi potest videre essentiam divinam, quæ maior est, quam ea, quæ refulcent in ea, ergo potest videre omnia in verbo, quæ videt verbum.

Præterea Augustinus dicit, quod qui cognoscit patrem cognoscit & filium, quia sunt vnum. Sed magis sunt rationes ydeales in Deo, quam personæ, quia inter per-

2. De tri.

sonas est distinctio realis, ergo cum Christus videat
vnam ydeam in Deo poterit videre omnes.

Cap. 2.

Præterea Magister dicit in litera. quod anima Christi
videt omnia quæ videt verbum, ergo.

Contra, intellectus finitus non potest videre infini-
ta, sed intellectus animæ Christi est finitus, & non po-
test videre infinita. Sed ea quæ videt verbum sunt infini-
ta, ergo.

In ista quæstione sunt quatuor articuli secundum
quatuor opiniones.

Vna est Thomæ, quæ dicit, quod anima Christi non
potest videre omnia quæ videt verbum. Quod declara-
tur sic. Quanto aliqua causa perfectius videtur, tanto
plures effectus videtur in ea. Exemplum huius est. quod
quanto aliquis perfectius videt aliquod principium,
tanto plures connexiones videt ex principio, ideo vi-
dens omnes connexiones alicuius principij, compre-
hendit illud principium. Et hoc arguitur sic. Si intelle-
ctus animæ Christi videret omnia, quæ videt verbum,
tunc comprehenderet verbum, sicut videns omnes con-
nexiones principij comprehendit principium, sed nul-
lus intellectus creatus potest comprehendere verbum,
ergo nullus intellectus creatus potest videre omnia, quæ
videt verbum.

Duplex scien-
tia in Deo.

Utriusque distinguunt isti in Deo duplicem scientiam.
Vna dicitur scientia simplicis notitiæ, & respicit tam ea
quæ sunt, quam ea quæ esse possunt. Alia dicitur scientia
visionis, & ista respicit tantum ea quæ sunt. Si ergo fiat
quæstio de scientia visionis, sic anima Christi videt om-
nia, quia videt verbum, quia illa sunt finita, & finita pos-
sunt sciri à virtute finita, igitur. Si autem fiat quæstio de
notitia simplicis notitiæ tunc dicunt, quod anima Chri-
sti non videt omnia, quæ videt verbum, quia illa scientia
respicit possibilis, quæ sunt infinita. Infinita autem non
possunt videri à virtute finita. Et etiam sicut supra argue-
batur anima Christi comprehenderet verbum, quæ om-
nia sunt falsa.

Contra istam
opinionem sic
objicitur.

Contra istam opinionem obiicitur sic. Dato quod
A. continent B. & C. ordinate, ita quod B. sit tota ra-
tio respectu ipsius C. si intellectus B. nō comprehendit

A multo magis intellectus. C. non comprehendit A. Vel per alia verba clariora accipiat subiectum, & passio propinqua, & passio remota. Si passio propinqua non comprehendit subiectum, sequitur nec passio remota. Sed respectu Dei esse infinitum intensiue, & esse in quo infinita possibilis relucet se habent ordinate, ita quod quia est infinitus intensiue ideo infinita possibilis relucet in eo sed bene vident infinitum intensiue, nec propter hoc ipsum comprehendunt, ergo non sequitur, quod si aliquis videt omnia quæ relucet in eo, quod ipsum comprehendat.

Item contra distinctionem qua soluitur quaestio arguitur sic. Possibile est, quod anima Christi videat aliquod possibile futurum puta animam Antichristi creandam, ergo non ponitur præcise terminus in cognitione eorum, quæ Deus nouit scientia visionis secundum distinctionem superius tactam.

Alia est opinio. Henrici de Gandauo, quod anima Christi cognoscit omnia facta, & fienda, non quidem cognitione actuali, sed habituali, vnde quemadmodum ponitur visio actualis, & habitualis, ita anima Christi videt omnia, quæ videt verbum non quidem actualiter, sed habitualiter per habitum animæ Christi concreatum. Quod declaratur sic. Virtus finita distinctius videt duo quam tria, & tria quam quinque, ergo minus distincte videt mille quam centum. Sed anima Christi habet virtutem finitam, ergo minus distincte videt omnia quam aliqua, sed illa est cognitio habitualis, ergo.

Præterea. Infinitas extensiuæ præsupponit infinitatem intensiuam per Commentatorem, in tractatu de substantia orbis. Sed anima Christi non habet infinitatem intensiuam, ergo nec extensiuam ad cognoscibilia, & sic *12. Met. com. tex. 41.* cognoscit omnia habitualiter.

Contra istam opinionem, quod aliquis intellectus cognoscit omnia per habitum vnum inhærentem est diffusè dictum in secundo, tantum vnam rationem reposito. Vbi pluralitas requirit maiorem perfectionem ibi infinita pluralitas requirit infinitam perfectionem. Exemplum huius. Si posse portare decem potera requirit tantam virtutem, sequitur, quod posse simul portare

Dist. 3. par. 2

9. 3.

Exemplum. 2.

infinita pondera requirit infinitam virtutem. Sed aliquid esse rationem distincte cognoscendi plures quiditates concludit maiorem perfectionem, ergo esse rationem distincte cognoscendi omnes quiditates concludit infinitam perfectionem, & tunc talis habitus est infinitus perfectione, quod non tenetur. Minor probatur, tunc quia in Deo ponitur infinitas ex infinitate idearum, quæ repræsentantur, tum quia repræsentatiuum vnius est alterius rationis à repræsentatiuo alterius, & quodlibet dicit perfectionem, quia non posse repræsentare in repræsentatiuo alterius dicit carentiam perfectionis.

Alia est opinio multorum, & etiam Scotus videtur aliquantulum assentire, quod anima Christi videt omnia, quæ videt verbum non solum habitualiter, sed etiam actualiter. Et hoc probatur duobus modis. Vno modo quod hoc fiat vnica visione. Alio modo quod fiat multis, & propriis visionibus, & quocunque modo cognoscendi hoc ponatur dicitur, quod hoc est actiue ex parte diuinæ essentia, & passiue, ex parte animæ Christi.

2. Met. cont.

13.

Contra hoc obiicitur, quia tunc anima Christi quæ est finita cognosceret actu infinita, quod est contra philosophum, vbi dicit, quod non contingit infinita pertransire.

Præterea si anima Christi videt actualiter omnia quæ verbum videt aut hoc esset distinctis visionibus, aut vnica visione. Non primo modo, quia finitum non est capax infinitarum visionum. Anima autem Christi est finita. Non etiam secundo modo, quia quodlibet visibile proprium, habet propriam visionem, ergo sicut ponuntur in verbo infinita visibilia, ita ponuntur ibi infinitæ visiones.

Si quis autem veller istam opinionem sustinere cito posset se de istis obiectionibus expedire dicendo, quod ista visio non fit virtute animæ Christi, quia tunc concluderent rationes, sed fit virtute diuina.

Quarta opinio est Varronis, quod anima Christi videt omnia, quæ videt verbum habitualiter non tamen per habitum inhærentem sicut ponebat secunda opinio, sed per hoc, quod verbum exprimit animæ

Christi quicquid exprimeretur potest sine omni occultatione, ad quod ponitur tale exemplum. Si in aliquo speculo relucere viginti species, & aspiciens speculum non posset nisi decem videre, tunc si aspiciens esset agēs voluntarium posset videre nunc quatuor nunc quinque species secundum voluntatem suam. Sic eodem modo anima Christi ex quo non potest omnia simul capere, quæ verbum exprimit simul, potest tamen videre nunc ista nunc illa.

Contra istam opinionem occurrit vñm dubium, *Dubium.*
quia anima Christi in sua cognitione modum habet substantiæ separatæ, & beatæ, sed in beatis non est successio in actibus, ergo anima Christi non conuertit se nunc ad ista nunc ad illa. Minor probatur per Augustinum. Non erunt inquit volubiles nostræ cogitationes ab aliis in alia euntes, & redeuntes, sed omnem scientiam nostram vnico intuitu videbimus. Sed istud dubiū non cogit, quia ibi Augustinus loquitur non assertiue, sed dubitatiue, quia dicit ibi forte non erunt volubiles nostræ cogitationes.

15. de trin. x.
15.

Ad primum principale dicendum, quod si maius, & minus non sunt eiusdem rationis, & proportionis, tunc non oportet quod si aliquid potest maius, quod potest minus. Exemplum huius est, oculus potest videre lucem, & tamen non potest videre tenebras, ita est in proposito, licet essentia sit maius quam ea, quæ relucet in ea, verum quia se habet per modum vnius, & ea quæ relucet in ea non sic se habent per modum vnius, ideo non sunt vnius proportionis.

Exemplum.

Ad secundum dicitur quod qui cognoscit patrem cognoscit filium non solum quia sunt vñm in essentia, sed etiam, quia sunt relatiua, & relatiua secundum philosophum simul sunt naturali intelligentia, sed ydea non sic se habent, quia vna ydea non dicitur relatiue ad alteram, licet dicatur ad ydeatum, ideo videns vñam ydeam, non oportet quod videat alteram.

*Cap. de relati-
uis.*

Ad quartum dicitur, quod Magister loquitur de visione habituali, quia anima Christi videt omnia, quæ videt verbum non per habitum inhaerentem vt ponebat secunda opinio, sed per hoc quod verbum expri-

mitanima Christi omnia quantum exprimi possunt vt patet ex vltima opinione.

Vtrum anima Christi nouit omnia in proprio genere?

Seraphicus Bonauent. 3. sent. dist. 14. q. 3.

Scotus 3. sentent. distinction. 14. q. 3.

D. Thomas 3. parte quest. 12. Artic. 1.

Ricardus tertio sententiarum distinctio. 14. questio. 1.

Durandus tertio sententiarum distinctio. 14. questio 3.

QVÆSTIO II.

Cap. 2.



ECUNDO quæritur. Vtrum anima Christi nouit omnia in proprio genere? Videtur, quod non. Luce. Iesus proficiebat aetate, & sapientia. Sed hoc non est verum si cognouit omnia in proprio genere, ergo.

Cap. 5.

Præterea Apostolus ad Hebræos dicit. Ex his, quæ passus est didicit obedientiam, sed hoc non esset verum si cognouit omnia in proprio genere, ergo.

1. Met. in pro
hemio ex 2.
post in fine.

Præterea anima Christi est eiusdem naturæ cum anima nostra, ergo habet consimilem modum cognoscendi. Sed anima nostra cognoscit per scientiam acquisitam, quia vt patet per philosophum, ex multis sensationibus fit vna memoria, & ex multis memoriis fit vnum experimentum, & ex multis experimentis fit vniuersale principium scientiæ, ergo

Contra, nulla imperfectio ponenda est in anima Christi sed ignorantia est imperfectio, ergo non est ponenda in anima Christi, ergo Christus nouit omnia scientia infusa in proprio genere.

Præterea, sic se habet intellectus ad virtutes intellectuales sicut voluntas ad virtutes Morales, sed in voluntate animæ Christi non ponuntur acquisitæ virtutes Morales, quia tunc ante acquisitionem fuisset passionatus, quod est inconueniens, ergo similiter in intel-

lectu Christi non ponitur virtus, seu scientia acquisita.

Præterea Angeli nouerunt omnia in proprio genere, ergo similiter anima Christi.

Respondeo. In ista quæstione sunt tres articuli secundum tres opiniones.

Vna est Thomæ parte 3. q. 9. articulo 1. & 4. qui distinguunt duplicem scientiam, scilicet infusam, & acquisitam. Et quantum ad infusam, quod nouit omnia per aliqua sibi infusa, puta per species intelligibiles à Deo sibi infusas, & in hac notitia non potuit proficere. Sed quantum ad scientiam acquisitam potuit proficere, quia in natura nihil est frustra. Sed in anima Christi est intellectus agens, & possibilis, ergo non sunt frustra, ergo possunt habere propriam operationem. Sed talis operatio est acquisitio scientiæ, quia intellectus agens facit, quod est potentia intelligibile actu intelligibile, & habet abstrahere. Intellectus autem possibilis habet recipere, ergo anima Christi potuit proficere in scientia acquisita.

Contra istam opinionem obiicitur ex dictis opinantium sic. Plura accidentia eiusdem specie non possunt simul esse in eodem subiecto secundum ipsum Thomam, sed notitia infusa, & acquisita rei in proprio genere sunt eiusdem speciei, ergo non possunt simul esse in eodem, probatur minor, quia si non essent eiusdem speciei hoc esset ex parte agentis, sed hoc non valet, quia Ambrosius ponit in libro de incarnatione verbi, quod disparitas ortus, non facit distinctionem naturæ, ut patet de Adam, & de nobis.

Idem ponit Augustinus.

Præterea duæ perfectiones, siue duæ cognitiones perfectæ eiusdem obiecti nõ possunt esse simul, quia ex quo ponuntur ambo perfectæ altera superflueret. Sed notitia infusa, & acquisita ponuntur ambæ perfectæ, ergo non sunt simul in Christo.

Præterea. Si in illa scientia acquisita Christus proficiebat pro eo, quod habebat intellectum agentem, & possibilem, ut tua ratio assumebat, pari ratione beati in patria proficiunt continuè in scientia acquisita, quia

habent intellectum agentem, & possibilem, sed hoc est falsum, ergo.

*Henri quo-
li. 5. q. 14. di.
3. q. 5.*

Alia est opinio Henrici, quod anima Christi nouit in proprio genere habitualiter per habitum scientialem a Deo illi animæ concreatum. Sed contra hunc habitum argutum est in quæstione præcedenti, & libro 2.

Opinio Scoti.

Alia est opinio Scoti ad cuius euidenciam præmittam vnā distinctionem, secundo dico quæstionis solutionem. Distinctio est ista, quod duplex est cognitio, scilicet intuitiua, & abstractiua, & habent triplicem differentiam. Differentia prima est, quod intuitiua requirit obiectum, quod sit in re extra, & sit præsens potentia in ratione præcedentis. Abstractiua autem tale obiectum non requirit necessario, sed sufficit sibi habere aliquid supplens vicem obiecti.

Secunda differentia est, quod intuitiua ponit respectum attingentia obiecti, vt termini immediati, quia ex quo attingitur obiectum existens in re extra, vt existens, & immediate medio dico habente rationem termini, quia bene esse potest intuitiua cum medio habente rationem quo non quod, sicut patet in potentia visiva, quæ informatur speciei rei visibilis non est ibi actualis attingentia obiecti, vt termini immediati. Abstractiua autem hunc respectum priuat, quod accidit sibi, quod eius obiectum existat in re extra.

Tertia differentia est, quod intuitiua ponit respectum mensurabilem ad mensuram actualem.

Abstractiua autem non ponit respectum actualem, sed aptitudinalem solum qui quidem respectus est etiam mensurabilis ad mensuram non actualis, sed solum aptitudinalis, quia nullus respectus habet plus de actualitate, quam suum fundamentum, sed fundamentum huius respectus, id est, obiectum non habet esse actuale in notitia abstractiua necessario, ergo nec ille respectus est actualis, sed aptitudinalis.

His præmissis dico ad quæstionem, quod si fiat sermo de notitia abstractiua tunc dico, quod anima Christi nouit omnia in proprio genere per species infusas sibi à Deo, quia quicquid est perfectionis est ponendum in

in illa anima si sibi non repugnat. Sed species illæ infusæ sunt perfectiones in anima Christi respectu omnium cognitorum abstractiue, & sibi non repugnat sicut non repugnat Angelis, qui isto modo nouerunt omnia in proprio genere, quia secundum Augustinum, simul stant cognitio in verbo, & cognitio in proprio genere, ergo.

*Li. 4. super
Genesim ad
litteram.*

Sed tunc esset dubium, si istæ species sunt species quiditatum aut singularium. Non enim videntur esse species singularium, tum quia essent infinitæ, tum quia plura accidentia eiusdem speciei essent simul in eodem, quod est inconueniens, secundum aliquos. Sed contrarium videtur, quia includentia rationes, primo seipsis diuersas non possunt distincte cognosci per vnum commune representatiuum. Sed indiuidua includunt rationes primo seipsis diuersas, vt patuit, ergo ipsa indiuidua non cognoscuntur tantum per vnum commune representatiuum, ergo illæ species sunt singularium, & non quiditatum seu vniuersalium præcise. Teneatur illud quod plus placet.

*Li. 2. de indi-
uiduatione.*

Si autem fiat quæstio de cognitione intuitiua sic dicitur, quod Christus non nouit omnia, & hoc ratione actuum existentium, & singularium, quia respectu horum habuit notitiam acquisitam, & in hac cognitione Christus proficiebat, quia vt ait Apostolus ad Hebræos. Ex his, quæ passus est didicit obedientiam.

Cap. 5.

Ad principale dicitur dupliciter. Primo secundum viam Magistri, quod Christus proficiebat ætate, & sapientia non quidem in se, sed in aliis qui de eius sapientia proficiebant, & hoc probat per Gregorium, vt patuit supra.

Dist. 13. c. 2.

Aliter dicitur, quod illud verum est de notitia intuitiua acquisita, quia in illa proficiebat vt dictum est, & per hoc patet ad secundum ad illud Apostoli. Ex his, quæ passus est, &c.

Ad tertium dico, quod ille processus cognitionis de quo loquitur philosophus, quantum ad aliquid est necessitatis in nobis, & quantum ad aliquid non est necessitatis. Nam in cognitione intuitiua est necessitatis in nobis, & quo ad hoc competebat Christo, vt fuit

viator nobiscum, in cognitione autem abstractiua ille processus non est necessitatis si talis cognitio habetur per species infusas à Deo, & sic fuit in anima Christi.

DISTINCTIO XV.

Circa distinctionem decimam quintam
quæritur.

Vtrum in anima Christi fuerit simul dolor,
& gaudium?

Seraphicus Bonauen. 3. sent. distin. 16. q. 2. Art. 2.

Scotus 3. sentent. distinctio 15. q. 1.

D. Thom. 3. part. q. 15. Artic. 5.

Richardus 3. sent. distinct. 15. q. 2.

Durandus 3. sententiarum distinctio. 15. q. 3.

QVÆSTIO I.

Illud quoque prætermittendum. Circa distinctionem decimam quintam quæritur. Vtrum in anima Christi fuerit simul dolor, & gaudium? Videtur, quod non, quia contraria non possunt esse simul in eodem.

Nam si contraria possunt simul esse, & contradictoria, ex 4. Metha. Sed dolor, & gaudium sunt contraria, ergo.

4. Met. cont.

9.

7. Eth. c. 18.

Præterea Aristoteles 7. Ethicorum dicit, quod vehemens delectatio expellit tristitiam non solum optatam, sed etiam quancumque contingentem. Sed anima Christi habuit summam delectationem, quia Christus erat compræhensor, ergo nullam habebat tristitiam

Præterea. In delectatione siue gaudio cor dilatatur, in tristitia vero constringitur. Sed impossibile est cor simul dilatari, & constringi, ergo.

Præterea. Sicut se habet gloriosum, & non glorio-

sum ad corpus, ita dolor, & gaudium ad animam. Sed impossibile est corpus esse gloriosum, & non gloriosum, ergo impossibile est quod in anima sit simul dolor, & gaudium.

Contra in Psalmo. Anima nostra repleta est malis, *Psalm. 87.* vbi Aug. non malis vitis, sed pœnis.

Præterea, vbi est morbus ibi apponitur medicina, sed medicina fuit passio Christi, ergo in anima Christi fuit verus dolor, & constat, quod in eo fuit verum gaudium, quia erat comprehensor, ergo.

Respondeo. In ista quæstione sunt multæ opiniones quas non omnes intendo recitare. Sed recitabo ad præsens tantum quatuor, & secundum hoc sunt quatuor articuli.

Vna opinio dicit, quod in anima Christi fuit simul dolor, & gaudium, quia in anima Christi sensitiva fuit verus dolor, & non gaudium. In anima vero intellectiva erat verum gaudium, & non dolor. *I. Opinio.*

Primum patet sic. Dolor est passio illata, & perceptibilis apprehensio illius passionis illatæ. Sed in Christo quantum ad animam sensitivam erat passio illata, & perceptibilis apprehensio passionis illius illatæ, quia sensus tactus optime vigeat in eo, quia erat nobilissimæ complexionis.

Secundum declaratur ex hoc, quia in parte intellectiva erat plenitudo divinitatis, & gaudij, talis autem plenitudo non permittebat eum sentire aliquem dolorem.

Contra hoc obiicitur per Damas. qui dicit, quod Christus habuit mestam intelligentiam, sed intelligentia distinguitur contra partem sensitivam, ergo non solum in sensitiva, sed etiam in intellectiva fuit mestitia siue tristitia. *Li. 3. c. 22.*

Præterea mors Christi, aut fuit naturalis, aut violenta. Non naturalis, quia tunc fuisset mortuus in isto instanti, si nulla passio fuisset ei illata, quod est falsum, ergo fuit violenta, sed omne violentum est naturaliter contristans ex nono methaphisicæ, ergo cum illa mors esset violenta non solum quantum ad sensitivam,

sed etiam quātum ad intellectiuam, quia violenter fuerit separata intellectiua anima, ergo sequitur, quod in intellectiua fuit vera tristitia.

2. *Opinio.*

Alia est opinio quæ dicit, quod anima Christi potest considerari dupliciter, vel inquantum essentia, vel inquantum potentia, si consideretur inquantum essentia habuit verum dolorem, & passionem, & patiebatur corpore patiente, quia anima secundum suam essentiam tota est in toto, & tota in qualibet parte corporis. Si autem consideretur anima inquantum potentia sic non patiebatur nec habuit verum dolorem.

Contra istam opinionem potest obijci per duo argumenta facta contra præcedentem opinionem.

Præterea ad hoc ponitur dolor in Christo, quia per illum debuit mereri. Sed meritum est in anima inquantum potentia non inquantum essentia, quia inquantum potentia habet deliberare, & elicere actus meritorios, ergo dolor fuit in anima Christi inquantum potentia.

Præterea maior est colligantia animæ ut est natura ad seipsam, ut potentia, quam sit virium sensitiuarum ad animam ut natura, vel essentia, ergo. Si propter talē colligantiam facta passione in viribus sensitiuis patitur anima, ut natura sequitur, quod patiente anima ut natura patiatur anima ut potentia.

*Henr. quoli.
8. q. 7. vide
Varronem
hic.*

Alia est opinio quæ dicit, quod anima potest tripliciter considerari. Primo modo ut est natura, & sic dicitur, quod anima intellectiua patiatur patiente anima sensitiua, quia in homine sensitiua & intellectiua sunt vna res fundamentaliter.

Secundo modo potest anima considerari, ut est ratio inferior, & sic anima Christi habuit verum dolorem quia ratio inferior respicit obiectum temporale, & quia inferebatur sibi pœna ideo habuit verum dolorem.

Tertio modo potest considerari ut est ratio superior, & quia rationis superioris est tendere in Deum, ideo ex ista tendentia non potuit habere dolorem, sed gaudium. Et est talis ordo inter dolorem & gaudium respectu animæ Christi, quia ex parte doloris primo fuit in

Christo dolor in toto composito ex anima, & corpore, & anima sensitiva, & intellectiva, secundo fuit in anima sensitiva, tertio in anima intellectiva ut est natura quædam. Ex parte autem gaudij fuit econuerso, quia primo fuit in ratione superiori, secundo fuit in anima ut est natura quædam, tertio fuit gaudium in toto composito.

Quarta opinio est ad cuius euidentiā est sciendum, quod dolor est ex apprehensione sensus alicuius læsionis factæ in carne propter quod sequitur passio in appetitu. Tristitia autem est ex apprehensione interiori, & fit frequenter sine læsione carnis, quia fit per imaginationem, & apprehensionem intellectiuam vnde diffinitur sic. Tristitia est animi dissensus ab his, quæ nobis nolentibus accidunt. 4 Opinio.

Ad propositū dicitur, quod si accipitur dolor, qui est ex apprehensione sensus læsionis factæ in carne, tunc in Christo fuit verus dolor, quia veram naturam passibilem habuit, immo fuit maximus dolor, tum quia fuit tenerrimæ complexionis, tum quia fuit passus in locis maxime passibilibus, puta in locis neruosis, scilicet in manibus, & pedibus. Tum quia sensus eius vigeant, & non erant obsoleti, nec fiebat redundantia a gaudio animæ in corpus. Vnde in aliis martyribus, quia fiebat talis redundantia, ideo non sic patiebantur, sed in Christo fuit factum miraculose, quod potentiæ agebantur secundum proprium motum. Si autem accipitur dolor pro tristitia dicitur, quod in anima Christi tam in portione superiori quam inferiori fuit dolor qui est tristitia. Quid sit tristitia.

Ad cuius euidentiā est notandum, quod voluntas potest accipi dupliciter, scilicet pro voluntate deliberatiua, & pro voluntate naturali. Si accipitur voluntas pro deliberatiua voluntate sic non fuit ibi tristitia, quia tristitia est de nolito. Sed illa passio non erat nolita a voluntate deliberatiua Christi, immo erat volita, quia illa voluntas cum erat recta confirmabatur legibus diuinis, lex autem diuina dictabat passionem illam esse volendam, ergo ut sic non fuit ibi tristitia. Si autem accipitur voluntas pro voluntate naturali secundum por-

*Pulchrum
exemplum.*

tionem superiorem, & inferiorem fuit ibi tristitia, quia tristitia est de nolito. Sed voluntas Christi naturalis nolebat istam passionem, quia erat disconueniens suæ naturæ, ergo in hoc erat tristitia. Vnde sicut proponitur sibi vt malum, vltterius quia proponitur sibi vt necessarium propter vitandum periculum, & sic vult, ita est in proposito. Nam proponebatur passio vt disconueniens naturæ, & sic voluntas naturalis nolebat. Sed postea proponebatur vt necessaria pro redemptione generis humani, & sic voluntas deliberatiua volebat. Opinio Scoti hic dimittitur, quia nimis est proluxa, & duæ, vltimè rationabiliter sustineri possunt.

Verumtamen contra vltimam opinionem obiciunt aliqui contra distinctionem, qua dicitur, quod voluntas potest accipi pro voluntate deliberatiua, & pro voluntate naturali, & in isto vltimo non fuit in anima Christi dolor, qui est tristitia.

Contra illud arguitur. Prædicatum non dicitur de subiecto ratione alicuius, quod accidentaliter inest, sed accidit voluntati, quod coniungatur cum appetitu sensitui, ergo licet voluntas dicatur naturalis ratione illius coniunctionis, non propter hoc debet dici de voluntate dolor, vel tristitia. Dicendum, quod si voluntas diceretur naturalis ex hoc præcise, quod coniungitur appetitui sensitui sicut opinans videtur dicere tunc distinctio non esset bona. Sed distinctio est sic accipienda quod possum considerare voluntatem vt respicit bonum absolute, & conueniens naturæ, & sic dicitur voluntas naturalis. Et possum considerare voluntatem vt sequitur iudicium rationis, & sic dicitur voluntas deliberatiua, & tunc distinctio est bona.

Mat. c. 22.

Ad primum principale dicitur dupliciter. Vno modo negando maiorem, quia per potentiam diuinam contraria in summo possunt simul stare in eodem sicut in corporibus damnatorum ponitur summa caliditas, & summa frigiditas, vt videtur dicere vna glosa super illud Matthæi. Ibi erit fletus, & stridor dentium. Sed hoc non videtur bene dictum, quia Rabi Moyſes,

sic dicit, quod coniunctio contrariorum in eodem subiecto est vnum de impossibilibus quæ creator non potest facere.

Præterea diffinitum non potest esse sine diffinitione. Sed diffinitio contrariorum est, quod mutuo se expellunt ut patet per philosophum, ergo per nullam potentiam possunt esse simul quin mutuo se expellant.

Ideo aliter dicitur ad minorem quod dolor, & gaudium in proposito non sunt in proposito contraria: tum, quia non insunt eodem modo, tum quia non sunt de eodem obiecto, quia gaudium est de obiecto beatifico, & eterno, dolor autem de obiecto temporali, & corruptibili.

In post prædicamentis.

Ad aliud philosophi 7. Etichorum dicitur, quod non est ad propositum, quia philosophus loquitur ibi de delectatione corporali, nos autem loquimur de delectatione spiritali. Nam delectatio corporalis puta, quæ est ex cibo expellit tristitiam oppositam ex cibo, & quamcunque contingentem.

7. Eth. c. 13.

Aliter dicitur, & melius, quod dictum philosophi habet veritatem quando de vna potentia naturaliter fit redundantia in aliam potentiam. In proposito autem in Christo dispensatiue factum est, quod non fuit redundantia gaudij animæ ad vires alias nec ad corpus.

Ad tertium dicitur, quod non est ad propositum, quia dilatatio cordis respicit gaudium temporale, in proposito autem fuit gaudium spirituale in portione superiori.

Ad quartum dico, quod maior est falsa quia gloriosum, & non gloriosum respectu eiusdem corporis sunt contradictoria. Dolor autem, & gaudium in proposito non sunt contradictoria nec etiam contraria. Tum quia non insunt eodem modo, tum quia non sunt de eodem obiecto ut dictum est.

DISTINCTIO XVI.

Circa distinctionem decimam sextam quaeritur.

Vtrum Christus habuerit necessitatem moriendi?

Tr iiii

Seraphicus Bona. 3 sent. dist. 16. q. 3. Art. 2.

Scotus 3. sent. distinct. 6. q. 1.

D. Thomas tertia parte questio 14. Artic. 2.

Richardus tertio sententiarum distinct. 16. quast. 1.

Durandus tertio sententiarum distinct. 16. q. 1.

Franc. de May. 3. sent. dist. 17. q. 2.

QVAESTIO I.



Hic oritur quæstio ex prædictis. Circa dist. 16. quæritur. Vtrum Christus habuerit necessitatem moriendi? Videtur, quod non, quia mors est inflicta propter peccatum, sed in Christo non fuit peccatum nec origina-

le, nec actuale, ergo non habuit necessitatē moriendi. Maior probatur, tum quia ad Roma. dicitur. Corpus mortuum est propter peccatum, tum quia Gene. dicitur quacunque hora comederis ex eo, &c. Tum quia Augu. dicit, quod si nullus delinqueret nullus moreretur. Et 4. de tri. dicit, quod mors est inflicta ratione criminis.

Præterea anima Christi fuit omnisciens, ergo fuit omnipotens, quia non est minoris perfectionis omnia scire, quam omnia posse. Sed omnipotens potest repellere omnem causam mortis, ergo.

Præterea perfectior est anima Christi, quam forma cœli, sed in cœlo nulla est causa corruptionis, ergo nec in anima Christi.

Contra, omne generabile de necessitate est corruptibile, vt patet, sed corpus Christi fuit generabile, ergo corruptibile.

Præterea omne compositum ex contrariis est corruptibile, sed corpus Christi erat compositum ex contrariis, ergo. Ad euidenciam huius quæstionis, quia mors est quidam defectus naturæ. Ideo est sciendum, quod filius Dei sic assumpsit nostram naturam, quod assumpsit eam cum pœnalitatibus, & defectibus quos decuit. Nā aliqui sunt defectus in nostra natura qui proueniunt ex culpa, & sunt ad culpam, sicut pronitas ad malum, & difficultas ad bonum, & huiusmodi defectus filius Dei nō assumpsit, quia non decuit. Alij vero sunt defectus, qui

Rom. 8.

Gene. 2.

*Lib. retractat.
cap. 1. 4. de tri.*

*6. Met. con-
tex. 7.*

Quid sit mors.

*Distinctio de-
fectum.*

proveniunt ex culpa non tamen sunt ad culpam, & isti distinguuntur, quia quidam sunt personales puta lepra, cæcitas, & claudicatio, & huiusmodi, & istos etiam non assumpsit. Quidam vero sunt naturales, ut fames, & sitis, & istis similes, & hos assumpsit.

His præmissis in generali quantum ad defectus quos assumpsit oportet videre in speciali, vel particulari si assumpsit hunc defectum qui est necessitas moriendi. Et sunt hic duo articuli secundum duas opiniones.

Vna indistinctè dicit, quòd in Christo fuit necessitas moriendi, ita quòd si non fuisset ei aliqua pœna, vel passio illata, fuisset tamen mortuus senio, quòd probatur sic. Materia est qua res potest esse & nō esse ex 7. metha. ita quòd materia existens sub priuatione est principium corruptionis, quia altera pars contrarietatis, idest priuatio machinatur ad maleficium, idest ad corruptionem, 7. Met. context. 9. 22. 58. ex primo philosophorum. Sed materia corporis Christi est eiuidem rationis cum materia nostri corporis, & est ibi priuatio alicuius formæ, ergo sicut necessariò est causa corruptionis, ita & in Christo.

Præterea in corpore Christi erant qualitates contrariæ. Sed ex contrarietate qualitatum sequitur actio, & passio, & eadem corruptio, ergo. Probatio maioris, quia qualitates elementorum non sunt in omnimoda proportionem æquali in corpore mixto proportionato animæ, quia diuersæ partes requirunt diuersas proportionem complexionis. 1. Phy. context. 80.

Præterea omne corpus generabile habet certū periodum suę durationis ultra quam non potest durare, sed corpus Christi fuit generabile, ergo. 1. De generatione. context. 57.

Quicquid sit de conclusione in se istæ rationes non concludunt. Prima enim ideo non concludit, quia si valeret tunc argueretur de corpore Christi modo sicut ante, quia habet materiam eiuidem rationis cum corpore nostro, & est priuatio ibi annexa, ergo esset nunc in eo necessitas moriendi, quod est falsum.

Similiter secunda ratio non concludit, quia ita in corpore illo sunt modo qualitates contrariæ sicut tunc, & tamen non ponitur in eo necessitas moriendi. Similiter tertia ratio nō valet, quia assumit vnū falsum scilicet, om-

habet certum periodum suæ durationis vltra quam non potest durare, quia si producatúr aliquis lapis in esse, & tollatur omne extrinsecum corruptiuum posita generali manutenentia diuina nunquam corrumpetur.

Opinio Scoti.

Ideo est alia opinio, quod de verbo in comparatione ad naturam assumptam possumus loqui tripliciter. Primo comparâdo verbum ad naturam assumptam gloriosam, isto modo, quod gloria quæ ponitur in anima redundet in corpus.

Secundo comparando verbum ad naturam assumptâ innocentem, sicut est pura natura sine peccato cum iustitia originali.

Tertio comparando verbum ad naturam non gloriosam, ita quod gloria animæ non redundaret in corpus, primo modo non fuisset in Christo necessitas moriendi sicut nec in beatis erit post resurrectionem. Similiter nec secundo modo, sed tertio modo in Christo fuisset necessitas moriendi sicut ponit Aug. vbi dicit quod Christus habuit similitudinem carnis peccati, quia nisi iuuenis occisus fuisset ipso senescente ad mortem venire potuisset nullo miraculo circa ipsum posito.

Sed adhuc restat dubium vnde erat illa necessitas moriendi. Et dicitur, quod fuit ex hoc, quod corpus Christi sibi dimissum sine redundantia gloriæ erat animale, & non sub pleno dominio animæ, & indigebat cibo, & fiebat deperditio, & restauratio, nec poterat fieri tanta restauratio quanta est deperditio, sed vbi non fit tanta restauratio quanta est deperditio, ibi est necessitas moriendi.

Contra. Christus sciebat quantum necesse erat sumere de alimento ad tantam restaurationem deperditi, ergo poterat sumere de alimento vt esset æqualis restauratio deperditi, & sic propter hoc non fuisset in eo necessitas moriendi. Respondetur, quod bene licet hoc sciuerit, non tamen sequitur, quod fieret æqualis restauratio deperditi propter duo. Primo propter potentiæ nutritiæ debilitatem in conuertendo alimentum, in rem alitam, secundo propter impuritatem alimenti secundû quod semper aliquid traxit de impuro, nunc autem ex puriori alimento generatur purior sanguis, & caro, & ex

Libro 2. de Baptismo parvulorum.

Vide Scotum pro hoc.

Dubium curiosum.

impuriori alimento generatur impurius sanguis, & caro.

Ad primum principale quando dicitur, quòd mors est inflicta propter peccatum, dicitur quòd verum est de necessitate in eo quod peccatum soluit prohibēs mortem. Si iustitiam originalem, proprie autem causa mortis est illa, quæ dicta est in secunda opinione, scilicet quod nō sit re' tauratio tanta quanta sit deperditio in humido radicali.

Quæ sit causa mortis.

Ad secundum cum dicitur, quòd anima Christi fuit omniſciens, ergo omnipotens, negatur consequētia, quia omniſcētia non potest communicari alicui creaturæ nisi habeat in se formam virtualiter contentiuam omnium obiectorum possibilibum produci. Ideo requiritur maior perfectio in fundamento omnipotentia, quam in fundamento omniſcientia.

Ad tertium dicitur, quod consequentia non valet si cælum est incorruptibile, ergo, & corpus Christi, ut patuit. Materia cœli non est eiusdem rationis cum materia inferiorum.

In 2. li. dist. 14.

SECUNDO quaeritur. Vtrum in potestate animæ Christi fuerit non mori ex violentia passionis? Videtur, quòd sic, quia quod habet plenum dominium super corpus potest impedire omnem violentiam corporalem, sed anima Christi habuit plenum dominium supra corpus, ergo. Minor probatur per hoc quòd ibi nulla erat rebellio inferiorum virium ad animam.

Præterea Ioan. ait Christus. Potestatem habeo ponēdi animam meam, & iterum sumendi eam, tunc quaeritur aut illam potestatem habuit inquantū Deus, aut inquantum homo, non inquantum Deus, quia quod semel assumptum nunquam dimisit secundum Damascenum, ergo inquantum homo, & habetur propositum.

Cap. 10.

Præterea. In Evangelio dicitur, quòd cum clamore valido emisit spiritum, sed non potuisset habere clamorem validum nisi præuenisset seu præsciuiſſet horā mortis, ergo.

Lib. 3. c. 26.

vel 73. solius

Contra, Christus erat viator, sicut & nos, sed non est in potestate animæ nostræ non mori passione inflicta, ergo.

Præterea. Si in potestate alicuius est non mori si non prohibet peccat, ergo si in potestate animæ Christi fuisset non mori, & non prohibuit, sequitur, quod peccauit, quod est inconueniens.

Respondeo. In ista quæstione non oportet multum insistere, quia patet ex solutione quæstionis præcedentis.

*Opinio An-
thoris.*

Ideo dico, quod si anima Christi gloriosa fuisset sibi dimissa, ita quod gloria animæ redundasset in corpus tunc in potestate animæ Christi fuisset non mori ex violentia passionis. Sed quia gloria animæ Christi de facto non redundabat in corpus, ideo illud corpus erat necessario corruptibile, & passibile. Cuius ratio erat ex prima institutione naturæ, quia hoc est principium in natura, quod aliqua actiua sunt nata dominari passiuis. Tunc arguitur sic. Omne corpus alterabile, & corruptibile per approximationem actiui dominantis potest corrumpi. Sed corpus Christi est huiusmodi, ergo, &c.

*Quomodo scet
ly ego.*

Ad primum principale dico, quod anima Christi haberet dominium supra corpus in hoc quod non erat rebellio virium sensitiuarum, non tamen habuit plenum dominium quantum ad hoc quod est non pati, quia gloria animæ non redundabat in corpus.

Ad secundum dicendum, quod ly ego in supposito, & appposito stat pro eadem persona, non tamen secundum eandem naturam ita quod, ego suppositum verbi secundum naturam diuinam pono animam meam à meipso secundum naturam humanam, quia in natura humana facta est separatio.

Ad tertium dicitur quod sicut fuit miraculum quod anima erat gloriosa, & corpus non, ita fuit miraculum in eo, quod clamauit valide in hora mortis, & miraculose fuit separata anima ante horam mortis per violentiam passionis.

DISTINCTIO XVII.

Circa distinctionem decimam septimam quaeritur,
Vtrum in Christo sint duae voluntates?

Seraphicus Bona. 3. sens. distinct. 17. q. 1. Art. 1.

Scotus 3. sent. dist. 17. q. 1.

D. Thomas 3. parte q. 18. Artic. 1.

Ricardus 3. sen. dist. 17. q. 1.

Durandus 3. senten. distin. 17. q. 1.

QVÆSTIO I.

POS T prædicta considerari, &c. Circa istam distinctionem 17, quaeritur primo. Vtrum in Christo sint duae voluntates? Videtur quod non. Quia omnis voluntas est domina sui actus, alias non esset libera. Sed si in Christo essent plures voluntates, altera non esset domina sui actus, ergo, &c. Probatio minoris. Illud quod sequitur motum alterius potentiae non habet dominium sui actus. Sed si in Christo ponitur alia voluntas à voluntate diuina sequitur motum voluntatis diuinæ, ergo nō habet dominium sui actus.

Præterea voluntas facit volentem, ergo, vbi sunt plures voluntates ibi sunt plures volentes. Sed Christus est vnus volens, ergo in Christo est vna voluntas.

Præterea vbi est vna personalitas ibi est vna voluntas. Sed in Christo est vna personalitas, ergo &c.

In oppositum arguitur sic. Potentia volitiua inseparabiliter sequitur potentiam intellectiuam. Sed in Christo sunt duo intellectus, scilicet creatus, & increatus, ergo in Christo sunt duae voluntates.

*In Christo
sunt duo in-
tellectus.*

Respondeo. In ista quaestione sunt duo articuli. Primus. Si in Christo sunt duae voluntates. Secundus, si voluntas creata Christi semper fuit conformis voluntati diuinæ.

Quantum ad primum patet per Damas. quod in Christo sunt duae voluntates, & sicut tenemu in Christo *Lib. 3. c. 14.*

Quere D. duas naturas, & vnam ypostasim, ita debemus tenere in *Tho. 3. parte* Christo esse duas voluntates, & vnam ypostasim, quod *q. 18. artic. 1.* probatur sic. Vbi sunt plures naturæ ibi sunt proprietates consequentes illas naturas. Sed in Christo sunt duæ naturæ, diuina, scilicet & humana, ergo in Christo sunt proprietates harum naturarum, scilicet voluntas diuina, & humana.

Præterea. Sicut patet in distinctionibus superioribus in Christo fuit summa gratia, & fruitio, & scientia, ergo sicut propter scientiam ponitur in Christo intellectus creatus similiter propter gratiam ponitur voluntas creata, sed in Christo etiam ponitur voluntas diuina, ergo in Christo sunt duæ voluntates creata, scilicet, & increata.

Præterea, Christus vt homo meruit, & Christus vt Deus creauit, sed creatio est per diuinam voluntatem, meritum vero per voluntatem creatam, ergo in Christo sunt duæ voluntates, scilicet creata, & increata.

D. Bona præ-
semi dis q. 1.
Dist. 15.

Sed diceres nunquid in Christo sunt præcise duæ voluntates? Et dicit hic quidam doctor satis probabiliter, quòd largè sumendo voluntatem pro appetitu in Christo sunt tres voluntates essentialiter distinctæ, scilicet voluntas diuina voluntas creata rationalis, & voluntas creata sensitiua, quæ dicitur rationalis per participationem in eo quòd est nata obedire rationi. Item voluntas rationalis diuiditur non quidem in diuersas potencias, sed in diuersos modos, vna dicitur voluntas rationalis naturalis, alia dicitur voluntas rationalis deliberatiua sicut dicebatur superius, quamuis Scotus hoc non approbet, tamen bene potest sustineri, & facit eam Doctor venerabilis Bonauentura. Item voluntas deliberatiua distinguitur in portionem superiorem, & inferiorem. Portio quidem superior respicit Deum. Portio autem inferior respicit proximum, & res inferiores Deo. Vnde mori amore Dei spectat ad portionem superiorem. Mori autem pro proximo spectat ad portionem inferiorem.

L. 1. 3. distin.
17. in primo
dubio super
litteram.

De secundo articulo, scilicet, quod voluntas creata Christi fuit semper conformis voluntati diuinæ. Dico, quod aut quæritur de volūtate sensitiua, aut de voluntate

rationali, quæ dicitur naturalis deliberatiua. Si primo modo conceditur, quod semper fuit conformis voluntati diuinæ in modo volendi, sed in voluto non fuit semper conformis, quia illa voluntas nolebat passionem, quia erat disconueniens suæ naturæ, & tamen hanc passionem diuina voluntas volebat. Si secundo modo dico cõsimiliter, quod voluntas naturalis rationalis licet esset conformis voluntati diuinæ in modo volendi, non tamen in voluto semper fuit conformis, quia illa voluntas nolebat passionem cum esset disconueniens suæ naturæ, & tamen voluntas diuina volebat.

Si autem loquimur tertio modo de voluntate naturalideliberatiua sic dico. Quod ista semper fuit conformis voluntati diuinæ.

Ad primum principale concessa maiore negetur minor, quia non obstaate, quod in Christo sint duæ voluntates habet altera dominium sui actus. Et quando dicitur, quod sequitur motum alterius voluntatis, scilicet diuinæ. Dico, quod non valet, quia verbum assumens naturam nullam habet actiuitatem propriam super naturam assumptam quam non habet tota Trinitas.

Vel aliter secundum vnam opinionem quæ ponit, quod voluntas est causa immediata sui actus, & totalis causa, & tunc non sequitur motum alterius voluntatis, sed voluntas diuina ponit voluntatem creatam in esse, & finit ipsum moueri actibus suis.

Ad secundum dicitur, quod non sequitur, quod Christus sit duo volentes, quia sicut pluries dictum est in præcedentibus distinctionibus concreta non numerantur nec plurificantur plurificatis abstractis nisi tam forma quam suppositum plurificetur. Et quia hic est vnum suppositum ideo est vnum volens. Quemadmodum etiam in Christo sunt duæ filiationes, & tamen Christus non est duo filij, sed vnus filius vt patuit supra. *Pulchra solutio.*

Ad tertium negetur maior, quando in eadem persona sunt naturæ, quæ habent proprietates essentialiter distinctas, sicut est in proposito, quia in ea persona Christi est natura diuina, & humana, ergo & voluntas diuina, & humana.

Vtrum decuerit Christum orare?

D. Thom. 3. par. quest. 21. Artic. 1.

QVÆSTIO II.

SECUNDO quæritur. Vtrum decuerit Christum orare? Videtur quod non. Vnde Aug. de correptione, & gratia dicit. Nemo quærit ab alio quod à seipso potest habere, ergo.

Præterea. Orare spectat ad personam inferiorem, sed persona Christi est æqualis dignitatis cum persona patris, ergo.

Præterea Christus nihil petebat nisi quod sciebat patrem velle, ergo si orabat frustra orabat, quia siue orasset, siue non, illa euenisset ex quo pater illud volebat, ergo.

Contra. Quicquid Christus fecit docuit eum facere, sed Christus orauit vt patet in multis Euangelis, ergo decuit eum orare.

In ista quæstione sunt duo videnda, primo principale quæsitum, secundo si in omni sua oratione Christus fuerit exauditus.

Quantum ad primum dico, quod decuit eum orare propter multa. Primo propter meritum vt nos, qui non eramus capaces beneficiorum Dei per eius orationem efficeremur capaces. Secundo propter virtutis exemplum, quia membra debent caput imitari. Tertio propter virtutis documentum, vt scilicet ex Christi oratione cognosceremus eum esse verum hominem, & hoc tangitur Ioan. vbi ait Christus. Gratias tibi ago domine quoniam semper me audis. Nunc autem rogo non propter me, sed propter populum, vt credant, quia tu me misisti. Quarto propter complendum officium, quia erat summus Pontifex, sed officiū summi pontificis est orare. Vnde ad Hebr. Omnis pontifex ex hominibus assumptus pro hominibus constituitur in his, quæ sunt ad

Deum vt offerat, &c.

Quantum ad secundum articulum discō, quod oratio est

Exemplum.

Cap. II.

Cap. 5.

Quid sit oratio.

est mentis siue voluntatis petitio. Voluntas autem creata Christi vt patet in quæstione præcedenti accipitur tripliciter, scilicet, pro voluntate sensitua, & pro voluntate rationali, quæ est naturalis, & pro voluntate rationali, quæ dicitur deliberatiua. Si loquimur de prima, & secunda voluntate dico, quod non semper fuit exauditus, quia secundum illas voluntates orabat dicens. Pater trāseat à me calix iste, & tamen non transiuit, immo hunc calicem passionis bibit. Si autem loquamur de tertia dico quod semper fuit exauditus.

*Quomodo
Christus fue-
rit exaudi-
tus.*

Ad primum principale dico, quod nemo petit ab alio quod potest à seipso habere, si oratio & exauditio competunt eidem personæ secundum eandem naturam. Nunc autem oratio, & exauditio non competunt personæ Christi secundum eandem naturam, quia oratio competit ei secundum naturam humanam, exauditio autem secundum naturam diuinam.

Ad secundum dico, quod Christus in quantum orabat erat minor patre in forma serui non in forma Dei in qua est æqualis patri.

Ad tertium dico, quod Christus non frustra orabat, quia Christus sciebat suum patrem velle hoc, quod eueniret mediante oratione Christi, & nisi orasset non euenisset, quia sic erat diffinitum à voluntate diuina.

DISTINCTIO XVIII.

Circa distinctionem decimam
octauam quaeritur:

Vtrum Christus meruerit in primo instanti
sue conceptionis?

Seraphicus Bona. 3 sent. dist. 18. quæst. 1. Artic. 2.

Scotus 3. sent. distin. 19. q. 1.

D. Thomas 3. parte q. 48. Artic. 1.

Richardus 3. sentent. distinc. 19. q. 3.

Durandus 3. sentent. distinc. 18. q. 3.

QVÆSTIO I.

DE MERITO Christi prætermittendum. Circa istam distinctionem 18. quaeritur? Vtrum Christus meruerit in primo instanti suæ conceptionis: Videtur primo quòd non meruit, secundo quod non potuit mereri in primo instanti suæ conceptionis.

Primum probatur sic. Voluntas perfectè immersa, & vnita Deo per fruitionem nō potest mereri alias sancti in patria continue mereretur, sed anima Christi erat perfectè vnita Deo, & fruebatur ipso, ergo.

Præterea anima Christi fruebatur Deo, ergo non merebatur. Probatio consequentiæ, quia aut meritum & fruitio sunt duo actus, aut sunt vnus actus, non sunt duo actus, quia in eadem potentia non sunt simul duo actus quorum alter secundum se est adæquatus potentia, sed fruitio est adæquatus actus potentia, ergo non poterat simul frui, & mereri, non etiam sunt vnus actus, quia meritum est actus contingens, fruitio vero est actus necessarius, sed idem non potest esse necessarium, & contingens, ergo.

Præterea probatur, quod non meruit in primo instanti suæ conceptionis, quia omne quod est quando est necesse est, ergo si Christus meruit, in primo instanti suæ conceptionis tunc pro illo instanti actus ille erat necessarius, sed nullum necessarium est meritum, ergo.

Præterea duæ mutationes quarum terminus vnus est ad quem, & terminus alterius est à quo non possunt esse in eodem instanti. Sed esse animæ est terminus creationis ad quem, & est terminus actionis meritoria à quo, ergo non possunt esse in eodem instanti creatio animæ Christi, & actus merendi.

Præterea. Si Christus potuit mereri in primo instanti suæ conceptionis, ergo malus angelus potuit peccare in primo instati suæ creationis quod est falsū, consequentiā probatur, quia actio meritoria, & demeritoria mensuratur eadē mēsurā. Falsitas cōsequētis probatur dupliciter.

Primo modo sic. Operatio quæ est in instanti quādo

res incipit esse est effectiue à causa producente rem in esse, ergo si angelus ab instanti suæ creationis potuit peccare, sequitur, quod peccatum sit à Deo, sicut & substantia angeli, & hæc est ratio Thomæ.

*D. Thomas 1.
par. q. 63. art.
5.*

Secundo sic Angelus non peccauit nisi per velle, sed primum velle habet à Deo non à se, ergo non potuit peccare in primo instanti. Probatio minoris. Si primum velle habet à se aut hoc est nolendo, vel volendo, non nolendo hoc patet de se, ergo volendo, tunc queritur de illo sicut de priori, quia aut à Deo, & haberetur propositum, aut à seipso, & queram de illo sicut de priori in infinitum.

Contra. Vigorosior est anima Christi quam lux, sed lux in eodem instanti quo est lux, ergo eodem instanti quo anima Christi fuit creata potuit mereri.

Præterea. Sicut se habet anima Christi ad fruitionem per gloriam, ita se habet per gratiam ad meritum. Sed anima Christi per gloriam in primo instanti habuit actum fruitionis, ergo per gratiam in primo instanti habuit actum merendi.

Respondeo. In ista questione sunt duo videnda. Primo si Christus meruerit. Secundo quando meruerit. Tercio si meruerit sibi aliquid, & quid fuit illud.

De primo dico quod meruit, quod persuaderetur sic, quicumque est in statu merendi si nunquam meretur aliquando demeretur, quia ad merendum tenetur aliquando, sed erat in statu merendi, quia viator, ergo si nunquam meruit, sequitur, quod aliquando demeruit, quod est falsum.

*Quomodo
Christus me-
ruerit.*

Præterea viator habens sufficiens principium merendi potest mereri, sed Christus erat viator, & habebat sufficiens principium merendi, scilicet gratiam quo potuit mereri, & si potuit, ergo meruit quia quicquid est nobilius, & perfectius est attribuendum illi animæ, si sibi non repugnat. Nunc autem est perfectius habere aliquid cum merito, quam sine merito.

Quantum ad secundum articulum, scilicet quando Christus meruit sunt duæ opiniones. Vna dicit, quod non meruit nec potuit mereri, in primo instanti suæ conceptionis, tum quia omne quod est quando est

neceſſe eſt eſſe, tum quia duæ mutationes quarum terminus vnus eſt ad quem, & terminus alterius a quo nō poſſunt eſſe in eodem inſtanti, tum quia pari ratione Angelus potuiſſet peccare primo inſtanti ſuæ creationis ſicut arguebatur ad partem primam quæſtionis.

*Opinio Scoti
probabilior.*

Alia eſt opinio, quod Chriſtus in primo inſtanti ſuæ conceptionis potuit mereri, & de facto meruit, & iſta videtur eſſe probabilior, quia omne habens actum primum perfectum, & obiectum præſens in oratione obiecti ſi non impeditur, & actus eius ſecundus eſt permanens, & non ſucceſſiuus poteſt habere actum pro quocunque inſtanti, ſed hæc omnia fuerunt in Chriſto in primo inſtanti ſuæ conceptionis, quia habuit potētiam, & gratiam perfectam. Similiter habuit obiectum præſens, ſcilicet totam trinitatem, & non impediabatur potentia, & actus eſt permanens, ergo.

*Contra hoc
obiicitur.*

Contra hoc obiicitur. Eſto enim quod Chriſtus habuit omnia prædicta adhuc non potuit mereri in primo inſtanti ſuæ conceptionis, quia meritum requirit deliberationem, & electionem, electio autem, & deliberatio requirunt, vel præſupponunt ſillogiſmum practicum, ſed iſta ſillogizatio, & deliberatio non fuit in eodem inſtanti, ergo.

Reſponſio.

Reſpondeo. Dicendum eſt quod licet talis ſillogizatio requiratur in nobis hoc tamen eſt propter imperfectionem noſtræ potentiz volituz, & vbi eſt potentia cognitiua perfecta ibi non neceſſario requiritur talis diſcurſus, quinimo ipſa deliberatio poteſt fieri in inſtanti, vnde 2. phificorum dicitur, quod perfectus artifex non deliberat. Potentia autem cognitiua Chriſti videt omnia, quæ videt verbum, ideo non ſic requirebatur talis diſcurſus, & deliberatio & electio, ergo potuit fieri in inſtanti.

*2. Phy. con-
tex. 80.*

Ad motiua autem alterius opinionis dicetur in fine quæſtionis.

*Opinio alio-
rum.*

Quantum ad tertium articulum, ſcilicet quid ſibi Chriſtus meruit, dicunt aliqui quod meruit ſibi fruitionem, & beatitudinem, quia quicquid eſt nobilitatis, & perfectionis eſt attribuendum Chriſto, ſed perfectius eſt habere fruitionem ex merito, quam ſine merito.

Alia est opinio cui assentior, quod Christus non meruit sibi fruitionem, quia aut hoc fuit per actum præcedentem, aut per actum qui est fruitio, non primo modo, quia nullus actus præcedens ponitur, non etiam secundo modo, quia meritum, & fruitio realiter differunt, meritum etiam se habet ad fruitionem sicut via ad terminum.

Si dicas, quod idem actus potest esse meritum, & fruitio siue præmium, quia idem actus potest habere respectum ad liberum arbitrium, & ad Deum, & ut habet respectum ad liberum arbitrium est meritum, ut autem habet respectum ad Deum est præmium, hoc non valet, quia pari ratione potest dici de beatis, quod continue merentur, quod falsum est.

Ad argumentum opinionis dicitur multipliciter. Primo sic, quicquid est nobilitatis est ponendum in Christo si sibi non repugnat habere tali modo. Sed Christo repugnat habere fruitionem ex merito, quia in Christo erat tam excelsa beatitudo quod per meritum acquiri non poterat.

Secundo dicitur, & melius, quod in Christo est ponendum quicquid est perfectionis si sibi non repugnat, vel suæ dignitati. Nunc autem habere fruitionem ex meritis repugnat dignitati Christi, quoniam, quia meritum præcedit præmium, tunc Christus pro aliquo instanti non habuit fruitionem quam meruit, quod est inconueniens.

Tertio modo dicitur, quod sicut diuersi gradus entitatis faciunt ad decorem vniuersi, ita diuersi modi habendi gloriam faciunt ad decorem istius status: ideo aliqui habent gloriam cum meritis, aliqui vero sicut Christus sine meritis, & sic non meruit sibi fruitionem.

Sed diceres nunquam, ergo aliud sibi meruit. dicendum, quod sic, sed quid sit illud. Circa hoc sunt duæ opiniones. Vna est Magistri in litera qui dicit, quod *Opinio Magistri.* meruit animæ, & corporis impassibilitatem. Animæ quidem impassibilitatem meruit, quia licet sit impassibilis quantum ad portionem superiorem, est tamen passibilis in parte inferiori, vel portione, & impassibilitatem huius portionis sibi meruit. Etiam meruit sibi impassibilitatem corporis in resurrectione, ut probatur per

Cap. 2.

Apostolum ad Philipenses. Christus inquit factus est pro nobis obediens vique ad mortem, & sequitur, propter quod & exaltauit illum, id est pro isto merito exaltauit illum.

Alia opinio dicit, quod Christus meruit sibi amotionem illius impedimenti quo gloria animæ non redundabat in corpus, hic accipe quod plus placet.

Ad primum principale dicitur, quod anima perfecte vnita Deo potest mereri si est omnino extra viam. Si autem aliquis vnitur Deo sic, quod existens comprehensor possit etiam esse viator possit mereri. Christus autem cum hoc, quod erat comprehensor erat viator, & ratione qua fuit viator meruit, vt patuit in primo articulo.

Ad secundum dicitur, quod fruitio, & meritum sunt duo actus.

Et quando arguitur, quod duo actus non possunt esse in eadem potentia quorum alter sit adequatus potentia. Dicendum, quod verum est secundum eandem portionem, sed in Christo fruitio erat secundum portionem animæ superiorem, meritum autem secundum portionem inferiorem.

Aliter potest dici, quod fruitio erat actus adequatus intensiue non autem extensiue ideo poterat mereri.

Ad tertium dico quod actus merendi in primo instanti fuit contingens, vnde sicut necessarium dicitur necessarium, quando ita est, ita contingens dicitur contingens quando contingenter inest. Voluntas autem ita contingenter eliciebat illum actum in primo instanti, sicut si præcessisset per diem.

Et quando dicitur. Omne quod est quando est necesse est esse. Dicendum quod potest accipi in sensu diuisionis, & tunc est falsa, vel in sensu compositionis, & tunc est vera, sed non contra me.

Ad quartum dicendum quod maior est falsa, quia Luna eodem instanti quo illuminatur à Sole illuminat hemispherium nostrum, & tamen sunt diuersæ mutationes.

Lib. 2. dist. 4.

Ad quintum concedo consequens, quod Angelus in primo instanti sue creationis potuit peccare, vt patuit.

Ad primam probationem dicendum, quod maior

habet veritatem de positiuis non de priuatiuis. Peccatum autem est priuatio boni, ideo peccatum angeli non erat à Deo.

Ad secundam probationem dico quod angelus potuit habere primum velle à seipso. Etiam cum dicitur, aut nolendo, aut volendo. Dico, quod primum velle non habuit nolens nec nolens tanquam per actum secundum, sed immediate per ipsam voluntatem tanquam per actum primum ipse eliciebat velle. Si vis de ista materia require libro secundo.

Dist. 4.

DISTINCTIO XIX. & XX.

Circa distinctionem decimam nonam & vigesimam quæritur.

Vtrum Christus meruit nobis gratiam,
& gloriam?

Seraphicus Bonauent. 3. sent. dist. 18. q. 3. Art. 2.

Scotus 3. sentent. distinction. 19. q. 1.

D. Thomas 3. parte quest. 48. Aristul. 1.

Ricardus tertio sententiarum distinctio. 19. questio. 3.

Durandus tertio sententiarum distinctio. 18. questio 3.

Q. V ÆSTIO I.

NUc autem quæramus. Circa distinctionem 19. & 20. quærentur duo, primo.
Vtrum Christus meruit nobis gratiam, & gloriam? Videtur, quod non, quia meritum non excedit præmium, sed meritum Christi excedit gloriam omnium hominum, ergo.

Præterea meritum ordinatur ad præmium tanquam ad finem, sed meritum Christi ordinatur ad præmium nostrum tanquam ad finem.

Præterea meritum Christi est finitum, sed culpa nostra fuit infinita, ergo non meruit nobis deletionem. Maior patet, quia natura in qua Christus patiebaturs erat finita. Minor probatur, quia tanta est culpa quantus

est ille qui offenditur, sed qui offenditur puta Deus est infinitus, ergo.

Contra. Leo in sermone de Natiuitate Domini. Sicut a reatu nullum liberum reperit sic omnibus curandis venit.

Respondeo, In ista quæstione sunt duo articuli secundum duas opiniones.

Vna opinio ponit duas conclusiones quarum prima est: Christus meruit omnibus culpæ remissionem gratiæ infusionem, & gratiæ collationem quantum ad sufficientiam.

Secunda conclusio est, quod non meruit, illa omnibus quantum ad efficaciam.

Prima conclusio probatur sic. Persona infinita potest sufficienter satisfacere pro infinitis habendo meritum infinitum, sed persona Christi est infinita, ergo potuit sufficienter satisfacere pro infinitis habendo meritum infinitum.

Secunda conclusio probatur sic. Agens non agit, nisi in passum dispositum, quia actus actiuorum sunt in patiente disposito, ex 2. de anima, sed non omnes sunt dispositi ad habendam gratiam, & gloriam, ergo non meruit ista omnibus quantum ad efficientiam.

Contra primam conclusionem arguitur sic. Nulla forma est perfectior in agendo quam sit in essendo, quia agere nunquam excedit esse, sed esse in natura in qua Christus merebatur est finitum, ergo non habuit meritum infinitum.

Præterea. Actiones mensurantur secundum rationem agendi non secundum rationem agentis, ergo operatio illa est finita quæ est in ratione agendi finita, sed meritum Christi secundum naturam creatam est à ratione agendi finita, ergo meritum non fuit infinitum. Et declaratur ratio per exemplum, quia licet velle in Christo esset operatio infinita, non tamen erat infinitum, quia erat à ratione agendi finita.

Contra secundam conclusionem obiicitur sic, quia tunc Christus non meruit nobis gratiam primam, & gratiam baptismalem, quia respectu illius non eramus, dispositi.

Ideo dicitur secundum aliam opinionem in qua sunt duo declaranda. Primo quomodo Christus meruit quantum ad sufficientiam. Secundo quomodo meruit quantum ad efficaciam.

Opinio Scoti.

De primo dicitur, quod meritum Christi, non fuit formaliter infinitum sed finitum. Verumtamen est sciendum, quod omne creatum in quantum est volitum à Deo in tantum est bonum, meritum autem Christi licet sit finitum acceptatur tamen à Deo tanquam infinitum, ideo sufficit pro infinitis extensivè.

Singularis doctrina.

De secundo dico, quod Christus meruit omnibus quantum ad efficaciam, hoc modo. Nam incarnatio Christi, & eius passio non fuerunt occasionaliter praeiussa, sed ab æterno videbantur à Deo ita quod Deus intellexit se tanquam summum bonum. In secundo signo intellexit omnes creaturas. In tertio signo aliquos homines prædestinavit, & circa aliquos habuit actum negatum. In quarto signo vidit aliquos casuros in Adam. In quinto prouidit de remedio eorum quomodo redimerentur per passionem filij sui tanquam per meritum.

Sed diceres quid nobis Christus meruerit, dico, quod meruit nobis quinque scilicet peccati remissionem, secundo gratiæ infusionem, tertio pœnæ æternæ, & temporalis dimissionem, quarto diabolicæ potestatis concussationem, & ianuæ cælestis apertionem.

Ad primum principale dicendum, quod meritum non excedit præmium quando aliquis meretur pro se ipso, sed quando aliquis meretur pro alio meritum potest excedere præmium, & sic meritum Christi potest excedere præmium nostrum, ut ipse meretur pro nobis.

Quomodo meritum excedat præmium.

Ad secundum potest dici eodem modo, vel potest distinguere de fine secundum viam philosophi in secundo physicorum quia est finis simpliciter, & est finis sub fine, & sic meritum Christi potest ordinari ad præmium nostrum tanquam finis sub fine.

*2. Phy. cont.
24.*

Ad tertium dico, quod licet meritum Christi sit formaliter finitum tamen acceptatur à Deo extensivè tanquam infinitum, & coniungitur obiecto beatifico per gratiam, & gloriam. Et quando additur in minori, quod

peccatum est infinitum, si intelligatur, quod sit infinitum intensiue est falsissimum, quia tunc oportet ponere summum malum, & rediret error Manichæorum.

Vtrum fuerit necessarium genus humanum reparari per mortem Christi?

Seraphicus Bona. 3. sent. dist. 2. q. Art. 1.

Scotus 3. sent. distinct. 20. q. 1.

D. Thomas tertia parte questio 46. Artic. 2. Et 3.

Ricardus 3. sent. dist. 20. q. 2.

Durandus 3. sententiarum distinct. 11. q. 1.

Franciscus de Mayronis 3. sentent. dist. 17. q. 2.

QVAESTIO II.

Secundo quæritur. Vtrum fuerit necessarium genus humanum reparari per mortem Christi? Videtur quod non, quia nobilior est Angelus, quam homo, sed non fuit necessarium angelum reparari siue redimi per mortem Christi, ergo.

Cap. 5. Præterea genus humanum reparatur, per illud in quo nullus laudatur, sed in passionibus non laudamur, ex secundo Ethicorum, ergo.

Cap. 15. In contrarium est Ansel. lib. 2. Cur Deus homo, ubi expresse dicit, quod genus humanum necesse fuit per passionem Christi redimi. Item super illud ad Hebræos gloria Auctorem salutis eorum per passionem consummare dicit, quod nisi moreretur Christus, homo non redimeretur.

Cap. 21. Respondeo. In ista questione sunt duo articuli secundum duos modos dicendi.

Primus modus est Anselmi in libro Cur Deus homo. Qui ponit quatuor conclusiones. Prima, quod necesse fuit hominem redimi. Secunda, quod non potuit redimi sine satisfactione. Tertia est, quod ista satisfactio non potuit fieri per purum hominem, vel per puram

creaturam Quarta conclusio, quòd necessarium fuit istam satisfactionem fieri per Christum qui est Deus, & homo.

Primam conclusionem probat sic. Si non fuit necesse hominem redimi, ergo homo creatus fuit frustra, quod est inconueniens. Consequentia probatur, quia homo creatus est ad laudandum Deum, & diligendum, & etiam ad fruendum ipso Deo. Aut ergo Deus deducit hominem ad hunc finem aut non. Si non, ergo frustra creatus est homo Si sic, cum iam lapsus erat per peccatum necesse fuit ipsum redimi.

Secundam conclusionem probat sic. Iniustus est omnis homo qui non reddit Deo quod debet, sed nullus iniustus admittitur ad beatitudinem, ergo qui non reddit Deo quod debet, non saluatur. Sed hoc non redditur nisi satisfaciendo, ergo necesse fuit hominem redimi per satisfactionem.

Tertiam conclusionem probat sic. Nullus satisfacit pro peccato hominis nisi reddat Deo aliquid maius omni eo pro quo homo non debuit peccare, sed pro omni eo quod est aut esse potest non debuit peccare, ergo nullus satisfacit pro peccato hominis nisi reddat Deo aliquid maius omni eo quod est aut esse potest, sed nullus purus homo hoc potest reddere, ergo purus homo non potest satisfacere pro peccato hominis.

Quartam conclusionem probat sic. Ille potest satisfacere pro peccato hominis qui habet in se aliquid maius omni eo quod est sub Deo, & qui sponte se offerat Deo & qui vincat diabolum per asperitatem sicut primus homo submisit se diabolo per suauitatem, sed nihil est asperius morte, & in Christo est aliquod maius omni eo quod est sub Deo, etiam qui sponte se offerat Deo, ergo necesse fuit per mortem Christi hominem redimi & diabolum conculcari. Si ista conclusio Anselmi sic intelligatur quod redemptio non potuit esse nisi per mortem Christi & per aliquid sponte oblatum Deo, quod sit maius omni creatura, videtur esse dubia, & contra dicta sanctorum. Dicit enim August. & allegatur à Magistro in littera, quòd alius modus

2. *Moralium.**Cap. 14.*

redimendi hominem quam per mortem Christi Deo non fuit impossibilis. Item Leo Papa in sermone de ramis palmarum dicit, quod omnipotētia filij Dei in qua æqualis est patri potuisse liberare genus humanum solo imperio voluntatis suæ. Item Gregorius, qui nos fecit exiltere de nihilo reuocare etiam sine morte & passione sua potuit. Itē ipsemet Ansel. lib. 2. Cur Deus homo, approbat dictum discipuli sui dicentis Cur Deus homo, quod minima læsio illius hominis fuit maior, quam peccata omnium hominum, ergo non oportuit ipsum mori propter peccatum, quia sufficiebat minima læsio Christi ad redimendum.

*Necessitas
duplex.*

Ideo dicitur aliter ad quæstionem, quod necessitas est duplex, scilicet absoluta, & ordinata. Si loquamur de necessitate absoluta sic non fuit necessarium genus humanum redimi per passionem Christi, sicut patuit per dicta sanctorum immediate allegata. Si autem loquamur de necessitate ordinata, & potest dici necessitas cōsequentiæ eo, quod præsupponit ordinationem diuinam, & sic fuit necessarium genus humanum redimi per passionem Christi, & isto modo possunt exponi dicta Anselmi in quatuor conclusionibus primi articuli.

Ad primum principale dico, quod si poneretur vnus Angelus in vna specie tantum difficile esset respondere. Sed ponendo in eadem specie sunt plures angeli soli numero differentes. patet, quod non est simile de Angelo, & de homine quia per peccatum primi hominis tota species humana erat damnata, ideo erat reparanda, sed non fuit damnata tota vna species angelica.

Ad secundum dico, quod in passionibus naturalibus, non laudamur, sed in passionibus pœnalibus sicut est mors bene laudamur, sicut patet de martyribus qui laudantur ex passionibus.

DISTINCTIO XXI. & XXII.

Circa distinctionem vigesimam primam
& vigesimam secundam
queritur:

Vtrum corpus Christi fuisset putrefactum si
resurrectio non fuisset accelerata?

Seraphicus Bonavent. 3. sentent. distinct. 21. questio 2. Art. 1.

Secus 3. sententiarum distinctio. 21. q. 1.

D. Thomas 3. parte q. 51. Artic. 3.

Ricardus tertio sententiarum distinct. 21. quest. 2.

Durandus 3. sententiarum dist. 21. q. 2.

QVAESTIO I.

POST prædicta considerandum. Circa vigesi-
mam primam, & vigesimam secundam di-
stinct. quæritur. Vtrum corpus Christi fuisset
putrefactum si resurrectio non fuisset ac-
celerata? Videtur quod sic, quia natura non
incipit aliquem motum quem nõ possit terminare. Sed *2. Met. cæter.*
in Christo inceptus erat motus, qui erat ad putrefactio- *8. & 6. phy.*
nem, quia anima vere fuit separata a corpore, ergo tan- *cont. 91.*
dem illud corpus fuisset putrefactum.

Confirmatur. Quia dicitur, quod egrediente anima
de corpore corpus marcescit, & expirat.

Præterea Christus habuit defectus naturæ humanæ
viuentis, igitur pari ratione habuit defectus naturæ hu-
manæ mortuæ. Sed putrefactio est defectus consequens
naturam mortuam, ergo.

Præterea assumens naturam specificā assumit proprie-
tates naturæ illius. Sed putrefactio est proprietas naturæ
corporis mixti, cum ergo Christus habuit corpus mix-
tum sicut & nos, sequitur quod illud corpus fuisset pu-
trefactum.

Contra. In psalmo dicitur. Non dabis sanctum tuum
videre corruptionem. *Psalm. 15.*

Respondeo. In ista quæstione dicuntur tria. Primo
quid est putrefactio. Secundo, quod corpus Christi non
fuisset putrefactum si resurrectio non fuisset accelerata.
Tertio quare corpus Christi non fuisset putrefactum si
resurrectio non fuisset accelerata. *Quid sit pu-
trefactio.*

Quantum ad primum dicitur, quod putrefactio est

corruptio proportionis elemētorum in mixto per exaltationem humidi continuantis partes in mixto facta ex caliditate corporis circumstantis. Et est talis ordo.

Nam primo calidum corporis circumstantis educit humidum corporis, quod putrescit in superficie ad quā sequitur putrefactio, & demum incineratio, hoc totum apparet in corporibus mortuorum, quæ primo in superficie humectantur, consequenter putrescunt, & demum incinerantur.

Quantum ad secundum articulum dicitur, quod corpus Christi non fuisset putrefactum, quia putrefactio est per hoc quod in corpore non est aliqua virtus continēs elementa. Sed in corpore potuit esse, & de facto fuit aliqua virtus continens elementa scilicet virtus diuina, ergo.

Præterea, Christus non assumpsit aliquem defectum, qui non proficeret ad redemptionem humani generis. Sed putrefactio illius corporis non proficiebat ad redemptionem humani generis, quia iam erat redemptio facta per mortem quæ præcedit putrefactionem, ergo.

Quantum ad tertium articulum dicitur, & valde pulchrè, quod aliqua sunt futura quo ad causas naturales si illæ causæ naturales non prohiberentur, & illud futurū non est futurum simpliciter nec euenit necessario propter causam superiorem prohibentem causalitatem secundarum causarum, & tunc iudicandum est esse futurū secundum causam superiorem, & vincentem. Exemplum de hoc ponitur quando Isaias nunciauit Ezechia, quod moreretur, qui mortuus fuisset secundum causas naturales nisi, quia causa superior. i. Deus prohibuit, & additi sunt ei 15. anni vitæ. Ita dico in proposito. Nam corpus Christi mortuum fuisset putrefactum quantum est ex parte causarum naturalium si non fuissent prohibita, quia habuit causam naturalem resolutionis intrinsecam, & extrinsecam: Deus autem prohibuit causalitatem secundarum causarum, & prohibuisset etiam si illud corpus non fuisset viuificatum vsque ad generalem resurrectionem.

Sed hic est dubium vnum si hoc fuisset factum anti-

*Exemplum.
Isaie. c. 38.*

quo miraculo an nouo. Et dicit hic quidā doctor, quòd hoc fuisset factum antiquo miraculo, quia eodem velle quo Deus vniuit sibi naturam humanam eodem præseruasset eam à corruptione.

Alij autem dicunt, quòd hoc factum fuisset nouo miraculo, quia actiuum naturaliter approximatum passiuo si non impeditur, & non agit hoc est per nouum miraculum. Sed tale passiuum erat corpus Christi mortuum, quia tunc non erat gloriosum nec illa vnguenta appositae præseruassent corpus à resolutione pro semper, & habuit actiuum approximatum, ergo si nunquam fuisset putrefactum hoc fuisset propter nouum miraculum ita quòd alia volitione secundum rationem voluit corpus sibi vniri, & alia præseruari à resolutione. Accipiat opinio, quæ plus placet.

Ad primum principale, dico quòd natura non incipit motum quem non possit perficere quātum est ex se. Sed bene incipit quod non potest perficere, quia prohibetur à causa superiori, & sic est in proposito, quod patet ex tertio articulo.

Ad secundum dicendum, quòd non est simile de natura viuente, & natura mortua quantum ad defectus cōsequentes, quia Christus assumpsit defectus in natura necessarios pro redemptione humani generis necessitate dico ordinante vt expositum est in distinctione præcedenti. Putrefactio autem non erat defectus necessarius pro redemptione humani generis.

Ad tertium dicendum quòd duplex est proprietas scilicet separabilis & inseparabilis. De proprietate quidem inseparabili maior est vera. De proprietate vero separabili non. Et tunc vltius distingo de proprietate separabili, quia quædam sunt necessaria pro fine redemptionis sicut mors, & istam Christus assumpsit. Alia vero nō necessaria pro isto fine sicut putrefactio, & istam non assumpsit, ergo &c.

Duplex proprietas.

Vtrum Christus in triduo fuerit homo?

Seraphicus Bona. 3. sent. dist. 11. q. 1. Art. 2.

Scotus 3. sententiarum distinc. 22. q. 1.

D. Thom. tertia pars quest. 50. Artic. 4.

Richardus 3. sentent. distinc. 22. q. 1.

Durandus. 3. sent. dist. 22 q. 1.

QVAESTIO I I.

SECUNDO quaeritur. Vtrum Christus in triduo fuerit homo? Videtur quod sic, quia Christus in triduo fuit Christus, ergo in triduo fuit homo. Antecedens probatur, quia idem praedicatur de seipso. Consequentia probatur, quia quando ex opposito consequentis sequitur oppositum antecedentis tunc consequentia est bona, sed sic est in proposito, ergo &c.

Præterea Christus in triduo habuit animam sibi unitam. Sed anima cum sit forma hominis dicit totam quiditatem rei, ergo Christus in triduo fuit homo.

Contra. A quocunque remouetur superius ab eodem remouetur & inferius. Sed corpus animatum superius est ad hominem, ergo a quocunque remouetur corpus animatum ab eodem remouetur homo. Sed Christus in triduo non habuit corpus animatum, ergo Christus in triduo non fuit homo.

Responsio. Ista quaestio potest dupliciter pertractari. Vno modo logice ad modum sophistarum, sicut tractatur ista propositio Cæsar est homo; nullo homine existente. Alio modo theologicè. Primo modo non intendo eam pertractare, sed secundo modo, & possunt esse quatuor articuli secundum quatuor modos dicendi.

Vnus modus dicendi est Hugonis primo libro de sacramentis, quod Christus in triduo fuit homo, quia ipse ponit, quod anima sit homo vtens corpore, hoc accidit homini, vt vtatur corpore, quia anima sumpta per se ponitur ab eo esse suppositum. Sed Christus in triduo habuit animam sibi unitam, ergo Christus in triduo fuit homo.

Alius modus dicendi est Magistri, qui tenet eandem conclusionem, tamen propter aliud motiuum. Vult enim Magister, quod ad hoc, quod aliquis sit homo, oportet

7. mes. contex.

*34. & 35. &
inde.*

*Ista quest.
duobus modis
potest pertra-
ctari.*

Cap. ultimo.

oportet quòd habeat animā, & corpus, non tamē oportet necessario, quòd illa sint vnita inter se, sed sufficit, quòd ambo sint vnita in tertio. Sed corpus, & anima Christi licet non essent vnita inter se in triduo erant tamen vnita in tertio scilicet in supposito diuino, quia quod semel assumpsit nunquam dimisit, ergo Christus in triduo fuit homo.

Tertius modus dicendi est aliquorum qui sequuntur Hugonem in conclusione propter tale motiuum. Nihil est de per se ratione quidditatis nisi sola forma, ergo anima intellectiua, quæ est forma hominis dicit totā quidditatem hominis. Sed in triduo Christus habuit animam intellectiuam sibi vnitam, ergo Christus in triduo fuit homo. Quod autem forma dicat totam quidditatem rei & quòd materia nō pertineat ad quidditatem rei probatur sic. Materia est id quo res potest esse, & non esse, ergo si materia dicat quidditatem rei sequitur, quòd ipsum, quòd quid est sit corruptibile, cuius contrarium probat philosophus.

Præterea ipsum, quod quid est, est principium cognoscendi. Sed materia non est principium cognoscendi, sed potius est ignota, ex primo philosophorum, ergo non dicit quidditatem, sed sola forma.

Præterea in his, quæ per se habent quidditatem, quidditas est idem cum eo cuius est quidditas. Ex hoc arguitur sic. Illud quod impedit ne quidditas sit idem cum eo cuius est quidditas non dicit quidditatem. Sed materia est huiusmodi, ex tertio de anima, vbi dicitur. In habentibus materiā aliud est quidditas, & aliud cuius est quidditas, ergo. Præterea septimo methaphisicæ. c. de partibus diffinientibus dicitur quod anima est substantia animati, & quòd erat esse, ergo quidditas animalis est tantum forma, & anima.

Contra istas tres opiniones arguitur per vnā auctoritatem Augustini, vbi ait. Anima non est totus homo sed pars melior hominis, nec est totus homo corpus sed pars inferior hominis, & hoc est contra Hugonem, & sequitur statim contra magistrum. Cum vtrunque coniunctum fuerit simul. scilicet corpus, & anima habet nomen hominis. Hoc etiam, quod est contra Magistrum, est

7. met. contem.
22.

7. met. contem.
14.

7. met. contem.
20. & 21.
Idem 1. phys.
context. 63.

7. met. contem.
20. & inde.
3. de anima
context. 34. & 41.

7. met. contem.
9.
13. de tri.

Quomodo anima non sit totus homo.

Hec contra Hugonem, et Magistrum:

*Improbatur
ista opinio.*

contratertiam opinionem, quæ dicit animam esse totā quidditatem hominis, quia quidditas hominis includit totum quod est homo. Sed totus homo includit animā, & corpus, ergo corpus hominis dicit aliquā quidditatē, ergo anima non dicit totam quidditatem hominis.

*Vide omnia
in Scoto.*

Præterea ista tertia opinio improbat^r specialiter quantum ad hoc, quòd dicit formam esse totam quidditatem rei, & non materiam, quia quod dicit totam quidditatem rei est sufficiens ratio essendi rem illam. Sed forma rei puta forma ignis non est sufficiens ratio essendi ignem ergo forma non dicit totam quidditatem rei, minor probatur, quia quod est sufficiens ratio essendi rem potest rem ponere in esse quolibet alio circumscripto, sed circumscripta materia a re puta ab igne, ignis nō potest esse, ergo forma ignis circumscripta materia nō est sufficiens ratio essendi ignem.

Præterea. Ens completum in genere nulli alteri vnitur, vt faciat per se vnum cum illo, sed solum facit vnū per accidēs, vel per aggregationem. Sed si forma rei puta ignis dicit totam quidditatem tunc esset ens per se cōpletum in genere, ergo nulli alteri vnitur, vt faciat per se vnum, & tunc sequitur, quòd hic ignis esset vnum per accidens, & non per se, quod est falsum.

Præterea, quod includit aliquam quidditatem per se in genere, nec aliqua quidditas in genere includit ipsū, illud non est in genere, nec per se, nec per reductionem, quia quod est per se in genere includit quidditatem aliquam generis, & quod est in genere per reductionem includitur in quidditate alicuius in genere per se, ergo si materia includitur in quidditate hominis, & nō includit quidditatem hominis, ergo materia non est in genere, nec per se, nec per reductionem. Sed quod non est in genere, nec per se, nec per reductionem, vel est Deus, vel est nihil. Sed constat, quòd materia non est Deus, ergo materia erit nihil, quod est falsum.

*Aliquid dicitur
corruptibile
duobus
modis.*

Ad primum alterius opinionis, quando dicitur, quòd si materia dicit quidditatē tūc ipsum, quod quid est erit corruptibile. dico quod aliquid dicitur corruptibile, vel potentia propinqua, vel potentia remota. Nihil autem est corruptibile potentia propinqua nisi actualiter exi-

stat in materia contracta, & tunc dico, quòd ipsum quod quid est sine materia non est corruptibile. Sed si ipsum quod quid est: est in materia contracta bene potest esse corruptibile.

Ad secundum cum dicitur ipsum, quod quid est, est principium cognoscendi, & materia est ignota. Dicendum quod nihil habens materiam cognoscitur perfecte nisi cognita tam materia, quam forma.

Aliter tamen est causa cognoscendi materia, & aliter cognoscendi forma, quia quemadmodum differunt entitate ita differunt cognoscibilitate, & sic forma est maius ens, quam materia, ita etiam magis causat cognoscibilitatem forma, quam materia. Et ulterius quia materia habet esse in effectu per formam, ergo forma facit cognoscere materiam, vtrunque tamen est causa cognoscendi compositum, sed forma principalius cognoscitur, vnde ideo dicitur materia ignota, quia non est prima ratio cognoscendi illud cuius est.

Quomodo materia dicatur ignota.

Ad tertium quando dicitur, quòd in habentibus materiam quidditas non est idem cum eo cuius est quidditas. Dico quòd quando aliquid habet quidditatem primo, & per se tunc ipsum, quod quid est est idem primo, & per se cum eo cuius est. Quando autem aliquid habet quidditatem solum per accidens tunc quidditas est idem per se sed non primo. Quando autem habet quidditatem solum per accidens, tunc quidditas est idem sibi tantum per accidens, tunc ad propositum, quia homo habet quidditatem per se, & primo ideo quidditas est idem sibi, sed hic homo existens est habens quidditatem per accidens, & ita quidditas est idem per accidens sibi.

Vnde ad formam argumenti dico, quòd in acceptis cum materia contracta non est quidditas idem per se cum eo cuius est quidditas, sed tantum per accidens.

Quomodo forma dicatur esse quidditatis.

Ad quartum dico, quod philosophus dicit formam esse quidditatem non quòd formaliter dicat totam quidditatem rei, sed quia dicit principalem partem quidditatis.

Verum Christus fuerit homo potest intelligi duobus modis.

Respondendo ergo ad questionem ponitur quarta opinio quæ dicit, quòd cum queritur. Vtrum Christus in tri-duo fuit homo, homo potest intelligi dupliciter, scilicet

materialiter & formaliter. Si intelligatur materialiter sic dicitur, quod Christus in triduo fuit homo, quia post mortem nulla entitas realis partialis fuit destructa, imo, qualibet talis entitas fuit vnita verbo, & ideo fuit homo materialiter inquantum habuit partes sibi vnitas. Si autem intelligatur formaliter tunc Christus in triduo non fuit homo, quia vt patet per auctoritatem Augustini allegatam contra opinionem præcedentem ad hoc, quod aliquis sit homo requiritur vnio actualis animæ cū corpore. Sed in triduo anima Christi non erat actualiter vnita corpore, ergo Christus in triduo non fuit homo formaliter.

3. de ciui. cap.
vltimo.

Scotus tenet eandem conclusionem. scilicet quod Christus in triduo non fuit homo formaliter, & habet talem rationem. Humanitas, vel homo dicit entitatem absolutā ultra entitatem partium, & est illa entitas, quæ resultat ex partibus vnitis, alias generatio, & corruptio non terminarentur ad entitates absolutas, sed Christus in triduo non habuit istam entitatem vnitam, quia in triduo non habuit partes hominis vnitas, ergo Christus in triduo non fuit homo.

Christus in-
cludit duos
conceptus.

Ad primum principale negetur antecedens, quia hæc est falsa, Christus in triduo fuit Christus pro eo, quod Christus includit duos conceptus, scilicet conceptum hominis, & conceptum Dei, in triduo autem non habuit conceptum importatum per hominem. Et per eandem viā potest negari consequentia quia ex opposito consequentis non inferitur oppositum antecedentis simpliciter, sed tantum secundum vnum conceptum, scilicet Dei.

Ad secundum patet ex dictis contra tertiam opinionem, quia forma non dicit totam quidditatem hominis, vt ratio assumebat.

DISTINCTIO XXIII.

Circa istam distinctionem vigesimam tertiam quæritur.

Quid sit fides?

Petrus de Aquila 3 sentent. distinct. 22 q 2.

QVAESTIO I.

CUM vero supra habitum sit. Circa istam distinctionem vigesimamtertiam: Queritur primo sine argumentis; quid est fides? Respondeo secundum philosophum, ad multipliciter dictum. *In Elenchis.* est multipliciter respondendum. Sed fides accipitur multipliciter, ideo multiplices habet notificationes. Nam vno modo accipitur fides quantum ad genus proprium, & diffinit eam Augustinus sic. Fides est veritas qua creduntur, quae non videntur. Alio modo accipitur quantum ad principium morium, & diffinit eam Augustinus sic. Fides est illuminatio mentis ad summam veritatem, tertio modo accipitur fides quantum ad actum proprium & diffinit eam Damasc. sic Fides est inquisitus consensus circa primam veritatem, quarto modo accipitur fides quantum ad subiectum, & diffinit eam Dionysius. Fides est vnicum credentium fundamentum eos collocans veritati. Quinto modo accipitur fides inquam est habitus desperatus, & diffinit eam Augustinus sic. Fides est quaedam certitudo de rebus absentibus supra opinionem, & infra scientiam constituta. Ultimo accipitur fides in comparatione ad obiectum, & ad vltimum finem, & sic diffinit eam. Apostolus in epistola ad Hebraeos dicens. Fides est substantia sperandarum rerum argumentum non apparentium. *Definitio fides dei secundum Dionysium in lib de diuinis nominibus*

Cap. 1.

Utum necesse sit ponere fidem infusam?

Seraphicus Bonauent. 3. sent. distinct. 23. q. 2. Art. 1.

Scotus 3. sent. distinct. 23. q. 1.

D. Thomas 2. secunde q. 16. Artic. 1.

Richardus tertio sententiarum distinct. 23. quest. 2.

Durandus tertio sententiarum distinct. 23. q. 2.

QVAESTIO II.

SECUNDO quæritur. Vtrum necesse sit ponere fidem infusam? Videtur, quod non, quia nulla pluralitas est ponenda sine necessitate, sed non est necesse ponere fidem infusam, ergo. Probatür minor. Habitus propter actum ponitur, sed actus fidei est credere. Nunc autem possum ista credere per fidem acquisitam sicut per fidem infusam, sicut patet de homine qui nunquam vidit Romam & tamen credit Romam esse ex auditu, ergo non est necesse ponere fidem infusam.

Præterea si poneretur in nobis fides infusa à Deo tunc illa non potest in nobis corrumpi, siue annihilari, sed consequens est falsum, ergo, & illud ex quo sequitur. Probatio consequentiæ. Si fides infusa posset corrumpi, hoc non est nisi per maximum peccatum: puta per odiū Dei, sed hoc non valet, quia demones odiunt Deum, & tamen credunt, & contremiscunt, ut habetur in canonica Iacobi.

Præterea habens habitum potest elicere actum. Sed habitus est quo habens utitur cum voluerit. Sed habens fidem infusam sine fide acquisita non potest elicere actum credendi sicut patet in paruulis baptizatis, ergo non est necesse ponere fidem infusam.

Contra Apostolus ad Hebræos. Sine fide impossibile est placere Deo, aut ergo hoc dicit Apostolus de fide acquisita, aut de fide infusa. Non de fide acquisita, quia paruuli baptizati placent Deo, & tamen non habent fidem acquisitam ergo dicit de fide infusa, & per consequens oportet ponere fidem infusam.

Respondeo. In ista quæstione sunt tria declaranda. Primo, quod oportet ponere fidem acquisitam. Secundo, quod oportet ponere fidem infusam, tertio si fides infusa, & acquisita sint alterius rationis.

Quantum ad primum. scilicet quod oportet ponere fidem acquisitam probatur sic. Apostolus ad Romanos. Fides inquit est ex auditu, sed fides ex auditu est fides acquisita, ergo oportet ponere fidem acquisitam.

Item Augustinus contra epistolam fundamenti dicit sic. Euangelio non crederem nisi Ecclesiæ crederem. Et ait

Cap. 2.

Cap. 11.

Duplex est
fides infusa
& acquisita.

Cap. 10.

ibidem quodd euangelium Nazareorum non admittam, quia non admittitur ab ecclesia. Et hoc arguitur sic. Illud quod habetur per testificationem humanam habetur per fidem acquisitam. Sed de diuinis habemus notitiam per testificationem humanam, vt patet ex auctoritate Augustini allegata, ergo oportet ponere de eis fidem acquisitam.

Præterea ad idem habetur experimentum, quia si inter christianos moraretur iudaus iste non haberet fidem infusam, & tamen crederet habendo fidem acquisitam. Sicut ponitur de quodam paruulo iudæorum qui iuit ad communicandum cum christianis. Item est aliud experimentum de hæretico, qui credit vnum articulum circa alium errat. Iste in quantum hæreticus habet fidem acquisitam quantum ad articulum quem credit, & tamen non habet fidem infusam.

Quantum ad secundum principale, scilicet, quod oportet ponere fidem infusam illud non potest efficaciter probari nisi auctoritatibus. Primo auctoritate Apostoli ad Hebræos. Sine fide inquit impossibile est placere Deo. Vt enim arguebatur ad principale. Aut hoc dicit Apostolus de fide acquisita, aut de fide infusa, sed non de acquisita, quia paruuli baptizati placent Deo, & non habent fidem acquisitam, ergo dicit de infusa.

Cap. II.

Præterea, Apostolus ad Corinthios ait. Nunc autem manent fides, spes, charitas, sed oportet ponere charitatem infusam, ergo, & fidem infusam.

Cap. 13.

Præterea hoc persuadetur tali ratione. Sicut eleuatur voluntas ad finem supernaturalem, ita eleuatur intellectus ad suum obiectum supernaturale. Sed voluntas eleuatur per habitum infusum. i. per charitatem infusam, ita similiter intellectus per aliquem habitum infusum, sed talis habitus ponitur fides infusa, ergo oportet ponere fidem infusam. Et ex ista persuasionem patet ad quid ponitur fides infusa. ponitur enim, vt perficiat intellectum in actu primo, & in actu secundo, quia sicut charitas perficit voluntatem in actu primo, & in actu secundo, quia per charitatem mouetur arden-

zius circa dilectionem Dei, ita intellectus per fidem infusam mouetur cum maiori assensu circa credulitatem diuinorum.

Quantum ad tertium articulum dicitur communiter, quod fides infusa, & fides acquisita sunt alterius rationis, quia si essent eiusdem rationis altera superflueret quod est inconueniens, quia vanum est fieri per plura quod potest fieri per pauciora, ex primo philosophorum.

Præterea. Si fides acquisita, & fides infusa non essent alterius rationis tunc sicut fides acquisita potest acquiri naturaliter ita fides infusa posset acquiri naturaliter, quod est falsum.

Præterea Probant aliqui idem sic. Actus differentes specie arguunt causas differentes specie. Sed actus fidei acquisitæ, & fidei infusæ differunt specie, ergo &c. Probatio minoris, quia actus fidei infusæ est credere diuinæ veritati propter se cui non subest aliquod falsum. Actus autem fidei acquisitæ est credere diuinæ veritati propter signum, & fidei acquisitæ potest subesse aliquod falsum, ergo, &c.

Item actus fidei acquisitæ verificatur testimonio fallibili, quia testimonio hominum quod fallitur. Actus autem fidei infusæ verificatur testimonio infallibili: puta testimonio diuino, quod nunquam fallitur. Sed ista ratio habet maiorem falsam, quia sol manens, idem secundum speciem habet desiccare lutum, & humectare glaciem, & tamen isti actus sunt specie differentes.

Ad primum principale concessa maiore negetur minor, & quando probatur per hoc, quod actus credendi potest haberi per fidem acquisitam sicut per infusam, dico, quod est falsum, quia fidei acquisitæ potest subesse aliquod falsum, sicut patet in hæretico qui habet fidem acquisitam circa vnum articulum tantum. Fidei autem infusæ non potest subesse aliquod falsum. Similiter fides acquisita habetur testimonio humano, fides autem infusa datur à Deo.

Ad aliud dico, quod verum est, quod fides non corrumpitur effectiue, corrumpitur tamen à nobis demeritorie, sicut gratia annihilatur per peccatum. Et cun-

*Falsitas potest
subesse fidei
acquisitæ non
fidei infusæ.*

*Quomodo fi-
des corrumpi-
tur, demerito-
rie non effe-
ctiue.*

dicitur ergo corrumpitur per maximum demeritum, puta per odium Dei, hoc nego quia corrumpitur per id quod habet oppositum ad finem, scilicet, per infidelitatem circa credibilia, seu circa illa, quæ sunt credenda.

Per infidelitatem corrumpitur fides.

Ad ultimum dicitur, quod argumentum non valet, quia ad hoc, quod aliquis per habitum infusum exeat in actum, oportet præsupponere duo, scilicet actum fidei acquisitæ cum habitu, & actum voluntatis cum ipsa voluntate. Sed contra, quia Adam habuit habitum fidei infusæ, & tamen non oportuit, quod habuerit fidem acquisitam.

Præterea perfectior est fides infusa, quam habitus geometriæ. Sed si aliquis haberet geometriam infusam posset exire in actum, ergo similiter in proposito perfidæ infusam potest aliquis exire in actum.

Ideo aliter dicitur, quod argumentum non valet pro eo, quod secundum modum habitus sequitur actus, & quia habitus infusus principaliter est ad perficiendum intellectum in esse primo, & non quantum ad secundum actum, ideo dato, quod ponatur fides infusa perficiens intellectum in esse primo, non propter hoc sequitur actus secundus nisi præsuppositis aliis concurrentibus circumstantiis, scilicet euidencia obiecti, aut in se, aut in reuelatione.

DISTINCTIO XXIII. & XXV.

Circa distinctionem vigesimamquartam, & vigesimamquintam queritur.

Vtrum de credibilibus reuelatis possit aliquis habere simul fidem, & scientiam?

Seraphicus Bona. 3. sent. distinct. 24. q. 3. Art. 2.

Scotus 3. sent. dist. 24. q. 1.

D. Thomas 1. parte q. 1. Artic. 12.

Ioannes Baconianus 3. sent. dist. 24. q. 1.

QVÆSTIO I.

Hic oritur quæstio si tantum. Circa istam distinctionem vigesimamquartam, & sequentem, quæritur primo. Vtrum de credibilibus reuelatis possit aliquis habere simul fidem, & scientiam?

Ioan. ca 10.

Et videtur, quod sic, quia vt ait Saluator in Ioanne, quia vidisti me Thoma credidisti, ergo Thomas simul vidit, & credidit, & per consequens de eodem simul habuit fidem, & scientiam.

Præterea Petrus, & Ioannes viderunt Christum crucifixum, sed inter alios articulos vnus est credere Christum crucifixum, non autem est dicendum, quod Petrus, & Ioannes non habuerunt fidem de Christo crucifixo, & constat, quod viderunt, ergo simul habuerunt fidem, & scientiam.

Præterea non plus repugnat fides, & scientia de eodem quam scientia, & opinio, ergo similiter possunt esse simul de eodem fides & scientia, probatio minoris. Esto quod aliquis cognoscat aliquam conclusionem per sillogismum probabilem tunc habebit opinionem, postremo cognoscat eandem conclusionem per sillogismum demonstratiuum tunc habebit scientiam, ergo simul de eadem conclusione habebit opinionem, & scientiam.

Contra, quæ cognoscuntur per scientiam subiacent rationi, quæ autem creduntur per fidem sunt supra rationem, sed impossibile est idem simul esse supra rationem, & infra rationem, & per consequens impossibile est idem esse simul creditum, & scitum.

Respondeo. In ista quæstione sunt duo videnda. Primo de credibilibus reuelatis. Secundo si de credibilibus reuelatis possit haberi simul fides, & scientia.

Zib. 1. in prologo.

Primus articulus nihil aliud quærit nisi si Theologia credibilium reuelatorum sit sciētia in intellectu nostro, & hoc patet libro primo, secundum diuersas opiniones.

Quantum ad secundum prætermittam opinionem Thomæ de scientia subalternante, & subalternata, & opinio-
ne Henrici de triplici lumine, quia harum opinionum

improbatio patet supra libro primo. Ideo dico secundum tertiam opinionem quæ est Scoti quòd scientia potest dupliciter accipi. Vno modo large prout est notitia cum adhæſione quæ habetur ex testimonio aliquorum vt ponit August. Alio modo accipitur scientia ſtrictè eo modo quo loquitur de ea philoſophus primo poſteriorum, ſcilicet quod eſt cognitio certa, & obiecti neceſſarij habentis euidentiã ex aliquo naturaliter prius noto applicata ad ſcitum per actum ſillogiſticum.

*D. Thomas I.
parte q. 1. ar.
11.
15. De tri.*

Ad propositum ſi loquimur de ſcientia primo modo conceditur, quod de eodem poteſt haberi fides, & ſcientia, quia non repugnant. Si autem loquamur de ſcientia ſecundo modo tunc eſt impoſſibile, quod de eodem habeatur in vno intellectu ſimul fides, & ſcientia.

*An de eodem
poſſit haberi
fides, & ſcientia.*

Cuius ratio eſt iſta. Quæ formaliter repugnant non poſſunt eſſe ſimul in eodem, ſed fides, & ſcientia ſecundo modo ſumpta formaliter repugnāt, ergo. Minor probatur. Nam de ratione ſcientiæ eſt quòd ſit euidens, de ratione fidei non eſt quod ſit euidens, ſed euidēs, & non euidens formaliter repugnant, ergo. Item ſcientia eſt cognitio certa ſine enigmate, fides autem non eſt cognitio certa, & neceſſario eſt cum enigmate. Sed certum & non certum enigmate, & ſine enigmate formaliter repugnāt, ergo fides, & ſcientia formaliter repugnant.

Ad primum principale patet per Gregorium in Homelia octauæ Paſchæ, qui dicit, quòd Thomas vnum vidit & aliud credidit, & ſic non fuerunt de eodem fides, & viſio.

Ad ſecundum dicendum, quod ſi ponitur, quòd ſit vna fides omnium articulorum tunc Petrus, & Ioannes vnum fidei habitum habuerunt, & per illum crediderunt articulos fidei, non tamen oportuit, quod haberent actum fidei reſpectu huius articuli, ſcilicet crucifixionis in ſpeciali.

Ad aliud dico, quòd quando effectus ſunt ſimul in aliquo incompoſſibiles, ſimiliter & cauſæ ſunt incompoſſibiles ſimul in cauſando, & ſi fortior cauſa cauſat tunc cauſalitas inferioris cauſæ impeditur, & ſic eſt in propoſito de opinione & ſcientia. Cū enim aliquis rōuit vnam concluſionem per opinionē ſiue per ſillogiſmum

probabilem, & postmodum per demonstrationē, tunc impeditur causalitas opinionis, quia demonstratio est fortior opinione, & sic falsa est illa opinio quæ dicebat, quod scientia & opinio possunt esse simul de eodem in vno intellectu.

Verum quilibet habens vsum rationis teneatur scire, & credere omnes articulos fidei?

Seraphicus Bonauent. 3. sent. distin. 25. q. 2. Art. 1.

Scotus 3. sentent. distinctio. 25. q. 1.

D. Thom. 2. secunda q. 7. 9. Et 10.

Richardus 3. sent. distinct. 25. q. 2.

Durandus 3. sententiarum distinctio. 25. q. 1.

QVAESTIO II.

SECUNDO quæritur. Verum quilibet habens vsum rationis teneatur scire, & credere omnes articulos fidei? Et videtur, quod sic, quia sicut se habet obedientia respectu præceptorum, ita se habet fides respectu articulorum. Sed non est vera obedientia nisi obediat omnibus præceptis, ergo non est vera fides nisi assentiat omnibus articulis fidei.

Præterea sicut se habet charitas ad diligibilia, ita se habet fides ad credibilia, sed non est vera charitas, quæ non extendit se ad omne diligibile, ergo nõ est vera fides nisi assentiat omnibus articulis fidei, & per consequens sciat, & credat eisdem.

Contra plus tenentur maiores, quam minores in ecclesia, sed maiores tenentur scire omnes articulos fidei, ergo minores non tenentur scire omnes articulos fidei, alias tantum tenerentur minores quantum maiores.

Respondeo. In ista quæstione sunt duo videnda. Primo, qui & quot sunt articuli fidei. Secundo principale quæsitum.

Quantum ad primum dico, quod articuli fidei aut

distinguuntur secundum credita, & sic sunt quatuordecim, aut distinguuntur secundum ponētes symbolum, & sic sunt duodecim secundum numerum duodecim apostolorum. Primum patet sic. Si enim articuli distinguuntur secundum credita aut hoc est ratione diuinitatis aut ratione assumptæ humanitatis. Si ratione diuinitatis tūc sunt septē, quia aut est articulus diuinæ naturæ, aut sunt articuli ratione personarū, aut sunt articuli ratione effectus proprii, si ratione diuinæ naturæ sic est vnus articulus, s. credo in vnū Deum. Si autem ratione personarū sic sunt tres articuli secundum quod tres sunt personæ. Vnus. Credo in patrem omnipotentem. Alius. Credo in Iesum Christum filium Dei vnigenitū dominum nostrum. Alius Credo in spiritum sanctum. Si autē accipiantur in ratione effectus proprii Dei sic sunt tres articuli. Vnus spectat ad creationem, ideo dicitur. Creatorem cæli, & terræ. Alius spectat ad gratificationem, ideo dicitur, Credo sanctorum communionem, remissionem peccatorum. Alius spectat ad glorificationem, ideo dicitur, Carnis resurrectionem, & vitam æternam amen. Si autem accipiantur articuli ratione assumptæ humanitatis sic sunt septem articuli alij. Primus spectat ad Christi conceptionem, ideo dicitur, Qui conceptus est de spiritu sancto. Secundus ad Christi natiuitatem, ideo dicitur. Natus ex Maria Virgine. Tertius ad Christi passionem, ideo dicitur. Passus sub Pontio Pilato, crucifixus, mortuus, & sepultus, Quartus pertinet ad descensum ad inferos, ideo dicitur. Descendit ad inferna. Quintus ad Christi resurrectionem, ideo dicitur. Tertia die resurrexit à mortuis. Sextus ad ascensionem, ideo dicitur. Ascendit ad cælos, sedet ad dexteram Dei patris omnipotentis. Seprimus spectat ad finale iudiciū, ideo dicitur. Inde venturus est iudicare viuos, & mortuos. Et sic patet, quod sunt quatuordecim articuli si distinctio articulorū sumatur per comparisonem ad credita. Si autem distinctio articulorum sumatur per comparisonem ad componentes symbolum, vel penes cōpositores symboli sic sunt duodecim secundum numerum duodecim apostolorum. Et licet hic sint multi, & diuersi modi assignandi, sequor tamen modum Bona-

*Speculatio
subtilissima
de articulis
fidei sufficien
tia.*

*Doctrina
sabilis.*

uenturæ qui plus mihi placet. Dicit enim sic, quod Petrus primo posuit hanc particulam. Credo in Deum patrem omnipotentem creatorem cæli, & terræ. Secundo Andreas subiunxit. Et in Iesum Christum filium eius vnicum dominum nostrum. Tertio Ioannes superaddidit, Qui conceptus est de spiritu sancto. Natus ex Maria Virgine. Quarto Iacobus maior intulit. Passus sub Pontio Pilato crucifixus, mortuus, & sepultus. Quinto Thomas adiunxit. Descendit ad inferna tertia die resurrexit a mortuis. Sexto Iacobus minor addidit. Ascendit ad cælos sedet ad dexteram Dei patris omnipotentis. Septimo Philippus adiunxit. Inde venturus est iudicare viuos, & mortuos. Octauo Bartholomæus intulit. Credo in spiritum sanctum. Nono Matthæus subiunxit. Sanctam ecclesiam catholicam. Decimo Simon addidit. Sanctorum communionem, remissionem peccatorum. Vndecimo Iudas Thadæus superaddit. Carnis resurrectionem. Duodecimo Mathias consumauit. Et vitam æternam. Amen.

Quantum ad secundum dicendum, quod quilibet Christianus habens vsum rationis tenetur scire, & credere omnes articulos fidei, hoc autem potest intelligi tripliciter. Vno modo, quod omnes credat implicite, Alio modo quod omnes credat explicite. Tertio modo, quod quosdam credat explicite, & quosdam implicite. Credere autem omnes implicite est fidei diminutæ, & hoc non sufficit, quia habens vsum rationis tenetur scire, & credere distincte aliquos articulos. Credere autem omnes articulos fidei explicite est fidei iam prouectæ, & ad hoc non tenentur omnes, sed tenentur tantum maiores puta rectores ecclesiarum, & prædicatores verbi diuini, propter quod inconuenienter factum est committere curam animarum, & ecclesiarum auctoritatemque prædicandi hominibus infertis, quia dubium est ne Dei pecudem ducant in errorem. Credere autem aliquos articulos explicite, & aliquos implicite est fidei necessariæ ad salutem, quia ad illos articulos credendos explicite tenentur homines quos manifestat eis prædicatio vel ecclesiasticus vsus atque

consuetudo sicut credere Dei unitatem, & trinitatem. Implicite autem tenentur omnes homines credere omnes articulos sub isto intellectu, ut credant omne, quod credit, & tenet sancta mater ecclesia Romana.

Ad argumenta principalia de obedientia, & charitate quæ habent eandem vim dicendum, quod non est simile de obedientia charitate, & fide, quia fides consistit in cognitione, obedientia autem, & charitas consistunt in executione. Nunc autem ut sit perfecta executio non sufficit agere in vniuersali nisi fiat perfecta actio circa omne particulare, & ideo obedientia respicit omne præceptum, & charitas omne diligibile, sed in cognitione non sic est. Sufficit enim cognoscere in vniuersali absque eo, quod cognoscantur omnia in particulari, & ideo sufficit fidei, quod habeatur cognitio aliquorum articulorum explicite, & aliquorum implicite.

DISTINCTIO XXVI.

Circa distinctionem vigesimam sextam
quæritur.

Utrum spes sit virtus Theologica distincta à
fide, & charitate?

Seraphicus Bona. 3. sent. dist. 26. quest. 3. Art. 1.

Scotus 3. sent. distin. 26. q. 1.

D. Thomas secunda secunda q. 17. Artic. 5. & 6.

Richardus 3. sentent. distinc. 26. q. 2.

Durandus 3. sentent. distinc. 26. q. 1.

Ioan. Baconitanus 3. sent. distin. 26. q. 1.

QVAESTIO I.

EST autem spes virtus. Circa distinctionem 16. quæritur. Vtrum spes sit virtus Theologica distincta a fide, & charitate? Et videtur primo, quod non sit virtus. Quia nulla virtus est passio, sed species est passio, ergo.

*An spes sit
virtus Cardi-
nalis vel theo-
logica.*

Præterea videtur, quod non sit virtus Theologica, quia medietas duarum malitiarum est virtus Cardinalis non Theologica, sed spes est virtus duarum malitiarum, quia est medietas inter præsumptionem, & desperationem, ergo spes est virtus Cardinalis, & non Theologica.

Præterea videtur, quod non sit virtus distincta a charitate, & fide, quia duo perfectibilia respectu eiusdem obiecti numero sufficienter perficiuntur per duas perfectiones. Sed in anima sunt duo perfectibilia, scilicet intellectus, & voluntas, quæ respiciuntur idem, scilicet Deum, ergo sufficienter perficiuntur per duas perfectiones. Sed istæ perfectiones sunt fides, & charitas, ergo non oportet ponere spem distinctam a fide, & charitate.

Contra Illud, quod subseruit contemplationi, & sursum eleuat mentem in Deum est virtus Theologica, sed spes est huiusmodi, ergo.

Cap. 13.

Præterea Apost. 1. Corinth. Nunc manent fides, spes, charitas, tria hæc, ergo secundum Aposto. spes est virtus distincta a fide, & charitate.

Respondeo. In ista quæstione sunt tria videnda. Primo si spes est virtus Theologica. Secundo si spes est virtus distincta a fide, & charitate. Tertio si spes est prior charitate.

Quantum ad primum patet per omnes, quod spes est virtus Theologica, quod probatur sic. Fides est virtus Theologica quia habet Deum pro obiecto in ratione motiui. Sed spes similiter habet Deum pro obiecto in ratione motiui, ergo spes est virtus Theologica, minor probatur, quia sicut fides in credendo tanquam demonstranti vera, sic spes Deo innititur tanquam promittenti magna.

Præterea probatur idem sic. Quod facit ad reparationem

nem imaginis creatæ est virtus Theologica, sed spes facit ad reparationem imaginis creatæ, ergo.

Ad declarationem huius rationis dicitur, quod quædammodum in anima sunt tres dotes secundum tres vires, scilicet visio quæ perficit partem rationalem, & dilectio, quæ perficit partem concupiscibilem, & tentio quæ perficit partem irascibilem. Sic correspondenter pro statu viæ huius ponuntur tres habitus perficientes animam, scilicet fides, spes, & charitas, hoc tamen quibusdam non placet, & de eius improbatione nunc transeo.

Quantum ad secundum articulum videtur quibusdam probabiliter dicendum quod spes non est virtus distincta à fide, & charitate, sed complectitur tam fidem, quam charitatem. Vnde sicut liberum arbitrium includit intellectum, memoriam, & voluntatem, & tamen memoria non est potentia diuersa ab intellectu, includit tamen memoria duo, vt dictum fuit in primo libro, sic spes non est virtus distincta à fide, & charitate includit tamen eas. Et declaratur sic. spes secundum rationem suam diffinitiuam est certa expectatio future gloriæ. Inquantum autem spes dicitur certitudo, sic respicit intellectum, & includit fidem, quæ est in intellectu, quia certitudo spei habetur per intellectum lumine fidei illustratum. Inquantum autem spes dicitur expectatio sic respicit voluntatem, & includit charitatem, quæ est in voluntate, quia desiderium voluntatis habetur cum charitate informante.

Opinio aliorum.

Definitio spei.

Ista conclusio probatur sic. Nulla pluralitas est ponenda sine necessitate, ex primo physicorum. Sed non est necesse ponere spem distinctam à fide, & charitate, ergo. Probatio. Nam finis supernaturalis ad quem ordinatur virtus Theologica sufficienter habetur per cognitionem, & amorem. Sed cognitio habetur per fidem amor vero per charitatem, ergo sufficiunt fides, & charitas, & sic non est necesse ponere spem.

1. Physicorum. 50.

Alia est opinio communis Doctorum quam teneo, quod spes est virtus distincta à fide, & charitate, quia Apostolus prima Corinthiorum dicit. Nunc manent

Opinio Scotti. & aliorum. Cap. 13.

fides, spes, charitas tria hæc.

Præterea habitus distinguuntur penes obiecta. Sed obiectum spei distinguitur ab obiecto fidei, & charitatis, ergo. Probatio minoris. Obiectum spei est bonum arduum absens possibile tamen haberi. Per hoc autem, quod dicitur obiectum bonum distinguitur à fide, quia obiectum fidei est verum, per hoc autem quod dicitur absens distinguitur à charitate, quia charitas est respectu præsentis, & abientis, spes autem respectu absentis.

2. de anima
cont. 33.

Præterea sicut potentia distinguuntur per actus, ita distinguuntur & habitus. Sed alius est actus spei ab actibus fidei, & charitatis, ergo Probatio minoris, quod actus spei sit alius ab actu fidei, patet, quia actus fidei est credere, actus autem spei est desiderare, quod autem actus spei sit alius ab actu charitatis patet, quia actus charitatis est nobilissimus, quia est ex amore amicitia, actus autem spei non est nobilissimus, quia est ex amore concupiscentia.

Cap. 14. Et
de concordia
cap. 9.

Præterea, Anselmus de casu diaboli ponit duplicem affectionem in voluntate, scilicet affectionem iustitiæ, & affectionem commodi. Sed affectione iustitiæ perficimur charitate, affectione autem commodi perficimur spe, ergo spes, & charitas non sunt idem. Et tunc ulterius inferitur, quod spes distinguatur à fide, quia spes est in voluntate, fides autem in intellectu. Ex prædictis potest patere argumentum præcedentis opinionis, quia minor est falsa. Est enim necessitas ponendi spem distinctam à fide, & charitate, tum ratione obiecti, tum ratione actus, tum ratione duplicis affectionis ut statim dictum est, tum etiam propter dictum Apostoli. Nunc autem manent fides, spes, & charitas tria hæc.

Cor. c. 13.

Si autem quæras qualiter distinguatur spes à fide, & charitate quamuis ad hoc possit patere ex dictis, tamen dicitur aliter sic, quod spes distinguitur à fide, quia fides est vniuersalior, spes autem particularior. Nam fides est certitudo notitiæ quantum ad omnia præsentia præterita, & futura. Spes autem est certitudo solum de futuris. Similiter spes distinguitur à charitate, quia charitas est vniuersalior, spes autem particularior. Nam

charitas est respectu boni præsentis , & absentis Spes autem respectu boni absentis tantum.

Quantum ad tertium articulum , scilicet si habitus spei sit prior charitate. Dicendum, quod dupliciter contingit comparare habitum spei, ad habitum charitatis, vno modo ratione habituum in se. Alio modo ratione habituum comparatorum ad actum. Si primo modo, dico, quod spes, & charitas non habent ordinem prioris, quia cum sint virtutes gratuita, constat, quod simul infunduntur. Si autem loquamur de istis habitibus, in comparatione ad actus cum actus spei præparet, & disponat ad actum charitatis, tunc quodam ordine originis, & præparationis actus spei antecedit actum charitatis, & habitus spei habitum charitatis.

Ad primum principale dico, quod ut patet per Aristotelem. Nomina sunt imposita ad placitum. Vnde spes potest imponi ad significandum passionem impressam in appetitu sensitivo, & sic non est virtus nec Theologica, nec moralis. Alio modo potest accipi spes in quantum est habitus inclinans ad sperandum obiectum absens, & sic est virtus Theologica & isto modo loquimur hic in præsentia de spe.

I. Peryhermenias.

Ad secundum dicitur, quod virtus potest dici medium duarum malitiarum duobus modis. Vno modo sicut constitutiua malitiarum in eo quod retinent aliquid in nomine non in re de utroque extremo sicut liberalitas, quia liberalis est qui retinet retinenda, & sic conuenit cum auaro. Item dat danda, & sic conuenit cum prodigo. Alio modo accipitur medium malitiarum in quantum est destructiuum, sicut spes destruit, id est remouet præsumptionem, & desperationem, maior autem est vera de medio primo modo sumpto, & non de medio seu de medietate secundo modo, sicut est in proposito.

*Responsio
D. Bonæ.*

Ad vltimum dicitur, quod argumentum non valet, quia cum sint partes perfectibiles imaginis, scilicet intellectus, memoria, & voluntas, oportet correspondenter ponere tres perfectiones, scilicet fidem, spem, & charitatem.

Contra duæ partes imaginis, scilicet intellectus, &

Cap. 14.

memoria pertinent ad eandem potentiam intellectiuā, ergo duo habitus Theologici, puta fides, & spes erunt in intellectu, quod est falsum, quia spes communiter ponitur in voluntate non in intellectu. Ideo aliter dicitur, quod licet in anima sint duæ potentia perfectibiles, tamen altera istarum, scilicet voluntas, habet duas affectiones, scilicet affectionem commodi secundum Anselmum libro de casu diaboli, in affectione autem iustitiæ perficitur charitate, in affectione autem commodi perficitur spe. Ideo in voluntate ponuntur spes, & charitas, in intellectu autem ponitur tantum fides & sic patet, quod sunt tantum tres virtutes Theologicae, & non plures.

DISTINCTIO XXVII.

Circa distinctionem vigesimam septimam
quæritur.

Vtrum sit aliqua virtus Theologica inclinans ad diligendum Deum super omnia?

Seraphicus Bona. 3. sent. dist. 27. q. 1. Art. 1.

Scotus 3. sent. distinct. 27. q. 1.

D. Thomas 2. secundæ q. 1. Artic. 4.

Ricardus 3. sent. dist. 27. q. 1.

QVÆSTIO I.



VM Christus fidem, & spem. Circa istam distinctionem 27. quæritur. Vtrum sit aliqua virtus Theologica inclinans ad diligendum Deum super omnia? Et videtur quod non, quia si esset aliqua virtus inclinans ad diligendum Deum super omnia illa esset amicitia, quod patet ex eius actu, quia actus amicitia est amare. Sed non est amicitia ad Deum secundum philosophum non Ethicorum & hoc est propter inæqualitatem, quia Deus habet excessum ad creaturam, amicitia autem est

inter æqualia, ergo.

Præterea nulla virtus mouet ad actum impossibilem, sed diligere Deum super omnia est impossibile, quia nullus potest diligere Deum supra se. Minor probatur quadrupliciter.

Primo sic natura determinatur ad vnum sed natura determinatur ad appetendum esse proprium, ergo non potest appetere non esse sui propter esse Dei, & per consequens non diligit Deum plus quam se. 2. de gen. con. 36.

Secundo sic, omnis amicitia, quæ est ad alterum est propter amicitiam, quæ est ad se, ex nono Ethicorum, sed propter quod vnumquodque tale, & illud magis, ergo quilibet diligit se plus quam alium, & plus quam Deum. 9. Eth. c. 4. 1. post. cont. 5.

Tertio sic, omnis amicitia fundatur super aliquam vnitatem, ergo vbi est maior vnitas, ibi est maior amicitia seu amor. Sed maior est vnitas eiusdem ad se quam ad alium, vel ad Deum, ergo nullus diligit Deum plus quam se. 8. & 9. Ethicorum.

Quarto, quia quilibet diligit se quantum potest, ergo nullus diligit Deum plus quam se, consequentia patet, quia tunc diligeret Deum ultra posse.

In contrarium est Magister in litera & Augustinus in libro de Doctrina Christiana. Cap. 4. & 5.

Respondeo. In ista questione sunt tria videnda. Primo si diligere Deum super omnia est actus de se rectus. Secundo, si natura potest in hunc actum qui est diligere Deum super omnia circumscripto habitu charitatis infuso. Tertio oportet remouere vnum dubium.

Quantum ad primum dico, quod diligere Deum super omnia est actus de se rectus, quia actus conformabilis rationi recte naturali, in eo quod recta ratio dicit optimum esse diligendum summe, est actus de se rectus. Sed actus diligendi Deum super omnia est huiusmodi, ergo. &c.

Secundo probatur idem à quodam Doctore sic. Sicut principium in speculabilibus respectu intellectus, ita finis in agibilibus respectu voluntatis, vt patet per

2. *Phy. cont.*
90.

2. *Met. cont.*
I.

philosophum. Sed sic se habet principium in speculabilibus, quod intellectus circa primum principium de se rectus, & verus, ita quod intellectus circa primum principium non erat per Commentatorem, ergo similiter voluntas in diligendo vltimum finem, ita quod diligendo ipsum semper eius actus est rectus.

Quantum ad secundum articulum est vna opinio, quod natura non potest in actum istum qui est diligere Deum super omnia sine habitu charitatis infuso, quia nullus potest naturaliter Deum diligere plus quam se. Tum quia natura determinatur ad appetendum esse proprium, tum quia amicitia quæ est ad alterum est ex amicitia, quæ est ad se, tum quia amicitia fundatur super aliqua vnitatem. tum etiam, quia quilibet amat se quantum potest, & hæc omnia tangebantur in secundo articulo ad principale.

Opinio auctoris.
Et etiam
ipsi, vel Scoti.
In lib. de fide
ad Petr.
In lib. de re-
translation.
In lib. de ve-
ra religione.

Alia est opinio quam teneo, quod circumscripto habitu charitatis infuso natura potest in hunc actum qui est diligere Deum super omnia, maxime si loquamur de statu naturæ institutæ. Vnde Augustinus. Spiritus rationales ita creauit Deus, ut ipsum plus diligere, quam seipsum. Et idem Magis mihi debeo, quam cæteris hominibus, sed magis Deo, quam mihi. Et iterum dicit. De perfectione iustitiæ est, quod magis Deum, quam nos diligamus.

Ecc. 9.

Præterea probatur idem per rationes quia si homo non potest diligere Deum plus quam se nisi per charitatem, tunc homo potest scire si esset in charitate, vel non quia potest scire si diligit Deum plus quam se, consequens est falsum, quia nemo scit an odio, vel amore dignus sit, ergo, & antecedens.

2. *Eth. c. 2.*

Præterea bonum commune in quo includitur bonum particulare est dignius, & magis appetendum, ex j. Ethicorum, sed bonitas Dei est bonum vniuersale in quo clauditur omne bonum particulare, ergo ipsum naturaliter plus appetimus, & diligimus sicut etiam naturaliter plus diligimus totum, quam partem, quod patet in exemplo, quia homo naturaliter exponit manum suam propter defensionem totius corporis ne percutiatur.

Præterea homo non minus diligit obiectum beatificum, quam ipsam beatitudinem per Augustinum, ergo summe diligit obiectum beatificum quod est Deus.

13. de tri. cap. 5

Confirmatur ratio per hoc, quia si desperatus occidit seipsum odit suum esse, & tamen non odit beatitudinē, ergo plus amat beatitudinem, seu obiectum beatitudinis, quam seipsum.

Confirmatio
rationis,

Præterea ratio naturalis dicitur creaturæ rationali aliquid esse summe diligendum, sed ratio naturalis recta non dicitur aliquid summe diligendum nisi sit infinitum, ergo ratio naturalis dicitur bonū infinitum summe esse diligendum, & per consequens voluntas potest in hunc actum ex puris naturalibus.

Ultimo ad idem arguo sic. Quandocunque aliqua ratio conuenit alicui per essentiam alteri per participationem actus, qui transit super illa propter talem rationem magis attribuitur ei in quo est illa ratio per essentiam, quam ei in quo est per participationem. Sed ratio diligendi est bonum in obiecto, quod conuenit Deo per essentiam: creaturæ autem per participationem, igitur.

Ad argumenta autem alterius opinionis dicitur quando soluetur argumentum ad secundum principale.

De tertio articulo restat hic vnum dubium, quod si natura potest in hunc actum, qui est diligere Deum super omnia sine habitu charitatis infuso, ad quid ergo oportet ponere charitatem infusam.

Dubium.

Et est dicendum, quod propter duo est necesse ponere charitatem infusam. Primo ut Deum firmitus, & feruentius diligamus. Vnde sicut sine fide infusa possemus assentire aliquibus credibilibus, quia tamen non ita firmiter assentimus, ideo necesse est ponere fidē infusam. Sic etiam in proposito. Licet enim ex puris naturalibus possemus Deum diligere super omnia, non tamen ita proprie, & ita feruenter & firmiter sicut cum charitate infusa, ideo necessaria est charitas infusa.

Propter duo
ponenda est
charitas infu-
sa primo.

Secundo est necesse ponere charitatem infusam, ut opera nostra meritoria sint Deo accepta, & hoc tangit Apostolus prima ad Corinthios. Si linguis hominum loquar, & angelorum &c. Et multa ibi de ista materia tractat. Et Augustinus dicit, quod sola charitas

Secundo.

Cap. 13.

*Lib. 15. de tri.
cap. 19.*

*Quomodo ami-
citia possit di-
ci charitas.*

*Quid sit equa-
litas.*

*Signum ami-
citiæ.*

diuidit inter filios regni, & filios perditionis. Ad primum principale dicendum, quod licet amicitia strictè sumpta, vt de eo loquitur philosophus non possit dici charitas, tamen accipiendo amicitiam largè potest dici charitas, & ad Deum potest esse amicitia, sicut frequenter legimus, quod sancti amici Dei sunt. Vnde Abraam dicitur, quod amicus Dei appellatus est. Et quando dicitur, quod amicitia est inter æqualia, dico, quod ista æqualitas nihil aliud est, quam redamatio, scilicet vt diligens diligatur.

Ad secundum concessa maiore, nego minorem.

Ad primam autem propositionem quando dicitur, quod natura determinatur ad esse proprium, dicendum est, quod hoc non est verum absolute, sed bene conditionaliter, & ex suppositione, puta supposito esse diuino, & tunc non est ad propositum.

Ad secundam probationem quando dicitur quod amicitia, quæ est ad alterum est ex amicitia, quæ est ad se dicitur dupliciter. Vno modo, quod illud verum est in eo, quod est ratio cognoscendi, non autem in eo, quod est ratio diligendi. Nam in ratione cognoscendi amicitia, quæ est ad alterum est ex amicitia, quæ est ad se quia quando aliquis bonum, quod vult sibi vult etiam alteri signum tunc est amicitia. Alio modo dicitur, quod maior est vera de amicitia, quæ est ad alterum, vt ad bonum particulare, non autem de amicitia, quæ est ad alterum, vt ad bonum vniuersale sicut est Deus.

Ad tertiam probationem dico, quod amicitia aliquando fundatur super vnitatem formalem. Aliquando vero super vnitatem proportionis, quæ est participati ad participatum, & ista potest esse fundamentum maioris amicitia, maxime quando est ad bonum vniuersale, quod est bonum per essentiam, quod includit omne bonum particulare sicut est in proposito.

Ad quartam probationem dico, quod ly quantum potest referri ad obiectum diligibile, & sic maior est vera, sed non est ad propositum. Vel potest referri ad potentiam dilectiuam, & tunc negatur maior, quia potentia dilectiuæ aspicit obiectum, quod includit rationem minoris diligibilitatis, sic est in proposito de Deo.

Circa istam distinctionem vigesimam octauam, &
vigesimalnonam quaeritur:

Vtrum charitas sit maxima virtutum?

D. Thomas 2. secunde q. 23. Artic. 6.

QVAESTIO I.

SIc quaeri solet. Circa istam distinctionem
vigesimal octauam, & vigesimalnonam
quaeritur: Vtrum charitas sit maxima virtu-
tum? Videtur quod non. Quia illa est ma-
xima virtus cuius oppositum est maximum
vitium, sed oppositum charitatis non est maxima virtus.
Probatio minoris. Oppositum charitatis est odium Dei,
oppositum autem fidei est infidelitas, sed infidelitas est
maius vitium, quam odium Dei, eo quod separat ho-
minem à Deo, & ab Ecclesia, ergo.

Præterea. Nobilioris perfectibilis est nobilior perfe-
ctio, sed intellectus nobilior est voluntate, & fides est
perfectio intellectus, charitas autem est perfectio volū-
tatis, ergo fides est nobilior charitate.

Præterea optimum non est melius optimo, sed quæli-
bet virtus est optima, ergo &c.

Contra Augustinus. Nullum est donum Dei excellē-
tius isto dono, quod est charitas. 15. de tri. cap. 19.

Respondeo. In ista quaestione sunt duo videnda, pri-
mo si charitas est idem realiter, quod gratia, & hunc arti-
culum quaere. Lib. 2. dist. 27

Secundo est videndum si charitas est maxima virtu-
tum. Et dico, quod sic, quia Apostolus 1. ad Corinthios
dicit. Nunc manent fides, spes, charitas, tria hæc: maior
autem horum est charitas. artic. 3. Cap. 13.

Præterea. Augustinus. Nullum est donum Dei ex-
cellentius isto dono, quod est charitas.

Præterea probatur idem per rationes sic. Illa virtus 15. de tri. cap. 19.

est nobilissima, quæ ducit ad nobilissimum terminum, & permanet, & quiescit in termino, sed charitas est huiusmodi, ergo. Maior probatur. Nam ignis est nobilissimum inter elementa, quia vadit ad locum superiorem, & quiescit ibidem. Minor probatur, quia sola charitas permanet in via, & in patria. Charitas enim nunquam euacuatur, secundum Apostolum, aliæ autem virtutes sic.

*Corinth. ca.
p. 13.*

Præterea. Finis est nobilior his, quæ sunt ad finem, sed charitas est finis omnium virtutum, ergo.

Præterea illa virtus quæ ultimatè diuidit, & distinguit inter filios regni, & filios perditionis est maxima virtus, sed charitas est huiusmodi secundum Augustinum, ergo.

*Lib. 15. de tri.
c. 19.*

Præterea illud quod magis Deus diligit non propter indigentiam, sed propter bonitatem rei est melius, & nobilius, sed Deus magis diligit charitatem in nobis nõ propter sui indigentiam sed propter nos, ergo charitas est nobilior, & melior.

Ultimo sic. Illa virtus est nobilior qua Deus immediate diligitur, & attingitur, sed charitas est huiusmodi, ergo.

*Opinio Var-
ronis.*

Ad primum principale dicit Varro in quæstionibus primi sententiarum, quòd maior tenet quando vna pars vnius oppositorum non includit aliam partem alterius oppositorum, sed in proposito infidelitas includit odiũ Dei. Vnde infidelitas non est maximum vitium seu peccatum nisi in quantum includit in se malum actum voluntatis, vnde si infidelitas præcise consideretur tunc odium Dei est peius ea.

*Lib. 2. dist.
24.*

Ad secundum difficile esset illis respondere qui ponunt intellectum nobiliorem voluntate, sed ponendo sicut oportet ponere, quòd voluntas sit nobilior intellectu vt ostensum est, patet, quòd argumentum non valet, quia prima pars minoris est falsa.

Ad tertium dico, quod optimum nõ est melius optimo infra eandem naturam, & speciem, sed in diuersis naturis, & speciebus optimum potest esse melius optimo, sicut optimus homo est melior optimo equo.

Vtrum secundum ordinem charitatis magis
sint diligendi parentes
quam filij?

D. Thom. 2. secunde q. 26. Articuli. 9.

Q V AESTIO II.

SECUNDO quæritur. Vtrum secundum ordinem charitatis magis sint diligendi parentes quam filij? Et videtur quod filij sint magis diligendi, quia Apostolus dicit, quod filij non debent thesaurizare parentibus, sed parentes filiis, sed nemo debet thesaurizare nisi ei quem diligit, ergo filij sunt magis diligendi, quam parentes. *2. Cor. c. 13.*

Præterea filius comparatur ad patrem sicut ramus arboris ad radicem. Sed humor rami procedit à radice & non econverso, ergo similiter in proposito, homo debet plus respicere filium & amare quam patrem.

Præterea, gratia seu charitas conformatur naturæ, sed naturaliter videmus quod homines plus diligunt filios quam parentes, ergo secundum gratiam, & charitatem plus sunt diligendi filij quam parentes vel patres.

Contra est Magister in litera.

Respondeo, ad istam quæstionem breuiter dico, quod secundum ordinem charitatis plus sunt diligendi parentes, quam filij, hoc patet per Ambrosium sicut allegat eum Magister in litera qui dicit quod primo, diligendus est Deus, secundo parentes, deinde filij.

Præterea, mandata Dei sunt tradita secundum ordinem charitatis, sed vnum de decem præceptis est. Honora patrem tuum, & matrem tuam, ergo amor charitatis plus est ad parentes quam ad filios.

Præterea secundum ordinem charitatis illum plus tenemur diligere à quo recipimus plura bona, & beneficia, sed ille à quo recepimus plura beneficia est pater, ergo.

Præterea maior est obligatio effectus ad causam

quam causæ ad effectum, sed homo comparatur ad patrem sicut ad causam ad filium autem ut ad effectum, ergo plus obligatur patri quam filio, & per consequens plus tenetur parentes diligere.

9. Ethic. 2.

Præterea. Illud plus tenemur diligere amore charitatis cui secundum dictamen recte rationis magis tenemur subuenire tempore necessitatis. Sed secundum dictamen recte rationis magis tenemur subuenire patri tempore necessitatis quam filio, ergo. minor patet nono Ethicorum, ubi dicit, quod plus tenemur subuenire patri, quam nobis ipsis, & assignat ibi rationem, quia pater est causa essendi.

An sit magis diligendus pater quam filius.

Ad primum, & secundum principale dicendum, quod dilectio accipitur duobus modis. Vno modo secundum affectum sensualitatis, & carnis. Alio modo secundum affectum charitatis. Primo modo homines plus diligunt filios quam parentes, & ratio est, quia natura appetit conservari in suo simili, & magis diligit illud in quo habet principaliter conservari. Nunc autem pater habet saluari in filio, & non e converso. Ideo secundum amorem sensualitatis, & carnis plus diligunt filios. Si autem loquamur de dilectione secundum affectum charitatis tunc plus est diligendus pater quam filius. Ista duo argumenta arguunt de dilectione sensualitatis, & non de dilectione charitatis.

Ad tertium dicendum, quod maior in quibusdam habet veritatem in quibusdam autem non, habet enim veritatem in hoc quod sicut homo per naturam plus diligit seipsum quam proximum, ita, & per gratiam, sed in proposito de dilectione parentum, & filiorum non habet veritatem.

DISTINCTIO XXX. & XXXI.

Circa distinctionem trigessimam & trigessimam primam quaeritur:

Vtrum omnia sunt diligenda ex charitate?

Seraphicus Bona. 3. senten. distinc. 24. q. 1.

D. Thom. 2. par. quest. 25. Artic. 11.

QVÆSTIO I.

Hic potest quæri. Circa distinctionem 30. & sequentem quæritur. Vtrum omnia sunt diligenda ex charitate? Videtur, quod non, quia quæ non sunt capacia charitatis, & beatitudinis non sunt diligenda ex charitate, sed multa sunt quæ non sunt capacia charitatis, & beatitudinis, ergo non sunt omnia diligenda ex charitate.

Confirmatur per Aug. Ea inquit ex sola charitate diligenda sunt quæ societate quadam nobiscum in Deum referuntur, & talia sunt Angelus, & anima, ergo, 1. Libro de Doctrina Christiana cap. 9.

Præterea. Charitas non est diligenda ex charitate, ergo non omnia sunt diligenda ex charitate, consequentia tenet. Antecedens patet dupliciter.

Primo sic. Sicut se habet fides ad credendum & spes ad sperandum, ita charitas ad diligendum, sed nullus potest per fidem credere fidem suam, nec sperare spem suam, ergo nec diligere charitatem suam.

Secundo sic si charitas diligeretur ex charitate eadem ratione illa charitas diligeretur ex alia & sic in infinitum, quod est inconueniens.

Contra omne illud est diligibile ex charitate in quo relucet Dei similitudo, sed in omnibus relucet Dei similitudo. ergo.

Respondeo. In ista quæstione sunt tres articuli secundum quod de ea sunt tres opiniones.

Vna opinio ponit tres conclusiones.

Prima est quod dæmones, & damnati non sunt diligendi ex charitate. Cuius ratio est, quia qui non sunt deputati ad vitam æternam non sunt diligendi ex charitate. Sed dæmones & damnati non sunt deputati ad vitam, ergo. D. Thom. 2. secunda q. 25. ar. 11.

Secunda conclusio est, creaturæ irrationales non sunt diligendæ ex charitate vel amore amicitie, quia illa non sunt diligendæ amore amicitie, & ex charitate, quæ non diliguntur propter se, sed propter aliud, sed creaturæ

irracionales diliguntur propter aliud, & non propter se; ergo.

Tertia conclusio est, quod creaturæ non viuentes non sunt diligendæ ex charitate, & ratio huius est, quia non conueniunt nobiscum in vita spiritali.

Contra istam opinionem obiicitur sic, quia charitatis obiectum est bonum diuinum, vel per essentiam, vel per participationem, sed in omnibus creaturis inuenitur bonum diuinum, scilicet per participationem, ergo omnia sunt diligenda ex charitate.

*D. Bon. 3.
sent. dist. 28.
q. 2.*

Ideo est alia opinio, quod diligere aliquid ex charitate, potest intelligi dupliciter. Vno modo ex charitate eliciente actum qui est supernaturalis. Alio modo ex charitate imperante actum qui actus est naturalis à voluntate, licet sit imperatus à charitate,

Ad propositum si loquimur de dilectione, primo modo dicitur, quod non omnia sunt diligenda ex charitate, sed solum illa quæ possunt vniri summo bono per cognitionem, & amorem, & quia creaturæ irracionales nō possunt vniri Deo per cognitionem, ideo illa non sunt ex charitate diligenda, charitate dico eliciente actum. Si autem loquamur de charitate secundo modo seu de dilectione, sic diligenter omnia ex charitate, quæ sunt promouentia ad salutem, & ad diuinam laudem. Et quia cunctæ creaturæ promouent nos ad diuinam laudem ex eo, quod in eis relucet diuina bonitas, & iustitia, ideo omnes creaturæ sunt isto modo diligendæ ex charitate.

3. Opinio.

Tertia opinio est, quæ dicit quod aliquid diligere ex charitate potest intelligi dupliciter. Vno modo proprie, & sic solum illa sunt ex charitate diligenda quæ sunt capacia felicitatis æternæ. Alio modo minus proprie, & sic omne quod est referribile in Deum est ex charitate diligendum.

Ex his duabus vltimis opinionibus patet ad argumenta vtriusque partis, excepto argumento de charitate cum dicitur quod charitas non est diligenda ex charitate, vbi oportet negare antecedens.

Quid sit obiectum fidei. Ad primam autem probationem dicendum, quod ideo nullus credit se habere fidem, sed scit se habere fidem, quia cum ipsa fides sit præsens non inuenitur in

ea ratio obiectiua habitus fidei, quia obiectum fidei est verum absens, fides autem non est absens, & similiter est de spe. In charitate autem non est sic, quia inuenitur in ea ratio formalis obiectiuae potentiae, scilicet, ratio boni.

Ad secundam probationem dicendum quod cum dicitur charitas diligitur à charitate, non est intelligendum, quod diligatur alia charitate, sed seipsa, sicut dicit *9. de tri. c. 6.* Aug. Amor inquit amatur non alio autem amore amari potest, sed seipso.

Vtrum charitas remaneat in patria?

Seraphicus Bonauent. 3. sent. dist. 31. q. 2. Art. 3.

Scotus 3. sentent. distinction. 31. q. 1.

D. Thomas 2. secunde quest. 24. Articul. 11.

Ricardus tertio sententiarum distinctio. 31. questio. 3.

Durandus tertie sententiarum distinctio. 31. questio 6.

QVÆSTIO II.

SECUNDO quæritur. Vtrum charitas remaneat in patria ita, quod non euacuetur? Videtur quod non, quia ratio Apostoli. Ad probandum, quod alij habitus euacuētur est quod *1. Cor. c. 13.* illi habitus sunt ex parte. Ex parte enim inquit cognoscimus & ex parte prophetamus. Cum autem venerit *vide D. Tho.* quod perfectum est euacuabitur, quod ex parte est. *1. secunde, q.* Sed charitas nunc est ex parte, quia imperfecta alias cum *68. ar. 6.* in ea sit beatitudo esset aliquis perfecte beatus in via, ergo charitas non manet. Si dicas quod non sequitur cum esse beatum, quia beatitudo non consistit in habitu, sed in actu, ut ponit Aristoteles.

Contra secundum perfectionem habitus potest elici actus, ergo si charitas nunc in via potest esse perfecta, *1. & 10. E-* sicut in patria, sequitur, quod actus potest elici æque per- *thicorum.*fectus, & per consequens potest esse fruitio siue beatitudo in via.

Præterea ad principale arguo sic. Fides euacuatur, quia est circa obiectum latens, sed charitas similiter est

circa obiectum latens, ergo charitas euacuatur.

1 Corinth. c. 13. Contra prima Corin. dicitur. Charitas nunquam ex-
cidit.

Responsio. In ista quaestione sunt tria videnda. Primo si in patria euacuatur fides. Secundo si in patria euacuatur spes. Tertio si in patria euacuatur charitas.

De primo sunt duo modi dicendi. Vnus quod in fide est duo reperire, scilicet, illuminationem habitualem, & enigmatis obscuritatem. Quantum ad luminis habitum fides non euacuatur, sed perficitur, & conseruatur. Quantum vero ad enigmatis obscuritatem fides cum sit ex parte simpliciter tollitur, & hoc confirmatur per glossam super illud primę Cor. Cum venerit quod perfectum est dicit glossa, destruetur imperfectio, non autem illud quod verum est euacuabitur.

Alius modus dicendi quod fides simpliciter tollitur, quia nullus habitus in patria debet poni frustra, alias aliquis habitus in patria esset superfluous, sed si habitus fidei poneretur, in patria poneretur ibi frustra, ergo fides simpliciter tollitur. Probatio minoris. Habitus ponitur vt eliciat actum vel vt inclinet ad actum. Sed fides in patria non ponitur vt eliciat actum credendi, vel vt inclinet ad ipsum quia fides est circa obiectum latens, vnde ad Hebræos. Fides est substantia rerum sperandarum argumentum non apparentium. In patria autem est obiectum præsens, & non latens, ergo frustra poneretur ibi fides, seu habitus fidei.

Quantum ad secundum articulum sunt duo modi dicendi. Vnus, quod in spe est reperire duo, scilicet, aliquid imperfectionis, & aliquid perfectionis siue complementi. Ad imperfectionem enim spei spectat, quod est expectatio quadam eorum quæ non habentur. Ad complementum autem eius spectat confidentia, & certitudo quæ facit nos inniti summæ bonitati. Quantum ad primum spes totaliter tollitur. Quantum ad secundum non tollitur, sed perficitur.

Alius est modus dicendi, quod spes in patria simpliciter tollitur, quia in patria nullus ponitur habitus frustra, sed si spes maneret in patria poneretur ibi frustra, ergo. Minor probatur, quia spei inclinat vel elicit actum sperandi.

tandi circa bonum arduum absens, quia ut ait Apostolus *Cap. 18.*
ad Romanos. Spes est eorum quæ non videntur, sed ibi
bonum non est absens immo præsens, & videtur in pa-
tria, ergo frustra spes ibi poneretur.

Quantum ad articulum tertium scilicet si charit. s
euacuatur, patet per Apostolum. i. Corin. quod non, *Cap. 13.*
quia in hoc assignat Apostolus differentiam charitatis
ad alia dona, charitas inquit nunquam excidit, & sic non
euacuatur, alia autem dona euacuantur, unde dicit ibi-
dem. Siue prophetiæ euacuabuntur, siue linguæ cessa-
bunt, siue scientia destruetur, ergo. Et persuadetur a qui-
busdam, scilicet Actus charitatis est diligere Deum pro- *Opinio alio-*
pter se ex toto corde, & ex tota anima. Sed ille actus ma- *rum.*
gis competit statui gloriæ, quam statui viæ, & ergo ha-
bitus charitatis magis competit statui gloriæ, & per con-
sequens non euacuatur.

Præterea aliqui moderni arguunt ad idem sic. Habi- *Opinio recen-*
tus qui indifferenter respicit vnum obiectum præsens, *tiorum.*
& absens secundum omnes status manet in omni statu.
Sed charitas indifferenter respicit vnum obiectum præ-
sens, & absens secundum omnes status puta viæ, & glo-
riæ, ergo manet in omni statu, & per consequens manet
in gloria & nõ euacuatur. Sed occurrit hic vnum dubiũ, *Dubium.*
scilicet si actus charitatis viæ, & actus charitatis patriæ
sunt eiusdem rationis. Et est dicendum, quod non, quia
actus charitatis in via est meritorius. Actus autem chari-
tatis in patria non est meritorius. Alioquin in patria beati
continue mererentur, sed meritorium, & non merito-
rium non sunt eiusdem rationis, ergo illi actus non sunt
eiusdem rationis.

Præterea. Actus charitatis in patria est beatificus, actus
autem charitatis in via non est beatificus, sed actus bea-
tificus & non beatificus non sunt eiusdem rationis.

Contra solutionem istius dubij instatur, quia causa
eiusdem rationis arguit effectum eiusdem rationis, sed
patet ex dictis, quod charitas in patria non euacuatur,
immo manet charitas eadem in patria quæ habetur in
via, ergo videtur, quod effectus siue actus charitatis in
via & in patria sunt eiusdem rationis.

Dicendum, quod non sequitur, quia ad hoc quod

actus eliciatur non solum requiritur charitas, sed etiam requiritur cognitio, sed modo ita est, quod alia cognitio habetur in via, & alia in patria, quia in gloria habetur cognitio in lumine gloriæ. In via autem habetur cognitio in lumine fidei, & ista lumina sunt alterius rationis, & ideo actus qui eliciuntur ex charitate cum diuersitate horum luminum sunt alterius rationis.

Ad primum principale dicendum, quod non est similis imperfectio in charitate, & in aliis virtutibus. Nam alia virtutes dicuntur imperfectæ, quia in actibus suis includunt aliquid ad quod necessario sequitur imperfectio aliqua. Actus autem charitatis non sic, quia indifferenter se habet ad perfectionem, & imperfectionem, & accidit sibi ista, & hæc est via Scoti.

*Hæc est doctrina,
Et via
Scoti.*

Aliter potest dici sustinendo responsionem datam in principio quæstionis, & tunc instatur, quod cum aliquis potest esse beatus in via, quia secundum perfectionem habitus potest elici actus. Dicendum quod non sequitur, quia ad hoc ut eliciatur actus beatificus non solum requiritur charitas sed etiam præsentia obiecti beatifici in lumine gloriæ quæ præsentia non potest haberi in via de lege communi.

Ad secundum dicendum, quod quamuis latentia sit formalis ratio in obiecto fidei, vel spei, tamen actus fidei est per se talis, quod necessario cōcomitur eum imperfectio ex determinatione sui habitus, ideo fides inclinat ad talem actum in via ad quem non potest inclinare in patria. Charitas autem licet modo sit circa obiectum latens non tamen inclinat ad actum sic imperfectum, sed ad actum cui accidit imperfectio.

DISTINCTIO XXXII.

Circa distinctionem trigessimam secundam quæritur:
Vtrum Deus diligat omnia æqualiter?

Seraphicus Bona. 3. senten. distinc. 32. q. 3. Artic. 1.

Scotus 3. senten. distin. 32. q. 1.

Richardus 3. senten. distin. 32. q. 1.

Durandus 3. sent. distinc. 32. q. 1.

QVÆSTIO I.

PRÆMISSIS adiciendum est. Circa distinctionem trigessimam secundam quaeritur primo. Vtrum Deus diligat omnia æqualiter. Et videtur, quod non, quia Deus diligit bonum in eo, quod bonum, sed omnia non sunt æqualiter bona, ergo Deus non diligit omnia æqualiter. *Cap. 6.*

Præterea. Sicut Deus dispensat creaturis sua dona, ita diligit creaturas, sed sua dona non dispensat Deus æqualiter creaturis, ergo, &c.

Præterea. qui vnum approbat, & aliud reprobat non diligit omnia æqualiter. Sed Deus aliqua approbat, & aliqua reprobat, quia aliquos homines præfatur, & aliquos damnat, ergo, &c.

Contra. Eo modo Deus diligit creaturas quo habet curam de eis. Sed Deo æqualis est cura de omnibus ut dicitur sapientiæ, ergo æqualiter diligit omnia.

Præterea. Sicut Deus intelligit omnia, ita omnia diligit, sed omnia æqualiter intelligit, ergo omnia æqualiter diligit.

Ad euidenciam huius quaestionis, quia dilectio est actus voluntatis, ideo primo oportet videre si in Deo est voluntas, secundo si Deus diligit omnia generaliter, tertio si Deus diligit omnia æqualiter.

Primus articulus patet ex dictis.

Quantum ad secundum articulum dico, quod Deus diligit omnia generaliter, quia sicut omnis intellectus potest in omne diligibile, ita omnis voluntas potest in omne volubile, ergo voluntas diuina potest diligere omnia diligibilia, sed hoc non potest potentia ante actum, quia iam esset imperfecta, ergo potest potentia cum actu, ergo diligit omnia alia à se.

Præterea Deus produxit omnia alia à se voluntate, sed qui producit aliud à se voluntate diligit illud, ergo Deus diligit omnia.

Præterea Gen. Vidit Deus cuncta, quæ fecerat, & erant valde bona. Ex hoc arguitur sic. Summum bonum diligit omne bonum, sed Deus est summum bonum,

ergo Deus diligit omne bonum, sed cuncta quæ fecerant erant valde bona, ergo Deus diligit omnia bona. Hinc scribitur sapientiæ 10. Diligis domine omnia & nihil odisti eorum quæ fecisti.

Opinio Magistri.

Quantum ad tertium articulum, scilicet, si Deus diligat omnia æqualiter, dicitur vno modo secundum viam Magistri in littera, quod dilectio Dei accipitur dupliciter, scilicet secundum essentiam, & secundum efficaciam. Si loquimur de dilectione Dei secundum essentiam, seu secundum actum essentialem, sic diligit omnia æqualiter vno simplici actu, & indiuisibili. Si autem loquamur de dilectione Dei secundum efficaciam, hoc est quantum ad effectum consequentem, sic non diligit omnia æqualiter, quod patet per hoc quia inæqualiter dona sua dispensat. Alio modo dicitur, & in idem reddit, quod dilectio Dei potest comparari, vel ad agens, vel ad obiecta connotata. Si loquimur primo modo, conceditur, quod omnia diligit æqualiter. Si secundo modo non conceditur. Ex dictis patet ad argumenta principalia, quia argumenta ad primam partem arguunt de dilectione, secundum efficaciam. Alij autem arguunt de dilectione secundum essentiam.

Vtrum Christus magis dilexerit Petrum,
an Ioannem?

D. Thomas prima parte. q. 20. Artic. 4. qui optime, & docte hæc questionem declarat in tertio argumento huius questionis.

QVÆSTIO II.

SECUNDO quæritur. Vtrum Christus magis dilexerit Petrum, an Ioannem? Et videtur quod Ioannem. Hic est discipulus ille quem diligebat Iesus. Sed ly hic non accipitur secundum distinctionem, quia Christus diligebat alios discipulos, ergo accipitur secundum excellentiam, & sic diligebatur super omnes.

Cap. ultimo.

Præterea, glosa Ioannis dicitur quod Petrus plus diligebat, Ioannes autem plus diligebatur.

Præterea. Ille plus diligitur cui ostenduntur signa maioris familiaritatis. Sed Ioanni ostendebantur à Christo signa maioris familiaritatis. Vnde supra pectus domini in cœna recubuit, ergo. *Cap. ultimo.*

Contra Ioannis dicitur. Dixit dominus Petro, Simon Ioannis diligis me plus his, sed hoc non quæreret Deus à Petro, nisi sciret quod eum Petrus plus amaret, sicut glosa ibi dicit, sed qui plus diligit Deum plus diligitur, ergo plus diligebatur Petrus. *Cap. ultimo.*

Præterea. Cui committitur cura vniuersalis Ecclesiæ maxime diligitur, sed Petro committebatur cura vniuersalis Ecclesiæ, ergo. Sed si dicas argumentum non valere, quia Christus commendauit matrem suam Ioanni, non Petro.

Contra, Deus plus diligit vniuersalem Ecclesiam, totâ congregationem fidelium, quam aliquam particularem personam. Sed cura vniuersalis Ecclesiæ commissa est Petro, & non Ioanni, ergo, &c.

Respondeo, ad istam quæstionem sunt tres modi dicendi, & omnes boni.

Vnus modus est Augustini super Ioannem, qui dicit, quod est dilectio in signo exteriori, & est dilectio in affectu interiori. Si loquimur de dilectione in signo exteriori, sic Christus magis diligebat Ioannem, quia signa maioris familiaritatis ei ostendit, vnde sicut dictum est supra pectus domini in cœna recubuit. Si autem loquimur de dilectione in affectu interiori sic Christus magis diligebat Petrum, quia maius munus gratiæ sibi dedit. *Opinio Augustini.*

Contra hoc obiicitur, quia Christus qui est veritas illum plus debet diligere, & maiora signa dilectionis ostendere, qui habet maius munus gratiæ. Sed Petrus per te habuit maius munus gratiæ, ergo Christus debuit ostendere Petro signa maioris familiaritatis, quam Ioanni.

Sed ad hoc respondet Augustinus, ibidem dicens, Super Ioannem quod quia per Petrum, & Ioannem significatur duplex vita, scilicet per Petrum vita actiua, per Ioannem vita contemplatiua. Vita autem actiua est laboriosior, & fructuosior, contemplatiua vero est purior, & iocundior. Et ideo ad ostendendam huius duplicis vitæ differen-

tiam magis familiarem Christus se exhibebat Ioanni, quam Petro.

2. *Opinio.*

Alius modus dicendi est, quod Petrus dilexit feruentius, ideo diligebatur fortius. Ioannes verò diligebat dulcius, ideo diligebatur à Christo familiarius, & sic secundum diuersas vias de vtroque potest concedi quòd magis diligebat, & magis diligebatur.

Tertius modus dicendi est, quod Petrus magis dilexit Deum in proximo. Ioannes vero magis Deum in se dilexit. Vnde Petrus suscepit curam regiminis. Ioannes vero curam contemplationis, ergo Petrus efficaciorē gratiam habuit ad laborem actionis. Ioannes vero efficaciorē ad quietem contemplationis.

Ad argumenta principalia, patet ex dictis: quia quæcunque istarum viarum teneatur, patet quod argumenta currunt viis suis, &c.

DISTINCTIO XXXIII.

Circa distinctionem trigessimamtertiam quaeritur.
Vtrum virtutes morales sint subiectiuae in voluntate,
& in parte rationali?

Seraphicus Bona. 3. sent. distinct. 33. q. 3. Art. 1.

Scotus 3. sent. dist. 33. q. 1.

D. Thomas 1. secunda q. 10. Artic. 5.

Ricardus 3. sen. dist. 33. q. 1.

Franc. de May. 3. sent. dist. 37. q. 2.

Ioannes Baconianus 3. sent. dist. 33. q. 3.

QVÆSTIO I.

POST prædicta de quatuor. Circa istam distinctionem trigessimamtertiam quaeritur. Vtrum virtutes morales sint subiectiuae in voluntate, & in parte rationali? Et videtur quod non, quia philosophus, & Cōmentator primo ethicorū ponunt eas in parte irrationali, ergo.

Præterea Philosophus tertio ethicorum ponit temperantiam & fortitudinem in appetitu sensitiuo, ergo.

Cap. ultimo.

cap. 9.

Præterea. Temperantia est in concupiscibili. Fortitudo autē in irascibili. Sed irascibile, & concupiscibile dicuntur in appetitu sensitivo, & non in voluntate, ergo.

Contra, virtus est habitus electivus, ex secundo ethicorū, sed electio est actus voluntatis, aut rationis, ergo virtus ponitur in voluntate, vel in parte rationali. Cap. 6.

Præterea, bonum honestum est obiectum virtutis, sed bonum honestum est etiam obiectum voluntatis, ergo virtus ponitur in voluntate.

Præterea, virtus est principium actus laudabilis, ex secundo ethicorum, ergo debet poni in illa potentia, cui competit laus. Sed potentia cui maxime competit laus est voluntas, ergo virtus ponitur subiective in voluntate. Responso In ista quæstione sunt quatuor videnda, primo quod est virtus moralis. Secundo, unde virtus moralis generatur, tertio quod sunt virtutes morales, quarto in quo sunt subiectivæ. Cap. 5.

Primus articulus patet.

Quantum ad secundum articulum patet per Aristotē, quod virtus moralis non inest nobis à natura, sed generatur ex operibus, & hoc probatur quinque rationibus. Li. 2. dist. 27. q. 1. ar. 1. In principio 2. ethic.

Primo sic. In his quæ nobis insunt à natura non fit variatio per consuetudinem. Exemplum suum est de lapide qui si millesies proiciatur superius nunquam tamen assuescit superius ascendere, sed in virtutibus moralibus fit variatio per consuetudinem, ergo non insunt nobis à natura, sed generantur ex operibus.

Secundo sic. In his quæ insunt nobis à natura potentia præcedit actum. Sed in virtutibus moralibus, actus præcedit potentiam, ergo. Tertio sic. Legislatores faciunt ciues bonos per assuefactionem, sed ciues non fiunt boni, nisi ex virtutibus, ergo virtutes sunt per assuefactionem, & ita ex operibus generantur.

Quarto sic. Ex illis virtutes generantur per quorum opposita corrumpuntur, sed virtutes corrumpuntur ex malis operibus, ergo virtutes generantur ex bonis operibus. Quinto sic. Sicut se habet ars ad duas operationes, ita & virtus, sed ars generatur ex bonis operibus, & corrumpuntur ex malis operibus, exemplum

Correlarium.

Via communis Theologorum.

philosophi est de ædificatione, aliud est de cytharizando, ergo virtus generatur ex bonis operibus. Ex ista conclusione infert Aristoteles, vnum correlarium, quod oportet operationes quales, id est bonas reddere, & à iuventute exercitari in bonis operibus, quia secundum differentiam operationum generantur habitus differentes.

Quantum ad tertium articulum, dicitur communiter secundum viam theologorum, quod sunt quatuor virtutes morales, scilicet prudentia, iustitia, temperantia, fortitudo. Ad cuius declarationem assignant aliqui istam sufficientiam, quod sicut quatuor fuerunt nobis inflicta per peccatum, ita oportet ponere quatuor virtutes, fuerunt enim nobis per peccatum inflicta ignorantia, concupiscentia, infirmitas, & malitia. Contra ignorantiam, ponitur prudentia. Contra concupiscentiam, temperantia. Contra infirmitatem, ponitur fortitudo. Contra malitiam ponitur iustitia.

Aliqui vero assignant istam sufficientiam sic, quia aut virtus est circa passiones, aut circa actiones. Si circa passiones hoc contingit dupliciter, quia aut est circa passiones illatas, & sic ponitur fortitudo, aut circa passiones innatas, & sic ponitur temperantia. Si autem virtus ponitur circa actiones, hoc contingit dupliciter, quia aut est circa actiones intrinsecas, & tunc est prudentia, aut est circa actiones extrinsecas, & tunc est iustitia.

Assignatio aliorum.

Alij vero assignant istam sufficientiam. Quia sicut virtutes Theologicæ ordinant ad Deum, ita virtutes morales ordinant ad seipsum, & ad proximum. Si ordinant ad seipsum hoc contingit dupliciter. Quia, vel in eligendis, & sic ponitur prudentia, vel in respuendis, & sic ponitur temperantia. Si autem ordinant ad proximum hoc etiam contingit dupliciter, quia vel in reddendis, & sic ponitur iustitia, vel in sustinendis, & sic ponitur fortitudo.

Aliorum assignatio.

Alij vero assignant istam sufficientiam, quod virtus moralis ordinat ad seipsum & ad proximum. Si ordinat ad proximum sic ponitur iustitia. Si autem ordinat ad seipsum hoc contingit tripliciter, quia vel secundum

partem intellectiuam seu rationalem, & sic ponitur prudentia, vel secundum partem concupiscibilem, & sic ponitur temperantia, vel secundum partem irascibilem, & sic ponitur fortitudo. Et accipiuntur hic irascibile, & concupiscibile prout sunt in appetitu rationali.

Quantum ad quartum articulum dicunt aliqui, quod virtutes morales non ponuntur in voluntate, sed sunt subiectivæ in appetitu sensitivo, quod probant sic. Habitus virtuosus ponitur in potentia ad hoc ut determinet potentiam ad bonum simpliciter. Sed voluntas est per se determinata ad bonum simpliciter cum ei hoc ostenditur ab intellectu. Ergo virtus non ponitur in voluntate, quia superflueret.

Præterea. Medium, quod est virtus ibi ponitur subiectivæ ubi sunt passionēs, & extremitates vitiosæ. Sed passionēs sunt in appetitu sensitivo, ergo, &c.

Confirmatur, quia ibi apponitur medicina ubi est infirmitas vitiorum, sed illæ sunt in appetitu sensitivo, ergo.

Præterea. Si virtus moralis ponitur subiectivæ in voluntate, vel in parte rationis, sequitur quod cum ista sint in angelo, quod angelus potest requirere virtutes morales, cuius contrarium dicit philosophus, qui remouet à diis virtutes morales.

10. Eth. c. 10.

Contra istam opinionem arguitur per tres rationes factas ad principale de habitu electivo, & de obiecto virtutis, & de actu laudabili.

Cap. 15.

Præterea Augustinus de moribus ecclesiæ dicit, quod virtutes morales nō sunt nisi amores ordinati. Sed amores ordinati sunt in voluntate, ergo, &c. Idem ponit Aug. 14. de ciuitate Dei diffuse pertractans illud.

Cap. 5.

Præterea in statu innocentie secundum Magistrum, Adam habuisset virtutes morales, & tunc tamen non fuissent in appetitu sensitivo, quia nulla fuisset rebellio virium sensitiuarum ad rationem.

Præterea rationes opinionis non valent immo prima ratio trahitur ad oppositum quadrupliciter.

Primo sic, Potentia, quæ est indeterminata ad opposita puta ad virtutes, & vitium, oportet quod determinetur per habitum. Sed voluntas est indeterminata ad

virtutem, & ad vitium, ergo oportet vt determinetur per habitum.

Secundo sic. Illa potentia, quæ patitur difficultatem indiget habitu ad hoc vt facilitetur. Sed voluntas est huiusmodi, ergo, &c.

Ratio efficacissima.

Tertio sic. Voluntas non est magis determinata quàm intellectus nec minus determinabilis, sed in intellectu ponuntur virtutes intellectuales, ergo in voluntate ponuntur virtutes morales.

Quarto sic, voluntas habet habitum ad diligendum puta charitatem. Sed ista est determinata ad diligibilia sicut ad alia, ergo.

Cap. 3.

Secunda etiam ratio trahitur ad oppositum, quia vbi sunt passionēs, & extremitates, ibi ponitur virtus quod est medium. Sed secundum Aug. 14. de ciuitate Dei, passionēs sunt in voluntate, ergo.

Ad tertiam autem rationem dicitur dupliciter, primo concedendo consequentiam, quia si Deus crearet Angelum nudum in puris naturalibus, ita, quod non haberet virtutes morales, ipse potest tales virtutes acquirere ex multis electionibus, non quidem, quod essent sibi inexistentes circa passionēs in appetitu sensitiuo, sed tantum circa passionēs in vniuersali ostensas per intellectum.

Aliter potest dici negādo consequentiā. Dato enim, quod Angelus habeat in voluntate virtutes, & tales virtutes sunt in voluntate subiectiuæ siue in appetitu rationali, nō propter hoc oportet concedere quod angelus potest acquirere tales virtutes morales, s. quia virtus est circa bonum difficile. Tale autem bonum non est difficile alicui nisi habenti appetitum sensitium, qui natus est moueri in oppositum illius boni, ergo qui non habet appetitum sensitium non potest acquirere virtutes morales, & quia angeli non habent appetitum ideo non possunt acquirere virtutes morales quamuis ponantur in voluntate.

*D. Bon. in 3.
dist. 36.*

Dicitur ergo ad quæstionem, quod virtutes morales sunt in parte rationali vbi notat quidam, scilicet Bonaventura, quod rationale accipitur duobus modis. Vno modo vt distinguitur contra potentiam sensitiuam, &

sic omnes virtutes sunt in parte rationali. Alio modo prout distinguitur contra potentiam volitivam, & sic in parte rationali ponitur tantum prudentia. Cæteræ autem virtutes, scilicet iustitia, temperantia, & fortitudo ponuntur in voluntate. Est autem notandum propter auctoritatem philosophi, qui videtur dicere contrarium, quod licet virtutes morales ponantur in voluntate modo præexposito, tamen voluntas potest imperare appetitui sensitivo moderando passionem eius circa fugienda, vel prosequenda. Et ex his actibus potest derelinqui, & generari quidam habitus, qui potest dici virtus non quidem virtus ut est habitus electivus ut hic loquimur, sed in quantum est habitus inclinativus ad ea, quæ sunt consona rectæ rationi. Et ex hoc dico, quod omnes auctoritates quæ ponunt virtutes in appetitu sensitivo loquuntur de habitu ultimo modo sumpto de quo nihil ad propositum, & per hoc patet ad argumenta principalia.

Ad tertium principale, scilicet de irascibili, & concupiscibili, dico, quod irascibile, & concupiscibile non solum sunt in appetitu sensitivo, sed etiam sunt in voluntate.

DISTINCTIO XXXIV. & XXXV.

Circa distinctionem trigesimam quartam,
& trigesimam quintam
quæritur.

Utrum dona spiritus sancti differant à
virtutibus?

Seraphicus Bona. 3 sent. dist. 34. quest. I. Art. I.

Scotus 3 sent. dist. 34. q. I.

D. Thomas I. secunde q. 68. Artic. I.

Richardus 3 sentent. dist. 34. q. I.

Durandus 3 sentent. dist. 34. q. I.

Ioan. Baconianus 3 sent. dist. 34. q. I.

QVAESTIO. I.

*Lib. I. c. 18.
in tertia ex
positione.*

Nunc de septem donis. Circa distinctionē 34. & 35. quaritur. Vtrum dona spiritus sancti differant à virtutibus? Et videtur quòd non, quia Gregorius pertractans illud Iob. Nati sunt ei filij septem, dicit, quòd cum spiritus sanctus fecundat mentem nascuntur in ea septem virtutes, scilicet Sapientia, intellectus, consilium, fortitudo, scientia, pietas, & spiritus timoris domini, ergo secundū Grego. dona sunt virtutes.

Præterea. Cuicunque competit diffinitio, & diffinitum. Sed diffinitio virtutis competit donis, ergo dona sunt virtutes. Probatio minoris. Virtus secundum Augustinum, est bona qualitas mentis, qua rectè viuitur. Sed hæc diffinitio conuenit donis, ergo.

Vide ubi supra.

Contra. Gregorius in mora. super illud Iob. Nati sūt ei septem filij, & tres filia, dicit quòd septem filij sunt septem dona spiritus sancti, tres autem filia sunt virtutes, ergo virtutes differunt à donis sicut filij à filiabus.

Præterea, quæ non habent easdem differentias diuinas non sunt idem. Sed dona, & virtutes non habent easdem differentias diuinas, quia virtutes per morales, & theologicas, dona autem non, ergo.

Præterea. Timor non est virtus. Sed timor domini est donum, ergo virtus, & donum non sunt idem.

Respondeo. In ista quæstione sunt duo videnda, primo, quæ & quot sunt dona spiritus sancti, secundo si dona, & virtutes differunt.

Quantum ad primum dico, quòd septem sunt dona spiritus sancti, videlicet donum sapientiæ, scientiæ, intellectus, consilij, fortitudinis, pietatis, & timoris domini, vnde Isa. Requiescet super eum spiritus domini spiritus sapientiæ, & intellectus.

Cap. II.

*Lib. I. ca. 8.
Henric. quo-
lib. 4. q. 33.*

Item Gregorius in Morali. dicit, quòd per septem filios Iob intelliguntur septem dona spiritus sancti. Item Glo. Isa. dicit quòd per septem mulieres, quæ apprehenderunt virum vnum intelliguntur septem dona spiritus

sancti. Si autem quærat^{ur} sufficientia horum duorum assignatur à quib^{us}dam talis. Tot sunt dona spiritus sancti quor^{um} sunt vitia capitalia, quia per illa vitia excluduntur. Sed vitia principalia sunt septem, ergo similiter dona spiritus sancti erunt septem. Et ordinantur sic. Sapientia est contra luxuriam. Scientia contra iram, quia ira habet execrare. Intellectus est contra gulam. Consiliū est contra avaritiam. Fortitudo contra accidiam. Pietas contra inuidiam. Timor domini contra superbiam.

Grego. tamen in moralibus aliter ordinat dicēs, quod Sapientia est contra stultitiam. Intellectus, cōtra ebrietatem. Consilium contra præcipationem, Fortitudo contra pusillanimitatem. Scientia contra ignorantiam. Pietas contra duritiam. Timor domini contra superbiam.

Alij autem assignant istam sufficientiam sic. Dōna sunt ad expedite perueniendum in vltimum finem. Hoc autem potest esse dupliciter, quia aut expediunt contra malum, aut ad bonum. Si primo modo sic est donum timoris. Si secundo modo hoc potest esse dupliciter, quia aut expediunt siue promouent ad bonum, quod est finis, vel ad bonum quod est ad finem. Si primo modo hoc contingit dupliciter, quia vel promouent per modū videntis, & sic ponitur donum intellectus, vel per modū gustantis, & sic ponitur donum sapientiæ. Si autem promouent ad bonum quod est ad finem hoc contingit dupliciter, quia illud bonum, vel est supererogationis, vel necessitatis. Si supererogationis hoc contingit dupliciter, quia donum ad illud bonum, aut se habet per modū dirigentis, & sic ponitur donū consilij, aut se habet per modum exequentis, & sic ponitur donum fortitudinis. Si autem ponatur illud donum esse necessitatis hoc etiā contingit dupliciter, quia donum respectu illius boni aut se habet per modum regulantis, & sic ponitur donū scientiæ, aut se habet per modum exequentis, & sic ponitur donum pietatis.

*Singularis
doctrina.*

Quantum ad secundum articulum sunt quatuor modi dicendi. Vnus Henrici qui dicit, quod sicut circa delectationes vitiosas contingit aliquem tripliciter se habere. scilicet modo humano, modo superhumano, & modo

inhumano, ita similiter circa tristitias contingit aliquē tripliciter se habere, primo modo humano vt quando circumstantiis debitis sustinet terribilia, secundo modo superhumano, vt quando sustinet terribile cum gaudio, sicut fuit in martyribus, tertio modo inhumano, & quasi diuino quando non solum sustinet terribilia, sed etiam gaudenter appetit, sicut Paulus dicebat: Cupio dissolui, & esse cum Christo. Dicendum ergo ad propositum, quod virtutes, dona, & beatitudines differunt, quia virtutes perficiunt hominem modo humano, dona autem modo superhumano, sed beatitudines perficiunt modo inhumano, & diuino.

Philip. c. 1.

*11. de tri. cap.
19.*

Contra hoc obiicitur sic secundum Augustinū. Charitas est virtus excellentissima, & etiam secundum Apostolum, Si tradidero corpus meum ita vt ardeam (quod tamen est superhumanum immo etiam inhumanum) charitatem autem non habeam nihil sum, & nihil mihi prodest, ergo dona non differunt a virtutibus per hoc, quod perficiunt modum superhumanū cum charitas sit donum excellentissimum in perficiendo.

Alius est modus dicendi Thomæ, quod virtutes dicuntur, quæ perficiunt appetitum in quantum mouetur a ratione recta. Dona autem dicuntur, quæ perficiunt appetitum in quantum mouetur a spiritu sancto, vel a Deo.

*D. Tho. 1. secunda. q. 68.
ars. 1.*

Contra opinionem istam obiicitur, quia primum dictum supponit falsum. scilicet quod ratio moueat appetitū, cuius contrarium ostensum fuit. Nam ibi ostensum est, quod voluntas potest se mouere contra iudicium rationis.

Præterea Contra secundum dictum de donis arguitur sic, charitas habet imperare actibus omnium virtutum, ergo virtutes habent moueri per charitatem, ergo non est necessaria spiritualis motio spiritus sancti.

Præterea virtutes theologicæ sunt perfectiores, quam morales, sed virtutes morales cum potentia in qua sunt sufficiunt ad eliciendum actus suos sine aliquo alio, ergo in virtutibus theologicis non est necessaria spiritualis motio spiritus sancti.

Alius est modus dicendi antiquorum, quod virtutes, & dona, & beatitudines differunt per hoc, quod per vir-

rutes contingit perfecte agere, per dona autem perfectius, sed per beatitudines expedite.

Contra hoc obiicitur, quia eadem virtute operor, & expedite operor, quia virtus est perfectio habentis, & opus eius bonum, seu perfectum reddit, ergo illa non est sufficiens differentia inter virtutes, & dona.

Confirmatur, quia communiter attribuiuntur quatuor conditiones habitui, scilicet quod est illud quo habens operatur faciliter, delectabiliter, expedite, & promptè.

Quartus modus dicendi est aliquorum modernorum, qui consistit in tribus conclusionibus.

Prima est, quod inter virtutes, & dona non est distinctio realis, quia nulla pluralitas, vel distinctio est ponenda sine necessitate. Sed hic nulla est necessitas ad ponendum distinctionem realem inter dona, & virtutes, ergo. Probatio minoris. Quia sicut ad omnem actum humanum sufficiunt virtutes humanæ sine aliquo alio adueniente, ita ad omnem actum supernaturalem sufficiunt virtutes theologicæ, ergo non oportet ponere dona habitus realiter distinctos a virtutibus theologicis.

Opinio recentiorum.

I. conclusio.

Secunda conclusio est, quod dona, & virtutes distinguuntur quantum ad respectus, quia dona dicuntur per comparisonem ad principium in quantum scilicet sunt à Deo. Sed dicuntur virtutes in quantum, scilicet perficiunt subiectum in ordine ad actum. Sed restat dubium. Si dona, & virtutes sunt idem quomodo se habent adinuicem. Et est dicendum secundum istam viam, quod tria dona sunt idem cum tribus virtutibus theologicis, scilicet intellectus, sapientia, & scientia sunt idem, quod fides, spes, & charitas. Alia autem quatuor dona sunt idem cum quatuor virtutibus cardinalibus, quia donum pietatis reducitur ad iustitiam, donum autem timoris domini reducitur ad temperantiam, donum autem fortitudinis est constantia, siue fortitudo, donum autem consilij est prudentia.

I. conclusio.

Si teneatur ista opinio potest responderi ad argumēta facta ad secundam partem questionis.

Ad primum dicendum, quod si accipiantur tres virtutes tantum, & septē dona tunc est bene differentia inter

dona, & virtutes, & ponunt in numerum, & sic accipit Gregorius. Si autem accipiantur septem virtutes, & septem dona tunc non habent differentiam realem, ut dictum est.

Ad secundum de differentiis diuisiuis est neganda minor, quia ut patet ex dictis tria dona sunt idem cum tribus virtutibus theologis, & quatuor dona cum quatuor virtutibus cardinalibus.

Ad tertium dicendum, quod accipiendo donum timoris domini illa bene est virtus, & de illa non loquitur Aristoteles in ethicis. loquitur enim ibi de aliis timoribus.

Si autem ista quarta opinio non placet & ponatur realis differentia inter virtutes, & dona potest dici ad primum in contrarium, quod nomen virtutis, & doni aliquando accipitur communiter, & sic virtutes dicuntur dona, & dona virtutes, & sic accipit Gregorius. Aliquando accipitur proprie, & sic quemadmodum virtutes, & dona distinguuntur secundum rem, ita etiam distinguuntur secundum nomen.

Ad secundum dicendum, quod non illa est propria diffinitio virtutis, sed est quædam notificatio communis, ideo potest dici tam de virtutibus, quam de donis.

DISTINCTIO XXXVI.

Circa distinctionem trigesimam sextam,
quæritur,

¶ Vtrum virtutes morales sint connexæ?

Seraphicus Bonauen. 3. sent. distin. 36. q. 1.

Scotus 3. sentent. distinctio. 36. q. 1.

D. Thom. prima secunde quest. 65. Artic. 1.

Rachardus 3. sent. distinct. 36. q. 1.

Durandus 3. sententiarum distinctio. 36. q. 1.

Franc. de May. 3. sent. dist. 37. q. 2.

Ioannes Baconitanus 3. sent. dist. 36. q. 1.

QVAESTIO I.

Solet



Olet etiam quæri. Circa istam distinctionē trigessimam sextam, quæritur. Vtrum virtutes morales sint connexæ? Et videtur quod non, quia aliquis potest esse inclinatus ad actum vnius virtutis, & non ad actum alterius, ergo potest acquirere virtutem ad cuius actum naturaliter inclinatur, & non ad alteram.

Præterea, dato quod naturaliter inclinatur ad plures virtutes, tamen potest exercitari circa materiam vnius virtutis & non circa materiam alterius, puta circa materiam fortitudinis, & non circa materiam temperantia, ergo potest acquirere vnā virtutem, & non aliam, & per consequens virtutes non sunt connexæ. In oppositum est Gregorius. Quisquis vna virtute pollere creditur tunc veraciter pollet cum vitiis circa aliam partem non subiacet. Et ibidem dicit, quod vna virtus sine alia non est virtus.

22. moralium
cap. I. Et li-
bro 21. cap. 3.

Præterea, Commentator super sexto ethicorum. Nō existente temperantia qualiter esset iustitia. Et idem dicit glo. Apocali. super illud. Ciuitas in quadroposita erat.

Cap. 6.

Respondeo. In ista quæstione tria sunt videnda. Primo an virtutes morales sint connexæ inter se, secundo si sint connexæ cum prudentia, tertio si sunt connexæ cum virtutibus theologicis.

Cap. 22.

Quantum ad primum est opinio Tho. quod virtutes morales possunt accipi, vel quantum ad esse imperfectū vel quantum ad esse perfectum. Primo quidem modo non sunt connexæ, & vna sine altera haberi potest, secundo modo sunt connexæ, ita, quod vna quantum ad esse perfectum non potest haberi sine aliis. Et ista conclusio probatur ab aliis, qui sequuntur ipsum sic. Virtus perfecta non compatitur secum aliquam obliquitatem, quia habentem perficit, & opus eius bonum reddit. Sed si virtutes non essent connexæ virtus compateretur secum obliquitatem, ergo.

D. Thom. 1.
secunda 2. q. 63.
artic. 1.

Minor probatur, quia si esset vitium cum vna virtute tunc obliquaretur potentia. Exemplum, de casto, & avaro qui non faceret contra castitatem propter auaritiam pecuniæ.

Exemplum.

Præterea virtus est principium operandi delectabili-
ter ex septimo ethicorum. Sed si aliquis haberet vnam
virtutem, & non aliam, aliquando operaretur cum tri-
stitia, ergo habens vnam virtutem habet omnes. Minor
patet in avaro, & casto. quia si avarus, & castus contineat
propter virtutem castitatis tunc hoc erit cū tristitia pro-
pter amorem pecuniæ.

Præterea. Omnis finis, seu virtus ducit ad finem de-
bitum. Sed vna virtus non perducit ad finem debitum. i.
ad beatitudinem sine alia, ergo.

Præterea. Iustus est qui caret omni malo, sed nullus
caret omni malo nisi habeat omnes virtutes, ergo virtu-
tes sunt connexæ inter se.

Præterea confirmatur hoc per auctoritates sanctorum
quarum vna est Gregorij in moralib. Alia est glosa in

22. moralium

Apoca. sicut fuit argutum ad principale.

ca. 1. cap. 21.

Contra istam opinionem obiicitur sic. Virtutes non
necessario sunt connexæ in esse imperfecto, ergo nec in
esse perfecto. Antecedens conceditur ab eis, consequen-
tia probatur sic. Sicut virtutes in esse imperfecto acqui-
runtur ex actibus, ita etiam in esse perfecto, ergo sicut
potest se exercere in actibus, vsque ad gradum virtutis
in esse imperfecto, ita potest se exercere in aliis actibus
vsque ad gradum perfectum, ergo si non sunt connexæ
in gradu imperfecto, sequitur, quod non necessario sint
connexæ in gradu perfecto, & hoc ideo vt dictum est,
quia potest se exercere in actibus circa materiam vnius
virtutis non exercendo sed circa materiam alterius vir-
tutis. Respondetur, quod bene potest se exercere circa
materiam vnius virtutis in re, non exercendo se circa
materiam alterius virtutis, tamen in conceptu de neces-
sitate habet materiam alterius virtutis, & sic non exer-
cit se circa materiam vnius virtutis quin etiam exerci-
tetur se circa materiam alterius virtutis. Et hoc non va-
let, quia possibile est sicut experimur, quod aliquis non
habet materiam alicuius virtutis, nec in re, nec in con-
ceptu.

Et præterea cum materiæ sint diuersæ, & voluntas sit
libera, non videtur ratio quare nō possit se exercere, vel
exercitare circa vnam materiam, & non circa aliam.

Præterea, virtus est habitus electius immediate existens determinata recta ratione, sed talis determinatio, & conformitas potest esse circa materiam vnius virtutis *Quid sit virtus* absque omni dictamine recto, circa materiam alterius *ius.* virtutis, ergo.

Præterea. Inconueniens est, quòd duæ virtutes sint sibi inuicem causæ essendi, quia tunc esset circulatio in causis, quod est inconueniens secundum philosoph. Sed si virtutes essent connexæ, vt ponit prima opinio, tunc *I. lib. post. connex. 6.* essent sibi inuicæ causæ essendi, ergo. Probatio minoris. Nam si fortitudo non esset perfecta nisi quia concomitatur eam temperantia, & similiter temperantia nõ esset perfecta nisi quia concomitatur eam fortitudo, ergo temperantia est causa essendi fortitudinem, & fortitudo est causa essendi temperantiam.

Præterea, in virtutibus moralibus maior videtur cõnexio inter species eiusdem generis, quam inter duo genera, & hoc ideo, quia materiæ specierum eiusdẽ generis sunt magis connexæ, quam species duorum generum. Sed species eiusdem generis virtutis non sunt connexæ, puta virginitas, & castitas coniugalis, ergo.

Vltimo arguitur sic. Virtus est perfectio hominis partialis non totalis, alias sufficeret vna virtus moralis. Sed quando sunt plures perfectiones partiales alicuius illud potest esse perfectum in summo secundum vnam perfectionem, non obstante, quòd careat alia perfectione, ergo aliquis potest habere vnam virtutem in summo dato quòd non habeat alias. Minor declaratur in exemplo. Nam visus & auditus sunt perfectiones hominis partiales, & potest homo perfecte habere sensum visus absque eo, quòd habeat sensum auditus. Dicitur ergo ad questionem aliter, quod virtutes morales possunt accipi vel quantum ad esse, vel quantum ad conseruari. Quantum ad esse quidem non necessario sunt connexæ, vt patet per argumenta contra præcedentem opinionem, quantũ autem ad conseruari sic se habent, quod vna virtus non diu durat sine alia.

Ad primum autem alterius opinionis est dicendum quod virtus, aut accipitur secundum se, aut non in cõparatione ad potentiam. Primo modo non comparitur

secum aliquam obliquitatem. Secundo vero modo potest esse obliquitas in potentia per accidens, quia non ratione virtutis quam habet, sed ratione alterius virtutis qua priuatur, seu quam non habet.

Ad secundum dicendum est eodem modo. Nam virtus est principium operandi delectabiliter, quantum est de se. Si autem non operatur delectabiliter, hoc non est ratione sui, sed per accidens, quia caret aliqua virtute.

*Ad secundum
argumentum.*

*Finis virtutis
est duplex.*

Ad tertium dicendum, quod ly omne potest accipi distributive, aut collectivè. Si primo modo maior est falsa, quia non omnis, idest non quælibet virtus per se ducit ad vltimum finem. Si autem accipiat alio modo, tunc maior est vera, sed non est contra me, quia habet talem sensum: omnis virtus, idest omnes virtutes simul sumptæ perducunt ad vltimum finem. Vel est dicendum, quod finis virtutis est duplex, scilicet proprius, & communis qui est beatitudo, vel felicitas. Nunc autem omnis virtus ducit ad finem proprium, sed non quælibet virtus per se ad vltimum finem quæ est felicitas.

*Iustitia potest
accipi duobus
modis.*

Ad quartum, cum dicitur, quod iustus caret omni malo. Dicendum quod iustitia aliquando sumitur pro omni perfectione, & tunc includit omnes virtutes. Aliquando autem dicit virtutem specialem, & tunc non oportet, quod includat omnem virtutem, nec quod careat omni malo, sicut patet in quibusdam principibus qui servant iustitiam specialem, & tamen in quibusdam sunt incontinentes.

Ad auctoritates autem Gregorij, & glossæ dicitur quod loquuntur de virtutibus, prout sunt principia merendi, & hoc modo, vna virtus moralis non est sine alia. Non autem loquuntur de virtutibus, secundum se, ut sunt principia actuum moralium.

Quantum ad secundum articulum oportet primo videre si est vna prudentia, omnium virtutum moralium, an si quælibet virtus moralis habeat propriam prudentiam adiunctam. Secundo oportet videre si virtutes morales sint annexæ cum prudentia.

*Opinio aliquo-
rum.*

Quantum ad primum est vna opinio, quod omnium virtutum moralium est vna prudentia, quia ad hoc quod

habitus sit vnus, secundum speciem sufficit habere vnū obiectum formale, sed omnis prudentia habet vnum obiectum formale, scilicet bonum operabile, ergo est tantum vna prudentia.

Alia opinio dicit, quòd sunt distinctæ prudentiæ respectu distinctarum virtutum, quia sicut se habet ars respectu omnium artificialium, ita se habet prudentia respectu omnium agibilium. Sed non est vna ars respectu omnium artificialium, ergo non est vna prudentia respectu omnium agibilium.

Præterea, quando generatur virtus moralis potest generari prudentia, sed vna virtus potest generari sine alia, ergo vna prudentia sine alia, & per consequens sunt distinctæ prudentiæ. Et confirmatur hoc experimento, quia aliqui habent prudentiam in vna virtute, & non in alia, sicut patet in viris religiosis, qui sunt prudentes in rebus bellicis. Dicitur ergo quòd in virtutibus possumus attendere duplicem vnitatem, scilicet vnitatem secundum speciem, & vnitatem secundum ordinē. Quantum ad vnitatem secundum speciem sunt plures, & distinctæ prudentiæ, quantum ad vnitatem secundum ordinem, sic conceditur, quòd sit vna prudentia. Sicut etiā dicimus, quòd scientia est vna vnitatem ordinis, in qua tamen sunt plures conclusiones, & habitus specificè distincti.

*Exemplū de
veris religio-
sis.*

*Quomodo
scientia sit vna.*

Præterea, ratio opinionis non valet, quia sequeretur quod omnes virtutes essent vna virtus secundum speciem, quia obiectum omnium virtutum est bonum agibile, & hæc est vna ratio formalis in obiecto.

Quantum ad secundum, dicit vna opinio, quod virtutes sunt annexæ cum prudentia, quia virtus est habitus electius determinatus à recta ratione. Sed recta ratio non est sine prudentia, ergo virtutes sunt annexæ cum prudentia, tertio dicit quod prudentia est annexa cum virtutibus moralibus, quia prudentia est recta ratio confessæ, id est cōformiter se habens appetitui recto ex sexto ethicorum, Sed appetitus non est rectus, sine virtute morali, ergo aliis videtur quod non oporteat, quia possibile est quod aliquis abstineat propter malum finem, ex conscientia erronea, & tunc talis habitus qui gene-

*D. Thomas 1.
2. q. 65. art. 1.*

*Quomodo ha-
bitus erit vir-
tus.*

ratur ex illis actibus non est virtus, quia non est conformis recte rationi. Sed ponatur quod dimittat errorem, tunc iste habitus erit virtus, & tamen non erit habitus prudentiæ. In toto isto articulo accipiat quod plus placet.

Quantum ad tertium articulum principale dico, quod virtutes morales possunt dupliciter accipi. Vno modo quantum ad esse meritorium, & sic necessario sunt connexæ cum virtutibus theologicis, quia charitas est principium actus meritorij, charitas autem præsupponit fidem, & spem.

Alio modo possunt accipi virtutes morales quantum ad esse proprium, & intrinsecum, scilicet in quantum tales habitus, & sic non sunt connexæ cum theologicis, & hoc probatur, quia sicut esse naturale potest esse, & manere sine esse supernaturali, ita perfectiones in esse naturali possunt manere sine perfectionibus in esse supernaturali. Sed virtutes morales perficiunt naturaliter, theologicæ autem supernaturaliter, ergo illæ possunt esse sine istis, & per consequens non sunt connexæ.

Præterea, ad generationem virtutum moralium sufficiunt cognitio veri, & dilectio boni, sed illæ possunt haberi sine virtutibus theologicis, ergo virtutes morales possunt esse sine theologicis.

Ad duo argumenta principalia, patet quod non concludunt contra me, quia concludunt pro opinione recitata in primo articulo.

Ad auctoritates autem in contrarium responsum est in fine primi articuli.

DISTINCTIO XXXVII. & XXXVIII.

Circa distinctionem trigessimam septimam,
& trigessimam octauam
quæritur:

Vtrum omnia præcepta decalogi sint
de lege naturæ?

Seraphicus Bonavent. 1. sent. dist. 37 q. 3. Art. 1.

Scotus 3. sentent. distinction. 37 q. 1.

D. Thomas 1. secunda quest. 100. Articuli. I. & 8.

Ricardus tertio sententiarum distinctio. 37. questio. I.

Durandus tertio sententiarum distinctio. I. questio. I.

QVÆSTIO II.



ED iam distributio Decalogi. Circa istam distinctionem trigessimā septimā, & sequentem quæritur primo. Vtrū omnia præcepta decalogi sint de lege naturæ? Et videtur quod non, quia in hisque sunt à lege naturæ non cadit dispensatio, etiā apud Deum, sed in aliquibus præceptis decalogi Deus dispesat, ergo non omnia præcepta decalogi sunt de lege naturæ, Maior patet quia quæ sunt de lege naturæ, vel sunt principia necessaria nota ex terminis, vel sunt conclusiones quæ necessario sequuntur ex illis principis, & per consequens in eis non cadit dispensatio, probatur minor in duobus casibus. Primo quando Deus præcepit Abraham, vt immolaret filium suum quod erat contra illud præceptum non occides, secundo quando Deus præcepit filiis Israel, vt acciperent ab Ægyptiis vasa aurea, & argentea, quod est contra illud præceptum, non furtum facies.

Gen. 22.

Exod. 11. *Ex*
12.

Contra. In decretis dicitur dist. 1. Ius naturale est quod continetur in lege, & in euangelio.

Respondeo. In ista quæstione sunt tria videnda. Primo, quæ, & quot sunt præcepta decalogi, secundo qualiter præcepta decalogi erant distincta in tabulis. Tertio si omnia præcepta decalogi sint de lege naturæ.

In canone
dist. 6.

Quantum ad primum dico, quod præcepta decalogi sunt decem. Quorum ratio, & sufficientia sic accipitur. Nam sicut legislator ad duo principaliter intendit, primo vt subditi ordinentur ad principem, secundo vt ordinentur ad se inuicem. Consimiliter præcepta decalogi aut ordinantur ad Deum, aut ad proximum. Si ordinantur ad Deum hoc potest esse tripliciter, quia aut ordinantur ad Deum in corde aut in ore, aut in opere.

Si in corde tunc habet ut illud præceptum. Non habebis Deos alienos. Si in o te tunc habetur illud præceptum. Non assumes nomen l Dei tui in vanum. Si in opere tunc habetur illud præceptum. Memento vt diem sabbati sanctifices. Vel possunt distingui ista tria præcepta secundum Magistrum sic. Primum præceptum pertinet ad patrem in quo est auctoritas. Secundum ad filium in quo est æqualitas, tertium ad spiritum sanctum in quo est vtriusque communitas. Si autem præcepta ordinant hominem ad proximum, hoc potest esse dupliciter, quia vel per exhibitionem beneficij, vel propter fugam nocimenti. Si primo modo tunc ponitur hoc præceptum. Honora patrem tuum, & matrem tuam. Si secundo modo hoc potest esse tripliciter. Vel quia est contra nocementum operis, vel contra nocementum oris, vel contra nocementum cordis. Si præceptum est contra nocementum operis hoc contingit tripliciter, quia vel est contra nocementum operis in propriam personam proximi, tunc datur hoc præceptum. Non occides. Vel est contra nocementum operis in personam coniunctam, & tunc datur hoc præceptum. Non mœchaberis. Vel est contra nocementum operis in re vtili tunc datur illud præceptum. Non furtum facies. Si autem præceptum ordinat hominem ad proximum contra nocementum oris tunc datur hoc præceptum. Non falsum testimonium dices. Si autem præceptum ordinat hominem ad proximum contra nocementum cordis, hoc contingit dupliciter, sicut sunt duo quæ possunt corde concupisci, puta res delectabilis, vel res utilis. Si est res delectabilis datur hoc præceptum. Non concupiscas uxorem proximi tui. Si autem est res utilis datur hoc præceptum. Non concupiscas res proximi tui, non seruum, non ancillam, &c.

Quantum ad secundum articulum sunt tres modi dicendi. Vnus Ioseph qui dicit quod quinque præcepta erant in prima tabula, & quinque in secunda. Alius modus dicendi est Origenis qui dicit, quod quatuor præcepta erant in prima tabula, & sex in secunda. Tertius modus dicendi, est Augustini qui dicit, quod tria præcepta erant in prima tabula, scilicet, Non habebis

Notabilis epilogatio dictorum.

Opinio Iosephi.

Opinio Origenis.

Deos alienos, non assumes nomen Dei tui in vanum, & memento ut diem sabbati sanctifices. Reliqua autem septem erant in secunda tabula, & hic modus Augustini communiter à doctoribus tenetur.

*Opinio D.
Augustini.*

Quantum ad tertium articulum sunt duæ opiniones. Vna indistincte dicit, quòd omnia præcepta decalogi sunt de lege naturæ, quia omnia talia præcepta aut sunt sicut quædam principia practica nota ex terminis, vel sicut conclusiones quæ necessario sequuntur ex illis, & hoc quia omnia præcepta aut sunt imperata, aut prohibita, præcepta autem quæ sunt imperata habent bonitatem formalem, præcepta vero prohibita habent in obiectis malitiam formalem.

Alia est opinio quæ dicit, quòd aliquid esse de lege naturæ potest intelligi dupliciter. Vno modo tanquam principia practica nota ex terminis, vel tanquam conclusiones necessario sequentes ex illis, & hæc dicuntur strictissime esse de lege naturæ in quibus non cadit dispensatio, quia tunc fieret licitum illud quòd de natura rei, & ex se esset illicitum. Alio modo dicitur aliquid esse de lege naturæ pro eo, quòd sunt consona dictamini legis naturæ, & in eis cadit dispensatio.

Ad propositum ergo dicitur, quòd præcepta tabulæ primæ sunt de lege naturæ ad minus duo prima quæ sunt negatiua, quia de tertio, est dubium cum in illo sit dispensatum, quia sanctificatio sabbati, est secundum ritum iudæorum quæ secundum ritum Christianorum hodie non tenetur, quia illa sanctificatio translata est in diem Dominicum. Præcepta autem secundæ tabulæ sunt de lege naturæ secundo modo.

Ex ista opinione patet ad principale quia arguit de præceptis secundæ tabulæ in quibus cadit dispensatio.

Ad argumentum autem contrarium dico, quòd Gratianus in decretis loquitur de lege naturæ large ut sumitur lex naturæ secundo modo, & non strictè.

Vtrum omne mendacium sit
peccatum?

Seraphicus Bonauen. 4. sent. distin. 38. q. 3.

Scotus 3. sentent. distinctio. 38. q. 1.

D. Thom. 2. secunde quest. 100. Artic. 3.

Richardus 3. sent. distinct. 38. q. 2.

Durandus 3. sententiarum distinctio. 38. q. 1.

Ioannes Baconitanus 3. sent. dist. 38. q. 1.

QVAESTIO I.



SECUNDO quæritur. Vtrum omne mendacium sic peccatum? Et videtur, quòd non, quia mentiri est contra mentem ire, vel dicere, sed aliquis potest dicere contra mentem, & tamen non peccat, ergo non omne mendacium est peccatum. Probatio minoris. Non enim est verisimile, quod Abraham exercendo præceptum domini in immolatione filij peccaret, & tamen dixit contra mentem, quia dixit pueris suis, expectate hoc, ego autem, & puer meus vsque illuc properantes reuertemur ad vos, & tamen non intendebat reuerti cum puero, quia debebat eum immolare.

Gen. 22.

Contra in Psalm. Perdes omnes qui loquuntur mendacium.

Psal. 5.

In quaestione sunt duo videnda. Primo si omne mendacium sit peccatum Secundo si omne mendacium sit peccatum mortale.

Quantum ad primum dico, quod omne mendacium est peccatū, quia quicumque facit alteri quod sibi nō vult fieri, peccat, ergo. Minor probatur, quia qui facit alteri, quod sibi non vult fieri, facit contra generale præceptum de dilectione proximi. Diliges proximum sicut teipsum.

Præterea, quicumque abutitur aliqua re peccat, sed qui mentitur abutitur vocibus seu verbis quæ sunt ad signandum interiorem animi conceptum vno modo vt visum est, ergo qui mentitur peccat.

Lib. 1. dist. 8.

q. 1.

Præterea alij probant idem sic. Quicumque vadit contra primam veritatem quæ est Deus peccat, sed qui mentitur vadit contra primam veritatem, ergo.

Præterea actus transiens super materiam indebitam

est malus, sed mendacium est actus transiens super materiam indebitam, ergo est malus, & per consequens peccatum.

Quantum ad secundum articulum, scilicet si omne mendacium est peccatum. Est sciendum, quod Augustin. lib. de mendacio ponit octo genera mendaciorum, tamen sicut ponit Magister in litera omnia possunt reduci ad tria, scilicet ad mendacium officiosum, iocosum, & perniciosum. Dicitur autem mendacium officiosum, quando aliquis mentitur pro utilitate alicuius sine damno alterius. Dicitur vero mendacium iocosum quando quis recitat historias, vel fabulas, in quibus recitans non intendit decipere nec audiens decipitur. Dicitur autem mendacium perniciosum quando semper lædit.

Ad propositum ergo dicuntur duæ conclusiones. Prima est, quod mendacium officiosum, & iocosum non sunt peccata mortalia viris imperfectis, quia quod non est contra charitatem Dei, vel dilectionem proximi non est peccatum mortale, sed mendacia prædicta non sunt contra charitatem, vel dilectionem Dei, & proximi, ergo.

Secunda conclusio est quod mendacium perniciosum semper est peccatum mortale, quia quod est contra charitatem Dei & proximi est peccatum mortale, sed mendacium perniciosum est huiusmodi, ergo. Sed restat hic vnum dubium. Si mendacium iocosum, & officiosum sint peccata mortalia in viris perfectis puta religiosis, & prælatis. Et dicunt aliqui, quod sic, quia in hoc faciunt statum suum vilescere ne credatur eis, & per consequens ea quæ dicuntur ab eis exponuntur derisioni.

Contra hoc obiicitur, quia quod in vno est veniale, in altero non est mortale nisi obligetur ad illud ex voto, sed viri perfecti non obligantur ex voto ad non mentium iocose, ergo cum aliis hoc sit veniale eis non erit mortale. Ideo dicitur secundum alios distinguendo de persona perfecta, quia est quædam perfecta in statu perfectionis perficiendæ, sicut prælatus, & quædam in statu perfectionis acquirendæ sicut religiosus. De primo

*D. Bona. dist.
presens q. 4.*

*In epist. ad
Hieronymu.*

potest concedi quod exercendo actus, qui competunt sibi ratione talis perfectionis & status puta docere, & prædicare, mendacium esset in eo peccatum mortale, quia ex hoc auferretur utilitas, & soliditas doctrinæ quam prædicat iuxta illud Augustini. Si ad scripturas sacras admissa fuerint quæcunque mendacia iocosa nihil in eis remanet obliuionis. Si autem loquamur de personâ quæ habet statum perfectionis acquirendæ non exercendæ, videtur aliud dicendum, quia talis non videtur obligatus plus quam cæteri nisi ad ea quæ vult. Non enim assumpsit statum curæ pastorilis, ideo si non exercet actus perfectionis cuiusmodi est docere, & prædicare non videtur peccare mortaliter in mendacio iocoso, vel officioso nisi forte propter scandalum, quia imperfecti magis possunt scandalizari de mendacio huius personæ, quam de mendacio personæ communis.

*Quere Nicolauum de Lyra
vbique.*

Ad argumentum principale dicendum, quod Abraham non dixit tibi contra mentem, quia sicut recitat Iosephus in libro antiquitatum. Dum Abraham solus iret cum filio informauit eum qualiter fuerit miraculosè conceptus, & qualiter cum si esset mortuus miraculosè resuscitaret, & hoc Abraham firmissimè creditur expectasse, quia non dubitabat de promissione Dei in Isaac. Vnde credebat eum miraculosè resuscitandum, & secum reuersurum ad pueros suos, sic non dixit aliter quam sentiret in mente.

DISTINCTIO XXXIX.

Circa distinctionem trigesimam nonam quæritur:
Vtrum periurium sit peccatum mortale?

Seraphicus Bonauent. 3. sent. distinct. 39. q. 1. Art. 1.

Scotus 3. sent. distinct. 39. q. 1.

D. Thomas 1. secunda q. 98. Artic. 2.

Richardus tertio sententiarum distinct. 39. quæst. 1.

Durandus tertio sententiarum distinct. 39. q. 5.

Ioannes Baconianus 3. sent. dist. 39. q. 1.

QVAESTIO I.

NUNC de periurio videamus. Circa istam distinctionem trigesimamnonam queritur. Vtrum periurium sit peccatum mortale? & videtur quod non, quia periurium non est nisi quoddam mendacium, sed non omne mendacium est peccatum mortale, ut dictum est in precedenti questione.

Contra, quod sit in contemptum Dei est peccatum mortale, sed periurium sit in contemptum Dei, ergo.

Ad evidentiam huius questionis est sciendum, quod *Triplex est iuramentum.* triplex est iuramentum, scilicet incautum, coactum, & dolosum. Dicitur autem iuramentum incautum, quando quis iurat de re illicita, puta si iurat interficere hominem, & tale quidem iuramentum non obligat ad faciendum. Iuramentum coactum dicitur, quod sit propter metum, & hoc dupliciter, quia vel propter metum qui cadit in constantem virum, vel per metum, qui non cadit in constantem virum. De his duobus iuramentis hoc non queritur, sed queritur de iuramento, & periurio doloso, de quo sunt tria videnda.

Primo si est peccatum, & dico, quod sic, sicut potest probari per quatuor rationes factas in precedenti questione, ad probandum quod mendacium sit peccatum.

Secundo est videndum si periurium dolosum est peccatum mortale. Et dico quod sic, quia quod est contra maximam Dei reuerentiam, est peccatum mortale, sed periurium dolosum est huiusmodi, ergo.

Tertio est videndum quod sit maius peccatum periurium, vel homicidium. Et dicunt aliqui, quod periurium, quia peccata contra præcepta primæ tabulæ sunt maiora, quam peccata, quæ sunt contra præcepta secundæ tabulæ. Sed periurium est contra præceptum primæ tabulæ, homicidium vero contra præcepta secundæ tabulæ, ergo periurium est maius peccatum, quam homicidium. *Curiose dubitationes, & subtiles.*

Præterea peccatum, quod committitur in Deum est maius peccatum, quam quod committitur in hominē, sed facere periurium est peccare in Deum, facere autem homicidium est peccare in hominem, ergo. Alij tenent, quod homicidium est maius, quia ubi est maior libido

peccandi, ibi est maius peccatum, sed in homicidio est maior libido peccandi quam in periurio, ergo.

Præterea, vbi est maior malitia, & maior contemptus ibi est maius peccatum, sed in homicidio est maior malitia, & maior contemptus quam in periurio, ergo homicidium est maius peccatum. Isti respondent ad argumentum alterius opinionis.

Ad primum quando dicitur, quòd illud est maius peccatum, quod est contra præcepta primæ tabulæ, dicendum quòd verum est cæteris paribus, sed si cætera non sunt paria, non oportet, quia videmus, quod aliquis potest peccare venialiter contra præcepta primæ tabulæ, & potest peccare mortaliter contra præcepta secundæ tabulæ, & hoc propter maiorem libidinem, & malitiam peccandi.

Ad secundum potest dici eodem modo. Vel potest dici, quòd maior est vera si actus sint eiusdem rationis, sed si actus sint diuersarum rationum tunc non oportet, sicut maior est offensa occidere rusticum, quam dicere verbum displicibile principi.

Ad argumentum principale dicendum, quod periurium est mendacium perniciosum, mendacium autem perniciosum est peccatum mortale, vt patuit supra.

DISTINCTIO XL.

Circa distinctionem quadagesimam quaeritur:
Vtrum lex noua sit grauior veteri?

Seraphicus Bona. 3. sent. dist. 40. q. 3. Art. 1.

Scotus 3. sent. distinct. 48. q. 1.

D. Thom. 1. secunde q. 107. Artic. 4.

QVAESTIO II.

SAncta Synodus. Circa istam distinctionem quadagesimam quaeritur. Vtrum lex noua sit grauior lege veteri? Et videtur quod sic. Quia quod se habet per additionem ad aliud est grauius illo. Sed lex noua se habet per additionem ad legē

veterem, ergo lex noua est grauior veteri lege. Probatio minoris. Non enim venit soluere legem, sed adimplere.

Contra. Matthæi. Iugum enim meum suauē, & onus meum leue.

Cap. 2.

Ad istam quæstionem breuiter respondeo, quod in lege veteri, sunt tria considerare, scilicet præcepta moralia, & cerimonialia, & iudicialia. Si ergo comparemus legem nouam ad antiquam quantum ad præcepta moralia: sic eadem sunt præcepta hic, & ibi. In lege tamen noua sunt magis explicita. Si autem comparemus legem nouam ad antiquam, quantum ad cerimonialia tunc lex antiqua longe grauior est, & quantum ad multitudinem, & quantum ad difficultatem obseruandi. Vnde Augustinus ad Ianuarium refert, quod Rabi Moyses numerauit in lege sexcenta præcepta. In lege autem noua non est sic, quia in ea non sunt nisi septem sacramenta, ad quæ etiam non omnes generaliter tenentur: puta ad matrimonium, vel ad susceptionem ordinum. Si autem comparemus legem nouam ad legem antiquam penes iudicialia, tunc lex noua est leuissima, qua nulla iudicialia Christus imponit, licet in quantum fuerint per alios declarata sint aliqua superaddita.

In lege veteri sunt tria consideranda.

Et tangitur in canone. dist. 12.

Ad argumentum in contrarium quando dicitur, quod lex noua se habet per additionem ad legem antiquam, si intelligatur de iudicialibus, & cerimonialibus, tunc est falsum. Si autem intelligatur quantum ad præcepta moralia, etiam non est verum, nisi per additionem intelligas maiorem explanationem. Sunt enim præcepta antiquæ legis magis explicita in noua lege. Quorum præceptorum adimplentionem nobis concedat Deus trinus, & vnus, Amen.

Explicit liber Tertius.

FRATRIS PETRI MINORITÆ

CONVENTUALIVM,

SACRÆ THEOLOGIÆ

PROFESSORIS, ET EXPLO-
ratoris profundissimi.*In Quartum Sententiarum.*

DISTINCTIO I.

Circa distinctionem primam quaeritur.

Vtrum Sacramentum possit proprie
definiri?*Scotus 4. sententiarum distinctio. I. q. 2.**D. Thomas 3. parte q. 60. Artic. 4.**Ricardus 3. sent. dist. I. q. 2. Art. 2.**Durandus 4. sententiarum distinctio. I. q. 1.*

QVAESTIO I.

SAMARITANVS quidem. Circa primam distinctionem quarti sententiarum, in quo Magister tractat de sacramentis, & in qua distinctione ponit partem principalem, & partem incidentalem, quia tractat incidenter de sacramentis antiquæ legis, quaero sex quaestiones. Primo. Vtrum illa sit ratio diffinitiva sacramenti quam ponit Magister in litera. Secundo. Vtrum pro tempore cuiuscunque legis datæ à Deo debuit institui aliquod sacramentum. Tertio. Vtrum sacramenta nouæ legis sint gratiæ effectiua. Quarto. Vtrum in circūcissione remittebatur peccatum originale. Quinto. Vtrum ex vi circūcissionis conferebatur gratia. Sexto. Vtrum tempore legis naturæ fuerit aliquod sacramentum correspondens sacramento circūcissionis.

A D

AD primam quæstionem sic proceditur. Videtur quod ratio diffinitiva sacramenti, non sit illa quam ponit Magister in litera, videlicet. Sacramentum est inuisibilis gratiæ, visibilis forma. Quia diffinitio non est nisi eius, quod est per se vnum ex 7. Metha. Sed sacramentum non est per se vnum, ergo. Probatur minor per August. super Ioan. Homelia 81. & ponitur prima q. 1. de trahe. Accedit verbum ad elementum, & fit sacramentum. Sed ex verbo, & elemento non fit aliquid per se vnum, cum sint res diuersorum generum, ergo sacramentum non est per se vnum.

In contrarium est Magister in litera. In illa quæstione sunt tres articuli. Primus est cuius entis est diffinitio, & cuius non. Secundus si sacramenti est diffinitio. Tertius dato, quod sit, quæritur quæ sit illa.

Quantum ad primum dico, quod diffinitio est entis positiui per se vnius entis realis, compositi realiter vel conceptibiliter, & habentis conceptum vniuersalē. Vbi patet quod entis cuius est diffinitio proprie loquēdo sunt quinque conditiones. Quia diffinitio primo est entis positiui, nam non entis non est diffinitio, quia diffinitio est expressiua quidditatis, ex primo thopicorum Sed non ens non habet quidditatem, ergo non entis non est diffinitio.

Secunda conditio est, quod est entis quod est per se vnum, vt patet septimo methaphisicæ, quia eius quod non est per se vnum non est diffinitio. Sed nota quod *7. Met. cont. 16. ex inde.* hæc vnitas potest accipi dupliciter. Vno modo quod sit vnum per se vnitate reali, sicut compositum ex actu, & potentia, Alio modo, quod sit per se vnum vnitate conceptus. esto enim, quod aliquid non sit vnum vnitate realis, si tamen est vnum vnitate conceptus eius potest esse diffinitum. Hoc autem dico ne includatur difficultas de vnitate reali, & materiali, de quo fit sermo lib. 2.

Tertia conditio est, quod diffinitio est entis realis, quod patet, quia entis rationis propriæ non est diffinitio. Quia vt dictum est diffinitio exprimit quidditatem, ens autem rationis non habet quidditatem propriam. Sed nota quod ens rationis non accipitur hic pro eo quod

Dist. 3.

est tantum in intellectu subiectiue sicut sunt scientiæ, sed accipitur ens rationis pro eo quod est in intellectu obiectiue, non tanquam primum consideratum, sed tanquam secundo consideratum, quod non est nisi tantum relatio rationis.

Quarta conditio est, quod diffinitio est entis compositi realiter, & hoc patet ex octauo methaphisicæ.

3. *Met. cont.*
9. Quia diffinitio est sermo longus habens partes, quod non si verum, nisi diffinitum esset compositum, & per consequens habet partes.

7. *Met. cont.*
33. Quinta conditio est, quod diffinitio est alicuius habentis conceptum vniuersalem, quia particularium non est diffinitio, septimo methaphisicæ.

Definitio duobus modis sumitur.
De secundo articulo quaritur si sacramenta habent aliquam diffinitionem. Et dico, quod diffinitio vno modo accipitur, vt exprimit quid proprie extra animam, alio modo vt exprimit vnum conceptum per se in intellectu siue ille conceptus sit rei extra animam, siue rationis, vt exponebatur ens rationis in tertia conditione eius, cuius est diffinitio.

An sacramenti sit definitio.
Primo igitur modo sacramenti non est diffinitio, sed secundo modo. Quod patet, quia prima conditio non impedit. Est enim sacramentum ens positiuum, quod probo tribus propositionibus.

Li. 1. dist. 42
Prima est illa, quod Deum possibile est creare aliquem effectum inuisibilem pertinentem ad salutem scilicet hominis viatoris. Et hæc propositio patet supposita omnipotentia Dei secundum omnes theologos, vt patet.

Secunda propositio est, quod possibile est Deū instituere aliquod signum etiam sensibile ad significandum prædictū effectum. Ista propositio patet, quia homines possunt instituere signa rememoratiua prænostica, & demonstratiua ad significandum suos effectus, ergo multo magis Deus.

Vide omnia in Scot.

Tertia propositio est, quod possibile est Deum determinare se ad cooperandum illi signo instituto, vt sequatur effectus iam prædictus nisi impediat indispositio hominis suscipientis. Hoc patet, quia sic esset possibile in nobis, quod aliquis instituens signum effectus sui

disponeret se semper cooperari signo, nisi impediret ille cui adhiberetur, puta si aliquis instituat pro signo pacis, & beneuolentiæ tactum manus, vel eleuationem digiti potest instituens tale signum determinare semper se ad cooperandum ad effectum signatum, nisi indispositio eius cui signum adhiberetur impediret.

Ex istis sequitur illa conclusio, quod infra scripta oratio non est in se falsa. Sacramentum est signum sensibile gratiam Dei vel eius effectum gratuitum ex institutione diuina efficaciter significans ordinatum ad salutem hominis viatoris. Quia nulla oratio est in se falsa nisi partes eius adinuicem contradicant, ex quinto metaphisicæ capite de falso. Sed partes prædictæ orationis adinuicem non contradicunt, igitur non est in se falsa, & sic non est entis possibilis, vel pure non entis.

Secunda conditio etiam non impedit quin sacramenti sit diffinitio, quia licet fundamentum huius relationis, scilicet signi sensibilis, quod ponitur sacramentum includit aliqua ex quibus non fit per se vnum vnitatem reali, potest tamen ex eis esse vnum vnitatem conceptus.

5. Met. cons.
24.

Quomodo sacramenti sit diffinitio.

Contra. Relatio non est per se vna etiam in conceptu, nisi habeat vnum fundamentum, sed hic non est vnum fundamentum quia sunt verbum, & elementum, ergo.

Respondetur. Et si hoc forte esset verum de rationibus realibus de quibus est dubium, quia in multis trahentibus vnā nauem est vna relatio trahentium ad vnum tractum, tamen in relationibus rationis propositio est manifeste falsa, quia quantumcumque diuersa possunt concurrere in fundamento vnius relationis rationis. Non enim oportet quod ibi multa concipiantur ab intellectu quasi vnum in ordine ad aliud signatum, hoc apparet, quia multæ orationes contextæ, vel vna oratio ex multis sillabis, quæ nihil vnum per se faciunt, sunt fundamentum vnius relationis huius, videlicet quæ est significare Deo inesse aliqua, quæ sibi intrinsece insunt: cum tamen illud signatum sit vnum, & idem simplicissimum. Item aliter patet

Speculatione
tabulas de
diffinitione sa-
cramenti.

quod maior prædictæ propositionis est fallacia ad minus in relationibus rationis, quia significare bonum mustum est relatio rationis, & eius fundamentum potest esse illud totum, scilicet circulus coopertus foliis ad modum crucis.

Tertia etiam conditio non impedit sacramentum diffiniri, quia diffinitio, ut exprimit conceptum, potest esse eius quod habet aliquid loco generis, & differentia. Sed sacramentum est huius ergo. Dicitur enim sacramentum signum loco generis ex institutione, loco differentia, sensibile, ut fundamentum relationis, gratia Dei siue effectus Dei gratuitus, ut correlatiuum.

Quarta, & quinta conditiones non impediunt sacramentum diffiniri. Nam sacramentum non habet conceptum simpliciter simplicem, nec conceptum singularem, sed vniuersalem.

De tertio scilicet articulo dico quod diffinitio sacramenti, est illa. Sacramentum est sensibile signum gratia Dei, vel eius effectum gratuitum ex institutione diuina efficaciter significans ordinatum ad salutem hominis viatoris. Cum illa diffinitione concordat diffinitio Magistri, si bene glosetur, scilicet sacramentum est inuisibilis gratia, visibilis forma. Accipitur enim forma visibilis pro significato sensibili, eo modo quo imago Herculis dicitur forma Herculis. Quod etiam ibi additur visibilis, debet intelligi pro sensibili in communi cuiuslibet sensus, quia visus est excellentior omni sensu, & plurium differentiarum cognoscitiuus. Ponitur etiam ibi visibile pro sensibili siue vno, siue pluribus pertinentibus ad eundem sensum, vel alium, & alium. Ponitur autem ibi gratia inuisibilis pro effectum Dei gratuito interiori ordinato ad salutem hominis viatoris.

Ex prædictis patet solutio questionis, dicendum enim est, quod illa ratio de qua querebatur si recte intelligatur, & per aliqua numina non explicata suppleatur: est propria ratio diffinitiuæ sacramenti, eo modo quo sacramentum est diffinibile.

Ad argumentum principale cum dicitur: diffinitio non est, nisi eius quod est per se vnum. Dico quod licet

Mota est bene.

De diffinitione sacramenti.

Primo notet in problemis.

Quomodo sacramentum est vnum.

sacramentum non sit per se vnum vnitate reali, potest tamen esse vnum vnitate conceptus, & hoc sufficit.

Vtrum pro tempore cuiuslibet legis datę à Deo
non debuit institui aliquod sacramentum,
quia pro tempore legis nature,
non legimus aliqua sacramenta fuisse à
Deo instituta?

Seraphicus Bona. 4 sent. dist. 2. quest. 1. Art. 1.

Scotus 4. sent. dist. 1. q. 3.

D. Thomas 3. parte q. 61. Artic. 3.

Richardus 4. sentent. dist. 1. q. 2. Art. 2.

Durandus 4. sentent. dist. 1. q. 2.

QVÆSTIO II.

AD secundam quæstionem sic proceditur. Videtur quod pro tempore cuiuslibet legis datę à Deo non debuit institui aliquod sacramentum, quia pro tempore legis nature nō legimus aliqua sacramenta fuisse à Deo instituta.

Contra. Aug. contra Faustum dicit sententialiter, quod omnis deuota religio habuit aliqua signa extrinseca ad colendum Deum, sed illa signa sunt sacramenta, ergo. *Cap. 19.*

Ad istam quæstionem dico quatuor conclusiones.

Prima conclusio est, quod congruum fuit aliquod sacramentum institui, tum propter exercitationem, tum propter eruditionem, tum propter humiliationem, tum propter discretionem. Primæ tres congruitates sunt Magistri in litera, sed quarta congruitas accipitur ab Augustino contra Faustum, congruum est enim, vt illi, qui sunt de vna secta habeant signa distinctiua ab aliis, qui sunt de alia secta, sed hæc signa distinctiua sunt sacramenta. Cum igitur omni tempore fuerunt fideles ab infidelibus distincti omni tempore debuerunt sacramenta esse instituta. *Hic quatuor sunt videnda. Cap. 19.*

*Quomodo so-
lus Deus pos-
sit instituere
sacramentum*

Secunda conclusio est, quod à solo Deo potest insti-
tui sacramentum quantum ad certitudinem signi. Cuius
ratio est, quia nullus potest dare certitudinem signo pra-
ctico nisi ille in cuius potestate est signare, siue causare
signatum illius practici signi. Sed solus Deus est in
cuius potestate est causare signatum sacramenti pu-
ta gratiam, ergo solus Deus potest instituere sacra-
mentum quantum ad signum certum vel certitudi-
nem. In quantum tamen est signum practicum, ab-
solute posset institui ab alio, sed non congruit, quia
institutio talis signi esset omnino frustra, cum ex im-
positione nunquam sine alio extrinseco potest habere
veritatem cum non sit in potestate imponentis, vel
utentis. Nec congruit quod Deus committat inferiori
instituere sacramentum in quantum signum certum ne
Deus esset approbator signi incerti falsi, seu æquiuoci.
Potest tamen sacramentum in quantum signum, & in-
quantum certum ab alio à Deo promulgari tanquam à
præcone, sed ista promulgatio non est institutio, sed
præsupponit institutionem.

Tertia conclusio est, quod pro omni statu viæ post
lapsum necesse fuit institui aliquod sacramentum. Quia
pro omni tempore pro quo est morbus, est necessaria
medicina, sed pro omni statu viæ post lapsum fuit mor-
bus, ergo necessaria fuit medicina, sed ista medicina est
sacramentum, ergo pro omni tempore fuit opportunum
sacramentum.

*Pro statu pri-
mo nullum
congruit sa-
cramentum.*

Ex his apparet, quod pro statu patriæ nullum con-
gruit sacramentum, quia tunc non indiget homo sensi-
bilibus, vt intelligat intelligibilia pertinentia ad salu-
tem, quia consecutus perfecte salutem non indiget ad
quærendum pertinentia ad salutem. Pro statu etiam in-
nocentiæ non fuit congruum institui sacramentum si-
cut post lapsum, quia & si homo tunc potuit ex sensibi-
libus cognoscere inuisibilia, tamen nullum sensibile
fuit tunc necessarium tanquam conferens ad salutem
remouendo aliquod impedimentum salutis, vt scilicet
posset dici proprie medicina. An autem matrimonium
quod constat fuisse in statu innocentie sit sacramentum
ostendetur inferius.

Quarta conclusio est, quod pro diuersis statibus, & legibus fuerunt diuersa sacramenta iustituta maxime contra morbum originalis peccati. Tum quia Deus ordinate agens procedit de minus perfecto ad magis perfectum. Tum quia perfectior lex requirit perfectiora adiutoria ad sui obseruationem, & sic posterior lex debuit habere sacramentum signans gratiam perfectiorem. Hinc ait Magister Hugo libro de sacramentis. Dispensationis ordo, & ratio hoc poposcit, vt sicut ab initio crescente tempore magis ac magis aduentus Saluatoris appropinquauit sic magis, ac magis effectus salutis cresceret, & cognitio veritatis. propter quod, & ipsa signa salutis per successionem temporum alia poni alia debuerunt mutari. Ad argumentum in contrarium dicitur, quod pro omni tempore fuerunt aliqua remedia, & sacramenta, quia vt patuit, Deus genus humanum nuaquam dimisit sine aliquo remedio ad salutem.

*Quomodo De⁹
ordinate agat*

*Quere Hugo
nem de sacra-
mentis.*

Vtrum Sacramenta Nouæ legis sint gratiæ effectiua?

Seraphicus Bon. 4. sent. dist. 1. q. 4. Art. 1.

Scotus 4. sententiarum distinct. 1. q. 4.

D. Thom. prima tertia par. q. 62. Articul. 1. & 4.

Ricardus quarto sententiarum distinct. 1. q. 1. Art. 4.

Durandus. 4. sent. dist. 1. q. 5.

QVAESTIO III.

AD tertiam quæstionem sic proceditur. Videtur quod sacramenta nouæ legis sint gratiæ effectiua, quia per hoc distinguuntur sacramenta nouæ legis, vt ponit Magister ab aliis sacramentis. Alia enim sacramenta figurant ista vero efficiunt.

Contra. Causa nobilior est effectu. Sed sacramenta non sunt nobiliora gratia, ergo &c. Probatur minor. Sacramenta sunt corporalia, gratia autem est spiritalis, sed nullum corporale est nobilius spiritali, ergo &c.

In illa quæstione ponetur vna opinio, secundo

obiicietur contra eam, & dicetur, quod secundum veritatem sit dicendum. Tertio soluentur argumenta opinionis.

Quantum ad primum est opinio Tho. quæ dicit, quòd omnes coguntur ponere sacramenta nouæ legis aliquo modo esse causam gratiæ, quod probatur quadrupliciter, primo sic Augustinus ponit super Ioan. homel. 80. & ponitur. j. q. j. detrah. Quæ est virtus aquæ, & loquitur de aqua baptismali, vt corpus tangat, & animam abluat, sed ablutio animæ non fit nisi per gratiam, ergo aqua baptismi in anima efficit gratiam.

Secundo sic. Magister in litera dicit. Sacramentum est signum gratiæ, ita, vt similitudinem eius gerat, & causa existat, & non existit eius causa materialis, vel formalis, nec finalis, ergo est eius causa effectiua.

Tertio sic, Magister assignat differentiam inter sacramenta nouæ legis, & antiquæ, per hoc quòd sacramenta antiquæ legis sunt signa gratiæ, sacramenta autem nouæ legis nō tantum sunt signa gratiæ, sed causæ gratiæ, ergo vt prius.

*Differentia
inter sacra-
menta nouæ
legis, & anti-
quæ legis.*

Quarto sic. Ecclesia in quadam collecta petit. Perficiant in nobis domine tua sacramenta, quæ continent. Sed non continent gratiam formaliter, ergo continent eam virtualiter, vel saltem causaliter. Si dicatur ad ista, quòd sacramenta sunt solum causa gratiæ sine qua non.

Contra, quia causa sine qua non est causa, nisi per accidens, sed sacramenta non sunt causa per accidens gratiæ, quia tunc gratia non poneretur in diffinitione sacramenti, quod tamen facit Magister, ergo est causa effectiua.

Si autem queratur qualiter sacramentum est causa effectiua gratiæ, dicitur quòd efficiens distinguitur. Quia est efficiens dispositiuum, & est efficiens perfectiuum.

Item est efficiens principale, & est efficiens instrumentale. Item instrumentum habet duplicem actionem, vna est ex natura propria, alia in quantum mouetur à principali agente. Item illud quod instrumentum attingit vt motum à principali agente aliquando est terminus principalis agentis, & aliquando est dispositio præuia ad il-

*Duplex est
efficiens.*

lum terminum. Tunc ad propositum dicitur. Aqua per suam formam lauat corpus, sed in quantum est instrumentum diuinæ misericordiæ habet effectum vltiori-
 non quantum ad gratiam, quia gratia est effectus prin-
 cipalis agentis. s. Dei, sed habet effectum ad dispositio-
 nem præuiam: puta ad characterem in sacramento baptis-
 mi, & ordinis, vel ad ornatum animæ proportionatum
 characteri, vt in aliis sacramentis. Iste modus confirma-
 tur per Magistrum in litera dicentem, quòd homo non
 querit salutem à sacramentis quasi ab eis, sed per ea, sed
 hæc propositio anotar causam agentem principalem,
 per autem causam instrumentalem, &c.

*Gratia est ef-
 fectus princi-
 palis agen-
 tis.*

*Vide Magi-
 strum in litera.*

Contra. Causa instrumentalis est causa per accidens, sed sacramenta per te non sunt causa per accidens gratiæ quia vt arguis tunc non poneretur in diffinitione sacramenti, quod tamen facit magister, ergo sacramenta nō sunt causa gratiæ instrumentalis.

Præterea. Creatura secundum istum doctorem non potest instrumentaliter agere ad creationem, seu ad terminum creationis, sed dispositio proxima ad gratiam qualem ponit est terminus creationis, ergo sacramentū, vel quæcunque alia creatura non potest esse eius causa instrumentalis. Probatur minor. Illa dispositio non est formaliter naturalis cum non educatur de potentia naturali subiecti, sed omnis talis forma creatur, ergo.

Præterea. Sacramenta non possunt habere actionem suam in instanti, sed illa dispositio si præuia ponitur est in instanti, ergo sacramenta non sunt causa actiua illius dispositionis præuiæ. Maior patet, quia ad sacramenta requiruntur verba, & elementa, & multa alia quæ sunt cum motu. Sed motus non potest esse in instāti ex sexto phisicorum, ergo sacramenta non habent actionem suam in instanti. Probatur minor. Nam successio in inductione formæ non est nisi penes partes mobilis, vel partes formæ, sed in proposito neutrum potest poni. Primum non, quia subiectum. i. anima est indiuisibile, secundum etiam non, quia sicut contingit minimam gratiam dari, ita contingit dare minimam dispositionem, igitur ad minus ista dispositio nō habet gradus, vel successionem.

1. phys. con-
tex. 50.

Præterea. Nulla pluralitas exponenda sine necessitate, ex primo philosophorum, sed hic nulla est evidens necessitas ad ponendum illam præuiam dispositionem respectu gratiæ, ergo. Probatio minoris. Apparet in sacramento eucharistiæ, ubi signum sensibile sunt species panis, res autem signata est existentia corporis Christi, sed inter illas species, & existentiam corporis Christi nulla ponitur dispositio præuia.

Præterea, Bernardus in sermone de cœna domini sic inquit inuestitur canonicus per librum. Abbas per baculum. Episcopus per annulum, sic diuisiones gratiarum traditæ sunt in sacramentis. Sed omnia prædicta sũt signa, & non causæ, ergo non sunt causa gratiæ.

Præterea. Si sacramenta sunt causa actiua gratiæ, ergo in eis est aliqua virtus supernaturalis, sed hoc est falsũ. Probatur minor. Quia illa virtus, aut esset tota in toto sacramento, & tota in qualibet eius parte, aut tota in toto, & pars in parte. Primum non potest dari, quia hoc solum competit animæ intellectiuiæ inter formas creatas. Nec secundũ, quia tũc extenderetur per accidens in subiecto, quod est contra rationem virtutis, vel formæ spiritualis, ergo &c.

Dico igitur ad quæstionem secundum opinionẽ aliorum prout ista argumenta probant, quòd sacramenta nõ habent causalitatem actiuam respectu gratiæ.

Sed tunc quæritur quomodo saluabimus dicta sanctorum asserentium, quòd sacramenta sunt causa gratiæ. Ad quod dicitur tripliciter. Vno modo quod sunt causa, sine qua non. Sed contra hoc obiicitur vt tactum est, quia causa sine qua non, non est causa nisi per accidens gratiæ, sed sacramenta non sunt causa per accidens gratiæ. Alio modo dicitur, quòd omnis dispositio immediate necessitans ad aliquam formam, esto quòd non causaret aliquam dispositionem mediam, potest dici tam causa actiua, quam instrumentalis, sed ipsum sacramentum, seu susceptio sacramenti est dispositio immediata non causans aliquam dispositionem mediam, potest ergo dici causa actiua, & instrumentalis. Maior probatur, quia cõceditur, quòd meritum est causa præmij, quia per meritum acquiritur præmium, & tamen meritum nõ cau-

fat premium, nec causat aliquam dispositionem mediam inter meritum, & premium.

Tertio dicitur quod sacramenta sunt causa gratiæ secundum quandam assistentiam gratiæ sacramento. Assistit enim eis ex quadam pactione virtus diuina, quæ est causa gratiæ, & deuotio suscipientis. Sicut per simile patet quando ad verbum Helisei Naaman se lauante assistit virtus diuina effectiua sanitatis, nulla tamen causalitas fuit in verbo Helisei, neque in aqua Iordanis. Accipiat hic de duabus vltimis viis, quæ plus placet. 4. Regum 1.

Ad argumenta principalia de sacramentis nouæ & veteris legis iam patet ex dictis.

Vtrum in Circuncisione remittebatur peccatum originale?

Seraphicus Bonauent. 3. sentent. distinct. 1. quæstio 3.

Scotus 4. sententiarum distinctio. 1. q. 6.

D. Thomas 3. par. q. 70. Artic. 4.

Richardus 4. sentent. distinct. 1. q. 3.

QVÆSTIO IV.

AD quartam quæstionem sic proceditur. Videtur quod in circuncisione non remittebatur peccatum originale, quia culpa non remittitur nisi iustitia opposita restituatur. sed iustitia originalis non restituitur in circuncisione, ergo.

Ad istam quæstionem ponam tres conclusiones.

Prima est quod in circuncisione remittebatur peccatum originale. Probatur, quia ad Romanos super illo verbo, signaculum accipit circuncisionis, dicit Glosa, quod in circuncisione remittebatur peccatum.

Item Augustinus libro 2. de nuptiis, & concupiscentia dicit, Circūcisio instituta est in populo Dei ad remissionem veteris peccati, sed vetus peccatum est peccatum originale, ergo. Item Deus nunquam reliquit genus humanum absque remedio necessario ad salutem, igitur tempore legis dedit aliquod remedium Deus

Rom. 4.

Et in expositione illius psal. 73.

contra originale, seu contra culpam originale. Sed non legimus aliquod remedium præter circuncisionem, vt pater in lege, igitur circuncisio tollit culpam originale.

Parte 9.

Cap. 17.

4. sent. dist. 1.
q. 1.

Secunda conclusio est, quod circuncisio non pertinet ad tempus legis naturæ quia lex naturæ communis est omnibus, circuncisio autem non est communis omnibus, secundum Hugonem libro de sacramentis. Circuncisio est sacramentum legis scriptæ succedens sacramentis legis naturæ, licet fuerit inchoata ante legem scriptam, quia tempore Abrahæ, vt habetur in Genesi. Nec est inconueniens, quod aliquid particulariter pertinet ad legem sit inchoatum ante legis publicationem.

Quare autem circuncisio succedit sacramentis legis naturæ, dicit Bonauentura, quod est ratione grauitatis, & eidentia, ratione certitudinis, & etiam efficaciz, quia magis remittebatur fomes in illis, qui circuncidebatur, quam in his, qui tempore legis naturæ solis sacrificiis & fide mundabantur.

Tertia conelusio est quod circuncisio magis est confirmata sub Iosue, quam sub Moysse. Cuius ratio literalis est, quia tempore Moyse non dimiserunt circuncisionem, sed sub Iosue neglexerunt circuncisionem in deserto, ideo oportuit dari in mandatum. Alia ratio est spiritualis, quia circuncisio facta tempore Iosue fuit post peregrinationem in terram promissionis. Sed hæc circuncisio figurat circuncisionem, & abiectionem vitiorum, quæ semper est sub præcepto.

Ad argumentum principale cum dicitur, quod culpa non dimittatur nisi iustitia opposita restituatur. Dico quod culpæ originali opponitur aliquid formaliter, scilicet, iustitia originalis, & opponitur aliquid virtualiter, scilicet, gratia, licet ergo non restituatur iustitia originalis, restituitur tamen gratia, quæ opponitur ei virtualiter.

Vtrum ex vi circuncisionis non conferebatur gratia?

Seraphicus Bona. 4. senten. distinc. 1. q. 3.

Scotus 4. semen. distin. 1. q. 6.

D. Thom. 1. p. r. quæst. 70. Artic. 4.

Richardus 4. semen. distin. 1. q. 3. Art. 6.

QVÆSTIO V.

AD quintam quæstionem sic proceditur. Videtur quod ex vi circumcisionis non conferebatur gratia, quia sacramentum non causat nisi quod signat. Sed circumcisio tantum significabat ablationem partis à toto, & non aliquid positivum, ergo non conferebatur gratia.

Contra. Beda super Lucam. Circumcisio in lege agebat, quod baptismus tempore gratiæ agere consuevit, sed baptismus confert gratiam, ergo. *Cap. i.*

In ista quæstione sunt tres articuli. Primo est videndum si de potentia Dei absoluta potest remitti culpa originalis sine infusione gratiæ. Secundo si de potentia Dei ordinata posset remitti culpa originalis sine infusione gratiæ. Tercio est videndum si in circumcisione conferebatur gratia.

Quantum ad primum est vna opinio, quod Deus de potentia sua absoluta non possit remittere culpam nisi infundat gratiam. Et hoc probatur multipliciter. Primo sic, peccatum non potest deleri de anima nisi ipsa fiat de immunda munda, sed non potest fieri de immunda munda nisi per aliquam mutationem factam in anima. Ista autem mutatio est necessario ad formam absolutam positivam. Quia ad relationem, non est motus, nec mutatio, ex quinto philosophorum. Illa autem forma absoluta opponitur culpæ, & hæc est gratia, ergo. *Richard. præ-senti dist. q. 3. Art. 6.*

Secundo sic, peccatum opponitur gratiæ sicut privatio habitui, sed privatio non potest tolli à subiecto nisi per positionem habitus, ergo. *5. Phys. contr. 10.*

Tercio sic, & est quasi idem. Culpæ opponitur gratia sicut tenebra opponitur luci. Sed tenebra non remouetur nisi ponendo lucem, ergo.

Quarto sic, culpa non remittitur animæ nisi remota deordinatione eius, sed deordinatio non remouetur

nisi per gratiam, ergo.

Quomodo remittatur culpa.

Quinto sic, culpa remittitur cum peccator Deo reconciliatur, & per consequens acceptatur, sed non acceptatur nisi per gratiam, ergo.

Contra istam opinionem arguitur primo sic. Quando plura repugnant vni circa aliquod subiectum, illud potest per quodlibet istorum excludi ab illo subiecto. Sed culpa originali repugnat gratia & rectitudo ex puris naturalibus etiam sine gratia, ergo per solam rectitudinem naturalem sine gratia potest expelli culpa. Minor patet per Magistrum qui ponit hominem ita esse conditum cum rectitudine naturali.

Probatio Magistri.

Secundo probatur ratione, quia si non potest fieri homo rectus rectitudine naturali sine gratia, tunc gratia esset naturalis. Illud enim est naturale, quod consequitur naturam secundum se.

Tertio sic, secundum formam qualemcunque absolutam Deus potest creare hominem secundum eandem etiam formam absolutam post lapsum potest hominem reparare. Sed Deus potest hominem creare præcisè in puris naturalibus, siue in pura rectitudine naturali, ergo & c. Dicitur, quod maior est falsa, quia Deus potest hominem creare virginem, & tamen non potest facere de non virgine virginem. Sed hæc responsio non valet, quia maior accipit formam qualemcunque absolutam, virginitas autem dicit aliquid absolutum, & dicit negationem actus præteriri, scilicet nunquam cecidisse, unde Deus potest facere de non virgine virginem quantum ad illud absolutum licet non quantum ad negationem actus præteriti propter quod sexto ethicorum dicitur, hoc solo priuatur Deus ingenita facere, quæ facta sunt, quia nulla potest esse factio non entis de non ente, sed illa est factio non entis de non ente. Dico igitur, quod Deus de potentia sua absoluta potest remittere culpam originalem sine infusione gratiæ, & hoc maxime, quia gratia non opponitur peccato originali formaliter.

Ad primum alterius opinionis cum dicitur, quod peccatum non potest deleri ab anima nisi de immunda fiat munda, conceditur. Sed mundatio est duplex, scilicet, naturalis, & gratuita, licet ergo non est munda munditia;

Quid dicat virginas.

(ap. 3.

Idem s. phys. context. 7.

Mundatio duplex.

quæ est per gratiam: esset tamen munda munditia, quæ est per rectitudinem naturalem.

Ad secundam negetur maior, quia culpæ originali non solum opponitur gratia, sed etiam rectitudo naturalis opponitur, ut assumebat prima ratio contra opinionem. Et eodem modo dicitur ad tertium de luce, & tenebra.

Ad quartum negetur minor, quia deordinatio non solum tollitur per gratiam sed etiam per rectitudinem naturalem.

Ad quintum dicitur, quod ille cui dimittitur peccatum reconciliatur Deo. Sed non sequitur, quod sit Deo acceptus illa acceptione speciali, quæ est per gratiam. Acceptatio enim plus dicit, quam reconciliatio, reconciliare enim est non velle vindicare offensam. Sed acceptare est ipsam ad vitam æternam ordinare. Sicut in nobis apparet, quia possumus inimico offensam remittere non reconciliando ipsum ad amicitiam speciale ordinando, scilicet eum ad aliquod speciale bonum.

*Quid sit reconciliare.
Quid sit acceptare.*

De secundo articulo est videndum si de potentia Dei ordinata Deus potest dimittere culpam non infundendo gratiam. Et dicitur quod non, quia secundum leges diuinæ sapientiæ post naturam lapsam non est dare medium inter filium regni & filium perditionis. Sed filius regni est per gratiam secundum Augustinum, filius autem perditionis est per peccatum, ergo si remittitur culpa datur gratia.

Dubium notabile.

Tertio videndum est, quod principaliter proponebatur, videlicet si in circumcisione conferebatur gratia. *Lib. 15. de tri. cap. 19.* Ibi dicitur tripliciter. Primo secundum viam Magistri sic, quod in circumcisione remittebatur culpa, sed non conferebatur gratia. Vnde Glosa super illud ad Romanos signaculum accepit circumcisionis, dicit quod peccatum ibi dimittebatur, sed gratia adiutrix ad bene operandum non præstatur. *Cap. 4.*

Et Augustinus dicit quod sacramenta veteris legis in expositione promittebant gratiam, sed non dabant. Item circumcisio non aperiebat ianuam paradisi, sed habenti gratiam patet ianua paradisi, quia sola gratia diuidit inter filios regni, & filios perditionis, secundum Augustinum. *tituli psalm. illius. 73.*

*Lib. 15. de
tri, cap. 19.*

Alio modo dicitur, quod in circuncisione conferebatur gratia: non tamen principaliter, sed ex consequenti, quia circuncisio principaliter ordinatur ad delectionem peccati originalis, & ex consequenti ad gratiam conferendam. Et pro tanto dicitur gratiam non conferre, ut ponit prima opinio, quia non confert eam principaliter, sed ex consequenti. Et si soluuntur auctoritates pro illa opinione quæ inducuntur.

Sed contra hoc obiicitur, quia agens quod agit secundum rectam rationem magis principaliter intendit perfectionem, quam carentiam imperfectionis. Sed Deus agit secundum rectam rationem, ergo principaliter intendit perfectionem. i. gratiam, quam carentiam imperfectionis. i. carentiam originalis peccati.

*Gratia parua
duo dicit.*

Tertio modo dicitur, quod in circuncisione conferebatur gratia tamen paruula respectu eius, quæ confertur in baptismo. Cum autem dico gratiam paruam duo dico, scilicet, gratiam, & paruam gratiam. Sed eo ipso, quod in anima est gratia, remittitur culpa, & licet habilitetur anima ad perficiendum, quia tamen parua est, ideo tamen paruam habilitat, & per hoc soluuntur argumenta primæ opinionis. Nolunt enim auctoritates illæ negare gratiam conferri in circuncisione, sed quia parum habilitat, ideo dicitur gratia non præstari. Alio modo soluit doctor noster dicendo, quod illæ auctoritates loquuntur de sacramentis improprie sumptis sicut erant purgationes, & expiationes.

Ad secundum autem de apertione ianuæ paradisi. Dico, quod non fuit defectus circuncisionis, quod non aperuit ianuam, sed quia euenit tempore, quo præcium non fuit absolutum, nam prius solutum præcium poterat alicui aperiri ianua qui non fuisset baptizatus, sed solum circuncisus, & in gratia, baptizato autem defuncto ante passionem Christi non paruisset ianua, ut patet per Magistrum in litera.

Ad argumentum principale in contrarium dico, quod non valet sicut patet in simili. Nam baptismus quantum ad actum exteriorem non signat nisi quandam delectionem immunditiæ corporalis, & tamen nullus negat aliquem esse effectum eius positium.

Vtrum

Utum tempore legis naturæ non fuerit aliquod sacramentum correspondens circumcisioni?

Scot. 4. sententiarum distinc. 1. q. 7.

QVAESTIO VI.

AD sextam quæstionem sic proceditur. Videtur quod tempore legis naturæ non fuerit aliquod sacramentum correspondens circumcisioni per Gregorium, sic dicentem. *4. Lib. moralium.* Quod apud nos agit aqua baptismi, hoc agit apud veteres, vel pro paruulis sola fides, vel pro maioribus virtus sacrificij, sed ista non sunt sacramenta, ergo.

Contra est Augustinus contra Faustum. In nullum *Cap. 19.* nomen religionis, siue verum siue falsum coadunari possunt homines, nisi aliquo signorum visibilium velut sacramentorum consortio vniuntur, sed tempore legis naturæ vniebantur homines aliqua religione, ergo, &c.

Ad istam quæstionem dico tres breues conclusiones, quarum prima est ista quod tempore legis naturæ fuerunt aliqua sacramenta correspondentia circumcisioni.

Secunda est, quod illud fuit fides parentum, vel virtus sacrificij.

Tertia conclusio est quod circumcisio iam cessauit.

Prima conclusio probatur. Quia nullo tempore dimisit Deus cultores suos, sine remedio necessario ad salutem. Sed deletio culpæ originalis post lapsum fuit necessaria ad salutem. Ideo omni tempore fuit aliquod remedium, seu sacramentum ad salutem.

Secunda conclusio probatur per Gregorium, dicentem sicut arguebatur ad principale. Quod apud nos valet aqua baptismi, &c. Nec accipitur hic fides pro solo habitu, sed pro actu, & pro actu non tantum interiori, sed etiã exteriori, pro actu quo quis inuocabat Deum ore, vel aliquo signo exteriori sensibili offerendo sacrificia. *4. Lib. moralium.*

Tertia conclusio probatur per Augustinum contra Faustum ubi dicit sic. Sacramenta, quæ seruabantur præ-nunciatiua erant, quæ cum suo aduentu Christus imple- *que Arg. contra Faustum ubi supra.*

uisset ablata sunt, & alia instituta, quæ sunt virtute maiora, vtilitate meliora, actu facilia, & numero pauciora.

Hieronymus, & Augustinus de cessatione legalium sunt contrarii. Sed tunc quæritur quo tempore cessauerit circuncisio. Respondetur quod illi duo magni doctores, videlicet Hieronymus, & Augustinus videntur fuisse contrarii de cessatione legalium. Primo pono opinionem Hieronymi, & postmodum Augustini.

Sciendum ergo, quod Hieronymus duo tempora intellexit in nouæ legis datione, & sacramentorum institutione. Vnum scilicet tempus concedendi euangelium, scilicet quod incepit ab aduentu Christi vsque ad passionis consummationem.

Aliud fuit tempus promulgationis euangelij, quod incepit ab aduentu, vsque ad finem mundi. Similiter intellexit, quod mandata legalia, & cerimonialia contingit dupliciter seruare. Vel ex præcepto tanquam necessaria ad salutem, vel ex dispensatione: non quia bona sunt, sed quia inde elicitur bonum.

Opinio Hieronymi.

Concessit igitur Hieronymus legalia maxime circuncisionem seruare debere quousque veritas euangelij promulgaretur, & hoc in toto primo tempore, sed illis incipientibus aperiri, quæ in noua lege continebantur, illa cessabant: ita vt nulli prius acceptam notitiam veritatis liceret seruare, hæc sacramenta aliquo modo nisi illis solum ad quos non peruenit prædicatio euangelij, vel etiam ipsis apostolis ex dispensatione, & pia quidem dissimulatione. Cæteri autem erant transgressores qualitercunque seruarent. Ad hoc mouebantur Actuum, vbi apostoli consentiunt legalia non esse seruanda, tamen alicubi post illam sententiam legalia seruauerunt sicut legitur de Petro ad Galathas, & Paulo qui circumcidit Timotheum, vt patet actuum. Seruauit etiam votum Nazæeorum, vt patet in actibus.

Cap. 15.

Cap. 2.

Cap. 16.

Augustinus autem alio modo soluit. Vbi sciendum, quod Augustinus triplex tempus intellexit, primo tempus condendi euangelium, secundo promulgandi conditum, tertio custodiendi iam promulgatum.

Primum tempus fuit ab aduentu Christi, vsque ad passionis consummationem, & hoc tempore fuerunt le-

galia infirmata, & in morte Christi mortua.

Secundum tempus fuit à morte Christi, vsque ad di- *Psal. 18.*
uulgationem in omnes gentes. Iuxta illud, in omnem
terràm, &c. Et hoc tempore fuerunt legalia ad tumulum
deducta.

Tertium tempus fuit ab illo tempore, vsque ad finem
mundi, in quo legalia sunt quasi in sepulchro posita, &
clausa. Vltèrius nota, quod triplici de causa possunt ali-
qua seruari, scilicet propter necessitatem salutis, propter
honestatem, & propter proximi infirmitatem. Dicit igitur
Augustinus, quod primo tempore legalia seruari po-
tuerunt tanquam, vel via salutis, vel propter salutis
utilitatem.

*Triplici de
causa possunt
aliqua seruari.*

Secundo tempore seruari potuerunt etiam ab his, qui
audierunt euangelium propter honestatem, quia cum
honore erat deducenda synagoga ad tumulum.

Tertio vero tempore nullo modo sunt seruanda, quia
qui iam seruat non est materui corpusculi honorator.
Sed sepulturæ impudens reuelator. Et ita ponit, quod
Petrus, & Paulus, vterque seruauerit non tantum pro-
pter vitandum scandalum proximi, sed etiam ad hono-
rè debitum matri impèdendum. Similiter ponit, quod
Petrus veraciter non simulatoriè reprehensus fuerat à
Paulo non quia legalia seruabat, sed quia ex modo suo
gentiles iudaizare cogebar.

Ad argumentum principale patet ex prædictis in se-
cunda conclusione tertiæ quæstionis.

DISTINCTIO II.

Circa distinctionem secundam quaeritur.

Virum sint septem sacramenta nouæ legis,
& à Christo instituta?

Seraphicus Bona. 4. sent. distinct. 2. q. 3.

Scotus 4. sent. dist. 2. q. 1.

D. Thomas 3 par. q. 65. Artic. 1. Et 2.

QVÆSTIO, I.

IAM sacramentum. Circa istam distinctionem 2. quarto tres quæstiones.

Primo virum sint septem sacramenta nouæ legis.

Secundo virum sacramenta nouæ legis habent efficaciam à passione Christi?

Tertio virum baptizatus baptismo Ioannis teneatur necessàrio rebaptizari baptismo Christi?

Ad primam quæstionem sic proceditur. Videtur quod non sint septem sacramenta nouæ legis, quia sacramenta sunt medicina contra vulnera, sed tantum duo sunt vulnera, scilicet, culpæ, & pœnæ, igitur sunt duo tantum sacramenta.

Contra, genera peccatorum sunt septem, igitur sacramenta sunt septem.

Ad istam quæstionem sunt conclusiones tres.

Prima est, quod congruum est legem euangelicam sacramentis perfectissimis adornari.

Secunda conclusio est quod illa sacramenta quibus lex euangelica adornatur sunt septem.

Tertia est quod illa septem sacramenta sunt à Deo instituta.

Prima conclusio probatur sic. Congruum est legem perfectissimam sacramentis perfectissimis adornari. Sed lex euangelica est perfectissima, ergo. Probarur minor. Cum enim sit processus de imperfecto ad perfectum quanto lex est posterior tanto est perfectior. Sed lex euangelica est posterior, igitur perfectior. Confirmatur, quia lex proximior statui perfectissimo est perfectissima. Sed lex euangelica est proximior statui perfectissimo scilicet beatitudinis, igitur est perfectissima.

Tertio sic, congruum est legem veritatis, & gratiæ perfectissimis sacramentis adornari. Sed lex euangelica est lex veritatis, & gratiæ. Iuxta illud Ioan. Gratia, & veritas per Iesum facta est.

Secunda conclusio declaratur dupliciter. Primo sic, sacramenta sanant infirmitates, igitur secundum numerum

*Quomodo sint
7. sacramenta
et à Deo in-
stituta.*

infirmorum accipitur numerus sacramentorum. Sed in- *Duplex in-*
firmitas est duplex, scilicet, culpæ & pœnæ. Infirmitas *firmitas.*
vero culpæ est triplex scilicet originalis contra quam est
baptismus, actualis mortalis contra quam est pœniten-
tia, & actualis venialis contra quam est extrema vnctio.
Infirmitas vero pœnæ est quadruplex, scilicet, ignoran-
tia, pusillanimitas, malitia, & concupiscentia. Contra
ignorantiam est ordo. Contra pusillanimitatem est con-
firmatio. Contra malitiam est eucharistia. Contra con-
cupiscentiam est matrimonium.

Secundo sic, sacramenta sunt quædam medicinæ, sed *Triplex est,*
medicina est triplex, scilicet, præseruatiua, curatiua, & *medicina.*
confortatiua. Medicina autem præseruatiua curat à mor-
bo, sed non liberat ex toto, & talis est matrimoniū. Me-
dicina curatiua liberat per gratiam, & hæc variatur se-
cundum triplicem gratiam, scilicet, baptismalem, sic est
baptismus, pœnitentialem, sic est pœnitentia, finalem sic
est extrema vnctio, tertia est medicina confortatiua.
Duplici. n. ex causa homo indiget cōfortari, vel propter
difficultatem pugnæ, & sic est confirmatio, vel propter
lassitudinem itineris, sic est eucharistia. Ordo autem est
ad ministrandum vtrunque sacramentum.

Tertia conclusio declaratur sic, dico enim quod om-
nia ista sacramenta sunt à Deo instituta à Christo pro tē- *Quomodo om-*
pore legis euangelicæ licet matrimonium fuerit ante in- *nia sacramē-*
stitutum, tamen pro lege euangelica fuit à Christo ap- *ta sint à Deo*
probatū. De baptismo patet, quia fuit institutus à Chri- *instituta.*
sto viuente iuxta illud Matth. Ite docete omnes gentes *Cap. vltimo.*
baptizantes, &c. De eucharistia patet eius prædicatio dif-
fusa. Ioan. sed eius institutio fuit in cœna. Matth. De *Cap. 6.*
confirmatione patet institutio eius Ioan. Accipite spiri- *Cap. 26.*
tum sanctum. De pœnitentia patet eius institutio Ioan- *Cap. 20.*
nis. Quorum remisistis peccata, & Matth. 26. quod- *Cap. 20.*
cunque ligaueritis super terram. De extrema vnctione *Cap. 26.*
dicitur, quod fuit instituta à Iacobo. Iac. Infirmitatur *Cap. 26.*
quis in vobis &c. sed melius est dicere, quod fuerit in- *Cap. 5.*
stituta à Christo. Legimus enim Marci, quod apostoli *Cap. 6.*
vngebant oleo multos infirmos, & sanabantur, constat
autem, quod hoc non fecerunt nisi in virtute Christi,
qui instituerat illam vnctionem. De matrimonio idem

cap. 19.

cap. 26.

apparet Matt. Non legistis inquit, quod masculum, & foeminam fecit eos dominus, & dixit supple per os Adæ quamobrem relinquet homo patrem, & matrem &c. vbi Christus approbat, & ratificat id quod Deus in statu innocentiae per os Adæ publicauit. De ordine, patet Matth. Hoc facite in meam commemorationem.

Ad primum principale cum dicitur sunt tantum duo vulnera, scilicet, culpæ, & pœnæ, conceditur, sed illa vulnera habent diuersas differentias, & penes earum differentias sumitur sacramentorum pluralitas, vt patet in secunda conclusione huius quæstionis.

Vtrum sacramenta nouæ legis habeant efficaciam à passione Christi?

Scotus 4. sentent. distinctio. 1. q. 1.

D. Thom. 3. parte quæst. 62. Artic. 5.

Richardus 4. sent. distinctio. 1. q. 3. Art. 4.

QVÆSTIO II.

2. Phys. con-
tex. 37. Et 5.
met. cōtex. 2.

AD secundam quæstionem sic proceditur. Videtur quod sacramenta nouæ legis non habeant efficaciam à passione Christi, quia causa in actu, & effectus in actu simul sunt, & non sunt ex 2. phisicorum, & 5. methaphisicæ. Sed passio Christi non est in actu, igitur nec aliquis eius effectus est in actu per eam. In contrarium est Magister in litera.

Ad istam quæstionem dicam duas conclusiones.

Ad cuius euidentiam est notandum, quod sicut superius dicebatur, sacramentum est signum sensibile gratiam Dei, vel eius effectum gratuitum efficaciter signans ex institutione diuina ordinatum ad salutem hominis viatoris. Et sic sacramenta habere efficaciam est ipsa realiter habere effectum signatum, puta gratiā, ergo ab illo habent sacramenta efficaciam à quo est quod effectus eius realiter concomitetur, sed hoc dupliciter potest esse, vel tanquam à causa principaliter causante, vel siue à causa meritoria.

Est ergo prima conclusio, quod sacramenta habent efficaciam à solo Deo, sicut à causa principaliter causante.

Secunda conclusio est quòd sacramenta habent efficaciam à passione Christi sicut à causa meritoria. Prima conclusio probatur dupliciter.

Primo sic, Efficacia sacramentorum non potest esse ab aliqua inferiori causa instituyente ipsam. Sed solus Deus instituit sacramenta, vt patet ex tertia conclusione præcedentis quæstionis, ergo.

Quomodo sacramenta habeant efficaciam à passione Christi.

Secundo sic, solus Deus determinat se ad causandum effectum proprium, alias Deus non esset prima causa si posset aliunde determinari. Sed effectus signati per sacramenta sunt proprii soli Deo, quia solus Deus potest causare gratiam, igitur à solo Deo sacramenta habent efficaciam sicut causa principaliter agente, & causante.

Contra istam conclusionem instatur dupliciter.

Primo sic, effectus adæquans virtutem causæ superioris potest produci à causa inferiori. Sed effectus signati per sacramenta cum sint finiti non adæquant virtutem primæ causæ, quæ est infinita, ergo possunt esse ab aliqua causa inferiori.

Secundo sic, illud quod potest effectum signatum per sacramenta destruere, potest ipsum efficere, sed homo est huiusmodi, probatur, quia homo peccando potest effectum signatum per sacramenta destruere, igitur potest ipsum efficere.

Ad primum dico, quod creatio licet non adæquet potentiam Dei in esse, adæquat eam tamen in modo producendi, quia talis modus non competit alicui virtuti finitæ.

Creatio quomodo adæquet potentiam Dei.

Ad secundum potest negari maior, quia facilius est destruere, quam construere. Alio modo potest negari minor, nec probatio minoris valet, quia cum homo peccat mortaliter non annihilat ipse gratiam, sed est causa demeritoria propter quod meritum Deus non conseruat gratiam, & sic annihilatur.

Nota et bene

Secunda conclusio probatur. Ab illo sacramenta efficaciam habent sicut à causa meritoria, quod plus

acceptat Deus quam displicet sibi offensa primi parentis. Sed talis fuit passio Christi, vt patet per Anselmum. Cur Deus homo, & declarabatur, ergo, &c.

Li. 3. dist. 2.

Secundo sic, ab illo sacramento habent efficaciam sicut à causa meritoria per quod sunt nobis paradisi ostia reuerata. Sed illud fuit passio Christi, ergo.

Sed contra illam conclusionem instatur tripliciter.

Primo, quia si respectu gratiæ est aliqua causa meritoria iam non est gratia, quod enim datur ex meritis non est gratia secundum Apostolum ad Romanos.

Cap. 9.

Secundo, si sacramenta habent efficaciam à passione Christi, vt à causa meritoria, igitur baptismus, & eucharistia non habent efficaciam illam. probatio consequentiæ, quia illa sacramenta fuerunt instituta ante passionem Christi, ergo.

*15. decim. Dei
cap. 26..*

Tertio sic, si sacramenta habent efficaciam à passione Christi hoc est maxime verum de vulnere laterali à quo secundum Augustinum fluxerunt sacramenta. Sed hoc videtur falsum, quia scilicet hoc vulnus fuit inflatum post mortem, corpus autem mortuum non est causa merendi.

*Triplex est
meritum vide
D. Bonum in
sens. dist. 41.*

Ad primum dico, quod intentio apostoli est, quod gratia non habet causam meritoriam de condigno in illo cui confertur, potest tamen habere causam meritoriam de congruo in eodem, & meritoriam de condigno extrinsecam, maxime si illa causa meritoria extrinseca sit gratuite data illi pro quo est meritoria.

Ad secundum potest dici, quod omnia sacramenta nouæ legis habent efficaciam à passione Christi, vt exhibita non quidem in actu exteriori, sed interiori, ab instanti enim suæ conceptionis habuit Christus meritum suæ passionis. Vel potest dici, quod sacramenta nouæ legis omnia adhuc viuente Christo habuerunt adhuc minorem efficaciam, quam post eius passionem. Et tamen non fuit inconueniens quòd instituerentur ipso viuente, quia erant instituta pro tunc, sed pro tempore post mortem habuerunt principalem efficaciam.

Ad tertium dicitur, quod si illud vulnus fuit inflatum Christo post mortem, vt narrat euangelium tunc sacramenta non fluxerunt ab illo, tanquam à causa prin-

cialiter meritoria, tamen dicuntur inde principaliter fluxisse propter quandam similitudinem expressam eorum, quæ inde fluxerunt ad sensibilia, quæ sunt in quibusdam sacramentis. Sanguis enim specialius assimilatur speciei sub qua est sanguis in eucharistia, & aqua specialius assimilatur materiæ baptismi, quæ duo sunt principalia sacramenta. Et ille intellectus potest haberi extra de celebratione missarum, in fine, ubi dicitur, quod in illis duobus scilicet aqua, & sanguine duo maxima sacramenta redemptionis, & regenerationis relescent.

Ad argumentum principale cum dicitur, quod causa in actu, &c. conceditur maior, sed cum additur passio Christi non est in actu. Dico quod licet non sit in actu in effectu, est tamen in actu in acceptatione diuina, & hoc sufficit, ut sit causa meritoria. Sicut etiam nos proximis nostris multa conferimus propter aliquod bonum, quod in memoria retinemus.

Vtrum baptizatus baptismo Ioannis necessario teneatur rebaptizari baptismo Christi?

Seraphicus Bona. 4. sent. dist. 2. quest. 3. Artic. 2.

Scotus 4. sent. dist. 2. q. 2.

D. Thomas 3. parte q. 38. Artic. 6.

Richardus 4. sentent. dist. 2. q. 4.

Durandus 4. sentent. dist. 2. q. 4.

Ioan. Baconitanus 4. sent. dist. 6. q. 1.

QVAESTIO III.

AD tertiam questionem sic proceditur. Videtur quod baptizatus baptismo Ioannis non teneatur necessario rebaptizari baptismo Christi, quia Magister dicit in litera capite ultimo quod qui spem posuerunt in baptismo Ioannis, & patrem, & filium & spiritum sanctum credebant, non sunt postea baptizandi.

*Distin. 4.
capit. aliud
homelia. 5.*

Contra, de consecratione, & accipitur ab Augustino super Ioannem. Si quos baptizauit Iudas non iterum sunt baptizandi, quos autem baptizauit Ioannes iterum baptizandi sunt.

Ad istam quæstionem dico tres conclusiones. Prima à quo fuit baptismus Ioannis institutus, secunda ad quid fuit institutus, tertia quæ erat eius efficacia. Nunquid erat tantæ efficacie, quod baptizatus baptismo Ioannis non teneretur baptizari baptismo Christi.

Ioann. I.

Quantum ad primum dico, quod baptismus Ioannis fuit institutus à Deo, quia ait ipse Ioannes Baptista. Qui me baptizare misit, ille mihi dixit &c.

Præterea, sic arguit Christus contra pharisæos. Baptismus Ioannis de cælo erat an ex hominibus. Si ex hominibus non erat ei credendum, si de cælo igitur ex Deo.

Cap. 3.

Quantum ad secundum dico, quod baptismus Ioannis non fuit institutus ad efficiendum, sed vt ponit Magister in litera fuit institutus ad significandum baptismum Christi & ad asseuerandum homines ad baptismum Christi. Vnde super illo verbo Matt. dicit glosa, ego baptizo, id est tantum corpora lauo, quia peccata dimittere nequeo, vt sicut nascendo, & prædicando preeo, sic baptizando ad baptismum Christi dirigam.

Quantum ad tertium, est sciendum, quod baptizatus à Ioanne poterat baptizari duobus modis, scilicet in forma tradita à Christo, vel in aliqua alia forma, vt puta in nomine venturi. Si quis autem fuisset baptizatus à Ioanne in forma tradita à Christo non erat ille rebaptizandus, quia ille non erat baptizatus baptismo Ioannis, sed baptismo Christi. Si quis autem fuisset baptizatus à Ioanne in alia forma, puta in nomine venturi, vel alia consimili forma, erat necessario baptizandus, quia præceptum generale obligat omnes. Sed præceptum generale est, quod omnes baptizentur in forma tradita à Christo, igitur. Confirmatur ex alio, quia recipiens medicinam dispositiuam, debet recipere medicinam completiuam, & perfectiuam. Sed baptismus Ioannis erat sicut dispositio præua ad

baptismum Christi, ergo.

Ad argumentum in contrarium dico, quod Magister in illo puncto non tenetur.

DISTINCTIO III.

Circa istam distinctionem tertiam
quæritur.

Utrum definitio baptismi data à Magistro
sit bona?

Scotus 4. sent. distinct. 3. q. 1.

D. Thom. 3. parte q. 60. Artic. 2.

Ricar. 4. sent. dist. 1 q. 1. Arti. 1.

Durandus 4. sent. dist. 1. q. 1.

QVAESTIO I.

Post hoc videndum est, Circa istam distinctionem tertiam, quærentur tres quæstiones. Primo utrum illa sit ratio diffinitiva baptismi, quam ponit Magister, scilicet. Baptismus est intinctio, id est ablutio corporis exterior facta, sub forma verborum præscripta, secundo utrum hæc sit forma baptismi. Ego te baptizo in nomine patris, & filii, & spiritus sancti, Amen. Tertio utrum sola aqua naturalis pura sit materia conueniens baptismi?

Ad primam quæstionem, sic proceditur. Videtur quod sit illa ratio sacramenti baptismi diffinitiva, quam ponit Magister, scilicet. Baptismus est intinctio, & c. quia pars sacramenti baptismi non prædicatur de toto baptismo. Sed ablutio est pars sacramenti baptismi, ergo non prædicatur de toto. Minor probatur, quia ad sacramentum baptismi non solum concurrit ablutio cum aqua, sed concurrit etiam prolatio verborum. Contra est Magister in litera.

Ad illam quæstionem dico tres conclusiones. Prima cuius entis est diffinitio, ut patuit. Est enim diffinitio entis positiui per se vnius entis realis compositi realiter habentis conceptum vniuersalē, seu communem. *1. q. huius.*

Cuius conclusionis declarationem videas in quaestione supra.

Secunda conclusio est, quòd baptismi est aliqua ratio diffinitiuā, quia est ens positiuum per se vnum vnitatem conceptus, nec est simpliciter simplex, & habet conceptum communem, sed omne tale est diffinibile, ergo baptismi est aliqua diffinitio.

Quid sit baptismus.

Tertia conclusio est, quæ sit eius ratio diffinitiuā. Vbi notandū, quòd baptismus est signum sensibile, & vt est signum importat relationem, de cuius relationis fundamento possumus dupliciter loqui. Vno modo, quòd eius fundamentum sit non solum ablutio, sed etiam verba. Alio modo, quòd eius fundamentum sit sola ablutio, quamuis habeat alia concomitantia rationem diffinitiuā baptismi, secundum duplicem opinionē, sicut verba prolata cum intentione baptizandi.

Quid sit eius fundamentū.

Definitio baptismi.

Ad propositum si teneatur ista via vltima, potest poni talis ratio diffinitiuā baptismi. Baptismus est absolutio hominis aliquāliter consentientis facta ab alio in aqua abluente, sub certis verbis simul cum intentione debita proferente significans efficaciter, ex institutione diuinā abluitionem animæ à peccato. Si autem teneatur alia via, scilicet quòd verba cum abluitione, sunt fundamentum baptismi, tunc potest poni alia ratio baptismi. Baptismus est sacramentum abluitionis animæ à peccato consistens in abluitione hominis aliquāliter cōsentientis facta ab alio abluente, & in verbis certis ab eodem abluente cum debita intentione prolatis, nec est differentia inter illas rationes baptismi, nisi per hoc solū, quod vna ponit abluitionem in recto, alia abluitionem & verba ex æquo, quæ differentia confurgit ex diuerso modo concipiendi, vel opinandi de fundamento huius relationis, vt dicebatur in principio huius tertiæ conclusionis. Ex hoc patet, quòd diffinitio baptismi data à Magistro, scilicet quòd baptisimus est ablutio, &c. loquitur secundum opinionem dicentem, quòd ablutio circumstantionata est fundamentum baptismi.

Alia definitio baptismi.

Quæ sit definitio baptismi data à Magistro.

Ex dictis patet ad argumentum principale per ea quæ dicta sunt in conclusione.

Utrum forma baptismi sit ista, Ego te baptizo
in nomine patris, & filij, & spiritus
sancti Amen?

Seraphicus Bonauem. 4. sent. dist. 3. q. 1.

Scous 4. sentent. distinctio. 3. q. 2.

D. Thom. 3. par. quest. 66. Artic. 5.

Richardus 4. sentent. distin. 3. q. 3.

QVAESTIO II.

AD secundam quæstionem sic proceditur. Vide-
tur quòd illa non sit forma baptismi. Ego ba-
ptizo te in nomine patris, & filij, & spiritus san-
cti, quia cuiuscunque habentis formam, & ma-
teriam, illius forma est in materia. Sed ista verba non
sunt in materia baptismi, quia nec sunt in aqua, nec in
ablutione, ergo, &c.

Contra. Extra de baptismo, & eius effectu c. si quis
dicitur, si quis ter puerum immerferit in aqua, vel in a-
quâ miserit in nomine patris, & filij, & spiritus sancti, &
non dixerit. Ego te baptizo, &c. non est puer baptizatus.

In illa quæstione sunt tres articuli. Primus est, si ali-
qua verba sunt forma baptismi. Secundus, quæ sunt illa
verba quæ sunt forma baptismi. Tertius si illa verba pos-
sunt mutari, vel variari, sine periculo baptizati, vt vere
sit baptizatus.

Quantum ad primum articulum dico, quòd aliqua
verba sunt forma sacramenti baptismi, quia vbi concur-
rit aliquod signum visibile, & concurrunt verba in fun-
damento illius relationis, tunc verba possunt dici for-
ma eius, sed sic est in sacramento baptismi, vbi concur-
rit ablutio, tanquam fundamentum, & verba tanquam
determinantia ipsum, ergo verba sunt eius forma. Ma-
ior declaratur, quia materiæ est determinari, & formæ,
proprium est determinare, cum igitur verba determi-
nent ablutionem baptismalem verba sunt ibi, secūdm
istam methaforam tanquam forma.

*Quæ sunt illa
verba quæ
sunt forma
baptismi.*

*Materia est
determinari,
forma vero est
determinare.*

Præterea quando ad aliquem actum concurrunt duo, semper principalius tenet locum formæ. Sed ad baptismum concurrunt duo, scilicet ablutio exterior, & verba, verba autem sunt principaliora quod patet secundum Augustinum dicentem. Verba inter omnia signa tenent principatum in significando, ergo aliqua verba sunt ibi forma.

2. de doctrina
Christiana
cap. 1.

Sed tunc quæritur quæ sunt illa verba, quæ sunt forma baptismi, & hoc spectat ad secundum articulum, ubi sunt duæ conclusiones.

Quæ sit forma
Baptismi.

Prima est, quod forma baptismi in ecclesia Romana est illa. Ego te baptizo in nomine patris, & filii, & spiritus sancti amen. Quam formam tenetur quilibet minister seruare in prædicta ecclesia, quia sic Romana ecclesia instituit, ut notatur extra de baptismo, & eius effectu, cap. si quis.

Forma Baptismi
Græcorum.

Secunda conclusio est, quod forma baptismi in ecclesia Græcorum est illa. Baptizetur seruus Christi, in nomine patris & filii, & spiritus sancti. In qua forma non exprimitur persona ministri, sicut in alia, & hoc ad euitandum schisma, ut ponitur j. ad Corinth. Gloriabatur. n. baptizati de ministris dicentes, ego quidem Pauli, ego autem Apollos, ego verò Cæphe. propter quod Apostolus concludit dicens diuisus est ergo Christus?

Cap. 1.

Ad tollendum igitur illud schisma ordinatum est in ecclesia Græcorum, quod nomen ministri non exprimeretur

Quantum ad tertium articulum: Si illa verba, seu forma posset variari, sine periculo baptizati, vel illius qui immergitur, ita quod verè esset baptizatus. Hic sunt tres opiniones.

Vna dicit, quod quacunque variatione facta circa verba, dummodo tres personæ exprimantur, integrum est sacramentum baptismi.

Vide D. Th.
3. par. q. 66.
art. 5.

Alia opinio, quæ est Tho. est totaliter ad oppositum, quæ dicit, quod necesse est prædictam formam totam seruare, alias sacramentum non esset integrum.

Opinio Sco.

Tertia opinio est, quam sequitur doctor, videtur quod illa variatio potest esse quadrupliciter. Vel ex parte ministri, vel ex parte actus, vel ex parte suscipientis, vel ex parte clausulæ sequentis, scilicet in nomine pa-

tris, & c. Si autē fiat variatio ex parte ministri, puta quia baptizans non dicit ego, integrum est sacramentum, sicut patet de Græcis, qui vere baptizant, & tamen non proferunt pronomen ego, ille tamen sic faciens in ecclesia Romana mortaliter peccaret. Si autem variatio fiat in actu exprimendo illum modum in optatino modo, & non indicatiue, sic baptizetur seruus Christi in nomine patris, & c. adhuc esset integrum sacramentum, sicut patet de Græcis. Si autem fiat variatio in suscipiente, sacramentum non est integrum. Si autem fiat variatio in clausula sequente, scilicet in nomine patris, & c. Dico quod potest fieri sex modis, sicut ponit Bonauentura, scilicet mutando, addendo, corrumpendo, transponendo, interponendo, & plura eodem verbo implicando. Mutatio fit vt si diceretur, baptizo te in nomine patris, genitoris, geniti, & spirati, & tunc non esset baptismus, quia licet idem significant, tamen alium modum significandi habent, & Christus voluit personas nominari propriis nominibus personarum. Additio fit modis tribus, quia est vna additio contra fidem, vt si diceretur baptizo te in nomine patris maioris, & filij minoris. Alia est additio quæ non est contra fidem, vt si diceretur, baptizo te in nomine patris omnipotentis, & filii, & spiritus sancti. In prima additione nihil fit, sed in secunda fit vbi faciens nullū intenderet inducere errorem. Corruptio fit dupliciter. Aliquando est tanta, quod nullo modo tenet sensum, & tunc non est baptismus. Aliquando vero est modica, & tunc non corrumpit sensum, vt patet de balbutientibus, & habentibus linguam impeditam, & tunc non impedit quin fit baptismus, vt patet de consecrati. 4. c. retulerunt, de illo presbytero linguæ latinæ imperito, qui dixit, ego te baptizo in nomine patria, & filia, & c. Transmutatio fit tripliciter. Quia aliquando variat orationis sententiam, vt si diceretur. Ego patris baptizo te in nomine filii, & spiritus sancti. Aliquando non variat orationis sententiam, vt si diceretur, ego te baptizo in nomine filii, & patris, & spiritus sancti. prima transmutatio impedit baptismum, secunda vero non, nisi ageret ex malitia volens minister inducere

Variatio Baptismi potest considerari quatuor modis.

Variatio Baptismi potest fieri sex modis.
D. Bon. in. 4. dist. 3. q. 6.

Additio fit tribus modis.

Corruptio fit duobus modis
Transmutatio fit tribus modis.

*Implicatio
fit duobus mo-
dis.*

*Interpositio
fit duobus mo-
dis.*

Cap. vltimo.

*Dubium nota-
bile.*

Cap. 2.

errorē. Interpositio autem vel intermissio fit dupliciter, quia aut est tāta, quōd discontinuat intentionē, & longā facit moram, vt si inciperet formam baptismi, & postea iret ad comedendum, vel ad forum, & tunc nihil fit nisi reincipiatur, aut est parua morula, vt si inceptis verbis sterneretur, & tūc est baptismus. Implicatio autem plurium fit duobus modis. Vnus fit sic, baptizo te in nomine trinitatis. Alius est, baptizo te in nomine Christi. In primo nihil fit, quia Christus voluit in baptismo personas exprimi distincte. Matth. in trinitate autem exprimuntur implicite. Sed de secundo modo dubium est, vtrum, scilicet baptizatus in nomine Christi esset baptizatus maxime pro tempore isto, quia aliquo tempore, bene licuit baptizare in nomine Christi, vt patet Actūū, ideo de tali tenenda esset regula, quæ ponitur extra de baptismo, & eius effectu.

Ad argumentum principale, patet in prima, & secunda conclusione quomodo verba sunt huius sacramenti forma.

Vtrum aqua materialis pura, sit materia conueniens Baptismi?

Status 4. sentent. distin. 3. q. 3.

D. Thomas 3. parte quest. 66. Articul. 3.

QVÆSTIO III.

AD tertiam quæstionem sic proceditur. Videtur, quōd non solum aqua naturalis pura sit materia conueniens baptismi, quia quæ habent eadem accidentia sunt eiusdem speciei, sed aqua naturalis, & artificialis habent eadē accidentia, scilicet humiditatem, frigiditatem, & perspicuitatem, ergo sunt eiusdem speciei. Si ergo aqua naturalis est sufficiens materia baptismi, eodem modo aqua artificialis erit. Maior patet, quia ex accidentibus deuenimus in cognitionem substantiarum j. de anima.

Contra. Ioannis. Nisi quis renatus fuerit ex aqua, & spiritu sancto.

*I. de anima
Coutex. II.*

Ad

Ad istam quæstionem dico tres conclusiones. Prima *Cap. 3.*
est quod aqua naturalis est materia baptismi. Secunda
conclusio quod sola aqua naturalis est materia sufficiens
per se baptismi, tertia quod aquæ artificiales non sunt
materia baptismi.

Prima conclusio patet, quia ille humor est materia *Cap. 3.*
baptismi in quo Christus determinauit baptismum fieri, *Cap. 3.*
sed hic est aqua, vt patet Ioan. & Matth. ergo, &c. Quare
autem Christus sic instituit, Vt in aqua fieret baptismus
assignatur talis congruentia. Congruum est baptismum
fieri in illo humore qui est frigidus, fluidus, lucidus, &
communis omnibus. Sed aqua est huiusmodi humor,
ergo congruum fuit baptismum fieri in aqua. Minor est
euidens. Maior declaratur sic. Cum enim baptismus sit

*Doctrina sin-
gularis sima.*

ad reprimendum feruorem concupiscentiæ, ad flec-
tendum rigorem inobedientiæ, ad illustrandum aciem intelli-
gentiæ, & obligat omnes, tam diuites, quàm pauperes,
debet fieri in illo humore qui est frigidus, ad reprimen-
dum feruorem concupiscentiæ, qui est humidus ad flec-
tendum rigorem inobedientiæ, qui est perspicuus ad il-
lustrandum aciem intelligentiæ, & qui est communis
omnibus diuitibus, & pauperibus, ne quis se excusaret
propter assistentiā inopiæ. Secunda conclusio probatur
Illud solum est sufficiens materia baptismi, in quo cir-
cumscripto quocunque alio humore, vel liquore potest
aliquis baptizari. Sed huiusmodi est aqua, ergo, &c.

*Quomodo
fiunt aquæ
artificiales.*

Tertia conclusio probatur. Aquæ quæ variant speciem
aquæ naturalis, non sunt materia baptismi, sed aquæ arti-
ficiales sunt huiusmodi, ergo aquæ artificiales non sunt
materia baptismi. Minor probatur, primo, quia aquæ
artificiales fiunt ex quocunque non seruatō processu
naturæ per determinatā mediā. Sed aquæ naturales fiunt
per determinatā mediā à natura seruatō processu naturæ

Secundo sic. Aquæ artificiales fiunt per actionem ig-
nis decoquētis. Sed ignis non videtur sufficiens in virtu-
te actiua, ad conuertendum quæcunque in aquam natu-
ralem, artificialem, vel elementarem, ergo, &c.

Tertio sic, philosophus, quarto metheorum dicit. In *Anicena*
Sciunt artifices alchimitæ species rerum transmutari *expresse ha-*
non posse, ergo per artem non potest resolui mixtum *beior.*

in aquam elementarem.

Quarto sic. Causæ differentes specie habent effectus differentes specie. Sed ars, & natura differunt specie, ergo habent effectus differentes specie, igitur aqua quæ est ab arte, non est eiusdem speciei cum aqua naturali.

Contra hoc arguitur dupliciter. Primo sic, mixtum est grossius quam aqua elementaris, sed aliqua aqua artificialis est subtilior aqua naturali; igitur illa aqua artificialis non est aliquid mixtum, ergo est elementum, & constat, quod non est aliud elementum, quam elementum aquæ, ergo, &c.

Secundo sic. Facilior est resolutio quam generatio, sed ars dæmonum statim producit ex aqua aliquod mixtum, quia producit ranas. Exodi, ergo per artem ex mixto potest statim produci elementum aquæ.

Cap. 7.

Duplex subtilitas.

Ad primum dico, quod duplex est subtilitas, scilicet subtilitas simplicitatis, & subtilitas penetratiua virtutis actiuæ. Nunc autem aqua artificialis, est subtilior aqua elementari subtilitate penetratiua, & non subtilitate simplicitatis, ergo, &c.

Ad secundum dico, quod aliud est dicere artem producere aquam, & aliud est dicere adhibere artem actiuam, passiuam, quibus adhibitis generat mixtum. Concedo ergo bene, quod ars potest adhibere actiuam naturalia passiuam naturalibus, quibus coniunctis sequitur actio. Sed non tanquam ab arte, sed tanquam ab actiuis, & passiuis naturalibus.

Quomodo aqua artificialis, & naturalis differant.

Ad argumentum in contrarium dico, quod licet aqua artificialis habeat aliqua communia accidentia cum aqua naturali: tamē habet aliqua dissimilia à tota specie.

DISTINCTIO IIII.

Circa distinctionem quartam quæritur,

Vtrum paruuli sint baptizandi?

Scotus 4. sem. distinct. 4. q. 1.

D. Thomas 3. parte, quest. 68. art. 9.

QVAESTIO I.



Hic autem dicendum est, circa istam distinctionem quartam, ad primam, secundam, & tertiam eius partes quæro primo vtrum parvuli sint baptizandi? Secundo, vtrum parvuli recipiant effectum baptismi. Tertio, vtrum adulti recipiant effectum baptismi.

Ad primam quætionem, sic proceditur. Videtur, quod parvuli non sint baptizandi, quia baptismus est medicina contra peccatum. Sed parvuli non habent peccatum ergo, &c. Minor probatur. Peccatum enim non est sine electione, & voluntate, per Augustinum de vera religione. Sed parvuli non habent electionem, ergo, &c.

Contra. Beda, & ponitur in ultimo cap. primæ distinctionis istius quarti. Qui dudum clamabat per legem. Anima cuius præputii caro circumcisa non fuerit peribit de populo suo. Nunc per euangelium clamat, nisi quis renatus fuerit, &c.

Ad istam quætionem respondeo, & primo ponā vnam opinionem Pelagianorum. Secundo opinionē veram quæ est catholicorū. Tertio solvam rationes hereticorū.

Quantum ad primum est opinio Pelagianorum, quod parvuli non sunt baptizandi, quia baptismus est contra peccatum, seu contra morbum peccati originalis. sed parvuli non habent peccatum originale, ergo nō sunt baptizandi. Minor probatur. Primo per Augustinū, quia *Vide in l. 1. ro* peccatum ideo est peccatum, quia voluntarium, sed *2. distinctio* nil est voluntariū in parvulis, quia non habent vsum rationis, ergo in eis non est peccatum. *30. Vbi supra.*

Secundo sic, nullus peccat in eo quod vitare non potest per Augustinum in tertio de libero arbitrio, sed parvulus hanc vitare non potest cum hoc contingat sibi a cōceptione sua, ergo.

Tertio per argumentum Iuliani sicut refert Magister secundo sententiarū, nō peccat ille qui nascitur, nec peccat ille qui condidit, per quas igitur rimas inter tot præsidia innocentie peccatum fingit ingressum. *Distin. 2.*

Quarto sic, defectus naturalis non est imputabilis ad peccatum, sed omnis defectus qui causatur in parvulis est naturalis, ergo, &c. Maior patet tertio ethicorum, ubi dicitur quod cæco nato nullus improperebit, sed *3. Eth. c. 8.*

magis miserebitur.

*Greg. super
Exod.*

Contra istam opinionem arguitur sic. Baptismus est contra morbum peccati originalis, sed paruuli habent peccatum originale, ergo paruuli sunt baptizandi. Minor probatur, quia ait Gregorius super Exod. in glosa, omnes in peccato nati sumus ex carnis delectatione concepti culpam originalem traximus nobiscum.

Psal. 55.

Itē Augustinus super psal. David. Dixit se in iniquitatibus conceptum, quia in omnibus cōtrahitur iniquitas ex Adam. Et Augustinus libro de fide ad Petrum. Firmissime tene, & nullatenus dubites, omnem qui per concubitum viri, & mulieris concipitur cum peccato originali nasci.

Cap. 23.

Præterea Augustinus in libro de baptismo paruulorum. Adam per præuaricationis exemplum infecit in se omnes de sua stirpe venturos.

2. lib. sent.

dist. 30. q. 2.

Præterea. Peccatum originale est formaliter carentia iustitiæ originalis, vt patuit in secundo libro, sed omnes communiter propagati carent originali iustitia ergo omnes habent peccatum originale. Non autem intendo per istas rationes includere Virginem benedictam, oportet tamen de ea singulariter loqui. Et secundum Augustinū. Cum de peccatis agitur, de Maria nullam prorsus volo habere quæstionem. Teneo igitur quod paruuli cum habent peccatum originale baptizandi sunt.

*De natura,
et gratia cir-
ca medium et
ponitur in li-
tera cap. 3.*

Ad argumenta autem alterius opinionis.

*An peccatū
sit voluntariū*

Ad primum dico, quod illud verū est de peccato actuali. Si autem intelligatur de peccato originali, Dico quod non oportet peccatum simpliciter esse voluntarium habenti ipsum, sed esse voluntarium ei, vel illi à quo contrahitur, fuit autem per actum voluntarium Adæ, à quo contractum est.

*Libro 2. vide
Sco. in 2. sent.
dist. 30.*

Ad secundum dico eodem modo, quod nullus peccat in eo, quod vitare non potest, aut in se, aut in alio, qui pro ipso accepit habitum oppositum vitio. Potuit autem hoc vitari in alio, puta in Adam si non peccasset, qui acceperat iustitiam originalem pro se, & posteris.

Ad tertium respondet Magister lib. ait enim sic, Iuliano per sacram paginā, quod per vnum hominem intra-

uit peccatum in mundum, quia per vnus hominis inobedientiam, vt ait apostolus. *Rom. 5.*

Ad quartum dico, quod defectus nihil habens de voluntario non est imputabilis. Sed ille defectus habet aliquid de voluntario, quia ex voluntate primi parentis seminatum est.

Dubium.

Sed oritur dubium. Nam paruuli sunt baptizandi, vt dictum est in secundo articulo, sed interdum paruuli nō possunt nasci, seu exire de vtero materno, quaritur igitur si possunt ante ortum in matris vtero baptizari. Et videtur quod non, quia coniunctum causæ suæ corruptiæ dum coniungitur non potest mundari ab illa corruptione, sed paruulus in vtero matris est coniunctus causæ suæ corruptionis, ergo in vtero materno non potest mundari.

Contra hoc, nam caro matris in paruulo non est causa corruptionis, nisi mediata, caro autem paruuli est causa corruptionis immediata loquendo de corruptione originali. Si ergo stante coniunctione ad causam corruptionis non potest purgari ab illa parte, sequitur quod paruulus habens carnem suam nunquam a peccato originali potest purgari quod est contra fidem.

Quomodo paruulus in vtero matris sit coniunctus matri

Præterea, licet paruulus in vtero matris sit coniunctus matri, localiter tamen distinctus ab ea personaliter, quia habet aliud corpus, & aliam animam, sed distinctio personalis sufficit ad distinctionem, secundum peccatum & non peccatum, ergo non obstante tali coniunctione locali propter distinctionem personalem, potest paruulus esse iustus.

Præterea, si cum coniunctione ista ad causam corruptionis non posset stare gratia in paruulo, ergo paruulus in vtero non potest habere baptismum flaminis, vel sanguinis, quorū vtrunque est falsum. De flamine, patet de Hieremia Hiere. de Ioanne Baptista Lucæ, & de matre Christi, vt firmiter tenet ecclesia. De baptismo autem sanguinis patet per hoc, quod si quis persequitur matrē grauidam, eadem de causa persequitur filium in vtero eius qua persequitur matrem, etgo si mater occiditur propter iustitiam, vel propter fidem, similiter & paruulus. Si autem paruulus occideretur extra vterum habe-

*Cap. 1.
Cap. 1.*

Nota de baptismo sanguinis.

Responsio ad dubium. ret baptismum sanguinis, si pro iustitia, vel fide occideretur, etiam nō baptizatus. Ergo eodem modo rationabile est, quod Deus non condemnet eum pro simili causa in vtero matris passum.

Dico igitur ad istud dubium, quia vel puer est secundum omnes partes in vtero matris suæ, vel secundum aliquam partem apparet extra vterum. Si primo modo dico, quod non potest baptizari, non propter hoc, quia est coniunctus causæ suæ corruptionis, vt dicebat præcedens opinio. Sed quia baptismus est ablutio corporis in aqua. Sed paruulus cum sit in vtero matris existens non potest lauari, cum non possit ab aqua tangi immediate. Si secundo modo, aut apparet pars principalis, vt caput, & tunc potest baptizari, non enim est verisimile, quod in die penthecostes quando baptizati sunt tria milia, Actū. quod quilibet quantum ad totum corpus suum lauaretur aqua, sed præcise quantum ad faciem aspergendo, vel quantum ad caput perfundendo, & in illo casu, si puer postea nasceretur non oporteret ipsum de nouo baptizari. Si autē apparet pars minus principalis sicut est manus, vel pes, illa est baptizanda, quia in ea est tota anima licet non omnes sensus, quia sensus vigent maxime in capite, & sic adhuc minus sufficeret ad hoc, quod esset baptizatus esto, quod nasceretur sub conditione baptizandus esset, vt docetur extra de baptismo, & eius effectu, de quibus dubium est. Credendum est enim, quod Deus suppleat in tali casu, si quid per impotentiam est omissum.

Ad argumentum in contrarium concessa maiore negetur minor. Ad probationem cum dicitur, quod peccatum non est sine electione. Dico quod verum est de peccato actuali. nego autem de peccato originali.

Vtrum Adulti non consentientes recipiant effectum baptismi?

Seraphicus Bona. 4. sem. dist. 4 q. 1. Art. I.

Scotus 4. sententiarum distinc. 4. q. 4.

QVAESTIO II.



Ad secundam quæstionem, sic proceditur. Videtur, quod paruuli non recipiant effectum baptismi, quia gratia non datur sine fide. Sed paruuli non habent fidem, igitur eis non datur gratia. Minor probatur ad

Rom. 10.

Romanos.

Contra. Augustinus in Enchiridion. Paruulus, siue decrepitus moritur peccato in baptismo, sed nullus moritur peccato nisi recipiat gratiam, ergo.

Ad istam quæstionem dico tres conclusiones, secundum quod paruuli in baptismo inter alia tria recipiunt. Prima conclusio. est, quod paruuli recipiunt fidem infusam in baptismo, secunda conclusio est quod recipiunt characterem, tertia conclusio est quod recipiunt gratiam gratum facientem.

Prima conclusio probatur, sine fide est impossibile *Cap. 11.* placere Deo, vt ait Apostolus ad Hebræos, sed paruuli, quamcito baptizantur placent Deo, ergo habent fidem, sed non habent fidem acquisitam, ergo habent fidem infusam.

Contra hoc obiicitur, quia habens habitum potest vti habitu cum voluerit. Sed paruulus baptizatus, etiam cum peruenerit ad vsum rationis non potest vti habitu fidei, quia non potest exire in actum credendi articulos fidei, ergo.

Confirmatur. Quia habens habitum aliter se habet ad actum, quā non habens, sed paruulus baptizatus non aliter se habet, nec alio modo ad actum credendi, quam si baptizatus non fuisset, ergo paruulus baptizatus non habet illum habitum infusum. Minor probatur, Quia si paruulus baptizatus nutriretur inter infideles, & ab eis doceretur, ita adhereret errori eorū, ac si non fuisset baptizatus.

Ad illa dicitur tripliciter. Primo sic, quando in aliqua potentia sunt duo habitus disparati vnus infusus, & alius acquisitus ex actibus, tunc habitus acquisitus inclinat potentiam ad actus contrarios actus habitus infusi. Nunc autem in paruulo baptizato, & inter infideles nutrito est fides acquisita contraria fidei infuse, ideo nō potest exire in actum credendi.

Fides acquisita contrariatur fidei infuse.

Secundo modo dicitur ad minorem illius obiectionis.

Ddd. iiij

nis, quod talis paruulus baptizatus, & inter infideles nutritus non alio modo se habet ad actum credendi quam si non fuisset baptizatus, quia quam cito deliberate consentit errori eorum fides infusa annihilatur.

Tertio modo dicitur, quod siue habitus habeat causalitatem respectu actus siue non, nulla virtus infusa potest probari inesse ex actibus, quia eadem rationes fierent de gratia, & tamen nullus certitudinaliter scit se habere gratiam, & ideo dicitur, quod maior est vera de habitibus acquisitis, & non de habitibus infusis.

Nota bene.

Contra hoc obiicitur, quia si Deus infunderet alicui habitum geometriæ, posset assentire veritatibus geometriæ, ergo a simili si Deus infunderet alicui fidem, posset assentire veritatibus fidei. Sed hoc non valet, quia habitus geometriæ est habitus habens euidenciam ex obiecto. Sed fides non habet euidenciam ex obiecto, quia iam non est fides.

Fides non habet euidenciã ex obiecto.

Dist. 6. vel 7. huius quarti.

Secunda conclusio persuadetur breuiter, quia de hoc erit sermo prolixior inferius. Congruum est ad formam perfectam ponere aliquã dispositionem. Sed gratia est forma perfecta & super naturalis, ergo congruum est ad formam perfectam ponere aliquam dispositionem supernaturalem. Illam autem dispositionem voco characterem, ergo paruuli baptizati recipiunt characterem. Confirmatur extra de baptismo, & eius effectu c. maiores. vbi dicitur, quod sacramentalis operatio imprimit characterem.

Tertia conclusio probatur. Deus pro statu nature lapsæ de communi lege nulli dimittit culpam quin infundat gratiam. Sed paruulis in baptismo dimittitur culpa originalis, igitur infunditur eis gratia.

Quomodo gratia non datur sine fide.

Ad argumentum in contrarium cum dicitur, gratia non datur sine fide. Conceditur de lege communi, sed negetur minor.

Ad probationem dico, quod tenet de fide acquisita, non autem tenet de fide infusa, &c.

Rom. II.



Ad tertiam quæstionem sic proceditur. Videtur, quod adulti baptizati non recipiant effectum baptismi, quia si radix sancta, & rami, ad Romanos. Si autem adulti reciperent effectum baptismi, tunc essent sancti, ergo filij

eorum essent sancti, quod est falsum, quia tunc non haberent peccatum originale, igitur.

Contra, quilibet moritur peccato in baptismo, ut dictum est per Augustinum in Enchiridion. Sed nullus moritur peccato, nisi recipiat gratiam, igitur.

Ad istam quæstionem dico præmittendo quod adultus dicitur quadrupliciter: Primo quia est adultus consentiens, secundo est adultus dissentiens, tertio est adultus fecte recipiens, quarto est adultus ex aliqua causa accidentali non distinguens. Et sic secundum istam distinctionem oportet dicere ad quæstionem quatuor breves articulos.

Adultus dicitur quatuor modis.

Primus si adultus consentiens recipit effectum baptismi. Et dico quod sic, quia medicina perfecta habet effectum suum in subiecto bene disposito. Sed baptismus est medicina perfecta contra morbum peccati originalis igitur in homine adulto consentiente, & bene disposito tollit peccatum originale. Sed de lege communi nulli dimittitur peccatum originale, sine gratia, igitur.

Secundus articulus est de adulto non consentiente si talis recipiat baptismum, & effectum baptismi. Et dico quod non consentiens potest intelligi dupliciter negative, & contrarie. Negative, ut cum negat actualem consensum, contrarie vero cum ponit actualem dissensum. Et patet illa distinctio, quia non est idem non velle, & nolle, ut dictum fuit dist. j. primi. Iterum dissentire potest quis dupliciter, videlicet, simpliciter, & secundum quid. Nam qui propter tempestates proicit merces in mari simpliciter vult, & secundum quid non vult, ut patet tertio Ethicorum, cap. de voluntario permixto. Et secundum illa dico ad hunc articulum tres conclusiones.

Non consentiens, potest intelligi duobus modis.

Dissentire potest quis duobus modis. Simpliciter, & secundum quid.

Primæ est quod non consentiens simpliciter, nec secundum quid non recipit baptismum, nec effectum baptismi, quia Deus non vult ascribere familiæ suæ aliquem omnino inuitum. Sed dissentiens simpliciter & secundum quid est omnino inuitus, ergo Deus non vult hunc ascribere familiæ suæ, talis autem ascriberetur si reciperet baptismum, & effectum baptismi.

Secunda conclusio est, quod dissentiens, secundum quid, & consentiens simpliciter recipit baptismum sicut

Dissentiens secundum

quid, & consentiens simpliciter recipit baptismum. patet de illo qui consentit propter minas, hoc patet extra de baptismo, & eius effectu, c. maiores. Vbi videtur quod quidam ad Christianitatem coacti sunt, & nobis sunt sacramentis diuinis sociati.

Tertia conclusio est, quod si non consentit negative recipit baptismum, quia non oportet semper in sacramentis præbere actuale consensum, sicut patet de sacerdote conficiente corpus Christi, quia quando consecrat potest alibi cogitare, & non habere actuale considerationem ad corpus Christi.

Distinctio istorum virtualiter, & habitualiter patet 2. lib. dist. 41.

Fictus in recipiendo potest dupliciter esse.

Semper ecclesia præsumit partem meliorem.

Tertius articulus est de adulto ficto recipiente, si talis recipit baptismum, & effectum baptismi. Et dico quod fictus in recipiendo, potest dupliciter esse.

Vno modo, quod ostendat se velle recipere ablutionem baptismi, eodem modo, quo ecclesia intendit illam conferre, & tamen oppositum habet in animo, & talis non recipit sacramentum, nec rem sacramenti. Tamen ecclesia cogit eum ad obseruantiam fidei Christianæ, quia ecclesia præsumit partem meliorem, vbi signa meliorem partem prætendunt, sicut de matrimonio patet. Nam si quis iurasset alicui per verba, de præsentis sine testibus, & postea iuraret alteri cum testibus ecclesia staret pro secundo matrimonio, cum tamen primum esset legitimum.

Alio modo potest aliquis esse fictus ostendendo se esse dispositum ad recipiendum sacramentum, & tamen interius est indispositus propter infidelitatem, vel aliud peccatum mortale in quo vellet remanere, & illo modo loquuntur doctores de ficto baptismo dicentes, quod non recipit rem sacramenti. Cuius ratio est, quia Deus non iustificat nisi volentem secundum illud Augustini. Qui creauit te sine te, non iustificauit te sine te. Sed aliter fictus habet obicem contra gratiā nolens iustificari, ergo non recipit effectum baptismi. Ad istam etiam intencionem loquitur Aug. ponitur in litera. Omnis enim qui iam suæ voluntatis arbiter est constitutus cum accedit ad sacramentum fidelium nisi poeniteat eum vitæ veteris nouam inchoare non potest.

Notandum quod hæc est differentia inter fictum primo, & secundo modo dictum, quia si primus depone-

Lib. de poenitentia, c. 2.

ret fictionē esset rebaptizandus, quia nec recipit sacramentum, nec rem sacramenti. Sed fictus secundo modo si deponeret fictionem non esset rebaptizandus, quia talis licet non habuerit rem sacramenti, habet tamen sacramentum.

Quartus articulus est de adulto non cognoscente, vel non distinguente si talis recipit baptismum, vel eius effectum.

Et est sciendum quod talis non distinguens est ille qui non utitur ratione nec uti potest. Et hoc contingit dupliciter. Quia vel ille nunquam usus est ratione nec uti potest, sicut furiosus, & fatuus à natiuitate, vel aliquando utitur ratione sicut furiosi, & fatui habentes lucida interualla.

Ad propositum de primis idem est iudicium sicut de pueris maxime si de eorum cura simpliciter desperatur.

De secundis autem dicitur, & bene, quod nisi periculum mortis immineat expectandum est donec habeant usum, & iudicium rationis, & sic poterunt baptizari consensu interueniente, & recipient sacramentum, & rem sacramenti.

Ad argumentum principale dicendum quod radix sancta, & rami sancti intelligenda est aptitudine, sed non actu, sicut ponit Augustinus, & adducit eum Magister libro secundo, de grano mundo seminato, quod nihilominus generat paleas.

Lib. 2.

DISTINCTIO V.

Circa distinctionem quintam queritur.

Vtrum iustificati teneantur ad susceptionem baptismi?

Scotus quarto sententiarum distinctio. 4. q. 6.

D. Thomas tertia parte question. 68. Articulus. 2.

Ricardus quarto sententiarum distinctio. 4. q. 3.

Durandus 4. sententiarum distinctio. 6. q. 1.

QVÆSTIO I.

Est hoc sciendum. Circa istam distinctionem quintam, & vltimam partem distinctionis precedentis quæro istas quæstiones. Primo vtrum iustificati teneantur baptizari? Secundo vtrum soli sacerdotes possunt baptizare? Tertio vtrum mali sacerdotes possint baptizare, & conferre baptismum?

Ad primam quæstionem sic proceditur. Videtur, quod iustificati non tenentur baptizari, quia de Apostolis nõ legimus, nec de beata Virgine, quod fuerunt baptizati.

Cap. 3.

Contra Io. Nisi quis renatus fuerit &c. In illa quæstione sunt duo articuli. Primus est si iustificati tenentur baptizari. Secundus est si omnes baptizati æqualiter recipiunt effectum baptismi.

Quantum ad primum, scilicet si iustificati tenentur baptizari. Dico, quod sic. Quia lex vniuersaliter promulgata omnes obligat nisi fiat in ea alicuius personæ exceptio vt notatur extra de constitutionibus. c. canonum statuta. Sed lex de baptismo est vniuersaliter promulgata. Matth. vlt. & Ioan. nec est ibi alicuius personæ exceptio, ergo.

Cap. 3.

Præterea, quilibet viator tenetur esse membrum militantis ecclesiæ non solum in notitia diuina, sed etiam in notitia ipsius ecclesiæ. Sed primum fundamentum vnde quis dicitur esse membrum militantis ecclesiæ est baptismus, igitur.

Vltimo sic, qui potest ex facili actu magnam gratiam acquirere, & negligit actum illum, videtur gratiam contemnere, vel saltem videtur illam non appreciari quanta ipsa est appreciabilis. Sed ille qui non est baptizatus quantumcunque sit iustificatus potest per actum facilem, sicut est baptismus magnam gratiam acquirere, quia quantumcunque perfecto de lege communi accedente ad baptismum augetur gratia, & si huiusmodi iustificatus sic neglexerit, videtur gratiam contemnere.

Ad baptismum triplex effectus sequitur.

De secundo articulo, dicitur vno modo, quod ad baptismum triplex effectus sequitur, scilicet characteris impressio, gratiæ infusio, & fomitis repressio. Sed constat, quod in omnibus baptizatis, non æque remittitur fomes, igitur non omnes æqualiter recipiunt huiusmodi effectum baptismi. Sed illud dictum, quod fomes pecca-

ti remittitur in baptismo, potest dupliciter intelligi. Vno modo formaliter, alio modo quantum ad effectum fomitis, qui est inclinare animam coniunctam corpori ad peccatum. Et prior intellectus est falsus, quia quando inter aliqua non est formalis repugnantia, vnum formaliter non tollit aliud, sed gratia, & fomes formaliter non repugnant, ergo vnum non tollit formaliter aliud. Maior patet. Minor probatur, quia cum gratia sit in anima, fomes autem in carne, quæ sunt diuersa subiecta, non possunt formaliter repugnare.

An fomes peccati remittatur in baptismo.

Secundus intellectus verus est, & ponitur exemplum de lapillo alligato alis aquilæ, quantumcunque crescat virtus motiua aquilæ, grauitas lapilli in se nõ minuitur, quia ista formaliter non repugnant, sed bene minuitur, quantum ad effectum, quia quantum virtus aquilæ plus cresceret, tantum grauitas illa volatum aquilæ minus impediret. Dicitur igitur ad hunc articulum, quod quo ad baptismum sequitur triplex effectus, vt scilicet dictum est, caracteris impressio, gratiæ infusio, & fomitis repressio.

Pulchrum exemplum.

Quantum ad primum, omnes æqualiter recipiunt effectum baptismi, quia siue caracter ponatur forma absoluta, siue respectiua, vt infra videbitur omnes æqualiter habent caracterem.

Ad baptismum sequitur triplex effectus.

Quantum ad alium effectum qui est fomitis repressio, patet quod in omnibus non æqualiter reprimitur fomes, sicut statim exponetur. Sed quantum ad alium effectum qui est gratiæ infusio oportet distinguere, quia ibi tria concurrunt, scilicet Deus, vt causa principalis. Christus vt causa meritoria, & homo baptizatus, vt materia receptiua gratiæ.

Nota, & bene.

Primo modo de potentia Dei ordinata omnes æqualiter recipiunt effectum baptismi, quia illi signo sensibili Deus ex parte sua semper æqualiter assistit, per hoc autem quod Deus assistit sacramentis sacramenta efficiunt, quod figurant, vt in superioribus tactum est.

Secundo modo, si quantum Christus est causa meritoria non omnes accipiunt æqualiter effectum baptismi quantum ad efficaciam, omnes tamen recipiunt effectum baptismi quantum ad sufficientiam, sicut poni

Vide Magistrum.

magister in simili li. 3 vbi querit si passio Christi meruit omnibus salutem, & dicit quod sic, quantum ad sufficientiam, sed non quantum ad efficaciam. Sic etiam potest Christus ad maiorem gratiam se offerre pro predestinatis, quam pro non predestinatis.

Cap. 9.

Tertio modo, s. quantum ad recipientes, dico, quod recipientes baptismum, aut sunt paruuli, & sic æqualiter recipiunt nisi forte ibi concurreret fides parentum & aliorum sicut innuit glosa Math. super illo verbo. Videntem Iesus fidem illorum Ait enim sic. Tantum valuit apud Deum fides aliena, vt intus, & extra sanaret hominem, homo autem non sanatur intus nisi per gratiam. Aut sunt adulti, & sic venientes cum maiori deuotione maiorem gratiam recipiunt. Iuxta regulam vulgatam. Actus actiuorum sunt in patiente prædisposito.

Cap. 13.

An Virgo
Maria fue-
rit baptiza-
ta.

Ad argumentum principale dico quod quædam glosa super illo verbo Ioan. Qui lotus est non indiget, &c. dicere videtur, quod Apostoli fuerunt baptizati, & hoc rationabile videtur, quia Christus fecit eos sacerdotes, sed ordo sacerdotii præsupponit baptismum, vt extra de præbytero non baptizato c. veniens. De Virgine Maria dicitur, vel quod illa fuit baptizata, vel quod fuit singulariter priuilegiata, quia in conceptione filii Dei habuit totam gratiam ad quam Deus illam ordinauit, ergo &c.

Vtrum soli sacerdotes possint baptizare?

Seraphicus Bona 4. sent. dist. 5. q. 1. Artic. 1.

Scotus 4. sent. dist. 5. q. 1.

D. Thomas 3. parte q. 67. Art. 2.

Ricardus 4. sentent. distinctio 5. q. 1.

QVAESTIO II.

Cap. 20.



Secundam quæstionem sic proceditur. Videtur, quod soli sacerdotes possint baptizare, quia solis sacerdotibus datur potestas dimittendi peccata, Ioan. sed in baptismo remittuntur peccata, ergo.

Contra, de consecrat. dist. 4. c. Romanus pontifex, dicitur ibi, quod spiritus sanctus subministrat gratiam

etiam si paganus sit qui baptizat.

Ad quæstionem dico tres breues conclusiones. Prima conclusio est, quod congruum est solum viatorem baptizare. Secunda conclusio est, quod congruum est inter viatores solum sacerdotes baptizare. Tertia conclusio est, quod in necessitatis articulo quilibet homo potest baptizare.

Prima conclusio probatur sic. Tum quia Christus instituit sacramentum baptismi, & fuit homo. Tum quia in sacramento baptismi est aliquid sensibile, & aliquid spirituale, & per consequens magis competit videnti sensui, & intellectu quam naturæ pure intellectuali. Tum etiã quia post susceptionem baptismi baptizatus ascribitur vt membrum ecclesiæ militantis, igitur est congruum hoc fieri per aliquem de ecclesia militante.

In baptismo est aliquid sensibile, & aliquid spirituale.

Secunda conclusio probatur, quia baptizatus recipitur per baptismum in collegium ecclesiæ militantis, sed receptio alicuius in aliquod collegium pertinet ad præfidentes, & auctoritatem habentes in collegio, tales autem sunt sacerdotes, & episcopi, & alij superiores prælati, ergo.

Tertia conclusio probatur sic. Tabula contra naufragium tempore naufragii potest à quolibet non impedito ministrari, sed baptismus est talis tabula, ergo tempore naufragij, puta in articulo necessitatis potest à quolibet non impedito ministrari. Voco autem ministrum non impeditum illum qui non est mancus, sed habet potentiam motiuam administrandum, & illum qui non est mutus, sed habet linguam verbis exterioribus expressiuam, & illum qui non est amens, sed habet discretionem, & intencionem facti determinatam intendens facere, quod facit ecclesia.

Baptismus est tabula contra naufragium.

Vide omnia in Scoto.

Sed diceret aliquis. Igitur Angelus in assumpto corpore secundum ista potest baptizare, quia potest habere omnia prædicta. Dico, quod si illud faceret Angelus bonus esset verum baptisma. sicut legimus de sancta Christina quam baptizauit Angelus, in lacu Vulsino. Si autem est malus Angelus & faceret ex præcepto diuino adhuc esset verum baptisma. Sed quando occurrit talis casus sicut dicit Bonauentura, esset diuina reuelatio expectan-

An Angelus possit baptizare.

q. i. huius dist.

Sed diceret, nunquid recipiens baptismum scienter à tali sacerdote malo peccat mortaliter.

Respondeo, quod malus minister aut est præcisus totaliter ab ecclesia, vel ad tempus, aut non præcisus, & in utroque membro potest esse dubium. De primo autem sunt duo modi dicendi oppositi. Vnus dicit, quod tenetur quis à tali ministro recipere baptismum si non posset habere alium ministrum, quia baptismus est sacramentum necessitatis. Alius modus dicit, quod non debet recipere baptismum, & si recipit à tali ministro mortaliter peccat. Et hoc declaratur sic. Quia baptizandus aut est adultus aut est paruulus. Si adultus sufficit baptismus flaminis quando non potest habere baptismum flaminis. Si autem baptizandus sit paruulus habens paruulum baptiset eum si non potest habere alium magis idoneum, quia cum præciso non licet sibi communicare pro paruulo suo.

*Ricar. dist.
presenti ar-
tic. 3. q. 4*

Sed contra illud, quia præceptum superioris plus obligat, quam præceptum inferioris. Sed Deus præcepit baptismum suscipi, ecclesia autem prohibet communicare cum præciso, igitur magis est obediendum præcepto diuino quam ecclesiæ in illo casu.

Præterea plus tenetur excommunicatus vitare alium quam alius vitare eum, quia præceptum de vitando non imponitur alicui nisi propter se, præcisus autem in casu isto non tenetur vitare alium, immo tenetur non vitare. Quia si talis præcisus sciret paruulum aliquem non baptizatum statim mori debere, teneretur eum baptizare necessario ne moreretur in anima, ergo si præcisus in tali casu non tenetur vitare alium nec econuerso, alius tenetur vitare ipsum. Dicitur igitur quod adulto licet recipere baptismum à præciso si alius minister haberi non potest, & hoc quidem videtur haberi ab Augustino de baptismo contra Donatistas. Potest etiam forte non recipere, quia baptismus flaminis sufficeret sibi propter reuerentiā ecclesiæ talem vitare præcipientis. Pensatis tamen omnibus melius dicitur, quod à tali recipiat quam quod ex hac vita sine baptismo discederet.

Lib. 6.

Quantum ad paruulum si nullus potest haberi minister nisi præcisus, & imminet periculum mortis, tene-

tur necessario ille offerre paruulum suum præciso. Nimis enim durum esset, quod teneretur paruulum suum perpetuæ damnationi exponere, cum posset habere aliquem qui paruulum suum baptizaret.

Dubium notabile, & curiosum.

Quantum ad secundum membrum distinctionis, scilicet de malo non præciso ab ecclesia, qualis est ille qui est occulte malus. Dicitur quod debet quis recipere baptismum à tali ministro, quia propter peccatum, quod non est notorium non debet quis in actibus notoriis vitare proximum. Si autem esset publice, vel notorie malus huiusmodi minister, tunc aut incumbit sibi dispensare sacramentum baptismi, vt puta, quia est curatus aut parochialis sacerdos, aut non incumbit sibi ex officio baptizare. Si primo modo non peccat, qui recipit baptismum pro se, vel pro alio paruulo suo. Si secundo modo, & posset habere aliquem cui non incumbit ex officio baptizare, aut est æque malus aut melior. Si melior peccat ille qui recipit ab alio. Si autem est æque malus debet recipere baptismum à suo curato.

Ad argumentum principale dicitur, quod non est simile, in proposito de membris corporis naturalis, & de membro corporis mystici, quia in corpore naturali est vna vita numero in omnibus membris, & participatur ab eis quodam ordine, quia primo est in corde, secundo in aliis membris propinquiioribus. Sed in corpore mystico non est vna vita numero nec illa vita per prius est in hoc membro quam illo, nisi quantum ad gradum ministrandi.

DISTINCTIO VI.

Circa distinctionem sextam quæritur,

Vtrum in baptismo imprimatur caracter?

Seraph. Bona. 4. sent. dist. 6. q. 4. Artic. 1.

Scotus 4. sent. dist. 6. q. 9.

D. Thomas 3. parte. q. 63. Artic. 1.

Ricar. 4. sent. dist. 5. q. 4.

Ioannes Baconitanus 4. sent. dist. 6. 2.

QVÆSTIO I.

Nunc autem quilibet. Circa istam distinctam sextam quæro quatuor quæst. Primo vtrum in baptismo imprimatur caracter. Secundo vtrum caracter sit forma absoluta. Tertio vtrum caracter sit forma respectiua. Quarto vtrum caracter sit in essentia animæ, vt in subiecto.

Ad primam quæstionem, sic proceditur. Videtur quod in baptismo non imprimatur caracter, quia baptismus succedit circumcisioni, sed in circumcisione non imprimebatur caracter, ergo, probatio minoris, quia caracter circumcisionis fuisseit eiudem rationis, cum caractere baptismi, & tunc si circumcissus fuisseit post circumcisionem baptizatus, fuisseit in illo duo characteres, & per consequens duo accidentia eiudem speciei, quod est inconueniens.

Contra. Sacramentum non iterabile habet aliquem effectum indelebilem. Sed baptismus est sacramentum non iterabile, ergo habet aliquem effectum indelebilem, nisi ponatur caracter, ergo in baptismo imprimitur caracter.

In ista quæstione sunt tres articuli. Primo est videndum quid importatur nomine caracteris. Secundo si in baptismo imprimitur caracter. Tertio si caracter impressus sit forma delebilis, vel indelebilis.

Quantū ad primum articulum, sunt tria notanda. Primo quod caracter idem est quod signum, vel figura. Si- *Quid sit ca-
racter.* gnium autem accipitur duobus modis, quia est signum interius, & exterius, vel signum in anima, & signum in corpore. Si loquimur de signo exteriori facto in corpore, tunc ablutio baptismatis potest dici caracter. Si lo- *Signum duo
bus modis su-
mitur.* quimur de signo interiori facto in anima, sicut in proposito loquimur, tunc aliquid spirituale impressum animæ à Deo in baptismo dicitur caracter.

Secundo est notandum, quod illud spirituale modo præexposito impressum animæ in baptismo nō est gratia, nec aliqua virtus infusa, puta fides, spes, vel charitas. Probatur, quia caracter, secundum loquentes de eo semper imprimitur in baptismo, sed illæ virtutes non sem- *Nō ē bene,*

per imprimuntur in baptismo, sicut est in fide baptizato
Præterea. Ponentes caracterem ponunt eum inde-
lebilem. Sed illæ virtutes sunt indelebiles, vt patet in
peccante mortaliter, ergo.

*Caracter ha-
bet quinque
proprietates.*

Tertio est notandum, quod illud spirituale impres-
sum animæ, quod dicitur caracter habet ad minus quin-
que proprietates. Prima quod est signum assimilatiuum
alteri habenti, secunda quia est signum distinctiuum à
non habente, tertia, quia est signum rememoratiuum
sacramenti suscepti, quarta, quia est signum conforta-
tiuum, quinta, quia est signum obligatiuum, quia susci-
piens sacramentum obligatur Deo.

*Quære opinan-
tem iurist. ex
de. retis. 1. q.
1. cap. quidam
dicunt.*

His præmissis dicitur ad secundum articulum, secun-
dum duas opiniones.

Vna negat animæ caracterem imprimi, quod proba-
tur sic. Sicut est de alijs rebus sanctificatis, ita videtur esse
de hominibus baptizatis. Sed alia sanctificata sicut cali-
ces, vel ecclesiæ consecrata non recipiunt aliquam no-
uam formam, vel qualitatem per hoc, quod consecran-
tur, ergo, nec homines baptizati recipiunt aliam for-
mam spirituales quam vocas caracterem.

Secundo sic. Nihil est ponendum frustra in operi-
bus Dei. Sed caracter si poneretur frustra poneretur, er-
go. Probatio minoris, quia si caracter nō poneretur fru-
stra, hoc est quia ponitur, vt dispositio præuia ad effectū
baptismi principalem, qui est gratia. Sed ratio non valet,
quia anima non habens peccatum est summe disposita
ad sumendam gratiam, & Deus est potentia infinita,
ergo.

Diceres, quod caracter ponitur propter effectus assi-
gnatos, quia est signum rememoratiuum, conforma-
tiuum, & obligatiuum, sic non ponitur frustra.

Contra illud sic. Ita potest aliquis rememorari, con-
formari, obligari alicui domino, sine signo inherente,
sicut cum signo inherente, igitur frustra ponitur. Con-
sequentia patet. Probatio antecedētis. Ille qui profitetur
in aliqua religione post professionem obligatur præ-
lato, & tenetur sibi conformari, & tamen nullam for-
mam recipit, & similiter est de illo qui facit alicui do-
mino homagium.

Tertio sic principaliter. Deus non dat donum suum alicui actualiter mortaliter peccanti. Sed fictus suscipiendo baptismum peccat mortaliter, quia facit irreuerentiam sacramento, ergo Deus non dat ei illud spirituale donum, quod tu vocas caracterem.

*D. Thom. in
4. dist. 1. q. 4.*

Alia opinio est, quod sicut non potest probari ratione naturali gratiam, vel charitatem esse in anima, & tamen ponimus eam, ita non potest probari ratione naturali caracterem imprimi animæ, & tamen oportet ponere eum in anima. Quod auctoritatibus probatur.

*Adducendo
authoritatē
Dionysii.*

Primo auctoritate Dionysij Hierarchiæ ecclesiasticæ, dicit enim. Venienti ad baptismū datur à summo sacerdote sacramenti signaculum, Sed sacramenti signaculum est caracter, ergo.

Cap. 2.

Secundo probatur per Damasc. qui dicit, quod per baptismum fit nobis regeneratio, & sigillum, per sigillum intelligens caracterem.

Lib. 4. c. 1.

Tertio, auctoritate Augustini, contra Donatistas. Satis enim inquit eluxit ouem quæ foris dominicum caracterem acceperat venientem ad salutem ab errore corrigi, caracterem tamen in ea dominicum agnosceret. Sed dicitur, & bene quod illæ auctoritates sunt potius vocales, quam reales, ergo si aliqua auctoritas cogit ad ponendum caracterem imprimi in baptismo est auctoritas ecclesiæ, quæ est maxima auctoritas, ut ponit Augustinus contra epistolam fundamenti. Arguitur sic, de sacramentis sentiendum est, sicut sentit ecclesia Romana. Extra de hæreticis, ad abolendam. Sed sacrosancta ecclesia Romana asserit imprimi caracterem in baptismo, ergo. Probatio minoris, extra de baptismo, & eius effectui. Qui fide accedit ad baptismū, caracterem suscipit christianitatis impressum.

*Libro 6. de
baptismo.*

Diceres, quod caracterem Christianitatis impressum vocat ipsum baptismum.

Contra, quia ibidem sequitur, quod caracterem imprimit sacramentalis operatio. Sed sacramentalis operatio est baptismus, igitur baptismus imprimit caracterem.

Cap. maiores

Ad istam conclusionem inducuntur aliquæ congruentiæ.

*Aliquæ con-
gruentiæ.*

Prima est, quod congruum est ad formam perfectam poni aliquam dispositionem, sed gratia est perfecta forma, & supernaturalis, igitur congruit ad eam poni aliquam dispositionem supernaturalem, istam dispositionem voco characterem.

Secunda est ista. Non est congruum Deum instituisse sacramenta nouæ legis esse vana, sed essent vana, nisi haberent aliquem effectum. Nunc autem non semper habent effectum qui est gratia, ergo habent alium effectum, & illum voco characterem. Sed illa congruentia parum valet, quia si valeret tunc quodlibet sacramentum imprimeret characterem, quod est falsum.

*Congruentia
melior.*

Ideo additur tertia congruentia melior, quæ talis est. Receptus in familiam Christi, debet distinguere à non recepto per aliquod intrinsecum sibi. Sed illud intrinsecum distinctiuum ponitur character.

Ad argumenta præcedentis opinionis illa non concludunt. Ad primum dico, quod alia sacramenta non recipiunt formam spirituales eis inhærentem, quia non sunt capacia talis formæ, homo enim est capax, tam gratiæ, quam dispositionis ad gratiam quæ dispositio dicitur character.

Ad secundum concessa maiore negetur minor, licet enim Deus de potentia sua absoluta posset creare gratiâ in anima, quæ gratia est principalis effectus baptismi, & etiam alios effectus qui sunt assimilare, distinguere, &c. sine illa forma, quæ dicitur character, tamen de potentia ordinata, dicitur quod causat illos effectus, mediante tali forma, propter primam & secundam congruentiam, superius assignatas.

*Ad baptismum
duo concurrunt.*

Ad tertium dico, quod in baptismo concurrunt duo dona, scilicet dispositiuum quod est character, & perfectiuum quod est gratia. Quando igitur dicitur, Deus non dat donum suum actualiter peccanti mortaliter, concedo de dono perfectiuo, sed nego de dono dispositiuo, & hoc vel quia non vult sacramentum suum esse vanum, vel propter alias causas superius assignatas.

*Communis
opinio, quod.*

De tertio articulo communis opinio est, quod character est forma indelebilis. Cuius causam aliqui assignant quia character est in anima, secundum essentiam

sed anima est inuariabilis secundum essentiam, ergo. *caracter est*

Contra, secundum eos, quia gratia est in essentia *forma inde-*
animæ, ergo esset indelebilis. Ideo dicitur, quod *car-*
lebilis.

acter potest comparari ad Deum, vel ad agens creatum.
Si caracter comparatur ad Deum sic potest deleri, quia
qui potest aliquam formam creare, potest ipsam annihila-
re. Si autem comparatur ad agens creatum sic caracter
est forma indelebilis, & hoc conuenit sibi, quia est
talis natura.

Vbi notandum, quod triplex est habitus, scilicet *Triplex est*
innatus, acquisitus, & infusus. Primus quidem est om- *habitus.*

nino indelebilis, secundus autem est delebilis, vt patet. *2. Eth. c. 5.*

tertius habitus, aliquando est delebilis, aliquando in-
delebilis, & hoc ideo, quia habitus infusus, aliquando
datur ad dirigendum, aliquando ad distinguendum.
Aliquando habitus infusus datur ad dirigendum, quia
potest recipere repugnantiam in subiecto, ideo talis
habitus est delebilis. Sed quandoque habitus imprimi-
tur ad distinguendum, & talis habitus est indelebilis.
Sic autem imprimitur caracter, vt in secundo articulo
dictum est.

Ad argumentum in contrarium dicitur negando
minorem. Ad probationem quando dicitur, duo acci-
dentia eiusdem speciei essent in eodem subiecto, nege-
tur consequentia, quia vel illi duo characteres non essent
eiusdem speciei, vel si essent eiusdem speciei, dico
quod habens caracterem in circuncisione non recipiet
aliu[m] caracterem in baptismo, sicut subiectum, quod
est in potentia ad albedinem, recepta albedine ab vno
agente non potest recipere aliam ab alio agente, vel
ab eodem agente, ergo, & c.

Vtrum caracter sit forma absoluta?

Seraphicus Bona. 4. sent. dist. 6. q. 1. Artic. 1.

Scotus 4. sent. dist. 6. q. 10.

Ricardus tertio sentent. distinctio 5. q. 1.

Durandus 4. sentent. distin. 4. q. 1.

QVÆSTIO II. & III.

Ecc iiii

AD secundam, & tertiam questionem, sic pro-
editur simul. Videtur, quod caracter non sit
forma absoluta, quia omnis forma absoluta,
quæ est in anima, vel est potentia, vel passio,
vel habitus, sed caracter nullum illorum est,
ergo. Minor probatur. Non enim est potentia, quia non
est naturaliter in anima. Nec est passio, quia est forma
permanens. Nec est habitus, quia habitu potest quis be-
ne, vel male operari. Sed caractere non potest quis be-
ne operari, quia stat cum peccato mortali, nec potest
male operari, quia est à Deo, ergo.

Contra dispositio est eiusdem rationis cum forma
ad quam disponit, sed caracter disponit ad gratiam, igitur
est eiusdem rationis cum gratia, sed gratia est for-
ma absoluta, ergo.

In illa questione sunt duo articuli. Primus in qui-
bus sacramentis imprimitur caracter. Secundus si caracter
impressus sit forma absoluta.

*In tribus sa-
cramentis im-
primitur ca-
racter.*

Quantum ad primum dico, quod caracter imprimi-
tur, tantum in tribus sacramentis, scilicet in baptismo,
confirmatione & ordine. Cuius ratio est, quia in illis
sacramentis imprimitur caracter in quibus aliqui, vel
primo recipitur in familiam Christi, vel recipit deter-
minatum gradum inter illos qui sunt de familia Chri-
sti, sed baptismus est sacramentum quo quis recipitur in
familiam Christi. Confirmatio autem, & ordo sunt sa-
cramenta quibus aliqui recipiunt determinatum gra-
dum inter familiares Christi.

Alii autem probant illud idem sic. In illis tantum
sacramentis imprimitur caracter, quæ non iterantur,
sed sacramenta non iterabilia sunt tantum illa tria, scili-
cet sacramentum baptismi, confirmationis, & ordinis.

D. Thom. in

4. dist. 4. q. 1. Caracter est forma absoluta quod probatur sic. Mutatio non
Vide Alex. est nisi ad formam absolutam, ex 5. Philosophorum. Sed ad
Et Bona hic caracterem est mutatio, ergo caracter est forma abso-
5. phys. cent. luta. Minor probatur in fide baptizato qui nihil aliud re-
10. & inde. cipit in baptismo, nisi caracterem.

Secundo sic. Relatio non est fundamentum relatio-
nis. Sed caracter est fundamentum multarum relatio-

num, quia est signum rememoratiuum, conformati-
uum, obligatiuum, & cætera huiusmodi, ergo.

Tertio sic. In relatione non est potestas actiua, nec
passiua. Sed in caractere est potestas actiua, & passiua,
ergo. Minor probatur. In caractere baptismali est po-
tentia passiua, quia per eum est homo capax alio-
rum sacramentorum. In caractere autem ordinis est
potentia actiua ad multos sacros actus in ecclesia, ergo.

Quarto sic. Character est principium assimilandi bap-
tizatum Christo, & alteri baptizato. Similitudo autem
est vnitas fundata in qualitate, ergo character est qualitas
& per consequens forma absoluta.

Secunda opinio est, quod character sit forma res- *D. Thom. ubi
supra q. 2.*
pectiua, quia ad quidditatem alicuius formæ absolutæ
non pertinet essentialiter aliquis respectus. Sed ad quid-
ditatem characteris pertinet essentialiter aliquis res-
pectus, ergo character non est forma absoluta. Minor pro-
batur per illum, cuius est præcedens opinio. Dicit enim
in definitione characteris, quod character est signum fidei
communis, & sacræ ordinationis fidelium, signum
autem est relatio.

Præterea nihil est ponendum perfectius, quam natura
requirat. Sed natura characteris non necessario requirit,
quod habeat perfectionem formæ absolutæ, ergo non
est forma absoluta. Minor probatur, quia nulla de ratio-
nibus præcedentis opinionis cogit ponere characterem
esse formam absolutam. Prima non valet, quia habet
maiores falsam, si intelligatur de omni respectu, & de
omni eo quod est ad aliquid. Est enim respectus extrin-
secus, & intrinsecus adueniens. Character autem ponitur
respectus extrinsecus adueniens, & ad hunc respectum
potest esse motus. Similiter secunda ratio habet maio-
rem falsam. Quia secundum Euclidem. s. geometriæ in
principio. Proportionalitas est similitudo duarum pro-
portionum, igitur super proportionem, quæ dicit for-
maliter relationem, & super vnitatem eius fundatur si-
militudo, & sic relatio fundatur in relatione. Tu dicis,
igitur potest esse processus in infinitum, in relationi-
bus nego consequentiam. Nam accidens fundatur in
accidente, vt qualitas in quantitate, & tamen non est

*Duplex est
actus.*

processus in infinitum in accidentibus.

Ad tertium dico, quòd duplex est actus, scilicet naturalis, & sacramentalis, licet ergo in relatione non sit potestas ad actum naturalem, tamen bene potest esse ad actum sacramentalem.

Ad quartum dico, quod similitudo, largo modo sumpta, potest esse in qualibet forma, & non solum in qualitate.

*Caracter est
habitus in-
fusus.*

Ad argumentum in contrarium. Ad primam partem quæstionis, si teneatur, quod caracter sit forma absoluta potest concedi, quòd sit habitus non innatus, nec acquisitus, sed infusus. Tu dicis, quia habitu contingit, uti bene, vel male, dico quod non est verum de omni habitu. Si autem teneatur, quòd caracter sit forma respectiua, respondetur ad argumentum in contrarium, quòd non est inconueniens aliquam relationem disponere ad formam absolutam respectu agentis supernaturalis, sicut est in proposito.

Utrum caracter sit in essentia animæ, ut
proximo subiecto?

Seraphicus Bona. 4. senten. distinc. 6. q. 3. Artic. 1.

Scotus 4. senten. distn. 11.

D. Thomas 3. parte quæst. 63. Artic. 4.

Richardus 4. senten. distinc. 5. q. 2.

QVÆSTIO IIII.



Ad quartam quæstionem sic proceditur. Videtur quod caracter non sit in essentia animæ ut in subiecto. Quia dispositio, & forma ad quam disponit sunt in eodem subiecto. Sed caracter disponit ad fidem, ergo est in eodem subiecto cum fide, sed fides est in potentia intellectiua, ergo.

Contra, dispositio est in eodem subiecto cum forma ad quam disponit, sed caracter disponit ad gratiam, ergo est in eodem subiecto cum gratia, sed gratia est in essentia animæ, ergo, & caracter.

Ad istam quæstionem dico, quod in ea possunt esse tres conclusiones, secundum quod de ea sunt tres opiniones.

Vna dicit, quod caracter est in tota essentia animæ, quia caracter distinguit membrum Christi a non membro Christi, sed membrum Christi distinguitur a non membro Christi secundum totam essentiam animæ, ergo. Item dispositio est in eodem subiecto cum forma ad quam disponit. Sed caracter disponit ad gratiam, igitur est in eodem subiecto cum gratia. Sed gratia est in tota essentia animæ, igitur & caracter. Sed ista non concludunt. Primum non, concedo enim quod caracter est in anima, sed propter distinctionem non oportet, quod sit in tota animæ essentia sicut corpus distinguitur ab alio corpore colore, non tamen oportet quod color sit in toto corpore, sed sufficit quod sit in superficie. Nec secundum cogit, quia maior est vera de illa dispositione, quæ sit habitus, sed de alia dispositione hoc non oportet, habitus enim vnius potentie potest disponere ad formam, & ad terminum alterius potentie sicut habitus fidei disponit ad habitum charitatis.

Alia opinio est, quod caracter est in potentia cognitiua, quia sicut gratia est in essentia animæ, ita dispositio ad gratiam est in potentia animæ. Sed caracter est dispositio ad gratiam, igitur est in potentia animæ, sed non in qualibet potentia animæ. Quia cum potentie distinguantur realiter tunc non esset vna simplex forma, igitur est in vnica potentia. Sed magis rationabile est, vt ponatur in potentia cognitiua, quam in alia, quia caracter est ad configurandum trinitatem creatam, trinitati increatæ. Sed trinitas creata, vel eius imago consistit principaliter in potentia intellectiua à qua oritur voluntas.

Præterea, vt arguebatur superius, in eodem subiecto est dispositio, & forma ad quam disponit. Sed caracter disponit ad fidem, & fides est in potentia intellectiua, igitur.

Contra dispositio ad formam nunquam est in posteriori susceptiuo formæ. Sed caracter per te est dispositio ad formam, siue ad gratiam, & gratia, vt concedis est in essentia animæ, igitur caracter non potest esse in aliquo

*D. Thom. 1
part. 1. q. 63.
Arisc. 4.*

*Quomodo ca-
racter non est
in tota essen-
tia animæ.*

*D. Thom.
distinct. 44.
Arisc. 1. q. 3
hoc idem Ale-
xand. & Bona-
& Ricardus
vbi supra, &
de Varrone
q. 3. quod. iue*

susceptiuo posteriori ipsa essentia animæ. Sed per te potentia animæ est posterior eius essentiæ, quia ponis, quòd est accidens eius. igitur, & caracter non est in potentia animæ, ergo, &c.

Opinio Sco.

Tertia opinio est, quod caracter principaliter est in voluntate, quia dispositio est in eodem subiecto, cum forma ad quam disponit, sed caracter disponit ad gratiā, & gratia est in voluntate, vt patuit, ergo caracter est in voluntate. Sed illa ratio forte solueretur, sicut fuit soluta secunda ratio primæ opinionis.

Lib. 2. dist. 26.

Quomodo caracter sit in voluntate.

Ideo alio modo arguitur, & hoc sic. Caracter est signum, vel fundamentum cuiusdam obligationis animæ ad Deum, igitur est rationabile, quòd ponatur in illa potentia per quam homo principaliter obligatur Deo. Sed illa potentia est voluntas, quia voluntatis est primo mereri, vel demereri, igitur caracter est in voluntate.

Dispositio duplex est.

Ad argumentum in contrarium dico, quòd dispositio est duplex, scilicet proxima, & remota. Maior autem est vera de dispositione proxima, sed nō de dispositione remota.

Nunc autem caracter non est dispositio proxima ad fidem, vt fides est, sed ad gratiam, quæ est in voluntate, vt dictum est, ergo &c.

DISTINCTIO VII.

Vtrum sacramentum confirmationis sit necessarium ad salutem?

Seraphicus Boni. 4. sent. dist. 7. quest. 2. Art. 3.

Scotus 4. sent. dist. 7. q. 2.

Richardus 4. sentent. dist. 7. q. 1.

QVAESTIO I.

NVNC de sacramento consecrationis. Circa istam distinctionem septimam quaro quatuor quæstiones. Primo. Vtrum sacramentū confirmationis sit necessarium ad salutem? Secundo vtrum in sacramento confirmationis conferatur gratia gratum faciens? Tertio vtrum sacramentum confirmationis possit reiterari? Quarto, quæ est pœna iterantis.

Ad primam quæstionem sic proceditur. Videtur quod sacramentum confirmationis sit necessarium ad salutem. Quia quilibet christianus tenetur esse plenus christianus, sed non est plenus christianus sine sacramento confirmationis, vt habetur de consecra. di. 5. c. Omnes fideles.

Contra. Habenti gratiam gratum facientem non est aliud necessariū ad salutem. Sed in baptismo datur gratia gratum faciens, igitur nullum aliud ad salutem est necessarium, ergo &c.

Ad istam quæstionem pono tres conclusiones. Prima est, quod sacramentum confirmationis non est simpliciter necessarium ad salutem, secunda est quod sacramentum confirmationis est necessarium homini adulto ad salutem, tertia conclusio est, quod sacramentum confirmationis præsupponit baptismum, ita quod sine baptismo nullus potest confirmari.

Prima conclusio probatur sic. Illud sacramentum non est simpliciter necessarium, sine quo aliquis nisi contemnat potest peruenire ad salutem, sed sine sacramento confirmationis, vbi homo agit ex contemptu potest peruenire ad salutem, sicut tenemus de paruulis baptizatis, tamen non confirmatis, igitur. Minor probatur per illud Matth. Qui crediderit, & baptizatus fuerit &c. & de consecra. di. 5. Spiritus sanctus, vbi dicitur quod solum baptismo regenerati saluantur.

Cap. vltimo.

Secunda conclusio probatur. Quia illud est necessarium adulto sine quo adultus exponeret se periculo mortis æternæ, supposito quod posset illud habere, sed sine sacramento confirmationis adultus exponeret se periculo mortis æternæ, supposito vt dictum est, quod posset illud habere, quia ageret ex contemptu, qui ante

contemnit non est perfectus Christianus, vt notatur extra de sen. excommun. igitur illud sacramentum est necessarium ad ulto ad salutem.

Li 2. part. 7. cap. 3. Ad istum intellectum loquitur Hugo de sacramentis. Timendum est his qui per negligentiam dimitunt episcopi presentiam, & non suscipiunt manus impositionem ne forte propterea damnentur. Et quod dicit forte est intelligendum, quia si poeniteant, & postea accipiant non damnentur.

Tertia conclusio probatur sic, quia in baptismo datur gratia iustificans, in confirmatione vero datur gratia roborans, sed gratia roborans praesupponit gratiam iustificationis, igitur sacramentum confirmationis praesupponit gratiam baptismi.

Quid respiciat caracter baptismi.

Præterea illud sacramentum praesupponitur à confirmatione, & ab omnibus sacramentis in quibus imprimitur caracter, cuius caracter est fundamentum omnium aliorum, sed caracter baptismi est huiusmodi, ergo. Minor probatur, quia caracter baptismi respicit initium fidei, alij autem characteres respiciunt statum fidei. Sed status praesupponit initium, ergo characteres aliorum sacramentorum praesupponunt caracterem baptismi.

Ad argumentum in contrarium dico quod quilibet Christianus tenetur esse plenus christianus, & est plenus Christianus sine sacramento confirmationis, dummodo non contemnit, sed contemneret quando haberet presentiam episcopi, & non acciperet.

Vtrum in sacramento confirmationis conferatur gratia gratum faciens?

D. Thom. 3. par. quest. 72. Artic. 7.

Petrus de Aquila 4. lib. sent. dist. 7. q. 2.

QVÆSTIO II.

AD secundam quæstionem sic proceditur.
 Videtur quod in sacramento confirmationis non conferatur gratia gratum faciens.
 Quia gratia gratis data respicit pœnam, gratia autem gratum faciens respicit culpam, sed confirmatio est contra pœnam, quia est contra pusillanimitatem, ergo &c.

Contra per auctoritatem Rabani. Per impositionem manuum spiritus sanctus traditur baptizato, sed spiritus sanctus non datur nisi per gratiam gratum facientem, ergo, &c.

Ad istam quæstionem dico tres conclusiones. Prima conclusio est, quod in sacramento confirmationis confertur gratia gratum faciens. Probat. Quia de sacramentis sentiendum est, & tenendum, quod tenet sacrosancta ecclesia Romana, ut patet extra de hæreticis ad abolendam. Sed sancta Romana ecclesia tenet quod in confirmatione confertur gratia gratum faciens, ergo &c. Minor probatur extra de sacra unctione, capite cum pervenisset. Vbi dicitur, quod per confirmationem spiritus sanctus datur ad augmentum, & robur: sed spiritus sanctus non datur simpliciter homini, nisi per gratiam gratum facientem.

Sed est notandum, quod gratia gratum faciens dicitur dupliciter. Vno modo faciens gratum de non gratia, & talis gratia confertur in baptismo, & pœnitentia. Alio modo dicitur gratia gratum faciens, quæ de grato facit magis gratum, & tali modo confertur gratia in confirmatione.

Gratia gratum faciens dicitur duobus modis

Secunda conclusio est. Cum enim in baptismo conferatur gratia, & in confirmatione similiter conferatur gratia, nunquid hæc, & illa sunt eadem gratia. Et dicitur tripliciter. Vno modo, quod hæc, & illa differunt essentialiter sicut virtutes, & dona, quia in baptismo datur gratia, quæ influens in potentias facit virtutes. In confirmatione autem confertur gratia, quæ influens in potentias facit dona: Sed in ordine confertur gratia, quæ facit beatitudines. Alio modo dicitur, quod

hæc & illa gratia differunt essentialiter sicut morbi contra quos ordinantur, gratia enim baptismalis est contra morbum infidelitatis, gratia autem confirmationis est contra morbum pusillanimitatis. Tertio modo dicitur, quod hæc, & illa gratia differunt sicut duo gradus eiusdem formæ sicut dictum fuit supra.

*Li. 1. dist. 3. q.
de augmento
charitatis.*

Tertia conclusio est in quo sacramento confertur magis, & minus gratiæ in baptismo, an in confirmatione. Et dicitur quod gratia confirmationis præsupponit gratiam baptismalem sicut bene esse præsupponit esse, quando ergo bene sit comparatio harum gratiarum hæc potest fieri dupliciter. Vno modo sine præcisione, & sic omnino maior est gratia confirmationis, quam baptismalis: sicut bene, & perfectè viuere est melius, quam viuere. Si autem fiat comparatio harum gratiarum cum præcisione, sic maior est gratia baptismalis, quam confirmationis, quia maioris virtutis est mortuum viuificare, quam viuificatum fortificare. Sed per gratiam baptismalem homo mortuus viuificatur, in confirmatione autem homo viuificatus fortificatur, ergo.

*Gratia gratum
faciens
est contra culpam, & pusillanimitatem.*

Ad argumentum in contrarium cum dicitur, quod gratia gratum faciens est contra culpam. Dico quod non tantum est contra culpam, sed etiam contra pœnam eatenus quatenus ordinata est ad culpam, & talis est pusillanimitas.

Vtrum sacramentum confirmationis
possit iterari?

Seraphicus Bonauent. 4. sentent. distinct. 7. questio 1. Art. 3.

Scotus 4. sent. distinct. 7. q. 2.

Ricard. 4. sent. dist. 7. q. 2.

QVAESTIO III.

Ad



Ad tertiam quæstionem sic proceditur. Videtur quod sacramentum confirmationis possit iterari, quia ubi morbus potest iterari, ibi conuenienter medicina potest iterari, sed confirmatio est medicina contra morbum pusillanimitatis & ille morbus potest iterari, ergo. In contrarium est Magister in litera.

In illa quæstione sunt tres articuli. Primus est a quo sacramentum confirmationis conferatur, secundus est, si illud sacramentum iteratur, tertius est quæ pœna iterans istud sacramentum puniatur, & per illum articulum patet solutio ad quartam quæstionem in principio huius distinctionis positam.

De primo videtur forte alicui, quod sacramentum confirmationis potest à quolibet sacerdote ministrari per dictum Gregorii ad Ianuarium episcopum, ut scribitur in canone de conse. dist. 5. c. peruenit. Ait enim sic. peruenit ad nos quosdā scandalizatos fuisse eo quod præbiteros tangere crismate illos, qui baptizati sunt prohibuimus, sed si omnino de hac re aliqui contristentur, ubi episcopi desunt, ut præbiteri etiam in frontibus baptizatos crismate tangere debeant concedimus.

Sed dicendum est, quod solum episcopi conferre possunt hoc sacramentum, quia in primitiua ecclesia solis apostolis licuit conferre, sed solum episcopi sunt successores apostolorum, ergo.

Ad decretum vero Gregorii dicitur quadrupliciter. Vno modo, quod Papa concessit, quod possent præbiteri ibi tangere in fronte aliquo oleo, sed non consentit de crismate, sed hoc est contra textum litteræ, ut patet ibidem.

*Ad decretum
Gregorii di-
citur modis.*

Ideo secundo modo dicitur, quod Papa propter scandalum Vitandum illud concessit ad tempus. Sed illud non valet quia vtilius scandalum nasci permittitur, quā quod rei veritas relinquatur, extra de regulis iuris.

Ideo dicitur tertio modo, quod in primitiua ecclesia non erat differentia inter episcopos & sacerdotes. Quod probatur per duas auctoritates Hieronymi, distin. 95. decretorum. vna ponitur. c. olim, & alia, c. sequenti. Olim inquit idem præbyter, qui & episcopus. Et parum post.

sicut præsbyteri sciunt se ex consuetudine ecclesiæ præpositis esse subiectos, ita episcopi nouerint se magis ex consuetudine, quam dispositionis dominicæ veritate præsbyteris esse maiores.

Quartus modus dicendi est melior.

Quid sit materia remota, & materia propinqua sacramenti confirmationis.

An sacramentum confirmationis possit iterari.

Opinio canonistarum.

Sed quartus modus dicendi est melior quia si à principio non licuit sacerdoti hoc sacramentum conferre, Papa tamen quemlibet sacerdotem illius regionis potuit facere episcopum quantum ad actum istum. Sic igitur sacramentum confirmationis à solis episcopis potest conferri. Cuius materia remota est crisma compositum ex oleo oliuæ, & balsamo specialiter ab episcopo sanctificatum, vel ab alio cui talis sanctificatio potest committi. Materia autem propinqua est vnctio facta in fronte in figura crucis. Huius autem sacramenti forma est signo te signo crucis, confirmo te crismate salutis, in nomine patris, & filij, & spiritus sancti. Amen.

De secundo articulo, scilicet vtrum illud sacramentum potest iterari? Dico quod non, imo scienter iterans peccat mortaliter. Quare autem non debet iterari principalis causa est institutio diuina. Congruentia vero assignatur talis. Quia per istud sacramentum instituitur aliquis in determinato gradu ecclesiæ, scilicet, in gradu bellatoris. Sed sacramentum instituens in gradu bellatoris determinato non iteratur. Alia congruentia assignatur. Quia istud sacramentum imprimit effectum indelebilem, scilicet caracterem.

De tertio articulo scilicet, de pœna iterantis dicunt canonistæ, quod sunt irregulares, & probant per locum à simili, quia de baptismo, & confirmatione est simile, sed iterans baptismum scienter est irregularis, igitur idem iudicium erit de confirmationis iteratione.

Sed aliter dicitur, quod nulla pœna canonica, quæ nõ est inflicta a papa condente ius incurritur ipso iure, nec propter argumenta exponentium canones, siue à simili, siue a contrario sensu talis pœna debet infligi. Cum igitur non inueniatur in iure canonico expressa pœna irregularitatis inflicta pro iteratione confirmationis, sequitur, quod ipso facto non incurritur maxime, quia pœnæ sunt restringendæ. Et confirmatur per capitulum illud de consecra. dist. 5. c. dictum, vbi nulla pœna infli-

gitur episcopo iterum confirmanti, sed nec suscipienti, nisi quod soli Deo seruiat in habitu monachali, vel clericali.

Ad argumentum in contrarium dico, quod morbus, vt contra ipsum est hæc medicina non iteratur licet alio modo possit iterari.

DISTINCTIO VIII.

Circa distinctionem octauam quæritur

Vtrum Eucharistia sit sacramentum
nouæ legis?

Scotus 4. sent. distinct. 8. q. 1.

D. Thomas 3. parte, quæst. 73. art. 1.

Durandus 4. sent. dist. 8. q. 1.

QVÆSTIO I.

Est sacramentum baptismi. Circa istam distinctionem octauam, in qua Magister incipit tractare de sacramento eucharistiæ quæro quatuor quæstiones. Primo vtrum sacramentum eucharistiæ sit sacramentum nouæ legis? Secundo vtrū illa sit forma consecrationis corporis Christi, quæ ponitur in canone missæ, hoc est enim corpus meum. Tercio vtrum illa sit forma consecrationis sanguinis Christi, hic est sanguis meus. Quarto sine argumento quid demonstretur per hoc pronomen hoc.

Ad primam quæstionem sic proceditur. Videtur quod eucharistia non sit sacramentum nouæ legis. quia quodlibet sacramentum nouæ legis est per se vnum, sed eucharistia non est per se vnum, ergo. Minor probatur, quia aliud signum est species panis, & aliud signum est species vini, & habent aliud, & aliud signatū, quia vnius signatum proprium est corpus Christi, alterius autem est sanguis Christi.

Contra, de consec. dist. 2. In sacramentorum obligationibus.

Ad istam quæstionem dico tres conclusiones. Prima est, quod eucharistia est sacramentum nouæ legis, secunda quod eucharistia est sacramentum excellentius inter sacramenta nouæ legis, tertia conclusio est si sacramentum eucharistiæ est vnum.

Prima conclusio sic probatur. Sacramentum plenitudinis gratiæ est pro tempore legis gratiæ, sed sacramentum eucharistiæ est sacramentum plenitudinis gratiæ ergo eucharistia est sacramentum nouæ legis.

Præterea sacramentum nouæ legis est signum sensibile gratiam Dei, vel effectum gratuitum efficaciter signans ex institutione diuina, sed eucharistiam ponimus effectum Dei gratuitum. s. existentiam corporis Christi, ergo sacramentum eucharistiæ est sacramentum nouæ legis. Minor probatur, quia sub illis speciebus signatur corpus Christi veraciter contineri, & tamē illæ species hoc non efficiunt. Hoc argumentum est efficax contra illos, qui ponunt sacramentum habere actionem respectu rei signatæ, sed non esset contra me, quia vt visum fuit circa principium huius quarti sacramenta sunt signa tantum efficacia respectu rei signatæ vel gratiæ.

*Eucharistia
est sacramen-
tum nouæ le-
gis.*

Secunda conclusio scilicet, quod eucharistia est excellentius sacramentum inter sacramenta nouæ legis declaratur ex quadruplici differentia, quæ est inter eucharistiam, & alia sacramenta nouæ legis.

Prima est, quod alia sacramenta veracia sunt quantum est de se, tamen quandoque carent effectu signato propter indispositionem suscipientis. Istud autem sacramentum nunquam caret suo signato.

Secunda differentia est, quod istud sacramentum, quod significat hoc realiter continet, alia autem non continent realiter quod signant.

Tertia differentia est, quod alia sacramenta signant gratiam accidentalem, & inhærentem, istud autem signat gratiam subsistentem, id est, existentiam corporis Christi.

Quarta differentia est, quod omnia alia sacramenta consistunt in usu, & in fieri, ita quod idem est ibi sacramentum, & perceptio sacramenti, nec permanet aliquid

quod sit sacramentum, sed cessante tali vsu, vt patet in baptismo, & eius perceptione. Sed hoc sacramentum est quoddam permanens etiam antè vsu.

De tertia conclusione dico, quod sacramentum eucharistiæ est vnum vnitate integritatis non vnum vnitate indiuisibilitatis.

Ad cuius euidenciam est notandum, quod corpus Christi potest accipi stricte prout includit in se partes animatas anima Christi cuius pars non est sanguis, licet sit in potentia propinqua, vt conuertatur in carnem animatam, & sic corpus est essentialiter aliud à sanguine. Alio modo potest corpus accipi prout includit omnia, quæ pertinent ad totum corpus organicum, siue sint partes animatæ, siue non, vt humores, & spiritus. Et hoc modo sanguis est aliquid corporis. Primo modo accipiendo corpus licet ipsum, & sanguis sint primo diuersa signata, constituunt tamen vnū signatum totale, quod est corpus, secundo modo sumptum, & ita proprium signum corporis primo modo, & signum proprium sanguinis possunt esse vnum signum vnitate integritatis, & non indiuisibilitatis. Et congruum est sic esse vt sacramentum hoc habeat vnitatem integritatis, & indiuisibilitatis, quia hoc sacramentum est ad completam nutritionem animæ sicut aliquid est ad completam, & perfectam nutritionem corporis, sed completa nutritio corporis est in aliquo vno vnitate integritatis, & non indiuisibilitatis, vnde non nutrit perfecte cibus sine potu, nec econtrario, ergo hoc sacramentum est vnum vnitate integritatis, & non indiuisibilitatis. Et per hoc patet ad argumentum principale, &c.

*Corpus Christi
si accipitur
duobus modis*

*Quomodo sa-
cramentum
sit vnum.*

An forma sit, quæ ponitur in Canone missæ?

Seraphicus Bonauen .4. sentent. dist. 8. q. 1. Artic. 1. parte 2.

Scotus 4. sent. dist. 8. q. 2.

D. Thomas tertia parte question. 78. Artic. 2.

Ricardus quarto sententiarum distinctio. 8. q. 1. Arti. 3.

Durandus 4. sentent. distin. 8. q. 2.

Ioannes Bacconitanus 4. sent. dist. 8. q. 3.

Fff iij

QVAESTIO II.& III.

AD secundam, & tertiam quaestionem simul sic proceditur. Videtur quod illa non sit forma consecrationis corporis Christi, quæ ponitur in canone missæ: hoc est enim corpus meum, hic est sanguis meus, vel hic est calix sanguinis mei, quia istud pronomen hoc, aut demonstrat substantiam panis, aut accidentia, & utroque modo propositio est falsa, aut demonstrat corpus Christi, & sic propositio non est effectiua corporis Christi. In contrarium est Magister in litera.

In ista quaestione primo est videndum si eucharistiæ sit aliqua vna forma, secundo, quæ est illa forma, tertio quid significet illa forma.

De primo dico, quod aliud est querere si eucharistiæ est aliqua vna forma, aliud est querere si consecrationis est aliqua vna forma. Nam verba non sunt, nec esse possunt forma eucharistiæ, sed verba bene sunt forma consecrationis eucharistiæ, ut præhabuit in præcedenti quaestione. Et tunc dico, quod sicut illud sacramentum est vnum vnitatis integritatis, non autem indiuisibilitatis, quia in se includit duo signa particularia, quæ primo significant duo proprie significata, & proxima scilicet, corpus, & sanguinem, & duo remota scilicet, cibationem, & potationem spiritualem, ita etiam est hic vna consecratio vnitatis integritatis, non autem indiuisibilitatis, sed sunt duæ partiales. Et sic est ibi duplex forma consecrationis, quia vna est forma consecrationis corporis, alia est forma consecrationis sanguinis Christi. Distinctio autem istarum formarum partialium consecrationis patet ex duobus. Primo quia si sacerdos moreretur subito pane consecrato ibi esset consecratio corporis, sine consecratione sanguinis, secundo quia est efficax sine alia, alia fideles adorantes corpus Christi, ante consecrationem sanguinis essent idolatræ, quod est falsum.

De secundo scilicet, quæ est forma consecrationis

*Quomodo sit
vna consecra-
tio, et duæ
consecratio-
nes.*

*Duplex est for-
ma consecra-
tionis.*

corporis Christi, & sanguinis eius dicitur vno modo secundum viam Innocentij de officio missæ, quod forma consecrationis non est in istis verbis, hoc est enim corpus meum, nec Christus consecrauit in istis verbis scilicet in verbis benedictionis cum dicitur in verbis præcedentibus, quod accipiens panem benedixit. Pro ista opinione arguitur sic. Verba quæ significant realitatem sacramenti in facto esse, & non in fieri non sunt forma consecrationis, sed ista verba, hoc est enim corpus, &c. significant realitatem sacramenti in facto esse, & non in fieri, ergo. Maior patet, quia cum conuersio consistat in fieri, verba consecrationis debent significare realitatem sacramenti in fieri. Minor probatur sic, quia ista verba sunt vera tantum in termino conuersionis, & non ante.

Par 3. ca. 6.

Contra istam opinionem arguitur sic, quia Christus in verbo consecrauit, sed non consecrauit aliis verbis ab istis, cum non legimus alia verba ab istis, ergo forma consecrationis corporis Christi est in istis verbis, hoc est enim corpus meum. Hinc dicitur extra de celebratione missarum cum Marthe. credimus, quod forma verborum sit sicut in canone continetur & à Christo apostoli, & ab apostolis eorum acceperunt successores. Nec argumentum opinionis concludit, vt patebit quando videbitur quid significant ista verba, hoc est enim corpus meum, quæ non solum in proposito sunt ostensiuæ, sed etiam effectiuæ.

In artic. 3.

Dico igitur aliter ad istum articulum, & primo ostendendo, quæ sunt verba consecrationis corporis Christi, secundo quæ sunt verba consecrationis sanguinis Christi.

De primo dico, quod verba consecrationis corporis Christi sunt quatuor, videlicet pronomen hoc, & verbum est, & in appposito corpus meum. Ista enim cōiunctio non est de essentia formæ, sed secundum vnum doctorem solum ponitur ad designandum ordinem consecrationis sacramenti ad vsum sacramenti, quod patet ex verbis præcedentibus, accipite, & comedite, hoc est enim corpus meum, quasi dicat, quia talis est consecratio, ideo vtendum est consecrato.

Alia ratio potest assignari, quod illud non ponitur ad ostendendum ne illa verba, quæ sunt de forma consecrationis proferantur sine præcedentibus.

Sed hic est vnum dubium, vtrum prætermisiss verbis præcedentibus per ista solum quatuor verba conficeret sacerdos, & dicitur quod sic, quia ista sunt præcisa forma consecrationis, alia autem sunt præmittenda propter reuerentiam, vel propter orationem.

*Petrus de
Taranto præ-
senti dist. ar-
tic. 3. q. 2.*

Contra istud instatur sic. Verba sacramenti ex vi verborum debent significare illud, quod efficitur ex vi consecrationis, sed vi consecrationis huius efficitur quod ibi sit verum corpus Christi, ergo verba debent sufficienter hoc significare. Sed hæc verba, hoc est enim corpus meum prolata, sine præcedentibus hoc non significant, quia absolute *ly* meum significat referri ad personam loquentis. Sicut si inciperem loqui aliqua verba Christi, siue prolata à Christo videlicet, doctrina mea non est mea quantumcunque intenderem loqui in persona Christi, tamen ex vi verborum non habetur quod illa doctrina sit Christi, sed loquentis.

*Forma con-
secrationis
qua vniuntur
Græci.*

De secundo scilicet, quæ verba sunt forma consecrationis sanguinis Christi. Dico quod hic est maius dubium. Tum quia forma, qua vtimur nullus euangelistarum recitat, ideo non videtur ex euangelio esse certa. Tum quia græci alia forma vtuntur, dicentes, hic est sanguis meus noui testamenti, qui pro vobis, & pro multis est in remissionē effusus peccatorum. Tamen his non obstantibus firmiter tenendū est, quod forma nostra sit certa secundum auctoritatem Innocentij de celebratione missarum. Cum Marthe. Multa enim tradita sunt ecclesiæ ab apostolis, quæ tamen non sunt scripta in euangelio. Nec obstat, quod dicitur de euangelistis, quia intendebant narrare rem gestam, non autem tradere formam consecrationis. De forma ecclesiæ græcorum: ecclesia non dicit eos non conficere, vnde dicunt aliqui, quod forma eorum est forma nostra, & quæcunque forma scripta in euangelis sufficiens est ad consecrationem, tamen in ecclesia Romana est de necessitate ministri vt forma, quæ ponitur in canone.

De tertio articulo scilicet, quid ista verba signifi-

eant, nunquid significant substantiam panis, an accidentia, vel corpus Christi, sed siue significant substantiam panis, siue accidentia, siue corpus Christi, videtur propositio falsa, quia istud pronomen hoc, vel demonstrat pro illo instanti pro quo profertur, vel pro alio, non pro alio, quod pater, ergo demonstrat pro illo instanti pro quo profertur, & tunc non est corpus Christi.

*D. Tho. præ-
sens dist. 2.*

Ad hoc dicitur multipliciter, quod hoc pronomen hoc demonstrat ibi corpus Christi non substantiam panis, neque accidentia, nam verbum quodcumque potest accipi dupliciter. Vno modo potest capi secundum se, alio modo prout est pars alicuius orationis. Primo modo, scilicet secundum se omne nomen habet suum significatum in instanti ultimæ syllabæ eius, secundo autem modo scilicet ut est pars alicuius orationis non habet suum significatum, nisi in ultimo instanti prolationis totius orationis.

*artic. 2. hoc
pronomen hoc
quid hosten-
dat verbum
potest accipi
duo bus modis*

Ad propositum ergo dicitur, quod illud pronomen hoc, ponitur in illa oratione non secundum se, sed ut est pars orationis, & ideo non habet suum significatum nisi in ultimo instanti prolationis totius orationis, sed pro illo instanti est corpus Christi, ergo demonstrat corpus Christi pro ultimo instanti prolationis. Hoc confirmatur. Constat enim, quod illud pronomen hoc, pro aliquo supponit, non autem potest supponere pro pane, nec pro accidentibus panis, nec pro aliquo alio à corpore Christi, ergo supponit pro corpore Christi, & non nisi in ultimo instanti prolationis.

*Illud pronomen hoc sub-
ponit pro cor-
pore Christi.*

Contra istam opinionem arguitur sic. Illud nomen, quod non mutat suum significatum in propositione, siue in oratione non habet aliud significatum, ut in oratione positum, quam ut extra orationem per se sumptum. Si enim habet aliud significatum in oratione, quam habeat per se, ergo mutat significatū suum in oratione, sed nomen quodcumque maxime uniuocum, non mutat in oratione suum significatum, quoniam si mutaret cum idem nomen posset poni in infinitis orationibus, & per consequens illud nomen mutaret infinita significata, & ita nulla esset certitudo de significatione, siue de significato alicuius nominis, ergo quod-

cunque nomen debet idem significare, & idem significatum habere in oratione quod habet secundum summum. Sed istud pronomen hoc super accidentia panis absolute posita non significat corpus Christi, igitur nec prolaturum in oratione.

Opinio propria.

Quicquid sit de opinione, vel impugnatione potest aliter dici, quod illa oratio, hoc est enim corpus meum, est vera pro ultimo instanti prolutionis, & sic illa forma consecrationis signat corpus Christi pro ultimo instanti prolutionis. Istud autem patet ex tribus propositionibus.

1. propositio.

Prima propositio est, quod illa oratio non solum est corporis indicatiua, sed etiam virtute diuina est corporis Christi effectiua. Item non efficit operatione successiua, sed operatione instantanea, & non est effectiua rei non existentis, sed rei praeexistens, quia corpus, quod est in caelo localiter capit esse in altari sacramentaliter.

2. propositio.

Secunda propositio est, quod pro illo tempore denotatur in oratione veritas, quod significatur per verbum copulans extrema propositionis, vel orationis, ut si dicatur homo est albus, quia verbum copulans extrema orationis est verbum praesens, ideo veritas orationis denotatur in tempore de praesenti, & similiter est de verbo praeteriti, vel futuri temporis.

3. propositio.

Tertia propositio est, quod verbum cuiuscunque temporis non solum potest significare tempus, sed etiam potest significare instans temporis, quia si non posset instans temporis significare cum anima creatur in instanti, tunc ista esset falsa, anima creatur. Ex his orationibus fiat talis deductio, pro eodem tempore, vel pro eodem instanti oratio est veritatis ostensiuia pro quo est rei, vel corporis effectiua, ut sic tempus referatur ad actionem successiuam, instans vero ad actionem, vel factionem instantaneam. Sed ista oratio hoc est enim corpus meum, est corporis effectiua pro ultimo instanti prolutionis, igitur est corporis ostensiuia, pro ultimo instanti prolutionis. Et per hoc patet ad argumentum principale, igitur, &c.

DISTINCTIO IX.

Circa distinctionem nonam quæritur.

Vtrum hoc sacramentum possit recipi à
non ieiunis?

Scotus 4. sententiarum distinct. 8. q. 3.

D. Thomas 3. parte q. 80. Art. 8.

Ricardus 4. sentent. distinctio. 8. q. 3.

QVÆSTIO I.

ET sicut duæ sunt res. Circa istam distinctionem nonam quæro tres quæstiones. Primo vtrum sacramentum corporis Christi possit à non ieiunis celebrari, vel recipi? Secundo vtrum possibile sit corpus Christi sub specie panis, & vini contineri veraciter? Tertio vtrum existens in mortali peccato peccet mortaliter accipiendo hoc sacramentum?

Ad primam quæstionem sic proceditur. Videtur quod sacramentum corporis Christi possit à non ieiunis celebrari, vel recipi, quia post cœnam Christus discipulis suis præsens dedit eucharistiam.

Contra, de consecra. distin. 2. c. siquidem, & sumitur ab Augustino ad inquisitiones Ianuarij. Placuit spiritui sancto, vt in honorem tanti sacramenti prius in os christiani dominicum corpus intraret quam cibi alij.

In ista quæstione primo ponam vnâ distinctionem. Secundo respondebo ad quæstionem.

Quantum ad primum dico, quod quadrupliciter potest quis hoc sacramentum recipere.

Primo modo aliquis hoc sacramentum recipit nec sacramentaliter, nec spiritualiter, sicut infidelis, aut peruersus hereticus, de quo dicit apostolus, quod iudicium sibi manducat, & bibit, non diiudicans, idest non discernens ab aliis cibis corpus domini, talis enim sola accidētia terit dentibus materialiter, & ideo non sumit, neque sacramentaliter, neque spiritualiter.

*Quoniam
modis potest
aliquis hoc sa-
cramentum
recipere.*

Secūdo modo hoc sacramentum aliquis sumit sacramentaliter, & spiritualiter sicut deuotus christianus, qui conscientia iam purgata non simulata fide ad hoc sacramentum accedit, de quo loquitur Augustinus dicens. Crede, & manducaſti, & non me conuerſes in te, ſed tu conuerſeris in me.

Tertio modo aliquis ſumit hoc ſacramentum ſacramentaliter, & non ſpiritualiter ſicut malus chriſtianus, qui ſumit corpus Chriſti, ſed non habet conſcientiam de peccato mortali iam purgatam, & de hoc loquitur Auguſtin. & habetur de cōſe. diſt. 2. c. 2. Quid eſt Chriſtum manducare. Qui enim accipit indigne ſacramentum, acquirit inde magnum tormentum.

Quarto modo ſumit aliquis hoc ſacramentum ſpiritualiter, & non ſacramentaliter ſicut homo chriſtianus conſcientia ſanus, tamen infirmitate grauatus libenter hoc ſacramentum ſumeret, ſed non habet propinquantem ſibi, & de illo loquitur Aug. in li. de remedio pœnit. dicens. Vt quid paras ventrem, vel dentem, crede, & manducaſti. Qui enim credit in eum, manducat eū. Hic autē non quæritur de illo, qui ſumit hoc ſacramentum primo, vel quarto modo, ſed quæritur de illo, qui ſumit ſecundo, vel tertio modo, ſcilicet ſacramentaliter, & ſpiritualiter, vel ſolum ſacramentaliter ſi talis poteſt licite hoc ſacramentum non ieiuſus recipere, & tunc præmitto aliam diſtinctionem, videlicet, quod ieiuſium eſt naturæ, & ieiuſium eccleſiæ. Ieiuſium autem eccleſiæ non ſoluitur niſi per aliquam refectionem extraordinariam præter morem eccleſiæ, vnde per ſpecierum ſumptionem, vel potum ſaltem poſt prandium non ſoluitur ieiuſium eccleſiæ. Sed ieiuſiū naturæ eſt carentia cibi ſuſcepti in ſtomacho, vel in via ad ſtomachum, hoc de primo articulo.

De ſecundo articulo dico, quod oportet ſuſcipientem corpus Chriſti eſſe ſimpliciter ieiuſum ieiuſio naturæ, nec eſt alia cauſa principalis, niſi inſtitutio diuina, quia vt dictum eſt placuit ſpiritui ſancto vt in honorem tanti ſacramenti &c. Et quidem rationalis eſt conſtitutio propter reuerentiam ſacramenti, quæ minor eſt in pranzo, quam in ieiuſio, & vt prius quæratur cibus ſpiritualis,

*Duplex eſt
ieiunium.*

quam corporalis. Si autem intelligitur quaestio in particulari dico, quod duo sunt casus in quibus est licitum alicui non ieiuno stomacho hoc sacramentum recipere. Vnus est in infirmitate graui quando timetur periculum mortis imminantis. Tunc enim periculum est negare infirmo etiam pranso poscenti hoc sacramentum cum sit viaticum. Alius est casus specialis puta in aliqua regione in qua celebratur vino albo: ibi minister parat calicem sacramenti, & ex aliqua negligencia pro vino ponit aquam, sacerdos non aduertens supponens ministrum bene fecisse procedit dicendo verba, & alia faciendo vsque ad perceptionem, percipiens autem liquorem de calice aduertit esse aquam, in tali enim casu sacerdos tenetur consecrare sanguinem de nouo, & percipere consecratum, quia quando sunt duo praecepta ordinata secundum rationem superioris, & inferioris magis ligat praeceptum superioris, quam inferioris. Sed quod istud sacramentum percipiatur integre à sacerdote quando conficit, est praeceptum superioris scilicet Christi, quod autem percipiat ieiunus est praeceptum ecclesiae, & inferioris, ergo non obstante, quod in tali casu non sit ieiunus, ipse tenetur sanguinem consecrare, & consecratum recipere.

Sunt duo casus.
Primus casus.

2. Casus.

Nota & bene.

Ad argumentum in contrarium respondet Augustinus de consecra. distinct. 2. c. liquido. Neque enim quia post cibos dedit dominus eucharistiam discipulis suis, propterea pransi debemus eucharistiam sumere. Namque saluator, vt vehementius commendaret huius sacramenti altitudinem vltimo voluit figere in cordibus discipulorum. Quo autem ordine deinceps sumeretur apostolis per quos ecclesias dispositurus erat reseruauit docendum.

Vtrum possibile sit corpus Christi sub specie panis, & vini realiter contineri?

Seraphicus Bonauem. 4. sent. dist. 10. q. 4. Art. 1.

Scotus 4. sentent. distinctio. 10. q. 1.

D. Thomas 3. par. q. 76. Artic. 2.

Ricardus quarto sententiarum distinct. 10. q. 1. Art. 1.

QVAESTIO II.

AD secundam quaestionem sic proceditur. Videtur quod non sit possibile corpus Christi sub specie panis, & vini veraciter contineri, quia non alio modo se habent species panis, & vini ad corpus Christi post consecrationem, quam ante. Sed ante consecrationem corpus Christi non continebatur veraciter sub speciebus panis, & vini, igitur nec postea.

In contrarium est Magister in litera probans per multas auctoritates hoc esse possibile.

In ista quaestione sunt tres articuli. Primo est videndum quid sit fide tenendum. Secundo est vnum dubium remouendum, scilicet quomodo sit possibile corpus Christi esse de nouo in altari sine sui mutatione. Tercio est tale dubium remouendum cum hostia sit parua, & corpus Christi magnum, quomodo potest contineri sub hostia.

De primo dico, quod corpus Christi vere est ibi realiter. Ista autem veritas fuit à principio expresse tradita ex quo Eucharistia fuit instituta, vt patet Matthæi, vbi ait Christus. Hoc est corpus meum, & Ioannis. Caro mea verè est cibus &c. Et Luc. Hoc est corpus meum, & hic est sanguis meus. Si autem heretici vellent ita exponere dicendo, quod sunt figuratiue dicta sicut istud Ioann. Ego sum vitis vera. Istud est omnino contra intentionem Saluatoris, quia vt ait Augustinus libro 83. quaestionum. Solet circumstantia scripturarum illuminare scripturam, nam ex præcedentibus, vel sequentibus potest colligi an loquatur figuratiue. Nam cum Christus dixit, ego sum vitis vera, statim subiunxit, vos palmites mei, sed constat, quod discipuli non erant palmites naturales, sed tantum figuraliter ideo loquebatur figuratiue. Sed cum dicit Luc. hoc est corpus meum, statim subiunxit, quod pro vobis tradetur, sed ista traditio non erat figuratiua, sed calis, & vera, ergo veraciter dictum est, hoc est corpus meum.

Cap. 26.

Cap. 6.

Cap. 22.

Cap. 15.

quaest. 7.

Cap. 22.

De secundo scilicet, qualiter corpus sit ibi veraciter ubi prius non fuit, vel erat sine sui mutatione, est hic opinio Thom. quod hoc est propter mutationem alterius in ipsum corpus puta propter conuersionem panis in corpus Christi, & ideo non oportet corpus Christi in se mutari. Sufficit enim, quod aliud mutetur in ipsum ad hoc, quod ipsum incipiat ibi esse præsentialiter. Et declaratur per simile, quia sicut genitum est ubi prius fuit corruptum, & tamen non per aliquam loci mutationem ipsius geniti, ita videtur quod illud, in quo conuersum est aliud sit ubi conuersum prius fuit, & non per aliquam mutationem termini ad quem conuersionis, sed solum termini à quo.

Contra istam opinionem arguitur sic. Supposito secundum eos, quod transubstantio est mutatio substantialis eo modo quo conceditur esse mutatio, tunc arguitur sic. Per nullam mutationem per se habetur id quod est per se aliud, & posterius à per se termino mutationis, sed præsencia corporis Christi est posterior, & est aliud simpliciter à substantia, quæ est per se terminus transubstantiationis, ergo. Maior patet, quia vnius mutationis per se est vnus per se terminus. Minor etiam patet. Nam huiusmodi præsencia non est substantia panis, vt manifestum est, quia quando substantia panis non est, ista præsencia est, nec ipsa præsencia est substantia corporis Christi, quia huiusmodi substantia fuit quando præsencia non fuit.

Præterea. Deus potest facere corpus suum præsens cum pane manente substantia panis, & tunc hoc non erit per aliquam mutationem quæ fit ad substantiam vt ad terminum per se, & tamen per istam acquireretur præsencia eiusdem rationis cum illa quæ nunc habetur, ergo oportet, quod per mutationem substantialem, probatio maioris. Ad nouitatem posterioris non sequitur prioritas prioris vt patet ex 8. phisicorum. Sed ista præsentialitas est posterior substantia panis sicut respectus est posterior absoluto, ergo sine mutatione aliqua circa substantiam panis esse potest noua præsencia corporis Christi ad panem, & per consequens per transubstantiationem non habetur illa præsencia, quia terminus

8. Phis. com.

sex. 74. 75. et

inde.

eiusdem rationis cuiusmodi est presentia non proprie, & per se est terminus duarum mutationum distinctarum secundum genus.

Præterea, quod conuertitur in aliquod præexistens magis acquirit conditiones eius quam e contra. Exemplum huius, si nutrimentum conuertatur in carnem magis animatur anima carnis quam caro informetur forma nutrimenti, ergo ex sola conuersione panis in corpus Christi præexistens magis acquireret panis conuersus presentiam in cælo quam corpus Christi presentiam sub specie panis.

Opinio Scoti.

Alius est modus dicendi quem teneo, quod motus siue mutatio localis est duplex, quædam deperditia, & quædam acquisitiua, sicut quando quis mouetur de loco vno ad alium aliquid deperditur, & aliquid acquiritur. Talis enim ordine naturæ mouetur ab habitu ad priuationem puta ab vbi, quod prius habebat ad vbi quod prius non habebat, & hæc mutatio dicitur deperditia termini à quo dicitur tamen acquisitiua termini ad quem. Nunc autem hæc duæ mutationes licet concurrant simul in vno motu locali continuo, tamen distinctæ sunt, & sic vna potest absolui ab alia vt acquisitiua à deperditia sic, quod aliquid acquirit nouum locum non dimittendo priorem sicut est in proposito. Corpus enim Christi absque hoc, quod dimittat vbi, quod habet in cælo acquirit nouum vbi in sacramento, & ideo est hæc mutatio localis, non deperditia, sed acquisita.

Nota bene

De tertio articulo, scilicet quomodo corpus Christi magnum potest contineri veraciter sub hostia parua? Et dicitur hic ab vno Doctore, quod est hoc, ideo, quia corpus Christi non habet ibi esse modo quantitatiuo. Nam quantitas Christi corporis non est sub specie panis nisi concomitanter, quia primus terminus conuersionis est substantia corporis Christi, igitur quantitas non erit ibi, nisi per modum primi termini, sed primus terminus, qui est substantia non habet modum quantitatum seu commensuratum, igitur quantitas non erit ibi modo quantitatiuo.

Contra hoc obicitur. Vnumquodque siue sit primus

tius terminus transubstantiationis, siue secundus habet proprietates suas sibi necessario, & naturaliter inhærentes, vbicunque est illud. Probatur exemplo, & ratione. Exemplo sic, quia si Deus crearet substantiam quantam, & natura generaret substantiam, & quantitas concomiteretur terminos vtriusque productionis, prius est substantia, & quantitas concomitatur, & tamen tam in generato, quam in creato quantitas habet suum modum realem sicut haberet si primo terminaret aliquam mutationem. Probatur etiam ratione, quia alia habitudo ad agens non variat naturam dum tamen res producat, quia nec habitudo ad agens aliquod variat naturam rei actæ secundum Aug. patet etiam maior, ergo quantitas non carebit suo modo naturali propter hoc, quod non est primus terminus transubstantiationis dummodo ibi sit realiter. 3. de tri.

Præterea si per conuersionem fit terminus ad quem ubi fuit primus terminus à quo, vt dicit illa opinio, ergo modus essendi huius, & illius erit similis, ille saltem qui potest esse communis vtriusque, sed panis conuersus hic erat suo modo quantitativus, quia sub quantitate habens partem extra partem. igitur, & substantia corporis Christi existens hoc ex vi conuersionis erit etiam hoc suo modo quantitativus, habens, scilicet, partem substantiæ sub parte quantitatis, & tunc quantitas erit hic proprie dimensiuæ.

Dicitur igitur aliter ad istum articulum secundum viam Doctoris subtilis, quia duplex est ordo scilicet ordo partium in toto & ordo partium in loco. Ordo autem partium in toto est differentia quantitatis, non proprie, cum sit respectus, sed aliquo modo accedens ad differentiam eius essentialem. Ordo autem partium in loco est de genere situs, & ab isto respectu siue ordine partium in loco potest absolui ordo partium in toto ordo autem partium, in toto est prior ordine partium in loco, prius autem potest absolui à posteriori sibi accidentaliter coniuncto. Nunc autem ordo partium, in toto est prior ordine partium in loco, & iste ordo partium in loco est posterior ordine partium in toto cui accidentaliter coniungitur, ergo corpus Christi in eucharistia habebit ordinem par-

tium in toto absque illo respectu qui est ordo partium in loco.

Ad argumentum in contrarium patet ex dictis in ista secunda conclusione, quod illæ species aliter se habent ad corpus Christi post consecrationem, quam ante, licet enim non sit ibi mutatio deperditiva, est tamen mutatio acquisitiua, ergo, &c.

Vtrum existens in peccato mortali peccet mortaliter percipiendo hoc sacramentum?

Seraphicus Bona. 4. sent. dist. 9. quest. 3. Art. 2.

Scotus 4. sent. dist. 9. q. 1.

D. Thom. 3. parte q. 80. Artic. 4.

Richardus 4. sentent. dist. 9. q. 1. Art. 2.

Durandus 4. sententiarum distinct. 9. q. 4.

QVÆSTIO III.

AD tertiam quæstionem sic proceditur. Videtur, quod existens in peccato mortali non peccat mortaliter percipiendo hoc sacramentum, quia nullus peccat faciendo illud ad quod tenetur, sed aliquis quandoque non obstante, quod sit in peccato mortali tenetur communicare, ergo. Probatio minoris, de consec. di. 2. c. Relatum. Dicitur ibi, quod sacerdos, qui consecrauit tenetur recipere sacramentum, & possibile est quod tunc sit in peccato mortali.

Cap. II.

Contra primæ ad Corinth. Qui manducat, & bibit indigne, iudicium, &c.

In ista quæstione primo præmittam vnâ distinctionem. Secundo dicam ad quæstionem. Distinctio autem est, quod aliquis potest esse in peccato mortali tripliciter. Primo actu, quia scilicet peccat mortaliter peccato interiori vel exteriori. Secundo, quia prius commisit peccatum mortale præteritū de quo non recolit, & non pœnitet nec pœnituit. Tertio, quia licet de peccato pœniteat, non dum tamen confessus nec absolutus in ecclesia est.

Nunc dico de primo, quod peccat mortaliter quia simpliciter manducat indigne.

De secundo dico, quod si est negligentia affectata vel crassa propter quam non recollit peccatum non excusatur à peccato licet minus peccet quam primus. Teneatur enim seipsum examinare, iuxta illud Apostol. I. Cor. P. robet autem seipsum homo. Si autem non sit negligentia crassa, puta, quia præcessit examinatio sufficiens talis non peccat comunicando. Esto enim quod aliquid sit traditū obliuioni, quia non requiritur maior examinatio ad comunicandum, quam ad secure moriendum, sed post talem examinationem contritus, & confessus, si moreretur saluaretur.

De tertio dico, quod si occurreret opportunitas teneretur prius confiteri, quam communicare. Cuius ratio est, quia non tantum debet reconciliari Deo, sed ecclesie ad hoc, vt digne recipiat sacramentum vnitatis ecclesie. Si autem non occurrit opportunitas confitendi si potest sine scandalo vitare ne tunc communicet, teneretur tunc non communicare, sed confessorem expectare propter eandem rationem, quæ dicta est nunc. Si autem occurrit scandalum, nisi statim comunicet: vt potest, quia est indutus ad celebrandum, & non habet sacerdotem idoneum, tunc cum contritione confitendi potest celebrare.

De peccato veniali non oportet dubitare, quia de illo non est necessitas pœnitendi.

Ad argumentum in contrarium dico, quod faciens modo debito illud ad quod tenetur non peccat, cum autem dicitur de sacerdote celebrante, quod tenetur comunicare, patet ex dictis in tertia conclusione.

DISTINCTIO X.

Circa distinctionem decimam quaritur.

Vtrum idem corpus possit simul esse in diuersis locis?

Scotus quarto sententiarum distinctio. 10. q. 3.

D. Thom. 3. par. quæst. 76. Artic. 6.

Ricar. 4. sent. dist. 10. q. 2. Art. 2.

QVAESTIO I.

G gg ij

Cap. II.

Nota, & bene

Reconciliandum est Deo & ecclesia.

riet, & in alio non esuriet, & in vno loco poterit infirmari, & in alio non, & sic moreretur & non moreretur. Si autem teneatur secundum membrum eadem sequentur inconuenientia, vel ad minus idem corpus habebit contraria simul.

Tertio sic, sicut locatum mensuratur dimensionibus loci secundum quantum, & continuum sic commensuratur secundum vnum, & multa, igitur si locatum erit in diuersis locis erit simul vnum, & multa.

Quarto sic, arguit alius doctor. Termini locati, & termini loci sunt simul, ergo si locatum est extra terminos loci proprii est extra terminos suos proprios.

Quinto, alius arguit sic. Sicut per propriam naturam res est in vna specie tantum, sic per vnam dimensionem est in vno loco tantum, quia sicut se habet natura ad speciem, sic quantitas ad locum.

Sexto, alius arguit sic. Si idem corpus esset in diuersis locis, simul aut vna mutatione, aut duabus. Non vna mutatione quia vna mutatio est ad vnum terminum, Nec duabus, quia aut eiusdem speciei, aut alterius speciei. Non eiusdem speciei, quia idem non potest moueri simul duobus motibus eiusdem speciei, ex quinto philosophorum, nec duobus motibus alterius speciei, quia cum termini sunt contrarii motus sunt impossibiles.

s. Phys. context. non habente com.

Septimo ad idem arguitur sic per rationes doctoris subtilis. Impossibile est eandem materiam esse sub diuersis formis substantialibus. Sed si possibile esset idem corpus esse simul in diuersis locis eadem materia simul esset sub diuersis formis substantialibus. Probatio huius dupliciter patet. Vno modo sic, si ponatur idem nutrimentum in diuersis locis, & comedatur à diuersis animalibus in diuersis locis existentibus, tunc virtus nutritiua istorum animalium conuertit nutrimentum in substantiam propriam, & per consequens eadem materia nutrimenti erit sub diuersis formis substantialibus istorum animalium.

Tulchra exempla.

Secundo sic, ponatur, quòd idem lignum sit in diuersis locis, & in illis locis sint duo ignes, qui agent in illud lignum, tunc inducent formam ignis, sed non inducent eandem formam cum agentia sint diuersa, igitur

aliā & aliā in eandem materiam, quod est propositum.

Quantum ad secundum articulum arguitur contra opinionem istam. Non minus est inconueniens duo corpora simul esse in eodem loco, quam idem corpus in duobus locis, sed Deo est possibile primum, ergo. Maior patet secundum principia phisicorum. Nam æqualem repugnantiam posuerunt inter duo quanta respectu eiusdem vbi sicut econuerso. Minor patet de facto de natiuitate Christi, & resurrectione, & quando intrauit ianuis clausis ad discipulos suos. Respondetur, quòd argumentum non valet. Nam due dimensiones repugnant propter situm localem, & istam repugnantiam tollit dos subtilitatis, sed illud quod est ratio limitationis ad vnum, vbi videlicet situs determinationis non potest tolli per aliquod vnum donum, vel dotem, quia etiam corpus gloriosum habet situm determinationis quo oportet ipsum esse hic & non alibi, licet non habeat situm localem quo resistat alteri corpori, quod est magis accidentale.

Contra, vbi est æqualis commensuratio loci ad locatum, & econtra, si vnum non potest esse in pluribus locis, sequitur quod nec plura possunt esse in eodem loco. Sed æqualis commensuratio est hic, & ibi, igitur si vnum corpus non potest esse in locis pluribus, sequitur, quod nec plura in eodem.

*Vide omnia
in Scoto vbi
supra.*

Secundo ad principale sic. Vbicunque potest Deus facere substantiam naturalem non sub suo modo naturali potest eā facere ibi sub suo modo naturali sibi proprio, seu conuenienti sue naturæ, quia in primo sunt duo miracula, in secundo est vnum tantum, sed Deus secundum omnes facere potest corpus suum sacramentaliter non sub suo modo naturali in diuersis locis simul, & facit de facto, ideo potest facere idem in eisdem sub modo naturali, alio modo, scilicet localiter, & dimensiuè.

Tertio sic. Angelus potest esse simul in pluribus locis diffinitiuè, igitur idem corpus potest esse in diuersis locis circumscripitiuè, consequentia patet, quia similis limitatio est hic, & ibi.

Vbi supra.

Probatio antecedentis. Deus potest conuertere pa-

nem in angelum, sed secundum vnam ex primis opinionibus, scilicet Thomæ vbi præfuit conuersum ibi est illud, quod conuertitur, ergo angelus est vbi fuit panis, & non mouetur de cælo, igitur est in duobus locis.

Quarto sic. Ad multiplicationem posterioris non sequitur multiplicatio prioris, sed locus est posterior locato, igitur ad multiplicationem locorum non sequitur multiplicatio locatorum.

Dico ergo simpliciter, quod Deo est possibile facere idem corpus in diuersis locis simul esse localiter, & hoc patet ex intellectu terminorum. Cum enim dico idem corpus simul esse localiter in diuersis locis, nihil dico supra corpus nisi quendam respectum extrinsecus aduenientem fundatum in quanto ad aliud quantum circumscribens. Respectum autem talem plurificari super idem fundamentum ad diuersos terminos non apparet contra aliud notum secundum rationem, quia respectus intrinsecus aduenientes de quibus minus videtur possunt plurificari fundamento eodem manente, vt supra eandem albedinem possunt duæ similitudines fundari ad duos terminos. Et si dicas verum est, quod plures respectus possunt fundari in eodē fundamento quando vnus non adæquat totum fundamentum, hic autem vnum vbi adæquat totam rationem corporis localiter in quantum locabile.

Contra. Quia respectus qui oritur ex natura fundamenti magis debet adæquari fundamento quam ille, qui extrinsecus aduenit cæteris paribus. Sed ad duos terminos in eodem fundamento possunt esse duo tales respectus orientes ex natura fundamenti, vt duæ qualitates ad duo quanta æqualia, igitur non hic bene dicitur, quod vnus respectus tantum adæquat.

Pro solutione autem argumentorum sunt notandæ tres propositiones, quarum prima est ista. Quæcunque sunt priora essentialiter ipso vbi vniformiter insunt corpori quamuis habeant diuersa vbi, id est, non variantur variato ipso vbi. Istud patet, quia prius essentialiter non variatur propter variationem posterioris.

Tres propositiones sunt notande.

Secundâ propositio est illa. Sicut passum existens in

vno vbi recipiet formam à duobus agentibus sibi ibidem approximatis, sic idem passum in duobus locis existens patietur ab eisdem agentibus sibi approximatis in illis duobus locis, & hoc intelligo de passione, quæ est ad formam absolutam.

Tertia propositio est ista. Sicut corpus in vno vbi existens se haberet in ratione actiui ad diuersa sibi approximata in illo vbi, sic ipsum vt existens in duobus vbi se habet ad eadem sibi in illis vbi approximata.

*Quemodo
Deus sit vbi-
que.*

His præmissis dico ad primū argumentum, quod falsum est, quod per nullam virtutem idem corpus potest esse in pluribus locis, & probo. Ipsi enim concedunt, quod corpus Christi posset esse vbique sacramentaliter, quia potest Deus totum vniuersum conuertere in corpus Christi sicut panem. Sed non est maior limitatio ad esse alicubi localiter quā sacramentaliter comparando ad potentiam Dei. Et cum dicitur, quod esse vbi est proprium Dei, dico, quod Deus ex sua immensitate est necessario vbique, & nullum potest esse vbi in quo non sit Deus per essentiam, potentiam, & præsentiam, & illo modo est impossibile aliud à Deo esse vbique. Sed non est inconueniens aliquid aliud à Deo non per potentiam creatam, sed per potentiam diuinam esse vbique, nec per hoc dicitur esse proprie vbique sicut Deus, quia Deus est pro potentiam suam vbique, istud autem non quia non est immensum.

Ad aliud autem negetur minor. Propositiones solvuntur per tres propositiones superius positas. Esto enim, quod huic corpori existenti in vno loco approximetur ignis, & eidem ligno in alio loco aqua, dico, quod ignis & aqua aut sunt æqualis virtutis in agendo, aut vnum vincit alterum. Si autem sunt æqualis virtutis, & essent approximata isti corpori habenti vnum vbi vel vtrunque impediret alterum, ita quod neutrum ageret, vel agerent ad quandam effectum medium in quo passum, nec perfecte assimilaretur vni nec alteri. Eodem modo dico si ista agentia approximentur eidem corpori existente in diuersis locis. Si autem virtus alterius vincat, dico vel quod simpliciter assimilatur sibi passum, vel magis quam alterum.

De fame autem, & saturitate dico, quod fames est appetitus calidi, & sicci. Ille autem appetitus est naturalis, vel voluntarius, & utroque modo dicit quid absolutum, ergo non variatur propter variationem, ubi ex prima propositione, & per consequens si hic comederet alibi non esuriret. Eodem modo de sanitate, & infirmitate, & morte, & vita, quia si ducunt aliquid absolutum non variantur ad variationem posterioris, & si hic infirmatur alibi infirmatur, & si hic moritur alibi moritur.

Ad aliud dico, quod non oportet locatum commensurari dimensionibus loci secundum vnum, & multa, sicut nec ad multiplicationem posterioris, sequitur multiplicationem prioris, maxime de respectu extrinsecus adueniente.

Ad aliud dico, quod termini vnius possunt intelligi simul esse cum terminis alterius, vel simultate præcisa, & adæquata, vel non præcisa, nec adæquata. Si primo modo intelligatur de simultate adæquata, dico, quod maior est vera, & etiam minor. Si autem intelligatur de simultate non adæquata minor est falsa, quia non oportet illud, quod est extra terminos vnius esse extra terminos alterius.

*Vide D.
Thom. quodlib.
I. Ar. 21C
22.*

Ad aliud dico, quod illud simile non tenet, quia natura vna est vera, & formalis ratio essendi in vna specie, sed dimensio non est formalis ratio essendi in loco sed tantum ratio fundamentalis. Illa autem potest esse vna licet respectus sint diuersi sicut albedo potest esse vna licet similitudines sint diuersæ.

Ad aliud dico, quod si manet in eodē ubi in quo prius erat, potest acquirere nouum ubi vnica mutatione, vel duabus mutationibus. Cum dicis aut illæ mutationes sunt eiusdem speciei aut non, dico, quod potest concedi vtrumque.

Et cum arguis duæ mutationes non sunt simul in eodem, dico, quod non est impossibilitas mutationum nisi ex impossibilitate terminorum, igitur prius oporteret probare impossibilitatem duorum ubi quod nego quā habeatur impossibilitas duarum mutationum ad illos terminos. Et quando dicitur, quod termini mutationum sunt impossibiles. Dico, quod verum est de termi-

nis primis, non autem de terminis concomitantibus. Intelligo autem, quod primi termini cuiuslibet mutationis sunt priuatio, & forma, cōcomitantes autem sunt quę coniunguntur prædictis.

Ad aliud dico, quod si ponitur idem esse in duobus locis, non sequitur quod eadem materia informetur duabus formis, simul nec eiusdem speciei, vel alterius.

*Ad exemplū
de alimento.*

Ad exemplum de alimento dico, quod idem fieret de alimento sumpto à diuersis in diuersis locis sicut fieret si duo stomachi fierent in eodem loco, & cibus ille esset in utroque stomacho. Tūc enim vel virtus vna totalis vinceret aliam, & tunc totum alimētum conuerteret in substantiam suam. Vel esset æqualis virtus, & tunc æqualiter conuerteret de alimento isto in suum corpus, & illa in suū. Vel esset inæqualis non tamen vna omnino vinceret aliam, & tunc fortior plus conuerteret in suum corpus, & alia debilius minus conuerteret. Eodem modo de animalibus in diuersis locis recipientibus illud alimentum. Eodem etiam modo de diuersis ignibus approximatis vni ligno in diuersis locis.

Ad argumentum in contrarium, multi concedunt relationes oppositas simul esse in eodem dicentes idem esse, & secundum idem principium agendi vel patiendi, scilicet, quando intellectus intelligit, & voluntas vult.

Potest etiam dici, quod non est inconueniens idem corpus esse superius, & inferius, si habet vbi inferius, & superius, vt patet ex iam dictis.

Vtrum corpus Christi possit esse simul in
cælo, & in eucharistia?

Scotus 4. sent. dist. 10. q. 4.

QVÆSTIO II.

AD secundam quæstionem sic proceditur. Videtur, quod corpus Christi simul non potest esse in cælo, & in eucharisti, quia formalis ratio essendi in loco est quantitas secundum philosophum 4. phisicorum. c. de vacuo. Sed non potest

aliquid plurificari nisi plurificata eius ratione formali, ergo cum quantitas corporis Christi sit vna non potest ipsum esse nisi in vno loco.

Contra. Corpus Christi vere est in cælo secundum illud Augustini. Donec firmatur seculū sursum est dominus. Est etiam vere in eucharistia, vt probatum est superius.

In ista quæstione conclusio certa est ex fide, quod corpus Christi est in cælo, & in altari. Sed diuersitas est in modo ponendi. Vnus dicit, quod per conuersionem alterius in ipsum potest idem corpus esse alibi quam in loco suo naturali, quia vbi primo conuersum ibi est illud in quod conuersum est, non localiter sed sacramentaliter, & hoc modo, scilicet sacramentaliter potest esse in diuersis locis non autem localiter. Sed improbatio huius opinionis patet ex dictis superius. Ideo dico aliter sic. Non est impossibile idem corpus esse in vno loco quantitatiue, & in alio non, sed Christi corpus est in cælo quantitatiue, in altari autem non quantitatiue, quia non est ibi secundum ordinem partium in loco licet ibi sit secundum ordinem partium in toto vt dictum fuerat in secunda quæstione 9. distin. ergo idem corpus potest esse in cælo, & in eucharistia. Si autem teneatur, quod in præcedenti quæstione conclusum est, quod scilicet idem corpus posset esse localiter in pluribus locis, quæstio est soluta.

*Vide vbi
supra.*

Ad argumentum in contrarium dico, quod ratio formalis potest intelligi dupliciter, scilicet pro ratione formali proxima, vel remota, sicut calor dicitur formalis ratio agendi, dicitur etiā formalis ratio essendi. Similiter loquendo de prima ratione, potest concedi, quod sine plurificatione huius non plurificatur illud cuius est ratio formalis, sed de ratione formali secundo modo falsum est, quantitas autem non est formalis ratio essendi in loco primo modo, sed secundo modo, igitur, &c.

DISTINCTIO X.

Circa distinctionem decimam quæritur.

Vtrum Christus in eucharistia existens, possit
per aliquem naturalem virtutem transmu-
tare aliquid aliud à se?

Scotus 4. sententiarum distinctio. 10. q. 7.

QVÆSTIO I.

AD huc circa distinct. decimam quæro tres
quæstiones. Prima. Vtrum Christus existens
in eucharistia posset per aliquam virtutem
naturalem aliud transmutare in se? Secundo
si intellectus creatus posset naturaliter vide-
re existentiam corporis Christi. Tertio. Vtrum aliquis
sensus posset sentire corpus Christi in eucharistia?

Ad primam quæstionem sic proceditur. Videtur,
quòd Christus in eucharistia existens per virtutem na-
turalem posset transmutare aliud in se. Quia habens
principium transmutandi, potest per illud aliud trans-
mutare. Sed Christus in eucharistia existens habet
principium transmutandi aliud, quia omnem formam
absolutam quam habet in existentia naturali habet in
existentia sacramentali.

Contra. Omne agens physicum in agendo repetitur,
sed corpus Christi in eucharistia existens non potest
pati, ergo, nec agere.

In ista quæstione. Primo ponuntur duæ distinctio-
nes. Secundo duæ conclusiones. Tertio conclusionum
declarationes.

Quantum ad primum dico, quòd sicut homo com-
positus est ex anima, & corpore, ita habet quasdam po-
tentias mere spirituales, quæ conveniunt, primo ani-
mæ, & toti corpori per animam sicut intellectus, & vo-
luntas. Etiam habet quasdam potentias, scilicet corporeas
quæ scilicet non sunt animæ per se, sed totius coniuncti ex
corpore, & anima sicut patet in lib. de sensu & sensato.

Secunda distinctio est, quòd istarum potentiarum quæ
sunt totius coniuncti quædam sunt magis coporeæ, quia
sequuntur naturam corporis mixti, quædam autem sunt
magis approximate ad naturam animæ, sicut sunt illæ

3. Phy. con-
tex. 8.

1. de gene.
cont. 54. C.

55.

quæ sequitur corpus animatum in quantum animatum.

De secundo articulo pono duas conclusiones.

Prima, quod Christus in eucharistia non potest uti aliqua potentia actiua corporea siue illa sit, mere corporea consequens naturam mixti, siue sit corporea consequens totum animatum. Probatur, quia omnis potentia actiua corporea requirit passum in quod agat approximatum sibi localiter, sed illa potentia ut est hic non approximatur alicui localiter, ergo ut hic est non potest habere passum sibi approximatum in quod agat. Maior patet 7. physicorum. Oportet enim agens corporeum esse approximatum passo mediate, vel immediate.

5. Met. com.

8. & 9. in de.

Secunda conclusio est, quod Christus in eucharistia potest uti quacunque potentia actiua spiritali, hoc probatur per medium tale. Illa potentia potest Christus uti in eucharistia, quæ non requirit ad suam actionem, quod habeat esse localiter, sed potentia actiua mere spirituales sunt huiusmodi, scilicet intellectus, & voluntas, quia abstrahunt à loco.

De tertio articulo conclusiones prædictas in speciali declarando dico, quod Christus in eucharistia potest habere aliquam actionem mere spiritualement tam ex parte principii, quam ex parte termini, & potest habere aliquam spiritualement ex parte principij agendi, corporealem tamen ex parte termini. Probatur primum istorum, quia si esset aliquis angelus præsens Christo in eucharistia posset anima Christi illum angelum illuminare & illi loqui locutione intellectuali eo modo quo angelus existens ubi Christus est posset alium angelum illuminare, vel alteri loqui. Nam ista illuminatio, & locutio non requirit nisi principium actiuum sufficiens illuminare, & loqui, & subiectum capax ex parte recipientis, & approximationem sufficientem illuminantis ad illuminatum secundum ubi diffinitiuum, hæc autem omnia in proposito sunt, ergo, &c.

Opinio propria auctoris.

Secundum, scilicet quod Christus existens in eucharistia potest habere actionem spiritualement ex parte principii, & tamen corporealem ex parte termini Declaratur sic. Quia angelus habet potentiam motiuam secun-

dum locum non tamen organicam. Ista autem potest esse principium mouendi secundum totum, non tamen secundum partes quomodo corpus nostrum mouetur organice. Sed quæcunque anima intellectiua habet talem potentiam motiuam, igitur potest esse principium motus, & per consequens est mere spiritualis ex parte principii, quia nullo modo est organita, & tamen corporalis ex parte termini, quia eius terminus est motus localis corporis.

2. de gene. con-
text. 59.
idem. 8. phis.
con. 59.

Si tunc arguitur contra istud, quia tunc anima hominis habet duplicem potentiam motiuam secundum locum, videlicet organicam, & non organicam, hoc autem ponere videtur superfluum, tum quia videntur esse eiusdem rationis, tum quia alia potentia non potest exire in actum suum pro statu isto. Dico quod nulli naturæ debet negari quod est in ea perfectionis nisi appareat in ea manifesta necessitas, quia semper facit natura quod melius est, ex 2. de generatione, non ergo ista potentia est superflua. Et cum arguitur, quod esset eiusdem rationis nego. Tu dicis, frustra ponitur, quia nullus eius actus potest haberi.

Contra, Nunc habemus gustum, & alios sensus necessarios ad perfectionem naturæ humanæ, & tamen isti sensus erunt sine actu suo in beatitudine, tamen non sunt frustra, ergo, &c.

Ad argumentum in contrarium dico, quod habens principium transmutandi, potest transmutare quantum est ex parte sui, sed multa impedimenta possunt peruenire, vel ex parte agentis, vel ex parte subiecti, vel mediij propter quod habens illud principium non potest exire in actum, & sic in proposito.

Vtrum intellectus creatus possit videre
corpus Christi vt in eucharistia?

Socrates 4. sent. distinct. 10. q. 8.

D. Thomas 3. parte. q. 76. Artic. 7.

Ricard. 4. sent. dist. 10. q. 1.

Franciscus de Mayronis 4. sentent. dist. 11. q. 2.

QVÆSTIO II.

AD secundam quæstionem sic proceditur. Videtur, quod nullus intellectus creatus posset naturaliter videre existentiam corporis Christi in eucharistia, quia existentia supernaturalis naturaliter non est visibilis, sed illa existentia est supernaturalis, ergo, &c.

Contra. Anima Christi naturaliter nouit se esse ubique est, sed est in eucharistia, ergo.

In ista quæstione dicitur à quodam absolute, quod non potest cognosci naturaliter illa existentia ab intellectu hominis viatoris, quia est obiectum fidei, potest tamen cognosci ab intellectu beato, & hoc beatifico actu, quia eorum, quæ enigmatische cognoscuntur in via, succedit clara visio in beatitudine. *D. Tho. præsent. dist. q. 4. Ar. 4.*

Iterum primum dictum patet secundum alios, & probatur, quia lumen naturale non attingit cognitionem existentia supernaturalis. *Ricardus præsent. distinct. q. 1. Ar. 5.*

Sed aliter dico, & primo expono terminos in quæstione positos. Secundo respondebo ad quæstionem.

Proponuntur autem in quæstione ista tres termini scilicet, intellectus, naturaliter, & videre.

Expono autem illos terminos. Intellectus enim creatus, vel est omnino separatus à materia sicut angelicus, vel est similis in operatione ut pote intellectus animæ separatae, & intellectus animæ coniunctæ corpori corruptibili, qui non intelligit nisi cum fantasmate. ex tertio de anima.

Secundo expono hoc verbum naturaliter. Non enim intelligitur, quod intellectus ex sola sua natura possit illud obiectum cognoscere, quia est sicut tabula rasa, ex tertio de anima, sed intelligitur cognoscere naturaliter, quia potest cognoscere concurrentibus causis naturalibus, scilicet actiuo, vel passiuo.

Tertio expono quid intelligitur per videre. Videre enim importat intellectionem intuitiuam ut distinguitur contra abstractiuam intellectionem. Sicut enim dicebatur. Intellectio intuitiua est intellectio rei ut in se est præsens. Abstractiua autem cognitio rei secundum

*In Prologo
primis sent.*

quod relucet in aliqua similitudine, quæ potest esse siue alicuius existentis siue non existentis, siue præsentis, siue non præsentis. Non ergo queritur de intelligere naturaliter, sed de videre hoc est de intellectione intuitiua huius existentia.

His autem omnibus præmissis, terminorum expositione declarata. Dico ad quaestionem tres conclusiones. Prima, quod intellectus pro statu viæ non potest naturaliter videre corpus Christi vt in eucharistia existens. Probatio huius conclusionis. Quia intellectus qui non intelligit nisi ex sensibilibus si sunt sensibilia præsentia eodem modo intelligit. Sed intellectus noster pro statu viæ nõ intelligit nisi ex sensibilibus, ergo si sensibilia eodem modo se habent intellectus eodem modo intelligit. Sed sensibilia eodem modo se habent ante consecrationem sicut post consecrationem, sed ante consecrationem intellectus noster ex sensibilibus illis non videbat existentiam corporis Christi, ergo nec post.

*2. Met. con-
tex. 4.*

Secunda conclusio est de intellectu non alligato sensibus in intelligendo, & sit ista conclusio. Omnis intellectus talis potest naturaliter videre existentiam corporis Christi in eucharistia. Probatio huius, Quia intellectus se habens ad intelligibilia sicut ipsa in se sunt intelligibilia prius intelligit, quod prius est intelligibile in se, & per consequens, quod prius est in se ens, quia vnumquodque sicut se habet ad esse, sic se habet ad intelligibilitatem. Sed intellectus modo exposito acceptus respicit totum ens, & quodlibet ens secundum ordinem suæ intelligentiæ. Substantia autem est prior in entitate, igitur talis intellectus prius illam substantiam intelligit, quam quemcunque modum eius & per consequens nullus modum impedit intellectionem substantiæ.

Secundo hoc idem breuiter ostenditur. Modus accidentalis per se in obiecto non impedit cognitionem illius obiecti. Sed ista præsentia in illa eucharistia est modus accidentalis substantiæ corporis Christi, igitur non impedit substantiam cognosci ab intellectu cuius ipsa est per se obiectum. Sed est per se obiectum illius intellectus abstracti qui non dependet intelligen-
do à sen-

do à sensibilibus, ergo.

Tertia conclusio est, quod intellectus beatus nullo modo per actum beatificum videt corpus Christi in eucharistia. Quia beatus non distinguitur à non beato nisi videndo obiectum beatificum. Sed corpus Christi in eucharistia non est obiectum beatificum, vt patet de se, nec est inclusum in obiecto beatifico, quod patet, quia æque essentialiter pertinet ad obiectum beatificum includere in ratione obiecti visionem vnius sacramenti sicut alterius, sed nullo modo pertinet ad obiectum beatificum includere illud in ratione ostensi puta conferre gratiam paruulo in baptismo, pœnitenti conferre gratiam in pœnitentia seu confessione. Et ista æque veraciter includuntur in sacramentis istis sicut corpus Christi in eucharistia, ergo nullo modo obiectum beatificum, vrest tale obiectum includit corpus Christi vt visum est in eucharistia. *Nota: be-
ne.*

Ad argumentum in contrariũ dico, si arguis vniformiter est ens supernaturale, ergo est cognoscibile supernaturale, ita quod supernaturale in antecedente, & consequente referatur ad idem, concedo consequentiam, quia in consequentia refertur supernaturalitas ad entitatem sicut in antecedente. Sed tunc non sequitur, ergo tantum supernaturaliter potest cognosci. Si autem intelligitur in consequente cum dicitur cognoscibile supernaturale referri ad cognoscibilitatem, idest non potest esse cognitum nisi supernaturaliter, nego consequentiam. Multa enim sunt entia supernaturalia quæ possunt cognosci à causa naturali, vt si Deus crearet aliquam nouam speciem non videtur ratio quare non posset ab intellectu naturali cognosci.

Vtrum existentia corporis Christi possit
videri oculo corporali?

Scotus 4. sent. dist. 10. q. 9.

D. Thomas 3. parte quest. 76. Articuli. 7.

Ricardus 4. sentent. distinctio. 10. q. 2. Art. 5.

Durandus 4. sentent. distinctio. 10. q. 4.

HHH

QVAESTIO III.

AD tertiam quaestionem sic proceditur. Videtur, quod existentia corporis Christi in eucharistia possit videri oculo corporali. Quia beatus videndo istas species non deciperetur, quia deceptiuo repugnat beatitudini, sed si videret ibi species, & non videret corpus Christi, posset decipi, & credere ibi esse substantiam panis, ergo.

Contra. nihil videtur oculo corporali nisi habens ordinem naturalem ad oculum, sed corpus Christi in eucharistia existens, non habet ordinem naturalem ad oculum, ergo.

In ista quaestione. Primo dicta aliorum proponam. Secundo quid videtur esse dicendum exponam.

*Duplex est
videre.*

Quantum ad primum distinguendo de videre naturaliter, & miraculose, & de oculo glorioso, & non glorioso. Dicitur ergo, quod neuter visus potest naturaliter videre corpus Christi in eucharistia. Ad quod assignatur multiplex ratio.

Prima est ista. Actio naturalis non est sine contactu, sed oculi ad corpus Christi existentis in eucharistia non potest esse contactus, igitur. Probatio minoris, quia contactus non est sine quantitate, sed corpus Christi non est ibi sub modo quantitatis, igitur non potest ibi esse contactus.

Secunda ratio est ista. In visione oportet, quod fiat deriuatio speciei visibilis per medium, sed species non potest deriuari à corpore Christi existenti in eucharistia per medium, ergo. Probatio minoris. Nam species deriuatur ab aliquo existenti in loco, sed corpus Christi non est in eucharistia, ut in loco, ergo.

Quicquid sit de efficacia istarum rationum. Dico, quod Deus de potentia absoluta potest in oculo glorioso vel non glorioso visionem illius corporis causare, licet illud corpus nusquam esset nisi in eucharistia. Probatio huius, quia visio est forma absoluta, sed absolutum potest fieri absque respectu sine contradictione, ideo potest fieri visio sine respectu praesentialitatis ad obiectum.

Secundo dico, quod nulla visio sic à Deo causata posset esse corporis, vt hic. Primo, quia hoc includeret corpus vt hic esse causam primæ visionis, vel esse proprium, & primum subiectum seu terminum visionis, sed corpus Christi vt hic non potest causare primo nec terminare primo, quia tam causatio, quā terminatio talis requirit in obiecto causante, vel terminante dispositionem debitam secundum locum vtpote approximationem, vel distantiam determinatam, sed corpus Christi vt hic seu in eucharistia non potest debite approximari organo nec distare ab eo, quia non est in loco vt hic, ergo.

Visio est forma absoluta.

Ad argumentum in contrarium dico, quod sensus noster non decipitur circa eucharistiam, sed tantum intellectus arguens ex his quæ sensus apprehendit, quod ibi est substantia panis. Dico ergo quod sensus beati perciperet hoc, quod sensus noster, scilicet accidentia sensibilia, nec in isto aliquo modo deciperetur sicut nec noster immo minus quam noster, sed nec ipse intellectus beati deciperetur, quia non sic sophistice argueret ex actu sensus sicut noster arguit. Vnde alia ratio est de intellectu hominis viatoris, & de intellectu hominis apprehensoris, igitur, &c.

DISTINCTIO XI.

Circa distinctionem vndecimam quæritur,

Vtrum panis transubstantietur in corpus Christi?

Seraphicus Bonauent. 4. sent. dist. 11. q. 1. Art. 1.

Scotus 4. sentent. distinctio. 11. q. 3.

D. Thomas tertia parte question. 75. Articuli. 4.

Ricardus quarto sententiarum distinct. 11. q. 1. Art. 1.

Durandus 4. sentent. distinct. 11. q. 3.

Ioannes Baconianus 4. sent. dist. 8. q. 5.

QVAESTIO I.

Hhh ij



I autem quæritur. Circa istam dist. 11. sic proceditur, & quæro tres quæstiones. Primo. Vtrum in ista transubstantiatione panis conuertatur in corpus Christi? Secundo, si panis in ista conuersione annihiletur? Tercio, sine argumentis quæritur quæ sit materia conueniens huius sacramenti?

Ad primam quæstionem sic proceditur. Videtur, quòd panis non conuertatur in corpus Christi. Quia in omni mutatione positiua terminus ad quem accipit esse. Sed corpus Christi non accipit esse, ergo, &c.

Contra Amb. lib. de sacramentis dicit. Vbi hoc corpus conficitur iam non suis sermonibus, sed Christi sacerdos vitur. Et quis sermo Christi nisi quod facta sunt omnia, si ergo tanta vis est in sermone domini, ita vt reciperet, esse quod non erat, quanto magis operatiuus est vt quæ erant in aliud conuertantur?

In ista quæstione sunt duo videnda. Primo si panis transubstantiatur in corpus Christi. Secundo quis est formalis terminus illius transubstantiationis.

par. 3. c. 16

Quantum ad primum sicut recitat Innocentius in officio missæ, circa hoc sunt tres opiniones. Vna, quod panis manet, & tamen cum eo est vere Christi corpus. Alia, quòd panis non manet, & non conuertitur, sed tamen definit esse per annihilationem vel per resolutionem in materiam vel per corruptionem in aliud.

Tertia opinio, quod panis non manet, sed transubstantiatur in corpus Christi, & vinum in sanguinem. Quælibet autem istarum opinionum voluit theologice saluare, quod est ibi vere corpus Christi, quia hoc negare est plane contra fidem, vt patuit supra. Nam Christus ait Matth. Hoc est enim corpus meum. Et Io. Caro mea vere est cibus. Et Luc. Hoc est corpus meum, & hic est sanguis meus.

Distin. 9. c. 26

Cap. 6.

Cap. 21.

Pro prima opinione arguitur sic. Nulla pluralitas ponenda est sine necessitate, sed veritas eucharistiæ saluari potest sine transubstantiatione, ergo. Probatio minoris, quia ad veritatem eucharistiæ requiritur signum & signatum realiter contentum. Sed substantia panis cum suis accidentibus æque potest esse signum sicut

3 phy. con-
tex. 50.

sola accidentia , immo magis , quia substantia panis magis est sub speciebus nutritiua quam accidentia, ergo magis repræsentat corpus Christi in ratione nutritiui, vel nutrimenti spiritualis, res etiam contenta, scilicet corpus Christi æque potest saluari cum substantia panis sicut cum accidentibus, quia non repugnat magis substantiæ esse cum substantia simul quam cum quantitate illius substantiæ.

Secundo sic. Nihil est tenendum tanquam de substantia fidei, nisi quod potest expressè haberi de sacra scriptura, vel expressè declaratum per ecclesiam, vel euidenter sequatur ex aliquo plane contento in scriptura, vel plane determinato ab ecclesia, sed non videtur haberi expressè non esse ibi panem. Nam Ioan. scribitur. *cap. 6.* Ego sum panis viuus. Et Apostolus dicit. *Cor. c. 10.* Panem quem frangimus nonne communicatio corporis Christi est? Nec videtur vbi ecclesia veritatem istam solenniter determinet.

Pro secunda opinione arguitur sic. Ex præcedenti probatione apparet, quòd non videtur magis probari ex scriptura transubstantio quam panis manere, immo minus.

Contra istas opiniones arguitur sic, primo contra primam. Quia ipsa est inconueniens impossibilis, & hæretica.

Primum probatur, quia tollit reuerentiam debitam Christo vt continetur in hostia, sibi enim vt est in eucharistia debetur cultus latriæ. Sed si ibi maneret substantia panis non deberet talis cultus adhiberi propter idolatriam adorando creaturam.

Secundo, scilicet, quòd positio sit impossibilis probatur sic. Nihil potest incipere esse vbi prius non fuit nisi per sui mutationem, vel alterius in ipsum, sed corpus Christi non mutatur per hoc, quòd in eucharistia conficitur, quia manet in cælo sicut prius, ergo si nihil conuertatur in ipsum, tunc Christus non magis est in altari quam prius, quod est impossibile.

Tertium, scilicet, quod sit hæretica probatur sic, quia est contra verbum Christi instituentis, Matth. Hoc est inquit corpus meum, non dixit hic est corpus meum, sed *Cap. 26.* hoc est corpus meum. Si autem substantia panis mane-

ret vel annihilaretur & non conuerteretur verius diceretur, hic est corpus meum, quam hoc est corpus meum.

Contra secundam opinionem potest argui per argumenta immediate facta, & etiam potest argui specialiter contra hoc, quod ponit resolutionem in materiam panis præiacentem, vel in nihilo. quia vel fieret in materiam nudā, & hoc est impossibile, quia tunc esset materia, sine forma, quod ipsi negant. Vel fieret in materia sub alia forma, sed hoc est inconueniens, quia vel idem corpus aliud nouum esset simul cum speciebus, & corpore Christi, & tunc duo corpora essent simul. Vel mutaretur de loco ad locum, quod est inconueniens, quia ille motus localis potest percipi per exclusionem corporis alterius circumstantis.

Quicquid autem sit de efficacia istarum rationum clarum est, quod illæ duæ opiniones sunt falsæ. Ideo dico, quod nec panis manet vt dicit prima opinio, nec annihilatur vt dicit secunda opinio, sed conuertitur in corpus Christi vt dicit, tertia quæ est catholica. Hoc autem probatur auctoritatibus Ambrosij, & aliorum quos adducit Magister in litera supra. Sed principalis ratio ad hoc probandum talis est. De sacramentis est tenendum sicut tenet sacrosancta ecclesia Romana, extra de hæreticis ad abolendam, sed sacrosancta mater ecclesia tenet panem transubertari in corpus, & vinum in sanguinem sicut clarè habetur extra de summa trin. & fide cathol. c. firmiter credimus, vbi dicitur, quod Iesus Christus sacerdos est, & sacrificium, cuius corpus, & sanguis in sacramento altaris in speciebus panis & vini veraciter continetur transubertatis pane in corpus, & vino in sanguinem potestate diuina, &c.

Ad argumenta autem primæ opinionis ad primum nego minorem. Et cum dicit quod veritas eucharistiæ potest saluari pane manente. Dico, quod Deo bene fuisset possibile instituisse, quod corpus suum verè esset præsens manente substantia panis, vel cum accidentibus pane annihilato, & fuisset ibi veritas eucharistiæ, quia verum signum, & verum signatum, sed hoc non est modo veritas tota eucharistiæ. Non enim sic instituit vt dicunt auctoritates sanctorum, & eccle-

fiæ. Et cū dicitur, quòd ad veritatē eucharistiæ nihil plus requiritur nisi verum signum, & verum signatum. Dico quod verum est eo modo quo signum est institutum, & quod debet sibi correspondere signatum, quod non est nisi præcise, quod corpus sit cum aliquo, scilicet cum pane vel cum accidentibus panis. Sed institutum est nunc, quòd sit tantum signatum cum accidentibus sub signo.

Ad argumentum secundum vbi stat vis, Dicendum, quod ecclesia determinat istum intellectum esse de veritate fidei in c. præ allegato, firmiter credimus, vbi dicitur transubstantiationis pane in corpus & vino in sanguinem potestate diuina, & per hoc patet ad argumentum alterius opinionis.

De secundo articulo, scilicet quis sit formalis terminus illius transubstantiationis. Dicitur, quod in humana natura Christi nihil est nisi materia prima, & anima intellectiua tanquam forma, & terminus primus conuersionis est compositum ex materia, & forma, anima intellectiua in quantum intellectiua dat esse corporeum, & constituit compositum quod est corpus. Quòd autem in natura humana non sit alia forma præter animā intellectiuam, probatur ab eis multipliciter.

Primo sic. Vnius rei vnicum est esse, sed vnicum esse est ab vna forma, ergo vnius entis puta hominis est tantum vna forma.

*D. Thom. I
part. q. 76.*

Secundo sic. Forma substantialis distinguitur à forma accidentali, quia forma substantialis aduenit enti in potentia, accidentalis autem aduenit enti in actu, sed si in homine esset alia forma substantialis præter animam intellectiuam tunc anima intellectiua adueniret enti in actu existenti, & sic esset forma accidentalis.

Art. 3. & 4

Tertio sic. Si in homine essent plures formæ substantiales dicendo homo est animal, non esset prædicatio per se primo modo, consequens est falsum, ergo, & antecedens, probatio consequentis, quia prædicatio sumpta à diuersis formis est per accidens, sicut cum dicitur homo est albus, sed si in homine essent plures formæ cum diceretur homo est animal, tunc ista prædicatio sumeretur à diuersis formis.

*An in homi-
ne sint plures
formæ.*

Vide Scotum

Contra illam opinionem quantum ad illud, quod dicit de pluralitate formarum nolo ad præsens disputare, quia illud spectat ad materiam secundi libri directè, & vt nunc breuiter indirectè tangatur. Arguo contra illud quod dicit, quod formalis terminus illius conuersionis est materia, & anima intellectiua. Quia si hostia consecrata in cœna fuisset reseruata in triduo in pixide permanisset ibi eadem res contenta. Illud autem in quod primo fiebat conuersio non fuit materia prima, nec accidentia, nec compositum ex materia, & accidente, igitur erat cõpositum ex materia, & forma substantia-
li, sed tunc non erat compositum ex materia, & anima intellectiua, quia Christus fuit vere mortuus, & anima intellectiua vere fuit separata à corpore.

*An dentur
plures forme.*

Præterea terminus illius conuersionis oportet quod sit aliquid reale, quia conuersio est realis. Sed anima intellectiua, vt dat esse corporeum distinguendo contra esse intellectiuum secundum aliquos non est aliquid reale, sed quid abstractum per actum intellectus, ergo ista conuersio non potest esse in anima sub tali ratione.

Præterea. Quod non est corporeum formaliter non dat alteri esse corporeũ formaliter, quia causalitas causæ formalis est dare tale esse alteri quale sibi competit, sed anima intellectiua non est corporea formaliter, ergo non potest dare esse alteri corporeum.

Ad argumenta autem quibus probatur vnitas formæ dicebatur in secundo.

Quantum igitur ad illum articulum dico, quod corpus Christi includit per se materiam, & ad minus vnā formam mixti priorem anima intellectiua, quæ constituit corpus de genere substantiæ, & idem corpus est formalis terminus conuersionis prædictæ.

*Vide Scotum
hic, & in se-
cundo, dist. 17*

Ad argumenta autem quibus probatur, quod in homine non sit alia forma præter animam intellectiuam, visum est.

Ad argumentum in contrarium patet ex dictis, quia hæc mutatio non est qua terminus accipit esse simpliciter, sed qua accipit esse vt hic.

Vtrum panis ista conuersione
annihiletur?

Scotus 4. sent. dist. 11. q. 4.

D. Thomas 3. parte q. 75. Art. 3.

Ricardus 4. sentent. distinctio 11. q. 3. Ar. 1.

Franciscus de Mayronis 4. sentent. distinctio 11. q. 2.

Q V A E S T I O I I .

AD secundam quæstionem sic proceditur.
Videtur, quod panis in illa conuersione an-
nihiletur, quia quod processit, & nihil eius
manet, annihilatur, sed panis præfuit, & ni-
hil eius manet, ergo.

Contra. Conuersio non est annihilatio, ergo quod
conuertitur non annihilatur.

Ad illam quæstionem breuiter dico, quod panis non
annihilatur, quia terminus ad quem est transitus ipsius
panis non est pure nihil, igitur panis non est annihila-
tus. Consequentia probatur quia terminus annihilatio-
nis debet esse purum nihil probatur per simile, quia ter-
minus creationis à quo est purum nihil, antecedens pro-
batur, quia terminus illius transitus est corpus Christi.
Nam si negatio panis cōcomitetur terminum ad quem
non tamen terminus ille est omnino nihil, sed in ali-
quo positiuo. Et ideo est notandum, quod terminus an-
nihilationis est purum nihil ita, quod nihil termini à quo
manet in termino ad quem. Item secundo negatio eius
non manet in aliquo apto nato quæ dicitur priuatio ter-
minans eam. Item tertio negatio non est in aliquo posi-
tiuo disparato terminans eam, sed est simpliciter nega-
tio extra genus, scilicet extra omne positiuum siue il-
lud sit subiectum quod dicitur priuatiuum secundum il-
lam negationem siue sit disperatum, quod includat il-
lam negationem.

*Quid sit ter-
minus anni-
hilationis.*

Ad propositum licet hic non sint illæ duæ primæ ratio-
nes de quibus patet, quod propter eas corruptio non est
annihilatio, quia aliquid rei corruptæ manet in esse, quia
negatio terminans eam manet in subiecto apto nato, est

tamen ibi tertiatio, scilicet, quod negatio terminans est in aliquo positiuo nō subiecto, sed disparato. Per hoc igitur patet, quod illa desitio panis secundum se etiam vt est ad non esse panis non est negatio extra genus, sed vt in corpore, & ideo non est annihilatio.

Ad argumentum principale neganda est illa maior, quia oportet ibi addere nihil eius manet, & simpliciter nihil succedit vt per se terminus, ergo.

Vtrum solus panis triticeus cum aqua elementari coagulatus sit conueniens materia conuersionis in corpus Christi?

Seraph. Bona. 4. sent. dist. 11. q. 4. Artic. 1.

Scotus 4. sent. distinct. 11. q. 6.

D. Thomas 3. par. q. 74. Artic. 3.

Durandus 4. sent. dist. 11. q. 4.

Ioannes Baconianus 4. sent. dist. 8. q. 2.

QVAESTIO III.

AD tertiam quæstionem sic proceditur sine argumentis, & dico duas conclusiones.

Prima, quod solus panis triticeus cum aqua elementari coagulatus est materia conueniens conuersionis in Christi corpus. Tum quia Christus sic ordinauit. Tum quia Christus sic grano frumenti se comparauit. Tum quia Melchisedech hoc præfigurauit vt patet Gen. quando obtulit panem, & vinum, erat enim sacerdos Dei altissimi.

Cap. 14.

Secunda conclusio, quod solum vinum expresum de vite, vel vinum vitis est conueniens materia conuersionis in sanguinem Christi, vt patet de conse. dist. 2. c. vinum. Cuius ratio est, quia Christus sic instituit, & congruentia potest assignari quia secunda pars principalis nutritionis, scilicet potus principaliter consistit in vino, vt in potu principali. Ceruisia tamen plus nutrit de qua non fit mentio, quia non est in communi usu.

Sed contra ista occurrunt quatuor dubia, & tria sunt

contraprimam conclusionem, Quartum autem contra secundam. Primum an de amido posset formari panis consecrabilis. Secundum an de farina triticea pasta confecta non tamen cocta posset confici. Tertium an panis azimus aut fermentatus sit materia conueniens huic sacramento. Quartum dubium est quare vino apponitur aqua. *Quatuor dubia.*

Ad primum dico, quod non, quia accidentia differentia specie arguunt subiecta differentia specie, sed amidum, & panis triticeus secundum medicos habent accidentia differentia specie, ergo differunt specie. Sed panis triticeus est materia propria conuersionis in corpus Christi, ergo non amidum.

Ad secundum dico, quod de pasta non potest confici, quia noluit Christus in sacramentis suis subtilem disputationem de differentia specifica nobis imponere, sed, quod habeamus panem triticeum vsualem pro materia consecrationis, panis autem vsualis est coctus, & non pasta cruda.

Ad tertium dicunt Græci, quod necesse est conficere in fermentato, dicunt enim quod Christus passus est Luna 14. vt impleretur figura legis de agno paschali. Sed inter Iudæos licuit tunc habere panem fermentatum in vsu, & communiter habebatur, non enim fuit eis interdictus panis fermentatus, ergo Christus confecit in fermentato sed illud est falsum. Quod enim Christus sit passus Luna 17. probatur expresse per illud Matth. prima die azimorum, scilicet Luna. 14. comedit agnum paschalem, & 17. erat sollemnitas, & illa die passus est Christus, & sic illa hora qua comedi debuit agnus paschalis secundum legem comederunt discipuli agnum, hoc igitur est tenendum, quod de necessitate panis consecrabilis non est, nec quod sit azimus, nec quod sit fermentatus, quia secundum Ans. in libro suo de azimo, & fermentato non differunt substantialiter fermentatus, & azimus, ergo non nego Græcos vere conficere, quia tempore Leonis Papæ fuit constitutum, quod conficeretur de fermentato, tamen de necessitate ministri in ecclesia Latina est conficere in azimo. *Cap. 26.*

Ad quartum autem dubium quare, scilicet, aqua vi-

*Quartum du-
bium.*

no apponatur, dicit Magister in ista dist. hoc esse, quia aqua significat populum Christi passione redemptum, secundum illud capitulum dist. 2. de consecr. Non oportet, & extra de celebr. missarum, in qua distinctione dicit hoc esse, quia dum Christus in Cruce pependit de corpore eius fluxit sanguis, & aqua, ergo, & cæter.

DISTINCTIO XII.

Circa distinctionem duodecimam quæritur.

Seraphicus Bona. 4. senten. distinc. 12. q. 3. Artic. 1.

Scotus 4. senten. distin. 12. q. 1.

D. Thomas 3. parte, quæst. 77. art. 1.

Richardus 4. senten. distinc. 12. q. 1. Art. 1.

Franciscus de Mayronis 4. sent. dist. 12. q. 3.

Durandus 4. sententiarum distinctio. 12. q. 1.

QVÆSTIO I.

SI autem quæritur. In ista distinctione 12. quæro duas quæstiones. Primo. Vtrum in eucharistia sit aliquod accidens sine subiecto? Secundo. Vtrum quodcunque accidens maneat sine subiecto?

Ad primam quæstionem sic proceditur. Videtur, quod in eucharistia non sit aliquod accidens sine subiecto, quia sicut substantiæ conuenit esse per se, sic accidenti conuenit esse in alio, sed impossibile est esse substantiam, & esse in alio, quia quod vere est nulli accidit primo phisic. ergo impossibile est accidens esse, & non esse in alio.

Contra. Magister in litera adducit multas auctoritates sanctorum Doctorum, quod accidentia in eucharistia sunt sine subiecto.

In ista quæstione pono Primo aliquas opiniones. Secundo pono aliquas conclusiones. Tertio remouebo dubitationes.

*1. Phy. cont.
27. & 30.*

Quantum ad primum dicit vna opinio, quod accidens potest esse sine subiecto, non tamen naturaliter, sed supernaturaliter, quia Deus accidenti dat nouum esse.

Contra istam opinionem arguitur sic. Si accidens quando separatur habet nouum esse, oportet ibi ponere aliquam transmutationem à carentia præcedentis esse ad illud nouum esse, sed hoc est impossibile, primo quia non potest poni quæ sit illa mutatio, non enim est generatio, quia accidens non est subiectum generationis, nec augmentatio, quia non acquiritur quantitas per istam mutationem, eodem modo nec est alteratio, quia non acquiritur qualitas.

Item illud esse nouum aut est substantia, vel accidens, vel neutrum. Si autem est substantia, tunc erit independens, & per consequens non erit formaliter esse alicuius accidentis, quia nullum accidens potest formaliter esse independens. Si autem sit accidens, quocunque per reductionem erit æque dependens cum forma cuius est, & per consequens per illud non poterit esse independens, neutrum autem non potest dari, quia omne ens creatum vel est substantia, vel accidens.

Alia opinio dicit, quod accidens separatur à subiecto, quia Deus dat sibi quandam virtutem supernaturalem per quam virtutem potest per se esse. Sed ista opinio dicit idem, quod præcedens licet sub alio vocabulo. Ideo arguitur contra eam sicut contra præcedentem, quia illa virtus adueniens est terminus alicuius mutationis. Tunc quæro, cuius mutationis est terminus, & ad quam speciem mutationis reducitur, quia vel est generatio, vel augmentatio, & arguitur sicut prius.

Præterea. Licet aliqua virtus detur alicui supernaturaliter, tamen postquam inest, naturaliter inest sibi, sicut si cæcus supernaturaliter illuminaretur non propter hoc potentia visiva erit supernaturalis, ergo licet esset miraculum in primo instanti conseruationis istorum accidentium sine subiecto quando confertur accidenti ista virtus post tamen istam virtutem erit accidens naturaliter sine subiecto.

Præterea. Impossibile est substantiam accipere aliquam virtutem per quam dependeat ad aliud non sibi

inhærens, ergo impossibile est accidens recipere virtutem per quam posset esse sine inhærentia, consequentia probatur, quia illa duo esse, scilicet per se esse, & inhærere æque appropriantur istis, scilicet substantiæ, & accidenti.

Quantum ad secundum articulum præmitto, primo distinctiones. Secundo formabo tres conclusiones.

*Accidens
potest accipi
duo bus modis*

Prima distinctio est ista, quod accidens potest accipi pro per se significato, vel pro eo, quod denominatur ab isto per se significato. Vltcrius accipiendo pro illo quod denominatur à significato istius nominis quod est accidens, potest accipi, vel pro absoluto, vel pro respectiuo.

Secunda distinctio, est ista, quod aliquid inesse subiecto potest dupliciter accipi, vel secundum actum, vel secundum aptitudinem. Tunc pono tres conclusiones.

Prima est, quod loquendo de per se significato accidentis contradictio est ipsum nō esse in subiecto intelligo vniformiter in subiecto, & prædicato, scilicet, si actu actu, si aptitudine aptitudine. Ista cōclusio probatur, quia per se significatum huius nominis accidens est quidam respectus ad illud cui accidit quem importat hæc dictio inhærens ad illud cui inhæreret. Nunc autem idem significatum est accidentis, & accidentiæ vt ita loquar, & inhærentis, & inhærentiæ. sicut ergo impossibile est accidentia esse, & non sit inhærentia, si actu actu, si aptitudine aptitudine. Ita impossibile est aliquid esse accidens loquendo de per se significato, & primo huius nominis quin sit inhærens proportionabiliter, hoc est si actu actu, si aptitudine aptitudine.

Secunda conclusio, quod loquendo de eo quod denominatur à per se significato accidentis, & est per se respectus contradictio est, quod sit sine subiecto, & hoc actu, ita scilicet, quod non actu inhæreat subiecto, probatur, quia respectus est essentialiter habitudo inter duo extrema, & ideo sicut tollere terminum ad quem est, respectus est destruere respectum, ita tollere illud cuius est respectus est destruere rationem respectus, non igitur, quia respectus est accidens, ideo requirit subiectum, vel fundamentum, sed quia est respectus.

Tertia conclusio est ista, quod illud quod denomina-

tur à per se significato accidentis, & est quid absolutum potest inesse, & non inesse subiecto actualiter, licet necessario insit aptitudinaliter. Ista conclusio probatur, quia absolutum, vt absolutum non requirit terminum, vel terminos, quia tunc non esset absolutum, igitur si accidens requirit subiectum, oportet quod hoc sit propter aliquam aliam dependentiam essentialem ad ipsum, sed nulla est dependentia simpliciter necessaria alicuius absoluti ad aliquid, quod non est de essentia eius, sed tantum causa extrinseca vt ad causam extrinsecam simpliciter primam scilicet, ad Deum, sed subiectum non est de essentia accidentis, quia tunc homo albus non esset ens per accidens, igitur dependentia accidentis absoluti ad subiectum omnino est simpliciter necessaria, voco autem simpliciter necessarium cuius oppositum includit contradictionem.

Quantum ad tertium articulum sunt aliquæ dubitationes maxime contra istam conclusionem, & arguitur primo sic. Nihil potest fieri sine eo, quod est de essentia eius, sed inhærentia ad subiectum est de esse accidentis, ergo non potest esse accidens sine subiecto. Probatio minoris, quia dicit Arist. quod accidentia non sunt entia nisi in eo, quod taliter entis. Probatur etiam ratione sic, quia si inhærentia non est de essentia albedinis, ergo illa est aliud ab albedine, & inhæret albedini. Tunc querro de illa inhærentia qua inhærentia inhæret albedini, quia aut ipsa est eadem albedini, seu ipsi inhærentiæ, & sic pari ratione fuit stādum in primo, aut non est eadem, & quæram de illa sicut de priori in infinitum.

7. met. cont. 2

Secundo sic, non minus dependet accidens à subiecto quam quantitas à figura vel linea à puncto, sed quantitas non potest separari à figura, nec linea à punctis, quia tunc esset infinita.

Tertio sic non minus dependet accidens à subiecto suo, quam subiectum à sua propria passione, immo magis, sed subiectum non potest separari à sua propria passione, ergo nec accidens à subiecto.

Quarto sic, posterius non potest esse sine priori, vt dicitur 5. metha. sed accidens est essentialiter posterius substantia, ergo probatio minoris. 7. meth. Est enim

Cap. de priori

7. met. cōt. 4.

substantia prior quocunque accidente notitia, tempore,
& diffinitione.

Ad ista respondeo.

Ad primum negando minorem, & ad probationem cum dicitur, quod accidentia non sunt entia nisi in eo, quod taliter entis, dico quod ly eo potest referri ad causam efficientem siue effectiuam, vel ad causam formalem. Si ad causam effectiuam tunc concedo, quod accidentia non sunt entia nisi effectiue, eo quod taliter entis, quia oriuntur ex principis subiecti. Si formaliter ly eo referendo ad causam formalem dico, quod illud non est verum. Ad probationem aliam dico, quod inhærentia inhæret albedini, & tunc quæris de illa inhærentia, qua inhærentia, inhæret albedini, dico, quod illa est eadem inhærentia albedinis, & ibi est status, quia illa relatio est eadem fundamento siue quia fundamentum siue subiectum esse includit contradictionem, sed talis est inhærentia inhærentia.

Ad secundum dicunt aliqui, quod nullum inconueniens est quantitatem esse infinitam, vel lineam infinitam, sed hoc improbatum fuit, ideo dico, quod aliquid finiri potest à termino intrinseco, vel extrinseco, ergo quantitas illa, siue figura, vel linea, siue punctus licet non finiretur termino extrinseco, finiretur tamen termino intrinseco.

Lib. 1. dist. 42

Ad tertium dico, quod inhærentia non est per se passio albedinis, sed est accidens per accidens, est enim inhærentia quidam respectus extrinsecus adueniens, & adhuc minus accidenti absoluto, quia dicit actualem unionem illius absoluti cum illo absoluto, omnis enim unio absoluti ad aliud absolutum est respectus extrinsecus adueniens, & omnis talis respectus est illi cui accedit accidens per accidens.

Ad quartum dico, quod prius, & posterius possunt intelligi, vel secundum actum, vel secundum aptitudinem. Si autem accipias uniformiter, concedo, quod posterius naturaliter non potest esse sine priori, sed hoc non est verum si accipias posterius naturaliter secundum aptitudinem, non enim potest esse sine priori secundum actum sicut est in proposito.

Ad

Ad principale argumentum dico eodem modo, quod accipiendo per se esse, & esse in alio vniformiter prout per se negat aptitudinem ad inhærendum, & esse in alio affirmat istam aptitudinem, sic ista duo proportionabiliter conueniunt subiecto, & accidenti, & tunc non plus sequitur, nisi quod accidens non potest esse per se ens cui repugnat inhæreere sicut nec substantia potest esse cui conueniat hæc aptitudo inhærendi, igitur.

Vtrum in eucharistia quodcunque
accidens sit sine subiecto?

Scotus 4. sent. dist. 12. q. 2.

D. Thomas 3. parte q. 77. Art. 1.

Ricardus 4. sentent. distinctio 12. q. 1. Ar. 1.

Durandus 4. sentent. distin. 14 q. 1.

Franc. de May. 4. sent. dist. 12. q. 4.

QV AESTIO I I.

AD secundam quæstionem sic proceditur.
Videtur, quod in eucharistia quodcunque
accidens sit sine subiecto, quia quodcunque
accidens est ibi sine substantia, igitur quod-
cunque accidens est ibi sine subiecto, ante-
cedens patet, probatio consequentiæ, quod ponitur in
diffinitione alicuius vt additum est subiectum eius. 7. 7. met. context
meth. sed substantia ponitur in diffinitione accidentis, 4.
ex eodem.

Contra. Motus non est sine mobili, in eucharistia au- 4.
tem est motus, ergo est ibi aliquod subiectum motus.

In ista quæstione sunt tres articuli secundum quod
de ea sunt tres opiniones duæ extremæ, & alia est media.
Prima opinio dicit, quod sola quantitas est ibi sine sub-
iecto, alia autem accidentia habent subiectum, quod
autem sola quantitas sit ibi sine subiecto probatur primo.
sic, impossibile est aliquid esse sine eo quod est formali-
ter tale, sed omnia accidentia indiuiduantur formali-
ter per quantitatem, ergo cum accidentia habeant hic
esse per quantitatem, sequitur, quod sunt in quantitate vt

in subiecto, alias idem esset hic, & non esset hic

Secundo sic. si esset albedo separata à quantitate, esse, sensibilis, & non sensibilis. Quod esset sensibilis probatur quia esset de tertia specie qualitatis. Probatur, quòd non esset sensibilis, quia quod non est quantum non potest sentiri, sed albedo separata à quantitate est huiusmodi, ergo

Tertio sic. si albedo esset sine quantitate, esset quædam qualitas spiritualis, & corporalis, quod esset spiritualis probatur, quia esset indiuisibilis, probo etiam, quòd esset corporalis, quia esset in tertia specie qualitatis, & tunc esset corporalis, & spiritualis simul, quod est inconueniens.

Quarto sic. si esset albedo sine quantitate, & per consequens spiritualis, non esset repugnantia quin inesset spiritui, & sic spiritus vel angelus posset esse albus.

Contra istam opinionem arguitur sic. Dependencia ad prius est essentialior quam ad posterius loquendo de absolutis dependentibus. Sed qualitas est forma sicut quantitas absoluta, ergo essentialius dependet qualitas à substantia, quam à quantitate, igitur si potest esse qualitas sine dependentia actuali ad substantiam poterit esse sine actuali dependentia ad quantitatem.

Præterea. Absoluto perfectiori non magis repugnat per se esse, quam absoluto imperfectiori, sed qualitas est forma absoluta, & secundum eos perfectior, quam quantitas. Igitur si quantitas potest esse per se, qualitas potest esse per se. Minor probatur quantum ad secundam partem multipliciter.

Primo, quia qualitas est per se principium agendi actione reali, quantitas autem non, quia nulla actio realis ut hic loquimur conuenit quantitati.

Secundo, quia qualitas est principium attingendi beatitudinem sicut est operatio intellectus, & voluntatis, sed quantitas nullo modo est principium attingendi beatitudinem seu finem suum, ergo

Tertio, quia quantitas consequitur compositum ratione materiæ, qualitas autem ratione formæ, sed forma est simpliciter perfectior materia. 7. metha.

Quarto sic, quod magis conuenit cum perfectione

simpliciter est perfectius simpliciter, sed quantitas vtpote sapere velle intelligere magis conuenit cum perfectione simpliciter, quam aliqua quantitas, ergo.

Sed hic instatur quod est propinquius perfectiori est simpliciter perfectius, sed quantitas est simpliciter propinquior substantiæ quam qualitas, substantia enim est perfectissimum entium, igitur quantitas est perfectior qualitate.

Respondetur, quod quando in primo perfecto concurrunt plures perfectiones aliquid potest sibi esse propinquius secundum vnā perfectionem, & non secundum aliam, vtpote Deus est simpliciter necesse esse, & hæc necessitas est in eo perfectio simpliciter, quanto ergo aliquid est magis necessarium, tanto est propinquius Deo, & sic cælum est propinquius Deo quocunque corruptibili. Præter hoc Deus est, natura intellectualis simpliciter perfecta secundum hoc magis propinquat creatura media intellectualis, vt angelus potest hanc naturā intellectualis animæ nostræ, post istā vero sensitīuā.

*Speculare
quæ sapi-
tio.*

In hoc autem ordine quantum ad esse, viuū propinquior est musca Deo quam cælum. Posset ergo inferri ex primo ordine, quod cælum est propinquius Deo, & per consequens perfectius musca. Ex secundo autem ordine posset inferri, quod musca est perfectior cælo & ita inferuntur opposita.

Respondetur, quod quādoque concurrunt, in primo perfectiones qualitercunque disparatæ illud est simpliciter perfectius quod est sibi propinquius secundum illud quod habet rationē simpliciter perfectionis. Nunc autem in substantia prout est primum omnium entium est duplex ordo prioritatis vnus in substando aliis quod includit recipere alia, & perfici ab eis. Alius est actualitatis intensiue, & illa perfectio secunda est simpliciter maior prima. Quantitas autē est propinquior substantiæ secundum primam rationem, quia se habet in ratione receptiui. Qualitas autem est propinquior ratione actualitatis intensiue, & secundum hoc apparet melior, & perfectior quantitate.

*Duplex
est ordo in
substantia.*

Ad argumenta autem opinionis primum non valet, quia nullum ens est formaliter singulare per aliquod al-

terius generis. Sunt enim coordinationes predicamentorum primo diuersæ vt declarabatur in secundo, & ideo falsum assumitur quando dicitur, quod omnia accidentia indiuiduantur per quantitatem formaliter. Similiter secundum de sensibili non concludit, sensibile enim potest dici, vel quod est in potentia remota, vt sentiatur, vel in potentia propinqua. In potentia enim remota est quicquid habet formam sufficientem non tamē sub modo conuenienti sub quo oportet eum habere ad hoc, quod sentiatur. In potentia autem propinqua quod habet eam vt statim cessante impedimento posset sequi actus, ergo albedo separata erit sensibilis in potentia remota, sed non in potentia propinqua.

Ad tertium dico, quod qualitas separata esset corporalis, quia esset simpliciter determinata ad perficiendum corpus, sed secundum quid potest dici incorporea, quia non est actu in corpore.

Ad quartum non habet apparentiam, quia sicut lapis non potest esse sapiens, quia non est receptiuus sapiētiæ, ita angelus non potest esse albus, quia non est receptiuus talis formæ, & hoc propter inextensionem angeli, vel hoc ex natura formarum in se videlicet, quia angelus est talis forma, & albedo talis forma.

Alia opinio est in alio extremo, quod nullum accidens potest esse subiectū alterius accidentis, & per consequens in eucharistia quodcunque accidens est sine subiecto.

Pro ista arguitur sicut arguebatur in principio questionis, videlicet, quodcunque accidens est sine substantia, ergo sine subiecto.

Secundo sic, quia nullum accidens est subiectum accidentis, ergo in eucharistia quodcunque accidens est ibi sine subiecto. probatio per philosophum. Accidens inquit non accedit accidenti, nisi quia ambo accidunt eidem subiecto.

Confirmatur etiam, quia sicut substantiæ conuenit per se esse ita accidenti inherere, ergo sicut repugnat substantiæ inherere, ita accidenti per se esse.

Tertio aliquod accidens est ibi sine subiecto, ergo quodlibet accidens potest ibi esse sine subiecto, ante-

*Vide in 2.
vbi supra.*

cedens probatur, quia accidens quod primo natum est substantiæ in esse non habet ibi subiectum, consequentia probatur, quia quodlibet accidens æque dependet essentialiter à subiecto.

Contra istam opinionem arguitur sic. Illud per se est subiectum accidentis alicuius de quo idem accidens prædicatur per se secundo modo, sed de aliquo accidente prædicatur aliquod accidens secundo modo ut propria passio eius. Probatio maioris. Illud de quo prædicatur accidens secundo modo per se cadit in diffinitione accidentis ut additum est, & non nisi additum ut subiectum, quia nullam dependentiam habet diffinitum ad tale diffiniens. Minor patet, quia vniuersaliter omnes passionibus in tota scientia methaphisica demonstrantur de accidentibus, & per se secundo modo dicuntur de eis. Probatio, velox, & tardum fundantur in motum sicut in subiecto, sed velox, & tardum sunt duo accidentia motus, ergo. Et hoc est quod dicit Auic. ubi manifeste vult, quod aliquod accidens est subiectum alterius accidentis, & exemplificat ibidem sicut motus est subiectum velocitatis, & tarditatis.

2. met. c. 1.

Præterea manifestum est multas relationes hic esse sicut æqualitas similitudo & huiusmodi, quæ nõ possunt esse sine subiecto, sed istæ relationes sunt accidentia quædã.

Alia est opinio media quam teneo & distingo de subiecto. Aut quia sumitur pro vltimate terminante dependentiam alicuius accidentis per accidens. Aut pro quocunque terminante dependentiam illam proximo, esto, quod non vltimate terminet. Primo modo planum est, quod nihil potest esse subiectum accidentis nisi substantia. Secundo modo dico, quod possibile est, quod aliquod accidens sit subiectum accidentis sicut patet per rationes contra secundam opinionem. Possibile est etiam quodcunque accidens absolutum esse sine subiecto utroque modo sicut probatum est contra primam opinionem, sed respectiuum non est possibile esse sine subiecto secundo modo, quia non est possibile quod respectus sit inter duo qui sit alicuius ad aliquod, & hoc non est ratione accidentis, sed ratione respectus ut dictum est in questione præcedenti.

Opinio Scoti.

Tunc ad argumenta secundæ opinionis, ad primum quod erat etiam ad principale, concedo, quod quodlibet accidens careat aliquo subiecto accipiendo subiectum primo modo, quod, scilicet est subiectum vltimate terminans dependentiam accidentis, ideo enim in diffinitione omnium accidentium ponitur substantia, sed non propter hoc est substantia immediatum additum in diffinitione cuiuscunque accidentis, immo in diffinitione alterius est additum vt mediatum receptivum mediate terminans dependentiam, & alterius immediate.

Ad secundum dico, quod accidens potest esse subiectum accidentis accipiendo subiectum, secundo modo, & non primo modo.

*Vide ibi
exemplum.*

Ad auctoritates philosophi dico, quod ly, quia non est nota causæ sed concomitantæ, vt sit sensus accidens non accidit accidenti, nisi quia, idest quando ambo accidunt alteri. Aliter potest dici, quod philosophus loquitur ibi de accidentibus disperatis sicut præterit exemplum ibi. Dico enim album, & musicum. Et cum probatur per rationem de per se esse, & in alio esse patet ex præcedenti quæstione, quia eo modo quo ista sunt propria substantiæ, & accidentia, quod non potest competere accidenti per se esse nec subistere, sic nec substantiæ potest competere inhaerere accipiendo subistere sicut competit vltimo terminanti dependentiam inhaerentis.

Ad vltimam concedo consequentiam loquendo de possibili de quocunque accidente absoluto licet non de respectivo, vt patet ex prædictis.

DISTINCTIO XIII.

Circa distinctionem decimamtertiam quæritur,

Vtrum sola actione diuina possit confici
corpus Christi?

Scotus 4. sent. dist. 13. q. 1.

D. Thomas in 4. sent. dist. 12. q. 1.

Petrus de Aquila 4. sentent. distinct. 13. q. 1.

QVÆSTIO I.



SOL ET autem quæri. Circa dist. 13 quæro tres quæstiones. Primo. Vtrum sola actione diuina posset confici corpus Christi? Secundo. Vtrum quilibet sacerdos proferens verba consecrationis cum intentione debita circa materiam conuenientem posset conficere eucharistiam? Tertio. Vtrum in omni loco sit licitum missam celebrare?

Ad primam quæstionem sic proceditur. Videtur, quod actione diuina non potest corpus Christi confici, quia omnis actio in motu firmatur per auctorem sex principiorum. Sed diuina actio non firmatur in motu, ergo, &c.

Contra primam q. i. intra catholicam, dicitur. Sicut Christus est qui baptizat, ita ipse est qui per spiritum sanctum hanc efficit suam carnem, & transfundit in sanguinẽ.

In ista quæstione tria sunt videnda. Primo vtrum actione diuina hoc sacramentum posset confici. Secundo si actione alterius agentis creati vt principalis agentis posset hoc sacramentum confici Tertio an in actione alicuius agentis creati posset sacramentum confici vt instrumentaliter agentis.

De primo videtur manifestum, quod sic loquendo communiter de actione, sicut Deus dicitur habere actionem circa creaturas quando aliquid nouum immediate facit in eis, nisi quod non est æque facile videre quomodo est hæc actio positiua, sicut in creatione pro eo, quod non est hic aliquid positiuum absolutum accipiens simpliciter esse. Dicitur igitur, quod diuina actione potest sacramentum eucharistiæ fieri. Quod probatur à quodam doctore sic. Non minoris virtutis est conuertere aliquid in præexistens quam in non præexistens, sed si conuerteretur panis à Deo in non præexistens, esset simpliciter ibi actio diuina qua produceretur illud non præexistens, quia produci non potest nisi aliqua actione non relatione, igitur tunc est actio diuina, qua consecratur corpus Christi.

Præterea. Creatio est vera actio, sed non minus potest terminus istius conuersionis accipere esse, quam

terminus creationis si hæc conuersio fieret in non præ-
existens, quod totaliter inciperet esse per conuersionē.

Præterea. Deus habet actionem proprie dictam ad
intra, igitur æque, vel magis proprie potest habere
actionem proprie dictam ad extra, & sic est in proposito.
Probatio antecedentis, quia si generatio non esset actio
proprie dicta vt distinguitur contra relationem, sequi-
tur, quod esset tantum relatio, & tunc generare, & dice-
re essent referri, quod est inconueniens.

*In relatiuis
non est causa.*

Præterea. Ad idem correlatiuum non est causa sui re-
latiui, quia sunt simul natura, sed produciens est causa
siue principium productionis, & constat, quod for-
maliter per productionem, ergo productio illa non est
solum relatio ad productum, quia tunc esset omnino
simul cum illo, & non prior, ergo, &c.

Vltimo arguitur sic Relatio secundi modi fundatur
super actionem, & passionem. s. meth. c. de ad aliquid.
Sed relatio non fundatur super relationem, ergo actio
non est tantum relatio. Sed istæ rationes vadunt directe
ad illud dubium, scilicet, si illa actio qua Deus hoc sa-
cramentum conficeret est de genere qualitatis aut de
genere relationis, & ideo dubio hoc prætermisso ar-
guitur ad conclusionem intentam sic. Non est minoris
difficultatis facere de nihilo aliquid quam vnum con-
uertere in aliud. Sed actione diuina potest fieri de nihi-
lo aliquid, ergo actione diuina vnum potest in aliud
conuerteri. Ista est ratio Ambrosij dicens sic. Vbi hoc
corpus conficitur non suis sermonibus, sed Christi ser-
monibus vtitur sacerdos, & quis sermo Christi quo
facta sunt omnia. Si ergo tanta vis est in sermone domi-
ni Iesu vt reciperet esse quod non erat, quanto magis
operatiuus est vt quæ erant in aliud conuertantur?

*In Libro de
sacramentis.
Libro 1. c. 9.*

De secundo articulo dico, quod illa conuersio com-
peteret alicui agenti creato vt principali agenti. Cuius
ratio est, quia actio competens Deo principium agen-
di, quod non est formaliter infinitum potest compete-
re creaturæ. Sed Deus producit sacramentum seu effe-
ctiuè se habet ad illud sacramentum per voluntatem,
quæ est formaliter infinita, igitur. Maior patet. Quia
creaturæ non repugnat ista actio cuius principium suffi-

ciens est ad aliquid finitum vel ad minus non infinitum. Probatio minoris, quia si voluntas Dei esset formaliter infinita, includeret formaliter omnem perfectionem intrinsicam Dei, quia infinito nulla potest fieri additio, & tunc voluntas esset pelagus infinitæ substantiæ, quod non est verum, quia hoc est proprium diuinæ essentię secundum Dam. Lib. I. c. 9.

Præterea, agens naturale potest illas species alterare, & tandem ex ipsis generare substantiam sicut patet ex mixtione multę aquę ad species vini, igitur aliqua virtus creata potest conuertere totaliter istas species in aliam substantiam prius non existentem, & per consequens totaliter conuertere in substantiam præ-existentm, quia non maior virtus requiritur in vno, quàm in alio.

Sed his rationibus non obstantibus dico, quod creatura nõ potest in istam conuersionem vt agens principale. Cuius ratio est, quia in istam conuersionem non potest nisi agens cuius virtuti actiuæ totaliter subest esse, & non esse vtriusque extremi. Sed nullum creatum agens est huiusmodi, quia quodlibet agens creatum præsupponit aliquam partem ipsius termini à quo vel ad quem, quia non potest attingere in nihil.

Ad aliud vero quod obicitur de voluntate dico, quod minor est falsa, quia in diuinis potest intelligi quasi infinitas extensiuæ. Alio modo infinitas intensiuæ, ita, quod illa perfectio, secundum rationem propriam sit sine limite, & termino, & illo secundo modo potest non tantum aliquid habere infinitatem formalem, sed etiam fundamentalem.

Dico ergo, quod voluntas diuina dicitur infinita formaliter, essentia autem diuina est infinita fundamentaliter, & sic quando Deus aliquid producit per voluntatem, voluntas eius est formaliter infinita.

Ad secundum dico, quod istis accidentibus conuenit *Duplex est* agere aliquo modo, & pati, & corrumpi. Breuiter tamē *infinitus.* negandum est ab agente creato istas species posse conuerteri in aliquam substantiam totaliter nouam, neque in mixtione, neque in nutritione, bene tamen aliqua

substantia succedit istis accidentibus iam corruptis non quidem actione agentis creati, sed Dei immediate reducentis.

De tertio articulo videtur, quod agenti creato ista conuersio potest competere vt instrumentaliter agenti, quia accidens potest esse instrumentaliter agens ad generationem substantiæ, igitur à simili aliquod agens creatum potest instrumentaliter agere ad istam conuersionem. Antecedens probatur dupliciter Primo sic, quando aliqua sunt essentialiter ordinata plus distat tertium à primo, quam secundum. Sed in creatura sunt essentialiter ordinata ista tria essentia, esse, & potentia, ergo plus distat potentia ab essentia, quam esse ab essentia, sed esse realiter differt ab essentia, igitur & potentia, & per consequens nulla forma substantialis potest esse immediatum principium agendi.

Secundo probatur idem antecedens sic. Quandoque sunt duo actus quorū neuter includit alterum non reducuntur in idem principium, quia potentiæ distinguuntur per actus 2. de anima, sed perficere materiam, & abstrahere à materia sunt duo actus in anima non includentes se, quod probatur, quia vterque potest esse sine alio, primus sine secundo vt in puero dormiente, & secundus sine primo, vt in anima separata. Sed actus prior, valet dare esse materiæ competit essentiæ vt principio proximo formali. Igitur ille alius actus non conueniet essentiæ, & tunc à simili de aliis formis substantialibus respectu accidentium, quæ videntur eis competere.

Contra conclusionem huius opinionis, scilicet quod forma substantialis non sit principium immediatum agendi arguitur sic. Illud est principium agendi in quo produciens assimilatur sibi productum, sed agens assimilatur sibi productum in forma substantiali, igitur.

Præterea principium productuum non est imperfectius termino producto, sed accidens est imperfectius forma substantiali, igitur non est principium produciendi formam substantialem. Minor patet maior probatur, quia in productione vniuoca agens est æqualis perfectionis cum forma producta, in actione autem æquiuo-

2. de anima
cont. 33

ca agens, vel illud quo agit agens est perfectius termino producto.

Quantum igitur ad illum articulum dico, quod agenti creato potest actio instrumentalis competere respectu istius conuersionis.

Sed est notandum, quòd multipliciter instrumentum potest intelligi. Sed ad propositum agens dispositiūm dicitur instrumentum, & sic minister habens actionem propriam humanam præuiam actioni diuinæ tanquam dispositionem necessariam non simpliciter, sed ex participatione diuina cum ecclesia, quod ad talem actum ministeri faciet talem actum sibi proprium, & sic dicitur instrumentum Dei in ista conuersione.

Multis modis instrumentum potest intelligi.

Ad argumentum in contrarium dico, quod in ista conuersione non est actio de genere actionis, sed de genere relationis sicut de creatione. Vel dicendum est, quod est verum, de agente cuius actio est in tempore.

Vtrum quilibet sacerdos possit conficere eucharistiam?

Seraphicus Bona. 4. sent. dist. I 3. q. I. Art. I.

Scotus 4. sententiarum distinctio. I 3. q. 2.

D. Thomas 3. parte. q. 82. Artic. I.

Ricardus quarto sententiarum distinctio. I 3. q. I. Arti. I.

Durandus 4. sententiarum distinctio. I 3. questio I.

QVÆSTIO II.

AD secundam quæstionem sic proceditur. Videtur, quod non quilibet sacerdos possit eucharistiam conficere, per illud Malachiæ. Maledicā benedictionibus vestris. Et exponitur de malis sacerdotibus, ergo quicquid ab eis benedicatur, à Deo maledicatur, & per consequens per eorum ministerium nihil conficitur.

Cap. 2.

Contra. I. q. I. c. Quod quidam, dicitur. Nulla causa ostenditur cur ille, qui non potest baptismum amittere, non baptizandi possit amittere, ergo à simili qui ordi-

nem sacerdotalem amittere non potest, nec ius conficiendi amittere potest.

Confirmatur, quia in ordine imprimitur caracter, sed caracter est forma indelebilis, ergo.

Ad istam quæstionem dico, quod conficere corpus Christi seu eucharistiam vt causa principalis nullus potest nisi solus Deus ex quæstione præcedenti, sed sicut ministro potest competere alicui homini, quia sic Deus ordinavit, quod in quibusdam sacramentis homo potest esse minister. Ergo dico, quod loquendo de conficiente ministerialiter, dupliciter potest intelligi posse conficere, vno modo absolute, ita quod si intendit vel attentat facere facit quod intendit, alio modo de posse ordinate facere. Loquendo autem de posse simpliciter cōficere nihil requiritur vltra debitam materiam, & minister debitus ad quem requiruntur tres conditiones, scilicet, quod sit sacerdos, quod posset proferre verba consecrationis, & quod posset habere debitam intentionem faciendi, quod facit, & intendit ecclesia. Propter defectum primæ conditionis non potest conficere laicus, vel non sacerdos. Propter defectum secundæ conditionis non potest conficere mutus. Propter defectum tertiæ conditionis, non potest conficere vsu carens rationis. Sed prima conditio est hic propriissima, quod solus sacerdos, & quilibet sacerdos cui possunt competere duæ conditiones, scilicet prolatio, & intentio. Quod solus sacerdos probatur per illud extra de summa trin. & fide catholica. Firmiter credimus, vbi dicitur quod hoc sacramentum non potest conficere nisi solus sacerdos, qui secundum clauas ecclesiæ rite fuerit ordinatus. Indebite autem conficiunt hæretici, scismatici, excommunicati, degradati, symoniaci, & notorij fornicarii, omnes isti sacerdotes existentes si habeant materiam debitam, & tenentes formam intendentes quod facit ecclesia conficiunt vere, sed de iure quantum ad ordinate conficere repelluntur. Et ratio est, quia illud sacramentum est sacramentum fidei, item est vinculum charitatis, item dat gradum dignitatis, item est ornamentum gratiæ, item est vas munditiæ. Propter primum repelluntur hæretici, propter secundum scismatici,

Nota, & bene.

propter tertium repelluntur degradati, propter quartum repelluntur symoniaci, & excommunicati, propter quintum repelluntur notorij fornicarii, & iste vltimus casus non consuevit aliquo tempore esse, sed hodie est extra de cohabitatione clericorum, & mulierum in cap. nostra.

Ad argumentum in contrarium dicendum maledictam maledictionibus vestris, in quantum estis mali, sed eucharistiam sacerdos non benedicit in quantum malus, quia in consecrando tenet formam ecclesiæ, ergo, &c.

Vtrum in omni loco licitum sit missam celebrare?

Scotus 4. sent. distinct. 13. q. 2.

Petrus de Aquila 4. sent. dist. 13. q. 3.

QVAESTIO III.

AD tertiam quæstionem sic proceditur. Videtur quod in omni loco licitum sit missam celebrare, quia licitum est, in omni loco Deum orare, & ei seruire.

Contra, de consec. distin. 1. sicut non alij.

In ista quæstione tria sunt videnda. Primo si licitum sit missam celebrare in omni loco non consecrato. Secundo si licitum est celebrare super altare non lapideum. Tertio si licitum est missam celebrare sine igne, & vestimentis ab episcopo benedictis.

De primo dico, quod communiter non licet in omni loco non consecrato missam celebrare, quia sic instituit ecclesia, ut patet de consec. di. 1. sicut non alij &c. sequen. & c. hic ergo. In casu tamen magnæ necessitatis tunc licet celebrare in loco non consecrato si tabula sit consecrata, & alia requisita habeantur, sicut quando ecclesiæ sunt cõbuste, vel homines essent in itinere, & ecclesiæ ibi non essent: his enim casibus exceptis non licet celebrare in loco non consecrato nisi de licentia episcopi, de consec. di. 1. c. missarum, qui tamē hoc concedere non debet nisi assit legitima, & rationabilis causa.

In aliquibus casibus non

De secundo articulo dico, quod vsque ad tempora Siluestri licuit celebrare super altare lignum, quod cito potuit transferri, quia propter persecutionem non erat fidelibus locus certus ad manendum, sed modo non est licitum celebrare, nisi super altare lapideum, tum propter ecclesiæ institutionem, vt patet de consecr. dist. i. altaria, tum quia propter figurationem, tum quia vt ait Apostolus, bibebant autem de spiritali con-
sequente eos petra, petra autem est Christus.

1. Corin. ca.
10.

De tertio articulo dico duo.

Primo quod non licet missam sine igne celebrare, tum propter ecclesiæ institutionem, vt patet de consecr. dist. i. c. vltimo, tum propter ignitę charitatis demonstrationem, quia accedentes ad altare debent ardere igne charitatis.

Secundo dico, quod non licet missam celebrare sine vestimentis ab episcopo benedictis, vt patet de consecr. dist. i. vestimenta. Sed diceres, quid sunt ista vestimenta, & quid figurant?

Respondeo, quod ea quę requiruntur ad celebrationem missę repręsentant nostrę redemptionis mysterium. Ista autem designatur penes quinque, quia quędam respiciunt Christi natiuitatem, & incarnationem, & quędam respiciunt eius prædicationem, quędam eius passionem, quędam eius resurrectionem, quędam eius ascensionem. Illa autem, quę respiciunt Christi aduentum, & incarnationem durant à calciamentis, vsque ad euangelium exclusiue, de quibus spectant ad ornatum sacerdotis, alia ad processum missę sicut ab introitu missę, vsque ad euangelium, vt dictum est. Illa autem, quę spectant ad ornatum sunt septem. Primo calciamenta, quę respiciunt Christi humanitatem. Secundo amictus in capite, qui repręsentat Christi diuinitatem. Tertio vestis alba, quę repręsentat puritatem, & innocentiam Christi. Quarto Zona, quę repręsentat iustitiam, & equitatem. Quinto manipulus, qui repręsentat in bono perseuerantiam. Sexto stola in collo, quę repręsentat humilitatem, & obedientiam. Septimo casulam, quę repręsentat charitatis abundantiam, ipsa enim operit multitudinem peccatorum.

*Quę spectant
ad ornatum
sunt septem.*

*Pro concio-
natoribus.*

Alia, quæ concurrunt quæ spectant ad processum missæ sunt septem.

Primo introitus significans desiderium patrum, circa Christi aduentum.

Secundo Kyrie eleison, quod representat pro eodem tempore misericordiam Dei inuocatam. Nam kyrie eleison, idem est quod domine miserere, & repetitur nouem vicibus cum Christe eleison, vt per misericordiam Dei sociemur nouem choris angelorum.

Tertio sequitur, gloria in excelsis Deo ad representandum hymnum quem angeli Christo nato cecinerunt. *Quid significet gloria in excelsis*

Quarto sequuntur orationes, quæ representat orationes quas Christus post natiuitatem pro populo ad patrem fudit.

Quinto ponitur epistola, quæ representat tempus Ioann. Baptistæ ante Christum.

Sexto ponitur graduale, & signat lamentum poenitentiae, quia Ioannes poenitentiam prædicabat. Luc. 3. *Cap 3.*

Septimo ponitur allegata, quia post luctum huius vitæ sequitur consolatio sempiterna.

Sequuntur & illa, quæ respiciunt Christi prædicationem, & sunt duo.

Primo euangelium, quod dicitur ad aquilonem ad designandum, quod euangelium est contra Luciferum, qui dixit, Ponam sedem meam in dextram aquilonis.

Secundum est credo, qui dicitur, & signat fidem quæ debemus portare in corde, & profiteri ore, quia vt ait A. Rem. 10. post. corde creditur ad iustitiam, ore autem confessio fit ad salutem.

Postea sequuntur ea quæ respiciunt Christi passionem, quæ durant ab offertorio vsque ad agnus Dei exclusiue.

Quarto sequuntur ea, quæ respiciunt Christi resurrectionem, & durant ab agnus Dei vsque ad, ite missa est exclusiue.

Vltimo ponitur in missa illud quod respicit Christi ascensionem vbi dicitur. Itē missa est quasi dicat sacerdos, vel diaconus. Itē quia hostia missa est in cælum. *Quid significet ite missa est.*
Iuxta illud Assumptus est in cælum. Chorus autem res-

pondens Deo gratias, representat Apostolos regressos in Hierusalem cum gaudio magno.

Nota, & bene Ad argumentum principale dico, quod quamuis sit licitum Deo, in omni loco seruire, tamen non in hoc seruitio nisi in loco consecrato, vt notatur pulchre de consecra. distinct. 1. cap. vnicuique fidelium.

DISTINCTIO XIII.

Circa distinctionem decimam quartam quaeritur,

Vtrum pœnitentia necessario requiratur ad deletionem peccati mortalis?

Scotus 4. sent. dist. 14. q. 1.

D. Thomas 3. parte q. 86. Art. 1.

Ricardus 4. sement. distinctio 14. q. 1. Ar. 7.

QVÆSTIO I.

Post hæc de pœnitentia. In ista distinctione 14. Incipit Magister tractare de pœnitentia, vbi quaero tres quaestiones Primo. Vtrum pœnitentia necessario requiratur ad deletionem peccati mortalis? Secundo. Vtrum actus pœnitendi requisitus ad deletionem peccati mortalis sit actus alicuius virtutis? Tertio. Vtrum pœnitentia virtus sit tantum vnus pœnæ inflictiua?

Ad primam quaestionem sic proceditur, Videtur, quod pœnitentia non necessario requiratur ad deletionem peccati mortalis, quia cessante actu interiori, & exteriori, cessat etiam peccatum. Sed actus interior, & exterior possunt cessare sine pœnitentia, ergo.

Cap. 13.

Contra. Luc. Nisi pœnitentiam egeritis omnes peribitis.

Ad euidentiam huius quaestionis, & aliarum quaestionum, de pœnitentia est sciendum, quod secundum Hieron peccatum est duplex, scilicet ante baptismum, & post baptismum. Ad ista autem peccata sequitur naufragium, ideo est data duplex tabula, valet baptismus, & pœnitentia.

pœnitentia. Pœnitentia autem est, secunda tabula post naufragium. Hic autem non queritur de peccato mortali commissio ante baptismum, quia talia delectur per baptismum, sed queritur de mortali commissio post baptismum, & tunc in questione quatuor sunt videnda *Quatuor sunt videnda.*
 Primo quid remanet in peccatore transeunte actu à quo dicitur peccatore. Secundo si illud quod remanet in peccatore deletur. Tercio si deletur per pœnitentiam. Quarto quomodo requiritur ad deletionē punitio pœnitentialis.

Quantum ad primum est duplex modus dicendi. Vna enim opinio dicit sic. Quotiens dicitur vnum oppositum totiens dicitur & reliquum. Sed iustitia, & iniustitia sunt opposita, ergo quotiens dicitur iustitia totiens dicitur iniustitia, sed iustitia est duplex, scilicet habitualis, & actualis: habitualis vt gratia, & charitas, actualis vt rectitudo nata in esse actui elicitio, ergo erit, & duplex iniustitia, scilicet habitualis, & actualis. Habitualis est quædam priuatio gratiæ in eo cui dicitur inesse. Actualis est quædam priuatio rectitudinis in actu. *Iustitia duplex. Iniustitia duplex.*

Ad propositum post actum intrinsecum, & extrinsecum transeuntē manet quidem in peccatore iustitia habitualis, sed ab illa sola nō dicitur quis peccator, alioquin ille qui commississet duo milia peccata mortalia, & alius qui vnum essent æque peccatores intensiue & extensiue, quia tota gratia priuatur tam in vno quam in alio. Iniustitia autem actualis manere non potest cessante actu, quia subiectum proximum illius est actus, sicut & rectitudinis sibi oppositæ. Nunc autem non manente actu non manet rectitudo, vel obliquitas eius, dicunt ergo isti, quod in anima, quæ peccauit manet reatus culpæ, qui est quædam obligatio ad pœnam debitam illi culpæ. Ista autem obligatio est quædam relatio non fundata super actum realis culpæ, sed super essentiam animæ. Alio modo dicitur à Doctore subtili, quod actu peccati transeunte nihil reale absolutum, nec respectuum manet in peccatore, sed tantum quædam relatio rationis in quantum est obiectum intellectus, vel voluntatis diuinæ, quia postquam peccator commisit peccatum diuina voluntas ordinat peccatorem ad pœnam correspondē-

Psal. 31.

dentem peccato: & intellectus diuinus illam preuidet. Istud probatur per Augustinum super psal. Beati quorum. Videre inquit peccata Dei est ad pœnam imputare, auertere autem hoc est ei ad pœnam non reseruare. Ita ergo dicit peccata ab eo tecta non vt Deus non videat ea, sed vt non velit animaduerrere, & punire, ergo ipsum relinquere in reatu post actum transeuntem nihil aliud est nisi ipsum à diuina voluntate ordinari ad pœnam condignam illi peccato. Obiectum autem intellectus vel voluntatis, vt intellectum, vel volitum non habet, nisi relationem rationis.

De 2. artic.

De secundo articulo dico, quod illud tale, siue sit relatio realis, vt dicit prima opinio, vel relatio rationis, vt dicit secunda opinio remanens in peccatore deletur. Iuxta illud simboli. Credo remissionem peccatorum. Et hoc probatur sic. Aliquando prædestinatus labitur in peccatum mortale sicut pater de Petro, & Paulo, & multis aliis. Sed prædestinatus non potest beatificari, nisi deleto peccato, vel obligatione qua obligatur ad pœnam propter peccatum, ergo ante glorificationem oportet deleri istam obligationem ad primam pœnam.

De 3. artic.

De tertio articulo dico, quod ista obligatio non remittitur sine pœna, vel aliquo equiualehti in acceptance diuina, quia per quodlibet peccatum sicut clamat scriptura, offenditur Deus, offensio autem Dei, vel eius ira est eius velle vindicare, aut aliquid aliud sufficiens ad placandum exigere, ergo posito quocunque peccato Deus vult vindicare de peccante, sed velle vindicare est velle punire, ergo post peccatum commissum ad eius deletionem requiritur punitio, vel aliquod equiualehts in acceptance diuina.

*Quid sit offensio Dei.**Quartus articulus.*

Quartus autem articulus, scilicet quomodo requiritur ad deletionem peccati punitio pœnalis, dico duas conclusiones.

Prima, quod ad deletionem peccati regulariter requiritur punitio voluntaria, probatur. Nam per aliquam punitionem non deletur peccatum sicut in punitione damnatorum, sed hoc non videtur aliunde, nisi quia prima voluntaria, secunda autem est omnino inuoluntaria, ergo ad deletionem peccati requiritur punitio

voluntaria. Sed diceres, cum punitio sit tristabilis, & omne triste est inuoluntarium, quomodo ista punitio dicitur esse voluntaria?

Respondeo, quòd inuoluntarium dicitur simpliciter illud contra quod voluntas simpliciter remurmurat, sed ibi voluntas non remurmurat simpliciter, esto quòd illud non placet, & propterea non dicitur inuoluntaria simpliciter, quia hæc voluntas simpliciter, non remurmurat immo patiēter sustinet, ideo dicitur voluntaria.

Secunda conclusio est declarare quid intelligitur per pœnitentialem punitionem. Et dico, quod concurrunt ibi quatuor. Primo velle punire, & hoc in voluntate causante. Secundo nolle peccasse, & hoc in voluntate detestante. Tertiò velle pœnam inflictam acceptare.

Quarto velle eam sufficienter, & patienter sufferre. Et secundum ista dantur de pœnitentia, quatuor descri- *Descriptio-*
ptiones. Prima pœnitere est vindicare peccatum à se *nes pœniten-*
commissum, secunda est ista, pœnitere est odire, vel *tia, quæ sint?*
detestari peccatum commissum, tertia est ista, Pœnitere est pœnam inflictam pro peccato commissio gratanter acceptare, quarta est ista. Pœnitere est pœnam sibi pro peccato suo inflictam patienter supportare.

Ad argumentum principale in cōtrarium patet ex dictis in primo articulo quomodo peccatum manet.

Vtrum actus pœnitentis requisitus ad de-
lectionem peccati mortalis sit actus
alicuius virtutis?

Scolus 4. sentent. distinctio. 14. q. 2.

D. Thomas tertia parte questione 85. Ar-
ticul. 3.

Ricardus quarto sententiarum distinctio. 14. quest. 2
Articulo 2.

QVÆSTIO II.

AD secundam quæstionem sic proceditur. Videtur quòd actus pœnitēdi requisitus ad deletionem peccati mortalis non sit actus alicuius virtutis, quia pœnitere est passio, sed passio non est actus alicuius virtutis. Probatur minor, quia in actibus virtutum laudamur, sed ex passionibus, nec laudamur, nec vituperamur, ex secundo ethicorum, ergo passio non est actus virtutis. In contrarium est Magister in litera.

In ista quæstione sunt tria videnda. Primo si pœnitere est actus virtutis. Secundo si pœnitere est alicuius actus virtutis specialis. Tercio cuius virtutis est actus.

Lib. de pœnitent.

Quantum ad primum dico, quòd sic, quia actus conformis recte rationi est actus alicuius virtutis, sed pœnitere est huiusmodi, ergo. Sed notandum, quòd dupliciter potest intelligi pœnitere esse actum virtutis. Vno modo, quòd sit elicited à virtute. Alio modo, quòd sit natus elici à virtute. Nunc autem pœnitere non dicitur actus virtutis primo modo, sed secundo modo.

De secundo articulo dico quòd pœnitere est actus virtutis, qui est natus habere speciale obiectum, & circumstantias speciales ordinatas est actus virtutis specialis, sed pœnitere est huiusmodi actus, ergo. Maior patet. Sed ad euentiam minoris est sciendum, quòd pœnitere requirit distinctam cognitionem eius, de quo pœnitet peccator. Cognoscit enim peccator se ad pœnam obligatum. Ista autem obligatio generat tristitiam, postea autem sequitur complacentia tristitiæ, & demum gaudium de tristitia, secundum illud Augustini peccator de peccato doleat, & de dolore gaudeat. Nunc autem in his omnibus est speciale obiectum, & sunt speciales circumstantiæ bonæ.

De tercio articulo dico tres cōclusiones. Prima quòd pœnitere non est actus intellectualis virtutis. Probatio huius: quia actus appetitus, ut appetitus non est actus virtutis intellectualis: sed pœnitere est actus appetitus, ut appetitus, ergo.

Præterea virtus intellectualis consistit circa verum & falsum, virtus autem pœnitentiæ consistit circa bonum & malum, scilicet huic prosequendo bonum &

fugiendo malum.

Secunda conclusio, quòd pœnitere est actus virtutis ordinantis ad alterum sicut est iustitia. Probatio huius, quia pœnitere non est actus virtutis appetitiuæ ordinantis ad seipsum cuiusmodi sunt temperantia, & fortitudo, ergo est actus virtutis ordinantis ad alterum. Sed virtus ordinans ad alterum est iustitia, ergo consequentia tenet supponendo famosam distinctionem virtutum, quòd ad duo genera omnes virtutes reducuntur. Probatio antecedentis, quia actum istum vindicandi potest aliquis eodem modo secundum rectam rationem exercere in alterum sicut in seipsum, si autem exerceat in seipsum, non exercet in se, nisi vt alterum, quia non exercet, nisi in quantum committitur sibi à legislatore in istum reum vindicare.

Omnes virtutes reducuntur ad duo genera.

Tertia conclusio est, quòd pœnitere est actus voluntatis cuius est imperare, & hoc imperio pertinente ad irascibilem, vel potentiam aliam habente aliquid in se simili virtuti irascibili. Sicut enim irascibilis in sensitiva suo modo vindicat, ita & ista potentia, quæ imperat vindictam in parte intellectiva habet aliquod simile irascibili: sed illud inest voluntati. Sed hic potest esse dubium de habitudine istius virtutis ad charitatem, quæ sit nobilior, ex quo enim ista importat actum charitatis, ergo est nobilior charitate. Sed hoc non obstante dicendum est quòd charitas est nobilior, & eius obiectum est Deus sub ratione obiectiva nobilissima, proprium autem obiectum istius virtutis, & malum vindicabile, vel Deus in quantum est vindicandum.

Quid sit pœnitere.

Dubium.

Ad istam instantiam dico voluntas secundum diuersos habitus potest vti seipsa quasi circulariter hoc modo, ex dilectione Dei, quæ est actus charitatis, potest imperare actum voluntatis vindicatum peccati, & e contrario ex actu imperatiuo vindicandi potest imperare actum dilectionis diuinæ. Dico ergo, quòd illa virtus est simpliciter superior cui magis ex obiecto conuenit imperare. Sed charitati ex obiecto. i. ex ultimo fine conuenit magis vti quacunque alia virtute, quam e contrario, igitur charitas est simpliciter superior.

Ad argumentum principale dico, quòd licet tristitia

sit passio, tamen imperare eam est actus virtutis &c.

Virum pœnitentia sit virtus tantum vnus
pœnæ inflictiua?

Petrus de Aquila 4. sentent. distinct. 14. quest. 3.

QVÆSTIO III.

AD tertiam quæstionem sic proceditur. Videtur quod pœnitentia virtus sit tantum vnus pœnæ inflictiua, quia pœnitentia infligit pœnam culpæ ordinatiua. Sed vnus culpæ est pœna vna ordinatiua, sicut vnus deordinationis vna est ordinatio, ergo.

Cap. 3.

Contra pœnitentia est iustitia punitiua secundum legem diuinam. Sed secundum legem diuinam oportet plures pœnitentias infligere, iuxta illud Matth. Facite dignos fructus pœnitentiæ.

In ista quæstione sunt duo videnda. Primo si pœnitentia sit virtus tantum vnus pœnæ inflictiua. Secundo si per sacramentum pœnitentiæ remittatur peccatum.

Regula duplex.

Quantum ad primum breuiter dicitur, quod vnique virtuti appetitu existenti oportet quod respondeat aliqua regula existens in intellectu, sed pœnitentia est virtus in appetitu, igitur pœnitentiæ conuenit aliqua regula in intellectu, & secundum illam regulam sequitur actus inflictiuus vnus pœnæ, vel plurium. Sed ista regula est duplex, quædam est naturaliter cognoscibilis, scilicet quod peccatum est displicendum, alia est nota ex reuelatione. scilicet quod peccatum est detestandum in quantum est Dei offensum, & à Deo auersum.

Ad propositum dicitur pœnitentia primo, vt habens regulam naturaliter notam tantum est vnus pœnæ inflictiua, & ex hoc tristitiæ consequenter. Sed pœnitentia secundo modo, scilicet vt habens regulam ex sacra scriptura, vel ex reuelatione diuina accepta est plurium pœnarum inflictiua tot scilicet quot ibidem legislator reuelauit sibi velle sufficere pro culpa expianda totaliter.

Quantum ad secundum articulum, videlicet si per sa-

cramentum pœnitentię remittatur peccator, videtur esse opinio Magistri dis. In soluendis culpis inquit, & retinendis, ita operatur sacerdos euāgelicus, & iudicat sicut olim legalis in illis, qui erant contaminati lepra, quæ peccata signat, probatque per illud Hieronymi super Matth. exponentis illud. Tibi dabo clauēs regni cælorum. Hunc inquit locum non intelligentes quidam aliquid sumunt de superstitione pharisæorum, vt damnare innoxios, vel soluere noxios putant cum apud Deum non sententia sacerdotum, sed reorum vita quaratur; & huius inquit probationem subdēs in Leuitico se ostendere sacerdotibus iubentur leprosi quos illi non faciunt leprosos, nec mundos, sed tantum discernunt, igitur. Sed illud videtur mihi nimis derogare sacramento pœnitentię, nam secundum hoc numquam deleretur per sacramentum pœnitentię peccatum. Et sequeretur ulterius incoñueniēs quòd sacramentū pœnitentię nunquā esset secunda tabula post naufragium quia nunquā liberaret naufragium à periculo submersionis. Dico ergo, quòd ita requirit Deus dispositionē de congruo ad hoc, vt peccatori conferat gratiā, & hoc vt non alliget potentiam suam sacramentis, vt tamen sine dispositione illa præuia, & congrua, quæ sufficeret conferat per sacramentum gratiam, & hoc est maioris misericordię viam duplicē instituere per quam iustificetur peccator, quam ipsum ad vnā viam artare. Sicut ergo adultus non potest habere duplici via gratiam delentem originale peccatum. s. ex bono motu disponente, ad illam de cōgruo & ex susceptione baptismi, ita & in proposito.

*Distin. 18.
cap. 6.*

cap. 16.

*Quomodo
Deus requi-
rat dispositio-
nem de con-
gruo.*

Ad illud vero Hiero. respondeo, quòd illa affirmatiua est vera, quòd sicut sacerdos legalis ostendebat leprosos mundatos, sic sacerdos euāgelicus ostendit peccatores iustificatos, sed negatiua, scilicet, quòd sacerdos euāgelicus, nō aliter se habet ad leprosos spritualiter, quam sacerdos legalis ad leprosos corporaliter, scilicet præcise ostendēdo munditiam huic inesse, hoc est falsum, ergo.

Ad principale argumentum dico, quòd pœna ordinans peccatorem potest esse vna vnius, & hoc secundum se, sed ordinans illum in ordine ad tertiū, id est ad quem offendit pœna potest esse multiplex secundum volun-

DISTINCTIO XV.

Circa distinctionem decimam quintam queritur.

Vtrum cuilibet peccato mortali actuali correspondeat satisfactio propria?

Scotus quarto sententiarum distinctio. 15. q. 3.

D. Thomas 4. sententiarum distinctio. 15. quest. 3. Arti. 1.

Ricardus quarto sententiarum distinctio 15. q. 5. Artic. 1.

Durandus 4. sent. dist. 15. q. 1.

QVAESTIO I.

ET sicut praedictis. Circa istam distinctionem 15. quero tres quaestiones. Primo. Vtrum cuilibet peccato actuali mortali correspondeat satisfactio propria? Secundo. Vtrum quicumque abstulit, & retinet rem alienam teneatur illam restituere, ita quod non posset vere poenitere absque tali restitutione? Tertio. Vtrum damnificans alium, in bonis corporis vel animae teneatur restituere ad hoc, quod vere possit poenitere?

Ad primam quaestionem sic proceditur. Videtur, quod cuilibet peccato mortali, non correspondeat satisfactio propria, quia tunc posset fieri satisfactio pro vno peccato alio remanente.

Cap. 18.

Contra Apoca. dicitur. Quantum glorificauit se, & in delictis fuit tantum dare ei tormentum, & luctum, igitur cuilibet peccato actuali correspondet satisfactio propria sub illa quaestione licet distinguatur de satisfactioe sumpta generaliter, & proprie non tamen oportet tantum diffundere sermonem, ideo oportet breuiter. Primo videre quid sit, vel quae sit ratio nominis in satisfactioe. Secundo an sit homini impossibilis talis satisfactio. Tertio in quibus consistit. Quarto an cuilibet peccato correspondeat propria satisfactio, vel afflictio. Quinto an vna satisfactio possit alia separari.

De primo dico, quòd satisfactio est redditio voluntaria æquivalentis alias indebiti. Primo. scilicet redditio patet, quia non est absoluta datio, nam hoc quod est satisfactio dicitur commensurationem ad aliud præcedens correspondens. Item dicitur voluntaria, quia si esset inuoluntaria iam non esset satisfactio, sed esset satisfactio. Item dicitur æquivalentis, & hoc importat illa particula satis. Item dicitur quarto alias indebiti, quia si esset alias debitum non satisfaceret pro isto, nam non esset correspondens isti secundum iustitiam, sed alteri.

Quid sit satisfactio.

De secundo articulo dicitur secundum vnam opinionem, quòd non est possibile homini satisfacere Deo quem offendit per peccatum, quia per peccatum auferitur honor Deo debitus, sed nihil æquivalens honori eius potest sibi à nobis reddi, igitur. Item peccatum mortale est infinitum malum, sed à nobis nihil potest reddi nisi bonum finitum, quod non est æquivalens, igitur. Item quicquid possumus sibi impendere obsequij, & honoris totum est ei debitum ratione creationis & gubernationis, & redemptionis, igitur nihil possumus sibi impendere, quod non sit sibi debitum. Dicit ergo illa opinio, quòd in virtute passionis Christi potest peccato satisfacere de peccato, quia illa passio tantum acceptatur à Deo ut virtute eius acceptetur ista satisfactio quæ secundum se accepta non posset esse satisfactio. Si autem opinio ista intelligat de potentia Dei absoluta, quòd non posset acceptare aliquem actum poenitentis tanquam satisfactionem iustam pro peccato nisi in quantum coniungitur merito passionis Christi, falsum est, quia possibile fuit filium Dei non fuisse incarnatū, nec per consequens passum, & cum hoc possibile fuisset Deum perduxisse prædestinatum ad beatitudinem, igitur possibile fuit tunc poenitentem satisfacere. Confirmatur per Augustinum. Fuit quidem, & alius modus nostræ redemptionis possibilis per incarnationem, & passionem, sed nullus nostræ miseriæ sanandæ cōuenientior fuit. Item passio Christi non delet culpam nostram, nisi ut est causa meritoria, & per consequens, ut causa secunda in genere causæ efficientis. Sed quicquid potest Deus per secundam causam efficientem potest immediate, ergo

Anselmus lib. 1. c. 2. cur Deus homo.

Doctrina subtilissima.

13. de trini. cap. 4.

Punctus notabilis.

sine illa potest iuste remittere culpam.

Quantum ad istum articulum est vnus alius modus dicendi quem teneo, quod de potentia sua absoluta potest dare peccatori post contritionem tanquam post dispositionem congruam, & meritum de congruo gratiam per quam motus eius fieret contritio, & sic per satisfactionem dimitteret peccatum, quia per actum illum redderetur æquiualens illi bono quod abstulit per peccatū. Posset etiā ille actus alias esse indebitus, quia licet quicquid possumus teneamus Deo, tamen ipse Deus ex misericordia sua noluit nos regulariter obligari nisi ad decalogum, & sic potest homo aliqua opera supererogationis exercere quæ alias sibi essent indebita, & tunc saluaretur tota ratio satisfactionis.

*Et ponitur
dist. 16. c. I.*

De tertio articulo, in quibus consistat ratio satisfactionis. Dico, quod magis consistit in actibus pœnali-
bus, quam non pœnalibus, Et hoc est quod dicit Aug. de vera, & falsa pœnitētia. Sunt inquit digni fructus virtutum qui nō sufficiunt pœnitentibus, pœnitentia enim grauiores fructus postulat vt dolore, & gemitibus mortuis vitam impetret. Isti autem actus pœnales reducuntur ad actus interiores, quæ sunt displicentia, & tristitia de peccato, & ad actus exteriores, qui sunt confessio, verecundia, satisfactio per ieiunium, & orationem, & elemosynarum largitionem, & similia.

De quarto an alicui peccato respondeat propria pœna. Dico, quod si intelligitur de proprio secundum speciem, vel secundum numerum, dicitur, quod non, quia eadem satisfactio secundum speciem vel etiam secundum numerū potest correspondere huic peccato, & illi. Quod secundum speciem patet, quia contritio potest correspondere illi, vel illi. Quod etiam secundum numerum patet, quia contritio de pluribus in generali potest correspondere vna illis pluribus.

Consequēter dico, quod possunt esse plures satisfactiones totales, vel partiales correspondentes vni peccato. Totales quidem, quia non est peccatum, quod non posset remitti per solam contritionem, & tunc illa sola est totalis satisfactio. Potest etiam remitti per contritionem remissam, & per alias pœnas suppletes imperfe-

ctionem contritionis. Contritio autem intensā ex parte & ipsamet remissa cum aliquibus pœnis ex alia parte differunt specie licet sint æquivalentes in acceptione diuina.

De quinto articulo an possit peccator satisfacere de vno peccato sine alio? Dico, quod satisfactio quatuor respicit, scilicet deum, ecclesiam, proximum, & seipsum. *Satisfactio quatuor re-*
 Vt aspicit Deum includit contritionem, vt aspicit eccle- *spicit.*
 siam, sic includit confessionem, vt aspicit proximum, sic includit restitutionem, vt aspicit seipsum, id est restituentem, sic includit carnis macerationem, & orationem, vel aliam pœnitentiam. Primo modo potest aliquis conteri de vno peccato actualiter licet non coneratur de alio peccato actualiter, sed solum habitualiter quia sicut non est necessarium intellectum simul considerare hoc, & illud peccatum, ita non est necessarium voluntatem simul pœnitere actualiter de hoc peccato, & de illo. similiter quarto modo potest quis per ieiunium, & non per orationem, vel peregrinationem satisfacere. *Nota. & bene istos passus curioso.*
 Secundo modo non potest peccator satisfacere de vno peccato in confessione alio retento nisi hoc esset ex obliuione. tertio modo, scilicet si potest satisfacere sine restitutione de hoc patebit in aliis quæstionibus. Ex dictis patet ad argumentum principale.

Vtrum possit quis vere pœnitere, & vere absolui nisi restituat aliena?

Scotus 4. sent. dist. 15. q. 2.

Petrus de Aquila 4. senten. distinct. 15. quæst. 2.

QVÆSTIO II.

AD secundam quæstionē sic proceditur. Videtur quod aliquis possit vere pœnitere absque hoc, quod restituat rem quā detinet alienā. Quia nullus tenetur ad impossibile, sed quandoque est impossibile restituere alienum illi cuius est, sicut quando nescitur cuius est, ergo.

Contra Augustinus dicit. Non dimittitur peccatum, nisi ablatum restituatur.

In ista quæstione sunt duo videnda. Primo quando rerum dominia sunt distincta. Secundo principale quæsitum.

De lege naturæ omnia sunt communia.

Quantum ad primum dico quatuor cōclusiones. Prima quòd de lege naturæ omnia sunt communia. Secunda quod post lapsum omnia sunt distincta. Tertia quòd illa distinctio non est à lege naturæ, vel diuina. Quarta quòd illa distinctio est à lege positiua scripta, seu data à patre, vel principe.

Cap. 2.

Prima conclusio patet in decretis dist. 1. c. 1. Iure naturæ omnia sunt communia. Item ad hoc est Augustinus super Ioannem, ut patet decretorum di. 7. c. Quo iure defendis villas ecclesiæ diuino, vel humano. Non diuino, nā iure diuino domini est terra, & plenitudo eius. Iure autem humano dicitur, hæc domus mea, hic seruus meus. Item probatur ratione, quia lex naturæ est secundum statum innocentia, sed in statu innocentia omnia erant communia, tum propter pacificam conuersationem, tum propter necessariam sustentationem, ergo.

Secunda conclusio patet. Status enim innocentia est alius à statu naturæ lapsæ, sed in primo statu erat pacifica conuersatio, in secundo autē non, igitur in hoc secundo statu. s. naturæ lapsæ remouendum est, prout est possibile quicquid tollit pacificam conuersationem hominum sed si non essent rerum dominia distincta, quilibet vellet totum occupare, & sic tolleretur pacifica conuersatio, ergo post lapsum debuerunt dominia esse distincta. Hic Arist. tertio politicorum vituperat politiam Socratis ponentis omnibus omnia esse communia.

Circa principium.

Tertia conclusio patet, quia ista distinctio non est per legem diuinam, sicut patet per illud Aug. introductum. Quo iure, &c. Nec est per legem naturæ, quia lex naturæ non determinat opposita, sed lex naturæ in natura humana determinauit, quòd omnia essent communia.

Quarta conclusio est, quòd illa distinctio est à lege scripta, vel data à patre, vel à principe patet. Nam post di-

luuium Noë distinxit filiis suis terram quam singulari occupauerunt pro se, & filiis suis, vel ipsi de communi concordia diuiserunt inter se terras sicut legitur in Genesi de Abraham, & Loth, vel lex aliqua promulgata est à patre, vel aliquo electo ab eis in principem, vel ab aliqua communitate cui ipsa communitas commisit illam auctoritatem, quæ lex fuit, vel esse potuit quòd res non occupata esset primo occupantis, & tunc diuiserunt se, & vnus occupauit vnâ plagam, & alius aliam.

Gene. 13.

De secundo articulo dico, quòd sicut auferre alienum est peccatum mortale, ita retinere aliena inuito domino est peccatum mortale. Et tunc sunt quatuor videnda. Primo quis tenetur restituere. Secundo quid tenetur restituere. Tertio cui tenetur restituere. Quarto quando tenetur restituere.

*Quatuor sunt
videnda.*

De primo. scilicet quis tenetur restituere patet in his verbis. Iussio, consilium consensus palpo recursus. Participans mutus non obstans, non manifestans.

*Primum quis
tenetur re-
stituere.*

De secundo. scilicet quid tenetur restituere. Dico, quod non solum tenetur restituere rem ablata, vel vsum rei, sed etiam ad interessse, & fructum perceptum de re, si res esset fructifera, sed non fructum, qui prouenit ex industria illius, qui vtitur illa re. Ex quo sequitur, quod lucrum acquisitum ex pecunia scelerata non tenetur scelerator reddere, alioquin qui recipit posset iuste esse vsurarius, quia recipere fructum proueniente de sua pecunia per industriam alterius est facere vsuram, & istud est, quod magis homini posset inducere ad vsuram, quia lucrantes de vsuris illud, quod quis lucratur, non tenetur restituere, immo illud est suum, quia per suam industriam acquisitum erat, alienum autem restitutum est.

*Secundum
quid tenetur
restituere.*

*Nota, &
bene.*

De tertio. scilicet cui tenetur restituere. Dico quòd damnificato si tamen sit possibile, possibile in quantum vt si nouit eum, & habet eum possentem, vel habere potest, vt sibi mittatur sine maiori incommodo, quam illud, quod mittendum esset vtile ei, cui mitteretur.

De quarto. scilicet quando tenetur restituere. Dico quòd non licet aliquo tempore detinere alienum domino inuito, sed in casibus quandoque licet differre restitutio-

nem, posita tamen iam interiori. s. voluntate restituendi cum occurrent circumstantiæ opportuna, illi autem casus non possunt modo particulariter explicari, quia circumstantiæ notari debent, cum quicumque vellet restitutionē sibi non fieri in præiudicium communitatis, vel in diffamiam restituentis, & huiusmodi.

Ad argumentum in contrarium dicendum, quòd nesciens illum, cui tenetur debet dare pauperibus, &c.

Vtrum damnificans alium in bonis personæ, scilicet corporis, vel animæ, tenetur restituere ad hoc, quòd possit verè poenitere?

Secus 4. senten. distinct. 15. q. 3.

Ricardus 4. sententiarum distinctio. 15. q. 2. Artic. 5.

QVAESTIO III.



Ad tertiam quæstionem sic proceditur. Videtur quòd damnificans alium in bonis animæ, vel corporis, non tenetur restituere, quia nullus tenetur ad impossibile, sed in tali casu damnificato restitutio est impossibilis.

Contra. 6. q. 1. ex merito deteriores sunt qui vitam morēsque bonorum corrumpunt his, qui substantias aliorum prædiāque diripiunt.

In ista quæstione est sciendum secundum philosophum, quòd bona sunt in triplici differentia. s. bona animæ, bona corporis, & bona fortunæ.

1. Ethic. 1.

Bona sunt in triplici differentia.

De bonis autem fortunæ dictum est in præcedenti quæstione, sic ergo quæritur de bonis animæ, & corporis. Bona autem animæ sunt quædam bona naturalia, quædam bona moralia sicut est fama, hic autem non quæritur de bono naturali, sed de bono morali, quod est fama. Et sic sunt duo videnda. Primo si damnificans alium in bonis corporis, tenetur ad restitutionem. Secundo si damnificans alium in bonis famæ teneatur ad restitutionem.

De primo dico, quòd damnificans alium in corpore, aut abstulit sibi vitam, aut damnificauit eam in aliquo membro. Si primo modo, quia vitam sibi restituere non potest, tenetur sibi restitutionem facere quantum est possibile in aliquo equiualehti, & non solum hoc, sed si interfectus, sustentabat aliquos. s. patrem, vel matrem, vel propinquos, tenetur interficiens omnibus illis ad tantam restitutionem, quantum illis abstulit per interfectionem occisi. Si autem damnificauit eum in aliquo membro. s. mutilatione enormi, vel non enormi communitè non est restitutio in ecclesia statuta, nisi pecuniaria, & illa debet correspondere damno non solum quod incurrit quis per mutilationem, sed etiam in expensis apposis in curatione.

*Pun. 2. m.
singulare.*

De secundo articulo. Dico quòd tripliciter potest quis alium infamare. Vno modo falsum crimen publice imponendo. Secundo modo, verum crimen, sed occultum non seruato iuris ordine publice proponendo. Tertio modo, verum crimen, sed occultum in publico sibi impositum negando, quia in hoc negans notat imponentem de calumnia.

In primo casu dico, quòd oportet restituere famam simpliciter tractando verbum suum, & quod sibi imposuit, & hoc ita in publico sicut sibi imposuit, quia alias non seruaret iustitiam de reddendo proximo, quod suum est.

In 1. casu.

In secundo dico, quòd non tenetur retractare verbum suum, quod proposuit in publico, quia hoc faciendo mentiretur si illud quod proposuit fuit verum, quia non tenetur mentiri propter quodcunque bonum reddendo alteri, sed tenetur aliquo modo licito reddere famam per talia, scilicet verba. Nò credatis eum talem esse qualem dixi vobis eum esse.

In 2. casu.

In tertio dico, quòd simpliciter non tenetur retractare negationem suam quam negauit in publico verum crimen sibi impositum, quia non tenetur statim quicunque in iudicio confiteri se esse reum nisi sit conuictus, tenetur tamen per quædam verba sobria restituere famam accusanti quam indirectè notauit de calumnia, dicendo, non habeatis eum pro calumniatore, quia pie

In tertio casu.

credo, quòd habuit bonam intentionem in proponendo.

Ad argumentum in contrarium patet, quia restitutio facienda est eo modo quo positum est supra.

DISTINCTIO XVI.

Circa distinctionem decimam sextam & decimam septimam quaritur

Vtrum remissio, vel expulsio culpæ, & infusio gratiæ sint vna simpliciter mutatio?

Scotus 4. sem. dist. 16. q. 2.

Petrus de Aquila quarto sentent. distinct. 16. & 17. q. 1

QVÆSTIO I.

Inperfectæ pœnitentiæ. Circa distinctionem 16. & 17. quero duas quæstiones. Primo. Vtrum remissio culpæ, & infusio gratiæ sint vna simplex mutatio? Secundo. Vtrum sit necessarium peccatori ad salutem confiteri omnia peccata sua sacerdoti

Ad primam quæstionem sic proceditur. Videtur, quòd remissio culpæ, & gratiæ infusio, probatio, generatio, & corruptio sint dux mutationes propter quatuor terminos, scilicet duas priuationes, & duas formas, sed remissio culpæ est corruptio peccati, quod infuit, & infusio gratiæ est generatio quædã in esse gratuito, ergo.

Contra, distinctæ mutationes habent aliquem ordinem prioritatis, & posterioritatis, sed expulsio culpæ, & infusio gratiæ non habent talem ordinem prioritatis, & posterioritatis, ergo, probatio minoris, quia si expulsio culpæ esset prior natura infusione gratiæ, sequeretur, quod in illo priori esset amicus, & non amicus, quia non habet gratiam, sine qua nullus est amicus.

Ad istam quæstionem diuersimode dicitur, sed dico illud quod melius capio & pono tres conclusiones.

Prima

*Opinio Au-
gustinus.*

Prima conclusio est, quod remissio culpæ, & infusio gratiæ non sunt vna mutatio. Secundæ quod remissio culpæ, & infusio gratiæ non sunt duæ mutationes reales. Tertia, quod infusio gratiæ, & remissio culpæ habent sicut relatio rationis, & actio realis.

*Vide Varro
nem in 4. q.
presenti.*

Prima conclusio probatur sic. Idem simpliciter non potest plurificari, & non plurificari, sed remissiones culpæ sunt multe, vel possunt esse multe quādo non est nisi vna infusio gratiæ.

Secundo sic. Idem non separatur ab eodem, seu à seipso, quia idem simul esset, & non esset, sed remissio culpæ, & infusio gratiæ possunt ab inuicem separari, ergo, probatio minoris, posset enim in statu innocentie in genere humano (& ita factum est in angelis qui non peccauerunt) gratia infundi absque alicuius culpæ remissione. Similiter potest culpa remitti absque hoc, quod gratia infundatur, posset enim Deus de potentia sua absoluta creare hominem in puris naturalibus sine culpa, & sine gratia.

*Nota, &
bene.*

Tertio sic, non est vna mutatio de termino ad terminum nisi illa sint formaliter repugnantia, sed culpa, & gratia non sunt formaliter repugnantia, ergo. Minor probatur, quando aliqua sunt formaliter repugnantia, quod potest super vnum, potest super reliquum, vel effectiue, vel defectiue, sed voluntas creata potest effectiue, vel defectiue super culpam, ergo si gratia, & culpa formaliter repugnant posset effectiue super gratiam, quod falsum est.

Quarto sic, vna mutatio non est ad formam positivam nisi à propria priuatione eius, sed culpa non est propria priuatio gratiæ, quia vnica gratia non habet nisi vnicam priuationem. Multæ enim sunt culpæ hoc modo, vt dictum est in prima ratione, igitur remissio culpæ, & infusio gratiæ non sunt vna mutatio.

Secunda conclusio, quod scilicet remissio culpæ, & infusio gratiæ non sunt duæ mutationes reales probatur sic. Infusio gratiæ est mutatio realis, sed remissio culpæ non est mutatio realis, ergo probatio minoris. Obligatio ad pœnam pro culpa commissâ non est aliquid reale in anima post actum præteritum, sed est tan-

tum relatio rationis in obiecto voluto, vt volitum est, ergo remissio quæ est ab ista obligatione ad non obligationem, non est mutatio realis. Antecedens patet superiorius. Consequentia declaratur, quia non est mutatio realis, nisi sit in terminum posituum realem, & priuationem realem.

Dist. 14. q. 1
Artic. 1.

Contra istud instatur quia non est transitus de contradictorio in contradictorium sine aliqua mutatione, sed quando peccatori remittitur culpa, est transitus de contradictorio in contradictorium, ergo est ibi vera mutatio. maior patet, quia si nulla est mutatio nulla est ratio, quare magis vna pars contradictionis est vera quam alia.

Responsio.

Responsio, concedo maiorem proprie accipiendo transitum, sed hic non est proprie transitus, sed voluntas Dei pro illo instanti pro quo peccat iste, vult istum esse puniendum, eadem voluntate immobili permanente.

Tertia conclusio, quod remissio culpe, & infusio gratiæ se habent sicut relatio rationis, & actio realis. Ista conclusio patet ex duabus conclusionibus præcedentibus, habetur enim quod infusio gratiæ est actio realis, siue sit de genere relationis, vt diuersi diuersimode sentiunt. Ex conclusione autem præcedenti habetur, quod remissio culpe est relatio rationis.

Ad argumentum in contrarium dico, quod non est simile de corruptione formæ, & remissione culpe, vt patet ex dictis.

Vtrum damnificans alium in bonis personæ, scilicet corporis, vel animæ,
teneatur restituere ad hoc,
quod possit verè peccare?

Scotus quarto sententiarum distinctio. 15. q. 3.
Ricar. 4. sent. dist. 15. q. 2. Artic. 5.

QVÆSTIO II.



Ad secundam quæstionem sic proceditur. Videtur, quòd nō sit necessarium ad salutē peccatori cōfiteri omnia peccata sua sacerdoti, quia dicit Cassiodorus super illud Psal. Dixi confitebor aduersum me, &c. Magna misericordia Dei ad solam promissionem dimittit peccata. Contra est Ambrosius, & habetur in litera dicens. Non potest quisquam iustificari à peccato nisi fuerit ante confessus.

Psal 31.

*Super illud
Luc. 22.*

In ista quæstione sunt tria videnda. Primo quo præcepto tenetur peccator peccata sua confiteri sacerdoti. Secundo quid istud præceptum includit de confessione. Tertio quid circa illud præceptum ecclesia vltius explicauit.

Quantum ad primum præmitto primo distinctionem vnā. Secundo formabo conclusiones. Distinctio est ista, quòd triplex est ius, scilicet ius naturæ, ius positium diuinum, & ius positium ecclesiæ. Ius autem naturæ sumitur large, & stricte. Stricte quidem ius naturæ est illud cuius veritas practica nota est ex tali principio, sic noto ex terminis. Ius autem naturæ large, vel de iure naturæ est verum practicum consonum principiis, & conclusionibus legis naturæ intantum, quod statim notum est omnibus illud conuenire tali lege. Ius autem positium diuinum, vel de lege positua diuina sunt, vel quęcunque continentur in scriptura pro tempore quo sunt obseruanda sicut fuerunt ceremonię Iudeorum pro tempore legis Mosaicæ, & sicut sunt ceremonię christianorum pro tempore legis euāgelicę. Ius autem positium ecclesiasticum, vel de iure positium ecclesiæ sunt aliqua obseruantia honestæ in moribus propter reuerentiam maiorem in suscipiendo sacramenta quas obseruantias addidit ecclesia vltra ius diuinum.

*Triplex est
ius.*

*Ius sumatur
duobus modis.*

Ad propositum pono tres conclusiones. Prima, quod confessio non cadit sub præcepto legis naturę. Secunda, quod confessio non cadit sub præcepto posituo ecclesię. Tertia, quod cōfessio cadit sub præcepto posituo diuino.

*Quomodo
confessio cadit
sub præcepto
posituo
diuino.*

Prima conclusio probatur, quia si confessio esset sub præcepto legis naturæ, tunc ista obligatio fuisset pro

tempore cuiuscunque legis, quod est falsum, igitur confessio non cadit sub præcepto legis naturæ.

Contra istam conclusionem obijcitur. Hæc est nota naturaliter, quod quilibet reus debet iudicari. Etiam est notum naturaliter, quod nullus debet esse iudex in causa propria, ergo debet iudicari per alium, sed non potest iudicari per alium nisi accusetur, si autem peccatum suum est occultum non potest accusari, nisi a seipso, ergo debet seipsum accusare alteri à quo iudicetur. Sed magis est consonum rationi, quod in secreto se accuset, quam in publico si peccatum est occultum, & tunc nulli rationabilius, quam sacerdoti. Ad istam instantiam concedo deductionem, quia iste iudicandus est ab alio, sed quis est ille alius non est notum per rationem naturalem, nisi de Deo, qui est retributor meritorum, & punitor peccatorum, & cum dicitur vltra, quod ille alius non potest iudicare, nisi fiat sibi accusatio, concedo, sed ex hoc non plus habetur, nisi quod debet seipsum accusare Deo, & hoc non est negandum.

Secunda conclusio, scilicet, quod confessio non cadit sub præcepto positiuo ecclesiæ, probatur, quia tunc Papa non teneretur confiteri, quia non habet imperium par in parem, vt patet extra de re. iur. c. Exijt.

Præterea quomodo ecclesia attentasset imponere tā graue iugum christianis sicut est confessio, nisi haberet ex lege diuina.

Contra hoc obijcitur dupliciter. Primo quia glosator decretorum de pe. di. 5. mouens istam quæstionem dicit, quod melius est dicere pœnitentiam institutam quadam vniuersali traditione ecclesiæ, quam ex aliqua auctoritate noui, vel veteris testamenti.

Secundo quia videtur hoc statutum per ecclesiam, extra de pe. & re. omnis vtriusque sexus.

Respondeo ad primum, salua reuerentia glosatoris, irrationabiliter loquitur, quia dicit, & non probat, dicit enim illud statutum esse ecclesiæ, & nullum capitulum addit ad hoc. Irrationabile enim esset vni theologo dicere aliquid esse statutum ex canone bibliæ, & non probare per bibliam. similiter secundum non valet, quia illud statutum fuit tempore Innocētii, iij. qui tamen locutus

Nota Bene.

est August. per multos annos in libro de vera, & ficta poenitentia.

*In concilio
luteranensi.*

Tertia conclusio, videlicet, quod confessio cadit sub præcepto positiuo diuino, probatur per illud Ioan. Quorum remiseritis peccata, &c. Ex hoc vno modo arguitur sic. Hic est data omnibus sacerdotibus, & apostolis potestas dimittendi peccata, sed non principaliter, quia hoc est proprium Dei, igitur ministerialiter, & arbitrarie, sed non potest arbitrari in causa ignota, ergo debet eis esse causa manifesta in qua debeant arbitrari, sed ista manifestatio est confessio, igitur ex ista colatione potestatis arbitrariæ sacerdotibus, vt innotescat ipsis causa peccati obligatur peccator ad accusandum se eis tanquam arbitris, & illud est confiteri.

Cap. 20.

Secundo ex eadem via sic arguitur. Quicūque amisit primam gratiam tenetur illam recuperare de necessitate huius præcepti, diliges dominū deum tuum, ergo quantū in se est debet agere ad recuperationem gratiæ, & etiam in virtute illius præcepti, diliges teipsum. Sed iste peccator in peccato mortali amisit primam gratiam, & potest recuperare eam suscipiendo sacramentum poenitentiae ab illo arbitrio, quia istud institutum est, vt remedium efficax ad recuperandam primam gratiam ex verbo præallegato. Quorum remiseritis peccata &c. ergo concluditur necessitas confessionis ex illo verbo euangelico, & ex illo adiuncto, diliges dominum Deū tuū. Videtur igitur tenendum, quod confiteri sacerdoti est de iure positiuo diuino.

Ioan. 20

De secundo articulo, scilicet quid istud præceptum includat.

Respondeo, quod includit quis, quid, cui, quando, & qualiter debet confiteri. Debet enim confiteri qui libet adultus, & habens vsum rationis, & cognoscens peccatū quod commisit. Per adultum autem non intelligo determinatam ætatem, quia in tali casu malitia supplet ætatem. Continet autem hoc præceptum quid peccator debet confiteri, quia peccatum mortale, & circumstantias peccati mortalis. Continet etiam istud præceptum cui peccator debet confiteri, quia sacerdoti, solus enim sacerdos habet potestatem ligandi, & soluendi.

*Conditiones
notabiles confessionis.*

*Quomodo
homo debeat
confiteri.*

Continet etiam hoc præceptum, quando peccator debet confiteri, quia quandoque est in periculo mortis. Quilibet enim quando imminet periculum damnationis debet se ad mortem præparare. Istud autem non solum est in infirmitate mortali, sed etiam quando aggredditur actus arduos sicut duellum, vel mare, vel actus alios solennes propter reuerentiam. Continet etiam qualiter peccator debet confiteri, quia cum displicentia peccati commissi, & cum proposito abstinendi à peccato, & obediendi ecclesiæ in satisfactione pro isto peccato. Verum quidem est, quod præter istas condiciones requiruntur plures aliæ & includendo istas, & alias sunt 17. quarum aliquæ sunt necessariæ simpliciter, aliæ non simpliciter necessariae, & includuntur in his versibus. Sit simplex, humilis, confessio, pura, fidelis. Atque frequens, nuda, discreta, libens, verecunda. Integra, secreta, lachrimabilis, accelerata. Fortis, & accusans, & sit parate parata. Sit inquit simplex, vt nihil admisceatur cum eis, quæ requiruntur ad peccatorum quantitatem. Sit etiã humilis interius, & exterius verbo, & signo. Sit etiã pura idest cum recta intensione facta. Sit etiam fidelis, & vera, vt nihil admisceatur de falsitate. Itẽ frequens, quia frequenter confiteri est utile. Sit etiam nuda idest non obvoluta verborum obscuritate. Sit etiam discreta, vt grauius peccatum cum grauiori pondere confiteatur. Item sit etiam libens, idest cum voluntate, & sine necessitate. Sit verocunda, vt verecunderetur de peccatis confessis actu. Sit etiam integra, idest sine partitione, & diuisione peccati. Sit secreta, quia ibi agitur de secretis conscientie. Sit lachrymabilis ad minus cum compunctione interiori. Sit etiam accelerata, quia peccatum, quod per pœnitentiam cito non diluitur mox suo pondere ad aliud trahit, secundum Gregorium. Sit fortis, idest cum proposito non recidiuandi. Sit etiam accusans, idest culpam suam non retorqueat in alium sicut Adam, qui dixit, mulier quam dedisti mihi sociam, &c. Gen. ultimo Sit parata parere idest obedire.

Cap. 4.

Ex prædictis potest etiã patere tertius articulus, scilicet quid circa sacramentum pœnitentiæ explicauerit

ecclesia, nam dicit explicitè, quod continebat præceptū diuinum implicitè, scilicet quis, quid, cui, quādo, & qualiter debet fieri confessio, v̄ patet extra de pœni. & remi. c. Omnis v̄triusque sexus. Nam quantum ad illos qui tenentur confiteri dicit sic. Omnis v̄triusque sexus fidelis postquam ad annos discretionis peruenerit.

Quantum ad aliud, videlicet quod tenetur confiteri, dicitur ibidem, omnia peccata sua, quod intelligo de mortalibus, & non de venialibus, quia pœnitentia est tabula contra naufragium, sed ex peccato veniali nullus patitur naufragium. Quantum ad aliud, scilicet cui debeat confiteri dicitur ibidem, quod proprio sacerdoti, per proprium autem sacerdotem non intelligo præcisè curatum, sed etiam priuilegiatum alias priuilegia essent frustra. Quantum ad aliud, scilicet quando dicitur ibidem quod semel in anno, & hoc non simpliciter, sed quotiens periculum mortis imminet, v̄ in præcedenti articulo dictum est. Et si dicas, quod hæc specificatio est relaxatio, quia prius tenebatur statim confiteri habita opportunitate confessoris, nunc autem non tenetur ex quo non tenetur nisi semel in anno confiteri.

Cui sit confitendum.

Dubium.

Respondeo, v̄trunque est dubium quibusdam dicentibus, quod tenetur statim cōfiteri habita opportunitate confessoris, & tunc, & nunc, quibusdam dicentibus aliter. Puto tamen, quod esset distinguendum, quia peccator, aut est religiosus, aut secularis. Si religiosus, cum eius vita tota sit vita pœnitentiæ statim tenetur confiteri, si secularis sufficit sibi tenere statutū ecclesiæ cū contritione, & proposito confitendi. Quantum ad aliud, scilicet, quomodo, vel qualiter debet confiteri dicitur ibidem in eodem c. fideliter confiteatur, idest integre, alias ficta esset pœnitentia.

Responsio.

Distin. du.

Peccator, aut est religiosus, aut secularis.

di. q. 1.

Ad argumentum in contrariū dico, quod ista contritio de qua loquitur Cassiodorus habet propositum confessionis secururæ, & sic non deletur peccatum sine proposito confitendi, quod patet per finem eiusdem auctoritatis vbi subditur votum pro opere iudicatur pro confessione futura.

DISTINCTIO XVIII. & XIX.

Circa distinctionem decimam octauam & decimam nonam quaeritur.

Vtrum cuilibet sacerdoti in susceptione ordinis sacerdotij conferantur clauēs regni cælorum?

Seraph. Boni. 4. sent. dist. 19. q. 1. Artic. 2.

Scotus 4. sent. dist. 19. q. 1.

D. Thomas in 4. sent. dist. 20. q. 2. Artic. 5.

Ricar. 4. sent. dist. 13. q. 1. Artic. 1.

Durandus 4. sententiarum distinctio. 19. questio 1.

QVAESTIO I.



Id quæri solet. Circa distinctiones 18. & 19. quæro tres quæstiones. Primo. Vtrum cuilibet sacerdoti in susceptione ordinis sacerdotij dentur clauēs regni cælorum? Secundo. Vtrum potestas clauium tantum se extendat ad pœnam temporalem? Tertio. Vtrum potestas clauium se extendat ad excommunicationem, ita quòd recte quis possit excommunicari.

Ad primam quæstionē sic proceditur. Videtur, quòd in susceptione sacerdotij non conferantur sacerdoti clauēs regni cælorum, quia de Christo dicitur Apoc. Claudite, & nemo aperit, aperit, & nemo claudit, ergo solus Christus habet clauēs.

Contra Matth. promittitur Petro, & aliis sacerdotibus. Tibi dabo clauēs regni cælorum.

In quæstione ista quinque sunt notanda. Primo, quòd in ecclesia est vna clauis apud sacerdotem, quæ est potestas sententiandi. Secundo, quòd in ecclesia est vna clauis apud sacerdotem quæ est potestas cognoscendi. Tertio, quòd hæc, & illa nō sunt vna clauis, sed aliæ. Quarto, qualiter habens istas clauēs potest exire in actum earum. Quinto si præter illas in ecclesia est aliqua alia clauis.

De primo dico, quod nomen clavis translatum est a corporalibus ad spiritualia secundum aliquam similitudinem; secundum illud philosophi: Omnes transferentes secundum aliquam similitudinem se transferunt. Clavis autem est instrumentum ad remouendum obstaculum ne aliquis in domum ingrediatur. Ideo quaelibet virtus siue potestas remouens obstaculum introitus in regnum cœlorum potest dici clavis.

6. Topicorū.

Sed cum sit triplex obstaculum intrandi in regnum cœlorum triplex erit clavis. Est enim obstaculum primum debitum æterni supplicij, propter mortale peccatum commissum, & hoc solus Deus remouet. Aliud est obstaculum, scilicet, debitum solutionis precij, & hoc solus Christus in passione sua remouit. Tertium obstaculum est, debitum peccati dimissi quo peccator obligatur ad pœnam temporalem, & hoc potest remoueri per illum qui potest pœnas taxare, & talis est sacerdos, ergo apud sacerdotem clavis huiusmodi reſeruatur. Ex hoc habetur, quod triplex est clavis, scilicet, auctoritatis, excellentiæ, & ministerij. Prima conuenit Deo. Secunda Christo. Tertia sacerdoti.

Tripl. clavis.

De secundo articulo dico, quod potestas sentiendi accipitur tripliciter; vt statim dictū est, scilicet principaliter, vt in Deo, excellenter vt in Christo; ministerialiter, vt in sacerdote. Sic potestas cognoscendi principaliter est in Deo, excellenter in Christo, ministerialiter in sacerdote. Et, quod in sacerdote sit ista potestas probatur. Quicumque habet potentiam sentiendi aliquam causam habet potentiam discernendi in eadem causa, loquor de communi lege, sed sacerdos habet potentiam sentiendi in causa peccati, ex præcedenti articulo ergo habet potentiam cognoscendi de eadem causa. Sed diceres, quid est ista clavis cognoscendi, vel scientiæ. Magister dicit in litera, quod est aliqua scientia actualis vel habitualis, aut discretio quædam, vt patet j. c. di. 19. Sed aliis videtur oppositū, quod sicut potestas iudicandi non est iustitia, immo potest esse sine iustitia; ita potestas cognoscendi non est scientia, immo est sine scientia sicut de facto in multis hodie sacerdotibus, vnde ista potestas non dicit habitum, sed officium discernendi. Illa fuit

Quid sit clavis
scientiæ.

*Opinio præ-
positiui.*

opinio præpositiui quam hodie Doctores communiter sequuntur.

De tertio articulo dicunt quidam, quòd istæ clauces sunt idem cum caractere sacerdotali, & tunc esset facile videre quomodo conferuntur cuilibet sacerdoti in eius ordine sicut caracteres.

Sed contra hoc arguitur sic. Illæ sunt distinctæ potestates quarum vna potest esse sine alia, sed potestas conficiendi corpus Christi siue character sacerdotij, vt est ad conficiendum corpus Christi potest esse sine illa potestate quæ includitur in clauibus, ergo. Minor probatur, quia sic fuit in Apostolis in cœna, quando dicebatur eis, hoc facite in meam commemorationem, vbi data est eis potestas conficiendi eucharistiã, potestas autem clauium data est eis post resurrectionem. Io. Quorum remiseritis, &c. Confirmatur, quia episcopus ordinando sacerdotes primo dicit eis. Accipite potestatem conficiendi, vel celebrandi missam, & quibusdam interpositis imponit manum super caput eorum dicens. Accipite spiritum sanctum, &c. Dico ergo simpliciter quòd sunt duæ clauces, ita quòd absolute verum est illud verbum Christi. Tibi dabo clauces regni cælorum.

Cap. 20.

Ioan. 20.

Matt. 16.

De quarto, scilicet qualiter habens istas clauces potest exire in actum earum. Dico potentia actiua est duplex, scilicet propinqua, & remota, vt patet 9. metha. & 2. de anima. Potentia actiua propinqua est illa cui statim correspondet passiuua, & nullo prohibente posset exire in actum. Potentia autem actiua remota non habet istã, non enim statim correspondet sibi potentia passiuua, vt possit exire in actum.

*Est potestas
absoluendi.*

Ad propositũ dico, quòd alia est potestas conficiendi, & alia potestas absoluendi. Potestas enim conficiendi statim habet materiam in natura, scilicet panem triticeum, & hæc est potestas non impedibilis. Vnde quandoque sacerdos attentat facere hoc, quod ecclesia facit in materia determinata, tenendo formam debitam vere conficit, & ideo dicitur potestas propinqua. Sed potestas absoluendi non sic. Non enim statim ex ordine habet potentiam passiuam sibi correspondentem, sed oportet sibi aliquem subditum dare in quem habeat

iurisdictionem, quia sententia lata à non suo iudice nulla est. Sic ergo habens istas clauēs non potest exire in actum earum, nisi supra materiam debitam.

De quinto articulo, scilicet, si præter istas clauēs est alia clauis in ecclesia. Dico, quòd sic, quia in ecclesia est duplex forus, vnus secretissimus in quo idem est actor, & reus, & ad istam pertinent clauēs prædictæ. Alius est forus publicus, quia ecclesia habet auctoritatem corrigendi peccata publica, & ita requiritur duplex auctoritas correspondens duplici foro prædicto. Iste autem auctoritates pertinentes ad forum publicum sunt duæ clauēs de quarum potestate habetur Matt. Si peccauerit in te frater tuus. Sequitur. Dic ecclesiæ. Si ecclesiam non audierit, sit tibi velut Ethnicus, & publicanus. Et sequitur. Amen dico vobis quæcunque ligaueritis super terram, erunt ligata & in cælo. Ex isto patet, quòd istæ clauēs non sunt eadem cum prioribus, quia possunt ab illis separari sicut statim melius patebit.

Cap. 18.

Ad argumentum in contrarium patebit, quòd ista auctoritas non debet intelligi de clauis ministeriali, sed de principali quæ competit Deo, & etiam Christo, vt expositum est in primo articulo.

In 3. quest.

Vtrum potestas clauium tantummodo se extendat ad pœnam temporalem?

Scotus 4. sent. dist. 18. q. 1.

Petrus de Aquila 4. sententiarum dist. 19. quest. 2.

QVAESTIO II.

AD secundam quæstionem sic proceditur. Videtur, quòd potestas clauium non se extendat ad pœnam temporalem. Quia si sic, aut esset ad remittendum illam, aut infligendum. Non ad remittendum, quia per frequentes absolutiones posset tota pœna debita pro peccato remitti, & sic apud quemcunque sacerdotem esset potestas absoluendi à culpa, & pœna per frequentes absolutiones, quod est inconueniens. Nec extendit se ad infligendum,

quia tunc quilibet pœnitens teneretur implere quamlibet pœnam iniunctâ sibi à sacerdote, quod est falsum quando iniungit pœnitentiam, indiscretam.

*Ad quid se
extendat po-
testas clauis.*

Contra, ista potestas clauium ad aliquid se extendit, sed nō ad aliud quam ad pœnam temporalem, ergo probatio minoris, quia non ad remissionem culpæ, nec pœnæ æternæ, quia hæc duo secundum Magistrum competunt soli Deo, ergo non extendit se ad aliquid aliud quam ad pœnam temporalem.

In ista quæstione sunt varij modi dicendi, sed breuiter possunt reduci ad quatuor, & secundum hoc possunt esse in quæstione articuli quatuor.

Vnus modus dicendi est quem recitat Magister in littera, quòd sacerdos absoluit a pœna æterna. Quam opinionem Magister in littera improbat. ideo sic improbatam relinquo.

Alius modus dicendi est, quòd sacerdos non absoluit à pœna, sed à vinculo confessionis ligando ad satisfactionem. Sed istud non valet, quia sacerdos in absoluendo, non dicit absoluo te à confessione, sed absoluo te à peccatis, & tunc quæro, vel absoluit eum à peccatis quantum ad pœnam, vel quantum ad culpam, ergo oportet plus dicere eum.

Alius modus dicendi est, quòd absoluit eum non tantum à vinculo, sed etiam à pœna purgatorij ligando ad pœnam satisfactoriam, & non absoluit aliquam partem pœnæ relaxando, sed solum commutando. Sed nec istud valet, quia iste peccator post absolutionem diuinam nō obligatur ad pœnam purgatorij magis quam ad aliam. Hoc patet, quia tantum posset confiteri, quòd Deus totū dimitteret, & statim euolaret, ergo non oportet, quòd illam commutaret.

Quartus modus dicendi quem teneo est, quòd sacerdos aliquam partem pœnæ absoluendo dimittit ex vi clauis. Et hoc sic possumus intelligere. Vniuersæ viæ domini misericordia & veritas. Ideo in iustificatione, quæ est opus misericordiæ, misericordia domini remittit culpam, & iustitiæ regulam non præterit, adhuc tamen iustitia diuina tenet eum obligatum ad pœnam, sed diuina misericordia præiudicet, & statuit arbitriū sacerdotale cui

dedit potestatem arbitrandi, & remittendi aliquam partem pœnæ ex virtute passionis Christi. Quanta autem sit ista pars non est nostrum determinare, sed solius Dei.

Sed occurrit hic vnum dubium. Si enim sacerdos remittit aliquid de pœna vt dicis, ergo per absolutiones iteratas posset sacerdos dimittere totam pœnam, quia absolutio secunda est eiusdem rationis cum prima, ergo potest eandem virtutem habere respectu alicuius partis pœnæ remittendæ. Hic dicitur vno modo, quod non sequitur, quia non semper fit relaxatio secundum partes eiusdem proportionis. Quando autem est processus secundum partes eiusdem proportionis potest esse processus in infinitum.

Dubium.

Alio modo dicitur, quod secunda absolutio virtute clauum nullam partem pœnæ remittit, quia iudicium semel latum sine errore Deus ratificat in cælis sic, quod est irrouocabile, ergo rationabile est, quod sic ratificetur, quod sit irrouocabile non dico, quod illicitum, vel impossibile sit iterari, sed tamen cum fructu isto quem nunc habet non est iterabile.

Vtrum nullus debeat, vel possit excommunicari?

Petrus de Aquila 4. sent. dist. 19. q. 3.

QVÆSTIO III.

AD tertiam quæstionem sic proceditur. Videtur, quod nullus debeat vel possit excommunicari, quia excommunicatio est separatio à communionem fidelium, sed separatio est contra charitatem, ergo.

Contra j. ad Cor. Qui non amat dominum Iesum Christum anathema sit. *Cap. vlt.*

In ista quæstione sunt tria videnda. Primo an aliquis possit excommunicari. Secundo à quo possit excommunicari. Tertio pro quo debet excommunicari.

De primo dico, quod sic, quia sicut in corpore naturali est, sic suo modo est in corpore mystico. Ita enim arguit Apost. ad Rom. Sicut in vno corpore multa mē- *Cap. 12.*

bra habemus, &c. sed in corpore naturali membrum putridum abscinditur, ergo in corpore mistico. Sed ista abscissio est per excommunicationem, ergo.

De secundo articulo, scilicet à quo possit excommunicari. Dico, quod in hoc videtur esse controuersia inter Doctores, quidam dixerunt, quod potestas excommunicandi solum episcopis conuenit. Alij dixerunt, quod non solum episcopis, sed etiam archidiaconibus, & abbatibus, & aliis praelatis. Tertij dixerunt, quod hoc competit his, & etiam parochialibus, sacerdotibus. Sed potest dici, quod potestas quæ est in ecclesia Christus eam contulit Apostolis, & præcipue Apostolo Petro. Ista autem potestas est duplex, vna est in foro penitentiali, alia in foro iudiciali. Prima potestas respicit legis ordinem. Secunda praelationem, secundum primam par potest absolvere parem. Sed secundum secundam par non potest ligare parem nec superiorem. Prima potestas quando collata est Petro, ut sacerdoti descendit in omnes sacerdotes quamuis omnes non habeant executionem. Secunda autem potestas, quia collata est Petro, ut praelatus est descendit in omnes personas ecclesiasticas, quæ habent praelationem, & iurisdictionem, & quodcumque iurisdictionem habent, non solum clauas primas habentes in foro penitentiali, sed etiam non habentes, ut archidiaconi, & aliqui capitulares, & forte aliqui alij, vel ex iure, vel ex consuetudine, ideo possunt excommunicare.

De tertio articulo, scilicet pro quo, quis debeat excommunicari. Dico, quod duplex est excommunicatio. Vna inflicta à iure, alia inflicta à iudice. Prima est præseruatiua, Secunda est curatiua. Prima fit propter euitandam culpam ad præseruandam libertatem ecclesiasticam. Secunda autem infertur propter contumaciam. Ideo debet monitio præmitti, ut sic de contumacia excommunicetur. Et sic iudex nullum debet excommunicare, nisi pro peccato mortali, & non pro quocunque peccato mortali, sed pro peccato contumaciæ, vel cui contumacia connexa est, ut patet. i. r. q. 3. Absit.

Sed notandum, quod quatuor modis huiusmodi

*Potestas
duplex.*

contumacia incurritur, scilicet, quando sufficienter vocatus ad iudicium non venit, nec remanendi habet legitimam causam. 24. q. 3. de illicita. Item secundo quando venit tamen respondere contemnit, vt 11. q. 3. c. certum. Item tertio antequam debeat discedit, vt patet in c. præallegato. Item quarto quando sententiæ non obedit 2. q. 6. quisquis.

Ad argumentum in contrarium dico, quod communio triplex est. Quædam omnino spiritualis, & hæc est quædam ad dilectionem interiorem. Quædam corporalis in exteriori conuersatione. Quædam est medio modo se habens in sacramentorum perceptione. Dico igitur, quod à prima communione nullus debet excludi. A secunda vero, & tertia potest, & debet excludi, nec ista exclusio est contra charitatem.

*Communio
triplex est*

DISTINCTIO XX. & XXI.

Circa distinctionem vigesimam, & vigesimam primam quæritur,

Vtrum pœnitentia in extremis valeat ad salutem?

Scotus 4. semen. distin. 20. q. 1.

Ricar. 4. sent. dist. 20. q. 1.

QVAESTIO I.

SCIENDVM est. Circa distinctiones 20. & 21. quæro tres quæstiones. Primo. Vtrum pœnitentia in extremis valeat ad salutem? Secundo. Vtrum post hanc vitam possit aliud peccatum dimitti? Tertio Vtrum confessor in quocunque casu teneatur celare peccatum sibi in confessione detectum.

Ad primam quæstionē sic proceditur. Videtur, quod pœnitentia in extremis non valeat ad salutē, quia Aug. in quodam sermone, vt ponitur in litera loquens de sic pœnitēte. Non præsumimus inquit, quod bene hic exit.

Dist. 7. &
ponitur in li-
tera.

Contra. Aug. de vera, & falsa pœnitentia dicit. Multum fuit sera latronis pœnitentia, sed non fuit sera eius indulgentia, igitur pœnitentia in extremis valet ad salutem.

In ista quæstione pono duas conclusiones. Prima est, quod pœnitentia in extremis valet ad salutem. Secunda est, quod pœnitentia raro est tantę sufficientiæ, quod sufficiat ad salutem.

Prima conclusio probatur sic. In quocunque statu potest homo demereri, in eodem statu potest mereri, sed in extremis homo potest demereri, ergo & c. Et per consequens valet pœnitentia etiam in extremis ad salutem. Confirmatur per Aug. in de vera, & falsa pœnitentia, & ponitur in litera, pœnitentia si in extremo vitæ aduenerit sanat, & liberat, & probat per illud quod iam dictum est arguendo ad principale de latrone cuius pœnitentia fuit in extremis. Item idem Aug. dicit, & ponitur in litera, quod dominus potens est in morte præmiare, & punire, & iuuare, sicut placet, quia non est opus hominis, sed Dei fructuosa pœnitentia, & inspirare potest eam quandoque vult sua misericordia.

Secunda conclusio probatur sic, quia vbi est maior perturbatio fantasmatum, ibi est homo minus compos sui, & minus habet vsum liberi arbitrii, sed in extremis est maxima perturbatio fantasmatū, ergo tunc homo est minus compos sui, & minus habet vsum liberi arbitrii, vbi autem non est vsum liberi arbitrii ibi non videtur esse sufficiens pœnitentia ad salutem.

Nota, &
bene hæc om-
nia.

Præterea habitus vitiosus quanto plus est aggrauatus, tanto plus inclinat ad actus oppositos pœnitentiæ, ideo habitus vitiosus, in extremis inclinat ad actus oppositos pœnitentiæ. Hanc rationem trahit Aug. in litera dicens. Cum filii quos illicite dilexit sint præsentēs, & vxor, & mundus ad se vocet multos solet pœnitentia serotina decipere.

Præterea, quanto aliquis minus est dominus sui actus tãto requiritur intensior displicentia ad hoc, quod sit dispositio sufficiens ad deletionem culpæ. Sed iste qui est in extremis minus est dominus sui actus interioris, quia nullo modo est dominus sui actus exterioris
ad

ad peccandum, ergo requiritur secundum strictam iustitiam intensior motus displicetiae ad iustificationem istius quam ad iustificationem sani cum vix possit habere aequale intensum. Et hanc rationem tangit Aug. in littera. Age inquit poenitentiam dum sanus es, si sic agis securus es, quia poenitentiam egisti quando peccare potuisti. Si vis agere poenitentiam, quando iam peccare non potes, tunc peccata te dimiserunt, non tu illa.

*De sacra
poenitentia.*

Ad argumentum in contrarium dico, quod illa praesumptio non concludit demonstrative, quia licet ut in paucioribus, & difficulter valeat poenitentia in extremis ad salutem tamen possibile est hoc evenire. Et ideo ibidem dicit Aug. non dico, quod saluabitur, sed nec dico, quod damnabitur, quia de neutro potest homo esse certus, ergo, &c.

Utrum post hanc vitam possit dimitti aliquod
peccatum.

Scotus 4. sent. distinct. 21. q. 2.

D. Thomas 2. secunda in tractatu de peccatis venialibus q. 90.

Richardus 4. sentent. distinct. 20. q. 2.

QVAESTIO, II.

AD secundam quaestionem sic proceditur. Videretur, quod post hanc vitam non possit dimitti aliquod peccatum. Quia nullus moriens iustus potest postea peccare, igitur nec moriens in peccato potest postea resurgere, consequentia patet à simili, quia simile videretur pro aliquo statu posse peccare, & posse resurgere à peccato.

Contra est Magister in littera, & probat per illud Matt. Qui peccaverit in spiritum sanctum non remitteretur ei nec in hoc saeculo, nec in futuro. Subdit Magister. Ex hoc datur intelligi sicut sancti Doctores tradunt, quod quaedam peccata in futuro dimittentur. Ista quaestio potest intelligi de peccato mortali, vel veniali. Si intelligitur de peccato mortali adhuc dupliciter est dicendum. Quia vel quaeritur de peccato mortali confesso,

Cap. 12.

vel non confesso, & sic sunt tria videnda. Primo si potest aliquod peccatum mortale dimitti confessum. Secundo si potest aliquod peccatum mortale dimitti non confessum. Tertio si potest aliquod peccatum veniale dimitti post hanc vitam.

De primo dico, quod potest peccatum mortale dimitti confessum, & de facto dimittitur tale peccatū pœna soluta hic vel in futuro, quia nullus cum debito pœnæ beatificatur. Aut enim pœnæ simul soluendæ sunt cū gloria, aut post gloriam, sed neutro modo. Quia nec pœna potest stare cum gloria, nec succedere gloriæ. Ergo si quis alias est debitor pœnæ, oportet quod prius soluat istam pœnam pro peccato. Iste autem qui digre pœnituit in extremis non soluit dignam pœnam pro peccato de quo pœnituit, igitur istam soluet post hanc vitam.

De secundo articulo. Si possit mortale peccatum non confessum ex certa scientia post hanc vitam dimitti. Dico, quod non, quia pro tali peccato non dimisso pœna debita est pœna damnationis æternæ, sed ista pœna non remittitur.

De tertio articulo quantum ad peccatū veniale oportet videre, quæ pœna sibi correspondeat secundum Dei iustitiam. Et dicitur secundum vnam opinionem, quod peccato veniali per se correspondeat pœna æterna, per accidens pœna temporalis.

Primum probatur. Quia si quis damnetur pro mortali, & habeat veniale, pro isto veniali semper punietur, alias in inferno posset esse redemptio alicuius peccati. Sed non puniretur à Deo æternaliter nisi iuste pœna æterna sibi deberetur, ergo.

Peccatum veniale stat cū charitate.

Secundum probatur. Quia peccatum veniale stat cum charitate per quam homo ordinatur ad regnum, & per consequens ratione illius pœna peccati venialis est temporalis.

Contra primum arguitur dupliciter. Primo sic. Cum charitate non stat debitum pœnæ æternæ, sed cum charitate stat peccatum veniale, non tantum post actum, sed etiam actualiter commissum ut patet secundum omnes, ergo peccato veniali non debetur per se pœna æterna. Probatio maioris, quia per charitatem est aliquis dignus

vita æterna, si igitur cum hoc stat debitum ad pœnam æternam, igitur simul dignus est al. quis vita æterna, & pœna æterna, quod est impossibile, quia nullus potest esse debitor pœnæ pro illo instanti pro quo est ordinatus ad gloriam, quia tunc posset simul stare gloria, & aliqua pœna.

Præterea, secundo arguitur sic. Essentialis pœna damnatorum, non est pœna sensus, sed pœna damni, illa autem necessario concomitatur quamlibet pœnam, quia nulla pœna potest stare cum beatitudine. Igitur debitum ad quamcūque pœnam æternam includit debitum ad pœnam damni æterni, & per consequens ad pœnam essentialē damnationis, sed illa non correspondet veniali, ergo.

Præterea peccatum mortale, & veniale sunt impropportionabilia in ratione offensæ, vel malitiæ, quia infinita venialia si essent non æquarentur vni mortali in ratione offensæ, ergo poena secundum iustitiam correspondens peccato mortali impropportionabiliter, & in infinitum excedit poenam correspondentem veniali. Sed non impropportionabiliter, & in infinitum excedit intensiue, quia quælibet poena secundum intensiōem finite excedit aliam, vel exceditur ab alia, igitur hoc erit secundum extensiōem, & per consequens non debetur peccato veniali poena æterna. Dico ergo, quod pec-

*Opinio pro-
pria.*

catu veniali siue hic puniendo, siue in inferno, siue alibi non debetur poena nisi temporalis, nec per se, nec per accidens. Quia secundum se est talis offensæ quæ secundum se sufficienter punitur per poenam temporalem, nec est inconueniens illam poenam debitam veniali habere terminum in inferno, quia & verè poenitens primo, & partem poenitentia impōitam, explens, & ante totam expletam recidiuans in mortale, & in illo mortali decedens pro parte poenitentia residua explēda soluet poenam in inferno, sed non nisi temporalem, & tamen non plus videtur de illo quam de primo.

Et si obijcias.

Et si obijcias contra, quia sic in inferno erit redēptio, vt arguebat præcedens opinio. Dico, quod in inferno nulla erit redemptio illius peccati pro quo iste est damnatus. Sed ille non fuit damnatus pro peccato veniali,

quod patet. Nec fuit damnatus pro illo peccato de quo alias fuit contritus, & confessus, quia pro illo debitum poenæ æternæ fuit commutatum in debitum poenæ temporalis, & ideo non valet.

Ad argumentum in cōtrarium nego consequentiam.

Ad probationem dico, quòd non est simile, quia peccare est libere agere, & pro statu vitæ. Resurgere autem hoc est immunem fieri à peccato non requirit libere agere etiam in via, &c.

Vtrum confessor in quocunque casu teneatur celare peccatum sibi in confessione detectum?

Seraphicus Bona. 4. sent. dist. 21. q. 2. Art. 1.

Scotus quarto sententiarum distinctio. 21. q. 2.

D. Thomas 4. sententiarum distinctio. 18. quest. 4. Art. 1.

Ricardus quarto sententiarum distinctio 21. q. 2.

Durandus 4. sent. dist. 21. 4.

QVAESTIO III.

AD tertiam quæstionem sic proceditur. Videtur, quod confessor non teneatur semper celare peccatum sibi in confessione detectum, quia licitum est vnicuique renunciare iuri suo, sed quod peccatum teneatur secretum, hoc est de iure confitentis, ergo potest huic iuri renunciare, & per consequens sacerdos poterit tunc illud reuelare.

In contrarium sunt multæ auctoritates sanctorum.

In ista quæstione sunt quatuor videnda per modum quatuor conclusionum. Prima est. Celare peccatum detectum in confessione, tenetur sacerdos de lege naturæ. Secunda, quòd tenetur ad hoc de lege Dei positiva. Tertia, quod ad illud tenetur de lege ecclesiæ positiva. Quarta, quando, & qualiter tenetur, & de aliis circumstantiis particularibus.

Primam conclusionem probat quidam Doctor sic. Quilibet de lege naturæ tenetur vitare mendacium, maxime mendacium perniciosum, sed si confessor proderet peccatorem ipse mentiretur mendacio pernicioso,

ergo. Probatio minoris. Quicumque affirmat quod nescit, eo modo quo nescit mentitur, & si est in infamiam alicuius est mendacium perniciosum, sed sacerdos reuelando peccatorem affirmat quod nescit eo modo, quo nescit quia affirmat ut homo & tamen nescit ut homo, quia scit ut Deus, & hoc est in infamiam illius, ergo.

Aliter probatur à Doctore subtili sic. De lege naturæ *Probatio*
nullus deberet facere alteri quod sibi non vult fieri, sed *Scots.*
confessor nollet peccatum suum per aliquem prodi, ergo de lege naturæ ipse non debet peccatum alicuius prodere.

Secunda conclusio, scilicet, quod teneatur de lege positiua diuina Probatur primo sic. Quilibet Christianus tenetur non dare occasionem alteri, quod reuocetur à lege Christi, sed de confessione facienda est lex Christi, ut in superioribus ostensum est, ergo; quilibet tenetur de lege Christi non retrahere aliquem à confessione faciendâ. Sed reuelans confessionem occasione data retrahit alios à confessione; ergo.

Secundo sic. Christus statuit arbitrium pœnitentiæ esse vltimum in terris quantum ad crimen confessum, ergo peccat contra legem Christi quicumque aliquid in isto foro discussum deducit in alium forum, talis autem esset reuelans confessionem, ergo. Antecedens patet Matt. Quodcumque solueris super terram erit solutum *Cap. 16.*
& in cælis.

Tertio sic. Dans occasionem peccandi mortaliter in exequendo præceptum Christi peccat mortaliter. Sed reuelans confessionem dat occasionem indebite exequendi præceptum Christi de confitendo, quia dat sibi occasionem, ut se laudet, & alium vitupèret, ergo.

Tertia cōclusio, quod sacerdos tenetur de iure positiuo ecclesiæ tenere secrete peccatum sibi in confessione detectum, ut patet extra de pœnitentia & re. Omnis vtriusque sexus, ubi dicitur. Caueat omnino sacerdos ne verbo, vel signo, vel aliquo quouis modo prodât peccatorem. Et statim infra statuitur pœna. Item de pœ. dist. 8. Sacerdos omnino caueat, ne de eis qui confitentur peccata eorum alicui reuelet. Et sequitur pœna. Nam si hoc fecerit deponatur, & omnibus diebus vitæ suæ ignomi-

niosus permaneat.

De quarta cōclusionē oportet videre tria, quis, quando, & cui tenetur secretum celare.

De primo, scilicet, quis. Dico, quòd non solum confessor, sed & is cui confessor reuelat licet illicite tenetur celare, quia transferens aliquid in alium de facto non plus iuris sibi dat quàm ipse habeat, sed confessor reuelans non habet ius transferendi illud in alium, ergo si de facto transferat ille alius non habebit ius transferendi. Idem dico de illo, qui audiuit confessionem dolose, vel inuidiose, vel causaliter. Sed quando dico, quòd semper, quia est præceptum negatiuum, & non minus post mortem quam ante mortem, quia eadem rationes, quæ sunt pro prima, & secunda cōclusionē possunt esse pro ista.

*Nota, &
bene.*

*Vide Gui-
lielmum.*

De tertio, scilicet, cui dicitur, quòd cuilibet teneatur celare peccatum secretum nisi superiori cui in casu potest reuelare. Sed videtur contrarium, quia rationes superius factæ concludunt de superiori sicut de inferiori, ideo illud non assero, sed pro nunc suspensum relinquo.

Ad argumentum in contrarium dico, quòd peccatum confessum debere celari non tantum est ius confitentis, sed ius communitatis, quia ex opposito, scilicet ex reuelatione sequeretur cōtinua perturbatio in communitate, quia posset quilibet passim reputare alium abhominabilem.

Circa istam vltimam distinctionem istius tractatus de pœnitentia quæritur.

Vtrum peccata per pœnitentiam dimissa in reciduiante, redeant eadem numero?

Scotus 4. sent. dist. 22. q. 1.

D. Thomas 3. part. q. 88. Artic. 1.

Ricard. 4. sent. dist. 22. q. 1.

Durandus 4. sententiarum distinctio. 22. quæstio 1.

QVAESTIO I.



Vniue multas auctoritatibus. Circa istam ultimam distinctionem istius tractatus de poenitentia, & sequentem in quo tractat de sacramento extremæ vnctionis quæro duas quæstiones. Prima. Vtrum peccata per poenitentiam dimissa redeant eadem numero in recidiuante? Secunda. Vtrum extrema vnctio sit sacramentum nouæ legis.

Ad primam quæstionē sic proceditur. Videtur, quòd peccata per poenitentiam dimissa in recidiuante redeant eadem numero, per illud Iac. Qui in vno offendit factus *Cap. 2.* est omnium reus.

Contra, nullum successiuum potest redire idem numero, vt patet discurrendo per omnia successiua, sed peccatum est quoddam successiuum, ergo.

In ista quæstione tria sunt videnda. Primo, si absolute loquendo peccatum possit redire idem numero. Secundo si hoc esset possibile de potentia Dei ordinata. Tertio quomodò peccata dicuntur de facto redire.

De primo dicitur vno modo, quòd absolute loquen- *Ricar. pre-*
do peccatum non potest redire idem numero, quia ni- *senti dist. q. 1.*
hil potest redire idem numero, nisi per potentiam diuinam, sed peccatum quo ad culpam non potest redire idem numero, per potentiam diuinam, ergo. Probatio minoris, per Augustinum. Deo auctore nemo fit deterior.

Præterea peccatum non inest alicui nisi per actum peccantis, sed iste actus non redit idem numero in peccante propter interruptionem temporis, ergo. *Lib. 8, q. 3.*

Contra. Peccatum accipitur dupliciter, vno modo, vt dicit de ordinationem in actu. Alio modo, vt dicit reatum, id est obligationem ad poenam, hic autem non quæritur si peccatum possit redire primo modo, quia si non redit actus certū est quòd non reuertitur obliquitas in actu, sed quæritur de peccato secūdo modo sicut dicit obligationem ad poenam & de ista arguitur, quòd potest redire sic. Deus potest obligare istū pro b. ad eandē poenam ad quā obligauit pro a. ergo iste potest obligari ad eandē, & per consequens habere eundē reatū. Antecedens probatur, quia volūtas mea hoc potest, scilicet velle istū,

primo ordinari ad pœnam, & secundo velle nō ordinari ad pœnam sub conditione ista si iterum non offendat, & si iterum offendat velle eum ex tunc ordinari ad eandem pœnam. Ad argumenta autem opinionis patet, quod arguunt de actu, vel obliquitate quæ est in actu nō autem de reatu, si reatus sumitur pro obligatione. Sumitur enim reatus multipliciter, vt dicit Magister, videlicet pro culpa, pro pœna, pro obligatione ad pœnam.

Lib. 2. dist. 42.

Psal. 31.

Cap. I.

De secundo articulo dico, quod Deus disponit peccata pœnitentis post pœnitentiam esse recta, secundum illud Aug. exponentis illud Psal. Beati quorum. &c. & quorum recta sunt peccata, idest non amplius videri ad vindictam, & super illud Naum primo. Nō iudicabit dominus bis in idipsum, & ideo de potentia ordinata non potest redire eadem obligatio nec ad eandem pœnam postquam extincta est, vt habetur de poe. di. 4. c. diuina clementia dimissa peccata in ultionem vltius redire non permittit, nec patitur.

Contra istam conclusionem

Contra istam conclusionem instatur quia simpliciter se habent mala ad punitionem, & bona ad remunerationem, sed bona prius facta resurgunt ad remunerationem, ergo mala ad punitionem. Ad illud dico, quod non eodem modo se habent mala ad punitionem sicut bona ad præmiationem quo ad hoc, quod mala possunt puniri temporaliter, & sufficienter si pœna æterna sit commutata in temporalem, sed bona meritoria nunquam possunt præmiari sufficienter per talem commutationem, nec per consequens nisi ipsum præmium æternum in se sit collatum, quod nunquā sit viatori, & ideo semper remanet sibi ius saluum ad gloriam quam acquisiuit per illa merita.

Contra hoc, quia tunc omnis resurgēs à peccato mortali resurgeret in gratia maiori, quā fuerit illa à qua cecidit, quia resurgit in omnib. illis bonis quæ prius habuit iam viuificatis, & præter hoc in isto actu pœnitentiæ per quem resurgit & quem superaddit illis præteritis, & ita in maiori gratia, quod videtur inconueniens. Tum quia non omnis cadens semper grauius cadit, quā prius ceciderat, nec ergo resurgens gravior resurget, quā præfuit. Tum, quia prima gratia potest esse maior, & mi-

nor, & per consequens minima, per pœnitentiam autē acquiritur gratia prima, ergo possibile est gratiam recuperatam per pœnitentiam esse minimam.

Ad istud dico, quod talis resurgens plura merita habet in acceptatione diuina, quam habuit quando cecidit, & per consequens ex ea parte ordinatur ad maiorem gloriam. Sed nō oportet eum in maiori gratia resurgere, quia secundum dispositionem eius detestādo peccatum commissum intese, vel remisse, datur sibi tunc maior, vel minor gratia.

Sed contra hoc obiicitur, quia tunc iste de lapsu suo ad minus in acceptatione diuina resurget in digniori præmio.

*Sed contra
hoc obiicitur.
Responsio.*

Respondeo, & dico, quod nō habet commodum, sed incommodum magnum, non solum quia peccauit, sed quia totum tempus quo mansit in peccato est sibi perditum, quo tempore potuisset multiplicasse merita si mansisset in gratia.

De tertio articulo dicunt aliqui, quod peccata de facto simpliciter redeunt eadem, maxime propter illud Matth. Serue nequam omne debitum dimisi tibi, & sequitur. tradidit eum tortoribus quousque redderet debitum. Sed ista via sic generalis quibusdam non placet, propterea dicunt aliter, quod peccata non redeunt nisi per quatuor genera peccatorum, scilicet per odium fratrum, per apostasiam, per contemptum confitendi, & per hoc, quod dolet se pœnituisse, & rationem assignāt, quia dominus remittit culpam sub conditione quadruplici, scilicet si ipse dimittit proximo. Item si perseueret in fide. Item si confiteatur culpam commissam. Itē si perpetuo detestatur culpam præteritā. Et quia pactū frangitur non existente cōditione quando aliquis peccat aliquo genere peccatorum prædictorum, ideo dicunt culpā redire. Sed nec ista opinio aliis placet. Ideo melius dicitur, quod peccatum dimissum redit tanquam circumstantia aggrauans illud peccatum in quo reciduat, & hoc dupliciter.

Cap. 18.

Quomodo peccata redeant.

Primo quia quanto aliquis recipit ab alio beneficium sibi indebitum, tanto magis tenetur sibi, sed existenti in peccato mortali nō est Deus debitor nisi pœnæ, ergo

si sibi gratiam confert hoc erit donum maxime gratiæ, ergo iste ex lege gratitudinis tenetur specialiter Deo, & per consequens offendens contra eum, grauius peccat propter ingratitudinem.

Secundo, quia quanto aliquis tenetur pluribus oblationibus ad aliquid, tanto si transgreditur grauius peccat, sed pœnitens quotienscunque digne pœnitet obligat se saltem voto ad non peccandum in posterum, sine enim tali proposito non est digna pœnitentia, & propter hoc astrictus est ad non peccandum sicut quilibet innocens, si ergo peccat transgreditur duplicem legem obligantem ad non transgrediendum, & per consequens talis grauius peccat.

Contra illud obiicitur sic. Illud non aggrauat quo existente, vel non existente peccatum esset æque graue, vel grauius, sed si non fuisset prius pœnitens, immo non fuisset semper innocens, & si tunc peccaret grauius peccaret quàm modo, ergo. Probatio minoris, quia cadens à statu innocentia grauius peccat quàm cadens à statu pœnitentia, tum quia maius beneficium recepit iste cui Deus seruauit innocentiam, quam cui concessit pœnitentiam post peccatum, tum quia innocens habet minorem occasionem cadendi. Ad illud credo, quòd simpliciter maius beneficium diuinum est cui conseruatur innocentia, quàm cui cōcessa est pœnitentia. Nam maius beneficium contulit dominus matri suæ quam Mariæ Magdalena, singularis enim est gloria nunquam cecidisse in peccatum.

Tunc ad argumentum negetur maior, quia possibile est aliquod peccatum habere nunc vnā circumstantiam aggrauantem, nunc aliam, & ista quæ hic aggrauat potest esse grauior quam illa quæ ibi aggrauat, & istæ duæ circumstantiæ possunt esse repugnantes, & in hoc pœnitentia præcedens aggrauat, quia tribuit ingratitudinem. Similiter ab innocentia cadere aggrauat propter ingratitudinem, & innocentia, & pœnitentia quodammodo repugnant, sed simpliciter cadere ab innocentia magis aggrauat.

Ad aliud quod dicitur tradidit eum tortoribus donec vniuersum redderet debitū, dico, quod ista vniuers-

fitas intelligitur quantum ad durationem, sed non quantum ad intensiōem. Et ita dicendum esset ad omnes auctoritates sanctorum fundatas in ista auctoritate.

*Responsio ad
omnes aucto-
ritates.*

Ad argumentum principale dico, quod factus est omnium reus quantum ad auersionem a fine ultimo quæ est communis omni peccato mortali, sed non est factus omnium reus quantum ad grauitates speciales singulorum peccatorum.

Vtrum extrema vnctio sit sacramentum
nouæ legis?

Scotus 4. sent. dist. 23. q. 1.

D. Thomas 4. sententiarum distinctio 23.

quest. 1. Arti. 1.

Richardus 4. senten. distin. 23. q. 1.

Franciscus de Mayronis 4. sent. dist. 23. q. 1.

Durandus quarto senten. dist. 23. q. 1.

Ioannes Bacconstanus 4. sententiarum dist. 24. q. 1.

QVÆSTIO II.

AD secundam quæstionem sic proceditur. Videtur, quod extrema vnctio non sit sacramentum nouæ legis, quia sacramenta nouæ legis instituta sunt à Christo, vñ visum est supra dist. 2. Sed sacramentum vnctionis videtur institutum fuisse à Iacobo secundum illud Iac. Infirmatur quis in vobis: inducat præsbyteros ecclesiæ, & orent super eum, & vngent eum oleo sancto.

Cap. 5.

In contrarium est Magister in litera. In ista quæstione tria sunt videnda per modum trium conclusionum. Prima quod possibile est esse aliquod sacramentum nouæ legis, quod est signum efficax remissionis peccatorum venialium. Secunda quod illud sacramentum remissionem peccatorum venialium est sacramentum extremæ vnctionis. Tertia quid est istud sacramentum secundum suam diffinitionem, vel descriptionem.

Prima conclusio probatur sic. Possibile est Deum remittere peccata venialia, ergo possibile est sibi instituire signum efficax istius remissionis, consequentia p-

ter, quia impossibile est homini instituere signum efficax practicum cuiuscunque operationis suæ, ergo multo fortius hoc est possibile Deo.

Dist. 2. q. 1.

*Infirmitas
duplex.*

Secunda conclusio, scilicet, quod illud sacramentum in remissionem peccatorum venialium sit sacramentū extremæ vnctionis fuit declarata superius sic. Sacramenta sanant infirmitates, ergo secundum numerum infirmitatum accipitur numerus sacramentorum, & efficacia eorum, sed infirmitas est duplex scilicet culpæ, & pœnæ. Infirmetas autem pœnæ est quadrupliciter, scilicet, ignorantia, pusillanimitas, malitia, & concupiscentia. contra ignorantiam est ordo, contra pusillanimitatem est confirmatio. contra malitiam est eucharistia. contra concupiscentiam est matrimonium. Infirmetas vero culpæ est triplex, scilicet originalis, actualis mortalis, & actualis venialis, contra originale est baptisumus, contra actualem mortalem est pœnitentia, ergo contra culpam actualem venialem est extrema vnctio.

De tertio articulo scilicet quid est vnctio extrema secundum suam descriptionem, dico, quod extrema vnctio est vnctio hominis infirmi pœnitentis facta in determinatis partib. corporis cum oleo consecrato ab episcopo ministrata à sacerdote, simul verba certa cum intentione debita proferente ex institutione diuina efficaciter signans curationem venialium finalem. Ista ratio apparet bona, quia non est in se falsa, ex 5. Meth. quia
5. met. cont. 4 nulla pars eius repugnat alteri.

Ad cuius euidenciam oportet partes eius exponere. Dicitur enim ibi primo, quod est vnctio cuius congruentia est, quia illud signum sensibile congruit effectui scilicet vnctioni interiori.

Secundo subditur hominis infirmi, ideo non debet conferri sano, nec qualitercunque exposito periculo mortis, puta in transire mare, vel bellum, sed infirmo existente in periculo mortis. Tertio additur in pœnitentis, quia nullus est capax istius digne qui non est in gratia. Quarto additur in determinatis partib. corporis, istæ partes sunt organa potentiarum per quarum actus peccatur frequenter venialiter, vt pote organa quinque sensuum & potentie sensitivæ. Sunt autem hæc organa

potentiæ visusque duo oculi. Organa potentiæ auditivæ, scilicet duæ aures. Organa odorativæ duæ nares. Tactivæ duæ manus. Organum gustus est lingua in qua non fit vñctio propter abhominacionem dolentis, sed fit ad os exterius. Propter organum potentiæ vegetativæ fit vñctio ad lumbos, propter organum potentiæ motivæ, vel progressivæ fit vñctio in pedibus. Quinto sequitur cum oleo, nec oportet ibi aliquid esse confectum ex oleo, & balsamo, sicut in materia confirmationis, quia confirmatio est ad confessionem fidei, & ideo requiritur in confirmato non tantum puritas conscientie signata per oleum, sed etiã odor bonæ famæ signata per balsamum. Sexto subditur consecrato ab episcopo, quia ille est actus episcopalis, si enim alius consecraret nihil faceret.

Septimo subditur ministrata à sacerdote, quia si alius attentaret nihil faceret, sicut si non sacerdos attentaret conficere nihil facit. Vnde notanter dicit Apo. Iacobus *Cap. 5.* Inducant præsbyteros, &c.

Ultimo sequitur. verba certa cum intentione debite proferente, & hoc pertinet ad formam huius sacramenti cuius forma septiformis est ad septem vñctiones principales sub istis verbis. Per istam sanctam vñctionem, & suam piissimam misericordiam parcat tibi Deus quicquid oculorum vitio deliquisti, & sic de aliis. Ad argumentum in contrarium dico illud sacramentum fuisse institutum à Christo, ut visum est supra. Iacobus autem non erat institutor, sed promulgator huius sacramenti à Deo instituti. *Dist. 2.*

DISTINCTIO XXIII. & XXV.

Circa distinctionem vigesimam quartam,
& vigesimam quintam queritur,

Utrum in ecclesia sint tantum septem ordines, eo
modo quo ordo ponitur sacramentum?

Seraphicus Bona. 4. senten. distinc. 20. q. 4. Artic. 2.

Scotus 4. sententiarum distinc. 24. q. 1.

D. Thomas 4. sent. distin. 24. Art. 3. q. 1.

Ricardus quarto sententiarum distinctio. 24. q. 3.

Franc. de May. 4. sent. dist. 24. q. 2.

Durandus 4. sententiarum distinctio. 24. q. 3.

QVÆSTIO I.

NUNC ad consecrationem. In ista 24. & 25. dist. tractat magister de sacramento ordinis, & ideo circa istas dist. quæro duas quæstiones. Primo. Vtrum in ecclesia sunt tantum septem ordines eo modo quo ordo ponitur sacramentum? Secundo. Vtrum poena canonica impedit a susceptione, & collatione ordinum?

Ad primam quæstionem sic proceditur. Videtur, quod in ecclesia non sint septem ordines. Quia quilibet ordo habet characterem sibi proprium, ergo illis septem ordinibus correspondent septem characteres, consequens est falsum, quia isti characteres aut essent eiusdem speciei & hoc non, quia plura accidentia eiusdem speciei non possunt esse in eodem, ex 5. meth. Aut essent alterius speciei, & hoc non, quia in speciebus est essentialis nobilitas maior, vel minor, sed talis nobilitas non videtur posse signari inter istos characteres, ergo in ecclesia non sunt septem ordines.

Tex non habente com.

In contrarium est Magister in litera.

In ista quæstione quatuor sunt videnda. Primo quid est ordo, loquendo de ordine sicut in titulo quæstionis est præmissum. Secundo quot sunt ordines isto modo. Tertio si ordo est sacramentum. Quarto quomodo est sacramentum vnum.

*D. Bona. præfenti dist. si.
2. Ar. 2.*

De primo articulo dicit vna opinio, quod sacramentum ordinis est potestas spiritualis ad aliquem actum exequendum in ecclesiastica Hierarchia, & per consequens secundum ordinum diuersitatem ad tales actus de ecclesia distinguendi erunt ordines.

Contra hoc instatur, quia ex ista descriptione sequitur, quod episcopatus sit ordo quod est contra eos, probatio consequentiæ, quia episcopatus est potestas ad aliquem actum spirituales in ecclesia, utpote ad actum confirmandi, & conferendi ordines sacros, & non tantum potestas congrue exercendi, sed simpliciter exercenda, quia si vnus attentaret non episcopus, nihil faceret.

Secundo sequeretur, quòd sub ordine sacerdotali non sit aliquis ordo in ecclesia, quod est contra eos, probatio cōsequentiz, quia nullam potestatem spirituales habet diaconus, vel subdiaconus, loquendo de potestate spirituali simpliciter, quia licet possit aliquid facere congrue diaconus, vel subdiaconus, quod non conferret congrue laicus, tamen si laicus attentaret illud facere, faceret simpliciter.

Tertio sequitur, quòd sacerdotium esset duo ordines quia sacerdoti competit duplex potestas spiritualis, quia conficiendi eucharistiam & absoluendi pœnitentem quæ non sunt vna potestas, quia vna videtur fuisse prior altera. In cœna enim contulit dominus Apostolis primam, secundam non contulit, nisi post resurrectionem.

Alia opinio, scilicet Scoti dicit, quod ordo accipitur dupliciter, scilicet communiter, & proprie, loquendo autem communiter de ordine dicitur ab Aug. quod ordo est rerum parium dispariumque vnicuique loca sua tribuens congrua dispositio. Et isto modo accipimus communiter in vniuerso ordinem entium, sicut loquitur philosophus 12. Meth. Isto etiam modo accipitur ordo in pollitiis bene dispositis vbi persona parium, & imparium in aliqua pollita congrue dispositio dicitur esse ordo illius pollitiæ à quo dicitur ordinata. Alio modo accipitur ordo proprie vt est gradus eminentiæ, & talis est descriptio eius. Ordo est gradus eminens in ecclesia disponens congrue ad aliquem actum ad consecrationem, vel dispensationem eucharistiæ pertinentem.

19. de ciu.
Dei. c. 13.

12. Met. con-
tex. 52.

De secundo articulo, scilicet, quot sunt ordines videtur aliqualis controuersia, quia canonistæ dicunt siue computant episcopatum inter ordines. Et istud confirmata auctoritate Dion. 5. ecclesiasticæ Hierarchiæ, qui ponit tantum tres ordines, scilicet episcopatum, sacerdotium, & diaconatum. Item auctoritate Isidori. 7. ethimologiarum c. 12. qui ponit episcopatum esse ordinem. Item auctoritate canonis qui ponitur dist. 21. c. Cleros, Probant etiam ipsi ratione, quia cum episcopo conueniat quedam potestas in quantum est episcopus, aut ista erit ordinis, & tunc habetur

propositum aut iurisdictionis, & tunc posset auferri per superiorem, quod videtur inconueniens, quia consecratio alia multo minor consecratione episcopi, non potest auferri quin semel consecratum maneat consecratum. Ista via posset teneri vno modo sic, quod gradus potest dici eminens propter nobilitatem actus quē respicit, vel propter multitudinem actuum quos respicit.

Ista distinctio patet in aliis pollitiis. Nunc ad propositum diceretur, quod episcopatus est ordo, & simpliciter ordo superior, quia habet ordinem ad omnes actus ecclesiasticos, sacerdotium vero dicitur ordo, quia habet ordinem ad nobilissimum actum qui est conficere corpus Christi.

*Responsio
ad quæsum.*

Cum ergo quæritur in isto articulo. Quot sunt ordines. Dico, quod si episcopatus est ordo, vt dicit præcedens opinio tunc sunt octo ordines. Si autem episcopatus non est ordo, sic sunt septem, quia cum ordo sit quidam gradus eminens in ecclesia disponens de congruo ad aliquem actum qui est ad consecrationem, vel dispensationem eucharistiæ pertinetes, quot sunt gradus, ad dictam consecrationem pertinentes tot sunt ordines.

Primus autem gradus disponens ad consecrationem eucharistiæ est sacerdotium.

Secundus autem gradus disponens ad dispensationem eius saltem sanguinis est diaconatus.

Tertius disponens ad oblationem materiæ eucharistiæ consecrandæ est subdiaconatus, & isti tres dicuntur ordines sacri, quia immediate disponunt ad aliquod ministerium circa eucharistiam. Vterius aliqui gradus disponunt ad actus aliquos remote se habentes ad eucharistiam, & hoc diuersimode. Vno modo adorandum pro populo, & reuerenter suscipiendum, & iste est accolitatus illuminando cereos. Alia est dispositio pertinetes ad intellectum sicut est cognitio, & hic est lector. Aliqui gradus sunt ad reprimendum indignos, & hoc, vel homines sic sunt hostiarii, vel demones sic sint exorciste.

De tertio articulo dico, quod loquendo proprie de sacramento, ordo non est sacramentum proprie, quia omne sacramentum est signum sensibile, sed ordo est quidam

quidam gradus spiritualis, tamen accipiendo sacramentum pro signo inuisibilis sicut aliquid dicitur res, & sacramentum, hoc modo potest dici sacramentum, quia est signum gratiae conuenientis executioni actus debiti.

Diceret, quid, ergo est septimum sacramentum, dico quod est ordinatio cuius est talis descriptio, ordinatio est institutio alicuius in gradu ecclesiae praeminente cui conuenit aliquod ministerium circa eucharistiam exhibendam facta à ministro idoneo certa verba proferente simul cum intentione debita, ministerium gradus illius aliquo signo inuisibili presente ex institutione diuina efficaciter signans gratiam praeminentem qua ordinatus digne ministerium illud exequatur.

Quid sit ordinatio.

De quarto articulo, scilicet, quomodo sacramentum ordinis est vnum. Dico, quod est vnum vnitatem generis propinqui, sicut virtutes morales dicuntur esse tres secundum genus, scilicet iustitia, fortitudo, & temperantia, tamen in speciali quolibet in multa diuiditur. Est etiam alia vnitas inter ordines, & ordinatos, scilicet vnitas ordinis, quia congruum est prius recipere ordinem inferiorem, quam superiorem, nec tamen iste ordo est simpliciter necessarius, ideo non tantum dicitur congruum, quod si praetermittatur nihil sit, quod impediat a susceptione ordinis, ut apparet extra de clerico, per saltum promotum.

Ad argumentum principale dico, quod sint plures alterius speciei, & cum arguitur de excellentia potest concedi, quod eo modo quo characteres sunt entia habent talem excellentiam.

Virum poena canonica impediat a susceptione, & collatione ordinum?

Secundus 4. sent. dist. 25. q. 1.

D. Thomas 4. sent. dist. 25. q. 1. Artic. 3.

QVÆSTIO II.

QVÆSTIO II.

AD secundam quæstionem sic proceditur. Videtur, quod pœna canonica non impediat à susceptione, & collatione huius sacramenti, scilicet ordinis, quia sacerdos excommunicatus, vel irregularis si attentat conficere conficit, ergo si à simili, si episcopus excommunicatus, vel irregularis attentat ordinare ordinat, & iste qui suscipit si intendit ordinari ordinatur, consequentia patet per locum à simili.

In contrarium j. q. j. c. De cætero, dicitur, quod talem susceptionem, vel collationem decernimus.

In ista quæstione quinque sunt videnda. Primo, quid est pœna canonica. Secundo, quæ, & quot sunt pœnæ canonice. Tertio, qualiter pœnæ canonice infliguntur. Quarto, qualiter pœnæ canonice tolluntur. Quinto si propter pœnas canonicas à suscipiendis vel conferendis ordinibus repellantur.

Quid sit pœna canonica.

De primo dico, quod pœna canonica est pœna infligta per canones prohibens punitum ab aliquo actu ecclesiastico quam alias liceret. Hoc vltimum quam alias liceret additur, quia non est pœna laico, quod non possit conficere, quia sibi hoc non competit, sed sacerdoti ordinato. Dicitur autem secundum canones, quia siue à canone infligatur siue à iudice, tamen ad hoc, quod sit iusta pœna debet secundum canones infligi. Dicitur autem prohibens, quia pœna de qua loquimur videtur artare tanquam prohibitio, vel continere subarcere, vel artare.

De secundo, quæ, & quot sunt pœnæ canonice. Dico, quod sunt sex, scilicet depositio, vel degradatio, infamia, irregularitas, excommunicatio, interdictum, vel suspensio. Depositio est maxima pœna canonica, quia est totalis amotio à statu clericali. Degradatio autem generaliter sumpta idem est quod depositio quamuis particularis degradatio possit esse quædam pœna particularis respectu depositionis. Infamia est status læsæ dignitatis quantum ad vitā, & ad mores sicut fama est illesiō quan-

tum ad vitam, & mores. Irregularitas est inhabilitas ad susceptionem, & executionem ordinum. Excommunicatio est exclusio alicuius a communione fidelium maxime in sacramentis. Interdictum est arctatio a quibusdam actibus ecclesiasticis exercendis, vel ab assistendo talibus actibus. *Suspensio* est prohibitio ab aliquo *multiplex* alias conueniente, & hoc ad tempus, & hæc est multiplex, quia quædam est suspensio ab officio, quædam ab ingressu ecclesiæ.

De tertio articulo, scilicet qualiter pœnæ canonicæ infliguntur, Dico, quod depositio, & degradatio remouet hominem à statu clericali, & tradit eum curiæ seculari. Ista autem pœna præcisè infligenda est à iudice. Forma autem secundum quā infligenda est habetur in sexto decretalium, extra de pœnis, c. degradatio. Causæ autem propter quas infligenda est sunt peccata enormia, vt puta hæresis, schisma, reuelatio confessionis. Primum patet extra de hæret. ad abolendam. Secundum extra de schismatibus, ad abscondendos. Tertium extra de pœni. & remis. Omnis ytriusque sexus. Pœna autem infamiæ incurritur impositione criminis infamatorij. 6. quæst. j. c. Qui sunt. Ista læsio diuersimodè incurritur. Vno modo propter crimen publicum publice commissum, vel quia à iudice coram quo crimen probatur iudicatur infamis. Differentia tamen est inter infamatum, & infamiam, hic autem loquimur de infami. Pœna irregularitatis infligitur à iure, & hoc aliquando ex criminibus, aliquando non ex criminibus, aliquando ex illis quæ possunt interdum esse crimina, interdum non esse crimina. Crimina in genere sunt quatuor. Vnū est simonia. Aliud est ordinē sacrum, vel non sacrū furtiue recipere. Aliud est in ordine non suscepto ministrare. Aliud est contumacia nō obseruandō pœnas canonicas, Non autē in genere crimina sunt ista tria seruitus, illegitima natiuitas, & multiplicatio membri. Ista autē quæ aliquando possunt esse crimina aliquando non sunt bigamia, & homicidium, quia homicidiū aliquando potest esse voluntariū, aliquando casuale. Excommunicatio aliquando infligitur à iure quādoq; à iudice, sed siue sic, siue sic infligatur bono modo nō habetur numer⁹ excommunicationū.

Hoc tamen dico, quòd nec à iure, nec à iudice debet infligi nisi pro peccato mortali, nec pro quocunque mortali, sed graui, ad quod sequitur contumacia vt in aliis distinctionibus dictum fuit. Interdictum autem potest infligi aliquando loco, & non personæ, aliquando personæ, & non loco, quandoque loco, & personæ simul, & ista pœna contrahitur à iure, quandoque à iudice. Suspensio autem aliquando infligitur à iure, vt patet extra de sent. excommun. cum medicinalis, aliquando infligitur ab homine.

De quarto articulo, scilicet qualiter pœnæ prædictæ tolluntur, seu remittuntur, aut in eis dispensantur.

Dico primo, quòd depositus seu degradatus non restituitur nisi per restitutionem in integrum ab eo qui potest restituere sicut est Papa, quamuis legitime depositus non legatur postea restitutus.

Quomodo tollatur infamia.

Secundo dico, quòd infamia tollitur per purgationem canonicam, vt extra de pur. ca. ex tuarum.

Tertio dico, quòd irregularis aut incurritur ex criminibus, aut ex his, quæ possunt esse aliquando crimina, aliquando non crimina. Si ex criminibus, aut est simonia, aut est ordo furtiue susceptus, aut est administratio in ordine non suscepto vel furtiue suscepto, aut contemptus pœnæ canonice. Si est ex simonia hoc est dupliciter, quia aut est in officio, & tunc dispensat solum Papa, aut in beneficio tunc potest episcopus dispensare. Si autem est ex ordine furtiue suscepto, distinguo, quia aut prohibetur per excommunicationem, ne quis accedat nisi de isto episcopatu, & prius legitime examinatus, & receptus aut non est talis prohibitio. In vtroque casu furtiue se ingerens est irregularis, sed in primo non dispensatur nisi per Papam. In secundo per episcopum, vt extra de illo, qui furtiue ordinem recepit, in primo, & secundo capitulis tam ex textu quàm in glosa. Si autem irregularitas esset ex administratione in ordine non suscepto dispensatur per episcopum, vt extra de clerico non ordinato ministrante. c. 2. Si autem esset irregularitas ex contumacia pœnæ canonice dispensatur per illum cuius auctoritate pœna canonica fuit inflicta. Quando autem irregularitas non est ex crimine

sicut est seruitus, propter quam homo dicitur inhabilis ad suscipiendum ordines si talis de facto ordinaretur inuito domino aut postmodum non consentiente, tunc debet eum dominus actibus decentibus statum suum scilicet ordinati occupare. Quando autem est irregularitas ex illegitima natiuitate dispensatur per Papam, vt patet extra. de filiis presbyteri. Sed si irregularitas esset ex mutilatione, & esset enormis, & ipse esset in causa vix dispensatur, vt habetur dist. 55. si quis absciderit. De aliis autem, scilicet homicidio, & bigamia patebit inferius.

Quarto dico, quod excommunicatio relaxatur per absolutionem factam ex isto, qui excommunicauit, si excommunicatio est à iudice, vel superiori eius, si autem est à iure tollitur per absolutionem eius, qui ius cōdidit. *Dist. 33.*

Quinto dico, quod interdictum relaxatur per illum, qui posuit interdictum. In ceteris tamen casibus relaxatur quandoque à iure, vt extra de sententia excommunicationis. c. alma mater.

Sexto dico, quod suspensio tollitur per relaxationem factam talis suspensionis per eum qui eam tulit.

De quinto articulo, scilicet principali, si pœnæ prædictæ impediant susceptionem ordinum. Dico, quod de quinque pœnis vltimis certum est, quod non prohibent à collatione, vel susceptione ordinum de facto, vt habetur j. quæst. j. c. quod quidam. Et est ratio, quia cum illis pœnis potest stare ratio ministri, & suscipientis, & alia necessaria hinc inde. De iure autem prohibentur ita, quod illicite attentetur contrarium, tamen si attentatur contrarium huius fit, quod intenditur. De prima autem pœna sicut est degradatio est dubium, si episcopus degradatus ordines de facto cōferret, quod dubium vsque alias differatur.

Ad argumentum in contrarium patet ex dictis, &c.

DISTINCTIO XXVI. & XXVII.

Circa distinctionem vigesimam sextam & vigesimam septimam quaeritur.

Scotus quarto sententiarum distinctio. 27. q. 1.

Petrus de Aquila 4. sent. dist. 26. & 27. q. 1.

QVAESTIO I.



Vmque alia sacramēta. Circa istam dif. 26. & 27. in quibus Magister incipit agere de sacramento matrimonij, quæro tres quæstiones. Primo. Vtrum matrimonium sit coniunctio maris, & fœminæ. Secundo. Vtrū sit honestum marem, & fœminam matrimonialiter coniungi. Tertio. Vtrum matrimonium sit à Deo institutū.

Ad primam quæstionem sic proceditur. Videretur, quòd matrimonium non sit coniunctio maris, & fœminæ, quia ista coniunctio, vel esset corporum, vel animorum, non autem est animorum, quia tunc in patria esset matrimonium, quod est contra illud Math. In regno cælorum non nubent, neque nubentur. Non est etiam coniunctio corporum, quia tunc inter Mariam, & Ioseph non fuisset verum matrimonium.

In contrarium est Magister in litera qui dicit, quòd matrimonium est coniunctio maris, & fœminæ.

Ad istam quæstionem dico, quòd aliud est quærere quid est matrimonium secundum suam descriptionem, & aliud quid est secundum nōminis interpretationem. Si autem quæritur quid est matrimonium secundum suam descriptionem, an videlicet sit coniunctio maris, & fœminæ. Dico, quòd aliud est matrimonium aliud est contractus matrimonij, & aliud est sacramentum matrimonij. Et patet hæc distinctio per se, quia matrimonium est relatio realis extrinsecus adueniens, vel ad minus est relatio rationis permanens in animabus coniugum. Contractus autem matrimonij est in fieri, & est actio, vel passio interior, vel exterior. Sacramentū autem matrimonij, quia est signum signans contractum matrimonij simpliciter est in fieri. Et tunc dantur eorum triū descriptiones tales. Primo quid est matrimonium. Nam substantia matrimonij est vinculum indissolubile inter maritum, & fœminam ex mutua translatione corporum mutux potestatis suorum in se inuicem facta ad procreandam prolem debite educandam. Contractus vero matrimonij est maris & fœminæ mutua translatio, pote-

Cap. 29.

Quid sit matrimonium.

statis suorum corporum pro vsu perpetuo ad procreandam prolem debite educandam. Sacramentum vero matrimonij est expressio certorum verborum maris, & fœminæ ad se inuicem significatiuum traditionem mutuae potestatis corporum ad prolem debite procreandam ex institutione diuina efficaciter signans gratiam conferendam mutuo contrahentibus ad coniunctionem mutuam animorum gratiosam.

Ex dictis patet quomodo matrimonium est coniunctio maris, & fœminæ, quia matrimonium est vinculum indissolubile inter maritum, & fœminam ex mutua translatione potestatis corporum suorum adinuicem facta ad procreandam prolem debite educandam.

Si autem quærat de matrimonio quantum ad nominis interpretationē dicuntur aliqui, quod matrimonium non nominatur à patre, nec à matre, sed ab utroque; in quantum vniuntur, & ideo matrimonium dicitur à materia, & mœnos, quod est vnum, vnde matrimonium dicitur quasi vna materia. Sed melius dicitur secundum Isidorum, quod matrimonium dicitur à matre, nam ut ibidem innuitur hoc sacramentum habet triplicem appellationem secundum triplicem considerationem. Dicitur enim coniugium, nuptiæ, & matrimonium. Cuius ratio est, quia potest tripliciter considerari, scilicet secundum illud quod est, & secundum signum in quo apparet, & secundum fructum ad quem perducit sicut est bonum prolis. Si consideretur secundum illud, quod est sic dicitur coniugium quasi commune iugum, quia ibi est obligatio maris, & fœminæ.

*Vnde dicatur
matrimonij.*

9. Etymologorum.

Si autem consideretur quod ad signum in, quo apparet sic dicitur nuptiæ, quasi à nube, quia nubentes operari solebant, & eorum capita velabantur. Si autem consideretur tertio modo, scilicet secundum fructum ad quem perducit sicut est bonum prolis, sic dicitur matrimonium à matre, quia respectu nati magis laborat quam pater in portando, pariendo, & nutriendo.

Ad argumentū principale concedo, quod matrimonij est coniunctio animorum in corpore existentium. Nec propter hoc sequitur, quod in patria sit matrimonium.

Tunc quia non esset tibi in officium, tum etiam quia non esset tibi in remedium, igitur &c.

Quæstio Vtrum sit honestum maritum, & foeminam matrimonialiter coniungi.

Petrus de Aquila 4. sententiarum distinct. 26. Q. 27. quest. 2.

QVAESTIO II.

AD secundam quæstionem sic proceditur. Videtur, quod non sit honestum maritum & foeminam matrimonialiter coniungi. Quia non est honestum ut superior obligetur inferiori. Sed vir est superior muliere, igitur non est honestum ut vir obligetur mulieri, igitur.

Contra, quod sit sine peccato est honestum, sed coniunctio matrimonialis est sine peccato, igitur est honesta.

Opinio Socratis. In ista quæstione est opinio Socratis, ut patet tertio Politicorum, quod non sit bonum maritum, & foeminam matrimonialiter coniungi, quia melior est politia illa in qua possessiones, & vxores sunt communes quam ista in qua sunt distinctæ. Sed ista opinio non solū apud Theologos reprobat, sed etiam apud philosophos, est falsa, ut patet tertio Politicorum. Quia vaga, & indifferens permixtio maris, & foeminæ est contra bonum proles, contra bonum familiæ, & contra bonum ciuitatis, ut statim probabitur.

Dico ergo ad quæstionem tres conclusiones. Prima est, quod honestum est ad procreandam prolem debite educandam maritum, & foeminam indissolubili vinculo sibi inuicem copulari, & etiam obligari.

Secunda conclusio, quod honestum est ad procreandam prolem debite educandam marem, & foeminam potestatem suorum corporum sibi inuicem mutuo, & sponte tradere pro vsu perpetuo.

tertia conclusio, congruum est donationem istam mutuam à Deo institui, & approbari.

Prima conclusio probatur sic. Hominem velle procreare prolem in specie humana est actus debite circumstantionabilis. Sed iste actus debite circumstantionatur ex tribus, scilicet velle procreare prolem debite educandam, & quod iste actus sit determinatarum personarum maris, & foeminae, & quod ad illum actum indissolubili vinculo obligentur. Iste autem actus est actus matrimonialis, & omnis talis circumstantionatus est honestus, ergo bonum, & honestum est ad prolem procreandam, & ad debite educandam matrem, & foeminam indissolubili vinculo sibi inuicem copulari, & obligari. Probatio maioris. Actus qui de se non est bonus bonitate morali, nec de se malus malitia opposita est actus debite circumstantionabilis, sed procreare prolem est actus non de se bonus bonitate morali, nec de se malus, ergo est de se debite circumstantionabilis. Probatio minoris. Nam ista minor habet tres partes. Prima pars eius probatur sic. Quilibet ex charitate tenetur diligere proximum, & prolem suam sicut seipsum. Sed quilibet tenetur diligere se ad honestam conuersationem, & cultum diuinum, igitur debet diligere, & educare prolem suam debite ad cultum Dei. Hoc confirmatur per Augustinum super Gen. dicentem. Bonum prolis non dicitur ipsa proles, sed spes ac desiderium quo proles ad hoc quaeritur, vt religiose informetur. *Cap. 9.*

Secunda pars probatur sic. quia si matrimonium non esset inter personas determinatas, sed esset vaga permixtio, vt ponebat Socrates, hoc esset primo contra bonum prolis. Secundo contra bonum familiae. Tercio contra bonum ciuitatis.

Primum probatur, quia proles non religiose educaretur, tum ex parte parentum, quia non haberent determinatam notitiam suae prolis saltem pater, & ita non esset sollicitus suae proli debitam impendere disciplinam, nec econuerso proles patri debitam reuerentiam, & timorem filialem propter quem timorem filius magis obedit patri, & ab eo facilius est disciplinabilis, quam ab alio.

Secundum etiam probatur, quia bonum familiae consistit in aliqua firma adhaesione personarum principa-

ter, quia impossibile est homini instituere signum efficax practicum cuiuscunque operationis suæ, ergo multo fortius hoc est possibile Deo.

Dist. 2. q. 1.

*Infirmitas
duplex.*

Secunda conclusio, scilicet, quod illud sacramentum in remissionem peccatorum venialium sit sacramentū extremæ vñctionis fuit declarata superius sic. Sacramenta sanant infirmitates, ergo secundum numerum infirmitatum accipitur numerus sacramentorum, & efficacia eorum, sed infirmitas est duplex scilicet culpæ, & pœnæ. Infirmitas autem pœnæ est quadrupliciter, scilicet, ignorantia, pusillanimitas, malitia, & concupiscentia. contra ignorantiam est ordo, contra pusillanimitatem est confirmatio. contra malitiam est eucharistia. contra concupiscentiam est matrimonium. Infirmitas vero culpæ est triplex, scilicet originalis, actualis mortalis, & actualis venialis, contra originale est baptismus, contra actualē mortalem est pœnitentia, ergo contra culpam actualem venialem est extrema vñctio.

De tertio articulo scilicet quid est vñctio extrema secundum suam descriptionem, dico, quod extrema vñctio est vñctio hominis infirmi pœnitentis facta in determinatis partib. corporis cum oleo consecrato ab episcopo ministrata à sacerdote, simul verba certa cum intentione debita proferente ex institutione diuina efficaciter signans curationem venialium finalem. Ista ratio apparet bona, quia non est in se falsa, ex 5. Meth. quia
5. met. cont. 4 nulla pars eius repugnat alteri.

Ad cuius euidentiam oportet partes eius exponere. Dicitur enim ibi primo, quod est vñctio cuius congruentia est, quia illud signum sensibile congruit effectui scilicet vñctioni interiori.

Secundo subditur hominis infirmi, ideo non debet conferri sano, nec qualitercunque exposito periculo mortis, puta in transire mare, vel bellum, sed infirmo existente in periculo mortis. Tertio additur in pœnitentis, quia nullus est capax istius digne qui non est in gratia. Quarto additur in determinatis partib. corporis, istæ partes sunt organa potentiarum per quarum actus peccatur frequenter venialiter, vt pote organa quinque sensuum & potentia sensitiva. Sunt autem hæc organa

potentiæ visuę duo oculi. Organa potentiæ auditivę, scilicet duę aures. Organa odorativę duę nares. Tactivę duę manus. Organum gustus est lingua in qua non fit vñctio propter abominationem dolentis, sed fit ad os exterius. Propter organum potentiæ vegetativę fit vñctio ad lumbos, propter organum potentiæ motivę, vel progressivę fit vñctio in pedibus. Quinto sequitur cum oleo, nec oportet ibi aliquid esse confectum ex oleo, & balsamo, sicut in materia confirmationis, quia confirmatio est ad confessionem fidei, & ideo requiritur in confirmato non tantum puritas conscientię signata per oleum, sed etiã odor bonę famę signata per balsamum. Sexto subditur consecrato ab episcopo, quia ille est actus episcopalis, si enim alius consecraret nihil faceret.

Septimo subditur ministrata à sacerdote, quia si alius attentaret nihil faceret, sicut si non sacerdos attentaret conficere nihil facit. Vnde notanter dicit Apo. Iacobus *Cap. 5.* Inducant prębyteros, &c.

Ultimo sequitur. verba certa cum intentione debita proferente, & hoc pertinet ad formam huius sacramenti cuius forma septiformis est ad septem vñctiones principales sub istis verbis. Per istam sanctam vñctionem, & suam piissimam misericordiam parcat tibi Deus quicquid oculorum vitio deliquisti, & sic de aliis. Ad argumentum in contrarium dico illud sacramentum fuisse institutum à Christo, vt visum est suprà. Iacobus autem *Dist. 2.* non erat institutor, sed promulgator huius sacramenti à Deo instituti.

DISTINCTIO XXIII. & XXV.

Circa distinctionem vigesimam quartam,

& vigesimam quintam quæritur,

Vtrum in ecclesia sint tantum septem ordines, eo modo quo ordo ponitur sacramentum?

Seraphicus Bona. 4. senten. distinc. 20. q. 4. Artic. 2.

Scorus 4. sententiarum distinc. 24. q. 1.

D. Thomas 4. sent. distin. 24. Artic. 3. q. 1.

Ricardus quarto sententiarum distinctio. 24. q. 3.

Franc. de May. 4. sent. dist. 24. q. 2.

Durandus 4. sententiarum distinctio. 24. q. 3.

QVÆSTIO I.

NUNC ad consecrationem. In ista 24. & 25. dist. tractat magister de sacramento ordinis, & ideo circa istas dist. quæro duas quæstiones. Primo. Vtrum in ecclesia sunt tantum septem ordines eo modo quo ordo ponitur sacramentum? Secundo. Vtrum pœna canonica impediatur a susceptione, & collatione ordinum?

Ad primam quæstionem sic proceditur. Videtur, quod in ecclesia non sint septem ordines. Quia quilibet ordo habet characterem sibi proprium, ergo illis septem ordinibus correspondent septem characteres, consequens est falsum, quia isti characteres aut essent eiusdem speciei & hoc non, quia plura accidentia eiusdem speciei non possunt esse in eodem, ex 5. meth. Aut essent alterius speciei, & hoc non, quia in speciebus est essentialis nobilitas maior, vel minor, sed talis nobilitas non videtur posse signari inter istos characteres, ergo in ecclesia non sunt septem ordines.

In contrarium est Magister in litera.

In ista quæstione quatuor sunt videnda. Primo quid est ordo, loquendo de ordine sicut in titulo quæstionis est præmissum. Secundo quot sunt ordines isto modo. Tertio si ordo est sacramentum. Quarto quomodo est sacramentum vnum.

De primo articulo dicit vna opinio, quod sacramentum ordinis est potestas spiritualis ad aliquem actum exequendum in ecclesiastica Hierarchia, & per consequens secundum ordinum diuersitatem ad tales actus de ecclesia distinguendi erunt ordines.

Contra hoc instatur, quia ex ista descriptione sequitur, quod episcopatus sit ordo quod est contra eos, probatio consequentiæ, quia episcopatus est potestas ad aliquem actum spirituales in ecclesia, utpote ad actum confirmandi, & conferendi ordines sacros, & non tantum potestas congrue exercendi, sed simpliciter exercendæ, quia si vnus attentaret non episcopus, nihil faceret.

*Tex. neu. ha-
lense com.*

*D. Bona. pra
fenti dist. si.
2. Ar. 2.*

Secundo sequeretur, quòd sub ordine sacerdotali non sit aliquis ordo in ecclesia, quod est contra eos, probatio cōsequentia, quia nullam potestatem spirituales habet diaconus, vel subdiaconus, loquendo de potestate spirituali simpliciter, quia licet possit aliquid facere congrue diaconus, vel subdiaconus, quod non conferret congrue laicus, tamen si laicus attentaret illud facere, faceret simpliciter.

Tertio sequitur, quòd sacerdotium esset duo ordines quia sacerdoti competit duplex potestas spiritualis, quia conficiendi eucharistiam & absoluendi pœnitentem quæ non sunt vna potestas, quia vna videtur fuisse prior altera. In cœna enim contulit dominus Apostolis primam, secundam non contulit, nisi post resurrectionem.

Alia opinio, scilicet Scoti dicit, quod ordo accipitur dupliciter, scilicet communiter, & proprie, loquendo autem communiter de ordine dicitur ab Aug. quod ordo est rerum parium dispariumque vnicuique loca sua tribuens congrua dispositio. Et isto modo accipimus communiter in vniuerso ordinem entium, sicut loquitur philosophus 12. Meth. Isto etiam modo accipitur ordo in pollitiis bene dispositis vbi persona parium, & imparium in aliqua pollita congrue dispositio dicitur esse ordo illius pollitiæ à quo dicitur ordinata. Alio modo accipitur ordo proprie vt est gradus eminentiæ, & talis est descriptio eius. Ordo est gradus eminens in ecclesia disponens congrue ad aliquem actum ad consecrationem, vel dispensationem eucharistiæ pertinentem.

De secundo articulo, scilicet, quot sunt ordines videtur aliqualis controuersia, quia canonistæ dicunt siue computant episcopatum inter ordines. Et istud confirmât auctoritate Dion. 5. ecclesiasticæ Hierarchiæ, qui ponit tantum tres ordines, scilicet episcopatum, sacerdotium, & diaconatum. Item auctoritate Isidori. 7. ethimologiarum c. 12. qui ponit episcopatum esse ordinem. Item auctoritate canonis qui ponitur dist. 21. c. Cleros, Probant etiam ipsi ratione, quia cum episcopo conueniat quædam potestas in quantum est episcopus, aut ista erit ordinis, & tunc habetur

19. de cin.
Dei. c. 13.

12. Met. con-
tex. 52.

propositum aut iurisdictionis, & tunc posset auferri per superiorem, quod videtur inconueniens, quia consecratio alia multo minor consecratione episcopi, non potest auferri quin semel consecratum maneat consecratum. Ista via posset teneri vno modo sic, quod gradus potest dici eminens propter nobilitatem actus quē respicit, vel propter multitudinem actuum quos respicit.

Ista distinctio patet in aliis pollitiis. Nunc ad propositum diceretur, quod episcopatus est ordo, & simpliciter ordo superior, quia habet ordinem ad omnes actus ecclesiasticos, sacerdotium vero dicitur ordo, quia habet ordinem ad nobilissimum actum qui est conficere corpus Christi.

*Responsio
ad quæsum.*

Cum ergo quæritur in isto articulo. Quot sunt ordines. Dico, quod si episcopatus est ordo, vt dicit præcedens opinio tunc sunt octo ordines. Si autem episcopatus non est ordo, sic sunt septem, quia cum ordo sit quidam gradus eminens in ecclesia disponens de congruo ad aliquem actum qui est ad consecrationem, vel dispensationem eucharistiæ pertinet, quot sunt gradus, ad dictam consecrationem pertinentes tot sunt ordines.

Primus autem gradus disponens ad consecrationem eucharistiæ est sacerdotium.

Secundus autem gradus disponens ad dispensationem eius saltem sanguinis est diaconatus.

Tertius disponens ad oblationem materiæ eucharistiæ consecrandæ est subdiaconatus, & isti tres dicuntur ordines sacri, quia immediate disponunt ad aliquod ministerium circa eucharistiam. Vltcrius aliqui gradus disponunt ad actus aliquos remote se habentes ad eucharistiam; & hoc diuersimode. Vno modo ad orandum pro populo, & reuerenter suscipiendum, & iste est accolitatus illuminando cereos. Alia est dispositio pertinet ad intellectum sicut est cognitio, & hic est lector. Aliqui gradus sunt ad reprimendum indignos, & hoc, vel homines sic sunt hostiarii, vel demones sic sint exorciste.

De tertio articulo dico, quod loquendo proprie de sacramento, ordo non est sacramentum proprie, quia omne sacramentum est signum sensibile, sed ordo est quidam

quidam gradus spiritualis, tamen accipiendo sacramentum pro signo inuisibili sicut aliquid dicitur res, & sacramentum, hoc modo potest dici sacramentum, quia est signum gratiae convenientis executioni actus debiti.

Diceres, quid, ergo est septimum sacramentum, dico quod est ordinatio, cuius est talis descriptio, ordinatio est institutio alicuius in gradu ecclesiae praeminenti cui convenit aliquod ministerium circa eucharistiam exhibendam facta à ministro idoneo certa verba proferente simul cum intentione debita, ministerium gradus illius aliquo signo visibili presente ex institutione divina efficaciter signans gratiam praeminentem qua ordinatus digne ministerium illud exequatur.

Quid sit ordinatio.

De quarto articulo, scilicet, quomodo sacramentum ordinis est unum. Dico, quod est unum unitate generis propinqui, sicut virtutes morales dicuntur esse tres secundum genus, scilicet iustitia, fortitudo, & temperantia, tamen in speciali quolibet in multa dividitur. Est etiam alia unitas inter ordines, & ordinatos, scilicet unitas ordinis, quia congruum est prius recipere ordinem inferiorem, quam superiorem, nec tamen iste ordo est simpliciter necessarius, ideo notanter dicitur congruum, quod si pretermittatur nihil sit, quod impediat à susceptione ordinis, ut apparet extra de clerico, per saltum promotum.

Ad argumentum principale dico, quod sint plures alterius speciei, & cum arguitur de excellentia potest concedi, quod eo modo quo characteres sunt entia habent talem excellentiam.

Vtrum poena canonica impediat à susceptione, & collatione ordinum?

Scotus 4. sent. dist. 25. q. 1. D. Thomas 4. sent. dist. 25. q. 1. Artic. 3.

QUESTIO II.

Nam

tum ad vitam, & mores. Irregularitas est inhabilitas ad susceptionem, & executionem ordinum. Excommunicatio est exclusio alicuius a communione fidelium maxime in sacra mentis. Interdictum est arctatio a quibusdam actibus ecclesiasticis exercendis, vel ab assistendo talibus actibus. *Suspensio multiplex.* Suspensio est prohibitio ab aliquo alias conueniente, & hoc ad tempus, & hæc est multiplex, quia quædam est suspensio ab officio, quædam ab ingressu ecclesiæ.

De tertio articulo, scilicet qualiter pœnæ canonicæ infliguntur, Dico, quod depositio, & degradatio remouet hominem a statu clericali, & tradit eum curiæ seculari. Ista autem pœna præcisè infligenda est à iudice. Forma autem secundum quā infligenda est habetur in sexto decretalium, extra de pœnis, c. degradatio. Causæ autem propter quas infligenda est sunt peccata enormia, vt puta hæresis, schisma, reuelatio confessionis. Primum patet extra de hæret. ad abolendam. Secundum, extra, de schismatibus, ad abscindendos. Tertium extra de pœni. & remis. Omnis vtriusque sexus. Pœna autem infamiae incurritur impositione criminis infamatorij. 6 quæst. j. c. Qui sunt. Ista læsio diuersimodè incurritur. Vno modo propter crimen publicum publice commissum, vel quia à iudice coram quo crimen probatur iudicatur infamis. Differentia tamen est inter infamatum, & infamiam, hic autem loquimur de infami. Pœna irregularitatis infligitur à iure, & hoc aliquando ex criminibus, aliquando non ex criminibus, aliquando ex illis quæ possunt interdum esse crimina, interdum non esse crimina. Crimina in genere sunt quatuor. Vnū est simonia. Aliud est ordinē sacrum, vel non sacrū furtiue recipere. Aliud est in ordine non suscepto ministrare. Aliud est contumacia nō obseruando pœnas canonicas. Non autē in genere crimina sunt ista tria seruitus, illegitima natiuitas, & multiplicatio membri. Ista autē quæ aliquando possunt esse crimina aliquando non sunt bigamia, & homicidium, quia homicidiū aliquando potest esse voluntariū, aliquando casuale. Excommunicatio aliquando infligitur à iure quādoq; à iudice, sed siue sic, siue sic infligatur bono modo nō habetur numer⁹ excommunicationū.

Hoc tamen dico, quòd nec à iure, nec à iudice debet infligi nisi pro peccato mortali, nec pro quocunque mortali, sed graui, ad quod sequitur contumacia vt in aliis distinctionibus dictum fuit. Interdictum autem potest infligi aliquando loco, & non personæ, aliquando personæ, & non loco, quandoque loco, & personæ simul, & ista pœna contrahitur à iure, quandoque à iudice. Suspensio autem aliquando infligitur à iure, vt patet extra de sent. excommun. cum medicinalis, aliquando infligitur ab homine.

De quarto articulo, scilicet qualiter pœna prædictæ tolluntur, seu remittuntur, aut in eis dispensantur.

Dico primo, quòd depositus seu degradatus non restituitur nisi per restitutionem in integrum ab eo qui potest restituere sicut est Papa, quamuis legitime depositus non legatur postea restitutus.

Quomodo tollatur infamia.

Secundo dico, quòd infamia tollitur per purgationem canonicam, vt extra de pur. ca. ex tuarum.

Tertio dico, quòd irregularis aut incurritur ex criminibus, aut ex his, quæ possunt esse aliquando crimina, aliquando non crimina. Si ex criminibus, aut est simonia, aut est ordo furtiue susceptus, aut est administratio in ordine non suscepto vel furtiue suscepto, aut contemptus pœnæ canonice. Si est ex simonia hoc est dupliciter, quia aut est in officio, & tunc dispensat solum Papa, aut in beneficio tunc potest episcopus dispensare. Si autem est ex ordine furtiue suscepto, distinguo, quia aut prohibetur per excommunicationem, ne quis accedat nisi de isto episcopatu, & prius legitime examinatus, & receptus aut non est talis prohibitio. In vtroque casu furtiue se ingerens est irregularis, sed in primo non dispensatur nisi per Papam. In secundo per episcopum, vt extra de illo, qui furtiue ordinem recepit, in primo, & secundo capitulis tam ex textu quàm in glosa. Si autem irregularitas esset ex administratione in ordine non suscepto dispensatur per episcopum, vt extra, de clerico non ordinato ministrante. c. 2. Si autem esset irregularitas ex contumacia pœnæ canonice dispensatur per illum cuius auctoritate pœna canonica fuit inflicta. Quando autem irregularitas non est ex crimine

sicut est seruitus, propter quam homo dicitur inhabilis ad suscipiendum ordines si talis de facto ordinaretur inuito domino aut postmodum non consentiente, tunc debet eum dominus actibus decentibus statum suum scilicet ordinari occupare. Quando autem est irregularitas ex illegitima natiuitate dispensatur per Papam, vt patet extra. de filiis presbyt. Sed si irregularitas esset ex mutilatione, & esset enormis, & ipse esset in causa vix dispensatur, vt habetur dist. 55. si quis absciderit. De aliis autem, scilicet homicidio, & bigamia patebit inferius.

Quarto dico, quod excommunicatio relaxatur per *Dist. 33.* absolutionem factam ex isto, qui excommunicauit, si excommunicatio est a iudice, vel superiori eius, si autem est a iure tollitur per absolutionem eius, qui ius condidit.

Quinto dico, quod interdictum relaxatur per illum, qui posuit interdictum. In ceteris tamen casibus relaxatur quandoque a iure, vt extra de sententia excommunicationis. c. alma mater.

Sexto dico, quod suspensio tollitur per relaxationem factam talis suspensionis per eum qui eam tulit.

De quinto articulo, scilicet principali, si pœnæ prædictæ impediant susceptionem ordinum. Dico, quod de quinque pœnis vltimis certum est, quod non prohibent a collatione, vel susceptione ordinum de facto, vt habetur j. quæst. j. c. quod quidam. Et est ratio, quia cum illis pœnis potest stare ratio ministri, & suscipientis, & alia necessaria hinc inde. De iure autem prohibentur ita, quod illicite attentetur contrarium, tamen si attentatur contrarium huius fit, quod intenditur. De prima autem pœna sicut est degradatio est dubium, si episcopus degradatus ordines de facto cōferret, quod dubium vsque alias differatur.

Ad argumentum in contrarium patet ex dictis, &c.

DISTINCTIO XXVI. & XXVII.

Circa distinctionem vigesimam sextam & vigesimam septimam quæritur.

Scotus quarto sententiarum distinctio. 27. q. 1.

Petrus de Aquila 4. sent. dist. 26. & 27. q. 1.

QVAESTIO I.



Vmque alia sacramēta. Circa istam dis. 16. & 17. in quibus Magister incipit agere de sacramento matrimonij, quāro tres quāstiones. Primo. Vtrum matrimonium sit coniunctio maris, & fœminę. Secundo. Vtrū sit honestum marem, & fœminam matrimonialiter coniungi. Tertio. Vtrum matrimonium sit à Deo institutū.

Cap. 19.

Ad primam quāstionem sic proceditur. Videtur, quòd matrimonium non sit coniunctio maris, & fœminę, quia ista coniunctio, vel esset corporum, vel animorum, non autem est animorum, quia tunc in patria esset matrimonium, quod est contra illud Matth. In regno celorum non nubent, neque nubentur. Non est etiam coniunctio corporum, quia tunc inter Mariam, & Ioseph non fuisset verum matrimonium.

In contrarium est Magister in litera qui dicit, quòd matrimonium est coniunctio maris, & fœminę.

Quid sit matrimonium.

Ad istam quāstionem dico, quòd aliud est quærere quid est matrimonium secundum suam descriptionem, & aliud quid est secundum nōminis interpretationem. Si autem quæritur quid est matrimonium secundum suam descriptionem, an videlicet sit coniunctio maris, & fœminę. Dico, quòd aliud est matrimonium aliud est contractus matrimonij, & aliud est sacramentum matrimonij. Et patet hæc distinctio per se, quia matrimonium est relatio realis extrinsecus adueniens, vel ad minus est relatio rationis permanens in animabus coniugum. Contractus autem matrimonij est in fieri, & est actio, vel passio interior, vel exterior. Sacramentū autem matrimonij, quia est signum signans contractum matrimonij simpliciter est in fieri. Et tunc dantur eorum triū descriptiones tales. Primo quid est matrimonium. Nam substantia matrimonij est vinculum indissolubile inter maritum, & fœminam ex mutua translatione corporum mutue potestatis suorum in se inuicem facta ad procreandam prolem debite educandam. Contractus vero matrimonij est maris & fœminę mutua translatio, pote-

statis suorum corporum pro vsu perpetuo ad procreandam prolem debite educandam. Sacramentum vero matrimonij est expressio certorum verborum maris, & fœminæ ad se inuicem significatiuum traditionem mutue potestatis corporum ad prolem debite procreandam ex institutione diuina efficaciter signans gratiam conferendam mutuo contrahentibus ad coniunctionem mutuam animorum gratiosam.

Ex dictis patet quomodo matrimonium est coniunctio maris, & fœminæ, quia matrimonium est vinculum indissolubile inter maritum, & fœminam ex mutua translatione potestatis corporum suorum ad inuicem facta ad procreandam prolem debite educandam.

Si autem quærat de matrimonio quantum ad nominis interpretationem dicuntur aliqui, quod matrimonium non nominatur à patre, nec à matre, sed ab utroque in quantum vniuntur, & ideo matrimonium dicitur à materia, & mœnos, quod est vnum, vnde matrimonium dicitur quasi vna materia. Sed melius dicitur secundum Isidorum, quod matrimonium dicitur à matre, nam ut ibidem innuitur hoc sacramentum habet triplicem appellationem secundum triplicem considerationem. Dicitur enim coniugium, nuptiæ, & matrimonium. Cuius ratio est, quia potest tripliciter considerari, scilicet secundum illud quod est, & secundum signum in quo apparet, & secundum fructum ad quem perducit sicut est bonum prolis. Si consideretur secundum illud, quod est sic dicitur coniugium quasi commune iugum, quia ibi est obligatio maris, & fœminæ.

Si autem consideretur quod ad signum in quo apparet sic dicitur nuptiæ, quasi à nube, quia nubentes operari solebant, & eorum capita velabantur. Si autem consideretur tertio modo, scilicet secundum fructum ad quem perducit sicut est bonum prolis, sic dicitur matrimonium à matre, quia respectu nati magis laborat quam pater in portando, pariendo, & nutriendo.

Ad argumentum principale concedo, quod matrimoniū est coniunctio animorum in corpore existentium. Nec propter hoc sequitur, quod in patria sit matrimonium.

*Vnde dicatur
matrimonij.*

9. Ethimologorum.

Tunc quia non esset ibi in officium, tum etiam quia non esset ibi in remedium, igitur &c.

Virum sit honestum maritum, & foeminam matrimonialiter coniungi.

Petrus de Aquila 4. sententiarum distinct. 26. § 17. quest. 2.

QVAESTIO II.

AD secundam quaestionem sic proceditur. Videtur, quod non sit honestum maritum & foeminam matrimonialiter coniungi. Quia non est honestum ut superior obligetur inferiori. Sed vir est superior muliere, igitur non est honestum ut vir obligetur mulieri, igitur.

Contra, quod sit sine peccato est honestum, sed coniunctio matrimonialis est sine peccato, igitur est honesta.

Opinio Socratis.

In ista quaestione est opinio Socratis, ut patet tertio Politicorum, quod non sit bonum maritum, & foeminam matrimonialiter coniungi, quia melior est politia illa in qua possessiones, & vxores sunt communes quam ista in qua sunt distincte. Sed ista opinio non solum apud Theologos reprobatur, sed etiam apud philosophos, est falsa, ut patet tertio Politicorum. Quia vaga, & indifferens permixtio maris, & foeminae est contra bonum proles, contra bonum familiae, & contra bonum ciuitatis, ut statim probabitur.

Dico ergo ad quaestionem tres conclusiones. Prima est, quod honestum est ad procreandam prolem debite educandam maritum, & foeminam indissolubili vinculo sibi inuicem copulari, & etiam obligari.

Secunda conclusio, quod honestum est ad procreandam prolem debite educandam marem, & foeminam potestatem suorum corporum sibi inuicem mutuo, & sponte tradere pro vsu perpetuo.

tertia conclusio, congruum est donationem istam mutuum a Deo institui, & approbari.

Prima conclusio probatur sic. Hominem velle procreare prolem in specie humana est actus debite circumstantionabilis. Sed iste actus debite circumstantionatur ex tribus, scilicet velle procreare prolem debite educandam, & quod iste actus sit determinatarum personarum maris, & foeminae, & quod ad illum actum indissolubili vinculo obligentur. Iste autem actus est actus matrimonialis, & omnis talis circumstantionatus est honestus, ergo bonum, & honestum est ad prolem procreandam, & ad debite educandam matrem, & foeminam indissolubili vinculo sibi inuicem copulari, & obligari. Probatio maioris. Actus qui de se non est bonus bonitate morali, nec de se malus malitia opposita est actus debite circumstantionabilis, sed procreare prolem est actus non de se bonus bonitate morali, nec de se malus, ergo est de se debite circumstantionabilis. Probatio minoris. Nam ista minor habet tres partes. Prima pars eius probatur sic. Quilibet ex charitate tenetur diligere proximum, & prolem suam sicut seipsum. Sed quilibet tenetur diligere se ad honestam conuersationem, & cultum diuinum, igitur debet diligere, & educare prolem suam debite ad cultum Dei. Hoc confirmatur per Augustinum super Gen. dicentem. Bonum prolis non dicitur ipsa proles, sed spes ac desiderium quo proles ad hoc quaeritur, ut religiose informetur.

Cap. 9.

Secunda pars probatur sic. quia si matrimonium non esset inter personas determinatas, sed esset vaga permixtio, ut ponebat Socrates, hoc esset primo contra bonum prolis. Secundo contra bonum familiae. Tercio contra bonum ciuitatis.

Primum probatur, quia proles non religiose educaretur, tum ex parte parentum, quia non haberent determinatam notitiam suae prolis saltem pater, & ita non esset sollicitus suae proli debitam impendere disciplinam, nec econuerso proles patri debitam reuerentiam, & timorem filialem propter quem timorem filius magis obedit patri, & ab eo facilius est disciplinabilis, quam ab alio.

Secundum etiam probatur, quia bonum familiae consistit in aliqua firma adhaesione personarum principa-

lium familiae. Sed ista firma adhæsiō non esset nisi familia cognosceret patrem.

Tertium etiam patet, quia amicitia ciuium, vt placet est ex determinata propinquitate in gradu certo. Sed ibi nulla esset propinquitas in certo gradu, quæ esset causa amicitiae.

Tertia pars minoris patet ex parte prima, quia melius est, quod proles educatur si parentes sunt indissolubili vinculo copulati.

Secunda conclusio principalis est, quod honestum est ad procreandum prolem debite educandam marem, & foeminam potestatem suorum corporum sibi inuicem tradere pro vsu perpetuo. Quæ probatur sic. In matrimonio expedit marem, & foeminam per proprias voluntates, vel per verba, vel per signa exprimentia eorum voluntates obligari, sed illud non fit nisi per contractum vnde nascitur obligatio voluntatum maris, & foeminae. Iste autem contractus non est nisi mutua donatio potestatis corporum perpetuo ad illum actum, igitur, &c. Probatur sic maior. Quis illa oblatio vel nascitur ex impositione legislatoris, vel ex propriis voluntatibus. Sed secundum est magis vtilius, & magis consonum naturali rationi, quia ex quo oblatio debet esse indissolubilis, expedit quod modus quo fit, sit conueniens indissolubilitati eius. Sed si cogerentur à legislatore sibi coniungi minus sibi placerent, & sic maior esset occasio dissensionis futurae. Quia sicut dicitur 20. quæst. 3. præsens, quod quis non eligit profecto non diligit, quod autem non diligit facile contemnit.

Tertia conclusio, quod, scilicet, congruum est dilectionem istam mutuam à Deo approbari, probatur sic Nullus potest rem alicuius domini alteri obligare nisi de consensu, & approbatione eiusdem domini. Sed corpus cuiuscunque iure creationis est Dei, igitur nullus potest illud transferre in dominium alterius, nisi in quantum Deus approbat. Deus autem approbat omne quod est bonum, & honestum. Sed bonum, & honestum est marem, & foeminam matrimonialiter potestatem suorum corporum sibi inuicem tradere mutuo, vt patet ex prima, & secunda conclusione, igitur con-

Quid sit contractus.

grum est Deum istam donationem approbare

Ad argumentum in contrarium dico, quòd vir, & mulier in libertate voluntatis sunt æquales, & vna non est superior altera, & sic potest vnus alteri obligari, &c.

Vtrum matrimonium sit à Deo
institutum?

*Petrus de Aquila quatio sententiarum distinct. 26.
& 27. quest. 1.*

QVÆSTIO III.

AD tertiam quæstionem sic proceditur. Videtur, quòd matrimonium non sit à Deo institutum. Quia institutio matrimonij fit in illo verbo, hoc nunc os ex ossibus meis, sed illud facit verbum hominis, igitur matrimonium institutum fuit ab homine.

Contra. Gen. dixit dominus. Crescite, & multiplicamini. Sed incrementum erat per matrimonium, ergo matrimonium fuit institutum à Deo. *Cap. 1.*

Ad istam quæstionem dico tres conclusiones. Prima, quòd matrimonium fuit à Deo institutum. Secunda est quando fuit institutum. Tertia qualiter fuit institutum.

Prima conclusio probatur per tertiam rationem factam in tertia conclusione secundæ quæstionis, scilicet, quòd nullus potest alterius rem obligare nisi de consensu eius cuius est. Sed corpora nostra iure creationis sunt Dei, ergo non possumus ea obligare nisi de consensu Dei. Sed in matrimonio obligantur corpora, ergo oportet, quod fiat de consensu Dei, & per consequens matrimonium fuit institutum à Deo. Hinc scribitur Matth. quos Deus coniungit homo non separet. Loquitur ibi Christus de coniunctione matrimoniali. *Cap. 19.*

De secunda cōclusionē, scilicet, quando fuit institutum, dicit vna opinio, quod matrimonium datum est in officium, & datum est in remedium. Et sic duplex est

eius institutio. Vna ante lapsum quando datum est matrimonium in officium.

Alia post lapsum quando matrimonium datum est in remedium.

Contra hoc obiicitur, quia omnia sacramenta efficaciam habent à sanguine Christi, & passione, vt exhibita, vel promissa. Sed si status innocentiae permansisset, passio Christi non fuisset exhibita.

Ergo hoc non obstante dicendum est vt prius, quod matrimonii duplex fuit institutio sicut ponunt antiqui Doctores. Nec valet instantia, quia hoc quærit quæstio, de facto sine conditione. In instantia autem accipitur altera præmissarum cum conditione, ideo non potest inferri conclusio de facto sine conditione, quia conclusio semper tenet se cum præmissa debiliore ex primo priorū. Vel potest dici aliter quod in matrimonio duo sunt, scilicet contractus matrimonii, & obligatio indissolubilis. Contractus autem matrimonij est à Deo institutus ante lapsum. Gen. 2. cum dictum est. Hoc nunc os ex ossibus meis. Et post lapsum. Gen. Multiplicabo eum nas tuas. Sed quantum ad obligationem indissolubilem instituit Deus matrimonium cum ait. Relinquet homo patrem, & matrem, & adhærebit uxori suæ. Adhærebit inquam non momentanee, sed semper.

De tertia conclusione, scilicet qualiter fuit institutum, si eius institutio fuit præceptio. Dico sicut immediate præmissū est, quod duplex est matrimonij institutio, vna ante lapsum in officium, alia post lapsum nō solum in officium, sed etiā in remedium. Prima autem institutio matrimonij habuit præceptum, & illud præceptum est affirmatiuum, sicut dicit Magister, & fuit iuris naturalis, naturale autem ius quædam dicitur simpliciter, vt amare Deum, quædam autem dicitur ad tempus, sicut quod omnia sunt communia, & isto modo institutio matrimonij sub præcepto fuit. Quia quandiu pauci erāt dictabat ius naturale quod multiplicanda esset species humana ad cultum Dei. Sed cessante illo statu cessauit præceptum, & ideo secunda institutio tempore legis gratiæ habuit indulgentiam, non præceptum.

Cap. 2.

Cap. 3.

Ad argumentum in contrarium dico, sicut Magister dicit, quod Adam a Deo illustratus propheticè locutus est dicendo. Hoc nūc os ex ossibus meis, & verbum illud non fuit à semetipso, sed à Deo, & ideo huius sacramenti institutio est à Deo.

DISTINCTIO XXVIII. & XXIX.

Circa distinctionem vigesimam octauam,
& vigesimam nonam quæritur,

Vtrum solus consensus de præsentì expressus
verbis causet matrimonium?

Scotus quarto sententiarum distinctio, 28. q. 1.

D. Thomas 4. sententiarum distinctio 27. quæst. 1. Arti. 3.

Ricardus quarto sententiarum distinctio 48. q. 2.

QVAESTIO I.

IC quæri solet. Circa dist. 28. & 29. quæro duas quæstiones. Primo. Vtrum solus consensus expressus verbis de præsentì causet matrimonium? Secundo. Vtrum consensus coactus sufficiat ad contrahendum matrimonium?

Ad primam quæstionem sic proceditur. Videtur quod solus consensus expressus per verba de præsentì non causet matrimonium, quia omne vinculum ad quod potest sequi copula carnalis sine peccato est matrimonium. Sed post consensum expressum verbis potest sequi copula carnalis sine peccato, ergo non solus consensus per verba de præsentì causat matrimonium. Probatio minoris, quia contrahentes per verba de futuro si coniungantur carnaliter tunc isti non fornicantur nec adulterantur, immo sequente inter eos copula carnali ecclesia dicit inter illos matrimonium.

In contrarium est Magister in litera.

Vtrum consensus coactus sufficiat ad
contrahendum matrimonium?

Seraphicus Bonauentura. 4. sententiarum dist. 29. q. 1. Art. 1.

Scotus 4. sent. dist. 29. q. 1.

Ricardus 4. sent. dist. 29. q. 1.

Franc. de May. 4. sent. dist. 29. q. 1.

Durandus 4. sent. dist. 29. q. 1.

QVAESTIO II.

AD secundam etiam quaestionem sic proceditur. Videtur, quod consensus coactus sufficiat ad contrahendum matrimoniū quia baptizatus timore poenarum est baptizatus, & cogendus est ad obseruantiam fidei Christianae, vt habetur extra de baptismo, & eius effectu. c. maiores igitur a simili contrahens matrimonium coactus, vel timore poenarum vere contrahit, & est cogendus tenere matrimonium carnale, ergo consensus coactus sufficit ad contrahendum matrimonium. Consequentia patet a simili, quia sicut ibi est matrimonium spirituale, ita hoc est matrimonium carnale, ergo.

Contra. Non est minus fauorabile matrimonium spirituale quam carnale, sed consensus coactus impedit matrimonium spirituale, igitur, &c. Probatio minoris, quia consensus coactus impedit professionem religionis, vt habetur 2o. q. 3. c. praesens.

Hic praemittendae sunt aliquae distinctiones, & communiter respondendum est ad propositas quaestiones, Distinctiones praemittendae sunt quatuor. Quia consensus alius tacitus, alius expressus, vt notatur extra, qui clerici, vel vouentes matrimonium contrahere possunt. c. ult. Item consensus expressus alius de presenti vt accipio te in meam. Alius de futuro vt accipiam te in meam sicut notatur extra de sponsalibus in tribus capitulis. Item consensus absolutus, alius conditionatus, & hoc diuersimode secundum diuersas condiciones oppositas, vt habetur in praedicta rubrica, Item consensus alius liber, alius coactus, vt no. extra de his quae vi ma-

tusue causa sunt, c. j. & clarius habetur 3. ethi.

His præmissis de consensu coactio dicitur in 2. q. de aliis autem proseguendo, dico ad questionem quatuor conclusiones. Prima, quod consensus tacitus non facit matrimonium. Secunda, quod consensus de futuro verbis etiam expressis non causat matrimoniū. Tertia quod consensus de præsentī verbis expressus causat matrimonium. Quarta. Si sensus conditionatus causat matrimonium.

Prima conclusio probatur sic. In matrimonio acquirunt coniuges inter se ius in inuicem, vt patuit supra. Sed quantumcunque velim dare aliquid nullum ius accipitur illi per voluntatem meam tacitam, igitur in matrimonio non sufficit consensus tacitus. Secundo sic, si consensus tacitus faceret matrimonium cum iste consensus sit occultus, & immanifestus nulla habetur certitudo matrimonii, quod est inconueniens. Vltimo sic, matrimonium est sacramentum, sed sacramentum est signum, ergo causa matrimonij debet esse signum. Sed in consensu tacito nullum est signum, ergo consensus tacitus non facit matrimonium. Dist. 23.

Secunda conclusio probatur sic. In matrimonio debet esse plenus consensus. Sed consensus de futuro non est plenus consensus. Quia sicut quod de futuro est non est, ita quod consentit de futuro consentit non plene, ergo.

Præterea. In consensu, qui accusat matrimonium, qui semel consentit non debet amplius consentire. Sed qui consentit de futuro debet iterum consentire, igitur consensus de futuro non causat matrimonium. Item in matrimonio est traditio mutua, & libera potestas corporis, sed nullus promittendo tradit illud quod promittit, immo est contradictio, quod promittendo de futuro actualiter tradat mutue potestati corpus suum, igitur consensus de futuro non causat matrimonium, vel contractum matrimonii.

Ex præcedenti questione probatur tertia conclusio sic. Ille enim consensus causat contractum matrimonij quo coniuges tradunt sibi potestatem corporum suorum. Sed iste est consensus expressus verbis

de presenti, igitur consensus expressus verbis de presenti est causa matrimonii.

Quarta conclusio, Si consensus conditionatus est causa matrimonii, dico quod consensus conditionatus, vel sit per verba de futuro, vel per verba de presenti. Si per verba de futuro est idem iudicium, quod de matrimonio per verba de futuro de quo dictum est in secunda conclusione.

Notandum autem, quod conditio de futuro, aut apponitur per modum pœnæ, aut vt determinatio contractus. Si per modum pœnæ nullius est vigoris pro eo, quod matrimonia debent esse libera. Vt si quis proponit promitto contrahere tecum sub pœna centum marcarum. Si autem apponitur, vt determinatio contractus distinguendum est. Quia aut ista conditio est honesta, vel inhonesta. Si est honesta stante conditione stant sponsalia, non stante non stant. Vt si quis dicat contraham tecum si placuerit patri meo, vel si volueris conuertiri ad fidem. Si autem est inhonesta hoc est dupliciter. Quia aut est contra substantiam matrimonii, aut non. Si contra substantiam matrimonii nulla est obligatio, vt si dicat contraham tecum si procuraueris venena sterilitatis, vel aliquod huiusmodi. Si autem est inhonesta, & non contra substantiam matrimonii, vt si dicatur contraham tecum si furatus fueris, vel si Deum offenderis, talis conditio pro non adiecta habenda est. Si autem consensus fiat per verba de presenti, aut conditio est præterita, aut præsens, aut futura. Si conditio est præterita, vt accipio te in meam si mortuus est pater tuus. Vel de presenti, vt Accipio te in meam si tu es virgo, stante conditione stat matrimonium. Si autem conditio est de futuro, aut futuri necessarii, aut futuri contingens. Si futuri necessarii, vt accipiam te in meam si sol orietur cras, tunc stat matrimonium. Si autem conditio est contingens, dico, quod non est matrimonium eo, quod consensus dependet de futuro, sicut conditio, & ideo iudicandum est tunc sicut de futuro. Nec est matrimonium nisi carnalis copulatiua subsequatur, quia tunc intelligitur à conditione apposta recessisse.

Ad argumentum principale huius questionis ecclesia dicit

Quando est
verum matri-
monium

IN QUARTO LIBRO SENTENT. 945
dicit inter eos esse matrimonium, vt arguebatur, & sic
maior debet sane intelligi, vcl totaliter negari.

Vtrum consensus coactus sufficiat ad contra-
hendum matrimonium?

Seraphicus Bona: 4. sent. dist. 29. q. 1. Art. 1.

Scotus 4. senten. distin. 29. q. 1.

Ricar. 4. sent. dist. 29. q. 1.

Franciscus de Mayronis 4. sententiarum dist. 29. q. 1.

Durandus 4. sent. dist. 29. q. 1.

QVAESTIO II.

AD secundam quaestionē qua quaeritur. Vtrum
consensus coactus sufficiat ad contrahendum
matrimonium? Est vna opinio, quē duo dicit.
Primo enim dicit, quod nullus potest cogi ad
consensum interiorem, potest tamen cogi ad consen-
sum exteriorem propter minas. vt dicat verba expri-
mentia consensum.

*Gotfr de for-
mibus quod.
13. q. 15.*

Secundo dicit, quod ecclesia praesumit illum consen-
sum, qui sufficit ad matrimonium contrahendum. Vo-
luntas enim coacta voluntas est secundum Augusti-
num.

Contra primum dictum obiicitur sic. Quicūque co-
gitur ad aliquid, quod non potest esse sine alio, absque
peccato mortali cogitur ad illud aliud. Sed iste per te co-
gitur metu ad dicendum verba exteriora ad exprimen-
dum consensum, sed illa non possunt esse sine consen-
su interiori sine peccato mortali, igitur cogitur ad con-
sensum interiorem. Minor quantum ad primam partem
est tua, quantum autem ad secundam patet, quia praebens
in matrimonio consensum exteriorem, sine interiori
consensu facit mendaciū perniciosum, quod est peccatū
mortale. Ista autem ratio tota confirmatur in exemplo
duplici.

Primo si alicui non liceret consentire interius, aut
metus deberet eum inducere ad proferendū verba ex-
terius sicut esset de religioso, quia nullo metu deberet
*Primum en-
emplum.*

*Aliud exē-
plum.
Nota &
bene.*

induci ad dicendum hæc verba, Aut enim est consensuens animo, & peccat mortaliter contra votum. Aut non consensuens, & peccat mortaliter mentiendo pernitiose. Aliud exemplum. Si quis violentiam inferens isti, vt accipiat illam etiam per violentiam exigeret ab eo tale iuramentum. Iura ad sancta Dei euangelia, quod sine metu consentis in illam, talis nullo modo debet ex aliquo metu ad istud iuramentum induci, quia est peccatum mortale iurando mendaciter, igitur a simili nullo metu potest ille induci ad accipiendū istā verbo exterius nisi sic accipere sit licitum, nō est autem licitum, nisi vt coniungitur consensus exterior consensui interiori. Sed secundum dictum posset tolerari sic. Ecclesia semper præsumit pro meliori parte, vt patet extra de regulis iuris. Estote misericordes. c. 2. quæ dubia sunt quo animo fiant vt ibi dicitur in meliorem partem interpretemur. Sed in consensu coacto dubium est in proposito quo animo fiat, igitur in meliorem partem interpretari debet. Sed iste est consensus interior absque metu, igitur ecclesia sic præsumit.

Ad istam igitur quæstionem sunt duo videnda. Primo qualiter potest esse consensus coactus. Secundo si ille sufficiat ad contractum matrimonij.

Cap. 2.

De primo dico tres propositiones. Prima, quod voluntas non potest simpliciter cogi ad actum volendi. Quia cum violentum sit ex tertio ethicorum cuius principium est ab extra non conferente vim passo, ex hoc accipitur, quod coactum, siue violentum est cuius principium est totaliter ab extra. Sed principium actus volendi non totaliter est ab extra cum sit actio manens in agente, ergo voluntas non potest simpliciter cogi ad actum volendi.

Secunda propositio est, habens voluntatem potest cogi ad aliquam passionem vt potè ligari, vel ad aliquam actionem instrumentalem, quæ tamen non est actio sua vt potè, quod quis percutiat manu alterius vtendo sicut dixit sancta Lucia Paschasio. Et si per manum meam sacrificium facias Deus hoc deridet.

Tertia propositio est, quod habens voluntatem potest

cogi ad aliquam actionem humanam non simpliciter, sed secundum quid metu scilicet maioris mali, quam sit ille actus, vt metus mortis vnde talis motus dicitur posse cadere in constantē virum, vel virtuosum. Et tunc oportet statim videre de secundo, videlicet si iste consensus modo prædictio coactus sufficiat ad contractum matrimonij. Et dico quod non, vt habetur expresse extra de sponsalibus. c. cum locum. & c. sequenti, Consultationi. §. sane. Si autem quærat quæ est ratio quare iste consensus sic coactus non sufficit ad contractum matrimonij, dicitur quod ratio sumitur à causa formali illius contractus, & à causa efficiente à qua est talis formalis contractus, & à causa finali propter quam efficiens dedit contractui talem formam.

Primum patet. Quia iste contractus est datio, & licet non liberalis datio, quia dat vt detur sibi æquale tamen libera datio, quia contra rationem dationis est, quod nō sit libera. Sed vbi est coactio ibi non est libertas, vt habetur in c. præallegato, cum locum, quod consensus habet locum, vbi metus, vel coactio intercedit.

Secundo patet idem à causa efficiente. Nam Deus instituit talem translationem potestatis corporum, vt esset mere libera, vnde dicitur Gen. Adhærebit vxori suæ, Cap. 2. sed vbi est adhesio, & non coactio, ibi est libertas, ergo consensus coactus non sufficit ad contractum matrimonij. In signum huius parentes Rebecca dixerunt. Gen. Cap. 14. Vocemus puellam, & quæramus eius voluntatem.

Tertio patet illud ex parte finis, qui est proles, & indissolubilitas vinculi, oportet enim illam donationem esse liberam, quæ est perpetua, quia vt dicitur 2. q. 3. c. præsens, quod quis non diligit facile contemnit. Sed ista donatio ex vinculo indissolubili est perpetua, & oportet esse liberam, & non coactam.

Ad argumentum primæ quæstionis dictum est supra.

Ad secundum argumentum secundæ quæstionis, dico quod non tenet consequentia, nec est simile propter tria.

Primo, quia conditio baptizati efficitur melior, quia efficitur filius ecclesiæ, non autem sic est in matrimonio.

Secundo quia voluntas superioris ratificat per talem consensum coactum aliquem fieri filium ecclesiæ, non sic autem ratificat matrimonium coactum propter primam rationem factam circa finem quæstionis.

Tertio quia in baptismo non est ita proprie matrimonium sicut adoptio, bene autem potest de voluntario sufficere in adoptato, quam in contrahente matrimonium, vnde non habens vsum rationis potest adoptari, sed non desponsari, &c.

DISTINCTIO XXX. & XXXI.

Circa distinctionem trigesimam, & trigesimam
primam quæritur.

Vtrum consensus erroneus sufficiat ad contra-
hendum matrimonium?

Seraphicus Bona. 4. senten. distinct. 30. q. 1. Artic. 1.

Scotus quarto sententiarum distinctio. 30. q. 1.

QVAESTIO I.

Nec solū coactio impedit. Circa distinctionē trigesimā & trigesimam primā, quæro tres quæstiones. Primo. Vtrum consensus erroneus sufficiat ad contrahendum matrimonium. Secundo vtrum inter Mariam, & Ioseph fuerit verum matrimonium. Tertio vtrum tria sint bona matrimonij, quæ Magister ponit in littera, scilicet, fides, proles, & sacramentum.

Ad primam quæstionem sic proceditur. Videtur quòd consensus erroneus sufficiat ad contrahendum matrimonium, quia inter Iacob, & Lyam fuit verum matrimonium, alias fuisset cum ea fornicatus. Sed Iacob credidit per errorem eam esse Rachelem, igitur &c.

In oppositum est Magister in littera. Et 11. quæst. 1. per totum.

In ista quæstione est primo vna distinctio ponenda
Secundo est quæstio dissoluenda. Tertio sunt aliqua du-
bia remouenda.

Distinctio ad præsens est ista, quòd in matrimonio
potest esse quadruplex error. scilicet error personæ, error for-
tunæ, error conditionis, & error contractus, vel consen-
sus matrimonialis, puta quando alter coniugum contra-
hit animo simplici, alter vero contrahit dolose vtens
verbis, & signis sine animo contrahendi.

*In matrimo-
nio potest es-
se quadri-
plex error.*

Hac distinctione præmissa, dico ad quæstionem qua-
tuor conclusiones. Prima est quòd error personæ impe-
dit matrimonium nisi superueniat consensus. Secunda
conclusio quòd error fortunæ non impedit matrimo-
nium. Tertia conclusio quòd error conditionis impedit
matrimonium, Quarta conclusio, quòd erroneus con-
sensus impedit matrimonium.

Prima conclusio probatur. Consensus sequitur cogni-
tionem secundum Augustinum dicentem, quòd inuisa
diligere possumus incognita nequaquã, ergo qui cõsen-
tit consentit in eum de quo cogitat. sed credas hunc esse
alium de isto non cogitat, ergo in isto non consentit,
sed in matrimonio necessario requiritur consensus, er-
go non est ibi matrimonium.

*8. De tri-
capit. 4.*

Secunda conclusio, videlicet quòd error fortunæ non
impedit matrimonium sicut error circa pulchritudi-
nem, vel diuitias, & honores, & huiusmodi. Quia nul-
lus error impedit matrimonium, nisi solus ille, qui est
de respectu eorum, quæ sunt in matrimonio essentia-
lia: sed bona fortunæ non sunt essentialia in matrimo-
nio, igitur error fortunæ non impedit matrimonium.

Tertia conclusio quòd error conditionis sicut est ser-
uitus, quãdo videlicet quis credit aliquem esse liberum,
& est seruus, talis inquam error impedit matrimonium,
quia seruus non potest dare potestatem sui corporis al-
teri, sed ista donatio necessario requiritur in matrimo-
nio, igitur. Sed quia ista conclusio posset male intelligi.
Ideo notandum secundum aliquos doct. quòd error
conditionis potest esse triplex in personis. Quia aut est
paris conditionis vt cum seruus contrahit cum ancilla,
aut melioris conditionis, vt quando seruus contrahit cū

libera, aut deterioris conditionis, vt quando liber contrahit cum ancilla. In duobus primis casibus error non impedit matrimonium. In tertio vero impedit contrahendum, & dirimit iam contractum, nisi post cognitionem conditionis assentiat verbo, vel facto. Et de hoc erit sermo infra distinctione 36.

Quarta conclusio. Si error consensus impedit matrimonium, puta quando alter coniugum contrahit animo simplici, & alter dolose vtens verbo, sine animo contrahendi, dico quòd in facie ecclesiæ sit matrimonium, tamen in facie Dei iste error impedit matrimonium. Quia ad aliquem effectum requiruntur duo, vnum tanquam principale, & alterum tanquam minus principale. Si deficiat, quod est magis principale, & ponatur id, quod est minus principale nõ sequitur ad illud effectus. Sed ad matrimonium requiritur consensus, tanquã principale, & verbum, tanquam minus principale. Occurunt autem hic duo dubia.

Ad matrimonium requiritur consensus.

Primum dubium.

Primum esto, quòd aliquis ad extorquendam carnalem cõpulam dicat verba animo tamen non intendens contrahere nunquid alia persona simplici animo contrahens obligatur, videtur quòd sic, quia ex parte eius sunt tam consensus, quam verba quæ sunt causa obligationis in matrimonio.

2. Dubium.

Secundum dubium. Esto quòd dolose contrahens processu temporis exprimat dolum suum alteri personæ, quæ contraxit secum in bono, ista non potest recedere, nec reddere debitum stante conscientia de dolo propter periculum fornicationis, & sic remanet perplexa.

Ad 1. dub.

Ad primum dubium dico, quòd quia contractus matrimonij non claudicat, vt sit matrimonium ex altera parte tantum, & ideo si secunda persona non dat consensum non est ibi contractus matrimonij, & sic altera persona non obligatur. Sed tunc remanet secundum dubium. Ad quod dicunt aliqui, quòd illa persona non potest reddere debitum stante conscientia de dolo alterius, nec potest recedere, quia exponeret se periculo fornicationis.

Ad 2. dub.

Alia via est melior, quòd talis persona non faciat si-

bi conscientiam, quòd alter dolose consenserit, sed quòd modo mentitur, & alias vere consenserit, sicut est de illo, qui dixit vxori quòd cognouisset matrem vxoris, talis enim non tenetur reddere debitum marito sic asserenti.

Ad argumentum in contrarium de Iacob, & Lya, siue Iacob excusetur, siue non dico, quòd consensit in Lyam nouo consensu, & hoc forte propter verba Laban dicentis, non est consuetudinis in loco isto, vt minores prius tradantur ad nuptias.

Vtrum inter Mariam, & Ioseph fuerit matrimonium verum?

Seraphicus Bona. 4. sent. dist. 40. q. 2. Artic. 1.

Scotus 4. sent. dist. 30. q. 2.

Ricar. 4. sent. dist. 30. q. 2.

D. Thomas 4. sententiarum distinctio. 30. quest. 1. Arti. 2.

Franciscus de Mayronis 4. sentent. dist. 30. q. 2.

Durandus 4. sententiarum distinctio. 30. questio 2.

QVAESTIO II.

AD secundam quæstionem sic proceditur. Videtur quòd inter Mariam, & Ioseph non fuit verum matrimonium. Quia 17. q. 1. dicitur sic. Sunt quibus vouentibus non solum nubere, sed velle nubere damnable est. Sed virgo vouerat virginitatem, iuxta illud Luc. 2. Quomodo fiet istud quoniam virum non cognosco: ergo, &c. Cap. 2.

In oppositum est Magister in litera, & accipitur ex euangelio Matthæi. Cum esset desponsata Maria Ioseph. Cap. 1.

Ad istam quæstionem dico tres conclusiones. Prima est quod decuit Matrem Christi vouere virginitatem. Secunda conclusio est quod decuit Matrem Christi esse virginem, & alicui desponsari matrimonio. Tertia conclusio. Quomodo stant ista, quod aliqua

cū voto virginitatis vero sit alicui matrimonio sociata.

Prima conclusio probatur dupliciter.

Primo decuit Christum, qui est speculum sine macula habere habitaculum seu matrem incorruptam re, & voluntate. Sed perfecta incorruptio voluntatis est in voto castitatis, ergo decuit matrem Christi vouere, & seruare virginitatem.

Secundo sic. Decuit matrem Christi habere omnis sanctitatis, & puritatis priuilegium, sed omnis puritatis priuilegium non potest haberi, sine virginitate, ergo, &c.

Vide D.

Thomā Ricardū, D. Bonae, & alios antiquos hic

Secunda conclusio ad praesens probatur sic triplici congruentia scilicet propter signū, propter infamiae vitiationem, & propter diuini consilii occultationem. Propter signum quidem, quia ecclesia debuit per aliquam significari. Sed nulla est propinquior ad signandam ecclesiam, quam mater Christi, quia ecclesia est virgo mater, & sponsa, ergo decuit matrem Christi esse virginem, & sponsam. Propter infamiae vitiationem, quia ut ait Ambrosius. Sciebat dominus teneram esse virginis verecundiam, & lubricam famam pudoris, ideo maluit alios de suo ortu, quam de matris pudore dubitare. Propter diuini consilii occultationem. Vnde Augustinus. Quae fuit necessitas, ut desponsata esset virgo Ioseph, nisi propterea quatenus hoc sacramentum diabolo celaretur.

Tertia conclusio scilicet qualiter stat simul in virgine votum virginitatis, & verum matrimonium, dupliciter declaratur. Quia enim inter Mariam, & Ioseph fuerit verum matrimonium hoc dicunt multae auctoritates sanctorum quas ponit Magister in litera, ideo hoc non est probandum, sed assumptum est declarandum scilicet quomodo inter eos cum virginitate Matris Christi fuerit verum matrimonium. Hoc declaratur primo sic. Beata Virgo vouerat virginitatem sub conditione scilicet nisi Deus aliter vellet, & disponderet. Sed cum voto sic conditionato stat matrimonium, ergo &c.

Sed contra, In omni quantumcunque absoluto intelligitur haec conditio si placet Deo. Igitur cum ista conditio sic intellecta stat votum absolutum.

Præterea. Quia votum istud fuerit absolutum clare

intelligitur ex illo verbo Virginis ad angelū. Quomodo fiet istud quoniam virum non cognosco: Si enim fuisset votum conditionatum tunc nulla esset quæstio, quia cum non esset sterilis si fuisset cognita concepisset. Ideo declaratur secundo modo sic. In contractu matrimonii est mutua donatio corporis ad copulam carnalem non nisi sub conditione implicita, videlicet si petatur, vnde contrahentes cum proposito statim vouendi castitatem vere contrahunt, ideo ibi est certitudo. quod nunquam ponetur in effectu talis conditio scilicet quod neuter coniugum nunquam petet debitum copulæ carnalis ibi in nullo præiudicat voto castitatis contractus matrimonialis. Sed hic fuit talis certificatio, igitur cum voto castitatis in virgine potuit stare, & stetit contractus matrimonii. Probatio minoris. Nam habemus Matt. quod angelus instruxit Ioseph dicens. Noli timere accipere Mariam coniugem tuā multo fortius concluditur. quod ipsa à Deo vel ab angelo fuit edocta. Noli timere accipere Ioseph virum iustum in coniugem tuum, quia spiritus sanctus dabit eum in custodem, & testem virginitatis tuæ, qui tecum pari voto contineat.

Tunc ad argumentum in contrarium quando dicitur, quod vouentibus non solum vouere &c. Dico quod debet intelligi ista auctoritas de vouentibus nubere secundum communem legem ad quorum velle nubere sequitur actus.

Verum sint tria bona Matrimonii, quæ
Magister ponit in litera, scilicet fi-
des, proles, & sacramentum.

Seraphicus Bona. 4. sens. distinct. 32. qua. 1.

Scotus 4. sent. distinct. 31. q. 1.

D. Thomas 4. senten. dist. 31. q. 1. Artic. 2.

Ricardus 4. senten. dist. 31. q. 2.

Durandus 4. senten. distin. 31. q. 2.

QVAESTIO I.



Ad tertiam quæstionem sic proceditur.
Videtur quod non sint ista tria bona matrimoni, quæ ponit Magister in litera, scilicet fides, proles, & sacramentum. Quia non sacramentum, quia sacramentum secundum se est formaliter bonum, ergo non est aliis bonis bonum. Similiter non est ibi bonum fidei, quia inter adulterum, & adulteram est verum matrimonium, & tamen non est ibi bonum fidei. Similiter non est ibi bonum proles, quia inter steriles est verum matrimonium, & tamen non est ibi bonum proles.

Contra Aug. de bono coniugali dicit, quod tria sunt bona coniugii, scilicet fides, proles, & sacramentum.

Ad istam quæstionem dicitur vno modo, quod contrahens matrimonium obligat se ad actum copulæ carnalis ad minus si petatur, & certitudo de non petendo in paucissimis habetur. In illo autem actu priuatur homo magno bono scilicet vsu rationis secundum philosophum, quia talis actus furatur intellectum spisse sapientis. igitur nullus debet contrahere matrimonium nisi sint aliqua bona recompensabilia istam iacturam vsus rationis. Ista autem bona sunt sacramentum, fides, & proles, quæ secundum sanctos excusant istum actum carnalem.

Contra, quia in statu innocentie fuisset matrimonium habens ista bona, nec tamen fuissent tunc excusantia illum actum carnalem, igitur nec tunc fuissent ponenda, igitur non præcise ista sunt ponenda tanquam excusantia actum illum.

Præterea inter Mariam, & Ioseph fuit verum matrimonium ex præcedenti quæstione in quo non oportuit ponere ista tria tanquam excusantia.

Præterea. Multo magis priuatur homo vsu rationis per somnum, quam per istum actum, quia in somno est quasi mortuus, igitur nullus secundum rectam rationem debet se exponere somno nisi essent bona excusantia. Hic dicitur, quod sunt ibi bona aliqua excusantia, scilicet necessitas naturæ, & conformatio organorum.

Aliter dicitur, quod non est simile, quia aliquis non patitur proprie damnum in somno, sicut in illo actu, quia post somnum vigoratur intellectus, post istum autem actum hebetatur. Quicquid autem sit de istis rationibus dicitur ad quæstionem, quod tria prædicta sunt bona matrimonii, quia ad hoc ut matrimonium habeat esse completum tria sunt necessaria, scilicet institutio usus, & fructus. Ratione institutionis, est bonum sacramenti. Ratione usus est bonum fidei. Sed ratione fructus est bonum prolis. Vel sic secundum Scotum. In matrimonio tria sunt: aliquod tanquam bonum intrinsecum cui correspondet bonum sacramenti. Aliud tanquam finis proximus cui correspondet bonum fidei. Aliud tanquam finis ultimus cui correspondet bonum prolis.

Tunc ad argumentum principale, habet enim illud argumentum tres partes.

Ad primam partem patet, quod ista non sunt tria bona sacramenti matrimonij ut est signum sensibile, sed sunt tria bona matrimonij proprie accepti, scilicet vinculi indissolubilis manentis post contractum, & illud non est inconueniens esse bonum aliis bonis.

Ad secundam partem argumenti dico, quod semper bonum fidei est in obligatione, licet non semper sit in executione sicut est etiam in aliis contractibus mutuis.

Ad tertiam partem argumenti dico, quod oblatio non semper est absolute ad bonum prolis, sed sub conditione, scilicet si eueniat, & non procurandum studiose oppositum ne eueniat.

DISTINCTIO XXXII.

& XXXIII.

Circa distinctionem trigessimam secundam & trigessimam tertiam quaeritur.

Vtrum sit simpliciter necessarium in matrimonio reddere debitum petenti?

Seraphicus Bonaventura quarto sententiarum distinct.

32. quest. 1.

Scotus 4. sent. dist. 32. q. 1.


D. Thomas 4. sent. distin. 32. q. 1. Art. 1.

Ricardus quarto sententiarum distinctio. 32. q. 1.

Franc. de May. 4. sent. dist. 32. q. 1.

Durandus 4. sententiarum distinctio. 32. q. 2.

QVÆSTIO I.

 VOD vero sine consensu. Circa distinctionem trigessimam secundam & trigessimam tertiam quæro quatuor quæstiones. Primo, vtrum in matrimonio sit simpliciter necessarium reddere debitum petenti? Secundo, vtrum bigamia fuerit aliquando licita? Tertio, vtrum bigamus ante baptismum possit post baptismum ad sacros ordines promoueri? Quarto, vtrum virginitas sit virtus?

Ad primam quæstionem sic proceditur. Videtur quod in matrimonio non sit simpliciter necessarium reddere debitum petenti, quia nullus simpliciter obligatur ad peccandum mortaliter, sed reddere debitum est peccatum mortale, ergo &c. Probatio minoris. Actus, seu vsus rationis est maius bonum, quam actus cuiusque virtutis. Sed in illo actu priuatur ille vsu rationis, ergo priuat se maximo bono, & per consequens peccat mortaliter.

Cap. 7.

Contra j. ad Corinth. dicitur vir vxori debitum reddat, similiter autem, & vxor viro. Et probat, quia vir non habet potestatem sui corporis: sed vxor, & e contrario.

In ista quæstione sunt tria videnda. Primo in genere si simpliciter reddere debitum est necessarium petenti. Secundo magis in specie si illud est necessarium pro omni loco, & tempore. Tertio si actus coniugalis sit semper sine peccato.

Quantum ad primum dico, quod aliquis potest iuste non reddere debitum petenti, & hoc tripliciter.

Primo si alter coniugum amisit ius petendi. Secundo si alter coniugum non habet ius reddendi pro

tunc. Tertio si alter coniugum obligatur ad non reddendum debitum vinculo fortiori.

Primum patet in fornicatione coniugis, tunc enim innocens non tenetur reddere debitum lapso, quia lapsus in fornicationem amisit ius petendi. Si autem vterque lapsus sit, vt patet de adulterio, & stupro. c. tua. paria delicta mutua compensatione tolluntur.

An aliquis possit iuste non reddere debitum petenti.

Secundum patet quando aliqui contrahunt matrimonium per verba de presenti est inter eos matrimonium ratum, & tamen licitum est postmodum ingredi religionem. Sed si teneretur statim reddere debitum teneretur se reddere inhabilem ad religionem, quod est falsum.

Tertium patet, quod non tenetur reddere debitum petenti si obligatur ad non reddendum vinculo fortiori, vt potè si alter coniugum infirmetur, & redditio debiti vergat in detrimentum propriæ incolumitatis. Tenetur enim magis diligere propriam incolumitatem, quam istud debitum alteri coniugi. Consimiliter fortiori vinculo tenetur non occidere fœtum in vtero prægnantis, vel non esse causa abortus, quam istud reddere. Igitur vbi est probabile periculum de extinctione fœtus, vel de abortu faciendo non tenetur reddere debitum. Similiter maiori præcepto tenetur non agere vnde proles nascatur leprosa, quæ posset alias procreari sana, quam pro nunc satisfacere voluntati mulieris. Vt in pluribus autem puer tempore menstrui cōceptus nascitur leprosus, igitur tunc non tenetur reddere debitum.

Confirmatur, quia non sine causa in lege Mosaica accedens ad mulierem menstruatam debuit mori. Mors autem non infligitur, nisi pro peccato mortali, & graui. Ergo non videtur probabile quin implicite sit prohibitum hoc in lege euangelica, quæ est lex charitatis, & castitatis. Sed contra hoc instatur, quia tunc vxori leprosa vir sanus non deberet reddere debitum, quod est contra bonum prolis, quæ nasceretur leprosa, & contra incolumitatem propriam, quia posset ex tali actu incurere lepram, cuius tamen oppositum habetur extra de coniugio leproforum. c. j. quod licet coniugi leprose coniux sanus, vel leprosus debeat debitum reddere secundum istud capitulum præallegatum, non tamen se-

Nota hic conuersos casus.

Speculare diligenter istos casus.

quitur, quod mulieri tempore menstruorum, quia ibi non est contra bonum proles, quod procreatur leprosa, immo magis esset contra bonum proles, quod nunquam procrearetur, de ista autem matre nūquam procreatur si propter lepram vitetur, hic autem, & si non procreetur tempore menstruorum tamen procreabitur postea & tunc sana, nunc autem leprosa.

De secundo articulo magis videndum est in specie si pro omni loco, & tempore sit debitum reddendum petenti.

De tempore autem sciendum est, quod tempus dupliciter accipitur hic in proposito quia est tempus quo coniuges subiacēt infirmitatibus, & est tempus quo vacant solennitatibus. Ad reddendum debitum tempore infirmitatam dictum est in articulo præcedenti. Sed de redditione debiti tempore solennitatum dicit Apostolus 1. Corin. Nolite fraudare inuicem nisi forte ex consensu, ut vacetis orationi ad tempus. Quia ut ponit Magister, debitum est reddendum illo tempore petenti, sed non petendum, & reddi potest sine culpa, sed non potest peti sine culpa.

Cap. 7.

Nota et bene.

De alio. Si in omni loco est reddendum debitum petenti, dico quod in loco sacro regulariter abstinendum est, quia statim imminet periculum fornicationis, quia possunt cito ad locum non sacrum venire. Si tamen diu necesse esset eos commanere in loco sacro, & aliud nō obstaret teneretur reddere debitum petenti. Nec forte ex hoc si actus esset occultus locus sacer esset interdictus, nec oporteret cultū diuinum ibidem publice prætermitti.

De tertio articulo. Si actus coniugalis semper sit sine peccato. Dico quod coitus coniugalis est triplex. Aliquando est meritorius, aliquando licitus, aliquando illicitus. Et intelligitur illicitus quantum ad peccatum veniale, & mortale. Coitus vero meritorius est duplex, quia aliquando fit causa proles procreandę ad cultum diuinum sicut fuit in antiquis patribus. Aliquando fit causa reddendi debitum uxori 1. ad Corin. Vir uxori debitum reddat. Iste enim coitus est iustitię, & per consequens meritorius. Aliquando est coitus licitus quando

Cap. 7.

scilicet, homo mouetur ad coitum coniugalem causa fornicationis vitandæ, secundum quod dicit Apostolus 1. ad Corint. Ergo vnusquisque suam propriam vxorem *Cap. 7.* habeat propter fornicationem vitandam. Iterum est coitus coniugalis permissus fragilis cum aliquis coit cum vxore sua quærendo in ea delectationem suam, quam in alia non quæreret postponendo tamen delectationem suam illi delectationi, quæ est in Deo. Et ad istum coitum sequitur peccatum, quia delectatur in creatura, sed tamen veniale eo, quod postponit illam delectationem ei, quæ est in Deo. Est alius coitus, qui dicitur illicitus, sicut quando quis coitum vxore sua causa libidinis ex- *Coitus illicitus quid sit* plendæ sicut faceret cum meretrice quærendo meretriceas blanditias, & ad talem coitum sequitur peccatum mortale.

Ad argumentum in contrarium nego minorem.

Ad probationem dico, quod perpetuus vsus rationis est maius bonum, quam actus cuiuscunque virtutis. Et ideo qui per aliquem actum priuaret se perpetuo vsu rationis peccaret mortaliter. Sed carentia vsus rationis pro momento non est tantum malum sicut actus oppositus actui virtutis. Si etiam talis carentia vsus rationis esset peccatum mortale, sequeretur, quod dormiens semper peccaret mortaliter.

Vtrum bigamia pro aliquo tempore fuerit licita?

Seraphicus Bona. 4. sent. dist. 33. q. 2. Artic. 1.

Scotus 4. sent. dist. 33. q. 1.

D. Thomas 4. sententiarum distinctio 33.

quest. 1. Arti. 2.

Richardus 4. sentent. distin. 33. q. 1.

Franciscus de Mayronis 4. sent. dist. 33. q. 1.

Durandus quarto sentent. dist. 33. q. 1.

QVÆSTIO II.

Ad secundam quæstionem sic proceditur. Videtur quod bigamia nunquam fuerit licita, quia nihil est licitum quod est contra legem naturæ, sed bigamia est contra legem naturæ, ut ponit quædam glossa de Lamech quia primus eduxit bigamiam.

Cap. 16.

Contra Gen. patet quod Abraham habuit Saram & Agar. igitur aliquo tempore fuit licita bigamia.

Cap. 16.

Ad quæstionem patet, quod bigamia aliquando fuit licita, quia non est verisimile, quod sancti patres veteris testamenti fecerint aliquid illicitum maxime publice illicitum, sed patet ex scriptura veteris testamenti, quod patres tunc erant bigami, sicut patet de Abraham Gen. similiter de Iacob Gene. qui habuit quattuor uxores, similiter de David. 2. Regum, qui habuit quinque, & ergo bigamia aliquando fuit licita. Sed difficultas oritur ex quæstione

Cap. 29.

Cap. 5.

5. Ethic.

propter duo. Primum est, quod iustitia commutativa requirit æqualitatem, per hoc, n. distinguitur à iustitia distributiva, quæ requirit proportionem, iustitia autem commutativa requirit æqualitatem. Sed in matrimonio est iustitia commutativa, igitur requirit æqualitatem, sed in bigamia non est æqualitas, quia vnus habet plures, & plures non habent nisi vnum, ergo non est ibi iustitia, & per consequens non est licita, Secundum vnde oritur difficultas est, quia ut tangebatur in arguendo, quod est contra legem naturæ nullo modo est licitum, sed bigamia est huiusmodi, ergo nullo modo est licita, ideo sunt duo declaranda. Primum quomodo in bigamia est iustitia commutativa & non æqualitas. Secundum quomodo bigamia non est simpliciter contra legem naturæ. Primum declaratur dupliciter. Primo ex parte instituentis contractum. Secundo ex parte contractus. Primo modo iustitia commutativa requirit æqualitatem commutatorum quantum est possibile ad illum finem propter quem commutentur, sed in contractu matrimonii est commutatio propter duplicem finem. scilicet propter prolem procreandam, & propter fornicationem vitandam, ergo iustitia commutativa in contractu matrimonii requirit æqualitatem quantum est possibile propter duplicem finem prædictum, sed primum

mun corpus viri est maioris valoris quā corpus mulieris, quia pro eodem tempore, vir potest plures fœcundare, & vna non à pluribus fœcundari, igitur propter istum finem est optima æqualitas. Propter aliū finem. scilicet propter fornicationem vitandam corpus viri, & corpus mulieris sunt æqualis vigoris. Et ideo ex ista parte non est completa ratio iustitię nisi superior dispenses legem declarando, vel eam aliquo tempore reuocando Sic autem in proposito fuit licet enim esset institutum, vt vni vna sociaretur, & econuerso, tamen ad multiplicandum, & generandū Dei cultores fuit aliquando dispensatum. Secundo declaratur hoc idem ex parte contractus sic. Quando aliquid ordinatur ad aliquem finem principalem, & ad alium finem minus principalē rationabile est vt illo eo modo quo magis valet ad finem principaliorē licet per hoc aliquid detrahatur fini minus principali. Exemplum. Cibus valet ad delectationem quæ minus est principalis, & ad nutritionem quæ magis est principalis secundum rectam rationem. Vtendum igitur est cibo eo modo quo plus valet ad nutritionem licet in hoc minus valeat ad delectationem, sed contractus matrimonij est propter prolem tanquam propter finem principalem, & est secundo propter fornicationem vitandā. Igitur secundum rectam rationem debent contrahentes sic commutare vt commutatio plus valeat ad procreationē licet minus valeat ad illam redditionem, & sic tali non fit commutatio corporis vnius viri pro pluribus corporibus mulierum. Si autem est hoc absolute faciendum, igitur tempore necessitatis necessario faciendum. Ad euidētiā autem secundæ difficultatis est sciendum, quod aliquid dicitur de lege naturæ dupliciter. Vno modo primario quod est sicut principium practicum simpliciter notum lumine rationis naturalis, vel sicut conditio demonstrata ex illis principiis. Alio modo secundo quod est consonum dictamini rationis naturalis pro loco, & tempore. Contra primum nulla cadit dispensatio, & ideo oppositum eius semper est peccatum, sed contra secundum bene cadit dispensatio in casu, & isto modo monogamia est de lege naturæ, bigamia vero contra legem naturæ. Sed in hoc quod di-

Exemplum.

ctum est in casu cadit dispensatio, & per hoc patet ad argumentum principale.

Vtrum bigamus ante Baptismum possit post
Baptismum ad sacros ordines
promoueri?

Scotus 4. sent. distinct. 3. q. 2.

Terrus de Aquila quarto sententiarum distinct. 33. q. 3.

QVÆSTIO II.

AD tertiam quæstionem sic proceditur. Videtur, quod bigamus ante baptismum possit post Baptismum ad sacros ordines promoueri, quia ut dicitur distinctione 26. cap. j. & est Hieron. in epistola eius ad Oceanum. Qui ante baptismum conjugem habuit, quæ habuit duos viros non ei imputatur, sed imputaretur hoc sibi si non posset ad sacros ordines promoueri, igitur, &c.

Cap. 2.

Contra dist. 26. & accipitur a Beato Aug. super epistolam ad Titum, ubi dicit, quod acutius intelligunt qui negant bigamum ad sacros ordines promouendum ergo, &c.

Ad istam quæstionem patet per omnes quod huiusmodi bigamus non potest ad sacros ordines promoueri, ut ponitur in canone di. 26. c. præallegato. Acutius & sic vna.

Sed si quæras quæ sit causa irregularitatis in bigamia ante baptismum. Respondetur tripliciter secundum tres opiniones. Vna opinio dicit sic, per baptismum solum deletur peccatum, & sequela peccati. Sed bigamia non est peccatum, nec sequela peccati igitur. Et per hoc patet illud de homicidio ante baptismum commissio. Nam homicida ante baptismum potest ad sacros ordines promoueri post baptismum & non bigamus, quia homicidium est peccatum, & maxime si peccat occidendo, sicut est in homicidio voluntario, & ideo tollitur per baptismum.

Contra. Etsi quod bigamus peccet in bigamia, puta

illicite contrahendo, sequitur, quòd ille còtractus, cum sit peccatum, vel annexum peccato delebitur in baptismo.

Præterea. Si ex ista ratione esset necessarius irregularitas in bigamia, quia non est peccatum, nec sequela peccati, sequeretur, quòd non posset ecclesia istam irregularitatem tollere, quia non potest bigamia tribuere, quòd sit ex se peccatum, vel sequela peccati.

Præterea Aug. in c. præallegato. Acutius dicit, quòd si femina cathecumina vitata est, non potest post baptismum inter Virgines consecrari, sed possibile est istam vitiationem seu corruptionem ante baptismum fuisse peccatum, ergo illud peccatum non deletur per baptismum quantum ad sequelam correspondentem sibi.

*Distinct. 26.
c. 11.*

Alia opinio dicit sic, quòd aliqua infamia est sequens actum ex noticia actuali, aliqua infamia sequens actum propter defectum significationis. Primam autem infamiam tollere potest ecclesia. Secundam autem non potest tollere. Nunc autem homicidium inducit irregularitatem propter statutum ecclesiæ, ideo ecclesia potest tollere. Sed bigamia inducit irregularitatem non propter statutum ecclesiæ, sed propter defectum significationis, ideo ecclesia non potest hanc irregularitatem tollere.

Sed diceres quomodo est ibi defectus significationis? Dicitur, quòd sacerdos repræsentat personam Christi, ideo non debet habere aliquid quod repugnet personæ Christi. Sed Christus est vnicus sponsus vnius ecclesiæ, & ecclesia vnica sponsa Christi, ergo qui habet oppositum huius non recte repræsentat Christum. Sed bigamus qui habuit duas, vel vnā, quæ habuit duos habet aliquid quod repugnat isti coniunctioni Christi, & ecclesiæ, igitur.

Còtra. Si irregularitas bigamiæ esset ex aliquo priori, quam ex statuto ecclesiæ, ecclesia non posset ibi dispensare, cuius contrarium habetur, dist. 34. canone, lector, vbi Papa Martinus dispensat, & concedit lectorem, qui duxit viduam posse in subdiaconum promoueri.

Respondetur, quod in primitiua ecclesiā subdiaconatus non erat sacer ordo, & ideo Martinus concessit.

quòd bigamus posset ordinari in subdiaconum, & non ultraascendere.

Contra dist. 5. c. Si quis viduam, habetur, quòd Lucius Papa dispensauit cum Panormitano archiepiscopo, qui fuit bigamus.

Est igitur tertia opinio quæ dicit, quòd causa irregularitatis non est nisi statutum ecclesiæ. Eodem modo dicit, quòd causa quare irregularitatis pœna de homicidio remittatur in baptismo, irregularitatis autem pœna de bigamia non remittatur in ipso baptismo non est nisi statutum ecclesiæ volentis hanc pœnam remitti, hanc non remitti. Vnde per specialem dispensationem potest tolli, vt patet in duobus casibus allegatis.

Ad argumentum in contrarium, vel Hieronymus negatur sicut communiter canonistæ negant eum tenentes Augustinum. Vel exponi potest crimina non obsunt quantum scilicet ad gratiam recipiendam Obsunt tamen quantum ad gradum dignitatis in ecclesia habendum. Et accipitur ista expositio ex canone Ambrosij vna tantum.

Vtrum Virginitas sit virtus?

Petrus de Aquila 4. sententiarum distinct. 33. quæst. 4.

QVÆSTIO IIII.

AD quartam quæstionem sic proceditur. Videtur quòd virginitas non sit virtus: quia cui non competit diffinitio virtutis illud non est virtus, sed virginitati non competit diffinitio virtutis, igitur, &c. Probatio minoris, quia virtus secundum suam diffinitionem consistit in medio ex 2. Ethicorum. Sed virginitas non consistit in medio, quia tenet extremum, ideo non competit ei diffinitio virtutis.

Contra cui competit diffinitio, & diffinitum, sed virginitati competit diffinitio virtutis, igitur. Probatio minoris, quia secundum Augustinum, virtus est bona qualitas mentis, sed ista diffinitio competit virginitati, igitur.

*Resolutio
Scoti.*

tur virginitas est virtus. Hic sunt tria videnda. Primo si virginitas est virtus. Secundo si continentia virginalis est melior continentia coniugali. Tertium est, quod est primum continentiae virginalis.

De primo dico, quod continentia virginalis tria dicit.

Primum est abstinencia ab omni coitu illicito.

Secundum est abstinencia ab omni coitu licito.

Tertium est integritas mentis, & carnis.

Quantum ad primum, virginitas dicit virtutis habitum, quantum ad secundum dicit virginitas statum, quantum ad tertium dicit decorem, & ornatum. Quod autem primo dicat virtutis habitum probat, quia habitus circa debitum obiectum cum determinatis circumstantiis est habitus virtutis. Sed virginitas, ut dicit abstinenciam ab omni coitu illicito est huiusmodi, ergo virginitas dicit habitum virtutis.

Sed contra istud instatur tripliciter. Primo sic. Omnis actus virtutis est sub praecepto, quia sunt necessarij ad salutem, sed actus virginitatis non sunt sub praecepto secundum illud Apostoli. De virginibus praeceptum domini non habeo, consilium autem do, ergo virginitas non est virtus.

Secundo sic. Nulla virtute quis male vitur, sed virginitate potest quis male vti, ut patet de virginibus fatuis. Matt. ergo.

Cap. 20.

Tertio sic. Nulla virtus perditur, nisi per vitium, vel peccatum, sed virginitas potest perdi sine peccato, ut patet inuiolenter defloratis, igitur.

Ad primum dico, quod virtus est triplex, scilicet, moralis, theologica, seu cardinalis, & heroica. De prima patet per Apostolum 1. ad Corinth. De tertia patet per philosophum in principio septimi Ethicorum, ubi dicit, quod tria sunt fugienda, scilicet malitia, incontinentia, & bestialitas. Et tria sunt prosequenda, scilicet virtus moralis, quae opponitur malitiae, & continentia, quae opponitur incontinentiae, & virtus heroica, quae opponitur bestialitati. Tunc ad propositum cum dicitur, virtus est sub praecepto concedatur de virtutibus moralibus, & cardinalibus. Sed negatur de virtutibus heroicis. Nunc autem

Triplex est virtus.

virginitas ponitur virtus heroica.

Ad secundum cum dicitur. Nulla virtute potest quis male vti concedo, vt sic. Et cum dicitur, virgines fatuæ malæ sunt vsq; virginitate, dico, quòd non est verum in quantum virginitas est virtus, sed hoc erat ex vitiis annexis virginitati, & integritate carnis.

Ad tertium cum dicitur, virtus non perditur nisi per peccatum conceditur. Et cum additur, virginitas potest perdi sine peccato &c. dico quòd ab eis potest tolli integritas carnis, quæ dicitur ornatus, sed non tollitur virginitas, quæ dicit habitum virtutis.

*Tria sunt cõ-
sideranda in
virginitate.*

De secundo articulo principali scilicet si continentia virginalis est perfectior continentia coniugali. Dico sicut dictum est quòd in virginitate est tria considerare, scilicet habitum, statum, & integritatis decorem, siue ornatum. Si autem loquamur quantum ad habitum sic se habent sicut excédentia, & excessa, quia aliquando ex maiori virtute continet coniugata quam e contrario. Si autem loquamur quantum ad decorem sic semper virginitas præfertur continentia coniugali, quia in continentia coniugali est corruptio, in continentia virginali incorruptio. Si autem loquamur de virginitate quantum ad statum, tunc est dici dupliciter. Aut secundum idem tempus, aut secundum diuersa tempora, si secundum idem tempus hoc est dupliciter, quia aut secundum tempus legis naturæ aut secundum tempus legis gratiæ. Si secundum tempus legis naturæ tunc status continentia coniugalis præfertur virginitati imo pro illo tempore status virginalis prohibetur, & sterilis maledicitur. Si secundum statum temporis gratiæ, vbi non requiritur fœcunditas mentis ibi virginitas præfertur continentia coniugali. Si autem loquamur secundum diuersa tempora vtpotè consideremus pro tempore gratiæ continentiam coniugalem. Tunc dico, quòd vnusquisque status optimus est, & vnus non præfertur alteri dummodo ex vtraque parte charitas sit æqualis. Et ad istum intellectum loquitur beatus Augustinus in libro de bono cõiugali, quòd virginitas Ioannis Euangelistæ non præfertur coniugio Abraham.

De tertio articulo, quod est præmium continentia

virginalis. Dicitur communiter quod est aureola. Et probatur per figuram Exodi, ubi præceptum est fieri unam magnam coronam, & unam parvam coronam. Et secundum hoc ponitur à doctoribus duplex præmium scilicet substantiale quod est aurea ad similitudinē magnæ coronæ, & accidentale, quod dicitur aureola ad similitudinem parvæ coronæ: Tali autē debet coronari anima quæ est sponsa Christi, sed talis est virgo, igitur.

Quid sit præmium continentur.

Cap. 15.

Duplex est præmium.

Licet illud satis bene dictum sit, tamen possumus dicere magis complete, scilicet, quod in virginitate, ut supra dictum est tria considerare, scilicet habitum, statum, & decorē, siue ornatum. Habitui correspondet aurea, statui respondet fructus, sed decori, seu ornatui, quæ est carnis, & mentis respondet aureola.

In virginitate tria sunt considerata.

Primum scilicet quod habitui respondet aurea patet per omnes. Secundum, scilicet, quod statui respondeat fructus patet. Esto enim, quod sint tres continentes in quantum continere possunt alius in continentia conjugali, & alius in continentia viduali, & alius in continentia virginali, fructus erit in eis maior, & minor secundum parabolam Saluatoris. Semen cecidit in terram bonam, & attulit fructum aliud tricesimum, aliud sexagesimum, aliud centesimum.

Tertium, scilicet, quod ornatui, seu integritati mentis, & carnis respondeat aureola, patet sic. Aureola assignatur illis actibus, qui respiciunt aliquid intrinsecum, & hoc tripliciter, vel ratione doctrinæ, vel informationis, vel ratione martyrij, & passionis, vel ratione decoris, & incorruptionis. Propter primum datur aureola doctoribus, propter secundum martyribus, propter tertium virginibus.

Ad argumentum principale dico, quod hoc non est intelligendum respectu obiecti, quia tunc nullus esset castus, nisi cognosceret medium omnium mulierum de mundo, quia idem est medium inter aliquam, & nullam. Sed istud intelligitur, ut virtus sit medium inter delectationes, & tristitias. Nam qui omnino nihil sentit de passionibus carnis insensibi-

lis iudicatur si hoc habet per naturam. Qui vero omnino eis consentit hic luxuriosus est, qui vero excitatur, sed non consentit eis hic virtuosus est. Et quia hoc in virginibus est, ideo virginitas est virtus.

DISTINCTIO XXXIV.

& XXXV.

Circa distinctionem trigessimam quartam,
& trigessimam quintam
quæritur,

Vtrum in lege Mosayca licitum fuerit
repudiare vxorem?

Seraphicus Boni. 4. sent. distin. 33. q. 1. Artic. 3.

Scotus 4. sent. dist. 33. q. 3.

D. Thomas. 4. sententiarum distin. 33. q. 2. Artic. 1.

Ricardus 4. sent. dist. 33. q. 3.

Franciscus de Mayronis 4. sententiarum distin. 35. q. 1.

Durandus quarto sententiarum distinctio. 33. quæst. 3.

QVAESTIO I.



Nunc superest attendere. Circa distinctiones trigessimam quartam, & trigessimam quintam, quærentur tres quæstiones. Prima vtrum licitum fuerit in lege mosayca viro repudiare vxorem. Secunda vtrum impotentia coeundi impediat matrimoniū Tertia vtrum adulterium cum aliqua viuente marito impediat matrimonium cum eadem post mortem mariti sui.

Ad primam quæstionem sic proceditur. Videtur quod licitum fuit viro repudiare vxorem suam in lege Mosayca. Quia in lege Deuter. Si acceperit homo vxorem, & non inuenerit gratiam ante oculos eius propter aliquā fœditatem scribat ei libellum repudii, & dabit in manu eius, & dimittat eam in domo sua.

Contra, nunquam licuit mulieri repudiare virum, igitur nec econuerso. Probatio consequentiæ, quia vir

& mulier quantum ad ea quæ sunt coniugii pares iudicantur.

Ad euentiam huius quæstionis oportet aliquid de libelli repudii formatione præmittere, & consequenter quæstioni respondere. Præmittitur autem hoc de forma libelli repudii, quia in libello illo secundum Hieron. erit talis scriptura, præmitto, quod nunquam conueniant secum, & habebit mulier ex permissione legis potestatem, quod possit alteri copulari. Si autem alteri copulabatur non poterat redire ad primum. Et sic *Pulchra, et quædam erant hic permissiua, quædam recordatiua, facilia.* quædam priuatiua, licet secundum aliquos ista dici possent punitiua. Permissiua erant, quia vir poterat uxorem repudiare, & ipsa repudiata poterat cum alio contrahere. Recordatiua erant scriptura libelli. Priuatiua erant; quia si repudiata cum alio contraxisset, non poterat ad primum redire.

His præmissis sunt tria videnda. Primo si ista repudiatio erat licita. Secundo quomodo erat permissa. Tercio qualiter non erat communis illa repudiatio, ut sicut vir poterat repudiare uxorem, sic econuerso, &c.

Quantum ad primum dicitur tripliciter.

Primo, quod ista repudiatio erat illicita, patet auctoritate Christi reprobantis eam. Matth. ait enim sic. Dico vobis, quod quicumque dimiserit uxorem excepta causa fornicationis mechatur.

Cap. 19.

Secundo per rationem Christi ibidem Deus inquit, à principio coniunxit masculum, & foeminam matrimonialiter. Ideo quos Deus coniunxit homo non separet.

Tercio per responsionem ipsius Christi ad quæstionem Phariseorum. Cum enim illi obiicerent, quid ergo mandauit Moyses dare libellum repudii, & dimittere, ait illis, ad duritiam cordis vestri permisit Moyses dimittere uxores vestras, ab initio autem non fuit sic.

Quarto extra de diuortii cap. gaudemus, dicitur quod repudiationem uxoris veritas in euangelio reprobauit.

*Ricardus
ubi supra.*

Alia opinio dicit totaliter oppositum, quod repudiatio licita fuit pro tempore legis Moysei, quod probatur sic, Moyses promulgauit legem Dei, & ideo quos ipse

coniunxit etiam Deus coniunxit, & quos ipse separauit Deus separauit, quia non est verisimile, quod lator legis diuinæ promulgauerit aliquid in ea illicitum.

*Et ponitur
in canone
dist. 9*

Secundo sic, vt ait Aug. in quadam epistola ad Hiero. Si ad sacras scripturas admissa fuerint officiosa mendacia, quid in eis remanebit auctoritatis, & soliditatis quasi diceret nihil, quia quā ratione fuerit admissum vnum pari ratione aliud, ergo a simili, si in lege permissum fuit vnum illicitum pari ratione aliud illicitum.

Tertio sic, lex iusta vt sic non debet dare occasionem peccandi mortaliter. Sed ista concessio videbatur directe occasio Iudæis dimittendi vxores, & per consequens peccandi mortaliter, ergo vel ista concessio non est peccatum mortale; vel lex non est iusta.

Tertio modo dicitur, quod repudium vxoris nunquam fuit licitum vt fieret sine culpa, fuit tamen licitum vt fieret sine pœna. Vnde aliquid licere alicui potest esse duplici de causa. Primo, quia illi non obuiat iuris rectitudo. Et hoc modo non licuit repudiare vxorem. Aut quia non obuiat iuris punitio, & hoc modo licuit repudiare vxorem. Sed rationes secundæ opinionis infringunt primam, & tertiam opinionem. De prima patet, quia illa ponit, quod repudium sit licitum, & secunda ponit, quod sit licitum, de tertia patet quia ponit, quod repudium nunquam fuit licitum, ita, quod fieret sine culpa. Hæc inquam non possunt stare, tum, quia legislator diuinæ legis non potest in ea aliquid illicitum tum quia quā ratione vnum illicitum eadem ratione aliud illicitum, tum quia iusta lex non dat alicui occasionem peccandi vt arguebat secunda opinio. Teneo ergo, quod repudium sit licitum non simpliciter, sed pro tempore, & sic Deus dispensabat cū illa gente in repudio ad vitandum malum homicidij.

*Opinio vna
authoris.*

Ex quo patet ad secundum articulum qualiter repudium sit permissum, quia Moyse ad vitandum malum homicidij repudium non prohibuit, sed permisit.

Et notandum, quod permissio sit quadrupliciter. Primo per priuationem præceptionis, & sic Apostolus permisit virginibus nubere. Secundo per priuationem prohibitionis, & sic venialia dicuntur permissa. Tertio per

privationem punitiōis. Quarto per priuationem co-
habitationis. Et istis duobus vltimis modis repudiū
est permissum, quia non puniebatur nec prohibebatur.

Ad rationes autem primæ opinionis. Ad primam quā-
do dicitur quicumque dimiserit, vxorem suam, &c. Dico,
quod Christus loquitur pro tempore legis gratiæ non
pro tempore legis Mosaicæ.

Ad rationem quam adducit, quod scilicet Deus à
principio masculum, & fœminā matrimonialiter con-
iunxit, dico, quod Christus loquitur pro tempore legis
naturæ. Et in hoc sufficienter reprehendit Phariseos qui
non seruabant matrimonium sicut erat in lege naturæ.

Ad aliud quod adducit per duritiā cordis vestri per-
misit Moyſes &c. iam patet quomodo accipitur ibi per-
missio.

Ad aliud de diuortiis c. gaudemus, vbi dicitur, quod
repudiū veritas in euangelio reprobauit. dico quod
illud capitulum loquitur, quod Christus reprobauit pro
tempore legis suæ.

De tercio principali, scilicet qualiter non erant pares
viri, & mulieres in dando libellum repudiij, vt mulier
possit repudiare virum sicut econuerso. Dico, quod in
tribus vir, & mulier in lege non erant pares, scilicet in
lege repudiij, in lege zelotipiæ, in lege actionis stupri.
Quorum ratio est propter dignitatem naturæ propter
reatum culpæ, & propter robur sexus. Propter dignita-
tem naturæ non sunt iudicandi pares in lege zelotipiæ,
est enim vir dignior, quam mulier. Propter reatum cul-
pæ non sunt iudicandi pares in lege actionis stupri, sicut
clare dicit glosa super legem prædictam quæ habetur
Deutero. 22. Propter robur sexus virilis non iudican-
tur pares in libello repudiij cum in mulieribus sit maior
proutas permissiue ad repudiandum viros. Et ex hoc
pater ad argumentum principale.

Vtrum impotentia ad actum carna-
lem impediāt matrimonium
simpliciter?

Seraphicus Bona. 4. senten. distinc. 34. q. 1. Artic. 2.

Scorus 4. sententiarum distinc. 34. q. 1.

D. Thomas quarto sententiarum distincio. 34.


questi. 1. Art. 1.

Ricardus 4. senten. distincio 34. q. 2.

Durandus 4. sent. dist. 34. q. 2.

QVAESTIO II.

AD secundam quaestionem sic proceditur. Videtur, quod impotentia coeundi non impediat matrimonium, quia hoc non esset nisi pro eo, quod contrahendo obligat se ad actum illum, sed hoc est falsum, quia potest contrahere cum voluntate statim intrandi religionem, ergo.

Nota  *be-*
ne omnia cu-
siose

Contra extra de fri. & male. ultimo. Ad istam quaestionem dico duo. Primo praemittam aliquas distinctiones. Secundo eliciam aliquas conclusiones. Distinctiones autem sunt istae, quia impotentia coeundi alia est naturalis, alia accidentalis. Item alia praecedens, alia sequens matrimonium consummatum. Item alia perpetua, alia ad tempus. Tunc breuiter dico tres conclusiones.

Prima est, quod omnis impotentia simpliciter, & perpetua, cui, scilicet subueniri non potest per naturam, vel artem, si praecedat matrimonium simpliciter impedit contrahendum, & dirimit contractum. Ista conclusio probatur tripliciter.

Primo sic, iste contractus est datio potestatis corporum ad talem actum si petatur, sed iste nullam potestatem ad talem actum habet, igitur nihil tale potest dare, & per consequens nec contrahere.

Secundo sic, in contractu isto homo obligat se ad actum si petatur, sed actus est sibi impossibilis etiam si petatur, igitur obligat se ad impossibile. Obligatio autem ad impossibile, nulla est ex lege diuina, igitur lex diuina non approbat talem obligationem, igitur nulla est.

Tertio sic, persona alia intendit commutare potestatem corporis sui pro potestate alterius, igitur credit alium posse commutare e conuerso, sed non potest, quia habet

impedimentum perpetuum, igitur hic est error perti-
nens ad aliquid, quod est per se requisitum ad contra-
ctum. Talis autem error facit contractum nullum vt su-
pra dictum est, ergo.

Secunda conclusio est, quod impotentia sequens ma-
trimonium consummatum quantumcunque sit perpetuū
non impedit matrimonium. Cuius ratio est, quia iam
potestas est tradita, & ille cui fuit tradita intrauit posses-
sionem, igitur non potest reuocari propter impedinen-
tum aliquod superueniens. Sed quid si impedimentum
illud concurret post matrimonium ratum, non tamen
consummatum, nunquid tale impedimentum impedit
contractum matrimonii?

Ad hoc dicitur, quod sic, quia vt habetur 33. q. 2. c. 1.
Coniugium confirmatur officio, sed antequam confir-
metur impossibilitas officii soluit vinculum.

Contra quod per matrimonium ratum est data pote-
stas corporum, igitur si impeditur vsus non propter hoc
tollitur ratio præcedens.

Responsio, quod in matrimonio rato est data potestas
corporum in habitudine ad actum illum si petatur ille,
& ideo dicit canon, quod impossibilitas officij soluit
vinculum.

Tertia conclusio est, quod impotentia ad illum actum
cui subueniri potest per naturam, vel per artem siue sit
frigidity siue maleficium, siue artatio non impedit ma-
trimonium. Sed quomodo innotescat quando impo-
tentia non est perpetua, sed ad tempus, & illi potest sub-
ueniri, habetur extra de fri. & male. c. laudabilem. De-
monstrat enim per triennium simul habitare, & dare
operam illi actui, quod si postea reclamant tanquam im-
potentes ad illum actum debent iurare cum septima ma-
nu. Decipitur tamen circa hoc aliquando ecclesia, & cū
cōstat de deceptione iubet eos quos separauerat ad prio-
ra vota redire. Ad argumentum in contrarium dico,
quod obligat se ad actum si petatur saltem pro aliquo tē-
pore determinato, sed infra aliquod tempus nō oportet
reddere istum actum si velit intrare religionem. Non sic
de illo qui habet impedimentum perpetuum, quia non
potest se obligare ad actum pro quocunque tempore, si

est impedimentum perpetuum, sola autem impotentia perpetua impedit matrimonium vt dictum est in prima conclusione huius quæstionis.

Vtrum adulterium cum aliqua muliere viuente viro
impediat matrimonium cum eadem
post mortem illius viri?

Scotus quarto sententiarum distinctio. 35. q. 1.

Petrus de Aquila 4. sent. dist. 35. q. 3.

QVAESTIO III.

2. Reg. c. II.



D tertiam quæstionem sic proceditur. Vi-
derur, quod adulterari cum muliere viu-
ente marito non impediat matrimonium cum
eadem post mortem mariti sui. Quia Dauid
adulteratus est cum Bersabee, & postea in-
terfecto viro eius contraxit cum ea matrimoniū, ergo,

Contra 13. q. j. c. illud.

Ad euidentiam huius quæstionis præmitto, quod tria
sunt crimina. quæ vnita, vel separata videntur. facere dif-
ficultatem circa matrimonium contrahendum, sicut
colligitur ex diuersis capitulis, extra de eo qui duxit in
matrimoniū quam polluit per adulterium. Sunt autem
hæc tria crimina. scilicet adulterium, machinatio in
mortem legitimi coniugis, fidei datio, vel contractus de
facto cum adultera. His præmissis dico quatuor per ordi-
nem ad quæstionem.

Primo, quod fidei datio per se non impedit matrimo-
nium contrahendum post mortem viri. Illud habetur
in rubrica prædicta c. vlt. vbi dicitur, quod si quis vxore
viuente fide data promisit se illam ducturum, vel cum
ipsa de facto contraxit si nihil aliud impedimenti fuerit
non est matrimonium dirimendum, quod cum ea con-
traxit post vxoris obitum.

Secundo dico, quod fidei datio interueniente adul-
terio impedit matrimonium contrahendum, & dirimit
iam contractum. Istud habetur ibidem eodem c. Sequi-
tur enim ibi. Tolerari non debet si prius, vel post sup-
pte fidem datam dum vixit vxor illam adulterio pollui-
set. Istud autem intelligendum est cum ambo sint con-

cii, quod ille et illud est adulterium, quia si vir tantum esset conficius, & mulier inscia, puta, quia nesciuit eum habere vxorē, tunc ad petitionem viri non esset diuorū celebrandam, vt habetur in eadem rubrica c. i.

Tertio dico, quod vbi adulter, vel adultera machinatur in mortem legitimi coniugis ibi impedit matrimonium, & dirimit iam contractum. Istud patet in c. p. a. al. legato, & extra de conuersione infidelium, c. laudabilē.

Quando impeditur matrimonium.

Quarto dico, quod vbi adulter, vel adultera non dederunt sibi fidem de matrimonio contrahēdo, nec alter eorum in mortem legitimi coniugis est machinatus matrimonium inter eos potest legitime contrahi, vt habetur extra in supradicta rubrica. c. significasti. Ratio autē secundæ & tertiæ conclusionis non est nisi statutum ecclesiæ quæ illegitimat huiusmodi personas ad contrahendum. Sed si quæras rationem mouentem ecclesiam ad sic ordinandum. Dico, quod est repressio adulterii, & homicidij quæ frequenter acciderent si huiusmodi personæ possent contrahere.

Ad argumentum in contrarium dico, quod non fuit lex ista statuta pro tempore illo.

DISTINCTIO XXXVI.

Circa distinctionem trigessimam sextam quæritur.

Vtrum seruitus impediat matrimonium?

Seraphicus Bonauen. 4. sentent. dist. 36. q. 2. Artic. I.

Scotus 4. sent. dist. 36. q. 1.

D. Thomas 4. sent. distin. 36. q. 2. Art. I.

Ricardus quarto sententiarum distinctio 36. q. 1.

Durandus 4. sententiarum distinctio 36. q. 1.

QVÆSTIO I.

Nunc de conditione videamus. Circa distinctionem 36. & duas alias sequentes quæro tres quæstiones. Primo. Vtrum seruitus impediat matrimonium? Secundo. Vtrum ordo sacer impediat matrimonium? Tertiō. Vtrum votum continentie impediat matrimonium?

Ad primam quæstionem sic proceditur. Videtur, quod seruitus impediatur matrimonium, quia nullus potest dare alienum, sed corpus serui est domini ipsius secundum philosophum 3. Politicorum, ergo seruus non potest dare corpus alteri, sed contrahentes dant sibi mutuo potestatem corporum, ergo.

In contrarium habetur extra de coniugio seruorū c. i.

In ista quæstione sunt tria videnda. Primo vnde est introducta seruitus. Secundo si iuste est introducta. Tercio principale quæsitum.

1. Politic. 3.
cap. 3.

De primo dico sicut superius dictum est in tractatu de pœnitētia, quod natura omnes sumus liberi, sed ex alia lege positiua sumus serui. Non autem hic loquor de seruitute quæ est subiectio filialis, sed loquor de seruitute quæ est subiectio seruilis de qua loquitur Arist. vbi dicit, quod tanta est distantia domini ad seruum, quanta est distantia hominis ad bestiam. Et sicut homo potest vendere bestiam, ita dominus seruum. Seruus etiam ut ibidem dicitur non potest exercere actus virtutis, pro eo, quod oportet eum ad præceptum domini sui exercere actus serviles. Dico ergo conclusionē istam, quod subiectio seruitutis prædictæ est à lege positiua quia cum non sit à natura pro eo, quod naturaliter omnes sumus pares, sequitur, quod sit à lege positiua.

Nota de ser-
uitute.

De secundo, scilicet si ista seruitus est iuste introducta, dico, quod seruitus non potest esse iuste introducta nisi dupliciter. Vno modo, quod voluntarie se subiiciat seruituti, & sic faciens, faceret contra legem naturæ, tamen ex quo factum est necesse est eam seruare. Alio modo si quis iuste dominans communitati videns aliquos abuti libertate propter bonum reipublicæ, & propter bonum eius, qui abutitur libertate, potest eum reducere in statum seruitutis, sicut etiam eos in certis casibus posset occidere. Si autem ponatur tertia species seruitutis ut pote captus in bello præseruatur à morte, & efficitur seruus. Sed hoc non apparet manifeste iustitia, quia licet captor poterit occidere captiuum stante pertinacia ipsius contra bellantis, tamen ex quo desinit esse pertinax inhumanum, videtur sibi infligere aliquid quod sit contra legem naturæ, seruitus autem est contra legem naturæ,

naturæ, igitur.

De tertio articulo dicunt aliqui, quod seruus potest contrahere matrimonium inuito domino. Et istud probatur. Primo sic, matrimonium est de lege naturæ, sed seruitus non est de lege naturæ, immo est contra legem naturæ, quod autem est de lege naturæ non tollitur propter aliquid quod est tantum de lege positiua, ergo.

*D. Thomas
presens dist.
q. 2.*

Secundo sic, seruus non sic est domini quin sit sui iuris quantum ad actus naturales pertinentes ad conseruationem indiuidui, igitur à simili quantum ad actus pertinentes ad conseruationem speciei. Antecedens patet, quia potest vti necessariis ad vitam, consequentia probatur, quia conseruatio speciei cum sit maius bonum naturale magis est de lege naturæ. Quicquid autem sit de efficacia istarum rationum. Dicitur ad quæstionem sic, quod seruus de voluntate domini potest contrahere matrimonium, & si onus matrimonii sit ad aliquid repugnans seruitutis consuetis dominus concedens sibi contrahere relaxat sibi implicite ista seruitutis consuetudina. Potest etiã contrahere domino inuito prout habet aliquis iuris in corpore suo proprio, non enim priuauit se quacunque libertate ad quoscunque actus pro quanto, ergo corpus est suum potest commutare cum alio, quia si alius, siue liber, siue seruus velit esse contentus ista modica potestate, potest sibi præiudicare, & tenet commutationem.

Ad argumentum in contrarium dico, quod seruus non est domini sui secundum omnia, quia sui iuris est ad comedendum, & ad bibendum, & ad alios actus, qui non subtrahunt domino seruitutis consuetudina. Vel aliter potest dici, & melius, quod seruus non potest dare corpus suum in quantum alienum subtrahendo ipsum à seruitutis domini sui, sed alias potest dare si alter coniugum contentaretur, quia vt sic non dat alienum.

Vtrum ordo sacer impediat matrimonium?

*Seraphicus Bona. 4. sentent. distinct. 37. q. 2. Artic. 1.
Scotus quarto sententiarum distinctio. 37. q. 1.*

D. Thomas 4. sent. dist. 38. q. 1. Arnc. 1.

Ricardus 4. semen. distincti. 37. q. 1.

Franciscus de May. 4. sent. dist. 37. q. 1.

Durandus 4. semen. dist. 37. q. 1.

QVÆSTIO II.

Cap. 3.

AD secundam quæstionem sic proceditur. Videtur, quod ordo sacer non impediat matrimonium, ut patet prima ad Timotheum, dicitur enim ibi quod episcopus debet esse unius uxoris vir, sed episcopatus est ordo, ergo.

In oppositum est illud canonis distinctio. 32. Placuit episcopos, presbyteros, diacones subdiacones secundum priora instituta abstinere ab uxoribus idest non contrahere, ut dicit glossa, ergo ordo sacer impedit matrimonium.

Vide Magi-
strum in li-
b. 1. c. 1.

In ista quæstione conclusio est certa, quod ordo sacer impediat matrimonium contrahendum, & dirimit iam contractum, ut patet per multas auctoritates quas Magister adducit in litera, & multe ex eis habentur in canone distinctio. 32. patet etiam extra de cle. coniug. Sed difficultas est in assignando causam qualiter sacer ordo impediat matrimonium. Aliqui dicunt, quod hoc est propter votum castitatis annexum ad quod obligatur qui suscipit ordinem sacrum.

Contra hoc instatur, quia aut votum istud est sic annexum, quia suscipiens vouet, aut tantummodo, quia ex præcepto ecclesiæ est quasi annexum, quod tenetur seruare ac si voueret. Primo modo non, quia volens vouet volitum, sed iste suscipiens sacrum ordinem possibile est, quod explicite velit non continere, ergo ipse non vouet continentiam. si secundo modo, ergo contrahens de facto simpliciter contrahit. probatur extra de matrimonio contracto contra interdictum ecclesiæ, licet enim contra interdictum ecclesiæ nemo debeat ad secunda vota transire, tamen si transeat non propter hoc matrimonium dissoluitur. si dicas ad primam partem argumenti, quod iste qui reciperet ordinem sacrum voueret castitatem in facto licet

non in voluntate, quia antiqui latini voverunt, & iste suscipit simile signum. Hoc non valet, quia nullus tenetur ex voto ad votum factum ab alio, maxime si habet votum contrarium.

Præterea orientales siue Græci suscipiunt idem signū, & tamen sine voto castitatis.

Dico ergo, quod hoc non est propter votum cōtinentię annexum ordini sacro, vt dicit præcedens opinio sed est ex hoc, quia ecclesia facit talem personam simpliciter illegitimam ad matrimonium contrahendum. Hoc autem rationabile fuit statutum per ecclesiā, quia iste qui deputatur in ministerio sacro requirit ad minus quatuor. scilicet mentis puritatem, intellectus perspicuitatem, affectus feruorem, & corporalis munditiæ decorem, sed ad hæc omnia disponit continentia, & ad eorū opposita inducit frequentia actus carnalis, ergo.

Ad argumentū in contrarium dico, quod illud Apostoli. Vnius vxoris virum, intelligitur non plurium, nec tantum de præsentī, sed de præterito, hoc est quod non habuerit plures, quia tunc esset bigamus.

Vtrum votum continentię impediat matrimonium

Seraphicus Bonauentura 4. sententiarum distinctio. 38. q. 1.

Ar. 2.


Scotus 4. sent. dist. 38. q. 1.

D. Thomas quarto senten. distin. 38. questio 2. Artic. 1.

Ricardus 4. sent. dist. 38. q. 1.

Durandus 4. sent. dist. 38. q. 1.

QVÆSTIO III.

 D tertiam quæstionem sic proceditur. Videtur, quod votum continentię non impediat matrimonium, quia non minus obligat apud Deum votum simplex, quam sōlemne. Sed votū simplex non impedit matrimonium vt patet extra qui clerici, vel vouentes contrahere possunt. c. meminimus.

Qq ij

In contrariū est ibidem c. insinuante, de quadem nobili, quæ fecit votum continentię, & postea contraxit, coacta fuit redire ad pristinum statum.

In ista quæstione sunt tria vidēda. Primo quis potest votum continentię, & generaliter quodcunque votum emittere. Secundo quot modis votum continentię potest emitte. Tertio ex his ad quæsitum principale.

A quo procedat votum

De primo dico, quod votum procedit a libera voluntate, omnis enim qui libere potest facere quod vult, nullo impedimento in se existente nullo homine de facto propediente nullo iure prohibente potest simpliciter vouere.

Ete contrario, qui in omnibus subest alteri non potest per se vouere votū continentię. Nunc autem vxor subest viro. Puer subest patri in regimine vitæ, seruus subest domino, religiosus subest prælato. Ideo nullus istorū potest vouere. Et ideo quantum ad votum continentię patet, quod vxor non potest votum continentię facere sine conscientia mariti, nec puer infra annos pubertatis.

De secundo articulo dico, quod votum continentię potest esse publicum, vel priuatum. Item potest esse simplex, & solemne. Nec istæ duæ distinctiones sunt eędem, quia tam publicum quam priuatum potest esse simplex, vel solemne votum. Votum autem solemnizatur tribus modis, vt ponitur extra de voto, & voti redemptione. lib. 6. Decretaliū. cap. rursus, vbi sic habetur. Votum solemne est cui iateruenit aliqua istarum solemnitatū, videlicet, per susceptionem sacri ordinis. Item per susceptionem sacræ vestis, quæ tantum perficientibus dari debet præsentibus testibus. Item tertio modo cum per professionem deuouet se alicui religioni abbati, vel abbatissę. Primum patet 28. dist. c. diaconi. Secundum patet extra de regula, statuimus. Tertium patet ibidem. Et ne contra hoc venire possit fiat publica scriptura. 24. q. i. c. omnes fœminæ.

Votum solenne quid sit.

Communis opinio de voto continētia

De tertio articulo, scilicet, si votū continentię impediat matrimonium, est omnium communis opinio, quod votum simplex non impedit simpliciter, quialicet impediat contrahendum non tamen dirimit iam contractū.

Votum autem solemne simpliciter impedit, quia impedit contrahendum, & dirimit iam contractum. Sed difficultas est in assignando rationem, unde videlicet est hoc, quod votum solemne simpliciter impedit matrimonium, votum autem non solemne seu simplex non impedit. Ad quod diuersi diuersas inueniunt rationes. Vnus dicit, quod ratio huius differentię est propter manifestum, & non manifestum, probatum, & non probatum. Votum enim solemne est probatum, seu manifestum, votum autem simplex est, non probatum, seu non manifestum. Sed hoc non valet, quia votum simplex posset esse manifestum, & probatum, & tamen non dirimit iam contractum. Ideo alius dicit, quod hoc est, quia per votum solemne dat aliquis illi cui vouet ius in se ad actum sequentem illud votum, & per consequens vouens solemniter continentiam, dat illi in cuius manu vouet ius in se, ad faciendum illud obseruari, ergo non potest dare ius suum ad actum oppositum, quia illud non habet.

Sed contra istud instatur, quia vouens voto priuato, dat corpus suum Deo quantum ad actum vouendi, ergo non posset corpus suum postea dare coniugi ad actum oppositum, non enim minus transfert aliquis à se, quod immediate dat Deo, quam quod dat mediate homini vicario.

Ideo datur alia ratio, quia vouens solemniter mittit in possessionem illam personam cui vouet, vouens autem priuate non facit sic, sed quasi promittit. Sed nec illud valet, quia omnia intrinseca vota, vt respiciūt actum voluntatis per quem obligat se vouendo, & transferendo dominium suum in alterum, sunt æqualia hinc inde, ergo non magis est datio hic, quam ibi, nec permissio est hic melior quam ibi, consequentia patet. Antecedens declaratur, quia per solam voluntatem est dominus, & transfert dominium.

Ideo, quarta ratio assignatur, quia transgressio voti *Magister* solemnitis est scandalosa, & ideo ad obseruantiam eius *sent. presenti* tenetur non tantum sibi, sed etiam toti ecclesię, trans- *dist. c. 2.*gressio autem voti priuati non sic est scandalosa. Sed hoc non valet, quia hoc non plus concludit, nisi quod

Ioseph accepit filiam Phutifarum cum tamen ipse esset fidelis, & ipsa infidelis, & multa similia habentur in scriptura sicut de Moysse qui contraxit cum Ethio-
pissa, ergo, &c.

In oppositum est illud 2. ad Corinth. Nolite iugum *Cap. 6.*
ducere cum infidelibus. Quæ enim participatio lucis ad
tenebras, aut quæ pars fidelis cum infideli, ergo.

In ista quæstione sunt duo videnda. Primo si infideles
possunt contrahere matrimonium. Secundo quomodo
fidelis potest contrahere cum infideli.

De primo dicunt aliqui, quod non.

Primo, quia non potest ibi esse bonum fidei ex parte
eius qui est infidelis, qui enim non est fidelis Deo, non
est fidelis proximo.

Secundo, quia ex parte eius non est bonum prolis,
quia quanto in ipso est educaret prolem in ritu suo, &
ita irreligiose.

Tertio, quia non est tibi bonum sacramenti, quia in-
fidelis ex quo non habet primum sacramentum, scilicet
baptismum, non est capax aliorum sacramentorum, ut
probat extra de præbytero non baptisato.

Quarto est specialis difficultas quomodo infidelis
possit corpus suum dare alteri cum non facit hoc
innitens approbationi legis diuinæ.

Quinto, quia specialis difficultas est cum matrimo-
nium includat indissolubilitatem quomodo infidelis cō-
trahat matrimonium cum tamen illud sit postea disso-
lubile, quia si alter coniugum conuertitur ad fidem sine
altero potest discedere.

Sed his non obstantibus dicendum, quod inter fideles
est matrimonium, quia ut ait Apostolus prima ad Corin. *Cap. 7.*
Siquis frater uxorem habet infidelem, & hæc consentit
habitare cum illo, non dimittat illam, sed ista non fuit
uxor propter contractum qui fuit post fidem, sed ante.

Præterea matrimoniū est dictamen legis naturæ, vel
est aliquid consonū dictamini legis nature, sed lex natu-
ræ communis est apud omnes, ergo, & matrimonium.

Præterea matrimonium secundum definitionem ali-
quorum est maris & fœminæ coniunctio indiuidua vitæ
consuetudinē retinens, sed hoc est inter infideles, ergo.

Præterea infideles hæretici habent vera sacramenta ecclesiæ, & quamuis non habeant fidem. habent tamen verborum formam, ergo si matrimonium contrahitur apud fideles per verba exprimentia consensum, & talis forma est apud infideles, ergo etiam matrimonium est apud infideles.

*Primum non
concludit.*

Ad argumenta autem alterius viæ respondeo, & dico, quod primum non concludit, quia fides, & fidelitas seruari potest, sine fide qua creditur in Deum, & istam seruant infideles fidelibus, & econuerso, in contractibus, vt patet per Augustinum in epistola ad Plebicolam. Nec sequitur non seruat fidem Deo, ergo non vult seruare fidem, id est infidelitatem cum proximo, tum quia non sequitur non vult perfectius, ergo nec minus perfectum, tum quia non potest per rationem naturalem attingere ad obseruantiam fidei respectu Dei sicut ad obseruantiam fidei respectu proximi.

*Secundum
non valet.*

Similiter secundum non valet, quia vult educare prolem quantum potest per rationem naturalem nosse ipsam educandam, vnde ex isto argumento, non plus habetur, nisi quod non est completum bonum prolis, scilicet, quod educetur ad cultum diuinum. Nec mirum, quia educator non ipsum sic fore educandum.

*Tertium non
valet.*

Similiter tertium non valet, quia omnibus contractibus matrimonij præcedentibus legem euangelicam non fuit annexum sacramentum proprie dictum, nec fuit annexum contractui in statu innocentia, si semper in isto statu permanisset, nec tamen defuisset tunc aliquid de perfectione pertinens ad contractum matrimonij.

Ad quartam difficultatem potest dici quod Deus post lapsum licentiauit homines ad talem commutationem non tantum propter primum finem, vt esset in officium, sed etiam propter secundum vt esset in remedium, & tunc vtentes ista commutatione si non attendat ad hoc, quia licentia est quia ignorant legem Dei non peccant, sic enim in aliis licentiis licet nesciat se licentiatum dum tamen nesciat illud esse illicitum non peccat. Vel potest dici breuius quod sufficit sibi scire istud esse de lege naturæ, quod autem est de lege naturæ est ex approbatione diuina.

Ad ultimam difficultatem dico, quòd matrimonium ratum esset nisi aliquando superueniret vinculum fortius cum quo non possèt istud stare cuiusmodi est obligatio noua ad Deum per fidei susceptionem quando alter coniugum nòllet commorari absque impedimento illius fidei ad quam magis tenetur quam ad vinculum coniugale. Est ergo ratum stantibus rationibus extremorum, sed non est ratum pro tunc pro quo fortius vinculum superueniret cum illius vinculi obseruantia repugnaret.

Quantum ad secundum articulum, videlicet si fidelis possèt contrahere cum infideli, dico tres conclusiones. Prima, quòd inter fidelem, & infidelem potest esse matrimonium. Secunda, quòd tale matrimonium potest contrahi ex iure diuino. Tertia, quòd non potest contrahi de iure positiuo ecclesiæ.

Ad euidentiam primæ conclusionis dico, quòd aliud est matrimonium esse, vel contrahi simpliciter, & absolute, aliud est matrimonium contrahi licite, & honeste. Vtroque autem modo necesse est dicere inter fidelem, & infidelem posse esse matrimonium, & hoc probatur ex illo dicto Apostoli. Vir fidelis non dimittat uxorem infidelem, quæ consentit cum eo habitare, si autem non esset matrimonium tunc Apostolus suaderet fornicationem, si autem non esset licitum, & honestum apostolus non consuleret.

Secunda conclusio est, quòd prædictum matrimonium inter fidelem, & infidelem potest contrahi quantum est ex iure diuino, quia ex isto non magis inuenitur, quòd contractus sit nullus, quàm quòd obligatio ex contractu priori sit nulla, quia non posito nouo impedimento qui potest esse alterius potest se dare alteri, sed ex cōtractu priori poterat inter eos esse vera obligatio, ergo, &c.

Tertia conclusio est, quòd de iure positiuo ecclesiæ inter fidelem, & infidelem non est contrahendum, matrimonium, quia ecclesia illegitimauit fidelem ad contrahendum cum infideli, vt patet 28. q. j. sic. n. dicitur ibidem, quòd non nisi religionis eiusdem, & fidei maneant copulata coniugia. Item ibidem c. caue, vt non nisi bap-

tazata sumatur in coniugium, quia Baptismus est primū sacramentum. Ad hoc etiam valent aliquæ rationes adductæ ad primum articulum propter bonum matrimonij, quæ sunt fides, proles, & sacramentum.

Ad argumentum in contrarium dico. quòd in omnibus illis exemplis de Ioseph non erat adhuc prohibitum contrahere fidelem cum infideli.

Vtrum cognatio carnalis impediat
matrimonium?

Seraphicus Bona. 4. sent. dist. 41. q. 3. Artic. 1.

Scotus 4. sent. dist. 40. q. 1.

D. Thomas 4. semen. dist. 41. q. unica. Artic. 3.

Ricardus quarto sententiarum distinctio 41. q. 1.

Franciscus de Mayronis 4. sent. dist. 41. q. 1.

Durandus quarto senten. dist. 41. q. 1

Ioannes Baconitanus 4. sententiarum dist. 39. q. 1.

QVAESTIO II.

AD secundam quæstionem sic proceditur. Videtur, quòd cognatio carnalis non impediat matrimonium, quia matrimonium strictissime seruabatur, vel seruandum erat in lege naturæ, sed Caym contraxit cum sorore sua, ergo.

In oppositum est Magister in litera, & patet extra de consangu. & affi. c. non debet.

In ista quæstione primo præmittuntur aliquæ descriptiones. Secundo aliquæ regulæ seu propositiones. Tercio aliquæ conclusiones.

Quantum ad primum pono quinque descriptiones.

Quarum prima est ista, quòd consanguinitas est vinculum personarum ab eadem persona carnali propagatione descendunt.

Secunda est ista persona à qua plures carnali propagatione descendunt vocatur stipes.

Tertia est ista, linea consanguinitatis est ordinata collectio personarum consanguinitate iunctarum.

Quarta est ista, linea diuiditur in ascendentem, & descendentem, & transuersalem. Descendens est à persona propagante ad personas propagatas. Ascendens vero e conuerso à propagatis ad propagantes. Transuersalis est quando ambæ personæ descendunt ab eodem, sed neutra ab altera.

Quinta est ista, gradus est determinata propinquitās personæ ad personam secundum consanguinitatem, & iste gradus inuenitur per prius in linea ascendente, & descendente, quam in linea transuersali.

Quantum ad secundum articulum pono tres regulas seu propositiones.

Quarum prima est ista. In linea recta tot sunt gradus, quot sunt personæ, vna minus, hoc probatur, quia *vide istas tres regulas.* tot sunt ibi gradus, quot sunt ibi propagationes, sed sunt ibi tot propagationes, quot personæ excepta vna, oportet enim ponere vnā quæ non sit propagata, ergo.

Secunda regula est ista. In linea transuersali computantur gradus secundum magis remotum à stipite, ut patet extra de consanguinitate. & affi. qui à stipite, & ratio est, quia personæ, quæ sunt in linea non habent inter se propinquitatem nisi propter stipitem, & ideo non possunt propinquius sibi coniungi quam remotior eorum coniungatur stipiti.

Tertia regula est, quodd efficacior est gradus in linea descendente, quam transuersali. Ratio est, quia plus coniungitur proles parenti, quam proles proli, & ideo magis est contra legem naturæ, in primo gradu coniungi, in linea recta, quam in linea transuersali.

De tertio articulo dico tres conclusiones. Prima conclusio est ista. Consanguinitas impedit matrimonium in aliquo gradu propter dictamen legis naturæ. Secunda conclusio est, quodd consanguinitas impedit matrimonium in aliquo gradu propter prohibitionem legis diuinæ. Tertia est ista, quodd consanguinitas impedit matrimonium in aliquo gradu propter statutum ecclesiæ.

Prima conclusio, scilicet, quodd consanguinitas impedit matrimonium, in aliquo gradu propter dictamen

legis naturæ, quia vinculum consanguinitatis, quod est stipitis ad prolem impedit matrimoniū ex dictamine legis naturæ. Vnde naturale est apud omnes, quod filius non coniungitur matri, & quod filia non coniungitur patri, & hoc est propter generationis successionem, quæ debet procedere non retroducere, vnde proles genita non debet coniungi suo principio vt gignat.

Cap. 18.

Secunda conclusio, scilicet, quod consanguinitas impedit matrimonium in aliquo gradu ex lege diuina, vt patet Leui. vbi sit prohibitio vsque ad secundum gradū, & ratio huius fuit propter honestatem, qui enim mulierem cognoscit discooperit ignominiā eius, hoc autem magis est inhonestum facere propinque quam non propinque.

Tertia conclusio, scilicet, quod consanguinitas impedit matrimonium in aliquo gradu ex lege ecclesiæ, patet extra de consanguini. & aff. in multis capitulis. Sed dicet vsque ad quem gradum consanguinitatis prohibuit ecclesia contractum matrimoniij: Dico, quod istud fuit aliquando prohibitum vsque ad septimum gradum, vt patet per Magistrum in litera, sed sub Innocentio tertio, restricta est vsque ad quartum gradum inclusiue, vt patet extra de consanguinitate c. non debet.

Ad argumentum in contrarium dico, quod illud fuit necessarium pro principio generis humani, quod contractus fieret in gradu primo, tamen in linea transuersali non recta.

Vtrum affinitas impediat matrimonium?

Seraphicus Bona. 4. sent. dist. 40. q. 2. Art. 1.

Scotus 4. senten. distin. 41. q. 1.

B. Thomas 4. sent. dist. 40. q. unica. Artic. 2.

Ricardus 4. senten. dist. 40. q. 2.

Franciscus de Mayronis 4. sententiarum dist. 40. q. 1.

Durandus 4. sent. dist. 40. q. 1.

QVÆSTIO III.

AD tertiam quæstionem sic proceditur. Videtur, quod affinitas non impediat matrimonium, quia effectus non repugnat suæ causæ, sed affinitas est effectus matrimonii, ergo non repugnat matrimonio.

In oppositū est illud 35. q. 3. c. propinquus, vbi dicitur, quod affinitas impedit matrimonium.

In ista quæstione. Primo pono quatuor propositiones. Secundo breuiter dico, quod affinitas simpliciter impedit matrimonium.

Quantum ad primum est prima propositio ista, quod affinitas est vinculum quoddam personæ ad personam ex copula carnali cum aliqua persona consanguinea contractum. Affinitas enim est quasi accessus ad fines, ideo omnes consanguinei mariti sunt affines vxoris, & e converso, consanguinei vxoris sunt affines mariti.

Secunda propositio est, quod affinitas durat quocunque coniugum mortuo, vt patet extra 35. q. vlt. fraternitatis, circa medium.

Tertia propositio est, quod ita potest diuidi affinitas *Que sit affinitas.* sicut consanguinitas est distincta in quæstione præcedenti, quia ita descendit per lineam rectam, & transuersalem per tot gradus, vt sit talis regula. Quoto gradu aliquis distat ab alio in consanguinitate toto gradu distat in affinitate.

Quarta propositio est, quod affinitas non solum contrahitur per matrimonium, immo per coitum fornicarium, vt patet extra de probationibus per tuas.

Secundo breuiter dico ad quæstionem, quod affinitas simpliciter impedit matrimonium, & ideo non est nisi statutum ecclesiæ illegitimantis affines, & in eodem gradu impedit matrimonium in quo consanguinitas, & hoc quidem de affinitate proprie dicta patet titulo illo de consanguinitate, & affin. c. non debet consimiliter de affinitate extensiuæ, & communiter dicta quæ vocatur publicæ honestatis iustitia, extra de consanguinitate, & affin. c. j.

Ad argumentum contrarium dico, quod affinitas est effectus matrimonii cuiusdam præcedentis, & illud non impedit aliud scilicet inter illos inter quos per matri-

DISTINCTIO XLIII.

Circa distinctionem quadragesimam
terciam quaeritur,

Vtrum resurrectio generalis hominum
sit futura?

Seraphicus Bonaventura quarto sententiarum distinct.

43. quest. 1. Art. 1.

Scotus 4 sent. dist. 43. q. 1.

D. Thomas 4 sententiarum distinctio. 43. quest. 1. Art. 1.

Franciscus de Mayronis quarto sentent. distinct. 43.

quest. 1.

QVAESTIO I.

POSTremo de conditione resurrectionis.
Completo tractatu sacramentorum, accedit
Magister ad tractatum de resurrectione, &
praemiatione sanctorum, atque punitione
malorum.

Circa istam dist. 43. quaero tres quaestiones. Primo.
Vtrum resurrectio generalis hominum sit futura? Se-
cundo. Vtrum possit esse notum per rationem natura-
lem resurrectione generalem hominum esse futuram?
Tertio. Vtrum corruptum possit redire idem numero
per naturam?

Cap. 14.

Ad primam quaestionem sic proceditur Videtur, quod
resurrectio hominum non sit futura, per illud Iob. Ho-
mo cum dormierit non resurget donec atteratur coelum,
sed coelum nunquam atteritur cum sit incorruptibile,
ergo.

Cap. 15.

In oppositum est illud Apostoli j. ad Cor. Omnes
istū oculi resurgemus, ergo.

In ista quaestione sunt duo videnda. Primo, si possi-
bile est hominem resurgere. Secundo si de facto re-
surret.

Quantum ad primum tenetur communiter à Theologis, quod sic, sed probatur diuersimode à diuersis. Vnus probat sic. Cuius esse quidditatum non est interruptum, nec deperditum, illud potest redire idem numero, sed esse quidditatum hominis non est interruptum, nec perditum, ergo potest idem redire numero, & per consequens resurgere. Maior patet in contrario sensu. Nam illud cuius esse est, simpliciter corruptum, vel destructum non potest redire idem numero sicut anima sensitua, quæ corrumpitur in bruto. Minor declaratur, quia esse animæ intellectiue est idem quod esse totius, sed anima intellectiua non corrumpitur materia, etiam manet eadem, & sic in illo pertinente ad substantiam hominis facta est interruptio.

Contra istam viam arguo primo per Augustinum loquente de carne hominis redeunda in resurrectionem, ait sic. Absit vt ad resuscitanda corpora non possit omnipotentia creatoris omnia reuocare, vel quæ bestia, vel ignis consumpsit, vel in cinerem puluerinum collapsum est. Et sequitur infra. Et si inquit omnibus modis petisset, nec, vel vlla eius materia in nullis naturæ lateribus mansisset, vnde vellet eum repararet omnipotens.

22. de ciui.
Dei c. 2.

Præterea per rationem, si destructum esset annihilatum tunc nihil sequens esset eiusdem rationis cum nihilo, quod erat terminus à quo creationis. Sed nihil præcedens creationem non repugnabat quin illud cui opponitur poterat creari, ergo, & post annihilationem potest idem numero redire, seu recreari.

Præterea, planum est, quod ex parte causæ remanet eadem potestas ex parte etiam passibilis est eadem potentia obedientialis post annihilationem, quæ erat ante creationem, ergo sicut primo poterat creari ita, & tunc per eandem virtutem poterit reformari.

Vide omnia
in Scoto.

Præterea, in homine aliqua est entitas positiua alia à patribus, sed ista est interrupta in morte hominis, ergo ista non redibit in resurrectione si verum est fundamentum. Minor est euidentis. Probatio maioris, quia aliquid causatum à causis intrinsecis est aliud ab eis, ergo. Sed nulla causa materialis, nec forma-

lis est causata à causis intrinsecis, nec ambo simul, ergo est alia entitas à causis diuissim acceptis.

Præterea si illud fundamentum de interruptione, vel destructione esset verum, scilicet, quòd interruptum non posset redire idem numero, tunc sequerentur multa inconuenientia. Primo quidem sequeretur, quod Deus non posset vnum hominem mortuum eundem numero suscitare. Secundo, quod in homine non rediret eadem quantitas quam primo habuit. Tertio, quod non redirent generaliter omnia accidentia, quæ fuerunt in homine, & sic homo resuscitatus non haberet eandem propriam passionem numero quam prius habuit. Probatio huius, quia omnia ista sunt interrupta.

Præterea sequeretur, quòd in homine non esset idem intellectus nec eadem voluntas sicut prius erant. Probatio huius, quia intellectus, & voluntas secundum istum Doctorem sunt accidentia animæ, accidentia autem sunt interrupta.

*Et 2. sent.
dist. 17.*

Præterea, ista ratio præsupponit aliam radicem falsam, scilicet, quod in homine non sit alia forma præter animam intellectiuam, quod est falsum, vt patuit supra tractat. de eucharistia.

Alia opinio declarat possibilitatem resurrectionis sic. Nam natura non agit nisi per modum, & mutationem, ideo non potest redire idem numero, quia motus, & mutatio non possunt redire idem numero. Deus autem potest agere non per motum, & mutationem, & ideo per oppositum idem numero potest redire. Item idem doctor dicit alibi sic, quòd alio modo agens naturale aspicit materiam quam agens primum, quia agens primum aspicit materiam, vt quid, idest nullo modo distinctum, agens autem naturale non aspicit eam vt quid, quia aspicit eam distinctam, & quantam. Tunc arguo sic. Agens quod respicit materiam, vt quid potest sibi eandem formam imprimere, vt prius, sed Deus aspicit materiam, vt quid, ergo potest sibi eandem formam imprimere, hoc autem est resurgere.

Contra primum dictum arguo sic. Vbi est transitus de priuatione ad habitum, & formam, ibi est vera mutatio, quia verissime saluatur ratio diffinitiva mutationis,

nis, sed resurrectio est transitus de priuatione ad formā, ergo resurrectio est vera mutatio.

Contra secundum dictum visum fuit, scilicet si agens naturale potest attingere essentiam materiæ nudam.

2. Lib. sent.

Alia opinio quam teneo declarat possibilitatem resurrectionis sic. Si non esset possibilis resurrectio, vel hoc esset ex parte agentis, vel ex parte effectus, sed hoc non, quia nihil præcedens creationem, & nihil sequens annihilationem sunt eiusdem rationis, sed Deus potest aliquid de nihilo creare, ergo potest aliquid dudum corruptum, & in nihilum redactum post modum reparare, corruptum autem reparare est resurgere, ergo.

dist. 12.

Opinio Sacra

De secundo articulo, scilicet si de facto erit resurrectio hominum generalis. Dico, quod sic. Cuius conclusionis veritas manifesta est ex fide, hanc enim veritatem tanquam articulum fidei exprimit tam symbolū Apostolorum, scilicet Carnis resurrectionem, quam symbolum Niceni. Expecto resurrectionem mortuorum, quam symbolum Athanasij qui dicit, quod omnes homines resurgere habent cum corporibus suis. Et illud valde expresse habetur in multis locis sacre scripturæ, ut pote in Iob, qui dicit. Et in carne mea videbo Deum Salvatorem meum. Et etiam in prima epistola ad Corinth. vbi dicitur, quod in ictu oculi omnes resurgemus. Et Matth. & in pluribus alijs locis.

Cap. 19.

Cap. 15.

Cap. 25.

Ad argumentum in contrarium dico, quod cælum nunquam atteretur quantum ad substantiam, tamen atteretur quantum ad efficientiam in ista inferiora generando, & corrumpendo, quia post iudicium cessabit ista influentia.

Vtrum possit esse notum per rationem
naturalem resurrectionem genera-
lem hominum esse futuram?

Scotus 4. sent. dist. 43. q. 2.

Petrus de Aquila. 4. sent. dist. 43. q. 2.

AD secundam quaestionem sic proceditur. Videtur, quod per rationem naturalem possit esse notum resurrectionem generalem hominum esse futuram, quia naturale desiderium

In probem. non potest esse frustra secundum Comment. 2. meth. Sed homo naturale desiderium habet ad semper esse, & ad illud desiderium potest esse notum per rationem naturalem ergo, &c.

Contra, articulus fidei non est notus per rationem naturalem, sed resurrectio hominum est articulus fidei, igitur.

Vide D. Thomam I par. q. 75. Art. 6. In ista quaestione possunt esse tres articuli secundum tres opiniones. Vna dicit resurrectionem generalem hominum esse futuram, non tamen per rationem naturalem a priori. Altera dicit, quod est notum a posteriori. Tercio, quod nec est notum a priori, nec a posteriori, sed solum fide tenetur.

Prima opinio nititur resurrectionem probare a priori & arguit sic. Anima intellectiva est forma specifica hominis. Sed anima intellectiva est incorruptibilis, ergo forma specifica hominis est incorruptibilis. Sed forma specifica hominis incorruptibilis non remanebit perpetuo extra corpus, ergo aliquando redibit ad corpus, sed ista iterata reditio vocatur resurrectio, ergo resurrectionem generalem hominum esse futuram est notum per rationem naturalem a priori.

Secundo dicitur ista opinio, quod quaelibet istarum trium propositionum principalium sit naturaliter nota. Prima sic. Operatio propria hominis est a forma specifica hominis sed propria operatio hominis est intelligere, ergo est a forma specifica hominis, sed illud est ab anima intellectiva, ergo anima intellectiva est forma specifica hominis.

Secunda propositio, scilicet, quod anima intellectiva est incorruptibilis, naturaliter probatur sic. Quod corrumpitur aut corrumpitur per contrarium aut per defectum alicuius necessario requisiti ad eius esse. Sed anima intellectiva non habet contrarium, necesse corporis est simpliciter necessarium ad eius esse, quia habet esse proprium, ergo, &c.

Præterea simplex non potest separari a seipso, sed anima est simplex, ergo non potest separari a seipsa, & per consequens quod anima intellectuua sit incorruptibilis est naturaliter notum.

Tertia propositio, scilicet, quod forma specifica, scilicet, anima non erit perpetuo separata. Probatur sic. Pars extra totum est imperfecta, sed forma tam nobilis, sicut est anima intellectuua non remanebit perpetuo imperfecta, ergo nec tota separata.

2. cali. con-
tex. 18.

Præterea nullum violentum perpetuum, sed separatio animæ a corpore est violenta, quia contra inclinationem naturalem animæ, ergo istam formam specificam non esse perpetuo separatam, potest esse naturaliter notum.

Sed contra istam opinionem tanquam nihil probantem arguitur sic. Quia nulla istarum propositionum naturaliter demonstrata ad minus, secunda, & tertia. Prima etiam fuit a magnis philosophis negata, sicut patet 2. de anima per Comm. qui expresse negat eam. Similiter secunda non est naturaliter demonstrata, scilicet quod, anima sit incorruptibilis cum principalis sit apud philosophum omne illud definit aliquo cæli, & mundi, quod habet principium sui esse. Nec rationes istæ conuincunt, ut dictum fuit, in 2. lib.

De tertia propositione videtur, quod non sit naturaliter demonstrata. Quia si philosophus, potuisset animam immortalem, magis potuisset eam perpetuo manere sine corpore, quam in corpore. Quia omne compositum ex contrariis est corruptibile, nec rationes adductæ probant istam propositionem. Nam cum dicitur pars exemplo totum est imperfecta, dico quod verum est de parte quæ recipit aliquam perfectionem in toto. Anima autem non recipit, immo magis communicat perfectionem suam corpori. Et tunc posset ratio trahi ad oppositum, quia non repugnat alicui æque perfecte in se manere licet alteri non communicet perfectionem suam. Sed anima manet æque perfecte in esse, siue proprio, siue coniuncta, siue separata.

Inclinatio

Ad aliud dico, quod inclinatio naturalis est duplex. naturalis est
Vna ad actum primum, & est imperfecti ad perfectum, duplex:

& concomitatur potentiam essentialem. Alia est ad actum secundum, & est perfecti ad perfectionem communicandā, & communicatur potentiam accidentale. Et primo verum est, quod oppositum eius est violentum, & non perpetuum, quia ponit imperfectionem perpetuam, quod philosophus habuit pro inconuenienti. Sed secunda inclinatio si perpetuo suspendatur nullum violentum proprie dicitur, quia nec imperfectio. Nunc autem inclinatio animæ ad corpus tantum est secundo modo, vel potest dici secundum Auicē, quod appetitus animæ satiatus est per hoc, quod semel perficit corpus, quia ista coniunctio est ad hoc vt anima mediante corpore acquirat suas perfectiones per sensus quas sine corpore non potest acquirere, semel autem coniuncta corpori acquisiuerit quantum ipsa petit.

Alia opinio dicit resurrectionem esse futuram posse demonstrari à posteriori. Et arguit sic. Naturaliter notū est, quod beatitudo naturaliter appetitur, hoc patet ex j. ethic. de beatitudine generali, & 10. de beatitudine in speciali. Sed notum est per rationem beatitudinem non posse esse nisi æternam, ergo notum est per rationem naturalem totum hominem ordinari ad aliquam perfectionem sempiternam. Probatio minoris per August. vbi probat eam sic. Si morientem vita beata deserit, aut ergo volentem deserit aut nolentem, aut neutrum. Si nolentem quomodo est beata vita quæ ita est in voluntate, vt non sit in potestate. Si autem volentem quomodo vita beata erit, quam finire voluit qui haberet. Si dicas neutrum, ergo nec ista vita beata est, quæ talis est vt quem beatum facit amore eius indigna sit. Sed nec ista ratio concludit. Concedo enim, quod verum est beatitudinem nō solum in vniuersali, sed etiam in particulari appeti naturaliter ab homine. Sed non est notum rationali naturali, quod ipsa in particulari, quæ scilicet consistit in isto, in quo nos eam credimus consistere appetatur naturaliter ab homine, aut enimporteret esse notum per rationem naturalem, quod iste actus esset nobis conueniens tanquam finis vt dictum est in 2. q. primi libri.

13. de Trin.
Cap 8.

Opinio Scoti.

Potest ergo teneri tertia opinio, quod nec à priori,

puta per rationem principij intrinseci in homine, nec à posteriori, puta per rationem alicuius operationis, vel perfectionis congruentis homini potest probari resurrectionem esse necessario futuram, ergo hoc tanquam omnino certum non tenetur nisi per fidem.

Ad argumentum in contrarium dico, quod aut queritur præcise desiderio naturali proprie dicto, & illud non est aliquis actus elicited, sed sola inclinatio naturæ ad aliquid, & tunc planum est, quod non potest probari desiderium naturale ad aliquid nisi primo probetur possibilitas in natura ad illud, & per consequens econverso arguendo est petitio principij, aut queritur de desiderio naturali minus proprie dicto, quod, scilicet est actus elicited, & tunc iterum non potest probari quod aliquod desiderium elicited sit naturale isto modo nisi prius probetur, quod ad idem sit desiderium naturale primo modo.

Vtrum corruptum possit idem numero
redire per naturam?

Secus 4. sent. dist. 43. q. 3.

Petrus de Aquila 4. sent. dist. 43. q. 3.

QVÆSTIO .III.



D tertiam quæstionem sic proceditur. Videtur quod corruptum possit idem numero redire per naturam. Quia omni potentia passivæ naturali responderet potentia activa naturalis, alioquin esset frustra, sed in corrupto est potentia passiva naturalis ad identitatem numeralem, quia corruptum est in eadem potentia in qua erat antequam generaretur, ideo corruptum potest redire idem numero per naturam.

*Vide Varronē
q. præsentī.*

Contra est philosophus dicit. Quorum substantia perit non reuertuntur eadem numero.

*2. de Gene.
cont. vlt.*

In ista quæstione sunt tres articuli secundum tres opiniones. Vna opinio dicit vt recitat Aug. 13. de ciuit. Dei. c. 13. quod post circuitum magni anni, id est post

circuitum magni anni, idest post circuitum triginta sex milium annorum omnia redibunt eadem numero. Quorum ratio est quia redeunte causa eadem redibunt, & effectus idem. Sed omnia corpora celestia redibunt ad eundem situm post circuitum illius magni anni, ergo omnia redibunt eadem numero. Minor probatur supponendo illud Ptholomei in Almogesti, quod coelum stellatum moueatur in centum annis vno gradu contra motum diurnum, tunc sequitur quod complebitur iste motus eius ab oriente in occidentem in 36. milibus annorum. Sed istam opinionem improbat beatus Aug. ibidem auctoritate Apostoli ad Romanos. Christus resurgens ex mortuis, &c. Item per illud. j. ad Thessal. Semper cum domino erimus. Item per rationem quia secundum circulum istum nulla esset vera beatitudo pro eo, quod anima beatam reditura esset, ad miseras quas præhabuit.

Cap. 6.

Cap. 4.

Go. fr. quo

166

Ar. idius

Theorema-

te. 1.

8. met. con-

tex. 11. & 12.

Ricar pre-

sent. list. 9.

1. Ars 3.

Alia opinio dicit, quod licet non possint omnia corrupta redire eadem numero per naturam tamen aliqua possunt redire. Quod probatur per illud philosophi. Si agens est idem, & materia eadem, effectus erit idem, unde non assignat diuersitatem effectus possibilem nisi propter diuersitatem efficientis, vel materie. Sed possibile est idem esse efficiens, & eandem materiam, respectu secundi effectus producti quæ erat respectu primi producti, ergo aliqua possunt redire eadem numero. Minor probatur, quia includatur ignis intra vas vitreum & ibi corrumpatur in aerem, deinde ex isto aere generetur ignis per radios solares, tunc materia inclusa erit eadem.

Tertia opinio simpliciter negat, quod aliquod corruptum possit redire idem numero per naturam, quia ad idempritate numeralem requiritur eadem materia, & eadem forma. 12. meth. Et etiam, quia materia est principium essenziale totius, sed in generato, & corrupto materia diuiditur, & aliquid eius deperditur, igitur nullo corruptum potest redire idem numero. Nec ratio præcedentis opinionis concludit. Conceditur enim, quod si agens aliud à materia est alia, & effectus erit alius. Sed non sequitur ex opposito antecedenti, videlicet si

12. Met. con-

tex. 27. &

circiter.

agens idem est materia eadem, igitur effectus erit idem, unde in fine concludendo dicit philosophus. Si contingit idem ex materia alia facere palam, quia principium quod est ut mouens idem, nam si materia altera est, & mouens, & quod factum est simplex erit aliud.

Pro ista tertia opinione arguitur sic. Agens naturale non potest agere nisi per motum, vel mutationem. Sed motus, vel mutatio non potest redire idem, igitur nullum corruptum potest redire idem numero. Probatio minoris, quia unitas motus est continuitas. Interruptio autem, vel iteratio repugnat continuitati, ergo.

Præterea sicut se habet productum ad productum, ita productio ad productionem, ergo permutatū sicut productum ad productionem, sic hoc productum ad hanc productionem, sed non potest esse productum sine productione ergo nec hoc productū sine hac productione. Sed hæc productio non potest redire eadem, ergo nec corruptum potest redire idem numero, &c.

Præterea, non posset redire idem nisi esset ad ipsum eadem potentia, sed ad hoc corruptum non potest esse eadem potentia, ergo. Probatio minoris, quia aut eadem potentia semper manet aut est de nouo reducta. Non primo modo, quia potentia corrumpitur in aduētū formæ. Nec etiam secundo modo, quia formæ succedit alia priuatio quam quæ præcessit eam, & ita forma resoluitur in aliam potentiam. Ait enim philosophus. A priuatione ad habitum impossibilis est regressio.

Istam opinionem tenendo patet ad argumentum secundæ opinionis, ex dictis.

Ad argumentum autem primæ opinionis dico, quod motus cæli est incommensurabilis moribus istorum inferiorum, & ideo quamuis cælum redeat in eadem dispositione nunquam tamen motus redibunt. Si autem introducitur pro opinione ista illud Ecclesiastes. Nihil sub sole nouum, &c Respondet Aug. ubi supra, hoc quidem intelligendum est, quod omnia fuerunt, & sunt in diuina præsentia, sed non in reali existentia, igitur.

Ad argumentum principale patuit. Concedo enim, quod potentiæ passiue naturali correspondet aliqua potentia actiua in tota coordinatione entium, & hæc est Deus.

Lib 1. q. 2.

DISTINCTIO XLIIII.

Circa distinctionem quadragesimam
quartam quaeritur,

Vtrum resurrectio fiat in instanti?

Seraphicus Bona. 4. sentent. distinctio. 43. q. 1. Artic. 1.

Scotus 4. sententiarum distinctio. 43. q. 5.

D. Thomas quarto sententiarum distinctio. 43.

quest. 3. Art. 1.

Ricardus 4. sentent. distinctio 43. q. 2. Art. 3.

Durandus 4. sent. dist. 43. q. 3.

QVAESTIO I.



Oleant autem nonnulli. Circa istam distin.
44. quero tres quaestiones. Primo. Vtrum re-
surrectio fiat in instanti? Secundo. Vtrum
ignis infernalis cruciet malignos spiritus?
Tertio. Vtrum homines damnati post iudi-
cium cruciabuntur isto igne infernali?

Cap. 4.

Ad primam quaestionem sic proceditur. Videtur, quod
resurrectio non fiat in instanti, quia j. ad Thessal. Mor-
tui, qui in Christo sunt resurgent primi, deinde nos qui
vivimus, &c.

Cap. 15.

Contra j. ad Corinth. dicitur. In momento in ictu
oculi in nouissima, &c. igitur resurrectio fiet in instanti.

In ista quaestione sunt tria videnda. Primo si informa-
tio corporis humani fiat in instanti. Secundo si inductio
formae corporeae seu mixti fiat in instanti. Tertio si unio
animae intellectiuae fiat in instanti.

*6. Phy. cont.
29. Et circi-
ter.*

De primo dico quod non, quia angelus non potest
mouere corpus de loco ad locum in instanti. Sed collectio
partium corporis humani in resurrectione fit ministe-
rio angelorum, ergo non fit in instanti. Maior patet, quia
motus non fit in instanti, 6. phys. Minor patet Matt. Mittet
filius hominis angelos suos cum tuba, & voce magna, &
congregabunt electos eius in quatuor ventis à summis

eorum vsque ad terminos eorum.

De secundo articulo dico, quod ista informatio erit in instanti. Cuius ratio est, quia fiet immediate virtute diuina. Virtus autem diuina infinita est, sed virtus infinita operatur in instanti, igitur ista informatio erit in instanti.

Notandum tamen quod uon dico istam informationem necessario fieri in instanti, quia licet ista virtus sit infinita, potest tamen successiue agere sicut virtus creata, & successiue inducere formam sicut suæ fuerit placitum voluntati. Tamen magis congruit, quod ista virtus formam in instanti inducat.

De tertio articulo dico, quod unio animæ intellectiue ad corpus erit in instanti. Tum, propter rationē prædictā, scilicet quia est à solo Deo immediate cuius virtuti actiue nihil resistit. Tum, quia non potest esse successio in receptione formæ, nisi, vel propter partes formæ inducendæ, vel propter partes corporis quarum una prius recipit formam quam alia. Sed neutrum potest poni in ista vnione animæ. Igitur unio animæ intellectiue erit in instanti.

Ad argumentum in contrarium concedo, quod non erit idem instans resurrectionis omnium, quia in instanti resurrectionis primo mortuorum adhuc aliqui viuunt vita mortali, & isti soluent mortem, & postea resurgent.

Vtrum ignis infernalis cruciet malignos spiritus?

Scotus 3. sententiarum distinctio 11. quæst. 2.

Petrus de Aquila 4. sent. dist. 44. q. 2.

QVÆSTIO II.

AD secundam quæstionem sic proceditur. Videtur, quod ignis infernalis non cruciet spiritus malignos, quia agens est præstantius patiente, sed corpus non est præstantius spiritui, igitur nullum corpus agit in spiritum. Sed ignis infernalis est

corporeus, igitur ignis infernalis non cruciet malignos spiritus.

Cap. 25.

22. de ciui.

Desc. 10.

*4. Dialogo-
rum.*

*9. met. c. 7.
ad finem.*

Contra Matth. dicitur. Ite maledicti in ignem æternum, &c. Veritas istius questionis claret ex dicto saluatoris iam allegato, & per Augustinum, vbi dicit. Cur non dicamus spiritus incorporeos posse pœna corporalis ignis affligi, &c. Et per beatum Gregorium dicentē. Si diabolus inquit eiusque angeli cū fiat incorporei corporeo sunt igne cruciandi, quid mirū si animę antequam recipiāt corporea possint corporea tormenta sentire. Sed difficultas est inuenire possibilitatem, quomodo spiritus potest pati ab igne corporeo. Et circa hoc sunt quatuor opiniones. Vna dicit, quod spiritus cruciatur igne in quantum apprehendit ignem sub rationem disconuenientis. Vnde Gregorius, quarto dialogorum dicit. Eo patitur quo videt, & quia cremari se respicit crematur. Adducit exemplum per Auicē. quod aliquis cruciatur magis in sono ex apprehensione fantastica aliquid disconuenientis, quam affligeretur quandoque in vigilia ex præsentiā eiusdem.

Contra quia secundum Gregorium vbi supra, anima non solum videndo, sed etiam experiendo incendium patitur.

Præterea, aut vera apprehensione apprehendit ignem, vt disconuenientem sibi aut falsā. Si vera oportet ponere modum istius disconuenientię quæ non apparet possibilis. Si falsā sequitur primo quia non ab igne, sed a sua æstimatione cruciatur. Secundo si ista falsa æstimatio est à Deo, Deus erit immediata causa deceptionis. Si autem ab angelo non videtur probabile, quia secundum Dionysium, de diuinis nominibus naturalia in eis sunt splendidiissima, ergo possunt naturaliter apprehendere, quod ignis non est eis disconueniens.

*Henricus
800. 6. 9. 3.*

Secunda opinio dicit quod spiritus potest pati ab igne corporeo per aliquem habitum supernaturalem propter demeritum peccati datum angelo seu spiritui.

Contra, aut ille habitus est corporalis aut spiritualis. Si corporalis ita potest Deus dare istū habitum angelo, vt inhaereat, sicut quod angelus sit albus. Si spiritualis, ergo

non magis per illum est passum approxinatum corporei vt agenti quam prius.

Præterea ista pœna reciperetur immediate in isto habitu tanquam in proximo receptiuo, imino nec mediate, vt ipsa natura angeli si repugnaret illi naturæ. Et si detur primum, sequitur quod ille habitus separatus ab angelo posset puniri eadem pœna. Si detur secundum, sequitur, quod nullo modo angelus punitur, sed tantum ille habitus.

Secunda opinio dicit, quod spiritus non patitur ab igne passione corporali. quæ est dolor, quia talis passio sequitur appetitum sensitiuum, qui non est in angelo, patitur autem pœna, quæ est tristitia in quantum apprehendit ignem sub ratione obiecti disconuenientis, & hoc dupliciter. Primo, vt detineas spiritum diffinitive. Secundo, vt immutans obiective.

Primus patet sic. Nullum corpus, vt locans est disconueniens locato, nisi quia aliud corpus sibi conueniens. Spiritus autem sicut cum nullo corpore habet naturalem conuenientiam, quia tunc illud esset naturale saluatorium eius, ita ad nullum corpus habet naturalem disconuenientiam propter quam ibi detineri sit naturæ suæ disconueniens.

Sed dices quomodo igitur patitur ab igne ex quo detinet eum diffinitorem.

Responsio. Si Michael alicui corpori esset ex præcepto coniunctus localiter diffinitive etiam perpetuo, & hoc apprehenderet nullo modo apprehenderet vt disconuenienti, & sic non tristaretur quia non apprehenderet sub ratione noliti, sicut apparet, à simili in aliquo incluso in domo, igitur. Secundo patitur ab isto igne immutante obiective. Vbi notandum quod intellectus angeli. Primo determinatur perpetuo ad intente considerandum ignem in ratione obiecti.

Secundo apprehendit istam determinationem ad talem considerationem.

Tertio odit, & istud odium oritur ex affectione comodi ex qua vult quodcunque obiectum prout sibi delectabile fuerit considerare nunc hoc, nunc illud.

Quarto sequitur apprehensio non tantum nuda i stius considerationis sicut in secundo, sed apprehensio

Nota bene.

certa de cœntu istius considerationis intensæ, & perpetuæ.

*Proprium
est materia
pati*

Quinto ex hoc sequitur tristitia. Quarta opinio est planior secundum illos qui ponunt materiam in spiritualibus. Nam proprium est materiæ pati etiam passione reali, sed in spiritualibus est materia, igitur possunt pati ab igne reali. Hoc autem habet euidentiā si ponatur quod materia sit eiusdem rationis in superioribus, & inferioribus, quod videtur probabile, quia distinctio fit per actum, sed materia secundum se sumpta nullū dicitur actum distinctum, igitur non distinguitur in superioribus, & inferioribus. Sed de hoc in secundo.

Dis. 12.

Ad argumentum in contrarium. si teneatur ista quarta via tunc satis patet. Sed tenendo tertiam viam potest dici, quod maior est vera de agente æquiuoco, & totali, seu principali, sed secundum istam viam ignis, non est agens principale in spiritum sine illa detentione.

Vtrum homines damnati post
iudicium non cruciabuntur
illo igne infernali?

Scorus quarto sententiarum distinctio. 44. q. 3.

Petrus de Aquila 4. sententiarum distinctio. 44. questio. 3.

QVÆSTIO III

Cap. 9.

AD tertiam quæstionem sic proceditur. Videtur, quod homines damnati post iudicium nō cruciabuntur illo igne infernali. Quia omnis passio facta magis obicit à subiecta. 6. Topi. ergo si continue cruciarentur ab isto igne magis ac magis perderetur eorū substantia, & per consequens tanto consumerentur, ergo.

Cap. 25.

Contra. Matth. dicit iudex hominibus iudicandis. Ite maledicti in ignem æternum qui paratus est diabolo & angelis eius, igitur damnati post iudicium cruciabuntur igne infernali.

In ista quæstione sunt principaliter tria videnda. Primo enim dico, quod ignis præsens corpori corru-

ptibili animato anima sensitiva potest habere in illud duplicem actionem, videlicet realem quæ est vniuoca, & intentionalem, quæ respectu illius est æquiuoca, quia species sensibilis non simpliciter est eiuidem speciei cum ipso obiecto.

Ad propositum ergo dico, quòd post iudicium corpus hominis tum sit per se corruptibile ignis præsens poterit in illud habere vnamque actionem, quia non repugnant, & est ibi tam susceptiuum, quam causa actiua vtriusque. Potest etiam tunc vna esse sine alia loquendo de obiecto potentiali, quia neutra dependet essentialiter ab altera, vnde, & modo sunt separabiles, si quod sit susceptiuum formæ realiter, & non intentionaliter. Sed tunc non poterit vna non inesse propter aliquod impedimentum, & hoc, vel quia Deus non coagit igni ad istam actionem. Vel quia aliud agens creatum impedit vnam actionem, & non aliam.

De secundo dico, quod sola intentionalis sufficit ad causandum dolorem, sola autem realis sine intentionali sufficeret ad hoc.

Secunda pars est manifesta; quia lignum quantumcūque calefit, tamen nō dolet. Sed prima pars probatur, quia excellens sensibile natum est inferre dolorem, & tamē inquantum excellens sensibile non immutat nisi impotentialiter. Licet enim aliqua immutatio realis concomiteretur, quæ dissoluit organum à media proportionem in qua consistit, tamen si sine illa actione esset obiectum disconueniens sensatum sequeretur dolor. Hoc etiam probatur, quia aliquando vbi est modica, vel nulla immutatio realis est magnus dolor, propter immutationem intentionalem, sicut si manus fuerit excessiue frigefacta, si statim approximetur igni est ibi vehemens dolor, est tamen modica, vel nulla actio realis.

Tertio dico, quòd probabilius videtur post iudicium ponere solam immutationem intentionalem, quia & si possit vtraque tunc poni ex primo articulo, tamen realis non faceret aliquem dolorem sine intentionali, nec etiam cum intentionali. Sed sola immutatio intensionalis faceret dolorem. Si ergo pluralitas non sit ponenda

lis est causata à causis intrinsecis, nec ambo simul, ergo est alia entitas à causis diuissim acceptis.

Præterea si illud fundamentum de interruptione, vel destructione esset verum, scilicet, quòd interruptum non posset redire idem numero, tunc sequerentur multa inconuenientia. Primo quidem sequeretur, quòd Deus non posset vnum hominem mortuum eundem numero suscitare. Secundo, quòd in homine non rediret eadem quantitas quam primo habuit. Tertio, quòd non redirent generaliter omnia accidentia, quæ fuerunt in homine, & sic homo resuscitatus non haberet eandem propriam passionem numero quam prius habuit. Probatio huius, quia omnia ista sunt interrupta.

Præterea sequeretur, quòd in homine non esset idem intellectus nec eadem voluntas sicut prius erant. Probatio huius, quia intellectus, & voluntas secundum istum Doctorem sunt accidentia animæ, accidentia autem sunt interrupta.

*Et 2. sent.
dist. 17.*

Præterea, ista ratio præsupponit aliam radicem falsam, scilicet, quòd in homine non sit alia forma præter animam intellectiuam, quòd est falsum, vt patuit supra tractat. de eucharistia.

Alia opinio declarat possibilitatem resurrectionis sic. Nam natura non agit nisi per modum, & mutationem, ideo non potest redire idem numero, quia motus, & mutatio non possunt redire idem numero. Deus autem potest agere non per motum, & mutationem, & ideo per oppositum idem numero potest redire. Item idem doctor dicit alibi sic, quòd alio modo agens naturale aspicit materiam quam agens primum, quia agens primum aspicit materiam, vt quid, idest nullo modo distinctum, agens autem naturale non aspicit eam vt quid, quia aspicit eam distinctam, & quantam. Tunc arguo sic. Agens quòd respicit materiam, vt quid potest sibi eandem formam imprimere, vt prius, sed Deus aspicit materiam, vt quid, ergo potest sibi eandem formam imprimere, hoc autem est resurgere.

Contra primum dictum arguo sic. Vbi est transitus de priuatione ad habitum, & formam, ibi est vera mutatio, quia verissime saluatur ratio diffinitiuæ mutationis,

nis, sed resurrectio est transitus de priuatione ad formā, ergo resurrectio est vera mutatio.

Contra secundum dictum visum fuit, scilicet si agens naturale potest attingere essentiam materiæ nudam.

2. Lib. sent.

dist. 12.

Opinio Sacra

Alia opinio quam teneo declarat possibilitatem resurrectionis sic. Si non esset possibilis resurrectio, vel hoc esset ex parte agentis, vel ex parte effectus, sed hoc non, quia nihil præcedens creationem, & nihil sequens annihilationem sunt eiusdem rationis, sed Deus potest aliquid de nihilo creare, ergo potest aliquid dudum corruptum, & in nihilum redactum post modum reparare, corruptum autem reparare est resurgere, ergo.

De secundo articulo, scilicet si de facto erit resurrectio hominum generalis. Dico, quod sic. Cuius conclusionis veritas manifesta est ex fide, hanc enim veritatem tanquam articulum fidei exprimit tam symbolū Apostolorum, scilicet Carnis resurrectionem, quam symbolum Niceni. Expecto resurrectionem mortuorum; quam symbolum Athanasij qui dicit, quod omnes homines resurgere habent cum corporibus suis. Et illud valde expresse habetur in multis locis sacre scripturæ, ut pote in Iob, qui dicit. Et in carne mea videbo Deum Salvatorem meum. Et etiam in prima epistola ad Corinth. vbi dicitur, quod in ictu oculi omnes resurgemus. Et Matth. & in pluribus alijs locis.

Cap. 19.

Cap. 15.

Cap. 25.

Ad argumentum in contrarium dico, quod cælum nunquam atteretur quantum ad substantiam, tamen atteretur quantum ad efficientiam in ista inferiora generando, & corrumpendo, quia post iudicium cessabit ista influentia.

Vtrum possit esse notum per rationem
naturalem resurrectionem genera-
lem hominum esse futuram?

Scotus 4. sent. dist. 43. q. 2.

Petrus de Aquila. 4. sent. dist. 43. q. 2.

Ad secundam quæstionem sic proceditur. Videtur, quod per rationem naturalem possit esse notum resurrectionem generalem hominum esse futuram, quia naturale desiderium non potest esse frustra secundum Comment. 2. meth. Sed homo naturale desiderium habet ad semper esse, & ad illud desiderium potest esse notum per rationem naturalem ergo, &c.

In probam.

Contra, articulus fidei non est notus per rationem naturalem, sed resurrectio hominum est articulus fidei, igitur.

In ista quæstione possunt esse tres articuli secundum tres opiniones. Vna dicit resurrectionem generalem hominum esse futuram, non tamen per rationem naturalem à priori. Alia dicit, quod est notum à posteriori. Tertio, quod nec est notum à priori, nec à posteriori, sed solum fide tenetur.

Vide D. Thomam 1 par. q. 75 Art. 6.

Prima opinio nititur resurrectionem probare à priori & arguit sic. Anima intellectiua est forma specifica hominis. Sed anima intellectiua est incorruptibilis, ergo forma specifica hominis est incorruptibilis. Sed forma specifica hominis incorruptibilis non remanebit perpetuo extra corpus, ergo aliquando redibit ad corpus, sed ista iterata reditio vocatur resurrectio, ergo resurrectionem generalem hominum esse futuram est notum per rationem naturalem à priori.

Secundo dicitur ista opinio, quod quælibet istarum trium propositionum principalium sit naturaliter nota. Prima sic. Operatio propria hominis est à forma specifica hominis sed propria operatio hominis est intelligere, ergo est à forma specifica hominis. sed illud est ab anima intellectiua, ergo anima intellectiua est forma specifica hominis.

Secunda propositio, scilicet, quod anima intellectiua est incorruptibilis, naturaliter probatur sic. Quod corrumpitur aut corrumpitur per contrarium aut per defectum alicuius necessario, requisiti ad eius esse. Sed anima intellectiua non habet contrarium, necesse corporis est simpliciter necessarium ad eius esse, quia habet esse proprium, ergo, &c.

Præterea simplex non potest separari a seipso, sed anima est simplex, ergo non potest separari a seipsa, & per consequens quod anima intellectiva sit incorruptibilis est naturaliter notum.

Tertia propositio, scilicet, quod forma specifica, scilicet, anima non erit perpetuo separata. Probatum sic. Pars extra totum est imperfecta, sed forma tam nobilis, sicut est anima intellectiva non remanebit perpetuo imperfecta, ergo nec tota separata.

2. celi con-
tex. 18.

Præterea nullum violentum perpetuum, sed separatio animæ a corpore est violenta, quia contra inclinationem naturalem animæ, ergo istam formam specificam non esse perpetuo separatam, potest esse naturaliter notum.

Sed contra istam opinionem tanquam nihil probantem arguitur sic. Quia nulla istarum propositionum naturaliter demonstrata ad minus, secunda, & tertia. Prima etiam fuit a magnis philosophis negata, sicut patet 2. de anima per Comm. qui expresse negat eam. Similiter secunda non est naturaliter demonstrata, scilicet quod, anima sit incorruptibilis cum principalis sit apud philosophum omne illud definit aliquo cæli, & mundi, quod habet principium sui esse. Nec rationes istæ conuincunt, ut dictum fuit, in 2. lib.

De tertia propositione videtur, quod non sit naturaliter demonstrata. Quia si philosophus, posuisset animam immortalem, magis posuisset eam perpetuo manere sine corpore, quam in corpore. Quia omne compositum ex contrariis est corruptibile, nec rationes adductæ probant istam propositionem. Nam cum dicitur pars exemplo totum est imperfecta, dico quod verum est de parte quæ recipit aliquam perfectionem in toto. Anima autem non recipit, immo magis communicat perfectionem suam corpori. Et tunc posset ratio trahi ad oppositum, quia non repugnat alicui æque perfecte in se manere licet alteri non communicet perfectionem suam. Sed anima manet æque perfecte in esse, siue proprio, siue coniuncta, siue separata.

Inclinatio
naturalis est
duplex.

Ad aliud dico, quod inclinatio naturalis est duplex. Una ad actum primum, & est imperfecti ad perfectum;

& concomitatur potentiam essentialem. Alia est ad actum secundum, & est perfecti ad perfectionem communicandā, & communicatur potentiam accidentale. Et primo verum est, quod oppositum eius est violentum, & non perpetuum, quia ponit imperfectionem perpetuam, quod philosophus habuit pro inconuenienti. Sed secunda inclinatio si perpetuo suspendatur nullum violentum proprie dicitur, quia nec imperfectio. Nunc autem inclinatio animæ ad corpus tantum est secundo modo, vel potest dici secundum Auicem, quod appetitus animæ satiatus est per hoc, quod semel perficit corpus, quia ista coniunctio est ad hoc vt anima mediante corpore acquirat suas perfectiones per sensus quas sine corpore non potest acquirere, semel autem coniuncta corpori acquisiuerit quantum ipsa petiit.

Alia opinio dicit resurrectionem esse futuram posse demonstrari à posteriori. Et arguit sic. Naturaliter notū est, quod beatitudo naturaliter appetitur, hoc patet ex j. ethic. de beatitudine generali, & 10. de beatitudine in speciali. Sed notum est per rationem beatitudinem non posse esse nisi æternam, ergo notum est per rationem naturalem totum hominem ordinari ad aliquam perfectionem sempiternam. Probatio minoris per August. vbi probat eam sic. Si morientem vita beata deserit, aut ergo volentem deserit aut nolentem, aut neutrum. Si nolentem quomodo est beata vita quæ ita est in voluntate, vt non sit in potestate. Si autem volentem quomodo vita beata erit, quam finire voluit qui habebat. Si dicas neutrum, ergo nec ista vita beata est, quæ talis est vt quem beatum facit amore eius indigna sit. Sed nec ista ratio concludit. Concedo enim, quod verum est beatitudinem nō solum in vniuersali, sed etiam in particulari appeti naturaliter ab homine. Sed non est notum rationali naturali, quod ipsa in particulari, quæ scilicet consistit in isto, in quo nos eam credimus consistere appetatur naturaliter ab homine, aut enim oporteret esse notum per rationem naturalem, quod iste actus esset nobis conueniens tanquam finis vt dictum est in 2. q. primi libri.

13. de Trin.
Cap 8.

Opinio Scoti.

Potest ergo teneri tertia opinio, quod nec à priori,

puta per rationem principij intrinsici in homine, nec à posteriori, puta per rationem alicuius operationis, vel perfectionis congruentis homini potest probari resurrectionem esse necessario futuram, ergo hoc tanquam omnino certum non tenetur nisi per fidem.

Ad argumentum in contrarium dico, quod aut quæritur præcise desiderio naturali proprie dicto, & illud non est aliquis actus elicited, sed sola inclinatio naturæ ad aliquid, & tunc planum est, quod non potest probari desiderium naturale ad aliquid nisi primo proberetur possibilitas in natura ad illud, & per consequens econverso arguendo est petitio principij, aut quæritur de desiderio naturali minus proprie dicto, quod, scilicet est actus elicited, & tunc iterum non potest probari quod aliquod desiderium elicited sit naturale isto modo nisi prius proberetur, quod ad idem sit desiderium naturale primo modo.

Vtrum corruptum possit idem numero
redire per naturam?

Secus 4. sent. dist. 43. q. 3.

Petrus de Aquila 4. sent. dist. 43. q. 3.

QVÆSTIO . III.



D tertiam quæstionem sic proceditur. Videtur quod corruptum possit idem numero redire per naturam. Quia omni potentia passiva naturali responder potentia activa naturalis, alioquin esset frustra, sed in corrupto est potentia passiva naturalis ad identitatem numeralem, quia corruptum est in eadem potentia in qua erat antequam generaretur, ideo corruptum potest redire idem numero per naturam.

*Vide Varronē
q. presenti.*

Contra est philosophus dicit. Quorum substantia perit non reuertuntur eadem numero.

*2. de Gene.
cont. 71.*

In ista quæstione sunt tres articuli secundum tres opiniones. Vna opinio dicit vt recitat Aug. 13. de ciuit. Dei. c. 13. quod post circuitum magni anni, id est post

agens idem est materia eadem, igitur effectus erit idem, unde in fine concludendo dicit philosophus. Si contingit idem ex materia alia facere palam, quia principium quod est ut mouens idem, nam si materia altera est, & mouens, & quod factum est simplex erit aliud.

Pro ista tertia opinione arguitur sic. Agens naturale non potest agere nisi per motum, vel mutationem. Sed motus, vel mutatio non potest redire idem, igitur nullum corruptum potest redire idem numero. Probatio minoris, quia unitas motus est continuitas. Interruptio autem, vel iteratio repugnat continuitati, ergo.

Præterea sicut se habet productum ad productum, ita productio ad productionem, ergo permutatū sicut productum ad productionem, sic hoc productum ad hanc productionem, sed non potest esse productum sine productione ergo nec hoc productū sine hac productione. Sed hæc productio non potest redire eadem, ergo nec corruptum potest redire idem numero, &c.

Præterea, non posset redire idem nisi esset ad ipsum eadem potentia, sed ad hoc corruptum non potest esse eadem potentia, ergo. Probatio minoris, quia aut eadem potentia semper manet aut est de nouo reducta. Non primo modo, quia potentia corrumpitur in aduētū formæ. Nec etiam secundo modo, quia formæ succedit alia priuatio quam quæ præcessit eam, & ita forma resoluitur in aliam potentiam. Ait enim philosophus. A priuatione ad habitum impossibilis est regressio.

Istam opinionem tenendo patet ad argumentum secundæ opinionis, ex dictis.

Ad argumentum autem primæ opinionis dico, quod motus cæli est incommensurabilis motibus istorum inferiorum, & ideo quamuis cælum redeat in eadem dispositione nunquam tamen motus redibunt. Si autem introducitur pro opinione ista illud Ecclesiastes. Nihil sub sole nouum, &c Respondet Aug. ubi supra, hoc quidem intelligendum est, quod omnia fuerunt, & sunt in diuina præsentia, sed non in reali existentia, igitur.

Ad argumentum principale patuit. Concedo enim, quod potentiæ passiuæ naturali correspondet aliqua potentia actiua in tota coordinatione entium, & hæc est Deus.

Lib 1. q. 2.

DISTINCTIO XLIII.

Circa distinctionem quadagesimam
quartam quæritur,

Vtrum resurrectio fiat in instanti?

Seraphicus Bona. 4. sentent. distinctio. 43. q. 1. Artic. 1.

Scotus 4. sententiarum distinctio. 43. q. 5.

D. Thomas quarto sententiarum distinctio. 43.

questi. 3. Art. 1.

Ricardus 4. sentent. distinctio 43. q. 2. Art. 3.

Durandus 4. sent. dist. 43. q. 3.

QVAESTIO I.



Oleant autem nonnulli. Circa istam distin.
44. quæro tres quæstiones. Primo. Vtrum re-
surrectio fiat in instanti? Secundo. Vtrum
ignis infernalis cruciet malignos spiritus?
Tertio. Vtrum homines damnati post iudi-
cium cruciabuntur isto igne infernali?

Cap. 4.

Ad primam quæstionem sic proceditur. Videtur, quod
resurrectio non fiat in instanti, quia j. ad Thessal. Mor-
tui, qui in Christo sunt resurgent primi, deinde nos qui
vivimus, &c.

Cap. 13.

Contra j. ad Corinth. dicitur. In momento in ictu
oculi in nouissima, &c. igitur resurrectio fiet in instanti.

In ista quæstione sunt tria videnda. Primo si informa-
tio corporis humani fiat in instanti. Secundo si inductio
formæ corporeæ seu mixti fiat in instanti. Tertio si unio
animæ intellectiue fiat in instanti.

*6. Phy. cont.
29. Et circi-
ter.*

De primo dico quod non, quia angelus non potest
mouere corpus de loco ad locum in instanti. Sed collectio
partium corporis humani in resurrectione fit ministe-
rio angelorum, ergo non fit in instanti. Maior patet, quia
motus non fit in instanti, 6. phys. Minor patet Matt. Mittet
filius hominis angelos suos cum tuba, & voce magna, &
congregabunt electos eius in quatuor ventis à summis

IN QVARTO LIBRO SENTENT. IOOE
exlorum vsque ad terminos eorum.

De secundo articulo dico, quod ista informatio erit in instanti. Cuius ratio est, quia fiet immediate virtute diuina. Virtus autem diuina infinita est, sed virtus infinita operatur in instanti, igitur ista informatio erit in instanti.

Notandum tamen quod uon dico istam informationem necessario fieri in instanti, quia licet ista virtus sit infinita, potest tamen successiue agere sicut virtus creata, & successiue inducere formam sicut suæ fuerit placitum voluntati. Tamen magis congruit, quod ista virtus formam in instanti inducat.

De tertio articulo dico, quod vnio animæ intellectiue ad corpus erit in instanti. Tum, propter rationē prædictā, scilicet quia est à solo Deo immediate cuius virtuti actiue nihil resistit. Tum, quia non potest esse successio in receptione formæ, nisi, vel propter partes formæ inducendæ, vel propter partes corporis quarum vna prius recipit formam quam alia. Sed neutrum potest poni in ista vnione animæ. Igitur vnio animæ intellectiue erit in instanti.

Ad argumentum in contrarium concedo, quod non erit idem instans resurrectionis omnium, quia in instanti resurrectionis primo mortuorum adhuc aliqui viuunt vita mortali, & isti soluent mortem, & postea resurgent.

Vtrum ignis infernalis cruciet malignos spiritus?

Scotus 3. sententiarum distinctio 11. quest. 2.

Petrus de Aquila 4. sent. dist. 44. q. 2.

QVÆSTIO II.

AD secundam quæstionem sic proceditur. Videtur, quod ignis infernalis non cruciet spiritus malignos, quia agens est præstantius patiente, sed corpus non est præstantius spiritui, igitur nullum corpus agit in spiritum. Sed ignis infernalis est

non magis per illum est passum approximatam corporis ut agenti quam prius.

Præterea, ista pœna reciperetur immediate in isto habitu tanquam in proximo receptiuo, immo nec mediate, ut ipsa natura angeli si repugnat illi naturæ. Et si detur primum, sequitur quod ille habitus separatus ab angelo posset puniri eadem pœna. Si detur secundum, sequitur, quod nullo modo angelus punitur, sed tantum ille habitus.

Secunda opinio dicit, quod spiritus non patitur ab igne passione corporali. quæ est dolor, quia talis passio sequitur appetitum sensitivum, qui non est in angelo, patitur autem pœna, quæ est tristitia in quantum apprehendit ignem sub ratione obiecti disconuenientis, & hoc dupliciter. Primo, ut detineas spiritum diffinitive. Secundo, ut imminuas obiective.

Primus patet sic. Nullum corpus, ut locans est disconueniens locato, nisi quia aliud corpus sibi conueniens. Spiritus autem sicut cum nullo corpore habet naturalem conuenientiam, quia tunc illud esset naturale saluatiuum eius, ita ad nullum corpus habet naturalem disconuenientiam propter quam ibi detineri sit naturæ suæ disconueniens.

Sed dices quomodo igitur patitur ab igne ex quo detinet eum diffinitorem.

Responsio. Si Michael alicui corpori esset ex præcepto coniunctus localiter diffinitive etiam perpetuo, & hoc apprehenderet nullo modo apprehenderet ut disconuenienti, & sic non tristaretur quia non apprehenderet sub ratione noliti, sicut apparet, à simili in aliquo incluso in domo, igitur. Secundo patitur ab isto igne immutante obiective. Vbi notandum quod intellectus angeli. Primo determinatur perpetuo ad intente considerandum ignem in ratione obiecti.

Nota bene.

Secundo apprehendit istam determinationem ad talem considerationem.

Tertio odit, & istud odium oritur ex affectione commodi ex qua vult quodcunque obiectum prout sibi delectabile fuerit considerare nunc hoc, nunc illud.

Quarto sequitur apprehensio non tantum nuda, sed etiam considerationis sicut in secundo, sed apprehensio

certa de euentu istius considerationis intenzæ, & perpetuæ.

*Proprium
est materia
pati*

Quinto ex hoc sequitur tristitia. Quarta opinio est planior secundum illos qui ponunt materiam in spiritualibus. Nam proprium est materiæ pati etiam passione reali, sed in spiritualibus est materia, igitur possunt pati ab igne reali. Hoc autem habet euidentiā si ponatur quod materia sit eiusdem rationis in superioribus, & inferioribus, quod videtur probabile, quia distinctio fit per actum, sed materia secundum se sumpta nullū dicit actum distinctum, igitur non distinguitur in superioribus, & inferioribus. Sed de hoc in secundo.

Dist. 12.

Ad argumentum in contrarium. si teneatur ista quarta via tunc satis patet. Sed tenendo tertiam viam potest dici, quod maior est vera de agente æquiuoco, & totali, seu principali, sed secundum istam viam ignis, non est agens principale in spiritum sine illa detentione.

Vtrum homines damnati post
iudicium non cruciabuntur
illo igne infernali

Sonus quarto sententiarum distinctio. 44. q. 3.

Petrus de Aquila 4. sententiarum distinctio. 44. questio 3.

QVÆSTIO III

Cap. 9.

AD tertiam quæstionem sic proceditur. Videtur, quod homines damnati post iudicium nō cruciabuntur illo igne infernali. Quia omnis passio facta magis obicit a subiecto. 6. Topi. ergo si continue cruciarentur ab isto igne magis ac magis deperderetur eorū substantia, & per consequens tanto consumerentur, ergo.

Cap. 25.

Contra. Matth. dicit iudex hominibus iudicandis. Ite maledicti in ignem æternum qui paratus est diabolo & angelis eius, igitur damnati post iudicium cruciabuntur igne infernali.

In ista quæstione sunt principaliter tria videnda.

Primo enim dico, quod ignis præsens corpori corru-

ptibili animato anima sensitiva potest habere in illud duplicem actionem, videlicet realem quæ est vniuoca, & intentionalem, quæ respectu illius est æquiuoca, quia species sensibilis non simpliciter est eiudem speciei cum ipso obiecto.

Ad propositum ergo dico, quod post iudicium corpus hominis cum sit per se corruptibile ignis præsens poterit in illud habere vnamque actionem, quia non repugnant, & est ibi tam susceptiuum, quam causa actiua vtriusque. Potest etiam tunc vna esse sine alia loquendo de obiecto potentiali, quia neutra dependet essentialiter ab altera, vnde, & modo sunt separabiles, si quod sit susceptiuum formæ realiter, & non intentionaliter. Sed tunc non poterit vna non inesse propter aliquod impedimentum, & hoc, vel quia Deus non coagit igni ad istam actionem. Vel quia aliud agens creatum impedit vnam actionem, & non aliam.

De secundo dico, quod sola intentionalis sufficit ad causandum dolorem, sola autem realis sine intentionali sufficeret ad hoc.

Secunda pars est manifesta; quia lignum quantumcūque calefit, tamen nō dolet. Sed prima pars probatur, quia excellens sensibile natum est inferre dolorem, & tamē inquantum excellens sensibile non immutat nisi impotentialiter. Licet enim aliqua immutatio realis concomiteretur, quæ dissoluit organum a media proportionē in qua consistit, tamen si sine illa actione esset obiectum disconueniens sensatum sequeretur dolor. Hoc etiam probatur, quia aliquando vbi est modica, vel nulla immutatio realis est magnus dolor, propter immutationem intentionalem, sicut si manus fuerit excessiue frigefacta, si statim approximetur igni est ibi vehemens dolor, est tamen modica, vel nulla actio realis.

Tertio dico, quod probabilius videtur post iudicium ponere solam immutationem intentionalem, quia & si possit vtraque tunc poni ex primo articulo, tamen realis non faceret aliquem dolorem sine intentionali, nec etiam cum intentionali. Sed sola immutatio intētionalis 1. *Thy. ex* faceret dolorem. Si ergo pluralitas non sit ponenda 1005.

sine necessitate, sufficit ponere solam intentionalem.

Præterea congruum est circa damnatos ponere ita pauca miracula sicut possibile est. Sed ponendo actionem realem, & cum hoc necesse est intentionalem ponere, videtur, quod oportet ponere circa eos plura miracula, quam ponendo solam intentionalem, ergo.

Cap. 9.

Ad argumentum in contrarium dico. quod illa auctoritas 6. Thopicorum. videtur improbare actionem realem ignis in corpus non autem intentionalem. Sed si realis ponatur, oportet dicere quod propositio est vera quantum est ex parte causæ naturalis dimittæ sibi in agendo. Sed in proposito non dimittitur causæ naturalis sibi. Sed posset dici clarius ad argumentum, & ad totam questionem. Tota enim difficultas est quomodo ista corpora possunt pati ab igne infernali perpetuo, & tamen non transmutetur.

Ad hoc beatus Aug. ponit aliqua extrema 12. de ciui. Dei, videlicet, de Salamandra quæ viuit in igne, similiter de igne, qui est in Siciliæ partibus. Sed talia extrema dicunt, quia & non propter quid, ideo potest declarari dupliciter. Primo sic. Cessante motu primi mobilis cessat omnis motus, qui est ad corruptionem. Sed iste motus primi mobilis cessabit post iudicium, igitur. Sed ista via non valet secundum Aug. quia adhuc figuli rota moueretur, & stippa combuerentur. Ideo dico aliam rationem talem. Causa secunda naturalis, non agit prima causa coagente, sed ignis est causa secunda naturaliter agens, ergo ignis non agit nisi prima causa coagente. Sed in igne inter alios ponuntur duæ actiones quarum vna est ad calefactionem, & incendium. alia ad consumptionem. Deus autem potest coagere igni, ut primi ad primam licet non coagat ad secundam, igitur ignis iste potest agere ad incendiū esto, quod non agat ad consumptionem. Sic ergo patet ad argumentum, & per consequens ad questionem.

DISTINCTIO XLV. & XLVI.

Circa distinctionem quadragessimam quintam,
& quadragessimam sextam quæritur,

Scotus quarto sententiarum distinctio. 45. q. 4.

D. Thomas quatio sententiarum distinctio. 41.

quest. 3. Artic. 2.

QVÆSTIO I.

Praterea sciendum. Circa istam distin. quadragesimam quintam, & quadragesimam sextam, quatio tres quæstiones. Prima. Vtrum sancti videant orationes nostras quas eis offerimus? Secunda. Vtrum in Deo sit iustitia? Tercio. Vtrum in Deo sit misericordia?

Ad primam quæstionem sic proceditur. Videtur, quod sancti non videant orationes nostras quas eis offerimus, quia solus Deus nouit secreta cordis nostri humani, sed oratio est humani cordis secretum, ergo, &c.

Contra est Magister in litera qui probat per multas orationes quod sancti videant orationes quas eis offerimus.

In ista quæstione quatuor sunt videnda Primo si anima separata possit naturaliter acquirere cognitionem alicuius prius ignoti. Secundo, si anima beata nouit orationes nostras cognitione naturali. Tercio, si cognitione supernaturali. Quarto si cognoscentes orant pro nobis.

De primo dicunt aliqui, quod non, quia non est transitus de extremo in extremum, nisi per medium, *Opinio alicuius*
sed res extra est omnino in sensu materialiter, in intellectu autem omnino immaterialiter, ergo oportet quod transeat per aliquod mediū in quo sit aliquo modo materialiter, & aliquo modo immaterialiter. Si autem est in sensu materialiter quidem, quia secundum conditiones indiuiduales, immaterialiter autem in intellectu est secundum philosophum tertio de anima, quia sensus est receptiuus specierum, sine materia. Cum ergo in anima separata non sit sensus, sequitur quod naturaliter non potest acquirere cognitionem alicuius prius ignoti. Si ergo queratur ab istis quæstio potest anima separata habere cognitionem alicuius

prius ignoti. Dicunt, quod hoc non est per eius acquisitionem, sed per species infusā à substantijs superioribus, videlicet à Deo, vel angelis. Cuius ratio est, quia intellectus noster videtur esse medius inter substantias intellectuales, & res corporales. Omne autem medium in quantum appropinquat vni extremorum, tanto magis recedit ab alio, & e contrario, igitur intellectus noster quanto plus recedit à sensibilibus, tanto plus appropinquat substantias intellectuales, & e contrario. Sed intellectus noster existens in corpore, quia recedit ab intelligibilibus recipit species ex rebus sensibilibus, igitur intellectus separatus, quia recedit à sensibilibus recipiet species à substantijs intelligibilibus.

2. phys. con-
tex. 50.

Contra pluralitas non est ponenda sine necessitate. Sed species ista infusa à Deo vel angelis, ponuntur sine necessitate, igitur. Probatio minoris, quia natura ista sufficienter habet in se vnde attingere possit ad perfectionem propriam.

Præterea in nulla natura est ponenda, quod derogat eius dignitati, nisi sit euidens ex aliquo euidenti tali naturæ. Sed ista opinio vilificat naturam animæ intellectivæ, absque aliqua euidencia, ergo. Probatio minoris, non enim est imperfectior anima separata, quam coniuncta, immo videtur perfectior, quia corpus, quod consumpitur aggrauat animam. Sed anima coniuncta potest acquirere huiusmodi species, igitur.

Sapientia 9.

Præterea plura accidentia eiusdem speciei non possunt esse simul secundum istos, sed lapidis species obiecto infusa est eiusdem speciei cum specie intelligibili acquisita ab anima in corpore, vel oportet istam acquisitam non manere. Sed illud secundum est falsum, quia cum subiectum proprium illius speciei sit incorruptibile, & ipsa species ex se possit incorruptibilis permanere, sequitur, quod ipsa manebit. Igitur non dabitur isti à Deo, vel angelo aliqua species lapidis. Dico ergo, quod anima separata potest acquirere cognitione obiecti prius ignoti. Quia actiuo sufficienti, & passiuo sufficienti sufficienter approximatis potest sequi effectus. Sed in anima separata habente obiectum proportionaliter sibi præsens concurrunt omnia respectu cognitionis abstractivæ, igitur.

Ad argu-

Ad argumentum autem opinionis dico, quod aliquid est medium vni virtuti, quod non est medium alteri loquendo de medio necessario sicut in transferendo corpus de loco ad locum, vbi est medium necessarium virtuti naturali motiua, & tamen illud non est medium virtuti diuinæ, quæ potest subito transferre de quocunque vbi, ad quodcunque vbi. Sic in proposito perfectæ virtuti abstractiue necessarium est medium inter sensibile extra, & purum intelligibile: scilicet esse imaginabile, sed virtuti perfectiori abstractiue non est istud medium necessarium, vnde argumentum potest duci ad oppositum.

Ex iam dictis patet ad secundum articulum. Anima enim beata, vel separata potest acquirere notitiam non solum abstractiuam, sed etiam intuitiuam non solum sensibilem sicut potest coniuncta, sed etiam quorumcunque intelligibilem, ergo orationem, siue vocalem, siue mentalem potest cognoscere dummodo immoderata distantia non impediatur, vel diuina voluntas non prohibeat. Nec valet, quod intellectus actum suum proprium habet occultum, quia hæc sunt intima creaturæ, & hoc non includit, quia manifestum est, quod omnem actum voluntatis meæ potest intellectus meus cognoscere. Sed intellectus alius perfectior potest in illud obiectum in quod potest intellectus meus si non impediatur determinatus ordo ad intelligibilia, vel defectus proportionatæ præsentia. Intellectus autem separatus eque perfectus est sicut meus coniunctus, vel perfectior, & non determinatur ex aliquo ordine ad non cognoscendum operationes alterius intellectus, vel voluntatis, nec præsentia necessario requisita deficit, quia ista potest esse sine illapsu, ergo &c.

*Vide de intellectu
separato
Vaso.*

De tertio articulo dico, quod non est necesse ex ratione beatitudinis, quod beatus videat orationes nostras, neque regulariter, siue vniuersaliter in verbo, quia non est aliud, quam necessaria sequela beatitudinis, neque quod reueletur sibi, quia nec talis reuelatio necessario sequitur beatitudinem. Tamen quia congruum est beati esse adiutorem Dei in procurando salutem electi, & ad istud requiritur sibi reuelare orationes nostras spe-

cialiter, quæ sibi offeruntur. Ideo probabile est, quòd Deus reuellet beatis de his, quæ in nomine eius sanctis offeruntur.

De quarto articulo videtur dubium quia si reuelatur eis talem petere per eos salutem, vel aliquid pertinens ad salutem, aut videns Deum velle talem saluare, aut nolle, aut non velle. Si velle ergo sciunt, quòd saluabitur frustra igitur orant pro tali. Si nolle non orabunt pro aliquo nolito ipsi Deo. Sed hoc non obstante dico, quod sanctus videns orationes nostras orat pro nobis. Cum igitur arguis. Beatus aut videt Deum velle aut nò velle, &c.

Responsio, nullum membrum oportet dare, nec de salute finali alicuius, nec de exauditione huius orationis, quam nunc offerit. Non enim sequitur Deus reuellet Petro Ioannem nunc petere per merita Petri, ergo reuellet Petro Ioannem saluandum, vel non saluandum.

Ad argumentum in contrarium cum dicitur, quòd solus Deus nouit abscondita cordium, dico quòd verum est ex propria perfectione, & vniuersaliter, ita quòd impossibile est, quòd per aliquod impediens sibi lateat, sed non sic est de quacunque alia natura intellectuali, siue sit angelus, siue anima.

Vtrum in Deo sit iustitia?

Scotus quarto sententiarum dist. 26. q. 1.

D. Thomas. 4 sententiarum dist. 26. q. 1.

QVÆSTIO II.

Sup. 3.



Ad secundam quæstionem sic proceditur. Videtur quòd in Deo non sit iustitia, quia domini ad seruum nulla est iustitia, quia nulla æqualitas ex quinto Ethicorum ergo multo fortius nec Dei ad hominem, vel ad creaturas cum sit dominus creaturarum, ergo in Deo non est iustitia. In oppositum est illud psal. Iustitia plena est dextera eius.

In ista quæstione est videndum primo quid sit iustitia. Secundo quot modis sumitur iustitia. Tertio si in Deo est iustitia.

Quantum ad primum dicit Ans. de veritate, quòd iustitia est rectitudo voluntatis propter se seruata. Sed philosophus magis eam specificat quinto Ethicorum dicens, quòd iustitia est virtus ad alterum, quia ista virtus qua quis potest uti non solum ad se, sed ad alterum est virtus ad alterum. Sed iustitia est huiusmodi, propter quod principatus rerum ostendit, ergo iustitia est virtus ad alterum. Cap. 12.
Cap. 3.

Ex hoc patet secundus articulus. scilicet quot modis sumitur iustitia. Ex quo enim iustitia est virtus ad alterum hoc potest esse dupliciter, quia vel est vniuersaliter ad alterum, & sic dicitur iustitia particularis. Item alio modo distinguitur iustitia in eodem quinto ethicorum, in iustitiam commutatiuam, & distributiua. Iustitia autem commutatiua est cuius medium accipitur secundum proportionem arithmetica, non geometrica. Iustitia distributiua est cuius medium accipitur secundum proportionem personarum, & rerum, & in eodem libro declaratur. c. 5. & 6. Cap. 3.

De tertio articulo dico ista per ordinem.

Primo quòd in Deo est iustitia, ut iustitia est rectitudo mentis, quia eius voluntas est prima regula omnis inobliquabilis.

Secundo quòd in Deo est iustitia, ut iustitia est virtus ad alterum, quia est agens, quod in omni actione sua seruat rectitudinem.

Tertio, quòd in Deo est iustitia legalis quia ubi est veritas practica præcedens omnem determinationem voluntatis diuinæ, ibi est iustitia legalis. Sed in Deo est aliqua veritas practica præcedens omnem determinationem voluntatis sicut est ista. Diliges dominum Deum tuum, ergo.

Quarto quòd in Deo est iustitia particularis ad se quasi ad alterum, quia voluntas sua determinatur per rectitudinem ad volendum illud, quod decet suam bonitatem, & hoc est redditio debiti sibi ipsi quasi alteri.

Quinto dico, quòd iustitia commutatiua in propo-

sito proprie respicit in Deo punitionem, vt scilicet pro meritis reddantur præmia, & pro peccatis supplicia.

Distributiuæ vero respicit quasi naturas, & perfectiones superadditas, vt, scilicet, naturæ distribuatur perfectio sibi proportionata. Iustitia primo modo non potest simpliciter esse in Deo respectu creaturæ, quia non potest esse simpliciter æqualitas, sicut nec domini ad seruum, vt arguebatur ad principale. Sed iustitia secundo modo sumpta potest hic simpliciter esse, quia simpliciter potest dare naturis perfectiones debitas, vel conuenientes eis secundum gradus perficientes. Ex his dictis patet ad argumentum principale.

Vtrum in Deo sit misericordia?

Scetus 4. sent. distinct. 44. q. 2.

Petrus de Aquila quarto sententiarum q. 46. q. 33.

QVÆSTIO III.



D tertiam quæstionem sic proceditur. Videtur quod in Deo non sit misericordia, quia misericordia est compassio de malo alieno iecūdum Damasc. Sed in Deo nulla est compassio, quia nulla passio, ergo, &c.

In oppositum est illud psal. Patiens, & multum misericors.

Rsal. 102.

Quantum ad istam quæstionem primo videndum est quid est misericordia. Secundo, si in Deo est misericordia.

*Misericordia
duo importat.*

Quantum ad primum dico, quod misericordia duo importat, vnum principale, aliud ex consequenti. Principaliter enim misericordia est habitus, vel forma qua nolumus miseriam alterius, & quia vel nolumus miseriam eius in futurum. Et tunc præseruamus si possumus, vel quia nolumus miseriam præsentem, & tunc reuelamus si possumus. Ex consequenti autem misericordia importat quandā displicentiam, & passionē. Vnde isto modo misericors idem est quod miserum habens cor.

Quantum ad secundum articulum dico duo.

Primo quòd isto secundo modo non est in Deo misericordia, cum in Deo nulla passio, vel miseria possit poni.

Secundo dico, quòd accipièdo misericordiam primo modo, ipsa proprie est in Deo, quod probatur de imminenti, quia sicut nullum bonum euenit, nisi Deo volente, ita nullum malum prohibetur ne eueniat, nisi Deo volente. Sed multæ miseriæ possibiles euenire aliquando prohibètur ne eueniāt, ergo Deus habet nolle respectu istorum. Consimiliter dicitur de miseria præsentē, quia nulla miseria tollitur, nisi Deo volente istam miseriam inesse. Sed multæ miseriæ frequenter tolluntur, ergo Deus habet nolle respectu illorum. Ex dictis patet ad argumentum principale.

DISTINCTIO XLVII. & XLVIII.

Circa distinctionem quadragesimam septimam, & quadragesimam octauam quæritur.

Vtrum vniuersale iudicium sit futurum?

Scotus quarto sententiarum distinctio. 47. q. 1.

Petrus de Aquila 4. sententiarum distinctio. 47. q. 48. q. 1.

QVAESTIO I.

Solet etiam quæri. Circa istam distinctionem quadragesimam septimam, & quadragesimam octauam quæro tres quæstiones. Primo vtrum vniuersale iudicium sit futurum? Secundo vtrum mundus sit purgandus per ignem? Tertio. Vtrum post iudicium cessat motus corporum cælestium.

Ad primam quæstionem sic proceditur. Viderur, quòd vniuersale iudicium non sit futurum, quia Deus non punit bis in idipsum, vel dicitur Naum. Sed Deus punitet bis in idipsum si esset vniuersale iudicium futurum, ergo non est vniuersale iudicium futurum. In contrarium est August.

Cap. 1.

20. de ciuit.

Dei. c. 21.

In ista quaestione tria sunt videnda. Primo si vniuersale iudicium est futurum. Secundo si illud iudicium erit in tempore, vel in instanti. Tertio de loco vbi erit.

Super Psal.
54.

De primo dico, quod sic, propter quatuor congruentias quarum primatalis est. Congruum est finaliter separari omnes malos ab omnibus bonis. Ideo enim malus viuit cum bono, vel vt malus corrigatur, vel vt bonus per illum exerceatur, secundum Aug. Sed istam separationem congruit finaliter fieri per generalem sententiam, ergo congruum est fieri per generale iudiciũ.

Secunda congruentia est quia in secretis iudiciis, quæ fiunt circa singulas personas, licet sit iustitia, non tamen est omnibus manifesta, ergo rationabile est quod Deus habeat aliquod iudicium generale in quo manifestetur sententia, & iustitia aliter, quam in iudiciis particulatibus.

Tertia congruentia est, quia sicut res exeunt à primo efficiente, ita reducuntur in finem. Sed præter spirituales exitus rerum a Deo per istam operationem qua dicit Christus pater meus vsquemodo operatur, & ego operor, fuit vniuersalis exitus in prima rerum creatione, ergo præter singulares reductiones congruum est esse vnã finalem reductionem in suum finem, & per consequens adhuc oportet ponere vnã sententiam generaliter diffinitiuam.

Quarta congruentia est, quia præter hoc, quod vnusquisque ascribatur regno, vel carceri tota multitudo ista ad regnum debet aliquando determinari ad possidendũ illud, & tota alia multitudo debet carceri vendicari, vt sit sequestratio duarum ciuitatum, & familiarum, vt tra. Etat Aug. li. de ciui. Dei. Sed illud fit per quandam sententiam generalem, ergo, &c.

Dubium.

Secundo est videndum an illud vniuersale iudicium sit in tempore, vel in instanti. Et dico, quod sit in tempore, vel in instanti eo modo quo declarabo. Sed statim oritur dubium sic, sit in tempore breui, vel non breui. Et dico, quod hoc potest poni tripliciter. Vno modo sic, possibile quidem est, quod merita singulorum omnia singulis innotescant, ita, quod sit miraculum ex parte offensionis, tamen dimittatur vnusquisque intellectus

suo modo intelligendi naturali, & tunc in tali offensione requiritur magnum tempus ad intelligendum modo merita istius, modo merita illius.

Secundo sic possibile est, quod vnicuique manifestentur merita, vel demerita propria in speciali, & merita, vel demerita aliorum in generali, & hoc dupliciter. Vel sic, quod singulas personas considerat tamen hanc vt iustam in generali, & illam vt iniustam. Vel alio modo considerando tam personas quam merita in generali, vtpote concipiendo omnes relictos in terra esse condemnandos, raptos autem in nubibus esse præmiandos, & in hoc etiam esset magnus tractus temporis.

Tertio modo possibile esset per potentiam Dei non tantum manifestantem, sed causantem actum cognoscendi, & intentiones distinctas omnium meritorum, & cum hoc omnium personarum simul esse in quocunque intellectu, quia quæcunque non repugnant formaliter, & possunt successive recipi in aliquo per potentiam Dei absolutam, ad minus possunt recipi in eodem simul. Sed si ista via ponatur forte nõ oporteret illud iudicium esse in tempore, sed in instanti.

De tertio articulo dicunt aliqui, quod erit in valle Iosaphat, vt videtur in Ioel. Sed plane vult Apo. j. ad Theff. quod boni rapiuntur obuiam Christo in aëre, mali autem delinquantur in terra, & per consequens boni non erunt in valle Iosaphat. Et ideo Magister sententiarum pen. c. huius distinctionis dicit, quod quidam pueriliter illud Ioelis intelligentes dicunt in valle Iosaphat qui est in latere montis Oliueti dominum ad iudicium descensurum quod friuolum est. Iosaphat autem interpretatur iudicium Dei, in valle, ergo Iosaphat, id est, domini iudicium congregabuntur omnes impij, iusti vero, non descendunt in valle iudicij, id est, inter damnatos, sed in nubibus eleuabuntur obuiam Christo.

Ad argumentum in contrarium dico, quod vnusquisque in quantum persona priuata iudicatur in termino vite sibi præfixæ, sed in quantum est pars familiarum deputata pro aula, vel pro carcere iudicabitur cum aliis iudicio vniuersali, & finali.

Vtrum mundus sit purgandus per ignem?

*Seraphicus Bona. 4. senten. distincl. 48. q. 2. Artic. 2.**Scotus 4. senten. distincl. 47. q. 2.**D. Thomas 4. sent. dist. 48. q. unica. Artic. 2.**Ricardus 4. senten. dist. 47. q. 2.**Durandus 4. sent. dist. 47. q. 3.*

QVÆSTIO II.

AD secundam quæstionem sic proceditur, Videtur, quod mundus non sit purgandus per ignem, quia tunc idem purgaret seipsum, quia ignis purgaret ignem, sed istud non conuenit, ergo.

In oppositum est illud Psal. Ignis ante ipsum præcedet.

In ista quæstione primo est videndum. Si mundus purgabitur per ignem. Secundo quis est ille ignis. Tertio quantum ascendet. Quarto si præcedet, an sequatur iudicium.

Cap. 3.

*Cap. ultimo
Cap. 20. de
ciuit. Dei.*

De primo dico, quod sic. hoc probatur primo auctoritate Petri in secunda canonica sua. Celi ardentes simul soluentur, & elementa ardore ignis tepeſcunt. Item Isaia. Dominus in igne veniet. Item per sanctos, & maxime per Aug. Item hoc est possibile, quia non includit contradictionem. Item hoc est rationabile, quia ubi est in nouatio in melius ibi est purgatio, sed mundus in nouabitur in melius, ergo purgabitur, sed purgatio debetur elemento magis actiuo, tale autem elementum est ignis, igitur.

Cap. 7.

De secundo articulo dicitur tripliciter. Vno modo, quod ille ignis est riuus igneus de nouo creatus. Iuxta illud Dani. Fluuus igneus rapidusque egrediebatur à facie, & sequitur. Iudicium fecit, & libri aperti sunt.

Alio modo dicitur, quod erit fluuius igneus per virtutem corporum celestium generatus.

Tertio modo, dicitur quem etiam sequor, quod sicut in diluuiio non sunt nouæ aquæ creatæ, sed eadem ipsæ multiplicatæ & fontes abyssi aperti sunt, sic credo, quod non solum ignis, qui est in sphaera sua sed omnes ignes

qui sunt sub terra, & supra terram concurrant ad istam suffragationem. Et hoc videtur velle Aug. Figura enim inquit huius mundi mundanorum ignium conflagratione peribit, sicut factum est in diluuiio.

21. de ciuit.
Dei.

De tertio articulo, scilicet, quantum ascendet ignis ille. Dico, quod ascendit tantum quantum durant corpora combustibilia, & passibilia. Et quia corpora caelestia non receptiua alienae impressionis, dico, quod quantum durat spatium continens elementa tantum ascendet flamma, & non plus. Et sic ascendit plus quam aqua diluuij.

De quarto articulo sunt tres modi dicendi. Vnus talis est, quod duplex est iudicium, scilicet diffinitionis, & istud praecedit ignem, quia ante dabitur sententia contra malos quam ignis. Item est iudicium executionis. Et istud sequitur ignem quia reprobi illo igne inuoluentur, & ad infernum deducuntur. Sed contra hoc est Aug. qui dicit, quod iudicatis impiis, & in aeternum ignem missis figura huius mundi mundanorum ignium conflagratione peribit. Alius modus dicendi est quod ille ignis habet duplicem effectum scilicet purgare, & innouare. Ratione quidem purgationis praecedit iudicium, sed ratione innouationis sequitur.

Duplex iudicium.

28. de ciuit.
Dei.

Contra, isti effectus, scilicet innouare, & purgare in igne sunt coniuncti, & abinuicem inseparabiles, ideo ille ignis purgando innouat.

Tertius modus dicendi est, quem teneo. Nam sicut ponit glosa super illo verbo, purgabit filius Leui duos ignes futuros legimus. Vnum qui purgabit electos, alium qui cruciabit reprobos. Primus ignis praecedit iudicium, sed secundus ignis sequitur iudicium. Et confirmatur per Augustinum, vt iam allegatum est. Iudicatis impiis, & in aeternum ignem missis, &c.

20. de ciuit.
Dei.

Ad argumentum in contrarium dico, quod est non inconueniens, quod ignis purget ignem, sicut nec est inconueniens, quod manus lauet manum.

Vtrum post iudicium cessabit motus caelorum?

Seraphicus Bona. 4 sent. dist. 48. q. 2. Art. 2.

Scotus 4 sent. dist. 48. q. 2.

D. Thomas 4. sententiarum distinctio. 48. quest. 2. Arti. 2.

Ricardus 4. sent. dist. 48. q. 2.

Durandus 4. sem. dist. 48. q. 2.

QVÆSTIO III.

AD tertiam quæstionem sic proceditur. Videtur, quod post iudicium non cesset motus corporum cælestium, quia corpora cælestia non erunt imperfectiora post iudiciũ, quam nunc. Sed motus est propria perfectio corporum cælestium, vel requiritur ad eorum perfectionem alias frustra mouerentur, ergo post iudicium non cessabit motus corporum cælestium. In oppositum est Magister in litera.

In ista quæstione. Primo ponam opinionem philosophorum. Secundo opinionem Theolo. Tercio videbo quantum valeant rationes eorum. Quarto si motus cæli est naturalis, vel violentus.

8. Phy. con- Quantum ad primum diceret philosophus sicut patet
tex. 61. per eum in diuersis locis, quod motus cæli est perpetuus. Et ad hoc sunt tres rationes.

1. Ratio. Prima talis est vt patet, Substantia separata non potest
catere suo fine, sed vltimus finis substantiæ separatae est
in causando lationem corporis cælestis, ergo. Secunda
ratio talis est. Quodcunque permanens, & sempiternum
2. Ratio. ad quodcunque permanens, & sempiternum semper,
& necessario habet eandem habitudinem, hoc probatur,
quia habitudo nõ potest pro aliquare variari, nisi ex
variatione alterius extremi, extrema autem sunt sempiterna,
& inuariabilia. Sed intelligentia mouens eam est quædam
substantia permanens & sempiterna, & cælũ similiter,
ergo hoc sempiternum habet eandem habitudinem ad aliud
sicut mouens ad motum, & per consequens motus est inuariabilis.

3. Ratio. Tertia ratio est talis. Quia quicquid est in entibus,
vel est necessarium in essendo, vel vt in pluribus, vel
vt in paucioribus, vel vt ad vtrumlibet, sed in cælo nihil
est ad vtrumlibet, nec vt in paucioribus, quia vtrum-

que esset imperfectionis, & repugnaret tali corpori. Nec aliquid est ibi, vt in pluribus, quia tunc quandoque oppositum contingeret, nec vt in paucioribus ex eadem causa, ergo quicquid est ibi est simpliciter necessarium.

De secundo articulo dicunt Theologi oppositum, pro quo adducunt auctoritates, & rationes. Auctoritas enim est Isaię. Non erit ibi sol amplius ad lucendum per diē. Alia auctoritas est Apocal. vbi iurauit angelus, quod amplius tempus non erit, ergo nec motus, quia tempus, & motus simul sunt, & non sunt secundum potentiam, & secundum actum. Ad idē adducitur talis ratio. Motus cæli est propter generationem, & corruptionem tanquam propter finem ex secundo de generatione, ergo cessante ista generatione frustra erit motus talis.

Cap. 60.

Cap. 10.

4. Phj. 93.

2. de gene.

cont. 56. ¶

inde.

Quantum ad tertium articulum dico cum Theologis in conclusionē, quod post iudicium cessabit motus corporum cælestium, sed nec Theologi, nec philosophi probant suam conclusionem. Theologi quidem non probant quia auctoritas quæ adducitur de Ilā. non negat solem tunc lucere, sed tantum dicit his qui erunt in vita æterna vsum lucis non præstabit. Similiter auctoritas, quæ adducitur de Apocal. potest exponi, quod non erit amplius ibi tempus vt impleatur prophetia, quia iam omnes prophetiæ impleri sunt. Sed nec ratio quæ adducitur concludit, quia nunquam philosophus poneret aliquod ignobilius esse finem nobiliorem loquendo de fine perficiente, sed tantum de fine proueniente. Et præterea sicut philosophus ponit motum non cessare ita diceret generationem non cessare, vt patet. Similiter philosophi conclusionem suam non probant, quia nulla ratio philosophorum concludit.

Cap. 60.

Prima ratio, quia non est finis substantiarum separatarum mouere orbes, sed finis eorum proprius est in speculatione veritatis, vt patet. Istam autem solutionem doctor non approbat, sed ad præsens sufficiat.

Similiter, secunda ratio non concludit, quia oportet negare istam propositionem maiorem in agente voluntario, quia voluntate antiqua, & immutabili potest difformiter agere in passum antiquū, & esse immutabile in se

Et tunc ad probationem maioris extrema illius habitudinis non erunt absoluta natura agentis, & passi quæ sunt vniformia, sed agens, & passum habent formam nouam causatam ab agente; sed illud fundamentum est nouum, immo fundat nouam habitudinem ad agens.

Similiter, tertia ratio non concludit, dico enim, quod aliquid potest contingere ad vtrumlibet ita, quod non est repugnantia ex parte ipsius cœli, quia est de se in potentia contradictionis, & completiue est contingentia ad vtrumlibet ex parte causæ voluntariæ mouentis sic, quod eius voluntas nec necessario determinatur ad mouendum, nec ad non mouendum.

9. Met. c. 2.

De quarto articulo dico, quod motus cœli nec est naturalis nec violentus vt patet per Auic. & per rationem eius. Non est quidem naturalis vt ipse probat, quia omnis motus naturalis est ad quietem naturalem, ergo si motus cœli est naturalis, erit ad quietem naturalem, recedendo à quiete mouetur violenter, ergo motus cœli est aliquando violentus.

Ad argumentum in contrarium dico, quod motus est perfectio secundum quid ipsius mobilis, & talem perfectionem deficere cœlo non est inconueniens, maxime cum quies perpetua sit sibi maior perfectio. Et si arguas, ergo frustra mouetur modo, dico, quod cœlum non mouetur propter aliquam perfectionem intrinsecam completiuam sui quæ consistit in motu, vel acquiratur per motum. Sed stante non imperfectione cœli, quia in potentia neutra est ad mouere, & quiescere, perfectio tamen vniuersi pro statu isto magis requirit cœlum moueri propter statum generabilium, & corruptibilium.

DISTINCTIO XLIX.

Circa distinctionem quadragesimam nonam
quæritur,

Vtrum beatitudo principalis consistat
in actu intellectus, vel voluntatis?

Scotus 4 sent. dist. 49. q. 4. Artic. 6.

D. Thomas 4 sent. dist. 40. q. 4.

Ricardus 4 sent. distinctio 46. q. 5.

QVÆSTIO I.

Post resurrectionē vero. Circa istam dist. 49. consuevit quæri. Vtrum beatitudo principalis consistat in actu intellectus, vel in actu voluntatis? Sed quia de hoc fuit sermo in secundo lib. Ideo quæro de dotibus pro nūc quatuor quæstiones? Primo. Vtrum corpus beati post resurrectionē sit impassibile? Secundo. Vtrum corpora beatorum erunt agilia? Tertio. Vtrum corpus beati per dorem subtilitatis possit esse cum alio corpore? Quarto. Vtrum corpus beati sit clarum?

Ad primam quæstionem sic proceditur. Videtur, quod corpus beati non sit impassibile, quia Greg. in Hom. dicit. Corrupti necesse est quod palpatur, sed corpus beati erit palpabile, iuxta illud Luc. Palpate, & videre.

Cap. 24.

Contra, incorruptibile est impassibile, sed corpus beati erit incorruptibile, ergo. Veritas huius quæstionis patet j Corin. Mortale hoc induet immortalitatem, & corruptibile surget in incorruptionem.

Cap. 15.

Præterea homo non potest esse beatus in hac vita, sed in vita immortalis, sed totus homo erit beatus quia totus homo meruit; ergo totum erit beatum in corpore immortali.

Sed dubium est de causa impassibilitatis, & posset multiplex causa assignari. Vna quidem hæc est, quia qualitates consequentes mixtum non manent tunc in corpore. Sed istud non valet. Tum quia corpus illud nō maneret mixtum. Tum, quia illud corpus non esset proportionatum animæ.

Alia causa impassibilitatis posset assignari, quia esto, quod mancant qualitates, nō tamen manent contrarie.

Contra, quia forma non est contraria formæ suæ speciei, manentibus autem formis in specie sua manet contrarietas.

Tertia posset poni causa impassibilitatis, quia susceptivum non est natum recipere contrarium post contrarium.

Contra, quia susceptiuum est idem secundum speciem tunc quod est nunc, sed nunc est natum recipere contrarium post contrarium, ergo Videtur ergo, quod oporteat istam impassibilitatem aliunde requirere, & oportet quidem ponere impassibilitatem per aliquod impediens passionem corruptiuam. Tale autem impediens potest poni, vel positiuum, vel priuatiuum. Positiuum duplex, s. anima, vel dos in corpore. Priuatiuum similiter duplex, s. cessatio motus cœlestis & non operatio Dei cum causa secunda corruptiuam.

Pro prima via arguitur sic. Quia anima in medio constituta est inter Deum, & creaturam corporalem. Sicut ergo ipsa erit perfecte subiecta Deo tanquam superiori suo, ita perfecte dominabitur suo corpori inferiori.

Pro secunda via, scilicet pro dote arguitur sic per illud Aug. ad Diascorum. Tam potentem fecit Deus animam, ut ex eius plena felicitate redundet in corpus sanitas perpetua, & vigor corruptibilis. Modus talis est. Sicut durities est quædam impassibilitas. s. prohibens quandam passionem ne habens duritiem faciliter incidatur, sic possibile est esse aliquam qualitatem prohibentem omnem passionem corruptiuam.

8. phy. contex.

73 & inde.

Pro tertia via arguitur sic. Ablato primo aufertur quodlibet posterius, sed motus cœlestis est primus motuum. 8. phil. ideo cessante cessat omnis motus. Sed forte nulla viarum prædictarum valet, maxime ista tertia contra quam est articulus dicens, quod stante cœlo approximato igne stuppe, quod ignis non corrumpat stupam error.

Ideo dicitur tenendo quartam viam, videlicet, quod causa impassibilitatis est voluntas diuina non coagens causæ secundæ corruptiuæ. Et per hoc est impassibile non potentia remota, sed propinqua, nec à causa intrinseca, sed à causa extrinseca, impediante.

Sed contra, quia tunc impassibilitas non esset dos corporis beati. Nam dos est aliquid intrinsecū ei cuius est, sed illud, s. Deum velle prohibere causas secundas ne corrumpant, non est aliquid intrinsecum, isti, sed extrinsecum, consequens est falsum, quia est contra autoritatem Aug. ad Diascorum, ut supra allegatum est.

Ad illud dico, quod dos potest bene inesse realiter personæ dotatæ sicut nomen sponsæ est illud quod est sibi datum a sponso quod consuetum est dos dici. Iuxta illud Gen. Augete dotem, & munera postulate. Et ita ratione nuptiarum spiritualium consumandarum in resurrectione dabitur cuique beato pro dote ista assistentia diuina præseruans ipsum ab omni corruptione, licet ista custodia non insit realiter ipsi. Cap. 34.

Ad argumentum in contrarium. Si conceditur auctoritas Gregorij, quæ tamen non videtur necessaria, quia enim cælum non posset palpari à digito ibi existente intelligendo palpationem resistentiæ factam tactui, licet non afficiendo secundum aliquam talem qualitatem nunc autem bene concedo, quod palpatur secundum qualitatem sensibilem immutanda tactû suæ naturæ derelictû esse corruptibile, sed nec sic in proposito.

Vtrum corpora beatorum erunt agilia?

Seraphicus Bona. 4. senten. distinc. 49. q. 1. Artic. 7.

Scotus 4 sent. dist. 49. q. 13.

D. Thomas quarto senten. distinc. 49. questio 4. Artic. 7.

Ricar. 4. sent. dist. 49. q. 7.

QVÆSTIO II.

AD secundam quæstionem sic proceditur. Videtur, quod corpora beatorum non erunt agilia. Quia si in natura nihil ponitur frustra minus in gloria, sed agilitas in corpore beato poneretur frustra si corpora beatorum essent agilia, ergo. Probatio minoris, quia non erit ibi motus localis. 3. Phy. con. 6 Nam motus est entis in potentia. 3. phi. igitur corpora beatorum non erunt agilia. 10. cap. 3.

Contra est illud Sap. ubi dicitur. Fulgebunt iusti sicut sol, & tanquam scintillæ in arundinetis discurrent.

In ista quæstione veritas est clara per Apo. j. ad Corin. Seminatur corpus animale surget corpus spirituale, seminatur in infirmitate surget in virtute, seminatur in ignobilitate surget in gloria. Itē Sap. Fulgebunt iusti, &c. Cap. 15.
Cap. 3.

vt allegatum est. Et Isaiæ. Et assument pennas vt aquilæ, & volabunt, & non deficient, current, & non laborabunt. Sed dubium est qualis sit dos agilitatis, & qualis qualitas. Et dicitur communiter, quod est quæda qualitas qua faciliter mouetur corpus ad locū siue illud quod facit proportionem motoris ad mobile auferens grauitatem per Aug. Hoc etiam probatur per rationē, quia nisi auferatur grauitas tunc violēter quietaretur corpus nostrum alibi quam extra centrum, & fatigaretur, ergo grauitas, & huiusmodi qualitas non remanebit in corpore beati. Sed hoc non credo, quia non video, quod maneat corpus hominis quin maneat graue, non enim erit sicut sol, vel stella, siue grauitate, quia non est intelligibile, quod maneat, & dominetur terra in corpore hominis, & quod non maneat grauitas, immo hoc dicere, esset ac si diceretur manet lapis, & non est durus.

Præterea corpus hominis non est capax leuitatis, quia quando aliquid determinat sibi vnū oppositorum, tunc alterum oppositorum non potest sibi inesse nec per se, nec per accidens, ergo humanum corpus non est capax huius qualitatis si tollat grauitatē, non ergo capietur in corpore, & per consequens per istam non fiet magis agile. Dico ergo, quod agibilitas nihil aliud est nisi potentia motiua animæ cui inest primo, & per se licet alicui parti corporis insit per se, sed non primo. Non oportet ergo, nisi quod ista virtus motiua animæ sit perfecta, & resistentia sit ablata, ita quod omnis dispositio contraria impediens motum localem amoueat ex parte mobilis vt sit proportionabiliter perfecta virtus.

Ad argumentum principale quando dicitur, quod motus localis esset frustra in corpore beati, & quod motus est actus entis imperfecti. Dico, quod ibi est verus motus, & successiuus. Et cum dicitur quod est actus imperfecti. Dico, quod dupliciter dicuntur aliqua imperfecta. Primo enim quando non sunt capacia alicuius perfectionis. Et aliqua sunt imperfecta quæ sunt capacia perfectionis. Ista dicuntur imperfecta priuatiue, sed prima dicuntur imperfecta negatiue. Vnde accidens vltimum est imperfectum negatiue, sed coniunctum cum alio est perfectum, sicut vbi est imperfectum secundum

se

22. de ciui.

Dei. c. 5.

Quid sit agibilis.

se tamen approximātū corpori cui cōiungitur est quādam perfectio, id est, quādam approximatio ad illud quod propter se quæritur.

Vtrum corpus beati, per dotem subtilitatis possit
esse cum alio corpore?

Scorus 4. sent. dist. 49. q. 16.

Durandus quarto semen. dist. 44.

QVÆSTIO III.



AD tertiam quæst. sic proceditur. Videtur quod corpus beati per dotē subtilitatis nō possit esse cū alio corpore. Quia quæ magis conueniunt magis possunt esse simul, sed corpus gloriosum magis conuenit cum corpore glorioso quam cum non glorioso, & ista non possunt esse simul, ergo opus beati per dotem subtilitatis nō potest esse cum alio corpore

Lib. 4. c. vii.

Contra Damas. dicit, quod sic.

In illa quæstione possunt esse tres articuli secundum tres modos dicendi.

Vnus modus ponendi est iste, quod per nullam virtutem, nec per aliquam dotē duo corpora possunt esse simul, quod patet per Boetium, qui dicit, quod differentiam in numero varietas accidentium facit, præcipue in loco. Nam eundem locum duobus corporibus nullo modo fingere possumus. Item ad hoc est philosophus, & Commen. qui dicunt, quod dimensiones solæ faciunt distare duo corpora, sed contradictio est, quod maneant dimensiones, & nō faciant distare, ergo non possunt esse plures dimensiones simul absque contradictione. Item sicut vnum contrarium habet impossibilitatē essendi simul cū alio in eodē subiecto, sic dimensio cum dimensione in eodem loco, sed duo contraria non possunt simul esse in eodem subiecto, quia si contraria, ergo, & contradictoria, vt deducit Arist. ergo per nullam virtutem nec per aliquam dotem duo

1. De tri. c. i.

4. Phy. contr.

70.

corpora possunt esse simul. Sed ista conclusio non potest stare, scilicet, quòd duo corpora non possunt esse simul in eòdem loco, quia est contra articulos fidei, Nam Christus natus est de Virgine matre, similiter tenemus ex euangelio quòd surrexit clauso sepulchro. similiter tenemus, quòd Christus intrauit ad discipulos ianuis clausis. Sed hic est vna fictio talis ad soluendum prædicta, quòd anima habebit quantitatem corporis ad volùtatem suam, ita quòd poterit facere corpus suum ad tantam, vel ad talem figuram vt possit trãfire, vel penetrare corpus quodcunque per poros subtilissimos in aliquo corpore pertransibili, sed illud non valet. Si enim corpus Christi intraret per tales poros subtilissimos, tunc reducendo se ad tam paruum quantitatem, pateretur, & per consequens non esset gloriosum. Item si extenderetur corpus eius in longum, & stringeretur corpus sicut acus, tunc non haberet quantitatem corporis organici debitam, sed anima humana requirit in corpore debitam organizationem partium & membrorum, igitur.

Ad argumenta autem præcedentis opinionis. Ad primum quando dicit varietas accidentium facit differentiam numeralem. Dico quòd hoc est falsum, vt patet.

Lib. 2. dist. 3. Ad aliud quando dicitur, quòd solę dimensiones faciunt distare, quia repugnant adinuicem. Dico, quòd duæ dimensiones habent adinuicem aliquam repugnantiam. Intelligendum est tamen, quòd aliqua possunt sibi dupliciter repugnare, scilicet, vel formaliter, vel virtualiter. Duæ autem dimensiones non habent inter se repugnantiam formalem, sed virtualem.

Alia est repugnantia formalis, & de ista planum est, quòd duæ quantitates non sibi repugnant formaliter. Sed talis repugnantia est duarum formarum in comparatione ad idem subiectum numero. Nunc autem repugnantia duarum quantitatum non est nisi propter simultatem loci cui repugnant dimensiones duæ respectu eiusdem loci quem replet vnum corpus quantum potest repleri, ergo si aliud corpus repleret

eundem locum erit repugnantia quantitati priori non formaliter sed virtualiter ratione istius effectus, qui est repletio loci per primam quantitatem vnius corporis eo modo quo quantitas habet efficaciam huius effectus, quod est esse in loco repletive, sed Deus potest tollere hunc effectum à quantitate, ut duæ quantitates, vel plures non faciant nisi vnam loci repletionem, & non quælibet suam, sicut Deus potest facere calorem absque calefactione, sicut in tribus pueris.

Ad aliud de repugnantia contrariorum dico, quod est talis aliquo modo, & alio modo non. Est enim talis virtualiter non tamen formaliter, duæ enim quantitates siue dimensiones sunt, ut in eodem loco contentæ, sed contraria sunt formaliter informantia, & in eodem subiecto formaliter repugnantia.

Alia opinio est in alio extremo, quæ dicit, quod vnum corpus subtile virtute suæ subtilitatis naturalis potest esse cum alio corpore, quia cuilibet doti est assignare proprium effectum, alias frustra poneretur dos in corporibus beatis, sed hæc dos non est nisi penetrare virtute suæ propriæ subtilitatis, scilicet esse cum alio corpore, ergo. Modus autem positionis talis est, dicunt enim, quod penetrare competit alicui corpori multipliciter.

Vno modo ratione parvæ quantitatis, vel acutius sicut aculeus est corpus penetrativum. Alio modo ratione materiæ, quia rara, vel parva.

Tertio modo dicitur penetrativum propter virtutem actiuam.

Primis autem duobus modis corpus beati gloriosum non dicitur subtile, sed tantum tertio modo ratione virtutis.

Sed contra hoc arguitur, quia fatuum est dicere, quod locus in quo est corpus gloriosum sit vacuum, ergo talis locus est plenus, & sic corpus gloriosum est repletivum illius loci, & per consequens expulsivum alterius.

Præterea, dicit philosophus, quod dimensio separata à qualitatibus non potest esse simul cum alia dimen-

4. Phy. cons.
10. c. 76.

sione, nec tunc cederet alteri corpori, & sic si locus esset dimensio separata, impossibile esset moueri aliquid, quia vna dimensio non cederet alteri, ergo ablata quacunque corpulentia adhuc manet in quantitate ratio impellendi, & expellendi aliud corpus quodcunque.

Ad rationem autem alterius opinionis quando dicitur, quod cuilibet doti est assignare proprium effectum, & actum secundum, dico, quod falsum est, quia impassibilitas nullum actum secundum habet. Si dicas immo habet rationem prohibendi contrarium esse actuum. Dico, quod prohibere actiones extra non est actio, sicut, nec cœlū agit prohibendo elementa agere in se.

Opinio Scoti.

Tertia opinio est Doctoris nostri, quæ tria declarat. Primo quod possibile est duo corpora esse simul. Secundo, quod hoc erit per dotem subtilitatis. Tertio si dos subtilitatis sit aliqua qualitas in corpore.

De primo dico, quod non est repugnantia formalis inter quantitatem, & quāritatem, vt patuit supra in responsione ad argumentum primæ opinionis. Si ergo esset aliqua repugnantia in simultate locali duorum corporum hoc esset, quia ista duo vbi dicunt diversos respectus ad eundem terminum, & non respectus in se contrarios, ergo possunt esse duo respectus, vel duo, vbi in duobus corporibus respectu vnius loci. Item patet hoc ex alio prius dicto, scilicet, quod impossibilitas coexistentiæ corporis ad corpus in simultate non est nisi causæ ad oppositum effectus sui, vel sicut prioris naturaliter ad posterius, sed causa potest esse sine effectu suo, & prius naturaliter sine posteriori, ergo.

Quid sit dos.

De secundo dico, quod hæc possibilitas essendi duo corpora simul erit per dotem subtilitatis in corporibus beatis sicut dictum est de impassibilitate. Dos enim non est aliud quam debitus ordo huic corpori in quantum est perfectibile hac anima. ergo, hic est vere dos subtilitatis data corpori glorioso, vt pro libito animæ sit possibile ad coexistendum cum alio corpore.

De tertio principali dicitur, quod dos subtilitatis

non est aliqua qualitas in corpore, quia nulla repugnantia inuenitur ibi ex parte quantitatum per modum actionis ad quam ordinatur qualitas, vnde sicut in corpore dos impassibilitatis erat sibi causa extrinseca, vt aliquod agens non posset agere in illud actione contraria, sic dos subtilitatis non est nisi ordo debitus ad coexistendum simul cum alio corpore qui est ordo extrinsecus non intrinsecus formaliter.

Ad argumentum in contrarium quando dicitur, quòd duo corpora gloriosa non possunt esse simul, quæ tamen magis conueniunt, quam corpus gloriosum, & non gloriosum. Dico, quòd hoc est propter voluntatem corporis gloriosi. Dos enim subtilitatis est vt corpus gloriosum possit esse simul cum alio corpore ad imperium voluntatis, sed actui istius agilitatis repugnat, quòd sit simul cum alio corpore glorioso. Æque enim perfecta sunt, & æque nobilia ratione huius dotis duo corpora gloriosa, & ideo ad imperium voluntatis, non potest facere vnum cum alio vt sint in eodem loco simul.

Vtrum corpora beatorum erunt clara, & lucida?

Scrapticus Boni. 4. sent. dist. 49. q. 1. Ar. 5.

Scotus quarto sententiarum dist. 49. q. 15.

D. Thomas 4. sentent. dist. 49. q. 4. Ar. 8.

Ricar. 4. sent. dist. 49. q. 6.

QVÆSTIO IIII.

AD quartam quæstionem respondeo sine argumentis, quòd corpora beatorum erunt clara sicut patet per Apo. Reformabit inquit, corpus nostrum configuratum corpori claritatis suæ. Item prima Cor. dicitur. Alia claritas Solis *Philip. 3.*
Cap. 15. alia claritas Lunæ, alia claritas stellarum, sic & resurrectio mortuorum, stella enim differt à stella in claritate. Sed dubium est, quid sit ista claritas. Et dico, quòd claritas non est nisi quædam relucencia super illud, quod lucet. Et addit manifestationem eo modo quo

dicatur clara lux, vel clara veritas, vel clara intellectio. Color ergo corporis beati erit clarius secundum diuersitatem meritorum, & sicut ex mixtione diuersorum colorum color vnus est delectabilis vni, & alius alteri, sic in eadem complexione habebunt maiorem claritatem colorum secundum maiorem virtutem.

DISTINCTIO VLTIMA^o quarti sent.

Circa distinctionem vltimam quarti sent.
quæritur.

Vtrum aliquis secundum rectam rationem ad
fugiendam miseriam possit ap-
petere non esse?

Scotus 4. sent. dist. 50. q. 1.

Ricardus 4. sent. dist. 50. q. 3.

QVÆSTIO I.

Hic oritur quæstio. Circa istam vltimam distinct. quarti sententiarum quæro tria. Primo, Vtrum damnati, vel quicumque alij secundum rectam rationem possint appetere non esse propter fugam miseriarum? Secundo. Vtrum sit æqualis pœna omnium damnatorum? Tertio. Vtrum beati videant pœnas damnatorum.

Ad primam quæstionem sic proceditur. Videtur, quod aliquis secundum rectam rationem possit appetere non esse propter fugam miseriarum, quia carentia mali est delectabilis, sed omne delectabile est appetibile, sed non esse non includit aliquod malum, ergo est delectabile, & per consequens desiderabile, ergo.

Contra Aug. tertio de libero arbitrio probat oppositum sic. Nihil non est appetibile, sed non esse est nihil, ergo nullus potest appetere non esse.

Quantum ad istam quaestionem primo praemittenda est vna distinctio de miseria. Secundo est videndum si aliquis propter fugam miseriae secundum rectam rationem possit appetere non esse. Tertio si de facto damnati appetant non esse.

Quantum ad primum breuiter dico, quod miseria est duplex, scilicet culpae, & poenae. Si ergo aliquis appetat non esse, hoc potest esse dupliciter, vel, quia ad fugiendum miseria culpae, vel miseria poenae.

De secundo articulo est vna opinio, quod quilibet secundum rectam rationem potest, & tenetur plus diligere non esse, quam esse in miseria culpae. Quod probatur primo sic. Quilibet tenetur magis fugere illud, quod est contra rem quae plus diligit quam quod est contra rem, quae minus diligitur. Sed quilibet secundum rectam rationem tenetur plus diligere Deum quam seipsum, ergo secundum rectam rationem tenetur plus diligere Deum, quam seipsum, ergo secundum rectam rationem magis tenetur quilibet fugere, quod est contra Deum, quam quod est contra seipsum, sed culpa est contra Deum, non esse vero est contra seipsum ergo.

Secundo sic. Magis malum est magis fugiendum, sed culpa est magis malum, quam non esse, quia culpa est carentia boni debiti, non esse autem est carentia non debiti ergo.

Tertio sic. Magis est fugiendum malum simpliciter, quam malum huic, sed culpa est malum simpliciter, non esse autem est malum huic, ergo. Probatio minoris, quia illud est simpliciter malum, quod est contra honorem Dei, quod est magis bonum quam omnis creatura vt deducit Anselm. li. Cur Deus homo.

Sed quicquid sit de conclusione istae rationes non concludunt. Prima non, cum enim dicitur in maiori, quod quilibet tenetur magis fugere, &c. concedo si sit eodem modo, & aequale diligibile, mors autem est directe contra vitam, & contra bonum, quod est magis diligibile quod est vita, & sic intelligenda est ista propositio, vt plus diligo isto modo pedem

Lib. I. c. 21.

rationem potest eligere contra inclinationem naturalem consonam voluntati diuinæ, sed ad esse est naturalis appetitus consonus voluntati diuinæ, ergo nullus potest recte eligere ad vitandum aliquid quod sit consonum voluntati diuinæ, sed pœna, & esse in miseria est secundum voluntatem Dei, ergo.

De tertio articulo, scilicet an dæmones, & damnati appetant nō esse. Dico quod sunt obstinati, & peruersi quantum ad malum culpæ, & quantum ad malum pœnæ, & ideo quantumcunque displiceat eis culpa in quantum vermis eorū non moritur non tamen in quantum culpa præcipue dæmonum qui semper Deo inuidient. Iuxta illud Psalm. Superbia eorum qui te oderunt ascendit semper. Et ideo propter istam maximam superbiam non appetunt non esse. Dico tamen, quod secundum rectam rationem ne quis talem actum eligeret debet sibi plus placere a Deo annihilari, sed damnati propter culpam suam non appetunt non esse. Tsal. 7.

Si autem quæratuꝛ an appetunt non esse propter pœnam vitandam, potest dici quod appetunt, quia non esse non est malum sicut ab æterno non fuit malum, sed pœna, & miseria est malum simpliciter nolenda, quia est contra appetitum naturalem. Ex dictis patet ad argumentum in contrarium.

Utrum pœna damnatorum sit æqualis?

Scotus 4. sent. dist. 10. q. 4.

Petrus de Aquila 4. sententiarum distinct. ult. quæst. 2.

QVÆSTIO II.



D secundam quæstionem sic proceditur. Videtur quod sit æqualis pœna omnium damnatorum. Quia vnum infinitum, non est maius alio infinito. Sed pœna cuiuslibet damnati est infinita cum sit perpetua,

ergo.

In oppositum est illud Psal. Reddet vnique secundum opera sua.

Psal. 60.

In ista quaestione sunt duo videnda. Primo si est æqualis pœna omnium damnatorum. Secundo si sit æqualis gloria omnium beatorum.

De primo dico tres conclusiones pro eo, quod damnati principaliter habent tres pœnas, scilicet, pœnam damni, pœnam vermis, & pœnam ignis. Sit ergo prima conclusio ista, quod damnum nō solum est carentia diuinæ visionis, sed etiam est carentia boni apti nati in esse, & non cuiuslibet boni, sed boni cōuenientis, quod deberet inesse ita, quod pœna in corpore damnati redundat ex miseria animæ sicut per oppositum est de beatitudine corporis, & animæ, sic ergo pœna damnati priuat bonum gratiæ ad quod fuit hoc damnatus in ordine aliquando quod inesset aliquo tempore, & hæc pœna est inuoluntaria boni carentia, sed damnati, si non caruissent hoc bono ad quod erant apti nati fuissent inæquales, ergo pro tali carentia boni inæqualis quod debuit inesse erit modus inæqualis pœna in eis, quia inæqualia fuissent bona. Item similiter inæqualitas erit inuoluntaria, quia sicut iste voluit sibi commodum ita huiusmodi boni carentia est magis sibi inuolita, & inuoluntaria, ergo pœna damni erit inæqualis in eis, quia carentia boni inuoluntaria erit inæqualis. Sed propter quod erit in damnatis inæqualitas pœnæ. Dico quod propter inæqualitatem culpæ. Iste enim qui plus & grauius peccauit carebit maiori bono.

Secunda conclusio est, quod pœna vermis est quædam tristitia & continuus remorsus conscientiæ. Ista autem pœna erit inæqualis in damnatis, sicut & tristitia qua nollent illa mala pati, est eis inæqualis. Sic enim habebunt remorsum maiorem & minorem secundum proportionem culpæ sicut de peccato grauiori eis infligitur grauior pœna.

Tertia conclusio quod pœna ignis in damnatis sit inæqualis sicut probat Aug. dicendo, quod licet iste ignis æqualiter ardeat, non tamen æqualiter affligit, vel molestat. Sed hic est dubium quia ignis est causa naturalis,

sed causa naturalis agit secundum vltimum potentia suā, ergo iste ignis semper agit secundum vltimum potentia suā, sed tale agens æqualiter agit, ergo iste ignis æqualiter affligit omnes.

Respondeo, satis difficile est assignare causam huius inæqualitatis nisi ex miraculo, quia nec ex parte actiui nec passiui videtur naturaliter posse assignari causa, posset tamen dici, quod hoc est ex diuersa approximatione actiui ad passiuum, vel quia Deus non cooperatur illi causæ in agendo.

De secundo articulo si omnium bonorum erit æqualis gloria. Dicitur gloria potest respicere animam vel corpus. Si primo modo dico, quod non est æqualis gloria omnium beatorum. Iuxta illud Ioan. In domo patris mei mansiones multæ sunt. Et illud. Reddet vnicuique secundum opera sua. Sed diceres. Vnde est ista inæqualitas. Dico, quod non ex parte obiecti, quia obiectum est simpliciter vnū & infimum, sed ex parte habitus perficientis potentiam sensitiuam & charitatis. Vbi enim illud principium est inæquale ibi fructio est inæquale, sed in animabus beatorum non est æqualis charitas, ergo nec æqualis fructio. Si autem gloria respicit corpus, tunc est distinguendum de dotibus corporis quæ sunt quatuor, scilicet impassibilitas, subtilitas, agilitas, & claritas. In tribus primis est æqualitas, sed in quarta dote non est æqualitas, sicut determinat Apostolus 1. ad Corint. vbi dicit, quod alia est claritas solis, alia claritas lunæ, alia stellarum, stella enim differt à stella in claritate, sic & resurrectio mortuorum. Cap. 5.

Ad argumentum in contrarium concedo, quod pœna cuiuslibet damnati est infinita extensiuæ, & in hoc non est æqualitas, sed in aliis est inæqualitas vt patet.

Vtrum beati videant pœnam
damnatorum?

Scotus quarto sententiarum distinctio. 44. q. 3.

Petrus de Aquila 4. sem. dist. 50. q. 3.

QVÆSTIO III.

AD tertiam quæstionem sic præceditur. Videtur, quòd beati non videant pœnas damnatorum. Quia nihil videtur à creatura in Deo nisi quod habet ideam in Deo. Sed pœna cum sit priuatio, & malum non habet ideam in Deo, ergo.

In contrarium est Magister in litera.

Hic præmitto vnā distinctionem, secundo pono solutionem ad quæstionem.

Distinctio est ista quòd pœnæ damnatorum possunt dupliciter videri. Vno modo in genere proprio, & hæc dicitur cognitio vespertina. Alio modo in verbo. Et hæc dicitur cognitio matutina. Hoc præmissio eico ad quæstionem duas conclusiones.

Prima est ista quòd de lege communi beati existentes in prima non vident pœnas damnatorum in genere proprio. Probatio huius. Nam improporcionata distantia cognoscentis ad cognitum vel videntis ad visum impedit cognitionē illius rei. Sed inter beatos in patria, & damnatos in inferno est improporcionata distantia, ergo, &c.

Secunda conclusio est, quòd beati possunt videre pœnas damnatorum in verbo. Probatur per Gregorium qui dicit. Quid est quod non videant qui videntem omnia vident. Item per rationem sic. Videns propriam rationem cognoscēdi alia potest videre illa, sed essentia diuina cum sit repræsentatiuum illimitatum est propria ratio cognoscēdi alia, ergo beati possunt videre pœnas damnatorum in verbo.

Sed contra. Essentia diuina non est ratio cognoscēdi aliquid quod non habet ideam in Deo. Sed pœna non habet ideam in Deo, ergo.

Respondeo secundum August. qui dicit, quòd quædam est cognitio per speciem, & quædam per priuationem. Cognitio autem quæ fit per speciem similis est illi rei, quam nouit. Cognitio autem quæ est per priuationem non est per similitudinem, sed per con-

9. Detrin. c.
4 in fine.
Duplex co-
gnitio.

trarium, & per similitudinem, quia priuatio cognoscitur per speciem, & habitum. Et hæc est sententia Aristotelis. Dico ergo, quòd pœna priuatue sumpta, non habet ideam in Deo, sed positiue sumpta habet ideam in Deo, Deus autē ab huiusmodi pœnis dignetur nos liberare, & inter electos suos computare cui est honor, & gloria in sæcula sæculorum. Amen.

FINIS.





INDEX COPIOSISSIMVS

NEC AMPLIVS HOC ORDINE

Alphabetico in lucem æditus,

EORVM QVÆ IN QVATVOR Li-
bris Sententiarum digna scitu continentur

Abstractio duplex in
tellektualis, & rea-
lis *pa. 47.* *Abstra-*
ctio duplex precisi-
ua, & diuisiua, prima quando
aliquid intelligitur: ut supe-
rius, non intellectu inferiori
ut animal, non intellectu ho-
mine: diuisiua duplex: vera, ut
homo non est asinus, falsa, ut
homo non est animal. *ibi.*

Abstractio à materia ar-
guit imperfectionem. *323*

Accidens non habet enti-
tatem à subiecto, contra Hê-
ricum, idque duplici ratione
ostenditur.

Accidens potest accipi duo-
bus modis, vel pro absoluto,
vel pro respectivo. *862*

Accidens in esse subiecto
potest accipi dupliciter, vno
modo actus: alio modo aptitu-
dine. *ibi.*

Accidentia non sunt entia,
nisi quæ entis: Verum est ef-
fectus, non autem formali-
ter. *862*

Accidentia supernaturalia
sunt gratia, & gloria. *374.*

Actio in creaturis duobus
modis accipitur, primo modo
pro actione de genere actio-
nis, secundo pro *actu* secun-
do, qui est de genere qualita-
tis. *91.*

Actio est in passio. Verum
est de actione elicita. *553.*

Actio est in agente subie-
ctive, in passio vero terminati-
ue. *ibid.*

Actio duplex elicita, &
predicativa. Actio, qua di-
cit habitudinē precisam agē-
tis ad passum, dicitur actio pra-
dicativa: qua verò dicit for-
mam terminatam ad passum
dicitur esse actio elicita. *552.*

Actus duplex primus &
secundus, primus ratiocinari se-
cundus est discurrere. Primus
est scientia secundus vero est
scire. *19.*

Actus duplex naturalis, &
sacramentalis. *810.*

RERVM ET VERBORVM, QVAE in hoc volumine sparsim reperiuntur, ordine Alphabetico digestorū, locupletissimus Index.

A

Absoluenti potestas &
conficiendi differunt.

906.

Abstractio duplex. 47.
abstractio à materia arguit im-
perfectionem.

323

accidens accipitur duobus modis.
862.

accidens in esse subiecto potest ac-
cipi duobus modis. ibidem
accidens a non sunt entia, quo-
modo. ibidem

accidentia supernaturalia, quae
sunt.

374

actio in creaturis duobus modis
accipitur.

91

actio est in passio quomodo.

553

actio est in agente, quomodo ibid.

actio duplex.

552. & 170.

actus duplex, primus et secundus.

12

actus iterum duplex, naturalis,
& sacramentalis.

810

actus spirandi tribus modis confi-
derari potest.

132

actiones sunt suppositorum, quo-
modo.

73

actus duplex, formalis & enti-
tatiuus.

461

actus humanus duplex.

566

actu ex duobus quae sunt non fit
tertium, non est generaliter ve-
rum.

627

actus purus non est componibilis.

580

actus diuinus potest duobus modis
considerari.

260

actus & potentia uniformiter
accepta non sunt composibili-
lia.

383

actus possunt esse simul in eadem
potentia.

127

in actu aliquid potest esse duobus
modis.

382

actus voluntatis duplex. 476. &
32.

Adam plus peccauit quam Eua,
quare.

508

in Adam constantia plus vige-
bat.

508

Adam fuit malus, quomodo.

511

Adam qua ignorantia peccauit,
ibidem.

additio fit tribus modis.

787

adoratio per se distinguitur.

630

adoratio fit multis modis.

630

adultus consentiens recipit effectio
baptismi.

724

adultus quatuor modis dicitur.

723

eguale non dicit negationem.

219

equalitas in creaturis & perso-
nis diuinis quid requirit.

ibid.

aeternitas non dicit perfectionem
aliquam.

300

de quo contingit loqui duobus
modis.

321

enim quomodo est in aliquo.

300

Vuu

INDEX.

- affinitas quid est. 989
 affinitas simpliciter impedit ma-
 trimonium. ibidem
 affinitas quocumque mortuo con-
 iugium durat. ibid.
 affinitas rei consanguinitas di-
 stinguitur. ibidem
 affinitas non solum contrahitur
 per matrimonium sed etiam
 per coitum fornicarium. ibid.
 agens assimilat sibi effectum, quo
 modo. 550
 agens increatum est primum
 agens & agens creatum se-
 cundum agens. 467
 agens uniuocum perfectus uni-
 uoco est. 321
 agere principaliter dupliciter su-
 mitur. 322
 agentia secundaria non sunt su-
 perflua, quare. 170
 agere presupponit esse. 119
 agilitas quid sit. 1024
 agens & agendi ratio duplex.
73
 inter agens creatum & increa-
 tum triplex differentia. 467
 agere per essentiam quomodo in-
 telligitur. 77
 alietatis gradus multiplices. 349
 amicitia quomodo charitas dici po-
 test. 712
 amicitie signum. ibid.
 amicitia est inter aequale. ibidem
 amphora exemplum. 165
 analogia & uniuocatio possunt
 simul esse. 51
 angelus est species nobilissima,
 quare. 427
 angelus quod corporale possit fa-
 cere. 425
 angelus loquens quid potest cau-
 sare. 437
 angeli omnes mittuntur. 444
 angeli de supernis ad quos mit-
 tuntur. ibidem
 angeli quare mittuntur. 390
 angeli duplici missione mittuntur.
444
 angelus non assumit corpus ele-
 mentare quare. 428
 angelus quod corpus potest assu-
 mere. ibidem
 angelus in corpore assumpto non
 potest exercere actus potentie
 sensitiue, quare. 430
 angelus malus in assumpto corpo-
 re potest esse alicui sicutus &
 incubus. ibidem
 angelus & anima quomodo dif-
 ferunt. 327
 angelus est nobilior anima ratio-
 nali in quibus. 727
 angelus est in loco quomodo. 338
 & 339
 angelus potest moueri aequaliter
 quare. 343
 angelus quomodo potest se moue-
 re de extremo in extremum.
345
 angelum informare materiā eius
 facere non potest. 427
 angelus non potest mouere corpus
 in instanti. 1004
 angelus optime nouit naturas re-
 rum. 428
 angelus est medium inter animā
 & Deum. 378
 angelus potest loqui uni & non
 alteri quomodo. 438

INDEX.

- angelus superius speciali causa
mittitur ad extra. 444
- angelus non habet materiam sibi
coniunctam quare. 426
- angelus bonus potest vere bapti-
zari. 799
- angelus potest docere hominem,
quorū modis. 445
- angelus & anima intelligunt nō
solum vniuersale sed etiam
particulare. 242
- angelus quomodo dependet à cor-
pore. 396
- angelus cognoscit omnia corrup-
tibilis & incorruptibilia, quo-
modo. 398
- angelus cognoscit singularia qua-
re. 399 & 440
- angelus superior illuminat infe-
riorem, quomodo. 440
- angelus & anima quomodo sunt
natura pares. 327
- angelus est nobilior anima, quo-
modo. ibid.
- angelus Dei equalitatem, quo-
modo potuit appetere. 413
- angeli essentia est obiectum na-
turale. 378
- angelus & anima quomodo di-
stinguuntur. 323
- angeli intellectio est accidens.
99
- in angelo quomodo sit compositio,
354
- angelorum lingua quid sit.
435
- anima beata potest acquirere no-
ticiam abstractam & inten-
tiuam sensibilem, sed & om-
nium intelligibilem. 1009
- anima consideratur duobus mo-
dis. 380
- anima habet in se aliquam primā
perfectionem quæ est memoria.
76
- anima est pars speciei humane.
327
- anima est nobilior angelo in qui-
bus. ibidem
- anima separata potest cognoscere
quancumque orationem.
1007
- anima Christi quomodo videt
omnia. 654
- anima non est totus homo sed pars
hominis. 689
- anima ad imaginem Dei creata
non potest in alio obiecto nisi
in Deo quietari. 230
- anima quomodo separata & con-
iuncta intelligit. 346
- anima est incorruptibilis. 497
- animam esse immortalē demon-
stratione naturali ostendi nō
potest. 497
- anima non est sine corpore.
297
- anima & caro concurrunt in v-
nitatem hominis. 618
- anima & angelus, quomodo dif-
ferunt. 327
- animam sine corpore Deus potest
producere. 488
- anima & angelus distinguuntur.
328
- anima intelligit vniuersale &
particulare. 242
- animæ potentiæ sunt idem reali-
ter, formaliter distinguuntur.
230

INDEX.

anima & Angeli essentia est igno-
ra. 367
anima potentias eiusdem esse. 477
anima & Angelus quomodo pa-
res. 327
annihilationis terminus est purū
nihil. 857
annihilare solius Dei est. 324
appetitus potest accipi duobus mo-
dis 414
appetitus triplex. 521
aqua artificialis & naturalis
quomodo differunt. 786
aqua artificiales per qua fiunt.
785
assumere quid. 584
attributa in Deo ponuntur, qua-
re. 110
augmentatio quid sit. 430
authoritas in diuinis quot modis
accipitur. 144

B

Baptismi fundamentum quod
nam sit. 780
baptismi definitio. ibid.
baptismus duo concurrentia do-
na acquirit. 806
baptismus includit in se aliquod
sensibile & spirituale. 799
baptismus requirit triplicem effe-
ctum. 796
baptismi effectum omnes equali-
ter recipiunt. 797
baptismi forma secundum Latinos
& graecos. 782
baptismi variatio potest considera-
ri quatuor modis. 783

baptismi variatio potest fieri sex
modis. ibidem
baptismus Ioannis ad quid fuit
institutus. 728
baptismi caracter respicit ini-
tium fides, alij verò statum. 815
baptismus recipit secundū quid
diffinitum. 793
in baptismo recipiendo factus
quis potest esse dupliciter. 794
baptizare potest angelus. 799
baptizari a Ioanne in alia forma
quam Christus dedit Apostolis,
erant rebaptizandi. 778
baptizatus ascribitur, ut membrū
Ecclesie. ibidem
beatus duplex. 412
beatorum corpora erunt impas-
sibilia, quare. 1021
beato cuique quid pro dote dabi-
tur 1025
beatorum corpora erunt agilia.
ibidem
eatorum corpora erunt clara.
1030

beati non vident poenas damna-
torum. 1035
beati quomodo possunt videre po-
enas damnatorum. 1036
beatitudo est principaliter in ef-
fentia. 531
Boetius corrigitur à Ricardo in
definitione personae. 634
bonitas in actu triplex. 421
bonitas triplex. 567
bonum triplex. 894

C

Canonica poena quid sit. 430
Canonica poene quot sint. ibid.

INDEX.

caracter ad duo potest comparari.

801

caracter idem est quod signum & figura.

804

caracteris proprietates. ibid.

caracter in quibus sacramentis reperitur.

808

caracter est forma indelebilis.

806

caracter est habitus infusus. 810

caracter est respectus extrinsecus adueniens. ibidem

caracter est in voluntate. 811

caracter est in anima. ibidem

caracter disponit ad gratiam. 812

caro mortua quomodo est caro.

485.

caro & anima concurrunt in unitate hominis.

618

casus & fortuna differunt. 557

causa causa est causa causari aut sit verum.

153

causae concurrentes ad eundem effectum sunt multiplices. 38

causam esse uniuersaliorem duobus modis potest intelligi. 319

causa uniuoca est aequalis perfectionis cum effectu.

138

causa & principium non conuertuntur.

209

in causis efficientibus essentialiter ordinatis non datur processus in infinitum.

290

causa duplex.

557

causa equiuoca est nobilior suo effectu.

526

charitas perficit voluntatem. 695

charitas est diuini dispositum.

806

charitas ponenda est propter duo

334

charitatis actus in patria est beatificus.

722

certificatio quomodo fieri potest

332

charitatem creabilem habuit Christus.

118

charitas augetur per aduentum nouae charitatis.

157

charitas minuitur per peccatum veniale.

159

charitas duplex.

534

charitas creata & gratia nunquam ab invicem separantur.

535

Christum descendisse ad inferos est articulus fidei.

118

Christus peccare non potuit, cur

642.

Christus quomodo fuit viator.

643.

Christus includit in se duos intellectus.

669

Christus quomodo fuit exauditus.

673

Christus cur meruit.

675

Christus meruit quinque.

680

Christus includit duos conceptus

692

Christus in triduo non fuit homo formaliter.

691

in Christo sunt duae generationes passiva.

427

in Christo sunt duae naturae.

628

Christum decuit orare propter quatuor.

672

Christi anima quomodo videt omnia.

654

Christus habuit charitatem creabilem.

158

in Christo formae plurificantur.

613

INDEX.

- christus in quantum orabat. erat
minor patre. 673
- christus non frustra orabat. 673
- Cithara & mundi exemplū. 277
- claudi & finiri differunt. 273
- clauis triplex est. 905
- clauis scientia est potestas iudi-
candi. ibidem
- cognatio angeli est obiectum vo-
luntarium. 432
- cognitio secunda subest volun-
tati. 570
- cognitio practica citr dicitur.
22
- cognoscendi omnis ratio se habet
ad obiectum cognitum sicut me-
suram ad mensuram. 320
- cognitio potest duobus modis ac-
cipi. 39
- cognitio duplex. 44
- cognitio triplex. 66
- cognitio iterum duplex. 385
- cognitum primum quid sit. 67
- cognosci aliquid dupliciter potest.
63
- coitus illicitus quis. 959
- coitus meritorius duplex. 958
- communiō quomodo prius no-
ta. 67
- commune duplex. 98
- communio triplex. 911
- compositio quid sit. 344
- compositio & simplicitas oppo-
nuntur. 350
- compositio ex subiecto & acci-
dente non est in Deo. 107
- compositio se habet ad ordinem cu-
distinctione, vniōe & resolu-
tione. 116
- compositionis gradus. 350
- conceptum simplicissimum esse
posse non est inconueniens.
55
- de conceptu primario alterius, est
aliquid duobus modis. 175
- concreum non enumeratur ab
enumeratione suppositi. 628
- concreta non plurificantur nisi
plurificentur tum formam quam
supposita. 613
- confirmationis sacramenti mate-
ria duplex. 818
- confutendum est sacerdoti non al-
teri. 902
- confiteri debet homo peccatum
mortale & eius constantia. 903
- confutendum est saltem semel in
anno. ibidem
- congruentia multiplex. 806
- confessionis notabiles conditio-
nes. 901
- confessio cadit sub precepto pos-
tino diuino. 899
- confusum quid sit. 66
- confuse quid. ibidem
- coniugum quocunque mortuo af-
finitas durat. 989
- consanguinitas simpliciter impe-
dit matrimonium. 989
- conscientia est principaliter in
intellectu practico. 562
- conscientia quid sit. ibidem
- consecratio est vna vnitatem inte-
gritatis. 812
- consecrationis corporis Christi
verba que sint. 823
- consecrationis forma duplex.
824
- consecrationes due sunt paria-
les. 823

INDEX.

consensus ad matrimonium requiritur. 950
continentia virginalis tria dicitur 969
contra voluntatem Dei & prater differunt. 285
contractus matrimonij est in fieri. 934
conueniunt aliqua ratione duplici. 50
corpora beatorum erunt agilia. 1023
corpora beatorum erunt clara. 1020
corporis Christi sacramentum non ieiuno stomacho recipere in quibus casibus sit licitum. 829
corpora beatorum erunt impassibilia quare. 1021
corpus Christi fuisse putrefactum in triduo ex parte causarum si non fuissent prohibita. 686
corpus quomodo agit in spiritum. 329
corpus Christi accipitur duobus modis. 821
corpus Christi esse in celo & in altare. 843
corpus non est totus homo sed pars inferior hominis. 689
correlatum unum non est de cōceptu quidditativo alterius. 176
corruptibile duobus modis dicitur. 690
creare habet duplex esse. 279
creatio quid est. 310
creatio quomodo adequat Dei potentiam. 775
creatura & Deus in quibus con-

ueniunt aut differunt. 56
in creaturis ordo quadruplex inuenitur. 308
creatura in quantum cognita a Deo an ab eterno habeant aliquod esse reale. 244
culpa remittitur cum peccator deo reconciliatur. 799

D

D Amnatorium corpora patiuntur & non dissoluantur. 1005
demones possunt ludificare sensus nostros. 431
defectus nature nostre distinguuntur. 666
definitio duobus modis sumitur. 754
denominari ab aliquo, aliquid potest duobus modis. 179
deus & creatura in quibus conueniunt & differunt. 56
deus assumpsit naturam humanam, cur. 589
dei equalitatem angelus, quomodo potius appetere. 413
dei prater voluntatem nullum hominem euenit. 284
in dei intellectu tria sunt consideranda. 239
deus est a nobis nominabilis. 179
deus est obiectum amabile, quare. 417
dei prater voluntatem & extra differunt. 285
deus non potest precipere malum quomodo. 286
deus operatur exemplariter per ideam non autem effective. 93
deus ut glorificator non est per se unum. 11

INDEX.

- deus ab aeterno producit quamli-
 bet creaturam in esse cognita
 & intellecto, quomodo. 262
 deus cognoscit omnia in sua essen-
 tia quae est realissima. 245
 deus quomodo sit ubique. 248
 deus quomodo contineat res per
 intellectum. 250
 deus est tantum unus. 37
 deus quale sit obiectum. 65
 deus est causa peccati, quomodo.
 555
 in Deo quare attributa ponun-
 tur. 110
 deus est causa rerum principaliter
 per voluntatem. 250
 deo simpliciter nihil esse potest. 55
 deus cognoscit malum, quomodo
 279
 deus intelligit ea quae eveniunt
 prius, cursum naturae & sua
 providentia & dispositione.
 237
 deus quomodo intelligat singula-
 re. 279
 deum esse dominum potest intelli-
 gi duobus modis. 213
 deus est primum subiectum Theo-
 logiae. 9
 deus potest facere motum sine for-
 ma. 343
 deus nullam patitur composuro-
 nem. 107
 deus ordinate agit. 252
 deus ubique est, quomodo. 240
 in deo nulla est relatio realis ad
 creaturam. 110
 deus generat alium deum quomo-
 do intelligitur. 80
 in deo est iustitia. 1012
 deus quomodo potest cognosci. 65
 deus cognoscitur per creaturas.
 66
 deus est primum cognitum, quo-
 modo. ibid.
 deus est actus purus. 96
 in deo duplex novitia. 279
 deus facere non potest angelum
 in formam materiam. 427
 deus est in nobis, quomodo. 106
 deus tribus modis a nobis est no-
 minabilis. 180
 deus potest facere mundos infini-
 tos. 302
 in deo nihil est contrarium. 267
 deus an cognoscat alia a se. 232
 deus ut conferat gratiam requirit
 dispositionem. 886
 dicere duobus modis sumitur. 201
 differentia est duplex. 56
 differentia specifica est praestantior
 numerali. 102
 differentia individualis excludit
 omnem divisionem naturae.
 270
 desiderium naturale non est fru-
 stra. 497
 dignitas duplex. 204
 dilectio & delectatio possunt co-
 siderari duobus modis. 29
 dilectio duplex. 160
 dilectio accipitur duobus modis:
 716
 dilectio dei accipitur duobus mo-
 dis. 721
 diligere duobus modis sumitur.
 723
 diligere Deum super omnia, est
 actus de se rectus. 709
 discursus est duplex. 17

INDEX.

dispositio duplex est. 812
 dissentire potest quis duobus mo-
 dis. 793
 distincta equaliter duobus modis
 consideratur. 371
 distinctum aliud est & distincte
 e6
 ut distinguantur aliqua formali-
 ter quinque requiruntur. 229
 distinctio, unio, compositio & re-
 solutio se habent per ordinem.
 116
 distinctio sumitur duobus modis.
 213
 distinctio est prior unione. 230
 distinguuntur aliqua duobus mo-
 dis. 130
 in divinis duo ordines quomodo.
 308
 dolor quid sit. 659
 dolor & gaudium non sunt con-
 traria, nec contradictoria. 663
 Dns quid sit. 1026
 duratio infinita repugnat limita-
 tioni nature. 304

E

Ecclēsia præsūmī pariem me-
 liorem. 724
 ecclēsie determinatio de quibus
 rebus intelligatur. 231
 effectus fortuiti an reducantur ad
 causam per se. 557
 effectus eiusdem non possunt esse
 cause totales. 38
 efficiens & finis sicut sibi invicē
 cause. 547
 efficiens duplex. 760
 ego stat in supposito & appposito

pro eadem persona. 622
 electio impossibilium quomodo po-
 test esse. 414
 elementa corruptibilia sunt se-
 cundum partes. 460
 Ens rationis est diminutum, so-
 lum habens esse in intellectu.
 138
 ens dicitur de suis passionibus de-
 nominative. 184
 ens & unum significant aliam &
 aliam naturam. ibidem
 entis divisio. 230
 ens non habet simpliciter prin-
 cipium. 12
 ens est equivocum, quomodo. 48
 ens est analogum secundum com-
 mune opinionem. ibid.
 ens est aliquid univocum, quomo-
 do. 50 & 63
 Ente nihil est latius. 47
 esse quomodo sit posterius non esse.
 302
 entitas qua sit ista à qua veritas
 sit individualis. 369
 entitas specifica quid sit. 770
 essentia identificatur essentiali-
 ter tribus personis. 81
 essentia divina est obiectum frui-
 bile, cur. 34
 essentia divina est ingenita, quo-
 modo. 203
 essentia divina est primum funda-
 mentum inter patrem & filium.
 218
 essentia non potest esse ut poten-
 tia. 226
 esse existentia dicitur in compa-
 ratione ad deum, sub ratione
 causa efficientis; esse vero ef-

INDEX.

- sentie sub ratione causa for-
malis. 363
- esse in potentia potest esse duobus
modis. ibidem
- esse magis unum potest intelligi
duobus modis. 415
- esse aliquid potest esse dupliciter.
84
- esse predicamentale duobus mo-
dis sumitur. 245
- essentialia pura que competunt
tribus personis que sint. 143
- essentialia naturalia que non cō-
petunt tribus personis que sint
ibid.
- essentialia naturalia que non cō-
petunt tribus personis que sint
ibidem
- essentia duobus modis sumitur.
232
- essentia diuina non est immedia-
te principium productionum.
121
- essentia & proprietates non sunt
idem. 228
- essentia non est ens rationis. 219
- essentia non est idem formaliter
cum persona. 232
- per essentiam agere duobus modis
intelligitur. 77
- euenire preter voluntatem Dei,
& contra differunt. 285
- eucharistia quid sit. 220
- excommunicatio duplex. 810
- F**
- Factio tota est à trinitate. 620
- factio triplex. ibid.
- fallacia secundum quid ad sim-
pliciter quid sit. 115
- altas in quo consistat. 310
- fata volentem ducunt, nolentem
trahunt. 256
- sine fide gratia non datur. 792
- fidei acquire falsitas potest sub-
esse, non fidei acquire. 696
- fides quomodo corrumpatur. ibid.
- fides & scientia non possunt se
comparari. 14
- fides accipitur duobus modis. 694
- fides per infidelitatem corrumpi-
tur. 697
- fides acquisita contrariatur fidei
infuse. 791
- fides non habet euidenciam ex ob-
iecto. 792
- figura dictionis quando fiat. 45
- filiatio quid sit. 627
- filius solus est imago patris, quare
78 & 127
- filius quomodo sit sapiens sapien-
tia ingemita. 222
- filius est de substantia patris. 89
- filius & spiritus sanctus differunt,
quomodo. 130
- filius est nobilior spiritu sancto,
quomodo. 521
- filius à patre producit, quomo-
do. 167
- filius non potest generare, quare.
171
- filius assumendo naturam huma-
nam, quos defectus assumpsit.
664
- finiri & elandi differunt. 273
- finis duplex. 10 & 31 multiplex.
23 31
- finis non necessario mouet agen-
tem. 512
- finis & efficiens sunt sibi inuicem
causa. 547

INDEX.

felicitas unde consistat. 31
 fructum peccati remitti in baptis-
 mo dupliciter intelligitur.

727

forma simplex quanam dicitur.

156

forma frequenter quidditas vo-
 catur. 307

forma dicit quidditatem rei. 691

forma in Christo plurificatur.

613

forma substantialis distinguitur
 à forma accidentali. 854

forma est determinare, materia
 vero determinari. 781

formale non vocatur à forma,
 sed à modo. 54 & 116

forma duplex. 691

forma ratio est perfectior quam
 hecitatatis. 103

fornicarium per coitum affinitas
 contrahitur. 989

fornicatio quomodo intelligatur.
 287

fortuna differt à casu, in quo.
 557

fortuna reducitur ad genus cause
 mouentis. 555

fortuna est nobis ignota, quomo-
 do. 516

fortuna non habet esse simpliciter
 557

fortuna est sine ratione. ibidem

frui quid sit. 28

fortuini effectus an reducantur ad
 causam per se. 557

fortuna est in his que voluntarie
 agunt. 557

fructio est actus voluntatis, quo-
 modo. ibidem

fructio duobus modis accipitur.

32

de futuris contingentibus an sit
 determinata veritas. 255

G

Generatio in creaturis duo di-
 cit. 118

generatio non ponitur in diuinis.
 ibidem

generatio precedit spirationem.
 135

generandi potentia non cadit sub
 omnipotentia. 171

germanitas personarum in quo
 consistat. 127

gloria & gratia sunt accidentia
 supernaturalia. 374

gloria in excelsis quid sit. 889

gratia & charitas creata nun-
 quam ab inuicem separantur.

535

gratiam homo non annihilat pec-
 cando. 324

gratia & gloria sunt accidentia
 supernaturalia. 374

gratiam ut conferat deus pecca-
 tori requirit dispositionem. 886

gratia duplex. 145

gratia non opponitur formaliter
 peccato originali. 159

gratia que est charitas est virtus.
 534

gratia quid sit. 761

gratia parua duo dicit. 768

gratia non datur sine fide. 792

gratia gratum faciens est contra
 culpam & penam. 816

gratia est donum perfectius. 806

INDEX.

- H**abitus est practicus & non practicus. 20
 habitus est principium actuum naturale. 152
 habitus generatur ex actibus. ibidem
 habitus qui generatur ex malis actibus non est virtus. 742
 habitus triplex. 807
 hoc, quid demonstret in Eucharistia sacramento.
 hominem decuit à Christo per eius passionem redimi. 682
 homo potest cognosci quadrupliciter. 9
 homotri per peccatum amittit. 537
 humanitati Christi debetur letitia, quomodo. 629
- I**
- I**dea gratiè dicitur, latine forma interpretatur. 238
 idea quid sit secundum Alexandrum. 239
 Idea in Deo quid sint secundum Scotum. 240
 Ideæ sunt ponende in Deo. 238
 Idearum intelligentia an sit beatifica. 240
 ieiunium duplex. 828
 ignorantia duplex precedens, & subsequens. 409
 ignorantia triplex. 511
 ignorantia duplex in habitu & actu. 510
 imago in diuinis est respectu totius unitatis & personarum trinitatis. 76
 immortalitatem solas Deus habet. 497
 incarnatio quid sit. 580
 incarnari non est pati. ibidem
 Incarnatio comparatur ad Deum duobus modis. 581
 inclinatio naturalis duplex. 999
 incompassibilitas se habet in duplici modo. 316
 indivisibile duplex. 167
 indeterminatio duplex. 96 & 402
 individua sunt per se intentia ab auctore nature. 243
 infantia tollitur per purgationem canonicam. 932
 Infinitas in Deo quomodo una & plures sint. 162
 infinitas est ratio qua omnia identificantur realiter in Deo. 123
 infinitas duplex. 323
 infinitas repugnat creature. ibid.
 infinitum quomodo ignotum sit. 68
 infinitum non est alteri compositibile. 107
 infinitum est per se subsistens. 124
 infinitum tribus modis dicitur. 271
 infinitum duplex. 274
 infirmitas duplex 773
 ingenium tribus modis dicitur. 203
 ingratior unus est altero. 476
 iniustitia duplex. 881
 instrumentum mouet & mouetur

INDEX.

105		intellectus quemodo dirigit vo-	
instrumentum duplex.	643	lunarem.	251
instrumentum multis modis intel-		intendere quid sit.	559
ligi potest.	875	intemio duo potest dicere.	565
in intellectu Dei tria sunt consi-		interpositio fit duobus modis.	
deranda.	232	784	
intellectus non est nobilior vo-		implicatio fit duobus modis	784
luntate.	524	Ioannis baptizatus ad quid inser-	
intellectualis potentia ad duo rā-		tus.	778
paratur.	5	Ioannis baptizatus erat disposi-	
intellectus obiectum quod natu-		itio ad baptismum Christi ibid.	
rit.	57	à Iohanne baptizati alia forma	
intellectus obiectum est in tropli-		quam Christus dedit Apo-	
ci differentia	61	stolis, erant rebaptizandi. ibid.	
intellectus conversionis ad phan-		tie missa est, quid significet.	872
tasmata causa duplex.	74	indictum duplex.	1017
intellectus potentia ad duo potest		inramentum triplex.	749
comparari.	5	instituta accipitur duobus modis.	
intelligentia est perfectio prima		740	
anime.	76	instituta duplex.	881
intelligendi operatio quenam sit.		ius triplex.	849
93		ius tribus modis sumitur. ibidem	
intelligere & velle sunt actiones		instituta est in Deo.	1012
immanentes.	429	instituta est rectitudo membris. ibid.	
intelligi aliquid dupliciter potest			
63			
intelligibilem speciem ponendi ne-			
cessitas duplex	72		
intellectio Angeli est accidens.			
99			
intellectio est actus immanens.			
321			
intellectus & voluntas in agen-			
do quomodo se habeant.	22		
intellectus paritur ab intelligibi-			
li, quomodo.	138		
intellectus sex modis accipitur.			
491			
intelligentia idearum an sit bea-			
tifica.	240		

L

Latria debetur humanitati	
Christi.	629
in lege veteri tria sunt considerā-	
da.	751
lege nature omnia sunt commu-	
nia.	747
lingua Angelorum quid sit.	435
in loco esse tres conditiones respi-	
ci.	338
locus est posterior beato.	341
loci differentia quae sit.	338
locus quid sit.	337
lumen non est substantia.	456

INDEX.

lumen est in media. 457
 lumen maius non offuscat minus. 443
 luna est frigida & humidior. 503
 lux est accidens. 457
 lux quomodo gignat lumen. ibid.
 lux an fuerit sine subiecto. 459
 lux est corpus lucidum. ibidem

M

Maiestas duplex est. 473
 malum triplex. 280
 malum duobus modis sumitur. 286
 malitia triplex triplici bonitati opponitur. 421
 malus Deus cognoscit quomodo. 279
 malum Deus potest velle, quomodo. 280
 mali poena Deus est author & non mali culpa. 285
 malum precipere Deus formaliter non potest. 286
 maria virgo quomodo adoratur. 631
 maria virgo indiguit redemptore praeferuante. 600
 maria virgo fuit singulariter privilegiata. 798
 materia includit compositionem potentialem. 107
 supra materiam denominari aliquid potest duplici modo intelligitur. 425
 materia non est composita. 110
 materia dicit actum entis & non tamen formalem. 366
 materia respicit formam duplici-

ter. 471
 materia dicitur ignota, quare. 691
 materia proprium est pati. 1004
 matrimonium unde dicatur. 935
 matrimonium verum, quale sit. 944
 matrimonium, omnis impotentia impedit. 972
 materia est determinari, forma vero determinare. 781
 materiae duae sunt, quomodo. 348
 mathematica scientia demonstrat passiones rationis relativas. 311
 in matrimonio quadruplex error. 949
 matrimonij institutio duplex. 939
 matrimonium affinitas impedit. 989
 matrimonij contractus est in fieri. 934
 ad matrimonium requiritur consensus. 950
 medicina triplex est. 773
 medium duplex. 5 & 385
 memoria est prima anima perfecta. 76
 mendacium triplex. 749
 mensurare quid sit. 332
 meritum excedit premium quomodo. 677
 meritum duplex. 776
 meritum Christi fuit finitum & infinitum, quomodo. 674
 merlinus ex quo sciens fuerit propogatus. 431

INDEX.

missum celebrare in loco non consecrato, casus in quibus sit licitum.	877	mundus potest considerari duobus modis.	277
missio angelorum duplex.	444	mutatio non est nisi a quantitate ad quantitatem.	365
missio duplex.	143	mutatio duplex.	842
mini diuini pluribus modis mixta quae dicantur.	144	N	
moris causa quae.	667	Natura est prior potentia.	308
mors est naturae defectus.	164	natura non incipit motum quem non possit perficere.	637
morula quid sint.	412	naturam humanam assumpsit deus, cur.	589
motus nobis mouentur ea quae sunt in nobis.	106	natura unita Deo duobus modis accipitur.	640
motus primi nobilis qualis sit.	330	natura proprietas duobus modis sumitur.	207
motus species.	345	necessitas triplex.	92
motus subiectum duobus modis consideratur.	342	necessitas requisitae perfectionis duplex.	193
motum sine forma Deus facere potest.	343	necessitas naturalis non stat cum libertate.	124
motum sine mobili Deus facere potest.	456	necessarium duplex.	259
mouens principale est simul cum moto.	108	necessitas duplex absoluta ordinata.	684
mouere secundum locum est actio transiens.	429	de nihilo importat duplicem ordinem naturae vel durationis.	295
mulier habet vim actiuam prolis.	603	notitia in deo duplex.	279
mulier aliquando parum masculum aliquando feminam, cur.	501	inter notitiam speculatiuam et practicam non datur medium.	25
mulieres quare decipiamur se esse gravidas.	502	numerus non est in anima, quomodo.	187
multiplicatio prioris non sequitur ad multiplicationem posterioris.	341	Numerus dicit unitatem aggregationis.	188
multiitudo quomodo sit una.	185	O	
mundos infinitos Deus facere potest.	302	Offensio Dei quid sit.	882
mundatio duplex.	766	omnipotentia duplex.	200
mundum deus non potest meliorare.	227	omnipotentia obiectum quodnam sit.	172
		operatio duplex.	336
		orabat christus non frustra.	673

INDEX.

orare, Christum docuit propter
quatuor. 672
ordinatio quid sit. 929
ordo duplex. 277
originis proprietates quæ sit. 119
pro originali peccato pueri nul-
lam habent penam. 545

P

Paradisi locus ubi sit. 480
participare dicitur duobus
modis. 354
passio duplex. 73
in patre sunt duæ proprietates.
229
pater producit filium, quomodo.
93
pater constituitur per essentiam
et per paternitatem, quomo-
do. 195
pater est magis diligendus quam
filius, quomodo. 716
paternitas quomodo communica-
bilis sit. 207
paternitas in filio quomodo sit.
513
pater dicit verbo est propositio fal-
sa. 225
in peccato duo sunt. 409
peccatum est a Deo, quomodo.
409
peccati causa Deus est, quomodo.
955
per peccatum homo tria amittit.
537
peccare est deficere. 286
peccatum est infinitum, quomodo.
787
peccatum in spiritum sanctum, qua-

le sit. 171
peccatum est corruptio homi-
nis in quo est. 550
peccando homo non annihilet gra-
tiam. 314
peccatum non est nisi in transgre-
dendo mandato Dei. 538
peccatum potest accipi duobus mo-
dis. 538
peccatum an sit à bono. 547
peccatum non oportet simpliciter
esse voluntarium habenti ip-
sum, sed etiam à quo contrahi-
tur. 388
peccatum veniale scilicet cum chari-
tate. 914
peccatum mortale à veniali, in
quo distinguitur. 506
peccata actualia parentum non
transeunt in filios. 544
peccatum originale in omnibus
est unum secundum speciem.
545
peccatum originale quantum ad
materiale à parente dependet.
ibidem
peccatori ut Deus conferat gra-
tiam requirit dispositionem de-
congruam. 886
perfectio duplex. 348
perjurium est maius peccatum
quam homicidium. 749
perjurium quid sit. ibid.
persona non est idem cum essen-
tia. 232
persona una quomodo sit in alia.
165
personis in divinis equalitas non
potest esse, quomodo. 219
persona potest seipsam mittere.
343

INDEX.

<u>141</u>	persona dicit substantiam.	<u>182</u>	predicamenta quomodo sint di-	
	persona numeratur & multipli-		uersa.	<u>316</u>
	catur in Deo non autem essen-		premium duplex.	<u>160</u>
	tia.	<u>120</u>	presentia duplex.	<u>73</u>
	persona quid sit.	<u>593</u>	præter voluntatem Dei & con-	
	persona quolibet habet esse sub-		tra differunt.	<u>186</u>
	stantie.	<u>119</u>	principium & causa non conuer-	
	personam unam diuinam quio-		tuntur.	<u>209</u>
	dit, odit & alteram.	<u>572</u>	principia sunt practica sumpta à	
	phantasma an moueat intelle-		fine.	<u>24</u>
	ctum possibilem.	<u>379</u>	principium in diuinis sumitur du-	
	plurificantur aliqua duobus mo-		pliciter.	<u>42</u>
	dis.	<u>182</u>	principium mouendi in angelo	
	pœnitentie quatuor descriptio-		quodnam sit.	<u>429</u>
	nes.	<u>885</u>	principij ratio una est in Deo.	
	pœnitere est actus voluntatis.	<u>228</u>		
	<u>485</u>		privatio multis modis dicitur.	
	pœna canonica quid sit.	<u>430</u>	<u>203</u>	
	pœna canonica sunt sex. ibidem		prius duplex est.	<u>98</u>
	possibile multis modis sumitur.		processio appropriatur spiritui	
	<u>298. 41. 169</u>		sancto.	<u>141</u>
	potentia in eadem actus simul esse		productio filij est necessaria, quo-	
	possunt quomodo.	<u>127</u>	modo.	<u>92</u>
	potentia multiplex.	<u>96</u>	productio spiritus sancti est ne-	
	potentia & actus non sunt simul		cessaria.	<u>124</u>
	impossibilia.	<u>383</u>	productiones quomodo distingun-	
	potentia duplex.	<u>450 & 414</u>	tur.	<u>ibid.</u>
	potentia sunt in duplici differen-		producunt aliqua sibi dissimilia	
	tia.	<u>61</u>	<u>489</u>	
	potestas duplex.	<u>910</u>	productio una est in Deo.	<u>208</u>
	potestas clauium ad que se exten-		productionem extrinsecam po-	
	dat.	<u>908</u>	nunt pagani & negant intrin-	
	praxis quid sit.	<u>19</u>	secam.	<u>309</u>
	praxis omnis est actus elicitus.		propositiones sunt aliquæ per se	
	ibidem		notæ.	<u>36</u>
	prædestinatus an possit damnari		proprietas & essentia non sunt	
	<u>261</u>		idem.	<u>228</u>
	prædestinatio consideratur duobus		proprietas sumitur quinque mo-	
	modis.	<u>262</u>	dis.	<u>119</u>
			pueri nullam habent pœnam pro	

INDEX.

originali peccato. 545
putrefactio quid sit. 685

Q

Quantitas duplex. 160
Quantitas in deo, quæ. 163
quantitas non est forma actiua. 367

R

Radii triplex. 457
receptivum denudatur à forma recepti quomodo. 624
reconciliare quid sit. 767
reduplicatio quid sit. 633
reduplicationum genera sunt quatuor. 633
regula duplex. 886
relatio duobus modis accipitur. 195
relatio creature ad Deum est idem realiter à suo fundamento. 315
relatio quæ facit absolutum, non facit distinctionem in eo. 586
relationes subsistunt ex infinitate essentie. 140
in relativis non est causa. 866
relatio realis in Deo nulla est ad creaturam. 210
relationes sunt in triplici differentia. 196
relationes originis non dicunt perfectionem simpliciter. 204
relationes de secundo modo sunt impossibiles. 383

relativum duplex. 216
remordere de maleficio dolendo est actus voluntatis. 562
representativum cognosci potest, quomodo. 22
respectus duplex. 553 ibi plura reperiens de respectu.

S

Sacerdos solus potest dimittere peccata. 800
sacerdoti confitendum est non alteri. 902
inter sacramenta legis novæ et antiquæ differentia. 760
sacramentum nullum pro statu patriæ congruit. 758
sacramenta quomodo adorantur. 630
sacramentum deus solus potest instituere. 757
sacramentum Eucharistiæ potest quatuor modis recipi. 827
sacramenta adorantur quomodo. 630
sacramenta septem. 772
sacramenta septem, quomodo à Deo instituta. ibidem
sacramenta quomodo habeant efficaciam à passione Christi. 775
sacramenti definitio quomodo sit. 755
sacramentum solus Deus potest instituere. 758
sacramentum confirmationis non potest iterari. 818
sanctorum membra quomodo a-

INDEX.

dorantur.	631	spes est distincta à fide.	704
sapientia unde dicatur.	24	spes est an sit virtus Theologica.	
satisfactio quid sit.	889	703	
satisfactio quatuor modis sumi-		spei definitio.	706
tur.	891	speculi & visive potentie exem-	
saturnus est causa mortis.	503	plum.	34
scientia ad quod scibile referatur.		spirandi actus tribus modis con-	
210		sideratur.	132
scientia duplex.	212	spiratio presupponit generationē.	
scientia Dei adequat totum ens.	127		
252		spiritus sanctus quomodo produ-	
scientia Dei est infallibilis.	260	catur.	122
scientia in Deo duplex.	73	spiritus sanctus nunc non mitti-	
scientia est una.	741	tur visibiliter.	146
scientia accipitur duobus modis.		spiritus sanctus multis modis fuit	
629		missus.	ibidem
scientia & fides non possunt se		spiritus sanctus quomodo dicatur	
compati.	14	charitas.	147
scientie tertium gradum ponit E-		subiectum est causa predicati.	
gidius.	24	633	
scientia non refertur ad scibile		suspensio multiplex.	931
in actu.	210	synderesis quid sit in creatura ra-	
scientia quatuor conditiones.		tionali.	563
16		substantia non dicit negationem	
seminalis ratio quid sit.	487	123	
de semine modus dicendi triplex.		substantia suscipit magis & mi-	
489		nus quomodo.	155
simplicitas & compositio opponun-		substantia est prior quantitate.	
tur.	350	366	
singulare quomodo Deus intelli-		in substantia est unica abstra-	
gat.	237	ctio.	83
singularia quomodo cognoscit an-		substantia nulla per se est intelli-	
gelus.	440	gibilis à nobis.	386
singulare est per se intelligibile.		in substantia ordo duplex.	867
372			
sol producit vanam.	488		
species intelligibilis ponenda est			
necessitate duplici.	72		
species specialissima est primum			
cognitum.	67		

T

Tempus materialiter est de ge-
nere quantitatis continua.

330

Xxx ij.

INDEX.

theologia est scientia subalterna- ta.	14	visua potentia & speculi exem- plum.	34
theologiae subiectum est Deus.	9	virginalis continentia premium quodnam sit.	967
theologia sumitur multis modis.	7	virginalis continentia tria dicit.	965
theologia in se & in nobis quid sit.	8	virtus una potest generari sine altera.	741
theologia quid sit.	8	virtutis finis duplex.	740
theologia quomodo sit scientia.	16	virginitas dicit aliquid absolutio.	766
theologia potest considerari qua- tuor modis.	26	virtus quid sit.	739
terminandi ratio quid sit.	609	virtus triplex.	961
transmutatio fit tripliciter.	783	virtutes morales sunt quatuor.	727
trinitatis opera ad extra sunt in- diuisa.	582	virtutes morales sumuntur du- pliciter.	739
tristitia quid sit.	661	virtutes omnes reducuntur ad duo genera.	885
tristitia de quibus sit.	545	vita duplex.	725
V		vitia capitalia sunt septem.	733
V Bique Deum essendi quam sit ratio.	247	vitia quomodo non representan- tur in essentia diuina.	237
vbiq; esse proprium Dei est.	840	vnitas numeri ex quo sit.	188
vegetatiua potentie tres opera- tiones attribuuntur.	430	vnitas triplex.	189
velle duplex.	416	vnitas specifica vnde sumatur.	265
velle & intelligere sunt actiones immanentes.	429	vnitas posterioris dependet ab v- nitatem prioris.	390
verborum corruptio fit duobus modis.	723	vnus sunt omnia in diuinis vni- tate essentia.	189
verbum quid sit.	ibid.	vnitas individualis à qua sit enti- tate.	369
verbum duplex.	193	vniversale duo includit.	363
veritas & falsitas sunt in intel- lectu quomodo.	102	vninocatio emis <u>quam sit.</u>	50
veritas intellectus dependet ab obiecto tantum.	288	vninocatio & analogia possunt simul esse.	51
veritates complexae de Deo, qua- nam sint.	5	vninocantur aliqua quomodo.	55
videre duplex est.	850	voluntatis duplex actus.	416
visio est forma absoluta.	851		

INDEX.

- 32
voluntatis capacitas est infinita,
quomodo. 34
voluntas errat, quomodo. 25
voluntas beneplaciti in Deo est
immutabilis. 882
voluntas diuina est nobis inco-
gnita. 375
voluntas dei est inobliquabilis.
288
voluntas habetur, quomodo. 519
voluntas non necessario vult.
517
voluntas est nobilissima potentia
520
voluntas non potest velle sine sub
iecto. 527
voluntas sumitur duobus modis.
662
voluntas Christi creata potest
accipi duobus modis. 673
voluntas non est perfectissime al
ligata ultimo fini dum vige
- in corpore. 674
voluntas diuina non vult mala.
114
voluntas est principium amoris
113
voluntas duobus modis considera
tur. ibidem
voluntas diuina est primum con
tingens ad ea que sunt ad ex
tra. 258
voluntas nihil vult necessario.
259
voluntas Dei in particulari nes
citur. 265
voluntas diuina non est obliqua.
281
voluntas dei accipitur duobus mo
dis. ibid.
voluntas antecedens est que res
piciat naturam absolute. 882
votum unde procedat. 680
votum solenne quid sit. ibid.



